





71 3041
C. 3

S. E

O. 2

N. 4

7.52. G.17

PRÆLECTIONES
THEOLOGICÆ,

HABITÆ

In Collegio *Greshamensi* apud *Londinenses*

A

RICHARDO HOLDSWORTH, S. T. D.
& in eodem Collegio nuper Professore,

Collegii *Emanuelis* in Acad. *Cantabr.* Magistro,
Decano *Wigorniensis*,

CAROLO Primo, *Britanniarum* Regi,
Τῷ Μακαρίτῃ, à Sacris.

EDITÆ,

(Unà cum ORATIONE solenni, quam habuit idem in Vesperis
Comitorum Academiae Procancellarius, An. 1641.)

Curâ & Studio

RICH. PEARSON, S. T. D.

Præmissâ Authoris vitâ.

Etiam Mortuus loquitur.

LONDINI,

Typis Jacobi Flesher: prostant apud Gul. Wells & Rob. Scott, ad
Insignia Principis in vico ~~Little~~ Britain dicto,

MDCLXI.



13

—

.....

•

Potentissimo ac Pientissimo Monarchæ,
CAROLO Secundo, Magnæ Britannicæ, Franciæ
& Hiberniæ Regi, Fidei Defensori, &c.

Habet in quibus gloriatur *Britannia* Tua,
Rex Augustissime, Christiani nominis
Reges non solum nutritios Patres,
juxta propheticum oraculum, sed Duces &
Antesignanos in Ecclesia Dei.

Regum Christianorum primus *Luius* ille
memoratur, quem suum agnoscit & de præ-
dicat *Britannia*.

Imperatorum primus quos unda genitæ
intinxit, *Constantinus* Magnus; hunc suum pari-
ter alumnum vendicat & jactat *Britannia*.

Primum Reformatæ professionis, & qui cæ-
teris viam præmonstravit, Regem suum *Ed-
vardum* Sextum, alterum *Josiam*, celebrat & de-
cantat *Britannia*.

Et ne quid deesset summæ Regum *Britannico-
rum* gloriæ, CAROLUM Primum, primum Regii
nominis, imo post homines natos unicum, tum
Civilis tum Ecclesiasticæ libertatis invictum
Martyrem, adhuc ingemit, quin & suspicit &
veneratur *Britannia* sua.

Hujus Beatissimi Martyris hæredem & suc-
cessorem constituit Te Deus Opt. Max. hære-
dem paterni nominis, paterni imperii, & quod
majus est, paternæ virtutis pietatisque ac inte-
meratæ Religionis.

Quod tuissimi hujus Imperii habenas non nisi post multorum annorum intercapedinem moderaturus esses, id optimo consilio factum, utpote divino, credendum est. Postulabant hoc imprimis nostra omnium peccata, quæ à nobis divinæ benignitatis fluentia propulere. Postulabat hoc Parricidium illud immane & horrendum, ne summa totius Rei simul ac Spei tam malæ fidei temere concrederetur.

Quin & hoc ipsum solitus divinæ providentiæ cursus & ordo postulabat, ut quem in vas summi honoris elegisset, ipse prius igne ac malleo multigenæ tribulationis fingeret & formaret.

Prodiisti tandem (quod de S. *Job B. Augustinus*) velut statua recens rutilans è fornace Dei. Rediisti ab exteris invictus fidei athleta, ut apud Tuos non titulo tenus, sed reipsa, clueas *Defensor Fidei*.

Tali ac tanto defensore & vindice opus habuit Reip. *Britannicæ* tum Civilis tum Ecclesiasticæ status. Quod de *Brasiliensibus* fertur, Novi orbis indigenis, tria ex Alphabeto elementa, F.L.R. nullo apud eos in usu esse, atque id divinitus, quod Fide, Lege, Rege careant: tale quid evenisse nobis superiori illo duodecennio fatendum est, à quibus unà cum Rege Fides Legesque exulabant; divina omnia simulac humana misere confundebantur, Fides antiqua & Apostolica protrita & conculcata,
Religio

Religio omne genus hæresibus turpiter deformata, Orthodoxis ora obturata, Fanaticis data quidvis effutiendi & in quosvis impune grâsfandi licentia, Tempia divino cultui dicata tantum non solo exæquata, certe barbara & petulanti impietate in stabula equorum conversa.

Alterum oportebat exoriri *Herculem* qui stabula ista plusquam *Augeia* repurgaret; alterum *Josiam*, qui Legem Dei è ruderibus extractam promulgaret; *Constantinum* alterum, qui Pacem & Unitatem diesque Halcyonios Ecclesiæ Christianæ restitueret. Atqui multos habemus *Constantinos* in uno Constantissimo CAROLO quem Deus tanquam è cœlo demissum, atque ingenti miraculorum cumulo circumfusum, populo suo potentissime clementissimeque donavit.

Nihil non summum speramus, imò spondemus nobis, à Principe tanti & tam Divini moliminis, cui tanquam ex traduce datum est, & jure quasi hæreditario, Remp. Ecclesiasticam non solum in cura, velut ex officio, sed nativo quodam genio in deliciis habere.

Præluxit tibi splendidissimum exemplar *Jacobus* Avus, qui Sceptro dubium an Calamo felicior; utrinque Ecclesiæ hostes, tum forenses tum domesticos, non tam autoritate repressit, quam doctrina & argumentis refutavit.

Præluxit sanctissimæ memoriæ *Carolus* Pa-

ter, non solum Fidelis Dispensator in regno suo, sed & Scriba doctus in regnum Dei, qui suam ipsius salutem semper habuit cum Ecclesiæ incolumitate conjunctissimam.

Horum vestigiis feliciter instes, gloriā quantumvis maximam exsuperes. Fac quod facis, Fidem intemeratam stabilias, Disciplinam plurquam intermortuam restituas, studia & dissidia partium componas, Deoque, cujus vices geris, Te simillimum exhibeas, qui omnia in suis fortiter & suaviter operatur. Idemq; Deus Solium Tuum confirmet, *vitam prolixam, imperium securum, domum tutam, exercitus fortes, Senatum fidelem, populum probum, orbem quietum, &* vitæ hujus spatio feliciter decurso, vitam perennem & coronam immarcescibilem largiatur.

Vestræ interim Serenissimæ Majestati, Fidei cum sis acerrimus Defensor, rerumque in Ecclesiis quæ Vestræ sunt ditionis summus post Christum moderator, Hæc de rebus Fidei Disputationes, à spectatissimo Theologo, Patrique Vestro Serenissimo summo in pretio atque in deliciis, *Richardo Holdswortho*, olim elucubratas, jamque in lucem missas, tuendas & fovendas suppliciter dicat præfati Authoris ex matre nepos, &

*Majestatis Vestræ
subditus humillimus,*

Ric. Pearson

Ad Lectorem.

Prelectiones insequentes, à Doctissimo Theologo R. H. in Collegio Greshamensi apud Londinenses cæptæ circa annum Salutis 1630. & per octennium, plus minus, continuatæ, quanto doctorum omnium, Londinensium præcipue Theologorum, concursu plausuque imbibitæ, quàm cupide fuerint maximorum virorum suffragiis ad prælium postulatæ, non opus est recensere. Verùm quòd tandiu nequicquam speratæ atque expectatæ delituerint, hujus utique ratio aliqua reddenda est. Prima, eoque præcipua, fuit summa Authoris modestia, qui cum cæteris omnibus longè maximus, sibi uni minimus videbatur, tantùmque abfuit ab aucupando publicæ lucis gloriam, ut vel multoties oblatam pertinaciter abnueret. Nunquam quicquam ab eo extorquere potuit vel librarium avida, vel amicorum ambitiosa importunitas.

Unicam Concionem edidit, eamque non nisi tertio Regis optimi monitu, ipse alioquin religiosissimus authoritatis Regiæ observator. Ceteræ quæ prostant Anglicè venales, à prædone illo Stenographico tam lacere & elumbes, tam misèrè deformatæ sunt, ut parùm aut nihil agnoscas genii & spiritûs Holdsworthiani.

Postquam ipse cursum suum consummaverat, non perinde Authoris (sanctissimæ licet) modestiæ, quàm publico Ecclesiæ emolumento consultum oportuit; præsertim cùm illud ab ipso jam moribundo impetraverat B. memoriæ Radulphus Episc. Exoniensis, ut nè Greshamenses hæ Prelectiones unâ cum reliqua sua chartacea suppellectile, quam universam flammis devoverat, fatatam immaturo abriperentur. Atqui infausta illa tempora; quæ est altera ratio, adeò sanam doctrinam non ferebant, ut verendum erat, nè quem priùs ad mortem usq; carceribus maceraverant, in Operibus ejus novo itidem martyrio opprimerent, & in ipso prælo reviviscentem strangularent.

Tandem aliquando pace Ecclesiis Britannicis divino beneficio restitutâ, veritas in angulos detrusa audebit jam caput exserere, & in lucem prodire. Habe itaque tibi, Lector, thesaurum hunc Theologicum, lucubrationes hæc è pulvere erutas, & ex ipso Autographo fideliter descriptas, ejus operâ & studio qui sibi Holdsworthum Cognatione avunculum, Affectû patrem, Beneficiis patronum, in studiis Academicis Tutorem, in Ecclesiasticis Cynosuram habuit, cujusque piissimam memoriam adhuc venerabundus suspicit,

R. C. PEARSON S. T. D.

. A U T H O R I S V I T A .

Erudite Lector,

Vitam brevi percurtimus quam conscribere solus ipse potuit qui egit. En tibi Prophetam Prophetæ filium, *Richardi Richardum*, Theologum Theologi sobolem & incrementum. Hic Patrem eum agnovit qui, quorundam fortean adhuc memoriâ, *Novocastro*, prout dicimus, ad *Tynam* pulpitis adeò inclaruit; fratrum natu minimus, quem moriens optimus ille parentum *Gulielmò Pearsono* genero suo, *Ecclesiastæ* etiam apud *Novocastrenses*, septennem concedidit. Hujus curâ & tutamine ibidem in Schola crevit; unde non ità multòs secum annos *Cantabrigiam* attulit. Collegium *D. Joannis* valde juvenis salutavit; cui postea, illustre ejus ornamentum & insigne desiderium, ætate jam & studiis provectior valedixit. Interea Honoratissimo viro *D. Henrico Hobart* Equiti aurato, primario communium placitorum Justiciario, à Sacris astitit; honorificè quidem à viro Nobili tractatus, etsi miserum sit doctos vel ad splendidissimam mensam deservire. Postea nescio quis Patronus ad *Ecclesiam* occiduâ *Eboracensis* agri plagâ sitam eum promoverit; quam, quia rusticari noluit, cum *Londinensi* quadam commutavit. Ea fuit *D. Petri*, *Pauperis* uti vocant, in Vico dicto *Broad-street*, Sanctissimi *Athletæ* arena & tumultus, palæstra & *Koimnietor*. Hic non inani clamore aures hominum opplevit, Cœlesti veritate animos perfudit. Hic non ingemuere tecta, sed Auditores; quorum frequentiam sudabant columnæ, parietes, fenestræ, dum flerent ipsi. Hic non furens vaticinabatur; zelo exarsit & eloquentiam. Hic impios terrebat, dulce piis Solamen, bonorum semper delicia, diu etiam Hypocritis suavissima Cantilena. Huc accesserat paulò antè quam maxima illa aëris tabes Anno 1625. *Londinum* afflasset; quæ nec ipsa fidissimum Pastorem ab ovili & grege suo fugare valuit, licet aliud postea ovium venenum & sequior urbis pestilentia demum abegerint. Non autem ad unum & simplex ferendum onus natus & factus ille, qui Sacris Concionum sudoribus profundioris

etiam Theologiæ & Cathedræ pulverem simul commiscuit. *Ædicolam* istam *D. Petri* proximè à tergo respicit Collegium *Greshamianum*, divinæ Eruditionis, nec non Eruditorum quotquot urbi inerrabant, ipso differente scenâ toties & theatrum. Hæc altera ejus provincia, Prælectionum sequentium, quæ se & ipsum satis celebrant, conscia. Sic brevi intervallo & orbe ibat, redibat labor; sic gloriam & laureolam hinc indè sibi comparavit. Dum *Spartam* utramque ornaret, Collegii *D. Joannis* alumnus olim & socius, ad ejusdem Magisterium plurimis & potioribus Sociorum suffragiis delectus est; nonnullorum verò perversitate, aliorum præpotentiâ, de jure suo cedere coactus: quod tam non iniquè tulit, ut honorem & præfecturam quasi evitâsse existimâris. Non ità diu post Collegii *Immanuelis* floruit Præfectus, Societatis illius Moderator humanus æquè ac invictus. Hinc, ortâ passim plebis seditione, bellôque civili in *Anglia* ingravescente, *Academix* jam secundùm, dein (côntinuo triennio) tertium Pro-cancellarius, hortatu amicorum prudens se subduxit; cùm sanè per *Cromwellii* furorem, qui tum primùm gliscere cœpit, ibi in tuto esse, ei præsertim, non licuerit. *Cantabrigiæ* clarissima fidei suæ in Regem dederat specimina; quæ, nè quid asperius dicam, crabronem hunc, totumque illud sævum genus irritârunt. Cavendum ei erat ab infensis animalculis; rus primò, exin *Londinum* clam secessit. Hic aliquamdiu celabatur; at fortè fortunâ iter faciens, in eos tandem incidit quos vitaverat. Nimirum virtutes in lucem extrahere Deûs voluit quæ delitescere cupiebant. Agnitus à Præfecto cohortis quæ per agros & viarum compita grassabatur, *Londinum* reducitur, in Conciliabulis senatorum statuitur, Ergastulis traditur. Episcoporum & Optimatum ædes in Captivorum claustra *Bellum Prophanum* converterat, ut denique ipsa Tempia in equorum & militum stabula. Rapiunt ad ædes *Elienses*; post autem, quò libertatem unâ & rem imminuant magis, conjiciunt in *Cæsaris* Turrem, quam tamen ipse *Davidis* appellare maluit. Non ibi vili videntur angustix, nec unde quis se captum redimere queat minimo. Injurias multasque illius Carceris per quadriennium ferè sustinuit; pretio haud nisi ingenti numerato, interpositisque amicorum vadiumis, ad extremum liberatus; & eâ quidem lege & conditione, nè pedem ultra vigesimum ab Urbe lapidem quovis proferret. Hæc talia passus est Paræciâ suâ urbanâ ab iis exutus, mox Academicâ dignitate exuendus. E Collegio cui merito suo maximo præfuit penitus excutitur, Ministro quodam *Bostoniensi* in ejus locum

locum suffecto. Erat & alius honos quo lubens eum etiam absentem, & cum in hostium manibus & carcere versaretur, summo omnium consensu Academia maectaverat, Theologiae *Margaretana* Professio, quæ ad usque supremum ei diem intacta cuius permansit & illibata; at non muneris item stipendiâ & Emolumenta. Beneficium Ecclesiæ luculentum, quo perillustis illum affecerat *Rutlandiæ* Comes, nefas erat consequi, aut adire. Nobilissimam ejus Bibliothecam boni viri non diripere, prædæ & ingenii velut obliti. Restabant ipsi tantummodo libri & libertas, strictior illa, quam diximus, evagandi licentia; at neque hanc diu indulgere. Postquam deformis Senatorum turba Regem conditionibus non ultra tentandum esse sive adeundum decrevisset, non potuit quin Perduellium insaniam pro concione palam exagitaret. Sacrosancta illi Regis causâ & Majestas; nec quisquam Rebelles impatientius ferebat. Rursum Sicariorum comitijs sistitur, jussu homuncionum *Salve custodie*, si diis placet (itâ illi loquebantur) denuo commissus: ut pulchrius eis procederet nequitia, à suggesto procul eum seponere multum referebat. Si videre illum & audire integrum fuisset, non tam facile patrascent Scelera, neque repente evasissent turpissimi. Clamabant aliquando pedarii Senatûs oratores, ineptulæ Reformationis ministelli, frustra se laborasse, nihil se agere, si rostra ipsi paterent. Ille, inquit, totum istud quod nos struximus in universum diruet. Dum patenti cælo frueretur, Sacra, quoad licuit, subindè obibat munia, nec Pulpita conscendere verebatur; illud fortè secum animo reputans,

—Tum denique saxa

Non exauditi rubuerunt sanguine vatis:

seu magis Apostoli ipsius suas sibi minas, *Va mihi si non evangelizavero.*

Hanc unam potius extimuit sententiam quam Pauli Catenam vel Petri etiam Vincula. Cogitabat ille rationem officii, salutem Animarum: Corporis infortunia & Alastoras ministrum curavit. *Vitam, quam perdidit, invenit*; speratam libertatem citius assequitur. In publicum prodit, iterum in propatulo videtur; haud planè sui juris sine libero Principe. Rex domicilio *Holdenbiano* inclusus inter Sacellanos illum sibi dari postularat; renuunt Senatores. *Hamptoniæ* Palatio Regi tamen adfuit, ubi Principum Serenissimus *Wigorniensis* Decanatu eum exornavit. Ibi modeste quærenti à Rege; an cum istiusmodi homullis (*Cromwellio* & cæteris) se tutum esse crederet; Imò, inquit Rex,

Rex, modò Animas habeant. *Cromwellius*, dirus ille fallendi artifex, pectore manu percusso oculisque in cœlum sublatis, sanctissimè Regi fidem animamque obstrinxerat, cum se velle Regno reddere, capitiq; Coronam rursus imponere, damnatæ perfidiæ & memoriæ immortale monstrum. Ipsius technâ & consilio *Hamptoniæ Vēstim* insulam Rex abducitur; vix aliàs futurus incolumis, ni venti & mare ei militarent. Hîc locorum initur quædam Diæta, Pacis iniquissimæ articulis absurda & infamis. Oportet universo Belli cruore Rex caput oneret; Episcoporum fundos divenditos esse ratum habeat; Catechismos duos (ridere quicquid uspiam estis cachinnorum) majusculum & minusculum, lege sanciat. Agitur hîc de Episcopatu, quem contra affectas Senatûs Presbyteros miro acumine Rex ipse unus asseruit. Diviniores viros suos huc ad se convocavit vel ei negandos, ut nostrum hunc *Wigornia* Decanum, vel Parricidarum vi illico amandandos. Meditantur fures atrox illud facinus, funestum illud Regicidium, quod boni omnes adhuc lugent, serique nepotes nunquam eluxerint. Horribile factum divinissimo huic seni mentem ita concussit, ut deinceps nec animo nec corpore vigeret. Deus bone! quantum Regio fato indoluit! quot jejuniis, vigiliis, lacrymis funus prosequabatur! Ab assiduo & tristi mœrore animæ exsurgens atra bilis corpus latè occupavit. Indè enascens humor discuti aut miscere nescius, fauces & maxillam obsedit. Acutissimos indè & incredibiles strumæ sensit dolores, de quibus autem dicere habuit, *Leviorem; leviozem esse quæ exerceret Numinis manum; suavius poculum antidbac se non degustasse.* Aded furentem tumoris intemperiem remediis & solatiis suis Medicus Optimus Maximus lenivit. Abscessum lenta febris comitata est, quæ simul ægram, at candidissimam, animam liberârunt. *Januarius* Rege Martyre cœlum beârat; insequens *Augustus* Regio Confessore donavit. Decessit vir sanctus pristinum Ecclesiæ & rerum statum suspirans, lugens *CAROLUM* Primum, Secundum, avidè expectans. Hunc redacem tanquam diâ quadam luce perfusus longiùs prospexit. Cùm aliqui de morbo & morte hunc in modum solarentur, *Beatum verò illum, à futuris malis scilicet migrare: Non, non, vehementiùs respondit ille, Prævideo, ait, prævideo, à venturis bonis.* Fervidus à Deo exoptavit illa quæ jam nobis obvenêre. Abiit omnibus bene cupiens, desiderio pariter sui apud omnes relicto. Erat corpore eleganti, staturâ commodâ, aspectu decoro, moribus verendis, ingenio facundo, irâ brevi, zelo perpetuo, vitâ integrâ & incorruptâ, Virgo Theologus. Supralaplariorum dogmata

Authoris Vita.

mata exhorruit; Presbyterisimum immane illud Ecclesiæ Schisma definivit; Episcopatum *Bristoliensem* ob minores reditus (nōrat Episcopum hospitem debere esse) oblatum respuebat. Moriens Testamenti curatores generosos cives *Londinenses*, D. *Robertū Abdy*, D. *Thomam Rich*, (nunc Equites) cum Reverendo Episcopo *Exoniensi* instituit. Clarissimus iste *Brounriggus* (nōsti jam duo Ecclesiæ *Anglicanæ* lumina, Amicorum par incomparabile) mortuo suo parentavit. Adis sis Vico lato ad D. *Petri*, & vide quale monumentum amico exararit: nobile certè & æternum, quod hem tibi, lector erudite.

Natus An. MDCXC. è vivis excessit ætatis suæ An. undeseagesimo, *Augusti* XXII. An. MDCXLIX.

P.M.S.

200

201

202

203

204

205

206

207

208

209

210

211

212

213

214

215

216

217

218

219

220

221

222

223

224

225

226

227

228

229

P. M. S.
 RICHARDUS HOLDSWORTH,
 S. THEOLOGIAE DOCTOR,
 VERBI DIVINI PRÆCO OMNIUM ATTESTATIONE EXIMIUS,
 S. SCRIPTURÆ IN COLLEGIO GRESHAMIENSI
 PER MULTOS ANNOS INTERPRES CELEBERRIMUS,
 COLLEGII EMANUELIS IN ACADEMIA CANTABRIGIENSI
 PRÆFECTUS INTEGERRIMUS,
 EJUSDEM ACADEMIÆ PER TRES ANNOS CONTINUOS
 PROCANCELLARIUS EXOPTATISSIMUS,
 AD CATHEDRAM THEOLOGICAM
 PER D.N. MARGARETAM RICHMONDIÆ COMITISSAM INSTITUTAM,
 ET PER MORTEM SUMMI THEOLOGI DOCTORIS WARDI
 NUPER DESTITUTAM,
 UNANIMI THEOLOGORUM SUFFRAGIO EVOCATUS,
 ARCHIDIACONUS HUNTINGTONIENSIS,
 ET ECCLESIAE WIGORNIENSIS DECANUS MERITISSIMUS,
 SANCTÆ DOCTRINÆ IN ECCLESIA ANGLICANA STABILITÆ
 CORDATUS ASSERTOR,
 DIVITIARUM PIUS CONTEMPTOR,
 ELEEMOSYNARUM QUOTIDIANUS LARGITOR,
 TOTO VITÆ INSTITUTO SANCTUS ET SEVERUS,
 EX MORBO TANDEM,
 QUEM ASSIDUIS STUDENDI
 ET CONCIONANDI LABORIBUS CONTRAXIT,
 ÆGER DECUBUIT, ET IN HAC ECCLESIA,
 QUAM PER XXVII ANNOS RELIGIOSISSIME ADMINISTRAVIT,
 MORTALITATIS EXUVIAS
 IN SPE BEATÆ RESURRECTIONIS
 PIE DEPOSUIT,

MENSIS SEXTILIS DIE XXII.

ANNO { DOMINI MDC XLIX.
 { ÆTATIS SUÆ LVIII.

*Mementote præpositorum vestrorum qui vobis locuti sunt verbum
 Dei, quorum imitamini fidem, contemplantes quis fuerit exitus
 conversationis ipsorum, Heb. XIII. 7.*

PRECATIUNCULA.

Omnipotens & aeternus Deus, qui solus es Pater luminum & Fons Sapientia, adeste digneris servis tuis congregatis in nomine tuo, & in hoc Sacro Theologia negotio occupatis.

Adesto istis lumine & fervore Spiritus tui; aperi aures, ut eloquia tua audiant ad fructum; illustres animos, ut intelligant ad profectum; pietatis studio accendas, ut sapiant ad sobrietatem; in veritatis penetralia introducas, ut credant ad salutem.

Adesto Mihi gratia & potentia Spiritus tui, ut loquar ad commodum & utilitatem ipsorum. Da mihi, Domine, iudicium sanum & rectum, quod errare nequeat; scientiam humilem, qua adificet; da sanctam & mitissimam eloquentiam, qua nesciat inflari. Verba mea facias tanquam acutissima jacula & ardentes sagittas, qua penetrent audientium animos, & in tui & timorem & amorem exacuant. Da quicquid huic Muneri necessarium fore duxeris, ut & bonos possim ad meliora erigere, & devios ad rectitudinis tuae lineam revocare.

Adesto denique Nobis omnibus eodem influxu Spiritus tui, & id omne nos doceas quod ad Nominis tui gloriam, ad Ecclesia utilitatem, ad animarum nostrorum salutem, & ad veritatis victoriam conducere possit, per & propter Dominum nostrum Iesum Christum, qui vivit & regnat, cum Deo Patre & Spiritu Sancto, in secula seculorum. Amen.

Altera, post defunctum Munus.

Gratias tibi agimus, benignissime Deus, quod tenuitatis nostrae vires ad arduum hoc Munus agendum Spiritus tui ductu praestiteris; & rogamus supplices, ut in cursu incepto, Spiritu eodem adjuvante, feliciter progredi possimus, & indies scientia & pietatis incrementa maiora facere, usque ad staturam viri perfecti, & scribe eruditi ad regnum Dei.

Protegat idem clementissimus Pater sub umbra alarum suarum sanctam Ecclesiam Catholicam, hanc praecipue Britannicam & Hibernicam; Augustissimum Regem nostrum sanctissimumque Carolum, Serenissimam Reginam Mariam, Illustrissimum Comitem Palatinum, una cum lectissima ipsius Coniuge Elisabetha, omnique prole regia. Exoriatur idem Sol iustitiae super omnes regni Status & Ordines, Consiliarios, Procures, Clerum, utramque Academiam, Civitatem hanc insuper, & totum denique Populum, ut possit esse gens sancta, & genus electum, & populus acquisitionis Domino, studiosus bonorum operum. Idem postremo nos omnes caelestis sui Spiritus rore irrigare dignetur, ut veritatis Mysteria pater à nobis cognoscantur, cognita recipiantur, recepta radices agant, & ramos extendant, & fructus uberes proferant, & ad beatitudinem denique aeternam perducant; idque gratia & benignitate Domini nostri Iesu Christi, cui cum Patre & Spiritu sancto sit omnis laus, honor & gloria, nunc & in secula seculorum. Amen.

LECTIO

LECTIO I.

MAT. 13. 52.

Ideo omnis Scriba doctus in regnum cælorum, similis est homini patri-familiâs, qui profert de thesauro suo & nova & vetera.



Ipsi sunt ista verba Salutis, è fontibus ducta Salva-toris; postrema illorum quæ ad turbas habuit è na-avicula super lacum fluctuante Genesaret. Expressit in illa concione nativitatæ suæ Christus non obscura vestigia. Ibi pro Cunis usus est Præsepio; hîc Na-aviculâ pro Rostriis: ibi migrantem habemus de coe-lo ad terram, ut populum servaret; hîc verò de terra ad mare, ut doceret: ibi vagientem in gremio virginali, ut Angeli possent agnoscere neminem un-quam sic natum; hîc demum os aperientem in parabolis, ut homines fateri possent, neminem, nè Christum ipsum aliàs, unquam sic locutum fuisse. Ad sermones ejus alios quod attinet, non desiderantur in illis aut splendoris radii, aut lineamenta pulchritudinis, aut stillicidia Divinæ suavitatis. *Favus distillans labia tua, Domine, mel & lac sub lingua tua*, Cant. 4. 10. & *lac* gratiarum, & *mella* mysteriorum. Sed in hunc unum oculos animûmque conjicienti facilè patebit (si modò quid melius dici possit inter summè bona; aut inter Divinissima Divinius) tot istum super reliquos passibus eminere, quot Christus ipse jam distabat à populo; utpote in quo & mysteriorum vena uberior, & prudentiæ thesaurus locupletior, & parabolarum supellex cumulator existat quàm in cæteris. Hæc fortasse una inter multas ratio; quare tunc temporis relicta domo in navim ascenderet, & super mare se-dens populum doceret; quia domus angusta erat tot Sacramentis, & tota terra spiritali capturæ. Quis verò ad doctrinæ retia laxanda locus aptior quàm Mare; aut ad Ecclesiæ regimen demonstrandû quàm Navicula; aut ad effusionem Spiritûs quàm Aquæ, ubi ipse priûs Spiritûs testimonium ac-ceperat; aut quid officio Mediatoris magis congruum? Ipse Mercator bonus qui pretium animarum solvit, oportebat ut istarum gemmarum lucrum terrâ marique quæreretur. Ipse Piscator cœlestis, quid mirum, si, ut homines ca-peret, in altum duxerit, non tam Maris quàm Mysteriorum, parabolâ sic propellente parabolam ut unda undam? Ipse dux spiritalis, gubernator militantis Ecclesiæ, & nunc statu Spiritûs vela expandit, vocis tubâ classi-cum canit, verborum copias instruit, ordinat parabolarum phalanges, ut navali etiam prælio salutis nostræ hostem debellaret.

Obstupefcite, Auditores, hæc vobiscum animis volventes. Christum au-

B
divi

divi sæpius fecisse, in hoc capite audio eum locutū esse Miracula. Sulcantur littora, & messis magna germinat; Æquor in Vineam vertitur, arenarum globuli in botros uvarum, glareæ in triticum. Petra sedet in prora fluctuantis cymbæ, & nulla nausea secuta est, neque naufragium. Super faciem aquarum panis vitæ mittitur, atque non partes septem & octo, sed ipsi fontes gratiarum aperiuntur: unoque quasi spiritu, & oris & Divinitatis, septem ebulliunt parabolæ, & octava hæc additur, quies & corona reliquarum, *Omnis scriba doctus, &c.*

Sic ubi Christi sermo finitur, ab eo mihi sunt exordia ducenda. Faxit Deus ut Primitiæ meæ respondeant ipsius ultimis. Argumentum ipsi sanctius nullum erat in quo desineret; nam & unumquodque verbum sanctitatem redolet loquentis. *Scribas* vocat calamus & Verbum Patris; monet de *regno calorum* Dominus dominantium; de *thesauro* doctrinæ penarius sapientiæ; de *paterfamiliâs* Oeconomus veritatis; de *novis & veteribus* primus & novissimus. Similiter nec mihi Scriptura ulla aptior unde hanc ordini possem muneris Theologici solennitatem. Hic mea res agit, nec non & vestra: commune Theologorum speculum ante oculos ponitur, in quò quisque faciem vocationis suæ considerare potest; qualis esse debeat Minister Dei; ad operandum promptus, *Scriba*; instructus dotibus, *eruditus*; non mediocriter instructus, sed usquequaque instructissimus, *thesaurus* requiritur, non instructus modo, sed exercitatus, ut *proferat*; nec solum exercitatus, sed piè & utiliter exercitatus, *ad regnum Dei*, ad familiam Christi; postremò, utrinque paratus, *improvidum & omniem*, & in iis quæ nunc aguntur, & in iis quæ superioribus acta sunt seculis, in *veteribus* simul & *novis*. Si in unum singula contrahantur, hæc Summa est; Viva sacri Oratoris effigies ob oculos ponitur, cujus primò lineæ ducuntur *ad regnum Dei*, *Scriba doctus ad regnum calorum*; mox adduntur colores & pigmenta, *similis homini paterfamiliâs, qui proferat thesaurum suum novum & veterem*.

Prioris partes duæ sunt, Honos nominis quo suos Christus præparat ad munus Apostolicum; *Scribas* vocat: Donorum sufficientia quæ huic nomini conveniunt; & condus quisque debet esse & promus; & *Scriba doctus*, & *Scriba docens, eruditus*, idque *ad regnum calorum*.

Posterioris etiam duæ, Gratia similitudinis; *sicut paterfamiliâs*: Plenitudo apparatus; *de thesauro suo proferat & veterem & novum*. Hæc omnia, vel horum aliqua, vestris non erunt, opinor, auribus ingrata, Auditores, & inceptis quidem meis videntur aptissima. Sed alia prius Sparta ornanda est; aliud Mihi hodie, non legendi, sed dicendi incumbit munus, vósque non Scribam expectatis, sed Oratorem, improvidum quidem, & penè deficientem in ipso vestibulo: ut quod Oratori Attico, id mihi quoque contigisse videatur: Ille in prima suæ artis litera titubavit; Ego in primis elementis officii mei. Et quæ spes erit felicius progressus, si partus primus abortiat? aut de succidaneis quis exitus sperandus, si primi laborum fructus præcoces fuerint? Et Mihi quidem sic videntur, sed Vobis faciam nē sine; nam mei quamvis inmemor fuero, at vestri me memorem præstabo, & beneficii vestri, qui Auditores mihi estis hujus provincie, & benevolentie vestræ, qui Testes & Judices. Etenim utrinque me debiti necessitudine devinctum video, illinc Gratiitudinis, hinc Observantiæ.

Vos inprimis appello, viri integerrimi, qui Curatores estis hujus Muneris Theologici, & Fidejussores hujus Depositum, quiq; Mihi aditum in hunc locū suffragio vestro fecistis. Vos, inquam, appello: Agnosco beneficium summū, singulare, honorificum: Agnosco candorem vestrum singularem, quòd ambitum omnem & studium meum prævenire voluistis: Agnosco & rependo,

non

non Gratias aut aliquid mei, sed Meipsum; neque enim aliter iusta potest fieri solutio. Vulgares animi Gratias personant, & quodvis leve Beneficium exposcit. Vestrum hoc transcendit longissimè & numerum & naturam Gratiarum. Nihilominus tamen & istæ agendæ sunt, quia in meipso nihil melius sciam gratitudine: melius nihil aut animo gerere possum, aut ore promere, aut calamo explicare; nihil quod aut dici brevius, aut audiri latius, aut agi fructuosius possit quàm retributio Gratiarum. Quocirca accipite quas aut habere, aut referre potero, maximas, meritissimas, *veteres simul & novas*; non unâ Oratiunculâ, sed ingenti Volumine cantandas; non unius horæ, sed totius vitæ debitum immortale, & nullo ævo periturum. Atque hoc præterea habete persuasissimum, de loco hoc & munere quoties cogitabo, fenestras has & parietes quotiescunque vel in transitu spectabo, toties de Londinensium flore Greshamo, toties de Vobis, toties de Beneficio tantò cogitaturum me, ut neque Me unquam grati pudeat animi, neque Vos unquam vestri pœniteat suffragii.

Post Gratitudeinis hoc vinculum, ære Me alio obstrictum video erga vos, Viri spectatissimi, qui me cohonestare dignamini præsentia vestra: Nam & hoc quoque Debitum solvendum, quia vos exigitis Creditores mei. Et melius non possum quàm de thesauro istius Scripturæ. Hinc mihi pecunia suppetit, quam in aures vestras deponam, ut vos indè aliquam usuram faciatis ad animarum salutem. Sed in hoc quoque animum despondeo, quia de meo nihil habeo; vestra omnia. Locum hunc cùm intueor pudore suffundor, quia vester hic locus est, non meus, non à Me, sed à Vobis ornandus: nam ordinis leges non ferunt, ut fontes obstruantur, & stagna currant; ut stellæ occultentur, & plumbum luceat; prudentiam silere, & balbutiem loqui; athletas spectare, & tyrocinium exerceri. In Scripturam hanc cùm oculos conjicio, pudor alius occupat; quia vobis ascribi meritò potest, mihi nullo modo; Vos Scribæ docti ad regnum Dei. Non mea unquam carbone Seraphico lingua tacta, ut possit esse calamus velocis scribæ; non meum Christi flatu os conditum, nec igne sacro caput inunctum, nec Eliæ pallio pectus obumbratum, ut eruditi quicquam sicut paterfamilias de thesauro proferam, quia supellex aut tenuis, aut nulla: vas fictile video, scientiæ aut elocutionis thesaurum haudquaquam: & arenam auream supra Gangis aut Tagi illam video; sed cùm remi & vela, & mali & clavus desint, dubius fluctuansque hæsito ad quæ littora appellam, opinionis vestræ naufragium metuens, quia nec *vetus* aliquod habeo quod animi vestri iudicio, nec *novum* quod aurium prurigini respondeat. Inopix tantæ cùm probè sim mihi conscius, opinor neminem vestrum esse qui existimet ostentatione aliquâ Me huc accessisse, aut fiduciâ ingenii, sed solâ officii mei ratione. Cui si quis me imparem dicat, non solus secum hoc cogitat, Ego juxta sentio; testis mihi ipsi sum, & mea est de meipso sententia. Iudicium agnosco æquum ac rectum. Onus intelligo quàm scopulosum & difficile sit, onus gravius quàm ut mea sustineat quadragenaria infantia. Onus sentio, & proximus sum deserenti, atq; certè desererem, nisi amplissimorum virorum, qui ei me præficiendum censuerunt, pietatem eludere piaculum ducerem. Quod si quis adhuc invidet mihi hanc dicendi solitudinem, aut loci fictam magis quàm veram sublimitatem æmuletur: neque hoc solus facit; in hoc quoque ipsi assentior, & ego mihi metipso invideo, & libenter vicissitudinem indulgeo loquendi, paratior discere quàm docere, atque audire quàm loqui. Si modò vobis ita videatur, per me licet quisque capestat: sed cavendum nè temere id faciat: sublimis locus est, sed parùm tutus, quò celsior eò periculosior. Vos feliciores qui super terram in silentii tuto positi estis, procul à

Aug. ser. 122.
de diversis.

Aug. ibid.

famæ præcipitio; quia tutius est audire quàm dicere, & semper securior verbi auditor quàm verbi prolator, dicente Augustino. Atqui si tutior esset, non tamen est vestris subsellis celsior: & si Ego propter vocis commoditatem altiore loco stare videor, at Vos in altiore loco estis; nam vos Judices, & Ego censuræ ferulis subjicior: ubi si modò casus incertus, at discrimen certissimum. Si mihi non creditis, recognoscite illud quod Oratori Rhodio contigit: Ille dum se inter suos contineret, famam aliquam eloquentiæ consecutus est; sed postquam Athenas venisset, & de alto loco orationem recitasset, Asiaticum illud & pingue dicendi genus Atheniensium aures peritæ & teretes non sustinuerunt, imò exploserunt; & qui antè Orator non malus, nunc omnium pessimus habebatur. Si fors mea non sit similis, Vos decernite. Inter populum quidem non est difficile, vel pastoralis calami sibilo ad Oratoris nomen pertingere, quamvis citharæ canrus & sonorum consonantias nescimus: sed in hoc doctissimorum viro- rum conventu, quò hæc Athenæ sunt magis Atticæ, dubito an quicquam sit quod vobis per omnia placeat; etsi illud limatum, & è mystico Trismegisti cratere depromptum. Imprudens Ego, cùm primùm in sublimem hanc speculam ascendi, ad Chrysippi porticum sperabam venisse me, ubi auditores duo aut tres, non corona, sed manipulus solet esse, *sive deos* duodecim, ut ille loquitur. Sed aliter res cecidit; in Ecclesiam Sanctorum incidi, in Prophetarum Scholas, in doctissimorum virorum confessum, in tertiam Academiam, præsentia eadem, habitus similis, neque gravitas minor. Hoc est quod urit, quia & expectationem Vos nostram superatis, & vestræ Ego me parem præstare non potero; loco fortasse dignus si non haberem, & pro Oratore bono habendus si tacuissem.

Sed hoc vicissim consolatur, quòd in medio Theologorum constitutus sum, apud quos non suaviora verba aut forenses blanditiæ dominantur, sed doctrinæ puritas & sinceritas fidei. In iudiciis jactetur eloquentia, verborum retia & phaleras Oratores ostentent; in alia nos versati sumus Republica: non in Ciceronis rostris, ubi fucus, & minium, & lenocinia, & lusciniarum modulatus sunt in deliciis; sed in Terra Sancta, ubi vox casta turturis audiri debet, ubi sermo Dei tractatur, qui non eloquentiæ viribus nititur, sed rebus, ut rectè Cyprianus. Nemo igitur à me ista expectet, non pellis Babylonicæ vermiculatas picturas, non ventosam theatri pompam. Si modò sic agerem, quis vestrum non secum tacite murmuraret, Presbyterum expectavi, inveni Rhetorem? Non audeo Dei causam sic agere, non audeo gloriam & imaginem Dei verbo suo impressam in similitudinem vituli mutare, vel ex inauribus facti; quia Prophetæ & Apostoli, principes disciplinæ nostræ, & Christiani dogmatis duces, ut Hieronymus vocat, non sic facitabant. Non sic Ecclesiastes sapientissimus Salomon: *Verba sapientis*, ait ille, *sunt sicut stimuli*; quæ non palpant, & molli manu attrahunt lasciviam, sed penetrant. Non sic Piscator hominum S. Petrus, qui concione unâ quinque animarum millia lucratus est, non per verborum retia, sed simplicitatis fagenam. Non sic gemini, *duo fulmina* Verbi, Jacobus & Johannes. Non sic denique tuba Dei, præco Gentium, qui nomen *Oratoris olympii* à Periclis manibus extorsit, S. Paulus. Ille triginta annorum spacio plures linguâ gentes quàm Alexander gladio debellavit, civitates plures cepit, trophæa plura erexit, & de manu mundi mundum ipsum eripuit: sed quomodo hæc omnia? ipse nos docet, 1 Cor. 2. 4, 5. *Non in persuasibilibus humana sapientia verbis, sed in ostensione spiritus; non in sapientia hominum, sed in virtute Dei.* Hos ego magistros sequor, ad hæc exemplaria oculos attollo, si modò liceat vel à longinquo sequi, de *Scriba docto* dicturus è *Scripturarum thesauro*, ex Evangelio

Evangelio regni de *eruditione* quæ requiritur ad *regnum Dei*. Atque posteriorem illam parabolæ sacræ partem, quæ de Cura patrisfamilias, de scientiæ Thesaurò, de veterum ac novorum Conjugio nos instruit, modo Theologico inter legendum postmodum sum tractaturus. Priorem alteram, laxo & libero dicendi genere, auspiciis Divinis percurram, idque per trium dierum itinera.

Hos mihi cancellos statuo, ut possim hodie dicere de Facultate scribendi, & Honore eorum meritissimo qui scriptis suis fidem Evangelicam propugnarent: & subsequente proximo * de Sacerdotii dotibus, atque donorum præcellentia quibus ornari debent qui familiæ Christi invigilant. Sint Scribæ, ait Christus, docti in regnum Dei.

Ex eo quòd *Scribas* vocat, duos unâ fideiâ dealbandos sibi proponit parietes. Nam & Ministros suos excitat ad scribendi exercitium, & Populum ad officium legendi quæ scripta sunt.

De Facultate Scribendi inprimis agendum, & quàm Ministro Dei consonum ut sit scriptor peritus. Aliter non video quo consilio *Scribas* potius quàm *Prophetas* aut *Discipulos* vocaret, nisi ad istorum unum referatur; sive ut accommodatè ad Judæorum consuetudinem loqueretur, sive Pharisæos nominis sacri reos convinceret, sive ut suos ad magni nominis exercitium institueret, necessitatem prævidens & Scriptorum & Scriptorum. Erat quidem *Scriba* sub istis temporibus jam nomen sectæ; tales inter Judæos, quales inter Chaldæos Magi, inter Romanos Quindecimviri: sed ab igitur nomen erat sacri & publici muneris; præter illos qui reipublicæ negotiis operam navabant & instrumentis conficiendis. Qui Legis se Divinæ studio addixerunt, quasi per eminentiam *Scribæ* vocabantur. Aliquando Amanuenses Prophetarum, ut Baruch, Jer. 36. 26. Aliquando Prophetæ ipsi, ut Moses, David, & reliqui Notarii Spiritus sancti. *Lingua mea calamus scribæ velociter scribentis*, Psal. 45. Aliquando Legis Interpretes, ut Esdras, *τοιοῦτο αὐτοῦ ἀπὸ τοῦ* à Suida dictus: quòd officium illorum erat *τα ἱερὰ γράμματα* tractare, describere, custodire, evolvere, exponere.

In prædicando Ministrorum honorem summum & printum situm esse, nemo est qui nescit. Summum dixi, sed non solum; in scribendo est honor proximus, & fructus ad posteros major. Ultra stadii longitudinem Concionatoris alicujus Vox signanter vix potest extendi; neque faciliè recipi ab Auditorio quod sex aut septem millia hominum transcendit: sed Calamus per totum mundum; in omnes regiones excurrit. Quæ vivâ voce enuntiantur, unius temporis & ætatis sunt; quæ doctè scribuntur, æterna. Hinc S. Bernardus dicere solebat, *Magistros suos esse quercum & fagos*, ad scriptores antiquos alludens: & Zeno philosophus, *vivere se apud mortuos*, quia in libris suis redivivi sunt singuli. De Abele Apostolus pronunciat, Heb. 11. per fidei suæ exemplum *adhuc nos alloqui etiam mortuum*, & voce quadam intelligibili excitare nos omnes ad primi martyris patientiam. De Scriptoribus dici non minùs potest. Ipsorum nihil superest in sepulchris, vivos atque superstites cernimus & audimus in chartis; adfunt nobis, ambulant nobiscum, docent, disputant, confabulantur, concionantur. Moysen sic habemus prædicantem in Lege, & Davidem in Psalmis, & Prophetas in Chirographis, & Apostolos in Epistolis, non quidem voce, sed scriptione; quæ si non sola, saltem optima Catena mundi, quæ dicta, facta, oracula, exempla nectit, & prima mediis, & media novissimis. Illius beneficio & Decreta Principum, & Responsa prudentum, & res gestæ Majorum, & Testamenta morientium, & rerumpublicarum Leges, Plebiscita, Senatusconsulta ad nos veniunt. Illius ope & mores gentium, & ordines temporum, & descriptiones locorum,

& documenta artium, & præcepta bene vivendi, denique rerum omnium, tam Divinarum quam humanarum, nomina, genera, causa, officia nobis aperiantur. Illâ nondum cognitâ, quis recensere poterit quæ tenebræ terrarum orbem occuparunt? Ante Cadmi tempora, quanta in Græcia caligo obtinuit, in Assyria ante Rhadamanthum, ante Herculem in Phrygia, ante Carmentem in Latio? una Cimmeria regio totus mundus erat, unaque barbaries: politioris literaturæ rara femina, Religionis extra domos Patriarcharum vix ulla vestigia. At simulac scribendi usus invaluit, statim nubecula ignorantiae disparuit, errorum ineptiæ evanuerunt, cæcitas mentis dispersa est: adeo huic aut soli aut præcipue, debere se sua & exordia & incrementa & Gratiæ & Musæ, Linguae simul & Artes, & Eruditio & Religio junctim una voce fatentur. Atque cum illis nos omnes qui cives sumus utriusque Reipublicæ, literariæ & Ecclesiasticæ, non Romæ magis salutem ex strepitu pependisse istius animalis, quam totius orbis ex calamis. Et cætera quidem leviuscula, si ad mysteria Religionis & arcana salutis comparentur, quæ seculis prioribus incognita, nec cognoscenda sequentibus, nisi illa posteris triplex Divinæ stirpis progenies calamus, Dei, Prophetarum, Apostolorum, propalasset.

Tibi, summe Deus, fons sapientiæ, hujus honorem inventi debemus; à tua misericordia habemus acceptum: tota est ad creaturam Epistola Lex sancta, tuæ sunt literæ à superna civitate ad inferiorem missæ Scripturæ; tu primus Scriba, totius per servos tuos, Legis per teipsum; Divini illam digiti filiam faciens, & reliqua calami; à tuo ore, à tua manu depromptum totum, qui scribendo Legem exemplar dedisti scribendi, idem & lator Legis, & scriptor exstitisti. A Mose Judæi artem acceperunt, à Judæis Phœnices, à Phœnicibus Græci. Desinant igitur Ethnicæ philosophiæ magistri ulterius hoc suis ingeniis arrogare, nisi Deo aliquid antiquius possint ostendere. Quid illi de literarum inventionē garriunt, cum, ut Justinus Martyr, ante Moysen illi scriptorem ostendant nullum, sed ab illo hanc peritiam habuerunt, ut Eusebius eruditè probat, Græci à Phœnicibus literas acceperunt, Phœnices à Judæis, Judæi à Mose, Moses à Deo? Deus ad hoc dedit mortalibus, ut Ecclesiæ bono consuleret, ut cognitio nominis ipsius ad Gentes aliquando perveniret, ut pietatis regula una esset omnibus, eaque certa & publica, & duratura & incorrupta; ut faceret Religionem (si ita loqui liceat) ex aurea marmoream. Quod si perituris humanæ memoriæ tabulis Oracula sua ad hunc usque diem commississet; in processu temporis futurum erat ut aut auctoritas vilesceret, aut puritas interiret.

Istis ita se habentibus, nemo parvi pendat aut minoris pretii Institutum sacrum, quod suo summus Artifex consecravat exemplo.

Esto, ad prædicandum quis sit memoriæ aut elocutionis defectu minus idoneus: at si ad scribendum se conserat, & si nihil ipse scribens operam det ut aliorum scripta Ecclesiæ commodo ad posteritatem transmittantur, non putandus est servus inutilis in vinea Domini. Ipse David, egregius ille Psalter, aliorum cantica Psalmorum volumini Spiritu dictante inseruit, & filius ipsius Solomon, sapientissimus librorum scriptor, suum non est dignatus in aliorum, & quidem feminae, nempe matris, dictis describendis studium ponere. Neque sancti illi viri, Timotheus, Titus, Lucas, Epaphroditus, Tychicus dedecorari se putabant, quod Epistolarum Divi Pauli scribere & amanuenses essent, cum ad Ecclesias scripserit Ephesinam, Philippensem & Corinthiacam. Nempe & is Scriba doctus censendus est, qui vel sua promit, vel superioris seculi scripta è tenebris cæcæque caligine revocat. Et nos patrum memoriæ ingrata posteritas, si tam pulchra pietatis monumenta, in nostrum

nostrum bonum scripta, in pulvere & situ sepulta, cinis & vermibus corrosa, perire patiamur.

Et tamen nescio quomodo sit, sed animos vulgi communis error absorpsit, illos solos in Vineâ operarios esse qui de pulpitis intonant; reliquos, qui scriptioni intendunt, nè flocci quidem faciendos: atque istos vigilēs, & in officio suo sedulos, & mercede dignos; hosce alteros desides atque supinos, & vix pro ministris Dei habendos. Eône ignorantia devenit, ut aliud nullum munus ad nos pertinere putent nisi prædicandi: ut prædicari non posse putent nisi lingua? At emunctæ pietatis homines norunt prædicasse passionibus suis Martyres, quibus *tot ora quot vulnera*, ut de Romano Prudentius; & vitâ suâ Sanctos, à quibus tot conciones factæ quot virtutum posita exempla; & calamo suo Scriptores, quorum tot sermones quot paginae. Hoc doctores antiqui vel ex mutuo verborum significationis amplexu fatebantur. Apud illos Prædicare est Tractare, *Tractator si verâ loquitur, Christus loquitur*, Aug. & Hieron. ep. 65. ad Oceanum, de Origene, *Mille & amplius tractatus in Ecclesia loquutus est*. Et vice versâ, Scribere est Evangelizare, Tertull. de Apostolis, in præscript. advers. hæreticos, *Ecclesiis prædicarunt tam vivâ voce, quam per epistolas*. Idem l. de Idololatria, de Zacharia sacerdote, *Sic loquitur nomen filii sui, sine ore pronunciat; loquitur in stylo, auditur in cera; manus omni sono conclarior, litera omni ore vocalior*; & de se piæ memoriæ doctissimus Raynoldus, in præf. l. de Idololatria, *Ego verò Evangelizô manu & scriptione*. Ut taceam interea de sanctis Patribus, qui non solum in suggestis, sed etiam in Musæis Evangelistarum partes agebant; & eorum scriptis tam veritatem propugnatam, quam hostes prostratos dabant. Singulorum tractatus non licet per tempus cumulare, quos Epiphanius, Hieronymus, Gennadius, laudibus suis abunde cumularunt. De illorum pluribus dici posset, quod de Varrone Augustinus, *Tam multa legisse, ut aliquid ei scribere vacasse mirandū sit; tam multa scripsisse, quæ vix credibile legere quenkum potuisse*. Sic Veterani isti, primævi Antifites veritatis, inter Conciones & Scripta studiorū suorum rationem tam prudenter secarunt, ut facilè quis statuere haud possit, meliusne de literis & Religione per manus, an per linguas meriti fuerint. Causa erat ardor fidei, & zelus Religionis quo singuli unanimiter ferebantur, proflus quasi uno & animo & calamo scripsissent. Ad illorum decus & laudem hæc dico, imò ad pudorem nostrum. De nobis, si jam viveret, Apostolus quæreret, *Ubi sapiens? ubi Scriba?* nam inter tot doctissimorum virorum millia quorū ætas hæc ultima feracissima fuit, præter unum aut alterum, quis invenitur qui de hoste publico scribendo triumphavit? Nos virtutis primævæ filii degeneres hæredes librorum sumus, non pietatis; tantūque ab industria eorum distamus, quantum à sanctitate recedimus. Ipsorum incalere calami; digiti nostri frigescunt, & schedæ singulæ numero vix æquant ipsorum volumina. *Pharetra ipsorum plena sagittis potentum, & armaturâ fortium*; nobis arca plenior, sed pharetræ vacuæ: super humeros Gigantum Nani sumus; & quod adhuc pejus, non nani solummodo, sed desides. Fuit illa quondam in hac rep. virtus, fuit quando Angli non minùs Scriptis apud exteros floruerunt quàm Concionibus apud suos, erantque calamis non minùs literariis quàm militaribus celebres: sed isti jam mortui lacerti sunt. Ætas nunc non indoctior, sed incautior; tempora non minùs erudita, sed minùs laboriosa: etiam nundinis transmarinis opprobria gentis nostræ circumvolitant; Quid vos Angli facitis? atramentum & charta quanti constat? ubi virtus antiqua? num defunt vobis typographi? nihil scriptum, nihil editum à vobis quod sponfam Christi ornare possit. In Germania nos

bibimus & scribimus; vos in Britannia bibitis & dormitis, nec Arte celebres, nec Marte felices. Ad hæc quid vos obsecro, viri clarissimi? nam veteriora sunt quam ut refelli possint. Quid regerimus? quomodo nos existimatione hominum vindicamus? An illud est, Laboramus librorum onere; sed summâ etiam penuriâ: *Scribimus indocti* passim, non *poemata* modò, sed dogmata fidei; ut equi Lydii currimus nemine agitante: scribimus, idque cum dispendio & famæ & veritatis: Sed hæc non est iusta excusatio, quia doctiores scribæ, qui causam fidei scriptis suis exornare possint, aut nulli, aut quàm paucissimi. Sic miseri utrinque sumus, & nimia diligentia, & nimia socordia: opus est & lucernâ & spongiâ, & calcaribus & fræno; ut & illi parcius agant, & isti frequentius. Excutite veterum, assumite animos, calamitas acuite. Evigilate, evigilate aliquando *Carrus & Equites Israelis*: ut Veritas & Religio Christi, quæ ipso cælo splendidior, ipsis animis nostris charior, facta recta servetur, opus est ut evigiletis. Inimicus non cessat superfeminare zizania; & nos dormimus? venena hæretici populo propinant, libellos passim spargunt; & nos non paramus antidota? Amanuenses suos Diabolus conducit, & scribæ non reperiuntur qui Deo militent; alacres sunt hostes ad prædam, & nos inertes ad custodiam; non desunt qui infligunt vulnera, & nos negligimus parare remedia; copias suas Satanas instruit, & tacent athletæ veritatis. Ecce Philistæi & Assyrii probris quotidianis exercitum Dei vivi lacessunt; illinc Goliath astat, hinc Rabsakes clamat, & Sennacherib scribit: inter nos nemo erit qui adversâ fronte congregiatur, qui fundam manu teneat, aut literas expandat coram Domino.

Quod si quis præterea urgeat, & hanc esse causam hujus defuetudinis contendat, quòd nulla sunt scribentium præmia, nulla adminicula, honor nullus decernitur; verum & hoc quoque. In ea nos tempora cecidisse agnosco, quæ nec vulnera ferre possunt, nec remedia. Sed neque sic nos hoc pudore liberamus. Pudeat vos, Seculares, quòd filii meretricis majori zelo feruntur ad mendacia quàm filii lucis ad stabiliendam veritatem. Seminaria inter Pontificios & Collegia ubique eriguntur. Nos miselli, vel pro uno, eoque non augustissimo, aliquot, imò multorum annorum tempus, singulorum comitatum sumptus atque collectas impendimus: & quid demum prodiit? societas scribentium? minimè; sed habitaculum noctuarum, Atheniensium dicam? nec hoc quidem: isti noctuæ (prudens loquor) sunt luminaria mundi: sed verarum noctuarum, nè quid gravius dicam. Pudeat & nos Clericos, si ad Religionis opus præmia nos secularia adigant. At virtus, si alia desint, suum sibi præmium facit in Deo suo; præter quem aliud nullum sancti norunt, quia præmium Dei est Deus ipse. Quòd si quis humanâ gloriâ aut præmio pulsus pro Veritate scribat, videat nè fallacis præmii species æterno præjudicet; & Trajanum Imperatorem meminert, qui ob id *herba parietaria* dictus est, quòd in parietibus & arcubus marmoreis nomen suum ubique inscribi pateretur: & quid inter herbam parietariam & chartaceam intersit ego non video, nisi hoc, quòd minùs in reatum cedit Ethnicus quàm Christiano, qui si spe præmii terreni Deo serviat, Deum perdit, terrena ista Deo præferens, ut rectè Augustinus, in Psal. 73. Quid agimus, quid agimus, viri? non dormientes sumus, sed mortui: & certè si ad hæc non expergiscimus, quid superest quàm ut culpâ nostrâ cadat quæ periclitatur Religio, & post tot discrimina penitus corruat?

Agite, Prophetarum filii, togatæ gentis decus, Patrum antiquorum verissima profapia; resuscitate gratiam Dei quæ est in vobis, Theologorum veterum virtutem exprimate. Quòd si illi tanto ardore & assiduitate scribebant, cum una vel altera peste Ecclesia laboraret, & hæreticorum pauci

scribe-

scriberent, & nondum ars typographica excogitata est: quid hoc nostro seculo fieri par est, quo & innumerabiles hæreses grassantur, & schismata Ecclesiam lacerant, & rari adversarii qui non aliquid scribant; & putida eorum dogmata non cancri in morem serpunt, sed velut locustarum agmina per libros volitant in Civitates, in Academias, in Curiam, in ipsa Castra Sanctorum? Mihi credite, viri, aut potius vobismetipsis, tempus jam instat, ut quàm celerrimè vel occurramus morbo, vel prospiciamus medelæ; nisi voluptati vobis sit, quod absit! & veram Christi fidem expositam ludibrio videre, & Antichristianam subsultantem triumphis. Optarem libenter ut mihi de hac re in ampliori conventu agendum esset, inter Consiliarios regni, inter ipsos Religionis Proceres, qui in præsidio Ecclesiæ locati sunt. O quàm obnixè obtestarer, quibus lassarem precibus, idque per viscera & misericordias Christi, huic ut caverent malo hæreticorum librorum, ut vel rescriptionis pondus sentiant, vel proscriptionis censuram; h. e. ut vel castigatio adhibeatur, vel saltem impediatur auctio! numerus enim in immensum excrevit. Prodiit inter reliquos (non dissimulabo enim) haud ita pridem deliri senis liber, de Aggeribus & pontibus. Autor ipsius Petrus Bertius, ille qui priùs de Apostasia scripsit, mox re ipsa apostatam egit; ille qui priùs *Hymenæum* Religioni cecinit, & tandem palinodiam. In isto libro Bertius, æneæ frontis orisque ferrei, homo triobolaris, reverendissimum Archiepiscopum Cantuariensem qui ad clavum sedet, non sine honore nominandū, *deplorandum* *Lucamone* vocat, & *miserum Pseudo-episcopum*. Atque si hoc totum esset, fortassis tacuissim, Magis adhuc insanit, atque in ipsos sanctissimi nostri Regis, serenissimi Caroli, *desiderii oculorum & spiritus narium nostrarum*, titulos sacros involat; stylūque regium, quo *Fidei defensor* & pietate & jure hæreditario agnoscitur, *declarationem stolidissimam* audet homo imprudentissimus vocare, & Regi suo ascribere. Sed & hoc levius, nam in totam gentem & Religionem nostram audet sæx hominum opprobria conspuere. Atque hoc ejusmodi cum sit, prostat ubique in officinis cuiusvis spectandum. Est tamen hoc adhuc levius, si cum blasphemis & mendaciis Sanderi & Schioppii conferatur; quorum ego sæpius libros inter bibliopolas summo cum mœrore animi venales vidi, ultione quàm emptione digniores.

Ecquis hæc cogitare potest sine gemitu animi? ecquis audire sine lacrymis? Ab initio ita non erar, non temporibus Epiphaniæ & Constantini. Hæreticorum malleus & securis Epiphanius, Origenis libros quamvis non damnatos, non legendos putavit, quia suspecti erant dogmatis. Hæreticorum verò libros non modò non legendos, sed comburendos decreverunt pientissimi Imperatores, Constantinus, Arcadius, Theodosius junior; ille de libris Arrii, alter de scriptis Eunomii, hic de Nestorii chartis, aliisque Eutychianismum olentibus: quia probè cognorunt *neminem diu tutum esse posse semper periculo proximum*, ut Cyprianus loquitur ad Pomponium, non magis quàm si ignem in sinu gereret, aut super prunas ambularet. Agnosco legi posse à nonnullis, sed, ut Hieron. in ep. ad Minerium & Alexandrum, à *probatissimis nummulariis, qui sciunt nummum adulterinum reprobare, probum in marsupio recondere. Nos legimus*, ait Ambrosius, *ne legantur; non ut teneamus, sed ut repudiemus*. Non cuiusvis est aurum in luto quærere, aut tritici granum è zizaniis exquirere. Imbecillis animus facile eluditur, & dum escam vorat, hamo capitur. Æquum est ut omnes abstineant, nisi periti Architecti fuerint, prudentes Naucleri, probati Nummularii, h. e. *Scribae eruditi ad regnum Dei*.

Sentio mihi aquam deficere, & incidisse me in ejusmodi argumentum; cujus & utilitas & novitas totum diem postuleret: sed temporis aliqua habenda ratio est. De utilitate legendi quæ scripta sunt dicenda mihi aliqua erant:

*Secr. l. 1. c. 6.
Niciph. l. 13.
c. 1.*

*Ambrosius in initio
Lucæ.*

erant : sed hîc me potius comprimo, quia occurrit mihi vulgare illud, *Oratoris mali facundiam in brevitate consistere* ; etenim si non est voluptati, non tamen est tædio. Propterea hîc superfedebo, & partem illam secunai conventus sequenti diei devoveo ; ut si ad scribæ *docti* laudem pertingere non possum, habeam saltem scribæ *expediti & velocis* : & si primæ virtutis oratoris, quæ est Facundiæ, conscius non fuero, non in posterum perdam secundam, quæ est Brevitatis, & ultimam, quæ est Gratitudeinis. Hanc audeo altere habere me, & hanc retribuo ; & vobis gratitudinis meritum, qui tam æquanimiter audivistis, & Deo gratitudinis sacrificium, qui est & operatur omnia in omnibus : Cui soli, &c.

LECTIO II.

Cogitanti mihi, Viri Clarissimi, (atque aliquoties cogitavi, bardusque & hebes essem si non sæpius excogitassem) solennis vestræ præsentis quæ causa esse possit, atque hujus secunai conventus exitus quis demum futurus sit ; nescio quomodo fit, sed mens malè suspiciosa dubias mihi opiniones suggerit, & penè contrarias. Video enim utrinque in vobis & multa quæ suavissimè reficiunt, & nonnulla etiam quæ non mediocriter cruciant. Illud quod me malè habet, vestra est major & solito & debito expectatio, quæ & vobis messem præripit, & mihi fementè ; ut nec vos æquanimiter possitis audire, nec ego cum fiducia loqui. Dicat mihi, si quis unquam se pondere hoc gravatum senserit, si quod majus sit infortunium quàm expectationem sui concitare quam tueri non possit. Est illa dicentis præcipitium, audientis ludibrium, candoris malleus, eloquentiæ securis, interpretes iniqua quæ syllabas & apices eventilat, verba calumniatur, omnia in pejus rapit : quod malè dictum, pessimum ; quod bene, malum vocat ; si quid optimum, usitatum est ; si quid mediocre, futile : magistra querula & præcox est, quæ omnem dicendi anam tollit, verba prævenit currentis linguæ, istud subtiliùs dici posse putans quicquid dictum fuerit. Denique, est auditoris vanâ spe lætans sponsor fallax expectatio, quæ mentem vacuam atque jejunam dimittit, quamvis deliciarum copia sit unde saturetur ; quia quicquid infra spem evenit, id omne in damno esse deputatur : sicut qui in somnis manducat & bibit, videtur sibi cibo & potu dum dormit repleti, sed cùm evigilaverit incipit esurire ampliùs, & famelicus intelligit quàm inanis ille cibus & potus fuerit somniantis. Ejusmodi est animus cujusque magna nescio quæ ab oratore expectantis : quamdiu somnio premitur expectationis, auri sibi montes pollicetur, & eximia putat esse quæcunque dicenda sunt ; sed cùm in arenam devenerit, & phantasie crapulam edormiverit, eludi se putat ; nunc labia mordet, nunc pede pulsar, fraudari se spe suâ conqueritur : adeo vilescunt & evanescunt singula, ut id ipsum quod se sperabat habiturum amittat ; quia modum nescit bibula & avara expectatio, nec audiendo expletur, sed incitatur, eò egentior quò plura quæsierit.

Ex adverso, illud quod me multum recreat est candor vester atque insignis patientia, quæ licet fuerit longo illo superioris diei lassata tædio, nunc rotâ veteris circumactâ septimanæ, ad novam se præparat audiendi molestiam ; prorsus quasi priora omnia ad votum felicissimè cessissent. Equid

quid potest esse dicenti gratius? ecquid mihi iucundius, (gaudium & corona mea) quam super scalam tantæ mansuetudinis in hæc iuggesta ascendere, & in facie, quæ omnibus una est, affectus vestros legere, & propensitate animi planè niveam, atque ipsâ vitâ mihi magis vitalem? Cœpi ego necum de benevolentia captanda haud itâ pridem cogitare, quo maxime possit id modo fieri; quæ verborum Veneres aut elegantiarum tape-
ria, quæ esca attentionis potissimum paranda esset. Nunc sentio hæc omnia redundantia fore: non est quod ambiam, non est quod rogiem ut dignemini audire: obicem nullam video, nubeculam nullam, non cuiquam contracta supercilia, non oculis pileum subvolutum, non conversum pollicem, non manum in ciconiam curvatam; sed omnia læta & serena, vultus ad benevolentiam compositos, pectora gratiam spirantia, aures ad linguam dicentis non sequaces modò, sed pendulas, desideria anhelantia ad ea quæ proponuntur, sedatis & vegetis mentibus excipienda. Agnosco, agnosco vestri supra solitum favoris, accipite vicissim meæ, supra hujus loci consuetudinem, rationem gratitudinis. Solent plerumque qui in hoc sudarunt pulvere Theologico, oratione aliquâ viam sibi progrediendi sternere, & illâ habitâ, ad legendi munus se statim accingere. Ego si sic agerem, satis esset fortasse officio meo; sed non satis mihi, non satis ad amplitudinem hospitii vestri. Ad cœnam vocare splendidi convitatores solent quos prius ad prandium habuerunt, ut si parciore apparatus fuerit in prima, ex secunda mensa suppleri possit. Idem mihi consilium in hac altera dicendi vicissitudine; veritus nè unâ possit dictiunculâ benignitati tantæ satisfieri, de secunda hac cogitavi, ut ex numero saltem superpondium haberet, quod facultati deesset. Quocirca quamvis nihil habeam quod proferam dignum hoc tanto desiderio, quia magna est mihi mensæ penuria: at quoniam prompto animo convenistis, & dies hic magnâ frequentia celebratur, & negotiandi occasio sese offert, Agite, merces nostras vobis ostendamus, viles quidem, præbebimus tamen, si non expectationi vestræ, sed usui adaptatas.

Et quia de Scribendi negotio superius diximus, proximum est ut de exercitio Legendi pauca attexamus: quæ si argumenti novitate priora æquare non possunt, at utilitatis respectu præferenda censeo. Illa enim ad paucos aliquot, hæc ad omnes spectant. *Est illa laus prima atque beatitudo*, ut Plinius loquitur, *si quis legenda scribas*: sed cuiusvis non est attingere; in hac palæstra nemo luctatur, nisi aliquot modicos salis cum mortuis comederit, nisi canitiem habuerit & annorum & eruditionis, nisi miles veteranus fuerit & peritus artifex, ut ad Eusebium Constantinus loquitur. At verò in Legendi illo altero munere, longè se aliter res habet: *non literati modò huc intrant*, ait S. Theodoretus, *sed etiam literarum ignari*; & sutores, & textores, & fabri, ceterique id genus homines; præter hos etiam mendici, agricolæ, lignatores, feminae, pueri, nec è vulgo aliquis prohibetur, quò minus ad lectionis divinæ laudem & beatitudinem secundam pervenire possit. Inter Ethnicos M. Varro, teste Augustino, inter Christianos Origenes, nominis utriusque gloriam ascevit sibi, & scriptoris docti, & lectoris assidui. Ad hoc ipsum propinqua ista duo inter se & conjunctissima opera natura fecit, ut nec lectio possit esse sine scriptore, nec scriptio aliquid commodi afferre, nisi lectorem invenerit. Liber sine lectore est color sine oculo, sine filio pater, sine spectatore spectaculum.

Sed nec ipse mundus, qui magnus & communis Dei liber est, dicente Bernardo, neque aureis literis pictæ cœlorum paginae, quas Dei gloriam enarrare Psalmista asserit, ulla unquam mutæ istius eloquentiæ testimonia dedissent, nisi sextæ dici opus & complementum totius Hominem, tanquam specta-

Euseb. de vita
Constantini
l. 4. c. 36.
Theod. ser. 8.
Sextæ dici opus:

spectatorem, & lectorem, & interpretem illius libri, condidisset. Similiter nec literarum monumenta omnino sunt usui, nisi Lectio sequatur: ad surdos verbum, ad cæcos scriptura Dei non pervenit; sed utrinque & linguæ labor inutilis, si aures obturentur, & calami, si claudentur oculi. Ad hoc ipsum suos Apostolos Christus & *Scribas* vocavit, & Scribas fecit, Ecclesiæ postgenitis consulens, ut qui ab ore Apostolorum Mysteria regni non acceperant, saltem ab eorum scriptis haurirent. Et ipse quidem Christus nihil scripsit, nam ad Abgarum epistola Apocrypha censetur; & in terra si quos characteres efformavit, statim evanuerunt. Non erat opus ut aliquid manu suâ exararet, quia calamo suo usus est Spiritu sancto, & manibus suis Apostolis: membra ejus id operata sunt quod dictante capite cognoverunt. Aug. l. 1. de consensu Evangelist. c. 35. Ad hoc illos omnes oleo veritatis inunxit, ad hoc eorum scripta per multorum manus ad nos incorrupta transiit. Ad voluptatem nostram putas? Nequaquam; sed ad doctrinam nostram, Rom. 15. 4. Putas ad spectaculum? Minimè; sed magis ad studium. Putas ut in thalamis aut fenestris sepositas haberemus? Nihil minus; sed ut in animis infixas, h. e. ut ipsorum lectioni incumberemus; ut in prelo pectoris nova fieret ipsarum impressio, & in tabulis cordis editio secunda & tertia, & vel ipsa centesima; ut quisque animam suam bibliothecam faceret & armarium, affectus pegmata & sustentacula; ut in hac cella vinaria helluones nos præberemus, & in hoc ligno vitæ tineas. Felices tineæ, quibus ista conceditur deglutire mysteria! si ego vermis & non homo, si modò in istis liceat sepulchris vitam ducere. Ejusmodi tinea S. Hieronymus, qui de terrenis illam unam optionem sibi dari postulavit, ut omnium tractatorum haberet volumina, *quo tarditatem ingenii* (sic enim loquitur) *eruditionis diligentia compensaret*: & se Alexandriam perrexisse dicit, ob hanc vel maxirè causam, ut à Didymo quæ in Scripturis haberet dubia sciscitaretur. Hier. in ep. ad Ephes. Ejusmodi tinea Baſilius, & Gregorius *Theologus* cognominatus, de quibus Rufinus hist. Eccles. 11. c. 9. sic loquitur; *Ambo nobiles, ambo Athenis eruditi, ambo collega per annos tredecim, omnium Græcorum secularium libri remotis, solis Scriptura Divina voluminibus operam dabant.* Illustis ille Vectius apud Sidonium ejusmodi tinea, qui etiam inter edendum sacrorum quotidie voluminum lectioni attendisse dicitur; animæ suæ memor inter ipsas corporis delicias. Inter istas tineas Alfonso rex Hispaniæ numerandus, qui cubare solitus cum libris in sponda positis, & Sacra Biblia cum glossis & commentariis quaterdecies fertur legisse. Ex istis tineis unus Origenes erat, qui Scripturas memoriter tenuit, testante Hieronymo; nec unquam sine lectione cibum sumpsit, nunquam somnum iniit: hoc diebus egit & noctibus, ut & lectio orationem acciperet, & oratio lectionem. Hieron. epist. 65. ad Pammachium & Oceanum, & epist. 18. ad Marcellam. Denique, ejusmodi & tinea & vermis erat S. David, qui verbum Dei & timorem suum & amorem fecit, & gaudium suum & solatium suum, & socium, & consiliarium, & magistrum, & ducem, & thesaurum, & lucernam, & hæreditatem, & esurientis cibum, & dormientis pulvinar, & ambulantis exercitium, matutinum, vespertinum, quotidianum; quod semper & ore personaret, & animo volveret, & manu gestaret: adeò legendi cupidus, ac si ad scribendum impotens esset; adeò scribendi peritus, ac si lectioni valēdixisset. Quid nos somni ventrisque animalia tale unquam fecimus? quis nostrum est qui ex multis vel unum librum, vel unum libri alicujus caput memoriter possit recitare? quis decies, imò quis qui vel semel sobriè & contrito corde legerit? quis in epulis, imò quis vel in angustis ad hoc mentis asylum se confert? Ad lectum pauci, vix omnes ad

Eccle-

Sidon. in ep. ad
Indusrium
l. 4. ep. 9.
Panormit. de
dict. & factis
Alfonso

Ecclesias Biblia circumferunt : quotusquisque est qui die totâ, imò vel horâ unâ aut alterâ, nisi subcissivâ, seridò, & ad animæ salutem indefessus evolvit : at si secunda hora legentem invenerit, statim oscitare incipit, quasi oneri magis esset quàm solatio. Davidis & Origenis vestigia nobis nec cordi nec curæ sunt : Adamantii fumus omnes & χαλκόντεροι, quibus corda faxea & ahenea, non ad retinendum, sed ad resistendum stylo Spiritûs Sancti ; vermes fumus, sed terræ, non cœli ; tineæ fumus omnes, sed in ligno seculi, non in Evangelii paginis vitam spiritûmque ducentes. Unde autem tepiditas hæc atque focordia, nisi ex hoc, quòd neque dulcedinis conscii fumus neque amaritudinis : illud, quia nondum gustavimus in Scripturarum pericia quantâ salus ; hoc, quia nescimus ignoratio Scripturæ quantum præcipitum, quàm profundum barathrum : sed Hieron. nos docet, *Ignoratio Scripturarum est ignoratio Christi*, Hieron. præfat. in Josuam. Chrysostomus docet, *hinc mala infinita, hinc omnia pericula anima oriuntur, hinc ut plurimum pululant hæresim pestes, hinc vita negligenter acta, hinc inutiles labores ; hoc sursum & deorsum miscuit omnia*, Chrysf. præfat. ad Romanos. Athanasius nos docet, Oratione adversus eos qui non loquendum ex Scriptura præcipiunt, *vis Scripturæ negligam ? πόθεν οὖν ἡ γνώσις ; vis cognitionem relinquam ? πόθεν οὖν ἡ πίστις ; vis fidei nuncium mittam ? πόθεν οὖν ἡ σωτηρία ;* quia & à fide salus, & à cognitione fides, & à Scripturis cognitio oritur & augetur. Apud Romanos pro oratore habendus non erat, qui Ciceronem sæpius non legisset : nunquid pro Christiano habendus qui Evangelium, calamo Spiritûs Sancti exaratam, sanguine Christi obsignatum, contempserit : In hoc nos feliciores cæteris gentibus, quòd concredita nobis sacra Dei Eloquia : & in hoc magis miseri, si Dei depositum prodamus, quod servaret servantes.

Quocirca vos nunc hortor singulos, & in posterum hortari non desinam, ut in Scripturarum studio magis magisque proficiatis, verbis Hieronymi, *Semper in manibus sit divina lectio*, Hieron. ad Salvinam : *in vobis sermo Christi inhabitet affluenter*, Col. 3. 3. Huic cæteri libri ancillantur, & instar omnium sit iste solus, cui evolviendo sit etiam ab incunabulis desudaremus usque ad decrepitam senectutem, *semper inveniremus*, ut asserit Augustinus, *in quo proficere possemus*. Habeat sibi mundus suas Pandectas, Fastos suos, & Adversaria, & Fabulas ; vobis thesaurus Divinus cordi sit, quotorus mundus nihil habet præstabilius : hæ spirituales divitiæ, hæc nostra salus ; hoc pabulum mentis, alimentum cœleste, quod animam saginat, impinguat viscera, Ambr. ser. 35. *isto mens opere alitur, isto convalescit, isto victor efficitur*, Orig. hom. 9. in Levit. *istis parva nutriuntur, & magna oblectantur ingenia*, Aug. ep. 3. *in istis habetur & quod parvulus sugat, & quod perfectus comedit*, Fulgentius ser. de confessoribus. *τὸ τ' ἐστὶ τροφὴ ψυχῆς, τὸ το κοσμοῦ, τὸ το ἀσφάλεια*, Chrysf. hom. 1. in Mat. Si esuriat anima, hic panem habet cœlestem ; si in dolorum siti & amaritudine posita sit, hic vinum Spiritûs, hic favum mellis invenit quibus recreatur : nam & omnibus istis, ait Dionys. Ar. in ep. ad Titum, Scriptura comparatur, *διὰ τὴν ζωογόνην αὐτῶν δύναμιν οἷς ἐν ὕδατι, καὶ αὐξητικὴν οἷς ἐν γάλακτι, καὶ ἀναζωτικὴν οἷς ἐν οἶνῳ, καὶ καθαριστικὴν οἷς ἐν μέλιτι*. Quod si apud ipsos Angelos vel medicinæ usus esset, vel lectionis, velimenti, nullo alio pharmaco, nullis ferculis, nullo alio libro uteretur, quàm sacrorum Bibliorum : similiter & de Sanctis dicendum est. Novi hujus vitæ opus lectionem fore ; nec liber nec lectio necessaria erit in illa civitate : non scripta Apostolorum & Prophetarum, cum illis erimus ; non Evangelium, erimus cum Christo ; libri nulli sunt nisi liber vitæ, Deus est ipsis ad instar omnium librorum. Sed tamen, ut Augustinus

C

ait,

ait, ser. 113. de tempore, *Scripturarum lectio Divina est praeognitio beatitudinis*. Ista dum legimus, in cœlum anima transfertur, cum Deo ipso colloquia miscet, celebrat mens nostra cum Spiritu Sancto connubium: ex quo concipiens, Christus ipse in utero cordis formatur, ut S. Apostolus loquitur. Lætare, sancta anima, lectione Scripturarum mater efficieris Divinarum cogitationum, mater ipsius Christi: nec invidias nobis hunc honorem, Beatissima virgo Maria [si unquam ad terram cœlum descendit, non hoc fit in alio curru quàm Scripturarum; si ad cœlum terra ascendat, non alià id fit quadrigà quàm Evangelii.] Euge Salomonis lectule, ubi desponsata Deo mens sancta Christum habet & sponsum & partum. Vigilandi locus est hic lectus, non dormiendi: in isto, fratres, simus assidui, accubui, in istis lætemur pascuis, ubi Christus est pastor & cibus; istis vestiamus nos paginis, quarum Christus est & scriba & scriptio; in cordibus sanctorum scriptio docens, in manibus Apostolorum scriba longè doctissimus: *scriba doctus ad regnum Dei*.

Habet, ut videtis, Auditores, hoc exercitii genus utilitatem maximam, sed & adversarios non paucos; etenim quocunque me verto, hostes video & Scriptorum & Scripturarum. Si ad sinistram, scopulos video blasphemiarum, quas in Scripturam Sanctam evomere non verentur Pontificii; si ad dextram, ecce vada quædam ineptiarum, quibus è nostris aliqui, homines malè feriat, Sacrae Paginæ detrahare non erubescunt. Inter utrumque oratio fluctuat: utrum contra istos stylus magis acuendus sit, an ab illis retrahendus; num magis deceat contra istos vibrare Satyras, an super hos Elegos fundere; ut illos cum stomacho respiciam, hos verò cum planctu.

De Pontificiis res apertior quàm ut meo indigeat scrutinio. Loquatur pro illis dogma receptum, & Concilio Tridentino, quamvis ex obliquo, confirmatum tamen; ~~Lectionem~~ *Scripturarum* plebi inutilem, indecoram & periculosam esse. Loquatur vulgaris illa atque omnium ore trita Verbi *scripti & non scripti* distinctio; quâ suam de Scripturis manifestè produunt sententiam, summo apud illos honore haberi Verbum Dei, Scripturam autem vilescere; & Verbum suis numeris absolutum, Scripturam claudicare: ac si Orator summus Spiritus Sanctus esset, Scriba imperfectus; atque os potens ad loquendum magnalia Dei dedisset Apostolis, manum verò aridam ad scribendum. Si ista non sufficiant, loquantur pro omnibus Eckius, Pighius, Costeras, Turrianus, Hermannus, Leo decimus Papa, Polus Cardinalis & alii, qui singuli quasi vicibus alternis Scripturam Sanctam appellant *materiam litis, materiam hæreseos, præceptorem mutum, literam mortuam, plumbeam regulam, nasum ceruum, gladium Delphicum, Evangelium nigrum, Theologiam atramentariam, Aesopi fabulas*, atque, ut sanctissimus Papa ad Bembum Cardinalem, *Fabulam de Christo*. Quòd si quis ea vult non Ecclesiæ, sed hominum, nulli diffitemur: sed quia nec damnati libri, nec auctores ad rationem vocati, hominum ampliùs putanda non sunt, sed Ecclesiæ. Dicite mihi, Auditores, num verba sunt ista loquentium an vomentium? Dicite, si non mutuo tinniant aures, & polluantur ista audientes. *ἀπορίας* parare convenit, ut gladiatores solebant, ad vitandos ictus; nam magis multò offendunt blasphemiarum quàm alapæ. De Heraisco philosopho fertur, statim ei caput doluisse cum quempiam audisset impura loquentem: quantò magis nobis ad voces istas, quas vel recitare religio est, nisi rei necessitas postulare?

Eant nunc, & secum in omnibus Patres antiquos sentire jactitent: at istarum saltem quærendi sunt alii blasphemiarum patroni, duces alii, alii focii.

Summa

Summa cum veneratione Patres de Scriptura loquuti sunt. *Speculum mentis*. Gregorius vocat; *Divinam stateram & regulam veritatis* Augustinus cont. Donatist. 2.6. *pietatis scholam, fontem salutis, fidei anchoram, animæ medicinam*; & *μεγάλα θησαυρία τῆ βασιλείας τῶ θεοῦ*, Athanasius; & *πρὸς τὸ θεοῦ ἀναβασίως κλίμακας*, Pelus. l. 1. ep. 369. *κοινὸν τῶν ψυχῶν ἱαλπεῖον*, Bas. in Psal. 1. *thesaurum magnum, pretiosam in se margaritam habentem Christum*, Cyr. Catech. 4. *ἀκριβὴς ὑψὸν & γνώμων*, Chrys. hom. 13. *exactissimam trutinam, & perpendicularum veritatis; Cubiculum regis, montes Dei, domum deliciarum*, Hieronymus; *Spiritualium divitiarum pratum & aurifodinam*, Ambrosius. Hæ sunt sanctorum Patrum voces, hæc elogia.

Omissem certe hæc singula, nisi Traditionum suarum Enconia mihi vel invito loquelam imperassent. Illas enim fundamentum Fidei ponunt, & Lydium lapidem, i.e. veræ ac falsæ doctrinæ judicem, & Homerici μῶλυ, quod fidem adversus hæreticorum incantamenta tueatur, & Ajacis clypeum omnibus hæreticis objiciendum, & Goliæ gladium de quo dicitur, *Non est gladius similis ei*. Conferamus hæc mutuò. Traditiones sunt Lydus lapis, Scripturæ Lesbia regula; Traditiones Homericæ μῶλυ, Scripturæ litera mortua; Traditiones Ajacis clypeus, Scripturæ materia hæresium; Traditiones Goliæ gladius, Scripturæ gladius Delphicus. Vah verborum portenta, aurum vulnera, quæ ab ore fluxisse Christianorum vix credibile est, sed potius ab Arû cloaca; certo certius vel à Cathedra Papali, vel ab inferno! Excusandus nobis es; Imperator sancte, qui Licinii nomen habuisti; *Virus reipublica & pestem publicam* vocat literas, Petrarch. remed. l. dial. 43. Sed excusandus es; nam Pontificii virus Ecclesiæ in sacris paginis inveniunt. Fateantur ergo quod res est, Scripturarum novos distinctionis cudant terminos; Verbi *scripti & non scripti*? nequaquam, sed verbi *nostri & non nostri*, verbi Divini & Pontificii; & aperte dicant quod in jure Pontificio non obscure innuitur, Verbum Dei deficiens est, nostrum perfectissimum; Scriptura non sufficit, Traditiones nostræ, imò commenta nostra, defectibus istis medentur: sic orbi Christiano patebit quales Scribæ habendi sunt, Scribæ Scripturarum lucifugæ, Scribæ Scripturas prodentes; ejusmodi quales Christus in Evangelio perstringit, qui Phariseis & hypocritis non proximi sunt, sed ipsissimi.

Candorem vestrum obtestor, Viri, nè succenseatis, si ante pensum absolutum flacceat oratio, istis lassata blasphemii, quas æquum est non ut Theologus quis retundat, sed ut Dominus increpet.

Igitur relictis illis, ut summo respondeant omnium Judici, videamus quæ sunt illa altera impietatis vada, in quæ è nostratibus aliqui impingentes, naufragium si non fecerint, timendum est nè facturi sint.

De Cultu pastorali non quæritur, Utrùm ad hoc munus suscipiendum satis sit ut possit Scripturas Sacras legendo populo præponere; nam magna requiritur præterea donorum *ἰσχυρὰ*, ut possit panem frangere & Pauli verbo, *ἐκδοποιεῖν*. Neq; de cura quæritur pastorali, An satis sit ad officii sui rationem, ut legat Scripturas; nam prædicatio Verbi assidua necessaria est. Nec denique de duorum operum discrimine quæritur, Utrùm Prædicatio magis conducat quàm Lectio; nam usitatè id prædicando fieri fatemur, sed ex populi socordia & ignorantia, ut Chrysostomus. Sed utrùm per nudam lectionem possit & id fieri, & fiat etiam aliquando.

Hic se boni illi Viri opponunt, atque verbo Dei, si prædicetur, suam esse dicunt ad convertendas animas virtutem; non similiter si legatur: legum & scriptum valere ad nutriendam fidem, non ad operandam; ad augendam, non ad ingenerandam. Quasi in verbo Spiritus sanctus potens esset, in

Scriptura imbecillis. Hinc nata illa verborum nania, neque Preces cœli penetrare quæ lectæ & scriptæ, neque Conciones ad cor pertingere quæ lectæ & scriptæ : & Scripturam vix esse Scripturâ si consideretur ut scripta, quæ ordinariè animas nec servat nec convertit, nisi per miraculum. Hinc illa verborum ludibria, Scripturas in Ecclesia legere non minus est Laicorum : Scripturas in Ecclesia legere, non est pascere, sed fingere, & personam induere ut histriones in scena solent, imò multò deterius ; nam histriones quæ dicunt memoriter recitant, legentes sine libro pascere non possunt : Admirationem Cœnæ Dominicæ Superstitionis larvam esse, preces publicas tragelaphos, nugarum & ineptiarum puerilium plenissimas. O cæcas hominum mentes ! O temerarias cogitationes ! O perversitatem animi ! quid agitur ? quid est quod vultis ? Siccine in ineptiis contra sapientiam Dei vos solvere, siccine pietatis prætextu insanire, siccine manus extendere contra brachium Domini ? illi sunt fructus laborum, ut aperiantur contra Divina eloquia ? ob hoc usus calami cœlitus emicuit, ut stringatur contra sacras Scripturas ? Vel mutos nasci præstat quàm cum viperarum linguis ; quia candor etiam ineruditæ laus est aliqua, malevolentia vel eruditissimæ vituperatio certa. Dicant mihi nunc histriones quinam dicendi sunt ; nos qui pro Scripturarum lectione pugnamus, an illi qui facultatis suæ opinione tumidi ludunt dicteris, & sacram legendi institutionem quam Deus ipse ordinavit, & Christus in persona sua exercuit, fictionem personæ non timent dicere. Liceat mihi eos Tertulliani verbis compellare, An alius est tinctis Christus, alius audientibus ? an alius spiritus audientibus, alius legentibus adest ? an irâ à Christo salutis nostræ causa agitur, ut ad animum per aures sancto Spiritui aditus pateret & non per oculos ? aut si per aures solas, per vocem prædicantis ut id fieret, & non per vocem legentis ? Eliæ Deus apparuit in voce tenui, sicut Abrahamo in sonora. In Evangelio Christus sicut uni os clausum aperuit, ita alterius manum aridam sanavit ; ut vel nos inde doceret potentem eum esse in utroque organo, atque Apostolis suis non minus assistisse cùm scriberent, quàm cùm prædicarent ; atque beatos eos pronunciasse qui verbum suum legunt, non minus quàm qui audiunt.

Esto, sit aliquid in modo tractandi discriminis ; plus movere ea quæ vivâ voce proferuntur, atque fortius sonare, quia habent aliquod in affectus nostros imperium & vocis modulatio, & ardor oculorum, & gestus corporis : sed humana hæc sunt omnia, & ab humana infirmitate pendentia. Ipsa intelligentia, fides, gratia, Sancti sunt operationes Spiritûs, quo juvante, satis est vel legisse, & non juvante, audivisse non sufficit. Neque qui plantat legendo est aliquid, neque qui rigat prædicando, sed qui incrementum dat solus Deus. Desinant ergo posthac sacra Dei munera inter se committere : fieri hoc non potest sine dispendio pietatis : aut si fiat, laudabilior erit erudita lectio quàm illiterata elocutio, ut in fontibus aqua purior quàm in quocunque rivulo. Habet suam & quidem summam laudem prædicatio Verbi, sed non idcirco Lectionis nulla erit utilitas. Sicoeli portam spectemus, Prædicatio Clavis est, si muros, Scala, si viam, Calcar ; si vitam, sanæ mentis Cibus est, & Pharmacum ægrotantis : *sed & Lectio non minus legentis est cibus, quàm Sermo audientis*, ait Ambrosius, Ser. 25. Fruantur ergo soli suâ sententiâ, quàm ante ipsos nemo Prophetarum, nemo Apostolorum, nemo sanctorum Patrum ante ipsos posuit, nemini, quod sciam, hæreticorum in mentem venit, *id' èν οὐρανό*. *Histrionicâ* illi appellitent : at primitivæ Ecclesiæ Episcopi junctim in Concilio Vasensi 2^o, & Laodiceno, & Carthaginensi 4^o, *Histrionicâ* illam decretis suis statuerunt ; & Optatus muneris hujus histrionici vilitatem non refugiebat, neq; Aurelius, neq; Celerinus, quorum meminit

meminit Cyprianus: virtutibus insignis alter erat, & fidei laude pro-
 vectus; alter moribus gloriosus, inter Christi milites Antesignanus, ad
 persecutionis prælia primus; & uterque tamen ad legendi munus divina, &c.
 Illi *Histrioniam* appellent; Ego, cum Cypriano, honorem, eumq; maxi-
 mum: honorem summum, quod in Pastoralis cura prædicandi munus incum-
 bit; honorem alterum, quod inter vos legendi: det Deus, ut non sit mihi
 honori, sed ipsius nomini; nec tam honori mihi, quam vobis usui. Ut sic
 esse possit, vestras non aures tantum, sed genua & manus postulo, manus non
 ad plausum, sed ad preces expansas; ut siue dicenti, siue scribenti, siue le-
 genti, Deus adesse & præesse dignetur; ut in eorum numero inveniar qui
 & proficiendo legunt, & legendo proficiunt: hoc est, ut si esse non possim
 Orator bonus, aut *Scriba* eruditus, at saltem *Lector* fidelis & assiduus, ad
regnum Dei, & Ecclesiam Christi; Cui, &c.

Ep. 33. 6.
 Ep. 34.

LECTIO III.

Matth. 13. 52.

Omnis Scriba eruditus, &c.

DE Institutione Clericorum multi multa scripserunt, utriusque se-
 culi Antistites. E veteribus, Basilius, Chrysostomus, Cyprianus,
 Ambrosius, Hieronymus, Augustinus, Greg. Magnus; atque re-
 centiorum non pauci; pie & eleganter omnes; sed jejune & aride,
 si ad ea quæ Salvator noster hac de re in Evangelio tradidit conse-
 rantur. In hoc Pastore omnes pastores reperiuntur; quia ipse non didicit
 quæ alios doceret, sed ex ipso solo petenda est regula regularum, quia solus
 ipse est Pastor pastorum. Utroque modo se hoc in loco prodit discipulis
 suis; & in similitudine Exempli, de sequendo pastorum principem, familiæ
 patrem; & in rectitudine Regulæ, de proferendis regni mysteriis. Utrum-
 que paucis complectitur *φιλοσόφησθε*. & mihi brevitate æmulâ sequen-
 dum est, non per vestigia mysteriorum, sed verborum, si fortasse potero vel
 mediocriter attingere aut sensum Regulæ, aut virtutem Exempli. Quocirca
 omnem mitto verborum ambitum, satis superque peroratum est; mitto
 quæ superius dicta sunt omnia; non mea jam illa, sed vestra reputo. Nolo
 actum agere: sed ut pastores ubi post longam hyemem Solis radios affulxisse
 viderint, diemque reddidisse calidiorem, greges suos è caulis ad consueta sed
 nova pascua deducunt; similiter & ego, quoniam jam hyemem transisse
 video, & vos huc è propriis laribus confluisse, quæ retro acta sunt obli-
 vi cor, & ad ea quæ à fronte sunt contendo, ut possim vos per nova itinera
 ducere ad vetus illud hospitium, *Omnis scriba doctus ad regnum Dei, &c.*

Aug. hom. de
 Pastoribus.

Quid præ se verba ferant, nemo est, opinor, vestrum præcipue, qui nescire
 possit. Quod Apostolus, 1 Cor. 1. 26, *Frates, videtis vocationem vestram.*
 Quod si qua alia Scripturæ portio, hæc certè vestra est, portio Levitarum,
 Enchiridion Sacerdotis, speculum Doctoris Evangelici, in quo seipsum vi-
 deat, quid primò, quid secundò esse debeat, condus & promus, concha & can-
 nalis, *διδάσκων ὡς δίδασκόντες*, *scriba doctus* & scriba docens; discens quæ

C 3

post-

Hier. ad Fabi-
lan ep. 128.

postmodum doceat, & docens quæ prius didicerit; *eruditus* ut alios erudiat, & plenus ut proferat. Nihil addi potest. Ista duo totum comprehendunt officium Doctoris Evangelici: & sunt velut lapides Duo in Rationali sacerdotis, juxta conjecturam Hieronymi, *διλωσις & ἀλήθεια*. Illinc enim *veritas* sive scientia requiritur, ut noverit quæ docenda sunt: hinc *manifestatio* sive doctrina, ut possit sermone proferre quæ noverit. Breviter, viva est delineatio muneris pastoralis, ex specifica differentia & causis propriis facta. Differentia specifica est in illo verbo *Proferat*, docetque quodnam sit officium. Causæ connatæ quatuor sunt, velut quatuor appendices.

Primò, Quæ proferenda, *nova & vetera*; ista rationem habent Materiæ. Secundò, Cui bono hæc facere debeat, *Ad regnum calorum*, rationem habet Finis.

Tertiò, Quod Exemplar proponendum est cum faciat, *tanquam paterfamilias*; in hoc ratio Formæ.

Quartò, Quæ præparatio exigitur ut faciat, Eruditionis *thesaurus* comparandus est; istud ad instar causæ Efficientis.

Si singula seorsim expendamus, mysteria patebunt. Non dicitur ad Ecclesiam, sed *Regnum*; non Servus familiæ, sed *Pater*; non de penatio, sed de *Ærario*; non generatim, alia & alia, sed punctim, *Nova & Vetera*.

Sensus est, Scriba doctus ad Ecclesiam Dei, similis est Oeconomo qui profert de penario hæc atque illa: sed verba sensum exsuperant, *Scriba doctus ad regnum calorum similis est paterfamilias, qui profert de thesauro suo vetera & nova*.

A parte prima ordiendum mihi est, Quodnam sit officium Doctoris sacri, *ὁ δὲ διδάσκει* & in ista duo consideranda, Ordo & Modus. Primum est de Ordine consequentiæ, quando demum hæc copia proferenda est; postquam fuerit eruditus & satis instructus. Non debet talenta gratiarum reponere, vel in fundo Mundani cordis, vel in Sudario immundi cordis, vel sub modio maligni cordis, vel sub tecto lascivi cordis; sed proferenda sunt nummulariis. Voluptatis locus tectus est, non gratiæ. Occupanti talentum Sudarium est utile, non ipsi talento: è modio fidei mensura dispensanda, non sub modio occultanda. Necessitate officii devinctus quisque est ut proferat quæ habet; quod Primasius in illa verba S. Pauli ad Timoth. 1.5. *Honor duplex debetur illis qui laborant in verbo*, Non dicitur, inquit, *honor iis debetur qui habent verbum, sed qui laborant in verbo*. Et Aug. in illud Lucæ c.8. *Habenti dabitur*, i. e. *Usenti*: Ità hoc in loco, non dicit, sicut paterfamilias qui habet *Vetera & Nova*, aut qui proferre potest, sed qui profert; *dona Dei si proferat, ut panes sunt Christi, dum franguntur multiplicantur*, Aug. de Doct. Christ. c. 1. Si non proferat proximus est carenti, perinde est ac si non haberet: ratio est, quia donorum præmia non ex habitibus pensantur sed actibus, neque ex primis actibus sed secundis; ut aquæ sic habitus motu & exercitio purgantur, si modò sit cessatio animi corrumpuntur. Esto sint dona supernaturalia; frustra sunt omnia, & quasi non sunt, & ad iudicii cumulum tendunt, si ad exercitium non promoveantur, & ad Ecclesiæ utilitatem, quod apud Ecclesiasticum c.20. v.30. legimus, *Sapientia abscondita, & thesaurus invisus, quæ utilitas in utrisque*? Huc pertinet Aug. regula, de Doct. Christ. c. 1. *Omnis res quæ dando non deficit, dum habetur & non datur, nondum quomodo habenda est habetur*: Dicat enim mihi quisquam si poterit, inter cæcum & oculos claudentem quid intersit, aut inter elinguem & non loquentem, nisi hoc solummodo, quod isti Natura injuriam facit, hic Natura. Quid inter nolentem & nescientem docere, nisi hoc, quod alter habet ignorantia excusationem, alter malitia reatum. Nunquid pastor est dicendus, qui non pascit?

ant

aut angelus, qui non annuntiat? aut doctor populi, qui nunquam docet? nullo modo. Vigiles qui dormiunt, non sunt vigiles, sed proditores; Lucerna quæ non lucet, non est lucerna, sed cera aut sumen; Oculus qui non cernit, non est oculus, sed caro picta; puteus si aqua desit, non est puteus, sed fovea; tuba si ad sonitum impotens fuerit, non est tuba, sed æs fustum, si incertam vocem dederit, quis parabit se ad prælium? si nullam dederit, multò minùs: fons siccus, præco mutus, lux caca, sal infatuatus sunt *ἀόρητοι*. Audiamus S. Petrum Ep. 1. c. 4. Unusquisque sicut accepit gratiam administrare debet; non enim patrifamiliàs satis fuit, si cor habeat opibus instructum, nisi proferat. Hoc primum erat, Ordo Consequentia.

Alterum quærit de Modo, qui proferat: ino aliquid majus est, *ἐκβάλλει*; i. e. qui projicit & extrudit. Projicere plus est quàm Proferre; nempe cum zelo quodam & fervore animi proferre. Ille projicit qui divite venâ effundit verba, ut Apostoli in die Pentecostes: satis aptum vocabulum huic rei exprimendæ, quia de prædicationis negotio hic agitur: sic uno ore Interpretes universi, vix quenquam habemus discrepantem; & pro seipsa res loquitur. Præcedentes parabolæ omnes huc respiciunt, de Semine, de Fermento, de Margarita, de Sagena: nam & Semen verbi est, & Fermentum verbi, & Margarita verbi, & Sagena verbi. Est Homo prædicator & Homo qui seminat, & Mulier quæ abscondit, & Negotiator qui quærit, & Servus qui retia laxat. Exinde statim infert, *Omnis scriba doctus*, i. e. omnis qui ista novit spiritualiter exsequi. Deinde singula textûs verba huc respiciunt: *doctus ad regnum*, ad regnum Evangelii prædicandum; *sicut paterfamiliàs*, i. e. sicut ego feci qui mysteria coelestia vobis enarravi; *proferat de thesauro*, i. e. de thesauro Scripturæ colligit, de thesauro cordis ore promit. Proferre est prædicare, pascere. Evidentius hoc erit, si cum altera parabola conferatur Luc. 12. 42. *Quis est fidelis dispensator & prudens, quem constituit Dominus super familiam suam, ut det illis in tempore tritici mensuram?* In utraque singula singulis respondent: quod hic *οἱ οἰκοδομοὶ*, ibi *οἱ οἰκονόμοι*, pastores populi; & hic & ibi, *Familia*, i. e. Ecclesia; quod hic *proferre vetera & nova*, ibi est *dare mensuram tritici in tempore*, i. e. puram & probatam doctrinam, secundum capacitatem audientium, ut optimè Augustinus. Sic Proferre est Prædicare. Sit igitur hæc Thesis five Propositionio,

Prædicatio Verbi Dei opus est & ordine primum, & maximè proprium, & longè præcipuum inter omnia Curæ Pastoralis exercitia; ad quod sua studia & animum, & se totum, & imprimis, & maximè, & sæpiissime appellere debeat qui vel Scribæ vel Oeconomi partes agit in Ecclesia Christi.

Propositionis tria sunt membra; est opus *primum*, & opus *proprium*, & opus *quotidianum*: quæ omnia sigillatim discutienda, ut omnes sentiant, non heri aut nudius tertius, neque nobis auctoribus Concionum sacrarum usum existisse; sed unâ cum Evangelio natum, & ab antiquis Patribus celebratum, sicut in singulis jam partibus patebit.

Pars prima Theosæ est, Quod Prædicatio Verbi Dei sit opus pastoris primum & principale. Unicum illud quod S. Paulus Timotheo commendat, 2 Tim. 4. 2. *Prædica Verbum, instâ, opportunè, importunè*: & S. Petrus Presbyteris, 1 Pet. 5. 2. *Pascite, quantum vobis est, gregem Christi*: quod in isto Petri loco est *pascere*, in altero Pauli est *prædicare*. Deus ipse ita interpretatur, Jer. 3. 15. *Constituam pastores secundum cor meum, pascensque eos scientiâ & disciplinâ*: quid est *pascere scientiâ & disciplinâ*, nisi prædicare? sunt voces convertibiles. Christus sic interpretatur, Joh. 21. *Simon, diligis me plus quam hi? pascè agnos meos*: & bis ingeminatur, ut intelligamus hoc

esse & primum & secundarium. *Simon, pascere*: Ità faciam, Domine, sed nunquid aliud? *Dico tibi, Pisce*: Audio, sed an hoc totum est? *Dico tibi, Pisce*. Quid elarius? Christus & primum & secundum & tertium locum Prædicationi verbi tribuit: Pontificii ut plurimum vix aut nè vix quartum, sed semper aut inferiorem aut infimum. Tho. in 4. d. 23. qu. 3. art. Sacerdos habet duos actus, unum principale, super corpus Christi verum; alium secundarium, super corpus Christi mysticum: priorem actum missionem vocant, alteram prædicationem. Estius in 4. sent. d. 24. f. 19. Presbyterorū seu Sacerdotum proprium ac præcipuū munus, cui reliqua subiunguntur, est offerre Deo sacrificium corporis & sanguinis Domini: secundum, remittere & retinere peccata: tertium, administrare Sacramenta: quartum, prædicationis ministerio pascere populum Dei. Carteros taceo, quia ad unum omnes primum sacerdotis opus hoc statuunt, conficere corpus Domini; & nè quid blasphemiae desit, creare Creatorem suum; atque, nè quid stultitiae desit, Andræus & alii, Christum per illa verba, *Hoc facite in memoriam mei*, Apostolos suos ordinasse sacerdotes. Hoc illud quod adeò strenuè disputatum in consilio Basiliensi, Præstantius esse missare quàm prædicare, quia prædicationis est ad finem missionis, sc. ut celebrantes devotius agant; finis autem est præstantior mediis.

Ad refutationem satis esset, ostendere quomodo à se mutuo discrepent: fidei enim doctrina constans sibi est & sui similis; at Estius sibi non constat, nam eadem distinctione, f. 15. officia ista alio ordine recitat, Sacrificare, baptizare, docere, reconciliare, afflictorum curam habere: hic docendi munus præponit muneri reconciliandi sive absolvendi; supra postponit. Adhuc in Pontificali est alius Ordo, Sacerdotem oportet offerre, benedicere, præesse, prædicare & baptizare, Nec Durandus constat Estio, ipse alium ordinem servat. *Sex sunt quæ communiter pertinent ad sacerdotes, Catechizare, baptizare, prædicare, conficere, solvere ac ligare*, lib. 2. c. 11. f. 13. hic prædicare prius statuitur quàm offerre aut conficere. Denique in Concilio Mediolanensi primo, & Tridentino, ordo alius. Per istorum Conciliorum Decreta, Verbi Dei prædicationis præcipuum illorum munus censetur qui in Episcopali sede collocantur. Sed esto sibi invicem congruerent; at ratio repugnat huic ordini, sublato enim ordinis fundamento, ordo ipse partium tollitur. Si nulla sit oblatio talis pro vivis & mortuis, non erit principale munus, sed nè munus quidem. Non enim nihil subternitur. At tale quidem sacrificium eorum missificum fore, omnes norunt qui Christum norunt; merum esse somnium, humanum commentum, sacrilegum & Deo abominandum. Agnosco orationis & gratiarum actionis opera dici aliquando *sacrificia spiritualia*, quæ à Pastoribus Evangelicis offeruntur pro populo. Quid ad rem? sic ipsa Verbi prædicationis. *Ecclesiarum pastores verbum vite prædicando, spirituali gladio homines mactant & immolant Deo*, ut eleganter Chrysost. in Rom. 15. 16. hom. 29. αὐτὴ μοι ἱερουργία, κηρύττειν καὶ καταγγέλλειν ταύτην προσφέρει ἢ θυσιάζει. *Ipsum mihi sacerdotium est prædicare & evangelizare; hanc offero hostiam*. Ecce Chrysost. *sacrificium* vocat, & partes sive actus ponit huius sacerdotii, gentes hostia, gladius Evangelium, actus sacrificandi prædicationis, ignis Spiritus, sacerdos sive minister Paulus. At si capax non esset figuratæ locutionis, num propterea loco cedere necesse est? Imò nos pro summo & primo ducimus, quia primum est in legatione quam acceperunt Apostoli, *Mat. 16. 15. Prædicare Evangelium omni creatura*; & summum in manifestatione donorum cœlitus fulgentium, & penè solum ad convertendas salvandasq; Animas organum. Quod si fortasse ordinis leges transgredimur, nos non solos reos agant, non nostro confi-

lio

lio id facimus. S. Hieronymus olim ante nos fecit, in com. ad Gal. 5. Quid tam Dei opus quam Scripturas legere, in Ecclesia prædicare, ante altare Domini ministrare? Scriptura id sapius facit. In sacra pagina passim Prædicationi primum locus tribuitur: primum habet inter ea munera ad quæ Christus à Spiritu sancto ungebatur; *Spiritus Domini super me, èd quod unxeris me, ad annuntiandum mansuetis misit me*, Itai. 61. 1. primum in iis ad quæ Apostoli à Christo ungebantur, Matt. 28. 19. *Profecti docete omnes gentes, baptizantes eos*, &c.

Atque idcirco etiam primum in Ordinationis Anglicanæ formula, *Tu autem esto verbi Dei & ejus sanctorum Sacramentorum fidelis dispensator, in nomine Patris & Filii & Sp. Sancti*: & postea cum Sacra Biblia singulis in manus traduntur, dicit iterum Episcopus, non ut novam potestatem conferens, sed locum exercitii designans, iterum, inquam, dicit, *Accipe auctoritatem prædicandi verbi Dei, & administrandi sancta Sacramenta in illa Ecclesia qua tibi erit commendata*. Est, fratres, quod in hoc nobis rerum & verborum ordine congratulemur, quia Christus ipse, quia Spiritus Sanctus hunc servavit ordinem; & Scriptura ipsa constanter prædicationis opus ubique cæteris præponit exercitiis Ecclesiasticis: primò, vilitationi ægrotorum, Luc. 9. 2. *Misit illos prædicare regnum Dei, & sanare infirmos*; quia animæ morbi medendi potius sunt quam corporis; & Evangelii prædicatio & *Ψυχῆς ἔστι φάρμακον*, ut optimè Basiliius. Secundò, Pauperum curæ præponitur, Act. 6. 2. *Non est æquum nos relinquere verbum Dei, & ministrare mensis*. Theophylactus rationem reddit, quia magis multò istud necessarium; *τὰ ἀναγκαῖα τοῖς μὴ ἀναγκαῖοις προτιμότερα, ἢ τὰ ἱερὰ τὰ τοῖς βιωτικῶις*. Cibus pauperum spiritu majoris momenti quam cibus pauperum mundi; & Evangelii prædicatio est pabulum mentis. Ambros. l. 35. Tertiò, Ecclesiæ moderamini præfetur & gubernationi, 1 Tim. 5. 17. *qui bene præsunt Presbyteri, duplici honore digni, maximè qui laborant in verbo & doctrina*. Istud *μάλις* duplum denuo duplicat; duplex honor disciplinam exercenti, sed maximè iis qui laborant in verbo & doctrina: siquidem Doctrina quasi corpus officii continet, Disciplina vestem; vel Doctrina ut anima est, Disciplina ut corpus, & alterum alteri subsevit; dum præfunt docent, dum docent præfunt. Quartò, Dono præfetur miraculorum, 1 Cor. 14. 1. *Amulemini spiritualia, magis autem ut prophetetis*. Non hic in stricto sensu prophetia sumitur, pro annunciatione futurorum, quæ est prophetia prædictionis; sed pro interpretatione præsentium, quæ est prophetia prædicationis. Etiam hoc genus prophetiæ supereminet miraculis, non gloriâ, sed commodo: *ἀπὸ τοῦ κοινῆ συμφέροντος*, Chrys. in locum; quia pluribus prodest. Addo, quia supernorum donorum finis est: miracula enim ut instrumenta prædicationis confirmandæ subserviunt & ancillantur. Postremò, Sacramentorum etiam administrationi præfetur, Matt. 28. *Docete & baptizate*; 1 Cor. 1. 17. *Non misit me Christus baptizare, sed evangelizare*. Certissimum est quòd ad utrumque missus & vocatus erat; & ait, *Non baptizare*, ponendo negativum pro diminutivo; minùs me misit baptizare: ut ostenderet opus prædicationis majus esse; Ambrosius, *præstantius & excellentius*; Theodoretus, *ἰσχυρότερον ἔστι, ἢ πάντα συνείχε*, laboriosius est, & omnia continet; iterum, *ἀναγκαῖόν τὸν ἔστι*. Cuiusvis est baptizare, Evangelizare unius aut alterius sapientioris, Chrysost.

Colligamus nunc demum hæc omnia in unum manipulum: sic Theseos certitudo demonstrari potest tribus Inductionibus.

Prima est Inductio Rerum: dispensatio sacramentorum, absolutio à peccatis, oblatio precum, donum miraculorū, bonum disciplinæ, cura pauperum,

agro-



argrotoꝝ sanatio, sunt illa aut omnia aut præcipua, quæ vel Apostolis olim, vel nunc tandem Pastoribus commissa sunt; atque istis singulis prædicatio Verbi antefertur. Quod autem nulli cedit, est nulli secundum: & quod prius & præstantius non habet, illud omnium primum & præstantissimum sit necesse est.

Secunda est Inductio Mediorum. Non enim uno modo res priores dicuntur. Sunt nonnulla dignitate *prima*, alia tempore, alia naturâ, institutione alia. Ergo in quo omnia genera primitatis concurrunt, illud constanter & perpetuò primum putandū est. Ejusmodi est Prædicatio Verbi. Ex institutione Christi primum est, *Ite, predicate*: In ratione Deo reddenda primum, *Redde rationem villicationis tue*: Inter gloriæ præmia primum, *Qui ad iustitiam erudient multos, quasi stelle fulgebunt*, Dan. 12. Inter media salutis primum est ordine, quia ad cognitionem & possessionem aliorum nos perducit; inde peccatorum absolutio, inde Sacramentorum administratio, inde gubernatio Ecclesiæ & officia Charitatis petenda sunt. Ergo quod S. Ambrosius de corona gloriæ, *Sit suis aliis & singulis coronis honos, honor corona castitatis, honor corona iustitiæ, sed summus honor corona gloriæ, quia in hac corona primum omnium coronarum*, Ambr. ser. 15. in Psal. 118. Idem de prædicationis opere; habent alia honorem suum & gratiam, sed in hoc opere omnium consummatio operum. Ergo primum est.

Tertia est Inductio Personarum. Apostoli, Prophetæ, Evangelistæ, Pastores & Doctores, sunt omnes ad unum Ordines qui recitantur ad S. Paulo, quorum omnium caput est Christus: sed in illis omnibus istud quod præcipue eminebat, erat prædicatio Evangelii: hoc, ut Augustinus & Athanasius junctim loquuntur, est *Angelorum ferculum, Angelorum pulmentum, Apostolorum gloria, Prophetarum spes, Evangelistarum decus, Martyrum corona*; addo & Presbyteri opus summum, & Episcopi summum, & Christi ipsius summum.

Pars secunda Theseos sequitur, Quod Prædicatio Verbi est opus Pastoris proprium ac peculiare. Qui *proprium* dicit, dicit aliquid connaturale & essentialē, & inseparabile: quæ quidem omnia abstrahere non venturum Pontificii, si non omnes, at nonnulli, si non à Sacerdotio, saltem à Presbyterio. Quod scilicet Presbyterio prædicatio Verbi annexa sit, non ex Officio, neque vi Ordinis, sed tantum ex Commissionē & mera indulgentia. Observe mus tabulas. Soto in 4. Sent. d. 1. qu. 5. ar. 6. *Non est officium annexum Ordini sacro ex jure Divino, sed ex jure positivo*. Estius, in sent. 4. d. 24. s. 21. *Indubitatum est ordinem ministerii consistere sine officio predicandi Verbi Dei*. Soto rationem addit, quia in Ordinatione Sacerdotum nulla sit ad prædicandum commissa potestas: atque sic revera se res habet. In Pontificatu in Consecratione Episcopi dicitur, *Accipe Evangelium, & vade, prædica populo tibi commissio*: In Ordinatione autem Presbyteri, *Accipe jugum Domini, accipe vestem sacerdotalem, accipe potestatem offerendi sacrificium Deo, Missamque celebrandi tam pro vivis quam pro defunctis*. Accipe Spiritum sanctum, accipe Evangelium, non dicitur. Quantò melius Cajetanus, *Prædicare est actus ad quem Minister consecratur*? Cajet. in 3. p. qu. 64. art. 6. ad 1^m. & Guliel. Parisiensis, De sacram. Ordinis, c. 3. *Prædicatio semper pertinuit ad Sacerdotale officium*; quamvis postea solum recitationem Apostolicarum lectionum & veteris Testamenti, ad Sacerdotale officium pertinere putet. De primi & secundi ordinis Sacerdotibus distinguere ipsos solere non ignoro; sed causam non adjuvat. Nam si Sacerdotio, ergo Presbyteris; idque *non ut accidens separabile*, ut Estius, nec, ut Soto, *jure positivo solo*, sed Divino: quia Christus legavit Apostolos sub ista loquendi

quendi formulâ, *Euntes docete*; & Joh. 20. 2. *Sicut misit me Pater, ita & Ego mitto Vos*. Num de Apostolis solis intelligitur: quid ergo S. Paulus? Ephes. 4. 11. & αὐτοί, i.e. Christus, dedit quosdam quidem Apostolos, quosdam Prophetas, alios Evangelistas, alios Pastores & Doctores: & Ephes. 4. 12. *Dedit Pastores & Doctores, ad coagmentationem sanctorum, ad opus ministrarii, ad edificationem corporis Christi*. Quid apertius? Christus pastores dedit ad opus ministrarii. Vide, ait Hieronymus, *Omnes sunt constituti ad edificandam Ecclesiam: hoc ipsorum opus est; hoc proprium opus, non ab homine, sed à Christo ipso impositum, i. e. non jure positivo, sed jure Divino*. Atque hinc est quod Ambrosius in 1 Tim. 5. Presbyteros vocat *Vicarios Christi, antistites Dei*; Nazian. in Apolog. fugæ, *duriusculè, consacerdotes Christi*; συνιερόντες Χριστῷ, sic enim loquitur. Ignatius Martyr, non in scriptis ullis supposititiis, sed in Epistolis quas ad Trallenses & Magnesium scripsit, quæ duæ pro genuinis agnoscuntur, nunc Christi, nunc Apostolorum, nunc Episcoporum assessores appellat: in illa ad Magnesium epistola, Presbyteros ait constitutos εἰς τὸ πᾶν συνεδεῖν τῷ ἁγίῳ πνεύματι, loco *Senatus Apostolici*: in altera ad Trallenses de eis ait, φύλακεις εἰσι τῶ πᾶσι Χριστῷ, *Vicarii sunt Christi*: rursus, ὡς συναδεδεμένοι Θεοῦ, & συναδεδεμένοι τοῖς Ἀποστόλοις τῷ Χριστῷ, *Confessus Dei, vel à Deo constitutus fasciculus Apostolorum*: adhuc tertio, πῶς προσβύλευρον ἀλλὰ σύμπαντα ἱερὰ, σύμβουλοι & συνεδρεῖσθαι τῷ ἐποσκοῦ; *sacer catus, consiliarii & assessores Episcopi*. Transcendentia ista videntur esse & sublimia elogia; sed in eo excusandus, quod Exemplar videtur duxisse à Scripturis ipsis, in quibus similes loquendi formulæ passim occurrunt. Sic S. Petrus socios suos Presbyteros vocat, & seipsum *compresbyterum*, 1 Pet. 5. 1. & Paulus Epaphroditum *συνεργον & συνεργάτην*, Phil. 2. 25. *Consacerdotes Christi*, quia Christus summus & Pastor & Sacerdos, ἀρχιερεὺς, Heb. 7. 26. ἀρχιεπίσκοπος, 1 Pet. 5. *Assessores Dei*, sic in S. Paulo, *συνεργοί* vocantur, *Cooperatores Dei*, 1 Cor. 3. 9. nempe quia Dei & Christi agunt negotium, atque hoc negotium est prædicandi Evangelium. Hinc Nazianz. Apol. fug. regulas illas quas sanctus Paulus Episcopis ponit 1 Tim. 3. ut *sobrii sint, pudici, ad docendum idonei*, &c. non minùs Presbyteris quàm Episcopis positas dicit; τὰς τῶν ὅρων καὶ ἐποσκοῦντων & προσβυτέρων ἴταξε. & Sedulius in illa verba, Eph. 4. 11. DEDIT ALIOS APOSTOLOS, ALIOS PROPHETAS, ALIOS EVANGELISTAS, ALIOS PASTORES ET DOCTORES; Vide, inquit, *non sejungit Pastores & Doctores, ut superiores Ordines, dicendo alios Pastores, alios Doctores; sed Pastores & Doctores, innuens quod qui est Pastor debet esse Doctor*: adeo sunt inter se conjunctissima munera, ut quicumque vocatur ad Sacerdotium, eo ipso vocatur ad Suggestum.

De personis quæstio non movetur, An non possit esse verus Presbyter qui prædicandi dono & gratiâ non exornatur; nam & hoc libenter concedimus: nec de exercitio contenditur, vel administratione forinseca; nam & hæc cum sit pars Ecclesiastica *πολιτείας*; locique & temporis circumstantiis astringatur, ab humano jure & arbitrio pendere necesse est, ut pax & ordo & disciplina serventur: Sed de rebus ipsis, h. e. de facultate & potestate, firmissimè tenendum est, & omni & soli convenire; & extra Sacerdotium neminem habere, & in Sacerdotio neminem non habere veram atque integram prædicandi potestatem: nisi legitimus scriba fuerit, non *profert*; & si fuerit, oportet ut *proferat*.

Igitur ut omnia redigam in compendium: illustrari hæc pars Theos ulterius potest duobus argumentis sumptis ex Declaratione facta in persona Apostoli, & Declaratione facta in persona Dei.

Declaratio facta in persona Apostoli tria continet capita.

Primum

Primum est ab Apostoli Desideriis; quia hoc illud opus est quod precibus Ecclesiæ sæpissimè commendat, ut possit ornare hanc Spartam. S. Paulus, 2 Thessl. 3. 1. *Orate pro nobis, ut sermo Domini currat.* Eph. 6. 19. *Orate pro me, ut mihi detur sermo in apertione oris mei, ut liberè loquar sicut oportet me loqui:* & Col. 4. 3. *Orate pro nobis, ut Deus aperiat ostium sermonis ad loquendum mysterium Christi.*

Secundum sumitur ab Apostoli Querelis: *Quis ad hac idoneus est?* 2 Cor. 2. 16. in altero loco, *Va mihi si non Evangelizavero*, 1 Cor. 9. 16. Hoc modo Moses ad munus propheticum vocatus, sæpius conqueritur, Exod. 4. *Non sum vir verborum, vel non sum eloquens*, vers. 10. & iterum, *impediti oris & lingua tardioris sum.* Jeremias semel, c. 1. v. 7. *Ecce nescio loqui quia puer sum.* Isaias etiam semel, c. 6. v. 5. *Va mihi quia tacui*, (sic enim vulgò legitur, pro *Hei mihi quia perii*; sed & istud haud ineptè, *Va mihi quia tacui*,) nam *vir pollutus labiis sum.* Dicat mihi quispiam velim, quare de ore & lingua & labiis suas viri sanctissimi querimonias effundunt: Ad manum ratio est, quia oris & linguæ & labiorum gratia muneris Prophetico maxime congruit. Nemo ergo percunctetur quæ causa potest esse tantæ anxietatis. De iis quæ extra nos sunt tam sollicitos nos præbere non solemus: quò quid cum officio nostro conjunctius, eò magis sollicitudinem nostram exposcit. At Propheta non dixit, *puer sum, & nescio miracula facere*, sed, *nescio loqui*; Paulus non dixit, *quis ad altera illa idoneus?* sed de prædicatione Evangelii, *quis ad hoc?* non dixit, *va mihi si non baptizavero*, sed *si non Evangelizavero*: de clave jurisdictionis non loquitur, *orate ut aperiatur ostium*, sed de clave doctrinæ, *ut aperiatur ostium sermonis*; hanc Apostolatus partem ostendens & inprimis necessariam, & maxime nativam ac propriam.

Secundum argumentorum genus est à Declaratione facta in persona Dei: & duo continet capita.

Primum est à Promissione Assistentiæ in hoc munere exsequendo. Salvator in Evangelio discipulis se suis *os eruditum* daturum pollicetur, *Dabo vobis os cui non poterunt omnes adversarii resistere*, Luc. 21. 15. & Deus Mosi, *Ego ero in ore tuo, & docebo te quid loquaris*; & Jeremiæ, *Nè dicas, puer sum; ecce posui verba mea in ore tuo*: & Isaiæ, *Ecce tetigit hic carbō ignitus labia tua, & auferetur iniquitas tua.* Quorsum verò ista, nisi ut ostenderet Deus, linguæ & oris eruditionem propriè ad Prophetas & Apostolos spectare? idcirco tangit Prophetæ labia carbone ignito, mittit ad & super Apostolos linguas ignitas: in N. Test. Spiritus in Apostolos descendit cum sonitu; in Vet. Testamento Sacerdos ingreditur sanctuarium cum sonitu, tintinnabula vestis apposita: hoc, ut significaret, *Pontifici proprium ut in Sancta non incederet nisi vocalis*, sicut Hieron. ad Fabiolam, ep. 128. illud, ut significaret etiam se unctos ad hoc munus vocales & loquentes fieri, Greg. 1. 1. indict. 9. c. 24. ep. 24. Aliis tribuit cor eruditum, at Prophetis linguam eruditam, Isai. 50. 4. sufficit aliis scientia pectoris, at Sacerdos custodire debet in labiis, ut Mal. 2. 7.

Alterum est ab Appellationum honorificentia quæ Sacerdotibus Dei tribuuntur tam in Novo quàm in Veteri Testamento. *Angeli* dicuntur in veteri, *Angeli* in novo; at Angelis proprium est annuntiare: *Legati* in veteri, *Legati* in novo, 2 Cor. 5. 20. legatus est nuncius publicus: præterea, *os Dei*, Jer. 5. 19. *tuba Dei*, Isai. 58. 1. *rationabiles tuba, non crepit aris, sed verbo veritatis animata*: sermo ad os pertinet, ad tubam sonus. Adhuc, *piscatores, pastores, negotiatores, agricola, edificatores, medici, æconomi*: at dispensare non possunt mysteria nisi de thesauro Verbi; nec mederi, nec alligare contritos corde, nisi fasciis Verbi; nec ædificare ad salutem, nisi per-

Ambr. de fide
resurr.

perpendiculari Verbi, neque sementem facere, nisi semine Verbi, neque animas lucrari, nisi margaritâ Verbi, neque gregem pascere, nisi gramine Verbi, neque homines capere, nisi in fagina Verbi: pereunt utique ista nomina & evanescunt, nisi animentur prædicatione Verbi.

Jungamus igitur hæc mutuò quæ de assistentia Spiritûs & nominibus diximus. Suum cuique tribuit dispensator providus, & majore quidem copiâ ubi major fuerit indigentia aut major necessitudo. Partes Josephus singulis mittit, sed majorem Benjamin, quia magis frater erat. Non negat Spiritûs sui concursus Deus quantum ad alia munera, sed promissio ad Prædicandi munus præcipuè astringitur: *Ego ero in ore tuo, Dabo os vobis cui non poterunt resistere*: quam demum ob causam? quia hæc vestra nomina, hæc officia, ut tubæ sitis & præcones. In nomine natura rei cernitur tanquam in speculo, nomen ad id natum est ut naturam exprimat: quòd si nomina plura fuerint, & omnia idem sonant, ostendunt id maximè naturale & proprium esse quod sonant. Nomen autem *tuba* quid sonat? *Os Dei* quid loquitur? *Præconis* vocabulum quid clamat? *Legati, Angeli* appellationes quid nuntiant, nisi hoc unum omnia, Non sermonem magis homini proprium, quam Verbi prædicationem Scribæ Evangelico? *Similis*, ait Christus, *homini patri-familiâs*, non dicit ut *Offerat*, sed ut *Proferat nova & vetera*. Hæc erat secunda pars Thæseos.

LECTIO IV.

Proferat.

Verborum tanta vis est, ut sine verbis nihil dici possit de laude Sermonis, & sine verbis nihil de bono silentii: quod Augustinus olim de Lumine dixit, *Sine lumine non possumus videre lumen, & sine lumine videre non possumus quòd non est lumen*. Scriptura est istud Verbum, & illa lucerna, absque hac lucerna veritatis veritas ipsa non potest astrui, & absque illa falsum non potest deprehendi: absque hoc Verbo non possumus dicere de prædicatione Verbi, nec absque eo de occultatione talenti: sicut paternitatis sine clave nihil in thesaurum recondit, & sine clave nihil de thesauro *proferat*. Adeò hoc ipsum vocabulum est illa clavis, quæ & mihi ostium aperit sermonis, & attentionis vobis. In voce non multùm dissimili omnes virtutes oratorias Augustinus agnovit, sc. ut *pronunciet*; istud & primum, & secundum, & tertium. In ejusmodi voce Christus omnes contrahit virtutes Apostolicas, nimirum ut *Pascat*: atque idcirco triplicavit, *Pasce, pasce, pasce*; quasi hoc solum esset & principium & medium & finis totius operis; Lac Verbi, vinum Verbi, mel Verbi; flos lactis in summo, vini in medio, mellis in imo consistit, ut faciat & ponat in primo loco, in præcipuo loco, in omni loco. Itidem liceat & mihi ad unius vocis ambitum spatiosum illud Doctoris sacri munus contrahere, nempe ut *proferat*. Hoc opus primum est, hoc proprium, hoc præcipuum, ut hoc unicè, ut maxime, ut quàm sapissimè faciat. *Proferat*, ait Salvator, *de thesauro nova et vetera*.

D

Quòd

Quòd Prædicationis opus sit primum, & Pastori Evangelico maximè congruum, non est quòd denuo moneam : superius id me fecisse vos testes estis qui interfuistis.

Ad tertiam nunc Theseos partem festinus ducor, ut ex Sacra pagina & antiquis Scripturibus elucescat, esse id quoque opus præcipuum, cui nos totos integrè atque assiduè dedicemus. *In materia necessaria, signum indefinitum universali aequipollere*, Logici dicunt : & tempus indefinitum præsentis, Jurisconsulti. Ratio eadem in regulis Theologicis, *Ubi tempus certum non statuitur, omne quod opportunum est subintelligitur*. De orationis negotio S. Apostolus verba faciens, 1 Thes. 5. 17. adverbium annectit, non tam temporis quàm æternitatis, ut fiat *ἀδιαλείπτως orate*, inquit, *indefinenter*, non quasi nihil aliud agendum esset, sed hoc potissimum. Qui semper quando opus est orat, semper orat. Aliter hic se res habet, adverbium non interponitur, non excluditur tamen : sequitur enim, ut si opus Prædicationis sit æquè necessarium, sit etiam æquè assiduum. *Qui profert*, id est, qui indies, qui quotidie profert. Ratio similitudinis idem exigit, quia fidelis Oeconomus non unius tantum diei cibum aut alimentum familiæ distribuit, sed id quotidie peragit, de die in diem, à prima mensa ad secundam, & dehinc ad tertias epulas : sic Pastor fidelis cancellos sibi nullos statuit, sed quotiescunque ratio exigerit, re bene gestâ, ad novos sudores se præparat, recitque ipsi labor actus in orbem. Non mea est assertio, sed ipsius Scripturæ, & antiquorum Patrum. Quæ duo si dilucidavero, ad nova illa & vetera quæ sequuntur non invitus festinabo.

Ex Scripturis id primò demonstrandum est ; quatuor autem sunt loci palmarii.

* Primus locus erit ex Isaiâ 58. 1. mandatum Domini est ad Prophetam, *Clama, nè cesses, quasi tuba exalta vocem tuam*. In tribus verbis tres Concionatoris virtutes ob oculos ponuntur. Primò, non est frigide loquendum, sed fortiter, voce ferrea utentium est : qui surdis loquitur, oportet ut clamet & tonet : Discipulus quem Jesus plurimum dilexit, erat *filium sonitui*, ut Hieron. Evagrius, ep. 85. Secundò, non timide loquendum, sed bellicosè ; non tibiæ modulatum vox præ se ferre debet, sed clangorem tubæ, *ὡς ἐν Θεῷ πολεμῶν*, quasi adversus Dei hostes præco mittitur ; Procopius, *Duces hi sunt exercitus Domini, pugnant dum prædicant*, Greg. in 1 Reg. 5. Denique, non ad placitum & pro libitu clamandum est, sed incessanter, nè cesses : non oriandi, vix spirandi vicissitudo indulgetur. Nulla temporis meta ponitur ; non die solummodo id facias, sed nocte. Is. 62. 6. *Super muros tuos, Jerusalem, constitui custodes, totâ die & totâ nocte jugiter non tacebunt*. Nulla vocis meta ponitur ; non sæpe tantum id facias, sed semper. Is. 62. 1. *Propter Sion non tacebo, & propter Jerusalem non quiescam*. Quis ista audiens non agnoscit, sacro igne Prophetam imbutum, qui nec potest, nec debet extinguì ? Lege istud à Deo sancitum, Lev. 6. 12. *ignis in altari semper ardebit, & nunquam deficiet, & tu, ait Origenes, si vis esse Sacerdos Dei, prædicationis lucernam non sinas extinguì* : dicas potius cum Isaiâ, *non tacebo, non quiescam* ; motum cœlorum imitare quietis nescium. Memento verborum Domini, *Nè cessa* : sive sit verbum doctrinæ, nè cesses plantare, sive exhortationis, nè cesses rigare, sive increpationis, nè cesses secare. Pone securum ad radicem arboris, & si primo ictu cedri non cadant, adjice secundum, & adhuc tertium, donec excendantur. Nè parcâs lateribus, clama ; nec labiis, exalta vocem, nec buccis, tuba audiatur ; nec pulmosibus, nè cesses : ure, seca, clama, velut ignis Altaris, securis Sanctuarii, tuba Dei. Ille est primus locus.

Secundus

Secundus locus habetur, 2 Tim. 4. 2. & est quasi commentarius in primum, *Pradica verbum, inſta, ἐκκαλέσθαι, ἀκάλειν, tempeſtivè, intempeſtivè.* O quinque verba ſupra decem millia verborum! Non ſatis prædicare, niſi *inſet*, id eſt, quotidiè faciat; non ſatis ut *opportune* faciat, niſi *inopportune* fiat. Hoc eſt quod Iſaias dixit, *nè ceſſes.* Quid autem ſibi vult *intempeſtivè*? nihil enim intempeſtivum laudatur. *Tempus eſt*, ait Salomon, non minus *tacendi* quàm *loquendi.* Etiam à bono Pſalmiſta *tacuit*, quia non erat loquendi tempus. Sed Apoſtolus urget utrinque, *tempeſtivè, intempeſtivè*; id eſt, omni tempore, nocte dièque, ſecundùm Salomonis illud, Eccleſ. 11. 6. *Manè ſemina ſemen tuum, & vespere nè ceſſet manus tua.* Vel iterum, *in tempore, ex tempore,* ſecundùm illud Salvatoris, Matt. 10. 19. *Nè ſitis ſolicitati quid loquamini, dabitur enim vobis in illa hora.* Vel tertio, *opportune, importune,* id eſt, volentibus & nolentibus, ut Chryſ. Hieronymus & Auguſtinus interpretantur. καὶ περσίχητι, καὶ μὴ περσίχητε ἂν τε ἀκούσῃς, ἂν τε μὴ ἀκούσῃ, Chryſoſt. 6. cont. Judæos. Si monita tua liberent accipiant, imò ſi faſtidiant; ſub plauſu manuum, imò ſub lapidum ſtrepitu, per ſaxa, per ignes; tempore pacis, etiam tempore perſecutionis. Mercator ſi fluctus timeat, quo poſſit modo margaritam lucrari? *Qui obſervat ventum, non ſeminabit, & qui aſpicit nubes, non metet,* Eccleſ. 11. Ergò importune, ut Chryſoſt. iterum, ἡ μὲν ὅν τῇ ἐκκλησίᾳ, ἀλλ' ὅ τῷ δεσποτῇ, Chryſ. in 2 Tim. 4. non ſolùm in tempore fidei, cùm ſecunda aſpirat aura; ſed in mediis tempeſtatibus, cùm procellæ ſæviunt, Hier. in Eccleſ. 11. Pulchre hæc aſſiduitas depingitur in Apoc. 4. per quatuor animalia plena oculis, nec diè nec nocte quieſcentia. De quatuor præceptis Eccleſiæ Doctõribus nonnulli intelligunt, Gregorio, Ambroſio, Hieronymo, Auguſtino: de quatuor Evangelis, & eorum nomine, univerſis Verbi Divini præconibus, major pars antiquorum interpretum: utrinque plena ſunt oculis, iſtud donum Scientiæ indicat; diè ac nocte non quieſcunt, ad ſignificandum laborem indefeſſum, ſive in adverſis, ſive in proſperis; inter vigilandum non licet vel tantillũ oculos claudere. Qui manum aratro admovit, nè retroſpiciat, Luc. 9. 62. quia præponunt tam pretioſo depoſito, quod Chriſtus ſanguine proprio pretioſius judicavit, Bern. ſ. 2. de adventu Domini. Qui hoc in ſe munus aſſumpſit, poteſtatem linguæ non habet: lingua non eſt ampliùs tua, ſed Chriſti; nec labia ampliùs tua, ſed Eccleſiæ. Conſecraſti os tuum Evangelio; non te penès eſt ut claudas: lingua non comprimenda, ſed duplicanda potiùs. Quod vitæ morali opprobrium eſt, id Concionatori in laudem cedit, bilinguem eſſe oportet, h. e. linguam & linguam habere: alteram pro volentibus, ut loquatur *tempeſtivè*; alteram pro nolentibus, ut loquatur *intempeſtivè.* Iſte eſt ſecundus locus.

Tertius locus habetur 2 Tim. 4. 5. ubi hortatur Timotheum Paulus, vel potiùs præcipit, ut miniſterium ſuum ad ἀκμὴν perducatur, *miniſterium tuum imple.* Facito plenam fidem prædicationis tuæ, Eraſmus vertit: & Theodorus Beza, *teſtimonia & argumenta probati miniſterii redde.* Atque ita quidem πνευφορῶν & πνευφορῶμαι uſitatè ſignificant, *certum facere, & pro certo habere,* ut ſæpe in Novo Teſtamento, quaſi πᾶν πῖ-
στον φέρωμαι, vel φορώ. Sed ego potiùs verſionem Vulgatam ſequor, ut magis conſonam ſcopo Apoſtolico, de implendo miniſterio: ut πνευφο-
ρῶν fit idem quod miniſterii ſui curſum conſummare. Patet ex verſu 7. *Curſum meum conſummavi, fidem ſervavi:* ſicut ego feci, fac tu ſimili-
ter; ego implevi miniſterium, tu item imple: & verſu 10. *Demas me reliquit, amplexus præſens ſeculum;* i. e. Demas non implevit, tu vide ut im-

pleas: & adhuc clariùs, Col. 4. 17. *Dicite Archippo, Vide ministerium quod acceperis à Domino ut impleas illud, ἴνα ἀντὶ τοῦ πληρῆσαι. πληρῶν & πληροφῶσαι* sunt idem Apostolo: mandatum idem utrobique; non tam ut certum, quàm ut plenum faciat ministerium, i.e. perficiat & absolvat. Sic in Scriptura sapius, *dies implere, & annos implere, tempus implere, & opus implere*, omnia ad idem recidunt: neque ulli desis tempori, neque ulli officio; quicquid poteris age, & quoties poteris. Ità Theodoretus & Anselmus clarè. Ille ad tempus refert, *Imple, i. e. sive credant, sive non, trade doctrinam*, Theod. Alter ad officia, *ministerium tuum imple, ut non sit vacuum à bona actione sua, sed quicquid in eo agere debeas plenariè perficias*, Anselmus; Arguendo, obsecrando, increpando, docendo: si ad aliquot menses, si ad aliquot annos, si ad aliquot spatia temporum feceris & cessaveris, non implesti: si doceas, & non arguas; si arguas, & non obsecres, non implesti: quemadmodum si cui cadus aut culeus vino vel aquà implendus sit, postquam aliquot cyathos infuderit, non cessat, sed addit cyatho congium, & congio urnam, & urna amphoram, donec plenum viderit usque ad summum. Idem ut Timotheus in ministerio suo faciat, hortatur Paulus, & eodem modo Petrum Christus, Joh. 21. triplà compellatione exsuscitat, *Pasce, pasce, pasce*, ut hinc disceret quo potissimum pacto repetitionis hujus numerum adimpleret. Etenim sive ad diversos pascendi modos referamus, cum Bernàrdo, corde, ore, opere; animi devotione, verbi exhortatione, exempli exhibitione, s. 2. de Resurrectione Domini; sive ad locorum distantias, pasce Hierosolymis, pasce Antiochiæ, pasce Roma; ubique pasce; sive ad ætatis gradus, pasce cum primùm annum applicueris, pasce cum adoleveris, pasce cum consenueris: quomocunq̃ue sumatur, oriose toties repetitum non est, sed ut insigne assiduitatis documentum daret de implendo ministerio. Patens osium in ovile Petro aperit, ut ex ore ejus prodiret salus populorum: ut de S. Paulo Ambrosius, de Cain & Abel, lib. 1. cap. 9. apertius autem dare non poterat, quàm ter pulsando, *Sanctus, sanctus, sanctus*, i. e. omnimodo sanctus: *pasce, pasce, pasce*, i. e. perpetuò pasce, infinitè & continuè & semper id faciendum significavit. Quòd si hic iterum rogasset, Quoties pascam? idem responsum accepisset quod in Matth. 18. cum percunctatus esset, *Domine, quoties in me peccabis frater meus, & dimittam ei? usque septies?* Christus respondit, *Non dico tibi usque septies, sed usque septuagies septies*, i. e. semper. Ità hic ter *pasce*, i. e. semper pasce: ut enim per tria, omnia; sic per ter, perpetuò significatur, donec impleveris. Conferamus hæc mutuò. Christus Petrum ut assiduè pascat hortatur, Paulus Timotheum ut assiduè prædicet. Adjurat Petrum Christus per viscera dilectionis: non semel tantum rogat, *diligis me?* sed secundo, & usque ad contristationem, *diligis me* toto corde? pasce, totà animà? pasce, totà mente? pasce, plusquam tuar pasce, plusquam tuos? pasce, plusquam te? pasce. Et Timotheum Paulus obtestatur *per universa*, ait Hieronymus, *qua credis Religio Christiana*, Hier. in 2 Tim. 4. 1. Semel 1 Tim. 5. 21. *Testor coram Deo & Jesu Christo et electis angelis, ut hæc serves*: Secundo, 1 Tim. 6. 13, 20. *Præcipio tibi coram Deo et Jesu Christo, &c. ut depositum custodias*: Tertiò, 2 Tim. 4. 1. *Obtestor coram Deo et Domino nostro Jesu Christo, ut prædices verbum, ut opus facias Evangelistæ, ut ministerium tuum impleas et non cesses*. Ille est tertius locus.

Quartus & ultimus locus habetur Luc. 19. 13. & est commentarius in tertium; vox est Regis magni ad servos, *Negotiamini donec veniam*. In ista parabola Christum ipsum & Ministros suos intelligi nemo est qui dubitat.

bitat. Dominus peregre proficiscens in regionem longinquam, quis? Christus ascendens in cœlum; nihil enim nobis cœlo longinquius. *Servi* qui? omnes Christiani, sed præcipuè Pastores Ecclesiæ qui altari servant. *Talenta* quæ? dona spiritualia. *Negotium* quod? donorum administratio: *negotium est vivendo et docendo animas lucrari*, Greg. lib. 2. Jud. 10. cap. 39. *Rationis* tempus quod? donec veniam: certò ponitur, at certum tempus non definitur: dies longa dicitur, Donec veniam; sive de adventu Judicii, sive de adventu Mortis intelligas, nil refert; otia diu tempus nullum, dormiendi nullum. *Negotiamini donec veniam. Usquequo, Domine, usquequo?* istud Donec quando erit? num ad horam tertiam? minimè; Sol tunc in altum proficit, & ætatis calor crescit: num ad sextam? nequaquam; Sol tunc in centro figitur, & plenitudo roboris indutgetur: num ad nonam, vel undecimam? nè sic quidem; Sol tunc ab axe descendit, sed nondum occidit; ætatis calor deficit, sed vita manet. Quando igitur? nempe ad vesperam, cum Sol occiderit redire nescius, cum vita avolaverit, hoc est, cum ego venero. *Nescitis quâ horâ*, inquit Christus, Matth. 13. 35. serò, an mediâ nocte, an manè; utrum in matutino pueritiæ, an in media nocte juventutis, an in senectutis vespere. Ergò si nescimus quando veniendum est, nescimus etiam quando cessandum est. Fortasse ad annum quadragesimum: non sic, quia nondum venit: Ad quinquagesimum: nè sic quidem, quia nondum venit. Quousque demum? dicam brevi, dum vires annique sinunt, dum vita durat, donec veniat, i. e. donec vocet. *οὐκ ἔστιν ἡμεῖς τῷ πατρὶ ἢ τῷ πατρὶ δέδωκεν*, Naz. Or. 1. *nullus terminus ponitur aut discendi aut docendi*, nisi hic tantummodo, donec ipse veniat: ut inveniat te Dominus ita facientem, i. e. negotiantem, i. e. prædicantem; ut inveniat in pulpitis, in tuo loco, in suo loco. Nam idcirco dixit, *dum venio*, ut de prædicationis ministerio semper cogitemus, Greg. 1. 2. Judic. 10. cap. 39. Iste est quartus locus.

Jungamus inter se omnes, & ex quatuor unus emerget; ex illo Isaiæ, & altero Christi, & duobus Pauli, Thesis integra de assiduitate hujus operis. *Ut ministerium tuum impleas, clama tempestivè, intempestivè, nè cesses negotiari donec veniam.*

Hactenus ex Scripturarum testimonio hanc ultimam Theſeos partem confirmatam exhibuimus.

Restat ut eandem ex veteris Ecclesiæ praxi, temporum decursu ad nostra usque labente, velut in speculo manifestam præbeamus. Quod attinet ad Apostolorum tempora, quàm magno illi terrore munus prædicationis prosecuti sunt, suscepta multo cum tædio temporis, sed alacritate animi, itinera testantur. Assurgat pro omnibus S. Apostolus Paulus: cursus quem Paulus peragebat in terra spatio vix inferior erat, at candore multo purior, quàm cursus in cœlo Solis; plûsque illustravit orbem quàm Solis igneum jubar. Orbem totum peragratus est, incipiens à Galilæa & Arabia, & usque in fines terræ progrediens. Studium fuit sancto viro, ut ab Hierusalem usque ad Illyricum Evangelium prædicaret: neque omisit quin Romam iret, & in Hispanias ascenderet. Sic omnem Orbem pervolvit, volucris cujusdam instar, imò perniciosius multò, ait Chrysost. *ὁ ἰὼ ἄλωο: ἀπὸ τοῦ δὲ πρῶτου, ὅτε δ' ἔχ' ἀπὸ τοῦ, &c. nam avis simpliciter pervolat, & nemo cursum intercipit, ille pennis Spiritus innumera impedimenta transiliit*; mortes, calamitates, insidias, quasi retia, igneis sustulit alis transcendit. Avis dum volat tacet; Apostolus inter volandum Evangelii citharam pulsavit, & Legis decachordo lusit, & Spiritu Sancto repletus vocis modulamina aptavit; idque locis omnibus, in carcere, in navi, in

littore: ubicunque figebat pedem, erigebat suggestum; cum Romæ esset, annuntiavit regnum Dei à mane usque ad vespèram, Act. 28. 23. iterum in Troade manens, protendit sermonem usque in mediam noctem, Act. 20. 7. Ephesi verò per triennium, nocte dièque non cessavit, Act. 20. 31. Fidelis Oeconomus, qui protulit è thesauro nova & vetera.

Post Apostolorum tempora, Patres valde assidui erant in hoc munere ornando: etenim non solum diebus Dominicis, sed in aliis quoque festis & profectis diebus, & festorum vigiliis, & singulis sæpe diebus in concionando sudarunt. Quòd in festis & profectis diebus Conciones habitæ, patet ex Homiliis Chrysostomi, Augustini, Eusebii Emisæni, Chrysologi, & aliorum; quòd omni die Dominico, ex Justino Martyre, Apol. 2. *Die Solis, lectore quiescente, oratione populus instruitur*, &c. Chrysost. hom. 5. in Mat. appellat *vopæ axivrotor*. Cyprianus de bono pudicitia, *muneris sui votivum, & quotidianum negotium* vocat; *Opus tam necessarium & assiduum*. Hieronymus, ut Pontificis nomen amittat, si desit sonitus tintinnabuli: *Opus est ut gressus, motus, & universa vocalia sint; ut quicquid agit, quicquid loquitur, sit doctrina*, ad Fabiolam, ep. 128. Idem & Augustinus de Ambrosio testatur, Confess. lib. 6. cap. 3. Audiebam eum omni die Dominico verbum veritatis inter populum rectè tractantem. Ad hæc, aliquando, imò sæpissimè, singulis hebdomadis diebus concionati sunt. Quòd junctim quatuor diebus, patet ex hom. 12. Chrysost. ad populum Antioch. Tribus, inquit, præteritis diebus vobis allocuti sumus, & hodie etiam progrediemur: quòd quinque, ex hom. 7. ad Antioch. Quintum jam diem agimus, &c. & hom. 5. ad Antioch. Heri & nudius tertius de hoc vobis locutus sum; neque tamen hodie desistam, neque cras, neque perendie eadem persuadere: quòd sex, ex hom. 8. ad Antioch. Sextus hic dies est quòd de hoc vos admoneo: quòd omni die, ex Concilio tertio Constantinopolitano, can. 10. Oporret eos qui Ecclesiis præsunt, *ἐν παντὶ ἡμέρᾳ, & κατὰ τὰς 3 μῆρας ὑπάρχουσιν*, omnibus diebus, sed præcipuè Dominicis, omnem clerum & populum docere: similiter Augustinus in lib. 5. hom. hom. 42. Verbum Dei quòd quotidie vobis aperitur, & quodammodo frangitur, panis quotidianus est. Adhuc, quòd duæ eodem die habitæ conciones, patet ex Gaudenio, tract. 14. Obsecro communem Patrem Ambrosium, ut post exiguum rorem sermonis mei, ipse irriget corda vestra divinarum mysteriis literarum. Postremò, quòd duæ eodem die ab eodem conciones habitæ, patet ex Chrysost. hom. 1. de Lazaro: ibi perstringit eos sanctus Pater, qui pomeridianæ dictionis consuetudinem novitatis arguebant; ubi sic loquitur, Novi fore multos qui damnant ea quæ nunc dicuntur, qui velut novam quandam & miram invexam consuetudinem concionandi, &c. & hom. 3. de Lazaro. Age igitur, & hodie denuo tractemus idem argumentum, & redeamus illuc ubi sermonem finivimus: & August. in Psal. 86. Reficite vires, & refecti à vobis redite, &c. & postea, Nunc ad reliqua Psalmi de quo in matutino loquuti sumus animum intendite. Videtis, auditores, quomodo per sacram temporum seriem, assidua concionandi consuetudo à superiore seculo ad nostrum usque traducta est: consuetudo non nuper nata, sed optima castissimorum temporum canicie veneranda.

Satis ex se res clara est atque manifesta: sed quia nihil adeò cautè ac pie dicitur, quod non solet in pejus rapi; idcirco opus est ut huic Theses parti Cautelas quoque aliquot attexamus. Istæ tres potissimum sunt, ut brevi expediam.

Prima cautio hæc est, Nè omnes ad unam & eandem normam astringantur,

gantur, quia donorum discrimen est: alter iudicio pollet, at est tardior; alter ingenium in numerato habet: ille intellectu valet, hic memoriâ; alijs sic, alius autem sic: *Ut quisque accepit donum*, ait Apostolus; & *ex viribus quas supeditat Deus*, 1 Pet. 4. 11. *pro gratia qua nobis data est*, & *juxta proportionem fidei*, Rom. 12. 6, 7. alter paratior & promptior est, ut bis in uno die recitare valeat; segnior alter, sed discretior, neque audet nisi semel hanc in se Spartam suscipere: si faciat quod in se est, num idcirco statim eliminandus est? Absit: non deest operi, sed numero: at Spiritus Sanctus regulam posuit non numero, sed operi. Ista est prima Cautio.

Secunda cautio hæc est, Nè alijs pietatis officijs injuria fiat. Primum Doctoris sacri negotium est, sed solum non est. Eruditio parvulorum, Visitatio ægrotorum, & Oratio ejusdem sunt muneris officia, eaque summè necessaria. Idem Apostolus qui hortatur Timotheum ut *attendat doctrinam*, monet etiam ut *attendat lectioni*: opinor & privatae & publicæ, in domo sua & in domo Dei. Idemque qui Ephesi nocte dièque prædicavit, Act. 20. dies noctesque orationi dedicavit, 2 Tim. 1. 3. Quod si fervore Spiritus cæco agitati, prædicationis operi nos totos emancipamus, & preces interea publicas negligimus, & ut mos est quibusdam, contemnimus, non est quod nobis de frequentia blandiamur, aut palpum obtrudamus: metuamus potius nè in maleficium sacrificium vertatur, neque in *odorem suavitatis* Deo, sed in *odorem mortis* nobismet ipsis. Valeant qui istius farinae sunt homines unâ cum sua pessima Theologia, quia cujusnam Spiritus sunt nescimus. *Ejusmodi nos consuetudinem non habemus, neque Ecclesia Dei*. Ista secunda Cautio.

Tertia Cautio hæc est, Nè frequentia præjudicet operis majestati; quia Concionis valor & pretium, non à verborum copia & mensura temporum petenda sunt, sed ab utilitate, dignitate & commodo. Non semper qui sapius prædicat Pastoris partes agit laudabilius; sed qui magis doctè & solidè & nervosè verbum veritatis dividit ad captum & commodum audientium. Ab ipsa Scriptura hæc regula ponitur, & negativè à Propheta, Jer. 48. 10. *Maledictus qui facit opus Domini fraudulentè*: & affirmativè ab Apostolo, 1 Pet. 4. *Si quis loquitur, quasi eloquia Dei loquatur*, id est, modestè, sobriè, sanctè, prudenter, eruditè, uti decet eloquia Dei. *Ως δὲ*, inquit Apostolus, Eph. 6. 20. Col. 4. 4. *ut oportet me loqui, non ut hominibus, sed Deo*, 1 Thes. 2. 4. *quæ decens sanam doctrinam*, Tit. 2. 1. Sunt enim qui loquuntur *καὶ μὴ διόγω*, 1 Tim. 5. 13. *quæ non oportet*, imò *quæ non intelligunt*, 1 Tim. 1. 7. h. e. quæ non faciunt ad ædificationem populi & honorem verbi Dei, sed ad contemptum: adeo jejunè & aridè suam proferunt Chrysostomi verbo *πιοβολιμῶν φιλοσοφίαν*. Rerum non sumus adeo sacrarum ignari, ut strepitu aut numero verborum pensandum esse aut Dei cultum, aut cordis intelligentiam putemus: aliquando vel quinque verba præferenda super decem millia verborum. At si cum numero pondus conspiret, ut sit & copia Grandinis & vigor Fulminis, non video quid adjici præterea potest; quando & assiduitas subservit honori operis, & honor assiduitati.

Istis jam præmissis, si modò periculum scandali, & pietatis injuria, & læsæ verbi Dei majestatis crimen amoveatur, pergamus intrepidi; non vitio vertenda frequentia est, sed laudi: labores nostri quò magis assidui, eò magis accepti, longèque gratissimi.

Quæ cum ita sint, liceat mihi Chrysostomi verba in me recipere, quæ

littore: ubicunque figebat pedem, erigebat suggestum, cum Romæ esset, annuntiavit regnum Dei à mane usque ad vespem, Act. 28. 23. iterum in Troade manens, protendit sermonem usque in mediam noctem, Act. 20. 7. Ephefi verò per triennium, nocte dièque non cessavit, Act. 20. 31. Fidelis Oeconomus, qui protulit thesaurum nova & vetera.

Post Apostolorum tempora, Patres valde assidui erant in hoc munere orando: etenim non solum diebus Dominicis, sed in aliis quoque festis & profectis diebus, & festorum vigiliis, & singulis sæpe diebus in concionando sudarunt. Quod in festis & profectis diebus Conciones habitæ, patet ex Homiliis Chrysostomi, Augustini, Eusebii Emisleni, Chrysologi, & aliorum, quod omni die Dominico, ex Justino Martyre, Apol. 2. *Die Solis, lectore quiescente, oratione populus instruitur*, &c. Chrysost. hom. 5. in Mat. appellat *ὁμιλῶν ἀκίνητον*. Cyprianus de bono pudicitia, *muneris sui votivum, & quotidianum negotium vocat; opus iam necessarium & assiduum*, Hieronymus, ut Pontificis nomen amittat, si desit sonitus tintinnabuli: *opus est ut gressus, motus, & universa vocalia sint; ut quicquid agit, quicquid loquitur, sit doctrina*, ad Fabiolam, ep. 128. Idem & Augustinus de Ambrosio testatur, Confess. lib. 6. cap. 3. Audiebam eum omni die Dominico verbum veritatis inter populum rectè tractantem. Ad hæc, aliquando, imò sapissimè, singulis hebdomadis diebus concionari sunt. Quod junctim quatuor diebus, patet ex hom. 12. Chrysost. ad populum Antioch. Tribus, inquit, præteritis diebus vobis allocuti sumus, & hodie etiam progrediemur: quod quinque, ex hom. 7. ad Antioch. Quintum jam diem agimus, &c. & hom. 5. ad Antioch. Heri & nudius tertius de hoc vobis locutus sum; neque tamen hodie desistam, neque cras, neque perendie eadem persuadere: quod sex, ex hom. 8. ad Antioch. Sextus hic dies est quod de hoc vos admoneo: quod omni die, ex Concilio tertio Constantinopolitano, can. 10. Oportet eos qui Ecclesiis præsunt, *ἐν πάσῃ ἡμέρᾳ, & ὅλην τὴν νύκτα*, omnibus diebus, sed præcipuè Dominicis, omnem clerum & populum docere: similiter Augustinus in lib. 5. hom. hom. 42. Verbum Dei quod quotidie vobis aperitur, & quodammodo frangitur, panis quotidianus est. Adhuc, quod duæ eodem die habitæ conciones, patet ex Gaudentio, tract. 14. Obsecro communem Patrem Ambrosium, ut post exiguum rorem sermonis mei, ipse irriget corda vestra divinarum mysteriis literarum. Postremò, quod duæ eodem die ab eodem conciones habitæ, patet ex Chrysost. hom. 1. de Lazaro: ibi perstringit eos sanctus Pater, qui pomeridianæ dictionis consuetudinem novitatis arguebant; ubi sic loquitur, Novi fore multos qui damnant ea quæ nunc dicuntur, qui velut novam quandam & miram invexam consuetudinem concionandi, &c. & hom. 3. de Lazaro. Age igitur, & hodie denuo tractemus idem argumentum, & redeamus illuc ubi sermonem finivimus: & August. in Psal. 86. Reficite vires, & refecti à cibis redite, &c. & postea, Nunc ad reliqua Psalmi de quo in matutino loquuti sumus animum intendite. Videtis, auditores, quomodo per sacram temporum seriem, assidua concionandi consuetudo à superiore seculo ad nostrum usque traducta est: consuetudo non nuper nata, sed optima castissimorum temporum canicie veneranda.

Satis ex se res clara est atque manifesta: sed quia nihil adeò cautè ac piè dicitur, quod non solet in pejus rapi; idcirco opus est ut huic Theseos partì Cautelas quoque aliquot attexamus. Istæ tres potissimum sunt, ut brevè expediam.

Prima cautio hæc est, Nè omnes ad unam & eandem normam astringantur,

gantur, quia donorum discrimen est: alter iudicio pollet, at est tardior; alter ingenium in numerato habet: ille intellectu valet, hic memoriâ; alius sic, alius autem sic: *Ut quisque accepit donum*, ait Apostolus; & *ex viribus quas suppeditat Deus*, 1 Pet. 4. 11. *pro gratia qua nobis data est*, & *juxta proportionem fidei*, Rom. 12. 6. 7. alter paratior & promptior est, ut his in uno die recitare valeat; segnior alter, sed disertior, neque audet nisi semel hanc in se Spartam suscipere: si faciat quod in se est, num idcirco statim eliminandus est? Absit: non deest operi, sed numero: at Spiritus Sanctus regulam posuit non numero, sed operi. Ista est prima Cautio.

Secunda cautio hæc est, Nè aliis pietatis officiis injuria fiat. Primum Doctoris sacri negotium est, sed solum non est. Eruditio parvulorum, Visitatio ægrotorum, & Oratio ejusdem sunt muneris officia, eaque summè necessaria. Idem Apostolus qui hortatur Timotheum ut *attendat doctrinam*, monet etiam ut *attendat lectioni*: opinor & privata & publica, in domo sua & in domo Dei. Idemque qui Ephesi nocte dièque prædicavit, Act. 20. dies noctesque orationi dedicavit, 2 Tim. 1. 3. Quod si fervore Spiritus cæco agitati, prædicationis operi nos totos emancipamus, & preces interea publicas negligimus, & ut mos est quibusdam, contemnimus, non est quòd nobis de frequentia blandiamur, aut palpum obrudamus: metuemus potius nè in maleficium sacrificium vertatur, neque in odorem suavitatis Deo, sed in odorem mortis nobismet ipsis. Valeant qui istius farinae sunt homines unâ cum sua pessima Theologia, quia cujusnam Spiritus sunt nescimus. *Ejusmodi nos consuetudinem non habemus, neque Ecclesia Dei*. Ista secunda Cautio.

Tertia Cautio hæc est, Nè frequentia præjudicet operis majestati, quia Concionis valor & pretium, non à verborum copia & mensura temporum petenda sunt, sed ab utilitate, dignitate & commodo. Non semper qui sapius prædicat Pastoris partes agit laudabilius; sed qui magis doctè & solidè & nervosè verbum veritatis dividit ad captum & commodum audientium. Ab ipsa Scriptura hæc regula ponitur, & negativè à Propheta, Jer. 48. 10. *Maledictus qui facit opus Domini fraudulentè*: & affirmativè ab Apostolo, 1 Pet. 4. *Si quis loquitur, quasi eloquia Dei loquatur*, id est, modestè, sobrie, sanctè, prudenter, eruditè, uti decet eloquia Dei. *Ως δ' αὖ*, inquit Apostolus, Eph. 6. 20. Col. 4. 4. *ut oportet me loqui, non ut hominibus, sed Deo*, 1 Thes. 2. 4. *qua decenter sanam doctrinam*, Tit. 2. 1. Sunt enim qui loquuntur *αὐτὸ μὴ διόρμ*, 1 Tim. 5. 13. *qua non oportet*, imò *qua non intelligunt*, 1 Tim. 1. 7. h. e. quæ non faciunt ad ædificationem populi & honorem verbi Dei, sed ad contemptum: adeò jejune & aride suam proferunt Chrysostomi verbo *προφορικῶς φιλοσοφίαν*. Rerum non sumus adeò sacrarum ignari, ut strepitum verborum pensandum esse aut Dei cultum, aut cordis intelligentiam putemus: aliquando vel quinque verba præferenda super decem millia verborum. At si cum numero pondus conspiret, ut sit & copia Grandinis & vigor Fulminis, non video quid adjici præterea potest; quando & assiduitas subservit honori operis, & honor assiduitati.

Istis jam præmissis, si modò periculum scandali, & pietatis injuria, & læsæ verbi Dei majestatis crimen amoveatur, pergamus intrepidi; non vitio vertenda frequentia est, sed laudi: labores nostri quò magis assidui, eò magis accepti, longèque gratissimi.

Quæ cum ita sint, liceat mihi Chrysostomi verba in me recipere, quæ

D 4

reperi-

Hom. 21. in Eph.

reperiuntur hom. 15. in 1 Tim. 5. πῶ νῦν αἶσαν εἰ λόγους, καὶ δεῖν λόγῳ, καὶ διδασκαλίᾳ; ubi modo sunt qui dicunt, *sermone atq; doctrinā opus non esse?* Prædicationi verbi ubique nimia, *quorsum perditio hac?* quid ad nos pertinet pomeridianam aut habere, aut ferre Concionem? Quid dico pomeridianam, cum nonnullis vel hebdomadaria pro nimia diligentia habetur? Adedò satis suo muneris factum putent, si per singulos menses semel, aut per singulos annos semel, aut per totam vitam semel hoc opus agatur: hoc est, satis si aliquando, satis si non omnino. Non estis nescii Ullus illud tangere quàm sit ingratum undique; adedò nec vitia ferre possumus, nec remedia. Neque miror si qui loqui nesciunt, audire nolint; muti enim ut plurimum surdi sunt. Sed æquum est ut si vulnus Ecclesiæ infligatur à domesticis suis, ut Sapiencia iustificetur à filiis suis: atq; illi sive audiant sive non audiant, dicendum tamen. Ad hoc usque verbum Judæi S. Paulum adiebant, Act. 22. 22. at hoc elapso vociferantur, & pulverem jactant: at ille postero die pergit intrepidus. Ejicere spiritum surdum discipuli non potuerunt, Mar. 9. & Christus ipse non sine labore & angustia ejecit, linguam tetigit, aures tetigit, & ingemuit, Mar. 7. & spiritus non sine fremitu exiit; clamabat, spumabat, stridebat dentibus. Itidem & ego in hanc arenam descendens, exspecto ut pulverem jactent & dentes monstrent; quod S. Chrys. in re haud absumili, hom. 21. in Eph. οἱ μὲν, ἐν ταῖς ταῖς λέγων λαρεῖν τομίζουσι! *Hei mihi, quòd ista dicens delirare videor!* atque audire Atheniensium illud in S. Paulum, Act. 17. *iste autem nugator quid est quod velit? quis te constituit judicem?* ista quid ad te spectant? Nugator ego sim & delirus, si modò vos prudentes operarii inveniamini. Sed nunquid S. Paulus deliravit, cum tanto studio Timotheum adjuraret, ut *verbum Dei predicaret tempestivè & intempestivè?* aut Salvator noster, cum in mandatis ultimis hoc unum Petro commendatum dederit, ut *pasceret, &c?* aut fortasse Deus ipse, cum Itaiæ præceperit ut *clamaret jugiter, & non cessaret?* Absit igitur ut ego me judicem statuam: sed dicant velim quid Ecclesiæ responsum sunt, quæ unà cum sacris Episcopi manibus hoc quoque onus imposuit, *Tu esto fidelis verbi dispensator; Accipe auctoritatem predicandi verbi Dei:* quid Apostolo, sub uno nomine omnibus imperanti, *predica, insta, ministerium tuum imple:* quid Gregibus suis palantibus & clamantibus, *intereunt anima nostra quia non habent scientiam; parvuli petierunt panem, & non erat qui frangeret eum,* Lam. 4. 4. quid Conscientiis suis, cum legunt ista, *Negotiamini donec veniam, Pastor bonus animam ponit pro ovibus.* Num verò credibile est ut animam quis pro ovibus velit ponere, in quorum gratiam torporem & venterum non velit excutere? Denique quid summo Sacerdoti & Judici omnium Christo, quando ille rationem exposcet talenti concediti. Quæ mente sustinebunt eum dicentem, *Redde rationem villicationis tuæ?* ubi jam sunt animæ quæ te custode perierunt? ostende mihi manipulos aliquot de prædicationis segete colligatos. Hem, animas non video, sed sanguinem. Ergò porta reatum sanguinis, silentii pœnam: ligate, tollite, conjicite in tenebras exteriores. Quid ad ista responsum sunt? Certo certius, Fratres, si qui nuptialem non habuit vestem obmutuisse dicitur, quanto magis qui nuptialem contemnunt vocem ante magnum istud tribunal muti stabunt, cum vel nunc summo suo periculo conticescant?

Quocirca, Fratres, agamus hoc unum omnes, in visceribus Jesu Christi obsecro, hoc unum agamus, & novi vos hoc indes agere, excitemus nos invicem; neq; enim incitamenta defunt, *sive sursum, sive deorsum* spectemus.

Si *deorsum*, Speculum Naturæ sese offert elucens in brutis animalibus

bus, quæ omnia naturâ duce didicerunt erudire & enutrire partus suos. Gallinæ aut Aquilæ pietatem erga filios suos quid memorem? planè tantam, ut ipse Deus suum erga nos studium & curam non dedigneretur sub istis symbolis recognoscere. Cætera taceo: nam inter omnia cuiusvis generis animalia, Struthio solus ova sua fovere negligit, & pullo- rum obliviscitur; sed animal *immundum*, Deut. 14. & *insipiens*, Job. 39. At Pelicani pietas quanta? pullos mortuos sanguine proprio respergit, & nati- vitatis secundæ semina è visceribus suis largitur, & denuo mater facta, arbitrium naturæ transcendit; natura oviparam, ipsa se viviparam facit. Dicite, nunquid fors nostra absimilis? nobis mortui suscitandi sunt, nati- vitatis secundæ cura nobis commissæ est. Ex istis nos mutis animantibus le- ges discamus loquendi. Rursus,

Si *sursum* elevemus oculos, pondus æternum gloriæ occurrit nobis; Denarius immortalitatis, Stola lucis, Corona cœlestis, Corona stella- rum, quod habetur Dan. 12. 3. *Qui ad justitiam erudiunt multos, quasi stelle fulgebunt in perpetuas æternitates.* Corona justitiæ, 2 Tim. 4. 7. *Cursum consummavi, de reliquo reposita est mihi corona justitiæ.* Corona gaudii: *Euge, bone serve, quia super pauca fuisti fidelis, super multa te constituam; intra in gaudium Domini,* Matth. 25. Quid istis dici po- test aut promitti augustius? omnes in se continet divitias Denarius iste, omnes pulchritudines Stola, omnes Corona splendores, & istud *Euge* omnes in se absorbet beatitudines, *καὶ οὕτως μακαριώμεθα*, ut scitè Chrysostomus. Maeste, anhelemus ad istud *Euge*, agamus hoc assidui, accubui, ut nemo accipiat coronam nostram, ut nemo vocem istam in- tercipiat, *Beatus servus ille quem Dominus cum venerit inveniet sic facientem*, sic cibum familiæ distribuentem, sic de thesauro proferentem nova & vetera.

LECTIO V.

VOX & Verbum, si juxta diversas ordinis leges considerentur, ambo sibi invicem & postponuntur & præeunt. Ordine exis- stendi verbum est prius voce, ut Bucephalus ante equum, So- crates ante hominem, homôque prius existit quàm animal: at ordine essendi vox prior est verbo, quia verbum fundatur in voce, atque ex hac origine subsistentiam suam trahit. Rursus, si ordinem na- turæ spectemus, verbum tempore antecedit, verbum est enim priusquam proferatur, quando jam mente concipitur; non est vox antequam linguâ & dentibus articuletur. At si doctrinæ ordinem spectemus, vox antecedit, quia voci verbum subicitur, ut species generi. Quemadmodum de Christo & Johanne legimus, quorum ille *verbum Patris*, hic *vox clamantis*, & prior & posterior erat, seipso testante: Divinitate verbi Christus prior, vocis officio Johannes, namque viam prædicatione suâ præparavit Christo. Similiter & in hoc quod nunc agitur negotio, si magnis parva componere liceat, menti proximius verbum, vox auribus. Ergo prius Logica tractat de Voce quàm de Verbo. Quod homo loquatur primò est consideran- dum, deinde quâ linguâ loquatur. Iisdem mihi passibus progrediendum est, hæc ordinis ratio. Quantumvis illa *nova & vetera* priora mihi erant in animo & desideriiis, adeoque instituto meo: at ordo docendi postu- labat

sunt homines; aliquando tamen res postulat ut à Legis stimulo, à minis & increpationibus exordiamur: quia ut amor timorem foras mittit, sic timor ad amorem aditum facit, & viam præparat. Christus ipse, Luc. 5. infirmitati discipulorum indulgens, novis vetera præfert; *Nemo bibens vetus vinum, statim vult novum; dicit enim, Vetus melius est.* Hoc autem in loco novis primatum defert, idque tribus de causis fieri puto. Quia nova sunt notiora nobis, ut vetera notiora naturæ. Quia nova sunt suaviora, vetera verò magis acerba. Quia postquam hanc novam docendi formulam per parabolas & similitudines monstrasset, loquendi ratio postulabat ut novorum prior mentio daretur. Ut & nos in docendo eundem sequamur ordinem, non quidem semper, sed ut plurimum; non ut solum, sed ut præcipuum & optimum.

Secundò, de Latitudine significationis sit ista regula; Verborum sensus non est restringendus ad hoc vel illud loquendi genus aut subjectum, puta ad Legem & Evangelium, ad minas & promissiones, ad Artes humanas & Divinas, & reliqua membra superius adsignata: sed protrahendus est ad ea singula & universa quæ ad ædificationem conducere possunt. Paret & ex fundamento & ex ratione similitudinis. Ratio similitudinis à Christo, fundamentum à dispensandis nummis vel recondendis fructibus sumitur; & sic se habet. Sicut Ego magister vester non uno modo vos docui, sed præceptis simul & parabolis; neque parabolam unam aut alteram proposui, sed varias; & ut paterfamilias non unius tantum generis pecuniam recondit, neque unius anni fructus, sed præteritorum, Gen. 41. 49. congregavit Joseph fructum septem annorum, *tamquam arenam maris*, & Dives iste in Evangelio, Luc. 12. 19. *Anima, habes multa bona reposita in annis plurimos*; quemadmodum, inquam, prudens paterfamilias omnia parat ciborum genera ut familiam suam alat, omnem deliciarum copiam ut convivas suos & hospites recreet atque reficiat, pro gustus discrimine, pro personarum & temporum qualitate multiplicem: Ità hic se res habet, quia non omnes omnibus capiuntur, non eadem semper dicenda sunt, nec eodem modo; sed Verbi Ministrum decet affatim instructum esse, & omnem scientiæ apparatus ad manum habere, ut à divite spiritalium opum thesauro proferre verbum gratiæ possit diversis ingeniis congruum, cuivis palato & desiderio accommodum, sive ad arguendum, sive ad consolandum, sive ad hortandum; nunc sermone aperto, nunc parabolis & similitudinibus, nunc alliciendo, nunc minando; nunc argumentis, nunc exemplis, & figuris & sententiis, ut sic quemq; pro suo capto docere possit, & omnia auditoribus suis ità attemperare, ut singulis satisfactum fiet, sive quis *nova* desiderat, sive *vetera* malit.

Igitur in duabus istis vocibus Oratoris sacri virtutes omnes habemus hinc comprehensas, atq; omnia *propinquata*; ea autem septem præcipue sunt, quorum alia ad Res tractandas pertinent, alia ad Modum tractandi.

Quæ Res tractandas respiciunt sunt illa quatuor.

Primò, ut Vera proferat, sive *nova* sint, sive *vetera*, vera sint oportet, & fidei orthodoxæ consona: nam vel ipsi Herodiani in Salvatore nostro hoc maxime probabant, Mat. 22. 16. *Præceptor, scimus quòd verax sis, & viam Dei in veritate doceas.* S. Paulus se nobis exemplar exhibuit, 2 Cor. 4. 2. *Non adulterantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo.* Non adulterantes, inquit, quia si quid iucari, si quid falsi proferat, non Doctoris partes agit, sed seductoris; neque Pastorem se exhibet, sed prædonem.

Secundò,

Secundò, ut Salutaria proferat; sive *nova* sint, sive *vetera*, oportet ut sint salubria & utilia, h.e. ea quæ ad populi ædificationem tendunt. 1 Cor. 12. 7. *Unicuique*, inquit Apostolus, *datur declaratio Spiritus ad utilitatem*: & 2 Tim. 1. 13. *formam tenens ὑγιαίνοντος λόγου, sanorum verborum*: & Tit. 2. 1. *Tu loquere qua decent sanam doctrinam*. Nova proferat, non truda & præcoccia; antiqua, non antiquanda: neque verè *nova*, neque verè *vetera* sunt, nisi salubria fuerint.

Tertiò, ut *Congrua* proferat; sive *nova* sive *vetera*, curandum ut sint sibi consonantia; nam veritas semper sibi similis, nihil Proteo affine habet: veritatis via una est, erroris anceps & circumflexa; *μυρία ἔχδ ἐκδοῦναι, mille habet diverticula*, Clem. Strom. 1. *viam & viam, pondus & pondus*, Prov. 20. *linguam & linguam, mensuram duplicem & stateram dolosam*.

Quartò, ut quàm Jucundissima proferat; sive *nova* magis placeant, sive *vetera*, ex istis oportet ut eligat quæ auditores suos maximè delectant, quæ maximè veritatem ornant: ut de Salomone legimus, Eccl. 12. 9. *Concinnavit Ecclesiastes parabolas multas, & quaesivit invenire verba quæ placerent, & scripturam rectam, verba veritatis*. Videtis, *verba placencia*, sed *verba veritatis*; *verba quæ placeant*, non quæ palpant. Nam vel hæretici hoc præcipuè agunt ut placencia loquantur, sed neque vera, neque salubria. Vinum si propinant, non purum est, sed; ut Judæorum illud, Matth. 27. 34. cum felle mistum, revera non vinum, sed venenum; aurum si ostentent, scoriā occultant: *habentque hoc proprium*, ait Gregorius, Mor. 5. 11. *ut malis bona permisceant, & recta perverfis*; ut ostendendo bona auditores trahant, & exhibendo mala latenter corrumpant. Quatuor hæc Res tractandas respiciunt.

Quæ ad Modum tractandi pertinent, sunt ista tria:

Primò, ut Eruditè id faciat; nam *nova & vetera* non nisi ex Eruditionis thesauro promuntur. 1 Pet. 4. *Sed quis loquitur, quasi eloquia Dei loquitur*. Eccles. 12. 9. *quò magis fuit Ecclesiastes sapiens, eò magis docuit populum scientiam*.

Secundò, ut Perspicuè id faciat: si *nova* non satis dilucidant, revolvat *vetera*; quia clavi similis est Concio, aurea non prodest si non aperiat, neque obest lignea si aperiat, quando nihil quærimus nisi patere quod clausum est, Aug. *Nihil magis curant hæretici, quàm occultare quod prædicant, si tamen prædicant qui occultant*, Tertul. 1. advers. Valent. in procemio: unde in l. 2. advers. Marcionem, sæpius eos vocat & *ingenia tenebrarum, quæ suo se atramento involvunt*. Pastor orthodoxus non minus perspicuitati studet quàm veritati, quia non pudet eum veritatis. Igitur Isaïæ propheta Deus præcipit, c. 8. 1. *Sume volumen grande, & scribe in eo stylo hominis*; i. e. propriis, perspicuis, & usitatis verbis: idèmq; Habakk. propheta c. 2. ver. 2. *Scribe visionem, & explana in tabulis, ut percurrat qui legeris eam. Stylo hominis*, i. e. ἀπὸ ἀνθρώπων, τῆς ἑσ, τοῖς πολλοῖς βάρ, Procopius.

Tertiò, ut Plenè & perfectè id faciat; *vetera* enim & *nova*, omnia cujuscunque generis eloquia suo complectuntur ambitu. Nihil est quod vel dicitur vel dici potest, sed aut inter *vetera*, aut inter *nova* necessariò recensetur, sive sit verbum increpationis, sive exhortationis, sive doctrinæ. Ego, inquit S. Paulus, Act. 20. 20. *nihil subtraxi vobis omnium utilium, quò minus annuntiarem vobis omne consilium Dei*. Laus Concionatoris est septima & ultima, quia plenissima; etenim nihil est quod superinjici possit plenitudini. Hactenus de verborum sensu.

Conse-

Confectaria sequuntur; quibus distributio ista necessarîo pramittenda est. Quæcunque sub tractatu aliquo cadunt, vel ad Intellectum diriguntur, vel ad Affectum; h. e. vel ad Doctrinam fidei, vel ad Vitam & mores: ista est *Novorum & Veterum* prima series.

Quæ ad Vitam & mores spectant sunt duplicis ordinis, Promissiones & Minæ; h. e. vel ea quæ ad bonum alliciunt, vel ea quæ à malo retrahunt: ea est secunda series.

Quæ ad Doctrinam & fidem spectant sunt etiam duplicis generis, Divina & humana; i. e. sapientia Scripturarum, quæ sunt fundamentum fidei, & Scientiarum secularium, quæ sunt adjumenta quæ fidei subserviunt: ista est tertia series.

Quartò, Scientia Scripturarum est duplex, ea quæ in veteri Testamento continetur, & ea quæ in Novo: ista est quarta series.

Postremò, Scriptores humani sunt duplicis ordinis, vel superiorum seculorum quæ retro acta sunt, vel seculi præsentis & adjacentium: ista est *novorum & veterum* series ultima.

Ex ista quintuplici serie triplex Harmonia elicitur, cui peritus Theologia artifex intendere debeat. Harmonia literarum utriusque Reipublicæ; Harmonia Scripturarum utriusque Testamenti; Harmonia Temporum utriusque Seculi. Ex harmonia triplici tria exsiliunt Confectaria, quæ ostendunt hac in re quid Licitum, quid Congruum, quid Necessarium sit.

Primum est, Tractatori sacro licet, non è Scripturis modò, sed è Scientiis secularibus copias suas atque apparatus instruere.

Secundum, Concionatori non licet modò, sed vel maximè expedit in scriptis tam veteribus quàm neotericis versatissimum fore, ut utrinque possit fidei dogmata vel explicare, vel stabilire.

Tertium, Non convenire modò, sed imprimis oportere, ut petitis ex utroque Instrumento armis Theologus se muniat, & utriusque præsidii nitatur.

Primum est contra Novatòres hujus temporis, qui exoticarum literarum usus Ministris Dei interdictum esse clamitant.

Secundum contra Pontificios, qui se vetustatis pedissequas jaçant, nos verò Novitatis insimulant.

Tertium contra Hæreticos ab Ecclesia antiqua damnatos, sed ætate nostrâ redivos, qui Legis neque observationem ad populum, neque prædicationem ad Pastores pertinere contendunt; neque *Vetera* illa Mosaica ullo modo coherere posse cum Christi *Novis*.

Aggredior Conclusionem primam; Licere Theologo ad promovendam veritatem, Sacrarum Scripturarum quæstiones, phrasas, voces, si obscuriores & involutæ fuerint, etiam è Gentilium monumentis illustrare & aperiora reddere. Ut ordinatiùs rem totam expediam, duas statuo partes; *ἀναστυλιον*, & *καταστυλιον*: hanc ad exornandam sententiam affirmantem, illam ad demolierendam contrariam.

Prima pars operis in demoliendo contrariam sententiam. Non nuper orta est quæstio, sed inter veteres agitata, sub his ipsis terminis. Utrùm Sacrarum interpreti literarum externas disciplinas profanòsque scriptores in suum liceat subsidium advocare. Inter clarissimos Ecclesiæ doctores Hieronymum & Rufinum fuisse ventilatam, Epistola quam scripsit ad Magnum satis demonstrat; & multò ante Hieronymi seculum, Clem. Alexandrini calamo exarata est. Ille in 1^o & 5^o Strom. fuisse in Ecclesia nonnullos qui omnem Philosophiæ usum à scholis Christianorum rejecerunt, *ὡς περὶ τὰς ἀρχαίας, καὶ μὴ ἐν τοῖς ὀλίγοις συμβαλλόμενας*. Idémque videre est apud

E

Grego-

Gregorium Theologum, in Oratione quam scripsit in laudem Basilii Magni. Idem etiam inter Rabbiorum deliria numeratur, qui pro se jactant loca illa quæ habentur in Jos. 1. 8. Deut. 22. 11. Jer. 2. 13. In primo habetur mandatum Divinum de meditatione Legis diurna & nocturna; ergo tempus nullum relinquitur disciplinis aliis, nè hora quidem, quia nulla est hora quæ non pertinet vel ad diem vel ad noctem. In secundo prohibitio Divina nè veste se induant ex lana & lino facta; h. e. nè Divinis humana misceant. In tertio querela divina quoddam fontem aquæ vivæ, i. e. Scripturarum, dereliquissent, cisternas contractas secularis sapientiæ fodientes, quæ veritatis aquas continere non poterant. Argumenta digna istis doctoribus.

Ejusdem farinae habentur & inter nos aliqui, qui eadem intemperie ducti, ancillis istis silentium perpetuum imperant, loquente dominâ; autores profanos vel tantillum citare nefas putant; & ut verbo dicam, tam usum quam ornatum atque adjumenta omnia humaniorum literarum ab Ecclesia & pulpitis eliminanda esse obgannunt. Quo spiritu ducti id fecerint, non multum refert exquirere, invidiæ magis an ignorantia: equidem aut imperiti sunt, aut malitiosi. Invidiâ agitati erant Domitianus, Licinius, Julianus, Imperatores pessimi: quorum ille non urbe solum sed orbe pellendos esse philosophos duxit; hic *pessimam publicam & virus reip.* literas appellavit, Petrarch. remed. 1. dial. 43. tertius lege Christianis interdixit bonarum artium studiis. In peritiâ mallem nostros arguere, quos facturos vix esse credibile si intellexissent. In erroris sui confirmationem, & rationum momentis, & Sacrarum literarum sanctorumque Patrum abutuntur testimoniis.

Primò, Rationibus sic pugnant; A Pari, quia Apostoli non fuerunt humanis literis eruditi: omnem veritatem Spiritus sanctus docuit, nec Rhetoricam aut Philosophiam docuit tamen. Ab Exemplo, quia Philosophi ad fidem conversi libros suos publicè exusserunt, Act. 19. Ab Absurdo, sive Incommodo, quia doctrina sincerioris lues atque venenum Philosophia, errorum mater, hæresium magistra, hæreticorum asyllum, sub hoc clypeo militant, istis se sordibus miscent, in hoc arundineti vagantur, parietem ædificant, & secularis sapientiæ luto infirmo liniunt, Ezek. 13. 10. *Vidi, inquit Salomon, Prov. 7. mulierem extraneam quæ verba sua dulcia facit, quæ per plateas ambulat in crepusculo in caligine noctis; intexit funibus lectum suum, sternit tapetibus pictis ex Aegypto: aspergit cubile myrrhâ, aloë & cinnamomo. Favus stillans labia meretricis, & nitidius oleo guttur ejus, Prov. 5. Nunc ergo, fili mi, audi & disce: nè des alienigena decorem tuum; neque amplecteris sinum extraneæ, nè declines ad vias ejus cor tuum, neque oberres in semitis ejus, nè irretiat te dulcedine sermonis sui, & blanditiis labiorum suorum: nam via inferni domus ejus, descendentes ad cubacula mortis.* Quæ verò meretrix hæc nisi Philosophia? quæ mulier extraneæ nisi exoticæ disciplinæ? crepusculum quod? ignorantia; via inferni quæ? hæretica dogmata; funis quis & tapetia, nisi verborum phaleræ & eloquentiæ lenocinia, quibus incauti capiuntur? Quid veritati cum pigmentis, aut tircico cum palea? quid Christi discipulo cum philosophiæ mancipiis, qui zizania seminant, sinceritatem fidei corrumpunt, malis artibus falsantes, adulterantes? *ὦ τὴν πλὴν!* quid hæc ad Bacchum? imò ad Bacchum fortasse remulentiæ & infantiæ patronum, ad causam nihil.

Secundò, Quæ ex Scripturis afferunt ista sunt: Quòd doctrina Christi perfecta est, neque philosophiæ subsidiis indiget; facile crux Christi evacuetur, si de Ethnicis per humanam sapientiam triumpharet: quòd *occupationem pessimam, & vanitatem, & afflictionem spiritus*, studium humanæ literaturæ Ecclesiastes non dubitat dicere: quòd arma militiæ nostræ non carnalia;

naliam, sed spiritualia Paulus Apostolus pronunciat, 2 Cor. 10. quòd Colofenses hortatur nè quis decipiat eos per philosophiam, & inanem fallaciam, c. 2. quòd Deus fe sapientiam sapientum & prudentiam prudentum perdere velle profitetur, 1 Cor. 1. & sapientiam seculi in stultitiam vertere: quia capite secundo Apostolus gloriatur, se non venisse ad illos cum eminentia locutionis, aut sublimitate scientiæ, neque in persuasibilibus humanæ sapientiæ verbis, sed in demonstratione Spiritus: denique, cùm spiritum mundi non acceperit, sed Spiritum Dei, idcirco non loquuturum se sapientiam hujus seculi, nec principum seculi, i. e. philosophorum, sed solam Dei sapientiam.

Denique, Scripturæ locis Patrum testimonia annectunt. Augustini, l. 1. de actis cum Felice Manichæo, c. 1. *Spiritus paracletus non docet has veritates, Christianos enim vult facere, non Mathematicos.* Ambrosii apud Gratianum, d. 37. dicentis, *Astrologiam & hujusmodi disciplinas nihil valere ad salutem, sed in errorem mittere.* Epiphani, hæc. 76. qui adversus Aetium disputans, negat Patrem Filium revelare his qui de seipso per syllogismos ratiocinantur, *salus enim fidei, inquit, non pendet dñi λίσσιν & συλλογισμῶν. ἡ δὲ λόγῳ συλλογιστικῇ, ἀλλ' ὅς δυνάμει & ἀληθείᾳ. θεὸν γὰρ ἰδεῖν συλλογιστῶν, Deum enim nemo syllogismis comprehendit.* Demum Hieronymi, qui ad Pamphilium sic scribit, *Gentilium arma Christiano sunt depnenda:* & in Jer. 31. *De verbis Dei humano sensu argumentari, est sacrilegum:* & in Matt. 10. *Non licet philosophorum perverse doctrina suscipere disciplinam, quia est baculus arundineus, quem si paululum prefferis, frangitur, & manum perforat incumbens.*

Hæc illa ferè sunt quæ adduci solent aut possunt à malè sani cerebri homuncionibus ad sui erroris prætextum, neque ovum ovo similis quàm infania infania, superioris seculi & præsentis: nisi fortasse in eo pejores nostri, quòd non modò Platonis, aut Aristotelis, aut cuiusvis philosophorum, sed ipsius Augustini, Hieronymi, Chrysostomi, & reliquorum sanctorum nomina sacra in Concionibus sopare non patiuntur; at ipsissimis tamen iisdem nominibus ad errorum suorum patrocinium abuti non ventur.

Una autem spongia delebit singula: Quàm injuriæ sunt & Patribus & Scripturis & rectæ Rationi. Sed quia per vestigia sequendum est, in tres compingam Conclusiones.

Primò, quòd ad Scripturæ loca attinet, sit ista Conclusio, Veram sapientiam Apostolus Paulus in locis istis non perstringit, neque germanam philosophiam alicubi Scriptura damnat, neque moralem, neque naturalem, neque ex toto, neque ex aliqua parte: sed quando contra humanam scientiam invehitur, falsi nominis ementitam sapientiam ubivis intelligit. Patet ex Consensu unanimi Interpretum; patet ex ipsa Scriptura se interpretante.

Primò, ex Consensu Interpretum. Clem. Strom. 1. sapientes vocat *sophistas*, qui in dictionibus & artibus superfluis versantur: atque iterum, *φιλοσοφία ἡ πᾶσιν, ἀλλ' ἢ Ἐπικυρεῖον διαβάλλει, non omnem philosophiam damnat, sed Epicuream & falsam.* Astipulatur Augustinus, l. De pastoribus apud Bedam; *Dicitur Sapientia pro astutia, abusione verbi, non proprietate:* & De ordine, l. 1. c. 11. *Non omnino philosophos, sed philosophos hujus mundi devitandos Apostolus monet: namque philosophiam vitare, est non amare sapientiam: & Oecumenius, Non eloquentiam redarguit, sed eam quæ in eloquentia est fallendi promptitudo: nec non & Theodoretus, Sapientiam hujus mundi non vocat eloquentiam; illam enim Deus quoque suppeditat, nam &*

ipse linguas dirivisit, & harum elegantiam donavit: non ergò accusat eloquentiam, sed falsum quod in ea celatur.

Cur plura attexo, cum suiipsius habemus Apostolum interpretem, Col. 2.8. *Videte nè quis vos depradetur per philosophiam, & inanem deceptionem, δια τῆ φιλοσοφίας, & κενῆ ἀπατης*; alterum addit vocabulum, *ἰνὸς ἡ δόξα σιωπῶν τῇ* & *φιλοσοφίας*, Chrysost. quia veneranda res videtur philosophia; imò non videtur solummodo, sed est: nè quis se veram philosophiam damnare putaret, appositè adjungit, *fallacem & inanem*, quæ exponunt qualem philosophiam vult, nempe ignominiosam illam quæ est *κενὴ & ἀπατητικὴ*, inanis & deceptoria; ut semper fallax est & inanis cum de Religione præcipit, & edicta promulgat. Non philosophiam rejicit, sed sophisticen. Si philosophiam rejiceret Apostolus, rejicisset utique lumen rationis; est enim philosophia rectæ rationis partus, & hoc lumen rationis humanæ menti à Deo ipso inditum. *Res Dei Ratio*, inquit Tertullianus. Ergò sine Dei injuria damnari non potest; neque in discrimen vocari, nisi Deus ipse in ciem vocetur.

Breviter illis in locis ad duo ista collimat Apostolus.

Primò, ut damnet *τὴν κενότητα*, vaniloquentiam philosophorum, de qua 2 Tim. 2. 16. hoc est, ut retrahat à stultis & ineptis quæstionibus, quæ pugnas gignunt, fidem non promovent. De sophismatum argutius salus animæ non pendet: disputare de linea & angulo & puncto, & numeris paribus & imparibus, Christianitati nihil prodest, aranearum telæ sunt: istas Philosophorum tendiculas, & Rhetorum Sirenes, & Poetarum Syrtis, pauci evaserunt sine naufragio.

Secundò, ut damnet *τὴν πιδανολογίαν*, de qua Col. 2. 4. hoc est, Tertull. verbo, *subtililoquentiam philosophorum*, adversi. Marcion, 5. h. e. ut certos reddat, conversionis gloriam non ingeniotribuendam esse, sed gratiæ; neque humanis viribus, sed virtuti Divinæ. Propterea ad hoc opus elegit Christus non eruditos, sed literarum ignaros, ut fortes vinceret per imbecilles, armatos per nudos; non piscatorem per oratorem, sed oratorem per piscatorem ad se trahens: Idque *ὃ δια λόγου μὲν, ἐπὶ συλλογισμῶν, ἀλλὰ δια τῆ πίστεως*, ut aprè Chrysost. hom. 4. in 1 Cor. 1. *ut qui gloriatur, in Domino gloriatur.*

Esto igitur, Artes liberales pietatem fidei non præstant, animæ conversionem non operantur: sed nūmnam propterea Theologo inutiles? Apostolos Christus non docuit Geometriam, aut Astrologiam, aut Arithmeticam, aut Physicam; non repugno: sed num proinde sequitur ut nobis non possint inservire? Edocti ipsi sunt à Spiritu Sancto, qui plene omnia suggererat quæ erant ad Scripturam intelligendum, ad cujusvis generis homines docendum necessaria: Nos autem qui Spiritus peculiare donum non habemus, si humanarum simus literarum ignari, nec Divinas percipere fanè possumus, nec perfecti esse in Ecclesia Doctores. Alioqui si exemplum placet, ignoremus & Grammaticam, quoniam Apostoli Grammatici non fuerunt; simus barbari, quia illi non fuere Rhetores; cedamus hæreticorum Elenchis, quia ipsi non didicerunt l'ialecticam; à studiis & meditatione abstineamus, quoniam Apostoli repenti & ex tempore sapientissimi loquebantur: Imò audiamus porius Augustinum in Johannem, *Sunt sine dubio humana quædam veritates, quas tametsi Apostoli non sunt edocti, nos tamen utiliter addiscimus.* Quocirca procul exsulent istæ voces è Theologorum castris, quæ *meretricem*, quæ *vanitatem*, quæ *mulierem extraneam* subsidia literarum appellant. Non meretrix est vera philosophia, sed casta mater, & ancilla veritatis. Sirenes sunt adulteræ, non Musæ: ineptiæ philo-

philosophorum vanitas & venenum veritatis; ipsa eloquentia, ipsa philosophia cooperatrix ad veritatem & adiutrix invenitur. Non est captiva mulier liberalium mater scientiarum. Atque si allegoriis & similitudinibus ludere placeret, quod ipsi faciunt, vel ipsa captiva mulier, per quam Gentilem literaturam eruditi mysticè intelligendam asserunt, Deut. 27. 12. si caput radatur, si præcidantur ungues, si prophetali nitro lavetur, de Moabitide fit Israelitis, Hier. ep. 84. & in consolat. ad Pamphilium, Si fucus & veneficia auferantur, usus legitimus indulgetur. Ità structura prima evertitur, quia Scriptura Sacra non refragatur.

Secundò, Quod ad Rationes adductas spectat, sit ista Conclusio; Vera & sobria philosophia, intra limites suos manens, mentem neque fallit, neque fascinat; sed polit, exornat, dirigit, non in erroris semitas, sed veritatis. Tribus igitur Propositionibus res ista conficitur.

Prima est; Etiam vera philosophia in aliquibus culpanda, si metas suas transiliat: idque duobus modis.

Primò, Cùm ex suis etiam veris principiis Fidei conatur fundamenta deducere. Hoc non potest fieri; philosophiæ aut rationis vires non eò pertingunt, ut possint statuere de Trinitatis mysterio, Cultu Dei, Incarnatione Christi, Justificatione peccatoris, & ejusmodi: sunt ista super captum Rationis, neque per Rationis naturalis *philosophia* possunt dijudicari. Ratio potest discurrere à Principiis ad Conclusiones; sed mysteriorum Fidei in se non habet principia, nec potest in ista secreta penetrare.

Secundò, Quum sua vera principia quæ sunt in ordine naturæ, opponit principiis Theologicis quæ sunt supra naturam: ut si Creationem mundi neget, quia est principium, Ex nihilo nihil fit; si Incarnationem Christi, quia est principium naturæ, Species disparatas non uniri in eodem Supposito; si Resurrectionem carnis, quia est principium, A privatione ad habitum non datur regressus. Hoc si Philosophia facit, in errorem ducit, quia illa axiomata vera sunt tantum in sphaera causarum naturalium: sed fides transcendit naturam. Hoc illud erat quod Patres sanctos movit ut audacter quærent, *Quid Academia & Ecclesia?* Tert. in Præf. advers. hæreticos: *Quid Aristoteli & Paulo?* Hier. adversus Pelagium: *Quid nobis cum Anaximene & Democrito?* Aug. ad Dioscorum.

Secunda Propositio sit ista; Falsa philosophia in omnibus culpanda: non modò quia semper decipit & in errorem inducit; sed vel maximè si sua dogmata in Theologiam inferre conetur. Hinc nata illa Tertulliani dicta omnia, Ex philosophorum ingeniis omnis hæresis animatur. Omnes hæreses ex philosophia regulis constant. Philosophia interpolatrix veritatis; &c. Omnia hæreticorum dogmata cum frigeant, & volare non possunt, sedem sibi & requiem reperiunt inter Aristotelis spineta; &c. erat Plato condimentarius hæreticorum, Tert. l. de anima, c. 11. Hæreticorum Patriarcha philosophi, in l. advers. Hermogenem. Quod idem ab Hieronymo notatum in libro quem scripsit adversus Pelagium ad Ctesiphontem, *Temeraria est divinarum interpres secularis sapientia, quia & ipsa hæreses à philosophia subornantur*; in Præf. advers. hæret. similiterque Hieronymus, *Omnes hæretici sunt Aristotelici & Platonici*, in Psal. 77. *Si in Scripturis tenebris, ad Aristotelem fugiunt; si Aristotelem tenueris, ad Platonem transeunt*, Hieron. in Psal. 144. atque in Nahum prophetam, *Sedem sibi hæretici faciunt inter Aristotelis & Chrysippi spineta*; &c. in Proverb. l. c. 7. *Hæresis, quasi meretrix, & Rhetorica tapetibus & versutia Dialectica thorum textit*.

Instantis res fiat clarius. Simon Magus sua figmenta à Comico quodam

poeta Philistione didicit, teste Epiphanio; & Valentinianus ab Hesiodo, triginta Deos faciens, pro numero cœlorum quos ille posuit. Priscillianistæ dogma suum de fatalibus stellis ex Chrysippo hausierunt, ut rectè eis exprobat in l. de Fato Greg. Nyssenus. Julianus apostasiam suam imbibisse dicitur ex conversatione quam habuit assiduam cum paganis & philosophis, Hephæstione, Diophante, & nescio quibus. Arianorum hæresis de Aristotelis fonte argumentationum rivos mutuata est, Hieron. advers. Lucifer. inde venenum sibi affricuisse ait Epiph. advers. hæres. l. 2. c. 69. Lactantius in errores suos facilius lapsus est, quia erat magis librorum Ciceronis quàm Scripturarum sacrarum peritus, Bell. de beatitud. Sanctorum c. 5. in fine. Celsus, Porphyrium, multosque alios philosophia traduxit; unde & proverbium natum est, Maximos quoque philosophos maximos hæreticos esse solere.

Tertia Propositio; Istis concessis, argumentatio infirma est: nam quid exinde concluditur? Falsa philosophia errorum parens; ergò & vera; vel, Vera si terminos transiliat fallax magistra est, ergò fallax si intra terminos se contineat. Absit, pro Theologia Theologorum errores non sunt duccendi, neque pro philosophia somnia philosophantium: ulcera corporis partes non sunt, sed pestes. Quòd si philosophorum errores & portenta & difficiles nugæ philosophiam appellemus, abeat, valeat, explodatur: sed si scientiam veritatis lumine rationis adinventam hoc nomine vocemus, non damnandam, sed excolendam judicamus. Sic structura secunda perit, Ratio recta non refragatur.

Tertiò, Quod ad Patrum testimonia attinet, sit tertia Conclusio; Non à quovis sanctorum Patrum secularis literaturæ usus interdicitur, sed abusus solummodo cohibetur. Ità Concilii 4 Carthagin. Canonem Socrates & Cassiodorus interpretantur, *Non ideo prohibitum Episcopis Gentilium libros legere, quasi omnino secularium librorum studia respicerent, sed ne studiis istis consenserent, & opus suum facerent*, Cassiodor. Divinarum lectionum c. 28. Socrates, l. 3. c. 14. Ità etiam Justinus ille & philosophus & martyr, etsi adversus philosophos scripsit, sæpe tamen eximie de philosophia locutus est. Quòd si usum è medio sustulissent, seipfos damnaissent, quia scripta eorum Ethnicorum rebus gestis & sentiis quasi stellis illuminata refulgescunt; *ut nescias*, inquit Hieronymus, *quid in illis primum admirari debeas, eruditionem seculi; an scientiam Scripturarum*, ep. 84. Abusus autem quos illi reprehendunt ad duo capita reducuntur; Quando Ordo debitus, & quando Mensura debita non servatur.

Inprimis Ordo congruus tenendus est, nè magistræ ancillæ præcurrant; quod temere fieri à nonnullis solet: sicut Lytrensens (Act. 14.) Barnabam Jovem vocabant, Paulum Mercurium. Item & istis Plutarchus fortasse Paulus est, aut Tullius Petrus, & Aristoteles Christus, & Plato non divinus modò, sed Deus. Philosophiam Evangelio vel præferre vel æquare, res non modò non ferenda est, sed abominanda. *Firmamentum fidei solis Sacris Scripturis nititur*, ut Epiphanius adversus Aetium, & Augustinus advers. Manichæos strenuè. *Vidi*, inquit Salomon, Eccles. 10. 7. *servos super equos, & principes ambulantes velut servos super terram. Quid tumultuosus? quid iniquus? ut super Theologiam Ethnica disciplina dominetur, quæ subservire debeat? Hoc primum est quod vel maxime cavendum.*

Secundo in loco, Mensura justa tenenda est: Cavendum est nè principale excedatur ab accessorio. Reperiuntur & inter nos noctuæ, Scripturarum lucifugæ, terræ filii, qui Conciones suas nugis illis ità referciunt, ut

ut abjurasse se Scripturarum eloquentiam etiam candidus auditor crederet, vel saltem non legisse quidem. *ὡς ἐκ τῆς ἡμῶν ὁρῆς, ἢ ἐκ τῆς ἡμῶν λαοῦντες*, Euseb. lib. 5: cap. 27. Vós nostis probè, quòd phaleræ si nimix equi impediunt cursum; picturæ si super totam fenestram se fundant, lucem & solis radios interceptiunt: sic Scripturarum fenestrix colore asciitio tenai **** scunt, nimio offuscantur: domûs marmoreæ si opus albarium superinduxeris, demis tantum de dignitate. Proinde non nisi necessariò, & iustis de causis, & parcè hoc faciendum est. Eaproptèr Episcopum quendam Gregorius reprehendit, quòd semper prædicabat Grammaticam, h. e. in Gentilium fabulis quotidie versatus est; Can. *Cur multis*, dist. 86. Eo consilio Basilius ac Gregorius sapientiæ secularis libris omnibus valedixerunt, ut literis sacris totos se dederent, Ruff. 10. hist. cap. 9. & Hieron. de se testatur, se nullum Gentilium librum per annos quindecim vel in manus accepisse, Comm. in Galatas. Sed quid vel ex istis colligitur? Nocet nimium, ergò moderata abijcienda? si Scripturis præferatur, exsulet; ergò si sequatur? Non sumus adeò bardi, ut nesciamus discernere inter lepram & lepram; nam utrinque erratum est, & ab his quibus curæ est ut literas profanas nimium attollant, & ab illis qui hoc agunt ut penitus sepeliant. Ex accidente aliquando evenit ut veritati plùs noceant, an ergò propter abúsus æquum est ut exsulent? si ex vino ebrietas oriatur, num ergò vites sunt abscindendæ? si in superbiæ fomentum vestes vertantur, Ego nudus oberrem? ergò nec panis comedendus, quia Israelitis Manna exitialis erat? Non sic, non sic, auditores: *Abusus non præjudicas religioni*, Hieron. ad Vigilantium. Si quid in istis erratum est, non statim ancilla enecanda est, sed medela morbo adhibenda: præsertim cùm neque recta Ratio repugnet, neque Patrum sententia refragetur, neque Scriptura contradicat.

LECTIO VI.

DE *Novorum & veterum, Gratiarum & Musarum, literarum humanarum & Divinarum Nuptiis, & expectatio vestra, & instituti nostri ratio* postulat ut nonnulla dicamus: atque nonnulla jam pridem diximus. Nam in Matrimonii ritu vobis non sufficere ut die uno tantum Banna publicentur, sed tribus diebus Dominicis, vel Festivis, id fieri debet: ita & in hoc Conjugio celebrando, non satis esse duco semel demonstrasse vobis iustas istas fore & legitimas nuptias, nisi accedat etiam Promulgatio secundæ diei. Quocirca sicut in Matrimonii formula prudenter ab Ecclesia constitutum est, ut antequam res peragatur, à Ministro verba illa promulgentur, *Si quis sit qui iustam causam proferre poterit cur isti legitime conjungi nequeant, aut jam palam denunciet, aut in futurum reticeas perpetuo*: Similiter & Ego in hac Quæstione agitando eundem mecum ordinem constitui; ut primo impedimenta copulæ amoveantur, quod superiori die factum est: & nunc demum, quia nemo interea Cautionem deposuit quod minus res integre agatur, ad ea quæ supersunt anhelus festino, nè vel officio meo, vel causæ ipsi quid deesse videatur. καὶ ὡς αἱ πτῆνες ἐν τῷ ὀρνίθῳ τὸν νεοττον, inquit Chrysost. in Joh. 3. quemadmodum aves quæ pullos suos volandi artem edocent, in τὸν νεοττον, id est ἐν τῷ ὀρνίθῳ, non est vestigio, neque uno duntaxat die totum docent; sed primum ἐν nido paululum educunt, deinde à volatu requiescere sinunt, & postmodum ad volatum majorem revocant; sic paulatim exercendo, ad naturalem eos efferunt altitudinem: Ita ego vobiscum egi, non pullis, sed in Christo Patribus Fratribusque meis; & primi & secundi volatus specimen edidi, gradatim vos ducendo ab imo ad summam usque quæstionis penetralia, quæ nunc mihi referenda restant & inspicienda.

Causæ status sic se habet: Utrum Sacrarum literarum Interpreti liceat & Tractatori, externas disciplinas profanosque scriptores in subsidium suum advocare? quod primum erat à me propositum, *Novorum veterumque consortium*. Primam pensi partem, nimirum ἀνασκευαστικὴν, superius absolvi, negantem demoliendo sententiam, & ostendendo, nihil esse ullius ponderis quod in contrarium adducitur, vel ex Scripturarum oraculis, vel ex Patrum antiquorum testimoniis, vel ex Rationis rectæ principiis.

Pars κατισχυαστικὴ sequitur, quæ in affirmativa sententia exornanda sita est: Non Theologo licere modò, sed necessarium fore & inprimis utile, tum in scribendo, tum in prædicando, è Gentilium libris, atque ipsa Ethnicorum Schola, arma atque auxilia adducere, si modò pie & cautè & sobriè fiat. Hoc nos hæc jam parte contendimus; atque mei me instituti minus poenitet, quia res est & auscultatione vestrà, & indagatione nostrâ dignissima.

Sapientia edificavit sibi domum, excidit columnas septem, ait Salomon. Ego domum ædificaturus septem ad tres revocabo Columnas quibus causa hæc statuminatur; Argumentum, Factum, Dictum; i.e. Ratio, Praxis, Testimonium. Tres, inquam, sunt Columnæ.

Columna prima è Testimonio quasi petra firmissima excinditur, & in basi Scripturarum statuitur: quæ si pro nobis non pronuntiant, non tamen contrariantur; non habemus adversas, imò habemus propitias. Æquum est autem ut ad hoc asylum confugiat contempta eruditio; æquum ut, si magistræ Theologiæ ancillantes literæ præstent famularum, ab hera sua vicissim expectent patrocinium: atque eas audire mihi videor sic proloquentes. "Nos te, sancta mater, veritatis arbitram agnoscimus, & supremam moderati-
cem;

cem; ad te oculos attollimus, ut primum motorem; non nobis vel tantillum arrogamus, tibi principatum, tibi imperium deferimus; non socias nos optamus esse, sed pedissequas & tributarias; nec ad Sanctum Sanctorum contendimus, sed in Atrio nos populi sistimus; ibi nutum tuum præstolamur: si dixeris, Vade, currimus; si, Veni, properamus: si iusseris ut sileamus, tacemus; si ut loquamur, eloquimur. Habeamus vicissim tuum præsidium, nam nihil est quod præterea petimus; non mercedem, sed clientelam. Ancillis suis quid est quod Regina scientiarum respondeat nisi hoc, "Agite, mea pignora: officia in me vestra non rejicio, in familiam meam vos libenter recipio, vestra mihi erit opera necessaria: Ergo in vineam Domini me sequimini, nam & testes mihi eritis & ἀντιμαρτυροῦντες: si quis rogaverit, Quid vobis & vineæ? dicite, Quia Dominus conduxit nos."

Enimvero ex Scripturis par est imprimis ut causa hæc elucescat: & quod ad illas attinet, satis esset si solummodo ostenderem non prohibitum alicui literarum secularium usum, quamvis non expressè in mandatis ponatur. Quod Apostolus, 1 Cor. 7. 25. *præceptum Domini non habeo*: at habeo quatuor loca præceptis non propinqua modò, sed proxima. *Omnia probate, quod bonum fuerit retinete*, 1 Thess. 5. 21. *Omnia munda mundis*, Tit. 1. 15. *Omnes factus sum omnia, ut omnes lucrificarem*, 1 Cor. 9. 22. *Omnia vestra sunt, sive Paulus, sive Apollos, sive Cephas, sive mundus*, 1 Cor. 3. 21. Esto in illis literaturæ Ethnicæ mentio nulla; at verò sub istis formulis contineri, non levis est conjectura. Nam istud *Omnia* toties repetitum ingentis est ambitus. Neque Spiritus Sanctus repugnat quò minùs ad prærens negotium extendantur. Sigillatim ea inspiciamus.

Præmus locus est 1 Thessal. 5. quos hortatur ut omnia probent, & quod bonum est retineant. Socrates, hist. 3. 16. ad studium librorum Ethnicorum refert, *Hortatur, inquit, ut omnia exploremus, etiam Ethnicorum dogmata, οἱ πρᾶξιται δόκιμοι, boni nummularii, ut quod bonum est retineamus, rejiciamus quod malum: at istud facere non possumus, εἰ μὴ ὅπλα τῶν πολεμίων ἀποσπῶμεθα, nisi hostium arma possideamus, i. e. Gentilium*. Pariter Ambrosius, *Hoc egit, inquit Ambrosius, nè loquenti contradicant, & prophetias spernant per ignorantiam, non intelligentes dici ab eo spiritualia: vult igitur ut probent omnia, & quicquid bene ac sobriè dictum fuerit, retineant; nè forte gratiam fratri datam dum respuunt, auctori repugnent. Probate omnia, quod bonum est retinete*. Ante Ambrosium, Basilus videtur etiam huc alludere, *ἀπὸ τῶν αἰρέσεων*, (Basil. hom. 4. De legendis Gentilium libris) *ut apes flores noxios prætereunt, & iis solis insident quos mellis usui accomodos noverint; & ut nosmetipsi in cibis noxios repellere, salubres retinere mordicus solemus: Idem faciendum in scriptis & dictis aliorum. Suadet Paulus noxia & inania negligere, & quicquid nobis congruum & consonum veritati retinere: si quid in iis utile reperimus, ad nostrum dogma convertimus; si quid superfluum, hoc radimus & desecamus*. Hieron. ep. 146. ad Damasum, Labia immunda sancta sunt si præputiata. Quæcunque Apostolorum & Domini dictis congruunt, ea bene dicta habenda sunt, & retinenda. Ut paucis agam, hortatur Apostolus ut cautos se præbeant, *omnia explorate*; cautos quidem, non pertinaces. Qui rejiciunt omnia dum probant omnia, cum scoria aurum conculcant; imò, inquit, *Quod bonum est retinete*: sit amica veritas undecunque claruerit:

Secundus locus habetur ad Titum 1. 15. *Omnia, inquit, sunt munda mundis*: atque huc necessariò spectat; nam versu 10. de ritibus legalibus agit, & vers. 12. Ethnici dictum citat; quòd *Cretenses semper mendaces; &* *testimo-*

testimonium hoc, inquit, verum est: tandem insert, Omnia munda mundis. Audiamus Ambrosium, Omnia, etiam qua legaliter immunda fuerunt, nunc munda sunt, quia omnia qua Deus fecit bona sunt; mundis vero, i. e. iis qui & quâ causâ interdicta sunt norunt, & quâ causâ concessa sunt postea: qui autem non intelligunt, immundi sunt, accusatores enim Scripturæ sunt; creaturam Dei accusant, & excusant seipsos. Hæc Ambrosius. Alludit ad raptum Petri Apostoli cum linteam viderit, in quo erant omnia quadrupedia & feræ & reptilia & volucres cœli: & de omnibus Deus pronuntiavit quòd sancta erant, neque ampliùs pro immundis ducenda. Ad homines imprimis ænigma pertinebat, ad vocationem Gentium, nè communes eos & impuros Juda i putarent: sed de Gentilium cibis continebat in se significationem, sublatum esse legalem ciborum delectum, neque immundum fore quod Deus mundasset: de Gentilium meliore literatura multò magis; à Philosophis quicquid bene dictum in nostrum usum vertendum, quia veritas nulla immunda est, non si ab ore profano ebulliat. Ut Personarum acceptatio non est, sed in omni gente quisquis operatur iustitiam acceptus est Deo: sic veritatum discrimination non est, sed ex omni libro, quicquid Ecclesiæ & pietati proficuum est, pro nostro reputandum est; quòd si ab immundo calamo fluxerit, at non est impurum si modò sanctè utamur. Ergò quod Deus purificavit, tu nè commune dixeris. Veritas bona, quamvis quæ porrigit manus bona non sit, neque sana, sed leprosa aut paralytica; manus non præjudicat. Ji situr: Virtutiq; Romani templa dedicarunt: an nobis exinde iustitia virtúsque fugienda est? Absit. Contra patriam nonnulli arma sumpsérunt: ergò pro patria non est miles armandus? Ferramentis medicinalibus indocti medici ad perniciem abutuntur: ergò peritis non licet iis uti ad salutem? Super habitantes tecta aliquando ruunt: num propterea omnia ædificia demolienda sunt? Solem & Lunam pro diis Ethnici venerantur: num ideo nos contemnere debemus? De Eruditione idem dicendum est. Literarum repertorem dicunt esse Mercurium: num igitur iis non est opera navanda? Imò Dei nostri est veritas omnis ubicunque invenitur, Aug. de doctrina Christiana l. 2. c. 18. & idcirco famulum suum Moysen, cum quo ipse tanta & talia loquebatur, à Gentili Midianita passus est Dominus admoneri. Aug. qu. 68. super Exod. rationem reddit, ut nos admoneret, per quemlibet hominem deur consilium veritatis, non debere contemni. Quod Deus sanctificavit, tu nè solutas, quia Omnia munda mundis: si omnia munda, veritas necesse est sit munda, quamvis ab immundo ore prolata. Iste secundus locus.

Tertius locus est 1 Cor. 9. 22. ubi se dicit omnia omnibus factum, ut omnes lucrificeret: non simulatè dixit, sed verè & ex animo; & non aliqua aliquibus, sed omnia omnibus; idque non compatiens solùm affectu, sed animi iudicio; atque non solùm suavitate morum, sed docendi prudentiâ, quia simile simili ut generatur, sic edocetur. Omnia omnibus, Judæis Judæis; quia propter illorum scandalum circumcidebat Timotheum, & purificatus templum ascendit: iis qui sub Lege, sub Lege; i. e. non modò Judæis Judæis, sed Samaritanus Samaritanis, qui solam Legem agnoscent: iis qui sine Lege, quasi sine Lege; i. e. Gentilibus Gentilis. Sic omnibus omnia propter Evangelium; quasi Judæus ut Judæos, quasi Samaritanus ut Samaritanos, quasi Ethnicus ut Ethnicos lucraretur: nam idem Apostolus, qui cùm Hierosolymis erat Judæis Judæum se fecit, Athenis se philosophis philosophum præstabat; non eorum errores amplectendo, sed ex principiis eorum disputando. Hic animus viri prudentis & spiritualis, ut omnibus omnia factus, propositū tamen Religionis non excederet, nec aliud faceret quàm Lex mandavit. Sed ubi cessit, ad hoc cessit, ut proficeret. Ambr. ostendens quænam sit

lit illa πολυποικιλ. σοφία, Eph. 3. 10. quā omnem hominem erudit in omni sapientia, Col. 1. 28. juxta personæ cujusque statum. *Judeis*, inquit, *Judeis*, *iis qui sub lege quasi sub lege, iis qui sine lege quasi sine lege.*

Postremus locus in 1 Cor. 3. 21. ubi omnia ipsorum esse, & ut sua vendicanda, Corinthiis persuadet. Obsecro, unde exempla & instantias deducit: non ex sacris solummodo rebus, sed secularibus. *Omnia vestra, sive Paulus, sive Apollos, sive Cephas*; imò *sive Plato, sive Aristoteles, sive M. Tullius*; addit enim, *sive mundus, sive vita, sive mors, sive presentia, sive futura*. Num mundus, num vita præsens? Christus mundum pro nostro habendum esse apertè negat, Joh. 15. 18. *Ego elegi vos de mundo, de mundo non estis, & mundus vos odit: si de mundo fuissetis, mundus quod suum est amaret*: & tamen S. Paulus, *omnia vestra*, etiam ipse *mundus*, etiam *vita præsens*. Nimirum *mundus* noster est, ut de illo secundum Dei voluntatem sentiamus; & *vita præsens*, ut modè illam & cum Dei gloria transigamus; & *mors*, ut libenter pro Christo sustineamus; & quæcunque *presentia*, ut legitinè utamur: si quæcunque *presentia*, etiam transitoria, multò magis ea quæ sunt veritatis adjumenta, sive scripta philosophorum, sive poetarum, sive rhetorum; omnia nostra, utilitatis nostræ gratiâ constituta. Iste ultimus locus.

Atque si ista non sufficiant, ex hoc ipso eruitur loco quem præ manibus habemus; ex eo quòd Christus *Nova & Vetera* proferenda esse docet: utroque enim modo hic suos Christus instituit, & ex libro Scripturarum, & ex libro Creaturarum, mediis non modò Divinis, sed etiam humanis; nempe & parabolis & Prophetarum testimoniis. Testimonia tria citat ex veteri Instrumento. Primum vers. 14. ex Isa. 6. 9. *adimpletur prophetia Isaia, Auditis audietis & non intelligetis*. Alterum vers. 35. *completur quod dictum per prophetam, Aperiam os meum in parabolis*, Psal. 74. Tertium vers. 43. ex Dan. 12. *Tunc justii fulgebunt sicut Sol in regno patris*. Hac habuit ex libro Scripturæ. Reliqua omnia ex libro Naturæ, ex usu & consuetudine hominum; ex semine, grano sinapis, fermento, thesauro, margarita & fagena. Et istis peractis omnibus Doctoris sacri exemplar ducit, ut proferat & *Nova & Vetera*, sive in sacris, sive in exoticis literis occurrant.

Istis Scripturæ locis sanctorum Patrum non erit difficile contexere testimonia: nam Basilii Magnus, de industria, inter alia eruditionis suæ monumenta, egregium tractatum reliquit, De Gentilium libris cum utilitate legendis. Nazianzenus ut primum illud necessarium ponit, Orat. secundâ, *Eruditio*, inquit, τὸ πρὸς ἀγαθὸν & πᾶσιν ἔστι nec Divina tantum, sed & externa. Qui secus sentiunt, stulti & imperiti sunt, qui omnes sui similes esse cupiunt, ut propria eorum incitia sub communi deliteat, nè quisquam ipsorum imperitiam prodar. Aug. in 2 De doct. Christ. c. 40. & in 1 contra Cresconium Grammaticum, magnum secularium literarum Encomiasten se exhibet. Ab Ethnicis auferre debet Christianus & morum præcepta & veritatis dogmata, & transferre ad usum justum prædicandi Evangelii. *Consuetudo nostra est*, inquit Theodoretus, *ex monumentis poetarum & philosophorum noxia & pestifera declinare, utilia nostra inferere doctrinæ*: sicut apes dulcicia ex amarulentis haurimus; & ut qui rosaria demetunt, spinas intactas dimittunt, rosarium calculos legunt. Sed ista remitto ad sequentia.

Festino enim ad Columnam secundam, quæ ponitur in basi Praxeos Prophetarum, Apostolorum, & veterum Doctorum, qui scriptis suis Ecclesiam vel stabiebant vel ornabant, suis singuli temporibus.

Quod ad Scripturas S. attinet, nescio an ulla pars sit melioris literaturæ quæ non passim occurrat in Sacra pagina. Si Divinam quis Physicam requirit,

quir, habet in primo libro Mosaico; si Ethicam, in Proverbis Salomonis; si Poeticen, in Psalterio; si Mathematicam, historia Jobi suppeditat; in Prophetarum scriptis omnes Eloquentiæ flosculi existunt; & in libro Numerorum tota Arithmetica, dicente Hieronymo, ep. ad Paulinum: si ipsam Mythologiam quaerit, in Iudicum libro habetur, c. 9. *Iverunt arbores ad ungendum super se regem; dixeruntque Oliva, Regna super nos, &c.*

Sed quid ego de Codice sacro, cum artium omnium compendia in duobus Legis præceptis contineantur, *Diliges Dominum Deum tuum toto corde tuo, & proximum sicut teipsum?* In istis & Physices summa habetur, quia omnes omnium naturarum causæ in Deo Creatore sunt; & Ethicæ medulla, quia vitæ bonæ norma non aliunde formatur, quam cum ea quæ diligenda sunt, diliguntur sicut diligenda sunt, Deus & Proximus; & semina Logicæ, quia veritas lumenque animæ rationalis non nisi Deus est; & laudabilis Reipubl. salus, quia nec condi nec custodiri potest nisi vinculo fidei & concordia, cum summus bonorum Auctor propter se diligitur, & homines se mutuò diligunt propter ipsum.

De universis Scripturis junctim Hieronymus testatur, *Quis nescit in Sacris voluminibus quadam assumpta de Gentilium librù?* ep. 4. ad Magnum: & Nyssenus, *solere Sacras literas ab externis quoque vocabulis mutuari voces aliquot, iisque suam sententiam illustrare*, Nyss. in Cant. de libro Job. Hieron. ad Paulinum, *Prosa incipit, versu labitur, pedestri sermone finitur*, omnæque leges Dialecticæ Propositione, Assumptione, Confirmatione, Conclusionem determinat. Quis nescit quàm multa ibi tractentur de cæli revolutionibus, de astris, terra, mari, luce, ventis, pluviis, tonitruis, fulminibus, nive, glacie; de leonibus, capreis, cervis, equo & Behemoth, quem Elephanthem multi putant, ac de Leviathan, maris vastissima bellua? De reliquis audiamus eundem Hieronymum, *Totius mundi Philohistor Daniel propheta; & David Simonides Christianus & Pindarus & Alceus, Flaccus quoque & Catullus*, ep. ad Paulinum. Idem de Salomone asserit, *In ipso Proverbiorum exordio nos commonet ut intelligamus sermones prudentia, versutiisque verborum, dicta sapientum & enigmata, quæ propriè, inquit Hieron. Dialecticorum & philosophorum sunt*, Hieron. ad Magnum. Idem de propheta Isaia, in procemio, *Quid loquar de Physica, Ethica & Logica? quicquid potest humana lingua proferre, & mortalium sensus accipere, in isto volumine continetur*. Denique, idem de Esther & Ezræ libris dici potest. Estheris librum ex actis publicis fuisse continuatum putant eruditi: extraneorum Regum epistolas & decreta ex Persicis annalibus & archivis Babylonice desumpta scriptis suis intexunt Ezra & Daniel. Pergamus ad Novum Testamentum: parabolis & similitudinibus ex natura rerum sumptis Salvatoris Conciones refertæ sunt. In referenda Pauli navigatione, idolorum Ethnicorum nomen usurpavit Lucas Evangelista, Act. 28. 11. *Provecti sumus in navì Alexandrina, cui erat insigne διόσκουρι, Castor & Pollux, & si tacuisset, nullo narratio dispendio laborasset.* Inferorum pœnas Homericâ phrasi adumbrat Apostolus Petrus, 2. 2. 4. *οὗτοι οὗτοι τῶν ἀποστόλων, angelos qui peccaverunt catenis caliginis in Tartarum detruxit.*

S. Paulus sic instat omnium, Quod attinet ad Philosophiam, quàm prudenter ex ipsius principiis contra philosophos Athenienses disseruit, Evangelista Act. 17. narratio suâ dignissimum existimavit. Quod ad Rhetoricam verò spectat; inter multas alias suavissimas dictiunculas, oratio quàm coram Agrippa & Festo habuit Act. 26. abunde testatur, non locos solum & regulas oratorias observasse illum, sed colores omnes atque pigmenta sermonum protulisse, ad Fidei & Religionis emolumentum. Initio manum extendit,

tendit, & gestu corporis silentium impetrat, ut Oratores solebant: mox à persona Agrippæ, quod in Exordiis fieri solet, benevolentiam sibi conciliat; *Æstimo me beatum, Rex Agrippa, quod apud te sim. responsurus hodie*; prorsus quasi aucupio aulico ipsum Regem ad partes suas trahere voluisset: laudat ut rituum Judæorum peritissimum, obtestatur ut virum ad audiendum æquanimum; *Scio te gnarum omnium quæ apud Judæos sunt consuetudinum, & rogo ut me patienter audias*. Dein Narratione dilucidâ innocentiam suam calumniis accusantium opponit, & subtiliter, si ita loqui licet, propter articulum de Resurrectione mortuorum ad iudicium protractum dicit; cum tamen non de Resurrectione mortuorum in die novissimo, sed de Resurrectione Christi illo tempore controversia ageretur. Posthæc, Conversionis suæ & antea vitæ rationem reddit, quàm fuerit Jesu Nazareni nomini contrarius, quàm contra discipulos Christi insiniverat, eosque ad blasphemandum coegerit; prorsus ut se defenderet accusando. Mox, cum Provinciæ Præfes, homo Ethnicus, magis Militiæ quàm Religioni addictus, amentię & delirii virum sanctum insinualasset, dici vix potest quanta cum modestia & reverentia respondit, dignitatis titulos attexens, *Non insanio, Nobilissime Feste, sed verba vera & sobria eloquor*. Quàm prudenter à Festo ad Agrippam orationem quasi in gyrum flectit? laudat, percontatur, responder, peritiam Regis longè supra meritum extollit, *Probè novis ista Rex apud quem liberè loquor*: urget ipsius conscientiam, *Credis prophetis? scio quod credis*; prorsus quasi ipsi fidem quam non haberet assuisset. Postremò, votum subjungit affectibus oratoriis plenissimum, ut quod prædicando non obtinuit, precibus saltem obtineret; *Optarim à Deo, ut & tu & omnes qui me audiunt, similes mei fieretis, non propemodum, sed admodum, exceptis vinculis istis*. Postremò, quod ad Philologiam Gentilium attineret, specimen habemus in unaquaque pagina. Loquendi formulas mutuatur à rebus ludicris, etiam horrendis; ut vox *κωβόας*, Eph. 4. 14. ab aleatoribus; & *ἀγρομαχίας*, 1 Cor. 15. à gladiatoribus desumpta; & *πάλης*, Ephes. 6. 12. à luctantibus. Præterea, diversas loquendi formulas ab Epistola Heracliti ad Hermodorum mutuatus est, ut non ultimi nominis Theologus observat, unum ex 1 Cor. 15. 32. alterum ex 2 Cor. 7. 2. tertium ex Phil. 3. 20. Porro trium Poetarum dicta citari ab eodem Apostolo Hieronymus notavit, & Socrates hist. lib. 2. cap. 16. ex Arato hemistichium, *Ἄκτ. 17. 28. τὸ γὰρ καὶ γὰρ ἐσμέν* ex Menandro senarium, 1 Cor. 15. 33. *Φθείρουσιν ἡμῶν χρεῖδ' ὁμιλίου κακαί* ex Epimenide Cretensi hexametrum, *Τίτ. 1. 12. Κήρτες αἰεὶ ψεύσαι*, &c. Atque notatu dignissimum, quod hæc S. Apostolus allegavit, non solum quando cum Ethnicis disputat, ut *Ἀκτ. 17.* sed etiam cum fideles instituit, ad Corinthios, ad Titum scribens. Præter hæc, multa verba transfert à ludis & spectaculis Gentilium. *ἁβλήσις παιδικῶν*, Heb. 10. 32. *ἀγών & ἀγωνίζομαι*, & reliqua de stadiis, pugilibus, cursoribus, coronis Gentilium, decies ad minimum in ipsius Epistolis habentur: eo magis mirandum est, quia ludis istis nihil erat iniquius, nihil sceleratius, nihil truculentius. *Circi insaniam, & arene atrocitates*, Tertullianus appellat: *inventæ demonum, quorum mater idololatria*, Cyprianus: *irritamenta vitiorum, in quibus cum homines interficiunt, ludere se opinantur*, Lactantius lib. 6. 20. *spectacula turpitudinum*, Augustinus civitat. 1. 32. *τῆς πορνείας ἰσχυρότερον, μᾶλλον δὲ Καταιδέετον*, Chrysostomus oratione de Circo: *religionem impiam, & sanguinariam voluptatem*, Cassiodorus Var. 5. 42. *ubi à feris comeduntur*

cur homines cum afficientium voluptate, inquit Salvianus. Et tamen similitudines istas & loquendi formulas sacris miscere paginis Apostolus non timuit. Prævidere facile poterat futuros, qui hunc loquendi modum in advocacy criminum converterent, quod & fecisse eos Cyprianus ad plebem de Spectaculis testatur; Cur, inquit, Christiano non liceat spectare, quod licuit Divinis literis scribere? sic verba ad exhortationem virtutis posita, ad vitiorum patrocinia transferebant: & tamen vel istis formulis utitur Apostolus. Non eâ laborabat vocum penuriâ Apostolus, quò minus istas phrasas præteriret, aliâsque assumeret: reliquis tamen posthabitis omnibus, loquendi modos & hortandi media à ludis Gentilium pessimis ducit, ut pugiles Evangelicos in stadio Ecclesiæ ad coronam celestem adipiscendam excitaret. Ex Scripturis luce clarius est, quid Prophetæ & Apostoli fecerint.

Si Antiquorum Patrum consuetudinem adjecero, non ultra vobis hoc tempore molestiam creabo: quanquam excusandus essem si præterirem; nam ea omnia in unum fasciculum Hieronymus collegit, in Apologia quam hac de re scripsit ad Magnum oratorem Romanum; & Socrates in hist. Eccl. de singulis sic loquitur; *In Gentilium disciplinis exercuerunt se Doctores Ecclesiæ ab inveniæ adolescentia ad extremam usque senectutem, ut ex nro. munda, quasi consuetudine quadam, Socrates 3 hist. cap. 16. Nemo est in historiis Ecclesiasticis mediocriter exercitatus qui ignorat, quòd quovis seculo suos habuit Oratores Ecclesiæ; Arnobium, Lactantium, Victorinum, & Cyprianum, qui Oratoriam docuit Carthagini, Hieronymus in Jonæ 4. quovis seculo suos Poetas; Juvenum, Sedulium, Prudentium, Aratorem, Apollinarem, Paulinum, Fulgentium, nè quid esset in Gentilitate speciem boni habens quod Christo non sacra- retur. Nec deerant cuivis seculo Christiani Philosophi, Diçymus, Justinus, Origenes, Basilus, uterque Gregorius, Augustinus, Damascenus, qui omnes & singuli suis ipsorum telis Gentiles prostrabant, Stoicos è disciplina Stoica, Aristotelicos è Peripatetica, & è Platonica Platonistas. Ut Christum assumeret, non abiecit philosophiam Justinus Martyr; neque Clemens Alexandrinus, qui, ut Gentes à superstitionibus avocaret, ex suis ipsorum libris, deorum, templorum, statuarum inanitatem monstravit. Quid autem in illis indoctum? quid non è media philosophia est? Hieronymus ad Magnum, Clementem præceptorem secutus est Origenes, qui Religionis nostræ dogmata de Platone & Aristotele, Numenio Cornuti quæ confirmavit, quasi omnium literarum bibliothecas absorpsisset. Ipse Porphyrius conquestus est, Græcorum divitias omnes ad Christianum dogma locupletandum Origenem convertisse, apud Canum, lib. 10. cap. 3. Quid dicam de Apologetico Tertulliani, qui cunctam seculi continet disciplinam? quid de Minutii Octavio, qui nil Gentilium scripturarum dimisit intactum? aut de Lactantii Opificio, in quibus lector dialogorum Ciceronis reperit Epitomen? aut de Cypriani Polemicis, in quibus historiarum omnium scientiâ & verborum splendore idola perstrinxit? De Cypriano Augustinus sic loquitur, *Quanto auro & argento suffarcinatus exieris in Egyptum Cyprianus, doctor suavissimus!* Augustinus De doct. Christiana, lib. 2. cap. 40. Quid de Hilarii de Trinitate libris, in quibus 12 Quintiliani libros & Stylo imitatus est & numero? de Eusebii *Periædion*, in quâ impiam Gentilium Theologiam, de Egyptiorum, Phœnicum, Græcorum, Atlantorum, Phrygum monumentis convellit? quid de Basilii Hexæmero, de utroque Gregorio, de Epiphano & Theodoro? quid denique de libro qui omnes & Græcorum & Latinorum labores hac in*

re transcendit, Civitatem intelligo Augustini, orbem literarum, & *κυκλοπεδεία*, magis quam civitatem? Ante librum hunc, vel quemvis vobis proponere iniquum, & post eum quemvis, superfluum; quia in se solus, non partis alicujus, sed totius reipub. literariae gratiam continet. Quocirca hic coronidem impono.

Tertia Columna superest, quae basi Rationis fulcitur; eaque duabus rotulis volvitur. Altera ab Institutione Dei sumitur, qui ad hoc ipsum & mundum condidit, & Artes humano generi indulsit, ut iis mediis & adjumentis in ipsius cognitione proficiamus. Altera ab Usibus quibus inserviunt; sunt autem tres potissimum: Scripturarum intelligentia, Errorum redargutio, Veritatis & ornatus & profectus. Sed haec postmodum agenda sunt. Interea quae de sanctissimorum virorum praxi diximus, in praesentia satisfacere possunt. Quia quod factitarum indubie ab omnibus Doctoribus Catholicis, quod Moses & Prophetae, & Apostoli, & Christus ipse fecerunt, id nobis quoque licere nemo sanae mentis non videt: neque aliter nos Christi regulae conformes praebere possumus, nisi in utroque genere eruditi, sic *proferamus Nova & Vetera*.

LECTIO VII.

DE Veritatis tutela in genere, maxime vero de praesentis causae progressu, dici potest, Quod iisdem plane & mediis & terminis & columnis fulcitur, quibus componitur. De Divinarum humanarumque literarum consortio quaestio instituitur: pariter ex Divinis humanisque subsidiis argumenta trahuntur. Et Divina quidem illa voco quae ex testimonio Scripturarum, ex praxi Prophetarum, Apostolorum & sanctorum Patrum deprompta sunt: Haec ego superius perpoliavi atque confeci. Humana voco quae ex Rationum momentis eliciuntur: quae pars pensae adhuc non est confecta; atque hodie curatam dabo: est enim Columna probationis tertia, quae in Rationis basi statuitur. Rationes autem duae erunt, altera ab Institutione Divina, altera ab humanis Usibus & utilitatibus desumpta.

Ratio prima ab Institutione Dei petitur, qui ad hoc ipsum & mundum creavit, & Rationem homini indidit, & Artium mysteria suis quaeque temporibus patefecit, & singularia naturae dona earum alumni indulsit, ut suiipsius cognitioni & Theologiae studio inservirent. Argumenti duo sunt capita. Alterum est de Mundo, qui ad cognitionem Dei; alterum de Mediis, quae ad cognitionem mundi conducunt: hoc est, alterum à majoris mundi, alterum à minoris creatione sumptum.

Primum est de Mundo majore: & de hoc nemo est, opinor, qui ibi inficias quod sit *Schola*, & *Liber*, & *Magistra* *χρηστωδυν*, ut Chrysostomus loquitur, hom. 25. de Diabolo tentatore; *mann nos ducens ad Divinae majestatis disciplinam*. Quod sit *Schola*, Basilii testatur, hom. 1. Hexaem. ibi muncum appellat, το *φυλον διδασκαλειον*, καὶ *διδασκαλειον* *μυνητης*, quia nihil est in mundo tam abjectum & vile, quod Deo testimonium non perhibeat; quia quicquid usquam invenitur, vim Dei habet sub se. contextam, quae si investigatione retegatur, Deum nobis referet. Quod *Liber* sit, Augustinus in Psalm. 93. conc. 1. *Vis cogitare calum?* *Librum Dei cogitare*; addo, *vis cogitare*

terram: librum Dei cogita, vel potius libri magni paginam alteram, cujus prima pagina est cœlum ipsum: pagina illa creaturis, hæc stellis, tanquam literis syllabisque, picta est; utraque Dei non minus potentiam, sapientiam & bonitatem loquuntur, quàm naturam suam. Quod sit eruditionis *Magistra*, Chrysostomus hom. 25. de Diabolo tentatore, *ὁ δὲ ἀρχαῖος* (inquit) *ἐν τῇ τροπιδίᾳ*, erudiens nos non voce & verbis, sed vultu & specie. Si ista non sufficiunt testimonia, audiamus Scripturam ipsam: mitte nos sapiens Spiritus Sanctus ad brutorum philosophiam; *Vade ad formicam, & disce sapientiam; Respice volatilia cœli, considera lilia.* Sapiens nos relegat ad mutos illos magistros. Psal. 148. *Laudate Deum, Sol & Luna, & omnes stellæ luminis; laudate cœli calorum, & aqua supra cœlos:* & Psal. 19. *Cœli enarrant gloriam Dei:* & Rom. 1. *Invisibilia ejus ex rebus conditis intelliguntur, & ex creatione mundi.* Quàm aptè inter se conveniunt: quod Psalmographo *cœli, res condita* Apostolo; ibi *gloriam Dei, hic invisibilia Dei:* stylo veteri, *laudant, enarrant;* novo, *faciunt ut intelligantur,* hoc est, ostendunt. Quomodo ostendunt? inquis, quomodo enarrant? vocem non habent, os non possident, ipsis non est lingua, & quomodo narrant? Aio, narrant non narrando, *ὡς ὁ κύριος λέγει*, ut ille loquitur, vertente Augustino, *eloquentes muti.* Sed quomodo tamen Chrysostomus doceat, hom. 9. ad Antioch. *ὡς τὸ ὄψους*, ostendunt *per ipsum aspectum*, motu suo, lumine suo, calore, ordine, pulchritudine: hæc lingua, hic calamus: vox centium est ipsa evidentia, August. confels. 11. 4. Laudant dum nos ad laudandum excitant: prædicant, quia nobis ansam ministrant prædicandi, philosophandi. Et quid enarrant? laudem Dei, gloriam Dei, invisibilia Dei: i. e. dicente eodem Apostolo, gloriam æternitatis, nam hæc est invisibilis, gloriam Divinitatis, & hæc est invisibilis, gloriam potentie, bonitatis, majestatis, neque hæc tamen sunt visibilia, & cœli efficiunt ut videantur. Et quibus narrant? quibuscunque: *in omnem terram*, inquit egregius Psaltes, *exivit sonus eorum:* nulla est gens, populus nullas, sive Græcus sive barbarus, sive Scythæ sive Indus, qui simul non & legat & audiat.

Ageitur, recenseamus hæc rursus singula, ut vis & pondus argumenti appareat. Cœlum & terra enarrant gloriam Dei, prædicant, laudant, non in se, sed in nobis, quia nobis invisibilia ejus videnda proponunt, ut nos laudemus in ipsis. At ista quo possunt modo fieri, nisi nos in studio philosophiæ & arcanis naturæ discutiendis exerceamus? aut quis maxime narrabit, nisi qui illarum rerum peritissimus fuerit? Num frustrâ hæc omnia dicuntur? frustrâ nos vocat Spiritus Sanctus ad laudandum & prædicandum? laudare in creaturis jubet, & vetat inquirere? Ego verò quomodo ex Sole, luna, stellis, igne, grandine, ventis, montibus, aquis, jumentis, arboribus, laudes Divinas enunciare potero, si, quæ hæc singula docent, artes & scientias liberales explosas dederò? quomodo erit mihi vel liber, vel magister, vel disciplinæ schola mundus, si neque librum legere, neque magistrum audire, neque naturæ scholam vel tantillum ingredi liceat? Non sic se res habet, inquit, licet tibi ista facere; sed in Concionibus sacris licere, hoc est quod negamus. Esto, sed neque sic vim argumenti eludunt, nam Psalmus ille qui est 148. ideo compositus est, ut in templo, ut in certis festivitatibus coram populo reciteretur: est autem titulus istius Psalmi *Hallelujah*, & scopus Psalmi, ut & rubra, creaturarum istud *Hallelujah* petatur. Videsis, a cultu Divino non est absonum, ut vel ex ipso creaturarum libro laudes Dei prædicare

care

care populus edoceatur: atque non modò ædibus privatis hoc convenit, sed & S. nctuari: est opus. sacrum Dei cultus, Dei templo dignum, laudes ejus vel ex naturæ visceribus eruere, contemplando non unius tantum speciei naturam, sed omnium, cœlorum, elementorum, meteororum, avium, piscium, jumentorum atque reptilium. Sed neque hoc solum est; etenim non modò est opus Sanctuarii, sed opus Sabbati: sicut enim in Paschate beneficium redemptionis ex Ægypto Judæi celebrabant; in Pentecoste, beneficium datæ Legis; ità in die septimo beneficium Creationis. Ad studium sacræ Philosophiæ hunc diem Deus sanctificavit, ut in operum suorum contemplatione aliquam ipsius partem transigeremus. Omnes fatentur, & i. sius præcepti partium ordo non obscurè demonstrat, *Sex diebus fecit cælum & terram, septimum diem sanctificavit*: h. e. sicut sex priores destinati erant rebus creandis, ità septimus iisdem creationis operibus prædicandis. Hinc in Psalterio *Psalmus in Sabbatum* inscribitur nonagesimus secundus. Rationem Hebræi reddunt, vel Mosen vel Davidem hunc Psalmum fecisse propter Creationis beneficium, idcirco cantabatur in die Sabbati, quia creationis memoriam repetit, vers. 4, & 5. *In operibus manuum tuarum exultabo, quia magna sunt opera tua, Domine.* Colligamus ergò singula, Psalmus veræ philosophiæ est Psalmus Sabbati, meditatio creaturarum opus Sabbati, doctrina de mundi creatione Concio Sabbati, contemplatio operum Dei exercitium Sabbati; non modò Sabbati opus, sed & Sanctuarii; si Sanctuarii, ergò & Pulpiti. Hoc caput primum, Argumentum à Majore inundo.

Alterum argumenti caput de Mundi minoris, i. e. Hominis, creatione agit, i. e. de Mediis quæ ad mundi cognitionem ducunt: duo autem repertiuntur, Ratio, quæ est oculus animæ, & Ars, quæ est oculus rationis; radius uterque de cœlo. De Ratione nemo dubitat, quòd sit scintilla Divinitatis, hoc enim Tertul. per *Rem Dei* intellexit, cum dixit, *Res Dei Ratio*. De Artium autem inter Ethnicos magistros, Platone, Aristotele & reliquis, æquè est perspicuum à seipsis se errores habuisse, à Deo sua eximia illa naturæ dona & studiorum profectum. Clemens philosophiam vocat *θεῖας ἀπορίας ἵππον* & de omnium artium peritiâ concludit S. Jacobus Apostolus, cap. 1. ver. 17. *Omnia donatio bona, & omne donum perfectum, superne est descendens, à Patre luminum.* De solis donis supernaturalibus intelligi non potest, quia universaliter Apostolus loquitur, *Omne donum*; qui *omne* dicit, nullum excludit: nisi quis spiritualis luminis patrem Deum agnoscat, & naturalis luminis patrem alium constituat. Imò verò non luminis, sed *luminum pater* est; sive de corporis, sive de animæ, de gratiæ, aut de gloriæ lumine loquamur: Neque doni, sed donorum author est, sive judicii, sive acuminis, sive intellectus, sive elocutionis donum fuerit. Sin minùs, redde mihi istiusmodi doni nomen cujus author non est: vel audi Apostolum percontantem, 1 Cor. 4. 7. *quid habes quod non accepisti?* hoc est, nihil habes. Si aliquid fortasse putas te habere, responde Apostolo, *Quid habes?* quod donum gratiæ? quod donum naturæ? si de Fide loqueris, hæc est operatio Spiritus; si de Eloquentia, & hanc tibi Deus largitus est; si de Scientia, & hæc quoque est donum Dei, Theodoretus: si de quovis alio, *ἀλλὰ οὐκ ἐστὶν τοῦ Θεοῦ, ἀλλὰ πάντων ὁμοῦ ἐξέσθαι*, Chrylho. 12. in 1 Cor. *ab eo habes; non hoc aut illud quod habes, sed quicquid habes.* Audi Apostolum iterum, *Quid habes?* nulla est restrictio personarum magis. quàm rerum. Nunquid sic instituitur, Quid tu, Christiane? quid tu, Apostole? imò, quid tu, Ethnice? quid tu, Philosophæ? Tu mihi dicas, Plato, quid habuisti? & tu naturæ aquila Aristoteles? aut tu poetarum oculatissime Homere? unde vobis

tam ampla donorum supellex? nempe Deus illis manifestavit, Rom. i. 19. Hoc ipse Socrates agnovit, cum de cœlo se Philosophiam evocasse dixerit: Hoc Perfarum Magi, & Platonice philosophiæ magistri, qui disputationes suas à precibus semper exorsi sunt, & in precibus itidem finierunt; vel ex hoc Artium peritiam animique dotes cœlitus devenire confitentes; Pic. Mirand. l. i. c. 4. De studio Divinæ & humanæ philosophiæ. Agnoverunt sancti Patres, Ambrosius, *Quicquid verum, à quocunque dicitur, à Spiritu Sancto dicitur*, & Prosper De vita contemplat. præfat. ad lib. 2. *Veritas undecunque claruerit, non est humano ingenio deputandum, sed Deo*; & Justinus, & Clemens: quorum ille Philosophiam appellat *μεγιστον κτήμα, καὶ τιμωτάτον θεῶν, gratissimum*, Justin. in Dialog. hic, *æterna veritatis συναρμύνημα*, Strom. i. *radium quandam divinitatis*; atque addit, *Non minus nos à Deo Philosophiam, quam Scripturas ipsas accepisse, sed diverso modo; Scripturas, Deo inspirante, Artes, Deo affistente: Scripturas integras & incorruptas, per organa ad id sanctificata; Artes vero corruptas & mancas, per organa ad id non sanctificata, sed ordinata tamen. Scripturarum enim, inquit Clemens, autor est ὁ περὶ ἡμῶν, philosophia ὁ ἀπακολούθημα*, sive per consequentiam, Strom. primo. Ergo si ipsi soli sua bona Ethnici accepta ferunt; nunc mihi respondeas velim, non Apostolo, Cui bono? cui fini ista à Deo acceperunt? In finem aliquem malum, opinor, non dixeris; non ad erroris profectum, non ut hæretici hinc arma fumerent: Noxia Deus non docet; Ego Dominus docens te utilia, II. 48. 17. Cui igitur bono? vestro, nostro bono, veritatis bono, Ecclesiæ bono: sicut quod ad Legem spectat, Christianorum bibliothecarios Judæos, ita quod ad Artes spectat, Christianorum thesaurarios Ethnicos fecit: ut disputandi leges à Philosophis hauriremus, ad veritatem stabiliendam; & persuadendi exemplar ab Oratoribus, ad animas convertendas; & corripiendi formulas à Poetis, ad vitia extirpanda. Quocirca agamus intrepidi; quæ ad bonum nostrum & usus nostros data esse non dubitamus, ad usus sacros promoveri non est quod dubitemus. Hoc est Argumenti caput secundum, adeoque prima ratio quæ trahitur ab Institutione Divina.

Ratio secunda deducitur ab Usu in quem seculares literæ inserviunt: si enim ad usus sacros conducunt, à Sacrorum usu exterminari sine sacrilegio non possunt. Est autem ipsarum in Sacris usus multiplex; & ad Scripturarum textum intelligendum, & ad Errorum monstra rescandenda, & ad Veritatis itinera amplianda.

Prima earum utilitas est *ἐξηγητική*, atque ad intelligentiam Scripturarum refertur; quarum peritia sola & optimos Christianos facit, & longè doctissimos Theologos. Quærit in Scripturis Theologus quid in quaque dictione, imò, inquit Basilus, quid in quaque syllaba absconditum, Basil. de Spiritu Sancto, cap. i. Non quiescit famelicus veritatis animus, donec in ipsa Divini Eloquentiæ viscera penetraverit atque medullia. At verò isthuc quis pertingere possit sine eruditionis clave, atque scientiarum subalternarum affeculis? sunt enim in Scripturis plura loquendi formula, quæ absque adjumentis humanæ literaturæ nec plene intelligi possunt, nec dilucidè enarrari. Quis nescit passim occurrere in Sacris paginis nonnulla de corporum cœlestium motu, de influentiis astrorum, de obtenebratione Solis & Lunæ, de cessatione motus ipsorum, quæ expediri non facile possunt sine peritia Astronomica? Sunt alia quæ alludunt ad proprietates animalium, luporum, ovium, leonum, ursarum, columbarum, aquilarum, struthionum, necnon elementorum, ventorum, nubium,

bium, plantarum, arborum, fontium, metallorum, gemmarum, quæ ex-
cutere nemo potest, nisi probè calleat Naturalem philosophiam; Alia
sunt quæ respiciunt ad temperaturam regionum, ad locorum situm, cur-
sum fluviorum, regnorum terminos, denique ad numerorum, ponde-
rum & mensurarum rationes, quæ rectè expendi non possunt sine Geo-
graphiæ & Arithmeticæ calculo. Adhuc & alia sunt de moribus genti-
um & consuetudinibus seculorum, de notationibus temporum, de Ethni-
corum idolis, cultu, ritibus, superstitionibus, deliriis, institutis, ingeniis;
legibus, ludis, coronis, præmiis, triumphis, Ægyptiorum, Assyrio-
rum, Chaldaeorum, Persarum, in quibus aqua hærebit, nisi Historicis,
Herodotum, Xenophontem, Strabonem, aliisque consulamus. Exem-
pla è libris Ezræ & Danielis non obscura trahere possumus. De Danielis
prophetia audiamus Hieronymum in prologo Danielis; *Ad intelligendas,*
inquit, *extremas partes Danielis, multiplex historia Græcorum necessaria*
est, Diodori, Polybii, Posidonii & aliorum, qui post Alexandrum ad Cæ-
sarem Augustum Syria & Ægypti bella describunt. Postremò, sunt in
Scripturis alia tropis & figuris adeò referta, interrogationibus adeò inter-
cisa, verborum reticentiâ & compendio adeò involuta, anticipationibus adeò
transversa, ut in nativum sensum resolvi non poterint, nisi advocetur Rhe-
torica. Quòd si Scripturæ anima non in verborum foliis, sed in radice
rationis consistat, metuendum est nè pro anima umbram captemus aliquo-
ties, nisi symbolam suam conferant exoticæ disciplinæ, quæ tantum ad
eliciendam Sacrarum Scripturarum notitiam conferunt. Ista est prima
Utilitas.

Secunda earum Utilitas est *ἀναγκή* etenim vel maximè profunt ad
eorum oppugnationem qui adversantur veritati, sive Pagani fuerint, sive
Hæretici. Quod ad Hæreticos attinet, contra eos in controversiis Re-
ligionis dijudicandis operam navare feliciter non est possibile, nisi leges
differendi ad unguem habeantur, ad fraudes sophistarum & paralogismos
detegendos. Quòd vetus illud & sæpius tritum obijciunt, A lumine Fi-
dei, non à Ratione, Religionis articulos fluere, quia rationem fides tran-
scendit; causæ non præjudicat. Primò de Assensu intelligendum est,
non de usu: ut assentiatur Religionis principiis, suo lumine fides contenta
est, rationis arbitrium non expectat; at verò ut utatur principiis ad hoc
vel illud probandum, secundum normam rectæ rationis procedat necesse
est. Secundò, de Articulis Religionis discernendis & recipiendis verum est,
non de docendis: in Religionis capitibus amplectendis, renunciamus ra-
tioni humanæ, quia in his quæ pendent ex Divina revelatione cæca est
ratio. *Animalis homo non percipit ea quæ sunt Dei*, inquit Apostolus,
Spiritu enim Dei discernuntur; h. e. homines lumine naturali non ma-
gis de coelestibus judicare possunt, quàm bruta animalia de humanis ne-
gotiis. Sed in applicandis & illustrandis iisdem capitibus ratio ancilla-
tur; neque enim ritè dispensari aut administrari possunt sine recta
ratione. In rebus maximis est planè impossibile, quia vel in minimis di-
ficile est & absurdum, absque ratione versari. Tertiò, de Principiis fidel
verum est, non de Conclusionibus. De Principiis ratio non judicat, sed
ratio fide illuminata rectè de Consequentiis & deductionibus judicat, quo-
modo partes inter se cohereant, & se invicem vel stabiliant, vel sibi in-
vicem allidant: hoc est, circa Principia Fides versatur; at quid Prin-
cipiis istis consentaneum, vel ab illis dissentaneum, Ratio decernit. Ut ver-
bo dicam, Veritas rerum dependet à lumine fidel, veritas consequentiarum
etiam à regulis rationis. Credimus supra rationem, at non temere & irra-
tionabiliter.

tionabiliter. Verbi causâ, sit ista Propositio, *Omnia in Ecclesia fiant ad adificationem*; fides annuit, quia Scriptura hoc dicit: sit ista Decuctio, Ergo *Preces in lingua peregrina inutiles sunt*; ratio concedit, quia Dialectica concludit. Sic illud, *Unus mediator Dei & hominum, homo Christus*, est Propositio fidei: Ergo, *Sancti ut Mediatores non sunt colendi*, est Conclusio rationis. Scriptura Thesin ponit, *Honorabile conjugium*: Ratio Hypothesin, Ergo *impie sacerdotibus Pontificii conjugio interdicunt*. Propterea Christus in Evangelio *scrutari Scripturas* jubet, & Apostolus *omnia explorare*, 1 Thes. 5. 21. at fieri non potest hoc scrutinium, aut exploratio hæc ad hæreses ventilandas, sine interventu Dialecticæ.

Secundò, ut contra Hæreticos non possumus, sic neque contra Paganos disputare nisi sumus eorum placitis instructi, & Elenchis atque cavillamentis exercitati. Si quisquam, inquit Hieronymus, *adversus Mathematicos velit scribere, imperitus Matheseos, risui patebit*. Quod autem Franciscus Picus Mirandulanus dicit, *nunquam se legisse, neque inveniri posse qui legerit, hæreticum quenguam aut Paganum, vi aut Logica devictum, aut Rhetorices persuasum, dogma suum abjurasse*, l. 1. De studio Liv. & hum. Philosophiæ cap. 3. confidenter magis dictum quàm verè. Legimus enim, Act. 17. Dionysium aliòsque Athenienses philosophos hoc modo a S. Paulo ad fidem conversos. Atque Isidorus Pelusiota astipulatur, l. 4. ep. 76. *οἱ πύθαγοροι, οἱ πλάτωνες, &c.* Quot, inquit, Pythagorici, quot Platonici, quot Aristotelici, quot Stoici hoc modo facti sunt Christi discipuli? Sed esto, ad convertendos Ethnicos philosophia purior non sufficiat, satis est si ad convincendos. Si exinde non eveniat ut os fidei confiteatur, satis est si os impietatis obstruatur: & vel ut hoc fiat, opus est philosophicâ armaturâ. Est enim Philosophia, ut inquit Clemens, Strom. 1. *ὡς φεαγμὸς ἢ σπινχρὶς, instar valli seu sepimenti contra illorum insultus, instar clypei ad sophismata retundenda, instar mucronis ad illos transfodiendos*. Quid autem magis honorificum, quàm Jovi fulmen, Herculi clavum subtrahere? bis interimitur qui suis armis perit, Quid magis gloriosum quàm gladio proprio Goliz caput amputare? Nec minus honorificum Ecclesiæ Doctores, in suis ipsorum castris hostes veritatis fundere, & imbecillitatem eorum in fidei robur convertere: iis ipsissimis armis quibus placere sibi & confidere solebant, sauciare, ut Lactantius loquitur, l. 3. c. 1. Hoc Deus ipse monstravit, quando Magos ad Christum, non per Angelum, non per Apostolum aut Evangelistam aliquem, sed per stellam, artis suæ symbolum, ducebat. Hoc author libri Job, quicumque fuerit, planissimè sensit; nam in eo libro, quia interlocutores, quos author introducit, homines Ethnici erant, igitur res agitur naturalibus duntaxat rationibus. Hoc Apostatarum princeps Julianus invitus concessit, qui cum Gentiles philosophos ipsius philosophiæ subsidii prosterni à Christianis cerneret, vocem illam emisit, *οἱ ἀντὶ τῆς ἀπιστίας ἀποκόμω, Nos tri ipsorum alii capimur*. Hoc S. Paulus, orator invictus, & novit & fecit, cum Atheniensem, ex aræ titulo quam apud ipsos viderat, *Ignoto Deo*, superstitiones profligavit, Act. 17. 24. & vicit quidem, inquit Hieronymus, *aliud agendo*; nam inscriptionem fortuitam arte torques in argumentum fidei, Hier. ep. 84. ad Magnum. Hoc præca Ecclesiæ antistites, Tertullianus, Cyprianus, Arnobius, Lactantius, Augustinus, &c. noverunt & fecerunt omnes, qui Gentilium dogmata suis ipsorum scriptis convellebant. Ista est Utilitas secundâ.

Tertia eorum Utilitas est διδασκαλική, & ad vitæ bene transigendæ veritatibusq; profectum se extendit.

LECTIO VIII.

IN perorando, si Platoni credamus, mensura dictionis non tam à dicente quàm ab audiente petenda est, quia finis Oratori propositus unus ille est, ut persuadeat aliis, non ut gloriolam aucupetur sibi. Quocirca non suar, sed circumstantium coronæ prospicere debet, cum non in suam gratiam loquatur, sed aliorum. Pariter & in disputando se res habet: inter disputationis leges regula illa, si non sola, certè præcipua habenda est, ut non causæ modò, sed & personis argumenta congruant, nec quæstioni tantùm, sed hominì. Neque enim necesse est ut sibi elucescat veritas, sed aliis qui se opponunt, quibus nisi os contradictionis obstruatur, causa non promovetur. Peccasse in hoc uno Cyprianum Hieronymus notavit; *Bras*, inquit, *Cyprianus vir eloquentiâ pollens: sed ob hoc ipsum culpam aliquam contraxit, quod adversus Demetrianum scribens, testimonium usus sit Prophetarum & Apostolorum, quæ ille fissa & commentitia dicebat, & non potius philosophorum & poetarum, quorum authoritati, ut Ethniscus, contraire non poterat*, Hier. ep. 84. ad Magnum. Fortasse & mihi qui crimen idem intendunt non deerunt: quòd sicut ille adversus Ethnicum, non ratione sed Scripturâ agens, infelicitè rem expedit; sic Ego contra secularis Literaturæ hostes, homines Christianos, differens, imprudenter fecisse videar, quòd non Scripturis pugnem, sed rationibus & argumentis. Verùm habeo abunde quod respondeam, si qui sunt qui hæc de re satisfactum sibi iri cupiunt. Inprimis, non illam à me partem prætermissem quæ Scripturarum suffragium advocabat, sed superius confectam: deinde, & rationes adductas vel omnes vel plurimas Scripturis ipsis niti, & è Sacræ paginæ funda torqueri. Postremò, æquum esse duxi, ut qui disciplinas humaniores despiciatui habent, pondus sentiant manûs contemptæ, ut vel hinc ipsarum utilitatem agnoscere cogantur. Igitur quod ad rationum rivulos spectat, è duobus illis fontibus haustos esse non est quod denuo suggerem; fons uterque perennis, ab origine mundi scaturiens usque ad exitum.

Vena prima ducitur ab Institutione Dei, qui ad hoc ipsum & mandum condidit, & Rationem homini indidit, & artium mysteria suis quæque temporibus parefecit, & singularia ingenii dona earum alumnis indulxit, & Sabbati sui solemnitate sanctificavit, ut sui ipsius cognitioni, h. e. Theologiæ studio, subservirent. Quòd si laudem Divinarum ex creatoris recognitione sit finis & hominis, & artium, & ipsius mundi; quòd si à Deo ipso eadem recognitio reputetur opus dignum & Sanctuario, loco sanctissimo, & Sabbato, die sanctissimo, & Israelitis, populo sanctissimo; quid impedit quò minus sit & ipsa Concione dignum, exercitio sanctissimo? Hucusque vena prima.

Secunda docitur ab Usibus sacris, sive utilitatibus quibus disciplinæ externæ interserviant. Sunt autem tria. Una est *ἡ ἀρχή*, ad Scripturarum intelligentiam enucleandam. Altera *ἡ ἁγία*, ad Errorum monstra rescandam. Tertia *ἡ δόξα*, ad vitæ veritatisque profectum ampliandum. Priores duæ ad exitum nuper sunt perductæ.

Tertia sola nunc restat, quæ hodie mihi est persequenda: quod si fecero, instituti mei rationem esse omnibus confido per omnia ætates. In hac

hac autem parte duo sunt nobis inspicienda: Quomodo ad Vitæ, & quomodo ad Veritatis profectum Artes liberales conducunt.

De vitæ morumque institutione prima sese offert inspectio; & de hac Tert. lib. de Idololatria, tempestivè quærit: *Dic quomodo quis instituat ad prudentiam humanam, vel ad quemcunque vitam altum, sine literis; cum instrumentum sit ad omnem vitam literatura.* Quod dixit ad omnem vitam, de omni genere vitæ, de omni parte vitæ, de omni vitæ ætate intelligendum proposuit: quia passim in ipsis Ethnicorum libris multa occurrunt adeò commodè dicta, adeò luculenter exposita, adeò graviter disputata, ut ad vitam rectè agendam maximopere faciant. Sed audire mihi videor qui obloquantur; Verborum seminator hic quid est quod dicere nos aliter didicimus Christum Scripturam solam esse & veritatis & pietatis Cynosuram accepimus; at ille nugæ Ethnicorum obtrudit, prorsus quasi ad hoc ipsum normæ celestis deficeret. Heus, bona verba! Agnosco Scripturam Sacram solam, eamque perfectissimam, regulam & Veritatis & Vitæ: in ea habet Ecclesia plenissimè exposita quæcunque vel ad salvificum fidem, vel ad mores sanctos, pertinent: exinde discimus, εἰ ἢ μαθεῖν, εἰ ἢ ἀγνοῦσαι χρῆν, ut Chryl. optimè, & quid sciri debet, & quid ignorari. Si arguere falsitatem volumus, inde hauriendum; si castigari & corrigi opus est, inde ducendum est; si quid desit ad exhortationem aut ad solatium, & inde oportet adipisci, Chryl. hom. 9. in 2 Tim. αὐτῶνς γὰρ εἰς τοὺς ἡ-ῖ ἀνδρείας ἐπαγγελίας, inquit Athanasius, Orat. con. gentes in initio, αὐτῶνς εἰς, elegans est & augustum vocabulum; neque datur aliqua Latina dictio qua ei respondeat, inquit Lambinus in 1 Ethic. sed pluribus verbis est declarandum. Et Vincentius Lyrinensis id facit, c. 2. *Perfectus est Canon, sibi ad omnia satis superque sufficiens: sibi sufficiens, id est, nobis sufficiens, ex se nobis; satis superque sufficiens, id est, ad omnia sufficiens. Lex perfecta,* inquit Psalmista, & *lex perficiens,* inquit Apostolus. *Sive docetur ignorans, sive arguitur insolens, sive corrigitur errans, sive eruditur ad iustitiam qui modum servare non novit, Primasius. Ad hac omnia sufficit Scriptura, ut & prudentissimos faciat & probatissimos; prorsusque nihil indigemus ad hoc externis magistris,* Cyrill. con. Julianum, l. 7.

Sed istis concessis, num idcirco excluditur moralis philosophiæ usus, quominus faculâ suâ Divinum illud lumen sequatur? Etenim eo ipso in loco Athanasius quò Scripturarum αὐτῶνς prædicat, aliorum libros adjuvare docet περὶ ἡ-ῖ γερῶν ἰππυρίαν, ad istam Scripturarum sufficientiam, expromendam. De istis igitur sequenda est regula quam de ritibus Augustinus ponit, ep. 119. *Una in his saluberrima regula tenenda est; &c. ut quæ habent aliquid ad exhortationem vitam melioris, ubicunque institui videmus, vel instituta cognoscimus, non solum non improbemus, sed etiam laudando & imitando sectemur.* Igitur ut quàm brevissimè dicam, Habent ad Scripturam Sacram exoticæ disciplinæ ordinem dupplicem.

Primò, *Dependentia;* Scripturæ sunt ὡς ἀγκυρὰ, ut anchora navigis: Artes sicut vela, cursum accelerantia, Basil. de leg. Gentil. libris. Fundamentum vitæ bonæ Scriptura; sed & Moralis philosophiæ non inutile medium perveniendi ad fundamentum illud. Quis nescit, de vitæ humanæ officiis, & de virtutibus item & vitis, multa præclare scripsisse Poetas, & inprimis Philosophos? quàm salubria morum præcepta in Senecæ scriptis habemus; virtutum exempla quàm splendida apud Plutarchum; vitæ civilis institutionem quàm pulchram apud Xenophonem

tem & Epictetum; bonorum malorumque discrimina quam exquisita apud Aristotelem, Ciceronem, Theophrastum; ad beatitudinem incitamenta quam acriter apud Platonem? Homeri poësin Basil. De libris Gentilium legendis, *purum virtutis Encomium* putat; *nil aliud est*, inquit, *quam & apertè & pauca*. & de Senecæ scriptis tam honorificè Hieronymus sensit, ut eum in Sanctorum Catalogo non vereatur collocare. Quocirca quod in agricultura Augustinus observavit, *solo vomere terra proscinditur, sed ut hoc fieri possit, cetera etiam arari membra necessaria*, Aug. Civ. 11. 2. idem in hac re dicendum; sufficit Divina regula, sed ad eam aditus facilior per secularia studia. Penes Scripturam est harum contemplationum autoritas; ministerium secularia præstant, ut apparitores virtutis. Hic est Ordo primus.

Secundo, habent ad sacras Scripturas ordinem Assistentiæ, Scriptura est sola regula vitæ; sed philosophorum præcepta & exempla sunt utile commonitorium, sive ut sobriè & castè quis vivat, sive ut quæ iusta sunt exsequatur: ut modeste se gerat; ut, cum ratio postulat, magnificè & splendide. Sed audire videor rursus qui negotium mihi facessat. Quid hæc ad nos? non habent Ethnici veras virtutes; quia ubi non est vera Religio, non potest esse vera Virtus, Aug. Civ. 9. c. 25. etenim & virtutes quasdam pro vitiis, & vitia quasdam pro virtutibus habuerunt, Lact. 1.6. c. 14. Non habent æquitatis leges incorruptas; quia, ut Lact. 1.6. c. 9. *non tam iustitia quam utilitas inter eos leges reperit*. Ipsissima eorum iascitia genus quoddam erat injustitiæ. Possunt ista dici, sed & refelli possunt. De Idea virtutum non agitur, sed de adjunctis: veras virtutes philosophia Ethnica nescit, sed semina spargit; ad virtutem perfectam non perducit, sed conducit tamen; iter non perficit, at verò inchoat, non facit ut assequamur, sed, Comici verbo, *operam dat adjutabilem*: sunt enim, inquit Nazian. Or. 43. *ad finem, quasi clavi & stimuli quibus mentes nostræ non minus agitentur, à Mollidæm Cōpūm Bōvūm, Tritum* est enim illud Sapientis cujusdam dictum, *Exempla imparia malum movent*.

Cynicum novimus ad vitæ parsimoniam sese excitasse intuitu pueri aquam è manu concava bibentis. Num parsimoniâ vincetur etiam à puerulo Diogenes? Laert. 1.6. Sic Græcorum Oratorum princeps fabri exemplo ad vigiliam se composuit; & Miltiadis trophæa somnum sibi ademisse Themistocles conquestus est. Non absimile est quod de Polemone tradunt, ab infami vita moribusque profligatis ad severitatem unâ Xenocratis disputatione perductum esse. Et de se Augustinus testatur, 1.3. Confess. c. 4. & 1.8. c. 7. excitatum se ad Christianorum sapientiam indagandam, lectione Hortensii Ciceroniani, quo laudes philosophiæ continebantur. Quid quodd & ipsa Scriptura, exemplis Lillorum & Formicarum, ipsius Bovis atque Asini, nunc ad industriam, nunc ad Dei cultum, nunc ad fidem Deo habendam nos adigit? vel hæc ipsa ratio, quia ex rebus minimis maxima documenta eliciuntur: & semper virtutis specimen majus, quò exempli speculum vilius in quo exprimitur. Ecquod ad virtutem majus calcar quam provocari Ethnicorum præclare gestis? Quis tam hebes, qui ad magna illa Syllæ & Aristidis & Metelli nomina non excitetur, ut vel invitis extorqueat Felicis & Justi & Pii cognomenta? aut quantum dedecus, si in his ipsis & rebus & nominibus à Gentilibus superamur? Dicat mihi quisquam, si factò Mutii, qui dextram foculo injecit, homo Christianus non inflammetur magis ad Martyrium. M. Marcellus super captis à se

se Syracusas lacrymas effudit; & tu, seculi nequitiam intuitus, continere potes à fletu? Religiosa erat Justitiæ observatio quæ de Zaleuco accepimus, qui inter misericordem patrem & justum legislatorem partitus, alterum oculum filio, alterum sibi eruebat, ut cœlestis jura servaret. Ecquod majus argumentum excogitari potest ad justitiam colendam? aut excusationi quis locus futurus est, si inter Ethnicos plus valeat crepusculum rationis, quàm nobiscum lumen fidei? At ego cùm Curtii pietatem erga patriam suam, & Codri erga suam, lego, stipes essem & truncus nisi me memorem facerent multò majoris vinculi quo erga Ecclesiam obstrictus sum. *Diligite ut fratres*, inquit Apostolus: annon Scipionis & Lælii exemplo acuitur præceptum Apostoli? *Nolite mundum diligere*, inquit Apostolus: eritne labor irritus, vel philosophorum exempla urgere qui mundum contempserint? At verò Pammachium suum & Julianum Hieronymus Crætetis & Antisthenis factò ad abnegationem seculi exsuscitat, istis verbis; *Contemnis aurum? contempserunt & multi philosophi. Plus debet Christi discipulus præstare quàm mundi philosophus. Ille, gloria animal, totam simul sarcinam deposuit; & tu te putas in culmine virtutum constitutum, si partem ex toto offeras?* ep. 26. & 34. Sic & Paulinum ad studium Scripturarum hortatur, idque Platonis & Pythagoræ exemplo; qui provincias multas & terras peragraverunt, ut literas quasi toto fugientes orbe persequerentur. Sic mortem Blesillæ filiae suæ Paulam intemperanter plorantem, Ethnica exemplo ad moderationem animi revocat; *Erubescere, ô Paula, Ethnica comparatione superari. Melior diaboli ancilla quàm mea est, dicit Christus*, ep. 25. Ergò si hæc & similia, sive dicta, sive facta, ad animorum motus tantopere valent: num Concinatori non licet ea in sacros usus convertere, & adjumenta fidei? Imò, inquit Basilus, *ἡ ποικιλία, ἡ λογιότης, ἡ ῥητορικὴ, ἡ πᾶν ἀνθρώπου ἐκείνου, & poetis, & oratoribus, & rhetoribus, & omnibus hominibus utendum est, si exinde nobis aliqua utilitas futura est in virtutis stadio percurrendo*, Bas. De leg. Gent. libris. Atque iste est Ordo secundus quem ad Divina eloquia Ethnicorum dicta habere observavi. De Vitæ honestæ adjumentis hæcenus egimus.

Videamus jam nunc, quid illud sit quod ad Veritatis profectum conferunt; nam neque hoc tacendum est, præsertim cùm sit argumentorum linea ultima, quæ sola restat in hac quæstione ducenda.

Ad veritatis autem Divinæ studium triplicem ordinem habent Gentilium literæ. Sunt enim & Januæ ad introitum, & Appendiculæ ad augmentum, & Stragulæ ad ornatum Veritatis: Tria hæc munera Theologiæ præstant.

Primum earum munus est, ut sint Januæ ad Veritatis introitum; quia præparantur iis studiis hominum ingenia, & quasi coticulâ accuntur, ad susceptionem & disquisitionem sapientiæ altioris. Quemadmodum & corpus nostrum non prius solidis cibis refarciendum est, quàm in pueritia nutritum sit simplicibus & lactariis: sic liberalium Artium rudimentis præexercitandus est animus ad habitus, qui verè virum deceant perfectiores. Experto credamus Quintiliano; *Minima hæc*, inquit, *minimè ignoranda, ut sine quibus nullus sit majoribus locus*. Si non ipsi credimus homini Ethnico, at saltem Platonem, homini Judæo. Ille in libro De temulentia, & in altero illo De congressu quærendæ eruditionis gratiâ, *sequestrat Divina cognitionis disciplinas illas vocat, in quibus necessarium est cuique versari, priusquam ad grandiores sapientiæ fores se conferat*. *ὅ γὰρ ἰσχυρὸν ἔργον, non sumus idoneὶ πρὸς τὴν*

prolem ex virtute & veritate concipere, nisi cum ipsius famula mens prius congregiatur. ὡς περ ἐν οἰκίαις αὐλαιοι, καὶ ἐν πόλεσι καὶ περὶ ἀσπίδα, ut in domibus, inquit, sunt vestibula ante ianuam, & urbes habent sua suburbia per quae adveniunt: ita & ante virtutem Artes liberales sitae sunt, ad istam metropolim haec via ducit. Rationem addit, μάλιστα ἐκείνης ἀρετῇ, καὶ τῷ μεγάλῳ ὑποδείκνυται μεγάλη καὶ ποικίλη ἢ συμπεπλημένη, argumentum maximum virtus, habet enim ambitum maximum, totam vitam hominum; ergo opus est ut non parvis utatur praemiis, Grammatica, Rhetorica, Logica, ceterisque quae in circulo continentur literario. Si non Philoni credimus, ut Iudaeo; audiamus duo ista & Christianorum & Patrum lumina, Augustinum & Clementem. Clem. Alexandr. in 1 Stromatū, Περὶ κατανόησιν καὶ ὁδόν, inquit, viam praeparat doctrina Sacra philosophia, mores prius formando: & Strom. 7. Περὶ κατανόησιν καὶ ποικίλῃ καὶ ψυχῇ εἰς τὴν ἀποχρῆσιν μυστῶν, praepurgat & quasi praefigurat mentem ad fidem accipiendam. Alacriores homines, inquit Augustinus, & perseverantiores reddit, & compiores amplectenda veritati; ut & ardentius appetant, & constantius insequantur, & inhareant dulcius, Aug. de Ordine, lib. 1. cap. 8. Denique, si non Augustino, ad saltem experientiae ipsi credamus: illa apertè docet, facilius in mysteria sacra pertrampere illius acumen ingenii, quod in liberalium artium studiis quasi super cotem limatum fuerit; nam vel hanc culturam formantur tenella ingenia ad imbuedum se Divinis eloquiis. ὡς περ οἱ δδοντικοὶ, inquit Basilus, hom. De leg. Gentil. libris, ut fulones rem tingendam preparant quibusdam medicamentis: ita & nos externis istis praeinitiamur ad penetralia & secretata Sacrarum doctrinarum. Per haec vestigia ad culmen usque ascenderunt miracula illa orbis Ecclesiastici; Origenes; Gregorius, Basilus, Cyprianus, Hieronymus, Augustinus, & reliqui: nimirum primò Seculares literas didicerunt, mox devenerunt ad Sacras. Quanquam quid ego istos memorem: cum ipse Moses Divinas non prius attigit doctrinas, quam Aegyptiorum; nec Daniel prius quam Chaldaeorum sapientiam didicisset: quanto magis nos ad Theologiae studia accedentes, æquum est ut in illis extericis prius exercemur: nam sine hoc semine jacto, quotquot concipiunt abortiunt. Sicut enim Sensus ad Intellectum, sic se ad Theologiam Artes habent. Mens videt, sed melius per oculos; & mens audit, sed per aures melius: sic humanarum literarum adjutorium Scripturam advocare dicimus; probè conscii, quod sicut profanis repurgandis Sacra necessaria, sic Sacris intelligendis profana perutilia; sunt enim Januæ ad introitum Veritatis.

Secundum earum munus sequitur, ut sint Appendiculæ ad augmentum Veritatis. Adeo est res manifesta, ut oculis indicare possitis. Quod Apostolus, 2 Tim. 2. 20. In magna domo non solum sunt vasa aurea & argentea, sed lignea & testacea; atque hæc quæ minoris sunt pretii, quamvis ad splendorem rei familiaris non faciunt, usu tamen suo non carent: Ità in Ecclesia, quæ est domus Dei, fictilia hæc Gentilium literarum vasa ordinem suum habent, non quidem magisterii, sed famulatus tamen; & usus non deest, quia dum secularibus instrumur, spiritalibus adiuvamur, ut optimè Greg. in 1 Sam. 13. 20. Ergo nè videar clarissimis rebus tenebras obducere, paucis accipite. Ad perfectionis culmen non aio nos istis mediis perducì posse; sufficit si vel ad limen perducant. Sanctuarii ficus ponderosior, sed & Fori usum aliquem habet. Non aio cuivis Christiano eas simpliciter necessarias, sed Theologo perquam utiles & opportunas. Omnes æquè artes ad tabernaculi fabricam conducere non assero, quia eandem omnes non habent cum Sacra Scriptura affinitatem:

tatem: sed habent omnes aliquam, alia sic, alia autem sic. Quod ad Logicam attinet, necessaria illa est ut veritatem muniamus adversus hæresium insultus & incursiones; hæc illa ars est quæ veritatem à falsa ipsius imagine fecernere, quæ omnem sermonis fraudem reterege, quæ Sophistarum insidiis ire obviâ solet, & in omni disputatione scopum collimare.

Quod ad forem ejus germanam Rhetoricam, est ea utilis ut veritatis mysteria perspicuè tradamus, & verbis propriis, nè in solœcismos & ἀνωρολογίας incidamus, adeoque in errores; nam ex verborum corruptelis errores pedetentim oriuntur.

Quod ad Historias Gentilium, & illæ nobis usui erunt, ut probemus ea, inquit Hieronymus, quæ à sanctis Prophetis multis antè seculis prædicta erant, tam Græcorum quàm Latinorum historiis ut facta contineri. Hieron. prologo ad Daniele.

Quod ad Philosophiam; reperiuntur in veterum Philosophorum scriptis reliquæ quædam & characteres multorum Fidei dogmatum, quæ ipsi è Mosis & Prophetarum scriptis suffurati sunt; atque vel illa humano ad Deum gradu promoveant, quia paucula quædam de Deo rimantur. De Unitate Dei peti nonnulla possunt ex Pythagora, Archyta, Empedocle, Parmenide, Zenone, Platone, Aristotele, Homero, Demosthene; de Creatione mundi, ex Trismegisto, Orpheo, Homero, Hesiodo, Arato, Plotino, Porphyrio: ex aliis non pauca de Creatione hominis, de Immortalitate Animæ; atque de ipsis Angelis bonis & malis non contemnenda ex Orpheo, Menandro, Empedocle, oraculis Chaldaicis, Platone, aliisque. Imò, inquit Hieronymus, si cunctos philosophorum revolvas libros, necesse est ut in eis reperias aliquam partem vasorum Dei, quæ intelligenda sunt dogmata veritatis; Hieron. comm. in Dan. cap. 5. Quid autem, inquis, prolutura sunt reperienti? Omnimodo plurimum, ut inquit Apostolus, Rom. 3. 2. Plurimum ad erroris redargutionem: quia facillè ea omnia peritus artifex in sua ipsorum pectora retorquere potest, & suis ipsorum vocibus ipsis os obstruere. Ad veritatis incrementum plurimum, cui vel minutissima quæque aliquid addunt, sicut acervo tritici ex minutissimo grano aliquid est augmenti; & igni grandiusculo vel ex una scintilla aliquid splendoris accedat necesse est. Instantiis res erit clarior. Hortatur Plato Nè nimiam corporis curam geramus, neque plus ei indulgeamus quàm quod ad philosophiæ ministerium sufficiat; annon cum S. Pauli convenit sententia, Rom. 13. 14. Carnis curam nè habeatis ad explendas cupiditates ipsius? Non solum manus judicis, sed etiam oculos continentes esse debere, clamavit Pericles: ecquid aliud est quod Deus in mandatis reliquit per manum Moïsis, Deut. 16. 19. Non inclinabis in alteram partem iudicium, neque capies munus; quia munus excæcat oculos sapientum, & destruit verba iustorum? Rursus, Euclides Megarensis, cum furiosus quidam mortem se ei jurasset illaturum, Et ego, inquit, vicissim iuro patienter me laturum, atque precaturum tibi omnia optima atque sanctissima: annon per omnia quadrat Evangelico præcepto, Matth. 5. 44. Diligite inimicos vestros, orate pro persequentibus, benedicite calumniantibus? Ad idem recidit illa Alexandri digna Rege quovis Christiano continentia: Ille Darii filias captivas, admirabili formâ & decore conspicuo, vel videre dignatus non est; turpe esse existimans virorum victorem vinci sceminarum aspectu: annon è fontibus Salvatoris hausisse sui animi propositum auditor ignarus affirmaret, cum verba legerit, Matth. 5. 28. Ego dico, quod omnis qui aspicit mulierem ad concupiscendum eam, jam adulteravit eam in corde suo? Nè videar vos opprimere multitudine, liceat solummodo illud Clinia Pythagorici

thagorici attexere: Ille quando per juramentum multam trium talentorum vitare potuerat, injuriam pati maluit quam jurare, Idque cum non esset falsò juraturus: prorsus quasi illud de juramento nobis interdicto præceptum audivisset, *Ego dico vobis, Nè juretis omnino, neque per celum, neque per terram*, Matth. 5. 34.

Hæc ego è multis paucula delibavi, Auditores; quanquam non sum copiam, quam potui, in re non dubia persecutus. Hæc, inquam, libentius delibavi; ut extra omnem controversiæ aleam in tuto res ipsæ ponatur; & licere nobis Ethnicorum supellectile uti ad emolumentum ventris; quia quæcunque ab iis probè dicta sunt, nostra magis sunt quam ipsorum. Accertimus Philosophorum hostis Justinus Martyr libenter concedit, Apologiz parte primâ, *οὐ παρὰ τῶν ἑθνικῶν τῶν πρὸς τὴν Χριστιανισμὸν ἔχον, Rectè dicta philosophorum sunt peculia Christianorum*: &, consilium veritatis, inquit Augustinus, à quocunque fuerit, quaecunque fuerit, non debet contemni, Aug. qu. 68. in Exod. Extra proprium locum Virtus & Veritas subsistunt ubi in Gentilium libris reperiantur; ergò ab iis vindicanda est in usum nostrum tanquam ab injustis possessoribus, inquit August. De doct. Christiana. Sacri ærarii fures erant; extorquendus est eorum manibus thesaurus, & quodam postliminii jure recipiendus, ut quod suum est templi gazophylacium habeat, quia illa omnia Appendiculæ sunt ad augmentum Veritatis.

Tertium munus jam succedit, ut sint quasi Scragulæ & tapetia ad Veritatis ornatum: faciunt enim ut ipsa Fidei dogmata in mentem facilius & jucundius insuant, maneantque diutius. Ergò concedendum aliquid est vel ipsi auribus audientium, vel propinemus illis non utilia solummodo, sed suavia. *ἔχει δὲ ἡμεῖς τὴν γλαφυρότητα ὅλης τῆς διδασκαλίας, habet unaquæque ars suam elegantiam* quibus alliciat, Philo De congressu querendæ eruditionis gratiâ. Hinc Clem. Alexandr. inter Sacras & Seculares literas discrimen idem docet esse, quod inter Cibus & Condimenta: *ex Sacris literis veritas necessaria est ad vitam, tanquam panis; quæ ex aliâ disciplinâ petitur, τροφὸν ὡς τοῦ πρὸς τὴν ψυχὴν, condimento similis, & secunda mensa ferculis*. S. verò Basilus illud interesse putat quod inter fructus & folia; *ἡ ἀλγίστη καρπὸς, τὰ ἔξω οἱ πολλὰ παύσαντες τὸν καρπὸν δὲ θύει παρεχόμενα*, Anima fructus veritas, exteriores discipline ut folia fructibus umbram & aspectum præbentia, Bas. de leg. Gentil. libris. Laus arboris in fructu, ornatus etiam in foliis, nutrimentum è cibus petitur, at gustus sibi placet in condimentis. Quòd si vir sanctus Moses non se exiit Egyptiorum disciplinis, quando Israelitarum dux constitutus est; quòd si Egyptio auro tabernaculum ornare non timuit; quòd si ad corpus sive regendum sive nutriendum, vestes cibosque Divina benignitas indulsit, non modò ad famem frigisque depellendum necessarios; sed etiam ad voluptatem cibos jucundos, & vestes splendidas ad ornatum: nonquid debemus existimare in corporalibus hoc indultum fuisse, & in spiritualibus prohibitum? Imò non modò cibus sanioris doctrinæ apponendus est mensæ sacræ, sed etiam condimenta & delicia sermonis ex politiori literatura, quibus alliciantur auditorum animi ad altiora imbibenda.

Hæc postrema verba dum scriberem, ecce hora insonuit, atque à concha ad canalem me vocavit, à musæo ad subsellia. Tempori mos gerendus erat, atque eò libentius id feci, quia transegi jam tandem ea omnia quæ in hac quæstione discutienda mihi ordine quæque suo proposuerim. Ex Scripturarum Testimoniis, ex Prophetarum, Apostolorum, vete-

veterumque Patrum Praxi id illustratum accepistis; nec non Rationibus idoneis confirmatum, ex Institutione Divina, & Utilitatibus quibus literæ seculares inferviunt, desumptis; ad Scripturarum intelligentiam, ad Errorum Hæresiumque redargutionem, ad Institutionem vitæ, ad Veritatis Introitum, Augmentum, Ornatum, quomodo conducant: & hoc à me copiosè demonstratum est. Et jam non video quid obset quò minus pars questionis affirmativa definiri atque concludi possit; Sacrarum literarum Interpreti licere, etiam in Concione sacra, externas disciplinas profanosque scriptores in suum subsidium advocare, & vel hoc modo implere legem Christi de *proferendo Nova & Vetera*.

LECTIO IX.

DUM librum aperio, & tremulos in verba recitata oculos conjicio, occurrunt mihi in mentē duæ, insignes ambæ, sed eventu contrariæ, historiæ: altera habetur in Evangelicis scriptis de Christo, de Origene in Ecclesiasticis altera. In Evangelio de Christo legimus, quòd Nazarenis verba facturus, incidit in illum locum Isaïæ 61. *Spiritus Domini super me, quia misit me ad evangelizandum pauperibus:* atque cùm legisset, complicavit librum, sedit, circumspexit, & ad explicationem festinans, dixit, *Hodie impleta est hac Scriptura.* Apud Epiphanium verò de Origene longè contrarium fertur, quòd ille Hierosolymis extemporalem sermonem habiturus, in illum Psalmistæ locum incidit, Psal. 50. 16. *Peccatori autem dixit Deus, Quare tu enarras justitias meas, & assumis testamentum meum per os tuum?* atque cùm vidisset, complicavit similiter librum, attonitus stetit, dicendi propositum mutavit, denique cum fletu & lacrymis recessit, πάντων ὁμῶς αὐτῷ κλαύοντων, *omnibus simul cum ipso plorantibus.* Inter se quisquis ista confert, Divinæ providentiæ digitum in utroque agnoscat necesse est; quia utrobique casus similis, dissimilis exitus. Liber se aperit Christo, & demonstrat Messiam; aperitur Origene, & peccatorem indicat. Ergò Christus Locum explicat, quia memor erat Scripturæ adimpletæ: Origenes abstinuit, quia reus erat Scripturæ contemptæ, utpote qui pridem idolis sacrificasset, ut coactum nescio quod adulterium vitaret. Et Ego hæc mecum reputans non video quā fronte audeam in enucleatione hujus Scripturæ ulteriùs progredi; & revera proximus sum tacenti, quia videor mihi audire vocem, non eam quæ à Christo manavit, *Hodie impleta est hac Scriptura*, sed quæ se obtulit Origene, *Peccatori dicit Deus:* atque nimis sum mihi conficius, non impleri hodie Scripturam hanc, sed potiùs solvi. Etenim si peccatori justitiæ Dei enarrandæ non sunt, profectò neque oracula sciolo: si non nisi de thesauro proferenda sunt eloquia sacra, si à nemine proferenda nisi qui in *veteribus & novis* exercitatus fuerit, si de Divinarum humanarumque Literarum consortio dicenti, opus sit ut in utrisque sit versatissimus; mea jam suscepti operis quanta præsumptio est? qui thesaurum nullum habeo nisi atramentarium, lacerosam & vacuum charitam, qui rerum Divinarum & humanarum pariter ignarus vix fragmenta veterum

Hæc. 64.

veterum scriptorum primoribus unquam oculis viderim; & recentiorum titulos, nedum volumina, digitis vix primoribus evolverim? Erubescio librū aperiens, quia vox auribus intonat, *Quare tu enarras?* Quocirca tutius duco complicare librum cum Origene, vocem comprimere, & audaci incepto superfedere. Superfedere autem hoc est duabus syllabis plus quam sedere, sed animi tranquillitate minus, quia acquiescere nescio; neque motus fiduciam præstat, neque sessio quietem: sic utrinque coarctor; si alto, mihimetipsi cado; si sedeo, vobis; si progrediar, divinam censuram metuo, *Quare tu enarras?* si non progrediar, vestram, *Quare tu non enarras?* si in manus librum assumo, vox intus revocat, *Claude & Abi*; si depono, vox foris impellit, ut Augustinum illa, *Tolle & Lege*. Inter istas angustias quid faciendum, nisi quod sanctissimus David in angustiis suis, è duobus minimum, si fieri possit, ut malum eligam? *Incidam in manus Domini, quia multa miserationes ejus*, potius quam in ludibria hominum; ut ipsi magis rationem reddam ineruditi sermonis, quam vobis temerarii silentii. Non quòd candorem vestrum in suspensionem adducam, auditores optimi, nam illo nihil mihi est exploratus: sed quòd inter sacra saxumque stanti, longè eligibilis ducò, culpæ me simplicis reatui dubio exponere, quam multarum pondus certissimum sustinere. Enimvero si quam in me suscepi provinciam prout decet non ornavero, una solummodo labecula hærebit, Oratoris mali; hinc quid incommodi, si Oratoris nomen non attingat qui non ambit? si eloquentiæ laudem perdat qui nunquam habuerit? At si eam penitus deseruero, major macula, pejorque turpitudine comitatur; non Oratoris mali, sed hominis pessimi, qui & fidem vobis præstitam frugerim, & officii mei, nec non ipsius causæ quæ agitur, curam omnem atque clientelam excusserim. Quocirca dicendum mihi necessariò est; excusatio nulla superest, subterfugium nullum, nisi velim simul & expectationem vestram eludere, & à veritatis patrocinio in extremis desciscere: quæ mihi nunquam in mentem venerant, neque video cur venirent. Non adeò angustus est Quæstionis ambitus, literarum quas tracto campus non tam sterilis, ut non possit novam dicendi copiam præbere, qui differenti messëm cumulatam suppeditavit. Si ad arguendum Scriptura utilis fuerit, utilis etiam est & sufficiens ad docendum; si ad corripendum præpotens, pariter & ad hortandum: si quis castum secularis disciplinæ usum asserere, si quis abusum corrigere velit, habet ex istis fontibus quod hauriat ad utrumque negotium. Atque de usu ipsius licito copiosè à me disputatum est, neque mei me facti poenitet: tantum vobis debui, qui Musarum non solum filii estis, sed symmystæ; tantum consortibus meis, qui istarum scientiarum Professores clarissimi constituti sunt; tantum summo illi nomini, & de re literaria optimè merito, artium liberalium patrono & instauratori prudentissimo, Greshamo; tantum Academiæ matris honori, quæ infantiam nostram studiis istis imbuere dignata est, nec pudet agnoscere à quibus profecerim; tantum dogmatis contrarii fautoribus, qui adeò à literis melioribus abhorrent, ut omnino eis studere nefas arbitrentur; præjudicio quodam ducti, & quibusdam malè intellectis autoritatibus permoti; tantum ipsi Dominiæ Ethicæ usum, quæ sine famulatu suo prodire in publicum non solet; neque certè decet ut ab hospitio ancillæ arceantur, quando Regina vocatur, quæ suis pedissequis tutelam præstare tenetur: tantum denique mihimetipsi, qui hoc in me munus recepi: & credo me debitum exsolvisse, atque eruditionis Ethicæ usum ex Scripturis & Patribus abunde monstrasse; quàm sit ad Scripturam explicandam accommodata, ad Errores refecandos quàm necessaria; ad vitam probè ducendam quid conferat; ad Veritatis introitum, ornatum, pro-

fectum, quantum conducatur. Hæc omnia quia à me inter legendum superius curata sunt atque confecta; nunc demum res postulat, ut post opaca sylvarum & argumentationum dumeta, ad campos exeamus locutionis liberæ, eoque libentius quia video vos cupidos ulteriora audiendi: quamquam & hic quoque in ipso limine aliquantulum hæreo, dubius quo fili ductu hanc telæ partem ordiar. Utrùm à secularium disciplinarum elogio: non placet; quia post ista à me superius dicta, nemo nunc est, opinor, qui vituperet: an à commodis aliis quibus inserviunt: erit labor irritus; quia habeo vos omnes juxta consentientes: an ab admonitione aliqua verecunda quæ ipsarum adversarios in viam reducat sanioris sententiæ: neque hoc congruit; quia in hoc errore qui versantur paucissimi sunt; plures illi, qui Gentilium literarum amore adeò insaniunt, ut sacras negligere & aspernari videantur. Hic ergo est pes figendus; ab hostibus qui se opponunt transeundum est ad rivales illos, qui ancillarum philtris adeò inescantur, amore adeò capiuntur, ut Theologiæ penetralia Scripturâsque ipsas susque deque habeant, nec magis respiciant quàm si nusquam existissent.

Quod ad hanc rem spectat, videndum est, an sint vel fuerint uspiam aliqui qui in hanc partem erraverint: & hoc non erit monstratu difficile; quia video prioris seculi Antistites, inter errores sui temporis ceteros, hunc quoque notasse. De Heliodoro Tricensi legimus, quod cum contra ipsius amatoria scripta Synodus provincialis statuisset, ut aut libros igne aboleret, aut Episcopatu cederet; vir bonus & sanctus maluit munus Episcopale deponere, quàm poema turpe & lascivum suppressere. Episcopum alterum reprehendi graviter à Gregorio Magno, epistolæ ipsius testantur, ob hoc ipsum, quod semper prædicaret Grammaticam, & Gentilium fabulis aures populi quotidie vulneraret. Adhæc Eusebius, l. 5. c. ult. pessimi nominis hæreticos non paucos fuisse docet, qui Sacras Scripturas eodem furo depravarunt, Christum nescierunt, nec quid Divinæ literæ de ipso dicant conquisivere; sed quæ Syllogismi figura ad ineptias suas confirmandas esset aptissima: quod si illis quisquam aliquod Sacræ paginæ testimonium proferat, querunt statim, inquit Eusebius, utrùm conjunctam an disjunctam Syllogismi figuram possit efficere. Euclidem colunt, Galenum venerantur, Aristotelem & Theophrastum in summa admiratione habent: Christum verò & verbum ejus penitus ignorant. Post Eusebium, de suis temporibus conquestus est Hieronymus, etiam inter Sacerdotes Dei reperiri nonnullos, qui omisissis Evangelii & Prophetis, Comoedias legere soliti sunt, & amatoria Bucolica canere; ut quod in pueris necessitatis est, crimen in se facerent voluptatis. Post Hieronymum, Augustini querelam haud absimilem Confessionū liber ad nos detulit. Vide, inquit, Domine Deus, quàm diligenter observant à magistris suis accepta pæcta literarum; & te accepta perpetua salutis dogmata negligunt; magis Grammaticorum legibus dediti, quàm Dei præceptis; lingua magis barbarissimum metuentes, quàm morum. Si contra Grammaticam disciplinam, sine aspiratione ominè quis dixerit, magis reprehenditur quàm si contra legem tuam hominem oderit: quasi scelus majus esset vobis quàm homini vim inferre, & Prisciani quàm Christiani caput frangere, & vocabulo spiritum litera, quàm proximo spiritum vita subtrahere. Hæc fuit nonnullorum istius ætatis febriculosa temperies, ut ætas quælibet errorum ferax: & certè in nostram torqueri querimonia non minùs potest, quia & inter nos latitant ejusmodi nocturnæ, Scripturarum lucifugæ, qui, ut pisces illi apud Aristotelem, literarum externarum petris adeò conglutinantur, ut vel mors sit avelli; istas solas amplexantur, exosculantur, effictim amant, & Scriptura pro derelicta habetur: adeoque non Grammaticam modò, ut ille apud Gregorium, aut Philosophiam,

Can. cum multis, dist. 86. in decret.

Lib. 1. c. 18, 19.

iothiam, aut aliquam matronarum artium; sed *ipsarum*, ut Philo loquitur, *concubinarum faces & quisquilias*, non solum Episcopatu cum Heliodoro, sed Apostolatui, h. e. ipsi Evangelio, præferunt & anteponunt. Tæderet me ista dixisse, nisi ipsis fecisse volupe esset: nam nugas istas dies noctesque versant; istas crebris pervigiis, & noctisurgiis, & molestis pituitis empturiunt; in istas tempus omne conferunt, & rebus sacris impendenda pretiosa annorum spatia; istis impallefcunt, insenescunt, non bis pueri, sed semper. Postremò, quod magis indignum, istis tricus & crepundiis conciones suas ita referciunt, prorsus quasi Scripturarum eloquentiam abjuraissent: terræ filii, *ὅτι τὸ γῆς υἱός*, & *ὅτι τὸ γῆς λαλῶν*; nam si è suggesto audiveris, non prædicantes Ministros Dei, sed Ægypti ranas coaxantes existimares; nec concionantes Presbyteros, sed Ludimagistros. Interea verò nolo hæc à vobis in pejus rapi (viri doctissimi,) nolo me emissarium putetis, qui fratres meos in crimen & invidiam vocarem: sed plenam cum verbis animi mei accipitote sententiam. Non ego culpam hanc in graviores Theologos impingo, sed in novitiolos illos temerarios, Concionatores comicos, mimos, contonistas, qui cum sacrum dicendi locum ascendunt, non radunt ungues humanæ literaturæ, neq; calceos exuunt pedestrium disciplinarum, sed nova sibi Biblia cudunt ex poetarum & philosophorum armamentario, & hæc suppellectile instructi, Pulpita scandunt; prorsus quasi Spiritum Sanctum è cathedra sua deturbare vellent, & Fidei dogmata omnia, ex Euripede vel Aristophane, nè dum Platone & Aristotele, decernere. Testes, si necesse erat accire, ad manum habeo, quia sentio me loqui etiam inter Academicos; atque illi non sunt nescii, nisi admodum nupera rerum mutatio facta sit, ubi nam hujusmodi homunciones habitant, qui in exercitiis Theologicis cerebrum sui retibus litant, quæ tamen Apostoli reliquerunt ut sequerentur Christum; qui Ethnicorum diis linguæ & ingenii offerunt primitias, nec tamen scire dignantur quid Moses aut Christus dixerit: sacra sunt ipsis nomina Ciceronis, Maronis, Aristotelis, Plutarchi; hi Patres sancti quos citant, hi Apostoli quibus nituntur; istis testimoniis novi Sententiarum Magistri se muniunt: nam S. Petri aut Pauli nomina vix nosse, Scripta vix legisse affirmaveris.

Istis sic constitutis, nemo est, opinor, qui ibit inficias, & esse & fuisse aliquos qui hunc errorem errarunt. Sed non tam opus est exploratore quàm medico: & si ad usum licitum demonstrandum defensio erat necessaria, ad abusum sanandum multò magis opus est pharmacis: calcaria exuenda, & in manus fræna sumenda, quia magnum flagitium probrumque est quod cohibemus. De Theodoro tragœdiarum scriptore Eusebius narrat; luminibus eum captum fuisse, cum nonnulla è Scripturis ad fabulam quandam transferre vellet: & de nonnullis aliis apud Demetrium Phalereum, cœpisse eos è scriptura Hebraica quædam oratione Græcâ exornare; sed magno timore perculos, responsum in somnis coelitus accepisse, accidisse hoc, quia res Divinas lenocinio orationis inquinarent. Post hæc nemo argumenta criminis quærat, qui facta videt: ex supplicio scelus decernitur. Ecquid enim scelestius quàm Evangelia sacra, voce Filii Dei traditâ & sanguine obsignata, contemnere & pro nihilo ducere? quasi Verbum Dei nunc scandalum esset non Judæis modò, sed & Christianis; & sapientia Scripturarum stultitia non Græcis modò, sed Anglis; nec vulgo hominum, sed ipsis Theologis. Ecquid magis insulsum quàm somniorum secularium luto volutare, & porcorum siliquis pascere, quæ saburrant mentem, non satiant; panem verò Angelorum & manna cœlestis eloquiorum Dei fastidire: ecquod facinus pejus; fontes sacros, fontes Salvatoris despiciere; & ad Democriti puteum, ad Da-

De Prepar. l. 8.

naidum dolia recurrere, quæ salutiferas aquas non valent continere? Judicium vestrum, Viri! num abbreviata est Scripturæ manus ut convertere nequeat? num aliud salutis fundamentum ponendum est quàm quod posuere Apostoli? num alia fidei via est certior aut melior quàm quæ à Spiritu Sancto statuitur? an alia ad vitam compendiosior, quam illi fortasse vident, & Dei sapientia prævidere non poterat? Næ illi putant se Spiritu Sancto sapientiores: sed respondeant mihi; Nunquid Plato crucifixus est pro nobis, aut in nomen Demosthenis baptizati sumus, aut Homerus fortasse *θεός* & nunquid ex eorum manibus Religionem nostram accepimus? nunquid eos Amanuenses aut scribas elegerit Deus, ut tu jam audeas Zaleucum aut Lycurgum in cathedra Moïsis collocare? & pro duarum, duodecim legem tabularum ostentare? & pro Divinis oraculis, Delphica & Sibyllina? pro responsis Dei, Apollinis? *Et ego, inquit Augustinus, si vobis dicerem, Credite, hoc enim dixit Plato, hoc dixit Cicero, hoc dixit Pythagoras; quis vestrum non irideret me? quid enim hac omnia ad Christianitatem? quid ad nos Heliconii colles, & cacumina bicipitis Parnassi, qui ad Tabor & Hermon, & montem Sionis, montem Dei, vocati sumus? quid ad nos Abana & Pharphar, flumina Damasci, aut Musarum Aganippides, quibus ad fontem Siloe & aquas Israël aditus indulgetur? Nunquid non est. Deus in Israël, ut eatis ad consulendum Beelzebub Deum Ekron? Obsecro vos, quis est iste locus quem capeffimus? Chryssippi, an Salomonis porticus? Platonis Lycæum, an Ecclesia Dei? Aut quid illud est istis quod in locis tractamus? vel unde textus nostros desumimus? è Philosophorum placitis, an è mysteriis Verbi Dei? Si igitur Christum prædicamus, quod Samuel ad Saulem dixit, *qua est vox gregum qua resonat in auribus meis, aut armentorum quam ego audio?* Ità Plato, ità Demosthenes, Homerus ità. Utrùm Christus & Apostoli ità dixerint, vix unquam scrutantur, quasi & sine Christo Christiani, & sine Verbo Dei Theologi possint esse.*

Videtis, Auditores, non esse leve aut falsum crimen illis quod obiectamus, sed scelus audax & facinosum. Verùm apagite à me istas ineptias, ipsa stultitia stultiores: relinquamus cæcos duces per Græciæ & Ægypti suæ avia vagari, & ut res integra maneat, remedio prospiciamus. De excindendis vitibus ut ebrietatis vitio caveret, qui consilium dedit, sobrium se magis hominem probavit quàm sapientem; ad istius enim morbi medelam, securis non vitibus ponenda est, sed animo: Similiter & in eo quod præ manibus est negotio, non tam Artibus medicina paranda est, quàm ipsarum alumnis, quia si quid in hoc genere peccatum est, non Artis culpa est, sed utentis. Quod ad Artium vitia spectat, rescindenda ea esse nemo est qui negabit; sed cautè, & providà manu, ut amputetur vitis, non extirpetur. Hucusque Patres processerunt, qui suis singuli temporibus calamos suos exacuerunt, non contra Artes, sed artifices; Tertullianus præsertim, Hieronymus, & Augustinus. *Quid nobis, inquit Augustinus, cum Anaximene, aut Democrito, aut etiam Homero? cum illa impia Poetarum fabula, & Oratorum inflata mendacia, & Philosophorum garrula argutia, &c.* Et ante Augustinum Hieronymus eodem calamo lufit, in 4. Jonæ; *Quid Aristoteli & Paulo? quid Platoni & Petro? quid facit cum Psalterio Horatius, cum Evangeliiis Maro, cum Apostolis Cicero? cum fidei mysteria universa & doctus Plato nescivit, & eloquens Demosthenes ignoravit, neque dormitavit modo Homerus, sed cecutivit: & ante Hieronymum Tertullianus, Quid adeo simile philosophus & Christianus? Gracia discipulus & cæli? veritatis interpolator & integrator; furator & custos? quid Athenis & Hierosolymis? quid Academia & Ecclesia? quorsum vestiris à nudo, si Christum induisti?*

quid

Aug. ad Diocetorum.

Tert. in Apol. & De resurrect. carnis, & Præscr. advers. hæresi.

quid alieno uteris clypeo, si ab Apostolo armatus eras? Nobis curiositate opus non est post Christum Jesum, nec inquisitione post Evangelium: cum credimus, nihil desideramus ultra credere; hoc enim prius credimus, non esse quod ultra credere debemus. Ecce quid illud sit quod monet vir sanctus, non destruendas istas vites, sed ordinandas; quia dum terminos suos servant, Theologiae sunt adiumento; si dominantur, non sunt ornamenta, sed idola. De Ezechia Cedrenus narrat, fustulisse eum de medio Salomonis libros philosophicos; nè Judæi ex istis scriptis morborum remedia petentes, sanationem à Deo flagitare negligerent. Perpendamus seriò. Erant illi libri propter naturæ secreta & salutaris medicinae regulas laudatissimi; & è medio fustulit, nè à Divino cultu avocarent: atque prudenter id factum, neque alio sanè consilio, quàm quod de libris Ethnicis Tertull. Hieronymus & Augustinus coeperunt, dignum fore ut exterminentur potius quàm ut Scripturis vel præferantur, vel exæquentur. Proinde Judæorum doctissimi Philo, in l. De congressu quaerendæ eruditionis gratiâ, Deum sic inducit loquentem ad Theologiam de Secularibus artibus, ut Abrahamus ad Saram de Agar; *Ent tibi puellam, trado in manus tuas, tracta hanc sicut tibi libet; sume omnem ipsius eruditionem, & ad placitum utere, corrippe, castiga, in captivitate redige, ad pedes prosterne.* Agnovit vir doctus, æquum esse ut si Isaac simplicitatem ridere Ismael incipiat, & Saræ bonitatem Agar Ægyptia contemnat, Abrahami complexibus turgida, foràs ambo ejiciantur. Si ad hoc venerit secularis sapientia ut Scripturas excludat, *demonum cibus est*, inquit summo cum fervore animi Hieronymus. Habent illa locum suum in Scripturis tractandis, sed suum servant, Ut qualitates elementares in misto, sic artes elementares in Dei Verbum admittantur non nisi remissæ & castigatæ: uti iis licet, sed ut mundo, quasi non utentes. Concedimus licere nobis & vasa mutuari ab Ægyptiis, ut Domus Dei ornetur; & apud Philistæos ligones exacuere, ut ager Domini pascinetur; & Sidoniorum operâ uti, ut Templum Dei exstruatur; & aurum Jerichuntiacum servare, ut thesaurus Dei impleatur: sed meminisse simul oportet, quod & Augustinus suggerit, *Incomparabiliter pulchriorem esse veritatem Christianorum quàm Helenam Græcorum*: ergò hæc illi aut subservit, aut exfolet. Nos sic didicimus Christum & Scripturas ejus, ut illic esse agnoscamus quicquid ad salutem pertinet. Sive egestate laboramus, Scriptura gemma est; alia scientia omnis velut scoria ad hanc margaritam: sive esuriamus, Scriptura panis vitæ; cognitio reliqua furfur ad hoc triticum, cortex ad hanc medullam, umbra ad hunc solem: denique, si infirmi hæsitamus aliquando, fidei veritatisque fundamentum Scriptura est; reliqua rudimenta sunt, non opera, nec debemus illa discere, sed didicisse, nec tam tractare quàm tangere, transeundum per ea, non hærendum: si sequuntur, profunt, nocent magis si duces fuerint; diligere eas licet, non deperire: si voci Divinæ obtemperaverint, recipiendæ sunt; si petulcæ & procaces fuerint, oportet ut libellum eis scribamus, non solum repudiî, sed ipsius exsilii. Hæc omnia huc spectant, viri clarissimi, ut vos horter & suadeam, quod superius memini me fecisse, & rursus facere non desistam, ut præ Scriptura Sacra vilis vobis sit omnis alia literatura, & quasi onus stercoris. Novi vos precibus meis & cohortatione non indigere; novi neminem esse qui vobis melius suadere possit quàm vosmetipsi; novi vos hoc quotidie facere, atque Sacras Scripturas quotidie revolvere nocturnâ diurnâque manu; & gaudeo me id suafurum quod sponte vestrâ facitis. Ergò finite ut paucis moneam: nescio enim an posthac mihi futura sit nova suadendi occasio, quia nunc otii spatia longa sequuntur; sed vita brevis, æoque brevior, quia ira

Divina

Sextus Sen. l. 2.
in verbo Salomonis.

Ep. 9. ad Hieronymum.

De f. d. Orithod.
4.18.

Divina impendat, & Pestis contagio nimis metuo nē ingravescat, atque vel mihi vel vobis hanc comparendi ansam præripiat : finite, inquam, ut jam tandem moneam, ut Scripturarum studio vos addicatis totos & integros ; istæ sint semper in ore, semper in manu, semper in animo ; sint ipsis oculis, sint ipsis animis chariores : recognoscite munus vestrum, quàm sit Vocatio sancta atque sublimis, ad ipsa magnalia Dei explicanda. Ergò hoc agamus ad quod vocati sumus ; curemus ut vox alia nulla, sonus nullus vocem pessundet eloquiorum Dei in Sanctuario Dei : de rebus fidei ex literis fidei discamus loqui, istis insatiabiliter delectemur, deliciemur medullitus, cùm opus sit omnium jucundissimum, divinissimum ; *ἡμεῖς καὶ συζητοῦμεν*, ut Damascenus optimè ; ad animarum & nostrarum rationem, & aliarum salutem maximè accommodum. Sinite ut tribus interrogationibus rem omnem expediam. Aqua vitæ unde petenda est ? è Fontibus. Fructus gratiæ unde ? ab Horto. Divitiæ Christi unde ? è Thesauro. Scriptura est Thesaurus optimus, & eloquentiæ & sapientiæ, ubi auri & argenti venæ reperiuntur ; ut qui verè loqui desiderant, indè sumant quod loquantur : vena eloquentiæ, non fictæ & nugacis, sed cœlestis, quæ non doctiorem modò, sed sanctiorem reddit ; nec solùm sapientiorem, sed meliorem ; nec linguam exornat, sed vitam. Deinde, non modò Thesaurus, sed Hortus est, inquit Damascenus, *ὁ ἡμεῖς παράδεισος, ὁ γλυκύτης, ὁ ὡραῖος*, *hortus pulcherrimus, dulcissimus*, ubi aromatum florumque omniū areolæ, ubi omnigenū volucrum intellectualium cantus circumsonant aures, tangunt corda, mentes consolantur, affectus serenant, & ascendere faciunt ad rutilantia dorsa Divinæ columbæ, & splendidis ejus alis ad unigenitum Filium, intelligibilem Vitem, & indè ad ipsum Patrem luminum. Postremò, non Hortus modò est, sed horti Fons purissimus, ubi fluente perennia gratiæ immarcescibilis salientia ad vitam æternam, quibus rigata arbor animæ fructum affert pietatis puræ, & virentia folia sanctissimæ professionis. Quocirca agite, huc animos intendite : valeant Seculares literæ, non quod ad usum, sed quod ad primatum ; valeant, inquam, nec ultrà retineantur, nisi ut Sacras ornent & comitentur ; quia non in Dialectica, non in Rhetorica placuit Deo salvare populum suum, sed in Verbo fidei. Credite, credite viri ; Deus noster est Deus zelotes, non solùm quod attinet ad Nomen suum, sed quod ad Verbum suum : & sicut non aliud Nomen quàm nomen Jesu, sic nec aliud Verbum quàm Verbum Evangelii ordinavit in quo salvemur.

LECTIO X.

Vobis, Viri Doctissimi, quantum Ego pro præsentia vestra debeam, quòd ultro huc & sponte vestra convenistis, quantum Vos similiter Deo pro summa sua & singulari clementia, quòd huic diei horæque vos omnes servaverit, ipsa hæc verba quæ jam recitavi, & mox explicaturus sum, vel me tacente dilucidè indicant; & dicente me apertiùs, opinor, monstrabunt. Enimvero cùm vos intueor, charissimæ animæ, subresectum me sentio primo hoc conspectu vestro; neque dictu est credibile quanto perfusus gaudio gestit mihi animus atque secum intus subsultat, quòd in Athenæum hoc nostrum video vos incolumes remeasse, & unâ vobiscum veterem novumque comportasse candorem. Metu suspensum non parvo fuisse me confiteor, per longa hæc silentii spatia, quibus locorum & temporum intervallis à vobis aliquandiu disjunctus fuerim, metu, inquam, suspensus fui, (ut amor semper est æquo timidior) nè solum me hic parietes nudi conspicerent, atque orbatum me objicerent aliquâ parte vestrum, interventu vel mortis, vel præjudicii. At supra spem res cecidit: Joseph adhuc vivit, & ego videbo eum: plenum habeo confesum, aurium & animorum copiam non minorem solito, laborantia denuo subsellia non orbitate, sed numero, capitâ sese efferentia non diversa, sed eadem; & ut nil ampliùs dicam, conventus quidem novus est, sed corona pristina, nec ullâ re discrepans ab antiquo auditorio: oculi, supercilia diligitis, quæ non à frontis infirmitate, aut aurium pruritu, sed animi constantia ortum ducit: hæc pietas vestra; atque mea vicissim non minor est sollicitudo, ut possim pro humanitate *Nova* & *Veteri* studia rependere, atque vigilias *veteres*, nec non & *novas*. Et quidem, ut verum fatear, libentiùs illud in me reciperem, nisi alterum majusque succresceret, Patri misericordiarum exsolvendum, pro *veteri* sua benignitate & *nova*, quòd in hac flebili internecinæ contagionis vastitate, quæ civitati stragem, urbi ruinam interminatur, & me vestris, & vos meis precibus superstites custodiverit. Et huic quoque muneris prospiciendum, nè humanitatis mutux officia in Divinitatis injuriam cedant; quod non est ingrati modò hominis, sed impii. Hoc agite; & ut agamus, respiciamus, si placet, ad diem illum in quo jam Vale factò è circulo hoc Theologico nos subduximus; qui timor, quæ dubitatio, quanta hæsitatio, quis dolor, quæ acerbitates, quæ palpitantia præcordia, & animos vestros & urbem totam perstrinxerunt. Annon metu mutuo perculsa omnia, & præsentis periculi specie consternata: annon de latebris & diverticulis commune consilium est initum: annon dissipati omnes in pedibus præsidium posuerunt, & velut apum examina ad crepitum primum fulminis, quæ cuique parebat exitus, præcipientes se fugæ mandabant: Nec tamen minùs fuga quam statio periculosa: nulla regio discriminis, domus nulla difficultatis expers; tutos aliqua, securos nulla præstitit: ad triarios res nostræ adductæ, & nos ipsi velut inter sacrum saxumque positi: si manemus, ignis vindictæ gliscit; si avolamus, novâ nos flammâ circumsepros videmus. Hæc mecum revolvite, Viri, & ad illos nunc tandem calculos nos revocemus quos tum abjecimus; * ut si non recordatio beneficii quo fruimur, at saltem periculi

periculi quo liberamur, ad studium nos gratiæ reducat & habendæ & in-eundæ cum Deo nostro. Quid retardamus? quid moras necimus? An audet sibi quis advocationem petere, tempus idoneum nactus gratitudini? an post tot spiramenta temporum, diem ex die prolatamus, & cras nos facturos pollicemur, qui cras morimur, & hodie senescimus? At Ego Vobis iterum-que iterumque hoc canto: mensis jam septimus, liberationis mensis agitur, & admonitionis meæ quintus, ex quo Ego Vobis memoriæ refricare cœperim; & nihil agitur, nisi ut Ego re perfectâ accuratissimè monere non desistam, ut hæc Vobiscum penculatius cogiteris. Quid si Pestis contagio duraret? & etiamdum durat; quid si jam postliminiò redeat, & in sedes priores recurrat? quid si, ad irati Dei nutum, ipsum quem ducimus aerem & cœli tractus inficiat? ecquis erit jam fugiendi locus? ecquis conveniendi in Templis, Scholis, an in Cœmeteriis? ecquæ Testamentis Sacris explicandis opportunitas? minimè, nostris condendis: ecquis Aaronis filius reperietur qui inter vivos & mortuos se sistat? ecquis anguis Epidaurius, aut Anguis Aëneus, qui aut dispellat, aut cohibeat, quò minus omne mortalium genus depopuletur? At nobiscum melius Deus egit, absterfit animi metum, istis nos molestiis laxavit. O quantos timores subitâ serenitate discussit! arcû magis spectandum quàm sagittas exhibuit; columnam nubis, non ignis, & magis Iridis colores quàm missilia fulminis. Venit iræ nuncia Pestis, & abcessit; unicuique nostrum vicina, & non attigit: dissipati eramus, collegit nos; afflicti, suscitavit nos; meticulosi, & corda stabilivit; languentes, & sanavit; filii mortis, & sufflavit in nares nostras halicum vitæ; ut viva potius monumenta misericordiæ nos faceret, quàm vindictæ mortua. Quocirca quid superest, nisi ut nos omnes veteres & novas benedictiones ipsius Nominis, ut scriba docti ad regnum Dei, resonemus? Verbis Psalmistæ veteres; verbis Apostoli novas. *Benedictus sit Deus & Pater Domini nostri Jesu Christi, pater misericordiarum, qui exaudivit vocem deprecationum nostrarum, & consolatus est nos in omni afflictione nostra: Qui tēgit nos sub alis suis à pavore nocturno, & à sagitta per diem volitante; à peste in caligine pervadente, & à luc in meridie vastante: denique qui huc Nos hodie misit, ut mihi non solum testes, sed comites effectis spiritualium actionis gratiarum; ut unâ mecum sacrificia Laudis voveatis, & primitias labiorum summo salutis auctori, cui sit omnis Honos & Gloria in secula seculorum.*

Istis sic prælibatis, & Divinis, sicut par est, officiis peractis, sentio me ære tertio opprimi; nimirum, ut Deo & Vobis, itâ & huic Evangelii portiunculæ debitorem. Ergò & huic incumbendum est negotio, quia sacrum est depositum; & quod Cicero in re alia, promisi me nisi explicatâ solutione non discessurum. Hoc ut distinctius fiat, paulò res altius & quasi à fonte repetenda est, atque ad prima ordinis constituti capita revocanda oratio.

Pastoralis muneris figuram ex specifica Differentia & Causis propriis depictam verba in se continere, superiùs dixi: Differentia specifica est in illa voce *Profert*; docetque quodnam sit officium Pastoris Evangelici; unde Thesis prima orta est, Prædicationem Verbi opus esse & ordine primum, & maximè proprium, & longè præcipuum inter omnia Curæ Pastoralis exercitia; cui se totum accingere debet qui Scribæ Evangelici partes agit in Ecclesia Christi.

Causæ connatæ attextuntur, velut 4 Appendices: & in istis ostenditur,

Primò, Quæ proferenda, *nova & vetera*: ista habent rationem Materiæ.

Secundò, Cui bono, quæcunque sic profert, referenda sunt; in ista clausula, *ad regnum cælorum*: rationem habet Finis.

Tetiò,

Tertiò, Quod exemplar statuendum est dum hæc meditatur, *tanquam paterfamilias* : ibi ratio Formæ.

Quartò, Quæ præparatio exigitur ut faciat ; *eruditionis thesaurus* comparandus est : illud ad instar Causæ Efficientis.

Hæret adhuc in prima parte calamus, in iis enucleandis quæ ad causam Materialem spectant, Quæ nimirum sunt ista *Nova & vetera* de quibus Salvator noster loquitur. Illa verò & in Genere, & in Specie consideranda proposui.

In Genere hæc Propositio emergit ; Verbi Ministrum decet assatim instructum esse, & omnis scientiæ apparatus ad manum habere, ut è divite opum spiritualium thesauro proferre verbum gratiæ possit, diversis ingenii congruum, cuius palato & desiderio accommodum : sive in arguendo, sive in consolando, sive in hortando, sive in disputando versetur, curare debet ut non nisi vera, non nisi salutaria, non nisi ad ædificationem tendentia proferat, sive *nova* sint, sive *vetera* ; eaque nunc sermone aperto tradat, nunc parabolis & similitudinibus, nunc exemplis illustrata, nunc (prout res postulat) argumentis roborata, & autoritate sancita.

In Specie verò, eventitatis tam veterum quàm recentiorum variis interpretationibus, ad quinque classes, sive capita, dicendorum summam recēgi, sub Logica rerum partitione, hoc modo.

Quæcunque sub tractatu Theologico cadunt, vel ad Intellectum diriguntur, vel ad Affectum ; h. e. vel ad doctrinam Fidei, vel ad Vitam & mores. Ista est *novorum & veterum* classis prima.

Quæ ad Vitam & mores spectant, sunt vel Promissiones & præmia Evangelica, vel Minæ & terricula Legalia ; h. e. ea quæ ad bonum alliciunt, & ea quæ à malo retrahunt. Hæc classis secunda.

Quæ ad Doctrinam & Fidem spectant sunt duplicis ordinis, vel Divina, vel humana ; h. e. vel Sapientia Scripturarum, quæ sunt fundamentum Fidei, vel Scientiarum secularium peritia, quæ adjumenta sunt rebus Fidei inservientia. Hæc classis tertia.

Rursus, Sapientia Scripturarum duo in se continet, ea quæ in Veteri Testamento, & ea quæ in Novo habentur ; h. e. scripta Prophetica, & scripta Apostolica. Hæc classis quarta.

Denique Scriptores humani sunt duplicis generis ; vel superioris quod retroactum est seculi, vel seculi præsentis & adjacentium ; h. e. Antiqui & Neoterici. Ista est *novorum & veterum* classis ultima.

Classis istas quia sunt numero quinque, in tres species contractas dedi. *Vetera & Nova* præparatoria, i. e. merè humana ; *Vetera & Nova* fundamentalia, h. e. purè Divina ; *Vetera & Nova* accessoria, h. e. mixta sive Ecclesiastica, Ex istis triplex Harmonia sive concordia oritur, cui peritus Theologiæ artifex intendere debet.

Concordia prima est Literarum utriusque reipublicæ : hinc prima Propositio, Tractatori sacro licere, non è Scripturis modò, sed è Scientiis secularibus copias suas atque apparatus instruere, & ex illis adducere quæcunque, sive *nova* sive *vetera* conducunt maximè ad promovendam veritatem.

Concordia secunda est Scripturarum utriusque Testamenti : hinc altera Propositio, Tractatori sacro necessarium fore, ut petitis ex utroque Instrumento armis se muniat, ut possit totum Dei consilium annuntiare, & in iis quæ Legis sunt, & in iis quæ Evangelii.

Concordia tertia est Scriptorum utriusque Seculi : hinc tertia Propositio, Tractatori sacro convenire, ut in scriptis tam veterum quàm recentiorum Theologorum veratissimum se præbeat, quò possit utrinque Fidei dogmata vel explicare distinctius, vel firmius stabilire. Concordiam

H

primam

primam expeditivimus aliquando, unâ cum Propositione quæ ipsi respondeat; de dulcissimo in rebus fidei Divinarum humanarumque literarum consortio.

Ad secundam nunc propero, quia ordo tractandi id postulat, ut de Concordia Scripturarum nonnulla dicamus, Quàm sit imprimis necessarium, ut utriusque paginæ oracula Scriba doctus calleat, quod possit salutis mysteria dilucidare & exornare ex utroque armamentario. Quam opportunè priorem illam sequatur, non opus est ut moneam: quia si cum Gratiis Musarum conjugia sunt adeò necessaria, quantò magis Gratiarum inter se: imò cedant ancillæ, fascēsque submittant, ut Regis filia introducatur, quæ tota & sola pulchra: quia Scripturæ Sacræ eminenter in se continent omnes habitus Salutaris doctrinæ, tam practicos quàm theóricos; & sola est Via regia ad regnum cœlorum. Quòd si ad mensam philosophicam famelicas animas vocamus, quæ Christi iustitiam esuriunt; si humanâ trutinâ fidei Sacramenta examinemus, neglectâ aurificis summi staterâ; certissimum est, & nobis nos fucos facere, & populo nostræ curæ concedito. Contra istos pastores Deus conqueritur, Ezech. 34. 2. semetipsos pascunt, non oves, quia semetipsos prædicant, non Christum. Fit enim tribus modis. Si commoda sua quarant, non oves, sed seipsos pascunt & ventrem suum: Si studiis incumbunt ut ipsi sciant, non alios scire faciant, non oves pascunt, sed seipsos & cerebrum suum: Si verba sua proferant, non Christi, non oves, sed se pascunt & famam suam. Non istis tignis veritas sulcitur, non istis cibis Christianorum animæ pascuntur. Secularium literarum somnia ad Scripturas comparata, siliquæ sunt, palea, fursur. Quid igitur magis usui esse potest, quàm ut relictis levibus Gentilium tabularum bracteis, ad auream Sanctuarii laminam vos tandem revocem: quæ in fronte Sacerdotis propterea rutilat, dicente Hieronymo, *ut exinde doceamur, nihil nobis prodesse rerum omnium eruditionem, nisi Dei scientiâ coronemur*; & è Legis & Evangelii, sive Veteris & Novi Testamenti, thesauro ditari prodeamus.

Ad Esaiol.
cp. 128.

Ut pedem tandem figam: quia Veteris & Novi Testamenti, Legis etiam & Evangelii vocabula, varia significata habent; istud hic præmittendum est, Per Vetus & Novum Testamentum nos libros intelligere qui in codice utriusque Testamenti continentur, i. e. in Prophetarum & Apostolorum scriptis; quomodo in rebus humanis tabulæ & signa testamentorum *testamenta* vocantur, metonymicâ locutione. Per Legem autem & Evangelium, doctrinam Mosaicam & Evangelicam, distinctis temporibus traditam; Judæis quidem illam, hanc verò toti mundo promulgatam. Secundum utrumque sensum Patres locutos prudens lector facile observabit, dum hæc verba Christi explicant. Ad concordiam Veteris & Novi Testamenti Irenæus, Chrysostomus, Hieronymus & Augustinus referant; ad concordiam Legis & Evangelii Origenes, Hilarius, Gregorius. Meum erit utramque concordiam per se sejunctim expendere: &

Primò, De prima concordia Veteris & Novi Testamenti paucis agamus. In illa autem duo sunt ad examen vocanda; Utrum sit interpretatio nativæ & propria, quæ Christi sensibus per omnia respondeat; & Quid est quod Salvator nos per hæc verba doceat, dum Scribæ erudito Veteris & Novi Testamenti cancellos circumdat, & salvificæ doctrinæ hos limites præscribit.

Prima pars disquisitionis est de proprietate interpretationis; nam nisi hoc statuatur, operam ludimus, in pertusum ingerimus dicta dolium. In hac autem parte tria sunt exquirenda: Quos authores habeat, Quos contrâ sentientes, & denum Quibus rationum momentis & enervetur, & fulciatur.

Inprimis

Inprimis de hujus Interpretationis autoribus videndum est: sunt autem maximi nominis; Patres unanimiter omnes, & Pontificiis plurimi, & nostris quoque aliqui: quorum omnium quia molestum erit annumerare sententias, paucis & vetustioribus contentus ero, omisissis cæteris. Irenæus lib. 4. 21. adversus Valentinianos disputans, ex hoc ipso loco concludit consensum & unitatem totius Scripturæ. *Nova, inquit, & vetera sine contradictione duo Testamenta dicit, &c. nam utraque unus & idem paterfamilias produxit, Dominus noster Jesus Christus, qui & Patriarchis locutus est & nobis.* Post Irenæum, Origenes in locum, doctrinam hinc intelligi asserit Evangelicam, Legalem & Propheticam: & ex illo, Lev. 25. 22. illustrare conatur, ubi sermo est de comedendis frugibus veteribus, & veterum veteribus, donec nova nascantur; *Comedimus, inquit, in Prophetis vetera, in Lege veterum vetera, in Evangeliiis vetera litera ex facie novorum educimus.* Origeni adjiciamus Chrysostomum, ut citatur etiam ab Anastasio, in lib. Quæstionum, quæst. 65. *Scribam dicit Christus, & ὁ θεὸς ἐν γράμματι διδάσκει τὴν ἀληθείαν: καὶ κατὰ ἀνάγκην, qui recedit sibi thesaurum Veteris & Novi Testamenti, & ex eo expromit tempore disputationis.* Chrysostomo atrextantur Augustinus & Gregorius. Ille I. quæst. Evangel. non modò sic exponit, sed addit præterea, per hanc parabolam alteram illam explicari vers. 44. de thesauro abscondito in agro; *Thesaurus, inquit, est Scriptura sacra: proferre ergò de thesauro nova & vetera, est locus Novi & Veteris Testamenti de Scripturis educere: & in 2 De civit. rationem hanc assignat quare nova veteribus Christus præposuit, ut ostenderet dignitatem novi super vetus; maluit enim, inquit, meritorem ordinem servare quàm temporum.* Ad eundem modum Gregorius Magnus in 1 Reg. Nova & vetera, i. e. nova in veteribus, mysteria in figuris: *solus enim nova sufficienter predicat, qui eorum rationem ex veteribus cognoscit, & ad Novi Testamenti confirmationem Scripturæ veteres adducit.* Mitto reliquos, Hilarium, Hieronymum, Theophylactum, Euthymium, Drithmarum, Bedam, nè fastidio vobis sim. Communis est illorum omnium interpretatio, atque opinor Patrum reliquorum neminem refragari. De interpretationis autoribus satis.

Videamus secundo in loco qui sunt isti Contrasentientes: nam & hoc quoque operæ pretium erit, ut postquam personas personis, & rationes rationibus apposuerim, orbitam optimam eligamus quæ ducit ad veritatem. Hic Maldonatum Jesuitam inflato animo & verbis tumidis assurgentem in nostros audio, & dicentem, *Novi hæreticorum interpretes immeritò Patres hac in re reprehendunt.* Sunt ipsissima verba. Acerbè satis, si modò verum dixisset: at Ego mox ostendam tantum inesse verbo huic falsitatis, quantum bilis & amaritudinis. Voce indefinità videtur omnes nostros perstringere; sed quare non memorat nomina? opinor, nè falsarium se proderet & calumniatorem. Verum quidem illud est, & nostris nonnullos aliam loci explicationem asserre, neque hanc quam tractamus per omnia probare: sed tamen omnes non faciunt, non Philippus Melancthon, aut Theodorus Beza, non Martinus Chemnitius, quem juxta cum Chrysostomo habemus sentientem. Imò verò & illi qui faciunt, non oburgatione aliquâ utuntur, neque voce Patres neque syllabâ aliquâ reprehendunt. Ipsi pro se loquantur. Quàm placidè Calvinus: *Quod multi ex veteribus per nova & vetera Legem & Evangelium intelligant, nimis videtur coactum.* Nullus hic animi motus, nulla jurgia: *nimis coactum dicit, & non simpliciter coactum est, sed coactum videtur.* Nec minùs sedatè Bucerus, Musculus, Aretius. Ille, quod

quidam per vetera & nova Legem & Evangelium intelligunt, Firmum non est: Hic, Quidam intelligendum esse volunt Vetus & Novum Testamentum, sed locum ipse declarat non huc pertinere: Tertius, Alii de Novo & Veteri Testamento interpretantur, alii de Lege & Evangelio: nec mala quidem sunt ista sententia, sed ad scopum Christi non satis respiciunt. Quis unquam audivit aliquid mitius aut placidius? Patres non sequuntur, sed nominibus ipsorum parcant, & verbis niveis se exprimunt; Non huc pertinet, Firmum non est, Non satis ad scopum Christi, Non mala sententia. Hoccine est hæreticum agere? hoccine Patres immeritò reprehendere? ut Jesuita audeat viros adeò mansuetos & innocentes novâ suâ facundiâ perstringere. De suis quid dicturus est? nam sunt etiam è suis aliqui qui interpretationem Patrum non culpant solum, sed refellunt. Ad sunt in procinctu quatuor è Pontificiis, qui crimen, si quod sit, purgare possunt, cujus arguuntur Orthodoxi. Hilarion Monachus, Januensis, Paulus de Palatio & Cornelius Jansenius interpretationem non admittunt: & magnus ille Episcopus Abulensis, quod majus est, & Patrum nomina apponit, & expositionem eorum diluit atque convellit. Quid igitur? num propterea isti sunt hæretici dicendi? aut à persona fortassis excusatio ducenda est? ut Tostato rejicere liceat, Calvino non item? ut Bucerus immeritò reprehendere videatur, Jansenius meritissimè? Hem candorem Jesuiticum! Sed relinquamus Maldonatum suis calumniarum meritis, & seposito omni personarum præjudicio, videamus an recentiorum interpretatio quam illi statuunt, sit in aliquo huic sanctorum Patrum præferenda, quam cum illis Maldonatus ipse non sequitur.

Per Vetera & Nova simplex dicendi genus & parabolicum intelligi volunt, ut sensus sit, Varietatis Theologicæ laudem Christum hîc proposuisse, & nil aliud commendasse, ut Abulensis loquitur, nisi eruditionis copiam, quâ possit Minister Evangelicus varia docere, & doctrinam veritatis vario modo proponere, vel àntiâ vel ἀποδοικῶς. An Salvatoris menti & rectæ rationi hæc magis sit congrua, ipsi viderint. Nam primò, non agitur tantum de modo docendi, sed res docendas Christus proponit, ostendens, quod vetera & nova testimonia, vetera & nova argumenta, vetera & nova theorematum è sacris fontibus Pastores traherent: ut tantum ad veterem & novum stylum Christum respiceret, adduci non possum ut putem. Deinde verò, si ad stylum respexit, illud alterum non quadrat; nam simplex dicendi genus Apostolis, & parabolicum Prophetis est usitatissimum. Imò verò simplices & aperti sermones frequentius in novo, parabolæ & similitudines usitatius in veteri reperiuntur. Postremò, non alios arbitros quaro quam semetipsos: nam si sensum hunc esse fateantur, Oportere Doctorem Evangelicum omni doctrinæ genere paratum fore & instructum, unde, quæso, melius hoc faciet quàm ex Veteri & Novo Testamento? Sed reprimo me, quia multis verbis ultro citroque habitis consumpta est hora. Ergò hæc sufficiat dixisse de contrâ sentientibus.

Ad Rationes quæ datatim utrinque vibrantur nunc accedo. Argumenta quibus Theologi nostri utuntur in contrariam partem duo sunt.

Primum, Quòd Scriba Evangelicus non dicitur hîc paterfamiliâs, sed similis illi; atque promere vetera & nova ad ipsam patremfamiliâs pertinet, non ad Scribam. Quid exinde concluditur? de Veteri & Novo Testamento sermonem non instituit: imò verò contrarium: Quia paterfamiliâs, Christus, celestis autor est & architectus utriusq; paginæ, sequitur necessariò, quòd si se similem

similem patrifamiliâs pastor orthodoxus præbere velit, ut in hoc magistrum sequatur, & salutare aquas hauriat è fontibus Salvatoris; h. e. ex oraculis utriusque Testamenti.

Alterum eorum Argumentum est, Quòd in his parabolis expromendis, Christus nihil attulit è Veteri Testamento, sed omnia è pectoris sui penetralibus. Sed neque hoc quadrat: & miror homini docto atque cauto, Wolfgango Musculo, verbum hoc excidisse: nam primò, omnium istarum parabolarum habemus non obscura vestigia in Veteri Testamento. De Semine simile aliquid Hof. 10. 12. *Seminate vobis ad iustitiam*: de Fermento, Amos 4. 5. *Sacrificate de fermento laudem*: de Thesauro & Margarita, Prov. 3. 13, 14. *Melior negotiatio ejus negotiatione argenti, & auro effosso proventus ejus; pretiosior est carbunculis*, & quæ sequuntur: de Sagena, Ezech. 12. 13. & 17. 20. *Expandam rete meam contra ipsum, & capietur in sagena mea*. Videtis, similitudinum istarum origines & fundamenta in Veteri Testamento reperiuntur: & quid inter se distant, ibi Semen iustitiæ, hic Semen Verbi: ibi Fermentum laudis, hic prædicationis: ibi Thesaurus sapientiæ, hic doctrinæ: ibi Sagena vindictæ, hic Scripturæ: & ille tamen, *Nihil*, inquit, *attulit è Veteri Testamento*. Si hoc non sufficit, at illud est invictum, quòd in his ipsis parabolis tradendis tria aperta testimonia Christus proferat ex Scriptis Prophetarum: primum ver. 14. ex Isai. 6. 9. *Adimpletur prophetia Isaia, Auditum auditus & non intelligetis*; alterum ver. 35. *Completur quod dictum est per Prophetas, Aperiam os meum in parabolis*, ex Psal. 74. tertium ver. 43. ex Dan. 12. *Tunc iusti fulgebunt sicut Sol in regno patris sui*: & ille tamen, *Nihil*, inquit, *attulit è Veteri Testamento*. Videtis quòd duo ista Argumenta quæ in contrarium vergunt irrita sunt & nullius ponderis.

Itis duobus duo alia Abulensis attexit. Primum, quia Christus de se & Apostolis loquebatur, at illi non proferebant testimonia de Novo Testamento, nec proferre poterant, quia nondum erat institutum quum hæc loquebatur. Secundum, quia hoc posito, Abraham & Moses & Prophetæ non possunt *Scribe docti* appellari, quia non potuerunt in scriptis suis locum aliquem urgere de Novo Testamento. Sed neque hæc argumenta causam magis debilitant quàm priora. Primò, Quia non urgetur ad Scripturas Veteris & Novi Testamenti Christum respexisse, sed ad mysteria quæ in utroque continentur, quæ & Christus & Apostoli quotidie proferebant: *vetera* proferebant, testimonia ipsius adducendo; *nova*, ipsum novum dñi prædicabant & scribebant dictando & instituendo. Secundò, Quia non est eadem sapientia omnium temporum. Moses & Prophetæ plenam habuerunt cognitionem omnium eorum quæ docenda & cognoscenda erant ad salutem tempore suo, & pro Scribe doctissimis habendi sunt, quamvis Novi mysteria suis scriptis non attigissent: sed attigerunt tamen. Ipse Abrahamus etiam *Novi Testamenti*, *et si verba non nuntiavit, at facta novit*, inquit Gregorius: imò verba nuntiavit posteris suis, *Ero Deus tuus & seminis tui*, quæ verba Evangelii summam in se continere Apostolus Paulus asserit, Gal. 3. 16. Similiter & Prophetæ cum *veteribus nova* miscebant, cum Christum prænuñciarunt. *Scrutamini Scripturas; quia ista sunt quæ testantur de me*, Joh. 5. 39. & Joh. 5. 46. *De me Moses scripsit*. Quæro, an Moses solus? imò S. David & reliqui, quos nescio Prophetas dicam magis an Evangelistas. Postremò, Christus hic non solum de seipso & Apostolis loquitur, sed de Pastoribus ad finem sæculi, quibus necessaria sapientia utriusque Testamenti est; & unusquisque quò in his peritior, eò doctior. Non solum loquitur de his qui tum fuerant,

sed de iis qui postea esse poterant, docens & quid facturi essent, & quid facere deberent Ministri Dei post Novum Testamentum editum: ergo & ad Apostolos pertinebat, & ad Pastores omnes secuturos, De Apostolis dubitatio nulla est, illi jungebant *vetera & nova*, cum Novum Testamentum tradendo, Vetus in testimonium vocatur; h. e. addendo scriptis Prophetis sua Apostolica: de Pastoribus sequentibus dubitatio minor, nos *vetera & nova* jungimus, cum ex utroque Dogmata fidei probamus, & scriptis Apostolicis interteximus Prophetica.

Hoc modo Rupertus locum verbis explicatioribus reddit, *Docuit*, inquit, *omnia veteris & novi sacramenta proferenda in tempore suo: procecerunt de thesauro doctrinarum suarum nova & vetera; quia quicquid in Evangelio pradicarunt, Legis & Prophetarum vocibus comprobarunt.* Hieron. De Christo fit quis dubitat, haud se Theologum præstabit, vix Christianum: ipse nova & vetera jungebat, dum Evangelium docens, ad Legem & Prophetas recurrit: cum de lege prima iustitiæ disseruit, *Quaecunque vultis ut vobis faciant homines, & vos facite illis*, Matt. 7. vetera novis conjunxit, cum interroganti respondit, *Si vultis ad vitam ingredi, serva mandata*, Matth. 19. 17. cum diviti responsum annunciat, *Habent Moses & Prophetas*, vetera novis conjunxit. Cum Judæis præcepit ut scrutarentur Scripturas, Jo. 5:39. cum discipulis dixit, *Non veni Legem solvere, sed implere*, Matt. 5. 17. cum in transfiguratione cum Mose & Elia collocutus est, vetera novis conjunxit, Matth. 17. 3. Quid enim aliud indicant colloquia Mosis, Eliæ, Christi, quam Legis, Prophetarum, Evangeliorum in Christo concordia? Denique, cum concione primâ in monte habitâ, ex eodem suggestu Evangelium tradidit discipulis, quo prius Legem Mosi, ut Tertullianus observavit, cum, inquam, novum illum commentarium Legis veteris addidit, & de homicidio, adulterio, juramentis, tam copiose disputavit, nonne *vetera novis* conjunxit. Hæc omnia quando Christus fecit, *nova* cum *veteribus*, extrema cum primis confociavit: & *nova* protulit de suo, & *vetera* de *veteribus* libris, ut Drithmarus optinè in locum. Atque hinc est quod S. Chrysostomus observavit, *omnes beatitudines Novi Testamenti concione istâ à Christo traditis, in veteri Testamento reperiri. Sacrificium Deo spiritus contribulatus*, dicit S. David, Psal. 51. *Beati pauperes spiritu*, Christus: *Cord mundum crea in me*, David; *Beati mundi corde*, Christus; & itâ de cæteris: ut *vel hoc uno*, inquit, *se doctum scribam* significaret.

Sufficere ista possunt ad rem præ manibus declarandam, & plura replicare supervacaneum puto. Sed concedite tamen ut duos Scripturæ locos adjiciam ex abundantia. Et quia de *veteribus & novis* sermo instituitur, primus ex Novo, proximus ex Veteri Testamento ducendus erit.

Ex Novo Testamento locus insignis habetur, Eph. 2. 20. ubi Apostolus cum significare vellet fideles inniti utroque Testamento, superstructos eos dixit ἐπὶ τῇ πρὸς θεμελίῳ τῷ ἀποστόλων καὶ προφητῶν, *super fundamentum Apostolorum & Prophetarum*; h. e. super veteres Scripturas & novas. Solus Primasius inter omnes interpretes adversatur, ipse per Prophetas Evangelicos intelligit, itâ ut non possit ad duo Testamentum referri: reliqui contrâ super Apostolos & Prophetas, id est, super Novum & Vetus Testamentum, Ambros. item Chrysostomus, *πρῶτον τίθει τοὺς ἀποστόλους, ἰσχυρὸς ὄντας τοῖς χερόν, primum ponit Apostolos, qui tempore sunt ultimi*. Sic Theophylactus & Theodoretus. Audiamus Theodoretum, *Prophetas hic vocat, non Prophetas Novi Testamenti, sed Veteris: praposuit autem Apostolos, quoniam predicationem per illos accepimus.*

Certif.

Certissimum igitur est, per Apostolos & Prophetas, Novum Verusque Testamentum intelligi.

Ex Veteri Testamento locus alter non minùs ad præsens negotium aptatum videtur. Cant. 7. 13. *Nova cum veteribus, patruelis mi, servavi tibi*: est vox Ecclesiæ ad Dilectum suum, honorem & gloriam gratiæ utriusque Testamenti Sponso suo deferentis. Unanimes consensu Patres antiqui de doctrina Prophetarum & Apostolorum dictum volunt. *Quia illi Christum venturum prædicarunt, hi natum & passum*, inquit Iustus Origelitanus. Similiter Philo, *Ad Legalia*, inquit, & Evangelica præcepta pertinet; quia quod præcipitur in veteri, mandatur in novo; & quod jubetur in novo, idipsum præcipitur in veteri. Neque aliter Ambrosius, Ser. 22. in Psal. 118. Meritò, inquit, Ecclesia dealbata cernitur, quia utriusque fulget gratia Testamenti: & sola hoc dicere Ecclesia potest: non dicit alia congregatio, non dicit Synagoga, nec secundum litteram nova tenens, nec secundum spiritum vetera; non dicit hæresis Manichæa, Vetera servavi tibi, quæ Prophetas non suscipit. Hæc ille. Hieronymus verò in Procem. c. 1. Isaïæ, & Theodoretus, non modò sic interpretantur, sed huic loco exæquant, illum per hunc, hunc per illum explicant. Neque discrimen aliquod, nisi quòd illa vox Sponsæ ad Dilectum, hæc vox Sponsi ad discipulos. Quin & reliqui qui interpretationem hanc non sequuntur, non dissimilem cudunt: promittit se dilecto suo dare Ecclesia vetera & nova; id est, ut illi loquuntur, *bona utriusque populi, Judæorum & Gentilium*. Liceat igitur mihi percontari, quæ sunt *bona utriusque populi*, nisi Lex & Evangelium & quod maximum bonum Judæorum: doctrina Veteris Testamenti, quod maximum bonum Gentium: doctrina Novi. Ergò, vel ipsis fatentibus, per *nova*, Apostolica, per *vetera*, Prophetica dicta & scripta intelligenda sunt. Similiter & in hoc loco Christi agnoscunt Interpretes recentiores Loci scopum esse, ut scribæ Evangelici pectus sit tanquam thesaurus uberi penu redundans, in omni pietatis negotio, ut de illo penu omnia cibaria depromat ad gregis sui alimentum. At verò hoc dicendo quid aliud dicunt, quàm instructum eum esse debere cognitione plenâ utriusque Testamenti? quia non est promptuarium melius quàm Scriptura Sacra. Ergò generalis locutio speciali non detrahit, sed supponit & includit: ut juxta latitudinem significationis, omnia cujuscunque generis adjumenta; at juxta proprietatem, Vetera & Novum Testamentum intelligamus.

Hæc Ego copiosius disputavi de verborum istorum proprio & genuino sensu, nè vidèret superædificare super debile fundamentum, ut alludit Apostolus. Et nunc circumspèctis rebus omnibus quæ aut pro, aut contra interpretationem sanctorum Patrum dici solent aut possunt, rationibusque subductis, summam feci cogitationum mearum, genuinam, & veram, & propriam explicationem hujus loci ab illis tradi: conspirante huc & Ratione rectâ, & Scripturæ calculo, & veteris Ecclesiæ suffragio. Atque si primam Quæstionem absolvi; Utrùm hæc de doctrina Novi & Veteris Testamenti sit interpretatio loci propria, & Salvatoris menti consona. Liceat tantùm Coronidis loco illud S. Augustini attexere, l. 4. de Trin. c. 6. *Has Ego causas & ex Ecclesia autoritate à majoribus traditas, & ex Divinarum testimonio Scripturarum, & ex ratione numerorum similitudinumque collegi. Contra Rationem nemo sobrius, contra Scripturas nemo Christianus, contra Ecclesiam nemo pacificus senserit.*

LECTIO XI.

Artem longam esse, & vitam brevem, Hippocrates dixit de Arte Medica. At erat tamen vox tanto viro digna, Medico : nam vera Medici & honor & scopus in eo ponitur, ut cursus & præscriptiones Artis breves & circumcisas faciat ; languescientium autem Vitam, quantum in se est, longissimam : & post hæc Princeps Medicorum, artem, etiam cum in compendia contrahit, conqueritur longam ; vitam, ad suæ ipsius artis opprobrium, brevem. Ex adverso se res habet in Theologia : ad decem verborum, ad duorum verborum brevitatem Artis supremæ regulæ reducuntur ; & dirigunt tamen ad vitam non longam, sed æternam. In mentem mihi revocat celebre illud S. Bartholomæi dictum (si modò dictum ipse erat) à Dionysio Areopagita, in libro De mystica Theologia, nobis commendatum. *Ὁ Θεός, inquit, Βαρθολομαῖος φησι, ὅτι πολλὴν τὴν Θεολογίαν ὅτι ἐλαχίστην, ὅτι τὸ Ἐυαγγέλιον πλεῖστον, ὅτι αὐτὸς συντελεσμένον, S. Bartholomæus dixit, Magnam esse Theologiam & parvam, breve Evangelium & longum. Nè de sensu sancti viri sumus solliciti, Bernardus dimidiatum reddit, ser. 1. in vigil. Nat. *Est breve verbum Evangelium, sed celesti suavitate refertum.* Augustinus perfectè & plenè, De Symbol. Apostol. ser. 1. in vigil. *Breve est verbum, sed magnum Sacramentum :* h. e. quod ad sententias, angustî ambitûs ; quod ad virtutem, potentiam & durationem, immensî. Præsenti negotio quàm aptissimè congruat & illud S. Bernardi, & S. Augustini alterum, & inprimis illud S. Dionysii, nemo est qui primò intuitu non videt. *Nova & vetera* sunt duo tantum numero vocabula ; & numerorum minimus est binarius. Sed quod Salvator de amore Dei & proximi, Matt. 22. *ab istis duobus tota Lex & Prophetæ pendunt ;* & quod de Elæo & Jacobo Deus ipse, Gen. 25. 23. non duos filios, sed duas gentes in utero Rebeccæ dimicasse : Idem de magno-parvo verborum istorum circuitu, non duas notiones, sed magis duas nationes mysteriorum ea in se continere ; nam in duobus istis non solum Lex & Prophetæ, sed & ipsum insuper Evangelium comprehenditur : in quinque syllabarum guttulis, impenetrabilis altitudo Novi Veterisque Testamenti.*

Hæc summa est illorum quæ Prælectione pridianâ fustis explicavi ; atque recentioris memoriæ sunt quàm ut repetitionis molestiâ vos torqueam. Sufficiat in præsentiarum monuisse, propriam & nativam, atque cum loci scopo & Salvatoris sensibus conjunctissimam, esse eam interpretationem quam ab antiquis Patribus unanimi calamo transmissam accepimus ; per *nova & vetera*, non modò cujuscunque generis adjumenta, sed inprimis Novi Veterisque Testamenti mysteria esse intelligenda.

Nunc ampliùs pergendum est, ut iter reliquum conficiam, ad alteram quasiunculam quæ à prima originem trahit : Quænam illa sint quæ Christus exinde nos doceat, quæque ex verbis sic intellectis necessariâ consecutione eliciantur, quum scribæ erudito Veteris Novique Testamenti terminos statuit, & intra hos cancellos omnem salvificam doctrinam circumseribit. Illa autem ad duo hæc capita reducuntur.

Unum est *ἡ ἀληθεία & ἀνταρκτίας*, De Perfectione & Sufficiencia utriusque, si in se simpliciter ; Alterum *ἡ εὐνοία & συμφωνίας*, De Concordia

dia & mutuo consensu utriusque, si ad se comparatè sumantur. Sigillatim sunt ista inspicienda: & revera digna sunt in quæ pars aliqua laboris nostri impendatur. Atque ipsa causa postulat ut pro concessis habeantur, quia si alterutrum tollatur, Christi regula cadit: nisi duorum Testamentorum Sufficiencia ponatur, est præscriptio manca & claudicans; nisi Consensus ponatur, superflua est & parùm sibi constans. Sic istorum alterum sequi necesse est; aut inconsultò ad istos nos arbitros Christum relegasse, si inter se discordent; aut frustrà, si nobis quod ad salutem facis est non subministrant.

Aggrediamur primum, in quo de consummata *novorum* & *veterum* perfectione agendum. Non quòd sit instituti mei per omnes istius controversiæ saltus vagari: sed spicilegia quædam faciam eorum quæ huic negotio maxime congruunt. Ut hoc saltem hinc addiscatis, quo tandem modo ad Scribæ docti laudem in duorum Testamentorum usu quis pertingere possit: si neque ipsorum integritatem mutilet, neque puritatem depraverit, nec terminos augeat, nec honori detrahat, nec magisterium refugiat; sed se, & studia sua, & iudicium suum, & omnia sua Sacræ paginæ imperio in rebus Fidei subjiciat, & aureis ipsius vinculis adstringi, solam libertatem putet. Ut tandem distinctè hæc atque ordinatè agantur, in tria Theoremata totum hoc argumentum compingam.

Sit igitur Theorema primum, Non est Scriba doctus qui partem aliquam, nedum totum, utriusvis Testamenti detruncat; quia hujusmodi non profert *nova* & *vetera* integra. Contra Judæos & Hæreticos hæc Thesis militat: quorum illi Veteri Testamento adhærent, rejecto Novo; hi Novum retinebant, & rejiciebant Vetus. Neque illa minima aut ultima erat inter Hæreticorum præstigias, latebras sibi querere lucernarum extinctu. Beatus ille martyr Ignatius, in illa ad Trallianos epistola, etiam suo tempore fuisse nonnullos dicit, οἱ τὸ Χριστὸν ἀλλολεῖναι τὸ Παλαιο, τὸ δὲ νέον τὸ Χριστῷ, qui Christum à Patre dividebant, & Legem à Christo: nomina non memorat, quia monstra opinionum nuper edita nondum pennarum remigia ad volandum conquissiverant. Sed postea Athanasii tempore in sublime sese extulerunt: & ille quidem nomina apponit, Orat. 5. cont. Arianos, διαπεῖν τὰς ἑσθίας, Μανιχαίων τὴν Ἰουδαίων ἑστὴν ἐκλήθευε, dividere Testamenta, & alterum ab altero sejungere, Manichaorum & Judaica factionis est. Quod ad Novum atinet, totum Novum Judæi reprobant; Hæretici alii magnam partem. Acta Apostolorum, Tatianus & Severus, teste Eusebio, lib. 4. hist. c. 29. Epistolam ad Hebræos, Tatianus & Arius; Evangelium Matthæi, Marci, Joannis, Marcion, teste Theodoretò. Ex Evangelii, inquit Theodoretus, Compend. hæret. fabularum l. 1. solum illud quod est secundum Lucam suscipit, genealogiâ etiam magnâ ex parte amputatâ. Sic Ebion & Cerinthus Evangelium Marci; Evangelium Joannis Hæretici qui Alogi dicti, sive Alogiani, apud Epiphanium & Augustinum, id est, sine verbo, quia Verbum a Joanne prædicatum non recipiant, ut Hieronymus in Gal. 5. testatur, & Damascenus lib. De Hæresibus.

Quod ad Vetus spectat; contra totum Vetus latrabant Valentiniiani, Cerdo, Marcion, Severiani, Gnostici, Valefi & Archontici. (Erant illi hæretici qui ad multos principes Universitatem referebant.) Denique, ipsi Manichæi, qui à malo Deo, sive principio, Vetus Testamentum, à bono Novum prodiisse afferebant; quasi non sufficeret ad blasphemiarum suarum cumulum veritatem corporis Christi abnegasse, nisi corpus veritatis dilaniarent. Sed istæ nunc hæreses sepultæ sunt, &, opinor, non terræ redditæ

ditæ, sed Orco; nisi inter Anabaptistas reliquæ ipsarum superfine: quorum aliquos librum Jobi, necnon & Ecclesiasticis & Canticorum è Canone rejicere Sixtus Senensis autor est. Mitto igitur hanc partem, si unum aut alterum locum è sanctorum Patrum scriptis contra acerrimos Divinæ veritatis hostes addidero.

Contra Judæos, illud Ambrosii, Ser. 12. in Psal. 118. *Est quidem veritas in Veteri Testamento, sed amiserunt eam quæ est in Veteri, quia non receperunt eam quæ est in Novo: recessit ab eâ veritas, & ad Ecclesiam venit.*

Contra Manichæos, illud Damasceni, Dial. De hæresi Manich. *ἡ ἀλήθεια ἡ ἐν Ἰουδαίᾳ & ἡ ἐν Ἰουδαίῳ, ὁ δὲ βασιλεὺς, ὡς ἡ ἀλήθεια τοῖς Μανιχαίοις, melius est Judæizare & in Judaismo mori, quam cum Manichæis societatem coire.*

Contra utrosque, illud Hieronymi in Eccles. c. 11. *DA: PARTEM SEPTEM ET QUIDEM OCTO.* Septem, inquit, & octo gradus erant ad ascensum Templi; nam septenario expleto, per octadæm ad Evangelium scandimus: præcipitur igitur, ut in utrumque Instrumentum, tam vetus quam novum, pari veneratione credamus. Judæi dederunt partes septem, credentes sabbatum: sed non dederunt octo, resurrectionem diei Dominica denegantes. E contrario, Marcion & Manichæus dant partem octo, suscipientes Evangelium; sed eandem septenario non tribunt, Legem veterem respuentes. Periculosum est, Fratres, in extremis versari. Judæi ad sinistram vergunt, Manichæi ad dextram; uterque maximopere declinat à semita veritatis: neque enim minùs cum medio extrema pugnant, quàm inter se Judæi contra Manichæos, Manichæi contra Judæos, & ambo contra Christum; in sententiis hostes, fratres in deliriis. Veritati oculum sinistrum Judæi, dextrum Manichæi erueri enixi sunt; Judæi quæ à fronte sunt negligunt, quæ à tergo Manichæi; tantum illi à Prometheo distant, quantum ab Epimetheo isti; diversa intemperies, sed insania eadem. Nimis illi de futuro felicitati, promissiones sic adimplendas expectant; ut adimpletas contemnunt: nimis de præterito & isti oscitantur, sic adimpletas apprehendunt; ut obliviscantur fuisse aliquando adimplendas. Dicite quid pejus est, ubi ambo pessima: de duobus malis minus eligere multi possunt, de duobus pessimis nemo. Quid enim interest sive quis Jesum à Christo, an Christum à Jesu divellat? Ergò imperiti scribæ Manichæi, quia à Scripturarum nesciunt; Judæi, quia à ignorant: illi, quòd vetera nolunt retinere; isti, quòd ad credendum novis nolunt animos inclinare; ambo, quòd quæ Deus sanctissimè conjunxit, ipsi nefariè separant. Non nos sic didicimus Christum, si per eum edocti sumus sicut veritas est in Jesu. At veritas non est omnino in Jesu nisi sit omnimodo in Jesu, h. e. nisi fluat ab utroque rivulo, nisi distillet ab utroque labio. Quæ autem sunt labia Christi, Hieronymus nos docet; *Labia ejus duo Testamenta*, Hier. in Pro. 8. Qui rivuli, nisi libri utriusque Paginæ, hinc inde ex utraque parte divinitus perscriptæ, idque digito Dei? & quæ literæ, nisi guttæ veritatis vivæ, quæ de coelo veniunt, salientes in vitam æternam? Quòd si quis ad scribæ docti cupit proceritatem grandævæ, utroque imbre irrigetur necesse est, *pluviam matutinam Veteris, & pluviam vespertinam Novi Testamenti*, ut Hieron. loquitur. Bibit primum Vetus Testamentum, ut bibat novum; nisi primum biberit, secundum bibere non poterit: bibit primum ut sitim mitiget, bibit secundum ut satietatem hauriat, Manichæi non sic, quia puteum primum obstruunt, matutinam pluviam non rigati: Judæi non sic, quia puteum secundum exsiccare conantur, imbre non perfusi serotino. Relinquamus suis somniis utroque, quia præ soribus utriusque judicium excubar. Veteri Testamento

Deus

in Eccles. 11.
Ambrosii in Psal. 118.

Deus consuluit his verbis, Deut. 4. 2. *Non detrahes aliquid de verbo hoc quod ego precipio.* Novo, non verbis solis, sed minis, Apoc. 22. 19. *Si quis abstulerit aliquid ex verbis libri Prophetie hujus, auferet Deus partem ejus de libro vite.* Mittamus igitur, quia hujus comminationis hamo inuncantur; adeoque altero hamo hujus primi Theorematis. Non sunt *scribe docti* qui Scripturas lacerant; non *scribe docti* qui Oracula Dei proscribunt, & Spiritus Sancti calanum spongiæ subjiiciunt. Hoc primum erat, Non est *scribe doctus* qui vel totum, vel partem aliquam utriusvis Testamenti detruncat.

Sequitur Theorema secundum, & sic se habet; Non est *doctus scribe* qui vel sua vel aliena utriusvis Testamenti scriptis immiscet; quia hujusmodi non profert *nova* & *vetera* incorrupta. Contra Hæreticos veteres simul & Pontificios hæc Thesis pugnat.

Quod ad Hæreticos attinet, interpolatores non paucos Ecclesia antiquitus novit, qui Scripturis Sacris perniciofa quædam opuscula & *ψευδευγεγρα* attexere non sunt veriti. *Scripta*, ut inquit Augustinus, à *nescio quibus satoribus fabularum, & sub Prophetarum & Apostolorum nomine venditata.* Sub Prophetarum nomine commentitia nonnulla Athanasius numerat, Adami revelationem, Prophetiam Henoch Patriarchæ, Testamentum Moysi, Orationem Josephi, Danielis somnialia, Sophoniæ assumptionem, Apocalypsin Eliæ & Abrahami, & alia non pauca, quæ umbram præ se ferebant magni nominis, sed nè *gru* quidem veritatis. Sub Apostolorum nomine adulterina plurima fuisse notant Origenes in Luc. 1. Epiphanius, Ambrosius in Proœmio Lucæ, & Theoret. l. 2. Hæret. fabularum. Theodoretus plus quàm ducentos ejusmodi libros invenisse se asserit; nominatim ista, Evangelium Philippi, quo utebantur Gnostici, Evangelium Judæ Iscariotis, quo Caiani, Evangelium secundum Hebræos, quo Encraticæ, Evangelium secundum Jacobum, quo Nazaræi, Evangelium Ægyptium, quo Valentiniani, Clem. 1. Stromat. & Sabelliani, Epiphanius hæret. 62. Evangelium Thomæ, quo Manichæi utebantur, de quo Cyrillus Hierosol. catech. *μὴδὲς ἀναγινώσκοντες, Nemo legat, inquit, quia non est unus de duodecim Apostolorum, sed unus de tribus discipulis pessimis Manetis.* Istis conjungere possumus Sancti Andreæ Acta, quæ Lucius Manichæus jactitabat, teste Augustino; Mariæ transitum; Mariæ interrogationes magnas & parvas, in quibus Gnostici & Stratotici gloriabantur; Matthæi librum De ortu Mariæ & de infantia Salvatoris, qui Valentinianorum & Gnosticorum commenta sunt. Ut nihil interea dicam de Epistola Pauli ad Laodicenses, & ad Senecam philosophum; nihil de Christi literis ad Abgarum Edeffensorum Regem; nihil de Epistola Barnabæ, de qua Eusebius l. 3. c. 25. ait de Hermæ scriptis: quæ omnia, ut spuria & supposititia, è canone Ecclesiæ pietas explosit, & meritò exhibilavit. Inter hanc & priorem sectam discrimen non magnum, quia crimen æquale: illi fontes obstruere, hi ausi sunt suis fabulis depravare; isti nullos, hi adulterinos fecerunt, quantum in se erat, brachia impiè extendentes quæ priores amputassent. Quod distare inter duo prima Decalogi mandata Theologi observarunt; in primo cavetur nè cultum verum diis falsis tribuamus; in secundo, nè cultum falsum & fictitium Deo vero: idem inter hoc genus hæreticos; illi Deo adiungunt sua, hi obtrudunt non sua; illi canonem imperfectum & mutilum fecerunt, hi imperfectum putantes expolire voluerunt; quanquam hoc non est expolire, sed corrumpere. Istos Scripturarum Fures dicere possumus, qui de folio suo Spiritum Sanctum deturbare; hos Falsarios, qui in folium

Cont. Faustum
l. 22. c. 79.

lium non suum eundem sanctissimum Spiritum introducere sategerunt. At verò Scripturæ puritas non admittit extraneum. Æqualis est à fide defectio, *ἡ ἀδελφὴ πρὸς γαλαταῖων, ἡ ἐκδοχὴ τοῦ μὴ γαλαταῖων*, vel aliquid eorum quæ scripta sunt infirmare, vel quæ non scripta sunt inferre, Bas. hom. De fide. Autoritati Scripturæ non minus additamenta detrahunt, quàm probra & calumniæ: nec minus à scopo distat, qui ultra, quàm qui citra metam sagittam dirigit. Hoc igitur nobis sufficiat quod S. Ambrosius in Luc. 17. in nostram gratiam observavit; *Dives philosophia plures deos fecit, pauper Ecclesia unum Deum novit*. Dives Hæresis Evangelia multa composuit, pauper Fides hoc solum Evangelium tenuit quod accepit. Cujus jam conditio potior sit ipsi judicent: an Orthodoxorum, qui in uno Evangelio salutis margaritam invenerunt; an Hæreticorum, qui erroris spiritum imbiberunt è multis; cum una tantummodo sit veritas, sicut unus Deus. Ab unius Dei cultu magna fiducia acquiritur, à multorum, nulla: similiter ab unius veri Evangelii plus fidei quàm à mille supposititiis. Non ille dives dicendus qui spinis onustus multorum errorum, sed qui thesaurum possidet unius veritatis.

Hæreticos veteres prætereo, & ad Pontificios redeo; nam & illi ad hanc classem referendi sunt, qui & Traditiones suas Scripturis Sacris, & libros Apocryphos Canonicis & incubitis exæquant. Tridentini statuunt, ut pari pietatis affectu & reverentiâ cum libris Canonicis suscipiantur Apocryphi, & Traditiones, sub pœna Anathematis. Egregium verò Decretum! Est aliquid quòd sunt in honore consortes; at Costerus hanc paritatem non largitur; *Traditionis præstantia multis partibus superat Scripturas quas nobis Apostoli in membranis reliquerunt*. De Traditionibus nihil dicam; de Apocryphis nonnulla: neque tamen o, us est rem argumentis persequi. Ad examen tantum vocabo hujus Scripturæ quæ præ manibus est: hoc sufficit, quòd Apocryphi libri non pertinent ad hæc *Nova & Vetera* quæ Christus ut terminos statuit Divinæ veritatis. Non ad Novum Testamentum; nam hoc ab adventu Christi exordia ducit: non ad Vetus; quia Judæi ut Canonicos non admiserunt. Erat Vetus hoc solummodo scriptum ad Ecclesiæ Hebræicæ usum, quia nulla erat tunc temporis Ecclesia nisi Judæorum: ergò necessarium erat ut linguâ Hebræicâ omnes ipsius libri scriberentur. At verò librorum Apocryphorum plurimi Græcè scripti; duo tantum, Tobias & Judith, Chaldaicè: nè unus Hebræicè aut exstat aut exstitit unquam, nisi liber primus Machabæorum, quem se Hebræicè quidem vidisse, sed non transfuisse, Hieronymus solus testatur. Deinde verò, si hæc ratio vacillet, at illa videtur invicta quæ petitur à distributione Veteris Testamenti quam tradit Salvator, Luc. 24. 44. *Oportet omnia impleri quæ de me scripta sunt in Lege Moysi, & Prophetis, & Psalmis*: ad hæc tria capita Veteris Testamenti libri omnes reducuntur. Hanc distributionem ut perfectam Augustinus probat, quia istis tribus Dominus noster testimonium perhibet, tanquam suis testibus. Indè & inter Pontificios, Sixtus Sen. l. 1. bibliothecæ, inter septem canonicarum distributiones, hanc primo in loco constituit quæ usus est Dominus noster post Resurrectionem: & apud Josephum partitio eadem reperitur. At libri Apocryphi ad nullam istarum partium revocari possunt. Non ad Legem, illa tantum Mosæicos libros in se continet: non ad Psalmos, quia non sunt poeticè compositi: ad Prophetas igitur nè hoc quidem, nam Malachias erat novissimus Prophetarum qui Divina oracula scriptis mandavit. Testes habemus locupletissimos. Inter Judæos Josephum, qui etiam citatur ab Eusebio, l. 3. c. 10. *A Moysi, inquit, ad Artaxerxem tantum sunt viginti duo libri Canonici;*

Canonici, & post Artaxerxem qui compositi sunt Canonici non sunt. Inter sanctos Patres, Eusebium & Theodoretum. Eusebius Demonstr. Evangel. l. 8. à reditu ex captivitate nullum habetur sacrum volumen, *μὴ οὐδὲ Σωτῆρι νέμεσθαι, ad tempora Salvatoris.* Theodoretus præfat. in Malachiam, *Malachias post omnes qui prophetias scripserunt Divina oracula scriptis mandavit.* Inter Pontificios, Genebrardum & Corn. Jansenium. Genebrardum l. 2. Chronologiæ, *Templum secundum destitutum erat Spiritu sive afflatu sancto qui Prophetas olim corripiebat, quia à Malachia ad Joannem nulli Propheta consisterunt: & verum dixit Exclusivè loquendo, quia post Templum reedintegratum revera nullus existit; quamvis Inclusivè loquendo, Haggæus, Zacharias & Malachias, ad ædificationem animosè hortati sunt.* Jansenii locus habetur in c. 48. Ecclesiastici, *Post Joannem in prophetia Malachia promissum nulla exstat prophetia scripta ab aliquo Propheta qui Canonicus habeatur, quousque ille promissus venires à quo incipit Scriptura Novi Testamenti.* Quid clarius, quid ordinatius, quàm ut ubi Vetus Testamentum desivit, Novum inciperet? Postrema verba Veteris Testamenti sunt hæc, *Ecce mittam Eliam prophetam, ut convertat cor patrum ad filios, &c.* & ab istis ipsissimis verbis S. Lucas suum orditur Evangelium, de Joanne, Luc. 1. 17. *Ipsæ præcedet in virtute & spiritu Elia, ut convertas corda patrum ad filios, &c.* Quis putat intervenire aliquid posse inter Scripturas Veteris Novi, Testamenti, istà non tam concordia quàm identitate conglutinas: ut necesse sit, libros Apocryphos interponere esse humano cubito stateram Sanctuarii adaugere. Non jam regerant in more fuisse antiquis, libros Apocryphos publicè legere in Ecclesiis: non imus inficias, nam & hodie etiam leguntur in nostris.

Sed primò, lecta fuisse concedimus, non ut Scripturas Canonicas. Sic tertium Concilium Carthaginense prohibuit quicquam in Ecclesia legi nisi Scripturam, nimirum pro Scriptura.

Secundò, lecta fuisse concedimus, sed ut scripta magis idonea ad informationem morum quàm ad confirmationem dogmatum. Habemus Hieronymum & Rufinum ad stipulantes. Hieron. in præfat. ad Proverbia, *Leguntur, inquit, ad adificationem plebis, non ad auctoritatem Ecclesiasticorum dogmatum.* Rufinum in exposit. Symboli, *Leguntur in Ecclesia, ad fidem confirmandam non proferuntur.* Quòd si adhuc distinguant de proto-canonicis & deuterocanonicis, & illos quidem solos inter Judæos Canonicos revera fuisse, hos autem Ecclesiæ auctoritate Canonicos factos; ad rem non facit: nam in Canone sancto non est prius & posterius dignitate, quia non sunt gradus reatitudinis in reatitudine, neque fieri potest ut quod in se non est Canonicum, Ecclesia faciat, postquam Testamentum Deus ipse suo sigillo utrumque ob-signavit: Testamentum Vetus solenni prohibitione, Deut. 4. 2. *ne addite ad verbum illud quod ego precipio vobis;* Novum autem comminatione acerrimà, Apoc. 22. *Si quis adjecerit ad ista, apponet ei Deus plagas scriptas in libro isto.* Quæro igitur undenam Romanus Pontifex privilegium habeat, ut possit Canonizare, sicut sanctos homines, sic sanctas Scripturas; & in Canonem redigere quod è Canone sacro Deus excluderit: an plagas etiam averruncare potest quas Deus interminatus est? At S. Paulus, ad Gal. 1. non minas nudas, sed *Anathematismum* vibrat contra istos audaculos, ostenditq; non licere hoc Apostolo alicui, non alicui Angelo; *Si nos, aut angelus de celo evangelizaverit præter id quod accepistis, Anathema sit.* De Scripturis cum loqui, luce clarius, & Veteres ita interpretati sunt; Chrysofostomus, & Cyrillus, & Augustinus, l. 3. con. literas Petiliani, c. 6. de Scripturis tum Legalibus, tum Evangelicis: imò & ipse Apostolus, 1 Cor. 4. *ut discatis non sapere supra id quod scriptum est.* Eequod est locorum discrimen? ibi, nil

præter; hic, nil supra: ibi, non præter quod accepistis; hic, nil supra quod scriptum est. Per alias præpositiones Veteres explicationem reddunt. Nil contra, Ambrosius; & aliquando, Non aliter. Nil extra, Theophilus Alexand. in secundo Paschali. Tertullianus aliquando Nil extra, l. de Præscript. c. 29. aliquando, Nil ultra; Nil ultra scire, est omnia scire, c. 14. Hoc prius credimus, non esse quod ultra credere debemus, c. 8. Pariter & Theopoylaetus sic, Non modo si contrarium predicaverit, sed si plusculum quippiam adjeceris: & Chrysost. in Gal. 1. 8, 9. Non si contraria annuntiaverit, aut totum Evangelium subverterit, verum si vel paulum, si minus, si exiguum, vel minutissimum aliquid annuntiaverit. Et ratio est in aperto: ab Hieronymo & Augustino redditur. Habent Scriptura utriusque Testamenti, inquit Augustinus, l. 2. De baptismo, contra Donatistas, c. 3. habent, inquit, Scriptura suos terminos, quos transgredi nefas. Intra istos terminos deuterocanonici non habentur; non intra Legis, Prophetarum, & Apostolorum, quia non sunt *ἀποστόλοι*, non à Spiritu Sancto, sed ab hominibus profecti, quibus errare & decipi sæpissimè contingit: ab hominibus, inquam, piis quidem, sed tamen hominibus; ergo doctrina ipsorum fidei regulam non figit; non enim sunt libri neque quoad auctoritatem *ἀποστόλων*, neque quoad veritatem *ἀποστόλων* non pertinent ad hæc Nova & Vetera, per quæ ipsi Pontificii Novum Vetusque Testamentum intelligunt: soli Canonici sunt Testamentarii, unde eos solos Origenes & Eusebius *ἐκκλησιαστικὰς* vocant, quia illi soli efficiunt *τὸ πᾶν*, i.e. utrumque Testamentum; Orig. apud Euseb. l. 6. c. 19. & Eusebius ipse, l. 3. c. 3. Apocryphos Ecclesiasticos alicui dictos lego, ab antiquis; à Cypriano, in Expos. symboli: Canonicos nusquam. Ergo ut in compendia hæc mittam: Si scribam doctum Christum relegat (vel ipsis interpretantibus) ad Novum Vetusque Testamentum, quia sola hæc duo sapientem hominem reddunt ad salutem & prædicandam & adipiscendam, sola hæc duo hominem Christianum perfectum reddunt, 2 Tim. 3. sola scribam Evangelicum perfectum reddunt; si hæc, inquam, ita sint, pudeat Papicolas tandem istius expositionis, quia constat libros Apocryphos non esse aliquam partem Veteris Testamenti, nec Traditiones Novi. Liceat ergo percontari, An scriba doctus est qui ipsum *ἀντίγραφον*, sive *περὶ τὸν πον*, h. e. exemplar, secundum quod literas, & verba, & puncta quælibet configurare debet, qui ipsum *περὶ τὸν πον* audeat corrigere, emendare, ipsique auctarium adjicere? an doctus scriba, qui magistro suo, & magno magistro Christo, qui audeat se doctore suo, & summo doctore Spiritu Sancto, doctiorem jactitare? Sit quidem per me licet doctus scriba, modestus & pudens non est. Quid verò aliud Pontificii moliantur, dum humana scæque fragmenta Divinis oraculis æquiparant? annon hoc est manu ducentem ducere, & sapientiâ Dei se sapientiores contendere? Quid est, si non hoc est, perversè & impiè uti talento Scripturæ nobis concredito? Istis si servus nequam in Evangelio conferatur, pro bono fidelique servo quidni habeatur? unum ille talentum accepit, & unum reddidit, sed illibatum & integrum: hi ex uno Scripturæ talento quinque lucrantur, sed malis artibus; nam & talenta quæ accedunt ad cumulum sunt plumbea, & illa quæ acceperunt non reddunt nisi adulterata. Quanto nos rectius cohortatur S. Pater Ambrosius, ut liceat mihi ipsius verbis hanc Propositionem secundam ad exitum deducere? Pecunia, inquit, Domini Scriptura Divina est; Denaria & Talenta quæ servis suis Deus distribuit: tu ergo quasi bonus nummularius, eloquia Domini, eloquia casta, argentum igne examinatum reconde; nec adulteram imaginem regis impiâ commutatione suscipias, nec imbutam principis tui figuram hæretica fraude perfidia thesauro tuo miscèas, nec pecunia sono aures tentes fidelium,

lum, ut religiosarum audientiam Scripturarū tinnitus aris excludat. Hæc ille pro puritate Scripturæ facta tecta servanda disputat; prorsus quasi Theorematis nostro calculum suum adicere voluisset, Non illum esse bonū Nummularium, qui Dei vivi imaginem in Scripturis lucentem ementitur; nec fidum Agricolam, qui vitibus tribulos inferit, & tritico zizania superseminat; neq; Architectum prudentem, qui super fundamentum Scripturæ certissimum sanctissimūque, scænum aut stipulam exstruit, & columnis aureis Prophetiæ Apostolicæque doctrinæ trabes attritas & exesas agglutinat; neque Scribam doctum, qui humana Divinis miscet, & placitis suis oracula Sacra corrumpit. Hæc de Theoremate secundo.

Ambros. in
Luc. 19.

Tertium & ultimum sequitur, & sic se habet: Non est pro scriba docto habendus, qui Scripturæ arbitrio se eximit, & ipsius stare iudiciis recusat; sed probris & contumeliis prosequitur, ut honorem ipsius & famam imminuat, atque auctoritatem eludat. Adversus Pontificios solos Thesis hæc ultima distringitur, quibus adlatrare contra sacrum Canonem adeo usitatum est, ut è veteribus Hæreticis assignari vix quispiam potest qui acerbius quid evomerit, quàm quod isti caninā suā eloquentiā baubarunt.

De prima parte Theseos, Quod Scripturæ habenas & arbitrium excutunt, res est magis manifesta quàm ut testibus id planum facerem. Caranzam, Pighium, & in Ratisbonensi Colloquio Theologos Papiisticos pro reliquis loquentes audiamus. In illo Colloquio Scripturam normam infallibilem esse negant, nec solam & unicam; sed generalem & ordinariam, & legitimum iudicem controversiarum fidei Pontificem Romanum afferunt, sive solus definiat aliquid, sive cum Concilio generali; & verus iudex est, & semper infallibilis quando ex cathedra definit. Similiter Caranza, in Controversiis Summæ Conciliorum præfixis, in prima controversia; *Primum principium, certum & infallibile demonstrandi quid in fide indubitate tenendum, est sine aliquo scripto Ecclesiastica Traditio.* In secunda seipsum superat; *Nos dicimus quod prior regula, & notior, & multo latior est Ecclesia quàm Scriptura Canonica, & hæc per illam regulari debet, non contrā.* Nec propè abest à Caranza Pighius, *Ipsissima pietatis & veritatis regula est Ecclesiastica Traditio, & semper efficacior quàm Scriptura.*

Quod ad alteram partem Theseos spectat, de convitiis & dictis, si mimos omnes adeamus & scurras, sanniones, & institutos ad contumelias nebulones quotquot uspiam fuerint, haud scio an quicquam sit petulantius ab iis alicubi dictum. Facebat Leonis X. vox ad Bembum Cardinalem, *Quantum nobis profuit fabula de Christo?* Esto, sit fabula de Papa, quia authorem nescio an aliquem habeat præter Balæum nostrum. Audiamus quid illi effutiant qui temperantiùs egisse videntur. Quid Costerus? *Scriptura non continent omnia Religionis capita explicitè, c. 1. Enchirid. quid Bellarminus? Non continent expresse totam doctrinam, sive de fide, sive de moribus, l. 4. de Verbo Dei, c. 3. Molliora sunt hæc, non expresse, non explicitè. Illud Cani durius est, Multa sunt de fide, quæ nec aperte, nec obscurè continent, l. 3. loc. c. 3. Idem penè verbis Caranza in 2^a controversia *ωελεγερον* in Summâ Conciliorum, *Sunt alia quæ nec expresse, nec obscurè, &c. sed quæ alia?* fortasse paucula quædam. Doceat nos Charronæus, Veritatis tertiæ c. 4. *Scriptura est minima particula veritatis revelata; & Hosius, Confessionis c. 92. Multo maxima pars Evangelii pervenit ad nos Traditione, per exigua literis est mandata. Hein verborum potentia! non deficit in aliquibus Sacra Scriptura, sed in plurimis; non paucula, sed quamplurima sunt dogmata fidei quæ non continentur in Scripturis. At in isto, cedant illa dogmata quæ desunt, Petrus à Soto, Canus, Stapletonus, Bellarminus hæc afferunt; Trium personarum in**

una substantia aequalitatem, ὁμοῖον, Peccatum originale, Patrem ingenuum, & alia nonnulla, usq; ad viginti octo capita; quibus Purgatorium Bellarminus addit, & Canus Conversionem panis & vini in corpus & sanguinē Domini, i.e. Transubstantiationem. Quod ad priora quatuor attinet, quis sanæ mentis negat ea esse in Scripturis, si non αὐτολεξεῖ, at necessariā cōsequentia? Nonne Athanasius, Epiphanius, reliq; Patres, adversus Arianos, Sabellianos, &c. omnia probant ex Scripturis? Ipsas quidem voces ὁμοῖον, peccati originalis, innascibilitatis Patris, Trinitatis personarum in Scripturis αὐτολεξεῖ contineri non dicimus, quod ad ipsas syllabas attinet, neque est necesse: sed res ipsas contineri in Scripturis an ipsi negare audeant? At verò verba non efficiunt Articulus fidei, sed significant. Eodem planè modo Pascensius Arianus Augustinum premebat, ostendique sibi rogabat ὁμοῖον legi in Scripturis totidem syllabis & literis. Ergò dexteras porrigant Pascensio Ariano, nam eandem quæstionem proponunt. Sed audiant quid Augustinus respondeat Pascensio; *Si nomen ipsum non inveniatur in Scripturis, at res tamen ipsa invenitur*, Ep. 174. & verbum ὁμοῖον, inquit, & Innascibilitas Patris, etiamsi ibi non inveniatur, at illa inveniuntur quibus hæc vocabula rectè adhibita indicentur. Quod spectat ad duo reliqua dogmata, Purgatorii & Transubstantiationis, ultrò profitemur hæc non contineri in Scripturis; quia novimus Scripturas nullos tradere articulos fidei falsos. Imò non de istis solis, sed de reliquis controversis dicimus, non Adorationem Imaginum contineri in Scripturis, non Invocationem Sanctorum, non Suffragia vivorum pro mortuis, non Cœlibatum sacerdotum, aliq; commenta eorum non pauca: imò verò contrarium haberi in Scripturis istis supposititiis articulis. Ergò pessimè ab iis dictum, *minimam partem veritatis revelata esse in Scripturis*. Interea gratiæ tibi debentur, Andradi, quòd paulò modestior exististi; *Eorum*, inquit, *qua Christianum hominem credere oportet maxima pars Sacris Literis continetur*. Sic meretrix meretrici dicitur; aliter catuli olent, aliter fues; sed ambo turpitudinis animalia, & hæc volutabrum habent, & isti vomitus. Non continent expresse, Costerus; nec expresse, nec obscure, Caranza; *maximam partem* Andradius agnoscit, Hosius *perexiguam*, Charonæus *minimam*.

Sed & hæc leviuscula sunt, si ad illa respiciamus (& satis nota sunt, atque olim attigisse me memini) si, inquam, ad illa respiciamus quæ alibi ab Eekio, Pighio, Costero, Turriano, Hermannò, sparsim egesta sunt; qui singuli quasi vicibus alternis Scripturam Sanctam materiam litis, materiam heresiū, præceptorem mutum, literam mortuā, plumbeam regulam, nasum cerceum, gladium Delphicum, Evangelium nigrum, Theologiam atramentariam, pennas anserinas, velut *Æsopi fabulas*, vel feruntur, vel evincuntur appellasse. O lutum! O sordes! ut quodq; verbum contumeliosissimum occurrit, illud ejectant. Quæro an solent istas notas Traditionibus inurere: imò verò has fundamentum fidei, *Lydiū lapidē*, i.e. veræ ac falsæ doctrinæ indicem, & *Homeri cū μᾶλον* vocant, quod fidem adversus Hæreticorum incantamenta tueatur; & *Ajaciis clypeum*, omnibus Hæreticis objiciendum; & *Golia gladium*, de quo dicitur, *Non est similis illi*.

Quæro secundo, an in Scripturis de Scripturis Spiritus Sanctus sic loquutus est: imò è transverso omnia, *Lex perfecta*, lucerna pedibus, melle dulcior, *auro purgatissimo desiderabilior*, doctrina perfecta, verax, recta, pura, munda, restituens animam, latificans mentem, illustrans oculos, sapientiam dans parvulis, sapientem reddens ad salutem, hominem Dei perfectum efficiens. Quæro adhuc, an Patres habeant in istis verborum fordibus secum consentientes. Nihil minus. Non Chrysostomus; ille hom. 58. in Joh. ostium vocat quod ducit ad Deum, oves custodit, hæreticis præcludit introitum: ἀπὸ τοῦ οὐρανοῦ ἔρχεται ὁ υἱὸς τοῦ ἀνθρώπου, ὁ υἱὸς τοῦ ἀνθρώπου, ὁ υἱὸς τοῦ ἀνθρώπου.

ἡνὶ ἡμεῖς vocat, *exactissimam trutinam & perpendiculum veritatis*, hom. 13. in 2 Cor. Non S. Basilius; ille καὶ τὸν τοῦ ψυχῶν ἰατροῦ, Bas. in Psal. 1. Non Isid. Pelusiota; ille τὸ θεῖον ἀναβάσιως κλίμακος, l. 1. ep. 369. Non Cyrillus Hierosol., ille *thesaurum magnum, pretiosam margaritam, Christum in se habentem*. Non Ambrosius; ille *pabulum mentis, alimentum caeleste quod animam saginat, impingat viscera*, Ambr. ser. 35. Postremo, non sic reliqui Patres; illi non aliunde dogmata Fidei confirmandi, aut Hæreses refellendas; illi ad hoc asyllum recurrendum esse docuerunt. Non alius doctor expectandus, Chrysostomus, 9. ad Coloss. Ego, inquit Tertullianus, *adoro Scripturam plenitudinem*, adversus Hermogenem c. 22. & quod ille *plenitudinem*, Achanasius ἀντάφρατον vocat; ἀντάφρατος εἶσι, i. e. interprete Vincentio Lyrinenſe, *perfectus Canon*, ad omnia sibi satis superque sufficiens. In iis omnia illa aperte inveniuntur quæ continent fidem morēsq; vivendi, Aug. De doct. Christi. l. 2. c. 9. Conferamus hæc mutuò. Primo, Pontificios cum Scripturis, *Lex perfecta*, ait Scriptura: *est minima pars veritatis revelata*, Illi, *Lucerna pedibus*: imò est recondita & perobscura. *Convertit animam*: imò est litera mortua. *Est melle dulcior*: imò est Theologia stramentaria. *Sapientiam dat parvulis*: imò plebi est inutilis & pernicioſa. Deinde, Pontificios cum Patribus, Illi, *est omnium demonstrationum certissima*, Clem. Strom. 7. *infallibilis regula*: hi, *est nasus ceruus, & regula plumbea*, Illi, *refugium contra hæreticos*: hi, *materiam litium, materiam hæresum*, Illi, *nullum aliud esse Doctorem, nullius auctoritatem Scripturis aquari*: hi, *Traditio est prior & melior regula*, Illi, *sufficiens est, & omnia ad fidem & mores necessaria aperte continet*: hi, *multa nec aperte, nec obscure continet*; imò tantum perexiguam partem. Postremo, Pontificios inter se, *Traditiones sunt lapis Lydius*: Scriptura *Lesbia regula*, *Traditiones Homerico μῦθον* Scriptura *Evangelium nigrum*, *Traditiones Ajaxis clypeus*: Scriptura *materia hæresum*, *Traditiones Goliath gladius*: Scriptura *gladius Delphicus*. Denique, *Papa est iudex infallibilis*; Scriptura *non est*.

His ita se habentibus, ecquis est qui eos omnium hominum audacissimos esse dubitabit, qui post ista, nos *Evangelii quinti auctores* non verenter dicere? Cur ergo *Scripturarios* vocant, si modo novum Evangelium fingamus? annon satis norunt nos libros Apocryphos à Canone sacro separandos docere? annon norunt nos pro Scripturarum auctoritate contra Traditiones acriter disputare, & num novum Evangelium fingimus? At verò illos non alterari tantum, sed utramque paginam ut controversiarum iudicem aspernari manifestum est; adeoque non solum Novum-Vetus Testamentum per Apocryphorum additamenta facere; sed novo-Novum, Traditiones & æquando & præferendo Scripturis. Nimirum Traditio est mare aliquod magnum, Scriptura instar guttulæ: illa Oceanus *βασις*, hæc parvus aliquis Rubicon. Quænam igitur est causa, quòd ipsorum plurimi de Vereri & Novo Testamento hinc loquutum contendunt, si negant in iis omnia contineri ad salutem necessaria, si ad alium controversiarum iudicem provocant, si hæc *nova & vetera* conculcant & convitiantur? An *scribae docti* sunt qui Scripturis procacissimè illudunt, allatrant, obtreſcant? an *scribae docti*, qui magistro, quod Platoni Aristoteles dicitur, recalcitrant? Certo certius qui se de Scripturæ regimine subducit, & ab ipsius arbitrio se subtrahit, pessundans quantum in se est hæc *nova & vetera*, nisi per Antiphrasin *scriba doctus* non audit. Verùm ille magis qui intra Sacræ Paginæ cancellos se continet, & ipsius Magisterium agnoscit, & in rebus Fidei se & voluntatem suam, se & intellectum suum, se & opiniones suas, istorum *novorum & veterum* arbitrio libenter subijcit; is demum pro *docto scriba* est habendus.

LECTIO XII.

ANovi Veterisque Testamenti Perfectione ad eorum mutuam inter se Concordiam est transitus non modò facilis, sed proprius & natus, quia cujusque rei ubi concordia defluit, perfectio evanescat necesse est. Si de mundo Majori loquamur, perfectio totius est concordia partium; si de Minore, concordia humorum est perfectio continui, concordia affectuum perfectio compositi; si de mundo Politico, concordia civium est perfectio reipublicæ; si de mundo Fidelium, concordia credentium non minima pars est perfectionis Ecclesiæ. Nè instantiis tempus absumam, sive sit corpus Naturale, sive Civile, sive Mysticum, adeò est inter se harum duarum qualitatum arctissima copula ratioque reciproca, ut si quis vel tantillum de concordia detrahat, fieri non potest ut perfectionem à deliquio fartam rectam conserveat. Similiter se res habet in Sacris Literis, quæ veritatis Divinæ corpus totum, vel magis Rempublicam & Universitatem in se continent: nisi jugi concordia utramque paginam sibi mutuò respondere monstravero, valde vereor nè dieculæ prioris opera penitus excidat; & quæ de Perfectione Scripturæ adeò concitato impetu di erim, fundamento jam lapsò universa sequantur. Τῷ ἀληθεί πάντα συνάδῃ τὰ ὑπάρχοντα, inquit Philosophus, Ethic. 1. 8, cum vero consentiunt omnia quæ sunt, quia semper sibi similis Veritas; si non una est, nulla est; si à seipsa in aliquo discordet, tota effluit. Quocirca haudquaquam indigna erit hæc altera pars instituti conatu nostro; imò supinus essem & negligens, nisi in illa quoque omnes industriæ nervos contenderem, quia ab hac prioris certitudo & evidentiæ eatenus pendet, ut nisi inter omnes conveniat de Concordia Scripturarum, actum plane erit de Perfectione.

Per *Novæ & veteræ*, Novum Vetúsque Testamentum intelligi, non est quod jam tertio moneam: intra hos cancellos omnem salvificam doctrinam Christus circumscribit; hos *scriba erudito* terminos constituit, quos transgredi nefas; quia intra hos omnia salutis pignora habentur, extra hos nullum: intra hos Principia Fidei immota & indubitata, Regula Veritatis certa & infallibilis, *κρίτειον ἀσφαλές*, ut Greg. Nyssenus, *κρίτειον ἀμείλιπτον*, ut in Synodò Nicena Constantinus loquitur; extra hos quæcunque uspiam adducuntur, ambigua, lubrica, nutantia, flexuosa, animum aut in æcipiti pendulum, aut in præcipiti perditum relinquentia.

Hoc fundamento sic posito, duo exinde salutaria Documenta emergere nobis animadverti, ad salutis negotium quàm maximè spectantia.

Primum erat *περὶ τῆς ἀλληλεγγύης*, de Perfectione utriusque Testamenti in se simpliciter sumpti; quòd & suis, & omnibus numeris utrumque sit absolutissimum, *ἀνολογίας, ἡ ἀσπασθῆναι*, ut Clem. Strom. 1. loquitur; ad omnia sive dogmata, sive mysteria fidei, & sibi & nobis satis superque sufficiens. Nisi hoc ponatur, præscriptio Christi manca est, si præter hæc *Novæ & veteræ* quicquam inveniat quod ad beatitudinis metam nos dirigat. In hac parte jam pridem sudatum est.

Documentum alterum est *περὶ τῆς συμφωνίας*, de consensu mutuo utriusque Testamenti, si ad se comparatè sumantur; quòd utriusque sit vox eadem & veritas eadem, idem semen gratiæ, idemque spiraculum vitæ. Nisi hoc ponatur, præscriptio Christi irrita est, si in his novis & veteribus habeatur quicquam quod secum vel leviter pugnet. Ad hæc nunc calamus festinat; atque ut in iis utiliter exerceamur, per duarum Propositionum semitas cursum itineris

neris ad exitum perducam. Una erit de dilucidatione Thematism in se, altera de accommodatione ad usum & imitationem nostram.

In Thematism indagatione prima opera navanda est: & quod ad eam spectat fit ista Propositio, ex Chrysostomo, Epiphano & Augustino;

Scriptura Veteris Novique Testamenti per omnia sibi cohærent, Chrys. Hom. 4. in Mar.
Nihil repugnans continent, Aug. de Genesi ad literam, l. 5. c. 8. Nihil discre-
pans, Cyr. in Joh. 1. 12. c. 35. Nihil contrarium, Chrysost. Nihil discors aut Hom. 1. in Gen.
dissonum, vel in toto, vel in partibus, Epiph. Hær. Non dogma dogmati,
non regulam regulæ, non dictiunculam aliquam dictiunculæ adversam: sed
quoad omnia & singula amicissimâ inter se copulâ ita conglutinantur, ut
in unius libri, & unius Canonis, & unius veritatis, & unius verbi tirajom
atque communionem coalescant. De hac Propositione quæ dicenda sunt,
quia per quæstiones veritatis fores pulsantur, ut Pelusiotæ loquuntur, l. 4.
ep. 21. idcirco in duas Quæstiones omnia compingam, & sic se habent.

Prima Quæstio hæc est, Quomodo sunt unum, quæ sibi contradicunt, & se mutuo tollunt? Hoc illud est quod Judæi objectare solebant, In Novo Testamento reperiri multa quæ Veteris decretis & placitis refragantur: ut illud Matth. 1. 8. si cum 1 Chron. 3. 11. conferatur; & illud Matth. 27. 9. si cum Zachariæ 11. 12. & alia non pauca. Attingamus singula, sed obiter, & extremis tantummodo digitis.

Primus locus est Matth. 1. 8. *Foram genuit Hoziam*: cum tamen in 1 Paralip. 3. 11. & 2 Paralip. 26. 1. manifestum est Hoziam non à Joramo, sed ab Amazia genitum fuisse; atque inter Joramum & Hoziam tres Reges, Ochosiâ, Joam & Amaziam, intervenisse. Intuitu primo loci pugnantes videntur, sed non sunt; quia est alia immediata generatio quâ filius gignitur à patre, alia mediata & intercisâ: atque sic filius dicitur gigni vel ab avo, vel à proavo, eodem sensu quo nos omnes ab Adamo genitos & procreatos rectè affirmari potest; non solum *vulgariter loquendo*, ut Maldonatus Jesuita, sed propriè & physicè, non quidem ut à proximo, sed ut à remoto principio: sic Matth. 1. 11. Josias dicitur genuisse Jechoniam, & tamen Joachim intercessit, sic Heb. 7. 9. Levi decimas solvit Melchisedech, sed in Abrahamo. Et de Hozia idem statuendum, rectè eum dici ab Amazia genitum in libro Chronicorum, scilicet immediatè; apud Matthæum à Joramo, scilicet mediâtè. Ratio autem quare reliqui tres Reges prætermittuntur ab Evangelista, ut Hieronymus & Hilarius volunt, hæc est, quia semini Achab regum Judæ sanguinem miscuissent: & Achabo per Eliam Deus interminatus est, se posteritatem ejus deleturum, 1 Reg. 21. 2. usque ad quartam generationem; quarta autem generatio in Amazia terminata est. Tantum ergo abest ut ordo à Matthæo observatus ab ordine Veteris Testamenti discrepet, ut magis Dei verbum adimpleat: nam Spiritu Dei actus Evangelista, prudentissimè tres Reges delevit è Catalogo parentum Christi, quia justo eos judicio Deus ipse sustulisset è Catalogo viventium. De reliquis in genealogia Christi dubiis similiter statuendum est: quod Matthæus descendendo, Lucas ascendendo eam recenscat; quod ab Abrahamo Matthæus incipiat, Lucas usque in Adamum resolvat; quod ille Josephi, hic Mariæ profapiam describat; quod ille à Davide per Salomonem, hic à Davide per Nathan Salvatoris ortum ducat: non sine instinctu Spiritûs quasi deidrà operâ hæc omnia Deus sanctissimè discriminavit, ut in exercitium nostrum cederent, non in scandalum, quia revera sunt multiformis ipsius sapientiæ insignia, non scissuræ veritatis.

Secundus locus habetur Matth. 27. 9. *Tunc impletum est quod dictum est per Jeremiam Prophetam, Acceperunt triginta argenteos pretium æstimati,*

& dederunt ad emendum agrum figuli. Hic, si quis alius locus, dissonantiæ præfert speciem, errorisque prætextum non levi. Jeremiæ nomen prætenditur, & Zachariæ supprimitur; cum tamen non in Prophetia Jeremiæ, sed Zachariæ solius, locus integer habeatur, in Zach. 11. 12. Ad hæc quid tandem? quis color, quod velamentum adest ut errore solvantur? Si ita comparatum est ut pro patre abavus sine concordia præjudicio ponatur, pro Amazia Joramus, an pro Propheta Prophetam fide vicariâ subrogare licet, pro Zacharia Jeremiam? Non ignoro quantopore in hujus difficultatis enodatione Interpretes laborarunt. Desumptum esse testimonium à Jeremia nonnulli asserunt, sed aliquibus ipsius scriptis quæ perierant: sed hoc gratis dicitur, & sine firmamento. A Jeremiæ Apocrypho desumptum alii asserunt: sed hoc periculose dicitur, & non sine fidei præjudicio. Fuisse aliquando in hac quam habemus Prophetia Jeremiæ, Eusebius existimat, l. 10. Demonstrat, Evangel. c. 4. sed à Judæis malitiose inter alia expunctum esse. Improbabile hoc est, quia crimen illud Judæis Christus aut Apostoli nunquam obijciunt: & post Apostolorum tempora hæc labe Judæos purgarunt Origenes, Hieronymus, Augustinus. Memoriâ lapsus Evangelistam alii existimant: temerarium hoc est, neque satis intelligo quomodo id Spiritu Sancto dictante fieri, aut salvâ Scripturæ fide dici possit: *Abis de pedisequo Christi dicere quod errarit*, ut scitè ad Pammachium Hieronymus. In Amannensium culpam alii rejiciunt: sed neque hoc verisimile, quia omnes omnino codices Græci constanter Jeremiæ nomen legunt. Zachariam binomium fuisse volunt alii, & Jeremiam cognominatum: sed hoc incerto nititur fundamento, neque teste aliquo idoneo probari potest. In ipsissima Jeremiæ Prophetia vestigia ipsius quærunt alii, quod ipse cap. 32. vers. 7. mandato Domini agrum emerit, & librum emptionis in vase fictili posuerit; adeoque Evangelistam duo vaticinia putant conjunxisse; ex Jeremia unum, qui de emptione agri, ex Zacharia alterum, qui de emptionis pretio loquitur: usitatum autem est duo testimonia connectere, & alterius tantum nomen exprimere. Hoc minùs à vero abhorret, nisi quod huic testimonio cum illo Jeremiæ præter nomen agri nihil commune sit; nihil illic de figulo, nihil de pretio, imò pretium aliud memoratur, non triginta argenteorum, sed septendecim. Inter tot Theologorum conjecturas, ubi tandem acquiescendum est ut duorum Testamentorum concordia nil detrimenti patiatur? Nempe S. Augustinus indicat, l. 2. de Consensu Evangelistarum, c. 7. neque pauci Interpretes sunt qui astipulantur, Evangelistam consultò nomina Prophetarum permutasse, ut ostenderet uno eodemque Spiritu Prophetas omnes fuisse impulsos, & unâ quasi linguâ locutos, ita ut singula sint omnium, & omnia singulorum. Ecce, subdubitavi modò nè quid imminutionis caperet veritatis Divinæ unitas, atque ecce in damno lucrum, in vulnere medelam; eo ipso quo perforatur telo lacuna expletur: nam inter Prophetas & Evangelistas tam arctus est consensus, ut singulorum dicta omnium sint communia: quod ab uno dictum, ab omnibus dictum censetur, quia omnium ore Spiritus Sanctus loquitur. Sicut qui chordarum harmoniam temperant, tantâ eam arte dispensant, ut plerumque cum una tangitur, longè alia, ac multis interjacentibus, posita chorda quatiatur; cumque ista sonitum reddit, illa quæ in eo pulsu temperata est tremi, prorsus quasi non duæ chordæ essent, sed eadem: sic, sic se res habet inter Prophetas, qui quasi chordæ erant Spiritus Sancti digito pulsæ; unus Propheta tangitur, & alter sonat, quod ab uno dicitur, alteri imputatur; Matthæus loquitur, Jeremias nominatur, & Zacharias intelligitur. Si una lingua, unus calamus, nomen unum omnium Prophetarum & Apostolorum, quis unam negare audeat veritatem esse duorum

duorum Testamentorum ? De secundo Scripturæ loco satis superque.

De cæteris sollicitudo minor. *Pater meus usque modo operatur, & ego operor*, dicit Christus, Joh. 5. 17. *Requievit Deus ab omni opere suo quod patrat*, dicit Moses, Gen. 2. 2. An inter se pugnant ? minimè verò : requievit enim ab opere Creationis ; ab opere Gubernationis, Conservationis, Providentiæ ; Gratiæ non cessavit : sic non solum singulis diebus, sed singulis momentis operatur.

Es tu Bethlem Ephrata minima es in millibus Jude, ait Propheta, Mich. 5. 2. *& tu Bethlem nequaquam minima es*, Evangelista, Matt. 2. 9. Num contrariantur ? absit : nam quoad situm & ambitum & externum splendorem fuit perexigua ; sed Christi nativitate honore longè maxima : olim quidem minima ; nunc, Christi natalitiis, mundi facta Metropolis.

Mitto angelum meum, & præparabit viam ante faciem meam, ait Propheta, Mal. 3. 1. *& præparabit ante faciem tuam*, Evangelista, Mar. 1. 2. Hæcine pugnant ? nullo modo : nam apud Prophetam Christus inducitur alloquens populum, *Ego mitto* ; apud Evangelistam Deus Pater alloquens Christum, *Ego mitto* : ibi Christus de se loquitur, *ante faciem Meam* ; hic Pater de Filio, *ante faciem Tuam*. Ergò, ut ex utroque conjuncto æqualitas Filii cum Patre elucescit, quia est communio ejusdem operationis, indivisim ambo mittunt : sic ex utroque etiam Concordia Evangelistæ cùm Propheta, quia est consensus unanimitatis sententiæ, indiscriminatim idem ambo loquuntur.

Omniem terram quam conspicias, tibi dabo, ait Deus Abrahamo, Gen. 13. 15. *Non dedit Deus hæreditatem illi, nè vestigium quidem pedis*, ait Stephanus, Act. 7. 5. An inter se dissident ? nihil minùs : quamvis non habuit ipsa Abraham hæreditatem in terra benedicta, at spe obtinuit : in se ex dono Dei nec mensuram trium cubitorum habuit terræ promissæ ; in posteris totam. *Scriptura solutum est*, ut Chrysostomus. 8. in Matth. observavit, τὰ πολλὰ πολλὰς λέγουσιν ἐπ' ἁλλων, πλεονάζουσι ἐφ' ἑτέρω, ut multa sæpe de aliis dicantur quidem, in aliis autem impleantur : ut quod in Chanaan à Noe dictum, Gen. 9. in Gibeonitis impletum multò postea ; quod in Simeonem & Levi à Jacobo, Gen. 49. factum est in ipsis qui de illorum stirpe processerunt. Abrahamo in se terra promissa est, ut radici & principio stirpis ; Abrahamo non in se, sed in posteris, data est, ut ramis è radice temporis decursu pullulantibus. *Tibi dabo & semini*, est vox Dei ; h. e. in semine tibi, & tui respectu semini : *ipsi non dedit*, est vox Stephani. Non lac læti similis, quia ut pater & filius unam constituunt civilem personam ; sic Moses & Stephani voces diversæ unum idemque veritatis testimonium. Ut brevè reliqua percurram, quia hora fugit. Moses, Num. 25. 9. loquens de abolitione populi propter scortationem, *mortui sunt illà plagà viginti quatuor millia* : S. Paulus, 1 Cor. 10. 8. *cecidervnt uno die viginti tria millia*. Conciliatio facilis : quia Paulus tantummodo de gladio confossis loquitur ; Moses non solum de gladio confossis, sed de suspensio mortuis.

Eccè ego fundamentum posui in Sione, dicit Dominus, Isai. 28. 16. *Ego ut peritus architectus fundamentum posui*, dicit Apostolus, 1 Cor. 3. 10. Contrarietas nulla : nam ratione Decreti, & ordinationis, & missionis Filii in carnem, Deus posuit ; ratione Declarationis ipsius, sive publicationis, Paulus : fundamentum salutis toti Ecclesiæ Deus, Doctrinæ prima rudimenta Corinthiis Paulus ; Originaliter Deus, Ministerialiter Paulus.

Fugit Moses metu Pharaonis, Exod. 2. 15. *Moses non metuit iracundiam Regis*, Heb. 11. 27. Est pugna nulla : *in abitu timuit*, inquit Chrysostomus, *non in reditu* : vel, quod eodem recidit, in primo exitu cùm fugit ob cædem Ægyptii,

gyptii, timuit; in secundo exitu, quando populum eduxit, non modò non timuit Regem, sed revera contempsit.

Loquutus est Deus cum Mose facie ad faciem, Exod. 33. 10. Deum nemo vidit unquam, Joh. 1. 18. Verbo uno in gratiam redeunt; quia in essentia nemo unquam vidit, in ænigmate multi, in specie & similitudine Moses.

Hæc illa paucula sunt quæ è multis delibasse non mihi quidem molestum est, si modò vobis gratum fuerit aut fructuosum, ut obsignatis ostenderem tabulis, quàm sit in omnibus Sacra Scriptura sibi constans, secum autem in nullo pugnans. Non me præterit, minimam hanc esse portiunculam eorum quæ adduci possunt, & esse fortasse alia difficilioris notæ exempla; ut de agro quem Abrahamus emisit dicitur à filio Seor, Gen. 23. 9. à filio Hemor, Act. 7. 17. de numero animarum quæ Egyptum sunt ingressæ, *septuaginta anima, Gen. 46. 27. septuaginta quinque, Act. 7. 15. de vaticinio, Matth. 2. 23. ut impleretur quod dictum est per Prophetam, Nazareus vocabitur; cum tamen, dicente Hieronymo, in Matth. 1. 1. Omnes Ecclesiastici querunt, & non inveniunt ubi scriptum sit.* De istis, & istorum consimilibus, etsi multa ultro citròque dicantur ab Ecclesiæ Doctõribus, at ego inter tacentes me sisto, atque liberè agnosco, non posse ea ità penitus expediri, ut non relinquatur studiosis excipiendj locus. Interea verò in regula Augustini acquiesco, tract. 112. in Johan. *Scripturas non esse Scripturis contrarias, licet nobis aliquando concordare non videantur: quòd si supra captum locus aliquis alicubi occurrat, durus sit ille impio, at non debet esse Christiano; intellectum excedere potest, veritatem transgredi non potest.* Quæ verò exempla à me prolata sunt, quanvis minima sint pars eorum quæ adduci poterant; at sufficiunt tamen ad sententiam conciliandam quæ præ manibus est, idque Inductione Dialectica: Si hoc & illud & alterum, quæ umbram quandam & imaginem contrarietatis primâ fronte exhibent, reipsa non contrariantur, nec de cæteris ostendi possibile sit; *equidem quadrare sibi per omnia hæc nova & vetera necessariò concedendum est.* Pythagoræ illud tritum est, ex pede Herculis totius corporis mensuram arte suâ prodidisse: & si sacra profanis miscere liceat, notum est & illud, ex primitiis spem certam Israelitas habuisse, & totam se messem tempestivè accepturos, & usum totius acervi sanctificandum fore: & si adhuc Evangelica Mosaicis attexere opus est, illud notissimum, quomodo à parte ad totum Salvator disputat, Matth. 6. 22. *Si oculus simplex fuerit, totum corpus erit lucidum, quia lucerna corporis oculus quæ totum illuminat.* Similiter & nobis quidni liceat per minutiora hæc in majorem fiduciam alis mentis ascendere, & istis primitiis racematim collectis, quasi pedibus ire in fidem totius Scripturæ, Esse eam regulam congruam & uniformem, omnibus inter se partibus sanctissimè concinentibus? Nam si tenebræ luminosæ sint, O quantum est illud lumen? si in infirmitate potentia cernatur, quanta erit illa potentia? si inter se maxime convenient Sacra Literæ, etiam ubi dissentire videntur, O quàm arctissima est illa concordia? Aded primæ quæstionis vis nulla, validitas nulla, Quomodo sint unum quæ sibi mutuò contradicunt.

Secunda quæstio sequitur, Quomodo sint unum quæ dividuntur authoribus, quæ nomine & numero & temporibus separantur. Hoc illud est quod Marcionitæ aliisque Hæretici objicere solebant, *ut ex diversitate nominum & sententiarum utriusque Testamenti, diversitatem quoque argumententur Deorum, ut Tertull. loquitur, l. 1. con. Marcionem.* Dicite quid intersit inter inania & falsa: nam & hæc omnia quàm genere ipso levia? quàm falsa re? quàm brevia responsu? Dux sunt ipsius partes, quæ sigillatim ad examen vocandæ sunt.

Prima

Prima est de Authore & conditore. Quod ad Authorem attinet, dubitatio nulla: sive de causa Principali & prima loquamur, largitor utriusque Deus; sive de Instrumentis & Amanuensibus, & Prophetæ & Apostoli eodem Spiritu moti; æqualiter omnes direxit Spiritus Sanctus, ut id solummodo scriberent quod verum & Deo placitum esset: scribentium multitudo non impedit quò minùs sit συναλήθεια. Nam si testimonium idem sit, testium numerus non enervat veritatem, sed magis corroborat; καὶ οὐκ ἔστιν ἄλλο καὶ ἄλλο, διὰ τὸ ἑκαστὸν ἀποστόλων διαφέρειν. Ἀλλ' ἐν, διὰ τὸ ἑκαστὸν εἰρημῶν συνφωνίαν, in ep. Pauli. Audiamus S. Paulum, Eph. 2. 20. *superstructi sumus super fundamentum Apostolorum & Prophetarum.* Quid apertius? diversi seculi scriptores Apostoli & Prophetæ, sed idem posuerunt, inquit, fundamentum. Audiamus S. Petrum, 2 Pet. 1. 19, 21, *habemus firmissimum sermonem propheticum: & v. 21. acti à Spiritu Sancto loquenti sunt Prophetæ.* Viden' ut Prophetis testimonium perhibeat Apostolus, & eos agnoscat eodem Spiritu actos, & eadem mysteria loquutos? Audiamus S. Johannem, 1 Joh. 2. 7, 8. *Non scribo vobis præceptum novum, sed præceptum vetus quod habuistis à principio: & vers. 8. præceptum novum scribo vobis: quod de præcepto Charitatis loquatur Apostolus, ex ipsius Evangelio patet, Joh. 13. 34. Præceptum novum do vobis, ut alii alios diligatis; sunt verba Salvatoris. Quid igitur? an ex ore sanctissimi Apostoli calidum & frigidum provenire simul posse putemus, ut idem mandatum Novum & non novum appellaretur? Nullus credo; sed utriusque Testamenti consensum demonstrare voluit: quia doctrina de dilectione & vetus & nova est; Vetus, quia in Prophetarum scriptis olim fuit proposita, Nova, quia Christus eam renovavit, suoque & præcepto & exemplo commendavit. Audiamus ipsum Christum: ipse de se loquens, Joh. 5. 39. *Scrutamini, inquit, Scripturas, quia ipse sunt quæ testantur de me: & Joh. 5. 46. Si crederetis Moysi, crederetis mihi, nam ille de me scripsit.* Rursus, de Johanne Baptista loquens, & Eliam vocat, Mat. 11. 14. & plus quàm prophetam, Mat. 11. 10. Conferamus singula, & faciliè constabit, testes sibi mutuò singulos singulis: Christum Prophetis, scrutamini Scripturas; Prophetas Christo, testantur de me: Christum Moysi, si crederetis Moysi, Habent Moysen & Prophetas; Moysen Christo, de me Moyses scripsit: denique Christum Johanni, qui inconfinito erat utriusque Testamenti; ipse Elias, ipse plus quàm Prophetæ. Elias, quia spiritum Prophetæ; plus quàm Prophetæ, quia gratiam habuit Evangelistæ: nam ipsi soli licuit & prophetare Christum, & videre, ut Hilarius: *Inter utrumque ordinem quasi terminus constitutus, & desinentium veterum, & incipientium novorum,* Tertull. l. 5. cont. Marcionitas. Videtis, Auditores, quòd non modò author idem utriusque, sed & instrumenta eadem, quia eodem Spiritu ungebantur, ut haberet hoc Scriptura Sancta cum autore suo commune, quòd sicut Deus ipse, sic Dei Verbum summè unum. In Deo Essentia una in tribus Personis: in Dei Verbo una veritas in duobus Testamentis. *In Deo est alius & alius, non aliud & aliud: in Verbo Dei aliud & aliud Testamentum, non alia & alia Veritas.* Quemadmodum, inquit Epiphanius, *in duobus Jacobi Patriarchæ uxoribus videre est: ei γὰρ δύο εἰσι γυναῖκες; Ἀλλ' εἰς ὁ ἄριστος ἦν τοι καὶ δύο εἰσι Ἀγαθή καὶ, Ἀλλ' εἰς ὁ Θεὸς ὁ πατὴρ δύο Σίμεν &,* Epiph. hæc. 66. *Uxores due, maritus unicus. Leah natu major, sed teneior oculis: sic Vetus Testamentum prius, sed obscurius. Minor natu Rachel, sed aspectu pulchrior: ità Novum Testamentum posterius, sed multò fulgentius. Utriusque idem sponsus, idem conditor Christus, ut utrobique maneret singularitas unius Veritatis, simulque proprietas utriusque Testamenti. Quod ad Authorem attinet, differentia nulla est.**

De

De Nominibus & Temporibus non majus erit negotium: illa pars Questionis altera quæ nunc discutienda. Et de his scrupulus omnium minimus; ut idcirco divisa habeantur, quia duo nomina habeant, Vetus & Novum, & contraria, quia Temporibus alternis succedunt: at tempus non præjudicat veritatis unitati, quia veritas in se æterna est, utpote primò & essentialiter in mente Divina, prius & posterius non habet: in revelatione veritatis prius & posterius reperiuntur, adeoque gradus quidam claritudinis, sed gradus & temporum spatia non variant speciem. Plato in cunis vagiens non differt ab eodem philosopho & jam adultæ ætatis; atque opifex diei Sol, masculum illud sidus, quando sereno cœlo cõruscet, & cùm obductâ nubis cure flaccescit, sive ad ortum equos albicantes ducat, sive ad occasum, idem Sol manet. Idem & hic tecum cogita; *Nam habes*, inquit Ambrosius, ser. 4. in Psal. 118. & equos suos Christus, bonorum equorum duodecaginum mirabile, quibus frana pacis, habena sunt charitatis; constricti inter se concordia vinculis, & jugo fidei subiecti, quatuor totius Evangelii mysterium totius orbis finibus invicentes, bonum aurigam portantes Dei verbum. Mirandum mysterium, rota intra rotam currebat, & non impediabatur; Testamentum Novum in Veteri erat, intra illud currebat per quod annuntiabatur. Hæc Ambrosius: ex quibus hoc unum Sole meridiano clarius reddit, temporibus quidem distingui duo Testamenta, sententiis copulari; imò, si accurate loqui velimus, non tam temporibus quàm gradibus: hoc est, non tam temporibus existentia, quasi Vetus absque Novo aliquando existisset; sed temporibus evidentia, quia Novum supra Vetus splendidius emicuit. Hæreticorum illud delirium erat, Vetus idcirco Vetus appellatum quasi vetulum & antiquum, hoc est, antiquandum; Novum verò novum, quasi novitium, & in Veteris locum suffectum: quo quid futilius dici poterat aut absurdius? Perversa est hæc nominis notatio, & Christianis auribus impervia. Illa Hieronymi multò melior, in Isa. 65. *Vetus & Novum Testamentum dicitur*, inquit, *non quòd Vetus pereat, sed quòd Novo alius non succedat*. Illud Vetus, sed nescit senium; & hoc Novum, sed nihil innovatum. In Vetere Novum semper erat, & in Novo Vetus nunc habetur: sic Vetus semper Novum, & Novum semper Vetus existit; quia ut Novum tunc erat velatum in Vetere, sic Vetus nunc revelatum in Novo. De libro signato legimus, Isaï, 29. 11. de libro aperto, Apoc. 5. De duobus Testamentis nonnulli interpretantur (quamvis alii aliter sentiant, ut solet Allegoriarum campus esse spatiosus) quia in illo veteres Incarnationem, Passionem: & reliqua mysteria Christi non videbant nisi per velamen figurarum, umbrarum & prædictionum: in hoc jam figuris omnibus & umbris amotis, & prædictionibus adimpletis, revelatâ facie gloriam Domini speculamur. Hæc discriminis summa est, quòd eadem Arbor vitæ erat in illo & in hoc, sed non tam patulis diffusa ramis; lux eadem utrobique, nisi quòd nunc major doctrinæ perspicuitas. *Ἀφορὰ μόνον ἔστιν ὁνομαζόμενον*, inquit Chrysostomus, *ὅτι ὀνομαζομένης ἡ ἁφορὰ ἐστὶ τὴν ὁσίαν ἔχειν, ἀλλὰ καὶ τὴν τοῦ χρόνου ὁνομαζομένην*. sola est in nominibus differentia, & non contrarietas, & non differentia quod ad essentiam, sed quod ad temporum rationem: quòd nunc major Spiritus Sancti efficacia refulget, & major Divinæ φιλανθρωπίας manifestatio, sicut major in face ignis quàm in lampade; sed flamma veritatis ejusdem in utroque. Ad Romanos S. Apostolus scribens, Rom. 16. 26. Evangelicam veritatem *mysterium tacitum* appellat à temporibus secularibus, nunc autem manifestum factum, & per Scripturas propheticas declaratum. In isto loco S. Apostolus, & tempora antiqua comparat temporibus suis, & *mysterium tacitum* mysterio revelato patefactoque. Nè quis autem illud *tacitum* καὶ ὁ ἄνθρωπος intelligeret, quasi nunquam de eo Deus quicquam

Aug. in Psal.
102.

Chrysost. tom. 5.
tom. 24.

quam locutus esset, sive per se, sive per Prophetas, addit, *per Scripturas propheticas declaratum*: i.e. propositum quidem antè, sed obscurius; nunc autem obscuritate illà amotà, non per ambages & anigmata, sed perspicuè, dilucidè, explicatè omnibus annunciatum. Summa huc recidit, Ipsis mytheria revelata fuisse, ut Moses loquitur, Deut. 29. 29. sed parcius & obscurius, at revelata tamen; sive de Nativitate, sive de Passione, sive de Resurrectione, sive de Ascensione Christi loquamur, sive de quocunque alio Fidei articulo. *Penè nulla sunt*, inquit Augustinus, *Retract. l. 22. in Novo Testamento, quæ in Evangelica aut Apostolica doctrina reperiuntur, quæ illis etiam veteribus deerant.* In utroq; igitur idem mysterium, dispensatio diversa; aqua eadem, situlæ quibus haurienda erat varia. *Imperitus quis*, inquit Epiphanius, *Hær. 66. si situlas duas videat ex eodem fonte aquas haurientes, quia diverse sunt situlae, diversas esse aquas putat, cum tamen vir prudens norit situlas duas esse, fontem eundem.* De Scripturis Sacris idem existimandum: duæ situlæ duo sunt Testamenta, quas lector imperitus conspiciens, duas opinatur esse veritates; sed in Sacris exercitatus animus ex utroque degustat, & discit eundem fontem esse, easdem aquas, *μία γὰρ ἔστιν ὁ αὐτὸς πηγήναι.* Non diffitemur largiorem hanc situlam fore, illam angustioiorem, in qua & aquarum minor copia, & major hauriendi labor; sed eadem aqua Spiritus in utraque, ibi mediocriter distributa, hic plenariè effusa. Non diffitemur secundò, hanc posteriorem situlam fore, illam priorem, priusq; in fontem immerfam: sed tamen ambæ respondent sibi invicem, ut duæ situlæ, & alternis vicibus sibi mutuò serviunt, ut duæ situlæ. *Ut abyssus abyssum invocet*, inquit Hieronymus, *sic Vetus Novum annunciat, & Novum Vetus in testimonium vocat.* Mitto S. Chrysostomi conjecturam in illum locum Apostoli, 1 Cor. 9. 9. Cum, inquit, docere vellet Apostolus oracula Novi Veterisq; Testamenti ab eodem ore & Domino profecta esse, unum testimonium peti à Testamento Veteri, Non obturabis os bovi trituranti, alterum ex Novo, ex verbis Christi, Matt. 10. Dignus est operarius mercede suâ; quia ambo ab eodem ore edita distinctis temporibus, Chryl. to. 6. ser. 1. Hoc, inquam, mitto; & tamen non erit à causa alienum, si videamus quo ordine Scriptura Sacra solet seipsum in suis ipsius testimonium vocare: non in uno modo id fit, sed diversis. Aliquando Vetus testimonium sumit ex Vetere, *Scriptum est in Lege Moysi*, Dan. 9. *Scriptum est in libris Lamentationum*, 2 Chron. 25. Aliquando Novum sumit ex Novo, *Sicut charissimus frater noster Paulus scripsit vobis*, 2 Pet. 3. Sæpius autem Novum ex Vetere, *Scriptum est in libro Psalmorum*, *Scriptum est in Psalmo secundo*; *David dicit*, *Isaias clamat*. Aliquando totum Vetus testatur de toto Novo, Jer. 31. 31. *In diebus illis feriam cum domo Israelis fœdus novum*: & Deut. 18. 15. *Prophetam vobis suscitabit Deus de fratribus vestris similem mihi*. Aliquando totum Novum de toto Veteri, 1 Jo. 2. 7. *Non scribo vobis mandatum novum, sed vetus, quod habuistis ab initio*: & 1 Cor. 10. *Biberunt omnes de sequenti petra, petra autem erat Christus*. Ad quid hæc omnia, nisi ut certissimi essemus de suavissima utriusq; Instrumenti harmonia: harmonia Veteris cum Vetere, Prophetarum cum Mose, Prophetarum inter se; harmonia Novi cum Novo, Apostolorum cum Evangelistis, Evangelistarum inter se; harmonia Novi cum Vetere, Apostolorum & Evangelistarum cum Mose & Prophetis? Sic Nominis diversitas futiliter adducitur, ubi substantia mysteriorum eadem; Temporis diversitas adhuc futilior, ubi veritas una. De secunda Quæstione jam satis; adeoque de Propositione prima, quæ in Thematis investigatione absumpta est, Scripturas Veteris Novique Testamenti nihil repugnans aut contrarium in se continere, sed coherere undique & arctissimâ copulâ conglutinari.

Propositionem alteram tribus verbis expediam. In illa autem dicendum

cendum est de Applicatione sive accommodatione istorum ad usum & imitationem nostram; & sic se habet. Ad eruditi Scribæ honorem quicumque cupit ascendere, debet in utroque addiscendo noctes diēque versari, in utroque interpretando operam navare, utroque telo debet contra Hæreticos pugnare; quia quicquid ab hac Concordia discordat, falsum est & fucatum: utroque debet vallo dogmata Fidei circumcingere, utriusque Testamenti clavis ea tabernaculo suffigere, utriusque paginæ sigillo obsignare, utriusque Cherubin alis tegere; quia hæc duo se mutuò illustrant, se mutuò fulciunt, ut nec Hercules ipse contra duos hos, sive testes, sive hostes, prævalere possit. Ad mentem mihi revocat quod ad hanc rem à Joanne Majore, & Paulo de Palatio, aliisque Pontificiis adduci solet; Per duo cornua mitræ Pontificiæ duo Testamenta significari: *Geminam portant mitram*, ut ipsi loquuntur, *quia mysteriorum utriusque Testamenti dispensatio ad ipsos pertinet*. Assumunt autem ex Innocentio tertio, qui libro de Mysteriorum Missæ, cap. 6. iisdem planè verbis loqui videtur; nam serò dixisse quis putabit? *Duplex tiara Pontificia cornu duo Testamenta significat*; sic ille. At non est quòd eorum quisquam de observationis acumine gloriatur; nam si ita sit, doctiores existimo mitras & sanctiores quàm illi qui ipsis coronantur: nam mitra innocuum animal Scripturas Sanctas indigitat; qui mitras gerunt floccifaciunt, neque capita Scripturis ornant, sed eas magis pedibus conculcant. At esto, sint duorum Testamentorum insignia mitræ cornua: quid Papæ triplex corona notat? an, quod ipsorum aliqui, *in tria regna potestatem, caeleste, infernale, terrenum*? an magis tria Testamenta, Vetus, Novum, & Novissimum, Traditionum atque Decretorum? Imò habeant sibi mitras, gratias ipsis agimus quòd nobis duo reliquerunt Testamenta. Non istis nos comminoribus indigemus; hoc Christi memoriale sufficit, ut ad *veterum novorumque* studia evigilemus. Et revera, Fratres, cui hoc non satis est, nescio an aliquid sit. *δοτι*, inquit Chrysostomus in locum, *ὃς δὲ αὐτὸν οὐκ ἐκείναις ἀπὸ τοῦ γαλαρῶν, ἐκ δὲ αὐτὸν οὐκ ἐκείναις* qui nescit utroque gladio uti, imperitus est scriba; neque fidi interpretis partes agere potest in Scripturis explicandis, neque prudentis arbitri in pugnantibus conciliandis, neque strenui vindicis in Erroribus refellendis. Idcirco consummatus Theologus utrinque se præparat: ad convincendos qui arguendi sunt, utriusque armis se munit; ad docendos qui instituendi sunt, utriusque præfidiis nititur: utriusque divitiis paginas suas in scribendo, utriusque copiis Concionem in dicendo exornat. Novit enim necessarium fore ut & Evangelium ex Lege & Prophetis explicetur, & interpretationes Legis & Prophetarum secundum Evangelium examinentur, quia mutò sibi suspitias ferunt: Legis & Prophetarum oracula Evangelio confirmantur, & Evangelium vim desumit ex testimonio Legis & Prophetarum. In columna ignis & nubis Deum olim se manifestasse legimus; & erant illa signa duo præsentis Divinae virtus eadem: Duo Testamenta columnæ istæ, in quibus nocte diēque meditemur; columnæ duæ sunt, sed eadem basis Veritatis. Sicut Oriens & Occidens non sunt duæ lucēs, sed duo tabernacula ejusdem Solis; Jacob & Israel non duo Patriarchæ, sed duo nomina ejusdem hominis: sic Vetus & Novum non duæ Leges, sed duo vehicula ejusdem Dei voluntatis. Huc Salomon respexit, cùm Favo & Liliis labia Christi comparat: *Favus distillans labia ejus*, inquit Salomon, Cant. 4. & *labia ejus lilia distillantia myrrham primam*, Cant. 5. 13. Imò *dulciora sunt melle & favo mellis*, inquit David, Psal. 19. *Qua autem sunt labia sponsi nisi duo Testamenta*, inquit Hieronymus, *concordi ad invicem attestazione conjun-*

ctas?

Haec? & quae lilia, nisi eadem quae labia? distillant igitur myrrham primam & myrrham secundam, mel primum & mel secundum, quia favi duplex, mel idem, labia duo, vox quae pronuntiatur eadem; lilia duo, sed à radice eadem proveniunt ejusdem sapientiae, & florem emittunt ejusdem veritatis. Legimus Luc. 5. duabus naviculis piscaturam exercuisse discipulos, & annuisse focis suis qui in altera navi erant, ut advenirent & auxiliarentur: Ad duo Testamenta Chrysostomus trahit, *quia, inquit, duas oportebat naves concurrere ad illam piscationem: nisi enim Prophetarum chorus Apostolicae manus adsit & opituletur, nisi oculis Prophetarum Apostolorum dicta respondeant, ἢ ἀνέστη τὰ ἀνεμύνα, non capimus quae veniunt, τὰ παλαιὰ τοῖς νέοις*, ex altera τὰ νέα τοῖς παλαιοῖς ἵστυται, Athanas. Disp. con. Arianos. Ut verbo concludam, Sicut in cithara aut tibia chordae multae sunt, & soni varii, acutus, gravis, continuus, intercusus; sed ex attemperato statu aut pulsu fit una, eaque repercusso dulcior aura melo: ita in Scripturis, quae Dei suavissima Lyra, chordae sunt multae, libri varii, sed afflatus unus; duae sunt arculae, sed idem thesaurus; duo sponsae ubera, sed ambo in eodem fixa pectore, & eodem redundantia lacte; duae paginae, scheda una; duae acies, unus gladius; duo oculi, una visio, ab uno Deo profecta, uno Spiritu irradiata, uni Ecclesiae tradita, ut esset unius Fidei penarium, ex quo scriba doctus proferat *Nova & vetera*.

Haec illa sunt, Auditores optimi, quae pro modulo meo, quamvis non pro merito vestro, de Veteris Novique Testamenti Consensu dicenda putavi; de Legis etiam & Evangelii concordia nonnulla postmodum dicturus.

Sed nescio quid interea mihi obtigerit, quod nefas duco taciturnitate celare. Accepi nudiustertius schedulam quandam, non mole magnam, sed characteribus, scriptam tantum non *πρόσω & ὀπίσω*, ut ait ille, & in facie & etiam in margine. In illa chartula acris mecum postulatio agitur, quod libros Apocryphos Praelectione novissimam malè fide tractaverim, & e Scripturis Canonicis excluserim. Est quidem author ipsius mihi prorsus incognitus, nam neque nomen paginae affixit, & praeterea internuntius properante ad me famulo se clanculum subduxit & avolvit. Quid in se ponderis habeat nondum sentio, neque enim vel ad legendum satis otii erat in his temporis angustiis. Hoc tantum video, linguam vernaculam scriptam, sed Romanam indole. Quocirca in praesentiarum haec praelibasse sufficiat: & si postea responsione dignam judicavero, certo certiores estote, non alios facturum me aut candoris testes, aut fidei obsides, aut causae iudices, quam vosmetipsos.

LECTIO XIII.

Donorum distinctiones sunt, inquit Apostolus, 1 Cor. 12. 4. *sed idem Spiritus, & distinctiones ministeriorum, sed idem Dominus, & distinctiones operationum, sed idem Deus, qui singulis distribuit sicut ipsi placuerit.* Et quidem si S. Paulus nobis hoc fidei mysterium non tradidisset, at experimento tamen res deprehenditur, si vel cum Petro Davidem, vel cum Isaia Jeremiam conferamus. In Petro se Spiritus Dei demonstravit in dono linguarum; per dictamen Spiritus loquebatur: in Davide se indicavit etiam in dono silentii; per dictamen Spiritus conticuit, Pl. 39. 2. In Isaia per gratiam alacritatis, quâ ad opus Propheticum ultrò se offerret; *Ecce ego sum, mitte me, Isaï. 6. 9.* in Jeremia per gratiam modestiæ, quâ excusationem obtenderet; *Ecce puer sum, nè me mittas, Jer. 1. 6.* Divino Spiritu plenus Isaïas clamat contra seipsum, *Va mihi quia tacui, Isaï. 6. 5.* & eodem ductu Spiritus contra se Jeremias, *Va mihi quia locutus sum, Jer. 15. 10.* *Va mihi, mater mea, quia genuisti me virum litis, & virum contentionis.* Quòd diversæ sunt operationes nemo non videt, & tamen utrobique elucescit efficacia ejusdem Spiritus. Quòd si in arbitrio & delectu meo res sita esset ut è duobus alterutrum excerperem; malletm hoc tempore primo animi motu Davidis mihi silentium arripere, quàm linguas Petri; & contentionis infortunium lugere magis cum Jeremia, quàm cum Isaia taciturnitatis: adeò ad ipsam litigationis umbram atque imaginem agrotat animus, ut non possim mihi metipsum imperare quò minùs conquerar, *Va mihi, mater mea, Va mihi, munus meum, quòd genuisti me virum litis & contentionis.* Sed imprimis me illud recreat S. Judæ Apostoli, *Vos hortor, inquit, ut desertis & contemdati pro fide quæ semel tradita est sanctis:* & verbum *immutabili*, non modò vehementiam, sed repetitionem actûs denotat, quasi obnixè, etiam atque etiam, iterum atque iterum contendere. Vicissim me recreat illud Domini ad Jeremiam, 15. 19, 20. *Ego te oppono populo isti pro muro anco, munissimò, ut oppugnantes te non pravealeant tibi: reverti debuerant isti ad te, non tu reverti ad eos: quia verò educis rem pretiosam è vili, quasi os meum es, & ego eripiam te de manu istorum.* Ex istis locis inter se comparatis, altercationum Theologicarum jura legesque, quibus animus in disputationibus hisce dirigatur, non obscure ante oculos ponitur.

Requiritur primò *debita Materia* circa quam versentur: oportet ut sint de Fide, non de verbis, non de rebus inutilibus & vanis, Tit. 3. 9. *de rebus futilibus contendere ἀγρίων ἔτι σοφία, agrestis est sapientia,* Pelus. lib. 4. epist. 162. Deinde statuendus est *Finis debitus* ad quem colliment: oportet ut sint non solum de fide, sed etiam pro fide, & pro fide sanctis tradita, De fide Hæretici disputant, at non pro fide, sed contra fidem; nullatenus pro fide tradita, verum pro fide tradenda. Postremò, adesse debet *Modus debitus* juxta quem procedendum est. Imprimis summa animi Prudentia exigitur, à vili ut pretiosum sejungatur, i. e. à tritico palea, ab auro scoria, à Veritate mixtura Erroris, à religioso cultu fursur superstitionis. Deinde, summa animi Constantia necessaria; *illi ad te revertantur, non tu ad illos.* Veritati Error arma fuscæque submittere debet, Errori Veritas si cesserit seipsum prodit, Veritatis victoria alia est quàm Charitatis :

Charitatis: cedendo quidem Charitas vincit, Veritas hærendo mordicus & stando; prius vult vitam quam herbam dare, & totam se exponere, quam vel alterum pollicem porrigere, aut extremum-unguiculum. Postremo, summa animi Fiducia requiritur, quia in causa Dei sub Divinis auspiciis militamus: habemus Deum approbatorem, *eris tanquam os meum*; habemus Deum ducem, *Ego te oppono illi*; habemus Deum iudicem, *faciam te murum æneum*; habemus Deum vindicem, *Ego te eripiam*.

Quæ cum ita sint, nullus me jam mordet litigandi scrupulus, quia & de Fide & pro Fide certamen instituitur, de Scripturis pro Scripturis, & pro Scripturis Ecclesiæ traditis. Det Deus ut pretiosum segregare possum à vili, Canonicos ab Apocryphis, nam omne scriptum vile est si Sacras Literas intueamur, ut ad nos revertatur aliquando adversarius, quia ad illum nobis non licet reverti, nisi sententiam suam demutaverit, quæ nunc ad limam redigenda est. Duæ autem sunt partes intra quas res tota concluditur. Prima est Propositio principalis, quæ est *ὁ ἀποκρύφιος*, cardo super quem reliqua vertuntur: Altera in se continet argumenta quæ hinc illinc alternatim agitantur.

Aggredior Propositionem principalem; sic autem se habet. *Quod libri Apocryphi sint humani ingenii partus, nondum probatum audivi ab aliquo, neque à seipso idoneis argumentis, & autoritas publica nusquam eos humana opuscula appellat, sed Divinum ei titulum ascribit, cum reliquis Veteris Novique Testamenti libris communem, Sacra Biblia, &c.* Si totam Propositionem in suas partes articulatim distribuere, vereor ne tot emergerent quæstiones quot verba. An sint humana opuscula, an à me hoc probatum fuerit, an ab aliquo alio, an autoritas publica hoc asserat, an tandem adversarius ipse hoc aliquando audiverit. Sed quorum ego has quintuplicarem quæstiones? An sint humani cerebri foetus recta Ratio monstrabit: an ego hoc confirmaverim, id auditorum ingeniis conjecturæque committo: an è nostris aliqui probaverint, hoc totus orbis Christianus iudicabit, ex Guliel. Whitakeri, Johannis Raynoldi, Francisci Junii, & Danielis Chamieri scriptis, quæ contra incursum Pontificios manent, æternumque manebunt, *ὡς ἀσπίγγενοι πύργοι*, ut Chrysostomi verbo utar: an autoritas publica hoc dicat, id ex Ecclesiæ nostræ Fastis & Archivis in posterum patebit: an adversarius hoc probatum audiverit unquam, id ipsius conscientiæ relinquendum, si illius iustus æstimator esse velit.

Ad duo ego capita totum negotium deducam. Primum est quo negat se audivisse hoc ab aliquo probatum, ea pro humanis opusculis censenda. Alterum quo asserit hoc non autoritate publicâ stabilitum.

Aggredior Propositionem primam, quæ negat se hoc probatum audivisse. A te autem quæro, vir bone, cur hoc te nunquam audivisse asseris? An verò non potuerit ita esse, nisi tu audivisses? aut fieri non potest ut audires, & obliviscaris? aut adhuc ut audires, & parùm attendesses? Et factum negare & cognitum, in geminum reatum trahit. Quod de Anaxagora memoriæ proditum est, negasse eum non solum nivem esse albam, sed sibi ne videri quidem: & tu similiter, Nec probatum hoc à nobis, nec à te auditum. Igitur aures tuas interroga, an bene foratæ sunt. Esse aliquos eloquentes mutos, Augustinus nos docet, in Psalmorum commentario: & esse multos audientes surdos, Christus in Evangelio, Mar. 8, 18. Cave sis ne in eorum numero reperiaris quibus aures non desunt, sed auditus, & auditus non corporis, sed animæ: ne tibi acciderit quod Ari-

stippo: Ille repulsus à Dionysio, ad pedes ejus corruit; & cùm ob id argueretur, Non mea, inquit, culpa est, sed Dionysii, *οὐ γὰρ ἐν τοῖς τοῖς αὐτοῖς*. Vereor nè ibidem aures tuæ habitent: sin mindus, eundem optarem tibi aurium tuarum situm, si sperarem exinde te iturum in nostram sententiam. Sed esto, concedatur te audivisse nunquam: quæro à te rursus, si nunquam videris, si nunquam legeris; metuo enim nè fortè decipias nos ambiguo vocabulo: ut ille olim, qui cùm crumenam è fenestra dentibus abstulisset, rogatus juravit se non tetigisse, quia scilicet manibus non tractaverat. An putas te nescire, si non audiveris, & in doctorum tamen libris lecitaveris? Non puto Andradium, aut Canum, aut Bellarminum hoc unquam audivisse; quis enim in Scholis vestris vel mustitare contra vos audet; sed legisse hoc sapissime nullus dubito. Ego autem ab auditore ad lectorem provoco, quia si in Ecclesias nostras & scholis parcius venire soleas, ad libros tamen aditus & frequentior & tutior: (Jovem Juno supplicans pro Turni vita apud Virgil. *Æn.* 10. sic cum alloquitur;

— *Quid si quod voce gravaris,
Mente dares? —* —)

in quibus jam sæpe dicta causa est, & sæpe probata. Erudito viro indigna est excusatio prætereundum quod non audiverit, si modò vel legerit, vel legere potuerit. Sed autores nostros mitto, à quibus quicquid nervosissime dictum præjudicii gladio jugulatur, quasi subdebile & languidum. Quæro an nunquam hoc legeris à sanctis Patribus, nunquam à Doctoribus vestris & agnitum & comprobatum. Quid de illo Hieronymi loco existimandum est, quod habetur ep. 7. ad Latam, de institutione filiarum? *Caveat omnia Apocrypha; & si quando ea non ad dogmatum veritatem, sed ad signorum reverentiam, legere voluerit, sciat non eorum esse quorum titulis prænotantur, & grandis est prudentia aurum in luto querere.* Similiter in Ep. ad Paulinum, solos Canonicos numerans, *Hæc ille sunt, inquit, quæ per Spiritum Sanctum inspirata creduntur, & Ecclesiæ Christi tradita.* Audi hoc, solos Canonicos Divinitus inspiratos dicit; & non sunt Apocrypha humana opuscula: Canonicos Auro, Apocryphos luto comparat; & non ea putavit esse humana opuscula. Sic Prologo in Esdram & Nehemiam, 3 & 4 librum Esdræ *somnia* vocat, *Nema Apocryphorum tertii & quarti libri somnii delectetur*: & altero in Daniele prologo, Belis & Draconis *fabulas* non metuit asserere, & verum anteposito à se jugulatas: *Somnia, fabula*, minus quid pejúsque sonant quàm humana placita. Quid de illo S. Athanasii in fragmento ex epist. 39. *Quandoquidem, inquit, aggressi sunt aliqui describere sibi Apocrypha quæ dicuntur, & ea cum Divinitus inspirata Scriptura confundere, impietatem præstare, & diomidiæ resque, visum est mihi ab initio ordine exponere Canonica ut tradita, nec non credita Divina Biblia, &c.* Audin? contradistinguit inter se Athanasius Apocrypha & Divinitus inspiratam Scripturam; dein, Apocrypha & Divina Biblia, & non Apocrypha existimavit humana opuscula? Postremò, quid de aliis sanctorum Patrum testimoniis non paucis, quibus libris Apocryphis auctoritatem omnem derogant, ut minùs authenticam aut idoneam ad fidei mysteria stabilienda? Quod si Spiritus sancti calamo exaratos istos libros putassent, auctoritatem sacram eorum in rebus Fidei non sine piaculo denegassent: quid enim aliud sonant hæc verba, *Autoritatem ad fidem confirmandam non habent, quàm illud, auctoritatem eam solam habent quam humana scripta & humana placita*? Ejusmodi est B. Hieronymi in præfatione in libros Salomonis,

nis, de Apocryphis loquens, *Legat Ecclesia ad adificationem plebis, non ad auctoritatem Ecclesiasticorum dogmatum confirmandam: & Ruffini in expositione Symboli, Leguntur in Ecclesiis, non tamen proferuntur ad auctoritatem fidei confirmandam: & Cyrilli Hierosol. in Catechesi illuminatorum, sect. 4. Has tantum studiosè meditare Scripturas quas in Ecclesia confidenter legimus; cum Apocryphis verò nihil habeas negotii, πῶς τὰ ἀποκρυφὰ μὴ δὲν ἴχῃς νοῦν.* Non absimile illud Lyrani vestri, prologo primo in Biblia; *Non omnes libri pari veneratione sunt reverendi, nam inter Canonicos & non Canonicos tantum distat, quantum inter certum & dubium: & Pet. Cluniacensis, lib. 1. Ep. 2. recitante Coccio, (nam in loco citato non reperio, sed Coccius producit, lib. 6. Thesauri sui, artic. 4.) Restant post hos authenticos Scriptura libros, sex non reiciendi libri, &c. qui etsi ad sublimem illam præcedentium dignitatem pervenire non potuerunt, propter laudabilem tamen & pernecessariam doctrinam ab Ecclesia suscipi meruerunt. Simile & Hugonis Victorini, in prolog. l. 1. de Sac. cap. 6. prologi; Sunt præterea alii quidam libri, scil. Apocryphi, qui leguntur quidem, sed non scribuntur in Canone: & addit, leguntur autem ut Hieronymi, Augustini, Ambrosii, Gregorii & Patrum scripta. Jungamus hæc singula, In Canone auctoritatis non scribuntur, auctoritatem non habent, non proferuntur ad fidem confirmandam, dubia sunt fidei, ad sublimem reliquorum dignitatem non perveniant, cum is nihil habeas negotii, caveat omnia Apocrypha, leguntur ut Hieronymi aliorumque Patrum scripta. Qui ista dicunt, necesse est ut aut accipiant pro humanis, aut insignem faciant contumeliam injuriàmque Divinis: quia fides Christiana, ipsis Papistis fatentibus, innititur Veritati primæ tanquam basi & fundamento, hoc est, revelationi Divinæ extra ordinem factæ: ergo si libris Apocryphis fides non nectatur, ad Veritatem primam nullatenus sunt referendi, neque ad revelationem extraordinariam; adeoque antiquorum Patrum judicio in humanorum ordinem sunt redigendi. Hæc ego, auditores, post aliorum messorum terga, ex antiquorum Patrum scriptis spicilegia feci; non quidem in hunc finem ut libros Apocryphos ab antiqua Ecclesia è sacro Canone rejectos fuisse ostenderem, nam non ad præsens pertinet institutum, & jamdiu id abunde à nostris est præstitum; nec video quid sit quod illorum laboribus aut sudor addat, aut li-vor detrahat:*

Illorum immensa ruperunt horrea messes:

Sed ad hoc solummodo, ut omnibus lucidum esset & manifestum, non novâ me, aut protervâ, aut inhonestâ loquendi formulâ usum esse, quòd libros Apocryphos *humana opuscula & inventa* appellaverim, quod pensum à nostrorum nullo de industria factum observavi: sic ad illorum messum aliquid accessit ex mea semente. Nolui enim aut actum agere, aut extra Propositionis terminos vel cantillum divagari, quâ chartæ Apologeticæ scriptor probatum hoc ab aliquo negat se audivisse. Ain' verò, mi homo, non audivisse te? Nè ludas nos homonymiâ vocabuli: num accepisti unquam? quæ quoquo modo intelligimus aut accipimus, audire dicimur, & à recto dicendi usu non abhorret; ut si in chartis suis viri docti, dum scribunt, loquantur, & nos in vigiliis nostris, dum scripta eorum legimus, eos ipsos audimus. *Cacum auribus* nescio quem Sophocles dixerit; τυφλὸς τὰ τ' ὤτα, τὸν τε τὴν, τὰ τ' ὄμματα' αἶ, Τη, inquit, simul & aure & mente & oculis *cacum es*. Eâdem loquendi licentiâ eum oculis surdum me dicere posse conficio, qui quod à Patribus tories inculcatum, quod sapius probatum à nostris, quod à nonnullis suæ partis doctoribus non ob-

scurè indicatum est, se non audisse, adeoque nec legisse asseveranter affirmat. Nam tu simul & aures & mente & oculis surdus es, ad quem rei tam aperta clamor & splendor & conscientia nondum pervenit. Quocirca si neque audiveris unquam, neque videris, hortor te tandem ut aures erigas, simul & oculos & mentem; imò, ut Cicero loquitur, ut plures in hanc rem animos intendas, ut saltem nunc & videas & audias & intelligas, non affirmatum modò, sed planè demonstratum, singulos istos libros humana opuscula fuisse, sive autores consideremus, sive structuram, sive errata & lapsus. Sic igitur argumentum instituitur;

Quicquid ab homine, quâ homine, hoc est, quicquid ab homine humanitus, humano ductu & humanâ assiduitate effectum est, id absque controverfia pro humano opere censendum est: Sed ab hominibus, humano spiritu actis, arte & labore humano isti libri singuli confecti sunt: Ergò pro humanis opusculis & placitis sunt habendi. Ego utramque Propositionem sic probatam reddo.

Major patet ex Matt. 21. 25. *Baptismus Joannis de Cælo erat, an ex hominibus?* Quibus verbis innuit Christus, quod cœlitus defluit non est inventum humanum, & quod est inventum humanum non defluit cœlitus. Item ex Gal. 1. 1. Paulus Apostolus, *non ex hominibus, neque per hominem, sed per Jesum Christum ac Deum Patrem.* Istis verbis Apostolus opera contradistincta facit quæ ab hominibus facta, & quæ à Deo: si ab homine, non à Deo; si à Deo, non ab homine: & rursus, si non ab homine, ergò à Deo; si non à Deo, ergò ab homine. S. Paulus ad Rom. 8. 5. *Qui secundum carnem sunt, ea quæ carnis sunt cogitant; qui verò secundum Spiritum, ea quæ sunt Spiritus:* h. e. ut Primateus aptissimè explicat, à carne carnalia, à Spiritu spiritualia; ab homine humana, à Deo divina procedunt. Et Christus ipse, Joh. 3. 6. *Quod genitum est ex carne caro est, quod genitum est ex Spiritu spiritus est.* Ex quibus locis & Apostolus & ipse Christus hoc pro concessio sumunt, ut Basilii loquitur, *τὸ ἐκ τοῦ Θεοῦ γεννηθὲν, τοιοῦτόν ἐστιν οὐδὲν ἕτερον, ὅτι τὸ ἐκ τοῦ Θεοῦ, quod est ex aliquo, tale est quale illud ex quo natum est;* nihil enim agit ordinariè ultra activitatem spheræ suæ. Virtus causæ inferioris non potest se erigere ad virtutem causæ primæ: Causa naturalis ad opus supernaturale non ascendit, sine assistentiâ virtutis supernaturalis; nec virtus carnis ad virtutem Spiritus, ἀνδρὶ τῷ πνεύματι. Bondeias, ut Chrysost. loquitur; neque ingenium humanum ad opus Divinum, quod sit regula fidei authentica & impeccabilis, sine afflatu Divino. De Majori Propositione satis.

Assumptio sic se habet; Ab hominibus, humano spiritu actis, arte & labore humano libri isti singuli confecti. Hæc Propositio duabus rationibus fulcitur.

Prima est, Quod ab authoribus incognitis & factitiis prætextu afflatus Divini prodit, illud est arte humanâ confectum: sed Authores istorum librorum aliqui incogniti, aliqui ementiti. Incognitos esse minùs refert, nam & Canonicorum reperiuntur nonnulli quorum Scriptores aut prorsus ignorantur, ut Judicum & Ruth; aut incerti sunt, ut liber Job, quem alii Moysi, alii Jobo ipsi ascribunt: sed authores factitios habere, Scripturæ Sacræ integritati & majestati non congruit. Largimur hoc tibi, Canonicorum quorundam esse authores incognitos; sed esse supposititios & commentitios quis audeat asserere? at in aliquibus Apocryphis sic feres habet. Librum Sapientiæ à Philone sub nomine Salomonis prodiisse Hieronymus conjicit, & *Pseudepigrapha* vocat. Additamenta ad librum Hestere

ra à Josephi manu fluxisse Senensis dicit. Additamenta Danielis aliis esse à Daniele Propheta ipse Bellarminus non improbabile affirmat. Hæc prima ratio.

Secunda hæc est, Quod non est *θεόπνευστος*, h. e. non afflatu Spiritus inspiratum, est opus humanâ arte confectum: Sed authores eorum librorum non erant *θεόπνευστοι*. Probatur; Quia quodcunque scriptum aliquid in se falsi continet, impossibile est ut sit Divini Spiritus instinctu elucubratum: Sed in libris Apocryphis sæpe erratum est & peccatum largiter. Quod in se falsa, imò planè mendacia continent, duo Academiæ ocelli, Whitakerus & Raynoldus, suprà quàm refelli possit copiosè & eruditè in suis Commentariis docuerunt. Ego non *Mendacia* appello, quanquam & hoc dici potest, sed molliori vocabulo, *Errata*. Atque hoc res ipsa loquitur. Nam dicat mihi aliquis, quæ de Angelo & Pisce dicuntur in libro Tobie qualia sunt; quæ de Nabuchadonosor & Holoferne in libro Judith, quàm sunt ab omni historiæ veritate discrepantia? In additamentis Estheræ, quot sunt de Mardochæo & Hamane quæ historiæ Canonice aperte contraria? In historia Machabæorum, Templi purgatio narratur ante mortem Antiochi Epiphanis, lib. 1. c. 4. post mortem ejus, l. 2. c. 10. Perparvula hæc sunt ad locum alterum Machabæorum, ubi Antiochus tribus locis ter mortuus esse dicitur: l. 1. c. 6. Babylone mortuus dicitur ex morbo, sive dolore; l. 2. c. 1. mortuus dicitur in templo Nanæ, nimirum lapidibus obrutus, & membratim postea discerptus, & caput ei truncatum; l. 2. c. 9. mortuus dicitur in montanis, sc. vermiculari morbo, postquam de curru decidisset. Qualia sunt ista, ter mortuus, & triplici genere mortis, & morbo vermiculari post caput ipsi truncatum?

Dic aliquem sodes, dic, Quintiliane, colorem.

Nec tamen nostra est hæc sola sententia; prioris seculi Antistites habemus suffragantes. Hieronymus prologo in Daniele, *Belii & Draconis fabulas* vocat. Et prologo in Esdræ & Nehemiam, Esdræ tertii & quarti libri *somnia* vocat. Ipse Sixtus Senensis additamenta Estheræ *lacinias* appellat, *hinc inde quorundam temeritate insertas*. Præterea Athanasius in Synopsi, & Hieronymus in ep. ad Paulinum, à Divinitus inspiratis Scripturis sejungunt: & Augustinus ipse, quem penè solum in hac causa Pontificii attestantur, præter Innocentium & Synodum Carthaginensem tertiam, Augustinus, inquam, Civ. l. 15. c. 23. falsa quædam in se continere non dubitat asserere, *In Apocryphis etsi inveniatur aliqua veritas, tamen propter multa falsa, nulla est in eis Canonica autoritas*. Quod si dixeris, per Apocryphos Augustinum intellexisse non eos quibus sola deerat autoritas ad confirmanda dogmata, sed eos qui sunt impii, & ab impiis editi, Apostolorum nomine præfixo: agnosco Augustinum eo sensu sæpissime Apocryphorum nomen usurpasse. Sed tamen hoc loco Apocrypha opponit iis quæ in Canone qui in Templo Hebræi populi servabatur, non reperiuntur, ut ipse se explicat: & Retract. l. 2. c. 10. seipsum redarguit, quòd testimonium ex Ecclesiastic. 10. 9. (*Quid superbit terra & cinis?*) appellaverit *verba prophetica*; quia, inquit, *non in ejus libro legitur quem certi sumus appellatum esse Prophetam*: nec paulò aliter de Machabæorum libris loquitur, *receptos esse eos ab Ecclesia non inutiliter, si sobriè legantur*. Vide sis, *non inutiliter, si sobriè*: hoc de iis nunquam dixisset, si simpliciter Canonicos putasset.

Ad calcem jam argumentum perduxì, ad quam cum sit decursum, nihil est in hac parte præterea adjiciendum. Idcirco manus de hac parte

parte tollenda est, nam scabella cœnebant. Quod si humana commenta in iis libris reperiantur, permitte nobis ut jam verecundè nuncupemus *humana opuscula*. Ignoscibilis multò est *humana inventa* appellasse quàm *semina*; & ab *humano cerebro facta* quàm *ficta* dixisse. Hæc si tecum sepefito omni partium studio seriò velis judicatòque æstimare, in posterum te spero nunquam educturum, non vidisse te aut audivisse hoc unquam probatum. Interea verò exopto tibi, quod olim Vigilantio Hieronymus precatus est, *Tribuat Christus ut audias & taceas, ut intelligas & loquaris*.

Et hanc quidem Propositionis partem, quæ ad Ecclesiæ nostræ de libris Apocryphis judicium provocat, sperabam me hoc tempore ad exitum perduciturum. Sed dum ad hujus rei scrutinium me confero, & acta publica Ecclesiæ revolve, invenio multa de istis libris magnificè dicta in libris Homiliarum; qualia sunt illa: *Propheta Baruch dicit*, *Scriptura testatur in libro Sapientia*; *Deus Omnipotens dicit*, & locus Ecclesiastici producit; *Spiritus Sanctus dicit*, & locus Tobia citatur. Hæc quamvis non sunt à meo in hac causa sive fratre sive adversario in lucem producta, at ea tamen persequi cum meo munere conjunctissimum putavi, nisi doctrinæ nostræ publicè receptæ vindicias defererem. Quocirca ut Simonides Hieroni roganti quid Deus esset, deliberandi diem postulavit; & postridie rogatus, alterum, & deinde tertium: similis nunc mihi postulatio necessaria, quoniam primus hic dies ad reliquorum examen non sufficit, opus est ut alterum à vobis petam, & deinde alterum, sicque totum negotium erit opus & iter trium dierum, quod tamen ego duobus tantum destinavi. Opinor autem me rem non ingratam facturum, neque Ecclesiæ, neque vobis, præsertim cum hæc omnia sint spinosa, & à nullo scriptorum nostrorum ventilata: & gratias ago adversario, quod mihi hanc ansam dederit fidei meæ & Ecclesiæ nostræ in hac causa liberandæ.

LECTIO XIV.

IN libro de Republica, dial. 4. Plato hanc dicendi normam constituit, nè animum audire aliquid cupientis longâ præfatione suspensum diutius teneas. Neque abfimilis lex erat quæ ab Arcopagitis lata est, ut causas graves tractanti nullum Exordium esset pro exordio, adeoque *avd̄s megopis* procederet. Utrâq; me sentio, Auditores, lege constrictum: nam & causa quæ agitur summa est, & video vos audiendi desiderio æstuantē, ut in hac quæstionis parte in qua ad Ecclesiæ nostræ Decreta appellatio facta est, exprobranti hæc nobis os obstruam; & manum manu, & chartam chartâ, & calamum calamo confodiam.

Atque de prima Propositionis parte hæcenus congressi sumus; ut audiret jam tandem adversarius quod negat se unquam audivisse, libros Apocryphos iustis rationibus inter humana inventa & opuscula numerari.

Altera nunc sequitur, ut discat non audire quod audivisse se putat, nimirum Authoritatem, hoc est, me interprete, Ecclesiam, non reputare eos inter humana inventa, sed divinum eis titulum ascribere, cum reliquis Veteris Novique Testamenti communem, *Sacra Biblia*. Sic in vetitum omnes nitimur: Audita non audimus, non audita audimus. Ad memoriam mihi revocat vetulam illam, quæ oculorum periculum faciens, an quid visus residui haberet, videre se super tectum corvum dixit, tectum autem ipsum se non videre. Ab ipsis hic noster videtur non longè ingenio remotus, qui quod sæpius dictum & decantatum est non audit; quod nullibi dictum aut factum, hoc audit, & asserit Authoritate publicâ libros Apocryphos pro sacrorum Bibliorum parte aliqua constitutos. Quanquam quid tui mihi jactas authoritatem publicam, aut quid est quod hæc voce intelligis? Num Regni? vos hoc jugum excutitis, & nè in politicis quidem suum dominium Principibus fartum tectum relinquitis. Num Ecclesiæ? at nostræ Ecclesiæ autoritas nulla est, nè in suos filios, quia non est subiecta Romano Pontifici, neque illius tute ipse, qui enutritus in ulnis ejus, aut autoritatem vereris, aut judicium sequeris, aut vim pertimescis. Quid? Catilina Cethegum? &, quod longè terribilior, Catilina Ciceronem? Nos verò Matris pietissimæ voluntati in omnibus, ut filios decet, studiosè obtemperamus, dictis audientes sumus, iussa exsequimur, authoritati subjicimur, & libenter hæc omnia & agimus & agnoscamus: quia hoc persuasissimum habemus, nihil eam nobis nisi quod æquum & bonum est imperare, legesque nullas nisi quæ castissimæ sanctissimæque sunt præscribere. Quocirca si quid ego dixerim quod ipsius Decretis non congruat, objice, urge, audiamus quid illud sit; non erit mihi subrepticula palinodia.

Tria autem sunt quæ hic nostræ affingit Ecclesiæ, singula ad amissim reperenda. Quod libros istos non reponat inter humana opuscula. Quod communi eos cognomine cum cæteris Veteris Novique Testamenti libris complectatur, & *Sacra Biblia* appellat. Quod divinis titulis & epithetis exornet.

Assertiones tres sunt, naturâ quidem discrepantes, sed erunt, opinor, exitu similes. Nam prima & secunda jugulare causam videntur, sed nil in se habent veritatis: tertia veritatis aliquid in se habet, sed non jugulare causam. Ego eis tres Theses oppono ex diametro contrarias.

Prima,

Prima, Ecclesia nostra eos libros dijudicat & appellat *humana opuscula*. Secunda, Ecclesia nostra libros istos à Veteris Novique Testamenti libris, adeoque Sacris Bibliis, sejungit. Tertia, Ecclesia nostra quamvis eos sublimibus titulis exornet, non tamen exinde sequitur ut pro civinitus inspiratis agnoscat. De singulis istis breviter & ordinatim agamus.

Ordiamur à prima: Ecclesia nostra eos libros inter humana opuscula numerat. Ad confirmationem Theseos potui producere locum ex Præfatione illa quæ præfigitur libris Apocryphis, in Bibliis beatissimæ memoræ Elisabethæ tempore editis; ubi dicitur, *libros illos non receptos ab Ecclesia ut Canonicos, &c. sed ut libros à piis viris scriptos, ad historia peritiam & morum informationem apprime utiles*. Sed locum istum non urgeo, & quia in Translatione nova Prologus iste non habetur, & quia non asseritur præcisè ea esse *humana inventa*, aut *humana opuscula*. Ex scriptis viri eruditissimi Richardi Hookeri, quæ sit Ecclesiæ nostræ indubitata sententia satis superque manifestum est. Ille l. 5. Ecclesiasticæ politias, sect. 20. sæpius hoc ipsum inculcat. *Non habemus eos libros pro Divinis, sed humanis scriptis; & rursus, Non habemus pro sacris, sed humanis operibus, quorum subiecta materia sunt res Divina: & adhuc, Illos honore titulos recipiunt, quibus major nullus ascribi potest iis scriptis quæ pro authoribus homines habuerunt: denique, Epiphanius, inquit, eos libros utiles judicat, Divinos esse negat, eo sensu quo Scriptura Divina vocatur*. Hactenus Hookerus, magnus ille Mysta, quem pro sanctissimo & modestissimo viro, nostræque doctrinæ confcio, habendum esse, & ipsi qui inter nos eadem luce fruuntur Pontificii liberrimè fateri non aspernantur. Ergò in hoc sibi egregiè imposuit hic scriptor Apologeticus, dum asserit auctoritatem publicam Apocrypha non nuncupare humana opuscula. Hæc Thesis prima est, Ecclesiam nostram censere libros istos pro humanis opusculis.

Secunda sequitur, Quòd Ecclesia nostra eos non comprehendat unà cum Veteri Novoque Testamento, sub nomine *Sacrorum Bibliorum*. Et hujus quidem Theseos investigatio difficilior est paulò quàm prioris, quia videntur loci aliquot contrarium innuere. Locus primus habetur libro secundo Homiliarum, Sermone nono, qui est De Precibus publicis & Sacramentis, ubi sic legimus; *Apparet precum junctarum efficacia ex historiis Bibliorum, ex Jon. 3. Joel. 2. Hest. 4. & tandem libri Judith 9*. Alter habetur in reverendissimi viri Johannis Whitgisti, Archiepiscopi postmodum Cantuariensis, responso adversus Thomam Cartwrightum, tract. 21. c. 2, sect. 8, ubi sic seipsum explicat, *Libri Apocryphi eodem jure in Ecclesia legendi, quo pro Veteris Novique Testamenti portiunculis æstimantur, propterea quòd in illis nihil reperiatur quòd Scripturis ceteris contrarium sit*.

Postremò, locus tertius ex ipsa Bibliorum inscriptione elicitur, quæ sic se habet, *Sacra Biblia, Vetis Novumque Testamentum continentia*. Et primà quidem fronte alicujus ponderis videntur hæc esse quæ adducuntur, minoris tamen si penitus introspiciamus.

Quod ad locum illum attinet qui petitur ex libris Whitgisti, viri doctissimi, consulenti facile patebit quòd pro seipso respondeat. Verba ipsius hæc sunt; *Quòd olim, inquit, in Ecclesia legebantur Apocrypha, manifestum est ex Canone 47 tertii Concilii Carthaginensis, in quo inter libros Canonicos computantur; & tum demum addit, Non video quòd minus in Ecclesia legi possint, aequè ac pro Veteris Novique Testamenti portiunculis æstimari*.

Non

Non quòd ille sic existimaverit, esse propriè dictas Scripturæ Sacræ partes; non quòd istius Synodi Decretum per omnia probaverit, nam ipse Melchior Canus, Locorum Theolog. l. 5. c. ult. ad sextum argumentum, & Casar Baronius, Annalium tomo octavo, ad annum 692, isti fidem Synodo derogant: Sed est argumentum à majori, Si synodus illa eousque processit ut libros Apocryphos Veteris Testamenti partes faceret, nobis multò inagis licet ex iis lectiones publicas seligere. Quòd autem dicit *in iis nihil Sacris Scripturis contrarium reperiri*, Sole clarius est eum non de libris Apocryphis integris loquutum esse, sed de lectionibus publicis quæ ex istis libris in Liturgia nostra desumuntur, quas contra Cartwrightum ipse optimè tuetur nihil in se Scripturis Sacris contrarium continere.

Quod spectat ad locum ex secundo libro Homiliarum, solutio facilis. Adducitur ex Jonæ 3º exemplum Ninivitarum, Judæorum ex Joëlis 2º, Hesteræ ex libri istius capite 4º, & Ecclesiæ ipsius pro Petro in vincula conjecto orantis, ex Actorum 12º, inque his omnibus interseritur exemplum Judith Deum precibus interpellantis de successu contra Holofernem, c. 9. & istis junctim sumptis hæc verba præfiguntur, *Quanta sit precum junctarum efficacia apparet ex historiis Bibliorum*: quis autem nescit, si largo sensu *Bibliorum* nomen fumatur, posse illud etiam Apocryphos libros sub se complecti: Verum non est necesse ut huic acquiescamus responso, præstò est aliud quod abundantius satisfaciat; Veteribus hunc loquendi modum usitatum fuisse, locis Canonicis Apocryphos aliquando attexere, & singulos simul sumptos *Scriptura Sacra* titulo honorare. Sic Athanasius con. Arrianos, orat. 1º, *τὸ πνεῦμα τὸ ἅγιον, à Spiritu dictum est*; statimque recitat locum ex Psal. 50. subnectitque alium ex Ecclesiastici 15º, *Non est speciosa lans in ore peccatorum*. Hilarius in Psal. 125. *Discentes hæc omnia à Lege, à Prophetis, Evangeliiis & Apostolis, & cantantes ex Lege, Judith 16. Dominus conterens bella, Dominus nomen est illi*. Ità hic se res habet, exemplis quatuor ex Canonicis adjicitur quintum ex libro Apocrypho, & *Bibliorum* nomen præponitur; non quòd Apocryphi libri sint Sacri Codicis pars, strictà & exquisitâ locutione, sed quòd in Sacri Codicis reperiantur volumine, quamvis non scribantur in Canone.

Similiter dicendum est de inscriptione Bibliorum. Tremellii quidem & Junii editio Latina per distinctionis, notam in fronte Bibliorum positam, libros istos à Veteri Novòque Testamento secludit, hoc modo, *Biblia Sacra Veteris & Novi Testamenti*; deinde sequitur, *cui accesserunt Libri Apocryphi*. Non id factum est in nostra Translatione: quid igitur? num propterea in Bibliorum numerum cooptantur? Hoc secùs se habere patet ex Articulo sexto doctrinæ Ecclesiæ nostræ, ubi sic legimus; *Scriptura Sacra nomine eos Canonicos libros Veteris & Novi Testamenti intelligimus, de quorum autoritate nunquam in Ecclesia dubitatum est*: & Commentator iniper hoc adjicit, *eos in Bibliorum voluminibus non contineri*. Patet etiam ex ipso situ sive positura Apocryphorum in Sacris Bibliis, quòd ad finem Veteris Testamenti rejiciantur, postque omnes libros Canonicos collocantur. Quòd si pro divinitus inspiratis Ecclesia nostra agnosceret, non sine insigni Spiritus Sancti injuria libros eos à sede propria ablegaret: sed hoc ipso sensum suum piè demonstrat, quo tandem numero habeat, ut libros Scripturis Canonicis dignitate proximos. Neque est hic ordinis modus nuperus, aut à nobis excogitatus, sed ab antiquæ Ecclesiæ praxi ad nostram apertissimè dimanans.

Origenes apud Eusebium, l. 6. c. 25. de Canonicis loquens, *ἐξ ὧν ὁ κύριος τὰ Μακκαβαϊκὰ*, extra hos libri *Macchabeorum*. Athanasius in Synopsi, *ἐκ τῶν δὲ τῶν εἰς πάλιν ἐν τῇ βιβλίᾳ*, tum nominat Apocryphos. Epiphanius

in libello De Ponderibus & mensuris, *χρῆσιμι ἡσὶ τῷ ὀφελίμῳ, ἀλλ' οὐκ ἀριθμῶν ῥητῶν οὐκ ἀναφέρονται*. Eodem & nos ordine libros Apocryphos circumgestamus, magno post Scripturas ipsas intervallo, quamvis loco proximo: inter Atrium populi & Sanctum Sanctorum eos collocamus; ante alia humana opuscula, sed post sacra Dei oracula. Non ab adjumentis fidei eos exterminamus, sed à basi & fundamento; non ex Ecclesia, sed è divinitus inspirata Scripturâ; non è Bibliorum volumine, sed è sacro Canone: quod Hookerus noster optimè explicavit, cùm dixerit, *posita Apocrypha in Bibliis ut idoneam simbriam aut marginem Veteris Testamenti*. De secunda Thesi hæc dixisse sufficiat, Ecclesiam nostram libros istos à Veteris Novi; Testamenti Canone, adeoque Sacris Bibliis, sejungere.

Propero ad tertiam, Quòd licèt istos libros Divinis titulis exornet Ecclesia nostra, non sequitur tamen exinde quòd pro divinitus inspiratis agnoscat. Dicit quidem in hac causa adversarius meus, *libros Apocryphos Ecclesiam nostram Divinis titulis celebrare atque epithetis*: sed dicit tantùm, quibus, non demonstrat: at ipsius erat eos in medium depromere, & palàm facere, qui tituli, quis locus; nam nos pecus desidiosum in actis Ecclesiæ publicis evolvendis minùs fortasse versati sumus. Hoc quoniam est ab ipso prætermissum, in ipsius ego gratiam explebo, & in meipsum mucrone distracto in apicum producā. In Articulis doctrinæ Ecclesiæ Anglicanæ, aut Publicarum Precum libro, aut editione Bibliorum, nullum ego honoris titulum comperio. Ergò aut ex Homiliarum publicarum libris petendi sunt, aut nullibi comparebunt. In illis verò libris multa, eaque clarissima, elogia, non Apocryphorum omnium junctim, sed sparsim singulorum habentur, quæ observatione vestrà, Auditores, non sunt indigna; & nostrâ etiam, quia sic res postulatur, disquisitione dignissima. Ordinatum ea accipite, ut sunt à me quâ potui diligentia in unum fasciculum collecta, & in certas Classes distributa.

Prima Classis eorum est, quibus Baruch *Sanctus & Propheta*, Tobias *pater sanctus* dicitur. De Tobia, l. 2. ser. 11. qui est de Eleemofynis, parte primâ, *Pater sanctus Tobias sic hortatur, Tob. 4.* De Baruch, l. 1. ser. 2. qui est de Miseria humana, par. 2. *Dicamus cum Sancto Baruch, c. 2. & l. 2. ser. 2.* qui est de Idololatria par. 1. *Propheta Baruch dicit, Bar. 6. & rursus, ser. 21.* qui est Contra seditionem, par. primâ, *Propheta Baruch dicit, Bar. 1. 11.*

Secunda Classis est eorum quibus author Ecclesiastici *sapiens* appellatur, & author libri Sapientiæ non modò *sapiens*, sed *ipse Salomon*. De libri Sapientiæ authore sunt loca plurima, l. 2. ser. 17. pro Rogationis septimana, par. primâ, *Sapiens dicit, Sap. 16. & Sap. 17. & Sapiens dicit, Sap. 7. & Sap. 9. & par. secundâ, Sapiens dicit, Sap. 10. & Sap. 17. & par. tertiâ, Sapiens testatur, Sap. 7. & Sap. 13. & ser. 2. qui est Contra idololatriam, par. tertiâ, Salomon in libris suis contra idola loquutus est, Sap. 13. Sap. 14. quod etiam in ipso libri titulo habemus, inscribitur enim *Sapientia Salomonis*. Similiter de libro Ecclesiastici, l. 1. ser. 4. qui est de Fide, par. 2. *Sapiens dicit, Eccles. 31. & l. 1. ser. 8. de Defectione à Deo, parte primâ, Sapiens dicit, Eccles. 10.**

Tertia Classis est eorum, quibus Scripturæ Sacræ, & Spiritus Sancti, & Dei omnipotentis autoritas istis libris affigitur. Lib. 1. ser. 9. Contra metum mortis, par. tertiâ, *Scriptura testatur, Sap. 3. & Sap. 4. & l. 2. ser. 2. Contra periculum idololatriæ, par. tertiâ, Scriptura docet, Sap. 13. & Sap. 14. & l. 1. ser. 7. qui est De Juramentis, par. primâ, Deus omnipotens per Sapientem dicit, Eccles. 23. 11. & l. 2. ser. 11. qui est De Eleemofynis, par. secundâ, Spiritus Sanctus sic docet diversis Scriptura locis, & quartum Tobia caput allegatur.*

Hæ

Hæ sunt tres Classēs, quæ sicut me collectorem habuerunt, ita nunc expectant vindicem. Intueamur igitur singulas.

Quod ad primam Classē pertinet, ubi *sanctus pater* Tobias, & Baruch *Propheta* vocatur; non exinde sequitur, Ergo liber Tobias & liber Baruch inscripti Spiritus scripti sunt: nam & Platonem ipsum, Cicero: nis exemplo, *Divinum* dicere non metuimus; atque Doctores antiquæ Ecclesiæ & *Sanctos* vocamus, & ut Patres suspicimus: & Chrysostomus *Pater sanctus* erat, & Basilius *Pater sanctus*, & Augustinus *sanctus*; numquid igitur eorum scripta non sunt humana opuscula? Quod Baruch *Propheta* vocatur, est aliquid sublimius; sed nec hoc nobis negotium facessit: quia nomen *Prophetarum* non semper in stricto & proprio sensu assumitur, ut significet enuntiatores Prophetiarum qui futura prædicebant, aut afflatos extra ordinem qui aliquid Divinitus revelatum scripserunt; sed aliquando latius, ut significet Viros excellentes, qui doctrinæ Divinæ explicandæ & applicandæ operam suam navabant, ut sapie à S. Paulo usurpatur, 1 Cor. 12. 28. Eph. 4. 11. 1 Cor. 14. 13. Et in hoc sensu author libri Baruch *Propheta* audit; cum tamen Baruch libri istius authorem non fuisse certo certius apparet: quia c. 1. vers. 3. librum eum dicitur legisse anno quinto post excidium Hierosolymitanum in auribus Jechoniæ Regis, & universi populi habitantis in Babylonia; qui audientes miserunt Jerusalem ad sacerdotes ut offerrent holocaustomata ad aram Domini Dei: cum tamen Baruch unâ cum Hieremia abductus est in Ægyptum, Jer. 40. & Jechonias clausus erat in carcere, quò si Baruch admissus, quomodo totus populus? & Templum nullum tunc exstitit, altare nullum, quia omnia à Babyloniis cremata. Cur ergo *Propheta* vocatur? Respondeo verbo, quia res sacras tractavit & scripserit. At hoc non sufficit. Probo ex Apostolo. S. Apostolus Paulus, Act. 17. 28. hemistichium ex Arato sumens, Aratum *poetam* vocat, *Quidam vestratum poetarum dixit*, — *αὐτὸς γὰρ γινώσκων*.

Et idem Apostolus cum Epimenidis Cretensis versum in testimonium profert, *Κῆρτι ἀνὴρ ἴδεναι*, — &c. *ἰδὲν αὐτὸν προφήτης εἶπεν*, *proprius eorum Propheta dixit*. Eccere, Epimenidem *prophetam* vocat: vel quòd liber unde hoc testimonium assumpsit inscriptus sit *πρὸς ἁγεμῶν* vel propter loquendi usum, quòd poetas Latini *vates*, Græci *prophetas* dixerunt, Plato l. 2. de Rep. poetas *Dei filios* & *Dei prophetas* vocat, & genus *θεῶν καὶ θεοδωτικῶν*. Hinc igitur colligo, Si S. Paulus poetas *Prophetas* appellavit, communem sermonis usum secutus: multò magis Ecclesiæ nostræ licet Baruch *Prophetam* appellare, i. e. doctrinæ Divinæ interpretem. Hæc de Classe prima.

Quod ad secundam Classē attinet, ubi author Ecclesiastici *Sapiens*, & author Sapientiæ *Salomon* dicitur; non exinde sequitur, Ergo Ecclesiasticus & Sapientia non sunt Humana opuscula. Agnoscimus Tertull. De præscript. Hilarium in Psal. 127. Ambros. Ser. 4. in Psal. 118. Epiphanium, Hæres. 76. librum Sapientiæ *Sapientiam Salomonis* appellare: sed tamen quia simul novimus *Sapientis* titulum Salomoni quasi proprium fuisse & peculiarē, inde tractum esse putamus, ut ex usu & consuetudine loquendi liber qui de Sapientia tractat inscriberetur *Sapientia Salomonis*, magis-quàm ex rei veritate. In 9. capite & versu 7. istius libri, ut se Salomoneum esse omnibus persuadeat author libri, sic loquitur, *Tu me elegisti Regem populi tui*, &c. & *dixisti ut adificem tibi domum in monte sancto tuo*: quibus verbis illud Sixtus Senensis Sapientiam tribuit Salomoni, l. 1. & l. 9. ad hæresin nonam. Et Costerus etiam, *Hæc*, inquit, *præter Salomonē quis dicere potuit?* Apol. 2. cont. Gomarum, cap. 9. Verum Hieronymus prologo in libros Salomonis,

monis, librum hunc *ψευδεπγραφοῦ* esse testatur, quod stylus redolet Græcam eloquentiam, Et res ipsa sine testibus satis manifesta, Cap. 4 2. *Generatio casta in perpetuum coronata triumphat*, &c. in illo loco, *εὐφρανπορεύειν, πομπεύειν, αἶθλορ, ἀγών*, verba sunt quæ alludunt ad Græcorum certamina, & inde petita; cum tamen Olympias prima acta sit ducentis atque amplius annis * ante mortem Salomonis. Proinde August. l. 2. c. 8. de Doctrina Christiana, de Sapientia & Ecclesiastico pronunciat, duos hos libros Salomonis dictos esse *per quandam similitudinem*: & Hieronymus eodem Prologo idem asserit de Ecclesiastico; additque præterea nonnullos scriptorum veterum Sapientiam Philoni Judæo assignare. Quod si Philo, aut aliquis alius Græcarum peritus literarum, author ejus fuerit, Salomonis non potest dici, nisi, ut Augustinus explicat, *per similitudinem*; eritque nunc non *Moses* solum Philo, sed *Salomon atticissans*. Ex hac similitudine & author Ecclesiastici *Sapiens* dictus, & liber ejus ab antiquis sub *Salomonis* nomine citatus; ab Hieronymo in decimo Ecclesiastis, à Gregorio Mor. 4. c. 10. Sed nemo est, opinor, qui dixerit librum Ecclesiasticum à Salomone factum; nam author ipse se prodit in libri prologo, *Jesus filius Sirach*. Quod Bellarminus objicit, posse ejus Salomonem authorem nihilominus esse, quia sententiæ Salomonis à Jesu Sirach videntur excerptæ & collectæ, eadem facilitate refellit quâ objicitur. Nam c. 48. Ecclesiastici, de Elia author loquitur, *Surrexit Elia tanquam ignis*; & vers. 10. nonnulla videtur deprompsisse ex Malachia Propheta, ut Janfenius aliique Pontificii observant, *Ut convertes cor patris ad filium*, &c. At Elia multis annis, & Malachias aliquot annorum centuriis vixit post Salomonem. Ergo author libri Salomon nullo modo est dicendus, non magis quàm libri Sapientiæ. Quænam igitur est ratio quod liber Sapientiæ intituletur *Sapientia Salomonis*? Accipite paucis. In Doctorum antiquorum scriptis habemus aliquando Proverbiorum librum *Sapientiæ* nomine citatum. Clem. Constit. l. 1. c. 10. *τὸ ἴμια τὸ γεγραμμένον ὁν Σοφία, verbum scriptum in Sapientia, Prov. 21. Melius habitare in deserto. Nazian.* in laudibus Gorgoniæ sororis, *Divus Salomon dicit, ὁ παῖς ἀγῶνιστὴ σοφία, in pedagogica Sapientia*, h. e. in Proverbiis, Cypr. l. 3. c. 17. ad Quirinum, De boho Martyrii, *in Sapientia Salomonis, Liberat de malis animi martyr fidelis*: & c. 56. *in Sapientia Salomonis, & Proverbiorum c. 15. producitur*. Hinc illam consuetudinem ortam non est à vero ab simile, ut Ecclesiasticus diceretur *Sapientia*, & liber Sapientiæ *Sapientia Salomonis*: & quia multa habent ex libro Proverbiorum, & quia de Sapientia tractant, & quia similitudinem habent cum Salomonis scriptis; non quod ita sit, sed quia usus loquendi ita obtinuit. Neque ab hac loquendi licentia Scriptura ipsa & scriptores alii abhorrent. Præstò sunt exempla. Luc. 4. 22. & Joh. 6. 42. Christus *Josephi filius* dicitur; ipsæque B. Maria Christum sic alloquitur, Luc. 2. 48. *Pater tuus & ego cruciati quærebamus te*: cum tamen non fuerit Josephi filius, sed solummodo ita putabatur, Luc. 3. 23. Sic & in multis aliis, Apostolorum Canones sub nomine Clementis & scribuntur & allegantur; quos tamen nonnulli à Pontificiis nec Clementis esse librum putant, nec Apostolorum Canones. Vigilii libri cont. Arianos sub Athanasii nomine conscripti sunt, Vigil. l. 5. cont. Eutychem. Salviani libri de Avaricia, sub nomine Timothei; Cornificii Rhetorica, sub nomine Ciceronis, Quintil. l. 1. Vives l. 4. De tradendis disciplinis; cum tamen Ciceronis non erant. Sic Porcius Latro Ciceronis nomine usus est in Declamationibus adversus Salustium. Ilocrates in oratione quæ *Nicocles* inscribitur, pro sua, Nicoclis personâ usus est: ratio, *quia plurimi refert*, inquit Orator, *quid cuius personâ dicatur, nostrâ, an alienâ*. Et nos, inquit M. Tullius, *omnem sermonem tribuimus Catoni*

Canonis feni, quò majorem auctoritatem habeat oratio. Sic se res habet hoc ipso in libro Sapientiae, quia sub Salomonis nomine Patres iidem in arenam producunt, qui tamen negant eum scriptum fuisse à Salomone: eodémque modo in Homiliarum libro nomen Salomonis attexitur, non quòd ab ipso factam putaverit Ecclesia nostra, sed partim propter usum loquendi, partim propter similitudinem librorum; partim etiam propter sermonis compendium, ut longiores periphrases vitarentur; *Autor libri qui inscribitur Sapientia Salomonis*. Hactenus de Classe secunda actum est.

Sequitur tertia, in quibus libri Apocryphi non sine honoris verbo citantur, *Scriptura dicit, Deus omnipotens dicit*, & in istis passim loci Apocryphi producuntur: & istis similis fidelia inservit. Duplex igitur purgatio sese offert.

Prima est, Ideo hæc verba à Deo, à Spiritu Sancto, à Scriptura dicta affirmari, quia eadem verba habentur in ipsis Canonicis Scripturis. Ut illud, *Scriptura testatur*, Sap. 3. 1. *Fustorum anima in manu Dei*, habetur in loco Canonico, Deut. 33. 3. *Omnes sanctos habes in manu tua, Deus omnipotens dicit*, Eccles. 23. 10. *Flagellum non abscedet à domo jurantis*; idémque habetur in loco Canonico, Zach. 5. 4. *Maledictio invadet domum falsò jurantis, & consumet eam. Spiritus sanctus dicit*, Tob. 4. 11, 12. *Eleemosyna liberat à morte, & donum bonum est Eleemosyna coram Altissimo*; idémque habetur in locis Canonicis, Dan. 4. 27. *Peccata tua justitià abrumpe, & iniquitates tuas gratià erga afflictos*: & Heb. 13. 16. *talibus victimis delectatur Deus*. Hæc prima purgatio: Quia loci isti Apocryphi aliis locis Canonicis congruunt, & inde sumi videntur, non est fidei Analogiæ repugnans eos sic educere, *Dicit Deus omnipotens, Dicit Spiritus Sanctus, Dicit Scriptura Sacra*.

Altera purgatio est, Ideo nomen Dei, Spiritus Sancti, Scriptura, nonnullis Apocryphis apponi, quia veteribus in more positum erat istis appendiculis eos libros honorare aliquando ut ipsis Scripturis dignitate proximos. Athanas. in l. De virginib. *ἀπὸ τῆς θεῖας γραφῆς, dicit Divina Scriptura, Eccles. 13. Qui attingit picem inquinabitur*. Hilar. in Psal. 135. *Docet Propheta, Sapientia 1. Spiritus Dei replevit orbem terrarum*. Sic Ambrosius in l. de Tobia, Tobia scripta *divina oracula & scripturam Propheticam* appellat. Cypr. l. 3. ep. 9. ad Rog. de Ecclesiastico loquens, *Salomon*, inquit, *in Spiritu Sancto constitutus*. Hieron. ep. 34. ad Julianum, *Divina Scriptura loquitur, Eccles. 22. Musica in luctu importuna, &c.* Hic mos loquendi Patribus usitatus, ut istos libros educerent cum præfatione honoris, quia erant eminentiora scripta: sed exinde non sequitur eos existimasse aut Canonicos, aut *Deo-motusos*: imò contrarium evincitur duabus istis rationibus. Primò, quia etiam humanis scriptis illos honoris titulos Patres aliquando affingunt, Tertull. l. de Oratione, Hermæ librum *Scripturam* vocat: & Irenæus, l. 4. 37. *Bene ait Scriptura*; & subjungit sententiam ex Hermæ libro. Epiphanius, Hæres. 8. testimonium ex constitutionibus Apostolorum appellat *ἡ θεία λόγος ἡ διδασκαλία*. Cyrillus Acta Concilii Niceni *sanctissima oracula* vocat, & sententia divinis inspiratas. Et ipse Bellarminus, Controv. 4. lib. 2. c. 122 alios hujus rei testes adducit: Innocentium, qui sententiam Augustini appellat *Sacram Scripturam*. Sic scripta Augustini *Sacra Scriptura* dicuntur à Gratiano, l. 3. Decret. de celebratione Missæ, c. cum Martha & doctorum; Denique, Epistolæ quæ ex Gregor. Amphilocho, Basilio colliguntur, *Epistola Canonica*, loquutione impropria, cum propriè loquendo sola Scriptura sit Canon per excellentiam. Sic inter Græcos *βιβλία* appellantur quicunque libri, & *scriptura* dicitur quicquid scribitur: cum propriè sola Sacra

volumina κατ' ἑξῆς dicuntur & τὰ βιβλία, & *Sacra Scriptura*. Si Patrum scripta veteres *scripturam sacram* & *Divina oracula* appellabant, quos sciebant tamen humana fuisse opuscula, ergo ex istis titulis pro Apocryphorum divinitate nihil concluditur. Hæc prima Ratio.

Altera est, quia illi ipsissimi Patres qui hos honorum titulos libris Apocryphis annectunt, aliis tamen locis eos agnoscunt Apocryphos. Hieron. epist. 34. ad Julianum, Ecclesiasticum vocat *sacram Scripturam*: at Præfat. in libros Salomonis, Ecclesiasticum negat esse Canonicum. Epiphanius in Anomæis Sapientiam & Ecclesiasticum vocat *Divinas Scripturas*: sed idem eos sejungit à libris Veteris Testamenti. Sic & ipse Calvinus in Pſychopannychia, *Meliùs nos docent Sacra litera, Corpus quod corrumpitur aggravat animam*, quæ verba sunt ex Sapientiæ 4. & tamen negat eum librum Canonicum. Eâdem loquendi formulâ usâ est Ecclesia nostra, dum *Scripturam Sacram* aliquando Apocrypha appellat, non locutione præcisâ, sed populari. Quocirca quod M. Tullius Offic. 2. pro se dicit, cum seipsum purgatum iret quod Justitiam à Prudentia sejunxisset, cum inter omnes Philosophos constaret eum qui unam Virtutem haberet habere omnes, *Alia est, inquit, cum veritas limatur in disputatione subtilitas, alia cum ad opinionem communem omnis accommodatur oratio: quamobrem ut vulgus, ita nos hoc loco loquimur, popularibus enim verbis est agendum & usitatis, cum loquimur de opinione populari*: Eisdem & mihi licet verbis uti pro Ecclesia nostra; In illis ad populum Concionibus sermone utitur populari; quia laxo loquendi genere, etiam humana opuscula quæ diviniõis notæ sunt *sacra scripta* dici possunt, κατὰ τὸν ὅρον, quod de rebus sacris tractant, à viris sanctioribus conscripta, adeoque digniora sunt istis elogiis si cum aliis scriptis comparentur. Non invidemus eis hos excellentiæ titulos, sed paritatem cum Canonicis denegamus. Non diffitemur eos libros, præcipuè Sapientiam & Ecclesiasticum, esse Ecclesiasticos, cum Rufino, nec non divinos, sacros, sicut aliæ Ecclesiæ transmarinæ consentunt, sed tamen à divinitus inspiratis tantum distare asserimus, quantum à margarita vitrum, & à solaribus radiis lux lucernæ. Quemadmodum S. Paulus in magno pretio Legem habebat, sed cum ab inimicis Gratia contra Christum urgeretur, *Egena & mendica elementa* Apostolus non dubitat appellare: ita Apocrypha scripta esto sint in se opulenta, & aureis pietatis mysteriis refertissima; sed quia humani ingenii studio & industria fermentata sunt, ad Scripturas indubitatas comparata, egena & mendica scripta non est quod asserere metuamus.

Hæc illa sunt, Auditores, quæ idcirco contra meipsum spicula contorſi, & ut adversarius ſciat nos non latebras aut integumenta quærere, non verſutè aut subdolè, sed honestè & liberè nos ista tractare, qui nec ea reticemus quæ maximè contra nos faciunt; & ut vos etiam ea omnia intelligatis quæ ad causam præsentem spectant, cum ab omnibus qui in hac controversia se exercent, nescio quo consilio, hæc pars prætermiſſa sit, quâ tamen nulla videtur magis tortuosa aut inextricabilis: sed gladio Spiritûs & hunc nodum solutum accepistis. Et de secunda Propositione, pro Ecclesiæ nostræ vindiciis, hæc sunt quæ mecum attentius permeditatus sum: & hic vela sunt contrahenda, nam hora admonet, & ordinis ratio exigit; sic enim mecum constitui, non nisi trium dierum itinere hoc quaecunque negotium absolvere. Sed cum vicissim cogito quanta silentii spatia è vestigio sequuntur, quàmque ingrata & mihi & vobis altercationum istarum redintegratio futura est, quàm denique necessarium, ut relictis istis velitationibus, ad pristini instituti cursum, à quo non sine animi molestia divellor, me quamprimum accingam; ista necum reputans, vobis puto futurum acceptius à vo-

bis

bis pauxilluli temporis circumforanei usuram petere, & furto sacro vobis semihorulam depilare, ut possim reliqua exsequi, quàm ea dubio & longinquo coitionis novæ discrimini committere. Aurium vestrarum satietati occurrendum esse fateor, & si potero occurram: quod enim superest, alatis verbis currentique calamo expediam, non tractando, sed animadvertendo, stylo magis censorio, quàm oratoriâ manu.

Quæ sequitur pars & major & minor est illâ quæ antecessit; mole major, minor verò pondere, quia ignoratione Elenchi undiquaque laborat. Ego contendo Apocrypha non esse partem Canonicam Vet. Testamenti, quia non sunt scripta Hebraico idiomate, quia non sunt à Judæis pro Canonicis agnita. Adversarius malè sic recitat, & in suum sensum distorquet, *Dicit esse humana inventa, ed quodd non sunt scripta Hebraicè, ed quodd ab Ecclesia Judaica non recepta.* Hæc missa facio, nam tanti non sunt; & ad Argumenta propero, quæ in quinque Sectiones sic distribuuntur.

Sectio prima, Si Apocrypha non sint pars divinitus inspiratæ Scripturæ, ed quodd non sunt linguâ Hebraicâ scripta, ergò duo absurda sequuntur. Primum, Partem aliquam Prophetiarum Danielis non esse divinitus inspiratam, quia linguâ Chaldaicâ exarata est. Esto, sed pars tantum; & quæ pars obsecro? Pars media: nam primum caput & quinque postrema, quæ res Judæorum describunt, sunt Hebraicè scripta; sed à quarto versu secundi capitis usque ad caput octavum, Propheta linguâ Chaldaicâ utitur; & quia desumpta sunt aliqua ex Chaldæorum Annalibus, & quia Visiones sunt generales, quæ non ad solam Judaicam Ecclesiam, sed ad statum totius orbis, & inprimis Chaldæos, pertinebant. Attende igitur argumento. Ecclesiam suam Deus semper allocutus est linguâ cognitâ, eâ linguâ quam ipsa non intellexerit nunquam: at linguam Chaldaicam callebant tunc temporis Judæi, captivitate Babylonica edocti, non minùs quàm sermonem patrum, linguam verò Græcam, in qua Danielis Apocrypha scripta sunt, non callebant: proinde argumento non præjudicat quodd aliqua scripta non sunt idiomate nativo; hoc sufficit, quodd scripta sunt idiomate Judæis cognito; & tam paucula, ut verè dici possit totum Vetus Testamentum Hebraicè scriptum. Hæc prima est incongruentia quæ infertur. Altera est, Tum sequitur secundo, Novum Testamentum non esse Canonicum, quia non est Hebraicè scriptum: quod valde absolum, quia lingua non est Scriptura, sed veritas. Imò hoc est absolum, Ea quæ de Veteri Testamento asseruntur ad Novum traducere. In Novo Testamento textus Græcus non minùs est Originalis quàm in Veteri Hebraicus; quia toti mundo linguâ toti mundo cognitâ Evangelium erat promulgandum, ut Israelitis Lex linguâ ipsis notissimâ. *Ante Christum Judæi custodes erant Scripturarum, nunc deserunt esse Ecclesia, & nihil habent juris in Canonem, non tantum novum, sed nò veterem quidem.* Quid hoc ad argumentum quo contenditur non esse partes canonicas Veteris Testamenti libros Apocryphos? Imò verò maximè; quia lingua non est Scriptura, sed veritas. Esto, sed & hoc etiam insipidum, nisi grano salis condidatur. Si Verbi Dei potestatem & efficaciam consideremus, verum est, virtutem ipsius non in sono, sed in sensu consistere; non in linguæ vocibus, sed in evidentia Spiritûs; non in verborum foliis, sed in radice rationis: si originem, & interpretandi atque discernendi modum, sic ipsius linguæ utilitas maxima. Primò, quia est signum & indicium ex quo Scripturæ dignoscuntur à *Ἰουδαϊσμοῖς*. Secundò, quia est *ἡ κληρονομία* ad quod loci ambigui sunt pensculatius revocandi; quia τὸ *ἀποκρυφόν* tantum fidei merentur, quanta illorum est cum *ἀποκρυφῶν* concordia & similitudo; & autoritas eccl̃yp̃i pendet à prototypo. Tertiò, quia non modò sensus, sed

ipsa lingua quâ Prophetæ & Apostoli loquuti sunt, ex afflatu Spiritûs pendebat; non modò sententiæ, sed verba, 2 Pet. 1. *Acti à Spiritu Sancto loquuti sunt sancti Dei homines.* Deut. 18. *Ponam verba mea in ore ejus,* &c. Jer. 1. *Dedi verba mea in ore tuo.* Ezech. 2. *Loqueris verba mea ad eos.* Jer. 36. *Tolle volumen libri, & scribes in ea omnia verba quæ loquutus sum tibi.* Act. 2. *Cæperunt loqui aliis linguis, prout Spiritus dabat eis loqui.* Ergo si ipsa verba ab afflatu Spiritûs pendebant; & ipsa lingua unâ cum veritate & sensu est Scriptura. Hæc de Sectione prima.

Sectionis secundæ summa hæc est; Quòd idcirco libri isti non sunt autentici, quia Judæorum Ecclesia non receperit in Canonem. *Neque hoc, inquit, sequitur, si de externa politia & forma Ecclesiæ loquaris, quia Jerusalem quæ deorsum est de Prophetis aut eorum testimoniis judicare non potuit, ut eos justificares, occiderunt enim eos & lapidarunt,* &c. *Damnavit semper uxor illa conjugatam veram sponsam & vocem ejus, quàmvis hæc sola est & semper fuit columna & firmamentum veritatis.* Et dignum quidem patellâ operculum; at Theologo vox indigna est, nedum Pontificio. Inter Christi Conjugem & Christi Sponsam, dic mihi quid intersit: inter uxorem adulteram & castam, simulatam & veram, discrimen maximum; ut inter Christi uxorem & sponsam aliquod inveniatur, Delio natatore opus est. Fuisse quendam docet nos Quintilianus, Instit. 12. 10. qui interrogavit rusticum an Amphionâ nosset; *Nullo modo,* inquit: statimque subtraxit ille aspirationem, breviorque secundam ejus nominis syllabam, iterumque rogavit an Amphionâ nosset; *Optimè, optimè,* inquit, *exquisitissimè novi.* Haud absimiliter eruditus Apocryphorum defensor, de Uxore Christi negat, Prophetarum scripta illam excipisse, de Sponsa concedit: eodem acumine quo Campianus Rat. prima, & Bellarminus Contr. 4. l. 3. c. 1. nomen Synagogæ ad Judæos pertinere dicunt, non nomen Ecclesiæ. Quam ergò Sponsam intelligis? num Ecclesiam Christianorum, quæ desponsata olim Divinis promissionibus, & in plenitudine temporis in uxorem recepta? at de hac non instituitur quæstio; de Judæis loquimur, non de Christianis. Damnat Synagoga Ecclesiam, esto; sed damnare non potuit antequam in rerum natura fuerit: nos non de temporibus Christianis, sed de retroactis seculis disputamus. Quid igitur est? num per Sponsam Ecclesiæ partem invisibilem & veram, per Uxorem partem visibilem & simulatam intelligis? at vobis hæc distinctio non arridet; & istis vocibus parùm aptè exprimitur, *uxoris & sponse.* Et tamen aut hic animi tui sensus est, aut nullus; quia verba ista interponis, *si de externa forma & politia, & facie Ecclesiæ loqueris.* At quis è schola Pontificia ferre poterit sic loquentem? Illi Pastores solos Ecclesiam jactant, & tantum non Hæresin dicunt ad fidelium multitudinem Ecclesiæ nomen referre: tu Sponsam veram à forma Ecclesiæ externa sejungis; & nos libenter concedimus sub illa forma externa veram Sponsam latitasse. At verò ad argumentum sufficit, si pars illa Judæorum potior Scripturarum tabulas agnoverit, servaverit. At ego insto etiam ipsam Judæorum externam politiam fideles Veteris Testamenti custodes fuisse. *Librarios* Augustinus vocat, sive *Bibliothecarios Christianorum*: & S. Paulus, Rom. 3. 2. nos docet, quòd *eis credita sunt eloquia Dei.* Quid quòd Philo. apud Eusebium, l. 8. De præpar. Evangel. c. 2. Judæorum incredibilem erga libros Sacros religionem fuisse testatur; & Origen. l. 8. in Isaiam, & Hieron. in c. 6. Isaiæ, & Augustinus, Civit. 15. 13. hoc Judæos crimine purgant, non corrupisse eos Scripturas Vet. Testamenti, nedum rejecisse: nec non Epiphanius, in l. de Ponderibus & Mensuris, rationem hanc reddit cur Sapia & Ecclesiasticus non sint in numero Canonicorum, *quia non sunt in Aaron repositi, τῷ τῷ ὄν τῷ ἱερέϊ & Ἀβὴν καὶ ὁ ἱερεὺς,* h. e.

h. e. in arca testamenti; idemque Augustinus, Civ. 15. 22. *non esse in templo Hebraei populi*; & cum Epiphanio Hilarius, præfat. in Psal. Rufinus in expositione Symboli, Hieronymus in prologo Galeato: & post istos, Isidorus, Rhabanus, Hugo, Canonicorum Veteris Testamenti numerum *Hebraico Alphabeto respondere* asserunt; *quia ut vocem litera viginti duæ, ita fidei libri viginti duo formant*; adeoque extra hos, *Apocryphos omnes esse Alphabatos*. Non est igitur quod Judæorum in hac parte testimonium refugas, aut Ecclesiæ nomen ipsis deneges: nisi velis ut auditores videant quomodo sibi Pontificii constant: Cum pro autoritate Ecclesiæ pugnant, exemplum sumunt à Synagoga Judæorum, quod illa summum iudicium habuit super Scripturas, & illi soli erunt Canonici quos Judæorum Ecclesia pronuntiabat tales; cum pro Apocryphis militant, negant Judæorum politiani fuisse Ecclesiam. Sic ex eodem ore calidum & frigidum evomunt; & quod Augustinus de Philosophis, *Inter eos etsi vera dicuntur, eadem tamen licentiâ dicuntur & falsa*. Hæc de secunda Sectione.

In Sectione tertia & quarta nihil est quod refellit Adversarius: divisionem Ver. Testamenti in Legem, Prophetas & Psalmos non improbat; non negat Malachiam ultimum fuisse Prophetarum: hoc tantum opponit, Esdræ paulo post Daniele, Salomonem & Baruch ante utrosque vixisse: & deinde querit cur Esdras non numeretur inter Prophetas æquæ ac Ezræ, Baruch æquæ ac Jeremias, Salomonis Sapientia æquæ ac Salomonis Proverbia. Ejusdem generis est illud quod ad finem Sectionis quintæ atexit; *Quod si prophetia Henochi, aut Abija Shilonitæ, visiones Iddo, aut liber Nathanis reperiri possent, etiam nunc pro Canonicis recipiendi essent*. Quam debili ista fundamento nitantur, lippientes vident. De Nathanis, Abijæ, Iddonis scriptis, verisimile est quod Whitakerus noster disputat, contineri etiam ea hodie in Canone nostro, esseque partes librorum qui Samuelis & Regum nomine inscribuntur: nimirum à Nathane & Gado scripta esse Davidis gesta, quæ nomine Samuelis leguntur; Salomonis autem res gestas à Nathane, Abijæ & Iddone scriptas, & libro primo Regum contineri. Sed concedatur tamen esse quædam Prophetarum scripta quæ non sunt in Canone: at audiendus tamen est Augustinus, qui de Civ. 18. c. 38. rationem hanc reddit cur quædam Prophetarum scripta non sunt Canonica; quia alia sicut Prophetæ inspiratione Divinâ scripserunt, alia sicut homines historicâ diligentia scribere potuerunt: atque hæc ita fuisse distincta, ut hæc tanquam ipsis, illa tanquam Deo per ipsos loquenti, judicarentur esse tribuenda; & sic illa pertinerent ad ubertatem cognitionis, hæc ad Religionis autoritatem, in qua autoritate custoditur Canon.

De Henoch affert S. Judas eum prophetasse, non ait eum aliquid scripsisse: quid verò prophetavit, S. Apostolum ex Spiritus instinctu accepisse probabilius est quam ab Enoch Apocrypho. Sed concedatur eum scripsisse aliqua, sicut Augustinus contendit, Civ. 1. 15. c. 22. num propterea quod Enoch nomine circumfertur scriptum in Canonem erit recipiendum? Scriptum illud quod ita circumfertur, non Augustinus modò, & Hieronymus, & Athanasius, sed & ipse Bellarminus, Contr. 1. 1. c. 18. concedit fictitium fuisse & spurium. Fuit etiam & Eliás Propheta, fuit & Sophonias, fuere Philippus & Thomas divinitus inspirati: num ergo Eliæ Apocalypsis, aut Sophoniæ Assumptio, aut Evangelium Philippi, quo Gnostici, aut Evangelium Thomæ, quo Manichæi utebantur, in Canonem recipiendum?

Idem de Apocryphis Baruch & Esdræ, & Sapientiæ libro est dicendum. Vixerunt Salomon & Baruch ante Malachiam, Esdras circa illa tempora, Aug. civ. 18. 36. ergo erant divinitus inspirati? Sed ostensum est supra, neque

neque authorem Sapientiæ fuisse Salomonem, neque libri Baruch, Baruch : & nè ipsi Pontificii, nec Concilium Tridentinum, tertium & quartum Eſdræ aſſumunt in Canonem. Con. Trident. ſeſſ. quarta.

In Seſſione ultima duo ſunt attingenda. Primum eſt de loco Deut. 4. 2. *Nè addite ad verbum illud quod ego præcipio, &c.* & Apoc. ultimo, *Si quis adjecerit ad iſta, apponet Deus ei plagas ſcriptas in libro iſto.* Illis locis utrumque Teſtamentum obſignatum dixi, nè quis præſumat adjicere non Canonica Canoniciſ. Senſum locorum hunc eſſe adverſarius autumat. Primò, *Non quamlibet additionem prohiberi, ſed talem quæ ſenſum mutet, pervertat aut corrumpat, i. e. additionem repugnantem aut contrariam :* eſt hæc interpretatio Bellarmini & Sonnii. Secundò, *Nihil addendum tanquam à Moſe & Joanne ſcriptum :* quæ eſt interpretatio Driedonis. Rationem author ſuum producit, *Si nihil addendum Moſaiciſ ſcriptis, Ergò nec libri qui ſequuntur, qui à Prophetis ſcribuntur, attexendi in Canonem ;* quod eſt argumentum Perſii. *Si nihil addendum,* inquit Perſius, *libris Moſaiciſ, ergò excludendi libri omnes qui poſt Moſen recepti in Canonem.* At quam inania ſunt iſta : Primò, quia doctrina quam de fide & moribus Prophetæ & Apoſtoli docuerunt, non ſunt additamenta, quia quod Prophetæ docuerunt, in libris Moſis continetur ; quod Apoſtoli, in libris Prophetarum : ſic ut nullum ſit dogma Novi quod non confirmetur ex Veteri ; obſcurius quidem in Veteri, ſed in Veteri tamen. Deinde, ſi dicantur *additiones,* at non ſunt additiones humanæ, ſed ejusmodi quarum ipſe Spiritus Sanctus author eſt : at in iſtis locis additiones prohibentur non ſcribendorum à Prophetis, ſed ſcriptorum uſpiciam à non Prophetis. Poſtremò, ſi non licet aliquod novum dogma addere, aut interpretationem novam quæ ſenſum Scripturæ pervertat aut mutet, multò minùs aliquem librum novum aut *ἀδρόμωρον*, tanquam *Σερόμωρον* & hoc modo ut plurimùm Veteres interpretati ſunt. Athanaſius in fragmento ex Ep. 39. Paſchali, poſtquam enumeraviſſet Canonicos, *μὴ δὲ τίς τις ἐπιθεῖται, μὴ δὲ τίς τις ἀφαιρέσῃ*, Nemo hiſ addat, neque hinc auferat quicquam. Irenæus, l. 4. c. 63. *Scripturarum tractatio pleniffima eſt, neque additamentum, neque ablationem recipiens.* Tertull. cont. Hermogenem, c. 22. *An de aliqua ſubjacente materia facta ſint omnia, nuſquam adhuc legi ; ſcriptum eſſe doceat Hermogenis officina : ſi non eſt ſcriptum, timeat Væ illud adjicientibus aut detrahentibus deſtinatum.* Baſil. hom. De fide, *Maniſeſta eſt à fide defectio & ſuperbia indicium, ἢ ἀδερειν τι τῶν γεγραμμένων, ἢ ἐπιποιεῖν τῶν μὴ γεγραμμένων,* aliquid vel eorum quæ ſcripta ſunt inſirmare, vel quæ non ſcripta ſunt inferre : tum ſequitur, quia Apoſtolus interdicit quicquam addere aut detrachere Scripturis Divinis. Ambroſ. de Paradifo, c. 12. *Si quid addas vel detrahas, prævaricatio quadam utdetur eſſe mandati :* & paulò poſt, *Docet nos præſentis ſeries lectionis, neque detrachere aliquid Divinis debere mandatis, neque addere ;* & locum Joannis producit. Procopius in locum Deuteronomii, *Verba Domini cùm plena & perfectæ ſint, auctarium nullum admittunt.* Plura adduci poſſent, ſed hæc ſufficiunt ad locorum iſtorum ſenſum vindicandum.

Poſtremum quod in hac Seſſione adducitur, eſt de libro à noſtrati neſcio quo conſcripto, qui intitulatur *Babylon cecidit*, in quo Prophetia quadam Eſdræ, ex l. 2. c. 11. explicatur : *Vir, inquit, eruditus erat, & veſtra Academia.* Quid exinde ? eſto noſter, eſto amicus ; at æquum eſt veritatis cauſâ vel noſtra ipſorum dogmata evertere. Et Genebrardus veſter eſt, ſed ille tertium & quartum Eſdræ Canonicos eſſe ait, & ſacros ; aliter quàm Tridentina Synodus : num igitur hoc præjudicat cauſæ veſtræ ? Sequitur, *Non veritus eſt Eſdras in Prophetarum numerum cooptare, & librum ejus Scriptu-*

ra Sacra titulo insignire. Non negatur, quid tum postea? at neque authorem Prophetiam vocat, neque librum ejus scripturam Canonicam. In Prologo Prophetiam vocat, in Appendice Scripturam Sacram: at multum interest inter Scripturæ Sacræ & Scripturæ Canonice nomina, inter Prophetam & Prophetiam annuntiantem: & Balaam prophetavit, & Caiaphas, an Prophetæ censendi? Sed audiat præterea quid in hoc libro author explicitè tradat, Ruinam Babylonis, i. e. Romæ & idolorum ejus. Hem, ut Petrus sit Romæ, sit Roma Babylon; ut Pseudo-Esdras sit Propheta, Roma cadat. Sic sapientia justificata à filiis suis: Benedictus sit Deus.

Seriùs quàm volui, & tamen ocyùs quàm putavi, ad hæc tandem verba perveni, in quibus est mihi pes figendus. Bono igitur estote animo; terram nunc video sub istis sanctissimis verbis, *Sapientia justificata à filiis suis*. Agnosco Pastoris vocem. Tua hæc sunt verba, animarum salus, Jesu dulcissime: Tu Sapientia Patris in se, tu Dei factus es Sapientia nobis; tu ab inimicis tuis sæpe, tu à servis tuis semper justificatus es, & semper justificandus: nè desint aliquando qui vel confiteantur mortuum, vel regnantem adorent. Post te, à te cœlitus inspirata Veritas tua est nobis cordi; nam & illa Sapientia Dei, & Sapientia nostra est: est, inquam, cordi nobis, aut si quid corde intimius; supra ipsas animas est nobis curæ, ut verbis, scriptis, factis semper justificetur à filiis, quæ compluries pro justissima est agnita ab ipsis hostibus. Non sum nescius, Auditores, quàm sint hujus aurei Apophthegmatis multiplices interpretum conjecturæ; dum per *Sapientiam* alii doctrinam cœlestem, ut Hieronymus, alii providentiâ cœlestem intelligi volunt, & *Σεισάρον ὑνδὲ ὑγιάρ*, ut Chrylost. loquitur: Per filios alii Scribas & Phariseos, qui filios se regni putantes sapientiam Salvatoris habuerunt despiciatui; alii discipulos, fidelesque Judæos, qui eam medullitus amplexi sunt. Denique & vox illa *Justificata* aliis idem sonare videtur atque *in jus vocata*, aliis *pro justa comprobata*; aliis *pro justa habita & vindicata*. Ità in tres sententias res tota solvitur, quæ maxime conveniunt huic quod præ manibus est negotio. In jus vocatam sapientiam Scripturarum nemo non videt; in tribumalia ducitur, accusatur, reprehenditur, damnatur, proscribitur, nisi cum Traditionibus, ut cum Apocryphis, autoritatis suæ jura dividat; idque ab iis qui se solos & Ecclesiæ filios faciunt, & Veritatis hæredes. Quid igitur expectandum est? an ut intereat Veritas, defensoribus orbata, destituta patronis? O nos miseros! O miserum Religionis statum, si in hac prima interpretum sententia acquiescendum esset!

Sed adest altera quæ nos hoc animi metu liberabit: quia si hostes habeat Veritas, habet eosdem vel invitos testes, qui dum opponunt se, & cum pudore desciscunt; quamvis assentire nolunt, at quia refellere non possunt, in conscientiis suis convicti, velint nolint, coguntur confiteri, *magnam veritatem esse & prevalere*, sanctam piâque doctrinam esse quam rejecerunt.

Adest etiam & tertius, non minùs jucundus verborum sensus, quia quos alumnos habet veritas, eosdem habet & vindices, qui omni contentione animi, ingenii, vocis, virium, quasi pro aris & focis, usque ad aras & flammis se interponunt; ut quamvis se rumpant degeneres catuli, causa nihilominus silva manet, laudèmq; suam & autoritatem conservat. Sic ab utrisque, & bonis & malis, ab iis qui credunt & qui non credunt, sive amplexantur homines sive respuant, Sapientia justa declarabitur. De Christi temporibus nulla subest dubitatio; habemus id Christi ipsius verbo confirmatum, Matth. 11. *Cecinimus vobis, & non saltastis; lamentavimus, & non planxistis*: utroque modo rebellem probavit Deus populum. Venit per lamentationes & planctus in Joanne Baptista, ut ad poenitentiam provocaret; & hoc modo converfi

conversi non sunt: venit per canticum & saltationem in Christo suo, ut ad bona opera alliceret; & nē sic quidem sunt capti; nec tubæ voce, nec tibiar, nec jejuniū, nec saturitatis. Ergo quia utramque prædicandi normam, utramque viam salutis Scribæ & Pharisei spreverunt, percussi sunt à Christo hoc Epiphonemate, *Justificata est sapientia ab adversariis suis.*

Ad nostra tempora quod spectat, quis non videt ejusdem contumaciæ rediviva vestigia? habet & nunc Scribas suos & Phariseos orbis Christianus, qui sibi solis Moſis cathedram vendicant, & claves regni, & Sacerdotis decus, & Pontificatūs primatum, & Ecclesiæ gubernacula, & Patrum consensum, & Spiritūs Sancti proprietatem dicam, cum Jurisconsultis, an improperium? & istorum titulorum falso fulgore præstringunt vulgi oculos, eludunt populum, veritatem pessundant, sapientiam Scripturarum extorrem, urbe, luce, foro, templo, domo & hospitio omni prohibent: & inter hæc quid filii sapientiæ? tacemus? dormimus? quiescimus? imò verò instamus, urgemus, adjuramus, obtestamur, cantu, lectu, prædicationis tubâ, scribentis calamo, è Scholis, è Pulpitis, Scripturarum oraculis Patrūque suffragiis insequimur; & frustrâ, heu! frustrâ hæc omnia, nam nihil proficimus. Quid superest quàm ut ad querelam Salvatoris nos recipiamus, ut inde solatium aliquod reportemus, *Cecinimus vobis, & non saltaſtis, lamentavimus, & non planxistis*, neque illâ neque hâc disciplinâ edocti? Nam si jejunium vobis placet, cur Joannes displicuit? si saturitas placet, cur non placet Christus? si Scripta nostra vobis molesta sint, cur vosmet ab Ecclesiis subducitis? si Conciones, quare deuritis libros? si Scripturæ arident, cur sacros obstruitis fontes? si Patrum volumina, quare infecistis rivulos? denique, si Scripturæ placent, cur ad Traditiones confugitis? si Scripturæ non placent, cur Apocryphorum suspicitis auſtaria? O frustrâ susceptos labores nostros! ô inanes & irritos conatus! conclamatum jam esset, & desponderemus animos, nisi quodd opus nostrum apud Deum nostrum, & pignus fidei in istis verbis positum, *Sapientia justificata est à filiis suis.* Laudatur ab Horatio poeta qui quæ — *desperat tractata nitescere posse, relinquit*; atque Attilii dictum probatur à Plinio, l. i. ep. 9. *præstat otiosum esse quàm nihil agere*, i. e. aliquid frustrâ agere: & in operibus iniquis sic se res habet, in bonis non item; præstat nihil agere quàm otiosum esse. Sit illud Hieronymi receptissimum, in Ezech. 14. *Non meretur veritatem audire qui fraudulenter interrogat*; & illud M. Tullii, *Nescio quomodo fit, sed errare plerique malunt, quàm sententiam quam semel amplexi sunt derelinquere.* Contorqueat in me vetus illud verbum qui velit, cur laterem lavas? cur verba prodigè effundis, & nihil proficis? invenisti lateritium, relinquis marmoreum. At Solonis filium defunctum lugentis, mea erit responsio; Cùm dixisset quidam, *Ὀὐκ ἔστιν ἀνὴρ πτερός*, imò propter hoc ipsum illacrymor, *ὅτι οὐδὲν ἀνὴρ πτερός*; & ego hæc propterea dixi, quia nihil proficio: sed hoc lucratus sum tamen, quodd liberavi fidem meam; & hoc, quodd in posterum nemo mihi molestus erit, quia spondeo me has in me partes in posterum non recepturum.

LECTIO XV.

GRayis ab Apostolo Paulo cum Corinthiis postulatio agitur, eò quòd ad sedes Corinthiacas redituro Apóstolum vix crederent, cum Philippis diutius commoratus esset. *At ego, inquit S. Paulus, si Dominus voluerit, citò venturus sum ad vos, & cognoscam non sermonem eorum qui ista dicunt, sed virtutem.* Similiter & ego, Auditores, si de superioris Terminis exactis jam laboribus vobiscum placidè conquererem, necesse est ut eodem spiritu iisdemque verbis me vobis purgarem. Audiui enim, idque non semel, esse aliquos qui ad incepta priora, unde discesserim, reversurum me aliquando vix sibi persuadere possunt, quòd Apocryphorum librorum proletariam Apologiam ad spongiam revocaverim, intermissâ aliquantisper mei parte debita instituti. Scilicet incautè hoc à me & temere factum, cum larvis lustrari, & provinciam susque deque pro derelicta habere. Et quæ porro spes erit pergendi, si pulex aut musca quævis quæ hircere aut exsilire cœperit, à conscientia propositi ad inanem inutilémque capturam animum abducatur? Equidem, ut verum fateor, non aucto temere frigidis istis me præbere credulum rumusculis, de vobis præsertim, viris ad unum omnibus integerrimis, quorum humanitas usque mihi jam & experimento satis est cognita. At si fortasse fuerint ejusmodi qui istis sibi adblandiantur conjecturis, attendant velim quid in re simili Hieronymus, *Nihil tam facile quam otiosum & dormientem de aliorum labore & vigiliis disputare.* Sin minùs, audiant saltem quid in re non dissimili Apóstolus, *Citò, inquit, venturus sum ad vos: & ego pariter dicto citiùs, non venturus sum, sed venio, & ad sedes pristinas rursus me confero, faxòque ut istâ intercapedine non retardatum me, sed multis gradibus provectum vos omnes sentiat. Summa est prudentia, inquit, ni fallor, alicubi Augustinus, si quis ex contrariis malorum sibi possit remedia comparare. Prudentia quidem rectè dictum, sed prudentiæ magis quàm difficultatis, quia hac in re naturam habemus ducem, nè dicam experientiam, absque alterius magisterio præceptoris. Ex naturæ principiis, à motu ad quietem res universæ feruntur; Elementa idcirco moventur ut quiescant: at secundum Artis regulas, aliquando à motu ad quietem, aliquando à quiete ad motum, aliquando à motu ad motum homines ducuntur. Nam operarii & artifices nocte quiescunt ut interdiu moveantur; Principes contrà, dulcissimæ Pacis viam Bello sibi & motu aperiunt; & vice versâ salientes recurrunt & moventur, ut majori motu imperitque progrediantur. Utroque modo Oratores, aliquando se intra silentium tenent, ut vehementius loquantur; aliquando loquuntur denuo, ut Adversarii fracti convectique taceant. Post hæc singula tam usitata, planèque notissima, non est quod Vos de processu nostro desperetis, posse etiam & nos vel per contraria media ad finem destinatum perungere. Neque est quòd miremini si perpaululùm de via flexerim, ut pacem diurnam lite breviculâ emerem, & pusillo motu perpetuam quietem. Tantum verò abest ut isti altercationum scopuli, aut olim orti, aut olim oricuri, viam mihi intercludant, magis ut muni-*

M

ant

ant atque accelerent. Solis curriculo nihil habet Natura rerum constantius; deturbari de loco non potest, Procellæ licet sæviant, & phrenetici Septentrionum filii debacchantur: at novimus tamen quando hoc sidus masculum, opifex & auriga diei, de circulo se subduxerit; nam & Hezekiæ Regis tempore retrocessit, & ad Josuæ nutum constitit, ut huic Victoriæ, & illi Pacis ac Vitæ signum esset diuturnioris. An quia per horas aliquot cursum suum Sol remoratus est, etiam & semper? An quia ad decem gradus se retraxit, in fines pristinos se nunquam postea receperit? Nihil minus: sed incitatione summâ & pernicious alis per signa Zodiaci saliens, quantum horarum deperditarum refarcivit, *exultavitque ut Gigas ad decurrendam viam suam*. Quodd si non absque arrogantæ nota Solis in nos, creaturæ cœlestis, similitudinem recipere possimus; at saltem ad Umbrae effigiem liceat aspirare, Umbrae quæ retroversa est in horologia Ahaz. Esto, concedatur hoc vobis, quodd per hæc spiramenta temporum & silentii intervalla rota nostra constiterit, quodd per illa priora jurgia retrocesserit; at nunc tandem ad lineas priores umbra reversa est, ad hæc *nova & vetera*, diu multumque desiderata, ut qui Divinarum humanarumque literarum, nec non Veteris Novique Testamenti conjugia in istorum verborum speculo vobis superius monstravi, nunc tandem ad Legis similiter & Evangelii nuptias vos convocarem. Quæ quomodo hac spectant facilius erit observatu, si modò eandem quâ me primum insinuavi, retro jam viam reperitam dederò, & ordinis primitus constituti capita paucis exposuero.

Scopus verborum ad quem collimare Salvator noster videtur, is est, Ut pastoralis muneris specimen ex specifica Differentia & Causis propriis depictum Discipulis suis exhibeat. Differentia specifica est in verbo *profert*; docetque quodnam sit officium Pastoris Evangelici: & hinc Thesis prima orta est, Prædicationem Verbi esse opus & ordine primum, & dignitate præcipuum, inter omnia Cura pastoralis exercitia, cui se totum accingere debet qui Scribæ Evangelici partes agit in Ecclesia Christi. Causæ connotatæ in reliquorum verborum ambitu continentur, & in istis ostenditur, Primò, Quæ proferenda, *Nova & Vetera*: ista habent rationem Materialis. Secundò, Cui bono ea quæ sic profert referenda sunt, in ista clausula, *ad regnum Cælorum*: rationem habet Finis. Tertiò, Quod exemplar statuendum est dum hæc meditatur, *tanquam paterfamilias*: ibi ratio Formæ. Quartò, Quæ præparatio exigitur ut faciat; Eruditionis thesaurus comparandus est: illud adinstar causæ Efficientis.

Hæret adhuc in prima parte calamus, in iis enucleandis quæ ad Causam materiale spectant, Quæ sunt hæc *Nova & Vetera* quorum cura nobis tam sollicitè commendatur: illa verò & in Genere & in Specie consideranda proposui. Ex intuitu Generali hæc Propositio erumpit, Verbi Ministrum decet affatim instructum esse, & omnis scientiæ apparatus ad manum habere, ut è divite penu opum spiritualium proferre verbum gratiæ possit, diversis ingeniis congruum, cuius palato & desiderio accommodum: sive in arguendo, sive in consolando, sive in hortando, sive in disputando versetur, curare debet ut non nisi vera, & salutaria, & ad redificationem tendentia proferat, sive *Nova* fiat, sive *Vetera*; eaque nunc sermone aperto tradat, nunc parabolis & similitudinibus, nunc exemplis illustrata, nunc (prout res postulat) argumentis roborata & auctoritate sancita. Hæc summa est intuitus Generalis.

Particularis verò in expiscando sensu verborum absumpta est, ut in hac quidem

quidem parte, eventitatis tam veterum quàm recentiorum varlis interpretationibus, ad quinque classes compendia dicendorum redegì, sub Logica rerum partitione, hoc modo; Quæcunque sub tractatu Theologico cadunt, vel ad Intellectum diriguntur, vel ad Affectum; hoc est, vel ad Doctrinam fidei, vel ad Vitam & Mores: ista est *Novorum & Veterum* Classis prima. Quæ ad Vitam & Mores spectant, sunt vel Promissiones & Præmia Evangelica, vel Minæ & terricula Legalia; hoc est, ea quæ ad bonum alliciunt, & ea quæ à malo retrahunt: hæc Classis secunda. Quæ ad Doctrinam & Fidem spectant sunt duplicis ordinis, vel Divina, vel Humana; hoc est, vel sapientia Scripturarum, quæ sunt fundamentum Fidei, vel peritia Scientiarum secularium, quæ adiumenta sunt: hæc Classis tertia. Rursus, Sapientia Scripturarum duo in se continet, ea quæ in Veteri Testamento, & ea quæ in Novo habentur; hoc est, scripta Prophetica, & scripta Apostolica: hæc Classis quarta. Denique, Scriptores humani sunt duplicis generis, vel superioris quod retroactum est seculi, vel seculi præsentis & adjacentium; hoc est, Antiqui & Neoterici: ista est *Novorum & Veterum* Classis ultima.

Classes istas, quia sunt numero quinque, in tres species contractis dedi; *Vetera & Nova* Præparatoria, id est, in re humana; *Vetera & Nova* Fundamentalia, hoc est, purè Divina; *Vetera & Nova* Accessoria, hoc est, mixta sive Ecclesiastica. Ex istis quadruplex harmonia sive concordia oritur; quibus omnibus peritus Theologiæ artifex intendere debet. Concordia prima est literarum utriusque Republicæ, Secularis & Sacræ: hinc prima Propositio, Tractatori Sacro licet non è Scripturis modò, sed è Scientiis secularibus, copias suas atque apparatus instruere, & ex illis haurire quæcunque sive *Nova* sive *Vetera* aptiora sunt ad promovendam veritatem. Concordia secunda est Scripturarum utriusque Testamenti: hinc secunda Propositio, Tractatori Sacro necessarium fore, ut petitis ex utroque Instrumento armis se muniat, quò possit totum Dei consilium enarrare, tam labio Prophetico, quàm labio Apostolico, & in Via lactea Elementorum, & in via sublimi Oraculorum Dei. Concordia tertia est mediorum utriusque Tabernaculi, Mosis & Christi: hinc tertia Propositio, Tractatorem Sacrum teneri non Legem tantum, sed & Evangelium docere, & utrinque populum instituere, & in iis quæ Lege suâ Deus requirit, quæ nisi præstiterimus, sumus damnationi obnoxii; hæc est Doctrina verus: & in iis quæ in Evangelio Christus requirit, ut credamus in Christum, qui nostra est & Legis impletio, & à maledictione Legis liberatio; hæc est Doctrina nova, alteri affixenda. Concordia quarta est Scriptorum utriusque Seculi: hinc quarta Propositio, Tractatori Sacro convenire ut in scriptis tam veterum quàm recentiorum Theologorum versatissimum se præbeat, quò possit utrinque fidei dogmata vel explicare distinctius, vel firmius stabilire. Concordiam primam expeditivimus, unà cum Propositione quæ ipsi respondeat, De suavissimo in rebus fidei Divinarum humanarumque literarum consortio: Præterea & Concordiam secundam, unà cum Propositione quæ exinde contextitur; & utroque membro istius Propositionis, altero de ἀνθρώποις, altero de σμωφωρίᾳ & consensu Testamentorum.

Ad Tertiam jam propero, quia ordo tractandi id postulat, ut de Concordia Legis & Evangelii nonnulla dicamus, quàm sit inprimis necessarium ut in salutis mysteriis tractandis, Pastor Evangelicus sit Moses Atticissans, hoc est, ut utroque fonte se imbuat Scriba eruditus, quò possit & ex luce Evangelii Legem, & ex face Legis Evangelium explicatius reddere:

nam quòd ad hos etiam terminos *Vetera & Nova* referenda sunt, ex iis quæ deinceps dicturi sumus luculenter patebit. Quod autem ad hanc partem attinet, duo sunt quæ discutienda mecum constitui; Quibus Columnis interpretationi nitatur, & Quæ sunt Theoremata quæ ab interpretatione emergunt, Columnis istis quasi Epistylia superstruenda.

Ordiamur à prima parte, ut videamus quibus Columnis hæc interpretatio sukatur: nam nisi istæ statuuntur, vereor nè reliqua quæ sequuntur omnia luxurient vobis, ac vana evadant, eadèmq; facilitate rejiciatur interpretatio, quæ ante oculos ponitur. Columnas autem cum dico, non eas solùm intelligo quæ molem pondusque edificiũ sustinent, sed etiam eas quæ nitoris ornatusque gratiæ solent coaccedere. Istas columnas Architectonicas vocant, has Adventitias, illas Sustainationis, has verò Ordinis. Columnæ Adventitiæ ab Interpretum Doctorumque consensu edolanda sunt. Authores enim non desunt qui expositioni huic suffragantur. E recentioribus, Pontificiis quidem, Simon Cassianus, Hugo Cardinalis, Joh. Arboreus; nostris autem, Lutherus, Philippus, Brentius, Chemnitius, sic se expediunt. E vetustioribus, Origenes, Hieronymus, Hilarius, Gregorius, Cyrillus, Anselmus, Bedæ, Paschasius, Rhabanus, & author Recognitionum quæ sub Clementis nomine circumferuntur. Hi uno ore omnes per *nova & vetera* intelligunt ea quæ sunt Legis & quæ sunt Evangelii; nisi quòd hoc tantummodo intersit inter eorum expositiones, quòd alii ad Disciplinam, alii ad Doctrinam Legis & Evangelii referunt, alii, ut Rhabanus & Beda, ad utrumque. Sed eos mitto, propter ea quòd Hieronymi & Hilarii vitulis ararunt, & transcriptores se magis exhibuerunt quàm interpretes. Cæteri non sunt indigni quos verbis propriis loquentes audiamus; & illos qui de Disciplina, & illos qui de Doctrina Legis & Evangelii dictum existimant.

Ad Doctrinam Legis & Evangelii Origenis sententia inclinat, & Hilarii, & Hieronymi, & Cyrilli. Origenes in Com. super cap. 13. Evangelii secundum Matthæum, *Nova sunt*, inquit, *doctrina Evangelica, Vetera verò ea quæ à Lege & Prophetis assumuntur*. Item Hilarius in locum, *Ea sunt nova & vetera, quæ in Evangelio & Lege proferuntur*; ejusdem utraque *patriæ familiæ, & unius utraque thesauri*. Nec non Hieronymus etiam in locum, *Nova & vetera sunt quicquid in Evangelio prædicatum*; idem Legis & Prophetarum vocibus comprobatur. Adhuc & Cyrillus l. 3. in Johan. c. 34. *Vetera & nova, Legalis & Evangelica gratia; Vetera enim Legalia sunt, Nova verò Christi*. Postremo, author Recognitionum, l. 4. *Per vetera & nova reputantur ea quæ sunt Moysi & Christi. Debet enim is qui ex Gentibus est, & ex Deo habet ut diligat Jesum, proprii habere propositi, ut credat & Moysi. Et rursus, Hebræus qui ex Deo habet ut credat Moysi, habere debet & in proposito suo ut credat in Jesum*.

Ex altera parte, ad Disciplinam Legis & Evangelii, ut per *vetera & nova*, Minæ Legales & Promissiones Evangelicæ statuuntur, tres reliqui prope dunt, Gregorius, Anselmus, Paschasius. Gregorius Hom. 11. in Evangel. *Profert nova & vetera, hoc idem est ac si aperte diceretur, Ille in sancta Ecclesia doctus prædicator est, qui & nova scit proferre de suavitate regni, & vetusta de terrore supplicii; ut vel pœna terreant quos præmia non invitant. Audiat de regno quod amet, audiat de supplicio unusquisque quod timeat: ut torpentem animum si amor ad regnum non trahit, vel timor adigas*. Eodem planè modo Anselmus, *Nova*, inquit, *& vetera Christus vocat Comminationem pœnæ, & Promissionem celestis gloriæ. Vetera ergo prædicat, qui pœnam infernalem minatur: nova verò annunciat,*

nunciat, qui regnum cæleste pollicetur. Paschasius paulò aliter, verbis potiùs discrepans quàm sensu, *Nova & vetera, hoc est, inquit, quæ ad Adæ prævaricationem pertinent, & quæ ad Christi gratiam. Debet enim qui est Doctor in Ecclesia, & quæ sunt Cæli docere, & pœnas Inferni denuntiare; debet & vitia quæ ad veterem pertinenti hominem curare, & bona opera ad novam vitam pertinentia ostendere; debet ità temperare hæc nova & vetera, nè vel timor gehennæ fideles absorbeat, vel spes beatitudinis jactanter nos elevet. Liceret mihi in hac causâ infinita alia testimonia adjicere; sed modus aliquis statuendus est. E multis hæc pauca delibasse sufficiat: quorum quidem sententias ordinatim ego in apurum produxi, non quòd in ipsis firmamentum ac robur totius interpretationis collocandum existimem; sed quòd de Veteribus & Novis disputans, meritò culpandus essem, si Novorum & Veterum sententias præterirem, præsertim ubi tam appositè loquuntur. Sed tamen in istis non est ultimò acquiescendum: *Columnas Adventitias* de industria appellavi, ornatui magis subservientes quàm sustentaculo.*

Non desunt verò Columnæ, quas dixi *Architectonicas*, superestque alia basis, eaque multò firmior, cui interpretatio incumbit, nimirum ipsius suffragium Scripturæ; quo si librata fuerint veterum testimonia, nervosa satis erunt atque valentia. Solent navæ pluribus anchoris infranare navigia, ut firmiùs hæreant: nec dissimile illud est quod de Philera Coo habetur apud Athenæum l. 12. Deipnosophistarum, quòd cum valde levi & gracili corpore esset, plumbeos nescio quos globulos pedibus subjicere solebat, nè à vento everteretur: & *Apes*, inquit Ambrosius, l. 5. de Virginit. *quum aeris motus suspectos habent, lapillis subtilatis per inania se libranti nubila, nè leve alarum remigium, præcipitent flabra ventorum.* Hi globuli, hi lapilli, hæc anchora Scriptura Sacra est, si cum Patrum testimoniis conferatur. Ergò quod Basilius ad Eustathium medicum, *Ἐπιθεωρῶντες ἡμῶν τὸν δόκοντες ὁ γὰρ γὰρ, Judicet nos Sacra Scriptura.* Sane autem quatuor Scripturæ Sacre loci qui expositionem hanc lumine candenti tingunt, ut clariùs luceat.

Primus locus habetur Cant. 7. 13. *Ecce omnes pretiosos fructus, & novos simul ac veteres, dilexisti mi, servavi tibi.* Est vox Ecclesiæ ad Caput suum, honorem & gloriam salutaris gratiæ Sponso suo Christo deferens. Neque vos later, Auditores, adductum olim hunc locum fuisse à me, ut per *vetera & nova*, Vetus Novumque Testamentum significari ex ipso Scripturæ idiomate docerem. Sic enim unanimi consensu Patres omnes. Sed tamen Philo Carpathius, non contemnendi nominis author, & post eum è Neoteris non pauci, pressius quàm reliqui, non modò de Veteri Novòque Testamento, sed imprimis de Legalibus & Evangelicis præceptis illud à Salomone dictum putant. Ut si jam huic loco adaptemus, *Frater adjuvat fratrem*; ut ex istis *novis veteribusque* Salomonis, quæ sunt etiam Salvatoris nostri *nova & vetera* nemo non videat. Nimirum in significationis latitudine, omnia cujuscunque generis adjumenta; juxta proprietatem significationis, Vetus Novumque Testamentum; per eminentiam autem, ea quæ sunt Legis & quæ Evangelii.

Secundus locus habetur Matt. 5. 21. *Audistis quòd dictum sit veteribus, Non occides: Ego autem dico vobis, quòd quisquis irascetur contra fratrem suum temere, reus est judicii: & sæpius eodem capite hujus repetitio formulæ occurrit, Audistis quòd dictum sit veteribus, Ego autem dico vobis;* Quibus quidem verbis non Mosi aut Legi Christum se opponere, sed Legis

explanatoribus Scribis, non est necesse ut urgeam. Non enim Legem aut corrigit aut solvit Christus, sed suo sensui reslituit; neque novum Legis sensum comminiscitur, sed veterem illum à Mose & Prophetis traditum, à Scribis autem & Phariseis depravatam, instaurat. Hæc mitto, ut præsentī instituto minùs accommoda. At loquendi formula huic quæ præ manibus est dulcissimè astipulatur; *Dictum veteribus, &, Ego dico.* Quæro, quænam sunt hæc quæ dicta Veteribus? Dicta Legis: Quæ verò dicta Christi? Dicta Gratiæ Evangelicæ. Quid hoc est aliud quàm *vetera* dicere & *novæ*, quod Doctōris boni officium unicum est, Mosis & Christi dicta è thesauro depromere, hoc est, Legis & Evangelii, hoc est, *vetera & novæ*?

Tertius locus occurrit in Evangelio secundum Joannem, c. 13. vers. 34. *Mandatum novum do vobis, ut vos invicem diligatis.* Videte autem, Dilectionis mandatum novum Christus vocat; & non aliud erat tamen quàm quod à Mose acceperant. Videte denuo, *novum* vocat, & *vetus* non vocat: sed tamen Joannes Apostolus, qui è Christi pectore, in quo solus recubuit, hoc Dilectionis mandatum sūxisse videtur, & illud alterum ascribit, 1 Joh. 2. 7. *Dilecti mei, non mandatum novum scribo vobis, sed mandatum vetus, quod erat vobis à principio: & rursum, versu octavo, Mandatum novum scribo vobis, quod est verum in ipso.* Quid hæc sibi volunt? *Mandatum novum, & non novum*, non sunt *ἀνέκτα*. *Vetus* enim erat *mandatum*, quia in tabulis Mosis scriptum, inquit Oecumenius: *novum autem est*, ὅτι καὶ ὁν ἔστι τὸ ἐν ὁ. & ἐπὶ τοῦ πνεύματος, inquit Ammonius, quia nova est forma mandati veteris, nova qualitas & modus dilectionis, ut Cyrillus optimè. Quanquam & hoc haud intempestivè adjici potest, *novum mandatum* dici, vel quia novis, inque novo statu collocatis, est impositum; vel quia novissimè post alia omnia est à Christo inculcatum; adeoque non jam novum & vetus erit ampliùs, sed novissimum & vetustissimum: vetustissimum, quia primum; novissimum, quia postremum mandatum. Jungamus singula. Quodnam est *mandatum vetus*? Quid aliud nisi hoc, *Diliges proximum*? Quod autem *novum*? Quid aliud nisi idem redintegratum, *Diliges proximum*? Quid est quod Lex præcipit? Mandatum vetus, *Diliges proximum*. Quid est quod Evangelium inculcat? Mandatum novum, *Diliges proximum*. Quid Moses loquitur? Hoc unum & idem. Quid Christus? Hoc ipsissimum idem, *Novum mandatum & vetus*, Christi & Mosis, Legis & Evangelii. Hæc sunt illa *vetera & nova*.

Postremus locus habetur Luc. 5. 16. *Nemo immittit panniculum vestimenti novi in vestimentum vetus, & nemo injicit vinum novum in utres veteres, & quæ sequuntur.* Atque affinis huic est locus ille alter Apostoli, 2 Cor. 5. 17. *Petera præterierunt, & omnia facta sunt nova.* Ambo eodē recidunt, sive literalī, sive morali sensui placeat magis insistere. Sed nos sigillatim locum utrumque discutiamus.

De Apostoli loco quis dubitare potest, aut scrupulum aliquem injicere, quò minùs ad Legalia & Evangelica referatur? *Præterierunt*, inquit, *vetera*: quæ *Vetera*? Verbo dicam: & ea quæ ad veterem Hominem pertinent, Infidelitas, Peccatum, Mors; & ea quæ ad veterem Legem pertinent, Sacrificia, Circumcisio, Ceremoniæ, καὶ τὰ ἰουδαϊκὰ πάντα, ut optimè Chrysostomus. *Facta sunt, inquit, omnia nova.* Quid hoc sibi vult nisi hoc ipsum, introducta sunt omnia; & quæ ad novum hominem spectant, Fides, Justitia, Obedientia, Charitas; & omnia quæ ad Evangelium, sive novam Gratiæ legem pertinent, populus novus, anima nova, vita

vicissim alteram; quatuor rotæ & una rota, quia rota in medio rotæ: Eodem modo hic se res habet; sunt tres interpretationes & una interpretatio, quia in qualibet quælibet comprehenditur. Si generatim loquamur, tum *novæ & veteræ* sunt omnia cujuscunque generis prædicandi Verbi adjumenta; hæc prima rota: Si speciatim, omnia Veteris & Novi Testamenti mysteria; hæc secunda rota, & est in medio primæ: Si adhuc magis strictè, sunt Legis & Evangelii quæcunque propria, ex altera parte Mandata utriusque, ex altera Promissiones & Minæ utriusque; hæc est rota tertia, & est in medio secundæ, neque reipsa rota alia quàm prior, sed eadem: ut sciamus non modò Veteris & Novi Testamenti, sed etiam profusius loquendo, Legis & Evangelii, concordiam nobis hic commendari.

Cui fundamento, quibus Columnis interpretatio nitatur, jam tandem accepistis. Nunc superest ut ad Theoremata transirem, quæ velut Epistylia interpretationi huic sunt superstruenda. Sed manum mihi injicite horologii manus altera, ut meam de tabula tollam. Sic stylus stylo pellitur, non minùs quàm clavus clavo. Quocirca satis sit hâc vice stravisse mensam: conabor sequenti, si poterò, instruere, & Theoremata (hæc enim futura sunt bellaria) cùm satis cocta fuerint apponere.

LECTIO XVI.

Quod de Architectis M. Pollio, lib. 1. cap. 1. *Non debet, nec potest esse Architectus Grammaticus ut fuit Aristarchus, sed non agrammatos; nec Musicus ut Aristoxenus, sed non amosus; nec Pictor ut Apelles, sed graphidos non imperitus; nec Plastes ut Polyclethus, sed rationis plastica non ignarus; nec Medicus ut Hippocrates, sed non aniatrologicos; nec denique in doctrinis cæteris singulariter excellens, sed nullius tamen expertus eruditionis:* Idem de Theologis si quis pronunciaverit, à veritatis non multum sententia aberrabit. Ut in doctrinis singulis summum cognitionis laudisque principatum Theologus quisque habeat, necessarium esse non existimo, & vix ac nè vix quidem possibile: sed omnium tamen habere debet peritiam mediocrem disciplinarum. Non debet, nec potest esse Theologus Agricola ut M. Varro; sed non agriculturæ prorsus ignarus, quia sudandum est quotidie in eultura cœlesti animarum. Non debet esse Architectus ut P. Septimius; sed non rei ædificatoriæ ineruditus, propterea quòd in hanc Metaphoram cardo totius Muneris pastoralis vertitur. Hæc summa est nostræ disciplinæ, hic finis & Prædicationis sacræ, & Disceputationum Theologicarum, ut omnia dicantur & fiant ad ædificationem corporis Christi. In his autem ædificiis fidei, progrediendi regula non ab Aristarcho aut Celso, sed à Verbo Dei petenda est; non à Vitruvii, sed S. Pauli architectura. Nam revera nihil est ad has spirituales structuras vel obliquè spectans, quod non est abunde nobis in Sacra Pagina depictum, & graphicè delineatum. Quodnam sit Ædificium, Apostolus docet, Eph. 4. 12. *Ædificium corporis Christi:* quod Fundamentum, idem Apostolus, Eph. 2. 20. *Fundamentum Apostolorum & Prophetarum:* quæ Columnæ, Salomon, Prov. 9. 1. *Sapientia excidit columnas septem, Dona nimirum septiformis Spiritus,*

Spiritus, dicente Hieronymo: quæ Trabes, idem Salomon, Cant. 1. 17. *Tigna domorum nostrarum sunt de cedris*: qui Clavi, rursus Salomon, Eccles. 12. 13. *Verba sapientum sunt sicut clavi & stimuli*: qui Parietes, S. Petrus, 1 Pet. 2. 5. *Et vos tanquam vivi lapides edificemini*: quæ Fenestræ, Christus, in Matth. 5. 14. *Vos estis lux mundi*: quæ Tegula, Christus itidem, Matth. 10. 27. *Quod dico vobis in tenebris, predicat in testis*, id est, ore aperto & voce publicâ: postremo, qui Architecti, quæ Fastigia, quæ Merces, S. Paulus, 1 Cor. 3. 10. *Iuxta gratiam quæ data est mihi, posui fundamentum tanquam Architectus sapiens, alius autem super ipsum edificat. Quisque autem videat quomodo adificet super illud. Si aurum, aut argentum, aut pretiosos lapides, mercedem suam accipiet, quia opus permanebit: si ligna, aut fenum, aut stipulam, dies declarabit, & quæ sequuntur. Hæc illa sunt Architecturæ spiritualis compendia; hæc Sancti Pauli regulæ observatu nostro longè dignissima.*

De Fundamento prima Regula est; Nisi fundamentum jaciatur, non est peritus artifex: Domus absque fundamento necesse est, ut corruat.

De Fabrica Regula altera; Fundamento posito, oportet ædificare super illud: Fundamentum sine tecto futile est, atque latorium.

De modo Structuræ tertia Regula; Videat quisque quid & quomodo superædificet: non ligna, non fenum, non stipulam; nihil vile, ut stipula, nihil leve, ut fenum, nihil perituum, ut lignum; non istis nixa stabit veritas columnis: sed aurum, argentum, & lapides pretiosos, id est, quicquid firmum & sanctum & maxime diuturnum: hoc si fecerit, opus permanens erit, & mercedem accipiet. Quæ cum ita sint, permittite paulisper ut ad eisdem me revocem calculos; nam & nostra quoque opera est genus quoddam Architecturæ, quamvis rude & impositum. Concordia Legis & Evangelii est Ædificium; Salvatoris verba Fundamentum, Proferat Nova & Vetera; Columnæ ornatus, consensus Doctorum veterumque Interpretum; Columnæ firmitudinis, similitudo & Analogia locorum Scripturæ quæ huic respondeant. *Omnes pretiosos fructus, novos simul ac veteres, servavi tibi*, Cant. 7. 13. *Dictum est veteribus; Ego autem dico vobis*, Matth. 5. 21. *Mandatum vetus scribe vobis; mandatum novum scribe vobis*; ambo unum & idem, 1 Joh. 2. 7, 8. *Nemo injicit vinum novum in utres veteres*, Luc. 5. 17. *Vetera transferunt, nova facta sunt omnia*, 2 Cor. 5. 17. Has ego Columnas omnes superiori die ad perpendiculum exegi, hæc interpretationis fundamenta posui.

Theoremata supersunt istis Columnis quasi Epistylia aut fastigia superstruenda. Sic se res contrâ habet quàm quod a Quintiliano dictum, *Operum fastigia spectantur, inquit, fundamenta latent*: hic fundamenta spectantur, lateant fastigia. De Fundamentis jam dudum accepistis, de Fastigiis in præsentiarum dicturi sumus. Sunt autem duo Theoremata quæ ex verbis sic intellectis assurgunt. Alterum de Unione Legis & Evangelii quantum ad Disciplinam; alterum de Unionem ipsorum quantum ad Doctrinam spectat. Ad hæc duo Officia Ministerium Evangelicum Apostolus revocat, Col. 1. 28. *Quem nos predicamus, admonentes omnem hominem, & docentes omnem hominem*. Officium alterum est *νομοδία*, alterum *διδασκαλία*; *νομοδία* ad affectum seu Disciplinam refertur, *διδασκαλία* ad intellectum & Doctrinam. Illa in pravis moribus reformandis versatur; hæc in cæca mente illuminanda. *νομοδία* fit duobus modis, Hortando & Increpando; *διδασκαλία* duobus etiam, Verbo Legis & Verbo

Verbo Gratia. Qui Increpationes & Exhortationes prudenter miscet, superædificat argentum ad Disciplinam; aurum verò, qui conjungit quæ sunt Legis & Gratia in negotio Doctrina. Hinc duo Theoremata; Primum est de Concordia Legis & Evangelii, quod ad Disciplinam pertinet, & affectus ordinandos, & sic se habet:

Ad Officium Ministeriale spectat usquequaque omnia tentare, ut semen Verbi radices agat in cordibus hominum. Proferre debet quicquid maxime conducere potest, vel ad vitiorum *ἐλεγχος*, vel ad virtutum *ἐκτρέφειν* curare debet ut ignavis institutio adhibeatur, errantibus correctio, præfractis & contumacibus comminationes, consolationes autem afflictis & trepidantibus. Quod si sic promissiones minis acuat, & minas promissionibus leniat, *nova* cum *veteribus* miscet, *καινὰ καὶ παλαιὰ*, & *καινὰ ἐκ παλαιὰ*.

Theorema secundum est de Concordia Legis & Evangelii circa Intellectum & Fidem, & sic instituitur; Ad Ministeriale officium pertinet & Legis & Gratia doctrinam explicare, & in omnibus quæ ad plenam utriusque intelligentiam requiruntur, Auditores suos erudire. Hic est thesaurus suppellectilis nostræ, atque hoc vicissim *nova*, cum *veteribus* miscere, spicula ex utraque pharetra depromere.

Aggredior Theorema primum, De salutari copula cohortationum & increpationum; hoc est, minarum Legalium & Evangelicarum promissionum, in iis quæ ad populum habentur Concionibus. Quæ quidem speculatio, quoniam est moralis, nihil habet cum spinis Scholasticorum aut demonstrationibus subtilioribus commune: sed non idcirco est contemnenda, quia vulgaris & protrita; nam sapienter Senec. l.4. Ep.95. *Etiā aperta monstrare plurimum prodest, quia interdum scimus, nec attendimus.* Ingerenda igitur est animo notitia rerum notissimarum. Quod ut commodius fiat, ad duo capita rem totam deducam; Quæ necessitas Unionis, & Quæ Regulæ atque Cautiones; hoc est, Quibus Rationibus fulcitur Propositio, & quibus Mediis adimpletur.

Rationibus si causa indigeret, adsunt ad manum plurimæ, quæ impellere possunt fideles Pastores ad utraque hæc officia præstanda. Possum idipsum Exemplis illustrare Prophetarum & Apostolorum, qui fecerunt; nec non & Divinis Præceptis insistere, quæ jubent ut faciant; Possum ad Judicia Dei ipsius provocare, quæ impendent si non fecerint; denique & Argumentis contendere, quæ hinc inde vehementer urgent ne facere negligant, aut obliviscantur. Et inest singulis latens quædam energia atque vis persuadendi non exigua. Exemplā ducunt, Præcepta obligant, timor Divini Judicij coercet, Argumenta convincunt. Sed quia res integra est & in confesso, nolo eam scindere in istas minutias. Hoc unum sufficit, quod sub Præcepto Divino continetur, sub Præcepto legis Charitatis, & sub Præcepto legis Justitiæ: Nam Charitatis actus est Exhortatio, Justitiæ simul & Charitatis, Corruptio. *Qui corrumpit, elemosinam dat*, inquit Augustinus, in Enchirid. c. 72. Itā sub generali præcepto utrumque cadit; imò utrumque junctim sub particulari. Quod si explicuero, non modò pro bono & utili reputandum erit, sed pro necessario & irrefolubili. *Audaciam existimo*, inquit Tertull. de Pœnit. *de bono Divini præcepti disputare.* Religiosa obediencia non discutit Dei mandata, sed facit. Neque enim quia bonum est, ideo auscultare debemus, sed quia præcipitur. Respondeas autem, Bonum est, annon? Quid revolvīs? Deus præcipit: in Veteri Testamento, Levit. 19.17. *Non habebis odio fratrem tuum, sed corripiendo corripies proximum tuum*: etiam & in Novo, 2 Tim.4.2. *Obsecro coram Deo & Domina Jesu Christo,*
qui

qui judicaturus est vivos & mortuos, prædica sermonem, inſta tempeſtivè, inſtempeſtivè, argne, objurga, obſecra, live exhortare. Tit. 1. 9. Oportet Episcopum tenacem eſſe fidelis ſermonis, ut poſſit & μαλακῶν & ἁλόντων, & hortari et arguere; & c. 2. verſ. 15. Hac loquere, & exhortare, & argue. Denique in Sancti Judæ Epistolâ, verſ. 21. Et alios quidem, habito delectu, commiseramini; alios verò cum timore ſervate, ex flamma rapientes. Iſtis ſic poſitis, de neceſſitate præcepti quis eſt qui poteſt ambigere? Quis novorum & veterum concordiam mutuam non videt ſub uniufcuſque locorum iſtorum ambitu comprehenſam? Annon vetera ſunt quæ ex Adamo ducimus, nova quæ ex Chriſto? Annon vetera ex culpa, nova ex gratia? Annon ſunt vetera quæ ad veterem hominem pertinent, Peccata ſingula, nova quæ ad novam vitam, Fides & bona Opera? Annon Increpationes & poenæ infernales onera ſunt Legis, Conſolationes & præmia æternæ vitæ promiſſiones ſunt Evangelii? Quid igitur eſt quod ex his locis ſingulis addiſcere poſſimus, niſi hoc unum, quod Clemens Alexandrinus & Iſidorus Peluſiota exinde colligunt? *Oſtendunt*, inquit Clem. 14. Strom. ὅτι δύο εἰσὶ τὸ παρορθώσις τῶντι, ὁ μὲν διδασκαλικός, ὁ δὲ καλαστικός, quod duo ſunt modi procedendi contra peccatores, unus Doctrinalis, aliter Correctorius. *Oſtendunt*, inquit Peluſiota, ὅτι μεγύναν χρὴ τὴ παῖρσιαν τῇ πορονοίᾳ, & τῷ ἁλόντων & ἀγαπῶν, l. 4. Ep. 139. quod miſcere oportet comitate libertatem, & reprehentionibus noſtris amorem. Hoc eſt quod Moſes dixit, Non habebis odio, ſed corripies fratrem; id eſt, corripies ſine odio, ex amore, ut fratrem. Hoc eſt quod Judas Apoſtolus, *Alios cum commiſeratione tracta, alios cum timore*: illos trahas funiculis amoris, velut ex aqua; hos, quaſi torres ex igne, timoris manu violentâ evellas. Hoc quod S. Paulus, *Argue, obſecra, objurga, hortare*: id eſt, fac ut alii audiant tubam Legis, ut veterem hominem exuant; alii tibiam Evangelii, ut in novitate vitæ ambulent. Utroque digito viam indica, ambabus ulnis amplectere; argue ſi peccaverint, obſecra nè peccent; per minas Legis peccata radicitus evelle, per amoris viſcera Divinæ gratiæ ſemitas cœlique aditum commonſtra; hortando dirige phalanges tuas, increpando rursus ad iter virtutis circumducas. Currentes incita, excita dormientes: ſit Hortatio velut calcar, quo adigantur ad bonum; Increpatione velut frænium, quo à malo cohibeantur. Utriuſque junctim vis inenarrabilis, & τῷ ἀνδραίων τὰς ὁρμὰς ἐπιλέναι, & τῷ ῥαδύμῳ ἐπηγεῖναι τὸ πορόν, ut poſſit & ſtudioſis impetum intendere, & ignavis excitare promptitudinem, ut ſcitè Baſilius, Orat. 2. de Jejunio, De Præceptis plus ſatis.

Exemplorum verò copia multò major, quod utroque modo Prophetæ & Apoſtoli ſe geſſerint ſuis quas habuerunt ad populum Concionibus. Hoc modo ſe Moſes geſſit erga Iſraelitas, Deut. 11. 26. *Propono vobis hodie benedictionem & maledictionem; benedictionem ſi obedieritis, maledictionem ſi non obedieritis*: & 30. 15. *Propoſui tibi hodie vitam & bonum, mortem & malum*: quod ſi ambules in viis ejus, dico tibi quod vires, & multiplicaberis; quod ſi averteris ſe cor tuum, denuntio tibi quod pereundo peribis: & Deut. 32. 2. *Stillet ut pluvia doctrina mea, ſillet ut ros eloquium meum; ut imber ſuper gramen, ut pluvia ſuper herbam*. Novit nimirum vir ſanctus ex rebus ſimilibus & diſſimilibus eximias populo plectere corollas. Benedictionem, inquit, propono & maledictionem; vitam, mortem, rorem, imbrem; obedientibus, immorigeris; herbæ, graminì. Quid enim Rori ſimilius quàm dulcis cœleſtisque Exhortatio? Quid Imbri, quàm denſa nubilâque Increpatione, cœli procella, quæ

quæ cordis parietes lavat, & totas perluit duri pectoris regiones? Quid Herba tenera, nisi herba tenerior Conscientiæ? Quid Gramen setosum & hispidum, nisi spinis hirsuta Pectora? Habuit igitur Moyses è nubium thesauro quod expromeret, & rore dulciora verba Consolationis super herbam; & super gramen sterile imbrem torrentemque Increpationum.

Hoc etiam modo Isaias se gessit erga Hezekiam regem, 2 Reg. 20. 1. *Præcipe domui tuæ, quia morieris & non vires.* Quid dici potuit acerbius? Sed vers. 5. *Audivi orationem tuam, vidi lacrymas tuas. Ecce ego sano te, & die tertiâ ascendes in domum Jehova, & addam diebus tuis quindecim annos, & de manu Assyriorum liberabo te.* Ecquid istis excogitari potest jucundius?

Hoc modo Nathan erga Davidem, 2 Sam. 12. 7. *Tu es vir ille, tu fecisti absconditè, tu contempnisti Verbum Domini, suscitaturus sum malum adversus te, non recedet gladius de domo tua.* Heu, quot sunt hic Legis aculei! Sed mox vers. 13. *Non morieris; Dominus transulit peccatum tuum.* Hem, Gratia malagmata! Aded sicut *Apis*, severus est Propheta ad ultionem, suavis & promptus ad refectionem: *Aculeum Legis exercet, & cibum vitæ celestis exhibet*, ut Ambrosius loquitur, Ser. 83.

Hoc modo S. Paulus ad Ecclesias quæ ipsius curæ erant concredita, dulcia acerbis sapius attemperat. 1 Cor. 4. 14. *ὡς ὁ δόξαν ὑμῶν γράφω παρῶν, non ut vos pudore suffundam hac scribo:* sed cap. 6. *περὶ ἐπαιτῶν ὑμῶν λέγω, ad pudorem vestrum hac dico.* 1 Cor. 11. 2. *ἐπαίνο ὑμῶν, ἀδελφοί, laudo vos, fratres:* at vers. 22. *ὡς ἐπαίνο ὑμῶν, laudabo vos in hoc?* imò non laudo. 2 Cor. 5. 20. quasi caduceator, aut legatus pacis, inquit, tanquam Deus per nos hortaretur, obsecramus Dei nomine, Reconciliamini Deo: at vers. 11. quasi fecialis aut tubicen quàm triste classicum canit? *Scientes terrorem Domini, hominibus suademus.* Ad Gal. 3. 1. *Amentes Galatæ, quis vos fascinavit, nè obediretis veritati?* at vers. 19. *Filioli mei, quos iterum parturio.* Talia sunt ista, 1 Cor. 5. 5. *tradatur Satana:* at Gal. 6. 1. *instruite in spiritu lenitatis.* 1 Cor. 16. 22. *Qui non diligit Dominum Jesum, abeat cum suo Anathemate:* at Eph. 6. 24. *Gratia sit cum omnibus qui diligunt Dominum nostrum Jesum Christum.* Ad Galatas 4. 16. *Inimicus vester factus sum, dum vera loquor?* at ad Theff. 1. 2. 7. *Placidi fuimus inter vos, ut nutritrix quæ fovet filios suos.* Sexcenta potui ejusmodi proferre, nullo ferme negotio; sed reliqua in re tam clara superfluunt.

Potui ex ipso Dei Exemplo documentum vobis hujus rei statuere. Nam & Salvator noster hujus Concordiæ leges servavit erga Discipulos suos, nec non erga Scribas & Phariseos: unde in Apocalypsi, nunc *Agni*, nunc *Leonis* nomen ad se trahit. Et Spiritus Sanctus quando præsentia specimen exhibuit, utroque modo se manifestavit, super Christum in Columba apparuit, super Discipulos in Igne: exinde nos docens & mansuetudinem columbinam in Exhortationibus, & zelum igneum in Increpationibus, ab eodem fonte Spirituque manare. Adhuc & Deus ipse in promulgatione Legis, præcepta Negativa, quæ de recessu à malis tractant, Minis tanquam sepimine vallavit: *Visto iniquitatem patrum in filios; Non relinquam impunem qui assumpserit nomen meum in vanum.* At præcepta Affirmativa, bonorum operum viam monstrantia, Promissionibus sancivit, Eph. 6. 1. *Honora patrem tuum, & matrem tuam, quod est præceptum primum cum promissione;* cum promissione scilicet vitæ longævæ, quâ nihil est quod puerilis animus, cui ætati mandatum hoc præscribitur, magis gestit audire. Potui ex hoc speculo rei præ manibus imaginem vobis ante oculos ponere. At sublimiora hæc sunt, fortasse nostris pedibus Apostolorum vestigia magis congruunt.

Sic,

Sic, sic Arietes gregis, sic Principes disciplinæ nostræ, sic summi Pastores, sic primi animarum Medici, Apostoli, se gesserunt. Quod ipsorum exemplo fit, jure fieri quis negat? Et nos Pastores sumus; Pastoris autem insignia Virga & Baculus: *In Virga, Disciplina corrigentis, in Baculo, Sustinatio est consolantis*, ut inquit Hieronymus, ut & filios corrumpere possit, & fratres emendare. Quod legimus, Heb. 9. 4. in Arca fœderis tabulas Legis fuisse repositas, unâ cum Virga Aaronis & urna Mannæ: quo ostenditur, quòd in dispensatione Verbi, Manna non minus convenit Tabernaculo quàm Virga, sic ut severitas Legalis Evangelii clementiâ corrigatur; & ut Greg. ep. 24. loquitur, *cum Virga districtioris reperiatur Manna dulcedinis*. Quem admodum Apostolus Paulus Corinthiis suadet, ut eligant ex utroque alterum, aut Mannam, aut Virgam, 1 Cor. 4. 21. *Quid vultis? cum virga veniam ad vos, an Spiritu lenitatis?* Et nos Medici sumus, Fratres: *Solet autem medicus*, inquit Chrysostomus, *multa contraria facere ratione simili*, & ὡς καὶ, & ὡς καὶ, ἴσχυς, & ὡς ἴσχυς ὁ αὐτοῦ σώζει. nunc urit, nunc fovet, nunc secat, nunc verò ligat; aliquando fame torquet, & siti excruciat, & lumine privat, & lecto affigit, aliquando in balnea deducit, & opiparam mensam apponit; nonnulla vulnera unguentis sanare conatur, graviora, admoto igne & caustico medicamento; & nisi utrumque, prout res postulat, fecerit, medicum se præstare non potest. Ità etiam Ministri Verbi non possent esse fideles in Domo Dei, nisi peccata abscindant ferro Legis, & leniant conscientiam unguento Indulgentiæ. Infunt enim in utroque medicæ virtutis non obscura vestigia. De Exhortationibus, Clem. Alexan. sic loquitur, ἡ ὑπόστασις διὰ τὴν ἐκπαίδευσιν τοῦ νοῦ, 1 Pædag. c. 8. *dieta ærotantis animæ admonitio*: de Increpationibus Basilii, ἡ ἀρετὴ τοῦ νοῦ ἐστὶν ἡ ἐκπαίδευσις, Bas. Reg. fusiùs Disput. q. 54. *Reprehensio medicina animæ*. Hinc est quòd, docente Veritate, Samaritanus in vulnera semivivi vinum & oleum instillat, ut per Vinum mordeantur vulnera, per Oleum foveantur. Dicat mihi quis, Quod Oleum, quod Vinum infundendum est peccatorum vulneribus? An Oleum aliud assignari potest quàm Oleum gratiæ Evangelicæ, Oleum exultationis, Oleum mollitudinis, quod resolvat fessorum labores? An Vinum aliud quàm Vinum Legis, & Communionum ipsius, quæ pungant & rodant conscientiam? Habet igitur Vinum quod duris cervicibus respondeat, & Oleum quod timoratis mentibus magis est accommodum. Si Vinum solummodo infundat, timendum est nè civem interficiat: si Oleum tantum, timendum est nè hostem nutriat. Oleum sine Vino, Evangelium sine Lege, aliquando ducit in præfractam temeritatem: Vinum sine Oleo, Lex sine Evangelio, sæpissimè adigit in desperationem. Alterius ergò altera postulat opem res, ut sit & justè consolans Misericordia, & piè feriens Disciplina.

Perfecti Cantici duos terminos S. David constituit, Psal. 101. 1. *Misericordiam & Judicium cantabo tibi, Domine*. Prudenter hos posuit cancellos cùm Domino psalleret, qui & Deus est Judicii, & Pater Misericordiæ, cujus viæ omnes Misericordia & Judicium. Sed & iidem termini statuendi sunt, si quis in populi gratiam canticum meditetur: Misericordiam & Judicium cantabimus & vobis, viri Fratres, quia & omnes viæ nostræ inter Adhortationes & Objurgationes partiuntur; inter pœnas Legis & præmia Evangelii. Duobus istis non minùs conservatur res sacra quàm publica. Et hoc ipsum Joannes Apostolus ex illa parte Visionis intellexit, quæ habetur Apoc. 4. 5. *De throno procedebant tonitrua & voces*: per Voces temperatas Admonitiones mediocriter auribus insonantes intelligendas esse, penè communis est expositio; per Tonitrua, terrificas de futuro Judicio pœnæsq;

N

Comm

Tom. 5. Scr. 24.

Comminationes. Quàm aptè inter se conveniunt ista, ut Tonitrua videret & Voces ille, qui à Voce *Filius tonitru* dictus? Sed audi tamen, si *Filii tonitru* Jacobus & Joannes, & *Filii olei* Zorobabel Dux populi & Josua Sacerdos dicuntur, Zach. 4. 14. *Isti sunt duo filii olei*; jungamus invicem, & figuram perfectam habemus Pastoris Evangelici: si sit & *Filius olei*, qui stillare Misericordias Domini, & *Filius tonitru*, qui Judicia Dei tonare noverit. Unde & Salis & Luci Salvator noster discipulos suos comparat, Matth. 5. 13, 14. *Vos estis Sal terra, Vos estis lux mundi.* Quæ natura sit Lucis & Salis, omnes norunt: Lucis est reficere, consolari & lætos facere; Salis, mordere, purgare, adurere. Ergo & *Sal* & *Lux* dicuntur, inquit Chrysostomus, ut scias utrinque & ἵνα ἴδῃς τὸ καὶ ἐς μὴν ἰσχυρὸν πνεύματος τὸ κρῖν & τὸ πῦρ, & τὴν αἰωνίαν διδασκαλίαν τὸ ὄφελος, quantum verborum mordentium lucrum sit, & quantum mansueti, sic enim verto, *doctrina commodum.* Quàm apposita est similitudo? Debent esse instar Lucis, ad discutiendas mentis nubilæ tenebras; & instar Salis, ad siccandas affectionum corruptarum putredines. *Instar Lucis*, inquit Hieronymus, ut *salutudinem correctionis amor semperet*; *instar Salis*, ut *amorem proximi Sal justitia condiat.* Si consolari detrectent, Lux deest; Sal verò, si increpare non audeant. Si Legis tantum Comminationes urgeant, immitte sunt, & sine Luce: si Gratia solius ostium, idque impœnitentibus aperiant, falsarii sunt & sine Sale. Isti laqueis infirmas mentes irretiunt: hi pulvillos sub axillis effrænatae mentis consuunt. Isti Columbas abigunt: hi Vultures ad se vocant. Isti injuriosi in filios fidei, dum vetus Vinum in utres novos immittunt: hi verò in mysteria fidei, dum Vinum novum in utres veteres profundunt.

Sentio me istis diutius quàm par erat immoratum esse; præsertim cum membri secundi, quod Regulas & Cautiones in se continet, ratio aliqua habenda sit: sed quia vereor isthuc me non posse hodie pertingere absque sitietate vestra, idcirco si Exemplis istis & Similitudinibus rationem unam aut alteram hujus Concordiæ addidero, spero me iisdem finibus & horam & primum hoc Theorematis membrum terminaturum.

Rationes autem sunt duplicis ordinis; quædam à Commodo, quædam ab Incommodo ducuntur. A Commodo duæ sunt.

Prima est à bono communi omnium, quia sui utrumque opus est diffusivum. In Exhortationibus, solatium paucorum erit fiducia omnium; in Increpationibus, dolor paucorum erit metus omnium. 1 Tim. 5. 20. *Peccantes coram omnibus argue, ut reliqui timeant: quia dum unus corripitur, plurimi emendantur*, ut scitè Isidorus, l. 3. Sent. c. 46.

Secunda est à bono proprio cujusque. Ubi magna est auditorum frequentia, prospiciendum est genio & indoli uniuscujusque: non enim idem calceus pedi Socratis, placidi hominis & verecundi, convenit, qui morosæ rabidæque Xantippæ; neque mensa eadem paranda est uni, atque hominum multitudini. Qui in magna frequentia dicturus est, curare debet ut è thesauro suo depromat quod cujusvis palato congruat. Nam tritum est illud Axioma philosophorum, *Receptivum non recipit per modum imprimentis, sed per modum receptivitatis*; hoc est, Cujusque passionis receptio non tam sequitur conditionem agentis, quàm dispositionem & modum patientis. Et tenet etiam in Theologicis. Propter hoc motus quos Spiritus Sanctus in corde producit sunt imperfecti, quia Subjectum recipiens est angustum & fluidum. Propter hoc ipsum humano more loquitur in Scripturis, quia mens sæculenta tantorum minùs capax est mysteriorum; ergo nostro se captui accommodat. Propter hoc etiam sanctus Paulus factus est omnibus

omnibus omnia, ut aliquos servaret; Judæis Judæus, ut Judæos lucrifaceret; infirmis infirmus, ut infirmos; parvulis parvulus, ut salvos faceret parvulos. *Lac vobis potum dedi;* inquit, 1 Cor. 3. 2. *non cibum, quia ferre non poteratis.* Summā igitur prudentiā opus est, ut possit cujusvis Auditoris temperamentum Concionator sanctus dignoscere, & congrua singulorum vulneribus medicamina apponere; quia opus est ut omnibus omnia fiat, & palæstrarum more in diversi lateris artes se vertat, cum quod uni medicamentum est, sit alteri venenum. Dum superbi deprimuntur, timidioresepe absorbentur; rursus dum fiducia timidis proponitur, superbis crescit effrænatio: dum ad largitatem tenaces hortamur, solent prodigi exinde effusionis sibi fræna laxare; è contrâ, dum prodigis parcitas commendatur, tenacibus sæpenumero avaritia augetur. Hæc omnia B. Gregorius Papa, in tertia parte Curæ Pastoralis, tam prudenter & eruditè delineavit, ut si Ego post regulas ab ipso traditas aliquid de meo conarer adjicere, insubida omnia meritò cenferi possent, nè dicam puerilia. In sex & triginta admonitionibus caput primum tertiæ partis Pastoralis absุมitur, revera dignissimis quæ à Theologis omnibus sæpiusculè legantur. Ex istis nos docet, *Aliter senes admonendos esse, aliter juvenes; quia hos severitas admonitionis ad profectum dirigit, illos ad meliora opera deprecatio blanda componit. Aliter inopes, aliter divites: istis solatium contra tribulationem, illis metum contra elationem inferre debemus; ut & illi discant quia divitias quas non conspiciunt possidebunt, & isti agnoscant quia eas quas conspiciunt retinere non possunt. Aliter letos, aliter tristes: letis inserenda tristitia qua sequuntur ex supplicio, tristibus lata qua promittuntur ex regno; ut lati discant ex minarum asperitate quod timeant, & tristes pramiorum gaudia audiant de quibus præsument. Aliter sapientes hujus seculi, aliter tardos & hebetes: illi admonendi ut discant amittere qua sciunt, hi ut appetant scire qua nesciunt. Aliter denique humiles, aliter elatos: audiant illi, inquit adhuc Gregorius, quàm sint aterna qua appetunt, quàm transitoria qua contemnunt; hi verò, quàm sint transitoria qua ambiunt, quàm aterna qua perdunt.* Hactenus Gregorius. Hæc & istorum similia sunt quæ Pædagogicæ nostræ repagula licet nuncupare; quibus qui penitus imbuti fuerint, in novis istis & veteribus librandis peritissimi evadent. Atque hæc sunt primi ordinis Argumenta, à Commodo ducta.

Secundæ Classis ab Incommodo ducuntur.

Primum ab Incommodo publico; Neglectus Corceptionis licentiam majora audendi inducit & aliis & ipsi delinquenti. Alius est causa scandali, Prov. 24. 24. *Qui dicit impio, Justus es, execrabuntur eum populi, detestabuntur nationes.* Ipsi est causa audaciæ; nam propter hoc ipsum sibi plaudit, & omnia licere putat, quia non arguitur. Levit. 19. 17. *Corripies proximum tuum, nè crimen ei impingas; vel, ut in Vulgari Translatione, nè habeas super ipso peccatum.* Imo nè augeas peccatum & tibi & ipsi. Egregium enim est illud Basilii, τὸ χρῆμα ἀπὸ τῆς ἁμαρτίας ἐστὶν τὸ πῶς ποιεῖς τὸ δὲ κατὰ τὸν νόμον, peccatum occultare, est peccatorem ad mortem ruentem impellere, Bas. Reg. fusiùs disput. q. 46.

Secundum ducitur ab Incommodo proprio negligentis hoc officium: facit se reum peccati quod non perpetravit, magisque reum quàm qui commiserit, si Augustino credamus; *Pejor es, inquit, tacendo quàm ille peccando, quia patientia tua illius mors est,* Aug. Ser. 16. De verbis Domini. Si minùs Augustino credamus, adsunt alii testes non pauci. *Qui non corripit, errori consentit,* Isidor. Sent. 3. c. 46. *Qui non corripit, rescanda committit,* Greg. Ep. 6. *Qui non corripit, bis peccat,* inquit è Philoophorum Schola Theo-

logus Ethnicus; & de se Sanctus Prosper, de Vita Contemplat. 3. 23. *In omnibus peccantibus pecco, quando eos quos scio peccare quadam crudelis animi malignitate non increpo.* Si ista non sufficiant, adest testimonium ipsius Veritatis, Ezech. 33. 8. *Si non monueris impium, sanguinem ejus è manu tua requiram.* Audiant hoc meticulosæ animæ homines, qui tacent quia timent; audiant palpandi magistri, qui arguere nolunt quia adulari malunt; *Sanguinem ejus è manu tua requiram.* Quis verò Animæ sanguis? *Æterna salus;* Non est αἷμα, sed ἰσὺς. Et quorsum requiritur è manu non corripientis? S. Paulus docet, Act. 20. 27. *Mundus sum à sanguine omnium;* non enim subterfugi quò minùs annuntiarem vobis omne consilium Dei: mundum se dicit à sanguine, quia non subterfugit; si ergò subterfugisset, non mundus à sanguine fuisset, sed velut homicida judicandus. Et meritò sanè; nam homicida solum corpus interficit, & præsentì mortì tradit: qui verò non corripit fratrem, animam perdit, eamque ad sempiternas pœnas & cruciatus transmittit. Judæis olim præcepit Deus, ut vel inimicorum suorum jumenta errantia non negligenter; aut si cecidissent, non præterirent. Quòd si sine reatu jumentum proximi non despicitur, annon extremæ feritatis erit animam proximi contemnere, animam cum qua nihil conferendum, nè mandus quidem totus? Atque si Charitati nostræ boum & ovium irrationalium salus & custodia conceditur, quid responsuri sumus Deo nostro, si ἀλογους ψυχῆς, ut Chrysost. loquitur, curam omnem custodiàmque excusserimus; neque ea hominibus officia præstemus, quæ Judæi bestiis? Imò attendamus potiùs verbis supremi Moderatoris; *Corripiendo corripies fratrem tuum.* Neque mirum videatur, inquit Tertullianus, si ita doceat, quòd peccata fratris tui, si errantia in via inveneris, prohibet despicias, quò minùs ea reducas fratri; nedum ipsum sibi.

Contra Mar-
cion. l. 4.

Acceperitis quæ de prima parte Theorematis dicenda erant, leviter, & ὡς ἐοικέναι, prout in populari decuit argumento; sed ejusmodi tamen quæ Propositioni confirmandæ plus æquo subserviunt: ut usquequaq; sentiaris, quam sit in exercitiis sacris Minarum Legalium & Evangelicarum Promissionum copula necessaria, si modò vel in præcepto Divino, vel in exemplis Prophetarum & Apostolorum, vel in consequentiis hinc indè fluentibus ponderis aliquid statuatur.

Quæ superest pars altera, de Regulis, Cautionibus, & Mediis, quibus ad hoc Prudentiæ Pastoralis culmen ascendere possimus, proximè sequentis diei curriculo est reservanda.

LECTIO XVII.

Quod Arrianus in Epicteto suo, de Philosophis & Medicis, τὸ ἰατρικὸν ἔστι τὸ αὐτὸ φιλοσοφικὸν σχολαίον, *Schola Philosophi officina Medici*; in Medicos & Theologos appositè magis, me iudice, quadrabit, ut officina Medici schola Theologi censeatur; sunt enim artes æmulæ, vel magis fororiæ, Medicina & Theologia. Nam & idem Finis utrique est propositus, & circa idem Objectum ambæ versantur, & iidem passibus aditum sibi aperiunt: utriusque Finis vita est, Medicinæ temporalis, Theologiæ æterna; Objectū utriusq; salus, illinc corporis, hinc verò animæ. A morbis ad remedia, à remediis simplicibus ad composita, ordine synthetico utraque procedit. Neque enim pro perito Medico habendus est, si morborum & affectus symptomata calleat, remedia verò nesciat; aut in remediis, si Simplicium virtutes cognoscat, nisi porro intelligat quā arte permiscenda sunt singula, & calida frigidis, & humidiora ficcis, ad æroti statum habitūque temperanda. Itā nec Theologus prudens cumulatusque est dicendus, quantumvis possit de Vitiōrum caulis atque discrimine enucleatè disputare, atque sciat insuper quæ medicamina quibus vulneribus adhibere, nisi & hoc ipsum doceat, quo demum modo oleum Evangelicum vino Legali miscendum sit, & *vetera novis*. Promissionibus Minæ ratione plusquam geometricā librandæ: & de remediis istis animæ ægotantis, quā sit in exercitiis Sacris Exhortationum & Incepcionum copula necessaria, superius acceptis. Hæc Theorematis prima pars erat, de Necessitate Unionis istarum inter se.

Secunda superest, de Regulis, Cautionibus & Mediis, quibus ad hoc prudentiæ Pastoralis culmen ascendere possimus, & Concordiam hanc vel temperare suavius, vel felicius exercere. Est autem res valde ardua, & multis obstructa difficultatibus; quia in ea nos tempora incidimus, quæ nec Vitia ferre possunt, nec Remedia. Pecus effrænum sumus & intractatum, quibus libido peccandi indomita, redeundi spes quā exigua. Nec trahi, nec duci se patiuntur homines; adeo est & exhortatio omnis impotens, & reprehensio insuavis, non minùs quā equo calcar. Quocirca cū via sit lutosa & sylvestris, periculorum plena & anfractuosa, regulis & cautionibus munienda est, nè labor huic operi insumptus incassum cadat, velut *aereus bractea fucus*; aut *picta nebula*, ut Symmachus loquitur. Per plurimum hac in re sudarunt Scholastici, & veteres & recentiores, in 4 Sent. Dist. 19. & in 2^a 2^a, Qu. 33. nec non Canonistæ & Summistæ penè ad unum universi; statuuntque legitimæ Corceptionis condiciones multas. Ex parte Corripiantis, aptitudinem ad corripiendum, mansuetudinem in corripiendo, certam cognitionem peccati, Ex parte Peccantis, temporis opportunitatem, peccati gravitatem, spem probabilem de correpti emendatione, & ejusmodi; quæ tamen universa vocabulo uno absoluntur, si fiat debitis circumstantiis, quarum omnium imprimis ratio habenda est, ut sit Gradus debitus, & Modus debitus, & Finis debitus, & Persona, & Ordo, & Locus, & Tempus, & omnia debita. Mallem autem ego meipsum vestigiis insistere, ut possim eodem digito & Regulæ vobis & Cautiones piæ & justæ Incepcionis indicare. Nam Regulæ in Cautionibus, & Cautiones in Regulis continentur. Sunt autem Regulæ quinque.

Prima Regula est ejusmodi; Evangelica Corruptio fieri debet in spiritu

N 3

manue-

mansuetudinis, non tumoris, aut superbiæ. Quòd in spiritu lenitatis & mansuetudinis, hæc Regula est; Quòd absque asperitate & arrogantia, hæc Cautio. Regula ab Apostolo Paulo ponitur, Gal. 6. 1. *Si preoccupatus fuerit homo in aliquo delicto, vos qui spirituales estis, huiusmodi hominem instruite in spiritu lenitatis, considerans teipsum, nè & tu teneris*: & 2 Tim. 2. 24. *Servum Dei oportet mansuetum esse, cum lenitate corripientem eos qui resistunt*. Quod in loco posteriori est ἐν πραότητι, in lenitate, in priore est ἐν πρῶτῳ πρῶτον, in spiritu lenitatis: vel ut subinnueret, non modò mansueto vultu & lingua fieri id oportere, sed & mansueto animo; vel ut ostenderet, inquit Chrysostomus, ὅτι καὶ τὸ πρῶτον τοῦτο δοξῆναι, καὶ χάρισμα τοῦ ἐστὶ πρῶτον καὶ, cum humanitate corripere est donum spirituale, à Spiritu Sancto proveniens, ipsique gratissimum. Quòd verò Tit. 1. 13. idem Apostolus imperet, *Argue eos dure, ἀκρίτως, acriter, ut sint sani in fide*; & c. 2. 15. *Argue cum omni imperio, ut nemo contemnat te*: quòd 1 Cor. 4. 21. hæc inter se disjungere videatur, Virgam scilicet & Spiritum lenitatis: *Non à seipso dissentit Apostolus, inquit Primasius, quia de diverso delinquentium genere sermo instituitur*. Qui præfracti & contumaces sunt, acerbis corripiendi, ut aculeos peccati sentiant saltem in alio, quos in seipsis non sentiunt: at cum ingenuis mollius est agendum, ut ad suave jugum Christi pari suavitate sermonis ducantur. Quanquam & illud addi potest quòd à Chrysostomo observatum est, Etiam cum virga lenitatem, & cum severitate mansuetudinem ritè posse consistere. *Est quadam ira generosa, inquit Chrysost. quæ quasi acies est gladii spiritualis, & mansuetudinem non tollit, sed acuit. Odit & amat, dici non potest: irascitur & amat, dici potest, Aug. Hom. 6. Autoritatem & vehementiam mansuetudo non tollit, sed clamorem & iracundiam; gravitatem servat, sed comitate conditam, Autoritate & gravitate vincuntur errores, clamore irritantur. Fiat igitur, inquit Chrysost. παρ' ἐμπειρίας, ὡς καὶ θεοσύνῃς, cum ardore, non cum jactatione verborum; ira ἀνεπαίσθητος, ἐκ ἰσχυροῦ παρακλήσεως, Naz. orat. 2. zelo acti, non furore aut rabie, nè magis exprobrare quàm emendare velle videamur.*

Quòd si rigide & acriter, cauteriis solis assueti, fumigantes & quassatos animos tractemus, emendandi spes omnis evanescit: *Non erit hæc medicina, sed carnificina, inquit Gul. Parisiensis, ὡς φιλοσοφίας ψῆφος, ὡς ἀλλὰ μὲν ἀναισθησίας, inquit Chryf. Hom. 24. in Matth. Si Isidoro credimus, non est arguere, sed exulcerare, Sent. 3. c. 46. Si Cypriano, Ep. 31. non erit curare, sed potius occidere. Flectenda igitur arundo est, non frangenda, & affectu nutritio vulnerum ora tractanda magis quàm ressecanda; considerans, inquit Apostolus, teipsum, nè & tu teneris. Nam & tu fortasse, cum ejusdem sis naturæ particeps, potes esse etiam & criminis. Ergò meminisse oportet quòd talis aut es, aut fuisti, aut esse potes. Si propriæ imbecillitatis sis memor, futurus es in alios indulgentior. Sic sapientes medici quoties membra putrefacta secturi sunt, molli manu, quasi aliud agentes, breviter hoc facere student, celeritate sectionis cruciatûs sensum fallentes: similiter, & paucis verbis objurgatio constringenda est, breviloquentiæ non minùs alumna quàm suaviloquentiæ, quia mansueti animi officium est correptio. Hæc prima Regula.*

Regula secunda. Non solùm in spiritu mansuetudinis fieri debet, sed in spiritu Charitatis & dilectionis; hæc Regula. Non ex Odio, non ex vindicta; hæc Cautio. Et hæc quoque norma ab Apostolo Paulo statuitur, 1 Cor. 16. 14. *Omnia in charitate fiant*; & 2 Tim. 1. 13. *Formam teneto sanorum verborum, in fide & dilectione. Sanantia verba* Apostolus vocat quæ à charitate procedunt; sin minùs, non sanant, sed sauciant. Pariter & 2 Theff.

2 Theff. 3. 15. *Non ut inimicum habeto, sed corrigito tanquam fratrem*; hoc est, non ut inimicus inimicum, sed ut frater fratrem: nam mutuus est recursus, Non ut hostis, sed frater; non ut hostem, sed fratrem. Huc spectat Augustini regula in expos. Epist. ad Galat. *Nunquam alieni peccati oburgandi negotium suscipiendum est, nisi coram Deo conscientia nostra liquido responderit, dilectione nos id facere; quicquid enim exacerbato animo dixeris, punitis est impetus, non charitas corrigitis.* Ut verò charitatis radii in verbo Correptionis emicent, duo potissimum requiruntur; ratio Objecti, & ratio Finis. Pro Objecto, non personam, sed peccatum oportet seligere, & vitiis potius dominari quam fratribus, ut Gregor. loquitur; & odio habere nequitiam, amore complecti creaturam; hominem diligere oportet, errores interficere. Sic Christus ipse in Evangelio, adversus mulierem deprehensam in adulterio, Joh. 8. 10. *Nemo te condemnavit? Nec ego te condemno.* Quid est, Domine? Num ergo saves peccatis? Nullo modo: damnavit, sed peccatum quidem, non personam: *Nè amplius pecces.* Sic S. David, Psal. 59. 12. *Nè occidas illos, Domine, sed disperge illos.* Sic & amorem suum simul & odium indicavit. *Non amat tantum, inquit Augustinus, nec odit tantum, sed & amat & odit: odit quod ipsi fecerunt, peccatum; amat quod Deus fecit, hominem.* ὁ δὲ ἀγαπᾷ, inquit Chrys. ἀλλὰ τὸ πορνεῖαν ἀπαΐει· ὁ δὲ ὃ ἀγαπᾷ τὸ ἔργον Θεοῦ, ἢ τὴν πλάσιν ἔργον τὸ ἀγαθόν. Sic Venantio Greg. Magnus olim rescripsit, l. 1. Ep. 33. *Ita culpam tuam insequor, ut te diligam; ita personam tuam diligo, ut vitia non amplectar.* Hoc ipse Seneca agnovit, quando pacem cum hominibus ineundam docet, cum vitiis bellum: hocque Medici non inviti faciunt, dum in morbos crudeles se præbent, in ipsos ægrotos mites & placidos; & id agunt curando ut ægritudo pellatur, æger levetur. Neque enim aliter potest esse legitima Incepcionis ratio, quam si personam servet, errorem ipsius transfodiat. Hoc primum Dilectionis signum, si in peccatum, non in personam, Correptio feratur.

Alterum à Fine petendum est. Quis autem sit Finis congruus, S. Basilii demonstrat, Conc. 7. de Peccato; ὁ ἐλεγχῶ τίλῶ ἐχθρὸν τὸ διορθῶσαι τὴν ἀμαρτανίαν, finis arguentis est emendatio peccantis. Quod majus Dilectionis pignus, quam emendandi studium? Jac. 5. 20. *Qui avertit peccatorem ab errore viæ suæ, salvabit animam à morte, & operiet multitudinem peccatorum.* Qui avertit, salvabit; hoc idem est ac si dixisset, qui corripiet, salvabit, quia avertuntur homines corripiendo. Imò verò quod majus est, non modò animam salvabit, sed delicta ipsius teget. Hoc paulò intellectu difficilium. Quis putat increpatione peccata tegi, sed magis propalari? Imò verò operiet, inquit Apostolus. Quo autem modo operiet, S. Petrus ostendit, 1 Pet. 4. & *Charitas operis multitudinem peccatorum.* Corripiens operit, dicente Paulo; Charitas operit, Petri sententiâ; hoc est, corripiens in Charitate operit: idque multis modis; Deo, Hominibus, Peccanti, Corripienti.

Respectu Dei operit, Ad pœnitentiam & fidem ducendo. Correptio idcirco est instar tegminis, quia est medium Conversionis.

Respectu Hominum, Celando: non dicax est aut garrula Charitatis correptio; non divulgat aut prodit, secretò se habet, agítque remotis arbitris. Prov. 10. *Odium suscitât rixas, & universa delicta operit charitas.* Quia, inquit Lyranus, sicut odium per rixas manifestat defectus aliorum: sic charitas celat, nisi quantum correctio fraterna requirit; facitque ut ipsi pateant, aliis abscondantur.

Respectu Peccantis, Ligando & sanando; ulcus aperit ut saniem tollat, & finis expleat, & cutem obducatur. Est enim *vinculum perfectionis charitas,*

mansuetudinis, non tumoris, aut superbiæ. Quòd in spiritu lenitatis & mansuetudinis, hæc Regula est; Quòd absque asperitate & arrogantia, hæc Cautio. Regula ab Apostolo Paulo ponitur, Gal. 6. 1. *Si praoccupatus fueris homo in aliquo delicto, vos qui spirituales estis, huiusmodi hominem instruite in spiritu lenitatis, considerans teipsum, nè & tu tenteris*; & 2 Tim. 2. 24. *Seruum Dei oportet mansuetum esse, cum lenitate corripientem eos qui resistunt*. Quod in loco posteriori est ἐν πραότητι, in lenitate, in priore est ἐν πρὸς ἑαυτὴν πραότητι, in spiritu lenitatis: vel ut subinueret, non modò mansueto vultu & linguâ fieri id oportere, sed & mansueto animo; vel ut ostenderet, inquit Chrysostomus, ὅτι καὶ τὸ πρὸς ἑαυτὴν ταῦτα δοῦναι, καὶ χαρισμῶς ἐστὶ πρὸς ἑαυτὴν, cum humanitate corripere est donum spirituale, à Spiritu Sancto proveniens, ipsique gratissimum. Quòd verò Tit. 1. 13. idem Apostolus imperet, *Argue eos auidè, ἀποτόμως, acriter, ut sint sani in fide*; & c. 2. 15. *Argue cum omni imperio, ut nemo contemnat te*: quòd 1 Cor. 4. 21. hæc inter se disjungere videatur, Virgam scilicet & Spiritum lenitatis: Non à seipso dissentit Apostolus, inquit Primasius, quia de diverso delinquentium genere sermo instituitur. Qui præfracti & contumaces sunt, acerbius corripiendi, ut aculeos peccati sentiant saltem in alio, quos in seipsis non sentiunt: at cum ingenuis mollius est agendum, ut ad suave jugum Christi pari suavitate sermonis ducantur. Quanquam & illud addi potest quòd à Chrysostomo observatum est, Etiam cum virga lenitatem, & cum severitate mansuetudinem ritè posse consistere. *Est quadam ira generosa*, inquit Chrysost. *quæ quasi acies est gladii spiritualis, & mansuetudinem non tollit, sed acuit. Odis & amat, dici non potest: irascitur & amat, dici potest*, Aug. Hom. 6. *Authoritatem & vehementiam mansuetudo non tollit, sed clamorem & iracundiam; gravitatem servat, sed comitate conditam. Authoritate & gravitate vincuntur errores, clamore irritantur. Fiat igitur*, inquit Chrysost. *παρ' ἡμῶν, ἡ καὶ θεοσύνη, cum ardore, non cum iactatione verborum; ira ἀρετὴν ποιεῖ, καὶ ἡ ἀρετὴ ἀποκαθάρσει*, Naz. orat. 2. *Zelo acti, non furore aut rabie, nè magis exprobrare quàm emendare velle videamur*.

Quòd si rigidè & acriter, cauteriis solis assueti, fumigantes & quassatos animos tractemus, emendandi spes omnis evanescit: *Non erit hac medicina, sed carnificina*, inquit Gul. Parisiensis, ἡ φιλοσοφία ψῆφος, ἀλλὰ μωροδραστήρια, inquit Chryf. Hom. 24. in Matth. Si Isidoro credimus, non est arguere, sed exulcerare, Sent. 3. c. 46. Si Cypriano, Ep. 31. non erit curare, sed potius occidere. Flectenda igitur arundo est, non frangenda, & affectu nutricio vulnere ora tractanda magis quàm refecanda; *considerans*, inquit Apostolus, *teipsum, nè & tu tenteris*. Nam & tu fortasse, cum ejusdem sis naturæ particeps, potes esse etiam & criminis. Ergò meminisse oportet quòd talis aut es, aut fuisti, aut esse potes. Si propriæ imbecillitatis sis memor, futurus es in alios indulgentior. Sic sapientes medici quoties membra putrefacta secturi sunt, molli manu, quasi aliud agentes, breviter hoc facere student, celeritate sectionis cruciatus sensum fallentes: similiter, & paucis verbis oburgatio constringenda est, breviloquentiæ non minùs alumna quàm suaviloquentiæ, quia mansueti animi officium est correptio. Hæc primæ Regula.

Regula secunda. Non solum in spiritu mansuetudinis fieri debet, sed in spiritu Charitatis & dilectionis; hæc Regula. Non ex Odio, non ex vindicta; hæc Cautio. Et hæc quoque norma ab Apostolo Paulo statuitur, 1 Cor. 16. 14. *Omnia in charitate fiant*; & 2 Tim. 1. 13. *Formam teneto sanorum verborum, in fide & dilectione*. Sanantia verba Apostolus vocat quæ à charitate procedunt; sin minùs, non sanant, sed sauciant. Pariter &

2 Thess.

2 Thess. 3. 15. *Non ut inimicum habeto, sed corrigo tanquam fratrem*; hoc est, non ut inimicus inimicum, sed ut frater fratrem: nam mutus est recursus, Non ut hostis, sed frater; non ut hostem, sed fratrem. Huc spectat Augustini regula in exposit. Epistolae ad Galatas. *Nunquam alieni peccati oburgandi negotium suscipiendum est, nisi coram Deo conscientia nostra liquido responderit, dilectione nos id facere; quicquid enim exacerbato animo dixeris, punientis est impetus, non charitas corrigentis.* Ut verò charitatis radii in verbo Correctionis emicent, duo potissimum requiruntur; ratio Objecti, & ratio Finis. Pro Objecto, non personam, sed peccatum oportet seligere; & vitiis potius dominari quam fratribus, ut Gregor. loquitur; & odio habere nequitiam, amore complecti creaturam; hominem diligere oportet, errores interficere. Sic Christus ipse in Evangelio, adversus mulierem deprehensam in adulterio, Joh. 8. 10. *Nemo te condemnavit? Nec ego te condemno.* Quid est, Domine? Num ergo faves peccatis? Nullo modo: damnavit, sed peccatum quidem, non personam: *Nè amplius pecces.* Sic S. David, Psalm. 59. 12. *Nè occidas illos, Domine, sed disperge illos.* Sic & amorem suum simul & odium indicavit. *Non amat tantum, inquit Augustinus, nec odit tantum, sed & amat & odit: odit quod ipsi fecerunt, peccatum; amat quod Deus fecit, hominem.* ὁ ἀνθρώπος, inquit Chrysostomus. *ὡς ἡ ἀνθρώπου ἐργον θεῷ, ἢ ὡς πλάσμα ἔργον τῷ ἀγαθῷ.* Sic Venantius Greg. Magnus olim rescripsit, I. 1. Ep. 33. *Ita culpam tuam insequor, ut te diligam; ita personam tuam diligo, ut vitia non amplectar.* Hoc ipse Seneca agnovit, quando pacem cum hominibus ineundam docet, cum vitiis bellum: hocque Medici non inviti faciunt, dum in morbos crudeles se præbent, in ipsos aegrotos mites & placidos; & id agunt curando ut aegritudo pellatur, æger levetur. Neque enim aliter potest esse legitima Incredationis ratio, quam si personam fervet, errorem ipsius transfodiat. Hoc primum Dilectionis signum, si in peccatum, non in personam, Correctio feratur.

Alterum à Fine petendum est. Quis autem sit Finis congruus, S. Basilus demonstrat, Conc. 7. de Peccato; ὁ ἐλεγχῶν πλὴν ἑᾶς τῆς διορθώσεως τῆς αἰσθητοῦς, finis arguentis est emendatio peccantis. Quod majus Dilectionis pignus, quam emendandi studium? Jac. 5. 20. *Qui avertit peccatorem ab errore viæ suæ, salvabit animam à morte, & operiet multitudinem peccatorum.* Qui avertit, salvabit; hoc idem est ac si dixisset, qui corripiet, salvabit, quia avertuntur homines corripiendo. Imò verò quod majus est, non modò animam salvabit, sed delicta ipsius teget. Hoc paulò intellectu difficilior. Quis putat increpatione peccata regi, sed magis propalari? Imò verò operiet, inquit Apostolus. Quo autem modo operiet, S. Petrus ostendit, 1 Pet. 4. & *Charitas operit multitudinem peccatorum.* Corripiens operit, dicente Paulo; Charitas operit, Petri sententiâ; hoc est, corripiens in Charitate operit: idque multis modis; Deo, Hominibus, Peccanti, Corripienti.

Respectu Dei operit, Ad poenitentiam & fidem ducendo. Correctio idcirco est instar regiminis, quia est medium Conversionis.

Respectu Hominum, Celando: non dicax est aut garrula Charitatis correctio; non divulgat aut prodit, secretò se habet, agitque remotis arbitris. Prov. 10. *Odium suscitatur rixas, & universa delicta operit charitas.* Quia, inquit Lyranus, sicut odium per rixas manifestat defectus aliorum: sic charitas celat, nisi quantum correctio fraterna requirit; facitque ut ipsi patient, aliis abscondantur.

Respectu Peccantis, Ligando & sanando; ulcus aperit ut saniem tollat, & sinus expleat, & cutem obducatur. Est enim *vinculum perfectionis charitas,*
N 4 inquit

inquit Apostolus, Col. 3. 14. hoc est, & vinculum gratiarum, quo devinciuntur omnes virtutes nè dilabantur; & vulnere, quo adstringuntur etiam vitia aliorum nè possint excrescere, quo colligantur increpationes nè evanescant; dissolvuntur enim faciliè nisi fiant in charitate. *Quemadmodum in Navi*, inquit Chrysost. *etiamsi magna sint instrumenta, & non sint qua eam succingant tabulata, nihil prodest; & in Domo, si non sint contignationes; & in Corpore, etiamsi sint magna ossa, non sint autem ligamenta, nihil juvat: ita & in Correptione fraterna, etiamsi aderit manus placida, & quacunque alia desiderantur non pauca, irrita sunt omnia, veluti inania fomenta verborum, nisi Charitatis fasciis vulnera circumligentur.*

Postremo, respectu Corripientis. Delicta Charitas operit, extenuando, obliviscendo; non suspitione cæcâ ducitur, subesse posse peccatum ubi non sit; non est in alièna Republica curiosa, aut rumorum auceps, ut possit nosse; non adauget, aut exaggerat; non est admissi memor si noverit: sed omnia pro summo, quo pollet, candore animi in mitiorem partem interpretatur; & quod non invenit laudat, & quod invenit tegit. Quòd autem Scholastici hac in parte disputant, An teneatur quis de aliorum Vitiis sedulus inquirere, ut habeat quod redarguat: & quod Aquinas, cum turba Sententiariorum, in 2^a 2^a, Quæst. 3. Art. 2. inter fraternali correptionem & Prælatorum hoc discriminis ponunt, Quòd lege fraternæ correptionis, non tenetur homo inquirere aliorum defectus quos reprehendat; sed paternæ correptionis lege tenetur, ut præcavendo malis obviet: non nisi cum grano salis est accipiendum; quia disquisitio pietatis etiam in privatis est probanda; disquisitio pruriginis & curiositatis nè in Prælati quidem laudanda est. Nè quæras, inquit Salomon, Prov. 24. 15. *impietatem in domo iusti, septies enim cadet iustus, & resurget.* Qui in quærendo & rimando versatur, Charitatem solvit; Charitatis enim vinculo tenemur non scrutari, sed tegere. Hæc Charitatis lex est, hic justæ Increpationis finis, ut fiat *εὐαγγελισμός* & *ἐκδιόρθωσις*, *ἢ διόρθωσις*, ut Basilii loquitur, non *ἀνέλκιστος* libidine, sed desiderio emendandi; sic ut à concupiscibili parte animi magis oriatur quam ab irascibili; non à supercilio aut stomacho, sed amoris visceribus, quandoquidem ut reliquorum, sic etiam hujus Præcepti finis est Charitas. Hæc Regula secunda.

Regula tertia. Non solum in spiritu Charitatis debet fieri, sed in spiritu Patientiæ; hæc Regula. Non præcipiti animo, aut de salutis exitu desperante; hæc Cautio. Sunt enim nonnulli objurgatores præproperi & morosi, qui si primo impetu se nihil proficere persentiscant, statim despondent animos; & cum tardè sua monita perfici videant, illico discredantur, quasi jam spes nulla superesset prolapsam semel mentem in meliorem statum vertendi. At verò animus fortis & obfirmatus, qui amore flagrat pietatis, paucorum dierum faciliè devorabit molestiam. Nihil longum putat quod potest aliquando evenire. Si res paulò lentior sit, non recusat tedium pati, & quamvis seræ spei exitum expectare. Sic Paulus Apostolus hortatur 1 Thess. 5. 14. *Rogamus vos, fratres, corripite delinquentes, & longanimes esote erga omnem hominem*: pariter in 2 Tim. 4. 2. *Argue*, inquit, *redargue, & πᾶσι μακροθυμῶν, cum omni longanimitate*; nam & hoc unum non pignus ultimum est Vocationis nostræ, si cum humilitate & patientia toleremus alii alios per charitatem, Ephes. 4. 2. Neque est sigillum minimum Ministerii nostri, ut in omnibus exhibeamus nosmetipsos ut Dei ministros, in multa patientia & tolerantia, 2 Cor. 6. 4. Et revera honorificentius nihil excogitari potest, quàm ut ipsos feramus qui se ferre non possunt; nihil æquius, quàm ut nos alios patiamur, cum Deus nos omnes humanissimè, imò divinissimè, pertinaces

pertinaces atque immorigeros quàm diutissimè pati non dedigneret. Tu verò, mi homo, ab divitijs bonitatis ejus & patientiæ & longanimitatis contemnis, ignorans quòd ad similem te patientiam benignitas Dei provocat? Rom. 2. v. 4. an pro duritia tua thesaurizas tibi iram in diem iræ, qui peccantes pati non potes quos Deus patitur? Qui fit igitur ut tu teipsum diutius feras, si peccatoris nomen tibi molestum sit? *Unusquisque in se intendens peccatorem invenit*, inquit Augustinus. A te incipe. An tuipsum memoria intercidit? An peccatorem te nescis? an ægrum? an medicum? Respondeas igitur, Sanisne parantur hæc medicamina, an ægris? Si ægris, quid est quòd ægre feras, nisi major te cøperit ægrotudo? Discas tandem saltem à medicis patientiam. Medicus, si morosorem paulò ægrotum viderit, non recedit illico, non curam abjicit; quinimo si usque ad ravim & rabiem insaniat & furore ardeat ægrotus, judicii certus & inconcussus perstat, nec nisi re perfectâ conquiescit. Vade & fac tu similiter; si intemperantiùs paulò languentes animulæ se gesserint, non novum hoc est, aut nuper cognitum, imò querela vetus. Sic solent amicos suos homunciones miseri peccatorum facibus defixi. Adeò molesta est veritas, & amara disciplina justitiæ, ut si quis vel ulcus tangat, nedum vomican aperiat, fremunt illico, mordent, calcitrant, & phreneticorum more medicis probra atque convitia ingerunt; & quò quisque pejor, eò asperius sessorum patitur. Tu quid ad ista? An cadis animo? Imò contrà audacior ito. Admone, obsecra, osculare, pedes amplectere, lacrymas profunde, preces Deo offer; nam hæc omnia Medici, dum ægrotos petulantes tractant, & ferre & facere non erubescunt: si minentur, si indignentur, si convitia in te jaciant, si contumeliis afficiant, si quidvis aliud intentent, fortiter omnia feras. *μαρτύριοι τῶν ἱερῶν*, inquit Chrys. *martyrii genus est*; martyres autem nil magis decet quàm patientia. Hæc Regula tertia.

Regula quarta; Non solum ex spiritu Patientiæ, sed Innocentiæ, correptio laudatur: vacare crimine oportet qui redarguit, nec crimine solum, sed culpâ; hæc Regula. E contra verò, qui vitiis contagionibus servit, non debet vitia aliena corripere. *Est enim improbum*, inquit Isidorus, *arguere in alio quod deprehendit quis in semetipso*. Hæc Cautio. Et hæc quoque Regula ab Apostolo traditur, Tit. 1. 7. *Oportet Episcopum inculpatum esse, tanquam Dei dispensatorem*: hoc est, inculpatus sit qui culpas prosequitur aliorum; & irreprehensibilis, qui alios reprehendit. Habetur etiam regula inter Scholasticorum disceptationes, multaque in eam partem argumentantur dissidentibus sententiis. At summa hæc est, Quòd in peccato mortali existens, si alium corripiat, sive fraternaliter, sive autoritative, mortaliter peccat. *Imò utrinque peccat*, inquit Richardus in Sentent. *sive corripiat, sive taceat*: si taceat, contra fratrem peccat; si corripiat, contra seipsum. Per se non peccat corripiendo, quia non eximitur ab officio, quia peccatum proprium non tollit judicium rationis, unde corripientis partes agat: sed per accidens peccat, & tripliciter impeditur quòd minus corripiat, inquit Cajetanus.

Primò, *ratione Superbiæ annexa*; quia peccata sua parvipendit, aliorum severâ austeritate judicans: non autem debuit corripere, sed congemiscere.

Secundò, *ratione Suppositi indigni*; quia majoris peccati reus non est dignus ut alium de minori corripiat. Matth. 7. 3, 4. *Quid vides festucam in oculo fratris tui, & trabem in oculo tuo non animadvertis? Aut quomodo dicis fratri tuo, Sine ejiciam festucam ex oculo tuo, & ecce trabes in oculo proprio?* tu magno crimine teneris obnoxius, & minora fratribus non concedis.

Tertiò,

Tertiò, *ratione Scandali*; quia officio pio contumeliam facit, & contra seipsum ferre sententiam non veretur. De ejusmodi S. Paulus, Rom. 2. 21. *Tu qui cæcorum dux es, eruditor insipientium, alium doces, teipsum non doces? qui prædicas non furandum, furaris? qui dicis non machandum, macharius? qui abominaris idola, sacrilegium facis? hoc est, inquit Ambrosius, tu alios arguis, teipsum non arguis, & facis quod prædicas fieri non debere. Quid inde sequitur? Ergò inexcusabilis es, ô homo, qui judicas, versu primo, quia reus in iisdem quæ arguis inveniris; & ostendis quòd fratrem tuum ipse odio judices, non studio disciplinæ; nec emendare eum cupis, sed maculam inurere, dum quod in illo reprehendis ipse facere non erubescis. Sic ipsi vivis, & tibi moreris, & exemplo tuo supremum judicem doces ex ore tuo non te arguere modò, sed prædarnare. Legem sibi indicit, inquit Seneca, qui ab altero rationem vita reposcit. Et si legem non servaveris, in proprium tuum convitium disertus eris; quia opus tuum destruit officium tuum, & in quo alterum arguis, teipsum condemnas, ut Primasius optimè. Quocirca studeamus, Fratres, innocentix singuli, quæ integritatis prima simplicitas est. Nocentes sunt quicumque ab honesto recedunt, quamvis nemini noceant; atque bis noxii, si in aliorum errores involemus, nobismetipsis faveamus. Purificate vos qui fertis vasa Domini, inquit Propheta, Isa. 52. 11. Purificate, inquit, vos. Quo autem modo? Et à reatu, & à macula; nè ad vos vel crimen ullum, vel ficta criminis suspicio perveniat. Qua verò de causa? Quia fertis vasa Domini. Vasa docet Apostolus esse homines, vel conversos, vel convertendos, 2 Tim. 2. Boni & summi viri sunt vasa aurea; mediocriter boni, argentea; non boni, vasa lignea, inquit Ambrosius. Ut igitur vasa nitida & emundata Deo exhibere possint Sacerdotes, priùs seipfos pient eluántq; necesse est. Ut forcipes & emunctoria Templi ex auro puro fierent, Deus Mosi præcepit, Exod. 25. 38. Forceps sacerdotalis est Correptio, quæ errores & vitia purgantur: Ex auro forcipes fiunt, cum ex vitæ innocentia verba increpationis proveniunt; & munda sunt Davidis iudicio, cum innocentia lavacro tinguntur; neque enim est clavis alia disciplinæ nostræ quàm innocentia. Hæc Regula quarta.*

Regula ultima est, Ut fiat in & cum spiritu Prudentiæ. Nam juxta ordinem à Salvatore traditum, Innocentiæ columbarum serpentum prudentia jungenda est, ut consilio & circumspeditione currus impellatur; hæc Regula. Non temeritate aut incogitantia, non levi aut præcipiti iudicio; hæc Cautio. Ad hanc Regulam referenda sunt ista loca Apostoli, 1 Cor. 12. 8. Per Spiritum datur sermo sapientiæ; & Col. 3. 16. Verbum Christi habitet in vobis abundanter, cum omni sapientia docendo & commonendo vos mutuo; & 1 Cor. 14. 20. Omnia fiant honestè, & secundum ordinem, ἐν ἡμετέροις, & τῷ πνεύματι. i. e. τῷ πνεύματι, & τῷ λόγῳ τῷ πνεύματι hoc est quod loco altero, prudenter docendo & commonendo. Prudentiæ enim radii sunt Decor & Ordo. Atque haud scio an alicubi fulgeant magis quàm in verbo Correptionis. Sive in choro fueris, inquit Chryl. sive in navigio, sive in curru, sive in castris, ἰδίῳ ἑκάστῳ οἰκονομῶν ὡς ἐν ταῖς ἐκκλησίαις, nihil est quod magis proficit quàm prudens ordinis conservatio. In rebus spiritualibus multò magis, si quis hortari vellet, sive consolari, sive erudire, sive arguere, non alio clavo Disciplinæ cymba regenda est quàm Ordinis & Prudentiæ. Sunt autem quatuor capita ad quæ hæc Ordinis & Prudentiæ ratio revocanda est; Rei nimirum, & Personæ, & Temporis, & Loci cauta diligensque inspectio.

Primus Prudentiæ radius in Rerum discrimine situs est, ut possit distinguere inter lepram & lepram, inter peccatum & peccatum. Nam sæpe virtutes se esse vitia mentiuntur; Crudelitas Justitia vult videri, Luxuria Cha-
ritas:

ritas: aliquando pro vitiis virtutes habentur; Amenciæ titulo notatur Zelus, & pro Stultitia Modestia reputatur: aliquando iniqua rerum vicissitudine majora in minora, & minora in majora vertuntur; Culpa levis pro Crimine judicatur, & Scelera Errata appellantur. Opus est igitur inprimis Prudentiâ, ut certa habeatur Peccati cognitio, nec non ut discerni possit quid cuique delicto debeatur. De Venialibus Scholastici disputant, Utrum Correctionis præcepto subdantur. Quod non est, sub præcepto esse non potest. Attamen ad gradus peccatorum quod spectat, meminisse oportet, Non lapsus singulos correptione perstringendos esse, neque crimina singula eodem impetu. Nonnulla prorsus sunt prætereunda, alia tangenda, alia exagitanda, prout magis minúsve congruum Prudentia judicaverit.

Secundus Prudentiæ radius in Personarum discrimine constituitur, Ut possit distinguere inter peccatorem & peccatorem; inter oves & lupos discernendum est, nec non inter agnos & oves. De infirmis Apostolus caver, nè acerbè corripiantur, sed in Spiritu lenitatis, Gal. 6.1. De obstinationibus præcipit, ut durius & acerbius tractemus, Tit. 1. 13. *Sic pater instituens filios prudenter id facit*, inquit Epiphanius, *ἐκείνη ἡλικία ἀρμεζόμεθα*, accommodans se ad singulorum aetates. Non infantem eadem quâ adolescentulum disciplinâ continet, nec adolescentulum perinde ac juvenem; nec hunc, ut robustum & virili aetate præditum, coercet. Quinimò tenellum adhuc & penè lactentem digito castigat, puerulum paulò grandiorum colapho, loris adolescentulum, juvenem virgis, virum baculo. Adeò pro Personarum discrimine personæ habitus mutandus est; nunc lenitatis partes agenda sunt, nunc verò severitatis persona induenda est, prout rerum prudens animus æquissimum existimaverit.

Hæref. 33.
scilicet. 12.

Tertius Prudentiæ radius in Locorum discrimine statuitur, Ut possit distinguere inter secretum & publicum; quia sæpe Correctio tacita ad medelam tendit, publica semper ad discordiam; illa momentis habetur, hæc exprobrantis. Ergò hunc ordinem servandum esse Christus docet, Matth. 18. 15. *Primum argue eum inter te & ipsum solum: si non audierit, accipe tecum unum aut duos; si adhuc non audierit, dic Ecclesia.* Hic tres enumerat gradus legitimæ Correctionis. Primus est amoris, inquit Hugo, *alter timoris, tertius pudoris.* Primum appellare liceat Privatum; secundum Testibus comprobatum; tertium Publicum. Primò solus hoc facias, dein duobus aut tribus testibus, postremò coram Ecclesia. Non est igitur nostrum primâ quaque vice à supremo gradu ordiri, omissis duobus intermediis: & quod intra parietes & postes prius transigendum esset, in forum aut theatrum redigere. Quæ sic progreditur Increpatio, quomodo proficiet? qui sic agit non est corrector, sed proditor, inquit August. in Matth. Ser. 16. *Est ea multorum peccatorum natura*, inquit Chrysost. *ut quamdiu latere possunt, facile in animum inducunt ut in viam redeant: at cum de fama & existimatione sua actum senserint, seposito officii magistro pudore, statim desperant rebus suis, & in impudentiam labuntur, & fidenter jam ac liberè peccandi potestatem sibi arripiunt.* Cavendum igitur est, ut rei Locus interserviat; nam si prætermisso Christi ordine palàm arguis quem prius clam monere debueras, erratum ipse cognosces, inquit Ambrosius. Adeò vel ipsius Loci ratio habenda est, si prudens aut rerum æstimator, aut errorum vindex censeris velis.

Quartus Prudentiæ radius in Temporum distantia ponitur; nam exitu felix esse non potest aut auspicatum, quod non est tempore opportunum. In morositatem inutilem & odiosam nunquam non incidit intempestiva Correctio. Quòd si corripendus fuerit aut irâ percitus, aut præjudicio aliquo, expectandum est dum ira transeat, sustinendum dum mens à furore conquiescat.

scat. Porro, si aut deterior, aut non melior ex Correptione futurus est, aut certò, aut saltem verisimiliter, cessat ejus obligatio, si Scholasticis aliqua fides habenda est. *In hoc casu, inquit, omittitur correptio meritorie, nisi in Communitatis detrimentum omisio cessura sit.*

De expedita Temporum distinctione nos Salomon monet, *Omnia tempora habent, & suis spatiis transcurrent universa sub cælo: Tempus est plantandi, & tempus est evellendi; tempus occidendi, & tempus sanandi; tempus quærendi, & tempus perdendi: atque nostri inprimis interest hæc omnia cognoscere momenta temporum.* De opportuno Increpationis tempore agit idem Salomon, Prov. 9. 8. *Noli arguere derisorem, nè oderit te; argue sapientem, & diligit te.* Quod idem est ac si dixisset, Si profuturus es, increpa; sin minus, desiste: nisi fortasse, quod Scholastici interponunt, salus publica periclitetur; hoc supposito, etiam intempestiva Increpatione tempestiva erit, non ipsi, sed alii; sicut Apostolus monet, 1 Tim. 5. *Peccantes coram omnibus argue, ut ceteri timorem habeant;* hoc est, etiam si incassum labores, & verba profundas, nihilque promoveas, argue tamen, ut cedat in multorum commodum. Hæc Temporum discrimina Gregorius Mag. pulchre describit, Mor. l. 31. c. 11. *Non cuncta, inquit, tempora doctrina sunt congrua: nam plerumque dictorum virtus perditur, si intempestivè proferantur, saepe verò & quod lenius dicitur conventu temporis congruentis animatur.* Ille ergo scit rectè dicere, qui & ordinatè novit tacere. Quid enim prodest irascentem eo tempore corrumpere, quo alienatà mente non solum aliena verba percipere, sed semetipsum vix potest tolerare? Doctrina itaque ut ad cor audientis pervenire valeat, qua sibi sunt congrua temporum intervalla pendat. Hæc Gregorius. Has temporum leges Apostolus Paulus & perspexit, & calluit, & observavit: nam idcirco Paulum rursus vobis testem constituo, & præ omnibus ad sanctam illam animam me confero, quoniam Pauli verba omnia Oracula quædam sunt & Divinæ leges. Paulus verò, 1 Cor. 1. cùm Corinthios propter lites & jurgia correpturus esset, non nisi gradibus quibusdam & temporum spatiis ad hoc se munus accingit. Orditur primùm à laudibus, vers. 3. *Gratias ago Deo meo pro vobis, ob gratiam Dei qua data est vobis, quod in omnibus ditati sitis in ipso.* Postmodum adulari videtur, & blandimenta multiplicat, ver. 5. *In omni verbo & in omni scientia ornati, sicut testimonium Christi confirmatum est in vobis.* Adhuc in laudis consummationem subjungit, vers. 7. *Ità ut nihil vobis desit in ulla gratia, expectantibus revelationem Domini vestri Jesu Christi.* Tandem ad preces se confert, vers. 10. *Obsecro vos, Fratres, per nomen Domini nostri Jesu Christi, ut idipsum dicatis omnes, & non sint inter vos dissidia.* O quot ambages, quæ præparatio! Quæso te, Paule, istis tot ambagibus quò tendis? Ostendit versu 11. *Declaratum est mihi de vobis, Fratres, quod contentiones sint inter vos; & unusquisque vestrum dicit, Ego sum Pauli, Ego Apollo, Ego Cepha, Ego Christi. Quid? num dissiditatus est Christus? Num Paulus crucifixus est pro vobis?* Ecce quibus spatiis ad aperta Correptionis verba descendit. Ecce quàm blandà manu viam districtæ Increpationis aperuit. Laudat, blanditur, probat, obsecrat, quasi prius voluit manus religare, quàm vulnus ferro correptionis incidere. Erant profectò in Corinthiis & quæ laudari debuissent, & quæ argui: peritus igitur Medicus prius sana membra, quæ circa vulnus erant, ludando palpavit, & postmodum putridum sinum vulneris feriendo transfixit; utrinque & Personis consulens & Temporibus.

Hoc totum illud est Evangelicæ Correptionis artificium, hi termini & regulæ quibus undique circumdatur, quas si quis studio & exercitatione didicerit, nã ille Musas Gratiis, & utile dulci, & Evangelium Lege, & novis

veteribus

veteribus miscet, ut *Eruditi Scriba* nomine insigniatur. Atque de Theoremate primo, quod Legis & Evangelii unionem in rebus Disciplinæ, crassâ licet Minervâ, exhibuit, hæc dixisse non poenitet.

Theorema alterum, De ipsarum unionem in Doctrinæ negotio, præsentia nostræ die sequente proximo est enucleandum.

LECTIO XVIII.

QUÆ singula Auditorum animos in perorando afficere solent plurimum, si utilia & suavia sint quæ dicuntur, si gravitate & varietate splendescant; ea in his *novis & veteribus* junctim omnia convenire tam perspicuum est, ut neminem esse judico vel in Cimmeriis tenebris patum cui non innotescat. Sive enim de argumenti quod tractamus Gravitate & Dignitate quæretur, quis vulgare existimabit atque exigui momenti, de duobus Testamentis, de Lege & Evangelio, subtiles & spinosas disputationes contexere? Sive de Suavitate cogitatio altera sit, cui non jucundum fuerit, tam inter se, ut videtur, dissona, & suprema tamen Religionis nostræ capita, in unum colligata fasciculum intueri? Sin Utilitatem etiam spectare velis, res ipsa loquitur, nihil esse quod nobis majori fructui solatioque esse possit, quam Legis Minas Promissionibus Evangelii temperatas, & Legis doctrinam Evangelii voce stabilitam accipere. Postremo, si in Varietate multimoda, quid sit quod bibularum aurium expectationi respondeat; opinor vix quenquam reperiri qui modos multiplices & numeros istorum verborum, ad humana, Divina, Legalia, Evangelica, antiqua, recentia se protendentium, angusto sermonis vasculo contineri posse existimet: οὐδὲν αἰ μῦρια σήματα ἔχει, καὶ μῦρια γλώσσας, οὐδὲν αἰ μῦριον ἑταῖο βίωσιν, ut de Hexæmetro Theophilus ad Autolycum loquitur, *Non si ipsi linguas centum, oâque centum, non si annorum centum vitam benigna mater natura indulgeret.* Quocirca fastidium vestrum non metuo, Auditores, quamvis eruditi palati estis, nè tituli sæpius repetiti crambe vos nauseet, quod à *novis & veteribus* per dies singulos dicendi exordia ducamus; nam meminisse oportet, quod licet exordia eadem sint, at progrediendi spatia in infinitos penè scinduntur rivulos documentorum, quæ non minus jucunditate & varietate oblectare, quam usu & commodo prodesse possunt. Et Ego quidem non video quibus poterò artibus aut vobis, aut huic quidem Scripturæ fidem præstitam liberare, nisi ordinis constituti membra universa, sponsonis fideique mei sanctissima pignora, usquequaque explevero. *In cithara*, inquit Chrysostomus, *non est satis ex uno aut altero nervo concentum efficere, sed ordine suo omnes numerosè & decenter sunt pulsandi:* pari modo, ad plenum cumulatûmq; sensum istorum verborum, quæ *Christi suavis-sima lyra* dici merentur, non satis est unum aut alterum membrum evolvere, verum universa oportet & singula percurrere, atque examulsum tractare. Atque aliqua jamdudum expedivimus. Et nunc quidem in *novorum & veterum* Concordia tertia hodierni instituti ratio versatur, Concordia nimirum Legis & Evangelii in rebus & ad Disciplinam & ad Doctrinam spectantibus.

De prima Concordiæ parte, in Disciplinæ negotio, hætenus differimus, Quàm sit in exercitiis Sacris Minarum & Promissionum, Cohortationum & Incepcionum Copula necessaria, & quibus mediis ad hoc prudentiæ Pastoralis culmen ascendere possimus. De Necessitate unionis accepistis aliqua, de Regulis & Cautionibus non pauca, & hæc quidem omnia unius Theorematis ambitu comprehensa.

Pars altera Concordiæ nunc superest, De Legis & Evangelii unione quantum ad Doctrinam utriusque: & exinde Theorema quod emergit alterum sic se habet, Ad officium Pastorale pertinet, & Legis & Gratiæ doctrinam explicare, & in omnibus quæ ad plenam utriusque intelligentiam requiruntur Auditores suos erudire. In cujus Theorematis confirmatione ut nihil in præteritis relinquamus, in partes nativæ & proprias distribuiamus necesse est. Sunt autem partes duplicis ordinis, Similares & Dissimilares. Similares tres sunt: prima, de Prædicatione Gratiæ; secunda, de Prædicatione Legis; tertia, de Unione utriusque. Dissimilares duæ sunt, una Contraria, Subcontraria altera. Pars Subcontraria è calumniis Pontificiorum petenda est, qui nos Legis Divinæ hostes & eversores passim in scriptis suis clamitant. Pars Contraria, è dogmate faculentò Libertinorum & Antinomorum, qui Legis Moralis usu Christianis interdiciunt, & vocem ejus, nè in Concionibus Sacris audiatur, pulpitis excludunt. Partes Similares sunt primò inspiciendæ, & de singulis sigillatim agendum est; de Doctrina Gratiæ, de Doctrina Legis, de Unione utriusque.

De Doctrina Gratiæ nemo dubitat, quin proprium sit Ministri Evangelici omnia istius mysteria recludere. Hoc Apostolis Salvator noster in mandatis dedit, Matth. 10. 7. *Prædicate, dicentes, Appropinquavit regnum celorum*: & Mar. 16. 17. *Prædicate Evangelium omni creature; Qui crediderit, salvabitur*: & Matth. 28. 20. *Docete eos servare omnia quæ mandavi vobis*; *Docete quæ credenda, docete quæ facienda*. Hæc regni cœlestis via, hæc Gratiæ Evangelicæ vestigia, quibus & nobis regnum, & nos regno appropinquamus. Has sibi metas Apostolus Paulus posuit, 1 Cor. 1. 3. *Nos Christum prædicamus crucifixum*: & Ephes. 3. 8. *Mihi omnium sanctorum minimo data est hæc gratia evangelizandi impervergebiles divitias Christi*. Plenius non potuit Apostolus neque pressius Prædicationis compendia describere, quàm duobus Christi nomine sanctificatis vocabulis, *Crux Christi, Divitias Christi*, sine quo nec gratia gratia est, nec Evangelium Evangelium, nec Christianus Christianus. *Si ne causa*, inquit S. Malachias, *Christianus sum, si sine Christo sum id quod sum*.

De Doctrina Legis non minùs in aperto res est, quòd spectat etiam ad officium Pastoris in vera Legis cognitione populum Dei instituere. Est enim Lex cictatum Divinæ mentis, & regula voluntatis atque operationis humanæ. Unusquisque autem tenetur illud scire ad cujus normam debet vitam suam componere. Atque si modò populus teneatur scire & facere, quis negat Pastores astringi religiosè docere? Interea verò illud mecum recognoscere oportet, in quo etiam ipsi Scholastici nostris Theologis assentiunt, Legem Mosaicam, quæ Mosaicam, hoc est, quatenus per Mosem Judæis lata est, Christianos non tenere, eò quòd Moysi legislatio tantum pertinerat ad populum Israeliticum, idque ad Christi duntaxat adventum & Evangelii prædicationem, in qua tota Mosaicæ constitutio finem accepit. Sed nihilominus tamen hoc concessò, duplex est vinculum quo Legi Divinæ Christiani astringuntur. Unum est Naturæ,

*Estius l. 3. d. 36.
Zanch. de Decal.*

Naturæ, quâ homines sumus; quia *Lex primordialis, data Adæ & Evæ in paradiso, quasi matrix erat omnium præceptorum Decalogi*, inquit Tertul., advers. Jud. cap. 2. & *Lex Decalogi nihil aliud quàm Legis naturalis explicatio, Explicatio Legis prima in ipsis cordibus manu formatoris scripta*, ut Augustinus loquitur, in Psal. 57. Alterum est Gratix, quâ Christiani sumus; quia *Naturalia omnia præcepta, quemadmodum & Legis Moralis, communia sunt*, ut Irenæus loquitur, utrique populo, & in hunc finem à Christo & Spiritu ejus in Apostolis sæpius confirmata. A Christo, Matth. 5. 17. *Non veni ut solvam Legem & Prophetas, sed ut adimpleam*; adimpleam nimirum & in me & in meis. Matth. 19. 17. *Si vis ad vitam ingredi, serva mandata*. Mandata quænam? Legis certè Moralis, *Non occides, Non machaberis, & Diliges Dominum Deum tuum ex toto corde*, quod primum & maximum præceptum est non minùs in Lege quàm in Evangelio, ut Irenæus observavit, lib. 3. cap. 25. Ab Apostolis ubique in scriptis suis, 1 Tim. 1. 5. *Finis Legis est charitas, de puro corde, conscientia bona, & fide non ficta*. Rom. 3. 31. *Legem destruimus per fidem? Absit, imò statuimus*. Rom. 13. 8. *Qui diligit proximum, Legem implevit*. 1 Joh. 2. 4. *Qui dicit se nosse Deum, & Mandata ejus non custodit, mendax est*; quia in mandatis suis Deus & cognoscitur & colitur: neque Redemptor tantùm noster Christus est, sed & Legislator; nec Medicus tantùm noster, sed Rex & Dominus; Finis quidem Legis, sed *finis perficiens, non interficiens*, ut Augustinus optimè, Tract. 55. in Joan.

De Unione utriusque quid dicam, cùm penè nulla sit officii operisque Christiani vel minima portiuncula, quæ non utrinque robur aliquod atque momentum mutuatur? Si de Charitatis & Obedientiæ præceptis sermo habeatur, Legis apparatus Evangelium sancitur, luce Evangelii Lex illustratur: quia *leges morales eadem utriusque pagina*, ut Augustinus loquitur. Si de Peccato, Legis est coercere, Evangelii sanctius instituere; Legis morbum indicare, Evangelii sanare & regere. *Lex jubere novit, Gratia juvare*, inquit Augustinus, Ep. 95. ad Innocentium. Si de Afflictionibus; ex Lege discimus quòd sunt signa iræ Dei & supplicia peccati; ex Evangelio, quòd sunt favoris Dei pignora, & adoptionis nostræ atque æternæ vitæ testimonia. Ergò inter docendum jungenda sunt hæc *nova veteribus*. Sed acere judicium ad hoc requiritur, quia facile erratur nisi Cautiones quædam ex utraque parte adhibeantur.

In proponenda Evangelii doctrina cavendum est nè libertatis specie licentiæ viam aperiamus; nè umbratilis fidei malè-sanâ sententiâ obedientiæ jugum homines præfracti & contumaces excutiant. Nam quamvis Lex, quatenus in manu Moïsis erat, abrogata jam sit fidelibus; at quatenus jam est in manu Christi, habemus eam renovatam & restabilitam. Si morte Christi Legis chirographum deletum sit quoad vim damnatoriam, at adhuc habet vim directoriam. Si à maledictione Legis liberemur, non tamen ab obedientia. Si ipsius sanguine onus Legis, quod neque nos, neque patres nostri portare poterant, tollatur; at disciplina Legis, & speculum Legis firmum fixumque manet. Si quoad damnationem ad Christianos non spectet, at quoad obedientiam magis ad Christianos pertinere credimus, quò accuratius illam Christus exposuit & confirmavit. Summatim, Si quoad ea quæ nobis sunt perniciosa rescindatur, ut Apostolus testatur, Gal. 3. *Christus nos redemit ab execratione Legis*, & Rom. 6. *Non estis sub Lege, sed sub gratia*, & Rom. 7. *Liberati*, sive (ut Interpres Vetus maluit) *soluti sumus à Lege*; at non rescinditur in iis quæ sunt fidelibus

delibus utilia, prout est doctrinæ vitæque regula, & explicatio voluntatis Divinæ. *Si non sint sub Lege fideles, at in Lege*, inquit Augustinus: *Qui est sub Lege, secundum Legem agitur; qui in Lege, secundum Legem agit*, Auguft. in Pfal. 1. Quod ad hanc partem spectat, à Christo rata est & confirmata, ne illinc sibi quis peccandiumat licentiam, unde arripere oportet alacritatem serviendi Deo. Idcirco ex parte Evangelii sit hæc Cautio.

Ex parte autem Legis, cavendum est nè in proponenda Legis doctrina hominum mentes in ea sistantur, quasi possent salutem in ejus observatione invenire: sed per Legis severitatem ad Christi misericordiam sunt perducendæ, quia Lex pædagogus est ad Christum. Cavendum etiam nè eodem prorsus modo fidelibus & verè pœnitentibus accommodetur Legis doctrina, quo improbis & contumacibus. Proponenda est piis tantummodo ut regula sanctæ vitæ, in qua ambulandum est ut Deo parent: proponenda est impiis, non modò ad illorum vitam dirigendam, sed ad terrorem incutiendum, ad demonstrandam justam illorum damnationem, nisi resipiscant. Proponenda est piis sub cautela impossibilitatis implendi eam, nè seipsos justificent, & de seipsis plùs equo præsumant: impiis verò sub conditione possibilitatis alicujus, ex gratiæ adjutorio, si credant & resipiscant; nè redeundi curam omnem abiciant, & de salute sua prorsus desperent. Denique, piis sub cautela arrogantia, quia *in multis labimur omnes*, Jac. 3. 2. nè Christum negligant: impiis sub spe indulgentiæ, si revertantur, & ad Christum Mediatorem confugiant: ut & isti discant ad Christum properare, & illi in Christo acquiescere. Atque hæc de partibus Similiariibus dixisse sufficiat.

Quæ sunt Theorematis partes Dissimilares nunc deinceps consideremus. Sunt autem, ut suprà dixi, duæ, una Contraria, altera Subcontraria. Pars Subcontraria è calumniis Pontificiorum petenda est, qui probris nos & contumeliis onerant, quasi hostes Legis, & tantum non proditores, atque suæ maximam partem innocentia in hoc statuunt, si modò nostram lædere atque obtruncare possint. Nimirum nos è fæce & stercore impietatis nuper nati homunciones, in Evangelio nihil præceptum esse dicimus præter Fidem, cetera omnia neque præcepta neque prohibita, sed libera, ipsa denique Decem Mandata, digito Dei exarata, nihil ad Christianos pertinere constanter docemus. Sic solent, pro canina sua eloquentia, allatrare stellas, quas de cœlis, de rostris dixissem, non valent deducere.

Et puderet nos quidem potuisse hæc aliquando dici, si non minori negotio possent & refelli. At non erubescimus tamen, neque rubri supercilii prologo opus est, quia *testificabitur pro nobis justitia nostra*, quod S. Jacob dixit, non die crastino, sed magis hodierno.

Sed videamus quibus testibus cædimur. Adstant in procinctu Bellarminus, Canisius, Coccius, Becanus, Smytheus, mendaciorum figuli artificisque peritissimi. Bellarminus de Justificat. lib. 4. cap. 1. *Adversarii in eo libertatem Christianam constituunt, quòd homo justus sit liber à debito Legis implende coram Deo, & per hoc omnia opera sint illi jam indifferentia, id est, nec præcepta nec prohibita. Ità docet Lutherus in cap. 2. ad Galat. Et in argumento ejusdem epistole, Summa, inquit, ars & sapientia Christiana est nescire Legem, ignorare opera, & totam justitiam activam, & in lib. de Libertate Christiana, Nullo opere, nullà lege homini Christiano opus est, cum per fidem sit liber ab omni Lege; & Calvinus, lib. 3. Insti. cap. 10. Paragr. 2, & 4, & 7. Rursus Bellarminus ejusdem libri cap.*

cap. 5. *Adversarii, ut supra diximus, in eo ponunt libertatem Christianam, ut nulli legi subiecti sint coram Deo & in conscientia; & Christum habeant pro Redemptore, non pro Legislatore; Moses autem cum suo Decalogo nihil ad eos pertineat: & rursus cap. 1. Multi ipsorum aliud loquuntur, aliud sentiunt; & quicquid sit de modis ipsorum loquendi, cum excutuntur ipsorum principia & dicta & scripta, videntur sic existimare, & quæ sequuntur.* Hæc Bellarminus.

Ad eandem monetam pertinent quæ à Petro Canisio, l. 1. de Corruptelis Verbi Dei, c. 11. adducuntur, *Lubecenses Ministri audacius vociferantur, Qui docent servanda Mandata, Christum negant, & fidem abolent: atque rursus, Altenburgensium hæc sunt horrenda dogmata; Christiani Concionatores prædicare debent merum Evangelium, & non Legem: Opera bona Legis non ad regnum Christi, sed ad mundum pertinent: Lex non docet bona Opera, nec ideo prædicanda Lex est ut bona Opera peragantur: Nihil ad nos Christianos pertinent primum & nonum & decimum Præceptum Decalogi: Qui credit Christianus supra omnem est obedientiam & supra omnem legem: Ad Satanam spectant Christiani cum omnibus operibus bonis.* Hæc Canisius de Altenburgensi Colloquio, ad verbum ex Jodoco Coccio, qui Thesauri sui to. 2. l. 3. ar. 3. è Philippi locis nescio quid simile atrexit, Editione secundâ, p. 76. *Necesse est, inquit Philippus, ut fateamur Decalogum quoque abrogatum esse. Sophista nostri Judicialia & Ceremonias abrogatas esse dicunt, legem de moribus novè à Christo autam; Adcò ex Christo bis Moses faciunt.* Eiusdem farinae sunt quæ à Becano Jesuita, & à Richardo Smytheo in sua Collatione, adducuntur. Becanus Theologiae Scholasticæ par. 2. tract. 4. c. 4. Qu. 2. *Non pudebit fortè Calvinistas dicere, Deum joco & ironice loqui cum proponit nobis observationem Legis: & ubi Christus dicit, Tollite iugum meum; Si vis ad vitam ingredi, serva mandata, Amici mei estis, si servaveritis quæ præcipio vobis, Docete eos servare omnia quaecunque mandavi vobis: an hic Calvinus dicit, inquit Jesuita, Non tollo iugum tuum, quia nimis grave est; Volo ad vitam ingredi, sed sine mandatorum observatione; Ero amicus tuus, etiamsi non fecero quæ præcipis; Docebo eos non servare mandata, sed solâ fide contentos esse.* En Aristarchi novi censuram, fellis & amaritudinis plenissimam. Neque bile dissimili tumet Smytheus, *Protestantes alii Legem Decalogi abrogatam esse dicunt quoad fideles; alii, etsi verbis negent, reipsa tamen id dicunt; Confessio Augustana, Zuinglius, Martyr, Calvinus, Beza, Whitakerus, Bullingerus, & alii Protestantes communiter: Quod Lex præcipiat tantum impiis, piis verò sit abolita: Quod homini justificato cessent omnes leges: Quod omnia sint libera & licita: Quod Christus omnes leges in universum abrogavit: Quod Lex non est posita iusto in ullo usu.* Sic sui similes semper sunt in nobis calumniæ gravandis; & quod Cicero l. 1. Acad. quæst. dixit, *non ovum ovo similis est quàm Servilius Servilio*, Bellarmino Canisius, Canisio Becanus, Becano Coccius, Coccio Smytheus. Quis verò est tam subtilis, qui distinguere hæc inter se possit, majore sit numerus nominum quæ in apicem producantur, an pessimorum dogmatum dogmatum, an calumniarum? Sic Cyrum regem Persarum in obsidione Sardium fecisse scribit Julius Frontinus, l. 3. c. 8. *Simulacra quædam hominum armatorum malis imposuit, & urbis mœniis admovit, ut pro veris militibus ab oppidanis haberentur.* Sic in Cœcædia Thraso socios suos convocat, & quos habuit, & quos non habuit; *Simalio, Dorax, Syrfice, sequimini: cedo alios; ubi centurio est Sanga, & manipulus furum? Ecce adest; ubi alii?* Sic Smytheus tandem, *Zuinglius, Martyr, Calvinus, Beza,*

Whitakerus, Bullingerus. Ubi alii? eccum adfunt; & alii *Protestantes communiter.* Quid igitur? an nobis hoc in loco aliqua disputanda est controversia? Nihil minùs, sed tantùm impudens compefcenda calumnia; & regerendi nobis potestas non deest. Quod si nos digni sumus hâc contumeliâ, at illi indigni qui facerent tamen. Velim enim respondeant? Quis Papam contra Divinam Legem dispensare posse asserit? Protestantes? Quis est qui pejus esse nubere dixit quàm uri, contra S. Pauli sententiam? Protestantes? Quis fornicationem & lupanaria permittenda esse clamat, contra totius Scripturæ decreta? Protestantes? Quis in Sacerdotum coelibatu & interdictione calicis Ecclesiam Romanam statuit auctoritatem habere, præter & contra Scripturam Sanctam; leges conscientiam obligantes instituendæ? Protestantes? Quis ab ore Episcopi Romani magis quàm à Sacris Paginis Religionis institutionem se accepturum gloriatur? Protestantes? Quis non Legem modò, sed ipsum Evangelium regulam plumbeam & Evangelium nigrum appellat? Protestantes? Quis profanationem Sabbati, convitium ex ira cum deliberatione injectum, ex animi passione volitionem vindictæ, stultiloquium, scurrilitatem, officiosum mendacium, peccata venialia defendit? Protestantes? Quis Decem Præceptorum secundum de Imaginibus colendis è numero Præceptorum miro ingenii artificio sustulit? quis Judæis latam ejus Legis partem, non Christianis, contendit? Protestantes? Atque post hæc tanta & talia, pro sanctissimis Legis Divinæ patronis Pontificii habendi sunt; nos contemptores sumus & hostes. Sic Clodius non mœchos, sed castos.

Manius absentem Novium cum carperet, Hæm tu,

(Quidam ait) ignoras te? Hor. Ser. l. 1. Sat. 3.

Revera si qui reperiantur qui Legi Divinæ fideles non omnino subesse, qui nihil ad nos Decalogum Moïsis pertinere dixerint, adversus eos disputent, certi habituros se nos non adversarios, sed socios; si socios tamen patiatur Jesuiticum supercilium; ut in posterum caveant nè dixerint omnes Protestantes hoc communiter tenere & asserere. Agnosco in Lutheri scriptis sparsim hâc & illic reperiri aliquando verbum aliquod insolens & duriusculum: verùm non contra Legem Divinam, sed contra Papalem Legis abusum in negotio Justificationis. Luthero ea excidisse singula nemo sobrius est qui queat diffiteri: nam & ipse librum scripsit de *Lege Moïsi cum fructu legenda*; & fidem suam abunde liberat in Commentariis super Gal. 3. ver. 23, 24, & 25. *Vernus usus Legis nullo pretio potest estimari*; & rursus, *Abutuntur Lege qui Christianos ab ea prorsus absolvere volunt*, &c. De Calvino res apertior quàm ut nostrâ defensione egeat. Instit. lib. 3. cap. 19. s. 2. aliisque in locis non paucis; *Non est Lex fidelibus supervacanea, tamen si apud Dei tribunal in eorum conscientiarum locum non habeat. Hac enim sunt Legis officia, docere, hortari, stimulare ad bonum, ad sanctitatis & innocentia studium excitare, & ejusmodi.* Eadem simplicitate verborum sententiam suam explicat Phil. Melancthon in Locis suis, titulo, de *Lege Divina*; *Lex moralis est æterna & immota sapientia Dei, & regula justitiæ discernens recta & non recta, & quæ sequuntur: & paulò post, Furor est execrandus dicere, vocem Legis moralis, sicut eam Christus & Propheta & Apostoli declarant, non docendam esse in Ecclesia.* Eadem Theod. Beza in Annot. super 2 Cor. 3. 11. & in 1 Joh. 2. 7. *Lex quid sit faciendum, Evangelium quid sit credendum docet: sicque sunt inter se hæc duo distincta, ut unum alteri subserviat: nec enim Evangelio Lex aboletur quatenus quod rectum est præcipit, sed duntaxat quatenus mortem non perfectè præstantibus minatur: & super*

1 Tim.

I Tim. 1.9. *Damnanda est Antinomorum & Libertinorum detestanda Hæresis. Eadem Electorales Theologi in Colloquio Altenburgenſi; Docemus fideliter, obedientiam erga mandata Dei nobis tradita debitam & rem necessariam esse: & in primo scripto, Antinomos nostri temporis, fanaticos Anabaptistas, Libertinos, & horum similes, Divina Legis hostes & oppugnatores pertinaces, rejicimus & damnamus. Denique & Confessio Augustana, Artic. 6. Necesse est docere homines, non solum quòd Legi obediendum sit, sed etiam quomodo placeat hac obedientia, nè conscientia incidant in desperationem, cum intelligant se Legi non satisfacere. De reliquis non opus est ut moneam, quàm insignis sit hac in re injuria Bullingero, Whirakero, Martyri, & Theologis nostris universis, qui unà & voce & manu in scriptis suis profitentur, Obedientiam & prædicationem Legis Divinæ esse quàm maximè necessariam; & quidem ita, ut qui eam violet peccati reus sit: peccati autem non venialis, quo sensu Papistæ veniale dixerint, sed verè mortalis, aded ut eo ipso verè mereantur æternam damnationem, à qua nullo se ipsi pacto eximere possint per ulla merita, per ulla satisfactions, per ulla hominum suffragia, sed tantum per veram vivamque fidem, id est, per merita Christi. Quid ergo? satim purgati sumus? Imò vide immane excedere & extremam inhumanitatem Papistarum: *Etsi verbis negent, re tamen dicunt*, inquit Smytheus: *Aliud loquuntur, aliud sentiunt*, inquit Bellarminus. Quasi verò hos necesse sit nos conscientiarum judices agnoscere; aut tot tantæque controversiæ non satis testatam fecerint nostram in profitendis nostris sensibus *infirmam*, quam neque ignes neque cruces potuerint suffocare, quasi ipsis de nobis magis habenda fides esset quàm nobis ipsis. Quod in re alia Quintilianus, (Orat. Instit. 1.5. c. 12. & Val. Max. 1.3. c. 7.) *Q. Varus Hispanus M. Scaurum principem Senatus socios in arma ait concitasse, M. Scaurus princeps Senatus negat: Utrius vos, Quirites, convenit credere?* Definant igitur maledicere, & argumentis agant magis quàm calumniis. *Puerilis est jactantia*, inquit alicubi Hieronymus, *accusando illustres homines, nomini suo famam querere*: adde, & virilis prudentiæ os calumniatori obstruere. Quæ igitur sit illa pars Dissimularis Theorematis subcontraria, è Pontificiorum probris deprompta, jam tandem accepistis.*

Pars altera reſtat Theorematis ex diametro contraria, in qua Antinomorum paradoxa discutienda sunt. Quod August. 1. 1. contra Adversarios Legis, c. 1. in causa non simili, sed eadem, *Defendenda est adversus eorum linguas Lex Divina, quam maledicis disputationibus insectantur*. Atque hoc faciemus, si quidem Deus permiserit.

LECTIO XIX.

NON capitis modò, sed corporis Ecclesiæ militantis Davidem typum fuisse, prælia ipsius testantur. Et illi quidem non solum à Philistæis atque exteris Gentibus, sed ab ipsa Saulis domo, rixas Deus suscitavit atque tumultus; & quod magis erat intestinum & asperum, etiam de domo & familia propria. Neque S. Pauli conditio melior exstitit, qui periculis se obsitum conqueritur, non iis tantum quæ ab hostibus constata sunt, sed quæ à falsis fratribus. De Ecclesiâ ipsâ quid dicam, cum in Evangelio legimus prædictum esse à Salvatore, magis inimicos domesticos futuros, & qui prius còpulati sacramento unanimitalis fuerint, ipsos invicem tradituros? Hoc inter ipsa mundi initia Ecclesiâ sensit, cum Abelem justum non nisi frater occiderit, & Jacobum fugientem persecutus sit frater infestus, & Josephus puer venierit vendentibus fratribus; adeò in Lege Gratiæ fratrum non modò gratia rara, sed nulla. Quid quòd Christus ipse à fratribus est detentus, & ab eo quem inter Apostolos delegerat proditus? Nè cui mirum videatur, si ex amicorum ædibus tela contorqueantur adversus veritatem, recognoscat secum quid illud sit quod Apostolus dicat, Rom. 9. 6. *Non omnes qui ex Israel, sunt Israelitæ, neque de Ecclesiâ, aut pro Ecclesiâ omnes qui sunt in Ecclesiâ.* Si Area Domini Ecclesiâ sit, permittendum ei est ut habeat intra se non minùs paleam quàm frumentum; si Hortus, spinas & tribulos unà cum liliis pullulantes; si Domus, vasa in contumeliam æquè ac in honorem; si Mater, quid novi accidit si nonnullos in utero concipiat, alios verò abortiat? *Nihil interest,* inquit ad Cornelium B. Cyprianus Ep. 55. *quis tradat angustiat, cum Deus tradidit permittat quos disponit coronari.* Neque enim nobis ignominia est pati à fratribus quod passus est Christus, nec illis gloria est facere quod fecerit Judas. In illa jam tempora incidimus, in quibus non hostis adversus hostem, sed adversus fratrem frater insurgit, tunicamque Christi quam milites profani fortibus integram accipiunt, discipuli scindunt. Non Gentes sunt quæ fremunt, non extranei qui clamitant, *Dirumpamus vincula eorum.* Quòd si in Papatu contra nos voces illæ audiantur, ferendæ fortassis sunt: at è visceribus nostris jam tandem erumpunt, atque acutissimis accentibus dentatæ, *Dirumpamus vincula,* projiciamus jugum, non ipsorum, sed Christi; nam quia Deo dicunt, etiam & Christo dicunt, *Recede à nobis, scientiam viarum tuarum nolumus: Quis est Omnipotens ut serviamus ei, aut quid utilitatis in Lege ipsius?* Ecce nova facta sunt omnia, quid nobis cum veteribus, non antiquis solum, sed antiquatis?

Adversus istos tenebriones defendenda est Lex Divina quam lingua maledicâ insectantur. Et instituti ratio, & ordo procedendi, & expectatio vestra hoc postulat; hic enim status est secundi Theorematis, quod è tertia *novorum veterumque* Concordia elicitur, Quòd vel maxime ad Officium Pastorale pertinet, & Legis & Gratiæ Doctrinam explicare, & in omnibus quæ ad plenam utriusque intelligentiam requiruntur, Auditores suos erudire. De Theos partibus Similaribus superius verba fecimus, quando de necessitate Unionis præceptorum Legis & Evangelii, atque de Cautionibus in utriusque dispensatione observandis, laxè quidem, sed latè disputavimus. De parte etiam Subcontraria è Pontificiorum contumeliis petenda non prorsus

prorsus tacuimus; verum eorum calumnias, quibus nos ut Legis hostes & contemptores persequantur, ad unam omnes deterfimus.

Sola jam superest Theorematis pars tertia, Thesi è diametro contraria, è dogmate sæculento Libertinorum & Antinomorum oriunda, qui Legis moralis usu suavissimo Christianis interdunt, & os ipsi obstrunt, nè in Concionibus Sacris vox aliquando ipsius audiat. Non opus est obsignatis tabulis, ut sacrilegi dogmaris anfractus singulos lutososq; calles spectandos exhibeamus. Si quis sit qui ipsorum chartulas emissarias viderit, quæ passim in manibus deploratæ fidei hominum circumferuntur, ex istis discernere potest venenata spicula malè sanæ sententiæ; Quod Lex non sit digna ut vocetur Verbum Dei; Quod Decalogus ad Curiam pertineat, non ad Suggestum; Quod quibuscunque cum Mose res est, rectâ viâ tendant ad Diabolum; Quod bona Opera Legis sint peccata, & ad salutem perniciofa; Quod Lex non doceat bona Opera, neque idcirco est prædicanda ut bona Opera peragantur; Quod qui credit Christianus supra omnem est obedientiam; Quod præcepta Decalogi nihil ad Christianos pertineant; & quicquid præterea evomere possit contra Legem Dei lingua petulca Marcionis, aut filiorum Belial, mea verò horret recitasse. Quocirca cum *Ordo sit pater modi*, ut Augustinus loquitur, lib. 2. de Ordine, & decorem rebus conciliet, & latentia patefaciat, cùmque, ut disciplinæ militaris magister Vegetius cap. 14. consulit, Ordinaturus aciem Soli debet Ventroque prospicere: Agite, videamus si Solem Ventrumque adepti, latentis anguis sibilum detegere possimus, fumumque & pulverem quem venditant in faciem ipsorum oculosque regerere. Ad duo autem capita rem totam deducam, Ea quæ in limine sive introitu, & Ea quæ in corpore ipso sive visceribus causæ sunt dicenda: hoc est, partem Introductoriæ, in qua prælibanda sunt aliqua; & partem Discursivam, in qua Argumentis hinc illinc agendum est.

Pars Introductoria erit velut rei gestæ historia, & ab ea ordiendum est. Sunt autem tria hîc enucleanda: Quibus Radicibus orti sunt erroris hujus exitiosi sectatores; Quibus Stimulis concitati hanc sibi sententiam selegerint; & Quæ Necessitas defensionis nostræ.

Prima pars inquisitionis est de Progenie erroris hujus, quam ætatem habeat, quo nomine gloriatur, quibus parentibus. Hoc cognitu necessarium, tum quia, ut Vincentius observavit, *Mos est Hæreticorum sub aliquo nomine veteris, si fieri potest, cujuscumque authoris errores suos concinnare*; tum etiam quia, ut Hieronymus loquitur, *Hæreses ad suam originem revocasse, est refutasse*. At hîc tamen calamus hæret, quia neque nominis, neque temporis, neque authoris certi vestigia reperio apud Scriptores idoneos, vel veteres vel recentiores. De Acephalis scribit Alphonfus à Castro, lib. 4. tit. de Christo, Hæres. 4. sic eos nominatos, quia *sine capite* erant; Simul, inquit, *insurgentes, nullus repertus est qui illorum esset princeps atque magister, à quo originem traxisse viderentur*. Neque conjectura displicet, quia ante eum Bernardus Lutzenburgus in suo Catalogo, & ante hunc Sigebertus in sua Chronographia, eandem nominis rationem reddunt, *Acephalos* dictos, quia *sine capite*, quia author hujus erroris nescitur. Verum aliam reddunt rationem utroque antiquiores Nicephorus Callistus & Leontius. Nicephorus, lib. 18. cap. 45. *Acephalos* dictos ait, *ὅτι ὁ ἐκείνου μὴ ἀγνοῦναι, quod sub Episcopis non fuerint*. Leontius autem in libro de Sectis, Actione sextâ, *ὅτι τῆς Πατερικῆς αὐτῶν μὴ ἀκολουθεῖν καὶ ταῦτα οὐκ οἰνοῦνται, quod Petrum Episcopum Antiochenum Patriarcham suum minime sequebantur*, sed se-

orsim

orſim communicabant. Cuicumque aſſenſeris, in præſentes aptiſſimè ratio nominis quadrabit. Si idcirco quia ſub Episcopis non erant, noſtri nolunt eſſe, ſi quia authorem & caput erroris agnoſcant nullum, de noſtris planè compertum non eſt quem ſibi Sectæ principem arrogent, aut quo nomine diſtinguendi ſint. Qui doctrinæ Chriſti renunciant, quidni ſint acephali, ἀνομοί, ἀνόμωμοι. Si hoc non ſufficiat, penſculatiùs paulò rem agamus, volvamus monumenta veterum; aut Ego caput hujus erroris & authorem eruam, aut omnium quotquot fuerint uſpiam hæreticorum fordes & purgamenta rimabor. Ad Joannem Iſlebiũ Gulielmũ Lindanũ (lib. qui dicitur Dubitant. Dial. 2.) proſapiam eorum revocat, eũque ſequitur Gabriel Prateolus in ſuo Catalogo: ſed non moror iſtos. Ad Libertinos Petrus Viretus, (lib. 2. de Miniſter. verb.) Jo. Calvinus, (lib. cont. Libertinos) & *Hen. Bullingerus, hoc dogma rejiciunt; atque uno verbo recentiores omnes *Antinomus* appellant: at viridioris memoriæ hæc appellatio eſt, atque vix centenaria. A Socrate Scholaſtico nonnihil lucis mutuari poſſumus, at non multum tamen: πῶς εἰσι, inquit lib. 5. cap. 21. Sunt nonnulli, qui Dei præcepta evertentes ipſi ſibi leges ſanciunt, omnem quidem ſcortationem ἀδείφορον, rem indiſſerentem, putantes, ἀντιπράττοντες μὲν τῷ τῷ θεοῦ ἐξυγγέλματι, ὅς ἐστιν ὁ πῶς ἑὶς ἀποστόλων νομοθεσίαν πρὸς ἡμῶν, evertentes Dei præcepta, & Legis. promulgationem ab Apoſtoliſ traditam pro nihilo putantes. Auguſtinus paulò propiùs ad rem accedit, nam libros duos conſcripſit contra hos mures tineâſque Legis Divinæ; ſed proprio nomine non indigitat, quiſnam ſit author Sectæ, aut quĩ vocetur; appellativo tantũ utitur & ſpecifico Sectæ magis quàm hominis, *Contra Adverſarium Legis & Prophetarum*. Similiter & S. Ignatius Episcopuſ & Martyr, Epist. primâ quæ eſt ad Trallianos, fuiſſe ejuſmodi aliquos narrat, etiam ſuis, hoc eſt, naſcentis Eccleſiæ, temporibus; nominibus tamen prætermiſſis, Εἰσὶ πῶς μεταπολιτοί, inquit, καὶ φρεναπάται, οἱ ὅτε Χρεῖν ἀλλοτριοῦσι τὸ Παθεῖν, τὸν ἱ νόμον & Χρεῖν. Sunt nonnulli vaniloqui & ſeduciores, qui Chriſtum à Patre alienum eſſe docent, & Legem à Chriſto. Hem rei totiuſ caput; etiam primo Seculo exiſtiſſe hujus Sectæ infeliçiſſimos patronos, integerrimum certiffimũque teſtem habemus Ignatium. Ergò temporis origo eminet, quamvis nominis proprietateſ neſciatur.

Tentemus & illud. Qui fugitivi temporis rationes diſpungere norit, non procul abeſt ab ipſo primigeniũ authoris nomine. Ab Ælianis Epiphaniuſ hæc. 76. originem eorum ducere videtur: Nulla, inquit, apud Ælianos cura ſanctitatis eſt aut mandatorum Dei; & hoc vulgò jaçant, tam perſpicuè ſe Deum noſſe, ut nè quidem ſeiſpoſ meliùs quàm Deum noverint. Erant autem Æliani quarti Seculi progenies. A Manichæis S. Athanaſiuſ, Orat. 5. *Dividere Legem ab Evangelio*, inquit, Μανιχαίων ἔστιν ἐντίκρυτον. Aſtipulatur etiam & Epiphaniuſ, Hæc. 66. *Teſtamentum Legis, Mortis teſtamentum Manichæi vocant*; & Auguſtinuſ, *Teſtamenti Veteriſ lectionem in Eccleſia Chriſtiana ſub Evangelio inutilem eſſe Manichæoſ dixiſſe*. Ad finem autem tertii Seculi Manichæi caput exſerere coeperunt. Sed ad primum nondum venimus: nam ante Manichæoſ centum plùs minùs annos vixit Tatianuſ; & Clem. Alexandrinuſ in 4. Strom. in ipſiſ tempora reſolvit, κατὰ τὴν τὸν νόμον ὁ Τατιανὸς, ὃς ἄλλο θεῷ, Tatianuſ Legem ſolvit, ut à Deo altero latam. Ante Tatianoſ Valentiniani, qui Legem Moſi τὴν κατὰ λόγον ἢ θείων ἐκβάλλουσι γεγράφειν, inquit Chryſ. I. 4. de Sacerd. Ante Valentinuſ Apelleſ, teſtante Tertull. lib. de Præſcrip. adverſ. Hæret. Ante Apelleſ Marcion, magiſter Apelliſ, teſtantibuſ Hie-

ronymo

* lib. 2. cont. Antinomatiſtaſ.

ronymo & Tertulliano. *Legem veterem*, inquit Hieronymus, in Ecclef. 11. *refpuebat Marcion, & rabido ore dilaniabat. Proprium erat & principale ipfius opus*, inquit Tertull. lib. 1. adverf. Marcion. *Legem feperare ab Evangelio, ut ex diverfitate Inftrumentorum diverfitatem argumentetur Deorum.* Ante Marcionem Cerdon, teftante eodem Tertulliano in lib. de Præfcript. adverf. Hæreticos: hic autem magifter Marcionis erat, & Legem & Prophetas repudiavit; vixit autem circa medium fecundi Seculi. Hic pedem fuum fiftit Alphofus à Caftro, nec ultrà fcrutatur; *Primus*, inquit, *ejus author & princeps fuit Cerdon*: fed temere hoc, ut alia multa. Primus enim Cerdon non potuit effe, cum Damafcenus in Catalogo Hæreticorum ad Carpocratianos, Baflidianos & Caianos hanc hærefin referat. Ifti fe Lege teneri negarunt, ejufque authorem improbarunt; vixerunt autem aliquot annos ante Cerdonem circa principium fecundi Seculi. Sed neque fic ad radicem pervenimus; nam ante omnes Simoniani exifterunt, ipfo Apoftolorum ævo; atque ipfos Legem rejeciffie docet in Catalogo fuo Auguftinus, & Author Apoftolicarum Conftitutionum, lib. 6. 19. ἡ γὰρ πικρὰ καὶ λυγρὰ τὸ νόμος, οἷς Σίμων δοξάζει, *Chriftus nunquam folvit Legem, ut Simon opinatus eft.* Quid dici poteft apertius? Non jam res conjecturis, fed oculis manibufque tenetur. Clamare licet cum Archimede, ὑπὸ νόμου, ὑπὸ νόμου. Hi funt quos S. Ignatius dedignatus eft nomine appellare, νῦν εἰσι. Hi funt quorum familiam primam nefcire fe Auguftinus fatebatur, cont. Adverf. Legis & Prophet. l. 1. c. 1. *Quæfivi*, inquit, *cujus effet erroris; non enim foli Manichæi Legem Prophetasque condemnant, fed & Marcionita, & alii nonnulli, quorum Secta non ita innotuerunt populis Chriftianis: mihi autem non apparet cujus Secta fit ifte blafphemus.* In hoc fe fpeculo intueantur Antinomii, agnofcant veterem profapiam fuam, claritudinem gentis oftendant. O natales fplendidos! O fanctiffima ftemmata! Et agnofcant fe non parentes, fed filios atque difcipulos putidiffimæ hærefeos; adeoque non novum hunc errorem effe, fed veterem redivivum è cineribus Manichæorum, è Cerdonis & Simonis fepulcro effoffum. Difcant tandem, fi non rifu, à fletu paréntes fuos agnofcere; aut, fi me rogent, ego docebo. Quis Pater ipforum? Manes; quis Avus? Tatianus; quis Proavus? Marcion; Abavus? Cerdon; Tritavus? Simon. Adhuc perge; quære ex me quis tibi quintus fit pater, & promptè dicam: fed verba defunt, at faciam tamen, O & avus, Non-avus quis? Et hoc quoque dicam, fi mecum recurrere placeat ab Evangelii ad ipfius mundi cunas atque primordia. Ibi hærefiarcham omnium primum, serpentem antiquum, intueri licet, quàm propinquè ipfum cognatione contingant. Etenim tentationis primæ fuma ad Divinæ Legis abolitionem refpexit, *Etiámne dixit Deus, Non comedetis ex ulla arbore hortii?* Profus quali dixiffet, Tam durè vobifcum egit Deus, ut folis omium antimantium vobis jugum Legis imponeret? O miferam fervitutem! O legem iniquam, dominio veftro & libertate indignam! Aufculta mihi potius, Regina Mundi; ego hoc te onere levabo, fi me audies; mandatum exfolet, fit vobis pro lege voluntas propria, comedite, & eritis ficut Dii. Sic, fic antiquus hoftis, hæreticorum pater, matrem viventium adortus eft; & quod in Paradifo egit, hoc in Ecclefia quotidie agere non defiftit, ut appareat jam tandem quàm fit hæc hærefis ἡ τοῦ θεοῦ ἀπὸ τοῦ νόμου ἀντιλογία, ut Ignatius loquitur ad Smyrnenfes, *proles pulcra tortuofæ parentis.* Non illam Manes aut Apelles, non Tatianus aut Marcion, non Cerdon aut Simon excogitarunt; non terræ filia eft, fed inferni. Vos ignofcite, Auditores, fi acerbiora hæc cuiquam videantur. Æquum eft, me judice, ut amandetur impietas in locum fuum, ut cognofcat furculus radicem. Huc Chriftus Judæos mittit, cum

cum patrem ipsorum Diabolum pronuntiat, non naturâ, sed doctrinâ & imitatione. Et huc quoque Antinomorum hæresis est detrudenda cum suis magistris, quia licet nomen Marcionis defugiant, at ejus perfidiam asserunt; Manichæorum tempora transiliunt, impietatem exsequuntur: diversa nomina sunt, sed una blasphemia; atque quidem impares, dogmate gemelli fratresque uterini. Aded per omnia conveniunt, ut vel ipsi respondebunt percontantibus, Quis Legem criminatus est? Marcion; Quis explosit? Manichæus & Marcion; Quis ut damnaver, damnavit? Serpens prius quam Marcion. Ergo quia communi voce cum Cerdone & Marcione & Manete Legem Dei improbant, respuunt, dilaniant, communi etiam patre meritissimo exsultent. Hæc est inquisitionis pars prima, de Progenie & Ortu.

Secunda sequitur, de Processu & Incremento, quibus stimulis excitati sectatores isti sententiam pessimâ amplexi fuerint, amplexamque promoverint. Ordinis ratio hoc exigit, ut ab utero parientis ad mammillas lactantis pergamus. Sunt autem Ubera duo quibus distentis hæreses ut plurimum grandescunt, Contumacia & Fastus: nec refert multum sive quis Ubera, sive Alas appellet, cum in infantia omnis Hæresis vermis sit & tineâ, alata cum adoleverit; non repit modum, sed volat, & à Serpente fit Draco. Hoc unum tantummodo interest; quod hæreses aliæ duabus, hæc tribus Alis videtur sustineri.

Ala prima est Superbiâ, quâ supra ceteros omnes in altum seruntur auctores hujus sententiæ: ceteros ut carnales & impuros contemnunt, & tantum non in peccatis mortuos; seipsos sanctos prædicant, quasi nullius peccati conscios, nè odoris quidem. Hinc illa vocum portenta, In suis Deus peccatum non cernit; Si fide semel justificati fuerint, non est quod in posterum remissionem exposcant; Credentibus Orationis Dominicæ petitio quinta est superflua. Et satis hæc quidem Dialecticè; nam Ubi non est Lex, ibi non est transgressio. Nisi quod ipsis tutius sit è converso ratiocinari, Ubi transgressio, ibi Lex. Quod autem sit transgressio inter ipsos, præter alia, hæreseos & schismatis gravia peccata demonstrant; at ipsi interea liberi sunt, non modo à reatu, sed venia vel petenda quidem. Quasi è quavis Secta subducere vellent quicquid pessimum, Pharisei quoque preces clepservunt, Gratias tibi, inquit, Deus, quia nihil peccavi; quod idem est atque dicere Deo, Non habeo, Domine, quod ignoscas. Quo major qui potest esse furor, aut magis intoleranda superbia, si Deus paratus sit ignoscere, & reus festinat indulgentiam recusare? Hæc Ala prima.

Ala secunda est Licentiæ, quâ effrænatis animis nihil dulcius sonat. Tolle Legem, & libertas indomita sequitur vivendi, prout quisque sibi placuerit: quod in Libertinis observarunt Viretus & Calvinus. Ex eorum sententiâ, inquit, nihil est peccatum nisi eorum opinione qui se peccare putant. Verus Dei timor, atque eo imbuta conscientia, pro Inferno illis habetur; pro Paradiso autem conscientia Divini judicii contemptrix, securâ, stupida, & consopita; &, verbo uno, vitium virtus habetur, & virtus vitium. Suam spirituales regenerationem, inquit Calvinus, in eo collocant, nè re ullâ, nec peccati remorsu, nec Dei timore, nec judicii terrore tangantur. Omnia licita putant, & omne genus vivendi probant: lenones volunt suo fungi munere, & fures audacter furari, promiscuos laudant concubitus, & modo alter altero sit contentus, id vocant spirituale matrimonium. De Libertinis hæc scripta reliquerunt duo gravissimi auctores, Calvinus & Viretus. De nostris quid dicam? Non accuso, non posulo, sed respondeant mihi tamen, si non sint in extremo discrimine, nè à pravo Legis contemptæ dogmate in hæc barathra labantur. Si Lucerna Lex sit, si Frænum, si Norma vitæ, si disciplinæ Pædagogus; extinctâ Lucernâ, quid non sunt in tenebris commissuri? dempto Fræno, quæ

P. Viretus l. 1.
de Ministerio
verbi.

Calvin. l. de
Libertinâ.

erit

erit coercitio cervicis indomitæ: si Regula pereat, quid erit illicitum? si morum Magistra fileat, heu quantus ubique vitorum strepitus! *καὶ ὁ νόμος τῆς πνεύματος παιδείας*, inquit Clemens, Strom. 4. Sicut improbi pueri, quò possint impunè ludere & circumcursitare, Pedagogum excludunt: ita & illi Legem & Prophetias arcent, inquit, à sua Ecclesia, propter reprehensiones & admonitiones. Ex quis exitus? hem! Jam custode remoto, gaudent equis canibúsq; ad licentiæ volutabrum se tutò recipiunt, & ad vomitum redeunt. Hæc Ala secunda.

Ala tertia est Pertinacia; quæ gaudet semper in extremis & præcipitiis vagari, nihil mediocre novit aut attemperatum; hoc stultitiæ semper habet, dum vitia fugit in contraria currit. Arius dum Sabellii impiam confusionem vitat, insanam Divinæ essentiae divisionem comminiscitur. Quia Deum solùm Christum Manichæi prædicarunt, Photinus spiritui contradictionis merum hominem statuit. Quia Nestorius erravit in dualitate Personæ Christi, Eutyches ex diametro recurrit ad unitatem Naturæ. Sic & nostrates hodie ratiocinantur, ut quia Judæis Lex data est, idcirco ab ejus obsequio Christiani immunes sunt; & quia ex Legis operibus Papicolæ justificationem metiuntur, ergò ad Protestantes, credentes si fuerint, Mandatorum obedientia non pertinet. Quàm verò insana est hæc argumentatio? Si in extremum unum Judæi impingunt, omnia Legis observando; si Cerinthus & Ebion &, teste Ambrosio, Symmachiani, nec non & inter nos Pontificii, Legem simul ostendent & Christum; ergò in alterum extremum nobis vergendum est, ut Lex moralis prorsus proscribatur, & ab Ecclesia eliminetur? At verò, ut hac ipsa in re scitissimè Chrysostomus, *με-* *τὴν αὐτοῦ νόμον ἀπορρίπτειν φέρων*, nec minùs in medio consistit quàm virtus ipsa.

In Ep. ad Galatas.

Chrys. l. 4. de Sacerdotio.

Non me latet quàm pervulgata sit differentia quàm inter Beatitudinis, Virtutis & Veritatis habitacula Philosophi statuunt; quòd Beatitudo caput occupet rerum expendarum, umbilicum Virtus, pedes Veritas. Nam Felicitas in summo consistit, & quasi in Pythagoræ monte; Veritas in imo, velut in Democriti puteo; Virtus verò in medio, tanquam in Platonis annulo collocatur. Hoc est ac si dixissent, Non in extremitate, sed inter extremitates Virtus est posita, ita ut ex utraque parte habeat repugnans aliquid, ultra se excessum, defectum citra se; ad dexteram non nihil quod superfluat, ad sinistram aliquid minus debito quod flaccescat. E contra verò Felicitas & Veritas non inter extrema, sed in extremis habitant, ita ut ex altera tantùm parte contrarium reperiatur: neque enim habet ultra se Felicitas quicquam quod ei adversetur, licet quod citrà repugnat Miseria appellatur; ad dexteram nihil est quod contra Veritatem militat, quamvis ad sinistram Error confurgat & obluetur. Non, inquam, me fugit quòd sic solent Philosophi hæc nomina distinguere, quàm pulcre ipsi, quàm subtiliter alii viderint. Nam ut de Felicitate nihil dicam, de Veritate non est dubitandum, Non minùs eam extremis esse undique obstat quàm ipsam Virtutem, & æquè in mediocritate consistere, in quocunque Fidei dogma quod ab Hæreticis tentatum est oculos coniciamus. Si in sanctæ & individuae Trinitatis mysterium, res est in confesso. Sabellius agnovit Unitatem Essentiæ, sed Personarum Trinitatem negavit; Arius Trinitatem Personarum fatebatur, sed Unitatem Essentiæ non tenuit. Hæ erant illæ hæreticarum sententiarum extremitates; at inter utramque quasi in medio ambulans Veritas Catholica Orthodoxæ Confessionis puritatem servavit, unum Deum in Trinitatis plenitudine, & Trinitatis æqualitatem in una Divinitate venerata: sic ut

P

neque

neque singularitas Essentiæ Personarum confundat proprietatem, cum Sabellio, nec Personarum distinctio Deitatis separet unitatem, cum Ario. Si mysterium Incarnationis contemplemur, magis adhuc erit res comperta. Manichæus, dum miracula Christi respicit, hominem eum negat; Photinus, dum passiones humanitatis, Deum non iudicat. Atque iterum, duas Nestorius respiciens naturas in Christo, duas posuit Personas, scil. duos Christos; Eutyches, unam respiciens Personam, unam censuit esse Naturam, sc. Divinam solam. Hæc sunt errorum extrema. Veritas in medio dignoscitur, duas in Christo credens Naturas, Personam unam: ut neque Naturarum distinctio unitatem Personæ dividat, neque Personæ unitas differentiam Naturarum confundat; sed in singularitate ejusdem Personæ, & proprietate utriusque Naturæ, verum Deum confiteatur Christum, & verum hominem eundem Christum. Eodem modo de controversia quam nunc tractaturi sumus dijudicandum est. De Lege morali agitur, ejusque cum Fide nexu; nec non de valore & obedientiæ vinculo quo ipsi astringimur, sub istis Evangelii temporibus. Argumentum sacrum est, & in immobili exquisitissimæ rectitudinis centro mediòque constitutum: sed utrinque in contrarias partes, velut in extremitates, scinduntur Adversarii. Hinc Pontificii plus æquo ad dextram vergunt, dum causam Salutis nostræ in Legis Operibus ponunt: illinc Antinomi ad sinistram, dum Legis usum omnem & obligationem explodunt. In medio fides Catholica se prodit, dum contra illos, Gratiâ, non Lege, fideles salvandos; & contra hos, etiam sub Gratia Legis obsequio fideles devinctos proficitur. Sic utroversum justificatur veritas ab inimicis suis; & dum sunt sibi invicem Hæretici contrarii, nobis supra spem errores utriusque testimonium dicunt, ut utrosque redigamus ad silentium. Adversus Pontificios urgemus, Quòd qui Lege justificari volunt, à Gratia Dei excidunt: adversus Antinomos, Quòd qui Legi obtemperare nolunt, falso Gratiæ nomine seipsos eludunt. Contra illos, bonorum Operum meritum excludimus: contra hos, bonorum Operum studium medullitis amplexamur. Contra illos, Abrogari Legem per Christum quoad vim damnatoriam: contra hos, Stabiliri Legem quoad vim directoriam, enixè contendimus. Quocirca liceat mihi utrisque insurgere iisdem verbis quibus olim S. Vigilius, l. i. in Sabellium & Arium, in Manichæum & Photinum, in Nestorium & Eutychetem, tria Hæreticorum paria, alloquitur; *Quis non vider, inquit, quòd tribus erroribus tres errores dissipantur, veritasque ipsa stabiliatur?*

Inprimis, contra Arium & Sabellium sic argumentatur; Quòd unam Naturam & unam Personam Trinitatis Sabellius statuat, hoc tres Arii substantias evertit: quòd Arius tres Personas & tres Naturas, hoc unam Sabellii Personam destruit. Audiat Sabellius, in tantum tres esse Personas, ut eos Arius tres Naturas ausus est dicere: Audiat Arius, in tantum unam esse Naturam, ut Sabellius ausus est dicere unam esse Personam. Secundò, De Manichæo & Photino sic concludit; Quòd Christum Deum Manichæus fateatur, & hominem neget, Photinus hominem fateatur, & Deum neget; hinc grande miraculum exstat, ut expugnatione sui veritas confirmetur, & verum uterque dicat dum uterque mentiatur. Audi, Manichæe, In tantum homo est, ut Photinus Deum neget: Audi, Photine, In tantum Deus est, ut Manichæus hominem neget. Postremò, cum Nestorio & Eutychete sic agit; Quòd duas Naturas & duas Personas Nestorius in Christo ponat, quòd Eutyches unam Personam & unam esse Naturam censeat, sequitur ut ambo suis armis & assertionibus transfodiantur.

Audiat

Audiat Nestorius, in tantum non esse duas Personas, ut Eutyches unam dicat esse Naturam: Audiat Eutyches, in tantum non esse unam Naturam, ut Nestorius duas dicat esse Personas. Cum igitur ambo vobis contrarii sitis, ad nos in medio venite, transat unus in alterius sententiam, sic ut non relinquat suam; & ille unam Personam, & hic duas agnoscat Naturas. Iisdem, quamvis serò, at aliquando tamen liceat & mihi tum Pontificiorum Antinomios verbis alloqui. Quod Pontifici tantum in Lege gloriantur, quod Antinomi pessumdant; quod à Legis operibus illi salutem expectant, hi jugum & obedientiam Legis excutiant; quid hoc est aliud quam veritati facem suffragiis contrariis accendere? Audiant Pontifici, in tantum nos operibus Legis non salvari, ut ipsa Legis præcepta Antinomi rejiciant: Audiant Antinomi, in tantum Legem non esse rejiciendam; ut in ipsa Pontifici salutis causam constituent. Illi nos insimulant, quod Legi Divinæ detrahamus, hi quod ipsi nimium tribuamus arguunt. Inter utroque sic se temperavit serpentina calliditas, ut utrumque sine utriusque calumnia vix vitare possimus; dum si quis Pontificiorum damnat perfidiam, Antinomorum putatur errori succumbere; rursus, dum Antinomorum hæresin destruit, Pontificiorum arguitur dogmati assentire. Sed dum quærelas contrarias in nos movent, accusatio in purgationem cedit, & inconcinnæ perfidorum sententiæ in unum rectæ fidei modulum consonant, trophæumque victoriæ nostræ eorum certamina gignant. Faxit Deus ut malum de alterius uterque corrigat malo; & bonum, quod uterque nobiscum tenet, commune sit utrique; ut & gratiâ nos solâ salvari; & tamen à Legis observatione non penitus eximi, discant. Hæc enim est ratio *novorum & veterum*, in quibus temperandis se doctus Scribâ exerceat. Hujus ignorantio & Pontificiis occasione calumniandi dedit, quia ab ipsis jussu recedimus; & Antinomis errandi, quia ab iisdem plus jussu ultra omnem modum recedere statuerunt, usque ad ipsam extremitatem alterius præcipitii. Hæc Ala tertia quâ circumferuntur, calcæque præcipuum quo stimulantur. Et de inquisitionis parte secunda hæc dixisse sufficiat, quibus Uberibus foveatur, quibus Alis circumferatur post hæreses natas pestilentissima opinio, quam Superbia peperit, Licentia nutrit, Pertinacia roboravit.

Accedo ad tertiam partem, quam verbo expediām; Quæ sit Necessitas defensionis nostræ, ut Alas has, Augustini verbo, *deplumemus*, & Uberta distenta siccemus. Atque huic quidem parti merito supersedere possim, nisi summa sollicitudo me traheret cumulâtè vobis in omnibus satisfaciendi. Alioqui post hæc omnia à me disputata, quis est qui defensionis rationem postulat? Inimicus seminat zizania in agro Domini; an nobis dormiendum est? Non modò zizania seminat, sed triticum conculcat, & radicitus evellit; an tacendum est nobis? Absit: veritatis causam prodere non minis possumus silentio linguæ quàm ipso convitio; hoc tantum interest, hostes tradendo produnt, amici tacendo. Quodd si quis mihi verba Salvatoris objecerit, Matth. 13. 34. *Sinite zizania crescere usque ad messem*, memiaisse oportet, non de erroribus Christum loqui, sed de hominibus. Sunt homines zizania; sic prohibet nè eradicemus, hoc est, nè interficiamus; quia *multi sunt*, inquit Augustinus, *primò zizania, qui postea fiunt triticum*; qui nisi patienter tolerantur, non fierent: ut *Matthæus, quem de Publicano Evangelistam, & Paulus, quem de Persecutore Apostolum Ecclesia possidebat*. Sunt & errores zizania; hæc imperat Dominus ut evellamus. *Fubet*, inquit Chrysost. *ἐπιστημῶν αὐτῶν, & ἐκκομιῶν τῶν πνευματικῶν, & τῶν σωδῶν διαλυεῖν, & libertatem concidere, & conciliabula dissipare, & ora obstruere*; idque si solummodo sint errorum zizania: at dogma præsens

inter errorum tribulos, & spinas, & vepres est recensendum. Quod si extranei essent, non prorsus prætereundi erant: verum domestici sunt, & ejusmodi qui pietatis prætextum insignem præ se ferunt; eoque magis sunt cavendi, nè impietati fidem species pietatis conciliet. Enimvero si, ut simulant, verè pii sanctique essent, non idcirco hæresis nequaquam est hæresis quia à viro sancto procedit; at ego pro sanctis viris non ausim habere, sed magis pro simiis sanctitatis. Prædixit Christus, venturos lupos sub pellibus ovium; *Qui verò sunt lupi, inquit Tertullianus, nisi falsi Prædicatores, adulteri Evangelizatores? qua pelles ovium, nisi Christiani nominis extrinsecus superficies?* Prædixit igitur Christus, nè fortè simplices animæ coloribus & pigmentis deciperentur; prædixit, ut nos doceret, ex personis veritatem non mensurandam aut dijudicandam. Si enim esset, quidni Nestorio aut Apollinari eam acceptam seramus? nam & ipsi pellem ovilem sanctitatis ostentabant. Erat Nestorius vir studio Sacerdotum, amore sanctorum, favore populi ubique celebratus: nec immerito quidem; nam ille noxios Judæorum & Gentilium errores confutabat; ille cunctarum hæresum blasphemias insectabatur. Sed cui bono? Cui malo potius? Idcirco, inquit Vincencius, *hæreses aliam insequitur, ut uni hæresi sua aditum patefaceret, de duabus Christi Personis.*

Ejusmodi Apollinaris erat, vir pius & sanctus habitus, quod hæreses alias non minùs quàm Nestorius refutavit, quod insanas Porphyrii calumnias triginta librorum mole confodit, sic ut summis Ecclesiæ ædificatoribus æqualis videbatur: sed unâ hæresi, quâ contra Christi animam militavit, cunctos labores suos velut lepræ admixtione cœdavit. Ejusmodi Origenes erat, alter post Apostolos Ecclesiæ magister, ut Hieronymus loquitur: si Vita facit auctoritatem, pudiciâ & patientiâ insignis erat, pro Christo sæpius affligebatur, omnique facultate privatus; si Eruditio, & Divinæ & humanæ philosophiæ peritissimus, tam multa conscripsit, ut vix legi possint; si Labores, ab ejus sinu innumeri Doctores, Confessores, Sacerdotes, Martyres egressi sunt: Christiani eum penè ut Prophetâ, Philosophi ut Magistrum venerati sunt. Et hic tamen tantus & talis in tot tantisque erroribus incidit, quos vel nominare mihi non est volupe, nomini ipsius parcendo & memoria. Quid igitur? Num Nestorii error sequendus, quia author sanctus; aut Apollinaris, quia doctus; aut Origenis, quia tum sanctitate tum eruditione eminebat? Nihil minùs. Audiamus Tertullianum. Si, inquit, *Episcopus, si Diaconus, si vidua, si virgo, si Doctus, si etiam martyr lapsus à regula fuerit, ideo hæreses videbuntur veritatem obtinere? Ex personis probamus fidem, an ex fide personas?* Dubio procul ex fide personas. Non est igitur quod personarum speciosâ pietate capiamur, cum Christus prædixerit eos sic venturos. Nos non venturos, sed venisse videmus, animarum lupos virtutis habitu indutos; ita ut foris homo cernatur, intus bestia fremit: Vestitus est ovium, facta luporum, eoque magis calamis insequendi sunt. Quod si contra personam Moysis viri sanctissimi loquuti essent, defensionis exemplar ab ipso Archangelo peti possit, nam S. Michael Archangelus adversus Diabolum certavit de corpore Moysis; & præterea ipsum Aaronem Mirramq; ad nubes tribunal Deum novimus vocasse, & acerbo hoc perstrinxisse Epiphonemate, *Quare non timuisti loqui adversus servum meum Moysen?* At causa quam agimus major est atque sublimior; non de persona Moysis, sed de Lege Moysis contendimus, Lege sanctâ, Lege æterna, fulguris tonitruumque signis prædicta, tubâ judicii extremi præmonita, angelorum comitatu promulgata, digito Dei conscripta, Filii Dei incarnati testimonio comprobata, Spiritus Sancti in Apostolis flatu purissimo stabilita. Numquid

igitur

in Praescript.

in Praescript.

Ambros. in
Luc. 10.

igitur de defensionis necessitate dubitandum est, si reperiantur qui hanc sanctissimam Legem, alteram Religionis nostræ basin & fundamentum, demoliantur? Imò clamandum magis cum Apostolo, O altitudo patientiæ Dei, qui filios Core viventes misit in infernum, quod contra Moysen servum surrexerint; & contra Legem suam allatrantem diutius vos perferat! Ipsius Lege cautum est, Nè matrem ovis incubantem cum pullis suis quis auderet accipere, Deut. 22, 7. atque nunc miseri audent ipsam Justitiæ matricem cum præceptis suis, arborem cum fructu, & Legem & Legis obedientiam, excindere & extirpare; nec solas Tabulas Legis, sed ipsa Testamentum, hoc est, & Legem & Prophetas, ad unam spongiam reducere. O nostra tempora, eò pejora, quò judicio propiora! non quia tempora, sed quia nostra; sed mala tamen singula, etiam quæ ante nostra existerunt. A Christi Ascensione nullum erat seculum in quo hæc malorum lerna non succreverit; nullum in quo non sunt aut novæ exortæ hæreses, aut veteres restitutæ. Astutiâ id Diaboli factum, qui cum aperto Marte lanienis exhaustire Ecclesiam non potuisset, clam cuniculis hæreticorum eam evertere conatus est. Sed hoc solatii accessit, quod sicut quovis seculo existerunt qui fidem Christianam oppugnarunt, ita quovis etiam existerunt qui defenderent. Contra Julianum Cyrillus, contra Donatistas Optatus, contra Pelagianos Augustinus, contra Luciferianos Hieronymus, contra Arianos Athanasius, contra Novatianos Cyprianus, contra Marcionistas Tertullianus, contra Celsum Origenes, contra Valentinum cæterosque Irenæus, contra Tryphonem Justinus, contra Cerinthum & Ebionem Joannes Apostolus, contra Hymenæum & Philetum S. Paulus, & linguam suam & stylum aceto cœlesti & Sanctuarii cultro acuminavit. Nobis item, juxta mensuram gratiæ quam largitus est Deus noster, idem faciendum est. Quia contra Deum & Legem ipsius homines perversa loquentes surrexerint, necessaria nobis est defensio *adversus obstrepitacula diversæ partiæ*, ut Tertulliani verbo utar. Nec quenquam esse puto tam mentis pietatisque impotem, qui dixerit, Quid opus est Antidotis? cum viderit serpentes venena sua sæpius conspuisse. Hæc Inquisitionis pars tertia est, adeoque postremum membrum eorum quæ prælibanda proposui in parte Introductoria. Pars Discursiva sequenti die producenda est.

*l. i. Contra
Marcion.*

LECTIO XX.

Laert. l. 4. c. 6.

DE Legibus & Vitiis apud Laertium Arcefilaus sententiam suam libere proficitur, neque Aristotelis ab simile est iudicium apud Stobæum, *multorum vitiorum indices multas leges esse, sicut multorum morborum multos medicos*: non quod ex medicina morbi, aut ex legibus vitia oriuntur; sed quod ex morbis medici peritiam suam, & ex vitiis perfectionem suam leges attingant & adipiscantur. De rebus Fidei non video cur non mihi liceat hoc ipsum pronuntiare: nam quod in corpore morbi sunt, si cum medicina, & quod in republica vitia, si cum legibus; hoc in Ecclesia Hæreses sunt, si cum Orthodoxa fide conferantur. Inter Hæresin & Fidem non minor distantia est quam inter morbum & sanitatem, inter rectum & obliquum; adversis enim frontibus pugnant, & summâ sibi contrarietate adversantur. Et tamen habet Fides hoc unum præ reliquis sibi peculiare privilegium, quod medicina semper non valeat contra morbos, neque contra vitia leges; at verò contra hæreses veritas pugnans semper palmam fert, seriùs aut citiùs: & cum ex fide hæresis vulnus suum accipiat, ex hæresi fidem profectum atque incrementum acquirere, nemo est vel mediocriter in historia Ecclesiastica versatus qui nesciat. Equidè piè & sobriè Tertullianum locutum esse agnosco, cum persecutionis tempora hæreseos malo anteposuit: *quod persecutio martyres faciat, hæresis apostatas*. Sed & illud etiam adjiciendum est, & Dei gloriam & Ecclesiæ commodum non minùs ex hæresibus pullulasse quam ex persecutionibus, vel eodem Tertulliano teste, quia cum hæresis invalescit, clarescit fides; atque ad hoc ipsum invalescit aliquando, ut fides habendo tentationem, haberet etiam probationem. Hoc est quod S. Paulus, 1 Cor. 11. 19, ut cognitu in primis necessarium præmonuit, *Oportet, inquit, hæreses esse, ut qui probati sunt manifesti fiant*: non quod ex se hæreses Deo placeant, sed quod per eas fideles exercitati, sicut Deo noti sunt, ita & hominibus innotescant; hoc verò commodè fieri non potest, si non ad luctam & confictus vocentur. Advocati peritia aut acumen unde apparebit, si causam nullam dicat? Gubernator unde laudabitur, si navis semper in portu & tranquillitate consistat? Absque adversario Probitas, modesta cum sit, gaudet in occultatione sui, in angulo aut recessu delitescere. Et quamvis Ecclesiæ non desint temporibus singulis docti & probati viri, at verò minùs resurgunt, donec ab hæreticis è somno & quiete sua excitentur: atque tunc quidem si novitas ulla ebulliat, si error se interponat, tunc, inquam, prodeunt in publicum, tunc Sacras Paginas & Veterum monumenta volvunt atque revolvunt, tunc doctrinarum tractus singulos & minutias quasvis pensculatius librant atque expendunt; & tum demum cernitur quam quisque fidelis sit ac tenax & fixus amator fidei Catholicæ; tum palearum levitas gravitâsque frumenti dignoscitur, & coruscâ luce plenisque radiis per omnia se Veritas diffundens splendescit. Hoc illud est quod Augustinus in Psal. 54. observavit, *Nunquam tractatum esse de fidei articulis perfectius, donec obfisterent hæretici; non de Trinitatis mysteriis, donec oblatrarent Ariani; non de Pœnitentia, donec Novatiani contradicerent; non de Baptismo, donec Donatista assurgerent*; non de Incarnationis magno Sacramento, donec Photinus & Manes & Eutyches & Nestorius deliria sua venditare cœperunt. Pariter & de præsentî quæstione non est quod dubitemus, calumnias has omnes atq; blasphemias quæ contra Legis Divinæ custodiam

ab

ab hominibus circumforaneis perfidè congeruntur, si ad Scripturarum tribunalia sistantur, primo conspectu evanitas, atque in honorem Legis & Fidei profectum, atque obedientiæ Christianæ præsidium, cessuras.

Quod ut jam tandem fiat, pergamus porro ad alteram instituti partem, quam in hunc usque diem distulimus. Quæ ad Quæstionis introitum spectabant, & in parte Introductoria erant prælibanda, superius accepistis; quibus Radicibus orti sunt erroris hujus exitiosi sectatores, qui Legem Divinam proscribendam esse clamitant; quibus præterea Stimulis concitati hanc sibi sententiam selegerint; & quæ denique sit Necessitas defensionis Doctrinæ nostræ.

Pars altera quæ sequitur est Discursiva, in qua & ipsorum Argumenta sunt ventilanda, & producenda nostra. Et quia Scripturarum suffragio causam suam agunt, suis inscandendi sunt vestigiis, ad hanc ipsam limam omniumque certissimam lineam sunt revocandi. Locorum autem duas constituo Classes. Prima continet Scripturarum locos quibus in causam suam abutuntur; altera locos quibus ipsorum dogmata prosternuntur.

De prima Classe inprimis agendum est, de Locis quos contra usum Legis inter Christianos ad causam suam defendendam miserè detorqueant. Ex tribus autem gradibus Classis ista componitur; ex scriptis Prophetis, Evangelicis, Apostolicis; nam & Jeremiam & Christum & Paulum in arenam producant. Nostrium est inquirere quo jure, & rationis vel certitudine, vel probabilitate, id faciant.

Primus scalæ gradus ex Veteri Testamento desumitur: atque unicum tantummodo locum reperio cui nituntur; habetur autem Jerem. 31. 31. *Ecce dies veniunt, dicit Dominus, & feriam cum domo Israel & cum domo Jude fœdus novum; non secundum fœdus quod pepigi cum patribus eorum: sed istud est fœdus quod feriam cum ipsis post dies illos, Dabo Legem meam in medio eorum, & in corde eorum describam eam.* Explicatur locus ex illo, Deut. 18. 18. *Prophetam suscitabo eis, scilicet Christum, de medio fratrum tuorum, similem tui, & ponam verba mea in ore ejus:* & præterea ab Apostolo, in Heb. 8. 8. ubi ex isto Jeremiæ loco concludit, versu 6. *quod Christus est Mediator melioris fœderis;* & vers. 13. *quod dum posterius novum dicitur, fœdus prius senescit & antiquatur.*

Per novum autem & posterius fœdus Gratiæ Evangelii intelligit; per fœdus prius, Legem moralem tabulis lapideis infixam: quæ tabulæ permissu Divino summoæ sunt & è medio sublatæ ante adventum Christi, ut ipsam Legem in iis conscriptam abrogatam per adventum Christi omnes agnoscerent.

Secundus scalæ gradus ex Evangelio contextitur, nimirum ex verbis Salvatoris; & locus solummodo unus occurrit, Luc. 16. 16. *Lex & Propheta usque ad Joannem, exinde regnum Dei annuntiatur:* & huic tamen similis alius adjungitur, ex Joh. 1. 17. *Lex per Moysen data est, veritas autem & gratia per Jesum Christum.* Ergo ad præsentiam Christi Lex evanuit, neque ultra aut prædicationem Baptistæ, aut, ad summum, mortem Christi, erat proroganda.

Tertius scalæ gradus ex S. Pauli Epistolarum locis non paucis componitur. Rom. 10. 4. *Finis Legis Christus.* 2 Cor. 5. 17. *Vestra præterierunt, nova facta sunt omnia.* Gal. 2. 19. *Ego per Legem Legi mortuus sum, ut Deo viverem:* & vers. 24. *Lex pedagógus fuit ad Christum;* at postquam venit fides, non amplius sub pedagogo sumus: & Eph. 2. 15. *Legem mandatorum per carnem suam abolevit:* & Heb. 7. 18. *Mandatum præcedens abrogatur, propter infirmitatem ejus & inutilitatem:* & Heb. 8. ult. *Dum novum dicitur, anti-*

quavis prius testamentum. 1 Tim. 1. 9. *Lex non est iusto posita*; idque quia *Lex iram operatur*, Rom. 4. 15. quia est *ministerium mortis & condemnationis*, 2 Cor. 3. 7. quia est *robur peccati*, 1 Cor. 15. 56. Præterea, Rom. 3. 19. *Quaecunque Lex loquitur, iis qui in Lege sunt loquitur*: nos autem non sumus sub Lege, sed sub gratia, Rom. 6. 14. *Liberi sumus à Lege ut serviamus in novitate spiritus*, Rom. 7. 6. *Quòd si Spiritu ducimini, non estis sub Lege*, Gal. 5. 18. *Ubi Spiritus Domini ibi libertas*, 2 Cor. 3. 17. *In libertatem vocati sumus*, Gal. 5. 13. & eam quæ à servitutis iugo immunes facit, Gal. 5. 1. quia *charitas Dei diffusa est in cordibus per Spiritum Sanctum qui datus est nobis*, Rom. 5. 5. quia *Lex Spiritus vita quæ est in nobis, liberavit nos à lege peccati & mortis*, Rom. 8. 2. quia *fructus Spiritus est charitas, gaudium, pax, lenitas, benignitas, bonitas, fides, mansuetudo, temperantia*, Gal. 5. 22. *Neque necesse habemus ut quisquam doceat nos, sed sicut unctio, i. e. spiritus ejus, docet nos*, 1 Joh. 2. 27.

Hæc est farrago locorum, quæ quidem in se sanctissima sunt Dei oracula: erroris sunt tenticulæ, prout ab ipsis agglutinantur. Non mihi cum locis res est, sed cum hominibus qui urgent ista ad dogmatis pessimi patrocinium: at utrique tamen, si fieri possit, satisfaciendum est. Contra ipsos homines Psalmistæ illud sufficit, Psal. 50. 17. *Quare tu enarras justitias meas, & assumis testamentum meum per os tuum? tu verò odisti disciplinam, & legem meam projecisti post te*. Pariter & mihi liceat quæstionibus rem expedire. De Apostoli loco est prima Quæstio; Quid vobis cum Apostolo, qui Prophetas despicitis, ut audeatis in scriptis Prophetarum reprehendere quod in Apostolorum scriptis probatis: non enim minùs super Prophetarum quàm super Apostolorum doctrinam Religio nostra superstructa est, testante S. Paulo, Ephes. 2. 20. Si de sola Ecclesia Judaica loquutus esset, eamque superstructam super Prophetas dixisset; si de Christianis loquens, solos Apostolos recitasset, haberet fortasse stultitia tanta quod prætenderet: at Paulus utrisque, Prophetis & Apostolis, Christianitatem inniti asserit; & isti Apostolos in medium proferunt, ut Prophetas excludant. Sic spiritus nequam ipsum Dominum majestatis Scripturarum testimoniis appetivit, nec mirum est si nunc membris membra loquantur, sicut olim caput capiti locutum est. Sic lupinæ feritate frementes hæretici antiqui, solebant sese Divinæ Legis sententis velut quibusdam velleribus obvolvere, ut cum quæ lanarum molliem præferret, nequaquam aculeos dentium pertimefceret. De Samosatani & Eunomii opusculis Vincentius observavit, *propè nullam esse paginam quæ non Scriptura testimoniis fucata & colorata sit*: itidem & nostri faciunt quod Pharmácopolæ solent, qui super noxiarum succorum graminumque pyxides medicaminum nomina scribunt, ut nemo, ubi superscriptum legerit remedium, suspicetur venenum: sed eò magis cavendi sunt, quò magis sub Scripturarum umbraculis latitant; sciunt enim scætores suos nulli citò esse placituros, si nudi & simplices exhalentur, idcirco eos cœlestis eloquii velut aromate quodam aspergunt, & ut Prophetas explodant, Apostolos obtrudunt. Hæc Quæstio prima.

De Christi loco est Quæstio altera; Quid vobis cum Christo, qui Legem Christi pessundare non timetis? nam Lex Dei est lex Christi, at Lex moralis est lex Dei. *Qui igitur non sunt in lege Dei*, inquit Ambrosius, *non sunt in lege Christi; quia quod Christi est Dei est, & quod Dei Christi: dicit enim, Omnia mea tua sunt, & tua mea*. Et tamen hanc ipsam fuisse veterum hæreticorum praxin & consuetudinem, idem Ambrosius observavit, in 1 Cor. 3. *Aliter figmenta errorum commendare non solent, quàm interposito Salvatoris nomine, ut res absurdas nominis dignitas faciat acceptabiles*. Pertinax &

Hierony-

Hieronymus in Amos. 3. *Non possunt decipere simplices, nisi nomen Christi proposuerint; ut dum putamus nos ad Christum venire, pergamus ad Antichristum.* Ante utroq; Ignatius martyr animadvertit; *Solent, inquit, Christi nomen circumferre, velut musco aconitum miscentes: loquuntur autem Christum, non ut Christum annuntient, sed ut Christum rejiciant; ὡς Χερσαῖοι, ὡς Χερσὶν μυστρί.* Idem & nostri, quod hac ipsa in causa Augustinus, *Nomine Christi se tegunt contra Christum, ac si vellent sinistram ipsius dextram amputare.* Adeo sub vocabulo Evangelii superextolluntur contra Evangelium, quia contra Legem: cum hæc duo mutuis se plicant amplexibus; Lex Evangelium annuntiat, & Evangelium Legem in testimonium vocat. Hæc Quæstio secunda.

L. 2. Cont. Advers. Legi. & Proph. c. 12.

De Jeremiæ loco postrema est Quæstio; Quid vobis cum Propheta uno qui omnes pro nihilo ducitis? adeone vestri obliti estis, ut nullum esse usum Legis contententes, omni pudore amisso, ex ipsa Lege Mosis ineptias vestras stabilire non dubitetis? *Prophetam suscitabo de medio fratrum tuorum: & ex Propheta uno contra universos? Ecce dies veniunt, & feriam cum domo Israel & cum domo Juda fœdus novum. Cur uno verbo (sicut olim Vigilus ad Eutychiados) cur uno verbo in illud inciditis, quod verbis multis detestamini?* aut quid sibi vult professionis vestræ varietas, ut quod unâ manu ædificatis, jam alterâ destruitis? interdum nihil vobis dicitis esse cum Lege, interdum quæ vultis ex Lege arripitis. Unde vobis hæc tam volatica fides? Certè ego non intelligo, nisi quia veritatem Religionis mendaciorum fūco eluditis, aliud ore, aliud corde gestantes. Nimirum hæc etiam erroris est natura, ut nunquam sibi similis alumnos suos etiam à seipsis divellat: nunc enim, quâ ventus impulerit, motu incitato ad litora feruntur; nunc in se reversi tanquam contrarii fluctus reliduntur: nunc temerariâ præsumptione dubia & incerta approbant; nunc irrationali metu etiam quæ certa sunt expavescunt: dubii quâ eant, quâ redeant, quid appetant, quid fugiant, quid pro Lege, quid contra Legem evomant, quid teneant, quid dimittant; & perire metuunt, & redire erubescunt, semineces, semivivi, quippe qui tantum veneni hauerunt, quod nec occidat, nec digeratur, nec mori cogat, nec finat vivere. Enimvero hæc magna est ancipitis & malè penduli cordis afflictio. Quocirca fateantur saltem cum Apostatarum principe Juliano, qui cum Gentiles philosophos ipsius philosophiæ regulis prosternei à Christianis cerneret, vocem illam emisit, τοῖς ἀντιθέτοις ἀποκρίβη, *Nostri ipsorum alii capimur.* Videant ipsi quo possint inodo diæterium effugere; nam suis ipsorum laqueis implicantur, dum nullum Legis usum asserunt, & ad hunc usum educunt ut possit contra veritatem militare. Quod si contra veritatem aliquid habeat ponderis, ut ipsi existimant, certè vel nobis arbitris multò magis contra errores valebit. Ideoque inter alias erit hæc utilitas Legis maxima, ut ad ipsius præsentiam, velut coram archæ fœderis Dagon, quicquid falsum est & erroneum planè corruat & dissipetur. Sed reprimò me: de Hominibus satis.

Fig. l. 1.

Ad ipsos nunc Scripturarum locos propero in quibus gloriantur. Discutienda illa sunt quæ isti de Novi Testamenti libris suffragari sibi arbitrantur adversus Propheticas literas, tanquam eas Christus & Apostoli suâ sententiâ aboleverint: & quia plurima sunt, atque omnes sigillatim ramos ferire nimis longum foret, idcirco ad capita quædam reducenda sunt, ut possint saltem radices amputatas dare, & ramos in radicibus. In duo autem capitula compingi omnia possunt. Unum est earum Scripturarum quæ de abrogatione ipsius Legis; alterum earum quæ de credentium Immunitate & solutione à Legis obedientia loquuntur. Tribus ego aut quatuor Propositionibus rem totam absolvam. De Abrogatione Legis duas statuo Propositiones, quæ sic se habent.

Quæ

Quæ de Legis abolitione generaliter Scriptura loquitur, ea ut plurimum ad Cereimonialia & Judicialia sunt referenda. Hæc prima.

Quoties in Specie de morali abolitione loquitur, ea semper vel de Maledicto Legis, vel de Remotione Legis ex justificationis articulo, vel de Consummatione ipsius per Christum, sunt intelligenda. Hæc secunda.

De Immunitate fidelium, sunt insuper duæ aliæ Propositiones, quas sic instituo. Liberatio à Maledictione Legis non infert liberationem ab Obedientia Legis. Hæc tertia.

Renovatio quæ est per legem Spiritus, non solvit doctrinam quæ est in spiritu Legis. Hæc quarta Propositio.

Ad has quatuor sive Regulas sive Propositiones videamus si supradicta Scripturæ loca omnia possumus redigere.

Ordiamur autem à prima, quæ est ejusmodi; Quæ de Legis abolitione Scriptura loquitur, ea sunt ad Cereimonialia & Judicialia ut plurimum referenda, & in hoc sensu (sic se Scripturâ explicante) accipienda. Ad hanc propositionem loca illa spectant, Heb. 8. ult. *Dum novum dicit, antiquavit prius testamentum.* Heb. 7. 18. *Mandatum præcedens abrogatur propter ejus infirmitatem & inutilitatem.* Ephes. 2. 15. *Legem mandatorum per carnem suam abolevit.* Gal. 3. 24. *Lex pedagogs fuit ad Christum; cum venit autem fides, non sumus sub pedagogo.* 2 Cor. 5. 17. *Vetera præterierunt, nova facta sunt omnia.* Jer. 31. 31. *Ecce dies veniant, dicit Dominus, & feriam cum domo Israel & cum domo Juda fœdus novum; non secundum fœdus quod pepigi cum patribus eorum: sed istud est fœdus quod feriam cum ipsis post dies illos, Dabo Legem meam in medio eorum, & in corde eorum scribam eam.* In istis singulis, præter interpretum consensum, vel ipse scopus & genius loci & contextus ratio apertissime demonstrant Spiritum Sanctum signanter locutum de Legalium abolitione. *Legem mandatorum qua in ritibus posita est, abrogant.* Verba sunt apertissima, τὸν νόμον καταργῶν ἢ ἀφαιρῶν, *Legem mandatorum qua in ritibus aut decretis consistit.* Novi Veteres omnes paulò aliter verba transferre, *Legem mandatorum decretis suis evacuans,* & per decreta præcepta Evangelica intelligere. Sed phrasis & locutio non sinunt; etenim ἢ ἀφαιρῶν non significat *Legem ex decretis,* sed *Legem qua est in decretis* evacuatam. Utique, in sensu est consensus mutuus omnium: *Carnales observantias per decreta sua abrogavit,* sic Veteres; *Carnales observantias, qua in decretis consistunt, abrogavit,* sic nos: Ambo eòdem recidunt. Istud inprimis observandum, Apostolum non dicere doctrinam, nec simpliciter Legem, sed *Legem mandatorum;* neque hoc contentus, adjecit *in decretis;* quia voluit significare non esse abrogatam nisi eam Legis partem quæ inimicitias conciliabat inter utrumque populum, & impedimento erat nè ex duobus unus fieret in Christo populus. Hæc autem erat ea potissimum pars Legis, quæ ordo cultus, & ceremoniarum, & ritus præcipiebantur, ab iis enim Gentes erant admodum diversæ, & inde maximè oriebantur inimicitiae. Adeò ut ex hoc ipso loco discamus quid per Christum abrogatum sit, & quid non abrogatum: id abrogatum quod impediebat nè ex duobus populis fieret unus novus, i.e. Christianus. Quid autem illud erat? *Lex mandatorum in ritibus,* hoc est, mandata illa omnia de Cereimoniali. At verò doctrinæ quæ habentur in Lege, de uno Deo vero colendo, de Fide, Spe, Charitate, & timore Dei, tantum abest ut abrogentur, aut impedire possint nè unus fieret populus Christianus, ut stabilitæ sint magis per sanguinem Christi, quia absque hac doctrina nemo potest esse Christianus, nec Judæi & gentes unus populus.

De loco ad Corinthios 2. 5. est dubitatio quàm exigua; per *vetera* transcunctia

euntia Apostolum significasse, & inprimis ea quæ ad veterem hominem pertinent, infidelitatem, peccatum, mortem; & deinde ea etiam quæ ad veterem Legem pertinent, circumcisionem, sacrificia, ritus, & τὰ Ἰουδαϊκὰ πάρεργα, ut Chrysost. loquitur. De loco Gal. 3. 24. est dubitatio nulla, *Legis pædagogiam* appellari, non modò rigorem Legis moralis, quæ transgressores morti adjudicat, quia ab hac pædagogia Fides nos eximit: sed umbræ & figuras ceremoniarum, quæ Judæorum documenta erant; & ab hac etiam pædagogia Fides nos liberat. Ostenditur ex c. 4. v. 3. ubi quod prius *Legis pædagogiam* appellasset, *elementa mundi* vocat, στοιχεῖα, h.e. ut Oecumenius loquitur, & στοιχεῖωδῶς & στοιχυακῶς νόμον; *elementarem & introductivam Legis partem*. Ostenditur ex totius scopo Epistolæ, cujus argumentum Legis antiquæ esse cessationem, quantum ad ipsius typos, imagines & onera attinet, præter recentiores interpretes, Chrysost. Ambrosius, Hieronymus, Theodoretus, Theophylactus, Oecumenius, docent; unde & hoc scriptum *principalem adversus Judæismum epistolam* Tertull. vocat.

De loco ad Ephesios, & ad Hebræos, dubitatio adhuc minor: In 7 ad Hebræos, *infirmiorem dicit & imperfectiorem præcedenti mandati, propter supervacaneam Legis*, inquit Theodoretus: in Ephes. 2. 15. illud quod abrogatum est, *legem mandatorum* vocat: *Ipse est pax nostra, qui facit utraque unum, & intermedium parietem maceria solvit*, &c. De istis locis omnibus confessa res est, & extra omnem dubitationis formam.

Solus superest Jeremiæ locus, c. 31. v. 31. de fœdere antiquo & novo. Cui etiam suffragatur Apostolus, Heb. 8. 13. ubi asserit prius fœdus antiquatum, novum autem in locum ejus successum. Ut verò hujus loci sensum plenissimum expiscari valeamus, videndum est quod fœdus vetus, quod novum; in novo quid superadditum, in veteri quid abrogatum. Hoc unum pro concessio sumendum neque adversarii in hac causa subnegabunt. Primò, quod pressiori loquendi usu, fœdus vetus est fœdus operum, sive lex operum, quæ salus promittitur sub conditione operum, *Si feceris*: fœdus novum est fœdus fidei, sive lex fidei, quæ salus gratuita promittitur sub conditione fidei, *Si credideris*. Deinde, quod magis largâ significatione, fœdus antiquorum & nostrum idem sit, & ἡ ὁμία, ut Chrysost. loquitur, *quoad essentiam & substantiam*; differre autem & τὸ ἴδιον χεῖρας ἐπαλάγη, quoad circumstantias certas, adjuncta, annexa, & ut vulgus loquitur, accessoria. Ità ut distinctio in Novum & Vetus, non sit partitio generis in species, verum subjeeti in accidentia, quia utrobique res eadem, qualitates discriminantur: utrumque fœdus & Legem & Evangelium in se continet; sed illud Evangelium in Legē, hoc Legem in Evangelii doctrina: utrumque eadem mysteria salutis & promissiones æternæ vitæ; sed illic obscuriores, figuris & signis ceremoniarum & sacrificiorum adumbratas, hic magis claras & dilucidatas: nec illis Evangelium deerat, quibus Lex data, nec nobis eadem obedientiæ leges, quibus Evangelium promulgatum est. Fides in utroque eadem, idem Mediator Jesus Christus, eadem gratia remissionis, æternæ vitæ spes eadem, eadem præcepta moralia; fide justificati, gratià salvati non minùs quàm nos: fide vixerunt, inquit Apostolus, de spirituali petra biberunt; quia Christus agnus occisus ab origine mundi, idem heri, & hodie, & in secula.

His ità positis, introspeciamus jam tandem in locum illum Prophetæ, alterutrumque Apostoli, si quid in utrobique inveniat quod doctrinæ Legis abroganda favere aut adstipuletur. In die illa seriam cum domo Israel fœdus novum; non secundum fœdus quod pepigi cum parentibus eorum, quando eduxerem eos de terra Ægypti: sed istud est fœdus, Dabo Legem meam in medio eorum;

Hom. 5. tom. 14.

eorum;

eorum, & in corde eorum describam eam, & ero eis in Deum, & ipsi erunt mihi in populum, & peccati eorum non recordabor amplius. Quid est quod hinc vel subodorari possit turba nasutior, ut ad ipsum Legis aspectum nares comprimant, & exoletam clamitent? annon erat fœdus idem factum & repromissum? audiant igitur quod sequitur, *Ero eis in Deum, & erunt mihi in populum, & peccatorum non recordabor.* Annon ipse erat illis in Deum?annon ipsi Deo in populum?annon gratiam repromissionis habebant ante adventum Christi in carne? Ergo non in re ipsa, sed in modo promulgandi, fœderis discrimen Propheta constituit, nimirum in istis verbis, *Dabo Legem meam in medio eorum, in corde eorum scribam eam*: ut non in fœdere ipso, sed in dispensatione fœderis, modoque patefactionis, differentia statuatur. Si adhuc hæsitent, perpendant quid dicat in hujus interpretatione loci Apostolus Heb. 8. 8. Profert Jeremias verba, *Ecce dies veniunt*; & vers. 13. in unam omnia compingit conclusionem, *Dum novum dicit, antiquavit prius: quod autem antiquatur & senescit, præ est ut evanescat.* Hæc sunt illa verba quibus adhærent mordicus, quia distinguit Apostolus inter fœdus prius & posterius, inter vetus & novum, & antiquatum illud, hoc confirmatum pronuntiat. Sed respondeant tamen, De eodem fœdere loquitur Apostolus, an de diverso? significatione strictâ, an largâ? Si strictè sumant, ita ut diversum sit fœdus, vetus & novum, nihil erit difficultatis, quia nemo negat fœdus operum in Christo & sublatum esse & completum, fœdusque fidei in ejus locum subrogatum: quia salus ex Lege & salus ex Fide duæ res sunt quæ in negotio justificationis componi non possunt; nam *qui sunt sub Lege non sunt sub gratia*, Rom. 6. 14. *justificamur fide absque operibus legis*, Gal. 2. 16. Si largius accipiant, ita ut unum sit fœdus, à se tantum promulgationis modo & tempore discrepans, sensus est adhuc apertior: quod in fœdere ceremoniale erat, & ritibus aspectabile, mutatum est; quod substantiale & fundamentale, Fides nimirum & Obedientia, perpetuò duraturum est: interit quod Mosaicum erat, quod Morale est mansit: radix & corpus fœderis viget, Ceremoniarum folia & Sacerdotii cortex sublata sunt.

Hinc Theodoretus in Gal. 2. distinguit inter *Legis necessaria*, & *Legis propria*: & in 1 Tim. inter *Legis necessaria*, & *Legis superflua*. *Qua sunt Legis necessaria*, inquit, *natura ipsa docuit, Non adulteraberis, Non occides, Non furaberis*, &c. *qua autem constituta erant de circumcisione, de sacrificiis, de aspersioibus, ea erant Legis propria & supervacanea. Legis necessaria, de non furando, de non occidendo, &c. consonant cum Evangelio; Legis propria & supervacanea, de diebus, sacrificiis, & ejusmodi, solvuntur.* Neque alia est Propositio principalis quatuor capitū Epistolæ ad Hebræos, septimi, octavi, noni & decimi, quam hæc quam tractamus, Ceremonias veteris Legis esse abrogatas; quia *translato sacerdotio, necesse est Legis translationem fieri, & ablata sunt signa promittentia, quia exhibitæ est veritas*, ut scitè Ambrosius. Ex se satis clara & Prophetæ & Apostoli verba esse opinor; sed ulteriùs tamen discutienda sunt, quòd duo supersint quæ solent istis Adversarii opponere.

Objeçtio prima sic se habet; Quomodo dicitur abrogatum quod manet, aut novum quod veterascit? nisi miscere volumus quæ Apostolus distinguit, priora posterioribus, & vetera novis.

Solutio facilis & multiplex est: nam primò, Synecdochicè loquendo dicitur aliquid simpliciter *aboleri*, quando tantummodo tollitur secundum aliquam sui partem, Ezech. 11. 19. *auferam de illis cor lapideum*: neque tamen aut omne lapideum, aut ab omnibus ablatum est. Pari modo fœdus *aboleri* dicitur, cum aliquid tantum ipsius aboletur. Secundò, Metonymicè loquendo, aliquando

aliquando nomen ipsius rei rei appendicibus attribuitur : sic Isaacus *oblatui* dicitur, cum aries tantum in victima est : sic foederis annexa & accessiones nomen habent *faderis*, quia instrumenta erant illius administrandi : sic *Fœdus vetus & Testamentum vetus* dicitur solennis confirmandi foederis ratio, sacrificiis & ceremoniis comprehensa, umbris involuta, quibus antiquatis, fœdus ipsum dicitur abrogari, ut Christo potioris Testamenti sponfori locus daretur. Tertiò, Respectivè loquendo, idem potest dici & *novum & vetus* : sic S. Apostolus, 1 Joh. 2. 7. idem mandatum vocat & *novum & vetus*, *vetus* quia primum, *novum* quia renovatum ; *vetus* quia Patribus datum, *novum* quia in novo statu collocatus est impositum ; *vetus* quoad substantiam, idem quod in tabulis lapideis scriptum, *καιόν* δὲ, ὅτι καιόν ἐστὶ τὸ ἀδύνατον, ὡς οὐλοῦνται πάντες, ut Ammonius loquitur, *quoniā nova est forma mandati*, & novus modus quo in nobis inscribitur per Spiritum Sanctum. Itā se res habet his ipsis in locis Jeremiæ & Pauli. *Fœdus novum & vetus* dicitur idem fœdus : quoad materiam enim & substantiam est vetus fœdus & idem ; quoad formam & modum revelationis & mensuram perfectionis, est novum & diversum. Patres astipulantur. Olympiodorus in locum, *Fœdus novum Evangelicum* vocat, *ἡς διπλόθεν τὸ ἐκτελεσθῆναι τὴν νομικὴν λατρείαν*, ut *Legalem cultum jam rejectum ostenderet*. Cyrillus in Isaiam, *vetus antiquatum* dicit, quia idem fœdus est & tamen diversum : *τὸ αἰὶς καὶ τὸ πρὸν ἀλλάξοντες*, ὁ Μωσῆς, ὁ δὲ Χριστὸς ἀλλάξοντες βεβαίως, *Moses minister figura, Christus conditor ipsius essentia fœderis*. Eusebius in Demonstr. Revera utriusque Testamenti *ἡς σκοπὸς καὶ μία ἰσχύς*, *scopus unus, unumque propositum*, unus sc. Dei cognitio & cultus : *διαφορὰ δὲ ὅτι τὸ προκίαια πρὸς τὸν cultὸν*, *modus diversus*, unde Propheta addit, *non secundum pactum quod pepigi cum Patribus*, ut *Legalem cultum deletum ostenderet*. Justin. qu. 101. ad Orthod. *Non differunt Lex & Evangelium*, *οἱ περὶ τὸ μέλλον, quantum ad doctrinam*, *περὶ δὲ τὴν ἐπαγγελίαν καὶ διδασκον διέμεν, quantum ad promissionem & publicationem differunt*; quia in Legge gratia tenuior, in Evangelio majorem habet amplitudinem : atque hanc majorem amplitudinem & abundantiam Spiritus Propheta pollicetur, dicendo, *Scribam legem in cordibus eorum*. Atque in hoc sensu apud Evangelistam veritati Lex opponitur, Jo. 1. 17. *Lex per Moysen data est, gratia & veritas per Jesum Christum* : loquitur enim de Lege ut erat circumstantiis suis pædagogicis vestita. Eodem sensu quo S. Paulus, Heb. 10. 1. Legem dicit *umbram habuisse futurorum bonorum*, de ceremoniali parte fœderis loquens, quæ conjunctam habebat adumbrationem quandam spiritualium & solidorum beneficiorum exhibendorum in Christo; Pascha adumbrationem immolationis Christi; Pentecoste, missionis Spiritus Sancti; Scenopegia festum, peregrinationis ad cœlestem patriam; Sabbatum, gaudii spiritualis & requietis per Christum; Neomenia, illuminationis Ecclesiæ per Solem justitiæ. Ergò quantum ad hanc adumbrationem spectat, Lex est abrogata, *τὸ τὸ ἐστὶν ἡ σωμεινὴ καὶ τὸ νόμος κήρυξις*, id est, *corporalis vel umbratica Legis observatio*, ut Basilii loquitur : quæ verò ad substantiam pertinent, non modò non abrogata, sed reintegrata. Hæc de Objectione prima.

In Casena Patrum in Jer.

lib. de Spiritu Sancto, c. 21.

Objectio secunda sic se habet; Idem est author Legis ceremonialis & moralis, Deus ipse; eadem solennitas, idem tempus institutionis utriusque; etenim eodem tempore tota Lex cum omnibus suis partibus lata est & promulgata : Ergò, inquiunt, aut tota est retinenda, aut tota cum singulis suis partibus eodem modo abolenda. Non enim hominibus concedenda est

Q

hæc

hæc licentia, ut sicut Decemviri Romani inter Leges Solonis deletum habuerunt, ita & nos ex Legibus Divinis, ab eodem Deo, eodem tempore promulgatis, eodémque verbo postea abrogatis, partem quam volumus retineamus, sc. Decalogum, cum ceremonialia & judicialia omittamus, tanquam nihil ad nos pertinentia. Sic illi. At non ipforum hæc querela sola est, sed Judæorum adversus Christianos vetus erat postulatio, atque eruditè quidem à Paulo de S. Maria, Episcopo Burgenfi, responsum est in suo Scrutinio. Sed concedendum est & nostris ut contra fratres suos vel ipsa à Judæorum pharetra spicula mutuentur, nisi quòd hoc interfit, quòd pro Lege Judæi, isti contra Legem Judæorum telis utantur. Sed oppugnari veritas potest, non potest concuti. Contra Judæos Burgenfis probat, Deum in ipsa promulgatione Legis ostendisse, se non eodem loco habere Leges Ceremoniales & Forenses cum Decalogo: & contra istos nos similiter probamus, non eodem modo Christum solvisse hæc atque illa.

De Promulgatione, quis nescit multis privilegiis Decalogum à Deo ornatum esse: Nam primò, præcepta Decalogi data erant primo & loco & tempore, & solenniori modo, Ex. 20. Secundò, Decalogum Deus ipse dedit toti populo, & immediatè suâ voce recitavit, & tam altâ voce, ut à sexcentis hominum millibus per aliquot milliaria exaudiri posset: nam is erat virorum numerus præter parvulos, Ex. 12. 37. *Hæc verba locutus est Dominus ad omnem multitudinem*, Deut. 5. 22. De reliquis legibus dicit Deus ad Moysen, vers. 31. *Tu hic sta mecum, & loquar tibi omnia mandata & ceremonias & judicia quæ docebûs eos*. Tertiò, Præcepta Decalogi sunt ipsius Dei digito scripta, leges reliquæ à Moysen, Ex. 24. 4. *Scriptis Moyses universos sermones Domini*: & Deut. 31. 9. *Scriptis Moyses Legem hanc*. Postremò, tabulæ Decalogi positæ fuerunt in arca fœderis, 3 Reg. 8. 9. Heb. 9. 4. *in latere arce*, inquit Cyrillus, *non in medio*, (hic locus reservatus Evangelio) sed in arca tamen: Deuteronomium verò, completens reliquas leges à Moysen scriptas, commendatum est custodiæ Sacerdotis & Regis, Deut. 17. 19. & 31. 9. Quòd autem Adversarii addunt, unâ cum tabernaculo Legis tabulas deletas atque deperditas fuisse, & ex eo Legis ipsius abolitionem significari, puerile est atque levissimum: cum Lex moralis & ante tabulas exstiterit, in ipso innocentia statu, & post amissas tabulas inter ipsos Judæos vigeat. Alioquin sequeretur, Legem moralem non morte Christi, ut ipsi contendunt, sed aliquot centenariis ante mortem Christi explosam fuisse: quia in secundo Templo neque arca neque tabulæ repertæ sunt, sed inter ruinas reliquas direptæ, in expeditione vel, sub Jechonia, prima, vel, sub Zedechia, secunda. Videtis quòd in Promulgatione Legis magna dignitatis atque discriminis spatia inter moralia & ceremonialia intercesserunt.

Et in Abrogatione similiter discrimina non minùs facilia sunt observatu. Abolitionem enim Ceremonialium & Christus & Apostoli docuerunt: Moralem vigorem æternum habere & indissolubilem. Hinc est quòd de ceremonialibus loquens Spiritus Sanctus, vocabulis utitur expungentibus, λύειν, κατεργάζειν, μετατίθεται, παλαιώνει, ημερώνει, ἀφανίζειν, ἀθετεῖν, solvere, abrogare, transferre, abdicare, antiquare, evanescere, senescere: at in Morali tractando, mollioribus multò, & quæ non doctrinam Legis, sed maledictionem respiciunt. De Ceremoniali, Eph. 2. 4. *Solvit medium parietem maceria*: & vers. 15. *Legem mandatorum abrogavit*. Heb. 7. 12. *Legis translatio facta est*: ver. 18. *Mandatum irritum factum est*. Heb. 8. ult. *Mandatum prius antiquatur, sevescit, evanescit*.

evanescit. At de Morali contrà non usurpantur ista enecantia verba, sed quæ molliùs sonant; *Liberavit me à Lege peccati & mortis*, Rom. 8. 2. *Redemit nos à maledictione Legis*, Gal. 3. 13. *Non sumus sub Lege*, Rom. 6. 14. *Iusto non est Lex posita*, 1 Tim. 1. 9. *Liberi sumus à Lege*, Rom. 7. 6. Quæ omnia magis ad personas spectant quàm Legem ipsam. Quorsum igitur utitur Spiritus Sanctus tot differentiarum caracteribus, nisi ut ostendas, sicut Hieronymus pulchre distinguit, lib. 2. Con. Pelagianos, *quæ in Lege ad vitam & mores pertinent observanda esse; quæ ad ritus & ceremonias relinquenda?* Quocirca, ut jam tandem huic disputationis parti modum aliquem & finem faciam; de Judicialibus & Ceremonialibus controversia non instituitur, sed de potentissima Legis parte Morali. At Adversarii perfidè, quæ de Ceremonialibus alicubi ab Apostolo dicuntur, ad Moralem detorquent: & à remotione mobilis ad remotionem immutabilis procedunt. Judicialia & Ceremonialia abrogata esse, cum illis profiteamur; non quòd mala & vitiosa, sed quòd superflua; non quoad lectionem, nam *quæcunque scripta, ad nostram doctrinam scripta*, Rom. 4. 14. sed quoad usum & observationem. Quia enim habebant Ceremoniæ annexam quandam protestationem de Messia venturo & passuro, non sine falsæ fidei protestatione renovari possunt, Christo jam incarnato & passo. Cùm figurativæ essent Christi, Christo jam triumphante observari non possunt sine præjudicio Christianitatis. At Legem Moralem, contra istos, constanter permanere dicimus, neque ullâ occasione aut facto posse contingere ut restringatur, aut reflectatur illius autoritas; neque posse ei quenquam aut cum ratione obloqui, aut sine piaculo adversari.

Hæc de Objectione secunda, adeòque de prima Propositione; Scripturæ sententias quæ generaliter de Legis abolitione loquuntur ad Ceremonialem Legem ut plurimum esse referendas. De tribus reliquis Propositionibus, & Scripturarum locis quæ ad ipsas pertinent, præsentis nostræ dies proxima monstrabit quid sit dicendum.

LECTIO XXI.

Vetus verbum est, sed non minus utile quàm usitatum, *Tutius quædam ignorari quàm sciri.* De Mysteriis imprimis dictum esse opinor quæ captum nostrum superant: deinde verò de obsoletis prioris seculi hæresibus, & vix nominandis blasphemiiis, quæ sæpenumero discuntur dum cognoscuntur; adeoque satius est multò ut cineribus suis sepultæ in perpetuum jaceant, quàm ut tractatu aliquo aut cognitione posthumâ reviviscant: nè dum spectatores habeant, sectatores adipiscantur. De hodierno quod insequimur, quòdque contra Legem Divinam militat, dogmate, idem existimandum esset, nisi reliquias ipsius refricuissent nuper homines malè feriat, flammamque extinctam novo flabello & integratis fomentis excitassent. Quibus ita se habentibus, maximopere necessarium est recrudescenti malo quantà possumus festinatione celeriter occurrere; eoque magis, quia, ut Hieronymus loquitur, *Errores alios prodidisse, est superasse: Ipsos cognoscere, est debellasse*, inquit Vincentius, & *previdisse, fugasse.* At verò hanc Antinomorum sacrilegam sententiam, tametsi fronte primâ execranda videatur atque intestabilis, cum tamen Scripturarum præsidii se muniat, non præmonstrasse satis esse duco: aut digito indicasse; sed ungues refecandi, labiisque consuenda, atque iisdem Scripturis quas jactat os ipsi est obstruendum. Hoc ut penitiùs agatur & expeditiùs, Scripturarum locos ad duas, si meministis, Classes revocavi. Classis prima locos in se continet quibus in causam suam abutuntur: secunda locos quibus veritatis causa firmatur. Loci quos contra usum Legis ad causam suam propugnandam detorquent, ad quatuor Capita rediguntur; Ea quæ de Ceremoniali parte Legis, ea quæ de Morali, ea quæ de Libertate Christiana, & ea quæ de Renovatione Spiritûs loquuntur. Istis autem quatuor sunt quæ respondent Propositiones.

Propositio prima sic se habet; Quæ de Legis abolitione generaliter Scriptura loquitur, ea sunt ad Ceremonialia & Judicialia ut plurimum referenda. Ad hanc Propositionem loca illa spectant quæ ex Jer. 31. ex 2 Cor. 5. ex Gal. 3. ex Eph. 2. & ex Heb. cap. 7, & 8. producuntur. *Ecce dies veniunt, & seriam cum domo Israel fœdus novum. Dum Novum dicit, antiquavit prius Testamentum. Mandatum præcedens abrogatur propter ejus infirmitatem & inutilitatem. Legem mandatorum per carnem suam abolevit. Lex pedagoga fuit ad Christum; cum autem venit Fides, non sumus sub pedagogo. Vetera præterierunt, nova facta sunt omnia.* Non opus est ut ampliùs repetam, quia superiùs expensâ sunt, & justis ponderibus examinata.

Accedo ad Propositionem secundam, quæ sic instituitur; Quæcunque de Moralis Legis abolitione Scriptura Sacra loquitur, ea semper vel de Maledictione Legis, vel de Remotione ipsius ex Justificationis Articulo, vel de Consummatione ipsius per Christum sunt intelligenda. Ad hanc Propositionem loca illa spectant, Rom. 4. 15. *Lex iram operatur.* 2 Cor. 3. 7. *Est ministerium mortis & condemnationis.* Rom. 6. 14. *Non sumus sub Lege, sed sub Gratia.* Rom. 7. 4. *Fratres, mortificati estis Legi in corpore Christi.* Gal. 2. 19. *Ego per Legem Legi mortuus sum, ut Deo viverem.*

rem. Rom. 10. 4. *Finis Legis Christus*. Luc. 16. 16. *Lex & Prophetæ usque ad Joannem*. Ex locis istis tria priora ad primam Propositionis partem pertinent, quæ est de Maledictione Legis: duo sequentia ad secundam partem, quæ est de Exclusionem Legis à causis Justificationis: duo postrema ad tertiam partem, quæ est de Consummatione Legis per Christum.

Pars prima Propositionis est de Vi damnatoria Legis: atque de ea Apostolus loquitur, Rom. 4. 15. *Lex iram operatur*; & 2 Cor. 3. 7. *Lex ministratio mortis*. De Liberatione autem à vi ista damnatoria, Rom. 8. 11. *Nulla est condemnatio his qui sunt in Christo*; Gal. 3. 13. *Christus nos redemit de maledictione Legis*; Gal. 4. 4. *Christus Legi subiectus est, ut eos qui sub Lege erant redimeret*. Ex quibus junctis facile est dignoscere quo sensu Apostolus loquutus sit, Rom. 6. 14. *Non sumus sub Lege, sed sub Gratia; non Legem destruens, sed ipsi fidem anteponeus; non Legem malam faciens, sed melius Evangelium*, ut scitè Ambrosius in Rom. 1. Ecquid est amplius quod exinde possit deduci? Ecquid quod Legis abolitioni subserviat? Ecquid in istis quod colloquia prava læcessat, ut Legem cæco & furioso corde reprehendant? An verò Lex mala dicenda est, quia malis iram minatur? Aut sub Lege credentes non sunt, quia est ministerium mortis non credentibus? Quis verò tam cæcus qui reatum Legis à Legis regula nesciit dividere, ut quia non sunt sub Lege damnante fideles, non sint sub imperante; aut quia poenale debitum cessat, Obedientiæ debitum non sit exigendum? At verò istas consequentias Apostolus rescidit, imò præoccupavit, Primam, Rom. 7. 10. *Mandatum institutum est ad vitam*; & vers. 12. *Lex ipsa sancta, & mandatum sanctum, & justum, & bonum*. Ecce Marcionis & Manichei ora obstruit, inquit Theophylactus, καὶ ἀπαλλάττει τὸν νόμον τῆς κακοποίας ἀπὸ τῆς ἀγαθῆς, ut Chrysost. loquitur, *Legem ab omni accusatione liberavit. Lex sancta est: & nè quid vel minimæ suspicionis remaneret, addit, & bona, & justa*. Quibus quid dici potest honorificentius? *Iram operatur*, sed est *Lex sancta*, est *ministerium mortis*, sed *institutum erat ad vitam*: ut intelligamus non iræ aut mortis Legem causam esse ex se, sed ex nobis; non culpā suā, sed nostrā: in se ordinata est ad vitam, nobis per accidens cedit ad mortem; per accidens quidem, quia quæ custodita vitam tribuit, non custodita morti adjudicat: obedientibus proficit ad vitam, immorigeris solis ministratio iræ & mortis; cū tamen in se contineat τὸ πρὸς καλὰ καὶ σωτῆρα, ut Justinus ad Tryphonem loquitur.

Quod ad alteram Consequentie fibram pertinet, & illam quoque falce Spiritus amputavit, Rom. 8. 12. *Debitores sumus spiritui*; nimirum ut secundum Dei mandata & voluntatem vivamus: & *Charitatis debitum* S. Joannes appellat, 1 Jo. 4. 11. nè quis rem arbitrariam existimaret, aut officium ad placitum. Quid quod iis ipsis in locis, quibus ab execratione Legis nos liberatos S. Paulus significavit, Obedientiæ Legis nos magis obstrictos pronuntiat? Rom. 6. 14. *Non sumus sub Lege*; at sequitur vers. 12. *Liberati à peccato servi facti estis justitiæ*. Rom. 7. 6. *Soluti sumus à Lege*; sed mox addit, *ut serviamus in novitate spiritus*. In priori loco S. Augustinus in Psal. 4. observat, *dixisse Apostolum, Non sumus sub Lege; non dixisse, Non sumus in Lege*. In posteriori S. Chrysostomus animadvertit, *non dixisse Apostolum, Solutam esse Legem, sed, Nos à Lege solutos esse*; ut ostendat, vim Damnatoriam auferri, vim Directoriam adhuc manere; Debitum reatus solutum, Debitum obedientiæ confirmatum. Hæc erat Propositionis pars prima.

Pars altera Propositionis est de Exclusionē Legis à Justificationis Articulo: & de illa Apostolus loquitur, Rom. 7. 4. *Frates, mortificati estis Legi in corpore Christi*; Gal. 2. 19. *Ego per Legem* (scil. fidei) *Legi mortuus sum, ut Deo viverem*. Osendit nimirum, Justificationem Legi non esse accepto serendam: tum quia Lex id præstare non potest, etenim Lex damnat & accusat, non absolvit aut justificat: tum quia fideles non querunt à Lege Justificationem; nam Christo insiti, Legi mortui sunt. In utraque Epistola agit Apostolus causam Fidei: propterea quòd ipsius tempore Lex, metas suas egressa, honorem Christo Mediatori debitum sibi arrogavit. Igitur ardentem & constanter docet, Eatenus Legem abrogatam, ut non sit Justificatio petenda aut expectanda ab ipsa. Hoc ipsum est quod urget Rom. 3. 20. *Ex operibus Legis nulla caro justificabitur*. Hoc Gal. 2. 21. *Si per Legem est justitia, igitur sine causa Christus mortuus est*. Hoc Gal. 3. 10. *Quotquot ex operibus Legis sunt, sub exsecratione sunt*. Hoc ipsum Gal. 3. 21. *Non data est Lex qua posset ita justificare, ut ex Lege esset justitia*. Sed quid hæc omnia ad obedientiam Legis? Annon erit regula Justitiæ, quia non est causa Justificationis? Annon usurpanda est Lex legaliter, scil. ut norma vitæ, quia Apostolus eam prohibet usurpare Evangelicè, velut scalam salutis? An quia est jugum servitutis negativæ, ex eo quòd non habet vim justificandi, erit etiam affirmativæ, ut non habeat vim præcipiendi? Esto quòd Opera non sint Causæ regnandi; annon sunt Via regni? Concedatur quòd Lex Fidei non exigit bona Opera per modum formæ; an excludit ut fructus Justificationis & consequentias? Atque Isti sic ratiocinantur; Mortui sumus Legi quantum ad justificationem; Ergò quantum ad sanctitatis regulam, *ὦ τῆς πάλαιας! ὦ τῆς ἀποκαταστάσεως!* O audaciam! O vesaniam! Ignat. Epist. ad Philippenfes. Audiant igitur quàm pulchre Justinus Martyr hunc nodum solvit, Quæst. 105. *Gratia indulgentiæ*, inquit, *ἰδ' ἔτι κατὰ τὸν νόμον, οὐδὲν ἔστι τὸ νόμον, ἀλλ' ὡς τὸν νόμον, καὶ ὡς τὸν νόμον, καὶ ὡς τὸν νόμον, neque secundum Legem, neque adversus Legem, sed super Legem, & pro Lege. Supra Legem, quia gratia est; pro Lege, quia per penitentiam ad indulgentiam ducit & beneficium Legis*. Imò audiant quàm multò pulchrius S. Paulus, Rom. 3. rem totam explicat. Postquam sæpius dixisset Nos fide justificari, gratis absque Lege; tandem vers. 31. annectit, *Legem igitur destruimus per fidem? Absit: Imò Legem stabilimus*. Quid clariùs? Fide Lex stabilitur, quia per Fidem finem suum attingit, quem in se attingere non potuit. *Nec quenquam tam impium esse opinor*, inquit Augustinus, *qui dicat, ideo se Moralia præcepta Legis non custodire, quia Christianus est, nec sub Lege, sed sub Gratia constitutus: Non enim vox justificati vox ea dicenda esset, sed potius prædammati*. Hæc Propositionis pars secunda.

l. 3. Cont. duas
Ep. Pelag. c. 4.

Pars tertia Propositionis est de Consummatione Legis per Christum: & de hac Apostolus loquitur Rom. 10. 4. *Finis Legis Christus*; & Salvator in Evangelio, Luc. 16. 16. *Lex & Propheta usque ad Joannem*. Eodém recidunt & illud Discipuli dictum & hoc Magistri; atque ad partem Legis Ceremonialem utrumque referri potest. Usque ad Christum illa ducebat, & finis illius Christus erat, & finis Consummationis & Cessationis. At de hac opinor sermonem non institui, quia non simpliciter dicitur, *Lex ad Joannem*, sed *Lex & Propheta*. De Morali utrobique agitur, quamvis sub Persona diversa. In loco Christi, Joannis persona; in loco Apostoli, persona Christi celebratur. Sic mutatis nominibus alter alterius vicem supplebit, & uterque utriusque; *Finis Legis Christus*, id est, Lex & Prophetæ

Prophetæ usque ad Christum: & vice versâ, *Lex & Prophetæ usque ad Joannem*, id est, finis Legis suo modo Joannes, prout erat præcursor Christi. De seipso dixit Christus, sed nomen suum præ modestia tacuit; Joannis, honoris ergo interposuit, ut ministerium ipsius honestaret, & personam extolleret. Non inquit, *Lex & Prophetæ usque ad me*, vel *usque ad Christum*, sed *usque ad Joannem*: cum revera tamen non finis Legis Joannes erat, sed Christus. Quod si ministerium Joannis spectemus, & missionis modum, rationemque officii, *Limes erat*, inquit Tertull. *inter vetera & nova, ad quem desineret Judæismus, & à quo inciperet Christianismus*. Vel, ut Nazian. Or. 39. loquitur, *παλαιὰ καὶ νέας ἀγῶνας μετὰ τὸν χρόνον*, finis Veteris Testamenti & principium Novi. Ex una parte, *πάρων τῶν γεγονότων πληρῆς*, ut Macarius: ex altera, *προφῶμιον τῶ ἐκκλησίᾳ τῷ Χριστῷ*, ut Justinus loquitur, Qu. 37. hoc est, & clausula Legis, & limen aditûsque Evangelii. Proinde vel hoc modo non sequitur, Legem & Prophetas prædicatione suâ sustulisse Joannem, sed magis confirmasse; quia ipse erat in confinio utriusque Politias, & Prophetæ & Apostoli locum habens, quia Christum & prænuñciavit & vidit. Prophetam se ostendit istâ locutione, *Post me venturus est, qui ante me factus est*; Evangelistam, locutione illâ alterâ, *Eccæ agnus Dei*, Joh. 1. 27, 29. adeoque Prophetas non solvit, sed eos Apostolis agglutinavit; cum ipse fuerit & Ordinis Evangelici primus, & Prophetici novissimus. Quod si personam Christi spectemus, verborum series adhuc clarius emicat, interpretante Apostolo; idem enim sonant, *Lex & Prophetæ usque ad Christum*, & *Finis Legis & Prophetarum Christus*: nisi quod in verbis Pauli significatio amplior sit & sublimior: *τὸ τέλος νόμου*, inquit, hoc est, & Finis Cui, & finis Cujus, & *σκοπὸς νόμου*, h. e. & Scopus Legis, & Finis Legis; & Finis in se, & Finis in nobis. In primis Finis Legis, id est, Scopus legis, quia Lex, dum nos peccatorum sensu percellit, ad Christum tanquam Scopum nos vocat atque deducit. Deinde Finis Legis, id est, Consummator Legis in se; ad hoc enim venit, ut Legem quam reliqui omnes transgressi sunt, Ipse adimpleret, sicut ipse testatur, Mat. 5. 17. *Non veni Legem solvere, sed adimplere*. Et usquequaque adimplevit; Prophetas, quia ea quæ de ipso dixerant, operibus cuncta firmavit; Legem, quia peccatum non fecit, in nihilo transgressus est. Postremò, Finis Legis, id est, Consummatio Legis in nobis, & pro nobis: In nobis, quia ipsius Spiritu regenerati, incipimus ea facere quæ Legis sunt; Pro nobis, qui est sensus apertissimus Apostoli, quia in ipso uno gratis per fidem nobis imputato finem Legis consequimur. Finis enim Legis est justificare eos qui eam observant: quem finem quando ex nobis assequi non poteramus, in Christo assequimur; ille factus est nobis Justitia, adeoque finis Legis, dum quæ Lex facere non potuit, hæc veniens Christus perfecit & complevit in eos qui crederent.

Eant nunc retrò cum suis similibus sociis adversarii Legis, & dicant Christum Legem abrogasse quia implevit, ut suis quas producant rationibus suffocentur. An quia *Finem Legis* Christum Apostolus vocet, ipsi mutato nomine Legem finitam esse affirmabunt? An quia *Prophetæ usque ad Joannem* de Christo prophetarunt, idcirco post Baptistæ tempora ipsorum Scripta eliminanda sunt? Attendant quid sit quod de hoc loco sensit Ambrosius, *Lex & Prophetæ usque ad Joannem, non quia Lex deficit, sed quia incipit Evangelii prædicatione; non terminum Prophetis statuit, sed ordinem notat*: ipsique quæ de ordine Christus dixit, ad Legis ruinam rapiunt & perditionem, *ὁδὸς τὸν νόμον ἀναιρέσει*, inquit contra Manichæos Epiphanius, *Nihil isto argumento ineptius*, Impletæ sunt omnes quas de

Adv. Groti. cor.

Homil. 23.

in Luc. 16.

Hæres. 66.

Christo tradiderunt prophetiæ; ergo quæ de pietate & moribus scripserunt sunt abrogata: Impletum est adventu Christi quod prædixerunt; ergo rejiciendum post adventum Christi quicquid prædicarunt. De Prophetarum prædictionibus, non negamus sub adventu Christi cessasse eas; non enim potuit ultra venturus prophetari, quem jam venisse Joannes monstrabat. Sed neque hoc universaliter tenet: quamvis enim quæ de primo adventu Christi dixerunt impleta sunt; at quæ de adventu secundo dixerunt, & resurrectione ultima, II. 26. 19. Dan. 7. 14, 22. & 12. 2. Hof. 6. 2. sunt adhuc implenda. Nisi in eorum numero censeretur Adversarii, qui neque Judicium ultimum metuunt, neque Resurrectionem expectant, ut audeant non contra Legem modò, sed contra Prophetas mustitare. At verò hæc non est quæstio, de Prædictionibus Prophetarum, sed de Prædicatione & doctrina: hanc autem post Christum in summo splendore & vigore manere, enixè contendimus. Sic ipse Christus nos docuit, Luc. 16. postquam vers. 16. dixisset, *Lex & Propheta usque ad Joannem*, confestim versu subsequenti apposuit, *Facilius est calum & terram præterire, quàm Legis unum apicem cadere*; & versu 29. *Habent Moïsem & Prophetas, audiant eos*. Atque hoc prudens addidit, nè putaretur prius, inquit Beda, *Legis & Prophetarum destructionem prædicasse*. Pariter & S. Paulus, postquam *Finem Legis* Christum appellasset, statim annectit, *ad Justificationem cuius credenti*: nè quis audaculus fortasse interponeret, *Finis Legis* Christus ad abolitionem Legis cuius credenti; nequaquam, sed *ad Justificationem cuius credenti*. *Ut finis dicatur*, inquit Primasius, *non à consumendo, sed à consummando*. Sicut aliud est dicere, *Finitus est panis*, aliud, *Finita est tela*; illud finitur ut non sit, istud ut perfectum sit: itidem in Christo Lex Justitiæ non consumitur, sed perficitur; & ut Hilarii atque Augustini verbo utar, *Est finis Legis, non abolitionis, sed perfectionis, finis non interficiens, sed perficiens*: utpote qui Legem implevit, non abolevit; perfect, non sustulit. Sustulit quod erat mortiferum, reliquit quod erat salutare: Fidei scalam erexit, at viam mandatorum & obedientiæ vestigia non delevit: segregavit eam à Justificationis merito, non à Religionis negotio aut Gratiæ consortio. Hæc sufficiat dixisse de Propositione secunda, & tribus ipsius partibus, & Scripturæ locis quæ ad partem quamlibet referenda sunt.

Accedo ad Propositionem tertiam, cujus basis in Libertate Christiana statuitur, in hunc modum; Liberatio à maledictione Legis non introductæ liberationem ab obedientia Legis. Ad hanc Propositionem loca illa spectant, Rom. 8. 2. *Lex spiritus vita in Christo Jesu liberavit me à Lege peccati & mortis*: & Gal. 5. 13. *In libertatem vocati sumus: & in eam libertatem, quæ à servitutis iugo vos immunes facit*, Gal. 5. 1. 2 Cor. 3. 17. *Ubi Spiritus Domini, ibi libertas*. Hæc omnia, inducti cum sint & instabiles, ex Pauli Epistolis detorquent ad suum interitum, sicut S. Petrus loquitur, 2 Pet. 3. 16. Non verò heri aut nudiustertius confictum est argumentum, sed ab ipsis Ecclesiæ primordiis, viventibus & scribentibus Apostolis, ubi primum mota sunt hæc certamina Antinomica, exinde agitata est hæc argumentatio, quam vix comminisci quonquam posse crederetis, nisi eandem nostram etiam ætas audivisset. E Simonis Schola originem habuit; salutem ille definivit Mago dignam, Liberationem sc. ab illa servitute quâ homines ex præscripto Legis ad certa opera obligantur, nec permittuntur agere quæ velint. *Jubebat*, inquit Theodoretus, I. 1. Hæretic, fabularum, *jubebat eos qui in ipsum credebant, Prophetas non attendere, nec Legis minas pertimescere, sed tanquam liberos facere quæ voluerint; non enim per bo-*

Hil. 11. de Trin.
Aug. l. 1. Cont.
Advers. Leg.

nas actiones, sed per gratiam, eos salutem esse consecuturos. De Valentinianis hoc ipsum testatur Irenæus, l. i. c. 9. eos omnia liberè agere, quia propter redemptionem non sunt venturi ad iudicium. Idem de Carpocratianis, l. i. c. 24. in tantum eos insaniam effrænatos fuisse, ut omnia quæcunque sunt irreligiosa & impia potestatem se habere operandi jactarunt; cum solâ opinione humanâ, non naturâ suâ, actiones bonas aut malas crediderunt. Non dissimile est quod de peculiari secta Anabaptistarum narrat Joh. Sleidanus, qui hinc *Libertini* dicti, quod idem de liberatione Legis fenserunt, sed alio prætextu: nam quia nos liberos per fidem ab execratione Legis Scriptura pronuntiat, hinc sibi licentiæ trophæa erigunt, credentes se non attendere debere ad Legem Divinam, nec curare quæ ibi vel mandata vel prohibita sunt, sed liberè agere quæcunque agunt. Hæc sunt illa Antinomias antiqua seminaria: hæc etiam recentiora vestigia; nam eadem vertigine circumacti, in eadem voragine ineptiarum & nostri absorpti sunt. In hunc finem locis supradictis abutuntur; in hoc Pelagianis deteriores: nam illi in reliquiis Naturæ superesse Libertatis vires sine gratia ad bonum; hi verò ex ipsâ Gratia accipere se libertatem vel ad malum pro arbitrio suo gloriantur. Ad cujus refutationem non opus est singula huc referre quæ de Libertate Christiana dici possunt, sed pauca tantum annotare, in quibus ipsi coelestis doctrinâ atque solatii plenissimâ in singulis et suis partibus turpissimè abutuntur. Primus & summus Libertatis Christianæ Gradus hic est; Quod fide gratis per mortem Christi à peccato & Legis maledictione liberati sumus. Hanc partem ad pessimam suam sententiam detorquent, non distinguentes inter Doctrinam Legis & Maledictionem Legis. Secundus Gradus hic est; Quod per Spiritum Christi, qui operatur in cordibus fidelium, à Legis jugo & onere liberamur, ut obedientiam præstemus alacrem & spontaneam, non quasi Legis stimulo cogendi, sed normâ dirigendi. Et hæc etiam parte abutuntur, quia inter vim Legis Coactivam & Directivam quid sit discriminis non observant. Tertius Gradus in his consistit quæ *Supervacanea Legis* Theodoretus vocat; Quod liberamur à Ceremoniis & Ritibus Legis, sub quibus Judæorum maxima servitus fuit, ut jam nulla sit in rebus adiaphoris sive indifferentibus Religio collocanda. Nam & hoc Chirographum Christus è medio sustulit, affigens illud cruci, Col. 2. 14. aced ut jam nulli ritus Ceremoniales sint imponendi, sub opinione necessitatis, justitiæ, aut meriti: sed parè & suaviter, ordinis & decoris gratiâ proponendi, præsertim teneris & timoratis conscientis: quò discat & Christiana Modestia parère Prælati, ritus decoros Ordinis causâ præscribentibus, & Christiana Libertas homuncionibus, Traditiones suas sub ratione necessitatis aut cultûs obtrudentibus, refragari. Et in hac etiam parte claudicant Antinomi, quod non distinguant Libertatem Christianam circa opera Moralia & circa Adiaphora.

Recognoscamus sigillatim loca quæ adducuntur: De Libertate circa Legales Observantias loquitur S. Paulus, Gal. 5. 1. *In libertate quâ Christus nos liberavit stete, & nolite iterum implicari servitutis jugo.* Quod de Ceremoniis loquatur, versus subsequens indicat, *Si circumcidamini, Christus nihil vobis proderit.* Hic peccant contra tertium gradum Libertatis, quia quod dictum de Liberatione à Ritibus Legalibus, ad liberationem trahunt à Præceptis Moralibus, inter corpus & umbram non discernentes. De libertate circa servilem & meticulosam Obedientiam Rom. 7. 6. Paulus agit, *Liberi sumus à Lege, ut serviamus in novitate Spiritûs*; hoc est, ut ex Lege fidei, alacrem & voluntarium cultum præstemus, rationabile obsequium; ut ultro & liberè exhibeamus

beamus obsequium, quod antè Lex ab invitis extorquebat; *ἡμεῖς τὸν ἀπε-
τῶ, ὁ ἄλλος τὸν πόρον τῷ νόμῳ*, ut Chrysost. explicat, Hom. 2. in 1 Tim.
non metu Legis, sed virtutis gratiâ: hoc rationale est obsequium. Igi-
tur hic peccant contra secundum Gradum Libertatis, quia liberum & ala-
crem cultum in cultum Electitium vertunt, sive *ἰδελοδρησικίαν*, cum ta-
men non alacris aut libera, sed cæca & temeraria & irrationalis obedientia
fit quæ sine Legis Divinæ ductu suscipitur, neque in voluntaria Obedien-
tia definit, sed in nulla. De Libertate circa Maledictionem Legis, 2 Cor.
3. 17. *Ubi Spiritus Domini, ibi libertas.* Rom. 8. 2. *Lex Spiritus vi-
væ in Christo Jesu liberavit me à Lege peccati & mortis*; hoc est, Chri-
stus nos verè liberos fecit à servitute peccati, à Legalibus minis atque sup-
pliciiis, manumissit nos à miserrimo omnium captivitatis jugo, in libertatem
filiorum Dei nos asseruit, ad pileum nos vocavit, imò magis ad coronam.
Denique & hic peccant contra primum Gradum, dum libertatem à ti-
more Legis rapiunt ad libertatem audaciæ & intrepidationis, libertatem
vertentes in libi inem, ut sepositâ Legis regulâ, non jam sit libertas à
peccato, sed potius ad peccandum. Pulchre quidem à Hieron. Zanchio
d. Etum est, *De libertate periculosum est liberiùs loqui, nè libertatis prutex-
tu in effrenatam licentiam se homines proripiant*: sic enim carnis vitio
contingere solet, ut ex dulcissimo Christianitatis lilio, quod in Libertate
situm est, libidinis venenum mens araneosa depromat; & indè unus im-
pius fit, unde alius pius existit; eodémque lumine obæcatur alius, quo
alius clarissimè illustratur. Etenim quod melius Conscientiæ fomentum
quàm veræ Libertatis? Et quid Pietati magis noxium quàm isthinc ar-
repta licentia? Si semel hæc fenestra pateat, quid obstat quò minus vi-
tiorum furis agitata mens in omnium turpitudinum barathra inexhaustâ
cupidine rapiatur? Quidni jam pereant mores, jus, decus, pietas, fi-
des & Religio conscientia, atque succedant vicariâ operâ portisque li-
beris, dolus, crudelitas, barbaries, turpitude, scelera omnia, si Le-
gis semel Divinæ claustra amoveantur? Hoc S. Apostolus Paulus quia
præviderat, quasi divinatio & antè capto cogitatu, annis est omni studio
hunc Libertatis abusum prævenire. Rom. 6. 18. *Liberati à peccato, servi
facti estis justitiæ*; & versu 20. *Liberati à peccato, servi estis facti Deo in
sanctificationem*. Gal. 5. 13. *In libertatem vocati estis, tantum nè liberta-
tem in occasionem detis carni, sed per charitatem servite invicem*. Et nè
quis à proprio spiritu Charitatis regulam ducendam esse assereret, certam
regulam Charitatis subjungit à Lege petendam, *Omni Lex in uno ser-
mone completur, Diliges proximum tuum sicut teipsum*. Pariter & S. Jaco-
bus cum Regenerationis gratia Legem conjungit, cap. 2. ver. 12. ubi Le-
gem Moralem Legem Libertatis appellat; & cap. 1. ver. 25. *Perfectam le-
gem libertatis, in quam nisi quis introspiciat, in qua nisi permanserit, re-
ligio ipsius vana erit*. Postremò & S. Petrus, 1 Pet. 2. 16. *Ut liberi, in-
quit, ac non velut velamen habentes malitia libertatem, sed ut servi Dei*.
Quibus verbis innuit, Liberum neminem esse posse, qui se vult vitii eman-
cipare; liberum neminem nisi qui Deo serviat; servus autem Dei non
est qui Legi Dei obtemperare recusat. *Νομολοχοί, ἀνομολοχοί*. Quis enim
est verè liber? Oecumenius docet, in 1 Pet. 2. *ὁ μὴ δούλῳ ἢ ἀνθρώπῳ ὑπακούων*,
qui nulli absurde rei obtemperat. Quæ vera Libertas? Chrysostomus
docet, Hom. 6. ad pop. *ὁ δὲ δούλῳ καὶ τῷ ἀνθρώπῳ, in justitia continens
vivere*. Quæro igitur & obsecro ut me doceant, Ad quid Christus Le-
gem implevit? Ut transgrediamur Legem, an magis quia transgressi su-
mus? ut impios faceret, an ut justos? Dicant in quam libertatem vocati

cati

cati sunt; Carnisne an Spiritus? Certè Libertas Spiritus ea maxima est, cum obtemperamus mandatis Dei. Ergò restat ut sit Libertas carnis, quam M. Tullius, *potestatem definiebat vivendi ut quisque velit*. At hæc libertas non est, sed servitus: aut si libertas, maculis plena libertas, & squaloribus obligata, atque omni servitute & pejor & pessima. De hac S. Petrus monuit, nè libertati *velamen malitiæ* adhareat; hoc est; nè quis libertatis specie impietatem tegat. Et Oppugnatoribus nomen aptissime congruit, qui Velamen Moïsi, imò Legem Moïsi, rejiciunt, & Velamen licentiæ induunt. At caveant interea, nè dum Velamen Moïsi deponunt, Velamen Evangelii succedat: ut qui nolunt audire quæ sunt præcepta Legis, non possint percipere quæ sunt solatia Gratiæ. Hæc de Propositione tertia.

Ad quartam & ultimam propero, quæ de Spiritus renovatione disserit, & sic se habet; Renovatio quæ est per Legem Spiritus non solvit doctrinam quæ est in spiritu Legis. Ad hanc Propositionem loca illa pertinent, Rom. 5. 5. *Charitas diffusa est in cordibus nostris per Spiritum Sanctum qui datus est nobis*. Gal. 5. 18. *Quod si Spiritu ducimini, non estis sub Lege*. 1 Tim. 1. 9. *Fusio non est Lex posita*. 1 Joh. 2. 27. *Non necesse habemus ut quisquam doceat nos, sed sicut unctio*, id est, Spiritus, ejus docet nos. Atque ex istis colligunt, Quòd justus non indigeat Lege, quæ eum doceat, admoneat, vel urgeat ut bene vivat; Quòd non est opus ut renatus vitam suam exigit ad normam Legis Divinæ, sed omnia faciat ex Spiritu, adeoque privato suo arbitrio & consilio vivat; Quòd ubi Spiritus Dei est, ibi nullà doctrinà & lege opus est, sed voluntarià obedientià, quæ urgeri se aut admoneri non patitur; sicut stultus & infans est, qui bonæ arbori vellet præscribere quales fructus debeat ferre, quique Solem vellet admonere ut luceat, quia per se, suâ naturâ hoc faciunt: denique, Quòd in Novo Testamento non sunt præcepta urgentia, neque quicquam vult Christianus facere ad quod Lege urgetur. Verbi gratiâ, Cum Deus dicit, *Diliges proximum*, liberum est renato facere vel non facere: & si faciat, non ideo facit quia præceptum, sed quia placitum. Hem, quantam sylvam quantillus ignis incendit! Quàm callidi sunt ut alios, ut seipsos decipiant! Scripturas prætendunt, & Spiritum Sanctum loquuntur: at neque Scripturæ vox est quam fingunt, nec agitatio Spiritus de qua gloriantur. Idem faciunt quod aucupes solent, qui ante ortum Solis arborem fictam portant, cui adulterinos inserunt ramos; deinde alias aves clausas portant in cavea, alias visceratas ad imaginem viventium fallacibus ramis imponunt: aliæ igitur latent in caveis, aliæ quasi viventes videntur in ramis: sic una est geminata fraudis calliditas, aves quæ videntur in ramis, cum mortuæ sint, non cantant, sed colla extendunt quasi cantarent; aves quæ non videntur, sed latent in fovea, cantant quidem, sed quasi gutture alieno: inter alterius imaginem & alterius vocem dolus unus operatur, captivæ liberas capiunt, & mortuæ viventes occidunt. Haud absimiliter & isti, ut impunè possint despiciere Legem, componunt se ad simulandam sanctitatem, arborem fictam portant Religionis, ramos adulterinos inserunt fucatæ Obedientiæ, Scripturis ramos fallaces onerant, & vocem Spiritus Sancti intus loquentem ostentant: sed neque Scriptura est quæ loquitur, neque Spiritus Sanctus qui movet, sed intus spiritus nequam latent in fovea, qui veræ libertatis & vivi spiritus prætextu aures auscultantium oblectant, & sic captivi liberos capiunt, & mortui vivos occidunt. Quis enim est tam mediocriter Saceris imbutus literis, qui istas voces audiens, *Charitas diffusa est in cordi-*

bus

bus per Spiritum; Sancti secundum Spiritum incedunt; Qui Spiritu ducuntur non sunt sub Lege; *Fusto non est Lex posita; Non est necesse ut aliquis nos doceat, sed sicut unctio nos docet;* quis non statim putat se Dei ipsius in Scriptura loquentis vocem audire? Et tamen Scriptura nihil minus est quam Scriptura, istis proloquentibus. Ex Scriptura discimus, quod Lex est spiritualis, quod Legis Divinæ author est Spiritus, & si habitet in cordibus Sanctorum, scribit in cordibus eorum; & quid tandem? Legem Dei, *Legem meam scribam in cordibus eorum*, Jer. 31. 31. & ipsis tamen secundum Legis præscriptum ambulare, est sec. carnem incedere. In Scripturis Deus ipse imperat, nè juxta arbitrium nostrum ambulemus, *Non facietis quod vobis rectum videtur, sed quod ego præcipio vobis*, Deut. 12. 8. at isti contrà, Faciemus quia nobis rectum, & non quia præcipit Deus. In Scripturis S. Paulus, Eph. 2. 10. de Renovatione mentis loquens, Sanctos vocat *Spiritus Sancti facturam, conditos in Christo ad bona opera*: at isti, Renatis doctrinâ nullâ opus esse clamitant, quia Spiritu ducuntur. Quasi parùm jam esset Legem proscribere, nisi Evangelium ipsum exterminarent: cum vel diligere proximum, quod Evangelium toties inculcat, non teneamus, ipsis dicentibus, quia præceptum, sed quia placitum. Revera si in renatis purus Spiritus habitaret, & nulla carnis particula superesset, superflua fortassis Lex esset, Admonitiones omnes & Exhortationes supervacaneæ: at Apostolus dicit *carnem concupiscere adversus spiritum*, Gal. 5. 17. ut vel maximè opus sit cohortatione Apostolicâ ad mortificanda membra nostra, adeoque Lege Divinâ etiam renatis, ut arguat & coerceat vetustatem carnis, quæ in ipsis contra spiritum militat. Postremò, ex Scripturis edocti sumus, posse simul cohabitare Legem Dei & Spiritum Dei. Apostolus docet, Rom. 7. 22. *Condelector Lege Dei quoad interiorem hominem*, & ver. 25. *Mente servo Legi Dei*; & Gal. 5. postquam ver. 18. dixisset, *Si Spiritu ducimini, non estis sub Lege*, id est, sub timore Legis, versu 22. Charitatem, Pacem, Mansuetudinem, & Temperantiam, ipsius Legis officia, ille *fructus Spiritus* appellat: nè quis alia præcepta Moralia Legis, alia Spiritus Mandata somniaret. At isti contrà putant, nec cum Lege Spiritum, nec cum Spiritu Legem posse consistere. Quod ad Timotheum scribens Paulus, 1 Tim. 1. 9. affirmat *Fusto non esse legem positam*, viderint ipsi, num causâ prosit vel noceat magis; nam statim adjicit, *sed Legis contemptoribus, & iis qui subijci nesciunt*, ἀνόμοις, h. e. ἀνομόποις, ut ipsi sciant se maximè Lege teneri, ipsisque eam inprimis positam, quia Legis sunt contemptores, & subijci nolunt. De sensu verò Apostolici Axiomatis si quærant, quacunquē manu prehenderint, deceptos se intelligant; sive in passivo sensu *justum* accipiant, pro *justificato*, sive in activo, pro *justa faciente*. Illi Lex non est posita quæ condemnat, quia per Christum liberatur à Lege: huic Lex non est ponenda quæ cogat; quia si perfectè justus sit, & virtutis actibus ex se pollens, non indiget Lege quâ erudiatur. *Ὁ μὲν δὲ ἀδικῶν, οὐδὲν δέεται νόμου*, ut pulchre poeta Ethnicus Antiphon, *Adversus ejusmodi qui ad Legis normam mores suos sponte componit, Lex non est lata: non enim potest venire contra mores, si habeatur in moribus*, ut Salvianus, De Gub. Dei lib. 5. loquitur. Ratio est, quia Lex propter transgressiones addita fuit, id est, adversus eos constituta qui Legem transgrediuntur, non adversus eos qui Legem per omnia observant: uti expressè ab Apostolo, Gal. 5. 23. *Fructus Spiritus est Charitas, gaudium, pax, mansuetudo, temperantia, & ejusmodi: adversus eos qui tales sunt non est Lex*. Sed quero tamen ecquis reperitur οὐδὲν ἀδικῶν? ecquis tam perfectè justus, qui per omnia observat

observat Legem, qui normā non egeat: ecquis tam ingratus ut se putet sine Lege, quia per Gratiam positus est in Christo supra Legem? Non mea est quaestio, sed adversus Manichæos Epiphaniū, *Ἐπεὶ ὁ νόμος δὲ δικαιοῦν καὶ ἡμεῖς ἀγαθοὶ ἐσμὲν ὁ δὲ νόμος δὲ δικαιοῦν*; *An exlex dicendus est justus, quia ei Lex non est posita?* Apostolus ipse solvat hunc nodum; *Scimus*, inquit præcedenti versiculo, *quia bona est Lex, si quis eā legitimè utatur: & bonam Legem dicit, & utendam dicit, & utendam legitimè. Quid est illud Legitimè?* Chrysostomus doceat; *Tunc eā quis legitimè utitur, ὅταν πᾶσι νόμος ᾖ καὶ Χριστὸς*, cum eum Lex transmittit ad Christum. Ambrosius doceat; *Hic legitimè utitur Lege, qui potest discernere ea quæ ad tempus data sunt ab iis quæ perpetua sunt; hoc est, Legales observantias distinguere quæ transferunt à præceptis moralibus quæ permanent. Atque rursus, Is legitimè utitur Lege, qui cognoscit Legem, & quā causā data sit: qui prædicato Christo deserit eam ex parte, quā Lex factorum appellatur; circa dilectionem autem utitur eā, affirmans ea quæ à Salvatore dicta sunt in Lege & Prophetis. Viden, infelicissime? Te ipsum ex postulo arbitrium; Ille legitimè utitur, qui Legaliter utitur, non Evangelicè, (νόμος νομικὸς) h. e. ut regulā vitæ, non ut efficaci salutis medio: qui utitur eā ante Justificationem ut cymbā, aut vehiculū; quā ad Christum transmittatur; post Justificationem ut normā, quā in Christo persistat, & ad nominis ipsius gloriam vivat. Denique, ut verbo dicam, ille legitimè utitur, qui hoc novit, quod ipsi in Christum credenti Lex non sit posita ad condemnationem, sed ad studium & exercitium: quod ipsi non faciunt quī disciplinam Legis despiciunt, qui præcepta consultant; imò tam longissimè absunt ab hoc ut legitimè utantur, ut nē utantur quidem.*

Ad extrema jam vergeat disputatio, atq; hic vera clausulam imponerem, nisi quod locus alter superest, isque palmaris, in quo sibi supra modum adblandiuntur. Habetur autem ex 1 Joan. 2. 27. *Unctio quam accepistis manet in vobis, nec necesse habetis ut quisquam doceat vos, verum sicut eadem unctio docet vos.* Cui simile est illud S. Pauli, in 1 Thess. 4. 9. *De fraterna charitate non necesse habetis ut scribam vobis; ipsi namque Divinitus docti estis ut diligatis invicem:* & illud, Isai. 54. 13. *Universi filii tui docti erunt à Deo.* Eja, ut periti sunt Sacrarum literarum ad imperitos in errorem suum seducendos! & tamen Scripturis derelictis, ad Enthusiasticos raptus se recipere coguntur; quasi alia esset disciplina Spiritus in secretis; alia in ob-signatis tabulis atque Testamentis, ut relictis Sacris Paginis, Fidei atque Obedientiæ regula certissima petenda esset ex Enthusiasticis. Ast verò habuisse etiam omni Ecclesiæ seculo Auditorium suum atque Scholam in fidelium cordibus Spiritum Sanctum, nemo est qui diffitebitur; licet non tam publicam atque solemnem sub Veteri ac sub Novo Testamento. At quamvis Spiritus participes facti sunt Israelitæ, non ob id fidei morumque regulam respuebant; docti erant à Deo, sed tamen Prophetis ausculta-runt; unctionem Spiritus habuerunt, sed insuper ad Legem eos Deus amandavit. Annon Sanctus David unctionem habuit? & quis illo Legem magis dilexit? Annon Josias? & quis ad vocem Legis magis tremuit? Sed responderunt fortasse, Signanter Apostolum dixisse, Non necesse esse ut aliqui ipsos doceret postquam unctio docuisset. Ergo in illo vocabulo dubitationis cardo vertitur, ἡ χριστιανὴ ἐκκλησία. Quod Apostolus adjecit, Propheta tacuit. *Non necesse habetis ut scribam*, inquit Paulus, *Non necesse est ut quisquam doceat*, Joannes. Ecquis tam insanus, ut ad simplicem & absolutam necessitatem rapiat, aut exclusivè accipiat? Attemperatè igitur sumendum est. *Non necesse*, hoc est, Non omnino necesse? Absit: quorsum enim hortaretur

R

Paulus,

Paulus, quorsum Joannes hoc scriberet, si non esset aliquatenus necessarium? Quocirca, non necesse, hoc est, non præterea necesse. Res est adeo manifesta, *ὡς ἡ δὲ διδασκαλία δέειται*, sicut Chrysost. *ut ne doctrinā quidem egent*; *ὡς οὐ συμβαδίζοντες*, sicut Oecumenius explicat, neque suadere opus est, cum vos abunde hoc sciatis. Ex circumstantiis utriusque loci res erit clarius. Verba Joannis sunt, *Non necesse habetis ut quisquam vos doceat, verum sicut unctio docet*: non ait, *ut quisquam vos doceat πνεῦμα ἁγίου*, præter unctioem; sed, *ut quisquam doceat διὰ τοῦ ἁγίου*, verum sicut unctio docet, h. e. præter ipsum quod unctio docet: at Lex id ipsum docet quod unctio docet, & Prophetæ id ipsum docent quod unctio docet.

Verba Pauli sunt, *Non necesse habetis ut scribam vobis*. Animadvertamus verborum seriem; *Non necesse habetis*, versu 9. dein ratio redditur, *quia à Deo didicistis ut vos invicem diligatis*: h. e. docti estis ab Evangelio Dei, ubi Christum sic præcipientem audivistis; docti etiam estis à Spiritu Sancto, qui mox ut cor hominis repleverit, Charitatis semina inserit. Tum demum alia ratio attexitur, versu 10. *Nam & vos hoc facitis erga cunctos fratres qui sunt in Macedonia*: tanquam hoc sit certissimum indicium quod à Deo didicerint, cum quod didicerint fecerint. Adeo, inquit, ipso effectu & operibus Charitatis ostenditis quod hoc ipsum didicistis; quocirca non est necessarium ut scribam vobis. Et tamen addit, *Rogamus vos, fratres, ut abundetis magis*: ut quod prius non necessarium dixerat, nunc vel maxime necessarium esse indicaret. Idcirco respondeant tandem, an ad hoc uncti & obsequari erant à Spiritu Sancto, ut Legis mandatis valedicerent? an ad hoc edocti à Deo erant, ut quæcunque alia documenta spernerent? an uspiam Deus hoc docuit, ut Legem ipsius despicerent? an possunt esse *θεοδιδάκτοι*, qui sunt *θεομαρτυροί*? Videtis quàm sollicitè perdeliram hanc sententiam eodem capite S. Joannes contundat, dum Dei doctrinam cum præceptorum doctrina copulat, c. 2. vers. 3. *Per hoc scimus quod cognovimus eum, si mandata ipsius observamus*; & vers. 4. *Qui dicit se nosse eum, & mandata ejus non servat, mendax est*; & vers. 7. *Non novam doctrinam scribo vobis, sed quam habuistis à principio*; & c. 3. vers. 24. *Qui servat præcepta ejus, in eo habitat, & ipse in eo*; & per hoc novimus quod habitat in nobis, nempe ex Spiritu quem nobis dedit. Quid apertius? Ex hoc novimus nos Spiritum accepisse, si præcepta ejus custodiamus. Similiter & S. Petrus eadem inter se conjungit, Ep. 1. c. 1. vers. 2. *Petrus Apostolus Jesu Christi, dilectis secundum præscientiam Dei Patris, ad sanctificationem Spiritus, per obedientiam*; hoc innuens, quod ubicunque est Sanctificatio Spiritus, ibi est erga mandatum Obedientia: nam hoc mandatum habemus à Spiritu Dei, quod & à Lege Dei, *ut qui diligit Deum, diligit & fratrem suum*, 1. Joan. 4. 21. Postremo & S. Paulus eadem inter se arctissimè connectit, Rom. 8. 6, 7. ubi Prudentiam Spiritus Legi Dei subiectam esse contendit, Prudentiam Carnis nequaquam. Ad Eph. 4. 23. ubi hortatur Ephesios ad renovationem Spiritus, *Renovamini spiritu mentis vestrae*; & tum sequitur, *Deponite mendacium, Irascimini, & ne peccetis, Qui furabatur, non furetur amplius*. Adhuc, 1. Thess. 5. 19. *Spiritum nolite extinguere, Prophetias nolite spernere*; ut ostenderet in contemptu Legis & Prophetarum apertissimam Spiritus Sancti abdicationem consistere. Et post hæc omnia susurriones Legis murmurant, per Spiritus Sancti regimen se Lege solutos; & quia Spiritus docet, à nemine docendos. Ain' verò, à nemine? Non si Propheta fuerit, non si Apostolus? A nemine? Non ipsa Lege, non ipso Evangelio? Ut quid igitur pugnat contra Legem solam? Quare non eadem facilitate rejicitis & Evangelium? Si propter affiatum Spiritus docentis, contra Doctorem & doctrinam om-

nium

nium voces aures obstruere oportet, quid opus est Evangelio, aut dispensatoribus ipsius, Ministris Dei? *Quid nos facimus, Fratres, quando populum instituimus? Si unctio ipsos doceat de omnibus, quare nos sine causa laboramus? Quid tantum clamamus? Dimittamus hos unctiōi, ut ipsos unctio doceat. Non modo mihi quæstionem facio, inquit Augustinus, sed ipsi Apostolo;* *dignetur audire parvulum quærentem à se, Unctionem habebant quibus tu loquebaris, sanctissime Apostole. Ut quid igitur talem Epistolam fecisti? Quid illos tu docebas? Quid instruebas? Quid adificabas?* In promptu est ratio, Non solum per se unctio docet, sed instrumentis utitur, Lege & Evangelio, nec non & vasis fictilibus, atque humani laboris organo. *Cathedram in celo habet qui corda docet;* at per documenta externa influere in animos non dignatur. Docet digito, docet verbo; Verbum enim est ministerium Spiritus: docet intrinsecus in cordibus, docet forinsecus ex Scripturis; & ex utraque libri pagina, ex Evangelio simul & ex Lege: adeoque unctiōi repugnat, quod tollat Legem, ut exponat, perficiat, & cordibus insculpat. Hæc de Propositione quarta.

*Tract. 3. in
1 Ep. Joan.*

Nunc video calcem, ad quam cum sit decursus, nihil præterea est adjiciendum: sed horæ calcem, non quæstionis. Nam temporis angustia non sinunt ut alteram pensæ partem absolverem, in qua Argumenta nostra ad Thematæ confirmationem producenda erant. Si in posterum me facturum dicerem, nimio plus audax essem, qui fugacis curriculi promitterem mihi tam diuturna spatia. Non polliceor igitur, neque despero tamen, fortassis ita, fortassis aliter, prout Deus decreverit. Interea vel hucusque profectum me non pœnitet, quod corium ipsorum argumentis detraxerim, atque enudaverim vobis velut carne spoliatos artus. Ut ex istis intelligere possitis, quàm sint Antinomi æquæ Prophetarum ac Moïsi, æquæ Prophetarum ac Apostolorum adversarii, dum & Prophetarum sermones evertunt, nec minus pervertunt dicta Apostolorum. Itaque *de illorum numero sunt, dicente Augustino, qui servos patrisfamilias lapidarunt, idque non ictibus saxeis, sed, quod durius, maledictionibus.* Judæis in hoc peiores: illi vel ipsa sepulchra Prophetarum ornabant; isti linguâ maledicâ ipsorum scripta lacerant, quibus defunctis honorem etiam ipsi Judæi deferebant. Tantum est ut verbis sapientissimi Concionatoris vos moneam; *Fili mi, nē ambulæ in via cum eis, & prohibe pedem tuum à semitis ipsorum: sepi aures tuas spinis & tribulis, & noli audire linguam nequam,* Proverb. 1. 15. & Ecclesiast. 28. 24.

*l. 2. cont. Adv.
Legi & Pro-
phet. c. 4.*

LECTIO XXII.

QUOD per *Nova* hæc & *Vetera*, Legis & Evangelii oracula denotentur, quòdque non minùs ad Legis quàm Evangelii studium eruditum Scribam hîc Christus relegaverit, & superius & sapius à me demonstratum est. Neque ausim ea aliùs aut à fonte repetere, nè videar actum agere, & supervacuis impendiis laborare. Veruntamen cùm istarum rerum recordatio ancipiti temporis custodiæ concredita sit, cùmque ad Memoriam se habeat temporis diuturnitas velut ad tabulam spongia, quæ detergere solet quicquid nobis in animo aut lectione fixum, aut meditatione signatum fuerit; idcirco necessarium fore video, ut (quod Canes venatici solent) ad pristina vestigia recurram, quò facilius pateat aditus ad ea quæ sequuntur enucleanda. Hoc ut consultiùs à me factum sentiat, recognoscite mecum quid illud sit quod de Hispaniæ populo, qui *Vettones* vocabantur, Strabo Geographus refert; Eos adeò rerum civilium & politionis exercitii ignaros fuisse, ut cùm Romanorum Centuriones quosdam in Castris ante tentoria sua deambulantes cernerent, non alios quàm mente captos existimarent; prorsum enim retrorsumque toties ac tam citò ire ac redire, certissimum aut stultitiæ aut dementiæ signum videbatur: cùm verò illud potiùs Prudentiæ indicium censendum erat, quia ad velocem cursum, & labores magnos exantlandos, sedato & molliori incessu corpus vegetatur. Quòd si inter vos *Vettones* aliquos latere suspicaret, aut temeritatis aut ignaviæ notam jure mihi metipsum metuërem, quem in castris Theologicis toties ante tentoria euntem, redeuntem, antrorsum, retrorsum spectatis. Sed non est quòd metum, quia satis jamdiu mihi cognita est solertia vestra. Disputationis leges nemo est vobis qui melius casset; quòd ad præsentia per præterita præparandus est animus; neque fieri potest ut sequentia addiscantur, si præcognita effluant. Agamus igitur, decursi itineris semitas repetamus, extructam priùs fabricam solvamus, quò sit uberior facultas reliqua quæ per hæc silentii spatia seposita sunt superstruendi. Superstruendi dixi, quòd architecturæ speciem præ se ferunt quæ ad hanc causam spectant, si junctim sumantur. Concordia Legis & Evangelii est Aedificium; *Nova & Vetera*, hujus ædificii Fundamentum; Columnæ ornatus, consensus Interpretum; Columnæ firmitudinis, loca Scripturæ Analogæ quæ interpretationem roborant; Epistylia, Theoremata quæ ex verbis sic intellectis assurgunt. Theoremata duo sunt; primum de Concordia Legis & Evangelii in iis quæ ad Disciplinam spectant, Quòd Ministrum Verbi decet, & Minarum Legalium & Evangelicarum Promissionum suppellectilem de thesauro suo proferre, ut per hanc *Novorum & Veterum* copulam Auditores suos & à vitiis revocet, & ad virtutes accendat. Theorema secundum est de Concordia Legis & Evangelii in iis quæ ad Doctrinam spectant, Quòd Verbi Ministro incumbit etiam & Legis & Gratiæ doctrinam explicare, & in omnibus quæ ad plenam utriusque intelligentiam requiruntur Auditores suos erudire.

Theorema primum adversus Peccatores militat: & ipsius Tria constituta sunt Capita; Rationes, Regulæ, Cautelæ.

Theorema secundum pugnat cum Hæreticis: cum Pontificiis, qui nos probis & contumeliis onerant, quasi hostes Legis & contemptores; cum Antinomis, qui Legis Moralis usu Christianis interdiciunt, & Obedientiæ jugum

jugum excutiant, ut se veros hostes Legis prodant, & tantum non proditores. Cum Pontificii pugna levior, quia causa nostra est; & aperta calumnia: intestina magis cum Antinomis, quia causa Christi est, & occulta blasphemia. Quatuor autem erant quæ in hujus putidi dogmatis refutatione discutienda proposui.

Prima pars Inquisitionis de Origine & Profapia tractabat, quibus Radicibus orti sunt Erroris hujus exitiosi sectatores, sive ab Aetianis, in quarto Seculo; sive à Manichæis, in fine tertii, sive à Tatianis & Valentinianis, in fine secundi, sive ab Apelle, qui ante Valentinum caput exseruit; sive à Marcione, magistro Apellis; sive à Cerdone, magistro Marcionis; sive à Simonianis, qui ipso Apostolorum ævo vixerunt; sive ab his, sive ab illis genus suum traxerint, non multum refert: Natales habent splendidos, & sanctissima Stemmata in quibus gloriuntur.

Secunda pars Inquisitionis in Progressu & Incremento indagando versata est, quibus Alis evecti, quibus Stimulis concitati sententiam pessimam amplexi sunt, amplexamque promoverunt. Nimirum, & Alâ Superbiæ, quâ seipsum solos Sanctos prædicant, cæteros ut 'carnales & impuros retugiant; & Alâ Pertinaciæ, quæ nihil mediocritatis novit, sed gaudet in extremis & præcipitiis versari: ut quia Pontificii in salutis negotio Legem simul ostendant & Christum, illi vitia in contraria currunt, & debitam Legi Morali obedientiam explodunt: & Alâ Licentiæ, quâ nihil dulcius sonat effrænatis animis. Exstinctâ Lucernâ Legis, quid non sunt in tenebris commissuri? Dempto Fræno Legis, quæ coercitio erit cervicis indomitæ? Cessante Disciplina Legis, quidni vivat quisque prout sibi placuerit?

Tertia pars Inquisitionis in Scripturæ locis ventilandis occupata est quibus in causam suam abutuntur, ex scriptis Propheticiis, Evangelicis, Apostolicis desumptis. Profus quasi gloriosum existimarent, Legem Patris ex ore Filii, & scripta Prophetarum Apostolorum testimonio enervare, cum tamen una sit veritas omnium, cùmque summæ audaciæ sit Legem sanctissimam interposito Salvatoris nomine evertere, & extremæ denique impudentiæ in scriptis Prophetarum reprehendere quod in Apostolis coguntur vel inviti comprobare. Et huc quidem usque æstivæ nos vigilie perduxerunt.

Nunc Ordinis ratio postulat, ut post depulsa tela quæ ad causam suam defendendam Adversarii Legis emiserunt, Argumenta nostra ad veritatis patrocinium proferantur. Nam hæc est Inquisitionis pars ultima, nullo modo prætereunda; nè sicut M. Cælium, melius objicientem crimina quam defendentem, M. Cicero saceto scommate perstrinxit, *Bonam dextram habere Cælium, & malam sinistram*, quòd gladii usum magis noverit quam clypei: itidem & mihi quis adesse dicat bonam sinistram, & malam dextram, si solo clypeo ad nos defendendos, & ad hostem feriendum gladio non uteremur. Quanquam quid ego loquor de meipso? Non meâ hoc potest opus dextrâ confici, nec gladio infirmitatis meæ; sed dextrâ Domini, & gladio Spiritûs. Dextra Domini excelsa est, faciens fortitudinem; gladius Spiritûs potens est, ut falsum à vero sejungat. Aggredior igitur Divinis auspiciis Argumenta defensionis nostræ, dextrâ Dei ducente, digito Spiritûs indicante, & super omnia prævalente gladio Christi, qui est Verbum Dei. Et quia in unoquoque gladio tres potissimum partes eminent, Acies Recta, Acies Transversa, & Cuspis, in qua Acies utræque conveniunt: idcirco & mihi in hac parte hæc Ordinis ratio est instituenda, ut ad tria Argumentorum Capita rem totam deducam. Caput primum à Testimonio Evangelii ducitur; hæc Gladii Acies Recta, Caput secundum à Natura Legis, re-

specu Aternitatis, respectu Perfectionis, hæc Acies Transversa. Tertium à Nexu & usu communi utriusque; hæc quasi Cuspis Gladii, in qua mutuis amplexibus & Lex & Evangelium conspirant.

A primo Capite ordiendum est, sive ab Acie Recta, à suffragio Evangelii. Equum enim est, ut Legis Adversarii ex principiis Evangelicis resellantur. Quoniam *quoquomodo Christianos se videri capiunt*, inquit Augustinus, & *ad Evangelium & ad Apostolos provocare non erubescunt*: etiam Scripturis ad Novum Testamentum pertinentibus resellendi sunt, ut ostendatur in reprehensione Legis inconsideratiùs eos quàm versutiùs insanire.

l. 1. Contra
Adversar. Legi
& Prophet.

Evangelii verò Suffragium duo in se continet; Testimonium Christi, & Testimonium Apostolorum. Quæ si cum prioribus jungantur, non minùs quàm sex Defensionis nostræ Gradus præbent, quibus ad summam ascendum est; Testimonium Christi, Testimonium Apostolorum, Aternitas Legis, Legis Perfectio, Usus Legis, & Nexus mutui utriusque.

Primus & præcipuus Gradus est à Testimonio Christi, estque Argumentum invictum. Quod Christus suâ autoritate stabilivit, & per omnia Christianitatis secula continuandum esse docuit, illud absque controversia pro autorato habendum est, semperque mansuro: Sed Præcepta Decalogi & Obedientiam Legi Morali debitam Christus sæpiusculè docuit, & suo suffragio confirmavit. Confirmavit multifariam, Facto, Signo, Verbo; Verbo Negativo, Verbo Affirmativo; hoc est, non uno modo, sed omnibus.

Primus Modus ab Exemplo Christi trahitur. Legem confirmavit Facto, quia ipsi præstitit obedientiam; Phil. 2. 8. *Humiliavit se, factus obediens usque ad mortem*. Exinde quid sequitur? Satis si hoc unum, quòd subjecerit se supplicio Legis. Concedimus; sed numquid mandato Legis? Imò verò mandato multò magis: nimirum quòd Activæ quàm Passivæ Obedientiæ vinculum strictius erat & obligatio sanctior. Activa primas tenet, Passiva in secundis consistit, & sequitur ex defectu primæ; Activa incumbit homini, Passiva peccatori: Obedientiam Activam necessariò debet, quia homo erat; Passivam quinquam voluntariè præstitit, at non necessariò debuit, quia peccator non erat. Quocirca Apostolus ait eum *factum sub Lege*, Gal. 4. 4. *Emisit Deus filium suum factum ex muliere, factum sub Lege*, i.e. Legi subjectum & obnoxium: ita, legi Ceremoniali: imò Morali. Joh. 8. 29. *Ego qua placita sunt Patri facio semper*. Matth. 3. 15. *Decet nos adimplere omnem justitiam*. Matth. 5. 17. *Non veni solvere Legem, sed adimplere*. Quid ista verborum varietate nervosius? Implevit placita Patris, placita Legis, placita Justitiæ. Et quorsum hæc omnia? Ut per suam Obedientiam nos justos faceret, Rom. 5. 19. hæc una Ratio. *ἡμεῖς δὲ ἀπαῖς αὐτοῦ καὶ τὸν ἔσθ' οὐκ ἐβόησας*, ut Basilus loquitur, Constit. Monast. & Apostolus ad stipulatur, 1 Pet. 2. 21. *Reliquit nobis exemplum, ut sequamur vestigia ipsius*. Quæ verò vestigia? Vestigia passionis? Imò vestigia Obedientiæ; sic enim sequitur vers. 22. *Ut sequamur vestigia ipsius, quia peccatum non fecit, nec inventus est dolus in ore ipsius; cum malediceretur non maledicebat*. Ergò ab Exemplo Christi firmissima sequitur argumentatio, non simpliciter, sed reduplicativè, non quidem per simplicem consequentiam, quasi nos ad omnem Obedientiam Legis quam Christus præstitit astringeremur: si sic argumentemur, nil impedit quò minùs apud Christianos Lex Ceremonialis vigorem & firmitatem habeat; non enim deest exemplum Christi, qui legi Circumcisionis & Paschatis & Primogenituræ obedientissimus erat: non igitur per simplicem consequentiam, sed per reduplica-

duplicationem antecedentis optima fit argumentatio, hoc modo. Si Christus Legi Obedientiam præstitit, & nos insuper ad ipsius hac in re imitationem excitavit, tum nos tenemur: Sed Christus utrumque fecit. Pro Ceremoniali parte Legis non fecit utrumque; obedientiam præstitit, sed exemplum non reliquit; Personalis erat Obedientia, non Exemplaris: At pro Morali parte utrumque fecit; & in persona propria Legi paruit, & præterea ad suæ Obedientiæ Exemplar nos passim revocavit. Matth. 11. *Discite à me, quia mitis sum*; proponit Exemplum suæ Mansuetudinis. Joh. 13. *Exemplum præbui vobis, ut prout ego feci, ita & vos faciatis*; Exemplum Humilitatis. Phil. 2. *Is affectuosus est in vobis, qui fuit & in Christo Jesu*; Exemplum Sympathias. 1 Pet. 1. *Sicut is qui vocavit vos est sanctus, estote & vos sancti in omni conversatione*; Exemplum Sanctitatis. Eph. 5. *Ambulate in dilectione, sicut Christus dilexit nos*; Exemplum Charitatis, quæ Summa est Legis. Adeo usquequaque omnes Obedientiæ partes nobis commendatas reliquit in suo Exemplo. Hic primus Modus; Confirmavit legem Facto.

Secundus Modus à miraculosa ipsius Transfiguratione trahitur, Legem confirmavit Signo. Matth. 17. 1. *Assumpsit Jesus Petrum & Jacobum & Joannem, & subduxit eos in montem excelsum, & transfiguratus est ante eos. Et ecce apparuerunt illis Moyses & Elias, cum colloquentes.* De Causis Transfigurationis non quæro quænam fuerint, neque de numero Discipulorum quos secum assumpserit, nedum de Immutationis modo, aut aliis Circumstantiis. Hæc minùs ad propositum spectant: at Assessorum qui astiterunt consideratio paulò est cum causa conjunctior; Cur ex omnibus Sanctis qui præcesserant, ad hæc solennia Comitia Mosen solum & Eliam Christus vocaverit. Erant alii non pauci quos Gloriæ suæ Assessores efficisse poterat. Poterat Abrahamum & Enochum, quorum alter *Pater fidelium* audit, alter non indignus habebatur Dei ipsius consortio. Poterat Davidem & Isaiam, quorum ille præ omnibus clarissimam Messiae promissionem accepit, hic præ omnibus clarissimam posteris transmisit. Poterat Abrahamum & Mosen, poterat Davidem & Eliam sibi ad honorificum hoc famulitium advocasse: & tamen præteritis omnibus, Mosen & Eliam accessit. An quia Moyses & Elias miraculis insigniores erant? Non quadrat; nam Eliæ Spiritus in Elizæum duplici mensurâ descendit. An quia alii putabant Christum Eliam, alii unum ex antiquis Prophetis, Mosen putâ antiquissimum? Neque hoc sufficit; etenim alii Joannem Baptistam resurrexisse dicebant. An denique ut se Dominum ostenderet vitæ & mortis, vivòsque simul & mortuos vocaturum ad Judicium, idcirco adhuc viventem Eliam, & Mosen mortuum testes excitavit? Et hæc ratio mutila; quia Enoch assumptus est & immortalitatis Candidatus factus non minùs quàm Elias. Igitur ex utriusque Officio ratio petenda est, ex Lege nimirum & Prophetis. Erat Moyses legislator insignis, Elias eximius Prophetarum, Non Abrahamum & Enochum sibi jungit; erant ambo ante Legem: non Davidem & Isaiam; erant ambo post Mosen: non Abrahamum & Mosen, nè Legi deesset Prophetia: non Eliam & Davidem; nè Lex deesset Prophetiæ: sed Mosen & Eliam; vel ut testimonium haberet ab utroque, & Lege & Prophetis, quia Christum Legis & Prophetarum scripta prædixerunt; vel ut se supra utrosque ostenderet, quia finis erat utriusque, non interficiens, sed perficiens; vel imprimis, ut testimonium daret utrisque, & suâ præsentia confirmaret; quia eadem doctrina Legis & Prophetarum quæ Christi, idcirco unâ simul colloquuntur Christus & Moyses, in eodem monte conveniunt Prophetæ & Apostoli. Nolo vobis, Auditores, temere obtrudere de monte illo Sancti Ephræm sententiam, qui montem Sina huic miraculo

destinatum existimat; ut quemadmodum Moysi in monte isto apparuit Dominus, Exod. 2. ita Apostolis etiam daret se aut eodem aut simili monte conspiciendum. Et huc quoque respexit Tertullianus, instatque & Legem & Evangelium audiri de monte, convenire in monte, sub eodem ambitu nubis: Et oportebat, inquit, in eo suggestu consignari Novum Testamentum in quo conscriptum erat Vetus. Hoc, inquam, non urgeo, non inculco. At illud non est prætereundum, in quo Patres omnes consentiunt, Præsentiam suam & Colloquium cum Moysi & Elia, Legis & Prophetarum doctrinam Christum cumulatè & de industria confirmasse. Ex hoc loco Tertullianus probat contra Marcionem, non Legem magis quam Prophetas abrogatam. *Atque hoc vel maximè erubescere debuisti*, inquit Tertull., quod Christum cum Moysi & Elia in secessu montis conspici pateris, quorum destructor advenerat. Ex hoc loco Hieronymus in Eph. 4. & in Matth. 17. non confirmationem modò Legis colligit, sed renovationem in melius; Moyses, inquit, & Elias, i. e. Lex & Propheta, videntur cum Christo antequam ascendit Christus in montem; Lex in sordibus, Propheta in squalore versantur: cum ille ad superiora conscenderit, tunc Moysi & Elia facies & vestimenta mutantur. Tu verò, Petre, erras, & nescis quid dicis, qui tria tabernacula quæris, cum unum sit tabernaculum Evangelii, in quo Lex & Propheta recapitulanda sunt. Ex hoc loco S. Ambrosius non modò impletionem Legis per Christum infert, sed mutuam Legis, Evangelii, & Prophetarum concordiam. Moyses & Elias cum Christo, hoc est, Lex & Propheta cum Verbo. Ergo & nos quotidie videmus Moysen & Eliam cum Christo: videmus enim Legem in Evangelio, cum legimus, Diliges Dominum Deum tuum; videmus Eliam cum Verbo, cum legimus, Ecce Virgo in utero concipiet: etiam & te docent de excessu ejus mysteria. Et hodie Moyses docet, & hodie Elias loquitur, & hodie in majore gloria Moysen videre possumus. Ex hoc loco Origenes, Hom. 6. in Levitic. Catechumenos ad probitatem vitæ hortatur. Et habentur eadem apud Cyrillum, in Levit. 8. Meditari, inquit, debes Legem Dei, ut si forte actus tui intemperati sint, & mores inconditi, Lex Dei te emendet & corrigat. Vñ videre quia Moyses semper cum Jesu est, hoc est, Lex cum Evangelio? Docet te Evangelium, quia cum transformatus esset in gloriam Jesus, etiam Moyses & Elias simul cum ipso apparuerunt in gloria, ut scias quia Lex & Propheta & Evangelia in unum semper conveniunt, & in una gloria permanent. Denique & Petrus cum vellet eis tria tabernacula facere, de imperitia notatur, quia nescivit quid diceret; Legi enim & Prophetis & Evangelio, non tria, sed unum est tabernaculum, scilicet Ecclesia Domini. Denique ex hoc loco Eusebius Emisenus (in Sabb. post primam Dominicam) ad studium Legis & Prophetarum nos excitat: Vident Apostoli Moysen & Eliam cum Christo loquentes; i. e. vident Legem & Prophetas ei testimonium dantes. * Nam in medio Moysi & Elia, i. e. in Lege & Prophetis, Christus cognoscitur & videtur. Lege libros Moysi, lege Prophetarum libros, ibi Christum invenies, ibi cum cognoscas; ibi enim transfiguratur, ibi suis fidelibus majestatis ejus gloria revelatur. Cur plura attexam in re tam perspicua? Quòd si tantorum virorum sententiæ ratio nulla habenda sit, res ipsa loquitur. Apparet Moyses in monte, venitque cum Christo in colloquutionem, & ore ad os loquitur, sicut prius in promulganda Lege locutus est: sed vicibus diversis: etenim in promulgatione Legis, Deus erat qui descendit de cælo, & à terra in montem ascendit Moyses; in Transfiguratione descendit de cælo Moyses, & è terra in montem ascendit Christus. Ibi apparuit coram Deo Moyses, & re confectâ disparuit Deus; hic verò apparuit in gloria Christus, & post visionem jam factam disparuit Moyses: apparuit ut Apostolis monstraret gloriam triumphantiam;

Tert. l. 4. Ad-
vers. Marcion.

ibid.

phantium; disparuit, quia non reducendus erat ad dolores militantium: apparuit, ut testimonium suum Christo daret; disparuit, ne testimonium Patris, *Hic est filius meus dilectus*, quisquam ad Moſen pertinere putaret. Poſtremo, ſi magis hæc placeat ad Legem referre, Diſparuit Moſes, ut intelligamus Moſaica tranſiſſe; Moſaica idem ſunt atque Legalia: ſicut prius apparuit, ut intelligamus ipſam Legem Chriſto ſanclari, & à Chriſto ſtabiliri. Non enim Lex Moralis numeranda eſt inter Moſaica, ſi ſtriſtè loquamur. Quæ digito Moſis ſcripta ſunt, purè ſunt Moſaica. Lex Moralis digito Dei exarata eſt, & Moralis ſola, quia ſola duratura. At ad hoc demonſtrandum, Moſes non ſolus, ſed cum Elia, in ſocietatem gloriæ Chriſti eſt aſſumptus. Tantum abeſt ut ex Lege Morali laxari aliquid velit, ut etiam tranſfiguratus, Moſe & Elia aſſumptis aſſectis, Legem coram Apoſtoliſ firmavit; *ut monſtraretur*, inquit Theophylaſtus in Marc. 9. & Luc. 9. *ὅτι οὐκ ἔστιν ὁμοῖόν τι τῶν νόμων καὶ τοῖς προφήταις*: neque enim Moſes & Elias ſe ipſi aſſociarent, ſi Legem & Prophetas ſolviſſet; ſed *habemus*, inquit Damascenus, *Moſen & Eliam adſtantes, ut hæreticorum ora obſtruerentur, utque doceamur, ὅτι καὶ παλαιὸς καὶ κατὰ τὴν ἁγίαν πνεῦμα νόμος ἐστίν*. Eodem modo recentiores Commentatores, tam noſtri quàm Pontificii, ſi non omnes, at plerique tamen, ad hoc poſiſſimum fidei Orthodoxæ Conſectarium præſentiam Moſis & Eliæ cum Chriſto referunt: Quòd quia Moſes erat Docteur Legis, & Elias Coryphæus Prophetarum, & Chriſtus perfectio utriuſque; exinde calumniatores veritatis intelligerent, pulcherrimum eſſe conſenſum Legis & Prophetarum cum Evangelio. Quia adſtabat Moſes, nolebat abolere Legem; quia aderat Elias, Prophetarum oracula approbabat. Sic confirmabat Legem hoc cœleſti Signo. Atque hic ſecundus Modus eſt confirmandi; cui tamen liceat mihi illud Auguſtini coroniſidis loco adſicere, quod habetur Orat. de 5 Hærefibus, c. 7. *Qui fuerunt Moſes & Elias, niſi Lex & Propheta? Loquebantur cum illo, quia locuti erant de illo; oſtendebant quæ prædixerant, manifeſtabant quem prophetaverant. Loquebantur: quid putas loquebantur? Ut Judei convincerentur, Pagani converterentur, Manichæi confunderentur, Hæretici comprimerentur, Catholici confirmarentur. Hæc de ſecundo Modo ſufficiant: quod genus Argumenti ſi non inter Neceſſaria numerandum, at eſt ſupra illa quæ vocantur Probabilia.*

Tertium, quod ſequitur, eſt inter ſummè Neceſſaria. Tertius autem Modus à Verbis Chriſti deducitur, quibus nihil clarius exſiſtit, ſi modò ea in ſaſciculum colligamus quæ ſparſim in Historia Evangelica habemus. Non enim ſemel aut bis id factum eſt, ſed quaſi aſſiduo ſermonis curriculo. Confirmavit Verbo Negativo, Matth. 5. 17. *Nè exiſtimetis quòd venerim ſolvere Legem & Prophetas, non veni ſolvere, ſed adimplere*. Confirmavit Verbo Affirmativo, verbo Mandatorio, Matth. 19. 17. *Si vis ad vitam ingredi, ſerva mandata. Dicit ei, Quæ? Jeſus autem dixit, Non occides, Non mæchaberis, Non furaberis, &c.* Verbo Minatorio, Mat. 5. 19. *Quicumque ſolverit unum de mandatis iſtis minimis, & ſic homines docuerit, minimus vocabitur in regno calorum.* Verbo Promiſſorio, Jo. 14. 15. *Si diligitis me, mandata mea ſervate; ego autem rogabo Patrem, &c.* Jo. 15. 10. *Si præcepta mea ſervaveritis, manebitis in charitate mea; ſicut ego Patris mei mandata ſervavi, & maneo in charitate ejus.* Ordinatum hæc vobis propono, quia locus loco ſuffragatur. In primo de ſeipſo teſtatur, Mat. 5. 17. *Non veni ſolvere*: nè quis autem arbitretur licere aliis quod Chriſtus ſibi proſitetur non licuiſſe, ſequitur verſ. 19. *Quicumque ſolverit unum de mandatis iſtis minimis, minimus vocabitur in regno*; hoc eſt, *ἐν τῇ ἀνατολῇ τοῦ ἡλίου*, inquit Theophylaſtus, ultimus in regno, non nominandus in regno, i. e. nullus, quia temerariè

rariè

rarie solvit quod Christus sancivit. Revolvamus denuo loca singula; nam singula singulis subserviunt & suppetias ferunt. Primus locus est Matth. 5. *Non veni, inquit Christus, solvere Legem, sed adimplere; Nè existimetis quòd venerim: quasi dixisset, Cavete nè talis subeat animos vestros cogitatio; est enim non inepta modò, sed impia, Nè existimetis: quòd si adhuc quis persistat, dico vobis iterum, Non veni solvere, sed adimplere.* Agnoscimus, Domine, non venisti solvere transgrediendo, sed venisti solvere evacuando: venisti enim adimplere, h. e. finem ipsi imponere. Verùm tu quis es qui adversum responsas Deo, ut audeas contra sententiam Christi explicare verba Christi; nimirum adimplere est finem imponere? Nova est hæc nomenclaturæ ratio, ut implere sit destruere; implere, evacuare, tollere. Igitur adimplere idem est ac solvere: at Christus contradistinguit, *veni adimplere, non veni solvere.* Quid ἡ ἀπὸ τοῦ Θεοῦ significet, docet nos Matth. 3. *Sic decet nos implere omnem justitiam.* Obsecro, num implere justitiam est abdicare? An adimpletur abolendo? At verò quod ibi dicitur impletio justitia, hîc vocatur impletio Legis. Quid sit τὸ κατὰ Θεόν ipse etiam docet, Joan. 7. 23. *Si Circumcisionem accipit homo in Sabbato, ut non solvatur Lex Moïsis.* Quid est, ut non solvatur, nisi ut custodiatur, ut impleatur? Sunt enim hæc duo verba pugnancia, *solvere & implere.* Solvit, qui vetat facere: *Implet,* qui & ipse facit, & ut fiat imperat. Et observandum est, inquit Chrysostomus, *quòd non contentus dixisse, Non solvo, quòd vel solum cerè sufficeret, addit, Impleo, & utrosque impleo, Legem & Prophetas:* Prophetas quidem uno modo, quia quæ de ipso verbis dixerant, ille operibus firmavit; Legem verò non uno tantum, sed altero & tertio implevit modo. Uno quidem, quia nihil ex legitimis ipse transgressus est; *implevit, ὅτι ἐμνήσθη,* inquit Theophylactus, i. e. *implevit faciendo.* Sic ipse verbum interpretatur, versu sequenti, *Donec transeat cælum ac terra, nequaquam unus apex præteribit, donec omnia facta fuerint.* Alio modo implevit Legem, quia explicavit & clariorem reddidit. Quæcunque enim illa adumbravit, Christus perfectè depinxit. Tertio modo implevit Legem, quia per nos quoque id ipsum facit, quod ipse fecit, idem illud nos quoque facere & iussit, & donavit. Quid ultra exposcimus? *Solum hoc verbum,* inquit Chrysostomus, οὐκ ἴδιόν ἐστιν τοῖς Ἰουδαίοις ἀλλὰ καὶ τοῖς ἀπὸ τοῦ Θεοῦ ἀποστασάντων τῷ νόμῳ, *non Judeorum solum, sed Hæreticorum valet ora franare.*

Sed urgebunt fortasse adhuc; Agnoscimus quòd Legem non solvit, sed adimplevit: verùm eo modo quo adimplevit, eodem non solvit: adimplevit nobis; ergò & non solvit, non sibi, sed nobis: nam obedientiam Legi præstitit, ut nos ab obedientia liberos & solutos exhiberet. Ain verò? Num ipse justitia nostra factus est, ut nos justitiæ opera rejiciamus, an magis ut studeamus? *Non vocavit nos,* inquit Apostolus, *ad impuritatem, sed ad sanctificationem,* 1 Theff. 4. 7. Audiamus igitur quomodo ex secundo loco responsum habeatur, Matth. 19. 17. *Si vis ad vitam ingredi, serva mandata; Vide sis,* inquit Theophyl. ὅτι τὸ νόμον ἐκτελέσας, *ad Legis mandata adolescentem mittit, nè Judæi dicant quòd Legem contemneret.* Similiter & Juris peritum, Luc. 10. 26. *In Lege quid scriptum est? Quomodo legis? ὅτι τὸ νόμον αὐτὸν ἀκούεις,* Theoph. iterum, *Ad Legem statim suâ quasi manu ducit.* Similiter & in Parabola divitem Epulonem hucrelegat, Luc. 16. 29. *Habent Moïsen & Prophetas, audiant illos.* Ex hoc loco evidentissimè declarat Dominus, inquit Ambrosius, *Vetus Testamentum esse fidei firmitatem, retundens perfidiam Judæorum, & excludens nequitias hæreticorum.* An verò hæc omnia responsa, quæ tam constanter, quærentibus reddidit Christus, solventis Legem verba putanda sunt? Imò curantis ut maneat & custodiatur. *Serva*

mandata,

mandata, Ito ad Legem, Habent Moſen & Prophetas. Eſto; ſed hæc ad Judæos ſingula ſunt dicta, & ad Legiſperitos, quos, quia ſub Lege erant, ex Lege Chriſtus refutare vellet. Siccine? Attendant Chryſoſtomo, l. 3. Adverſ. vituperatores vitæ Monastiæ, to. 4. *Habent Moſen & Prophetas, etiam & nos habemus*; τοὺς δὲ νόμους ἐκείνους ἐκπνέειν ἐκ τῆς τοῦ θεοῦ χάριτος ἐκπνέειν, quæ ad illius temporis viros dicta ſunt, ad nos quoque ſimiliter dici manifeſtum. Audiamus igitur quomodo ex tertio loco eliciatur reſponſio. Joan. 14. 15. *Si diligitis me, mandata mea ſervate*; & c. 15. 10. *Si præcepta mea ſervaveritis, manebitis in charitate mea: ſicut ego Patris mei mandata ſervavi, & maneo in charitate ipſius*. An & hæc dicturi ſunt ad Judæos ſolos pertinere? Imò ad Diſcipulos, ergò ad Chriſtianos; *Si vos diligitis me, Si vos præcepta mea ſervatis*: & verſ. 14. *Vos amici mei eſſis, ſi feceritis quæ ego præcipio vobis*. Ecce, quod ſuprà dixit, *ſi ſervaveritis*, hic, *ſi feceritis*: quid enim eſt ſervare, niſi ſtudere & conari ut ea facias? *Iſ ſervat*, inquit Auguſt. in Joan. tract. 75. *qui habet in memoria, & ſervat in vita; qui habet in ſermonibus, & ſervat in moribus*; qui habet audiendo, & ſervat faciendo; aut qui habet faciendo, & ſervat perfeverando. Ipſe eſt amicus meus, ipſe eſt Diſcipulus meus, ipſe eſt qui diligit me, Ecce quod ſignum, qui character hominis Chriſtiani; mandata Chriſti ſervare. Ἰδοὺ ἐστὶν Χριſτιανός, inquit Baſil. Hex. 10. Eſt proprium quarto modo Chriſtiani, proprium indicium, proprium argumentum; proprium indicium ſequentis, quia proprium indicium diligentis. ἡ τήνους ἀποδείξις τοῦ ἀγαπᾶν τὸ μὴ τηρεῖν, ἡ ἐργάζεσθαι τὸ μὴ ἀγαπᾶν, Custodia mandatorum eſt argumentum diligentis; non custodire, eſt demonſtratio non diligentis Chriſtum, inquit rurfus Baſil. *Dicit enim Chriſtus, Si diligitis me, mandata mea ſervate. Potuinit ſuccinctiſſis quinam Ipſum diligunt & non diligunt definire? Non potuit*, inquit Cyrill. in Joan. lib. 10. c. 5. Nam ſi ſervare mandata ſit diligere, nō ſervare eſt odiſſe; ſi custodire ea eſt ſignum diligendi, ſignum non diligendi eſt contemnere; ſi in ſervantibus Ipſe cum Patre habitat, à non ſervantibus avolat: ſequitur enim ut ſi ſervare ea virtus eſt, non ſervare improbitas eſt.

Baſil. Mor.
reg. 3. c. 2.

Verum eſt, inquiunt, mandata Chriſti ſervare tenemur, & eſt argumentum diligentis, ſed non ſimiliter mandata Legis. Rogo igitur, an alia ſunt mandata Legis Moralis, alia mandata Chriſti? Chriſtus ipſe nos doceat. Quæ Legis mandata ſunt docet Matth. 22. 36. *Diliget Dominum Deum tuum ex toto corde tuo; hoc primum eſt & magnum præceptum. Secundum autem eſt ſimile huic, Diliges proximum tuum ſicut teipſum*. Quæ ſunt Chriſti mandata & ipſe etiam docet, Joan. 13. 34. *Mandatum novum do vobis, ut diligatis invicem*: Joan. 15. 12. *Hoc eſt præceptum meum, ut diligatis invicem*. Quàm bene conveniunt? *Diligite Deum & proximum*, dicit I. ex. *Diligite invicem*, dicit Chriſtus. Dilectionis Dei nulla mentio, ſed ad dilectionem proximi præſupponitur: nam cùm duo ſint præcepta Charitatis, Scriptura plerumq; pro utroque unum ponit; quia ex eadem Charitate & Deus & Proximus diligitur, ut Auguſtinus optime, l. 8. De Trin. c. 8. Jungamus igitur iſta. Diligere Deum & proximum eſt mandatum Legis; diligere Deum & proximum eſt mandatum Chriſti: Quod diſcrimen? Ab iſtis duobus tota Lex & Prophetæ pendent; ab iſtis totum Evangelium pendet: Quod diſcrimen? Et audet quis dicere, Ad mandata Chriſti tenemur, ad mandata Decalogi non tenemur?

Audiant igitur poſtremo, quæ reſponſio ex quarto loco ſequatur, Matth. 5. 19. *Quicunque ſolverit unum de mandatis iſtis minimis, & ſic doceris homines, minimus vocabitur in regno celorum*. Perpendamus ſingula verba: *Qui ſolverit*, inquit; non ſimpliciter, *Qui tranſgreſſus fuerit*, ſed *qui ſolverit*.

rit. *Solvere Legem*, usitatâ Græcis phrasi, non tantum privatam Legis violationem significat, sed præcipue publicam abrogationem; quâ obligatio tollitur. Dein, *qui solverit Unum*, non modò universa; non *qui omnia*, sed *qui unum* ex omnibus; quia & omnia & singula eodem erant Divino digito conscripta. Adhuc, *unum ex mandatis Hisce*; non, sicut isti detorquent, *unum ex Meis*, sed *unum ex istis*; nam ista mea sunt. *Unum ex istis*, sive secundum, quod Pontificii faciunt; sive quartum, quod homines sacrilegi expungunt. Præterea, *unum ex istis minimis*; non unum maximum tantum, sed vel *minimum* quidem, sive sit, *Non furaberis*, sive, *Non concupisces*. Postremò addicitur, *& ita docuerit homines*; i. e. qui & ipse solverit, & sententiam suam malefanam de solvendo posteritati propagaverit, *is erit minimus in regno*; i. e. non inter amicos meos, non inter discipulos, non inter me diligentes recensetur. Videant nunc Adversarii Legis ad quos Triarios rem suam adduxeriat. Expendant ista, & si quis color superfit, respondeant. Dicant si non hæc ipsis aptissime quadrant. Non enim solvunt modò Legem Moralem, & præcepta Decalogi, sed solvendam docent; neque unum aliquod è minimis mandatis, sed maxima & omnia spongiæ subducunt: & post hæc se audeant Christi discipulos, & dilectissimos, & in regno maximos, gloriari. Liceat igitur mihi ad eos verbis Tertulliani atque Ambrosii, huic parti maximè congruis, compellere. Tertullianus, in Præscriptione, cum fidei adversariis hoc modo contendit; *Antichristiani sunt qui potestatem minuunt Christianarum literarum; vos verò qui estis? quando & unde venistis? Quid in meo agitis, non mei? Quo jure sylvam meam caditis? Quâ potestate limites meos commovetis?* S. verò Ambrosius, Ser. 13. in Psal. 119. non querendo, ut Tertullianus, sed definiendo, eos ex verbis Christi brevi Epiphonemate perstringit; *Si quis Deum diligit, Legem ejus diligit; sicut Maria diligens filium, omnia verba ejus in corde suo materno conferebat affectu. Et S. David non solum Dominum, sed mandata ejus se diligere denuntiat; Quomodo dilexi mandata tua, Domine? Non potest Marcionista dicere, Quomodo dilexi mandata tua? qui Legem non suscipit. Addo, non possunt Antinomi dicere, Quomodo dileximus Legem tuam? Imò ne hoc quidem, Quomodo dilexi te, Domine? quia dilectionis modum Christus à custodia Legis petendum docet, & isti rejiciunt. Christus se Legem non solvere protestatus est: isti destruunt. Christus ad Cynosuram Legis revocat: isti abominantur. Ergò non possunt dñere se diligere Christum, cum sit iis color per omnia Christo contrarius. Explodunt enim & destruunt & eliminandam Legem Moralem clamitant, cum Christus eam dignatus est Concione primâ & coelitus explicare, & insuper ampliare, non quantum ad substantiam, sed quantum ad intelligentiam. Hic primus Argumentorum Gradus, à Christi omnium maximo Testimonio, qui Legem undiquaque confirmavit, Facto, Signo, Verbo; Verbo Negativo, Affirmativo, Hortatorio, Promissorio.*

Secundus Gradus à Testimonio Apostolorum erigendus est. Sed religio est ultra Christum primo die iter conficere.

LECTIO XXIII.

Quam sit apertum & efficax Testimonium Christi ad extorquendum & usum & vigorem & excellentiam Legis Moralís e manibus Antinomorum, die præsentia nostræ eodem & primo & novissimo quâ fieri potuit brevitate accepistis. Atque convenistis denuo, Apostolorum in hac re Testimonium accepturi. Erit autem à Christo ad Apostolos non solum recta, sed facilis & immediata progrediendi ratio. Quid enim Soli proximius in Cœlo quàm Stellæ, aut Fundamento in Ædificiis quàm Columnæ, aut Judici supremo in Tribunalibus quàm Assessores? Atque hæc singula dignitatis discrimina Christo & Apostolis convenire passim Scripturæ demonstrant. Quòd Christus sit Sol Justitiæ, Stellæ Apostoli, ex Apoc. 12, patet; *Signum magnum apparuit in cælo, mulier amicta Sole, & in capite ejus Corona duodecim stellarum*; hoc est, inquit Primasius, *Ecclesia induta Christo, & duodenario Apostolorum numero decorata*. Quòd Christus sit Judex summus, Assessores Apostoli, ex Mat. 19, non minùs est manifestum; *Cum sederit Filius hominis in throno gloria sue, sedebitis & vos super thronos duodecim, judicantes duodecim tribus Israel*. Hinc discimus, inquit Augustinus, *cum suis discipulis judicaturum Jesum*. Denique, Quòd Christus sit Fundamentum, Apostoli Columnæ, ex 1 Cor. 3, 11. & Gal. 2, 9, non elicitur solum, sed asseritur; *Fundamentum aliud nemo potest ponere præter Jesum Christum*; Christus est Fundamentum: & *Quum cognovissent Jacobus, Cephas & Joannes, qui videbantur esse Columnæ; Apostoli sunt Columnæ*. Non enim dicit *videbantur* esse Columnæ; *erant & videbantur*, & *örtes & doxüste*, inquit Oecumenius. Quocirca cum Apostolorum ad Christum tanta sit cognationis propinquitas, quid magis Ordinis legibus congruit, quàm ut post Magistri suffragium maximum, ad Discipulorum jam tandem suffragia properemus, qui ejusdem Spiritus mensurâ imbuti sunt, cujus ipse per omnia habuit plenitudinem? Equidem ante sententiam Christi cognitam fieri id non oportebat; nè in scrutinio veritatis præcederent, qui in prædicatione veritatis vocati sunt ut sequerentur: at verò post Christum inprimis oportet, nè quis Soli Stellas, Fundamento Columnas, Judici Assessores suos deesse existimet. Quòd si in personis suis secuti sunt Dominum in terris, velut Discipuli, videamus quomodo sequuntur ipsum eundem Majestatis Dominum in scriptis suis, velut Apostoli, ut sic utrinque Legis Divinæ vis validirásque elucescat, & Solis plenioribus radiis, & Stellarum scintillis illustrata. Æquissimum enim est, ut quos in universali Judicio, cum Salutis causâ agenda est, Christus sibi associare dignetur, eos nos miselli multò magis ad hoc particulare Judicium, ubi Veritatis causâ agitur, ultro citroque advocemus.

Ad hanc igitur defensionis partem nos accingamus. Et quia Legem Moralem, ut mulierem Apocalypticam, Sole, id est Christo, superius amictam conspexistis: eandem nunc Stellarum, id est Apostolorum, Coronâ exornatam faciam ut ineueamini. Duodecim Stellarum ordines non possum promittere; neque enim tot reperiuntur qui scriptis suis Ecclesiæ hunc quem cernimus orbem illuminarunt: at ausim vobis quatuor polliceri, eosque primæ magnitudinis, S. Petrum, S. Paulum, S. Jacobum, S. Joannem. Süntque isti universi qui, præter Evangelistas, solo sancto Juda excepto, mysteria fidei calamis exararunt.

Prima Testimoniorum Classis ex Epistola S. Jacobi desumitur. Jacobus erat in cujus sententiam generalis facta est discessio, quando primum omnium Concilium Hierosolymitanum habebatur. Ergo & in hoc Senatu chorum ducat; neque enim sunt parvi æstimanda, quæ tam fusè S. Jacobus de Lege disputat, tum de observanda, tum de non observanda: quæ quia se mutuò suffulciunt, catenatim proponam.

Primus occurrit locus, c. 4. vers. 11. ubi de statu eorum agitur qui à Lege Morali deflectunt; *Nè alii adversus alios loquamini: Qui loquitur contra fratrem, quique damnat fratrem suum, loquitur contra Legem, & damnat Legem. Quod si damnas Legem, non es observator Legis, sed iudex.* Si expendamus singulorum verborum apices, summa exhortationis huc redit; ut à detractionis malo cavere velint, idque tribus de Causis: non modò quia fit Injuria proximo, & Injuria Legislatori Christo; sed quia fit Injuria ipsi Legi. *Qui loquitur contra fratrem, & damnat fratrem, loquitur contra Legem, & damnat Legem.* Quid hoc est, damnat Legem? Occumenius docet, *ἐπί τῆς ἀντιθέσεως καὶ κατασκευῆς, damnat, hoc est, condemnat & despiciit.* Quam autem Legem condemnat doceat nos denuò Occumenius. *Primum quidem, inquit, Legem condemnat Evangelicam, eam sc. quæ præcipit, Nè judicetis, ut non judicemini.* Præterea Legem condemnat Propheticam, eam sc. quæ in Psalmis est, *Detrahentem clam proximo suo, hunc succidam,* Psal. 101. 5. Denique & Legem condemnat Moralem, scilicet eam quæ est in libro Moisaicò, inquit Aquinas, *Non eris criminator neque susurro in populo, Lev. 19.* Et quid exinde sequitur? Quid aliud, nisi ut qui damnat Legem, ipse damnetur? c. 2. vers. 9. *Quod si peccatum operamini, redarguimini à Lege velut transgressores.* Nè quis leve crimen existimet, Legem aut violare aut damnare, aut contra Legem obloqui, quod Antinomorum turba buccis inflatis faucibusque impurissimis faciunt, ad Legis Tribunal sistit eos Apostolus: non enim dicit, *Qui contra fratrem loquitur, loquitur contra Evangelium, & damnat Evangelium;* sed *damnat Legem, & loquitur contra Legem, & contra Legem peccat.* Neque capite secundo sic argumentatur, *Si peccatum operamini, redarguimini ab Evangelio, sed redarguimini à Lege.* Ad quid hæc omnia? An fieri potest ut qui hæc dicit Legem Moralem abrogatam putaret? Imò verò non video quid suprà ad eam stabiendam adducere poterat. Nam & Legis præceptum urget, & Legis honorem vindicat, & Legis judicium minatur; ostenditque vel ea præcipuè de causa peccatum esse vitandum, quòd Legis sit transgressio. Sed habent fortasse quod respondeant, Quòd licet Legis transgressio in Evangelio prohibeatur, at impletio ejus non præcipitur. Siccine?

Consulamus igitur locum secundum. Habetur c. 1. v. 22. *Estote factores verbi, inquit Jacobus, non auditores tantum.* Ità quidem, non abnuimus; *factores verbi, sed non dicit factores Legis.* O inexpectatum responsum! Equis alius est qui novit tam subtiliter inter *factores verbi* & *factores Legis* distinguere? Quasi non idem sonarent *Lex Domini* & *Verbum Domini.* At verò quos S. Jacobus *factores verbi* & *auditores verbi* appellat, eos S. Paulus *factores Legis* vocat & *auditores Legis*, Rom. 2. 13. *Non auditores Legis justì sunt apud Deum, sed factores Legis justificantur.* Atque si Paulus tacuisset, sic se ipse Jacobus explicat verbis sequentibus.

Consulamus igitur locum tertium. Habetur c. 1. v. 25. *Qui introspexerit in perfectam illam Legem libertatis, & permanserit in ea, is quum non sit auditor oblivisus, sed factor operis, beatus erit in opere suo.* In hoc Apostoli loco quatuor sunt animadversione nostrà dignissima,

Observatio

Observatio prima est, Quòd Legem Apostolus honorificis exornat Epithetis. Etenim & *Legem Libertatis* appellat, & *Legem perfectam*, *Legem Libertatis*, tum quòd liberum hominem deceat, tum quòd liberum hominem reddat. In *custodiendis illis merces multa*, Psal. 19. *Legem Perfectam*, quia viam ad perfectionem indicat, & scientibus ut proficiant, & nescientibus ut sciant; *ἡ τὴν μακάριον, ἡ τὴν ἀγνοῖαν χρεῖν*, inquit Chrysost. *sive quid discere oportet, sive ignorare*.

Observatio secunda, Quòd Lex hæc perfecta est introspicienda, quia est, inquit Apostolus, *ὡς ἐν ὁρῶντι, velut speculum*, ver. 23. Speculum absque dubio purissimum, in quo imagines animarum apparent: hoc est, *ὡς ἐν ὁρῶντι*, ut Oecumenius; *κατὰ τὸν καθ' ἑαυτὸν*, ut Pelusiotæ: *Speculum intelligibile & spirituale*, in quo virtutis & exempla & regulæ continentur; in quo Deus ipse, in quo Animæ facies, in quo subtilis color & oculo corporeo impervia lineamenta pietatis proponuntur conspicienda. Oportet igitur introspicere, atque studio ipsius invigilare. Ut quemadmodum Demosthenes oratorios gestus ex speculo didicit; & quemadmodum scemina ornare se solent, habitumque componere, speculis ancillantibus: si quid desit, quærunt ad speculum; si quid superfluat, depouunt ad speculum; si quid incomptum sit, corrigunt ad speculum: ita Christianum hominem decet & ora, & oculos, & manus, & affectus, & animam, & totum hominem ad Legis Divinæ speculum formare ac instituire. Hoc enim est *Introspicere*.

Pelus. Ep. 135.

Observatio tertia est, Quòd non modò introspicienda Lex est, sed custodienda: *Qui introspexerit, & permanserit in ea*, inquit Apostolus. Non enim huic tantum muneri subservit, ut sciamus quid Judæi fecerint, aut quid nos facere debeamus: sed ut revera faciamus; ut animæ vultum vitæque habitum juxta rectissimos radios mandatorum Dei ordinemus. *Qui introspexerit*, inquit, *& permanserit in ea*.

Observatio quarta est, Quòd quem prius auditorem & factorem Verbi Jacobus dixit, ver. 22, nunc auditorem & factorem Legis nominat, vers. 25. nè sub Legis & Verbi distinctione vafrities hæretica inveniret latibulum. *Beatus*, inquit, *erit in opere suo, qui non est auditor, sed factor*. Cujus? Verbi Divini: Imò, *Legis perfecta Libertatis*.

Ita quidem, facile assentimur quòd ad *Legis libertatis* obedientiam tenemur: at verò Lex Moralis non est hæc *Lex libertatis*. *Lex libertatis* est Lex Christi, *Lex libertatis* est Lex Spiritus, de qua Apostolus, Rom. 8, 2. *Lex Spiritus vita in Christo Jesu liberavit me à lege peccati & mortis*: at Lex Moralis non est lex Spiritus vitæ, sed ministerium mortis; non *Lex libertatis*, sed jugum servitutis. Sic Patres interpretantur, & S. Augustinus, Epist. ad Hieronymum, qui *Legem Charitatis Legem libertatis* esse dicit; & S. Ambrosius, qui *Legem spiritus Legem fidei* vocat; & Marci Eremita, lib. de Bap. *αἱ ἐντολαὶ τοῦ Χριστοῦ μὴ ὁ βασιλικὸς δόγματις νόμος, ἀλλὰ δέσποια ἐστὶν*, mandata Christi post Baptismum data *Legem constituent libertatis*. Agnosco ea esse verba Ambrosii, & Augustini, & M. Eremitæ: sed non sic eluditur locus Apostoli. Nam primò, Si Lex Christi sit *Lex libertatis*; Lex Moralis non excluditur, quia eam Christus suo confirmavit Testimonio. Deinde, si *Lex Charitatis sit Lex libertatis*, Lex Moralis non removetur, quia Charitas est abbreviatio Legis & Prophetarum. Postremò, quòd S. Ambrosius *Legem fidei Legem Spiritus* appellat, non minùs Legi Obedientiæ, & Pœnitentiæ, & Mansuetudinis quadrabit; quia hæc omnia dona operatur unus idemque Spiritus. Revera, si ipsam Legem Moralem extra fidem, & extra Christum, oculo purè Legali intueamur,

mur, peccatores cum simus, servitutis & mortis & maledictionis vestigia in ea videmus. At verò si oculus Evangelicus (ut oportet) nos ducat, facile apparebit Legem Moralem simul cum Evangelii præceptis, quæ eadem sunt, unam & eandem constituere *Legem perfectam libertatis*. Hoc modo nos S. Jacobus hortatur, ut in eam introspeciamus, nimirum Evangelico oculo, & tum quidem si Evangelico oculo introspecta fuerit, ostendit nobis & libertatis & beatitudinis non modò vestigia, sed præmia, Quicumque est auditor & factor ipsius, inquit Apostolus, fidem demonstrans charitatis operibus, beatus erit in opere suo. Non mea est, sed ipsius Apostoli, interpretatio capite sequenti.

Consulamur igitur locum quartum, qui occurrit cap. 2. vers. 8, *Si Legem Regiam præstatis secundum Scripturam, Diliges proximum tuum sicut teipsum; bene facitis*. Si hoc sit paulò generalius, additur versu 11, *Qui dixit, Non machaberis, dixit etiam, Non occides*. Denique, et ne hoc non sufficeret, versu 12. *Ità loquamini, & ità faciatis, ut per legem libertatis judicandi*.

Tria igitur sunt Corollaria quæ hic verborum ambitus in se complectitur. Corollarium primum, Una eademque Lex utrobique intelligitur, & cap. 2. cum vocatur *Lex Regia*, & cap. 1. cum dicitur *Lex perfecta libertatis*. Quemadmodum eadem Via & regia dicitur, quia Edicto Principis communis & publica facta est, patens universis; & perfecta, quia plana est sine præceptis; & libera, quia recta & spatiosa, sine obliquis diverticulis & anfractibus: sic eadem Lex Dei & Christi sui singulis istis titulis est honoranda. Inprimis dicitur *Regia*, tum ab Authore, quia à Rege regum lata est; tum ab Effectu, quia Reges facit, viam regni Dei monstrando; tum ab Excellentia, quia inter leges omnes eminet, & omnes pariter ligat, nemine excepto. Deinde dicitur *Perfecta*, quia Perfectionis iter perspicuè atque efficaciter ostendit; *Ex ea & docetur ignorans, & arguitur insolens*, ut Primasius optimè. Et qui errat corripitur, & qui modum servare non novit, in justitia eruditur. Postremò, dicitur *Libera*; & in se, quia servile nihil præscribit, sed omnia Divina & eximia, omnia in quibus præstantia hominis posita est; & respectivè ad nos, quia conjuncta cum Lege fidei, non servitutem aut terrorem generat, sed fiduciam præstat, & plenam libertatis latitudinem; ut quò magis quisquam ei se devoteat, eò liberior alacriorque reddatur in fruitione Dei sui, cui soli servire est regnare. Hoc Corollarium primum.

Corollarium secundum, Lex Moralis Evangelico oculo introspecta revera est hæc *Lex regia, perfecta & libera*. Hoc S. Apostolus notavit utroque digito, & primo & medio. Primò, dum *Legem Regiam* vocat secundum Scripturam: secundum quam Scripturam Oecumenius docet, *ἡ τοῦ βασιλέως ὁδὸς ἡ δικαιοσύνη κατὰ τὴν γραμμὴν*, juxta Scripturam, id est juxta Deuteronomium, ubi Legis mandata conspiciuntur. Juxta eam Scripturam quæ dicit, *Diliges proximum tuum sicut teipsum*. Adhuc & medio digito, dum quod capite præcedenti *Legem libertatis* vocavit, sequenti *legem Regiam* appellat, adjiciens, *Diliges proximum*, ut doceat eundem Decalogum & legem regalem esse & legem liberam. Hoc sanctus David vidit utroque oculo, & sub istis titulis universis eam posteris commendatam reliquit, ut legem perfectam, regiam, liberam; quia in eam oculo Evangelico introspexit. Dicite, annon oculo Evangelico introspexit, quando dixit, Psal. 19. *Lex Domini perfecta est, convertens animam*; quod enim opus magis perfectum quàm ad salutis æternæ viam animas errabundas reducere?

reducere? Annon Evangelico oculo intuitus est, cùm Psal. 119. Manda-
ta Dei *dulcia* pronuntiavit *supra mel & favos mellis, & desiderabilia super*
aurum aurique talenta millia, super lapides pretiosos, omnēque divitias,
& universa Principum spolia; cùm *Consiliarios suos vocat* Testimonia
Dei, de quibus loquebatur coram Regibus, nè confunderetur: Quid enim
magis Regium, quàm & aurum & lapides pretiosos & *Consiliarios* ha-
bere, & de Regibus triumphos agere? Denique, annon Evangelico ocu-
lo intuitus est, cùm *Gaudium & solatium animi sui, & Præceptum latum*
nimis profitetur; cùmque tam fidenter loquitur Psalmo supradicto, *Am-*
bulabam in latitudine, quia mandata tua exquisivi: Viam mandatorum
tuorum curram, cùm dilataveris cor meum? Quid verò est magis libe-
rum quàm quod latum est & expansum & dilatatum? Annon est lex
libera, quæ ipsa præcordia gaudio & lætitiâ & dilatare valet & impleret:
Sive igitur in Apostoli, sive in Davidis testimonio acquiescimus, hæc lex
perfecta, & regia, & libera, est Lex Moralis Evangelico oculo introspecta.
Hoc Corollarium secundum.

Corollarium tertium, Ut tota Lex Moralis est lex *regia, & perfecta,*
& *libera*; sic quodlibet præceptum est præceptum regium, & perfectum,
& liberum; sive illud, *Non occides*, sive istud, *Non machaberis*. Hoc
istis verbis ostendit Apostolus; *Qui dixit, Non machaberis, dixit etiam,*
Non occides. Ergo ita loquimini, & ita facite, ut per legem Libertatis ju-
dicandi. Amplius istis quid possumus aut optare aut sperare, si eti-
am secundæ Tabulæ præcepta singula ad legem regiam pertinent & legem
perfectam libertatis? Quocirca, ut contra Pontificios disputamus, ex
2 Tim. 3. *Tota Scriptura est divinitus inspirata, &c. ut perfectus sit homo*
Dei; dum sophisticè contendunt adversarii, Bellarminus & Stapletonus,
quòd *ἡ ὅλη γραφή* non totam significat Scripturam, sed omnem; Nostri
acutè strenuèque retorquent, eò fortius futurum argumentum, si non mo-
dò tota, sed *omnis*, non integra solum Scriptura, sed partes singulæ hanc
habent in suo gradu sufficientiam: pariter & Aninomi laqueo non absi-
mili sunt suffocandi; Si quodlibet Præceptum per se sumptum sit lex
regia & libera, Ergò multò magis totus Decalogus & integra series Ve-
teris Testamenti. At S. Jacobus de sexto & septimo præcepto apertè
pronuntiat, viz. quia oculo Evangelico introspexit: & similiter Christus
in Evangelio, Matth. 5. percurrit penè mandata singula, & à corruptelis
Pharisaicis ad Evangelicum intuitum nos revocat. *Dictum est antiquis,*
Non occides: Ego autem dico, Non irascēris fratri tuo temere. Dictum est
antiquis, Non machaberis: Ego autem dico, Non aspicias mulierem ad
concupiscendum eam. Dictum est antiquis, Non pejurabis: Ego autem di-
co, Non jurabis omnino. Tam longè aberat à solvendo Legem in genere,
ut eam etiam in specie confirmavit, & (quantum ad sanam intelligentiam)
singularum partium fines prudenter ampliavit. Sic Patres antiqui juxta
nobiscum omnes attestantur. Sic Clemens Constit. lib. 7. cap. 23. (sive
ipsius liber, sive cujusvis alterius, non multum hac in re refert) *Τὸν νόμον*
φύσικόν, inquit, *οὐκ ἀνέλεν, ὅτι ἰβελαιώσεν, Non sustulit Christus, sed sta-*
bilivit Legem Moralem: nam qui in Lege dixerat, *Dominus Deus tuus Domi-*
nus unus est, idem in Evangelio ait, *Ut cognoscat te solum verum De-*
um. Qui tunc, *Diliges proximum*, nunc idem, *Mandatum novum do*
vobis, ut diligatis invicem. Qui tunc Adulterium, nunc pravam Cupi-
ditatem interdixit. Qui tunc Urtionem prohibuit, nunc Tolerantiam san-
xit. Qui tunc prohibuit Furtum, nunc beatum prædicat eum qui largi-
tur egentibus: & ita deinceps. Sic Chrysof. Comment. in Psal. 110.

Illud, Non occides, ὁ κατελύθη, ἀλλ' ἐμάρτυρε, non est abrogatum, sed amplificatum; & illud, Non machaberis, οὐκ ἐφάρυδεν, ἀλλὰ μετέβαλεν ἡγορε, non est sublatum, sed majus effectum: & rationem addit, ἵνα ᾗ ὁ νόμος & ἀδοξαστος & ὁ δεικνύς, immortalitatem suam & aternitatem in Ecclesia habet lex Domini. Hæc Chrysostomus.

Sic Tertullianus, lib. de Monogamia; *Quamquam Lex decessit quantum ad Onera ejus spectat; quæ verò ad Justitiam ejus pertinent, non tantum reservata permanent, verum & ampliata, ut scilicet, redundare possit justitia nostra super Judæorum.*

Sic Irenæus, l. 4. c. 27. *Dictum est antiquis, & Ego dico; Dictum antiquis, & Ego dico: Hac omnia non contrarietatem & dissolutionem præteritorum continent, sed plenitudinem & extensionem: & ipse ea docebat, non ut contraria Legi, sed adimplens eam; neque putanda sunt solventis Legem verba, sed dilatantis.*

Sic Hilarius in Matth. can. 4. *Pulcherrimo ingressu opus Legis capis excedere, ut non dissolveret eam, sed profectum potiori præcelleret; aditum Apostolis in celum; nisi justitiam Pharisaorum aequitate anteissent, denuntians non futurum. Propositis igitur his quæ in Lege præscripta sunt, profectum ea, non abolitione, transgreditur.*

Postremo, nè numero vos obruerem, sic Theodoretus, in Epitome Divinorum Decretorum, l. 5. *Ut sciamus, inquit, eundem authorem esse & Veteris & Novi Testamenti, apertè per hæc quæ prius dicta sunt docuit: ut cognoscant omnes legislatorem leges veteres non subvertere, sed astringere. Subvertentis esset dicere, Dictum est antiquis, Non adulteraberis; Ego autem dico vobis, Adulterare: Dictum antiquis, Non occides; Ego verò dico, Occide. Dominus autem ista non rescindit, sed perficit. Satin' jam salva res est? Satisne Legis Moralis vigor & validitas vindicata? Ad præceptorum minutias Christus se confert, & ostendit, non modò totum, sed omnem & unamquamque partem integram & inviolabilem permanere; eodem planè modo quo S. Jacobus à tota Lege ad partes procedit: nè quis nesciret, quòd ut tota Lex est lex regia atque perfecta libertatis, sic præcepta singula naturam totius redolent; & illud mandatum, Non machaberis, est mandatum regum & immutabile; & illud, Non occides, est mandatum regum & usquequaque fixum. De S. Jacobi Testimonio ista sufficiant. Hæc prima Testimoniorum Classis.*

Secunda Classis à S. Joannis Testimonio deducitur; nimirum ab ipsius scriptis Epistolicis, in quibus hæc ipsa causa tam claris argumentis signisque lucet, ut vel absque Glossemate aut Commentario loca protulisse erit superasse. Hunc verò sanctissimum Apostolum idcirco à Jacobo proximum datà operà collocavi, quia frater ipse erat Jacobi; non quidem hujus qui primus erat Episcopus Hierosolymitanus, authorque Epistolæ Catholicæ, sed alterius, qui primus Apostolorum martyrii laureâ coronatus, Evangelii partem nullam atramento scriptam reliquit, sed totum sanguine. Illius frater Joannes erat, non hujus quem modò testem citavi. Utunque ordinis ratio justa est, ut qui fuit alterius Jacobi frater lege Naturæ, sit hujus jam frater in natura Legis enucleanda; & in Testimonio veritatis: præsertim cùm mandatorum Dei causa agitur, quorum Summa est Dilectio; eratque hic Dilectionis Discipulus, qui è Christi sinu, ubi recubuit, eam Dilectionis mensuram & mandatorum noticiam hausit, ut vix ulla sit linea per totam Epistolam quæ non utriusque typum nobis aliquem exhibeat. Ex Ep. 1. c. 2. hæc occurrunt, ver. 3, & 4. *Per hoc scimus quòd cognovimus*

eum,

eum, si mandata ipsius observamus. Qui dicit, Novi eum, & mandata eius non servat, mendax est: qui autem servat sermonem eius, verè in hoc charitas Dei expletur; per hoc enim scimus quod in ipso sumus. Ex cap. 3. ista; vers. 3. Omnis qui facit peccatum, Legem transgreditur; quia peccatum est Legis transgressio. Vers. 22, 23. Quicquid petierimus, accipiemus, quoniam precepta eius custodimus: Et hoc est mandatum eius, ut credamus in nomine Filii eius, & diligamus alterutrum, sicut mandavit nobis: & adhuc, Qui servat mandata eius manet in eo. Ex c. 4. ista; Per hoc cognoscimus eum in nobis habitare; per hoc expleta est charitas: Hoc mandatum ab eo habemus, ut qui diligit Deum, diligat & fratrem suum. Ex cap. 5. vers. 2, & 3. ista; Per hoc cognoscimus quod diligamus filios Dei, quum Deum diligimus, & mandata eius servamus; hæc enim est charitas Dei, ut mandata eius servemus, & mandata eius non sunt gravia. Postemò, ex Ep. 2. ver. 5, & 6. Nunc rogo te, Domine, non ut mandatum novum scribens tibi, sed quod habuimus à principio, ut diligamus alii alios. Hæc autem est charitas, ut ambulemus secundum mandatum eius; & hoc est mandatum eius, ut sicut audistis jam inde à principio, in eo ambuletis. Hæc illa est ipsius qui Theologus cognominatus est Theologia; hæc ipsius de Lege Morali sententia, qui Prophetarum novissimus audit, sicut Moses primus; prorsus ut videatur Moses Atticissans, vel magis Evangelizans. Hæc ipsius sparsim sunt spicilegia; videamus, si possint in manipulos colligari. Duo autem sunt Manipuli Rationis tribulâ trituri. Manipulus primus continet in se *ὑποταγή* sive *ὑποταγή* Christianitatis: Secundus *ὑποταγή* quibus mandata Dei dignoscuntur.

Manipuli primi hæc Summa est; Quod custodia mandatorum Dei proprium & nativum est Christianismi *ὑποταγή*, quod ad omnes & singulas ipsius partes spectat. Inprimis *ὑποταγή* est Inhabitationis Divinæ, c. 3. vers. 24. Qui servat precepta eius, in eo habitat, & ipse in eo; & per hoc novimus quod habitat in nobis. Secundò, *ὑποταγή* Cognitionis salvificæ, c. 2. vers. 3. Per hoc scimus quod cognovimus eum, si mandata ipsius observemus. Qui dicit, Novi eum, & mandata eius non servat, mendax est, & veritas in eo non est. Tertiò, est *ὑποταγή* Orationis salvificæ & efficacis, c. 3. ver. 22. Quicquid petierimus, accipimus ab eo, quoniam precepta eius custodimus. Quare hoc? Quia, inquit Oecumenius, obedientia eorum qui petunt maximi est momenti ad impetrandam quod petitur. Quartò, est *ὑποταγή* Charitatis salvificæ, quacunque ex parte eam consideremus. Si in Genere, indicium est Amoris simpliciter, Ep. 2. v. 6. Hæc charitas est, ut ambulemus secundum mandata eius. Probatio enim dilectionis est exhibitio operis, ut scitè Gregorius. Si in Specie, indicium est Amoris erga Deum, c. 2. ver. 5. Qui servat verbum eius, verè in hoc charitas Dei expleta est. Aliter non potest expleri, quia si mandata rejiciantur, nulla est dilectio. Quis enim, inquit Augustinus, potest dicere, Diligo imperatorem, sed odi leges suas? Indicium est Amoris erga proximum, c. 5. v. 2. Per hoc cognoscimus quod diligamus filios Dei, si mandata eius servamus. Est igitur hic locorum Manipulus primus.

Manipulus secundus *ὑποταγή* describit quibus hæc mandata discernuntur. Nè dicat quis de præceptis Christi, Agnosco hæc omnia verissima esse, sed non similiter ad mandata Legis Moralis detorquenda sunt. Igitur hujus posterioris Manipuli hæc Summa est, Quod per mandata Christi, mandata Dei, & ipsissima Decalogi mandata Apostolus intelligit, sicut aperte præbit, si vestigia ipsius sequamur. Sunt autem quatuor Scalæ Gra-

Hom. 38. in
Evang.

dus quibus ad hujus inquisitionis culmen ascendit Apostolus. Gradus primus, Mandatum de quo loquitur est Mandatum Fidei & Charitatis, c. 3. vers. 23. *Hoc est mandatum ejus, ut credamus in nomine Filii ejus, & diligamus alii alios.* Gradus secundus, Mandatum de quo loquitur est Mandatum Dilectionis Dei & proximi, c. 4. v. 21. *Hoc mandatum habemus ab eo, ut qui diligit Deum, diligit & fratrem suum.* Attende autem, quòd si Fidei & Charitatis copula prior non arrideat, adjungit Dilectionis Dei & proximi copulam: & super istis duobus tota Lex & Prophetæ pendent; sunt enim capita duarum Tabularum, ut unusquisque & Deum propter se diligit, & Fratrem propter Deum; *amicum in Deo, inimicum propter Deum*, ut Gregorius loquitur. Gradus tertius, Mandatum de quo loquitur est Æternum mandatum, sive Negativè sumas, sive Affirmativè. Si Affirmativè, habetur c. 3. v. 11. *Hoc est mandatum quod audistis à principio.* Quæris quodnam sit Mandatum traditum à principio? Docet verbis sequentibus, *Mandatum quod accepistis à principio est, ut diligatis alii alios.* *ἡ δὲ νόμος ὅτι ὁ φωνὸς ὁ διδάσκαλος*, inquit Oecumenius, & *lex insita*, & *lex à Deo tradita.* Si Negativè sumamus, habetur Ep. 2. vers. 5. est Mandatum non novum; *Rogo te, Domine, non ut mandatum novum scribens tibi, sed quod habuimus à principio, ut diligamus alii alios.* Idem est quod superius dixerat, c. 2. vers. 7. *Mandatum novum scribe.* Est enim & *novum* & *non novum*: *non novum*, quia ab origine traditum; *novum*, quia à Christo renovatum: *non novum*, quia primum & antiquissimum; *novum*, quia mandatum Christi ultimum, & per hoc non modò novum, sed novissimum. Gradus quartus, Mandatum de quo loquitur est Mandatum Legale, *ἐν ὅλῃ νόμικῃ*, inquit Oecumenius. *Mandatum Legale*, quia mandatum Dilectionis; Dilectio est centrum Legis. Si hoc non sufficit, signanter Apostolus seipsum explicat, c. 3. vers. 4. *Omnis qui facit peccatum, Legem transgreditur, quia peccatum est transgressio Legis.* Quæro, cujus Legis? Cujus autem potest esse, nisi Legis Dei? Generaliter, Legis Divinæ; particulariter, Legis Moralis; specialiter, Legis Charitatis. Sequitur autem, ut si omne peccatum sit transgressio Legis Moralis; Ergò omnis actus Justitiæ est custodia Legis Moralis; (& si reatus adhæreat transgressioni ipsius, obligatio necessariò incumbit nobis de custodia ipsius. Denique, si transgredi Legem sit peccare, certè observatio Legis necessaria erit omnibus qui cupiunt non peccare. Adeoque hâc brevi additiunculâ Manipulus secundus consummatur; nè haberet humana pertinacia quod post hæc prætenderet. Nè quis mandatum Christi ad Fidem solam restringeret, dicit Apostolus, *Hoc est mandatum ipsum, ut diligatis invicem.* Nè quis novum aliquod Dilectionis mandatum putaret Prophetis & Patriarchis incognitum, dicit iterum Apostolus, *Non novum est mandatum, idem est quod accepistis à principio.* Postremo, nè quis principium intelligeret Christianitatis, non temporis, aut principium Legis, ter idem inculcat Apostolus, c. 2. vers. 7. *Mandatum à principio*, c. 3. 11. *Nuntium à principio*, Ep. 2. v. 5. *Præceptum à principio*: hoc est, & idem mandatum Legis Evangelicæ in principio Ecclesiæ Christianæ traditum, & idem mandatum Legis Moralis in principio Ecclesiæ Judaicæ traditum, & idem mandatum Legis Naturalis in principio Naturæ constitutæ impressum. Verbo, nè ullus super sit dubitationi locus, & hoc attexit Apostolus; Mandatum est istius Legis cujus transgressio est peccatum. Sic tandem in unum coeunt hodierni laboris uterque terminus; Testimonium primum è S. Jacobi Epistola, & hoc ultimum S. Joannis, *Qui loquitur contra fratrem, loquitur contra Legem, & damnat Legem*, inquit

inquit Jacobus; *Qui non diligit fratrem, peccat contra Legem*, inquit Joannes. Sic fratres ambo sunt, si non natura, at in unitate Fidei, & in consensu Veritatis, & in patrocinio Legis Moralis. Atque hæc de prima & secunda Classe Testimoniorum Apostolicorum dixisse sufficiat. Duæ reliquæ in posterum sunt producendæ.

LECTIO XXIV.

Solebant Pythagorici, qui in Linearum scientia & Numerorum Mysteriis plurimum versabantur, Cubicis rationibus præcepta sua comprehendere, existimantes se eo modo immotam facere memoriæ stabilitatem; est enim Cubus ex omni latere quadratus; in Quaternario autem putabant & omnem progressionem perfici, & primam solidam demonstrationem repetiri, & universarum rerum ordines numerari. Exinde ortum est, quod sapientiam in quadrato statuebant, ut firmam & inconcussam indicarent: exinde, quod quaternarium numerum *Apotelesmaticum* dicebant, nimirum & *perfectum* & *perfectivum*; tum minoris mundi, quia Quaternario constat Anima, Quaternario componitur Corpus; tum majoris, quia quatuor Solis equis irradiari cælum, & quatuor fluminibus irrigari terram universam sibiimetipsis persuadebant. Atque ego, Auditores, si in Pythagoræ subelliis collocatum me putarem, ex ipsis fortasse Quaternario Exordia dicendi hodiernâ die mutuari non refugerem; quia per quatuor Apostolorum scripta via mihi aperienda est ad Legis Moralis immotum indubitatumque patrocinium. Sed quia in Ecclesia Dei Scholisque Prophetarum me positum sentio, non ausim aliquam ex istis Numerorum somniis, potius quàm Mysteriis, exordienti ansam arripere, nè nugas mihi cordi esse, non veritatem, sentiat. Veruntamen cum ita se res habeat, ut ad ipsum Evangelium literis consignandum hunc ex omnibus numerum Christus consecraverit, & ex universo Apostolorum choro quatuor duntaxat Divini Spiritus viros Scribas selegerit, ut essent veluti quatuor Paradisi flumina ad foecundandum Ecclesiæ hortum, vel saltem velut quatuor Solis Justitiæ equi, qui Arcam Novi Testamenti, qui Currum Evangelicæ lucis per omnes Orbis terrarum partes & omnia tempora deferrent: non video cur non & mihi in hac causa liceat de ejusdem numeri non contemnendis auspiciis Legi Divinæ gratulari, quod in tuto jam tandem & quasi in quadrato constituta sit, quia quatuor Apostolorum Testimoniis stabilita, à quibus & demonstratio causæ solida, & disputationis progressus Apotelesmaticus, & ad Antinomorum stragem argumenta plusquam cubica deducuntur. Erit autem, ut spero, opus gratum & per jucundum, vobis imprimis, qui de Evangelistarum quadriga sæpius audivistis, si fecero ut altera hæc non minus gloriosa quadriga Apostolica usque ad aures animosque vestros perveniat. Sed confici hoc non potuit unius dieculæ angustius: ergò in binarios necessariò hic Quaternarius erat distribuendus. Neque vos latet, quàm sit in vehiculis instruendis usitata hæc partium dispositio; ut si quatuor equi fuerint, non nisi paria jungantur; & quamvis quatuor rotæ, non nisi per paria copulantur. Quid quod & mundi

Opifex

Marc. 6. 7.
Luc. 10. 1.

Opifex summus, in prima constitutione rerum, hunc sibi ordinem proposuit, ut faceret omnia duplicia, observante Augustino: in Qualitatibus, lucem & tenebras; in Substantiis animatis, marem & foeminam; in Inanimatis, cœlum & terram, quasi marem & foeminam Universi. Denique & Instaurator omnium Christus, utcumque ad cunctis Discipulorum numerum ampliaverit, iisque septuaginta alios adiunxerit, at utrosque misit binos & binos in omnem urbem & locum quod erat ipse venturus: tum quia binos famulari Dei verbo antiquum erat, inquit Origenes, ut in Mose & Aarone, in Josue & Caleb, videre est; tum etiam quia optimum erat & tutissimum binos & binos emittere, ut possint esse alter alteri in adversis consolationi, fratre fratrem adjuvante. Quapropter & mihi quoque hæc progrediendi libertas largienda est; ut qui currus Apostolici rotas singulas (quatuor enim erant) super unius horulæ axim circumvertere non poteram, alterius horæ usuram postularer, quod possim hæc quatuor Apostolorum Testimonia, quasi per paria, bina & bina vobis ante oculos ponere & ordinare. Erat autem par primum nobile & sacrum, è Sancti Jacobi & S. Joannis scriptis conglutinatum, quos fratres dixi non naturâ, sed consensu Veritatis. Nunc adest vobis par alterum, non minùs insigne, & usquequaque simile, è S. Petri & S. Pauli Epistolis natum; quod tertiam & quartam Testimoniorum Classem subministrat. Hoc ordinis ratio exigit, ut cum S. Joannes Classem secundam fecerit, jam tertiam S. Petrus constituat. Eoque magis, quia inter hos duos Apostolos magna intercessit familiaritas dum adhuc in condiscipulorum statu manserunt. Joanni Petrus innuebat, ut percontaretur Christum quisnam eum proderet; Joannem socium Petrus assumpsit, ut die Resurrectionis unâ curreret ad sepulchrum; in Joannem Petrus retrospexit, cum Christum de morte & martyrio Petri loquentem sequeretur, Joh. 21. Quid igitur impedit quod minùs Joannem prospiciat præeuntem, qui retro olim aspexit insequentem. Imò verò currant unâ ad testimonium, qui simul properabant ad sepulchrum; ut sicut Petrum habemus in Evangelio inveniensem Joanni inter cœnandum, ut ipse disceret quæ nesciebat; ita & nunc annuentem eidem habeamus inter disputandum, ut nos ea melius cognoscamus quæ scimus.

Tertia igitur Testimoniorum Classis è S. Petri scriptis petenda est. Nihil verò est ipsius testimonio clarius, sive ad primam, sive ad secundam ipsius Epistolam oculos convertimus. Quod ad primam Epistolam spectat, nil aliud videtur esse quàm Legis Moralis Evangelicus Commentarius; adeò per totam ipsius seriem præcepta Legis Moralis nobis commendantur, atque tum sigillatim tum summatim recensentur. In primis, si quis secundæ Tabulæ Summam querit, ab Apostolo redditur, cap. 1. ver. 22. & cap. 4. ver. 8. *Diligite alii alios impense; Ante omnia charitatem mutua habete.* Monet ante omnia, quia est mandatum ante omnia, & omnibus æquipollet mandatis. In hoc verbo solo, inquit ex Evangelio Ambrosius, *omne mandatum & instauratur, & impletur.* Deinde, si quis Summam totius Legis exposcit, habetur cap. 2. vers. 17. *Deum time, fraternitatem diligite.* Quid dici potest brevius, aut cum Decalogo conjunctius? Sunt hæc Tabularum Legis ipsissima Capita, Deo sic distribuite: sunt hæc totius Capita Veteris Testamenti, sic dividente Christo: denique & hæc totius Capita Christianismi, asserente Petro, *Deum time, fratres diligite.* Sic Legis illa multiplicia præcepta non tam exclusa sunt per Evangelii gratiam, quàm uno Charitatis sermone breviate, ut Hieron. loquitur. Postremo, si quis sigillatim mandata singula cupit intueri, & hæc quoque ordinatim redduntur ab Apostolo. Officia mandati quinti, cap.

cap. 2, & 3. *Subiecti estote cuius humana ordinationi*; Populus Principibus, c. 2, v. 13. *Servi Dominis*, vers. 18. *Uxores Maritis*, cap. 3, ver. 1. *Officia sexti*, cap. 3, ver. 8. *Estote concordēs, compatiētes, misericordēs, modesti, non reddentes malum pro malo, aut convitium pro convitio*. *Officia septimi*, cap. 5, ver. 8. *Sobrii estote, & vigilate*: & cap. 4, ver. 3. *Sufficit anteaſſo vita tempore ambulasse in luxuriis, cupiditatibus, vinolentiis, comestationibus, compotationibus*. *Officia octavi*, cap. 4, ver. 15. *Nemo vestrum patiatut ut homicida, aut fur, aut maleficus, aut alienarum rerum inspector*: imò hospitales estote alii erga alios, vers. 9. *Officia noni*, cap. 2, ver. 1. *Deponite omnem malitiam, & omnem dolum, & simulationes, & invidentias, & detractiones*. *Officia decimi præcepti*, cap. 2, ver. 11. *Abstinete à carnalibus cupiditatibus, quæ militant adversus animam*. *Postremò*, *Officia undecimi* — Sed quid ego undecimum memoro, cum decimum sit postremum, & ultra postremum nihil est? Quòd si undecimum aliquod superfuisset, neque hoc S. Petrus tacuisset. Hæc igitur primæ ipsius Epistolæ facies, Legi Morali per omnia similis, Apostolicus, ut dixi, Legis Commentarius.

Ad secundam Epistolam si placeat vobis oculos convertere, quàm constanter in sententia hac perseveraverit Apostolus eadem facilitate videbitis. Sunt autem duo potissimum loci quibus animi sui sensum explicavit, Primus habetur, cap. 1, ver. 19. *Habemus firmiorem sermonem propheticum, cui rectè facitis quòd attendatis, velut lucerna lucenti in obscuro loco*. Alter, cap. 3, vers. 2. *Memores estote verborum quæ prædicta sunt à sanctis Prophetis, & doctrina nostra qui sumus Apostoli Domini*. Utrobique Judæos conversos accendit ad studium veritatis, idque Prophetarum mentione librorum. Quasi hoc dicere voluisset, Habuistis semel, fratres, vocem Divinam de cœlo tonantem, & huic necessariò credendum est: sed non huic soli, habetis enim quod ad vos pertinet firmiorem sermonem propheticum, accepistis sæpius verba exhortationis nostræ, qui sumus Apostoli Christi: sed neque in hac sola acquiescendum est, sed iis etiam auscultandum est qui ante nos eadem docuerunt, ut unà cum doctrina nostra memores sitis verborum quæ dicta sunt à sanctis Prophetis, sunt enim lucerna pedibus vestris non minùs quàm nostra. Ultrisque igitur si attendatis, & illis & nobis, ad perfectissimam Sacrorum Mysteriorum intelligentiam nihil vobis est defuturum: si ex utraque fenestra prospicientibus hoc tandem aliquando innotescat, quàm arctissime in omnibus & nos cum illis, & illi nobiscum consentiant.

Post hæc quid ultrà opus est testibus? Nam quid potuit ad honorem & auctoritatem Prophetarum à S. Petro aut dici aut excogitari illustrius? Quòd si post lucis Evangelicæ ortum Prophetarum jam nulla auctoritas existeret, quorsum huc alumnos suos transmittit Apostolus? Quorsum firmiorem appellat vocem quàm ea erat quæ de cœlo audita est? non enim certior in se erat, sed solummodo ipsis: quia voci noviter de cœlo delatæ, eò quòd facta erat in secreto, contradicere poterant; voci Propheticæ multis retro seculis declaratæ atque receptæ non poterant. Quorsum cum doctrina Apostolorum verba Prophetica conjungit? Nam si, quod ipsi jactitant, unà cum Legge Prophetæ etiam transferunt, satis esset dixisse, *Memores estote verborum nostrorum qui sumus Apostoli Domini*: at non contentus dicere, *Nostrorum*, quòd solum certè sufficeret, Prophetarum prius mentionem facit, ut hoc demonstraret, quòd mutuis auxiliis, & Prophetarum oracula Evangelio confirmentur, & Evangelium vim desumat ex Prophetarum testimonio. Atque huc respexit S. Paulus, Eph. 2, 20, cum Ecclesiam

clesiam *superstructam* asserit, non super Apostolos solos, sed *super Apostolos & Prophetas*; *Superadificata est*, inquit, *super fundamentum Apostolorum & Prophetarum*. Quare autem hoc? Quia amborum radix una est. Quod idem est cum hac S. Petri cohortatione, *Memores estote doctrinam Prophetarum & nostra*. Et quare hoc? Quia amborum vox una est, neque ovum ovo similis quàm loco locus: nisi quòd S. Petrus Prophetas prius posuerit, ordinem Temporis sequutus; S. Paulus Apostolos, Dignitatis & claritatis prerogativam respiciens. Verùm utriusque loci vis eadem: *Superstructi super ambobus*, inquit Paulus; *Memores estote amborum*, inquit Petrus. *Memores estote amborum*; nam si Prophetæ effluant, Apostoli minùs prodesse possunt: *superstructos* vos putate *ambobus*; nam si Prophetæ vacillent, Apostoli vix erunt sustentando; fundamenti alterâ parte nutante, totum corruit.

Finis hîc imponendus erat huic tertiæ Testimoniorum Classi, nisi duo Adversariorum ἀποφύματα persentiscerem. Prima latebra ubi delitescere se posse putant hæc est, Quòd in locis supradictis, non ad Legem Judæos conversos S. Petrus remittat, sed ad solos Prophetas. Altera, Quòd de Prophetis loquens, ad Propheticas de Christo prædictiones eos solummodo relegat, non ad formulas practicas vitæ inſtituendæ; adeoque non de Agendis, sed de Credendis solis verba esse intelligenda, hoc modo: Habemus firmiorem sermonem Prophetarum, quia illi Messiæ adventum prænuntiarunt; & Memores estote verborum quæ prædicta sunt à Prophetis, quia pulchre nobiscum in Messiæ testimonio conspirant. Verùm excusare se error potest, purgare non potest; etenim vel hoc supposito, non sic effugiunt. Nam primum, non ipsi pugnant contra Legem solam, sed & tela sua vibrant contra Prophetas. Deinde, cessante Lege Morali, Prophetæ evanescant necesse est; quia adeò sunt inter se conglutinata, ut qui alterum tollat, evertit utrumque. Atque hoc Christus docuit, dum usitatè de ambobus loquebatur, ut de eadem pietatis regula; *Non veni solvere Legem & Prophetas; Ex istis pendent Lex & Propheta; Habent Moſen & Prophetas*: & S. Petrus, prorsus quasi è Salvatoris ore hæc verba rapuisset, *Habemus*, inquit, *sermonem propheticum*; uno verbo constringens quod Christus duobus complexus est. Si hoc non sufficiat, attendant us quæ dicuntur c. 2. ver. 21. ubi non Prophetarum, sed ipsius Legis expressam habemus commemorationem; *Satius est*, inquit, *non cognovisse viam justitiæ, quàm eâ semel cognitâ, regredi à mandato sancto*. Quòdnam est *mandatum sanctum*? *Quid aliud*, inquit Aquinas, *quàm mandatum Charitatis*? Quid aliud *mandatum sanctum*, nisi quod Paulo, Rom. 7. 12. *Lex sancta*? *Lex*, inquit, *sancta, & mandatum sanctum*. Per hæc verba Paulus ἀπαλλάττει τὸ νόμον τῆς καλῆς γνώσεως ἀνάσσει, inquit Theophyl. *Legem ab omni accusatione liberavit*, perque idem vocabulum Petrus Adversariorum ora obstruit. Cum primo capite dixisset, *Habemus sermonem propheticum*, nè quis objiceret quòd Legem tacuisset, in secundo capite suppletur, *Habemus mandatum sanctum*. Sic prima eorum latebra detegitur.

Neque in secunda diu se occultare queunt, nam secunda seipsam prodit; Quòd cum ad Prophetarum scrutiniû Apostolos cohortatur, ad prædictiones pertinet, non ad vitæ regulam; & de Credendis, non de Faciendis est intelligendum. Prorsus quasi visionibus solis & vaticiniis referti essent libri Prophetici, pietatis specimen nullum exhiberent. Et quod magis absurdum, idem est ac si dicerent, In V. T. fidei adjumenta haberi, non regulâ vitæ ac morum. At verò quis nescit, quòd prædictiones Christi venturi pauciores reperiantur in Prophetarû scriptis, quàm præcepta pietatis? Ut si quis nunc post prædictiones Messiæ adimpletas, demat de ipsorum libris Moralia, vix quicquam erit residui

residui, sed vacua charta relinquetur. Quod si mihi fidem habere nolint, ipsi revolvant libros utriusque seculi, apponant paginam paginæ, Testamentum Testamento, & dicant seriò, an non sit in utroque utriusque, & Fidei & Vitæ, & Credendorum & Agendorum, regula una, eaque certissima, constituta; sed cum hoc discrimine, quod in Credendis Novum, in Agendis Vetus emineat: & posthæc regerere audeant, ad Prophetas nobis pro fidei adjumento, non pro probitatis norma, esse recurrendum? Quid igitur est quod alteri Apostolo responsuri sunt, cum super Prophetas & Apostolos Ecclesiam fundatam asserit? An de Credendis loquitur, de Agendis non item? Quid responsuri sunt Christo, cum ex duobus Dilectionis mandatis pendere Legem & Prophetas pronunciat? Annon necessariò & præcipuè rerum agendarum summam describit? Imò adest nobis fuispius fidelissimus interpres, Matth. 7. 12. *Quæcunque vultis ut faciant vobis alii, ita & vos facite illis: ista enim est Lex & Prophetæ.* Ecce igitur, etiam de faciendis consulendi sunt Prophetæ, dicente Christo. Quocirca si Christus, si Paulus ad Prophetas nos revocat, eo potissimùm nomine, ut pie vivendi regulam addiscamus; eandem Petri fuisse sententiam non est quod dubitemus. Atq; hæc ea sunt quæ ad tertiam Classem spectant.

Quarta succedit, ab aureis vasis electi, S. Pauli, supra omnium labores celebrandis Epistolis desumenda. Quod postremum omnium S. Paulus fuerit in vocatione ad Apostolatam, omnes norunt: Sit igitur & ultimus in hac testium advocacione pro vindiciis Veritatis. Ipsi curæ fideique conceditum erat Evangelium præputi, ut Gentibus Evangelium annuntiaret, sicut Judæis Petrus. Quod si possibile fuisset ut Petrus, quia Judæorum erat Apostolus, *Apostolus circumcisionis*, ut Scriptura loquitur, si fuisset, inquam, possibile ut Petrus ad Legem stabiendam plus æquo inclinaret, ad Judæorum gratiam aucupandam; at verò ut S. Paulus hoc faceret, qui se *apostolus gentium* Apostolum profiteretur, res est extra omnem cogitationis aleam, imò demeritis esset vel suspicari. Plurimùm igitur refert cognoscere quid S. Paulus hac in re senserit; quid Paulus, qui magister Gentium; quid Paulus, qui in causâ non absimili ipsi non pepercit Petro, sed ei in faciem restitit propagandam & in conspectu omnium, quia Judæorum consuetudines Gentibus volebat imponere. Videamus igitur quàm unanimiter S. Paulus, qui pro Legis Ceremonialis abolitione Petro restitit, in Moralis patrocinio cum eodem per omnia consentiat. Sunt autem quatuor insignioris notæ loca, quæ sponte se nobis offerunt rationis trutinâ perpendenda. Ex Rom. 13. v. 8, 9. *Reddite omnibus quod debetis, &c. Nemini autem quicquam debeatis nisi ut invicem diligatis: nam qui diligit alterum, Legem implevit. Siquidem illud, Non machaberis, Non occides, Non furaberis, & si quod aliud est mandatum, in hoc verbo summatim comprehenditur, Diliges proximum tuum sicut teipsum.* Dilectio proximo malum non operatur, plenitudo ergo Legis est dilectio. Pariter ex Rom. 3. 31. *Legem ergo destruimus per fidem? Absit: imò Legem stabilimus.* Item ex I Cor. 9. 8. *Numquid secundum hominem hæc dico? Nonne etiam Lex dicit eadem? Scriptum est enim in Lege Moysi, Non alligabis os bovi trituranti.* Denique ex Ephes. 6. 1. *Filii, obedite parentibus vestris in Domino; hoc enim est justum: Honora patrem tuum & matrem tuam, quod est mandatum primum cum promissione, ut bene sis tibi, & sis longævus super terram.* Ex istis quatuor locis tres Conclusiones eliciuntur, quæ ipsius causæ jugulum perunt, & Legem Dei ex Antinomorum manibus vel ipsis invictis extorquent. Etenim cum Evangelium nihil aliud sit quàm annuntiatio Christi, & Fides doctrina Evangelii, & Apostolus Paulus præco Fidei: sequitur ut si Decalogi præcepta non aboleantur, sed stabiuntur ab

T

Apostolo

Apostolo Paulo, ergò & à Fide, ergò & ab Evangelio, ergò & à Christo, quia quæ vox est Apostoli, eadem est vox Fidei, & vox Fidei vox Evangelii, & vox Evangelii vox Christi. Sicut ex tribus hisce Conclusionibus cum pravo Antinomorum dogmate ex adverso pugnantibus apertius patebit.

Conclusio prima est, Evangelium non excludit Legem Moralem è finibus suis, sed eam in se complectitur & comprehendit. Ex primo Apostoli loco in Rom. 13. Conclusio deducitur: *Nemini quicquam debeatis, nisi ut invicem diligatis; nam qui diligit proximum, Legem implevit. Siquidem illud, Non occides, Non machaberis, &c. in hoc verbo comprehenditur.* Ex his verbis sic instituitur argumentatio; Si Legem in se Evangelium includat & comprehendat, Ergò non submovet & excludit: nam includere & excludere, comprehendere & eliminare, actus sunt ex diametro contrarii, neq; ab eodem fonte dimanare possunt. Axiomate hoc nihil certius, Quod comprehenditur, non excluditur: at verò, dicente Apostolo, Legem Moralem Evangelium in se comprehendit; idque non uno modo, sed utroque, & explicitè & implicitè, & verbatim & summatim.

Quod ad primum spectat, Quòd Legem Moralem explicitè in se Evangelium comprehendat, inductione evincitur, quia sigillatim in se continet omnia Decalogi mandata; *Non machaberis, Non occides, Non furaberis, Non falsum testimonium dices, Non concupisces:* & non hæc solummodo, verùm inquit, *ἐν τῷ ἑνὶ λόγῳ, si quod aliud sit mandatum.* Ex abundanti hoc addidit Apostolus, nè quis fortasse primæ mandata Tabulæ imprudenter ab ipso prætermissa existimaret, & procaciter quæreret, Et quare, obsecro, dilectionis Dei nulla mentio? *Non habebis deos alienos, Non facies tibi sculptile, Non assumes nomen Domini Dei tui in vanum, Recordare diei Sabbati.* Hæc singula cum sint in Decalogo, in Catalogo quare non recensentur? Attende igitur Apostolo; *Si quod aliud est mandatum, si quod aliud in istis, si quod aliud præter ista.* Quod de secundæ Tabulæ mandatis exprimitur, id de primæ multò magis subintelligendum putate. Quod de Dilectione proximi dicitur, id de Dilectione Dei non dici non potest: quia ad dilectionem proximi dilectio Dei supponitur, ut radix totius; & ex dilectione Dei dilectio proximi sequitur, ut furculus radices. *Pro utroque unum ponitur, inquit Augustinus, quia alterum sine altero non potest præstari, nec proximus sine Deo, nec Deus sine proximo diligi potest.* Qui diligit Deum, non potest contemnere eum quem Deus præcipit diligi: & qui diligit proximum, quid in eo diligit nisi Deum? Quid igitur obloquimini? Quid reclamatis? Dicit hæc omnia mandata S. Paulus in Evangelio contineri; & si quod est præterea aliud mandatum, verbatim & explicitè in eo comprehendit. Neque hoc totum est: sed ut Explicitè singula, ita

Implicitè universa summatim contineri, in hoc uno verbo, *Diliges proximum.* A partibus enim ad totum S. Paulus sic argumentatur; Quod in se continet omnia Dilectionis officia, illud in se continet omnia Decalogi mandata. Sed officia Dilectionis singula Evangelium in se continet, quia ipsam Dilectionem in se comprehendit; idque tribus modis, ut Debitum Legis, ut Complementum Legis, ut Compendium Legis. Videamus ordine singula.

Primò, comprehendit in se Dilectionem ut Debitum; ut Debitum Deo, Proximo, Legi solvendum. De Debito reatus & supplicii non loquor; ab hoc debito fides in Christum nos eximit: sed de debito Obedientiæ. Hoc debitum fides & exigit, & è dilectionis marsupio solvit. *καθὼς χάρις ἐστὶν ὁφείλημα, ut Chrysostomus loquitur, ὡς ἀπὸ ἐκ τῶν ὀφειλόμενων, Debitum,*

bitum, inquit Augustinus, quod semper redditur, & semper debetur; nec cum redditione amittitur, sed potius reddendo multiplicatur. Dum redditur, crescit; & tantò majus acquiritur Dilectionis debitum, quantò pluribus redditur. Propterea Apostolus etiam atque etiam urget sub notione Debiti: *Reddite omnibus quod debetis; Nemini quicquam debeatis, nisi ut invicem diligatis*: ostendens quòd & ipsum Evangelium comprehendit in se Charitatis mandata, ut Legis debita.

Secundò, comprehendit in se Dilectionem ut Complementum Legis. Hoc quoque Apostolus asserit, & quasi semel dixisse non sufficeret, bis idem inculcat: *Qui diligit alterum, Legem implevit*; & rursus, *Plenitudo Legis est dilectio*. In utroque observandum est, quòd non dicit, *Dilectio est impletio Evangelii*, sed *Impletio Legis*; neque vicissim, *Qui diligit alterum Evangelium implevit*, sed *Implevit Legem*. Nimirum quia dum quis implet mandata Legis, mandata Evangelii impleat necesse est, quæ planè eadem sunt. Sic se Apostolus explicat, Gal. 6. 2: *Alii aliorum onera portate, & sic implete Legem Christi*. Quod suprà *impletionem Legis Moralis*, hic *impletionem Legis Christi* appellat; atque reciprocè statuit, tum Decalogi, tum Christi & impletionem eandem, & Legem eandem. Quæ enim est Lex Christi? Pelusiora hoc dicat, ὁ νόμος τοῦ Χριστοῦ νόμος ἀγάπης ἔστι, *Lex Charitatis est lex Christi*; & nominatim, inquit Gregorius, *Lex misericordie, quæ fratribus compatimur, & eorum onera portamus, sicut nostra Christus onera in se suscepit*. Et nonne est hæc ipsa lex Decalogi? Imò in ipsis Decalogi verbis S. Paulus insistit, *Diliges proximum tuum sicut teipsum*; & hæc dilectio proximi, inquit, est impletio Legis. Ratio à Chrysostomo redditur, ἐπὶ τῇ ἀρχῇ τῆς πλ. τοῦ ἀρετῆς ἡ ἀγάπη· παντὶ ἐχθρῷ φίλον, παντὶ ὑποδιδόναι, παντὶ ὑποφύλον· hanc radicem virtus habet, hoc subiectum, hunc verticem; hoc principium, hoc medium, hunc terminum. Si ascendamus ad illud quod summum est, in Dilectione Dei summum Virtus invenit: si ad illud quod infimum est dilabamur, in Dilectione proximi suum habet Virtus complementum: sive ad malorum fugam, sive ad bonorum operationem nos convertamus, ἐκάλειας ἐχθρῶν ἀρετῆς ἡ ἀγάπη, ut scitè Chrysostomus, πλεῖν τε καὶ ὑποφύλον, τῇ τῇ ἀγαθῶν ἐργασίᾳ, *Utramque virtutem in se complectitur Caritas, & mandati negativi, malum non operatur; & affirmativi, aliorum onera portat*. Hæc vox Christi, & hæc eadem vox Legis, & hæc impletio utriusque, quòd sicut Lex, sic Evangelium charitatem in se comprehendit ut totius Complementum.

in Psal. pœnit.

Postremò, Charitatem in se Evangelium comprehendit ut Legis brevium & Compendium. In hoc verbo, inquit Apostolus, i. e. in hoc mandato Legis, *Diliges proximum tuum*, omne mandatum ἀνακεφαλαιῶται. Quid hoc est ἀνακεφαλαιῶται, Chrysost. docet, ὅτι ἐστὶ συντομία; ἢ ὁ βραχυὶ τὸ πᾶν ἀπαρτίζεῖν τῶν ἐποιοῦν τὸ ἔργον. Hoc est quod alià linguâ Cyprianus, *In Amore omnium Scripturarum volumina coarctantur*; in hoc habet consummationem omnis Religio: & illud, *Non machaberis*; & illud, *Non occides*; &, si quod sit præterea mandatum aliud. Prorsus quasi dixisset Apostolus: Si modò è vobis quis sit qui adhuc dubitat, utrùm in Dilectione sola singula Legis mandata contineantur; signanter vobis dico, quòd omnia & singula mandata in hoc uno velut in centro coeunt; & illud, *Non machaberis*, in Dilectionis mandato continetur, & illud, *Non occides*, in Dilectionis mandato continetur, & quodcunque aliud mandatum. Et Ratio adstipulatur: nam primò, si proximum tuum diligis, non machaberis; quis enim corrumpit uxorem ejus quem diligit? Non occides; quis enim de vita tollit eum quem diligit? Non furaberis; quis enim illi vult supplantare bona quem

Hom. 55. in
Gen.

diligit? Aut quis contemnit, aut detrahit ei quem diligit? Deinde, si sicut seipsum proximum diligit, nihil istorum facies; Non occides, quia non vis occidi; non diripies quæ sunt ipsius, quia non vis diripi; non obrectabis, quia nomini tuo vis parci; non pollues uxorem ejus, quia tuam ab illo committi non vis. Ad eodè unicum hoc mandatum quasi matrix est omnium: τὸ τοῦ ἁγίου ἀγαπᾶν τὸ κεφάλαιον, τὸ τοῦ πάντων ἡμῶν ἐντολὴν ὁ θεμελίος, ut Chrysost. loquitur. Sicque redit in seipsam Conclusio Apostoli, ut quia amor in Evangelio, ut Debitum & Complementum & Compendium Legis, comprehenditur, atque omnia præcepta Decalogi in amore; ergò firmissimè sequitur, quod omnia præcepta Decalogi comprehenduntur in Evangelio. Hæc prima Conclusio, Evangelium non explodit Legem, sed eam in se completur.

Conclusio secunda est, Ut Evangelium Legem non excludit, sed comprehendit; sic Fides etiam, quæ est doctrina Evangelii, Legem Moralem non destruit aut enervat, sed roborat & confirmationem reddit, Ex secundo loco Apostoli, Rom. 3. hæc Conclusio trahitur; *Legem igitur destruimus per fidem? Absit: imò Legem stabilimus.* Sunt verba capitis novissima, in quibus demonstratà jam principali Propositione de Justitiæ Fidei, quòd solà fide justificamur, prævenire vult Apostolus & refellere quæcunque à malevolis afferri potuerunt ad hanc Justitiæ Fidei assertionem labefactandam. Estque hæc prima & principalis præoccupatio; Quòd si per fidem, & non per Legis opera est Justitia, ergò Lex est abrogata & exinanita. Respondet Apostolus, ac primum quidem hanc averfatur cogitationem, tanquam nefandam & impiam, *Legem destruimus per fidem?* quia dicimus per solam Fidem justificari hominem, an propter hoc Legem evertimus? Absit. Deinde per correctionem impiæ sententiæ ostendit hanc Fidei doctrinà etiam Legem stabiliri. Tam longè à nobis hoc figmentum abest, quòd Legem Fide destruiamus, ut eam magis celebremus & stabiliamus.

Duo igitur sunt Confectaria quæ hîc contextit Apostolus.

Confectarium primum, Abominandum & execrandum est dicere, Fide Legem Moralem, quantum ad obedientiam ejus spectat, deleri aut abrogari. Est enim hæc formula, μὴ νόμοιο, *Absit*, detestantis particula, vel funestum aliquid averruncantis. Igitur hoc vocabulo à Legis abolitione, velut à re portentosa, abhorre se Apostolus testatur; ὅς τις περὶ ἡμῶν ἀποποιῶν ἀπειθεῖται, inquit Chrysostomus. Num Fide Lex tollitur? Absit. Num Fides facit ut non sit Christianis vitæ regula? Absit. Num Fide ab obedientia ipsius liberamur? Absit. Hoc procul absit ab ore, auribus, oculis & cogitationibus vestris. Ecce improbum, & scelestum, & intestabile, & execrandum dogma pronuntio. Hoc Confectarium primum.

Confectarium secundum sic sese habet, Tam repugnans est naturæ Fidei abolere Legem, ut eam ipsam stabiliat, *Legem*, inquit, *per Fidem non destruimus, sed stabilimus.* Ex his verbis sic Argumentum conficitur: Quod Fides ut ratum & fixum & stabile æstimat, illud Fides ut vanum & irritum non habet, & ad nihilum redigere non potest; sunt enim ἀόυσια, ratum & irritum, evacuare & stabilire: At per Fidem Lex Moralis firma & fixa, & immutabilis stabilisque redditur; Fides enim confirmat Legem. Confirmat multis modis.

Primò, confirmat Præconio suo. Quid enim Fides loquitur? S. Paulus docet, Rom. 7. 12. *Lex ipsa sancta, & mandatum sanctum, & justum ac bonum.* Hæc Fidei vox prima. Pariter vers. 16. *Consentio Legi quod bona sit.* Hæc fidei vox secunda. Nec non & vers. 22. *Condelector Legi Dei secundum interiorem hominem.* Hæc fidei vox tertia. Confirmat Legem Præconio suo.

Secundò,

In Gal. 14.

Secundò, confirmat Scrutinio suo; quia quod à Lege & Prophetis prædictum atq; promissum, Fides, sedulâ investigatione adhibita, declarat factum & præstitum. Sic S. Ambrosius interpretatur, *Firmatur, inquit, per Fidem status Legis, quando quod futurum Lex dixit, Fides istud advenisse testatur.* Confirmat igitur Scrutinio suo.

Tertiò, confirmat Conatu suo; quia Gratia Fidei quæ est in Christo Jesu vires roburque aliquod in gradu suo suppeditat, & habiles nos alacresque reddit ad Legis obedientiam, & ad omne opus bonum in Legis circulo comprehensum. Hæc est Primasii interpretatio; *Non solum, inquit, non destruit Legem, sed confirmat, dum hoc efficit Fides quod Lex jubet.* Confirmat Conatu suo.

Quartò, confirmat Amplexu suo; & quantum ad Credenda, quia quæ à nobis qui sub Lege eramus implenda erant, & non impleta, ea Fides in Christo, qui supra Legem erat, videt impleta, quamvis non implenda; & quantum ad Moralia, quia Moralia præcepta Legis integra & perfecta in Evangelio conservantur. Si quæ noxia, eadem in utroque prohibentur; si quæ salutaria, eadem in utroque præcipiuntur. Hæc est S. Chrysostomi expositio; *Hoc illud est, inquit, quod Apostolus dicit, ὅτι ἡ πίστις ἡ μόνον ἀπὸ θεοῦ ἐστὶν ἀληθία, ἅλλα σύμμαχος τε καὶ σύνεργος, non solum non est contraria Fides Legis doctrina, sed consona, & per omnia consentiens:* quia Evangelium, etsi non habeat opera veterum Sacramentorum, Circumcisionis scilicet, & cæterorum, habet tamen opera Dilectionis & Misericordiæ in Moralibus præceptis. Confirmat igitur Amplexu suo. Hæc omnia S. Paulus istis verbis demonstrat, ἡ καταργούμεν, ἀλλ' ἰσχύμεν. ἰσχύμεν & καταργούμεν non minùs pugnant quàm plenum & vacuum: ἰσχύμεν est firmam & efficacem statueret, καταργούμεν est otiosam & inutilem & supervacaneam efficere. Utroque autem vocabulo utitur Apostolus; ut & Negativo, dogma exitiosum de Lege Morali tollenda damnaret, & Affirmativo, sententiam Catholicam de ea retinenda probaret. *Non, inquit, destruimus, sed stabilimus,* ut stet & obtineat suum vigorem & auctoritatem. Eja, quàm simile est membrum capiti, Discipulus Magistro, Apostolus Salvatori? Christus utroque modo statuit, & negativè & affirmativè, *Non veni solvere, veni adimplere:* Paulus utroque modo, quasi vestigia ipsius secutus, *Fide destruimus Legem? Absit: imò stabilimus.* Estque hæc secunda Conclusio, Fides non evacuat Legem, sed eam roborat & confirmationem reddit.

Conclusio tertia & ultima est, Ut Fides Legem Moralem non enervat, sed roborat; sic Apostolus, qui Fidei præco fidelissimus erat, non abolendam prædicat, sed eam in testimonium vocat. Ex tertio & quarto loco hæc Conclusio assurgit.

Tertius habetur 1 Cor. 9. 8. *Num secundum hominem hac dico? Nonne etiam Lex hac dicit? Nam in Mosis Lege scriptum est, Non alligabis os bovi trituranti.*

Quartus est, Eph. 6. 1. *Filii, obedite parentibus in Domino; hoc enim est justum. Honora patrem tuum & matrem tuam, quod est mandatum primum cum promissione.* Ex quibus locis hoc Argumentum formatur; Quod S. Paulus ad confirmationem suæ sententiæ adducit, & ipsius testimonio innititur ad officia practica stabilienda, illud non est ab Apostolo pro invalido & demutando præsumptum: etenim hæc duo se mutuò tollunt, irritum pronuntiare, & ad officia pietatis comprobanda attestari. Sed S. Paulus ad Legis Testimonium provocat, & ei innititur ut pietatis officia exinde magis promoveat. Idque non semel, sed alternis vicibus, & in illa ad Corinthios, & in illa ad Ephesios Epistola. Ex 1 Cor. 9. locus prior adstat, ubi ut

evinceret, Ministris Ecclesiæ etiam jure Divino pro personarum dignitate victum deberi, adducit locum ex ipsa Lege, Deut. 25. *Non alligabis os bovi trituranti.* Atque præfationem honoris præponit, *Num secundum hominem hæc dico?* h. e. Numquid humanam sententiam sequor, aut humana placita? Hôccine loquor secundum humanum intellectum, aut humanas rationes, aut ex proprio sensu? Imò verò secundum Divina oracula. *Nonne Lex eadem dicit?* eaque in Deuteronomio exarata? Dux sunt Interrogationes, quæ duabus Negationibus æquipollent; *Dico hæc secundum hominem?* id est, secundum hominem hæc non dico, non ego à meipso, nec ego solus. *Nonne Lex eadem dicit?* i. e. revera Lex dicit eadem, meo pronuntiato Lex astipulatur, ut in agendis non minùs quàm credendis eandem vocem Legis & Evangelii agnoscamus, Mosis item & Christi, Prophetarum & Apostolorum. Evangelium dicit, *Non occides*; nonne Lex dicit eadem? Evangelii vox est, *Non machaberis*; nonne Legis est vox eadem? Nonne Christus dicit idem? Annon Apostoli idem loquuntur? Imò verò annon dicit Lex idem? Quid S. Paulo usitatus, quàm paginas suas Legis & Prophetarum testimoniis deaurare, ad Legem provocare, Legis autoritate se munire, Legem Evangelio conjungere? ut ad officia pietatis utroque nos stimulo excitaret. Res est adeò lippientibus notissima, ut illustratione non egeat. Ex Ephes. 6, locus alter præstò est; ubi ut evinceret honorem & obedientiam parentibus nostris deberi, inprimis verbis Evangelicis proponit, *Filii, obedite parentibus vestris in Domino*, hæc est formula mandati Evangelica: sed quasi hoc minus esset, apponit Legalem formulam, *Honora patrem tuum & matrem tuam*; hæc est formula Legalis. Imò & non satis existimans hoc adjecisse, utrobique ratione validâ mandatum confirmat. In priore, *obedite, quia justum est*, i. e. rectum & æquum & bonum. Sicut non occidere justum est, & non furari, non mentiri, non concupiscere, justum; ità & parentibus auscultare usquequaque est justum, & humanæ & Divinæ rationis rectitudini consonum. In posteriore, *Honorate, quia primum est mandatum cum promissione*. Sicut non occidere est secundum, & sine promissione; & non mœchari, tertium, sed absque promissione: sic honorare parentes duplici privilegio exornatur; est *primum mandatum*, & *cum promissione*. In re tam perspicua tantâ quid opus erat varietate, ut post Evangelicam formulam Legalem adjiceret, nisi quia in animo erat ostendere, quanta vis & efficacia adhuc viget in Decalogi præceptis. Et ad hoc apertius ostendendum, utramque nobis formulam commendatam reliquit: sed ità, ut si inter se utramque formulam conferamus, faciliè apparebit quàm sit Legalis verborum ordo huic Evangelico loquendi modo non æqualis modò, sed multò plenior atque perfectior.

Primò, quod ad Actum spectat, perfectior est: Ibi est, *Obedite*, vel *Auscultate*, ~~parati~~ hic verò, *Honorate*, & *timete*, i. e. Præstate eximiam obedientiam; est enim honor quasi obedientiæ medulla, & *timore*, obedientia in Idea.

Secundò, quod ad Objectum pertinet, plenior est: Ibi enim sub uno vocabulo uterque sexus comprehenditur, *Obedite Parentibus*; hic sigillatim utriusque honor debitus designatur, *Honora patrem & matrem*: quod ibi in mole & massa, hic in membris & partibus explicite traditur.

Tertiò, quod ad Motivum spectat, est etiam secunda formula perfectior & Pondere & Numero. Quod ad Pondus attinet, Motivum est efficacius: Ibi ratio est Naturalis, *Obedite, quia hoc est justum & rectum*; hic verò ratio Cœlestis, *Honorate, quia hoc est mandatum*. Obligatio præcepti major est quàm obligatio rectitudinis: quia si præceptum fuerit, sive rectum &

& iustum videatur; sive aliter, imò verò quamvis durum videatur, & tantum non iniustum, parendum est. Quis disputabit? Deus præcipit. Deinde quod ad Numerum spectat, est Motivum multiplicis. Prioris formulæ basis tantummodo unica est, *Obedite, quia iustum est*; posterioris, quatuor, *Honorate*, quia *mandatum*, & *mandatum primum*, & *primum cum promissione*, & cum hac promissione, *ut sis longævus super terram*. Doceas me, obsecro, S. Paule, unde hoc tibi in mentem venerit, ut *primum mandatum* diceres, cum sit ordine quintum. An quia de secunda Tabula loquutus es, non simpliciter, sed in genere suo primum indicare voluisti? Equidem sic se res habet, quod in Decalogo quintum est, in Tabularum distinctione vera primum. Et meritissimò. Sic Ordo Doctrinæ postulat, ut primum censeatur à quo secunda Tabula sua ducit exordia: sic Ordo Naturæ, ut primum sit quod de honorandis parentibus tractat, quibus sub Deo & lucis usuram, & vitæ debemus primitias: sic Ordo Temporis, ut primum sit quod infantie, ætatis primæ, curam gerit; ut unà cum materis uberibus hoc suum mandatum cognoscant, velut primam literam puerilis nomenclaturæ, & ipsum Alpha Legalis Catechismi: sic denique Ordo Dignitatis, ut primum sit quod primam promissionem habeat; nam & in hoc quoque sensu primum est, inquit Chrysostomus, ὅτι πρῶτον πρῶτον, ἀλλὰ τῇ ἐκτασίᾳ, non primum omnium ordine, sed primum omnium etiam utriusque Tabula cum promissione. Quamvis enim secundum mandatum promissionem aliquam habeat, *Ego Dominus faciens misericordiam millibus diligentibus me*: at est promissio tantum generalis misericordiæ; hæc verò est specialis promissio vitæ diuturnæ, Esto igitur, promissionem hanc cum audio, agnosco primum: sed est adhuc in quo mihi satisfactum cupio, ut doceas me denuo, Sancte Paule, inter tot beatitudinum millia quæ in Divinæ benignitatis thesauro reperiuntur, cur in hoc, & in hoc solo mandato Vitæ diuturnæ commemoratio habeatur? An quia de pueris tractat, qui vitæ brevissimā fruuntur, idcirco eis spem facit prolixioris adipiscendæ? *Et sic quoque se res habet*, inquit Chrysostomus, quia pueris loquitur: ἀρχαῖα ψυχῇ νεότητις ἀκούει πρῶτον, ταῦτά φησι, quia pueris, inquam, loquitur, ea dicit quæ maxime cupit audire puerilis animus, ut sis longævus super terram: nam pueris in vita recentibus ἰδὲν ἡδύτερον ἢ μακροχρονία, inquit Oecumenius, *Pueris nil dulcius sonat quàm longinquitas vitæ*. Sufficit, agnosco satisfactum. Sed & adhuc jam tertio doceas me, Apostolorum laboriosissime, unde illud, ut perituum præceptum tot privilegiis honorumque titulis exornares, & tot cumulatis undique rationibus urgeres. An quia est mandatum Legis Moralis, & promissionem præ se fert Legis Moralis? Sic factum puta: nam hæc omnia ad hoc ipsum fidelissimè è Decalogo transcripsit Apostolus, ut eandem utriusque, & Moysi & Pauli, vocem agnosceremus. Urget verba Legis, urget præcepta Legis, urget rationem Legis, urget prærogativam Legis, urget promissionem Legis. *Honora patrem & matrem*, quia *mandatum est*, & *mandatum primum*, & *primum cum promissione*, & hæc est promissio, *ut sis longævus super terram*. Quorsum hæc omnia, si Lex evanida & mortua, si nullam obligationem in se contineat? Quare hæc in apricum profert? Cur chartis Evangelicis intermiscet? Si modò Lex Moralis sepulta sit, cur è sepulchro revocat ad hæc rediviva honoris lineamenta? Imò vidit Apostolus venturos in novissimis temporibus Circumcelliones protervos, qui Legi Morali detraherent, & conculcarent. Ergò hoc potissimum agit, ut nos redderet contra venenatæ linguæ blasphemias cœlesti hæc panopliâ præarmatos, cum & Evangelii & Fidei & Apostoli testimonium audiamus: quòd Evangelium Legem non excludat, sed comprehendat; quòd

Fides Legem non destruit, sed confirmat; quod Apostolus Legi non renuntiat, sed eam in testimonium vocat, & ut Ambrosius loquitur, *Per Legis verba ad sensum Evangelicum nos ducit*, prorsus ut Legi Evangelium societ, ostendatque utrobique mandatum unius esse sensum authoris. Hæc Conclusio tertia & ultima: & hæc ipsius est, ut videtis, Theologia, qui raptus est ad tertium cœlum; hæc ipsius sententia, qui in Paradisum assumptus, audivit illa arcana verba & ineffabilia. Hujus jam superioribus tribus addito Testimonio, veritas in tuto, Lex Moralis in quadrato consistit; hæc Apostolicâ quadrigâ triumphos agit. Hæcque gladii defensionis nostræ Acies prima, è Testimonio Evangelii limata. Acies secunda à Natura Legis robur suum mutuatur. Sed huic labori donec Lunæ proximæ Sol novus affulserit, necessariò est supersedendum.

LECTIO XXV.

IN Moralis Legis defensione faciendum mihi est quod è Polonia oriundos Nobiliores Christianos facere solitos ad Symboli Apostolici recitationem Historiæ tradunt, surrexisse eos districtis gladiis cum verba sanctissima secundi Articuli audivissent, *Et in Jesum Christum, Filium ejus unicum, Dominum nostrum*: hoc ipso gestu indicantes; defensores se gladio civili fidem illam quæ ipsos in congressibus spiritualibus defenderat. Similiter & mihi, Legis Divinæ causam agenti, stringendus est gladius, ac non ferri, sed Verbi; neque è vagina propria, sed ipsius Legis: quæ defensionis ratio est celeberrima, si ab iisdem principiis unde causa prodiit etiam & arma petantur. Atque hæc mihi mecum meditati, nè fortasse facultas deesset progrediendi, Apostolorum, si ita loqui liceat, sanctissimus Paulus satis superque amplam subministrat, dum Verbum Dei *μὴ χαρὰν δίστομον* appellat, Heb. 4.12. hoc est, *gladium ancipitem*, vel potius, interprete Primasio, *gladium ex utraque parte acutum*, & ex parte Legali, & ex parte Evangelica: ut utrinque se armatos intelligant discipuli militesque veritatis; tum in Tentationum præliis, cum adversus Satanam; tum in incruentis hisce Disputationum altercationibus, cum adversus Hæreticos pugnandum est. Non est quod animos despondeant, si militiæ suæ gladius hic spiritualis adfuerit. Est enim *bis acutus*, quo possint & in Tentationibus bonum à malo, & verum à falso discernere in Disputationibus hisce Theologicis. Quocirca si quis alius in hac parte aut in his subsidiis sibi congratuari possit, ut omnes possunt; Ego, vestra cum venia, inprimis. Erat enim hæc ipsa, si meministis, certissima ordinis ratio quam nuper statuebam, cum primum ad Argumenta Defensionis me receperim: ut quia id gladio Spiritûs peragendum erat, & in unoquoque gladio tres potissimum partes emineant, Acies recta, & Acies transversa, & Cuspis sive mucro, in quo acies utraque conveniunt: idcirco ad tria Argumentorum Capita rem totam deduxi; à Testimonio Evangelii Caput primum ortum habuit, hæc gladii Acies recta; à Natura Legis Caput secundum, hæc Acies transversa; à Nexu & communi usu

usu utriusque tertium, hic Mucro communis, in quo Acies utraque & Legis & Evangelii conspirant. In prima Acie limanda hactenus versatus sum, eamque non minus ipsius Christi quam Apostolorum quatuor Suffragis exornatam dedi.

Nunc demum Acies Transversa vibranda est, ut & hanc quoque sentientes Adversarii, gladium ancipitem & utrinque acutum Verbum Dei fore vel inviti fateantur. Evangelii Acies prior fuit; hæc altera est ipsius Legis; æstque Argumentorum Caput secundum, à Natura Legis desumptum. Naturam Legis cum dico, proprietates essentielles sive individuantes intelligo, quæ huic speculationi interserviunt. Sunt autem tres; Perfectio, Æternitas, & Utilitas, sive *usus-fructus*, ut Jurisconsulti loquuntur. In istis tribus elucidandis necessario ponenda est pars aliqua operis curæque nostræ, quia contra istas Antinomi acerrimè disputant; & exinde concludunt, cum Abrogationem Legis Moralis, ut regulæ claudicantis & imperfectæ; tum Cessationem ejus, ut rei fragilis & temporariæ; tum etiam Exclusionem omnimodam à Republica Christiana, ut rei contemptæ & infructuosæ. Quæ omnia si eâ facilitate probari poterant quâ affirmari & dici, periret funditus, una cum vigore Legis Moralis, Defensio nostra: si modò sit Regula vitæ, sed imperfecta, suisque numeris vix absoluta; aut si perfecta, sed non æterna, per omnium seculorum memoriam perpetuanda; aut si æterna, sed infrugifera, & nullius usus atque utilitatis. Per hæc igitur vestigia insectandi sunt; eritque trium dierum iter, nisi me animus fallit, ut possim ordine singula demonstrare. In primis, Quod sit Regula pietatis & perfecta, & perfectissima, adeo ut mutari non poterit; deinde, Regula æterna, omnibusque seculis duratura, adeo ut cessare non poterit; postremo, Regula salutaria, Sanctisque præsentis Ecclesiæ non minus proficua quam superioris, adeo ut abrogari nec potuerit nec debuerit. Hæc Fundamenta & Capita sunt eorum quæ ad Quæstionis confirmationem à Natura ipsius Legis sese offerunt fusiùs discutienda, è tribus ipsius proprietatibus dimanantia.

Proprietas prima est Perfectio Legis Moralis. Atque hæc necessariò præponenda est reliquis; nam in hoc cardine disputationis pars maxima versatur. Si sit usquequaque adeo perfecta vitæ morumque norma, ut melior perfectiorque nec dari nec excogitari potuerit, non aliam opus erit Antinomorum impurissimis faucibus spongiam inferere, nè vocis contra stabilitatem Decalogi emittendæ in posterum habeant aut facultatem aut frontem. Interea unum illud (ut omnis litigandi occasio tollatur) præmittendum est; De Perfectione Operativa & Virtuali in salutis negotio disputationem non institui. Hanc perfectionem habuisse Legem nemo est qui contendit; reclamante Apostolo, Heb. 7. 19. *Nihil ad perfectum Lex adduxit*; & Gal. 3. 21. *Non data est Lex qua vivificare posset, aut ad salutem æternam perducere*. Illa de qua nos loquimur est Perfectio Regulativa Legis Moralis in iis quæ ad morum probitatem spectant. Atque hæc rursus in suas partes est secunda. Est enim alia Intrinseca & Formalis, quæ est de essentia Regulæ; alia Extrinseca & Adventitia, quæ ad pleniorum Regulæ sensum & intelligentiam conducit. Et de duplici hoc genere Perfectionis duas constituo Propositiones.

De Extrinseca & Accidentali Perfectione, Propositio prima sic se habet: Lex Moralis, quantum ad ipsius intelligentiam spectat, perfectionis susceptiva fuit, atque revera gradus & augmenta perfectionis suscepit, diversis temporibus consona. Quia clarior ipsius erat intelligentia Prophetarum temporibus quam Moïsi, & Christi quam Prophetarum: quod illic Prophetis, hic Evangelicis Scholiis illustrata jam esset. De hac Legis Perfectione, juxta

juxta pleniorē ipsius intelligentiā, Patres antiquos loquutos esse non dubito, cū in suis super Matth. 5. Commentariis, Christum primā suā Concione perfectissē Legem asserunt. De hac, inquam, quicquid Pontificii garriunt, Extrinseca Perfēctione loquutos non dubito, sive Græcos consulam, sive Latinos. Quod ad Græcos pertinet, communis est omnium interpretatio. Clem. l. 6. Stromat. *Illā formulā, inquit, Ego dico vobis, ἡ ἐπιταγή ἐστὶν τῆς νόμου δικαιοσύνης, est quoddam Justitiæ Legis additamentum.* Iren. l. 4. c. 27. *Non dissolvit Legem, sed extendit & dilatavit;* & denuo, *Naturalia omnia præcepta communia sunt nobis & illis: in illis initium & ortum habuerunt, in nobis augmentum & adimpletionem.* Epiph. Hær. 33. *Decem mandata, etsi pura sint, μὴ ἔχοντες ὅ τὸ πλείον, ἰδίῳ τῷ πατρὶ τῷ Σωτῆρι πληρώσους, quia tamen nondum perfectā erant, impleri à Salvatore debuerant.* Basiliius in Psal. 14. *Lex dicit, Non occides; Dominus autem, Non irascēris, τὰ πλείονες νόμοδετῶν.* Theophylactus in Luc. 16. in illa verba, *LEGIS UNUS APEX NON CADET;* Minus, inquit, *est quicquid per Legem dicitur, quā hoc quod per Dominum jubetur: mandata Legis quātunc data, congruenter data; quā nunc, τὸ ὑψηλότερον & τελειότερον ἔχον.* Chrysostomus, quem prius nominasse oportuit, hoc ipsum sæpius incutiat. Hom. 16. in Matth. de nostro tempore loquens, *μειζόνων ἔστιν ἐκ τῶν κατὰ τὴν & de Lege Veteri, ἀτελεστέρα ἐστὶν καὶ νῦν.* Et Sermone de Anathemate, *τὰ καὶ Χεῖρον τελειότερα τῷ νομῷ διατάξω;* Christi mandata perfectiora sunt Legalibus, & majorem à nobis charitatem exposcunt. Denique & Isidorus Pelusiota, ut ex iis penē nullum prætereā, l. 1. Ep. 79. *περιουσία τῷ νόμῳ δικαιοσύνης ἡ τῷ εὐαγγελίῳ ἔστιν ὑψηλότης, Sublimitas Evangelii est quādam exsuperantia Legis: nam cū illa actionem puniat, hac cogitationem.* Et l. 4. Ep. 204. *μειζονα ὥς σπυλαίων ἡμῶν πέρεσθην & ἀδελφὰ καὶ ἱπὰδλα, μακροτέρα ἐποίησε τὰ σάδια, majora nobis quā priscis proposuit & certamina & præmia, & ampliora fecit stadia: quia non solum à cade puros nos esse vult, sed etiam ab ira; nec ab adulterio, sed à concupiscentia; nec à perjurio, sed à juramento.*

Hæc fuit Græcorum Patrum de Legis Moralis Perfēctione Extrinseca unanimis sententia. Atque Latinorum lingua diversā, vox eadem. *Prohibitā irā, plus Lex quā amisit invenit,* Tertull. l. de Patientia. *Pulcherrimo ingressu opus Legis caput excedere, & profectū potiori præcellere,* Hilar. can. 4. in Matth. *Præcepta Christi subtiliora sunt præceptis Legis,* Greg. hom. 40. in Evang. *Perfectiora præcepta Evangelio reservata sunt: nam Ego dico vobis, h. e. super omne præceptum dico: quia sicut sunt Sancta Sanctorum, itā præceptum præceptorum,* Ambr. Ser. 5. & Ser. 16. in Psal. 118. *Pura non opus est congerere, est enim res prompta atque perspicua. Lex Christi Legis Moralis ἐπιταγαί, πληρώσις, περιουσία: præcepta Christi præceptis Legis τελειότερα, ὑψηλότερα, μακροτέρα, μείζονα, subtiliora, latiora, excellentiora, majora, perfectiora.* Sed numquid perfectiora simpliciter & in se? Absit. Quæ eadem sunt, perfectiora non sunt: nam & homicidium cordis; & adulterium oculorum, sicut Christus, itā Lex prohibuit; & dilectionem inimicorum, sicut Christus, itā Lex imperavit. De inimicorum complexu Lex loquitur, Prov. 25. 21. *Si esurierit inimicus, ciba illum; si sitiverit, da ei aquam bibere.* De homicidio cordis, Lev. 19. 17, 18. *Non oderis fratrem tuum in corde tuo; non quæres ultionem, nec memor eris injuriæ civium tuorum.* De adulterio oculorum, Prov. 23. 26. 33. *Præbe, fili mi, cor tuum mihi, & oculi tui vias meas custodiant; Nè oculi tui videant extraneas, & cor tuum loquatur perversa.* Ergo si eadem sint utrobique mandata, necessariò sequitur quod Christus ea non reddiderit perfectiora, nisi solummodo

modo quoad modum intelligendi; nec latiora, nisi per additamenta explanationis; nec sublimiora, nisi significationis perspicuitate. Et hoc quidem modo non diffitemur, sed agnoscimus, quod & latiore reddidit, quia illustriorem reddidit; & sublimiorem, quia ad sensum nativum revocavit; & perfectiorem, quia à corruptelis Scribarum & Pharisaicis glossematicis repurgavit. Et hoc est quod Patres volunt, si Hieronymum & Chromatium audiamus pro cæteris loquentes. *Quod minus erat addidit Christus*, inquit *in Matth. 5.* Chromatius, *quia praecepta Legis in melius reformavit.* Atque eo ipsissimo capite Hieronymus, *Phariseos*, inquit, *sugillavit, qui contemptis mandatis Dei, proprias statuebant traditiones.* Atque hoc illud est quod ipse Christus suo ipsius digito demonstravit; *Nisi abundaverit iustitia vestra plus quam Scribarum & Pharisaorum, non intrabitis in regnum caelorum.* Propterea Ego dico vobis, non verba Legis corrigens, sed glossas Rabbiorum; non novam Legem tradens, sed veterem ad sanam intelligentiam reducens; non nova sive Consilia sive Præcepta constituens, sed novum interpretandi modum; Pharisaïs quidem novum, Prophetis autem probè cognitū. Exemplis res erit clarior; & sponte se nobis offerunt. In Evangelio secundum Marcum, c. 1. v. 27. cum è dæmoniaco spiritum immundum Christus expulisset, *expauperunt omnes*, inquit Evangelista, *quærentes inter se matrem, quæ illa doctrina nova esset; nam spiritibus*, inquit, *imperat, & obediunt ei:* cum tamen in se novum non erat dæmones ejicere, quod Prophetæ fecerunt, dicente Chrysostomo, sed novum ipsis videbatur. Pariter & Act. 17. 19. cum contra idololatri cultum impetuosiùs paulò Apostolus ferebatur, apprehensum eum philosophi in Areopagū abduxerunt, & quænam illa nova doctrina esset percontati sunt: cum tamen Dei solius cultum prædicare in se novum non erat, sed ipsi sic existimabant, *omni idōtote in novum*, inquit Theophylactus, *quod nunquam audiverant.* Similiter & in ea quæ prima Christi fuit Concione celeberrima, quando Legis Moralis expositionem ad eò disertam ante oculos posuit, interpretationem novam si quis placeat appellare, esto, per me licet, non contendo; at non Legem novam, atqui interpretationem novam, personarum respectu, non rerum. Istius seculi populo novum erat, atque ipsorum Doctoribus Pharisaïs, non Mosi & Prophetis. Quòd si isti non contenti, Pontificios in hac parte sequenti Antinomi adhuc urgeant, Salvatorem nostrum in prima illa Concione Legem Moralem in se, quoad substantiam, aut correxisse, aut ampliassè, aut innovasse, aut perfectiorem reddidisse; intelligant aliquando quòd contra animam suam hæc temere effutiant: nam si perfectiorem exhibuit, ergò non evacuavit, quod est ipsius contra hæreticos argumentum Chrysostomi. *Interrogemus*, inquit, *eos qui Veterem Legem explodunt, annon irasci contrarium sit illi præcepto quo prohibemur occidere? annon potius est suppletorium?* Proculdubio suppletorium: *ὅτι ἀνὰ πρὸς τὸν περὶ τοῦ ἀνθρώπου νόμου, ἀλλ' ὁ νόμος ὁ πρὸς τὸν Θεόν, non interitus est priorum, sed augmentum & complementum;* nec ad Legis destructionem dictum est, sed ad maiorem custodiam. Igitur utrinque observent se hoc illaqueatos dilemmate. Aut Christus Legem Moralem perfectiorem reddidit, aut non reddidit. Si reddiderit, ergò non abrogavit; si non reddiderit, sed eam in statu primitivo reliquerit, ergò eam confirmavit: Quæ sanè verissima est sententia, Confirmasse Legem Christum, non mutasse: perfecisse eam, non in Fundamentalibus, sed in Accessoriis; non quoad terminos essendi, sed quoad modum intelligendi, quæ est Perfectionis ratio non Formalis, sed Adventitia. Hæc prima erat Propositio, Lex Moralis, quantum ad plenioram ipsius intelligentiam, graduum susceptiva fuit, & revera augmenta Perfectionis suscepit.

in Matth. 5.

Hom. 16. in Matth.

Secunda

Secunda sequitur, de Perfectione Intrinseca & Formali, & sic instituitur; Lex Moralis, quantum ad ipsius Essentiam pertinet, in mandatis five generalibus five specialibus neque gradus suscepit, neque perfectionis susceptiva erat, quia Perfectionis gradus numerósque omnes à principio constitutionis suæ in se complexa est, & pro sola, eaque integerrima & perfectissima, pietatis Regula populo Dei est concredita. Duplicibus Columnis Propositio sustentatur, unâ Logicâ, alterâ Theologicâ; Testimonio scil. & Demonstratione.

Columna prima à Testimonio ducitur; atque adstant testes locupletiores: sed sufficit si ex ore duorum stabiliatur, Prophetæ nimirum & Apostoli. Nam S. Jacobus, c. 1. vers. 25. νόμον πίλειον appellat, *Legem perfectam libertatis*. Nè quis verò Legem aliam quàm Moralem subindicasse S. Jacobum existimaret, c. 2. vers. 8. ad Legem Moralem nos manuducit; ubi quàm primùm νόμον πίλειον nominaverat, *Legem perfectam*, νόμον βασιλικόν, *Legem regiam*, à supremo Rege latam, postmodum vocat, & *Legem regiam juxta Scripturam*, i. e. *juxta eam Scripturam quæ est in Levitico*, c. 19. 18. ut Petrus Lombardus; vel *juxta eam Scripturam quæ est in Deuteronomio*, 5. τῆς ἐστὶν, καὶ τὸ δευτερονόμιον, ut scitè Oecumenius; h. e. *Legem perfectam & regiam juxta eam Scripturam quæ dicit, Non mæchaberis, Non occides, & Diliges proximum tuum sicut teipsum*. Ante S. Jacobum idipsum dulcissimus Psaltes testatus est, Psal. 19. 8. *Lex Dei perfecta est, convertens animas*. Septuaginta legunt, ὁ νόμος ἀμωμος; nec non Hieronymus & Euthymius, *Lex Dei immaculata*: atque ad hoc effugium è Pontificiis aliqui se recipiunt, nè Scripturæ perfectionem agnoscere vel inviti cogantur. Veruntamen Chaldaeus Paraphrastes & Pagninus *Perfectam* reddiderunt; & *Perfectam* magis propriè quàm *Immaculatam* vertendam, Genebrardus annotavit. Lorinus Jesuita agnoscit Hebræam vocem, *Themimah*, significare *integram, perfectam, absolutam, cui nihil desit*: atque Cajetanus præterea sic legit, *Doctrina Domini perfecta*; hoc est, inquit, *tanta perfectionis, ut possit vivificare animam, & actus interiores & exteriores regulans*: nec non Isidorus Clarus, *Lex Domini sincera, perfecta & absoluta, nihil mutationis admittens*. Fit quidem aliquando ut eam integritatem vox designet quæ est virtus Moralis, & per *immaculatum* reddi potest, in quo nihil est vitii; sed ea significatio est secundaria: at primario sensu perfectionem notat physicam, & eam integritatem quæ constat ex omnibus partibus; quia verbum à quo deducitur significat *consummare, absolvere, perficere*: quod egregius vir, & de literis Theologicis optimè meritis, Arias Montanus, observavit: *In eo loco*, inquit, *legem solidam, integram, seriam, omnique ex parte cunctisque nominibus absolutam, Psalmographus pronuntiat*; eamque auctoritate, copiâ, integritate, & absolutâ perfectione, atque etiam efficacitate & usu excellere & præstare testatur. Verùm istis non est immorandum; locus est satis clarus, adeoque Columna prima, in basi Apostolicæ Prophetiæque sententiæ fundata, non minùs clara & solida, Quòd Lex Moralis, quantum ad formalem intrinsecamque rationem, est Regula perfecta.

Columna altera est Demonstrativa. Erit autem Demonstratio circularis, à toto ad partes, & à partibus vicissim ad totum circumducta. Enimvero cum Præcepta Moralia sub notione triplici Scriptura intueatur, ut Unum, ut Duo, ut Decem; & summatim, sub ratione Monadis, in compendio Dilectionis; & distributivè, sub ratione Dualitatis, juxta duas Legis Tabulas; & extensivè, sub ratione Decadis, juxta partes integrantes, quæ sunt Decem mandata: idcirco ego eam juxta has rationes singulas ad amissum vocabo, ut videamus quàm sit unaquaque ex parte Regula perfectissima. Ut quem-

quemadmodum in Logicis, & ad unum, & ad duo, & ad decem genera, rerum Ordines reducuntur; nimirum, Ens, Substantiam & Accidens, & decem Prædicamenta: & velut in Mathematicis tres Circuli partes constituunt, Centrum, quod est in medio, & unum est; Circumferentia, quæ velut numerus denarius Centrum ambit, rotatque in unitatem à qua sumpsit exordium; & Diameter, h. e. linea quæ transiens per centrum, & à summo ad imum tendens, Circumferentiam in duas æquales partes sive semicirculos secat: Eodem modo & mihi, ad Legis Moralis perfectionem demonstrandam, est progrediendum. Nam ad has mensuræ rationes singulas officia hominis Christiani Sacræ Literæ revocant, ad Unum, Duo, Decem. Nimirum ad Charitatem, quæ est Centrum circuli, & velut Ens Logicum, omnia reliqua officia transcendens: ad Dilectionem Dei & Proximi, quæ sunt duo membra dividendia, in duos semicirculos totum Legis ambitum secantia: & ad decem Verba quæ totum Decalogum constituunt, sūnque velut decem summa genera, sive Circumferentia circuli, reliquas officiorum lineas in se comprehendenti. Istis ordine pensatis, nullus erit dubitandi locus relictus, quò minùs sit Regula vitæ Lex Moralis quocunque respectu perfectissima.

Prima autem ipsius Consideratio est sub ratione Unitatis. Ut enim unitas est principium & radix omnium numerorum, ipsorum semina in se continens: sic Charitas mandatorum & Principium & Compendium perfectissimum, eorum lineas omnes numerosque absolvens.

Quòd sit Compendium Apostolus ostendit, 1 Tim. 1. 5. *Finis Legis est Charitas*; *Finis*, inquit, *Legis*, quia ad Charitatem refertur omne præceptum: & Rom. 13. 9. Mandatorum ἀνακαρδιαῖσι Charitas; *Omne*, inquit, *mandatum in hoc unico verbo ἀνακαρδιαῖσι*. Quid autem est ἀνακαρδιαῖσι, nisi, ut Cyprianus vertit, *omnis Religionis consummatio, coarctatio omnium Scripturarum*; vel, ut Hieronymo magis placet, *consummatus & abbreviatus sermo quem Dominus fecit super terram*. Quà ductus ratione Greg. Nazian. Or. 40. Charitatem vocat *ῥίαν δις λόγον, ζωτομον συμπιαν, novum Decalogum & contractam regulam salutis*. Et alter Gregorius, Nyssenus, Hom. 15. in Cant. *συντηρηθῆναι τῷ εὐαγγελίῳ λόγον, concisum Evangelii sermonem, contractum eis διατηρηθῆναι τελεωπῆτα, ad facilem numeratu perfectionem*. Et tertius Gregorius, cognomine Magnus, Hom. 17. in Ev. *concisum vocabulum, quod est & unum & omnia præcepta, omnia in diversitate operis, unum in radice Dilectionis*. A beatissimo Cypriano ratio redditur, Ser. de Orat. Dominica; quia cum Dei Sermo, Dominus noster Iesus Christus, omnibus venerit, & colligens doctos pariter & indoctos, omni sexui & ætati præcepta salutis ediderit, idcirco nè in disciplina cælesti discipulorum memoria laborares, sed quod esset simplici fidei necessarium velociter disceret, hoc præceptorum suorum fecit grande compendium. Satis igitur patet quòd sit Compendium. Deinde

Quòd sit Compendium perfectum Apostolus docet, Rom. 13. 10. *ἡ τοῦ νόμου πληρωγὴ, Plenitudo Legis Charitas*; & Col. 3. 14. *ῥῶδες τοῦ νόμου, Est vinculum perfectionis*; & Rom. 13. *Qui diligit, implevit Legem*, imò implevit totam Legem; Gal. 5. 14. *ὁ πᾶς νόμος ὁ ἐν λόγῳ πληροῖται, Tota Lex impletur in uno verbo Dilectionis*. Et nè quis impletionem omnium in uno concederet, transgressionem omnium in uno negaret; & hoc quoque S. Jacobus docet, *Quisquis totam Legem servaverit, offenderit autem in uno, factus est omnium reus*. His positis, quid præterea desideratur quod pertinet ad naturam perfectissimi Compendii? cum dilectio sit usquequaque omnia, omnia Negativa,

tiva, omnia Affirmativa mandata; omnia per Remotionem, omnia per Comprehensionem; hoc est, omnimodè omnia. Quòd sit omnia per Remotionem, S. Paulus indicat, 1 Cor. 13. 1. *Si linguis loquar hominum & angelorum, si habuero prophetiam, & noverim omnia mysteria; si omnem fidem habuero, omnemque scientiam; si omnes egenis alendis distribuero facultates, si tradidero corpus meum ut comburam; Charitatem autem non habuero, nihil sum, nihil prodest.* Tam plenariè Charitas est omnia, ut sine Charitate omnia sint nihil. Post Paulum, etiam S. Jacobus loco supradicto, *Qui in uno offendit, est omnium reus*, inquit Apostolus: ratio redditur à Gregorio, *Quia in hoc uno Dilectionis præcepto virtutes omnes solidantur, & in eo, velut in Pyramidis Cono, conveniunt.* Ergò qui hoc mandatum non servat, nullum servat; sed qui vel in uno peccaverit, quamvis non totum Legis transgrediatur, tamen totam Legem transgreditur: tota enim Lex est Charitas. *Et meritò*, inquit Augustinus, Epist. ad Hieronymum, *meritò fit reus omnium, quia contra illam facit in qua pendent omnia; nam contra Charitatem facit, unde tota Lex pendet.*

Quòd sit omnia per Comprehensionem suprà est demonstratum, quia in hoc uno & continetur Lex & adimpletur: adeoque sicut ubi Charitas non est, nihil potest prodesse, ità ubi Charitas est, nil potest deesse, ut scitè Augustinus.

Quòd sit omnia præcepta Negativa, vicissim Paulus docet, 1 Cor. 13. 5. *Non amulatur, non est insolens, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate.*

Postremò, quòd sit omnia præcepta Affirmativa, & hoc ab eodem sanctissimo Paulo statuitur, 1 Cor. 13. 4. 7. *Charitas patiens est & benigna, omnia suffert, omnia credit, omnia sperat, omnia sustinet;* adeoque est & omnia, & nihil. Si de malis loquamur, istorum nihil: si de bonis, istorum omnia.

Super hunc cardinem celebre illud Augustini dictum vertitur, *Habe Charitatem, & fac quicquid vis: quod dictum est*, inquit, *non ad licentiam quidvis perpetrandi, sed quia Summa mandati Charitas.* Super eundem notissima illa Joannis Apostoli sententia, referente Hieronymo in Catalogo; qui cum præ senectute longos sermones ad Fratres facere non posset, illud unum identidem inculcabat, *Filioli, diligite, Filioli, diligite.* Interrogatus autem cur hoc solum in conventu loqueretur, responsum dedit Apostolo dignum, *Quia si hoc solum fiat, sufficit: quod non est aliud, quàm cætera omnia præcepta in uno contineri.* Jangamus igitur hæc singula, ut videamus quò tendant; & hæc quatuor Corollaria exoriuntur.

Primum, In Evangelio omnium agendorum perfectum Compendium reperitur: reperitur & in Lege.

Secundum, In Evangelio Compendium hoc ad unicum verbum reducitur: reducitur & ad unicum in Lege.

Tertium, In Evangelio hoc unicum verbum est Dilectio: idem pariter in Lege.

Quartum, In Evangelio nihil est aut extra, aut præter, aut si per hanc Dilectionem: nihil itidem in Lege. Ergò si utrobique sit verbum unicum, & hoc verbum unicum Dilectio, & hæc Dilectio perfectissimum rerum agendarum Compendium, supra & extra quod nihil est: sequitur, quòd Lex Moralis sit Regula formaliter perfectissima in suo Compendio, ratione Unitatis. Hæc prima Consideratio Legis Moralis, sub ratione Monadis,

Secunda

Secunda ipsius Consideratio est sub Dualitatis ratione, quatenus ad duas Tabulas, quasi ad duo membra dividenda, eaque perfectissima, Dilectionem scilicet Dei & Proximi, refertur. Quod hæc duo sint totius quasi membra dividenda, Christus docet in Evangelio secundum Matthæum, c. 22. ver. 40. *Ab illis duobus Lex & Propheta pendent.* Quid hoc est, *pendent*? Quid aliud quam in istis duobus continentur & fundantur? *haud aliter*, inquit Greg. Magnus, *quàm in duobus lignis*, superiore sc. & inferiore, *vestis* *textitur*, pendetque *haud aliter* quam super columnas rectum. *Sunt enim*, inquit Nyssenus, *duæ Columnæ domus Sapientia, quas Paulus Timotheo suo commendat sub nomine Fidei & bonæ Conscientia*, 1 Tim. 1. 19. per *fidem* intelligens Dilectionem erga Deum, de toto corde perfectam; per *bonam conscientiam*, *τὴν ἀγαπῶν τὸν εἰς ὁ πλησιος διὰ δεῖον*, Charitativum affectum erga proximum. Deinde quod hæc duo sint perfectissima membra, ad quæ cætera omnia sunt referenda, Salvator noster ibidem ostendit; *ab istis duobus*, *ὅλοι οἱ νόμοι*, *tota Lex pendet*; & non modò Lex, sed *Propheta*: *adde & Evangelium*, *adde & Apostolos*, inquit Augustinus. Quid est hoc, *ὅλοι νόμοι*; Nyssenus respondeat, *Quid aliud nisi ὅλον τὸ σώμα & ἀλλείας*, quia super istis totum veritatis corpus innititur, velut quibusdam cruribus. Totum corpus dixi, imò & tota Legis anima; sunt enim quasi corpus & anima pietatis. Hoc ipsum Salvator noster verbis apertissimis demonstrat, Matth. 22. 38. dum Dilectionem Dei *primum & magnum* *mandatum* vocat; Dilectionem proximi *secundum* *mandatum*, & *simile primo*: ex utraque parte proportionis spatia observans, illinc inter *primum & secundum*, hinc inter *magnum & simile magno*. Quæro igitur, Quid illud est quod intelligi voluit per *mandatum magnum*, & *simile magno*, nisi quod utrumque sit maximum, quo dari non potest majus? Nam quod ad Dei Dilectionem spectat, quod non possit dari *mandatum* majus, illa verba evincunt, *Diliges eum ex toto corde, ex tota anima, & ex tota mente tua*. Hæc vox prima Legis, quæ sanctius quicquam aut perfectius excogitare non potuit Evangelium. Quod ad Dilectionem Proximi pertinet, quod non possit dari majus aliquod *mandatum*, illa verba concludunt, *Diliges proximum tuum sicut teipsum*. Hæc vox secunda Legis; quæ consummatius quicquam tradi non potuit ab ipsis Apostolis Christi. Nam hoc, *ὡς σεαυτὸν, ὡς ἐστὶ τὸς ἑἰς ὅλης τῆς καρδίας σου, sicut teipsum*, perinde est atque *ex toto corde tuo*, quia se quisque diligit toto corde suo. Adeo est necessarium ut utrumque sit magnum, quia primum est magnum, & secundum per omnia simile primo. Quæro secundò, Quid illud quod appellat *primum & secundum*, nisi hoc ipsum, primum & ultimum? quia utrumque universa, & ambo omnia: ut illud sit velut Principium *mandatorum*, hoc velut Finis; illud velut caput, hoc velut consummatio; *καὶ τὸ κατὰ τέλος, καὶ ἡ κορυφή*, ut rursus Chrysostomus, h. e. & prima litera, & ultima, & α & ω pietatis: intra quæ officia omnia quæ vel dici, vel fieri, vel cogitari possunt, ita continentur, ut & ab his duobus mandatis dependeant, & ex his æstimentur, & ex his eliciantur, & ad horum observationem referantur. Jungamus igitur & hæc singula, ut videamus in Dualitatis ratione Legis perfectionem tribus Corollaris designatam. Primum est, Ad duo Capita pietatis officia Evangelium revocat, & Lex similiter ad duo. Secundum, Dilectio Dei & Proximi sunt duo illa Capita quæ Evangelium numerat, & ipsissima illa duo quæ Lex recenset. Tertium, Hoc duplex Dilectionis, *mandatum* pro binario perfectissimo Evangelium agnoscit, & itidem Lex pronunciat. Ergò si utrobique sint duo rerum agendarum Capita, & hæc Capita utrobique eadem, Dilectio Dei & Proximi,

Mor. l. 6. c. 22.

Hom. 15. in Cāt.

Enchir. c. penul.

Hom. 15. in Cāt.

Chryf. hom. 32. in 1 Cor. 13.

& hæc eadem juxta enumerationis legitimæ leges exquisitissima & perfectissima; sequitur, quod Lex Moralis sit Regula perfectissima, non modo formaliter, in Dilectionis compendio, sed & objective, in hoc quod Deum & Proximum respicit Dilectionis bivio. Hæc secunda Consideratio, sub ratione Dualitatis.

Tertia ipsius Consideratio est sub Decadis ratione; h. e. ipsius Decalogi, in decem se mandatis uberius diffundentis. Hanc circuli Circumferentiam in numero denario comprehensam dixi, numero non tam Arithmeticè quàm Theologicè perfectissimo. Quod decem sint Legis Moralis mandata, nemo est, usquam inventus qui negaverit, nè illorum quidem qui sibi in Imaginum cultu adblandientes, ex duobus primis unum, ex uno, eoque ultimo, duo fecerint, S. Augustini distributionem secuti, non doctrinam. In hoc omnes consentiunt, quod Decem sunt mandata, sive sint illi qui singulis Tabulis quinque præcepta inscribunt, ut post Philonem & Josephum Clemens Alexandrinus & Origenes; sive illi qui tria tantum in prima Tabula collocant, septem in secunda, ut Pontificii; sive nostri, qui & Antiquitatis & Veritatis ordinem secuti, prioris Tabulæ quatuor præcepta statuimus, posterioris sex. Omnes, inquam, unanimi consensu decem, nec plura nec pauciora, mandata recipiunt; Divini Spiritus ductu moti, qui *decem verba* tribus in locis appellat, Exod. 34. 28. Deut. 4. 13. & 10. 4.

Leinde verò quod hæc decem fiat Ordine Numeroque perfectissima, extra omnem quærendi necessitatem ponitur, quia extra omnem aleam dubitandi. Si de Ordine quæritur, Quid illâ Ordinis ratione præclarius, quæ primò nos ad Deum ordinat, deinde ad Proximum? Hæc via Justitiæ, hæc via Fidei. Quid Ordinis legibus congruentius, quàm inprimis de cultu Dei immediato tractare, & cultûs modo, tum privato tum publico; deinde mediato, in officiis Dilectionis erga proximum, tum externis tum internis, tum specialibus tum generalibus, ad honorem, vitam, convictum, possessiones, tamam pertinentibus. Si de Numero, nihil ego numericis mysteriorum somniis attribuo, at loquantur alii tamen. In Denario Hieronymus & Gregorius perfectionem Legis Moralis indicari asserere non verentur: & Augustinus in illa Psalmographi verba, *PSALLITE DOMINO IN PSALTERIO DECEM CHORDARUM*, de Decalogo non dubitat interpretari; *In decem, inquit, præceptis Legis habes psalterium, perfecta res est, Decalogus decachordium*. Denique & ex Augustino Petrus Lombardus, hac ipsâ ratione ductus, Christianum Citharædum facit, Charitatem Citharam, peccatum bestiam pietatis harmoniâ domandam. Aded ut qui decem Charitatis præcepta custodit, omnes citharæ chordas tangere censeatur. *Tangit, inquit, primam chordam, & cecidit bestia Superstitionis; secundam, (quanquam hoc est ab eo prætermisum) secundam tamen, & cecidit bestia Idololatriæ; tertiam, & cecidit bestia Erroris; quartam, cecidit bestia Impietatis; quintam, cecidit bestia Contemptus; sextam, cecidit bestia Crudelitatis; septimam, cecidit bestia Libidinis; octavam, cecidit bestia Rapacitatis; novam, cecidit bestia Falsitatis; decimam, cecidit bestia Concupiscentia*. Hæc ille: at ego hæc non urgeo, ipsi authores viderint. At illud tamen non est temere prætereundum, quod in his decem omnia probitatis officia contineantur. Sunt enim Decem præcepta quasi decem Theologica Prædicamenta: quia ut nihil inveniri potest in rerum natura quod ad decem Categorías non pertineat; ita nulla est virtus, nullum vitium, nihil honestum aut turpe, quod ad aliquod Decem præceptorum non possit referri. Hic verborum, operum, & cogitationum norma describitur. Hic actus omnes iniqui, & externi & interni, omnis prava consuetudo,

suetudo, omnes corrupti habitus, omnes obliqui affectus, omnes mali motus, sive voluntarii sive involuntarii, damnantur; & vice versa, omnes motus, & affectus, & actus, & habitus, & consuetudines sanctæ, in hisce, brevibus quidem sed rectissimis, lineis, à Prophetis, Christo & Apostolis explicatis, ordinantur & præcipiuntur. Quocirca ut colligamus jam tandem & has minutias duobus Corollaris concatenatas. Corollarium primum, In decem præceptorum ambitum Lex Moralis omnia pietatis opera compingit: etiam & Evangelium. Secundum, In his decem verbis perfectam morum vitæque regulam Lex Moralis statuit: etiam & Evangelium. Ex ore Christi, Matth. 19. 18. ex ore S. Pauli, Rom. 13. 9. ex ore S. Jacobi, cap. 2. 11. Ergò si & Veteris & Novi Fœderis testimonio adeò perfecta sit Lex Moralis regula, quâ perfectior reddi non potest, non est quidem ullo modo sine piaculo pro abrogata statuenda: imò verò absque insigni pietatis jactura & injuria Majestatis Divinæ non potuit abrogari; quia aut alia instituenda erat regula, aut eadem. Si eadem, (quod quidem est factum) res salva & integra manet. Si alia, aut imperfectior, aut perfectior. Imperfectior non debuit, quia ad sublimius perfectionis culmen nos quàm illos Christus vocavit: Perfectior non potuit, simpliciter & secundum essentiam, quia hæc erat ex ore Dei promulgata, & digito Spiritus exarata, & suffragio Christi & Apostolorum declarata jam perfectissima: sive eam summatim spectemus sub ratione Monadis, in Charitate omnia conveniunt, ut in Circuli Centro; sive bipartitim sub Dualitatis ratione, in Dilectione Dei & proximi omnia conglutinantur, ut in circuli Diametro; sive modo diffusissimo sub ratione Decadis, in Decalogo omnia comprehenduntur, velut ipso Circulo. Sicque in morem Circuli redit in se Disputatio, Quòd Lex Moralis, quocunque oculo aspicias, sit usquequaque, & Formaliter, & Objectivè, & Extensivè, ut Unum, ut Duo, ut Decem, Regula perfectissima. De Perfectione Legis Moralis hæc dicenda erant. Aternitati ejus, quæ est Proprietas secunda, in posterum est prospiciendum.

& hæc eadem juxta enumerationis legitimæ leges exquisitissimæ & perfectissimæ, sequitur, quod Lex Moralis sit Regula perfectissima, non modo formaliter, in Dilectionis compendio, sed & objective, in hoc quod Deum & Proximū respicit Dilectionis bivio. Hæc secunda Consideratio, sub ratione Dualitatis.

Tertia ipsius Consideratio est sub Decadis ratione; h. e. ipsius Decalogi, in decem se mandatis uberius diffundentis. Hanc circuli Circumferentiam in numero denario comprehensam dixi, numero non tam Arithmetice quàm Theologicè perfectissimo. Quod decem sint Legis Moralis mandata, nemo est, ulpam inventus qui negaverit, nè illorum quidem qui sibi in Imaginum cultu adblandientes, ex duobus primis unum, ex uno, eoque ultimo, duo fecerint, S. Augustini distributionem secuti, non doctrinam. In hoc omnes consentiunt, quod Decem sunt mandata, sive sint illi qui singulis Tabulis quinque præcepta inscribunt, ut post Philonem & Josephum Clemens Alexandrinus & Origenes; sive illi qui tria tantum in prima Tabula collocant, septem in secunda, ut Pontificii; sive nostri, qui & Antiquitatis & Veritatis ordinem secuti, prioris Tabulæ quatuor præcepta statuimus, posterioris sex. Omnes, inquam, unanimi consensu decem, nec plura nec pauciora, mandata recipiunt; Divini Spiritus ductu moti, qui *decem verba* tribus in locis appellat, Exod. 34. 28. Deut. 4. 13. & 10. 4.

Leinde verò quod hæc decem sint Ordine Numeroque perfectissima, extra omnem quærendi necessitatem ponitur, quia extra omnem aleam dubitandi. Si de Ordine quæritur, Quid illâ Ordinis ratione præclarius, quæ primò nos ad Deum ordinat, deinde ad Proximum? Hæc via Justitiæ, hæc via Fidei. Quid Ordinis legibus congruentius, quàm inprimis de cultu Dei immediato tractare, & cultus modo, tum privato tum publico; deinde mediato, in officiis Dilectionis erga proximum, tum externis tum internis, tum specialibus tum generalibus, ad honorem, vitam, convictum, possessiones, famam pertinentibus. Si de Numero, nihil ego numericis mysteriorum somnii attribuo; at loquantur alii tamen. In Denario Hieronymus & Gregorius perfectionem Legis Moralis indicari asserere non verentur: & Augustinus in illa Psalmographi verba, *PSALLITE DOMINO IN PSALTERIO DECEM CHORDARUM*, de Decalogo non dubitat interpretari; *In decem*, inquit, *præceptis Legis habes psalterium; perfecta res est, Decalogus decachordium*. Denique & ex Augustino Petrus Lombardus, hac ipsâ ratione ductus, Christianum Citharædum facit, Charitatem Citharam, peccatum bestiam pietatis harmoniâ domandam. Ad eò ut qui decem Charitatis præcepta custodit, omnes citharæ chords tangere censeatur. *Tangit*, inquit, *primam chordam, & cecidit bestia Superstitionis*; secundam, (quanquam hoc est ab eo prætermisum) *secundam tamen, & cecidit bestia Idololatria*; tertiam, *& cecidit bestia Erroris*; quartam, *cecidit bestia Impietatis*; quintam, *cecidit bestia Contemptus*; sextam, *cecidit bestia Crudelitatis*; septimam, *cecidit bestia Libidinis*; octavam, *cecidit bestia Rapacitatis*; novam, *cecidit bestia Falsitatis*; decimam, *cecidit bestia Concupiscentia*. Hæc ille: at ego hæc non urgeo, ipsi auctores viderint. At illud tamen non est temere prætereundum, quod in his decem omnia probitatis officia contineantur. Sunt enim Decem præcepta quasi decem Theologica Prædicamenta; quia ut nihil inveniri potest in rerum natura quod ad decem Categorias non pertineat; ita nulla est virtus, nullum vitium, nihil honestum aut turpe, quod ad aliquod Decem præceptorum non possit referri. Hic verborum, operum, & cogitationum norma describitur. Hic actus omnes iniqui, & externi & interni, omnis prava consuetudo,

suetudo, omnes corrupti habitus, omnes obliqui affectus, omnes mali motus, sive voluntarii sive involuntarii, damnantur; & vice versa, omnes motus, & affectus, & actus, & habitus, & consuetudines sanctæ, in hisce, brevibus quidem sed rectissimis, lineis, à Prophetis, Christo & Apostolis explicatis, ordinantur & præcipiuntur. Quocirca ut colligamus jam tandem & has minutias duobus Corollaris concatenatas, Corollarium primum, In decem præceptorum ambitum Lex Moralis omnia pietatis opera compingit: etiam & Evangelium. Secundum, In his decem verbis perfectam morum vitæque regulam Lex Moralis statuit: etiam & Evangelium. Ex ore Christi, Matth. 19. 18. ex ore S. Pauli, Rom. 13. 9. ex ore S. Jacobi, cap. 2. 11. Ergo si & Veteris & Novi Fœderis testimonio adeo perfecta sit Lex Moralis regula, quæ perfectior reddi non potest, non est quidem ullo modo sine piaculo pro abrogata statuenda: imò verò absque insigni pietatis jactura & injuria Majestatis Divinæ non potuit abrogari; quia aut alia instituenda erat regula, aut eadem. Si eadem, (quod quidem est factum) res salva & integra manet. Si alia, aut imperfectior, aut perfectior. Imperfectior non debuit, quia ad sublimius perfectionis culmen nos quàm illos Christus vocavit: Perfectior non potuit, simpliciter & secundum essentiam, quia hæc erat ex ore Dei promulgata, & digito Spiritus exarata, & suffragio Christi & Apostolorum declarata jam perfectissima: sive eam summatis spectemus sub ratione Monadis, in Charitate omnia conveniunt, ut in Circuli Centro; sive bipartitum sub Dualitatis ratione, in Dilectione Dei & proximi omnia conglutinantur, ut in circuli Diametro; sive modo diffusissimo sub ratione Decadis, in Decalogo omnia comprehenduntur, velut ipso Circulo. Sicque in morem Circuli redit in se Disputatio, Quod Lex Moralis, quocunque oculo aspicias, sit usquequaque, & Formaliter, & Objectivè, & Extensivè, ut Unum, ut Duo, ut Decem, Regula perfectissima. De Perfectione Legis Moralis hæc dicenda erant. Aternitati ejus, quæ est Proprietas secunda, in posterum est prospiciendum.

LECTIO XXVI.

INter alios libros quos egregius ille, & in artium ἱκανοποιεῖς vir supra plurimos meritis, Carolus Bovillus, in seculi post-futuri gratiam composuit, insignioris notæ Tractatus celebratur, quem De Mathematicis Rosis ad suum Clichthovium conscripsit, non minus subtilitate, quàm novitate etiam argumenti clarissimum. In illo libro, quæ sit Rosæ Geometricæ natura, quæ proprietates, quæ discrimina, non acutè modò, sed perspicuè demonstrat. Quòd sit unius medii Circuli, inter plures alios æquales Circulos medium regulariter interfecantes, proportionalis circumscriptio, ità ut singulorum Centra sint in mutuis Circumferentiis, singulique eadem semidiametro communicent. Atque ista propter, *Rosam Geometricam* appellat, quòd ad instar Rosæ, ut folium folio, sic Circulus Circulo intertextatur, donec Circulus unus ex multis fiat, modò pluribus, modò paucioribus. Si quinque Circuli fuerint, sit Rosa Pentagona; si septem, Heptagona: sed ità, ut earum omnium Rosa Hexagona sit præstantissima, quia nihil aut redundans recipit, aut vacuum relinquit. Quàm artificiosè & eleganter vir incomparabilis hanc Spartam ornaverit, non meum est discernere, sed in istis artibus exercitatis relinquendum est; quàm verò laudabiliter, inter alia, rei novitas testatur: fuit enim inventum novum, ipso solo auctore parenteque prognatum, nec quenquam præeuntem habuit quem sequeretur. Pariter & Ego, Auditores, si mihi eadem libertate abuti liceret in rebus Sacris, quâ usus est vir doctissimus in Mathematicis, & me quoque posse in hac Moralis Legis defensione Rosam vobis exhibere non dubitarem, quamvis non Geometricam, at Theologicam tamen, quæ sit & visu pulchrior, & olfactu suavior, & propter has disputationum spinas tactu tenerior, multoque dignior quæ dehinc vestris, non manibus, at auribus animisque, & legatur & deferatur. Ex horto, vel Paradiso magis, Scripturarum Theologica hæc, de qua loquor, Rosa decerpitur, isti Geometricæ non absimilis: etenim ex Circulis constat, & qui se mutuo proportionaliter secant, & amplexu dulcissimo complicantur in Circumferentiis, eademq; Legis Moralis semidiametro communicant. Denique, si figuram advertimus, est Hexagona, in sex Circulos velut defensionis nostræ folia se diffundens, quorum singula sic se invicem tangunt, ut tamen omnia Legem Divinam contra Adversariorum injurias ad instar sepimenti circumcingant: & rursus omnia sic sibi invicem cedunt, ut unumquodque per se diem novum ac integrum ad intuitum exposcat.

Primus Circulus Legem ambiens est Testimonium Christi. Verba Christi sunt revera Circulus, cujus Centrum est *Ità*, Circumferentia *Etiam*. Hoc ipsius nomen est, Rev. 3. 14. *Amen, testis fidelis & verax*, id est, *Ità & Etiam*, ut S. Paulus loquitur.

Secundus est Testimonium Apostolorum. Et hoc quoque est Circulus, cujus Centrum est *Unitas*, Circumferentia *Quatuor*, quòd in unum quatuor Apostoli sententiam conspirent, Jacobus, Joannes, Petrus, Paulus, nè forè deesset huic Circulo nostro Quadratur.

Tertius est Legis Perfectio. Perfectio est Circulus, cujus Centrum est Omnia, Circumferentia Nihil. Idem & Dilectio, quæ summa Legis, maiorum

lorum nihil, bonorum omnia, mandata quæcunque & Affirmativa & Negativa in se comprehendens.

Quartus est *Æternitas Legis*. *Æternitas* est Circulus, cujus Centrum est Semper, Circumferentia Nunquam, Idem & Lex Moralis ad hoc ipsum à Deo Dominoque nostro & lata est & stabilita, ut universis seculorum successionebus pro vitæ morumque regula esset, semper duratura, nunquamq; solvenda.

Quintus est *Utilitas Legis*. Et hæc quoque Circulus potest appellari, cujus centrum est Homo, Circumferentia Deus; vel Centrum Terra, Circumferentia Cælum: quia huic inter ceteros usus inservit, ut per rectissimas lineas ab officiis quæ Deum ad ea quæ hominem respiciunt officia nos ducat, & ab Obedientia quæ in terris præstatur ad præmium quod in cælo reponitur.

Sextus & ultimus est *Nexus communis*, tum Legis tum Evangelii, quantum ad officia Practicæ. Et hic quoque est Circulus, cujus Centrum est Idem, Circumferentia Simile: quia utriusque est vox similis & eadem, Præcepta similia & eadem, Fundamentum plusquam simile, idem & unicum, Prophetarum & Apostolorum, ut S. Paulus loquitur. Istis jam singulis pensatis, nemo, opinor, est qui Rosæ Theologicæ nomen huic aut invidet, aut detrahet Defensunculæ nostræ. Sunt enim sex Capita, sex Circuli, unicum Legis Circulum ambientes. Quorum quidem etsi adhuc duntaxat tria priora Capita expeditimus, attamen tribus quæ supersunt posterioribus pondus suum & efficacia ad Causæ confirmationem non deest. Atque ecce jam prostant ordine suo depromenda.

De Perfectione Legis Moralis, supremo qui jam effluxit præsentis nostræ die differimus, eamque ut duabus columnis suffultam, Logicâ & Theologicâ, contemplati sumus, nimirum & Testimonio Scripturarum, & Demonstratione circulari, à toto ad partes, à partibus vicissim ad totum recurrente: quod sit Regula pietatis perfectissima, & Formaliter, & Objectivè, & Extensivè, ut Unum, ut Duo, ut Decem; sive summatim eam spectes in suo compendio, quæ est Charitas, sive distributivè in membris dividendis, quæ sunt Dilectio Dei & Proximi, sive modo diffusissimo in decem Decalogi præceptis. Hæc omnia jam satis sunt explicata.

Nunc restat, ut à Perfectione ipsius ad *Æternitatem* descendam, quæ secunda est Proprietas huic subserviens speculationi; quæ nisi statuatur, Argumentum à Perfectione ipsius deductum minus valebit. Est enim laus Legis præcipua, Perpetuitas, sine qua Perfectio evanescit, quia potest quid esse perfectum, & non æternum, sicut Lex Ceremonialis in suo genere perfecta erat, sed transitoria: quod si & Morali idem contingat, ut sit regula vitæ morumque perfecta, sed temporaria, cui durationis terminus post adventum Christi ortumque Evangelii constitutus sit, h.e. si non sit æterna, & per omnium seculorum memoriam perpetuanda, quid impedit quod minus impune Antinomi gloriantur cessasse eam prorsus atque evanuisse? In ipsius igitur *Æternitatem* labor hodiernus impenditur, hoc uno præmissa, quod sub duplici notione *Æternitas* consideratur. Est enim *Æternum* sic dictum simpliciter & primò, & est *Æternum* per participationem entis primi. *Æternum* simpliciter & propriè, est spatium principio & fine carens; unum perpetuum Nunc, quod nec habet præteritum nec futurum. Το χρόνος αὐτός ἐστιν ὁ αἰὼν ὁ ἀσπρόβουτος, ut Bas. lib. 2.º con. Eunom. hoc est, definiente Aquinate, *Duratio immutabilis & indeficiens*,

carens successione, tota simul existens. Hoc modo considerata Aternitas, *καταμετρίσις ἔστι τῆς αἰῶνος*, ut Pelusiora loquitur, 1.3. Ep. 18. *Proprietas est individualis, & quasi character Divina natura*, & quarto Proprii modo Deo competit; nimirum & Soli, quia nulli creaturæ; & Omni, (si de simplicissima illa Unitate ita loqui liceat) Omni, inquam, quia unicuique Personarum sacre Triados; & Semper, quia æternæ, h. e. plus quam semper, Deus est æternus, videlicet, modo supra artis Logicæ regulas propriissimum. *Ὁὐδὲν γὰρ τῆς αἰῶνος ἰσχύος ἔστω ἰσχυρὸν αἰσ ἀϊδιον*, ut eleganter idem Pelusiora, lib. 4. Ep. 63. *Nulla Deo magis propria proprietas quam Aternitas*. Secundum hanc verbi significationem de Aternitate non agitur. Quamvis enim in Deo Lex sit simpliciter æterna, sicut Dei omnia; at extra Deum considerata, quemadmodum nos de illa disputamus, non est æterna hoc priore loquendi modo, quia extra Deum produci aliquod ens æternum est impossibile. Quod enim est extra Deum, est aliud à Deo; & quod à Deo aliud est, creatura est; & quod creatura est, æternum esse non potest, sed est aut æviternum, aut temporaneum, aut instantaneum.

Accedamus igitur ad modum secundum. Aternum per participationem & similitudinem, in sensu castigato, est nihil aliud quam spatium rei creatæ non demutandæ, sive duratio ejus indeficiens. Sic ea quæ sunt vetustissima, & ad finem usque mundi duratura, æterna dicuntur, quamvis finem habitura sint: ut *montes æterni*, Hab. 3.6. *tempora æterna*, *οἱ χρόνοι αἰωνίων*, 2 Tim. 1.9. Tit. 1.2. Sic ea quæ sunt perpetua, ut angelus & anima, & quæcunque finem non habent, quamvis ortum habuerint, æterna dicuntur. Quod si præcisè & strictè loquamur, æternitas hæc potius dicenda est quam æternitas; est enim quasi dimidiata æternitas, à parte post, non à parte antè. Et verba quibus ad hanc exprimendam Theologi utuntur, *ἀσφαλείας* & *ἀφθαρσίας*, inferioris notæ sunt quam quæ possunt per æternitatis vocabulum reddi aut transferri: at secundariò tamen, & populari loquendi modo, quod tantum est æviternum aut sempiternum, æternum dicitur, scil. quod à principio constitutionis suæ per omnia secula & temporum revolutiones in perpetuum remanet. Non igitur de Aternitate nunc loquimur secundum exquisitissimas ipsius rationes, sed sensu remisso & circumciso. Atque ad hanc loquendi normam, dum eam proprietatem Legis Moralis statuimus, revocamus; ut sensus sit, quod Lex Moralis sit regula pietatis immutabilis, à Deo constituta usque ad finem mundi duratura. Quo posito, dementis est dicere, Prædicatione Evangelii eam abrogatam fore. Sit igitur hæc Conclusio; Præcepta Decalogi sunt norma bene vivendi, ut perfectissima, ita sempiterna & immortalis, in hunc finem à Deo primitus instituta, & postmodum à Prophetis agnita, & postremò paginis Evangelicis confirmata, ut suum servaret per omnes ætates, Ecclesiæ etiam Christianæ, honorem, vigorem & perennitatem, nec unquam emori aut intercidere posset, donec vox illa impleatur, *Tempus non erit amplius*, & nè sic quidem prorsus interitura.

Ad hanc penitus enucleandam progrediendi ansam ipsa mihi Conclusio suppeditat, ex eo quod dixi Aternitatem Legis Moralis non minus Evangelicis quam Legalibus paginis confirmatam: & ex eo etiam, quod per omnes ætates utriusque Ecclesiæ eam dixi perpetuandam. Non enim potest aliis mediis rei alicujus perpetuitas demonstrari, quam si ostendatur & de Facto, quod ita sit, & de Jure, quod ita esse debeat: atque ex utroque hoc medio Propositionis certitudinem stabilitam dabo. Juri autoritas Divina suffragatur; Facto, temporum historia. Qua-

Quapropter illustrationis media hæc duo statuuntur; Authoritas Scripturæ Sacræ, & Inductio à seculorum Ecclesiæ omnium instantiis de prompta.

Primum Medium ex Scripturarum Authoritate desumitur, atque sponte sese offert plenus Testimoniorum & numerosus Catalogus, non minùs Moralis Legis quàm ipsius Evangelii perennitatem pronuntians. De æterno Evangelio legimus, Apoc. 14.6. *Vidi alterum angelum per medium cælum volantem, habentem εὐαγγέλιον αἰώνιον*, Evangelium æternum: ubi æternum dici interpretes advertunt, non modò quòd salutem æternam promittat, ut Primasius, Ausbertus, Anselmus, & Haymo: sed quòd ab æterno à Deo præfinitum sit, ut Andreas Cæsariensis, *ἅς θ' εἰς αἰῶνα. προεβίβη* & adhuc, ut omnium optimè Rupertus, *quia non erat perituum & antiquandum; quia, inquit, virtus & veritas Dei est, quæ transire aut veterascere non potest*. Quòd si de Legis mandatis hoc dictum foret, aperta res esset, testèsq; alii superfluerent. Sed de Evangelio dicitur, non de Lege. Imò verò de Lege & Prophetis unà cum Evangelio dictum Rupertus contendit. *Evangelium æternum, inquit, est Evangelium Christi cum testimonio Legis & Prophetarum*. Et paulò pòst, *Evangelium cum Lege & Prophetis sibi sociat*. Sed solius hæc est hominis assertio; mittamus igitur, & audiamus ipsum Spiritum Sanctum. Habetur locus Deut. 29.29. *Abfcondita Jehovæ Dei nostri sunt; & revelata nostra sunt, & filiorum nostrorum, usque ad sempiternum, ut faciamus omnia verba Legis hujus*. Quid ad hoc? Satin' est manifestum? quod suprà *Evangelium αἰώνιον*, hic *νόμος αἰώνιος*. Sed hoc fortassis Moses semel, & de seipso, ad suæ Legis honorem, pronuntiavit. Auden' scelestè, virum *Διόμδον* & Prophetam proprio spiritu locutum affirmare? Atqui Moses solus hoc non dixit, sed Psalmographus, & sæpius, & penè passim. Habetur locus Psal. 19.10. *Timor Domini mundus, permanens in seculum*. In eo loco S. David variis titulis Legem celebrat: nam & *Legem* vocat, quòd rectè vivendi rationem proponat; & *Testimonium*, quia de voluntate Dei nobis testatur; & *Mandata*, quòd contineat quæ nobis Deus observare præscribit mandatque; & *Præceptum*, quòd in se habeat quæ à nobis exigit Deus, & quæ vetat; & *Judicia*, quòd recto iudicio omnia agere instituat; & *Timorem Dei*, Metonymicè, quòd veram Religionem ingerat, doceatque quomodo timere Deum oporteat: & hunc *Timorem*, hanc *Legem*, hæc *Judicia*, hæc *Testimonia*, hæc *Præcepta*, hæc *Mandata*, vera, recta, certa, fidelia, pura, perfectè, æterna pronuntiat. Quid igitur? Num spiritu privato & proprio etiam Psalmographus locutus est? Num semel, & non sæpiissime? Quid igitur illud est quod occurrit Psal. 119.152. *Initio cognovi de Testimoniis tuis, quia in æternum fundasti ea*; & vers. 160. *Principium verbi tui veritas, & in æternum omnia iudicia iustitiæ tuæ*? Quid illud Psalmi 111.8. *Fidelia omnia mandata ejus, confirmata in perpetuum & in seculum*? Quid hæc sibi volunt omnia, in æternum fundata, in æternum mansura, in æternum confirmata, nisi firma & fixa & immutabilia, nullo Ecclesiæ seculo peritura, nunquam amolienda, nunquam abroganda? Equidem in se satis hæc videntibus perspicua sunt, imò lippientibus, sed renitentibus & in errore suo obfirmatis non item. Etenim, quantum conjecturâ auguror, hoc est quod responsuri sunt; Neque de solis Præceptis Moralibus pronuntiata hæc Psalmographi esse intelligenda, sed de Legalibus singulis, sive Moralia fuerint, sive Judicialia, sive Ceremonialia: & deinde etiam, æternum accipi pro *dinturno*, sicut sæpe in Scripturis. De Lege Expiationis dicitur, Lev. 16.29. *Erit vobis in statutum perpetuum*. De Lege Convo-

Convocationis populi per tubarum sonitum, Num. 10. 8. *Erit vobis in statutum sempiternum generationibus vestris.* De Sacrificiis, Lev. 6. 18, 22. *Statutum perpetuum est Jehova.* Et de aliis non paucis, usque ad Christi manifestationem duraturis, & tum demum sepositis. Propterea sequitur, *Moralia non magis esse perpetua quàm Ceremonialia, quia Ceremonialia non minùs aterna dicuntur quàm Moralia.* Ut igitur istis fiat satisfactum, tres statuo Propositiones.

Prima, *Aeternum* in locis supradictis non unius notat Seculi durationem, sed omnium. Astipulantur Interpretes: *Aeterna dicuntur, & quia ducunt in aternitatem, & quia valent in aternitatem,* Remigius. *Aeterna dicuntur, quia sunt indemutanda veritatis Constitutiones,* Hilarius. *Aeterna dicuntur, quia non aliquando mutabuntur, nec labefactabuntur, quemadmodum statuta hominum,* Janfenius. *Aeterna dicuntur, quia non ad tempus, sed semper & in indeficientia temporis firmantur,* Cajetanus. Postremò, *Aeterna dicuntur, quia sunt mandata sine dubitatione perpetua, ab ipso profecta cujus sententiam nec tempus aliquod mutabit, nec res ulla subvertet;* quæ Glossa est eruditissimi Episcopi Herbipolensis.

Secunda est, *Mandata* in locis supradictis, non Ceremonialia aut Judicialia intelliguntur, sed sola Moralia. Est & hæc quoque conjuncta sententia Interpretum, Judæorum, Christianorum; Veterum, Recentium; Pontificiorum, Protestantium. Pro Rabbini Aben Ezra loquatur, citante Bucero; *Intelligenda sunt,* inquit, *de Lege & præceptis quæ sunt omnium cordibus inscripta, quibus nihil est aquè verum & firma relictitudinis.* Pro Patribus, Bruno Herbipolensis loquatur; *Per timorem Domini Psalmodigraphus intelligit mandata Dei quæ in Veteri & Novo Testamento conscripta sunt, quæ in semetipsis permanent, quia status eorum nullâ varietate mutatur.* Vel, si placet, loquatur author non contemnendus Pampolitanus, *Præcepta aterna dicit, quia sunt mansura usque ad finem mundi: & non sunt transitoria, sicut fuerunt mandata Legalia.* Imò loquatur potius vir utroque antiquior doctiorque, Joan. Chrysostomus; *Fidelia mandata vocat, id est, firma & manentia;* ἱερὸν ὁ νόμος τὸν μέγιστον ἐξαιρέτων, & ἀδύνατον ἔχει δινέναι, *habet enim Lex hoc inprimis eximium, immortalitatem & perpetuitatem.* Et quæ Lex? Et lex Creationis, & lex Naturæ, & lex Philosophiæ, & Lex Novi Testamenti. Pro Pontificiis loquatur Cajetanus; *Propheta ad literam tractat de præceptis Decalogi tantum, ità quòd appellatione Omnium præceptorum comprehenduntur omnia Divina præcepta Moralia, quæ sola spectant ad Decalogum, excludendo Ceremonialia.* Postremò, de nostris eligant quemcunque. Obfignatæ sunt tabulæ, res est in confesso, quòd de solis Moralibus aternitas illa sive perpetuitas enuntiatur. Sit igitur

Tertia Propositio, *Legis Moralis aternitati etiam literæ Evangelicæ attestantur,* phrasi verbisque Davidicis retentis; tum iis quæ ad Exordia ejus spectant, tum iis quæ ad ejus Perpetuitatem. Videamus primò de Exordiis,

De Exordiis Sanctus David loquens, mandata Divina asserit & à principio vera, & à principio eadem. Similiter & S. Joannes ter idem inculcat. 1 Ep. cap. 2. ver. 7. *Mandatum vetus scribo quod habuistis à principio;* & cap. 3. ver. 11. *Hæc est annuntiatio quam habuistis à principio, ut diligatis invicem;* & Ep. 2. ver. 5. *Hoc est mandatum ejus quod habuimus à principio, ut diligamus alii alios.* Consultò Apostolus tribus loquendi vicibus mandatum idem appellat cum eo quod traditum est à principio; ne

in Psal. 119.

152.

in Psal. 119.

Janfen. ibid.

in Psal. 119.

152, 160.

Gruronis in Ps.

118. 160.

in Psal. 110.

in Psal. 110.

nè quis principium intelligeret Christianitatis, non principium Temporis, aut Naturæ, aut ipsius Legis promulgatæ. Et unoquoque istorum respectu idem ostendit esse mandatum à principio; Idem mandatum Legis Evangelicæ, in principio Ecclesiæ Christianæ renovatum; idem Legis Moralis, in principio Ecclesiæ Judaicæ Divino digito exaratum; & idem Legis Naturalis, in principio Naturæ constitutæ humano pectori impressum. Videtis quòd verbis ad Exordia Legis pertinentibus Psalmographus & Apostolus consentiant.

Pariter & in iis ipsissimis verbis quæ Legis Perpetuitatem describunt. *Verbum Domini permanet in æternum*, est vox Davidis: & vox eadem S. Petri, Ep. 1. cap. 1. ver. 25. *Verbum Domini manet in æternum*, & *non uia*. Esto, non difficemur: sed S. Petrus de verbo Evangelico loquitur, sive de verbo Promissionis; sequitur enim, *Verbum Domini manet in æternum: hoc autem est Verbum quod evangelizatum est vobis*. Locum igitur integrum consulamus, locique originem, ut ex ipsius progenie sensum expiscari valeamus. Habetur ver. 24. *Omnis caro fenum, & omnis gloria ejus tanquam flos feni; exaruit fenum, & flos ejus decidit: at Verbum Domini manet in æternum: Hoc autem est Verbum quod evangelizatum est vobis*. Desumpsit Apostolus ex Isaia propheta, cap. 40. ver. 6. *Vox dicentis, Clama. Quid clamabo? Omnis caro fenum, & gloria ejus quasi flos agri: exsiccatur fenum, cecidit flos: Verbum autem Dei nostri manet in æternum*. Ex Psalmo Davidico Isaïas transcripsit, nempe ex Psal. 103. 15. *Recordatus est quòd homo pulvis, sicut fenum dies ejus, sicut flos agri sic efflorescit: Misericordia autem Domini ab æterno in æternum*. Hæc, inquam, loci progenies, tribus distincta gradibus: etenim à Spiritu Sancto ad Davidem, à Davide ad Isaïam, ab Isaia ad S. Petrum descendit. Propterea non potest de solo verbo Promissionis, aut solis mandatis Evangelicis intelligi; quòd ante S. Petrum Isaïas idem dixerit, & ante Isaïam David, idque non modò de verbo Promissionis, sed de Lege Morali: adeoque fortius est pro Legis æternitate argumentum istius clausulæ supplemento, *Hoc autem est Verbum quod evangelizatum est vobis*; cum idem Verbum quod à Petro est evangelizatum, ab Isaia prius erat prædicatum, & prædictum prius à Davide. Ergò sequitur necessariò, quòd quo sensu David loquutus est, eodem & Isaïas, & quo Isaïas, eodem & Petrus. Adeoque non Mosis solius testimonio, sed Davidis etiam, & Joannis, & Petri, Legis Æternitas stabilitur. Atque de primo probationis Medio, ab Autoritate desumpto, hæc sufficiat præbasse.

Secundum Medium ab Inductione trahitur: Inductio autem ab Instantiis sumenda est; ut videamus quæ Legis Moralis facies ante tempora, post tempora, & in decursu vel spatiis temporum, quæ sunt velut intervalla quædam ad hanc sempiternitatem tendentia. Intervalla hæc inter principium & finem Universi circumvertenda sunt. Sunt autem sex numero, velut Ætates totidem Legis Divinæ. Ætas prima in statu Naturæ integræ; secunda, in statu Naturæ mox corruptæ; tertia, sub Mose; quarta, sub Prophetis; quinta, sub Christo; sexta, sub Apostolis. Fuit enim à Adamo insita, & Patriarchis variis patefactionis modis renovata, & Mose in Tabulis tradita, & à Prophetis illustrata, & à Christo stabilita, & ab Apostolis, quod ad puram ipsius intelligentiam pertinet, perfecta jam reddita. Brevitatis studio ad tria Capita sex ista sunt revocanda; Ad tempus Primitivum Legis insitæ; ad tempus Succedaneum Legis scriptæ, sub Mose & Prophetis; ad tempus *Restitutionis*, sub Christo & Apostolis. Atq; singulis istis

istis juxta se positis, quinque sunt Specula in quibus Legis Moralis naturam intueri possumus.

Speculum Mentis Divinæ, ante facta tempora.

Speculum Mentis humanæ, in principio temporis.

Speculum Duarum Tabularum, in profectu temporis.

Speculum Evangelii, in restitutione temporis.

Speculum Gloriæ, post effluxa tempora. De singulis dicendum est aliquid, quamvis perexiguum. Exordior à primo.

Speculum primum est Mentis Divinæ: hoc primum, quia ipsi Deo coæternum; est enim ipsius Essentia, in qua rerum omnium rationes continentur, sive factibilium, sive scibilium, secundum formas intellectuales & esse repræsentativum, adeoque eminenter, ut Anselmus dixerit, *Res verius esse in Deo quam in semetipsis*: & Augustinus lib. 5. super Gen. cap. 15. asserere non dubitavit, sic *Singula propriis creata & disposita esse rationibus, ut in notitia facientis essent priusquam fierent; & ibi veriora, quia æterna & incommutabilia*. Quod quidem non ad existendi differentias rapiendum est, quasi uno modo in seipsis existerent, alio in Divini Consilii exemplari: sed nobiliori modo in suo Archetypo contineri, non ratione ejus quod sunt, sed in quo sunt, ut Bonaventura loquitur. Est enim Deus, ut Aquinas loquitur, & principium factivum, & principium cognoscitivum rerum omnium: ergò rationem sui operis apud se necesse est ut habeat. Unde fit, ut quæcunque potest, in ipsius dicantur esse Potentia; & quæcunque cognoscit, in ipsius Scientia; & quæcunque præscribit, in ipsius Beneplacito. Quod eleganter Boethius explicavit De Consol. lib. 3. — *tu cuncta superno Ducis ab exemplo, pulchrum pulcherrimus ipse Mundum mente gerens*. Quocirca cum singula in mente Creatoris ab æterno secundum Exemplar præexistant, atque ab Exemplaris participatione suos existendi modos postmodum habeant: idcirco necessarium est ut concedatur, Legem Moralem in Idea mentis Divinæ ab æterno existisse, atque ex profundissimo isto Sapientiæ pelago depromptam, quod possit hominibus esse regula vivendi perfectissima & optima. Hoc illud est quod de libro Præcipientiæ Divinæ toties Scriptura inculcat, Psal. 56. 8. *Nonne in libro tuo omnia scripta sunt?* & Psal. 139. 15. *Non est occultatum corpus meum à te, quando factus fui in occulto, quando variis membris decoratus fui in inferioribus terra: imperfectum meum viderunt oculi tui, & in libro tuo universa scripta sunt*. Ex quibus utrisque hoc inprimis elicitur, Non solum à Deo præcognosci omnia, sed prædisponi. Et propterea hæc exquisitissima Exemplaria libros dici, in quibus omnia prout præordinata fuerint clarissime emicant. Et Norma Salutis humanæ, velut eam Deus in Christo secundum beneplacitum suum ordinavit; & Norma Creationis Universi, sicut eam Deus in principio & dierum & creaturarum distinctione disposuit; & Norma Justitiæ practicæ, velut eam postea in Scripturis Sacris declaravit. Atque hoc illud est quod Salomon, Prov. 8. eleganter depinxit & pulchre, miroque Spiritus artificio; *Sapientia clamat, & Prudentia dat vocem suam. Ad vos, O viri, clamite, & vox mea ad filios hominum. Audite, intelligite, animadvertite; quia iusta & recta sunt eloquia oris mei. Timor Domini est odio habere malum. Per me Reges regnant, & quæ sequuntur. Deinde ver. 22. Dominus possedit me in principio via sue, antequam quicquam faceret à principio; ab æterno ordinata sum, & ex antiquis, antequam terra fieret. Non dum erant abyssi, nec fontes aquarum eruperant: ante montes, ante colles*

Aug. etiam in
l. 83. q. 46.
In Sent. l. 1.
D. 36.
P. 1. q. 15. Art. 3.

colles formata sum, ante terram & flumina, & cardines Orbis: & tum sequitur, *Sapientia edificavit domum suam, excidit columnas septem. Principium Sapientiae timor Domini. Nunc igitur, filii, obtemperate mihi: beati qui custodiunt vias meas: qui peccat contra me, spernit animam suam, & ita deinceps.* Quam signanter hanc quæ præ manibus est disputationis partem Divini Spiritus Concionator delineat, totius capitis tractus ostendit! Agnosco non deesse Interpretes, Veteres imprimis, qui omnia quæ hîc Sapientiae tribuuntur, de Christo intelligenda existimant, etiam secundum sensum historicum & literalem: sed Neotericorum plurimi, ut Cajetanus, Jansenius, Munsterus, loqui Salomonem (meâ quidem sententiâ rectius) arbitrantur de Sapientia in genere, ut & Deo competit, & ex Dei dono hominibus revelatur; adeoque nomine Sapientiae cognitionem Divinæ Voluntatis accipiendam; quæ & in Idea mentis Divinæ fulgentissimè lucet, & nobis in Verbo plenissimè manifestatur. Ex duabus istis partibus Descriptio Salomonis contextitur.

Pars una Sapientiam increatam, juxta æternitatis rationem, depingit, in Archetypo Divinæ mentis radiantem, vers. 22. *Dominus possidebat me in initio viarum suarum, ante opera sua, ante ullum tempus, hoc est, priusquam aliquid operatus fuisset quod ab hominibus vel videri vel cognosci potest; ante seculum, i. e. ante omne temporis momentum; ante primordia terra, h. e. antequam moles illa quæ terram simul & aquam continebat, rebus omnibus fuit instar materiæ; etiam & ante omnem cœli ornatum, cum adhuc cœlum & terra simul involvebantur, & quasi fermentabantur aquæ, cum firmamentum nullum erat quod terram cingeret, suoque circulo velut Cingulo constringeret.* Hæc omnia apertissimè demonstrant, de Sapientia increata sermonem haberi, quæ quatenus est in Deo & apud Deum, est ipsa Deus. Et hæc Descriptionis pars prima.

Pars altera Sapientiam quidem eandem, sed propter modum manifestationis creatam appellandam, describit; prout domum sibi Deus ædificaverit septem columnis, i. e. multis validis affabrèque factis columnis suffultam. Sive Domum Universi intelligamus, innumeris creaturarum ordinibus instructam: sive Ecclesiam, cœlestem illam Regiam, Prophetarum & Apostolorum doctrinâ ornatam: sive Animæ humanæ, donis variis & charismatibus expolitam. Hæc secunda est consideratio Divinæ Sapientiae, quatenus hominibus revelata est, ut Medium beatitudinis, ut cognitionis Speculum, ut Regula pietatis. Ad hujus igitur studium omnes invitat & vocat; Pueros, quia Sapientiam præstat parvulis; Viros, quia Principes & Senatores, omnesque quotquot uspiam sunt homines, hinc habent quod & se & familias suas, & Respublicas & Regna feliciter administrent. Propter hoc ipsum hanc revelatam Sapientiam summis encomiis exornat, iisdem quibus S. David Legem Dei; quod sit norma justa, certa, indubitata, recta, nihil aut obliquum aut tortuosum in se continens, auro purgatissimo argentoque lectissimo pretiosior, plurisque æstimanda.

Breviter, ut omnia hæc ad Causæ confirmationem revocentur, ad tria Corolloria rem totam deducam.

Primum est, In Idea mentis Divinæ Sapientiae practicæ exemplar ab æterno existit, hominibus aliquando revelandæ. Ex istis verbis colligitur; vers. 23. *Ab æterno ordinata sum, & ex antiquis, antequam terra fieret: quando præparabat cœlos, illic eram, &c.*

Secundum, Ex hoc ipsissimo exemplari, Justitiæ practicæ regula hominibus aliquando patefacienda simpliciter & integre est tandem patefacta. Ex istis verbis deducitur, *Sapientia edificavit domum suam, excidit columnas septem, apparavit mensam suam, & quæ sequuntur.*

X

Tertium,

Tertium, Hæc ipsissima Justitiæ practicæ regula, sic hominibus patēfacta, & à perfectissimo Exemplari quasi transcripta, est Lex Moralis, digito Dei exarata, & Prophetarum Apostolorumque scriptis illustrata. Ex priorē parte capitis desumitur, vers. 1. *Sapientia clamat, & Intelligentia dat vocem suam*; hoc est, Sapientia prædicat, sive per Præconem enuntiat; hoc enim est *apostolus*, quo verbo LXX utuntur: & vers. 2. *in summis excelsisque verticibus clamat*, quasi ipsa Suggesta indicans in quibus Prophetæ & Apostoli perorabant; vel Montem sanctum, ex quo Legem & Deus primitus tradidit, & Christus postmodum stabilivit. Denique & vers. 8, 13, 20. *In justitia sunt omnia eloquia oris mei. Per semitas justitiæ deduco. Timor Jehovæ est odio habere malum*, & quæ sequuntur. Ex istis tribus una Conclusio contextitur, Legem Moralem, cum sit ipsissima illa Justitiæ practicæ regula, in Idea mentis Divinæ ab æterno existens, & postea ab hoc Exemplari perfectissimo excerpta & transfusa, nec debere, nec posse Evangelii interventu abrogari.

Ad hæc quid sunt Antinomi responsuri? An illud est, In mente Divina Legem Moralem non exstare, nec exstitisse? At hoc non possunt, quia huic dicto & Scripturæ autoritas, & Doctorum cujusvis Seculi consensus, & Rationis dictamen, & purioris etiam Philosophiæ regula refragatur. An illud est, Detergi & abradi posse è mente Divina Legem Moralem, quò minùs sit in posterum morum vitæque norma, quamvis ita fuerit ab origine constituta? At hoc non audent: quia deleri quicquam posse de libro Divini Consilii impossibile est; & nisi æs triplex circa pectus frontemque fuerit; nemo vel affirmabit, vel cogitabit. Fortasse illud est, In speculo mentis Divinæ Legem Ceremonialem ab æterno fuisse non minùs quàm Moralem: at evanuisse illam aliquando, posse igitur & hanc similiter. Esto, habere in se aliquid virium hæc postrema responsio videtur: sed effluit tamen si ad Veritatis examen revocetur. Nam revera, eminere in Idea mentis Divinæ quarumcunque rerum Exemplaria, sive in ordine Contingentium fuerint, sive Necessariorum, sive res transitoria, sive permanentes, certissimum est: sed & hoc adjiciendum, eminere illic omnia æterno modo ac fulgentissimo; sed tamen singula juxta proprias rationes, Contingentia quæ contingentia, Necessaria quæ necessaria, Temporalia ut temporalia, & Sempiterna ut sempiterna. Habuit igitur ab æterno & Lex Ceremonialis in mente Divina Exemplar suum, & Judicialis suum, & Moralis suum: sed non eodem modo singulæ, verùm juxta rationes proprias: Lex Ceremonialis & Judicialis, velut regulæ ad tempus aliquod; Moralis, ut regula ad finem usque mundi duratura. Hoc quomodo patebit? Facillimè, si inter se conferantur. Erat istarum unaquæque in genere suo regula perfectissima, unaquæque etiam in mente Divina: Ceremonialis, ut regula Justitiæ typicæ perfectissima, quæ ad Christum duceret, & in Christo cessaret; Judicialis, ut regula Justitiæ forensis vel civilis perfectissima, quæ Politicæ Judaicæ conveniret, & Politicæ solutâ non ligaret; Moralis, ut regula Justitiæ practicæ perfectissima, universo humano generi successivè & ordinatim dirigenda. Erant igitur singulæ ab æterno in Idea mentis Divinæ: sed non singulæ ad perpetuitatem eodem modo dispositæ, sed stationibus suis singulæ præsignatæ. Est enim Axioma firmissimum Scholasticorum, Quod in Ideis Ideata non aliter quàm juxta formas proprias repræsentantur. Quæris igitur, in istis tribus quæ fuit cujusque forma aut ratio propria? Sublimia hæc sunt, & enodata difficilia; sed dicam brevi, si potero. Legis Ceremonialis forma Typica erat, quæ soli Christo; Legis Judicialis forma Politica, quæ soli Sceptro Judaico; Legis Moralis forma Practica, quæ toti humano ge-

neri

neri inserviret. Ergò necesse erat ut adveniente Christo, Ceremonialis, & sublato Sceptro Judaico, Judicialis cessaret : Moralis autem non nisi sublato toto genere humano, quod revera est nunquam.

Hæc sunt illæ rationes formæque propriæ, secundum quas in æterna illa & sacrosancta mentis Divinæ Idea exstiterunt ; atque secundum alias quàm proprias elucere illic nullatenus potuerunt ; adeoque Conclusio certissima manet, Quòd Lex Moralis est ea sola pietatis norma quæ ab æterno fuit in Deo, & in mente Divina ab æterno latebat, & à Deo in tempore profecta est, pèrque præcepta sanctissima in nos effusa, juxta illam ipsissimam rationem quâ in Exemplari suo fulgebat, ut esset ex æterno Autographo Chirographum perpetuum, morumque humanorum regula sempiterna. Hæc ea sunt quæ de Legis Speculo primo dicenda habui, viz. de Speculo mentis Divinæ : quod primum erat ex quinque suprâ numeratis. De quibus singulis promisi me quàm exiguum dicturum : sed nescio quâ sit ut ad hanc molem Disputatio excresceret. Quocirca quatuor quæ supersunt Legis Specula ad novum intuitum sunt reservanda.

LECTIO XXVII.

Quòd ad quinque specula, pro clariori pleniorique Moralis Legis intuitu, oculos animosque vestros haud ità pridem revocaverim, vix quenquam vestrum esse existimo qui nesciat ; atq; auctim dicere ea vobis adhuc non excidisse. Enimvero utcumq; de vitreis Speculis verissimum sit, quàm citissimè avolare atq; effluere quæcumq; in illis repræsentantur, dicente S. Jacobo, c. i. v. 24. Inspicimus, recedimus, obliviscimur : at in his tamen Legis Divinæ speculis, quæ radios suos ad mentem usque trajiciunt, longè aliter se res habet ; manet altà mente repositum quicquid nervosius dictum fuerit, utque est impressio fortior, ità & memoria tenacior. In promptu ratio est, quia in illis alteris figuræ tantum rerum recipiuntur, idque per species imaginarias umbrâsque fugaces ; in his Legis speculis res ipsa sese ingerit animo per species veras, æternas, mentis que gratissimas : in istis transversa sunt omnia quæ reflectuntur, sinistra dextra fiunt, dextra sinistra ; ex his hauriuntur universa iisdem rectissimis lineis quibus traduntur, nisi aliquando fortasse quæ sinistrè dicta, ea dextra candor faciat, at quæ dextrè, sinistra nunquam : illa, quia vitrum est suâ naturâ pervium, neque ex se retinere potest quæ imprimuntur, imaginem nullam ostendunt nisi stanno illineantur ; hæc cerebri humani stannum non sustinent, sed quantò purius integriusque è Sacris fontibus hauriuntur, eò magis refurgent : illa denique objecti cujuscunque extimam tantummodo superficiem & ipsius solas anteriores partes conspiciendas exhibent, quæ intus aut retro sunt oculis non retribuant ; hæc Legis naturam & intrinsicam & extrinsecam, eamque omni ex parte, antrorsum & retrorsum, subiciunt intuentibus ; quemadmodum in tempore patefacta est, & ante tempora prædisposita, & post tempora mansura. Quocirca ad hæc nos alacriter Specula convertamus : & quoniam in singula aspectu primo introspicere temporis angustia non permisit, proferamus quæ supersunt reliqua ; est enim singulorum color diversus, facies eadem.

A Speculo in speculum est ordinis ratio promptissima, ut si quid in uno desideretur, in altero suppleatur. A Chalcidio, in Platonis Timæo, hoc olim didici, Quòd quamvis nos totos in uno eodémque speculo perlustrare

non valeamus ; at si duo sumantur , & alterum ante vultum , alterum à tergo ponatur , ità obliquatum ut à corpore non impediatur visus , ità collocatum ut radius visualis in anteriori speculo facto angulo recurat in posterius , tunc quidem in ambobus nos totos , *απόρου & όμιω* , facillimè conspicimus . Idem & mihi faciendū est , nè æternitatis Legis pars aliqua non visa prætereat : ut quia æternitatem ejus in anteriori tantum parte hæcenus in primo speculo contemplati sumus , prout existerit ante tempora ; idcirco nunc alterum speculum , & deinde alterum , & adhuc alterum , usque ad quintum , in manus arripiendum est , quò eandem per omnia temporum secula , ad eam quæ post tempora in coelis habetur perennitatem deferamus .

Speculum primum est Idea mentis Divinæ , de qua copiosius accepistis , Quòd in Archetypo Divinæ mentis justitiæ Practicæ regula ab æterno latebat , hominibus aliquando revelanda ; Quòd Lex Moralis est ea ipsissima justitiæ Practicæ regula , à Divino Exemplari quasi transcripta , & hominibus revelata ; Quòd jam revelata , pro perpetua & non abroganda pietatis regula habenda est in Chirographo , quia juxta hanc ipsam , non aliam , rationem aut formam fulgebat æternitas in Prototypo . Super sunt quatuor reliqua Specula : & illud Humanæ mentis Speculum , in principio temporis ; & alterum Duarum Tabularum , in profectu temporis ; & quartum Evangelii , in restitutione temporis ; & quintum Gloriæ , in quo splendet Lex eadem post effluxa tempora . De singulis seorsim & distinctè agendum est : non quicquid dici potest , sed quòd magis causæ convenit ; ut Disputantis partes præstare possim , non Tractatoris ; singula non tam in Locos communes , quàm topicos redigendo . Quapropter de quatuor istis Speculis quatuor constituo Propositiones .

Prima est de Speculo Humanæ mentis , in principio temporis , & sic se habet , Ea ipsa justitiæ Practicæ regula quæ ab æterno præexistebat in Idea mentis Divinæ , pro receptivitatis modulo postmodum incisa est atque insculpta in tabella pectoris humani , ubi jam permanebat in Statu Innocentiæ perfectè ; atque secundum reliquias aliquas etiam adhuc manet in statu lapsus confusè & imperfectè . Propositionis duæ sunt partes sigillatim inspicendæ : Quòd Lex Moralis perfectè insculpta est in Statu integro ; Quòd mansit manetque secundum imperfecta vestigia in Statu corrupto . De Statu integro in primis videndum est : Estque Doctorum omnium sententia receptissima , Accepisse Adamum in principio creationis suæ omnium rerum Naturalium scientiam , quàm omnium animantium naturas perspectas habuit ; item omnem scientiam Moralem , quàm cognosceret quid deberet superiori , quid æquali , quid inferiori , & omnino quid agendum , quidve fugiendum erat ; deniq; & scientiam Supernaturalem eximiam , quàm & finem Supernaturale cognovit , & media etiam quæ ad istum finem consequendū sunt ordinata . Ratio redditur à Th. Aquin. p. 1. Qu. 94. Art. 3. *Quia factus est primus homo , non modò ut principium , sed ut princeps & magister cæterorum hominum : principium per generationem , magister per gubernationem & disciplinam* . Oportuit igitur , ut quemadmodum creatus est in statu perfecto quoad corpus , quò posset statim generare : ità etiam crearetur in statu perfecto quoad animam , quò posset statim alios instituere & gubernare . Ergo habuit omnem scientiam , in quibus vel ipse vel alii essent instituendi : nimirum & Dei & voluntatis ejus perfectissimam cognitionem ; & rerum omnium , tum Divinarum tum humanarum , quæ tam ad præsentem vitam bene beatæque vivendam , quàm ad alteram consequendam , & ad Deum rectè colendum , pertinerunt . Quòd si quis de receptionis Modo quærat , aut de notionum receptarum Ordine Numeroque , an signanter & in specie hoc sciverit , quòd decem

decem sunt iustitiæ Practicæ Capita, ad quæ reliqua omnia officia revocantur, eoque ordine respicienda quo in Decalogo continentur; non meum est ista perscrutari, quæ & exploratu necessaria non sunt; & vix aut nè vix inventu possibilis. De receptionis Modo Scholastici disputant, atque prudenter definiunt, supradictam scientiam accepisse quidem Adamum, sed non per Species acquisitas; huiusmodi enim notitiam Experientia generat, quam homo in instanti Creationis habere non potuit: neque per Species connaturales; quia modus ille cognoscendi proprius est Angelicæ naturæ, cum è diverso anima humana (quæ in primo homine ejusdem erat naturæ cum nostra) per se sit velut *tabula rasa*, aut nuda, ut Philosophus loquitur. Ergo per Species à Deo inditas & infusas in ipsa ejus creatione; h. e. per Species magis innatas & ingenitas, quam connatas & congenitas. Vel, si posterior loquendi formula magis placeat, connatæ quidem dici possunt, non connaturales, sed infusæ & infeminatæ: non post ipsum opus creationis, ut Alensis, Bonaventura, Scotus, Marsilius, Altisiodorensis; sed in ipso creationis articulo. Ut verbo dicam, hic erat absque omni controversia receptionis Modus. Sic de Modo constat. Pariter & de Ordine non est quæstio explicatu difficilis: nam & hoc necessariò præsupponendum est, Satis Adamo perspectum fuisse, quòd officiis quæ ad Deum pertinent primas & præcipuus locus tribuendus erat; secundus iis quæ ad proximum: hæc enim est via iustitiæ, ordinisque ratio perfectissima, ex lumine naturali cui-libet sine magistro manifesta, ut nostris usibus cultus Divinus præferatur, & primas teneat tam naturæ quam artis, & in Theoria & in Praxi. At verò de Numero Scholastici, quamvis solent ut plurimum rimas omnes exquirere, tacent prorsus, & intentatum, imò innominatum, relinquunt. Neque hoc inconsultè aut temere. Etenim quid prodest scire an ipsius Decalogi expressa notio sub decem Verborum ratione Adami fuerit menti impressa: nam ante Legem scriptam de decem Verbis nihil audimus; & Decalogi nomen nuperum est, scum Clem. Alexandr. primus, quod sciam, composito nomine vocaverit *ἡ δεκάλογος*, l. 3. *Pædagog.* utitur enim genere foemineo, *τῆς δεκάλογον*, passim in scriptis suis; sicut & 6. Stromatum, mundi creationem *τῆς φύσεως δεκάλογον* vocat: & similiter Greg. Nazian. qui Or. 40. Dilectionem *τῆς νίκης δεκάλογον* vocat. De novo nuperque composito vocabulo, de Numero non ante Legem scriptam cognito, cur sumus anxii? Quòd si quis ultra exquirere placeat, hæc disjunctione satisfieri posse puto. Aut decem illa Capita præcisè cognovit Adamus, aut plura, aut pauciora: at horum neutrum. Non plura; quia caput agendorum undecimum non potest dari: Non pauciora; quia sequeretur cognitionem voluntatis Divinæ imperfectam habuisse, si aliquid istorum, vel secundum, vel quartum, vel etiam decimum, nescivisset. Ergo ipsa illa decem Capita præcisè novit, nec plura, nec pauciora. Utcunque non sumus nos adeò curiosi in hac prima Republica, cum vel hoc unum huic speculationi sufficiat, Cognovisse Adamum, in Charitate omnia præcepta summatim comprehendi; & ex duobus Dilectionis mandatis pendere officia reliqua universa. Sufficit, quòd omnia generalia omniâque particularia officia noverit, sive sub incerto numero, vel etiam certo. Sufficit, quòd ad statum, suum perfectissimum perfectissimâ cognitione ornatus fuerit, quam ad tria Capita ex Magistro Scholastici, & Magister ex Hugone reducit, l. i. de Sacram. par. 6. c. 12. *Triplici, inquit, cognitione primus homo eruditus fuit: Cognitione creatoris sui, à quo factus erat; & Cognitione rerum visibilium, quæ secum facta erant; & Cognitione sui, ad quid factus erat, & quid sibi faciendum erat.* Cognovit igitur & debitum Obedientiæ suæ erga superiorem, & debitum

Providentiæ suæ erga seipsum, & debitum Dilectionis erga inferiorem; h. e. & debitum supra se, & in se, & sub se; & qualiter incedere deberet, & quid agere, & quid cavere. Hæc ipsius erat cognitio, hæc illa fax sacra Sapientia, tum Speculativæ tum Præcivæ, quâ illius mentem Deus accendit, ut possit & Deum, & Voluntatem Dei, & Opera Dei rectissimè cognoscere. Atque huic assertioni Scriptura ipsa astipulatur, idque tribus locis. Locus primus est Positivus atque assertorius, Ecclesi. 7. 29. *Solummodo hoc inveni, quòd fecerit Deus hominem rectum*, i. e. *bonum, & nullo modo depravatum*, ut l. 1. con. Jovinianum Hieronymus interpretatur. Atque eodem modo Augustinus, quantumvis l. 14. Civ. c. 11. ad voluntatem solam hanc Rectitudinem videatur referre, ut *rectum* idem sit quod *justum, bonum, mundum*: at verò, l. de Correp. & Gratia c. 10, & 11. ad totum hominis hanc Rectitudinem extendit. *Certè, inquit, sine ullo vitio factus est homo rectus*; i. e. totus rectus, rectus corpore, animâ, spiritu, quæ est hominis partitio juxta S. Paulum. Cum neque corpus resistebat animæ, nec anima spiritui, nec spiritus Deo: sed spiritus, i. e. superior pars animæ, subdebatur Deo; & anima, i. e. pars sensitiva, spiritui; & corpus ejusque omnia animæ. Sic ubique Rectitudo fulgebat, in mensura corporis, in harmonia affectuum, in obsequio voluntatis, in illustratione intellectûs: adeoque ex se mutuo hæc singula dependent, & in primam Propositionis partem recurrunt; Ex eo quòd rectus est factus, fuisse ei & Legis cognitionem rectam, & judicium rectum, & voluntatem rectam, & affectus rectos: quoniam nemo rectus est dicendus, nisi qui habeat affectus rectitudinis præcivæ in omnibus sequaces; affectus autem non possunt rectè sequi, nisi voluntas rectè obsequatur; & voluntas non potest rectè obsequi, nisi ratio rectè præscribat; & ratio non potest rectè præscribere, nisi intellectus cognitione voluntatis Divinæ rectè & plenè illustratus sit; & cognitio recta plenâque Divinæ voluntatis non potest haberi, nisi Legis Moralis recta & distincta scientia habeatur. At Deus, inquit Salomon, *fecit hominem rectum*, i. e. per omnia rectum; nam rectum non est quòd vel in tantillo claudicat, aut in obliquum vergit. Hic locus primus.

Locus secundus est Consequentialis sive illativus, implicatio quidem, sed satis apertus. Habetur Eph. 4. 24. *Induite novum hominem, qui secundum Deum creatus est in Justitia & Sanctitate*. De secunda Creatione in Christo Apostolus loquitur; veruntamen ego vix quenuquam vidi Interpretem qui diffiteatur verbum hoc, *Qui creatus est in Justitia & Sanctitate*, ad primam etiam Creationem, velut ex præconcesso, referri. Nam fundamentum similitudinis à prima Creatione desumitur, quia *exposuit Apostolus*, inquit Pinnasius, *quid sit hominem ad imaginem Dei esse creatum, ut sit scil. justus & sanctus sicut Deus*. Ergò aperte alludit ad primam hominis creationem, cujus puritas in Adamo amissa, restituta est in Christo, qui justos nos & sanctos per Spiritum suum exhibet, sicut Adamus primitus verè justus & sanctus est factus. Utrumque istorum ex Apostoli verbis elicitur, & ad Justitiam & Sanctitatem nos Christum restituisse, & in Justitia atque Sanctitate Adamum creatum fuisse. Ad hoc autem explicandum duobus utitur vocabulis, *Justitia & Sanctitas*: prorsus quasi plenam Legis Moralis cognitionem Adamum habuisse indicare vellet Apostolus. Nam vox *omni* ad primam Tabulam refertur ab Interpretibus, vox *divinorum* ad secundam: in prima enim mandata præscribuntur Sanctitatis & Pietatis erga Deum; in secunda, præcepta Justitiæ erga proximum. Ut exinde hæc duo addiscamus: Primò, Utriusque ornamenti characterem Protoplastum corde suo circumgestasse; quia & in Sanctitate creatus, quâ Deum pie colere; & in

in Iustitia, quâ se rectè erga proximum gerere posset. Deinde, hoc posito, quòd Sanctitatem & Iustitiam pectore circumgestaverit, necessariò sequitur, quòd utrasque Legis Tabulas animo gesserit; quarum primâ effigies compendiiq; Sanctitas, Iustitia secundâ. Hæc de loco Scripturæ secundo.

Locus tertius est in se quidem literalis, sed quod ad præsens negotium spectat Mysticus & Sacramentalis, Gen. 2. 16. *Præcepitque Deus homini dicendo, Ex omni ligno Paradisi comedes; de ligno autem Scientiæ boni & mali non comedes: in quocunque enim die comederis ex eo, moriendo morieris.* Hæc verba fronte primâ particularis præcepti rationem præ se ferre videntur, de ligno Scientiæ boni & mali non comedendo; verum typicè & Sacramentaliter totius Decalogi figuram fuisse ex Patribus non pauci docent. Inprimis Tertull. con. Judæos, c. 2. *In hac, inquit, lege Adæ data, omnia præcepta condita recognoscimus, quæ postea pullulaverunt, data per Moysen; i. e. Diliges Dominum Deum tuum ex toto corde tuo, & proximum sicut teipsum, & Non occides, & Non machaberis, & reliqua. Primordialis enim est hæc Lex, & quasi matrix omnium præceptorum Dei. Imò adhuc in ipso, inquit, transgressione erat transgressio omnium; & furtum erat rei vetitæ; & fides adhibita mentienti Diabolo; & in se atque posteros homicidium commissum; & parentis summi qui cum de limo terræ, quasi de utero matrû, figuraverat, contemptus; & fructus non sui concupiscentia; adeoque nec electio Dei, nec etiam proximi. Hæc omnia, quia in hac generali & primordiali Dei Lege, quam in arboris fructu observari Deus sanxerat, omnia præcepta Legis posterioris specialiter indita fuisse cognoscimus, quæ suis temporibus edita germinaverunt.* Hæc Tertullianus. Post Tertullianum Cyrillus Alexandr. l. 3. con. Julianum, non quidem vehiculum ipsius Legis Moralis, ut Tertullianus, sed Sacramentum tamen totius hæc legem fuisse affirmat. *Dispensatio, inquit, erat prudentissima & solertissima Dei facientis nè sui oblivisci possent. Oportebat enim lignum illud videntes ad recordationem Legis semper vocari, & videre præipientis excellentiam, & non ignorare ejus Legislatorem ac Dominum.* Hæc Cyrillus. Postremò & post Cyrillum Rupertus, l. 2. de Trin. c. 31. non modò omnium mandatorum Legis Obedientiam exegisse Deum, iis verbis, à primo homine asserit, sed Fidem etiam, & Spem, & Charitatem, quatum virtutum cultu & exercitatione Summa totius humanæ perfectionis continetur. *Tria, inquit, imperavit Majestas Divina; Ex omni ligno comede; De hoc non comedes; Quandocunque comederis morieris.* His tribus Propositionibus tres ab homine virtutes exigens, Charitatem, Spem, Fidem; quas nunc reciprocatò ordine à nobis exigit, Fidem, Spem, Charitatem. Nam quòd hominem gratis fecit, & in illo voluptatis loco posuit, & ex omni ligno comedere permisit, planè debitorem magna Charitatis effecit. Item dicendo, De Ligno hoc nè comedes, Spem insignem habendam ostendit, quòd is qui gratis hæc contulerat, custodiendi præceptum meliorem Paradisum aliquando conferre vellet. Denique, in comminatione illa, Si comederis, morieris, Fidem habendam Deo ostendit, quòd non invidendo homini hoc interdixisset, sed pœnam prævaricationis prænuntiasset. Hæc Rupertus.

Ad hæc quid nobis dicendum est? Revera non ausim eò usque progredi ut dicam, vel cum Ruperto, trium Theologicarum virtutum, aut cum Tertulliano, omnium Legis præceptorum Summam in unico illo præcepto fuisse comprehensam: at Sacramentum fuisse, cum Cyrillo, totius Legis, in pectore proto-parentis jam scriptæ, observandæ. Hoc ausim dicere, quia res ipsa loquitur, & argumentis plùs quàm Dialecticis evincitur, nè dicam Herculeis. Argumenta duo sunt, à Materia objectiva & Fine ipsius præcepti trahenda.

Primum à Materia objectiva præcepti ducitur, five à nomine Arboris non comedendæ. Nomen erat, *Arbor Scientia boni & mali*. Quæro, Quæ ratio nominis? Annon hæc erat, ut esset totius Legis custodiendæ typus & symbolum: cum hoc sit Legis proprium, bona docere, & mala indicare? Non sum nescius quòd à S. Augustino ratio diversâ adducitur; *Arborem Scientia boni & mali dictam esse à futuro eventu, quia comedendo sciebant, bonum iis fuisse si obtemperassent Deo; hoc malum, quòd non obtemperaverint*. Estque ratio vera quidem, sed non prima aut præcipua; quia hoc nomine Arbor gaudebat, & hoc nomine dignoscenda erat, antequam ex ea ederetur, imò antequam Lex fieret; dixit enim Adamo Deus, tanquam de re cognita, *De Arbore Scientia boni & mali non comedes*: ergò non ab Eventu solo Arbor dicta est, sed à Munere & Officio, quia ad hoc munus Arbor est destinata, ut esset velut regula docendi quid bonum, quid malum coram Deo; non quidem per se, sed quatenus vetitus erat ipsius esus. Quapropter à Notatione nominis ratio sequitur, ut si boni & mali typus indexque Arbor fuerit, fuisse etiam totius Legis in ipsius pectore exaratæ typum symbolumque: quia mali fuga bonique profectio est Summa Legis.

Secundum argumentum à Fine Interdicti desumitur. Finis autem erat, ut Adamus intelligeret, se non ejusmodi principem ac dominum in terris fore, qui non haberet simplius supra se Dominum cui esset obtemperandum: nam supra se Creatorem suum esse, cujus voluntas est regula Justitiæ, cui conformandæ essent sua omnia consilia, cogitationes, dicta, facta; in quem solum intueundum, credendum, sperandum, quia ipse solus timendus, amandus, glorificandus. Hæc, inquam, Finis præcepti, ut Adamus disceret, in Dei voluntatem, quæ in arbore relucebat, intueundam ipsi esse, & ex voluntate Dei totam vitam esse instituendam, deque rebus omnibus judicandum. Ergò duplex fuit istius præcepti ad Legem Moralem respectus. Respectus primus est Analogicus, quia erat totius Legis mensura, utpote prima Dei Lex, unde omnes reliquæ pendent, adeoque vera regula cognoscendi quid bonum, quid malum coram Deo. Non quasi Arbor ipsa per se sola hoc faceret, sed cum præcepto Dei conjuncta. Quid enim bonum est? Quod Deo placet; Quid malum? Quod Deo displicet: Justum quid? Quod Deus vult; Injustum? Quod Deus vetat. Hæc Legis anima, hæc Definitio boni & mali. Hoc autem nullibi cognosci melius poterat quàm ex illa Arbore, de qua & edere malum, & non edere bonum, quia Deus interdixit. Adeoque uterque Dei cultus, & Externus & Internus, hic mihi primum institutus fuisse videtur. Externus erat abstinentia ab esu ipsius Arboris, debitæque erga illam tanquam indicem Divinæ voluntatis reverentia atque religio. Internus erat obedientia, honor, reverentia, amor, fiducia, quibus ab homine Deus affici voluit in illa Arbore. Secundus Respectus erat Symbolicus, quia signum erat, aut pignus, aut symbolum voluntatis Divinæ. Propter hoc ipsum Greg. Naz. Or. 38. quæ est in Christi Nativitatem, τὸ πρῶτον ἡ θεωρία appellat, *Contemplationis arborem*: & Orat. 40. quæ est in Sanctum Baptisma, *preceptum arboris vetita*, τὸ πρῶτον πρῶτον, *primigenium Lumen ipsius natura*: & Or. 42. quæ est in Pascha, ἡ ἐπαλιν ἡμῶν ὁμοιογενὴς, *mandatum nobis connaturale*. Propter hoc ipsum posita est in medio Paradisi, ut esset quasi Doctor mutus, aut visibilis regula, quæ suâ specie & formâ, tanquam Hieroglyphicum quoddam, moneret Adamum, ut & Dei & sui ipsius meminisse posset; Dei tanquam Creatoris, sui ipsius tanquam alumni Dei, cui totum quod habebat ferebat acceptum. At verò in istis duobus, Cognitione Dei & Hominis, totam consistere Theologiam quis nescit?

Quòd si quis adhuc dubitaverit, respondeat paucis; Arbor illa fuitne
arbor

arbor Sacramentalis, an non? Fuit certè, Deo sic instituyente. Si fuerit, dic, Cujus rei Sacramentum? Cujus, nisi istius quod nominis impositio loquebatur, boni peragendi malique vitandi? Quòd si boni peragendi malique vitandi Sacramentum fuerit, fuit igitur & Legis Moralis custodiendæ Sacramentum: quia in istos boni malique cardines tota Lex vertitur. Denique, si Legis Moralis Sacramentum fuerit, dic, Ubi Lex ista residebat? In chartis aliquibus aut membranis? Nullæ erant: In Tabulis? Fortasse nondum sunt excisæ: In libro aut volumine aliquo? Liber nullus existabat: Ergò aut in Adami pectore scripta Lex residebat, aut nullibi. Tabulas alias non novit, neque librum alium, neque membranam aliam, nisi & pectoris illam, ubi graphicè, & Arboris hanc, ubi typicè residebat. Sic ex supradictis sequitur, Quòd si utraque species cultûs, interna & externa, & utrumque cognitionis caput, Dei & Hominis, & utrumque objectum Justitiæ Practicæ, de malo fugiendo & bono eligendo, in hoc unico & primo interdicto emicuerit; utrinque, inquam, sequitur, non modò Legem Moralem in Adami mente primitus insculptam fuisse, sed & insuper ut custodiendam declaratam; idque expresso hoc Dei præcepto, in quo summarim & symbolicè tota ejus voluntas comprehendebatur. Et de prima Propositionis parte hæc dixisse sufficiat, Quòd ea ipsa Justitiæ Practicæ regula quæ ab æternò in Idea mentis Divinæ fulgebat, homini patefacienda, in principio creationis impressa est in brevissima humani pectoris tabella, ibique mansit integra in statu integro.

Equidem satis esset in re tam perspicua, unanimi consensu authorum suffragante, id digito indicasse: at nos hoc tribus insuper Scripturæ locis, nè quod satis est non sufficeret, confirmatum dedimus, Prophetico, Apostolico, Historico; Salomonis, Pauli, Moïsi: quorum ille creatum Adamum *rectum*, hic *justum & sanctum* affirmat, idque potissimum propter Legem *justam, sanctam, rectam*, ipsius pectori infixam; tertius in ligno Scientiæ boni & mali Legis infixæ *improvisor* habuisse demonstrat, nè deesset oculo quod infixum est animo. Atque hæc omnia quò tendant in posterum videbimus. Nunc progrediendum est à Statu integro ad Statum corruptum: hæc enim est pars Propositionis altera; Quòd secundum vestigia & reliquias aliquas, etiam in Statu lapsus, Lex eadem adhuc manet, in eadem cordis tabella, quamvis confusè & imperfectè.

Sed prudentis non est, tam exigua temporis portiunculæ quæ jam superest, si quæ omnino sit, tam obscuræ perplexæque speculationis definitionem committere; præsertim cum calamo lingua non respondeat: charta enim adhuc protenditur, vox deficit; præ raucedine hac insolita, & vobis parum grata, & mihi longè molestissima, & ad disputandum paratiori quàm ad loquendum. Quocirca quamvis apparatus sit in procinctu, & ad manum promptissima omnia quæ de Legis Naturalis & Moralis amplexu dicenda sunt; at mallet tamen tempori deesse quàm causæ; nè linealis & interminabilis Legis processus, qui per omnium ætatum intervalla decedens est, festinatione nimia, luce vix conspectâ abortiat.

LECTIO XXVIII.

DE Legis Moralis in Adami pectore sculptura prima, superiori, si meministis, die disputavimus, ad reliqua quæ de ejus Perennitate dicenda sunt aditum novum hodie facturi: sed vereor nē in ipso limine, quod Cleombroto contigisse dicitur, id me facturum aliquis suspicetur. Ille, ut Cicero refert, cūm Platonis de Immortalitate librum legeret, mortem sibi acceleravit, mortalitatis exitum sentiens ab immortalitatis studio profluentem. Similiter & nos, non nemo est vestrum qui dicat, in Legis mortalitatem & abolitionem imprudenter dilapsos, temerēque impigisse, dum æternitatem ejus ab Adami exemplo probare instituimus: cūm eodem die, juxta nonnullorum Patrum verique simillimam sententiam, eodem, inquam, die, quo plasmatoris manu Lex est Adami pectori insculpta, etiam & peccati proprii spongiā deleta sit, ut in ea vix quisquam possit Aristotelis *ἰσχυρὸν*, aut Diogenis *ἰμπερίον*, nedum immortalitatis aut æternitatis vestigia discernere. De Carthagine T. Livius dixit, *Unam solummodo noctem interfuisse inter aliquam civitatem & nullam*. Hic vero nē tantillum quidem: non dies una, non nox una intervenit inter sanctissimam Legem & nullam. Sed quod postea lapideis Tabulis accidit, quæ fractæ prius quā lectæ; idem in tabella pectoris omine quodam præcursorio antecessit: disparuit Lex menti insita penē priusquam apparuisset; expunctæ sunt lineæ, characteres obliterati, in cæcitatem summam summa Legis scientia conversa est. Post hæc, quis audet Legem immutabilem asserere? Per omnium ætatū decursus quis potest eam ad non finiendam perennitatem perducere? Verūm ista me non movent, neque exinde quicquam video evenire cur Legis patrocinio diffiderem. Occurrit enim mihi in mentem, quod nugigerulis quibuldam, Legem quòd fœminei generis esset vellicantibus, S. Augustinus respondit, *Nolite, inquit, attendere, quia Lex in Latina lingua fœminei generis est, in Græca masculini: scd̄ sive sit masculini in loquendo, sive fœminini, non præscribit veritati locutio; Lex enim verè masculinam vim habet, quia regit, non regitur*: idem mihi liceat in me responsum recipere, vósque obtestari enixè, nē hoc vos colore eludi patiamini, quòd eodem die quo Lex Adami pectori infixæ est, eodem evanuerit. Nam sive uno, sive octo, sive quadraginta diebus Innocentiæ statu fruebatur, ut multiplex est Doctorum conjectura, non Legis præscribunt Perpetuitati temporum intervalla, quia Lex interitum non novit; sed quæ à perfectione sua cecidit primitiva per lapsum, eadem in vestigiis aliquibus etiam post lapsum servata est. Atque hæc est Propositionis pars secunda, quæ nuperrimæ vestræ attentioni est concredita, Quòd in statu lapsus, secundum reliquias aliquas, Lex Naturalis, adeoque & Moralis, adhuc manet, semperque mansit, in humani pectoris scrinio perpetuanda. Quòd in Archetypo Divinæ mentis ab æterno fulgebat hæc Practicæ Justitiæ regula, uberimè est demonstratum, neque opus est ea altius repetere. Nam præter Scripturas & Argumentorum momenta, etiam Proportionis ratio hoc suadet, Quòd sicut in quolibet Artifice, ratio eorum præexistit quæ arte sunt peragenda; & in Rectore quovis aut gubernatore oportet quòd præexistat ratio ordinis eorum quæ ab iis qui Ditioni ejus subjacent præstanda sunt; & ratio rerum artefactarum *Exemplar*, ratio regiminis aut politias *Lex* appellatur: pariter & in Deo, quia rerum univrsarum conditor est & gubernator, sequitur, ut & forma

in Psal. 59.

forma Divinæ Sapientiæ per quam cuncta sunt condita, habeat rationem Ideæ vel Exemplaris, & forma ejusdem Sapientiæ per quam cuncta gubernantur, obtineat rationem Legis; quam Legem æternam cum nemo mortalium in Deo cognoscere possit, aut in fulgentissimo suo Exemplari evolvere, placuit indulgentissimo Patri, in Adami pectoris codicillò eam calamo plusquam cœlesti perfectè, pro receptivitatis modulo, inscribere, ut quæ in se inscrutabilis esset, in irradiatione sua cognosceretur. Hæc omnig fufius à nobis excogitata sunt: præterea & de præceptorum Numero nonnihil diximus, Quod omnia Moralia præcepta Lex Primordialis in se continebat; nec non de Præceptorum Ordine, Decalogo ipsi quàm maximè congruo; denique de Modo, & quo in Adami pectore graphicè est impressa, & quo in Arbore Scientiæ boni & mali typicè est promulgata: quod illic reapse posita, non per Species acquisitas, nec per Species connaturales, sed per Species infusas, eam ut Adamus cognosceret; hic non reapse posita, ac Symbolicè quasi depicta, ut esset doctor mutus, & visibile innemonicon, quo eam custodiendam Adamus meminisse posset. Sic se res habuit ante Lapsum, At ex lapsu misera conditio tabellæ secuta est, codex interlitus, paginæ laceratæ, derastræ literæ; spoliatus est Adamus gratuitis, vulneratus in naturalibus; detracta sunt gratuita, corrupta naturalia; *agendorum ignorantia invaluit, & noxiorum concupiscentia*, ut August. loquitur. Verbo, quatuor magnis Vulneribus totus homo perfoffus: in Capite, h. e. in Intellectu, vulnus est conspicuum Ignorantiæ, tum privativæ tum positivæ; in Corde, h. e. in Voluntate, vulnus Malitiæ; in Pede dextro, sive Appetitu Concupiscibili, vulnus inordinatæ Concupiscentiæ ad expetendum; in Pede sinistro, sive Irascibili, vulnus Infirmittatis, sive impotentiae ad agendum. Heu quanta conversio rerum! quàm repentina mutatio! Intellectus destitutus suo ordine ad verum, per vulnus Ignorantiæ; Voluntas suo ordine ad bonum, per vulnus Malitiæ; Appetitus Concupiscibilis suo ordine ad desiderabile, per vulnus Concupiscentiæ; Appetitus Irascibilis suo ordine ad arduum, per vulnus Impotentiae. Et post hæc tot tantæque vulnera, quis nunc crederet vel tantillum Legis pectori insitæ superfuiffe?

Propterea huic nunc negotio est prospiciendum, & ostendendum (nam hæc fuit Propositionis pars secunda) Quod in Adamo ejusque posteris; post magnum hoc Rationis deliquium, mansit, manetque eadem Lex Moralis secundum aliqua ejus non contemnenda vestigia: confusa quidem illa & imperfecta, ut hominem ad rectæ vitæ normam non possint sufficienter, nè dicam mediocriter, instituere; sed eò usque cognitu facilis, ut omnes fateri cogantur, Legem penitus non excidisse, sed juxta hæc semina, quæ Legis Naturalis reliquiæ vocantur, & ante & post Legem scriptam, & olim & semper permanere. Ad cujus Demonstrationem Tria sunt nobis discutienda.

Quid sit hæc Lex Naturalis quæ secundum vestigia servatur.

Quæ sunt ipsius Vestigia aut reliquiæ quas nunc superesse affirmamus.

Quomodo hæc Vestigia quæ supersunt ad Perpetuitatem Legis Moralis statuendam conducunt. De his ordine est dicendum.

Disquisitionis pars prima hæc est, Quæ sit illa Lex Naturæ quæ secundum vestigia servatur; Quæ nominis ratio; Quæ significationis proprietas. Et satis hæc sunt manifesta, atque unanimiter à Doctoribus tradita: nisi quod inter Theologos & Jurisperitos aliqua reperiatur sententiarum distantia. Nam Jurisperiti respiciunt naturam omnibus animalibus communem; ut Jus Naturale sit, Quod Natura omnia animalia docuit, non minùs quàm homines; velut Seipsum adversus vim atque injuriam tueri, Suum genus provehere procreatione prolis: hoc enim est commune omnibus animan-

animantibus, illud omnibus rebus, etiam arboribus & plantis. Theologi & Canonistæ contrā, naturam respiciunt non omnibus animalibus communem, sed omnibus hominibus propriam; adeoque consultius multo ad naturam humanam restringunt; ut Jus Naturale sit naturale nostræ Rationis iudicium, seu dictamen, quo per lumen nobis ab æterna Lege, etiam post peccatum, impressum & inditum, evidenter cognoscimus nonnulla esse faciendā, quæ naturæ sunt consentanea; & nonnulla vitandā, quæ turpia & naturæ repugnantia. Cujusmodi sunt hæc Rationis dictamina; Deum esse, & Esse colendum; Bonum faciendum esse, Malum fugiendum; &, Quod quis vult ab aliis fieri, illud & ipsum debere aliis facere; unā cum Conclusionibus quæ ex istis primis Principiis deducuntur. Hæc Legis Naturalis exquisita & propria est consideratio. Illa Jurisperitorum incautior multo & laxior quā quæ huic speculationi respondeat. Atque mirari satis non possum quid iis in mentem venerit quod sic definirent. Nam primò, Definitio illa ea tantum complectitur quæ nobis cum pecudibus sunt communia; ut est Sobolis procreatio, Violentiæ per vim repulsio; alia autem quæ maximè sunt Juris Naturalis non complectitur; ut, Deum esse, & Colendam esse, & Parentibus obtemperandum esse, quæ natura cætera animantia non docuit, illi tamen definiunt, *quod natura omnia animantia docuit*. Secundò, Definitio illa non ducit ad custodiam, sed magis ad transgressionem Legis Moralis. Et principium illud, De sobole procreandā, prout est in brutis, non ad castitatem ducit, sed adulteria; & principium alterum, De vi repellenda, prout est in brutis, non ad vitam proximi universaliter tuendam ducit, sed magis ad homicidium; & illi tamen definiunt, *Lex Naturalis est quā natura omnia animalia communiter docuit*. Tertiò, Definitio illa non modò non directè, sed nec obliquè ad Legem Moralem respicit, nullum omnino respectum habet ad bonum & malum, æquum & iniquum, virtutem & vitium, quorum omnium sola creatura rationalis capax est, cætera animalia non item. Agnosco quodd, fusiore loquendi modo, Lex Naturalis extendit se ad omnia animalia, etiam ad omnes res creatas: sed non potest dici *lex*, nisi per similitudinem; & si *Lex Cynosura mundi*, ut Lactantius loquitur, dicenda est Lex potiùs Universi, quā Naturæ lex, cujus eminentiæ & splendidissimi radii in homine solo fulgent: & si Lex Naturalis dicenda est, vocabuli supplemento amplianda est, & *Lex Naturalis Animalis* dicenda; cū tamen hæc de qua nos loquimur, sit Lex Naturalis Humana, sive Moralis. Agnosco rursum, quod Eadem principia communia quæ sunt in aliis animalibus sunt etiam in homine: sed non, vice versâ, Eadem principia quæ sunt in homine sunt etiam in aliis animalibus. Quæ enim homini & rebus aliis sunt communia, sunt merè Naturalia: quæ homini propria, Naturalia moraliter; at in brutis Naturale Morale non reperitur; quia Morale quodlibet fundatur in Ratione. Proinde authores Classici omnes, tam Veteres quā Neoterici, tam Ethnici quā Christiani, tam Pontificii quā nostri, Legem Naturalem semper & uno ore habito ad Moralia respectu definiunt. Adducam paucos in apicem.

Ex Ethnicis duos, Aristotelem & Ciceronem. Arist. l. 1. Rhetor. c. 10. Legem Naturalem definit, *Legem non scriptam, quæ apud omnes homines constare videtur*, & l. 3. De republica, c. 16. *Lex Naturalis est ἀνδρὶ ὁπῆξεν τῷ, Lex mentis appetitione vacua*; additque paulò post, οἱ κτ' αὖτ' ἐν νόμῳ καὶ ἐν ἐξέσει, εἰσι τῶν νόμων κτ' ἡράμματα, *Leges in moribus aut natura posita majoris auctoritatis sunt quā leges scriptæ*. Eodem sensu sc. quo Xenocratem loquentem Plutarchus inducit, *Bonos ea facere ἐκ φύσεως, διὰ τὸ λόγον, ἄλλοι, rationis monitu, quæ alii faciunt ἀκατὰ φύσιν*.

τὸ νόμον, metu legum invitī. Hæc singula ad hominem sive creaturam rationalem referuntur. Pariter & M. Tullius locis quamplurimis : de Legibus primo, *Lex Natura est ratio summa insita à Natura, quæ jubet ea quæ facienda sunt, prohibetque contraria*; & Philippicâ undecimâ, *Nil aliud est nisi recta & à numine deorum tracta Ratio, imperans honesta, & prohibens contraria*; & Orat. pro Milone, de sui cujusque defensione loquens, *Est quidem hæc, inquit, non scripta, sed nata lex; quam non didicimus, accepimus, legimus, verum ex Natura ipsa arripimus, hausimus, expressimus; ad quam non docti, sed facti, non instituti, sed imbuti sumus*. Denique, & citante Lactantio, lib. 6. cap. 8. *Est vera lex recta Ratio Natura congruens, diffusa in omnes, constans, sempiterna, quæ vocet ad officium jubendo, vetando à fraude deterreat*. Istos habemus assipulantes inter Ethnicos.

E Patribus antiquis tres tantum produco, Chrysost. Ambrosium, Augustinum. S. Chrysost. in Psal. 49. sic describit; *Est ratio agendorum, & non agendorum, à Natura nobis insita*: & in Psal. 47. *τὸ ἐν ἡμῶν τὸ σωφροσύνη καλὸν, τὸ δὲ ἐν τοῖς ἄλλοις ἐπὶ τῷ κατὰ φύσιν, ἡ δὲ ἐν τοῖς ἄλλοις ἐπὶ τῷ κατὰ νόμον*, Judicium, vel calculum conscientia cujusque personantem quid sit bonum, quid malum: & lib. 1. Ad eos qui scandalizati sunt, *τὸ ἐκ φύσιν νόμον, ἀποδοιδάσκειν, Legem insitam, & à natura edoctam; τὸ γινώσκειν τὸ καλὸν, & τὸ τοῖς ἄλλοις, continens in se cognitionem bonorum & malorum*. Similiter S. Ambrosius, lib. de Fuga Seculi, cap. 3. *Primam boni operis & naturalem magistram*: & Ep. 71. quæ est ad Irenæum, *Legem quæ non scribitur, sed innascitur, quæ non percipitur lectione, sed profluo quodam Natura fonte in singulis exprimitur, & humanis ingeniiis hauritur*. Postremo, S. Augustinus, Tract. 49. in Joan. *Lex Natura est quam habent omnes in corde fixam*: & in Qu. Veteris & Novi Testamenti, *Lex Natura est, quæ in Natura ipsa quodammodo inserta, ut Creatoris notitia, ex traduce, non latens*: & Ep. 89. ad Hilarium, *Legem Naturæ Legem Rationis vocat, & quoddam sit Regula universalis omnium hominum*. Istos habemus Duces à Patribus.

Hom. 11. ad
Ansiach.

E Pontificiis duo adsunt, Albertus & Thomas. Albert. Eth. 5. Tract. 3. cap. 5. *Fus naturale est, quod unicuique dicitur Ratio, ex solis Rationis principii informata, & non ex his quæ vel inquisitione vel discussionem inventa sunt*. Aquinas, 1^a 2^a, quæst. 91. artic. 2. *Impressio Divini luminis, aut participatio legis æternæ in rationali creatura, secundum quam bonum & malum homines discernunt*. Istos habemus consentientes pro cæteris à Pontificiis.

E Nostreis duos attestor pro reliquis, Calvinum & Philippum. Calv. Instit. l. 2. c. 2. s. 22. breviter, & *ὡς ἐν τύπῳ, Est agnitio Conscientiæ inter justum & injustum sufficienter discernentis*. Philippus accuratius, in Rom. 1. *Est notitia Principiorum Practicorum, & Conclusionum quæ exinde necessarii consequentiæ exstruuntur, à Deo hominum mentibus insita, & cum æterna mentis Divina norma congruens*. Ex hac nube testium satis perspectum est.

Primò, Quod non ad omnia animalia Legis Naturalis consideratio extendi debeat, sed ad ea quæ hominis sunt.

Secundò, Quod principia ejus circa bonum & malum, æquum & iniquum, honestum & turpe, versentur.

Tertiò, Quod Moralia præcipuè in se complectatur rerum discrimina, Rationis judicio vel probanda vel rejicienda, adeoque quoddam nihil aliud sit quam participatio Legis æternæ in Rationali creatura, aut lumen Ratio-

nis quo inter bonum malumque discernimus : quod & S. Paulus apertissime ostendit, Rom. 2. 14. *Quum Gentes, inquit, qua Legem non habent, naturā quæ Legi sunt faciunt, isti Legem non habentes, sibiipsis sunt lex; ut qui ostendunt opus Legis scriptum in cordibus suis, una testimonium reddente ipsorum conscientia, & cogitationibus se mutuo accusantibus aut excusantibus.* Ex quibus verbis satis est manifestum, habuisse Gentes Legem, & non habuisse, scriptam non habuisse, non scriptam habuisse; in tabulis scriptam non habuisse, in cordibus scriptam habuisse : non quidem Legis omnia, sed *ἡ τῶν νόμων, opus Legis*; id est, *generalia illa*, inquit Primasius, *quod laudent bonos, & judicent malos; quodque sibi nolunt fieri, aliis non faciendum agnoscant : & insuper particularia quedam, de Non machando, Non occidendo.* Quocirca, de prima Disquisitionis parte, Quæ sit Lex illa Naturæ quæ secundum hæc vestigia servatur; Quod ad homines solos sit referenda, & ad ea hominis quæ rationem Præcticam sive Moralem spectant, hæc tradidisse abunde sit.

Pergamus nunc porro ad alteram Disquisitionis partem, ut videamus quæ sunt illa Vestigia & reliquiæ in nobis post peccatum, sive superstities, sive Divinæ bonitate redivivæ factæ; ut ex istis adhuc manifestis cognoscamus, nihil esse aut fuisse in Lege Morali renovatum, nisi quod & est, & semper fuit à fonte Legis æternæ in Legis Naturalis concham aliquoties transfusum. Vestigia autem sunt duplicis ordinis, Generalia & Particularia.

Quod ad primum attinet, Vestigia Generalia sunt principia illa Præctica quibus omnes consentiunt : & hæc ipsa sunt fundamenta Legis scriptæ non minùs quàm illius quæ est pectori infixæ; sicut facillimè patebit, si paucis liceat omnia illa prima Principia recensere.

Principium primum quod Natura pronunciat hoc est, Deum esse; & hoc Dictamen primum, Deum cognoscito. Et ex hoc primo Principio multa de Dei cognitione & cultu tradiderunt Gentiles, ut in eorum Libris videre est; nec non in eorum praxi : unde Cicero, primo de Legibus, nullam Gentem dicit tam immanuetam, tam feram esse, quæ non, etsi ignoret qualem habere Deum deceat, tamen habendum sciat. Et ex hoc Principio illæ Conclusiones pullularunt; Numen esse colendum, Non esse falsò jurandum. Et nonne hoc Principium est summa primæ Tabulæ Legis scriptæ? Apostolus docet, Heb. 11. 6. *Oportet accedentem ad Deum credere quia est, & quod remunerator sit inquirentibus se.*

Principium secundum quod Natura pronuntiat hoc est, Quodd tibi fieri non vis, alteri nè feceris; & hoc Dictamen secundum, Societatem & amicitiam inter homines servato. Et super hoc secundum Principium omnia Gentilium fœdera & negotiorum contractus constitutebantur : quia injuriis solvuntur, officiis conciliantur amicitia & societates. Et ex hoc Principio Conclusiones illæ dimanant; Honestè vivito; Alterum nè lædito, Suum cuique tribuito, Fidem servato. Et annon hoc Principium est summa secundæ Tabulæ? Christus docet, Matth. 7. 12. *Quacunque vultis ut vobis faciant homines, ita & vos facite illis : hæc est enim Lex & Propheta.* In quæ verba sic se explicat Augustinus, *Iniquo cuiusvis facile est loqui Justitiam; nam quis de Justitia interrogatus non facile respondet quid sit Justum? Quandoquidem manu Servatoris nostri in ipsis cordibus nostris Veritas scripsit, Quod tibi fieri non vis, alteri nè feceris. Hoc & antiquam Lex daretur nemo ignorare permixtus est, Aug. in Psal. 57. & Chryl. Hom. 13. ad pop. Antioch. Non opus est multis sermonibus aut prolixis legibus, Voluntas tua sit Lex. Vis beneficia capere? Confer alteri. Vis mise-*

miseriordiam consequi? Misere proximi. Vis laudari? Lauda. Vis amari? Ama. Quod odisti, alii nē facias. Odisti contumeliā pati? Nē alium afficias contumeliā. Odisti invidiam pati? Neque tu alteri invidas. Σὺ γὰρ dixas, οὐ γὰρ ῥοπήδεις τ' ἰαυτῷ ζῶντι. Retine hæc duo verba, & aliā disciplinā non indiges.

Principium tertium quod Natura pronuntiat hoc est, Bonum festandum, Malum fugiendum; & hoc Dictamen tertium, Nil turpe facias, nihil honestum prætermittas: quā quicquid turpe, Naturæ est contrarium, congruum quicquid pulchrum est. Et ex hoc Principio Conclusiones illæ ortæ sunt; Anima est subjicienda Deo; Corpus est subjiciendum animæ; Non est faciendum quod non est patiendum. Et nonne hoc quoque Principium est vox Legis scriptæ? Psalmographus ostendit, Psal. 34. 15. *Declina à malo, & fac bonum.* Cujus tres ipsissimæ sunt Conclusiones deducibiles, Tit. 2. 12. *Sobriè, justè, piè vivendum est in hoc seculo: respectu Dei, Piè; respectu Nostri, Sobriè; respectu Proximi, Justè.* Et ex tribus istis Adverbis, tria vivendi Axiomata statuuntur. Ex primo, *σωφρων, piè*, Axioma illud, Subde Deo quod habes commune cum angelis. Ex altero, *σώφρων, sobriè*, Axioma illud, Subde Rationi quod habes commune cum brutis. Ex tertio, *δικαίως, justè*, Axioma illud, Fac quod vis pati. Juxta tria hæc, tres fuere Delphici templi Inscriptiōnes. In suprema parte ostii duæ literæ, Θ, ΕΙ, quarum utraque, quinta & decima, universalis nota, ut significarent, Quicquid Deus sive Apollo diceret, idem mōx faciendum. Et quid hoc sibi vult nisi quod Axioma primum loquitur, Subde Deo quod habes commune cum angelis, *Vivendum piè?* In valvis dextris ostii scribebatur Θ, Γνωθὶ σεαυτὸν, ut significarent, Debere de se quenquam nosse, præstantiorem se brutis fore, & corpore animam meliorem. Et quid hoc est aliud nisi quod Axioma secundum loquitur, Subde Rationi quod habes commune cum brutis, *Vivendum sobriè?* In valvis sinistris scribebatur Θ, Μὴ δὲ ἄγαν, ut hoc inter alii significarent, Unicuique nihil faciendum Lege rationis, nisi idem quod sperandum; h.e. Fac quod vis pati, *Vivendum justè.* Videtis quod Generalia præcepta utriusque consentiunt.

Videamus secundo in loco de Particularibus; certissimum enim est quod non modò in Lege Naturæ Principia hæc Universalia exstiterunt, sed & Vestigia quædam omnium Decem mandatorum Legis Moralis, idque & ante & post Legem scriptam.

De tempore ante Legem scriptam testes habemus Hieronymum & Chrysostomum. Testatur Hieronymus in illa ad Demetriadem de Virginitate Epistola, si modò ipse sit, To. 9. *Hæc lege, inquit, usi sunt omnes quos inter Adam & Moysen sanctè visisse Scriptura commemorat; viros ante Evangelium Evangelicos, & Apostolicos ante Apostolica præcepta.* Idem & Chrysostomus copiosè, lib. 1. Ad eos qui scandalizati sunt. Et verissima est utriusque sententia, si modò hoc attexatur, Non illā solā Lege institutos Patriarchas: nam, ad Sanctitatis opera non sufficit Lex Naturæ; *Cognitionem mandati præbet Natura, non custodiam*, inquit Chrysost. Hom. 13. ad pop. Antioch. & cognitionem mutilam, non sanum rectumque judicium. Est enim & cæca & prava ab adolescentia mēns humana, Gen. 8. 21. nec ab adolescentia modò, sed à pueritia, ut Pagninus vertit; imò ab infantia, ut Chaldaicus Paraphrastes, imò ab utero, Isai. 48. 8; imò non solū ab utero, sed in utero, Psal. 51. 5. *Formatus, inquit David, & conceptus fui in peccato:* adeo est nobis ea cæcitas connaturalis; ἀναίμακτα τῶν τοῦ τ' φόνου, inquit Nyss. Orat. 6. de Beatitudine: ante

l. x. con. Jul. c. 2. *asuram lucis, antequam nascimur, inquit Augustinus, originis excipimus injuriam, ut animalis homo non percipiat ea quæ sunt Dei. Ergo non illâ solâ Lege instituti Patriarchæ, sed per alias vias rationesque docendi Deus se suamque voluntatem ipsis manifestavit, per Visâ, per Somnia, per Colloquia. Sed ad causam hoc satis, quod Legis Moralis principia habuerunt ante Legem scriptam. Patet ex libro Geneseos. Ee primo Præcepto, Gen. 35. 2. Dixit Jacob familia sua, Auferte deos alienos, qui sunt in medio vestri. De secundo, Gen. 35. 4. Abscondit idola Jacob sub quercu qua est propè Shechemum. De tertio, Gen. 24. 3, 9. Posuit servus manum suam sub femore Abrahami, & juravit ei per Dominum Deum cæli & terræ. De quarto, Gen. 2. 2. Benedixit Deus diei septimo, & sanctificavit illum. De quinto, Gen. 27. 38. Benedic mihi, pater mi, & ego filius tuus, pater mi; est vox Esau ad Isaacum: & vers. 41. Appropinquabunt dies luctus patris mei, tum occidam Jacob fratrem meum; timuit nimirum hoc facere patre superstite. De sexto, Gen. 9. 6. Qui effuderit hominis sanguinem, & illius sanguis fundetur. De septimo, Gen. 38. 24. Tulit Judah sententiam contra Thamar fornicariam, Producite eam ut comburatur. De octavo, Gen. 44. 9. Fratres Josephi de scypho argenteo, quem clepsisse eos dispensator dixerat, sic loquuntur, Apud quemcunque invenietur, morietur, & nos etiam erimus servi domino tuo. De nono, Gen. 38. 20. Promisit Judah adulteræ hædum pretium sceleris, & juxta promissum solvit. De decimo, Gen. 30. 3. Deus de uxore Abrahami ad Abimelechum loquitur, Morieris propter mulierem quam tulisti: Abimelech autem non appropinquaverat illi. De temporibus ante Legem satis patet.*

De Gentibus autem post Legem idem demonstrabo; etiam & Ethnicis, doctioribus potissimum, cujusque Præcepti Decalogi radios non obscuros ex ipso Naturæ dictamine illuxisse. Quod si Sanctorum Patrum testimonia quid ponderis habeant, præstò sunt Chrysostomi & Hieronymi. Chrysost. Ser. 13. ad pop. Antioch. Virtutis, inquit, cognitionem Deus indidit animæ, ut vix ullo præceptore indigeamus ad hæc communia discenda. Ut sciamus quod bonum est Temperantia, non opus est verbis; nam in Natura hæc cognitionem habemus: Ut Adulterium malum esse putemus, à δεινὴν μὲν ἡδονήν, αὐτοδιδασκαλὸν ἴσμεν omnes consentiunt: & in multis aliis. Et Hieronymus ad Demetriadem, si non sit scriptum spurium, To. 9. Natura bonum ita generaliter cunctis institutum est, ut in Gentilibus quoque hominibus, qui sine cultu Dei sunt, se nonnunquam ostendat & proferat. Instruimur enim omnes domestico magisterio animi, ut mentis bona ab ipsa mente discamus. Hæc Hieronymus. Sed ego istis non contentus, speciatim de præceptis singulis hoc manifestum dabo, si potero, idque ex Gentilium ipsorum scriptis.

Quod ad primum Præceptum attinet, quamvis ex iis plurimi & sæpius plurali numero de Deo loquuntur,

— θεοὶ δὲ πᾶντα δυνάτες, Hom. Il. i.

Πάντα γὰρ ὀνέμει θεοί, Eurip. in Oreste,

Et θεοὶ πᾶσι πάσης, ἐκείναι θεοί, Æschyl. vel Eurip. apud Plutarchum De audiend. Poetis: At sæpenumero tamen hoc singulariter enuntiant;

Ῥαδία πάντα θεῶ, Linus apud Stobæum, Orat. 3.

— ἔχθ' θεοὶ ἰνδίκον ὀμνῶ, Hom.

— οὐ γὰρ θεοὶ οὐδὲ δικάζειν, Theocritus: & Diagoras hoc vidit, qui ob id ἀθεῶς cognominatus, non quod nullum esse diceret, sed quod multos esse deos negaret; non quod Deum, sed quod deos. Eth hæc vox

vox Sophoclis erat apud Eusebium, *ἴς ἐστὶ θεός*, & Orphei apud Clementem, Strom. 5.

Ἐἰς θεῶν αὐτογάρη; —

& Pythagoræ etiam, *Si quis se Deum dixerit, præter unum qui omnia fecerit, novum faciat mundum*: ut interea de Plutarcho & Macrobio nihil dicam. Hæc de primo Præcepto.

Quod ad secundum Præceptum, Socrates in Platonis Alcibiade, & Repub. etiam Deum esse adorandum dicit *πῶς μᾶλλον ἀρίστον θεῶν, quo ipsi maximè placeat modo*. Quod est ipsum secundi mandati fundamentum, quo ἰδελοθρησκεία omnis interdicitur. Simile est illud quod de Numa Eusebius ex Clemente recenset, lib. Præparat. 9. c. 6. *Numam Romanos à Dei simulacris avertisse, & per ducentos penè annos nullam imaginem habuisse, ἕτε πλεον, ἕτε γενητὸν ἀγαλμα, imaginem neque fictam, neque pictam*. Simile est illud quod de Varrone Augustinus testatur, Romanos antiquos, authore Varrone, plusquam centum & septuaginta annos sine simulacro deos coluisse; & si adhuc, inquit Varro, *mos mansisset, castius dii observarentur*. Quid quod & ob hoc Judæos Varro laudat, quod simulacra nulla haberent? concluditque, *Eos qui primum simulacra Deo posuerunt, civitatibus suis & metum dempsisse, & errorem posuisse*. Hæc Varro apud August. Civ. lib. 4. cap. 31. Hæc de præcepto secundo.

Quod ad tertium, Hesiodi est in Theogonia,

Ὀρκῶ μὲν ὅτι πλείστον ἐπηχθονίου ἀνδρώπων

Πηγαίνῃ, &c.

Fusjurandum plurimum terrestres homines ladit,

Si quis ipforum sponte pejeraveris:

& Chæcili vox est apud Stobæum, Serm. 27.

Ὀρκῶν δ' ἔτ' ἀδίκων χρεὼν ἔμμεναι, ἕτε δίκαιον,

Fusjurandum nec justum, nec injustum usurpandum est.

Quid quod mortem Perjurii pœnam fuisse Diodorus Siculus narrat? Hæc de tertio.

Quod ad quartum, tenuiora sunt Vestigia, sed aliqua tamen: habuerunt enim Gentes suos dies festos, cultui deorum & Sacrificiis dedicatos; & septenarium Quietis numerum vocabant, Deoque gratissimum. Hinc erat quod Apollini & Saturno dies septimus est consecratus; hinc etiam mos exortus, quod corpora defunctorum septimo post mortem die cremarentur, ut refert Alexander ab Alexandro; & mos etiam alius, quod cum Imperatores suos in Divos referebant, ut die septimo Apotheosis fieret, Bur-
gus De Numeris. Hæc de quarto.

Quod ad quintum, occurrunt multa apud Menandrum.

Ἰνδρὸς βιωτὴς γενοβότων τὸς γονεῖς,

Si parentes senes alas, vires diu:

prorsus quasi Moſen legisset. Et rursus,

Δὴ γονεῖς πρὸ πάντων ἐν πρῶτῳ ἔχουσιν,

Parentes tibi primo honorandi sunt loco.

Tale & illud Pythagoræ,

Τὸς τι γονεῖς τιμα, —

Honora parentes tuos:

& Menelai ad Orestem, apud Euripidem in Oreste,

Ὅστις ὅ τι μᾶλλον εὐδαίμων ἐστὶ,

Qui honorat matrem, hic felix est.

Atque postremo, lex celebris erat Atheniensium, apud Plat. lib. 9. de

Y 3

Leg.

Leg. Αἰδῶμαι τὰς τῶν ἑαυτοῦ ἀρεστέτερον ἔργα τε καὶ ἐπὶ· & Charondæ lex altera, μῆγιστον ἀδίκημα τῷ γερόντων ὀλιγωρία. Hæc de quinto.

Quod ad sextum, Numæ Pompilii lex erat, *Si quis hominem liberum dolo sciens morti duit, parricida est.* Etiam & omnium gentium, *Homicida quod fecit, expelletur.*

Quod ad septimum, ut Adukerò oculi eruerentur Zaleucus legem tulit. Solon adulterum interficere deprehendenti permisit.

Quod ad octavum, non Draco solum, sed Decemviri in manifestarios fures, h. e. ἐν αὐτοπῆσι ἢ ἐν αὐτοφώρῃ deprehensos, mortis supplicium irrogabant.

Quod ad nonum, lex erat duodecim Tabularum, Tabula septima, *Si falsum testimonium dixeris, saxo decitor:* hoc est, Si falsum testimonium dixisse convictus fuerit, e saxo Tarpeio deiciendus erat.

Quod ad decimum, Timonis illud apud Athenæum, lib. 8. πάντες μὲν πῶτος καὶ δίκης ἐπιδόμια ἔστι· & illud omnium ore jactatum, τὸ μὴ ἐπιδόμειν τὴν τίλιν· Δημοσίου· etiam & Juvenalis, in 13. Sat.

Scelus intra se tacitum qui cogitat nullum

Facti crimen habet—

Istis juxta positis, ex hac partium comparatione liquet, habuisse Gentēs ex naturali lumine Moralium aliqua non principia solum, sed præcepta, ipsi Decalogo in aliquibus respondentia. Unde habuerint, non refert, nec refert magis quàm imperfectè. Si quis dicat, à Mosis libris decerpisse eos aliqua, Eslo: Sed num omnia? Num ipsa Axiomata universalis & prima Principia, quæ sine præceptore ipsa Natura docet? At S. Paulus de Gentibus loquens, Rom. 1. 19. Deum asserit hæc ipsis manifestasse, id est, Deum luminæ naturali hæc *ὁρατὰ καὶ κινεῖς ὁρμαὶ* inseruisse: & si de Gentibus post Legem scriptam Apostolus tacuisset, at de generationibus illis quæ ab Adamo ad Mosen fluxerunt res ipsa loquitur, retinuisse eas non modò Principia prima, sed Conclusiones multas inde deducibiles, à Legis Moralis præscripto non multum absonas. Aded amplius aliquid nunc tandem est demonstratum quàm erat demonstrandum; de Vestigiis quæstio instituitur, ad totam orbitam illustratio processit. Et de secunda Disquisitionis parte hæc sufficiant, Quæ sunt Vestigia illa quæ superesse diximus.

Tertia Disquisitionis pars est, ut postremò videamus, Quo tandem modo horum Vestigiorum aut reliquiarum cognitio ad Perpetuitatem Legis Moralis conducatur: nam hoc posito, nihil residui erit in hoc Naturæ Speculo introspiciendum. Tres autem sunt Conclusiones, quæ ex suprâ disputatis ad Perennitatem Legis Moralis eliciuntur.

Conclusio prima, Lex Moralis fundatur in Natura. Ratio Conclusionis est satis perspicua, fundatam eam in Natura integra, quia perpetuata est in Natura corrupta; adeoque totam fundatam in Natura pura, quia Vestigia ejus scintillant in Natura jam lapsa. Igitur non tum demum coepit quando scripta est, sed quando orta est; orta est autem unâ cum hominis creatione, quia Deus eam simul cum Natura ipsa ingeneravit. In re tam clara quid sumus solliciti? Auctores omnes consentiunt, nè unus quidem discrepat, vel ex Veteribus, vel ex Recentioribus, Quòd Lex Moralis sit æterna & immota norma Justitiæ Practicæ in voluntate Dei; primum rationali creaturæ parafacta in creatione ipsius, & postea sæpe repetita & sancita voce Dei in Ecclesia. Calvinus in Institutionibus, *Lex Moralis nil aliud est quàm naturalis Legis testimonium,* &

ejus

ejus Conscientia quæ hominum animis à Deo insculpta est. Philippus in Rom. 5. Lex Moralis est æterna & immota Sapientia, & norma Justitia in Deo, patefacta hominibus, transfusa in nos simili luce in Creatione, & postea promulgata in Decalogo. Augult. lib. 83. Quæst. Qu. 33. Ex æterna Lege transcripta est Naturalis lex in animam rationalem: & in Pl. 57. Lex Decalogi nihil aliud est quàm explicatio legis primæ, in ipsi cordibus manu formatoris scripta. Ambrosius in Rom. 3. Hæc est Lex Naturalis, quæ per Moysen partim reformatæ, partim firmatæ, in vitiis cobibendis: & in cap. 7. Lex mentis ipsa est Lex spiritualis, sive Moysi, quæ vocatur Lex Dei, eadem & spiritualis & naturalis, per Moysen reformatæ, & in autoritate posita. Tertull. de Corona militis, Quæris Dei legem? Habes communem illam in publicis mundi, in naturalibus tabulis, legem naturalem, sive naturam legalem: & rursus lib. contra Judæos, Ante Legem Moysi scriptam in tabulis lapideis, legem fuisse contendo non scriptam, quæ naturaliter intelligebatur, & à Patribus custodiebatur, & post superscriptos Patriarchas data est Moysi. Hæc Tertullianus, cui facile poteram testes alios innumeros attexere, si testibus indigeret Conclusio prima, Quod in Natura Lex Moralis radicatur.

Conclusio secunda est, Lex Moralis omnes homines obligat. Ratio Conclusionis, quia Lex Naturalis, manca ut est & imperfecta, omnes obligat ratione utentes, quacunque ætate post rationis usum considerentur. Cum enim incipiunt uti ratione, tunc Lex Naturæ dicitur promulgari. Docet hoc Synderesis & scintilla Conscientiæ. Interroga nostram ipsorum conversationem, quomodo omnes qui faciunt mala hoc fugiunt, nè Mali appellentur. Adulter, qui adulterium commisit, erubescit si Adulter vocetur. Dic adultero, Adulter, confunditur; dic perjuro, Perjure, & pro contumelia habet suorum operum appellationem, quia Natura ipsa clamat quod malum sit, Naturæ Lex arguit. Similiter & in cæteris. Si ad animæ nostræ secreta veniamus, inquit Hieronymus, sique seipsum unusquisque attentius respiciat, interrogetque quid de hoc vel illo crimine sentiant propria cogitationes, ecce sententiam feret de Natura bono ipsa Conscientia. domestico magisterio animi docebitur. Quid enim aliud est, obsecro, quod ad omne peccatum erubescimus & timemus, & culpam facti nunc rubore vultus, nunc pallore monstramus, ac trepidante animo etiam in minimis delictis testem effugimus? Conscientiâ remordemur: è diverso autem, in omni bono læti, constantes, intrepidi sumus, idque si occultum est, palam etiam fieri volumus? nisi quod testimonio sibi est ipsa Natura. Hinc est quod frequenter carnifice occulto, in auctorem sceleris Conscientiæ tormenta deserviunt, & latentem reum secreta mentis poena persequitur; nec illis post culpam impunitati locus est, cum sit reatus ipse supplicium. Hinc est quod è contrario: innocens etiam inter ipsa tormenta fruatur Conscientiæ securitate; & cum de poenâ metuat, de innocentia gloriatur, quia sedet in arce animi Judex domesticus, qui mali bonique secretum judicium exercet lege quadam domesticâ. Et hæc omnia inde proveniunt, quia obligatos nos omnes sentimus ad Legem hanc Naturalem custodiendam. Ergo necessarium etiam ad Legem Moralem, quia lex scripta nil aliud est quàm commentarius exponens & illustrans Legem Naturæ. Non ignoro quæ à Scholasticis in hac parte passim agitantur, quod sit penè sententia communis, uno tantum aut altero discrepante, Quod Lex Moralis Gentes non obligabat, quia Judæis solis lata est, non Gentibus: *Præcipe filiis Israel, loquere filiis Israel; Hæc sunt præcepta quæ mandavit Dominus Deus vobis; & Ego sum Dominus Deus tuus,*

Hier. 10. 9. Ep. ad Demetriadem.

qui eduxi te de terra *Aegypti*. Sed ista me parum movent, quia infirma & languida: nam quamvis verum sit, quodd soli populo Israelitico Lex data fuerit per modum Privilegii aut Prærogativæ; at non solos Israelitas obligasse facillimè evincitur, quia Profelytas & alienigenas obligabat, neque hos solum, sed & usquequaque universos, simulac ad cognitionem ipsius pervenerunt. Et hoc est quod ipsi Scholastici consenserunt. Petrus de Lorca, in 1^m 2^{dæ}, To. 2. Disp. 34. *Ex vi institutionis solos Israelitas adstrictos, per modum extensionis aut possibilitatis universos*. Quod idem est ac si dixisset, Actualiter solos Israelitas obligasse; Potentialiter, post ejus patefactionem, omnes. Et Bonaventura, l. 3. D. 38. q. 2, & 3. *In se solos Fudeos de presenti, in dispositione omnes obligasse: Explicitè, solum populum Israeliticum; implicitè, ipsas Gentes*. Et Vasquez in 1^m 2^{dæ}, To. 2, qu. 98. Ar. 5. *Quantum ad illa qua Lex Mosæica superaddebat Legi Naturæ, solus Fudeorum populus ad observantiam ejus tenebatur: sed quantum ad illa qua continebat de Lege Naturæ, omnes ad ea tenebantur*. Estque ratio à Lege Naturali desumpta invicta, quia Lex Decalogi in Lege Naturæ fundatur: ut quamvis Explicatio mandatorum ejus sequatur Legem Scripturæ, at Obligatoradicaliter sequitur Legem Naturæ, ut Bonaventura loquitur. Ergò omnes obligabat, sed non eodem modo, nec eodem tempore, nec eadem latitudine; omnes æquè, non omnes æqualiter. Atque sic ipsa Lex Naturalis non omnes æqualiter obligat, quia non lucet in omnibus æqualiter; latet in quibusdam, sicut ignis in silice, qui non apparet nisi excutiat. Ergò alios magis obligat, alios minùs, secundum diversos gradus patefactionis, senes magis quàm pueros, eruditos in Schola Disciplinæ magis quàm illiteratos: cum in illis scintilla Rationis major clariorque. Ratio est, quia sic se habent Principia Practica ad Rationem Practicam, ut Principia Demonstrationum ad Rationem Speculativam. Ut igitur in Principiis Demonstrationum quædam sunt Dignitates vel Propositiones per se notæ omnibus communiter, ut, Totum esse majus sua parte, &c. quædam per se notæ solis sapientibus, qui terminos Propositionis intelligunt quid significant, ut, Quia Angelus non est corpus, non est in loco circumscriptivè: Sic in Principiis Practicis, quædam sunt primò-primæ, quæ cum Rationis essentia adedò conjuncta sunt, ut separari non possint, si Ratio servetur, ut, Bonum esse faciendum, malum vitandum; hæc omnes æqualiter obligant: quædam secundò-primæ, atque hæc non sunt adedò conjuncta cum Ratione quin actu separari possint, licèt potentialiter menti impressa fuerint, ut iis simulac proponuntur assentiamur. Ergò non obligant æqualiter, sed juxta gradum luminis naturalis, postquam aut reipsa innotescant, aut innotescere possint. Pariter & Lex Moralis, licèt Gentes non obligabat simpliciter ante patefactionem ejus; sed tamen Potestativè omnes in omnibus, & Actualiter omnes secundum Principia ipsius quæ fundantur in Natura. Ista est Conclusio secunda.

Conclusio ultima, Lex Moralis est immutabilis & indelebilis, Ratio Conclusionis, quia Lex Naturæ est res adedò Rationi consentanea, ut mutari aut deleri prorsus non possit: utcunque per modum Additionis & Perfectionis mutata est in promulgatione Decalogi, ut Aquinas loquitur, quia clarior pleniorque reddita; at per modum Subtractionis aut Desitionis non potest mutari sic, ut abrogentur præcepta ejus, aut obligare desinant. Utcunque Principia ejus quantum ad Effectum non appareant aliquando, ut Halensis loquitur, quia Ratio passione impedita non semper applicat Principia communia ad particulare operabile; at quantum ad Essentiam nunquam

quam è mente delentur: haud aliter quàm Solis lux, quæ quamvis in Eclipsi nobis non lucet, at in se semper lucet. Quòd si delenda esset, id primo peccato contigisset: & valde vereor nè tunc temporis deleta fuisset, nisi hoc Dei dignatio prævenisset: bonitatis ejus est quòd reliquæ hæc servatæ. *Servavit autem, inquit Augustinus, ut esset unde judicaretur quibus Lex non est data.* Sed positâ rationali creaturâ, non est tota debilis, nisi Ratio ipsa deleatur; & quia illa non est debilis, sequitur quòd Lex Moralis, quæ est ipsius redintegratio, abrogari non possit. Quòd si vel Lex Naturalis alia esset ab æterna, vel Lex Scripta alia à Naturali, sequeretur, manente primâ, perire posse secundam in homine; aut secundâ manente, perire posse tertiam: sed cùm vinculis plusquam adamantinis nectantur inter se, fieri non potest ut, Divinâ Lege manente, intereat Naturalis; aut stante Naturali, non maneat Moralis. Ut quod M. Cicero, in illo de Amicitia libro, de Amicitia dixit, *Solem de mundo tollere videntur qui Amicitiam de vita tollunt*: idem ego de Antinomis, Solem eos è medio tollere, si Legem Moralem conantur auferre; & Solem Rationis è mundo minori Hominis; & Solem Cognitionis è mundo majori Ecclesiæ; & Solem Consilii ex illa quæ mundo infinitis circulis amplior est, mente Divina. Videant igitur quid faciunt, & unâ quot cœlos petant stultitiâ. Dicant, an Solem de cœlo possint deducere: Arbitror non posse: At cœlo Legem Dei certius permanere Salvator asserit. Dicant, an eam possint ex Idea Divinæ mentis abradere: Vix credo; nam quod ibi scriptum, æternum. Dicant, an è propria mente possint expungere: Neque hoc, opinor, eos posse. Appello Conscientias. E Prophetis delent, numquid è Dei mente? è tabulis Mosaicis, numquid è tabella pectoris? Habent igitur contra se, quæ supra se est; Ideam mentis Divinæ; habent & contra se, quæ intra se est, Conscientiam propriam: cùm Lex Moralis non alia Justitiæ Practicæ regula est quàm quæ ab æterno fulgebat in Dei mente, & ab exordiis mundi signata est in humano pectore, & à tempore Lapsus continuata est ibidem, secundum communia Principia, ut jam Lege Naturali salvâ, Moralis interire non possit, cùm inter utramque, nisi Temporum & Graduum & dispensationis Modi, differentia nulla sit, discrimen nullum. Illa est Lumen Rationis, inter bonum malumque discernens; hæc Regula Rationis, bonum à malo dividens: illa dictamen Naturæ naturatæ, ad Deicultum & dilectionem proximi obscurius dirigens; hæc Naturæ naturantis decretum cœleste, ad eadem nos ducens officia excitansque. Ergo si illa ab æterna lege transcripta, etiam & hæc; si illa astrictos omnes teneat, etiam & hæc; si illa immutabilis, utpote quæ è cordibus non possit expungi, etiam & hæc non possit abrogari. Sic partem utramque Propositionis stabilitam dedimus; Quòd ea ipsa Justitiæ regula quæ ab æterno eminebat in Archetypo Divinæ mentis, pro receptivatis modulo incisa est in tabella pectoris humani, ubi jam permanebat in Statu innocentie perfectæ; & secundum reliquias illas adhuc manet in Statu lapsus confusæ & imperfectæ. Hæc Legis Moralis ætas prima & secunda, prout à Creatione ad Lapsum, à Lapsu ad Mosis tempora existerit. Et hæc etiam ea sunt quæ ex secundi Speculi intuitu de Perennitate Legis dicenda erant. Speculum primum erat Idea mentis Divinæ, ante tempora. Speculum secundum, tabella cordis humani, in principio temporis. Speculum tertium nunc sequitur, suo ordine inspicendum, Volumen duarum Tabularum, in profectu temporis. Atque hoc negotium futurum erat sequentis dieculæ, quæ est præsentis nostræ

in Psal. 57.

nostræ ultima. Sed infirmitatis me sentio inopinatæ vinculis adeò contractum, ut salvâ valetudine, quæ vobis magis quàm mihi est cordi, id præstare non possim: nam tussis hæc malefana, & ex tussi raucedo, & ex raucedine languor; non minùs ad meditationem ineptum me reddidit quàm ad elocutionem; ut nec vigiliis animus, nec animo calamus, nec calamo lingua subservire possit. Quocirca quod futurum erat negotium occiduum sequentis diei, invitus nunc adigor ut faciam, etiam contra animi institutum, opus, si Deus affuisset, exoriens sequentis Terminali.

LECTIO XXIX.

SI personarum eadem foret stabilitas quæ rerum, aut perorantium cum argumentis quæ tractantur, non esset quòd metuerem in his de Lege Morali contra Antinomos discepcionibus laborum meorum interregnum aliquod aut præruptas vicissitudines, cum Lex de qua agitur valoris sit æterni, & menses intercalarios nesciat. Sed video illud Taciti, quod de Statu civili dixit, verissimum quoque esse in Theologicis: *Respublica, inquit, aterna est, Homines mortales.* Pariter & hic se res habet. Lex ipsa est perpetua, Disputatio nostra intercisa, idque tam justis de causis, ut vobis non mihi opus sit diuturni silentii rationes exsolvere, cum apertè res ipsa loquatur, id vocis defectu partim, partim etiam solennitatis jam effluxæ interjectu contigisse. Quod si quis nesciat, discat aliquando, quid sibi volunt Veterum Terminalia: aut si hoc minùs sapiat, ut puta Ethnicum, ad Sacras se Paginas conferat, & videat quid illud sit quod Zachariæ Sacerdoti cecidit, cùm Legis ministerio subserviens, de Præcursoris simul & Messæ Natalitiis gratissimum nuntium audiverit; *Egressus non poterat loqui, inquit S. Lucas, permansitque mutus, donec re completâ, unâ cum filio fidem, & cum fide vocem, & cum voce Spiritum Propheticum acceperit, & tum demum, ut Juvenecus loquitur, tabulis pugillaribus arreptis,*

Implicitam solvit per verba sonantia linguam.

Adeò æquissimum erat, ut Legis & Prophetarum prædicator taceret quoad Evangelii Natalis absolveretur. *Dum Verbum in utero, Lex in silentio, inquit Ambrosius: dum Verbum editur, Lex absolvitur.* Haud secus & mihi, Auditores, dum Legis Divinæ partes agerem, & dudum & hodie res quasi ex destinato processit, dum ad occasum Terminali vergebat de Lege disputatio, nescio quo pacto, sed vocis mihi & linguæ usus præreptus est, erâque mihi cum Zacharia Sacerdote confatale silentium; prorsus quasi necessarium foret ut, Natalitiis Domini properantibus, vox Legis obmutesceret: nunc tandem iisdem Natalitiis peractis, silentii fores referatæ, loquendi facultas mediocriter restituta, quò ad pristinas officii mei partes me conferre possim, & susceptum Legis sanctissimæ patrocinium ad optatum fastigium perducere. Agamus igitur, quoniam mihi cum Zacharia communis sors erat, sit etiam communis progrediendi ratio; postulemus tabulas, non pugillares, ut ille, sed lapideas, Divinâ manu incisas. Nam hucusque, si meministis, quasi per Specula mentis

&

& Divinæ & humanæ, ætatem. Legis Moralis perduximus; quod primum & secundum & tertium Speculum fuerit, usque ad quintum: similiter, quæ prima & secunda & tertia ætas, usque ad quintam. Hæc commemorando renovemus, ut ad reliqua porro pergamus. Speculum primum erat Mentis Divinæ, ante facta tempora, Secundum Mentis humanæ, in principio temporis. Tertium Duarum Tabularum, in profectu temporis. Quartum Evangelij, in restitutione temporis. Quintum Gloriæ, post effluxa tempora. In duobus extremis Æternitatem Legis videmus; in tribus intermediis, Ætates. Ætas prima Legis erat in Statu Naturæ integræ; hæc quasi Infantia: Ætas secunda in Statu lapsus; hæc quasi Senectus, adultam præveniens: Ætas tertia sub Mose & Prophetis; hæc ætas media, sive flos Juventutis: Ætas quarta sub Christo & Apostolis; hæc ætas matura & constans: Ætas ultima in cælo, quæ non erit, ut dixi, ætas, sed æternitas.

De Divinæ mentis Speculo primo tres constitutæ sunt Propositiones.

Prima, In Idea mentis Divinæ Sapientiæ Practicæ Exemplar ab æterno existit, hominibus aliquando revelandæ.

Secunda, Ex hoc ipsissimo Exemplari Justitiæ Practicæ regula, hominibus aliquando patefacienda, simpliciter & integrè est tandem patefacta.

Tertia, Hæc ipsissima Justitiæ Practicæ regula sic hominibus patefacta, & à perfectissimo Exemplari quasi transcripta, est Lex Moralis, adeoque fieri non potest quin sit ex æterno Autographo perpetuum Chirographum, vitæque nostræ agendæ Regula sempiterna.

De humanæ mentis Speculo secundo tres Propositiones existant.

Prima, Justitiæ Practicæ regula homini patefacienda, in principio creationis accuratè impressa est in brevissima humani pectoris tabella, ibique mansit in Statu integro integræ.

Secunda, Lex eadem, etiam in Statu lapsus, secundum Vestigia aliqua & reliquias & mansit, & adhuc manet, in eadem cordis tabella, confusè & imperfectè; nimirum juxta Universalia illa Principia quæ in bono communi radicantur, & juxta Conclusiones communes quæ inde velut rami deducuntur.

Tertia, Hæ Reliquiæ sive Vestigia, utcumque confusa & imperfecta, ad Perpetuitatem Legis Moralis è manu Adversariorum extorquendam quàm maxime conducunt: ut patet ex duabus istis Conclusionibus. Primâ, Lex Moralis fundatur in Natura; ergò immutabilis à parte antè, quia coepit à Statu integro. Secundâ, Lex Moralis perpetuatur in Natura; ergò immutabilis à parte post, quia mansit in Statu corrupto. Atque hæcenus in quæstione hæc enucleanda processimus: hic verò disputationi clausulam imposuimus.

Nunc primo & secundo perlustrato, Ætate etiam primâ & secundâ decursa, restat ut è tertio Speculo Ætatem tertiam Legis Moralis contemplerur. Est autem tertium Speculum Duarum Tabularum; atque eodem jure Speculum quo cætera, vel ipsâ Scripturâ judice, quæ interdum simili, interdum eadem utitur loquendi formulâ. Formulâ simili Moses, Deut. 6. 8. *crunt ut frontalia inter oculos tuos*, hoc est, quasi memoriales tituli, aut typica Specula & comminatoria. Eadem formulâ S. Jacobus, cap. 1. ver. 23. In Legem introspicit quisque tanquam in Speculum. Quod si adhuc Judæorum conjecturis, qui è lapide Sapphirino Tabulas solatas credunt, aliquid tribuendum sit; erit tunc quidem Speculum, non solum metaphoricè, sed propriè. De hoc igitur tertio duarum Tabularum Speculo sit ista Propositionis,

Lex eadem quæ Naturæ nostræ primitus infixâ, originem sive Infantiam habuit

habuit in Creatione hominis, & tantum non Senectutis deliquium in Lapsu, eadem postmodum in Tabulis lapideis Juventutem novam, & velut Aquilinam, adepta, restituit, quando & ore Dei promulgata, & digito Dei exarata, & Tabulis lapideis insculpta est.

Propositionis duæ sunt partes, Antecedens & Consequens; neque enim novum est ut in Simplicibus Propositionibus, præsertim si longiores productioresque fuerint, hæ partes reperiuntur. Subiectum est loco Antecedentis, loco Consequentis Prædicatum. Antecedens istis verbis continetur, Lex eadem quæ Naturæ nostræ ab origine infixæ, eadem in monte Sinai Judæis lata est atque imposita. Consequens in se duo membra continet: Quod sit ore Dei promulgata; Quod digito Dei Tabulis lapideis insculpta.

A parte Antecedenti ordiendum est, Quod eadem profus est Lex infeminata & scripta. καὶ δοθέν ἐστι δαίμονα, & Postulatum Theologicum cui assentiuntur omnes, tam Veteres quàm Recentiores. Calvinus non uno in loco; *Lex Moralis nil aliud est quàm Naturalis Legis testimonium, dum certius nobis testificatur quod in Lege Naturæ obscurius erat.* Philippus in Rom. 5. *Eadem norma Justitiæ quæ transfusa est in nos in Creatione, postea promulgata est in Decalogo.* S. Augustinus in Psal. 57. *Lex Decalogi nihil aliud est quàm explicatio Legis primæ, in ipsis cordibus manu formatoris scripta.* S. Ambr. in Rom. 3. *Eadem est Lex Naturalis, quæ per Moysen est partim reformata, partim formata, in vitiis cobibenda.* Tertul. de Corona militis, *Queris Dei Legem? Habes communem illam in publico mundi, in naturalibus Tabulis:* & libro Contra Judæos, *Ante Legem Moysi scriptam in Tabulis lapideis, Legem fuisse contendo non scriptam, quæ naturaliter intelligebatur, & à Patribus custodiebatur, & post superscriptos Patriarchas data est Moysi.* Mitto Patres reliquos, præterea & Scholasticos; nemo est enim cuiusvis temporis aut ordinis Theologus qui in hanc non transeat sententiam, Quod sicut Lex Naturalis ortum habuit ab æterna, velut illius ἀρχὴ τῆς νόμου ἀρχαίας, quoddam & ἀρχαία ἀρχαίας, Fontis supremi rivus, Solis Justitiæ rarius practicus; sic & Moralis etiam consensum habuit per omnia cum Lege Naturali pura, atque respectum perfectivum ad Naturalem corruptam, ita ut Lex eadem tam materialiter quàm formaliter dicenda sit. Et Ratio astipulatur; Quia utrobique pariter Lex scripta est, scripta in tabella pectoris Protoplasti, scripta in Tabulis Legalibus, utrobique Dei digito: utrobique erant eadem literæ, iidem characteres, eadem documenta inter bonum & malum, æquum & iniquum, honestum & turpe dijudicantia, quibus & iussa quæ facienda sunt, & prohibita contraria: utrobique eadem Summa Legis; summa Adamo insita Dilectio, summa nobis patefacta Dilectio. Unde Clemens 1. 6. Strom. Legem Naturalem vocat τὸ πρῶτον δέκαλογον, *Adami Decalogum.* Utrobique eadem membra dividentia: novit Adamus, ex duobus Dilectionis mandatis pendere officia reliqua universa, sicut & nos; *Creatus est enim in Justitia & Sanctitate*, Eph. 4. 24. quæ sunt capita duarum Tabularum. Primæ Tabulæ caput Sanctitas, quæ Deum pie colere; secundæ Justitia, quæ rectè se erga proximum gerere possit: adeoque non est dubium, quin quod in una cordis tabula utrasque legis Tabulas circumgestavit. Postremo, utrobique idem ordo singulorum: ordo Legis scriptæ, ut iis officiis quæ ad Deum spectant primus locus tribuatur, secundus iis quæ ad proximum; & hic etiam ordo Legis infusæ, ex lumine naturali cuilibet sine magistro manifestus, ut humanis officiis cultus Divinus præferatur, & primas teneat & in Theoria & in Praxi.

Istis

Istis omnibus probè pensatis, satis opinor clara est pars prima Propositionis, Quòd eadem prorsus sit Lex connata & Lex conscripta: atque exinde unum elicitur Confectarium, quod sic se habet;

Lex Moralis, quæ Moralis, est obligationis indemnandæ, atque omnes cuiuscunque generis homines & nunc obligat, & semper obligabat. Ratio, Quia Lex Naturalis perfecta omnes in Adamo obligabat; & nunc quoque, manca utut est & imperfecta, omnes obligat Ratione utentes: Ergò etiam & Moralis universos obligat, quia eadem est cum Naturali. Interea non sum nescius quænam illa sunt quæ à Scholasticis passim in hac parte disputantur; quòd sit penè sententia communis, uno tantum aut altero discrepante, Quòd Legi Morali Gentiles non erant obstricti; neque illi qui ante Christum existerant, neque cæteri qui post Christum in Christum non credunt. Ratio ipsorum hæc est, Quia ad Legis Moralis notitiam Gentes non pervenerunt, quia ad solum populum Israeliticum data Lex est, ut passim patet ex istis formulis; *Præcipe filiis Israel, Loquere ad filios Israel, Hæc sunt præcepta quæ mandavit Dominus vobis; Ego sum Dominus Deus tuus, qui eduxi te de terra Egypti.* Sed ista me minus movent, quia elumbia sunt & languida. Quæro enim, num exclusivæ sunt istæ formulæ, *Ego sum Dominus Deus tuus*, & nullo modo Deus ipsorum; *Præcipe filiis Israel*, & cave nè præcipias Gentibus; *Loquere ad filios Israel*, at nolo ut hoc Gentes discant; hæc sunt mandata quibus vos obligandi estis, illi nullo modo? Ergò è Gentilibus quispiam si pejerasset, reatu non tenebatur Perjurii; nec si mœchatus esset, Adulterii; puto nec Homicidii, nec Furti, nec Idololatricæ. At verò si rei sistendi sunt istorum scelerum coram Divino Tribunali, obligatos eos fuisse necesse est ut concedatur; cum ubi non sit obligatio, non sit reatus. Quòd si de Ceremonialibus aut Judicialibus disputatio institueretur, pro sententia Catholica & Orthodoxa definitio Scholasticorum agnoscenda esset: quippe quòd Leges istæ revera Judæos solos obligabant, solum Judæorum modulo atque captui erant attemperatæ; quia ad Judæos pertinebant, non quæ homines, sed quæ fœderatos: Veruntamen quoniam de Morali agitur; quis sanæ mentis audeat eos sequi in hac libertate loquendi? Cum enim Moralis in se contineat Naturalis Legis doctrinam & substantiam, revera ad Israelitas spectabat non modò quæ fœderatos, sed quæ homines; adeoque non solum ad Israelitas, sed ad omnes homines pertinere certissimè credendum est, atque universum humanum genus obligare. Ubi verò dicunt, Judæis solis latam, non Gentibus, & ad ejus notitiam Judæos solos, non Gentes pervenisse; puerile est planè atque inconsultum, nè quid dicam gravius. Nam primò, Equis ità insanit ut Legis Moralis exordium à vocali ipsius promulgatione metiatur? At duo annorum millia non sinunt quæ antecesserant, in quorum decursu semper sonuit vox Decalogi in Ecclesia, ante Mosis tempora, & ante & post Diluvium, ut suprà monstravi, cum de Lege Naturali agerem: neque tum demum Lex incepit quando scripta est, sed quando orta est; orta est autem unà cum ipsa hominis creatione, quando Judæorum & Gentium distinctio nulla fuerat. Esto igitur, quòd Judæis solis lata sit per modum Privilegii aut Prærogativæ; at ad Gentiles non minùs pertinebat in suis exordiis. Secundò, Equis tam rerum imperitus, ut Legis obligationem ad gradus notitiæ si simpliciter coarctet? Ergò perit obligatio, si pereat notitia? Ergò neque Naturalis obligat, quia notitia ejus est deperdita? vel saltem non omnes æque obligat, quia ad eandem notitiam omnes non perveniunt? At nos de Notitia non quærimus, sed de Obligatione; nec de Gradibus obligationis, sed de Vinculo. Esto, Judæi adstricti erant nexu duplici, quæ Naturalis

Z

erat;

erat, quâ scripta: at nexu simplici etiam Gentiles tenebantur; h. e. nexu & vinculo naturalis impressiois, quamvis non similiter vinculo promulgationis temporariæ. Si hoc non sufficit, distendam paulò larius, atque, non uno tantum vinculo circumligatos Gentiles, sed duobus; ad Moralem quâ Naturalem Actualiter, ad Moralem quâ scriptam Potestativè; ad Moralem quâ insitam semper, ad Moralem quâ promulgatam simulac ad ejus cognitionem pervenirent; h. e. postquam vel actu innotesceret, vel innotescere posset. Et hoc est quod emunctiores Scholastici consentiunt, Bonaventura, Lorca, Vasquez, Bonav. l. 3. Dist. 38. Qu. 2, & 3. *Legem Moralem in se solos Judæos de presenti, in dispositione omnes obligasse: Explicitè, solum populum Israeliticum; implicitè, omnes Gentes.* Lorca, in 1^{am} 2^a, t. 2. Disput. 34. *Ex vi institutionis solos Israelitas astrictos, per modum extensionis aut possibilitatis universos.* Quod idem est ac si dixisset, Actualiter solos Israelitas astrictos, Virtualiter & post ejus patefactionem omnes. Denique Vasquez in 1^{am} 2^a, to. 2. Qu. 98. Art. 5. *Quantum ad illa quæ Lex Moralis superaddebat Legi Natura, solus Judæorum populus ad ejus observantiam tenebatur: sed quantum ad illa quæ continebat de Lege Natura, ad eam omnes tenebantur.* Estque ratio à Lege Naturali desumpta inexpugnabilis: quia Lex Moralis est eadem quoad substantiam cum Naturali, ergò obligationis cancellos non minùs amplos habet quàm ipsa Naturalis. Si illa indelebilis, etiam & hæc; si illa omnes astrictos teneat, etiam & hæc. Si res diversæ essent, sequeretur, manente illâ perire hanc posse: sed cum inter se vinculis arctissimis nectantur, fieri non potest ut, Naturali obligante, Moralis non obliget. Hactenus de prima Propositionis parte, de Antecedente unâ cum ipsius Confectario.

Accedo ad partem alteram, quæ Consequentis vicem supplet. Duo autem membra in se continet; Quod sit ore Dei promulgata; Quod digito Dei in Tabulis lapideis inscripta. Quæ duæ sunt ipsius insignes supra forensæ & typicæ Prærogativæ.

Primum membrum hoc est, Lex Moralis sola est ipsius ore Dei promulgata; & tam altâ voce, ut à sexcentis hominum millibus per aliquot miliaria exaudiri posset: nam is erat virorum numerus præter fœminas & parvulos, Ex. 12. 37. Hoc primum erat Privilegium Moralis supra duas reliquas. De reliquis dicit Deus ad Moysen, Deut. 5. 31. *Tu hic stas mecum, & loquar tibi omnia Mandata & Ceremonias & Judicia quæ docebis eos: At de Decalogo dicitur; Deut. 5. 22. Hac verba locutus est Dominus ad omnem multitudinem; & Ex. 20. 1. Et locutus est Deus omnia verba hæc, dicendo, &c.* Quod autem Pontificii & Scholastici non in se Deum locutum, sed per Angelorum ministerium, existimant, quia dicitur, Gal. 3. 19. *Lex ordinata per Angelos;* non sumus adeò famelici, qui umbris istis atque jejunis conjecturis satiemur. Nam posito hoc, Adfuisse promulgationi Legis Angelorum ministerium, an necessariò ad vocis figurationem ministerium hoc referendum est? Numquid erat aliud? De Sonitu buccinæ quid dicendum est? Annon hoc est opus ministerii? De Igne, Fumo, Procellis, quid? Annon hæc omnia sunt ministerii opera? Denique, & istis sepositis, de pura puta Angelorum præsentia, quid? Annon ipsorum satellitium est ministerium? Quod si adhuc ipsis magis Angelica vox placeat quàm Divina, ab Angelo vocem efformatam fuisse & ego quoque assero: sed ab Angelo magis Consilii, de quo S. Stephanus loquitur, Act. 7. 38. sed ab Angelo increato, h. e. ipso Christo, qui ante Legem erat, & Legem tulit, ut scitè Chrysostomus. At verò ut ab angelo creato vox fieret, non modò non verisimile, sed nè possibile quidem dicendum est, quia passim Sacra Scriptura refragatur; nam

nam passim Vox illa dicitur *Vox Jehova*, Ex. 20. *Ego sum Jehova Deus tuus*; & Deut. 5. *Hac verba locutus est Jehova ad omnem multitudinem*. Confirmat hoc & populus, qui perterritus Divinā voce, postea Mosi dixit, Ex. 20. 19. *Loquere tu nobiscum, & nē loquatur Jehova, nē fortē moriamur*. At Jehova, cum sit proprium & essentiale nomen Dei, nunquam ad creaturas, nē ad Angelos quidem ipsos, transfertur. Erat igitur absque omni dubitationis alea Filius Dei qui loquebatur, Filius Dei qui Decem Verba pronuntiavit de monte Sinai. Atque hoc Suarezius ipse agnoscit, quāvis de Lege Morali aliās non tam honorificē videatur sentire: agnoscit, inquam; partem Legis quæ præcepta in se continet Legis Naturæ immediatē ab ipso Deo prolatam esse; alteram verō quæ comprehendit præcepta Positiva datam esse per ministerium Angeli immediatē loquentis Mosi, 1. 9. de Legibus, c. 2. Facta est igitur manifesta distinctio: Moralia Deus Mosi loquitur, confitente Suarezio, Angelus Ceremonialia Mosi; Moralia Deus populo, Forensia & Ceremonialia Moses populo. Quæ ratio discriminis? An potest esse alia præter illam quæ ab Aloysio Lippomanno redditur, in Ex. 20. *Hac ipsa Deus loquutus est, quod ea sciri & servari voluit ab omnibus; quia ab his nemo hominum uspiam gentium excipitur, nemo quacunque ignorantia excusatur*? Est igitur loquutio Domini specimen apertum immutabilitatis Legis, Scripturā ubique sic attestante, quæ cum fixum aliquid & permanens nobis exprimere velit, solet illud per *os Dei* explicare. If. 1. 20. *Os Domini locutum est hoc*; & 40. 5. & passim in Prophetis, *Os Domini loquutum est hoc*. Per quam loquendi formulam Prophetæ significabant sententiam esse immutabilem; & certissimē ad finem præstitutum perventuram. Quod & Deus ipse confirmare voluit, quando Ps. 89. 35. ait, *Verba quæ procedunt de labiis non faciam irrita*, vel, ut Pagninus, *egressum labiorum meorum non mutabo*; & Isa. 55. 11. *Verbum quod exierit de ore meo non revertetur vacuum*, h. e. firmum erit & stabile, neque aliquando revocandum. Adeoque satis est manifestum ex hoc primo Privilegio Perpetuitatem Legis Moralis planissimē designari, quod non dictante Deo aut inspirante lata sit, sed Deo loquente; ipsius est ore promulgatum. Hoc primum Privilegium.

Secundum membrum, Lex moralis sola ipsius Dei digito in Tabulis lapideis est conscripta. Hoc secundum Privilegium Moralis supra reliquas. Reliquæ à Mose scriptæ, Ex. 24. 4. *Scriptis Moses universos sermones Domini*; Deut. 31. 9. *Scriptis Moses Legem hanc*: Sola Moralis à Deo, Ex. 32. 16. *Tabula opus Dei erant, & scriptura Dei erat sculpta in Tabulis*; & Ex. 31. 19. *Tabula lapidea scripta digito Dei*; & Ex. 34. 1. *Dixit Dominus ad Moysen, Dola tibi duas tabulas lapideas, sicut priores, & ego scribam super eas verba quæ fuerunt super Tabulas priores quas fregisti*. Ex istis apertissimē ostenditur quantum Deus tribuat doctrinæ Legis, quod ante Christum natum nulla unquam doctrina tam magnis & illustribus testimoniis in Ecclesia patefacta est quàm promulgatio Decalogi. De Prophetis dicit Deus, Num. 12. 6. *velle se Prophetis suis revelare verbum suum, vel in Visione, vel per Somnium, vel per occultam inspirationem Spiritus Sancti*: cum verò Decalogum promulgarer, nullo illorum modorum usus est, non Visione aliquā, aut Somno, aut instinctu Spiritus id factum. De Mose dicit, Num. 12. 8. *reliquis Prophetis fore Moysen excellentiorem, eò quod ore ad os Deus ipsi loquatur*: sed nec hoc quidem modo Decalogum promulgavit, non Mosi ore, nec Angeli alicujus, sed suo ipsius ore edidit, sed digito suo conscripsit; idque non semel, sed secundā vice. Quid quæso per hæc omnia significare voluit Deus, ut lapideas tabulas dolaret, & in iis Legem scriberet, & proprio digito, & bis, velut utrāque manu? Perpendamus ea sigillatim.

Inprimis, quod scripta est in tabulis lapideis, hoc Legis Immutabilitatem indicare videtur; cum lapides, juxta Philosophorum consensum, metalla singula transcendunt, non modò duritie, sed duratione. Quorsum igitur lapidibus incisa Lex, nisi in rei æternam memoriam, ut essent monumentum æternæ Legis? *Ex hoc voluit Deus*, inquit Lippomannus; *significare stabilitatem Legis suæ, sequè potius calum & terram aboliturum quam Legem suam.*

Secundò, quod Dei digito scripta sit, huc quoque respicit: sive per *digitum Dei* Potentiam Dei intelligamus, ut Cl. Alex. 6. Strom. *ἡ δύναμις τοῦ Θεοῦ*, sive Filium, ut Beda videtur innuere, ex Joh. 8. 6. ubi Christus dicitur Digito suo scripsisse in terram, *Hoc factò*, inquit Beda, *illum se esse monstrat qui quondam Legem in lapide inscripsit*; sive Spiritum Sanctum intelligamus, ut S. Ambrosius colligit ex duobus locis Evangelii: uno, Luc. 11. *Si in digito Dei ejicio demonia*; altero, Matth. 12. *Si in Spiritu Dei ejicio demonia*: *Digitus ergò Dei Spiritus Dei est*, inquit Ambros. Quocunque demum modo accipiamus, tria hæc per ipsius Digitum in Scriptura indicantur: aliquando Opus eximium & accuratum, Psal. 8. *Cæli opus digitorum tuorum*; aliquando Opus magnum & stupendum, ut Ex. 8. 19. *Digitus Dei hic*, & Luc. 11. *Si ego in digito Dei ejicio demonia*; aliquando Opus stabile & diuturnum, ut Ex. 31. *Tabula scripta digito Dei*. Quòd si nuda fuisset scriptio, vel ipsa scribendi ratio, si nudè & simpliciter fumatur, Diuturnitatem notat. Apoc. 14. 13. & 19. 9. *Scribe, Beati mortui: Scribe, Beati qui ad carnem Agni vocati sunt. Scribe beatos*, h. e. firmiter tene beatos eos in æternum futuros. At si sit calamus adamantinus quo literæ formantur, addit hoc aliquid amplius Diuturnitati. Jer. 17. 1. *Peccatum Jude scriptum est stylo ferreo, & ungue adamantino; hoc est*, inquit Hieronymus, *indelebile erit, & nullà ratione abolendum*. At verò si iterum atque iterum, non modò scribatur, sed rescribatur, nova jam datur tessera, nolle nos ea interire quæ tam studiosè diligentèrque curamus. Jam verò, in promulgatione Legis Moralis hæc omnia conveniebant, nè certa & indemutanda vivendi regula deesset. Lex edicitur, at hoc non sufficit, si voce Angelicâ; ergò ipsius Dei ore: at neque hoc sufficit, ut dicatur; ergò scribitur: at neque hoc satis ad Perpetuitatem, si Mosis manu id fiat, solo stylo ferreo; ergò, quod millies majus, Dei digito, nè quis ab hac regula licere sibi putet vel transversum unguem discedere: at neque hoc satis, si semel scribatur; ergò post Tabulas fractas eodem digito rescribitur, nè quis à collisione Tabularum, Moraliū abolitionem inferre audeat. *Fractæ sunt tabulae, scriptura non deleta*, inquit Ambrosius, l. 4. de Spir. Sancto, c. 2. Fractæ sunt tabulæ, sed renovatæ: fractæ sunt, in signum abolitionis Legalium; sed renovatæ, & eodem digito exaratæ, ad Moraliū confirmationem. Quòd si futuram Decalogi abolitionem Deus præordinasset, quid rei est, obsecro, quòd jam secundò se scriptorem exhibeat? Effractis tabulis imperat Mosis, ut novas tabulas præcideret; *Præcide tibi duas tabulas instar priorum*: eodem negotio etiam & hoc imperasse poterat, ut idem Moses qui præcideret tabulas, characteres & literas adderet; Præcide tibi duas tabulas, & scribe super eas verba quæ priores tabulæ habuerunt: quoniam digitorum meorum opere indignus est iste populus, tu tabulas præcide, tu lineas ducito. At verò non sic Deus agit; nullo modo; quia non ad Judæos solum, sed ad ætates Ecclesiæ post futuras Lex Moralis pertinebat. Ergò prudentissimè non totum negotium, sed partem tantummodo ad Mosen transmisit; Tu præcide tabulas, at ego scribam. Quæ causa laboris divisi? Moses præcidit tabulas, Deus scripturam exhibet. Dicam verbo. Ad Judæos solos Tabulæ pertinebant, quia erant quasi dotaless libelli inter Domi-

num

num & populum suum : ad omnes homines scriptio spectabat, quia Legis Naturæ renovatio & repetitio erat. Ergo post tabulas primas deperditas, novas excidere Deus non est dignatus, in pœnam Judæorum; qui adulterio spirituali perpetrato, dotali Libello indignos se præstiterant : at Legem de novo rescribere dignatus est, quia hæc in perpetuum maneat, etsi Tabulæ pereant ; Tu præcide tabulas, & ego scribam. Ego qui prius scripsi scribam, & eodem digito. Certè non video quid istis addi possit, nisi illud fortasse S. Augustini ; *Si Pilatus dixit, Quod scripsi, scripsi, num Deus delebit quod propriâ manu scripsit ?* Imò adhuc, quod scripsit & scripsit. Equidem quod Josephus ad Pharaonem dixit, Gen. 41. 32. *Iteratio somnii indicium est certitudinis, quod res firma est à Deo :* pariter & nos de Legalibus tabulis, Iteratio scriptionis indicium est Perpetuitatis ; ut si jam denuo ad singulas promulgatæ Legis circumstantias recurrere liceat, quot quæstiones, tot argumenta reperientur. Quæro igitur, Cur Legem hanc Deus non per Amanuensem aut Hypophetam promulgavit, sed voce propriâ ? Ob Legis Perpetuitatem. Cur satis non duxit eam eloqui, nisi etiam digito suo scriberet ? Ob Perpetuitatem. Cur magis in tabulis quàm in libro, aut in lapideis tabulis magis quàm ligneis aut papyraceis ? Ob Perpetuitatem. Cur post effractas tabulas scripturam ipsam penè deperditam eodem digito renovavit ? Ob Perpetuitatem. Si omnia Perpetuitatem resonant, delirantium est de Mutabilitate, Cessatione, Abrogatione musitare. Atque hæc de Speculo tertio, quod est Speculum Tabularum ; & de isthinc reflexa Propositiuncula, Lex eadem quæ patefactionis suæ infantiam habuit in Paradiso, eadem postea in monte Sinai restoruit, quando & Ore Dei promulgata, & Digito Dei exarata, & Tabulis lapideis in signum Perpetuitatis insculpta.

LECTIO XXX.

DE Numæ Pompilii libris post quingentos & ampliùs annos è terra effossis, gloriari solebat Roma Vetus, quòd specimen hoc antiquitatis haberet immortale & perpetuum, nullique corruptionis telo penetrandum : neque levis exinde inter Historicos disceptatio orta est, quæ conservationis causa fuerit, ut neque putredine terræ, neque diuturnitate temporis aliquod detrimenti traherent ; sed & paginæ integræ salvæque manserint, & linæ præterea atque literæ non minùs vividæ atque recentes quàm si heri aut nudiustertius ductæ pictæque fuissent. De re incerta conjectura est multiplex. Sunt enim qui ad recondentis curam studiumque hoc referunt, quòd in arca cedrina repositi libri fuerint, & cedri insuper oleo illiti : ea verò est Cedri natura, ut siccitate suâ & amaritudine corruptionem excludat, & res inclusas à tineis blattisque vindicet : unde apud Authores Classicos, *digna cedro loqui*, proverbialiter de eo dicitur, cujus oratio propter verborum nitorem & sententiarum gravitatem promeretur immortalitatem, & digna judicatur quæ ad posteritatem transmitti debeat. Sunt alii qui cœlitus & non sine Numine id factum putant, propterea quòd in se Mysteria sacra libri prædicti continerent ; nimirum vel philosophiæ Pythagoricæ placita, ut nonnulli, vel, ut aliis magis placet, ipsius Numæ leges atque decreta : quo tamen futilius nihil dici potest, cum Sacris non magis vernæ parcant paginis quàm profanis, nec scient chartarum argumenta aut capita discernere. Verùm nostri non est instituti cum Evandri matre sermones miscere, exotica ista ad amussim revocando. Viderint Historici, vel potius Antinomi, ipsorum ejusmodi libri dignissimi sunt patrocini, qui Legem Divinam nihili magis æstimant quàm Numæ leges

leges aut placita Pythagorica. Et tamen si istis minutulis maxima componere liceret, habet hinc aliquam quam sibi arripiat triumphandi ansam Ecclesia Christi, quod non per quinas annorum Centurias, sed per Chiliades totidem, Legis Moralis vigor valorque conservatus sit; tamque integre, ut nec verbum, nec litera, non iota unum aut apex perierit. Rationem si quis quærat, in promptu est optima; Quod in se Lex Moralis non Numæ alijus aut Pythagoræ disciplinam, sed Voluntatis Divinæ & Justitiæ practicæ regulam contineat, nullâ temporum vicissitudine aut mutandam, aut abolendam: ea propter & voce Dei est promulgata, & digito Dei conscripta, & in tabulis lapideis exarata; denique, nè hæc non sufficerent, etiam in Arca positæ sunt tabulæ, Deut. 10. 2. Erat autem arca ex lignis Schittim fabricata: quod arboris genus Hebræi, & post ipsos Vatablus ex Dioscoride, speciem quandam cedri fuisse existimant; & qui cedrum negant; lignum immarcescibile fatentur. Etenim Josephus l. 3. Antiqu. Jud. c. 6. *lignum validum* appellat, & *ab omni carie inviolabile*, *ξύλον ἰσχυρὸν καὶ ἀπὸ παντὸς ἐν δυνάμει* & Hieronymus in Isai. 41. *lignum impuribile* vocat, *omnium lignorum tam in fortitudine quam in nitore soliditatem superans & pulchritudinem*; & LXX Interpretes constanter pro *lignis Schittim*, *ξύλα σχιττα* legunt, h. e. *ligna intemerata & incorrupta*. Revera dignus ærario thesaurus, ut in minus mortali Arca Legis immortalis tabulæ recondenterentur; & solæ tabulæ, præter tabulas nihil: ut si non aliàs, saltem ex ipso Repositorio Legis Immortalitas internosci posset; quod solæ tabulæ Legis, non aliud quicquam, Arcam habuerint pro Custodiaro. Erat liber Legis in latere Arcæ, Deut. 31. 26. erant & virga Aaronis atque urna Mannæ in Tabernaculo, attestante Paulo, Heb. 9. 4. ut optimè Junius, Pelargus & Ribera locum illum interpretantur, remittendo particulam relativam ad antecedens remotius; ut non sit *ἐν τῇ κιβωτῇ*, sed *ἐν τῇ σκηνῇ*, non in qua Arca, sed in quo Tabernaculo: erant, inquam, in Tabernaculo, non in Arca, *coram Testimonio*, Exod. 36. 34. Num. 17. 10. hoc est, *coram Arca*, ut Burgenfis, & *propè Arcam*, ut Anselmus interpretatur. Solæ verò tabulæ Legis in Arca positæ, 1 Reg. 8. 9. unde & Arcam Philo vocat *ἀρχειον τῶ νομοῦ, vasculum Legis*, l. 3. de Vita Moysis; & l. de Nominum mutatione, *καὶ νομοφυλακίδα ἱερῶν, sacram Legis conservatricem*. An putat quis hoc fuisse sine mysterio, ut solas Legis tabulas Arca pro sacro fusciperet deposito? Si dubitet quis, perpendat qualis hæc Arca fuerit. Si Materiam spectemus, erat Arca ex lignis firmissimis facta, nec cariem sentientibus, nec putrescentibus. Si Ornatum, auro, metallorum omnium firmissimo, erat obducta: fortassis & in hoc Legis Immortalitas præfigurata est. Si Formam & figuram, erat Arca *τετραγωνῆς*, quanquam non æqualium laterum, propter exuberantem longitudinem: fortasse & in hoc est aliquid ad Legis Firmitatem significandam. Postremò, si Mysterium, erat Christi incarnati typus Arca, ut Cyrillus & à Patribus alij. Quid ergò Lex in Arca, nisi Lex in Christo adimpleta & stabilita, & in Evangelio perpetua? Sic ad Evangelij Speculum nos Arca ducit, quod quartum est Speculum, nunc demum introspicendum; ut post intuitum Æternitatis Legis Moralis in Divinæ mentis Speculo primo, & humani pectoris altero, & tabularum Legalium tertio,

Nunc tandem ad quartum nos conferamus, ut ex hoc Evangelij purissimo Speculo Ætatem quartam Legis paulò penitiùs contemplemur, quæ facies ejus fuerit sub Christo & Apostoli. Et in hoc quidem sive Seculo, sive Speculo, Ætatem Legis nos floridam & vegetam atque virentem constituimus: Antinomi contra, eam in præcipiti ævo & occidua senectute statuunt, anilem & rugosam faciem ei consuantes, nec non ætatem fractam, invalidam, & extrema

extrema tangentem. Sed ipsorum hac in re incogitantiam atq; temeritatem evolutam satis & nudatam jampridem accepistis. Cum Scholasticis hodie depugnandum est, sed remoto contentionis studio; neque cum veteribus, sed recentioribus; nec omnibus, sed quibusdam: etenim multa sunt quæ in hanc partem argumentantur, idque dissidentibus sentiis. Nam licet omnes fateantur, Præcepta Moralia, quatenus sunt præcepta Legis Naturalis; neque fuisse abrogata, neque mutari potuisse, sed habere obligationem perpetuam & invariabilem, in Evangelio ipso confirmatam: nihilominus de iisdem Præceptis Moralibus, an & nunc Christianos obligent, prout tradita fuerint à Deo in Legge Mosaica, & nonnulli sunt qui dubitant, cæterique inter se quàm maximè discordant.

Ad tria Capita Sententiarum discrimina revocari possunt: Unum eorum qui distinguunt inter Moralia & Naturalia; alterum eorum qui inter Moralia & Evangelica; tertium eorum qui inter Moralia & Mosaica. Videamus ordine singula.

Caput primum eorum est qui distinguunt inter Naturalia & Moralia, aiuntque præcepta Decalogi quæ Naturalia, vim suam in Evangelio retinere; quæ Moralia, vigorem omnem perdidisse, atque cessasse non minùs Moralia Legis quàm Ceremonialia & Judicialia. Est Conclusio decisiva Ludovici de Tena, qui se in hac causa tractanda pertinaciùs gerit cæteris, acumine suo deceptus, dum indivisibilia dividit, & inter notiones distinguit quæ non sunt ullo modo secernendæ. Ecquid enim est absurdius quàm suò se telo fauciare, dicendo, *Manere præcepta Divina quæ Naturalia, quæ Moralia abrogari*: quasi verò non essent à prima origine Moralia omnia, cum primum Naturalia existerint. Ergò adversus hanc primam sententiam sit ista Propositio, In Decalogi immutabilitate astruenda, Morali Naturale non debet contradistingui, nedum anteponi. Ratio,

in Heb. 8. Dis-
sic. 5. f. 3. & 4.

Primò, Quia est insultum, cum in hac parte Naturale & Morale supponunt pro terminis reciprocis. Quis nescit Legem, quæ Moralem, esse naturæ nostræ impressam, h. e. quæ morum viræque agendæ regulam; & vicissim, Eandem Legem, quæ naturaliter impressam, esse æqui & iniqui, boni & mali, honesti & turpis, h. e. morum, regulam?

Secundò, Quia est præposterum Naturale Morali anteponere: nam si alterutro termino Prærogativa aliqua tribuenda sit, necesse est ut vox *Moralis* eam sibi magis vendicat quàm vox *Naturalis*. Morale Divinius aliquid sonat; rò Naturale est recentius & incertius quàm Morale. Naturalis Lex dicitur tantum propter circumstantiam temporis primævi, quia in *œtæ-
rologia* naturæ nostræ infixæ est: Moralis erat ante naturam conditam, cum ab æterno in Idea mentis Divinæ fulgebat, pro morum humanorum norma postmodum constituenda, & Moralis mansisset, etiamsi in natura nostra non fuisset insculpta. Adhuc, Moralis dicitur propter materiam ipsam substratam; Naturalis tantum propter Suppositum cui infixæ est. Quod sit Moralis, est intrinsecum quid in se positum; quod Naturalis, adventitium & respectu nostri. Adeò illud quod est Perpetuitatis Legis constitutum, est Moralitas, impressio ipsius in natura nostra est tantum signum Perpetuitatis: quia Moralis, est perpetua; quia Naturalis, ostenditur tantum quòd sit perpetua. Deinde verò, si ut Naturalis consideretur, meminisse oportet, quantum sit passæ deliquium, & tantum non interitum, ex Adami lapsu, nisi quòd reliquæ quædam & confusa velligia supersint: at quæ Moralis, nunquam aut est passæ, aut passura, vel detrimentum vel diminutionem. Quocirca mirari satis non possum ingenium hominis, ut in ipso limine quæstionis titubaret, & quasi sui oblitus, assereret, Naturalem manere, Mora-

lem abrogari. Fortasse hoc est quod dixisse voluerat, Manere quâ Naturalem, quâ Scriptam abrogari. At neque sic feliciter procedit, cum scribendi ratio non detrahat firmitati, sed augeat potius. Nam si non scripta obligabat, accedit nova majorque obligatio postquam scripta fuerit: & si sit planè Lex eadem (ut ipse non invitus fatetur) quæ in naturalibus & legalibus tabulis conscripta est; certo certius scribendo non minuitur ejus auctoritas, sed duplicatur. Mittamus igitur hanc primam sententiam, quæ sine ictu nostro, mole suâ præceps ruit, & ad secundam accedamus.

Caput secundum eorum est qui distinguunt inter Moralia & Evangelica, aiuntque Legem veterem ut Moralem cessasse, non ut Evangelicam. Est hæc ejusdem Ludovici constans & reiterata assertio, passim in scriptis suis disseminata; nec non Suaresii, in hujus agitatione quæstionis, quam in argumentorum ventilatione sæpius repetit, sed obiter & in transcurso: eadem etiam Wolfgangi Musculi, inter nostros. Verba ipsius sunt, in Locis Theologicis, capite De Legibus, *Abrogata est tota Lex vetus, & omnes ejus partes, etiam ipsa mandata Moralia: neque mandatis illis obligamur quæ sunt mandata Legis, sed quæ mandata Christi, sive Evangelii.* Sed non deest tamen quod ad viri boni excusationem prætexi potest, Zelo pietatis calamum fortuito lapsum, dum in hoc totus intentus fuerit, ut Legem à negotio Justificationis excluderet; adeò facile est de itineribus devius impensius cogitanti è via recta deflectere: & quòd hæc errati causa fuerit, capituli series ostendit, in qua nè suæ quidem sententiæ parcat, sed sibimetipsi apertissime contradicit, prorsus quasi sui pertæsus ab errore se sponte revocaret, pugnancia loquendo. Ejusmodi est illud juxta finem capituli, *Christianus, inquit, faciens contra ea quæ scripta sunt in Decalogo, enormius peccat quàm si hoc sub Lege constitutus faceret; tam abest ut liber sit ab illis quæ illic præcipiuntur.* Ejusmodi & illud in ipso capituli exitu; *Tam abest ut damnum usum Decalogi, ut admodum laudemus eorum studium & diligentiam qui primi illum ad catechizandum neophytos usurpandum esse judicarunt.* Hæc ille, quasi palinodiam canens, vel potius sui ipsius interpretis optimus, ut ostenderet se de vi Damnatoria Legis locutum, non de vi Regulativa. At verò sub hoc prætextu specioso Scholastici non possunt evadere; de Justificationis doctrina facta recta servanda isti non sunt solliciti. Insuper & perstant in sententia, neque eam recognitione aliquâ retractant, quod homo modestus & pudens Musculus faciebat. Ergò in ipsis Distinctionis terminis jam denuo illaqueandi sunt: cum revera utraque loquendi formula à Theologia puriore exorbitet; & illa quâ Legem Moralem *Legem veterem* vocant, & illa quâ Moralia ab Evangelicis distinguunt. In primis illud est duriusculum, quòd Legem Moralem *legem veterem* vocant, quia vetus non est quod de integro renovatum est, nisi simul dicatur & semper vetus esse & semper novum; sicut S. Apostolus Joannes loquitur, cum Dilectionem *mandatum vetus* appellat, sed idem *mandatum novum*. Agnosco aliquando vocabulum in laude poni, effeque honoris formulam, ut Vetus sit quod per ætatem vires acquisivit; atque sic Legem Moralem *Legem veterem* ritè appellari. At interdum vocabulum ad vituperationem refertur, estque dedecoris nota, ut Vetus sit quod vetium & cariosum, ejus per ætatem vires debilitantur. In hoc sensu Lex *vetus* absque insigni injuria non appellatur. Quòd si quis *vetera* præcepta appellet, habito respectu ad ipsorum primordia, omnino non peccat: est enim Lex Moralis plurimorum annorum; ætatem habere necesse est, quod unà cum hominis Creatione incepit. At si quis *vetera* dicat, sicut in hac disputatione Scholastici, vel per Antithesin ad Moralia Evangelica, vel etiam comparatione factâ ad ea quæ temporis processu effluunt & evanescent; ad

limatiorem

limatiorem loquendi normam necessariò revocandus est, quoniam istis sensibus Lex Moralis non subjicitur. Est Ceremonialis Lex *vetus*, quia præterit; est Judicialis Lex *vetus*, quia ipsius obligatio extinguitur: Moralia *vetera* non sunt, quia ad novum hominem pertinent; *vetera* non sunt, quia veterascere nesciunt; sunt Vetera antiqua, non Vetera antiquata, quia eadem Moralia Evangelii quæ Decalogi. Hæc aberratio prima.

Altera est, Quòd Moralia Decalogi distinguunt à Moralibus Evangelicis. Sit igitur contra secundam sententiam ista Propositio,

In Legis Immutabilitate explicanda, Moralia nullo modo sunt disjungenda ab Evangelicis. Ratio duplex occurrit. Ratio prima, quia Evangelii definitio non fert; Mores & vitæ probitas in Evangelii definitionem necessariò sunt recipienda. Sic Scriptura ipsa, sic Patres Evangelium definiunt. S. Paulus, Tit. 2. 11. *Est gratia Dei salutaris, erudiens nos, ut abnegatâ impietate & mundanis cupiditatibus, temperanter & justè & piè vivamus in presenti seculo.* Evangelium non sic statuit fidem, ut tollat mores: sed Summa Evangelii est fides per charitatem operans; & prædicatio Evangelii vocatio est ad fidem & poenitentiam; h. e. non solum ad credendum, sed insuper ad vitam piè & honestè transigendam. Hoc modo Evangelium describit S. Ba-

c. 15. de Spiritu Sancto.

silius, *Τὸ εὐαγγέλιον ἐστὶν ὁ θεὸς ἀναστὰς ἐκ νεκρῶν, ὁ ἀποδιδόναι τὴν ψυχὴν ἵνα ἡμεῖς ζήσωμεν.* *Evangelium est forma vitæ quæ est ex resurrectione*, hoc est, ipso interprete, *ejusmodi forma quæ sanctam conversationem præscribit*; ut non irascamur, ut malorum tolerantibus simus, & à voluptatum amore puri, ut à studio pecuniæ mores sint liberi: quæ omnia sunt præcepta Decalogi. Hoc modo Eusebius, *Evangelium est quod annuntiat hominibus & ἀποστολὰν τῶν ἀνωτάτων καὶ μεγίστων ἀγαθῶν, celestium maximorumque bonorum præsentiam.* Tum deinde sequitur, *τίτων ὁ ὑπαλάλων ἐν αὐτοῖς, caput autem horum bonorum est pietas.* Denique, hoc modo Isidorus Pelusiota, *Lex, inquit, quid est? ἀρετῶν ἐνδείκνυται. ὁ παῖς δὲ μὲν, optimum integritatis documentum; & Evangelium quid? φιλοσοφία ἐστὶν ἀποστολῆς, cohortatio est ad philosophiam;* Sacram intelligit philosophiam: h. e. cohortatio ad vitam rectè instituendam. Ergò cum mores sancti in Evangelii definitione concurrant, sequitur quòd Moralia non sunt excludenda ab Evangelicis. Hæc Ratio prima. Secunda Ratio est, quia peccat Distinctio in ipsis terminis, dum diversa supponit quæ sunt eadem, Moralia, Legalia & Evangelica. Ecquis affirmabit diversam esse morum regulam nostris temporibus atque anteaecis seculis, Christianis & Judæis? Adducat, si possit, vel minimum aliquod præceptum purè Morale ex Evangelio, quod non sit in scriptis Prophetarum prius positum, quòdque non sit idem ad Præcepta Decalogi referendum; & tum demum distinguat inter Præcepta Moralia & Præcepta Evangelica. Si alia esset morum regula in Decalogo, alia in Evangelio, esset quidem suus Distinctioni locus & autoritas: at contra, eadem est utrobique, eadem in Lege quæ in Evangelio, quia de Lege morum regulam sibi Evangelium arripuit; & de hac morum regula nihil detraxit, nihil addidit, nihil mutavit. Ergò non ex Evangelio solo petenda est morum regula: imo verò, sicut eruditè & piè Chemnitius observavit, Non modò non ex Evangelio solo petenda est doctrina regulativa bonorum operum; sed, quod majus est, non ex Evangelio præcipiè, quia Evangelium trahit hanc regulam è Lege; adeoque propriè loquendo, non Evangelium, sed Lex Dei, sive Decalogus, juxta interpretationem Prophetarum, Christi & Apostolorum intelligendus, est prima norma & fundamentalis boni peragendi, fugiendique contrarii. Respondeant igitur verbo; Lex Moralis confirmatur Evangelio, an non? Confirmatur. Si confirmetur, ergò sic transit in Evangelicam, ut tamen maneat utrobique Moralis. Hæc ratio secunda,

Prepar. l. 1. c. 11.

l. 1. Ep. 188.

cunda, quâ sententiæ secundæ error detegitur. Atque hæc de Capite secundo dixisse sufficiat.

Caput tertium est eorum qui distinguunt inter Moralia & Mosaica, dicuntque cessasse Præcepta Moralia, non quâ Moralia aut Naturalia, sed quâ Mosaica; adeoque in se Legem Moralem esse perpetuam, in Legislatore Mose fuisse temporariam. Hæc Scholasticorum communissima est eaque definitiva sententia, Moralia, quâ Naturalia, revirescere in Evangelio; quâ Mosaica, seponenda esse. Sic Dominicus Soto, Azorius, Valentia, Loricæ, aliique in 1^{am} 2^æ Commentatores. Imò & Barthol. Medina in 1^{am} 2^æ, qu. 103, art. 3, eò usque esse rem certam & indubitatam existimat, ut eam de fide esse non vereatur asserere. Sed Suarez occurrit, & mirari se dicit aliquem Thomistam ausum fuisse dicere opinionem hanc esse aut de fide, aut indubitatam. E nostris in hanc sententiam Hieron. Zanchius transit. *Lex Moralis*, inquit, *ad Christianos non pertinet, quatenus per Mosen tradita est, sed quatenus Legi Naturali consentanea, & à Christo ipso confirmata: & rursus, Lex Decalogi, quatenus Lex erat Mosis, abrogata est; sed quatenus per Christum fuit confirmata, non est abrogata: & denuo, Translata est Lex à manu Mosis in manum Christi: ut igitur erat in manu Mosis, abrogata est; ut verò ad Christum est translata, est confirmata, & doctrinam ejus vult Deus esse perpetuam in Ecclesia.* Est hæc omnium celeberrima receptissimæque sententia. Cumque duæ superiores, falso nixæ fundamento, suo se humore oleoque suffocant: hæc pervulgata est ubique, & in Scholis decantata, ut veritati maximè consona. At est tamen quod & contra hanc sententiam urgeri potest, atque Vasquez & Pererius urgent. Pererius apertè; *Lex Mosis*, inquit, *quoad observationem Decalogi & Moralium præceptorum, non minus nunc obligat Christianos quam olim Judæos: & Vasquez, Præcepta Moralia*, inquit, *Christianos obligant non tantum ex vi Legis Naturalis, sed etiam Mosaica; ita ut quantum ad Moralia etiam nunc vigeat Lex Mosaica.* Rationem addit; *quia Lex Mosis quantum ad hæc neque à Deo revocata est, neque à Christo antiquata, neque ex Scriptura de tali revocatione constare potest.* Quod fundamentum ipse Suarez, licet contrà disputet, pro firmissimo agnoscit; Legem veterem nullo modo mutari potuisse ab alio quam à Deo, vel iuxta decretum ipsius Dei. Atque verò hoc supposito, Quod Lex Moralis sit Mosaica dicenda, & Quod præcepta Decalogi sint numeranda inter ea quæ vulgò *Legalia* appellantur & *Mosaica*, appositissimè urgetur à Vasquesio, Respectum Mosaicum non tollere naturam Moralium. Verum si mihi liceat expromere quod sentiam, rectius occurri posse puto huic tertiæ sententiæ, si dicamus, Moralia præcepta non esse inter Mosaica & vulgò dicta *Legalia* recensenda, quam si negemus Mosaica & Legalia omnia abrogari. Non enim ibo inficias Mosaica omnia & Legalia aboleri; sed & illud adjicio, Moralia tum quidem non esse *Mosaica* aut *Legalia* appellanda. Quocirca pro hac tertiâ sententiâ duæ Propositiones statuuntur.

Prima hæc est, Lex Decalogi, propriè loquendo, non est cum Mosaicis & Legalibus miscenda; Ratio, quia rei natura non patitur. Nam primò quæro, Quæ sunt propriè Mosaica? Quæ Moses solus edixit populo, quæ Moses solus scripsit. Quænam autem illa? Ceremonialia & Judicialia sol 2: Præcepta Decalogi Deus ipse, non Moses, promulgavit; Deus ipse, non Moses, in tabulis lapideis exaravit. Author reliquarum Deus erat & institutor: Moralium non modò author, sed præco, sed Scriba & Amanuensis. Secundò quæro, Quænam sunt *Legalia* dicenda? Quæ alia nisi Legis Moralis accessoria & additamenta? Quænam sunt illa? Typica & Forensia. Non mea est Distinctio, sed ipsorum Scholasticorum. In Sacramentorum tracta-

c. de Decalogo,
Thes. 1.

in Rom. 7. disp.
7. num. 10.

in 1^{am} 2^æ q. 103.
ar. 4. disp. 180.
c. 3. & 4.

l. 9. de Leg.
c. 9. nu. 2.

tractatibus Scholastici inter Sacramenta & Sacramentalia distinguunt; & Sacramentalia vocant quæ Sacramentis annexa sunt. Similiter & inter Doctrinam & Doctrinalia; & quæ ad disciplinam pertinent Doctrinalia vocant, sive Doctrinæ appendices. Pariter & nobis liceat inter Legem & Legalia distinguere; ut Legalia sint propriè Legis appendices, sive ea quæ Legi Morali annexa sunt: & sic Moralia non sunt Legalia censenda, sed Ceremonialia & Judicialia: Ceremonialia, quia dependent à Moralibus primæ Tabulæ; Judicialia à Moralibus secundæ tabulæ, ut Halensis. In hunc verò lapidem imprudenter impingunt Antinomi, quod maximè cupio ut observare velint; dum in antiquis Authoribus & Patrum scriptis sæpius legunt, *Mosaica aboleri, Legalia transisse*, statim illa detorquent ad præcepta Decalogi, & ad Legem Moralem ipsam: cum tamen nec Lex Moralis ad Legalia, nec præcepta Decalogi ad Mosaica sunt referenda. Legem abrogari dicunt authores passim, & nos agnoscimus, &, si volunt, totam Legem; sed non totum Legis. Abrogari Legem Moralem dicunt: sed quoad vim Damnatoriam, non vim Regulativam. Abrogari Legalia dicunt: sed solas Ceremonias & Judicialia intelligunt per Legalia. Abrogari Mosaica dicunt: sed per Mosaica Præcepta Decalogi non intelligunt; hæc enim nec propriè Mosaica, nec propriè Legalia sunt reputanda. Quod si quis teneriori stomacho sit, quàm qui Distinctionem istam digerere valeat, non depereo: Sint Moralia Mosaica, & Lex Decalogi inter Legalia enumeretur; præsertim cum Scriptura *Legem Moysi & Legem datam per Moysen* nuncupet. Sed juxta hunc loquendi modum Propositionem secundam iis opponimus.

Propositio secunda hæc est, Posito hoc, quod Moralia dicenda sunt Mosaica, non sequitur abrogari Moralia. Eligant è duobus istis quod velint. Si Mosaica omnia abrogata, Moralia non sunt Mosaica: Si dicenda Mosaica, at non sunt abrogata; quia non Moysi omnia, nec Legis omnia in Evangelio adventu Christi sunt antiquata; sed typi, imagines, ostia & pedagogia Legis. Unde patet: aut quomodo internosci potest? Facillimè, duobus modis. Primò, Ex Scriptura ipsa, quæ Ceremonialia & Judicialia abrogari nominatim indicat, & per instantias Circumcisionis, Sacrificiorum, Fæstorum, &c. Moralia similibus instantiis ubique confirmat. Et hoc Suarez ipse fatetur; *De lege*, inquit, *Ceremoniali Paulus dixit, reprobam eam propter ejus infirmitatem & inutilitatem: de Lege Decalogi nunquam dixit; neque sancti Patres aut Theologi ita loquuntur: nam si admittendum sit in Lege Morali, admittendum erit in Lege Naturali.* Secundò, patet ex Authorum consensu: constans est sententia antiquorum Patrum veterumque Scholasticorum. Inter Patres, Hieronymus, Augustinus, Theodoretus, Leo, Bernardus, sic nodum exsolvunt. Hier. l. 2. cont. Pelagianos, *Quæ in Lege ad vitam & mores pertinent, observanda sunt; quæ ad ritus & Ceremonias, relinquenda.* Augustinus, cont. Faustum l. 10. c. 2. *Judæo percontanti, Cur teneret Verus Testamentum, cujus non servaret præcepta; Respondeo*, inquit Augustinus, *servari à Christianis præcepta vite agende, i. e. Moralia; præcepta verò vite significanda, h. e. Ceremonialia, suo tempore rectè observata.* Theodoretus in 1 Tim. qui locus suprâ à me est prænotatus, *Quæ sunt Legis necessaria*, inquit, *Natura ipsa docuit; Non adulteraberis, Non occides, Non furaberis: quæ autem constituta erant de Circumcisione, de Sacrificiis, de Aspersionibus, ea erant Legis propria & supervacanea. Et necessaria quidem Legis consonant cum Evangelio, Legis propria & supervacanea solvuntur.* Ab ipso Salvatore Distinctionem mutuatus est, qui in Matth. 23. partitionem similem habet inter τὰ τῶν νόμων πνευματικά, & τὰ τῶν νόμων βαρύτερα. *Va vobis, Scribæ & Pharisei, qui decimam mentham; at judicium*

& misericordiam omittitis, qua graviora sunt Legis: Excelsis culicem, & camelum deglutitis. Ex una parte minora indicat, & quasi culices Legis; ex altera καμίνεα, & graviora Legis. Post Theodoretum, audiamus Leonem Magnum, Ser. 6. de Jejunio decimi mensis; *Quadam*, inquit, *de mandato veteri ad novam observantiam transferuntur: significationes enim & figura cessarunt; sed ea qua ad regulas morum & ad simplicem Dei cultum ratio pietatis instituit, in eadem apud nos forma in qua sunt condita perseverant:* & Ser. 14. de Pass. Domini, c. 5. *Figurarum promissionum Sacramenta Christus mutavit: in preceptis autem Moralibus nulla prioris Testamenti decreta reprobata, sed Evangelico magisterio multa sunt aucta.* Postremò, Bernardus, Ser. 28. ex parvis, *Duplex*, inquit, *in Lege veteri praeceptorum genus invenio: sunt Moralia quadam, ut, Non concupisces, Non adulteraberis; sunt etiam Figurativa & umbratilia quadam, ut sanguis hircorum, & taurorum immolatio. Venit igitur Christus ut Moralia impleantur per Gratiam; quae vero Umbratilia & Mystica, deinceps ad literam non observentur, sed secundum spiritum spiritualiter intelligantur.* Hæc sufficiant ex Patribus. Adiunt pariter multa ex veteribus Scholasticis. Aquinas, in illa verba, Mat. 5. *NON VENI LEGEM SOLVERE, SED ADIMPLERE;* *Dicendum est, inquit, duplicia fuisse in veteri Lege praecepta, Ceremonialia, & Moralia: Ceremonialia solvit; Moralia non solvit, sed adimplevit.* Durand. in 4. D. 1. q. 9. num. 5. *Præcepta Moralia pro omni tempore, scilicet ante Legem, & sub Lege, & post Legem, debuerunt manere, & manent.* Mitto Scotum, Bonaventuram, & reliquos melioris notæ, qui ubique prostant & universorum manibus teruntur. Consulamus aliquos qui non nisi rariùs inveniuntur. Inter istos sunt Paludanus, D. 1. qu. 6. ar. 5. conc. 2, & 3. *Legalia*, inquit, *& Ceremonialia cessarunt: Moralia nunquam cessant, sed semper remanent.* Et Joan. Major, in 4. D. 3. q. 1. *Judicialia & Ceremonialia mutata sunt: quoad Moralia, qua sunt præcipua in Lege, Christus nullo modo Legem solvit, sed roboravit.* Et Joan. de Bassolis, in 3. D. 40. Art. 2. *Cessaverunt Ceremonialia & Judicialia: sed Moralia remanserunt, modificata amplius, & determinata per Christum.* Et Guido Brianfoni, in 4. q. 3. Docum. primo, *Decalogus manet nunc, & ad eum obligamur: Judicialia non manent in se, sed in suo effectu, sc. vitæ pacificæ; Ceremonialia non manent in se, sed in suis significatis.* Postremò; sed quid ego dico postremò? Si progrediar, finis nullus erit recensendi. Prætereo reliquos, quia occurrendum est aurium satietati; nam vereor ne tædio vobis fuerim eadem sæpius inculcando, quamvis ex ore diversorum testium, qui omnes ad eò unanimiter consentiunt, ut in Axiomata & Proverbia Theologica res transiit. Decalogus est immutabilis: Hoc axioma unum. Cessavit Lex quoad Ceremonialia & Judicialia; non quoad Moralia; Hoc axioma alterum. Quid ampliùs opus est testibus? Quòd si testibus solis agendum esset, ecce advolant ut nubes, & ex hac nube Sole clariùs elucescit, magno assensu celebratam sententiam fore, Quòd Lex Moralis etiam nunc *Mosaica* dicatur, valorem suum retineat quæ Moralis, imò quæ Mosai-ca; h. e. quæ Moses fuit coelitus designatum organum illam & ad Judæos & ad Gentes per scripta sua transferendi. Sicut Psalmi Davidici, hoc Amanuensi supposito, auctoritatem à Deo habent quæ Davidici, & Epistolæ Paulinæ quæ Paulinæ, & scripta Prophetica quæ Prophetica, & Apostolica quæ Apostolica. Neque quicquam est in Logicis mediocriter versatus qui nesciat, particulas istas quæ, *quatenus, in quantum*, licet in sensu Reduplicativo faciant sensum causalem; at in sensu Specificativo faciunt tantum sensum declarativum: ut illa Propositio, Homo quæ capillatus est crispus, Reduplicativè non tener, Quòd homo sit crispus quia capillatus; nam multi sunt capillati

pillati qui non sunt crispī; at Specificativè est verissima, quòd secundum eam partem quā habet capillos est crispus, quia nemo potest esse crispus qui non est capillatus. Pariter & in questione quam tractamus; etsi particula *quatenus* non teneat Reduplicativè & Causaliter, Præcepta Moralia purè ex eo obligare, quia Moses Legislator ea scripsit: at Specificativè & Declarativè est irrefragabilis, Præcepta Moralia obligare quæ Moses scripsit. Propterea relicta hac λογικῇ, accedo breviter ad Propositionem decisivam, si hoc prius præmiserō, non posse ex istis Scholasticorum discrepantibus sententiis vel tantillum Antinomos arripere sibi ad ipsorum pessimi dogmatis patrocinium. Nam inter Scholasticos non de re ipsa, sed de nomine est dissidium, non de vigore ipso Legis, sed de modo loquendi; An valorem hunc habeat Decalogus à Natura, an ab Institutione, an ab Evangelio: adeò de re ipsa consentiunt, de modo discordant. At verò Antinomi multò se altius efferunt, & sicut talpæ ipsa fundamenta suffodiunt, dum Legem Moralem Christianis interdiciunt, asseruntque, Legem Moralem non esse dignam quæ vocetur Verbum Dei, Legem non docere bona opera, neque idcirco esse prædicandam; Præcepta Decalogi nihil ad Christianos pertinere; & quicquid præterea evomere possit contra sanctissimam vitæ regulam os blasphemum, attestantibus gravissimis authoribus, necnon ipsorum sparsis ubique proletariis chartis. Nunc hoc præmissō, de quarto hoc Speculo ista Propositio statuatur, Lex Moralis, non modò quā Naturalis & Evangelica, sed quā Moralis, autoritate regulativā atque obligatoriā pollet, à Christo & Apostolis omnibus confirmatā. A Christo, locis multis, nominatim illo, *Quaecunque vultis ut faciant vobis alii, vos facite illis; Hoc est enim Lex & Propheta, Mat. 7. 12.* Cum dicit, *Hoc est enim*, rationem urget, eamque à Legis vinculo desumptam, ostendens, ut Nyssenus loquitur, *ὅτι πάντα τοῦ θεοῦ βέλαιον ἔστι ἀρχαίων νομοθεσιῶν, quòd, ad confirmationem antiquorum omnia sancivit.* Deinde ab Apostolis omnibus: à S. Paulo multis in locis, sed eminenter in illo, Eph. 6. 1. *Honora patrem tuum & matrem tuam, quod est mandatum primum cum promissione.* Prorsus quasi dixisset, idcirco præstandum est, quia in Lege mandatum est. A S. Jacobo multis, sed inprimis illo, cap. 2. ver. 8. *Si Legem regiam præstatis secundum Scripturam, Diliges proximum tuum sicut teipsum, bene facitis: dein ver. 10. Qui dixit, Non mæchaberis, dixit etiam, Non occides.* A S. Joanne multis, sed illo præcipuè, *Hoc mandatum ab ea habemus, ut qui diligit Deum, diligat & fratrem suum: & hoc est mandatum quod habuimus à principio, ut diligamus alii alios.* Atque hoc ipsum sæpissime inculcat, Mandata Christi esse mandata Legis & Prophetarum: ut si quis præcepta Decalogi despiciat, etiam Prophetas & Christum & Apostolos contemptos habeat necesse est. Et meritò, quia Decalogi interpretes Prophetæ omnes fuerunt, pariter & Christum, pariter & Apostoli omnes, adeoque assidui, ut vix ulla sit in ipsorum scriptis pagina ubi amor, timor & cultus Dei, ubi dilectio proximi nobis non commendetur. Et quorsum hæc omnia, nisi ut hoc uno animos nostros imbuerent sanctissimo firmissimoque Theoremate, quod Auditoribus suis Beatum Dorotheum legitimis verbis aureis tradidisse, in libro De vita rectè instituenda, Doctrinā primā, αἱ ἐντολαί, inquit, πᾶσι τοῖς Χριστιανοῖς ἰδοῦναι, καὶ ὑπακούειν πᾶσι Χριστιανὸς φυλάττει αὐτοῖς. ὡς περὶ ὃ ἀνδραὶ εἰσι βασιλεῖς καὶ ἡγεμῶναι, *Decem præcepta sunt mortalibus omnibus data, & ad ea observanda quisque compellitur, sunt enim quasi veltigia annua Regi su-*

Ora. in S.
Stephanum.

A a

premo

premo debita, & qui non persolvit puniendus est? Sed non ausim me huic pelago committere, quia in immensum panditur. Atque revera hunc sinum jamdudum circuevimus, neque in animo est patientiæ vestræ repetitionis fastidium obtrudere; præsertim cum fluctus fluctui, & unda undæ non sit tam nativis & finitimis vinculis copulata, ut Prophetæ Mosi, & Christus Prophetis, & Apostoli Christo, & Legi Morali universi quasi catenatim consociati, ut si quis anulum Legis solvat, integram catenam destruit dissipatque. Definant igitur posthac voces illas inter se committere, quæ Naturalis, quæ Moralis, quæ Evangelica; aut illas, quæ Mosæica, quæ Prophetica, quæ Apostolica: recurrunt enim in se invicem singula, seque mutuo suffulciunt. Quod Athanasius in ea Epistola quæ est de Nicæna Synodo de Patriarchis dixit, retrorsum respiciens, Ἀἰδίσσων Μωϋσῆ, τοῦδ' Ἀβραάμ ἱερὰ τέλη· ἃ ἡ Ἀβραάμ ἱερὰ τέλη, τοῦ τοῦ Νῶε ἃ Ἐνὸς ἱερὰ τέλη, &c. Quæ Moses docuit, eadem ab Abrahamo observata sunt; quæ Abraham observavit, eadem Noë & Enoch agnoverunt, sic usque ad Abelem & Adamum: sic liceat mihi similibus lineis antrorsum Legis vestigia ducere; Quæ docuit Moses, eadem & Prophetæ, quæ Prophetæ Christus, quæ Christus Apostoli, ubique idem Decalogus, in Natura constitutus, sub Mose redintegratus, confirmatus à Christo, ut quocunque se vertunt, nullum in istis vocabulis diverticulum inveniant. Si agnoscant manere Legem quæ Naturalem; ergò quæ Moralem, nam utraque eadem: Si negent quæ Moralem manere; ergò negent quæ Naturalem, quia utrobique eadem. Rursus, si agnoscant quæ Evangelicam perpetuari, ergò quæ Moralem: Si negent quæ Moralem, necesse est etiam ut negent manere eam quæ Evangelicam, quia eadem morum regula in Lege & Evangelio. Propterea quarti Speculi intuitus hîc finis esto.

Superest quintum Speculum Gloriæ: quæ quamvis sit extra terminos causæ, eaque quæstio subobscurior valdeque indagatu difficilis, neque ab aliquo, quod sciam, agitata; at ego in vestram gratiam & hoc adjicere non gravabor, quasi ex abundanti, si Deus affulserit.

LECTIO XXXI.

IN Concionibus ad populum habitis, solebat sæpius vir sanctissimus Joannes Chrysostomus multis antè diebus Auditoribus suis argumentum de quo erat dicturus prædicere: ut intermedio spatio volentes ea quæ elucidanda erant, unâ secum ferrent *ὁμολογίας διδασκίας*, instructiorem animum ad ea quæ post dicerentur, possêtque hoc modo τῇ γνώσει ἡ ἀνέγνωντος ἀποδοτικῆς, sicut ipse loquitur, *cognitioni lectio viam preparare*, Sermone in Lazarum tertio, & in Matth. primo. Eodem planè consilio & ego quæstionem quæ de Legis in cælo Perennitate hodie pertractanda est multò antè vobis præsignificavi, ut septem dierum meditatione expeditiores vos & ad audiendum & ad judicandum exciperem. Quodd si de improvviso, nullâ prius præmonitione factâ, in ipsam quæstionem statim irruissem, horâ eâdem propositi factique, deliberationis simul & disquisitionis constitutâ, vereor nè inanis opera esset, atque futurus labor non profuturus; cùm difficilia quæque non nisi per gradus & intervalla guttatim sunt infundenda; & ut absque recognitione multa non infiguntur, itâ absque præcognitione aliqua non penetrant animum audientis. Propterea hæc instituti nostri ratio fuit, hæ causæ cur vobis hodiernæ mensæ apparatus prænuntiaverim, ut ad expertos loquens & in hac exercitatione aliquantisper versatos, non Auditores solos aut sequaces vos haberem, sed duces comitesque viæ, qui & commodè dicta probetis, & quæ secus corrigatis. Nec meus me fefellit animus; video enim vos aded instructos undique, ut mihi præceatis cogitationibus vestris, verbâque mordicus arripiatis priusquam ore excesserint: ut de vobis dici possit, quod de suis S. Augustinus in re simili, *Præceditis meditationibus vestris, & qua dicturus sum nostis, & celeritate intelligendi non solum percipitis dicta, sed prævolatis dicturum*. Propterea non doceo, sed commemoro quæ jam scitis: imò nec doceo, quia nostis, nec commemoro, quia meministis, sed rogo ut simul dicamus quod communiter scimus; rogo ut conferamus unâ quæ de hac re meditati sumus. Ego, pro munere quo fungor, meam liberè non refugiam expromere sententiam, in vestram, si quis meliora indicaverit, libentissimè cessurus.

Est autem Quæstio quam enucleandam suscepimus non minùs ardua quàm nova, de Lege quâ cœlestes Animæ devinciuntur in sublimi illo statu soliòque Beatitudinis constitutæ. Eoque futura est implicatio, quia & Natura nihil, & Scriptura parùm luminis suppeditat; calamo digna Apostolico, vel magis Angelico, quia de ejusmodi mysterio querit, quod sine Jacobi scala, aut raptu Pauli, vix aut nè vix quidem est investigandum. At pertentandum est tamen, quoad ejus fieri possit, eò quodd ad Legis Moralis Perpetuitatem astruendam maximopere conducit. Et huc quoque nos ordinis ratio revocat, ut postquam eam in Divinæ mentis, & Adami pectoris, & Legalium Tabularum, & Evangelii Speculo contemplati sumus, ad Gloriæ hoc quintum properemus, nè in extremo Speculo aut cæcutire, aut saltem deficere oculi videantur. Sit igitur de hoc ultimo Speculo ista Propositio, Ea ipsa Lex Moralis, Justitiæ Practicæ perfectissima regula, quæ ab æterno fulgebat in suo prototypo, &

ab exordio creationis in Adami pectore est insculpta, posteaque per varios patefactionis modos in usum Ecclesiæ sub Mose, Prophetis, Christo & Apostolis redintegrata, tam abest ut adventu primo Salvatoris sit abrogata, ut etiam post adventum secundum in cœlo per omnes æternitates sit perpetuanda. Si paulò prolixior Propositio videatur, accipitote paucis; Lex Decalogi, ut est regula vitæ, sicut non in hac, ita nec in futura vita abolebitur, quod ad ipsa præcepta pertinet. Nunc est contractior multò: sed & sic quoque tres in se Quæstiones comprehendit, ordine suo explicandas.

1. An à supernæ Patriæ civibus Pietatis Virtutumq; opera exerceantur, Hæc Quæstio introductoria.

2. An detur Lex aliqua, sive regula, juxta quam ea opera peragantur; & in quibus tabellis Lex ista sit reposita. Hæc Quæstio intermedia.

3. An Lex ista sive regula quoad substantiam discrepet à Lege Decalogi. Hæc Quæstio decisiva.

De singulis istis aliquid audire vobis, opinor, non erit molestum, præsertim cum sint inter se adeò conglutinatæ, ut sine præjudicio causæ earum nulla præferri possit; neque enim itur ad tertiam nisi per secundam, neq; ad secundam nisi per primam: & ad singulas tribus verbis respondetur. Exercentur in cœlo Pietatis opera; Datur regula juxta quam hæc opera peraguntur; &, Hæc regula eadem est cum Lege Morali.

Exordior à prima, Quòd in cœlo Pietatis Virtutumque exercitia modo eminentissimo vigeant inter Angelos & Sanctos Dei. Priusquam ad Quæstionis probationem accedam, duo sunt itineris impedimenta amovenda; Unum eorum qui contra virtutes Theologicas, alterum eorum qui contra Morales disputant.

Quæ contra Morales urgentur, cessare eas in Patria, duo sunt: Unum est illud Apostoli, qui ad Titum, cap. 2. ver. 12. Christi nos gratiâ erudiri dicit, ut sobriè, justè & piè vivamus in hoc seculo; quasi in futuro seculo harum Virtutum actibus non esset locus. Alterum illud Dialecticorum, qui habito Fine, cessare Media docent, quasi necessarium omnino foret, ut adeptâ Beatitudine Virtutes Morales cessarent, cum tantum Media sint Beatitudinis, tanquam ultimi Finis, adipsicendæ. At infirma hæc sunt & nugatoria. Atque vixdum adducor ut credam posse adeò delirare eruditum quemvis, ut dicat, Non esse in altero seculo vivendum piè, quia de præsentī solo S. Paulus loquitur; aut cessare Virtutum exercitia, quia definunt esse Media. Esto, non sunt Media; annon sunt Officia? Sunt tamen etiam & Media: in magno illo cœlorum domicilio non ampliùs Media Viæ, sed Media Patriæ; non ampliùs Media Beatitudinis consequendæ, at sunt propriissima Media Beatitudinis exercendæ & retinendæ. Quemadmodum victus salubris & moderatus utrumque respectum habet ad sanitatem, & ut habeatur, & ut servetur: similiter & Virtutum actus, ut Media sunt Viæ, ita ornamenta Patriæ; in præsentī seculo ordinabilia ad obsequium Dei, in futuro ad participationem. Per hoc enim quòd totum hominem bene ordinat ad se & proximum, consequenter eum benè disponunt ad fruendum Deo. Hæc ea sunt quæ contra Virtutes Morales adducuntur, levia & nullius ponderis.

Contra Theologicas Scholastici argumentantur & unanimiter definiunt, E Theologicis duas, Spem & Fidem, nullo modo manere in Patria, imò nec aliquid ipsarum. Ratio prima, Quia istæ Virtutes sunt imperfectæ; Ergò non est existimandum manere eas in statu perfecto. Secunda, Quia manere Charitatem S. Paulus dixit, 1 Cor. 13. non Spem & Fidem. Tertia,

Tertia, Quia hæc duæ virtutes circa res non visas & obtentas versentur : ergo cum res obtenta fuerit, & Dei Visio communicata, cessare eas necesse est. Verum nulla est istarum, me iudice, quæ rectè ad Conclusionem procedit. Non prima, quia Charitas Viæ non minùs imperfecta est quàm Spes & Fides : at non ob id sequitur evanescere eam in Patria ; imò idcirco manet, quia perficitur. Non secunda & tertia, quia licet Apostolus de Charitate asserat, manere eam, non propterea sequitur Fidem & Spem non manere ; de Spe & Fide tacet, non negat tamen. Cognitionem quidem evacuandam fore dicit, & tamen non simpliciter evacuanda est, sed quoad modum tantum imperfectionis suæ, quia mutabitur in cognitionem perfectam. De Fide & Spe idem dicendum est ; quòd Fides in claram Visionem mutabitur, & Spes in plenam Comprehensionem : neque propterea proprios actus perdunt quia novos recipiunt, sed utroque simul retinent. Quia sicut de præsentī beatitudo possidetur, ita de futuro continuatio beatitudinis in omnem æternitatem semper possidebitur, adeoque semper erit credenda, & semper speranda. Ea propter Valentia fatetur, to. 2. disp. 5. q. 7. puncto 4. Non esse omnino certum quòd Fides penitus evacuabitur ; imò quoad rationem genericam, & Spem & Fidem mansuram esse non dubitat asserere. Et de Fide ipse Aquinas agnoscit, quòd quamvis non eadem numero maneat, at eadem genere in Cælo manebit, quia erit Cognitio Dei in-beatis, quæ communicat cum Fide in ratione generica : etiam & Spes manebit, quia erit in beatis Dilectio, quæ in ratione generica actionis Voluntatis convenit cum motu Spei. Postremò, & illud est adijciendum, quòd è Patribus multorum est apertissima sententia, Fidem & Spem in Cælo reviviscere. Irenæi, lib. 4. cap. 25. *S. Paulus dixit, inquit Irenæus, ceteris evacuatis, manere Fidem, Spem, Dilectionem.* Tertull. in lib. de Pœnitentia, circa finem, *Exhaustiuntur Lingua, Scientia, Prophetia : permanent Fides, Spes, Dilectio.* Oecumenii, in 1 Cor. 13. 9. *Non ita videri est, inquit, de Fide, Spe, Charitate, atque de aliis donis. Cessabunt dona Prophetica, quæ propter Fidem data sunt, Fides & Spes non cessabunt.* Imò verò ὁ μᾶλλον ἐστὶν τοῦ νῦν αἰῶνος ἀπομυῖσθαι, ἀλλὰ πᾶσι πᾶσι καὶ ἐν τῷ μέλλοντι ; multò magis manent in futuro. Rationem reddit, ὅτι μᾶλλον ἐκδηλοῦνται καὶ μᾶλλον ἐπικρατεῖσθαι, tunc magis fulgebunt & magis dominabuntur, & major erit eorum usus ; majus enim erit Spei desiderium, & major Fidei fiducia. Hic actus purissimus Fidei, & ille Spei. Spei, Deum semper desiderare, & semper frui : Fidei, Deo semper adherere, & credendo in Deum ire. Quòd si maneant secundum actus purissimos & maximè proprios, necesse est purissimè maneant. Sed mittamus hæc. Etenim utcumque de Spe & Fide dubitant, at de Dilectionis & Pietatis actibus, ad quos quæstio præfens spectat, concedunt omnes Scholastici ; In cælis manere eos in gradu summo & perfectissimo, tam eos qui Deum cultum, quàm eos qui complexum Proximi respiciunt. Quocirca utroque obice seposito remororque, accedamus jam tandem ad ipsius Propositionis confirmationem, Manere scilicet Virtutum Pietatisque exercitia in Cælo : & ut hæc plenius intelligamus, expendamus hæc tria.

Qui Virtutum actus excidunt in Patria, Qui manent, & Unde patet eos permanens. Hæc tria tribus expediam Propositionibus.

Propositio prima, de actibus qui excidunt & intermoriuntur, hæc est, In cælesti Patria, si qui actus Virtutum cessent, sunt tantum actus hujus vitæ proprii & peculiare. Juxta hunc sensum de Patientia Lactantius loquitur, lib. 5. cap. 7. & lib. 6. cap. 15. quòd vim suam nomēque retinere

non potest, si nihil sit quod pati cogamur; aded neque in Cœlo Patientia erit, ubi quicquam quod toleretur non erit. Juxta hunc sensum Gregorius Magnus, qui lib. 6. Mor. cap. 28. Activæ vitæ opera asserit post hanc vitam cessare; hoc est, ejusmodi opera quæ hujus vitæ necessitatibus conveniunt. Non erit Malum aliquod in Cœlo quod Prudentia caveat, neque Libido aliqua quam coerceat Temperantia, neque Molestia quam toleret Fortitudo, neque quicquam re suâ carebit quam Justitia restituat; & ita de cæteris. Postremò, juxta hunc sensum Augustinus se explicat, in Psal. 83, & 86. *Opera bona, inquit, quæ modò nos perducunt, non ibi erunt: & omnia opera quæ necessitas flagitat, subtrahentur. Mortuâ necessitate, peribunt opera necessitatis. Nulla erit ibi angustia, nulla pressura, nulla diversitas & divisio limitum, nulla miseria, & quia nulla miseria, nulla opera misericordia. Non egentem invenies aut nudum quem tegas, nemo tibi occurret sitiens aut peregrinus quem reficias, nullus erit ægrotus quem visites, nullus mortuus quem sepelias, nullus litigatorum inter quos pacem componas; cessabunt hæc omnia unâ cum mandatorum vinculo quibus imperantur. Exempli gratiâ, quando illud nobis imperatur, Frange esurienti panem tuum; cessabit in Cœlo: cui enim frangis, ubi nemo esurit? quando illud, Egenum sine tello induc in domum tuam; cessabit in Cœlo: quem enim hospitem suscipis, ubi omnes in patria sua vivunt? quem visitas ægrotum, ubi perpetuâ sanitate gaudet? quem concordas litigiosum, ubi pax sempiterna est? quem sepelis mortuum, ubi semper vivitur? Nihil quidem horum acturi sumus in Cœlo, quia isti pupilli turturis jam volarunt de nido: non sunt isti Virtutum bonorumque operum actus Beatitudinis statui-congruentes, sed peregrinationis nostræ necessitatibus sunt proprii, ergò excidunt omnes. Hæc Propositio prima, Si qui actus excidunt, ad hanc vitam spectant.*

Propositio secunda est de actibus Virtutum qui in Cœlo permanent, atque est ejusmodi; In cœlesti Patria manent Virtutum actus Beatorum statui respondentes; adeoque ipsa vita activa in supremo excellentiæ gradu suavitatibus ineffabilibus relecta, atque Beatorum statui attemperata. Huc S. Paulus respexit, 1 Cor. 13, 16. *Cum veneris, inquit, quod perfectum est, evacuabitur quod ex parte est.* Quod idem est ac si dixisset, Actus Virtutis & Cognitionis hujus vitæ proprii præteribunt, manebunt actus statui beatifico accommodati. Destructur imperfectio nostra, non id quod verum est evacuabitur. *Quod deest destruetur, quod imperfectum est implebitur in verum,* ut scitè Ambrosius. Huc spectat & illa celeberrima Aquinatis Distinctio, in 1^a 2^a qu. 67. art. 1. Quod in hujusmodi Virtutibus aliquid sit Materiale, aliquid Formale: & quamvis ita se res habeat, ut in futura vita non maneant quantum ad id quod in eis est Materiale, quia ibi locum non habent delectationes ciborum, aut timores periculorum, aut rerum ad usum vitæ pertinentium distributiones & commutationes, cum actus isti non sint statui glorioso accommodi; veruntamen secundum illud quod in eis virtutibus est Formale modo perfectissimo manent, quia Rationis rectitudo, quæ est ipsum Virtutis Formale, futura est in actionibus Beatorum modo excellenti. Postremò, hac spectat & illud Augustini, qui lib. 14. de Trin. cap. 9. factâ quatuor Virtutum Cardinalium instantiâ, hoc ipsum & illustrat & probat. Si, inquit, Deo subditum esse Justitia est, aut laudare Deum Prudentia, aut uniri Fortitudinis, aut gaudere in Deo Temperantia; immortalis erit omnino Justitia, pariter & Temperantia, & Fortitudo, & Prudentia; nec in illa Beatitudine desinent. Erit ibi Justitia sine ullo jam metu Tyrannidis; erit Prudentia sine ullo periculo Erroris; Fortitudo,

In 1 Cor. 13.

Fortitudo, sine molestia tolerandorum malorum; Temperantia, sine repugnantia Libidinum. Ut Prudentia sit, nullum bonum Deo praponere vel aquare; Fortitudinis, ei firmissimè coherere; Temperantia, nullo defectu noxio delectari; Justitia, Deo per omnia & in omnibus subijci. Summa huc redit, & de parte Negativa, & de parte Affirmativa. De Negativa, Non erunt in illa felicitate Virtutum opera gravamine aliquo pressa; timor erit nullus, & labor nullus; molestia, quæ in hac vita Virtutibus sunt annexæ, nullæ. *Non erit aliquis actus Justitia in subveniendis miseris, aut Prudentia in præcavendis insidiis, aut Fortitudinis in perferendis angustiis, aut Temperantia in coercendis delectationibus pravis. Hac ibi non erunt, ubi omnino nihil mali erit: nam hæc & hujusmodi statui felicissimo non congruunt.* Ad Affirmativam quod attinet, Erunt in illo statu omnia Virtutis opera, & secundum statum Eminentiam excellenter, in fruitione boni summi, summa. Neque enim nomina relinquunt dum perfectionem recipiunt: quia ea est Prudentia summa, quæ perspectissimè adhæret bono quod non amittitur; & Fortitudo optima, quæ firmissimè adhæret bono à quo non avellitur; & Temperantia purissima, quæ castissimè adhæret bono ubi jam non corrumpitur; & Justitia singularis, quæ rectissimè adhæret bono cui meritò subijcitur; denique, & ea Virtus suprema, atque in Idea sua, quæ inseparabiliter adhæret servitque Deo suo, cui soli servire est regnare. Hæc sunt illa opera Virtutum quæ manent, *opera non opera, æppa ἔργα*, ut sic loquar; *opera vacantium, otiosorum negotia, actiones quiescentium, cura securorum, sudores feriantium.* Hæc de Propositione secunda, Manere in cœlesti Patria Virtutum actus Beatorum statui convenientes.

Aug. in Psal.
110.

Propositio tertia est de Argumentis quæ hos Actus operaque Virtutum permanere astruunt, & sic se habet, Manere Virtutes Virtutumque Actus & opera in cœlesti Patria, Scripturæ Sacræ attestantur quamplurimis in locis. Videamus primò de Virtutibus ipsis, deinde de Actibus & operibus.

Quod Virtutes ipsæ permaneant, ex duobus locis evincitur. Primus habetur Psal. 45. 7. *Solum tuum, Deus, in seculum & seculum*; dein ver. 10. *Adstat conjux ad dextram tuam in auro Ophir*; & ver. 14. *Tota inclitya est filia Regis intrinsecus, ex vestibulo auro ocellatis indumentum ejus.* Hunc locum, utcumque S. Basilius, Chrysostomus, Hieronymus & Angustinus simpliciter de Ecclesia interpretantur, mentione nullâ habitâ vel Militantis vel Triumphantis: at verò de Ecclesia Triumphante Eusebius atque Casarius Arelatensis exponunt, citante Lorino. Atque textus ipse astipulatur, quia dicitur ver. 7. *Sedest tua, Deus, in seculum seculi*; dein sequitur, *Adstat conjux ad dextram tuam in stola deaurata atque veste variegata.* Unde necessariò Corollarium hoc emergit, Sanctos ad dextram Christi positos ornamentis Virtutum omnium fulgentissimos fore. Hoc enim est quod per Vestitum aureum & variegatum Patres omnes intelligunt; nimirum Virtutem, quæ & varietate dives, & mediocritatis posita aurea meritò censenda est. *Abst,* inquit Chrysostomus, *ut patemus dixisse hac Scripturam. Sed si ad dextram ipsarum nihil minus, dicitur. Sed si tñs apertè non de Vestibus loquitur, sed de Virtutibus.* Atque optimè congruit, ut in Deaurato vestitu Virtutis honor, in Varietatis nomine Virtutum multiplicitas significetur. Hic locus primus. Locus secundus desumitur ex Apoc. 21. *Vidi calum novum & terram novam*, ver. 1. *Vidi sanctam urbem Jerusalem novam descendentem &*

Tom. 6. Hom.
in illud, Suffi-
cit tibi gratia
mea.

caelo, paratam ut Sponsam ornata viro suo, ver. 2. Et absterfus est omnem lacrymam ab oculis eorum; & mors amplius non exstabit, neque luctus, neque clamor, neque dolor, ver. 4. Vidi eam habentem gloriam Dei, & ejus lumen erat simile lapidi pretiosissimo, ver. 11. Et fundamenta ejus omni lapide pretioso ornata, ver. 19. Non eget Sole vel Lunâ, ut luceant in ea; nam gloria Dei illustravit eam, & lucerna ejus est Agnus, ver. 23. Non intrabit in eam aliquid coinquinatum, aut abominationem faciens & mendacium, versu ultimo. Non sum nescius, quod totum hoc caput è Recentioribus nonnulli de illa quæ in terris est Jerusalem, Ecclesia Militante, interpretantur, istis verbis ducti, ver. 2. Vidi eam descendentem de caelo. Sed opportunè Primasius occurrit, per Descensum, coelestem ipsius originem designari, non statum terrestrem: vel magis, si ita placuerit, influxus Mysticus in S. Joannis oculos Descensus vocatur; Descendisse dicitur propterea quod Apostolo in Visione ostendebatur. Unde & Ambrosius Ausbertus non immeritò arbitrat, ea quæ de Ecclesia in hoc capite narrantur, conjunctim & ad præsens tempus pertinere, & simul ad futurum: pariterque Rupertus, Oecumenius, & Andreas Casariensis, divisim, quædam capitis ad præsens, quædam ad futurum, ad Militantem Ecclesiam nonnulla, ad Triumphantem alia esse referenda: & libens agnosco. Sed & illud adijciendum est, revera nullam esse capitis vel minimam portiunculam quæ non aptissimè quadrabit coelesti Jerusalem: at multa esse quæ sublonari non possunt competere. Nominatim ista, Non eget civitas Sole & Lunâ, & Templum non vidi in ea, ad præsentem statum Ecclesiæ non possunt referri: Non intrabit in eam aliquid coinquinatum, aut faciens mendacium; præsentis seculi ista non sunt, sed futuri temporis circumscribunt Ecclesiam, quando soli cum Christo boni regnabunt, malis se amplius non permiscensibus. Postremo, ubi dicitur, Et absterget omnem lacrymam ab oculis eorum, & mors & dolor non erit amplius; non huic vitæ ista, sed futuræ, certissimum est convenire: nunc enim in hac vita accidit, quod quantum quis fuerit sanctior, sanctisque desideriis plenior, tantus est ejus, si non in Miseriis, at saltem in Orationibus & Jeuniis, fletus uberior. Sumatur igitur pro concessa, quia comperta res est, de coelestis Patriæ civibus superius commemorata dici; Virtutum in Cælo perennitas quomodo exinde elicitur? Facillimè, ex istis verbis, Sponsam ornata viro suo; habentem gloriam Dei; omni lapide pretioso lumenque Agni fulgentem. Ecquid apertius? Quis obsecro est iste Ornat? Qui Lapides pretiosi? Annon Virtutes? An datur sericum aliquod, an lapides aliqui, an monilia aliqua Virtute pretiosiora? Doceat nos Andreas Casariensis, Ornatum lapidum habet, inquit, et r̃q̃ m̃m̃d̃iç̃a r̃p̃, ap̃r̃p̃. hæ, hæ scintillæ radiantium lapidum, ornamenta Virtutum. Insuper & Primasius doceat, Istis, inquit, similitudinibus Virtutes significantur, quibus & unusquisque Sanctorum spirituales perornatur, & tota Civitas insignita describitur. Quod si de Modo quis quærat quo Virtutes istæ permanere dicuntur; & hoc quoque ostenditur. Habetur ver. 4. Lacryma & luctus & dolor non erunt amplius; & ver. 22, & 23. Non egent Sole, neque Lunâ, sed gloria Dei illuminat eam, & templum ejus; & lucerna ejus est Agnus. Prorsus quasi & in hoc quoque erudire nos voluit Spiritus Sanctus, non versari Virtutes istas circa objecta Miseriæ, quia non sunt ibi lugentes aliqui qui Consolatione, non pauperes qui Eleemosynâ indigent; non est tem-

plum

plum aliquod, ubi prædicatione Verbi Virtutes addiscantur; non Solis lumine opus est ut exercentur, quia manent in Sanctis modo ipsorum statui congruo. Reflectuntur ex lumine Agni, è claritate Visionis Dei in mentes Sanctorum trajiciuntur, & splendore adeò corusco, ut Aurum mundum, & Cryſtallus tenuis, & Vitrum lucidissimum, & emicantes Gemmæ, & Lapides pretiosissimi, quasi argilla & lutum sunt si istis comparentur. Non Smaragdus viridis, aut cæruleus Hyacinthus, aut Rosæ Violæque æmulus Amethystus, adeò lucent in naturis suis, ut Virtutes istæ in Sanctis. Ergò manent in Sanctis modo gloriosissimo. Hæc de Virtutibus ipsis dixisse sufficiat. Accedamus ad alteram Propositionis partem, quæ est

De Virtutum Exercitiis. Quòd Virtutum opera in cœlo exercentur, instantia duplex monstrabit; ab Angelis una, à Sanctis altera petita.

De Sanctis sit prima. Patet ex Apoc. 4. 8, 10. *Procidebant ante sedentem in throno, & adorabant illum, & dicebant, Sanctus, sanctus, sanctus Deus Omnipotens.* Patet ex cap. 7. 15. *Sunt ante thronum Dei, & serviunt ei die ac nocte in templo ejus; & non esuriens ampliùs neque sitiens ampliùs.* Patet ex cap. 14. 2. *Audiui vocem Citharadorum pulsantium citharas suas, & canentium quasi canticum novum ante thronum; hi empti sunt ex hominibus, & sequuntur Agnum quocunque ierit.* Patet ex cap. 19. ver. 1, 3, 4. *Audiui vocem magnam turba multa in cœlo, dicentis, Halleluja, Salus, & Honor, & Gloria, & Virtus Domino Deo nostro; & secundo dixerunt, Halleluja: & vers. 7. Gaudeamus & exsultemus, & demus gloriam Deo.* Quid opus est Commentario? Serviunt Deo, adorant Deum, laudant Deum: hæc omnia sunt Virtutis opera, & ad primam Tabulam spectant, ut in posterum docebo. Insuper gaudent inter se, & in sua aliorumque Sanctorum beatitudine triumphant; nec non provocant alii alios ad laudes Dei buccinandas: sunt & hæc omnia Virtutis opera, & ad secundam Tabulam referuntur. Tam verum est illud Apostoli, 1 Cor. 13. 8. *Charitas nunquam excidit, sed & Prophetia abolebuntur, & Lingua cessabit, & Scientia destruetur:* Charitatis verò & Pietatis opera manent in æternum, quia quicquid honoris in Cœlis Deo Sancti præstant, est ex Pietate; & quicquid solatii in mutuis illis & pientissimis amplexibus alii ex aliis trahunt, est ex Charitate. Hæc prima Instantia, à Sanctis petenda.

Secunda à beatissimis Angelis sumitur; & in hac quoque parte Scripturas Sacras habemus prælucentes: sive de Actibus Cultûs Divini; sive de Actibus erga homines Charitatis; sive de utrisque junctim loquamur.

De Actibus Cultûs Divini sit prima Testimoniorum series. Isti autem Actus ad duo genera reducuntur. Actus primus est Adorationis: Psal. 97. 7. *Adorent eum omnes Angeli;* Apoc. 7. 11. *Omnes Angeli stabant in circuitu throni, & procubuerunt in conspectu throni in facies suas, & adorabant Deum.* Actus secundus est Laudis: habetur Isai. 6. 2. *Seraphim stabant super templum, & clamabant, Sanctus, sanctus, sanctus Dominus Exercituum;* & Luc. 2. 13. *Et erat cum Angelo multitudo Exercituum caelestium, laudantium Deum, & dicentium, Gloria in altissimis Deo, ac in terra pax, & in homines benevolentia;* denique Apoc. 5. 11. *Audiui in circuitu throni vocem Angelorum multorum, numero milles centies mille, & decies centies mille, dicentes voce magnâ, Dignus est Agnus qui accipiat virtutem, & divitias, & sapientiam, & fortitudinem, & honorem,*

& gloriam, & benedictionem. Dicite, annon sunt hæc eximia Virtutis opera, Deum perpetuò colere, Deo perpetuas laudes concinere: Hæc Angelorum Religio, hæc Virtutes cœlestium Virtutum, hæc Exercituum supernorum exercitia: unde & Angelum Athan. q. 30. ad Antiochum definire non dubitat ζῶν λογικὸν ὁμολογικόν, *animal hymnisonum: τὸ πρὸς τὸ ἀγγέλων ἔργον*, inquit Basil. in Psal. 1. *hoc ipsorum opus & spirituale shymia.* Adeoque hæc prima series, de Actibus Cultûs Divini.

De Actibus Charitatis erga homines, illa est secunda series. Isti autem Actus ad quatuor genera reducuntur. Actus primus est Custodiæ. Psal. 34. 8. *Castrametatur Angelus Domini circum timentes eum, & eripit eos.* Actus secundus est. Vecturæ, sive Comportationis, deferunt eorum animas in Beatorum habitacula, Luc. 16. 23. Tertius est cuiusvis generis Ministerii. Heb. 1. 14. *Nonne sunt omnes administratorii Spiritus, in ministerium missi propter eos qui heredes sunt salutis?* Quid verò ad Dilectionis evidentiam dici majus possit? *Custodiunt, portant, castrametantur. τὸ πρὸς ἀγγελικὸν ἔργον*, inquit Chrysost. *τὸ πρὸς ἀγγέλων λαιψυρία, & πάντα ποιῶν εἰς σωτηρίαν ἡμετέραν.* Postremò, Actus quartus est Sympathias. De Corruptivis affectibus Doloris & Luctûs non loquor; quanquam & hoc assertores suos habeat non infimi nominis, Cyprianum, Ep. 75. Basilium Seleuc. Hom. 15. Ambrosium, l. 5. Ep. 21. quòd sicut gaudent Peccatorum redemptione, ita Peccatorum ærumnis ingemiscunt. De istis, inquam, non quæro, quia satis edoctus sum, tristitiam nullam isti ineffabili gaudio posse intermisceri; verùm de Perfectivis Scriptura apertè pronuntiat, Luc. 15. 10. *Dico vobis, gaudium erit coram Angelis Dei super uno peccatore resipiscente.* Si non contristentur, at congaudent tamen. Ecquod est aliud majus Dilectionis argumentum, quàm ut nobis bene agentibus lætentur? *Equidem de angelis conversationem in celo habentibus hoc non diceretur*, inquit B. Cyprianus, Ep. 75. *nisi ipsi quoque nobis essent vinculo Dilectionis adunati.* Imò verò neque hoc, neque superiorum aliquod, quòd custodiunt, quòd inserviunt, quòd castrametantur. Castrametantur, inquit S. David, annon Custodia corporum est actus Dilectionis? Prospiciunt animis, inquit Salvator; annon animarum eura est opus Dilectionis? Dicite vos Excubitores Domini, qui huic rei invigilatis. Ministros se præbent, inquit S. Paulus, annon est opus Dilectionis? Postremò, unà nobiscum gaudent exultantque, eaq; affectûs puritate, ut *Lacryma penitentium sint vinum Angelorum*, dicente Bernardo, annon est actus Dilectionis? Hæc de secunda serie, de Actibus Charitatis erga homines.

Tertia est de utrisque conjunctim; & huic parti tria se Scripturæ loca offerunt. Locus primus, Gen. 28. 12. *Ecce scala erecta super terram, & caput ejus attingebat calum, & Angeli ascendeant & descendeant per eam;* Quid hoc ad Virtutis exercitia? Maximè, nam illud in primis notandum, quòd in motu continuo cernuntur, *ascendentes & descendentes*, non sedentes aut stantes. Quid Motus indicat? Quòd Laudis & Dilectionis & Ministerii cessatio nulla est. Vicissim & illud animadversione dignum, quòd non sit uniformis motus, verùm per itinera contraria in seipsum recurrens, *ascendentes & descendentes*, ut ex utroq; motu videamus quàm sint in utroque munere indefessi; descendunt à Deo ad hominum ministerium, ascendunt ab hominibus ad Dei laudes renovandas: *ut ex Ascensu discamus, quàm magno Amore auctori suo semetipsos transcendendo inhaerens; & ex Descensu, quàm magnâ Charitatis compassione nostris infirmitatibus condescendunt*, ut optimè Gregorius, l. 5. Mor. c. 21. Hic locus primus.

Quòd

Quod si quis hunc Mysticum clamiter, occurrit juxta Literam secundus, Psal. 103. 20. *Benedicite Domino omnes Angeli ejus, facientes verbum ejus, ad obtemperandum voci sermonis ipsius. Benedicite Domino omnes Exercitus ejus, ministri ejus facientes voluntatem ejus.* Quod si alter Mysticus deficiat in aliquo, at Literalis iste est plenissimus, magnâque diffusus varietate verborum, quod ex Lxx Interpretum translatione facilius colligi potest, *Audientes vocem ejus, facientes verbum ejus, facientes voluntatem ejus,* πῶς φωνῇ, & λόγον, τὰ θελήματα. prorsus ut innotescat, nullam esse particulam vel vocis vel verbi vel voluntatis Divinæ, quam non perpetuò exsequuntur; nullam temporis particulam cui non assidue inhærent; intenti sunt ad omnes nutus Dei, semper vigiles & parati ad ipsius imperium, ut & Deo serviant in custodia hominum, & hominibus etiam inserviant in Dei custodia mandatorum. Hic locus secundus.

Tertius habetur ex Matt. 6. 10. Verba sunt Orationis Dominicæ; *Fiat voluntas tua, sicut in celo, etiam in terra.* Hoc ipsum est quod oramus, hoc quod credimus, & orando credimus, & credendo oramus: & utriusque coarguimur, nec credere si non oremus, nec orare posse in hæc verba nisi credamus. Quæ verò sunt verba? *Fiat voluntas tua in terra, sicut in celo.* In terra à quibus? Ab hominibus: *In celo à quibus?* Ab Angelis. Quæ denique voluntas? In terris quæ? Voluntas revelata mandatorum: In coelis quæ? Voluntas recondita, sed mandatorum tamen. Mandata Laudis, Cultûs, hæc primæ Tabulæ; mandata Dilectionis in hominum cura & custodia, hæc secundæ Tabulæ Summa. Verùm hæc postea sunt demonstranda. In præsentiarum illud sufficit, si ex hoc loco ostendamus, in his Virtutis actibus versari indies Angelos Sanctosque Dei. Ad Sanctos Dei Chromatius refert; *Sicut in celo,* id est, sicut in Sanctis & cœlestibus hominibus. Verùm ad Angelos Patres reliqui, Nyssenus, Hieronymus, Theophylactus, Augustinus, Theophylactus in Matth. 6. *Fiat voluntas tua in terra, sicut in celo,* hoc est, inquit, quasi dixisset, ὡς οἱ ἄγγελοι ποιοῦσι & διδάσκει. Cu, ἔγω καὶ δὸς ἡμῖν τοιούτῳ αὐτοῖς. Nyssenus in Orat. Domin. Ser. 50. *Sicut in celo,* hoc est, inquit, καὶ δαίμονες, καὶ δαίμονες καὶ ἀρχαὶ καὶ θρόνοι, καὶ μέγα τῇ ἀσπερσομένη δυνάμει γίνονται. Augustinus, Ser. 182. de Tempore, *Sicut in celo, & in terra;* id est, sicut in Angelis, ita in hominibus; & sicut in Justis, ita & in Peccatoribus. Hieronymus, lib. 3. advers. Pelagianos, *Præcavimus ut imitetur Angelos humana fragilitas;* & in Comment. super Matt. 6. *Præcavimus ne quomodo Angeli Deo inculpate serviunt in Calis, ita in terra servantur homines:* hoc est, ut inter dispares substantias una eadêmeque sit voluntas: ut sicut cœlestes Spiritus Deo adhærent & fruuntur, nullo errore obnubilante eorum sapientiam, nullâ miseriâ impediante beatitudinem; ita & in nobis emineant voluntatis ejus radii, ut sit humilitas in conversatione, stabilitas in fide, verecundia in verbis, in factis justitia, in operibus misericordia, in moribus disciplina, injuriam facere non nosse, & factam tolerare posse, cum fratribus pacem tenere, Deum toto corde diligere, amare in illo quod Pater est, timere quod Deus est; Christo nihil omnino præponere, charitati ejus inseparabiliter adhærere. Hoc est Dei Voluntatem facere in terra sicut in celo; nam & hoc modo Angeli faciunt, hæc Pietatis opera, quas Virtutis actus exercent. Adeoque primæ Propositionis quæ est ad quæstionem Introductoria hîc finis esto, Quod in celo Pietatis Virtutisque exercitia modo eminentissimo vigeant inter Angelos Sanctosque Dei.

Duas

Duas quæ supersunt reliquas, Quod hæc opera juxta Regulam & Legem aliquam peragantur, Quodque hæc Regula sit eadem secundum substantiam cum Lege Decalogi, quando proximus se dies circumegerit, ad finem consimilem, Deo volente, sumus perducturi.

LECTIO XXXII.

SI per camporum planitiem ad hanc quæ præ manibus est, De Lege Morali in Cœlo perpetuanda, quæstionem aditus mollis facilisque pateret, bipartiti operis curam ei nullatenus impenderem; cum quæstionum atque viarum ratio similis sit, utriusque iter quod mollius est facilius, & quod facilius est brevius expeditiusque. Verum cum in asperis collum, nec obliquis modò, sed supernis anfractibus ea posita sit, & mihi quoque progrediendi ordo concolor statuendus; neq; cursim, sed pedetentim agendum, tardis & tantum nonfurtivis gressibus, nè ad exitum magis quam finem properasse videar. Et quidem de cœlo ad terram produsse Legem, & è Divinæ mentis Sacram ad captus nostri tuguriola descensu solenni devolasse, nemo est qui nescit: & quamvis in descensu velocius ferantur res singulæ, at in Decem tamen istis verbis sanctissimis promulgandis prudentissimè Deus disposuit, ut non nisi ad populum sanctificatum, & per tres dies integros præparatum, descensu lento pervenirent; nè Legem eum potius ejecisse quam tulisse somniarent. Neque verò oportebat ut lapsu repentino efflueret, quod in seculorum secula erat permanens. Multò magis nobis in hoc Legis quod suscepimus patrocínio deliberandum est, & vestigia quæque trutinanda, sensimque trahenda; nunc potissimum, quando ad primam suam & cœlestem sedem Lex est deferenda, posse nos primo anhelitu, aut saltu unico, ad quæstionis fastigium pertingere sperandum non est, sed tractim pedibusque pulmonis progrediendum, per gradus & spiramenta temporum, ut in ascensu fieri solet. Quemadmodum qui in metallis operantur, non statim ad ipsa terræ præcordia penetrant, sed superficiem prius abradunt, & integumenta remouent, ut auri venas singulas rimentur; & ubicunque thesauri copiam viderint, illic fodiant acrius, nec prius absintunt quam totum quod reperi potuit exhauserint: Idem & mihi quoque faciendum est, quò possim in ipsa causæ penetralia pervadere, involucria omnia sunt sejungenda, recessus abditissimi scrutandi, venæ singulæ incidendæ sunt. Atque jamdudum effossa est Vena prima, Quæstio Introductoria satis est ventilata; Quod in Cœlis inter Angelos Sanctosque Dei Pietatis Virtutumque exercitia maneant, abunde est demonstratum, neque ad repetitionis nauseam est revocandum.

Tres adhuc supersunt Venæ paulò altius perscrutandæ, nec prius est absistendum quam quicquid in iis auri reperi potest funditus exhausero. De Regula istorum operum Vena secunda est, An juxta Legem aliquam aut Regulam fiant. De Tabellis tertia, In quibus Tabulis Lex ista sive Regula sit reposita. De Natura Regulæ ultima, An Lex hæc vel Regula sit quoad substantiam eadem cum Lege Decalogi.

Exordium est à Vena secunda, sive Quæstione secunda, An sit aliqua Regula. Atque de hac sit illa Propositio, Habere Angelos Sanctosq;

Sanctisque in statu beatitudinis Legem aliquam Regulamque, ad quam conformant componuntque omnia Pietatis exercitia. Duobus istis Mediis ostenditur, Autoritate & Ratione.

Autoritas ex Scripturæ suffragio petenda est; atque ex quamplurimis locis patet. Patet ex Psal. 40. 8. ubi de Christo verba faciens Psalmographus, *In volumine, inquit, libri scriptum est de me, ut facerem voluntatem tuam, Deus mi;* atque *Lex tua in medio cordis mei, sive in medio viscerum meorum.* Si in medio cordis Christi exstat, in medio cordis Sanctorum exstare necessario sequitur: quia Christus etiam ut homo, dum Viator erat, semper fuit Comprehensor; atque ipse in intimo corde Legis Regulam scriptam proficitur, quamvis ipse erat qui Legem sancivit: Ergo non repugnat Sanctorum beatitudini Regulam aliquam habere constitutam, Patet ex Psal. 91. 11. *Angelis suis mandavit de te, ut custodiant te in omnibus viis tuis;* & Psal. 103. 20. *Faciunt verbum ejus, faciunt voluntatem ejus, obtemperant voci ejus.* Ex quibus est manifestum, quod Vox Divina, & Voluntas Divina, & Mandatum Divinum est ea ipsa Regula juxta quam omnia sua opera Angelis, & per consequens Sanctis, perfectissime & inflexibiliter expolliunt. Atque ejusmodi loquendi formulis Scriptura est refertissima: *Mittet Angelos suos, Matth. 13. 41. Ad angelos suos dicit, Heb. 1. 7. Facit angelos suos spiritus, Psal. 104. 4.* Ex quibus erudire nos voluit Spiritus Sanctus, nihil omnino Angelos facere sine missione Divina, & dictamine Divino. *Ad angelos dicit, inquit Primasius, h. e. angelis præcipit; Facit angelos spiritus, h. e. spiritibus celestibus præcipit ut sint Angeli. Etenim ordine præposito verba profertur, idque de industria; Facit angelos suos spiritus, pro illo, Facit spiritus suos angelos: nam spiritus est nomen naturæ, Angelus officii; & semper quidem sunt spiritus, sed nequaquam semper vocantur Angeli, nisi quando mittuntur, ut pulchre Primasius. Adeoque in ipso Angelico nomine Lex sive Regula quâ ducuntur continetur. Ab Angelis autem ad Sanctos firmissima est Consequentia, qui statu Angelico in cælo fruuntur, & Lege Angelicâ tenentur. Neque soli Angeli, inquit Chrysostomus, istis sermonibus comprehenduntur, ἀλλὰ πᾶσιν ἡ ἀπὸ θεοῦ δυνάμει δεισσομένη, sed omnes Virtutes ministeriis supernis fungentes. Quod idem verbis aptissimis complexus est Psalmographus, Psal. 68. 18. Currus Dei viginti millia, millia Angelorum, Dominus inter eos, sicut in Sinai, in sanctitate. Ex quibus docere nos voluit, inter Angelos Deum se velut legislatorem præsentem indies ostendere, voluntatis suæ consilium ipsis indicare, jussa sua atque decreta edicere; haud secus quàm quum inter eosdem Angelos in monte Sinai apparuit, ad Legem populo suo promulgandam. Nè quis fortasse ignoret, eandem voluntatem Divinam velut indemutandam pietatis Regulam constitutam fore non minùs Angelis in cælo quàm Sanctis in terra agentibus, nec minùs Sanctis in cælo quàm ipsis Angelis; quia sunt conservi, concives, cohæredes; unâ cum Angelis Servi in eadem domo Patris nostri, unâ cum Angelis Cives ejusdem celestis patriæ, unâ cum Angelis Filii & Hæredes ejusdem regni sempiterni; ut unâ cum ipsis & voluntati Dei serviant, tanquam Patris, & jussis ejus pareant, tanquam Domini, & mandata ejus exsequantur, tanquam supremi Regis & moderatoris. Hæc singula necesse est ut profiteatur quilibet Christianus, nisi de Cælo Brentii somniet fictitio illo & imaginario, putetque, aut Domum Dei sine Oeconomia aliqua, aut Civitatem Dei sine Politia, aut Regnum Dei sine Legibus & imperio posse administrari. Atque hæc de Regula. Quod sit aliqua Regula, tradidisse abunde sit. Sed quoniam ita se res habet, ut animo pervicaci pugnacibusque ingeniis etiam quod satis est satis non sit; idcirco hanc primam partem Demonstratione firmissimâ stabilitam dabo.*

Bb

Qui

Hom. 3. in
Heb. 1.

Qui secundus est Probationis modus, à Ratione ductus, & huic Logico fundamento innixus, Quod unumquodque agens, sive supremum sive subalternum, sive naturale sive electitium, normam aliquam agendi, formulam præfixam habet in agendo, vel insitam vel traditam, juxta quam operatur. Satis est notum Axioma, atque inter Dignitates recensetur, atque ipsos Angelos Sanctasque in cælo Animas suo ambitu circumscribit; quia ad unumquodque agens extenditur, tam in cælis quam in terris, nullo excepto à supremo usque ad infimum. Agens supremum est Deus: agens infimum ad inferioris notæ animalia referendum est: agentia intermedia Angelos Sanctasque Animas appello, quia hoc habent Agentis primi, quod sint Spiritus; & hoc cum infimis quibuscunque commune, quod sint Creaturæ.

De Agente Supremo videamus imprimis, deinde de infimis & intermediis. Agens supremum est Deus, causa universalis, motorque simpliciter primus, tam in genere Ethico quam in genere Physico, qui nec instrumentorum adminiculo, nec temporis intervallo, nec aliquâ præjacente materiâ, aut principiorum concursu ad operandum indiget, sed juxta Legem tamen & Regulam singula facit & operatur. Non quasi artis usum expendat, aut ad extraneam aliquam normam se revocet, aut alicui extra se Legi seipsum astringat: *Sacrilegum enim est, inquit optimè Augustinus, opinari, quod extra se quicquam Deus possum intueatur, sed quia omnia operatur juxta æternum illud & perfectissimum Exemplar Voluntatis suæ, quæ norma est omnis Justitiæ, rerumque omnium causas formasque in se continet; attestante S. Paulo, Eph. I. II. Omnia, inquit, operatur & ὅτι πάντα τὰ ἐν ἡμῖν;* secundum consilium Voluntatis suæ: quasi dixisset, Omnia quæcunque vult facit, vult autem quæcunque sunt plena rationis atque consilii; aut, vice versâ, Consilio omnia facit, i. e. providè & rationaliter, & Consilium quo facit omnia non est extraneum, quia non ab alio accipit, sed à sola voluntate sua. Interpretatio prior est Hieronymi, Anselmi altera, utraque in confesso, velut Articulus Fidei, indubitata apud omnes Theologos certitudinis; Quod in seipso sibi ipsi Voluntas ejus Lex sit, Regula Consilium, sive de Creatione mundi, sive de Regimine atque administratione loquamur. Quod ad mundi Regimen spectat, Voluntas Lex est, Regula Justitia. Psal. 115. 3. *Deus noster in cælo est, omnia quæcunque voluit fecit;* h. e. omnia secundum Legem voluntatis propriæ: & Psal. 89. 15. *Justitia & Judicium basis solii tui;* & Psal. 98. 9. *Judicabit orbem in Justitia, & populos in Rectitudine;* h. e. secundum rectissimam regulam Justitiæ ejus, quæ non minùs essentia ipsius est quàm ipsa Voluntas. Quod ad mundi Creationem spectat, Voluntas Lex erat, Regula Sapientia. Rom. 11. 36. *Ex ipso, & per ipsum, & in ipsum sunt omnia.* Prudenter Apostolus, quia prius mentio facta est Sapientiæ & Voluntatis Dei, idcirco plenissimâ verborum copiâ & Præpositionum varietate quod in animo erat explicavit, *Facta esse omnia, vis à vis, in ipsum;* h. e. in ipsius Gloriam; & ὅτι πάντα, ab ipso, h. e. verbo ipsius Voluntatis; & διὰ δι' αὐτόν, per ipsum, h. e. juxta normam ipsius Sapientiæ. Si quis de Voluntate dubitet, nè Lex & Mandatum appelletur, audiat Psalmographum, Psal. 148. 5. *Dixit & facta sunt, mandavit & creata sunt;* fecit quia voluit, & quando voluit, & quo modo voluit. *Quod aliâ opificibus,* inquit Theodoretus, *sunt materia, & instrumenta, & tempus conficiendi, & ars quæ regulam præbet;* hoc est ipsi Deo sola unicæque voluntas. Rursus, si quis de Sapientia dubitet, eam Regulam dicere, audiat eundem dulcissimum Psalter, Psal. 104. 24. *Omnia opera tua in Sapientia fecisti;* & Salomonem, Prov. 3. 19. *Fecit in Sapientia fundavit terram, stabilivit celos in Intelligentiâ;* unde & libro suo adversus Hermogenem Tertull. c. 20. primum Mosis vocabulum, de

l. 83. q. 1. q. 10.

l. 4. de Nat. & mundo.

de principio, per Sapiëntia alterum vocabulum interpretatur; *Non modo in principio temporis, sed in principio, h. e. ἐν σοφίᾳ*, inquit. Et utrumque verissimum esse agnoscit Augustinus; *Verum est, Domine, inquit, fecisse te cælum & terram, & verum est principium esse Sapiëntiam tuam in qua fecisti omnia*. Quod ut clariùs elucescat, percurrat quicumque voluerit partes aliquot mundi principiales, & tum demum dicat, si non sint omnia juxta exquisitissimam Sapiëntiæ regulam fabrefacta. Contempletur inprimis Cœli amplissimam Sphæram, à Centro terræ æquis spatiis distinctam, ipsâque sui æqualitate ita stabilem, ut eam in nullam partem declinare undique æqualitas collecta permittat, quamvis nullo fulcimento sustentetur. Contempletur in isto cœlesti ambitu cursum Solis & Lunæ, aliarumque Stellarum situs, rationesque actas in orbem, contrarias quidem, sed in diversitate illa æqualiter ordinem suum servantes; & dicat, annon juxta Sapiëntiæ summæ normam ea omnia facta existimet. Contempletur deinde Elementa, contrarias illas pugnantisque naturas, quàm-infestum sit frigidum calido & siccum humido, quàm tamen inter se mixta conveniunt, & concordem Harmoniam retinent, & seditione omni compressâ, unum quasi ex uno corpus absolvunt, & rerum omnium procreationem constituunt; hæc, inquam, contempletur, & dicat, annon sit secundum Sapiëntiæ ineffabilis regulam eleganter composita. Contempletur post hæc ipsam Terræ fabricam, in media mundi sede positam, qui sit, ut suis vel radicibus hæreat, vel aquarum tignis trabibusque fluidis sustentetur. Quod si suis librata ponderibus, nutibusque suis conglobata immobilis consistat, insignis specimen est Artificii: rursus, si in Aqua, re suapte naturâ agitabili, Elementum gravissimum stabiliatur, & à leviori gravius portetur, & tam æquâ lance ut non subsidat, est hoc Artificii radiùs clarior: Hæc igitur secum expendat, & dicat, annon sint omnia juxta ejusdem Sapiëntiæ regulam eximie ordinata. Postremo, ut compendio dicam, contempletur Corpus suum, quàm firmiter Ossâ sint infixa, ut iis velut Columnis quibusdam Caro sustentetur; quàm venustè Oculi, ut usibus serviant, superciliorum excubiis custoditi sunt; & Aures ita formatæ, ut Cymbalo similes, suscepti verbi repercussum-sonitum ad sensum cordis imitant; & Lingua, ut dentibus illis plectri reddat officium; & Nares, ut velut venti Favonii aurâ secundâ statûque vivifico interiora reficiant; & Sanguis, ut velut fluvius ex fonte procedens, uno priùs alveo inductus, tum deinde per innumeras venas quali areas derivatus, totam humani corporis terram vitalibus riget fluentis; denique & totum Corpus quàm sit completis numeris coaptatum, ut membra ipsius servant proportionem ad Mundi partes, ut Damascenus, & ad Diluvii Arcam, ut Augustinus, & ad se invicem per duplas, & sesquioctavas, & sesquitercias, & sesquialteras, ut Boethius observavit. Istis omnibus perspectis, annon dicendum erit facta esse omnia juxta Sapiëntiæ regulam? doceat nos unico verbo autor libri Sapiëntiæ, c. 11. vers. 21. *Tu omnia in mensura & numero & pondere disposuisti*; h. e. *Modo, Specie, Ordine*, interpretante Augustino; *in Veritate, Sapiëntia, Justitia*, dicente Rabano, juxta Consilii sui rationes plùs quàm Geometricas. Adeo ex istis satis supérque patet supremum omnium Agens, primùmque motorem, secundum seipsum, & per hoc secundum exquisitissimam Regulam, omnia operari.

Accedendum est loco proximo ad Agentia ordinis infimi; ea autem Agentia infima appello, quæ viliora sunt & minoris roboris, ut Hirundines, Grues, Apes, Araneæ: de quibus singulis si hoc unum monstroverso, etiam hæc minutiora Animalia opera sua omnia juxta legem aliquam atque regulam perficere, de reliquis inquirere non erit necessarium; quia quod de

inferioribus est manifestum, de perfectioribus indubitanter est supponendum. Exorandi igitur estis, ut in jam commemorata Animalcula secundis oculis vestros, vel magis cogitationes, conjicere velitis. Contemplamini mecum vel Hirundines illas quæ Vere novo circumvolitare solent, corpore minutissimas, solertiâ maximas, quâ gratiâ domos sibi sine ullo adiutore, tanquam artis ædificatoriæ peritæ, componant: legunt enim ore suo festucas, easque luto illinunt, ut conglutinare possint; & quia lutum pedibus non possunt deferre, summitatem pennarum aquâ infundunt, ut faciliè his palvis adherat, & fiat limus, quo paulatim festucas vel minutos furculos sibi alligent & adherere faciant; & eodem quoque limo nidi totius fabricam struunt, ut hoc pavimenti solo factò, intra ædes pulli sine offensione versentur, nè te-ctis frigus irreat, aut è pullis quispiam pedes interferat per rimulas texturarum. An negare quisquam possit juxta Regulam aliquam hæc testâ attolli? Ergò ad Grues oculos convertite, nam in illis est Militia quædam naturalis, sicut in Hirundinibus Architectura. Cogitate quàm injussi & usu voluntario in nocte sollicitam exercent Custodiam; disponunt Vigiles, qui, cæteris consortibus quiescentibus, circumeunt, & explorant nè qua ex parte insidiæ tententur: post, ubi Vigiliarum fuerit tempus impletum, perfundenti munere Vigiles se in somnum componunt, præmissò prius clangore, ut pares excitent dormientes quibus muneris vicem traditur sunt; atque illi volentes sortem percipiunt, nec, ut nos solemus, ægre & inviti somno renuntiant, sed confestim impigrèque suis excutuntur stratis, vicem exsequuntur, Castris prospiciunt, & quam acceperunt gratiam parâ curâ atque officio repræsentant. Hunc etiam volantes ordinem servant, ut per vices fungantur ductûs sui munere, levântque alii alios: præcedit enim unus, præcurritque cæteris præstituto sibi tempore; deinde convertitur, & sequenti sortem ducendi agminis cedit. An qui hæc audit non palâm fatebitur, juxta Regulam aliquam Vigiliæ hæc tutelæque vicissitudines exereci? Mitramus igitur Grues, & ad Apum Rempublicam veniamus; nam & inter illas non modò Militiæ, sed Politias naturalis & Civitatis liberæ forma reperitur: sub legibus omnes vivunt, bono publico omnes incumbunt, proprium nihil cognoscunt, sed in commune habent omnia, communis labor est, communis cibus, communis operatio, communis usus, communis fructus, communis volatus: ipsæ sibi Regem ordinant, ipsæ sibi populos creant, & licet positæ sub Rege, sunt tamen liberæ; nam & prærogativam judicii tenent, & fidæ devotionis Regi præstant affectum, & magno honorant examine, & summâ protectione defendunt, & perire pro eo pulchrum putant. Regem autem non forte ducunt, quia in sorte casus est, non judicium; neque imperitæ multitudinis clamore designant, ut milites olim Romani suum Imperatorem: sed Rex naturæ clarus formatur insignibus, ut magnitudine corporis præstet, & specie, & (quod in Rege præcipuum est) quia gens Apum est paulò iracundior, morum mansuetudine; nam etsi habeat æculeum, tamen eo non utitur ad vindicandum. Quid quòd ad Regis nutum singula faciunt, neque exire audent è domibus, aut in aliquos prodire pastus, nisi Rex fuerit egressus? Ad ejus nutum partiuntur opera; aliæ invigilant quærendo victui, aliæ Castris adhibent custodiam, aliæ cursus nubium speculantur & futuros imbres explorant, aliæ de floribus ceras fingunt, omnes in favo castrametando occupantur, eoque artificio, ut nec militum Castra tantum habeant gratiæ quantum habent crates favorum, in quibus rotundæ ac minutæ cellulæ connexionione sui invicem fulciuntur. Et quis Architectus, inquit Ambrosius, edocuit hexagoniâ illa Cellarum indiscretâ laterum aequalitate componere? Imò, quod Palamedis opus, inquit Nazianzenus, aquare possis, jam appositis signis? Equis

Hexæm. l. 5.
c. 21.

l. 2. Theologia.

Ecquis est qui istis imbutus, juxta Regulam Apes singula facere non liberrime profitebitur? Quid dicam de Araneis, quæ per tam tenuia & subtilia stamina multipliciter intensa sinuosas telas contextunt; & quidem ex tam exiguis initiis, ut vix ulli oculorum acie pervideri possunt? at ipsis sunt tamen pro eximio quodam domicilio, & venandis alimoniarum causâ muscis inserviunt. *Ecquis Euclides*, inquit Nazianzenus, *hoc artificium unquam expressit, de lineis pertractans nusquam exstantibus?* Quid de Canibus venaticis, qui Syllogismorum conjunctiones contextunt, & Disjunctiones Dialecticas faciunt? Aut in istam se partem deflexit lepus, aut in illam, aut in hanc: Sed nec illam, nec istam ingressus est: Superest igitur ut in hanc. Nonne totos dies conterunt Philosophi, Propositiones sibi in pulverem dividentes, & tamen arte suâ vix eò pertingunt quò Canes Natura ducit? Postremo, quid de Solis & Lunæ cursibus; quorum ille diurno tempore exoritur, hæc noctu apparet, & indemutabili Lege pro certo dierum numero incrementa & decrementa sumit? Quid de quatuor anni Tempestatibus, quæ inter se contrariæ innoxium usum hominibus conficiunt? Quid de Aquarum Marisque fræno, quòd cum sit alioqui Aquarum natura insolens, & ventorum flatibus magis intolerabilis, non tamen erumpit ex propriis terminis, sed Terram velut vicinam suam reverita, locum suum servat, & parvo Arenæ margine se patitur concludi? Annon hæc omnia juxta Legem aliquam sunt in inanimatis? in animatis, juxta Regulam? Quis ibit inficias? Et quæ tandem est Lex, quæ Regula? Dicam: In Animalibus Lex est Naturalis afflatus, sive instinctus; in Inanimatis, Arbitrii Divini Lex in ipso Universi ordine insculpta. Et hoc quoque à S. Psalmographo didici, Psal. 148. 6. *Statutum eis dedit, & non prateribit;* & à Salomone, Pro. 8. 29. *Posuit Mari statutum suum, & Aquis legem, nè transirent fines suos.* Nimirum hæc Lege arbitrii sui Maria cohibet, hæc Lege præcepti sui Firmamentum suspendit, hæc Lege voluntatis suæ Terram constringit, nè inclinet. Adeoque ex omnibus istis instantiis juxta se positis Propositionis sponte emergit, Unumquodque Agens secundum aliquam præfixam sibi agendi Legem Regulamque opus suum texere atque componere.

Quòd si Agentia omnia à summo ad infimum; de iis quæ dixi Agentia intermedia dubitatio nulla suboriri potest, Cœlestis patriæ Cives & lege aliquâ teneri, & ex Regula aliqua Pietatis Virtutisque opera exercere, sicut diversis Scripturæ locis est prius comprobatum. Atque de Quæstione secunda ista dixisse sufficiat, Quòd sit Lex, Quòd sit Regula.

Nunc ad tertiam me ordinis ratio vocat, ut videamus in quibus Tabellis Lex ista sive Regula Pietatis sit recondita. An dicendum est, in libro aliquo, aut membranis? Minimè; *Librorum doctrina cessabit in Cælo*, ut scitè Hieronymus. An per Prophetas aliquos aut Prædicatores Verbi recitabitur? Neutiquam: *In illa patria Lex aut Evangelium non recitabitur*, inquit optimè Augustinus, *ubi Dei verbum contemplabimur; neque lege aliquâ scriptâ opus erit, quæ sit lucerna pedibus nostris, ubi lucerna Dominus.* Unde igitur est hæc Regula haurienda? Dicam verbo; A Visione Dei, à propriis ipsorum cordibus: nam & in Speculo faciei Divinæ omnes legunt, & in proprii pectoris tabella singuli infixam Regulam habent. Sic duplex est Patefactionis modus, alter in lumine Gloriæ infusæ, alter in lumine Gloriæ circumfusæ; iste ex Speculo quod intra se est, hic ex Speculo quod supra se est.

Quòd si cuipiam minùs congruum aut verisimile videatur, quòd duplicem Patefactionis modum statuamus, ad unum utrumque faciliè revocabo, dicendo, Unam eandemque esse patefactionem, à Visione Dei in Electo-

rum corda transfusam, quâ simul vident & in seipsis & in Deo quicquid vel ad Dei Voluntatem vel ad ipsorum Beatitudinem conducit. Et sub hac duplici notione necessariò consideranda est, ut res distinctius intelligatur, quid ordinariè fiat, quid extra ordinem, quid in seipsis habeant à Deo, quid in Deo insuper cognoscant. In seipsis legunt Angeli quicquid ordinariè tendit vel ad Gloriam Dei illustrandam, vel ad concivium suorum Gaudium promovendum; in Speculo Divinæ Visionis legunt quicquid extraordinariè eos Deus facere velit, cùm ad munus aliquod aut ministerium speciale designat, sive in mandatis ejus exsequendis, sive in custodia Sanctorum. Similiter & de ipsis Sanctis dicendum est; Habent Sancti glorificati intra se scriptum quicquid ad notitiam Divinæ voluntatis, vident in Deo quicquid ad ipsorum Beatitudinem conducere possit. Non mea hæc sententia est, aut nuper nata, aut conjecturis innixa, sed ipsius Scripturæ suffragio, quæ utrique Patefactionis modo attestatur.

De primo modo Spiritus Sanctus loquitur, Apoc. 3. 12. *Qui vicerit, scribam super eum nomen Dei mei, & nomen Civitatis Dei mei, i. e. nova Hierusalem*: omnes autem norunt, *nomen Dei* in Scripturis vocari omne id per quod Deus cognoscitur, dicente Augustino; & *nomen Jerusalem nova*, omne id quod de nova & in nova Jerusalem cognoscendum est. *Promittit igitur Deus*, ut Cæsariensis loquitur, *scripturum se in cordibus Sanctorum* τὸ ὄνομα τοῦ Θεοῦ καὶ τῆς πόλεως αὐτῆς, ὅτι ἡ Ἱερουσαλὴμ, *Divini nominis supernaque Jerusalem cognitionem*, h. e. pietatis perfectæ justitiæque regulam. Hic Modus primus.

De secundo legimus, Apoc. 21. 23. & 22. 5. *Non opus est eis lumine lucerne, neque lumine Solis, quoniam Dominus Deus illustrat eos, & lucerna ipsorum est Agnus*. De Visione Dei Veteres omnes aptissimè interpretantur, quâ qui fruuntur, non egent ampliùs, sive ad animæ sive ad corporis solatium, aliorum Luminarium adjumentis. Non lumine Solis, quia Sol Justitiæ æterni luminis radius Soles quosque facit. Equidem quot in cœlo Sancti sunt, tot Soles: *Fusti fulgebunt sicut Sol*, dicente Prophetâ. Non luce Evangelii prædicati, aut Legis scriptæ, quæ nunc lucernæ sunt in his mundi tenebris; quia in Christo hæc omnia suppleantur: ἡ χάρις τοῦ τοῦ Θεοῦ αὐτοῖς βεβαιῶν ἐστὶν, ut Chrysost. optimè, *Spiritus Sancti gratia* Deique Visio *ad instar erit librorum omnium. Dominus Deus illustrat eos, & lucerna ipsorum est Agnus*. Hic Modus secundus.

De utroque simul legimus, Apoc. 22. 4. *Videbunt faciem ejus, & nomen ipsius erit in frontibus ipsorum*. Ad Visionem Dei particula prima referenda est; *Videbunt faciem ejus*, & in ea usquequaque omnia quæ in statu illo beatissimo cognoscenda sunt: ad Regulam mentibus infixam particula secunda; *Nomen ipsius erit in frontibus*, h. e. ut inquit Oecumenius, τὸ θεῖον ὄνομα ὑπογραφή, *obsignandi sunt Divini fulgore luminis*; idque, ut Andreas Cæsariensis optimè, οὐκ ἐν τῇ μετώπῳ μόνον, ἀλλ' ἐν τῇ καρδίᾳ, *non in frontibus solum, sed in cordibus*. Et sic quidem ea omnia quæ ad perfectæ Regulæ normam exiguntur, in Cœlis ad sua prima Principia reducentur; & quoad modum Inhabitationis, & quoad modum Patefactionis: quando eadem Justitiæ Practicæ regula, quæ ab æterno in mentis Divinæ prototypo exstabat cùm creaturarum nulla subsisteret, non Angelus, non homo qui legeret, eadem in æternum refulgebit, & Angelis & hominibus lectoribus constitutis; quando eadem Voluntas, quæ scripta est in tabella humani pectoris jam conditi, digito Dei imprimente, & posthæc in Tabulis lapideis exarata, digito Dei literas characteresque ducente, & posthæc à Prophetis & Apostolis membranis tradita, digito Dei calamos dirigente, & posthæc in anima

anima cujusvis regenerati, quamvis, pro receptivitatibus modulo, imperfectè, reimpulsa, digito Dei consignante, eadem post omnia in pectoris glorificati scrinio reponenda est, eodem digito perficiente. Hoc est, ni fallor, quod Apostoli verba præ se ferunt. *Videbunt faciem ejus*, hæc sola Lex erit; & *nomen ipsius erit in frontibus ipsorum*, hæc pietatis Regula: & Visio Dei erit pro libro, & consignatio cordis pro tabulis. Non deerunt Regulæ libri, quando ea gloria videbitur; nec Legis tabulæ, quando in Legem mens ipsa mutabitur. Atque de Quæstione tertia hætenus, Qui Legis memoriales Tituli futuri sunt, Quod regulæ Commonitorium; pro dignitate rei parum, pro capto nostro abunde; *non quia hæc video, sed quia hæc credo*, ut modestè in re simili Augustinus.

Properandum jam est ad Quæstionem quartam & ultimam, De Legis istius Natura, Regulæque ad Decalogum Analogia; an à Lege Morali & regulæ Justitiæ Practicæ nunc in Scripturis tradita specificè discrepet: atque de hac quarta sit ista Propositio, Hæc ipsa Lex five Regula pietatis à Visione Dei plenissimè derivata, & in Electorum corda transfusa, quoad Substantiam eadem est cum Lege Decalogi; *quoad substantiam*, dico, non quoad partes singulas. Sunt enim utriusque Tabulæ partes & appendices multæ quæ in illa Beatitudine cessabunt, eò quòd ad statum Viatoris pertineant, atque isti bonorum plenitudini non congruant. Quod ad primam Tabulam, cessabunt hæc partes Cultus Divini quæ in Orationibus, & Jeuniis, & Votis, & Juramentis, & actibus Pœnitentiæ versantur. Quod ad secundam, cessabunt omnes Tolerantiæ actus, & Misericordiæ, Ditionis etiam, & Subjectionis atque Obedientiæ; necnon Eruditionis & Institutionis officia; denique & Justitiæ actus omnes, tam Distributivæ quàm Commutativæ, quoad temporalia, Commutativæ in contractibus, Distributivæ in compensationibus. At manebit ipsa Legis Decalogi essentia, quæ Dei in se Cultum & Dilectionem proximi complectitur; Timor, Honor, Amor, Reverentia, Fiducia, Laus item & Benedictio, & Divini nominis castissima Celebratio manebunt, quod ad primam Tabulam. Quod ad secundam, verò, Mansuetudo, Innocentia, Verecundia, Comitas, Veritas, Benevolentia, *quædamque omnia*, omnesque Dilectionis actus quæ ad celestis Charitatis nomenclaturam pertinent, manebunt. Hæc satis sunt ad Propositionis fidem, si modò Argumenta defuissent: sed tamen quatuor ego eam Argumentis confirmatam dabo.

Primum ab Imagine Dei in homine desumendum est: cum enim Beatitudinis Subjectum primum & præcipuum sit Anima, in qua splendor Imaginis Divinæ in statu Innocentiæ fulgebat; cumque pars maxima Beatitudinis, vel magis ipsa ratio formalis, in instauratione hujus Imaginis posita sit; necessariò sequitur, si futura sit in Anima redintegratio Imaginis, ut fiat etiam nova & perfectissima impressio Legis Moralis: idque ex quadruplici statu Imaginis apparebit, hoc modo. Status primus erat Hominis conditi, & Imaginis collatæ; conditus autem homo est in Justitia & Sanctitate, quæ Capita sunt duarum Tabularum; conditus est in summa Intellectus & Voluntatis rectitudine, atque pro norma istius rectitudinis, naturalis Decalogus ipsius animæ est impressus, habuitque regulam scriptam in naturalibus tabulis. Hic Status primus. De hoc S. Paulus loquitur, Ephes. 4. 23, 24. *Creatus est in Justitia & Sanctitate*. Status secundus erat Imaginis corruptæ; sive deformatæ, cum peccato illo primo abrasa penitus & obliterata est ea pars Imaginis quæ in Gratuitis, & vulnerata ea quæ in Naturalibus eminebat: adeò ut nil erat residui præter communia quædam Principia, & confusa Legis Naturalis vestigia. Hic Status secundus. De hoc S. David lo-

quicquid, Psal. 49. 21. *Homo, cum in honore esset, non intellexit, similis jumentis qua intererunt.* Status tertius est Imaginis renovatæ per gratiam, quando per Spiritûs Sancti operationem mentes nostræ à peccati facibus purgatæ sunt, ita ut opera tenebrarum abjicimus, & sicut filii lucis ambulamus. De hoc S. Paulus, Col. 3. 10. *Induite novum hominem, qui renovatur in agnitionem, secundum Imaginem ejus qui creavit illum:* & 2 Cor. 3. 18. *Nos autem omnes relecti à facie gloriæ Dei ut in speculo intuentes, in eandem Imaginem transformamur, ex gloria in gloriam;* h. e. gloriæ ipsius participatione facti sumus gloriosi. *Sicut argentum purum,* inquit Chrysostomus, *ad Solis radios positum, & ipsum quoque radios emittit, non tam ob suam naturam, quam ob solarem fulgorem: sic anima defacata, atque argente splendidior effecta, à Spiritûs gloriæ radium suscipit, ac remittit, conformitate ipsius Imaginis.* Hic Status tertius. Status quartus est Imaginis perfectæ per gloriam, qui summus gradus erit, cum in futura vita reparatori Christo plenè conformabimur; atque tunc quidem excellentior erit hæc ipsa Naturæ sanctitas recuperata in secundo, quàm ea quæ amissa est in primo Adamo. De hoc S. Joannes, Ep. 1. c. 3. vers. 2. *Scimus quod quando apparuerit, similes ei erimus, quoniam videbimus eum sicut est:* & S. Paulus, 1 Cor. 15. 49. *Sicut gestavimus Imaginem terreni, ita gestabimus etiam Imaginem cælestis:* & Rom. 8. 29. *Quos præcivit, eos prædestinavit conformes fieri Imagini Filii sui;* nimirum & in Gratia, & in Gloria. Hic Status quartus & ultimus. Et ex istorum inter se concatenatione Argumentum deducitur; Eadem Imago quæ ab origine est condita, peccato est deperdita; & eadem quæ per peccatum est deperdita, per gratiam est restituta; & eadem quæ per gratiam Evangelicam est restituta, erit in gloria omnimodè perfectæ: At verò Justitiæ Præcticæ regula, quæ primùm cum Imagine est impressa, & postea peccato obliterata, & demum per gratiam restituta, est eadem cum Lege Decalogi: Ergò modò excellentiori rescribenda est in statu gloriæ, aliter quod erat deperditum, non erit reparatum. Hoc Argumentum primum.

Argumentum secundum à malorum Angelorum lapsu sumitur, & sic se habet; Quæcunque natura reatum contrahit ex transgressionem Legis Decalogi, eadem ad ejusdem Legis obsequium teneretur, etenim reatus semper obligationis vinculum supponit: At verò malorum Angelorum peccatum primum, & in seductione Adami peccatum secundum, apertissimam Legis Decalogi transgressionem in se continebant. De peccato suo, sive statuatur Ingratitudo in Deum, ut nonnulli; sive Infidelitas, ut alii; sive Superbia, quæ est sententia vulgatissima; sive Invidia, ut Chrysostomus & Augustinus sæpe; (*Ferre non potuerunt,* inquit Chrysost., *tot ineffabilia beneficia qua in hominem collata sunt.* *Invidebant homini factio ad Imaginem Dei,* inquit Augustinus, *& homini stanti, quia ipsi ceciderant*) sive ad hoc, sive ad superiorum aliquid, sive, quod probabilius est, ad omnia supra memorata peccatum Angelorum referendum sit, certissimum est, in iis singulis Legem Decalogi violari. Propterea S. Petrus *Angelos peccantes* vocat, 2 Pet. 2. 4. *Si Deus Angelis peccantibus non pepercit:* peccatum autem omne est Legis transgressio, *αμαρτία ἀνομία*, dicente Apostolo. Quod ad primorum Parentum deceptionem pertinet, non est difficile in ea tentatione nonnihil reperire contra singula Præcepta Legis. *Eritis sicut dii,* contra primum; *Etiā dixit Deus?* contra secundum & tertium; *Non moriemini, novit Deus,* contra nonum. Adjiciamus istis Concupiscentiam rei non suæ, Furtum rei vetitæ, totius humani generis in duobus Internecionem; quæ omnia ipse perpetravit, eo ipso quod tentavit. Propterea Salvator in Evangelio, *mendacem à principio, & homicidam à principio* diabolum appellat, Joh. 8. 44. Et exinde etiam

Chrys. in Gen.
Hom. 19.
Aug. Civ. l. 14.
c. 11. & l. 11.
de Gen. ad
liti. c. 4.

etiam sequitur, Quod si natura Angelica lapsa peccare possit prævaricatione Legis, eadem natura in gratia continuata, in Pietatis operibus aptissime dicatur conformitatem habere cum rectitudine Legis: Et vice versâ, Si natura Angelica jam labilis potuit Legem transgredi, cur non dicamus naturam eandem jam confirmatam in gratia eam sanctissime custodire? Nam si Superbia in malis Angelis erat violatio Legis, revera Innocentia in bonis erit ejus custodia, Adeoque non est incongruum asserere, Legem Moralem inter Sanctos quod ad substantiam suam in æternum vigere, cum vigeat quoad rationem ipsius formalem inter Angelos. Hoc Argumentum secundum,

Argumentum tertium ab Analogia vel proportionem desumitur quam habet cum Lege Morali Lex cœlestis, atque sic instituitur; Si actus Obedientiæ illius quæ in Cœlo præstatur per omnia respondeant Legis Moralis mandatis, necessarii pro eadem regula reputanda est hæc, atque illa: At verò per omnia respondent, Atque hoc modo ostenditur; Summam Legis Moralis ad tria Capita Scriptura revocat, ad Unum, ad Duo, ad Decem. Ad Unum, Rom. 13. 9. *Omne mandatum in hoc uno verbo continetur, Diliges. Ad Duo, Matth. 22. 40. Diliges Dominum Deum tuum toto corde tuo, & quæ sequuntur; & Diliges proximum sicut teipsum. Ab illis duobus Lex & Prophetæ pendent.* Ad Decem, in promulgatione Decalogi, Ex. 34. 28. *Scripti sunt in tabulis verba fœderis, Verba Decem.* Et juxta has rationes singulas viget in Cœlo. Inprimis, si sub Unitatis ratione speculemur, hoc modo viget in Cœlis, attestante Apostolo, 1 Cor. 13. 8. *Charitas nunquam excidit: Prophetia, inquit, abolebuntur, & Lingua cessabunt, & Scientia destruetur; Charitas autem non excidit, sed in supernis manet. Quæ ratio? Ab eodem Apostolo habemus, Col. 3. 14. Charitas est vinculum centrūque perfectionis, in qua, velut in unitate perfectissima, omnia officia practica conveniunt: atque propter hoc ipsum manet in Statu perfectissimo, quia est regula perfectissima. Hæc prima Consideratio, Manet in cœlis Lex Moralis, quia Charitas manet, quæ est Legis compendium. Deinde, si in Dualitatis rationem considerationem intendimus, & hoc quoque modo viget in Cœlis, quia utriusque Tabulæ custodes sunt Angeli Sanctique. Adorant Deum cultu purissimo, & laudant eloquio castissimo, & serviunt obsequio fidelissimo, & diligunt amore perfectissimo. Hoc caput primum; *Diliges Dominum Deum tuum ex toto corde tuo, & ex tota anima tua, & ex tota cogitatione tua.* Addatur huic, quod complectuntur alii alios Charitate summâ, & gaudent concivium beatitudine affectu optimo, & se mutuò ad laudes Dei concinendas provocant, & unanimittatis vinculo arctissime copulantur. Hoc caput secundum; *Diliges proximum tuum sicut teipsum. In istis duobus, non modò Lex & Prophetæ, sed & ipsi Apostoli, addo, sed & ipsi Angeli Sanctique pendent;* magisque multò Sancti & Angeli quàm Apostoli & Prophetæ, quia in terris duo hæc observationem perfectam nunquam accepisse legimus, in Cœlis inveniunt. Ibi Deus toto corde & totâ animâ diligitur, ubi nihil diligitur nisi Deus: ibi proximum suum singuli sicut seipsos in sinu habent atque deliciis, quia gaudent aliorum bono non minùs quàm suo; cumq; sit diversa mensura plenitudinis, est tamen reciprocum iter participationis, dum qui minorem mensuram gaudii habent, de majori alterius mensura exultantes, gradum non suum vertunt in gaudium suum; sitque hoc modo omnium gaudium non æquale, sed idem. Hæc consideratio secunda, Manet in Cœlis Lex Moralis, quia manent Dilectio Dei & proximi, quæ sunt duo Legis capita.*

Postremò, si Decadis rationem pensitemus, & hoc quoque modo vigorem suum

suum habet in Cœlis, quod ad omnia Decem mandata pertinet. Ex decem Præceptis duo tantum sunt Affirmativa, octo sunt Negativa. De Negativis nulla est dubitatio, non posse vel Beatorum oculos attolli ad deos alienos, vel ora aperiri ad detrahendum nomini alieno, vel animos abduci ad concupiscendum, nè Beatitudinem quidem alienam. Non intrabit in eam civitatem aliquid coinquinatum, aut abominationem faciens & mendacium, dicente Spiritu Sancto, Apoc. 21. 27. Quod ad Affirmativa spectat, dubitatio est perquam exigua; si non manent in litera, at manent in mysterio, quia in meliora mutantur. Quartum, de die Sabbati & die Dominica, in melius mutabitur. Non erit in Cœlo distinctio dierum, nostrarum atque Dominicæ, sed erit observatio Dominicæ, quia quælibet dies futura est Dominica, & totum temporis spatium dies prima, quæ non habet secundam, & dies unica, quæ nescit alteram. Non erit observatio Septimi, sed erit observatio Sabbati, quia tota vita erit una requies, & unus Sabbatismus. Porro & Quintum in melius mutabitur, non abolebitur, quod solus Scholasticorum Scortus observavit, etsi obiter tantum & in transcurso, l. 3. Sent. d. 38. qu. 1. *In omni statu, inquit, servabuntur & servari debent Decalogi præcepta: ipsorum Affirmativorum erit in Beatitudine summa observatio, nisi forte illius, de Honoratione parentum; non quia non sit voluntas, sed quia non erit necessitas impendendi hunc actum.* Ergo cessabit in hoc Præcepto aliquid, non totum: Cessabit in eo quicquid est mortalitatis hujusquam agimus proprium, non erunt sexus, non ætatum discrimina, nemo qui Pater aut Mater appelletur: at quod est in eo propriè Morale dicendum manebit, Honor & Reverentia, & si inter pares esse possit, Observantia; quia nomen Parentum in fratrum & cohæredum dulcissimam appellationem, & paternitatis jus in vinculum societatis commutabitur, neque erit amplius promissio vitæ diuturnæ, sed possessio æternæ. Hoc Argumentum tertium.

Postremum ex locis Scripturæ contexitur: sunt autem loci palmarii tres, qui sic se mutuo suffulciunt, ut si quid in primo desit, supplementum accipit à secundo; si quid in secundo, à tertio. Primus habetur, II. 40. 8. *Exaruit herba, cecidit flos; Verbum autem Domini manet in æternum.* Alter, Luc. 16. 17. *Facilius est cælum & terram præterire, quàm de Lege unum apicem cadere.* Tertius in Psal. 119. 89. *In æternum, Domine, Verbum tuum permanet in cælis.* In primo est mentio Æternitatis, sed non Cœlorum; in secundo, Cœlorum, sed visibilibus; in tertio, & Æternitatis, & Cœli, etiam beatifici. Verbum Dei esse æternum locus primus pronuntiat, & non intermoriturum, sicut herba & flos, & terrena ista. Quod si quis Æternitatem improprie sumi contendit, ut æternum nil aliud sit quàm diuturnum, locus secundus succurrit, quod non modò Verbum Dei sit duraturum supra hæc terrena, sed supra ipsum hoc Cœlum quod spectamus; *Facilius est cælum & terram præterire quàm Iota unum aut apex Legis*, h. e. quàm aliqua pars Legis quantumvis minima. Iota est literarum minima, & apex est minima minimæ literæ particula, cauda τὸ *sed* apud Hebræos, & punctuatio τὸ *Iota* apud Latinos, in capite ejus expressa: quasi dixisset Christus, Non modò non omnia mandata præteribunt, sed nè minima minimi mandati pars; ἰδί θ' ἰλάχισον γράμμα, ut Theophyl. Postremò, nè quis de verbo solo Promissionum quæ adimplendæ erant hoc dictum putet, *Verbum non præteribit*, signanter Legem dicit Christus, non, *Verbum non præteribit de Lege*. Et adhuc, nè quis unà cum Cœlo cessaturam omnino Legem existimet, non post hoc cœlum mansuram, tertius locus hæc nos eximit dubitatione; *Æternum manet in Cælo*, h. e. manet in æternum, non solum cum Cœlo hoc visibili, sed & post illud, in ipso Cœlo Beatitudinis. Et hoc est quod in Psal.

110. scriptum legimus, *Manet in seculum seculi*, i. e. *in seculum huius seculi subsecutivum*, inquit Bruno Carthusianus, in Psal. 110. *Ideirco non dixit*, inquit Hieronymus, *In seculum manet, & finem habet, sed in seculum seculi*; & αἰώνιον αἰών δολών, inquit Chrysostomus, *mandatorum immobilitatem ostendens*. Quod si hoc non sufficiat, ulterius paulò S. Augustinus & Cajetanus progrediuntur. *In celo manet, h. e. in Angelis illud custodientibus*, inquit Augustinus, *quia ab eis Dei voluntas perficitur, secundum illud, Sicut in Celo, sic in terra*. Pariter & Cajetanus, *De solis preceptis Decalogi loquitur Psalmographus, quæ aeterno seculo obligant, ratione rectitudinis Divinae & Naturalis in eis contentæ. Deus enim perpetuam Dilectionem erga se & suam creaturam requirit, in nullo seculo mutandam*.

Quocirca, ut tandem hæc omnia in unum corpus compingam, *Manet Lex Divina in Cælo*, manet post hæc terrena singula; manet in Uno, in Duobus, in Decem; manet quia Voluntas Dei manet, manet quia Imago Dei manet; manet in Speculo Visionis Dei, manet in tabella pectoris glorificati. Quod istis modis omnibus manet, quo demum modo cessabit? Hic quartus Catenæ annulus; Quod eadem Lex quæ in Naturalibus & Legalibus tabulis est conscripta, eadem in cujusque pectoris glorificati tabella est scribenda. Atque hoc Speculum ultimum in quo Legem Moralem contemplati sumus; Quod cum ita sit ut opera Pietatis & Dilectionis exercentur in Cælo, & juxta Regulam aliquam hæc opera peragantur, & hæc Regula quoad Substantiam eadem cum Lege Morali: Ergo sequitur, quod non modò non in terris, sed nè in Cælis quidem abroganda est Lex Moralis.

LECTIO XXXIII.

Basilii Magni querela fuit, eaque iustissima, in libro quem De Spiritu Sancto conscripsit ad Amphilochem, *ὅτι ὅψις ὠπακουσίωνται ἡ διερωτωντων ὀδυρία πολλή*, *exploratorum & percontantium magna ubique copia est*, inquit, & *messis amplissima*: atque nostris quàm aptissime quadrabit temporibus, quæ quæstionibus magis dedicata sunt quàm exercitiis Pietatis. Nam si quem miserum & afflictum videmus, non opitulamur, sed percontamur, Unde tibi hæc calamitas? quis spoliavit? quamdiu id factum est? Si quem errantem, & de via, ut peregrini solent, quærentem cernimus, non consiliis regere, sed quæstionibus tempus terere solemus; Unde venis? quò tendis? quid tibi in istis oris negotii est? Quo quid potest excogitari ineptius, quàm percontantem percontari, & à petente petere, neque vel quærenti respondere, vel postulanti succurrere. Hand abfimile est quod de nescio quo Augustinus refert, in Epistola ad Hieronymum, quod cum ignotus quidam ruiisset fortuito in puteum, accessit alius, & eo viso, admirans ait, Obsecro, quomodo huc incidisti? At ille, Obsecro, cogita quomodo hinc me liberares, non quomodo huc ceciderim quæras. Pariter & in hac quam agimus causa, prolixa satis, & à longinquis principiis per multa dierum hebdomadumque intervalla ad extremum jam usque perducta, non defuturos arbitror qui quærant, ad hanc disceptationem quomodo pervenrum? quamdudum hoc Argumentum inciperit? aut quis erit exitus istarum de Lege Morali disputationum? Cum potius exorandi sint, ut patientiæ aures & benignitate conditos animos accommodare vellent, quibus propitiantibus ex his turbis memetipsum exsolvam. At si qui sunt huiusmodi, qui cum

cum Prælectionibus pristinis non interfuerint, vel de initiis vel de exitu percontantur, utrisque nunc satisfactum ire cupio: ut simul cognoscant & illinc, quodd ex *Novorum & Veterum* in verbis Christi suavissimo conjugio hæc de Lege Morali disputatio orta est; & hinc quoque, quodd vel hæc ipsa quâ fruimur luce, vel saltem proximâ, finis huic Controversiæ est constituendus: & jam sumus in exitu, pervenimus usque ad umbilicum, ad ipsum Gladii spiritualis Mucronem; est enim hæc pars ultima Defensionis nostræ. Quæ fuit Acies dextra, ab Evangelii Testimonio; quæ Acies sinistra, à Legis natura deprompta, suprà accepistis. Solus Mucro superest, à Nexu communi utriusque acendus. Hoc unum si adjecero, non lauciatos modò Legis Adversarios daturum me spero, sed interemptos: ut quod de Hispaniæ militibus Livius narrat, assuetos eos hostem punctum magis quàm cæsim petere, id & mihi quoque liceat in hac causa: quia cæsim eos hæctenus adortus sum per utramque gladii Aciem; nunc oportet ut punctum aggrediar, ipso Mucrone in Erroris pessimi viscera defixo. Est igitur hoc Argumentorum Caput tertium & ultimum, quod jam Coronidis vice non gravabor atterere, à Nexu mutuo Legis & Evangelii desumptum; & hæc parte perpetrata, nihil profectò obstat quodd minùs potero prolixiori de Lege Disputationi superfedere. Nexum autem cum dico Legis & Evangelii, consensum doctrinarum concentumque intelligo, quo inter se Moralia utriusque tam arctissimè conspirant, & quantum ad Theoriam & quantum ad Praxin singulorum, ut utrinque in unitatem prorsus coalescere videantur; nec quicquam esse Morale in Evangelio quodd non in Lege reperiatur, nec Utilitatis quicquam Legis, sub Lege, quodd non idem Evangelio subserviat. Est igitur hujus Nexûs duplex Copula sive junctura, quarum altera ad Documenta Evangelii, altera ad Utilitates & emolumenta Legis est referenda. Et de hac duplici Copula duæ Propositiones instituuntur.

a. bello Punico.

De Doctrinarum Nexu Propositio prima sit hæc, Morale nihil est in Evangelio quodd non priùs est delineatum in Lege, vel signanter, vel æquivalenter, h. e. vel totidem planè verbis, vel saltem æquipollentibus. Ex locorum collatione Propositionis illustratio petenda est. Sunt autem locorum genera quinque, quia ad quinque Doctrinæ capita documenta Moralia rediguntur; Præcepta, Prohibitiones, Promissiones, Comminationes, Assertiones. De istis singulis sint singula Theoremata.

Theorema primum; Quicquid Morale ut fiat Evangelium in mandatis dedit, idem habemus præmandatum in Lege. Exempli gratiâ, De Cultu Dei est præceptum Evangelicum, *Dominum Deum tuum adorabis, & illi soli servies*, Matth. 4. 10. Idem & in Lege, Deut. 6. 13. & 10. 20. De Dilectione Dei præceptum Evangelicum, *Diliges Dominum Deum tuum ex toto corde tuo, & tota anima tua, & tota mente tua*, Matth. 22. 37. Idem & in Lege, Deut. 6. 5. De Honore Dei Evangelicum, *Qui gloriatur, in Domino gloriatur*, 1 Cor. 1. 31. Idem & in Lege, Jer. 9. 24. De Complexu proximi Evangelicum, *Si esurierit inimicus tuus, ciba illum; si sitierit, potum da illi: hoc enim faciens, carbonem ignis congeres super caput ejus*, Rom. 12. 20. Idem habetur in Lege, Prov. 25. 21, 22. Postremo, de Puritate vitæ Evangelicum, *Sancti estote, quia ego sanctus sum*, 1 Pet. 1. 13. Idem & in Lege, Levit. 11. 44. Quid ad hæc Antinomi; nam sunt Moralia omnia, & ad officia spectant Pietatis; an & ista quoque abrogata jam tandem affirmabunt? Num expungenda esse è Lege clamitabunt? Vah consilium temerarium! Quidni ergò Religioni, quidni Deo ipsi valere jubeant? Aut in Evangelio ipso Morale quid erit residuum, si hæc & horum similia ejiciantur? Imò, vacua charta relinquetur. Imò verò, si rectè pensitemus, manifestè

festè patebit, quòd temporis respectu habet hoc unum vel Lex ipsa in quo de mandatis istis gloriari potest etiam supra Evangelium, quòd priùs in ipsius scrinio seorsim hæc oracula singula sint recondita, & illinc in usum Evangelicum translata; atque id quidem, non ut ex Evangelio Lex, sed ut ex Lege Evangelium imperaret & Deo soli servire, & Deum super omnia diligere, & in Deo solo gloriari: adeoque in istis non tam Evangelio Legem quàm Legi Evangelium debitorem dicimus; quia quicquid Morale in Evangelio mandatum est ut fiat, idem priùs præmandatum in Lege. Hoc Theorema primum.

Theorema secundum; Quicquid Morale nè fiat Evangelium vetat, idem habemus priùs in Lege prohibitum. Verbi gratiâ, de Dei Cultu est interdixtum Evangelicum, *Non tentabis Dominum Deum tuum*, Mat. 4. 7. Idem & in Lege, Deut. 6. 16. De Officiis erga proximum cohibitio Evangelica, *Principi populi tui non maledices*, Act. 23. 5. Eadem & in Lege, Ex. 22. 28. De Custodia suiipsum cautio Evangelica, *Immundum nè tangatis*; & ego recipiam vos, 2^a Cor. 6. 17. Eadem & in Lege, II. 52. 11. Ut interea nil dicam de Furto, Adulterio, Homicidio, Mendacio, Concupiscentia, quorum omnium cohibitionem à Lege Evangelium mutuatur, & Legi vicissim quasi foeneratam videtur gratiam referre, ea singula suis quæque locis recensendo. Obsecro, an & hæc similiter evanescunt? An valorem suum & auctoritatem amittunt, quia in Legis tabulis incisa priùs accepimus? Quid erit igitur in vitio? quid illicitum? quid alicubi prohibitum? Num libertas indomita statuatur quidlibet audendi, & faciendi quicquid maximè facinorosum, quamvis millies in Lege sit vetitum, si fortè non fuisset palam & disertè in Evangelio reprobibitum? At meminisse oportet, non solum eas prohibitiones Morales vigorem suum retinere quas recitatas accepimus in Evangelio; sed & illas etiam, si quæ sunt ab Apostolis prætermissæ: aded ut neque de prætermisiss quicquam desideretur, si prohibeantur in Lege, neque de repetitis quicquam superfluere putandum sit, si prohibeantur ex Lege, eò quòd ejusdem instinctu Spiritus cautum est ut ex Lege Evangelium prohiberet, non mœchari, non mentiri, non occidere, non furtum facere, & id genus reliqua. Quod de Christo ipso observavit Greg. Nyssenus, Ho. 13. in Cantica, *Ipse, inquit, est Legislator & νομοθεσίας τὰ τῷ νόμῳ μυστήρια διὰ Μωϋσέως, & πληρώσας δι' εαυτῶν, Magnus, inquit, est Legislator Christus, qui Legis mysteria sancivit per Moysen, & implevit per seipsum*. Similiter & post Christum Apostoli, eodem Spiritu imbuti quo Prophetæ, è Prophetis plurima transcripserunt, ad hoc ipsum ut ostenderent ὅτι ἡ τῷ εὐαγγελίῳ γυνῶσι τῷ νόμῳ ἔστι ἡ ἁγία, ut Clem. Alex. loquitur, lib. 4. Strom. adeoque ea ipsa Prophetica & Legalia quæ ad mores & vitam spectant necessariò immutabilia manere, sicut Evangelium: cùm Prophetarum doctrina nil aliud sit quàm præoccupatio Evangelii, & Apostolorum doctrina quàm expositio Legis; quia quicquid vetitum in Evangelio, id antè provisum est in Lege atque præcautum. Hoc Theorema secundum.

Theorema tertium; Quæcunque in Evangelio coruscant vel præmiorum oblectamenta, vel suppliciorum fulmina, quibus aut ad Virtutem homines alliciantur, aut cohibeantur à Vitiis, iisdem passim & Lex utitur, iisdem Promissionibus, iisdem Denuntiationibus, ut ad justi hō, nēstique prosecutionem nos excitet, fugamque contrarii. Theorematis pars utraque instantis est erutinanda; quæ est Parallelorum illustratio & optima & unica. Pars prior erit de Comminationibus; & quidem iis omnibus illud S. Pauli quàm aptissimè congruit, 1 Cor. 9. 9. *Annon dicit*

*Lex eadem? annon propter nos utique hac dicta sunt? Age, opponamus locum loco; Scripturam Scripturæ. Contra Sanguinarios Evangelium fulminat, Mat. 26. 52. Qui acceperint gladium, gladio peribunt: & non dicit Lex idem? Imò planè idem, Gen. 9. 6. Qui effuderit humanum sanguinem, & sanguis illius fundetur. Contra Superbos Evangelium, Deus superbis resistit, Jam 4. 6. & contra secularem Sapientiam, Comprehendam sapientes in astutia eorum, 1 Cor. 3. 19. Et non dicit Lex eadem? Imò dilucidè eadem, Pro. 3. 34. Job. 5. 13. Sexcenta possum ejusmodi proferre, at ista quorsum, cum res manifesta teneatur? quod & Patribus non pauci ex illo Apocal. loco egregiè observarunt, Apoc. 1. 16. De ore ejus gladius bis acutus, sive utraq; parte acutus, exibat, h. e. ex ore Christi exibat Verbum Dei, quod idcirco dicitur *ποικίλ·δίσκου*, gladius bis acutus, propter duplicem illam Comminationum aciem, Legalem & Evangelicam. Sic enim Tertullianus & Augustinus interpretantur, Gladius dicitur bis acutus, inquit Augustinus, Civ. 20. 21. propter aciem geminam duorum Testamentorum: & Tertull. l. 3. advers. Marcionem, Gladius, inquit, est bis acutus, Lege & Evangelio: quippe quòd utrobique eadem Comminationes acuminata habeantur, & hic in Evangelio, & illic in Lege. Hæc Theorematis pars prior.*

Posterior, quæ est de Promissionibus, ex illo Joannis loco lucefcit, 1 Jo. 2. 25. *Hæc, inquit, est promissio quam ille pollicitus est nobis, vitam scilicet æternam;* ubi authores antiqui pro simplici nomen compositum substituant, & sic legunt, *Hæc est repromissio:* est autem Repromissio promissio reiterata, sive eadem promissio denuo facta. Neque abs re dicitur Repromissio: vix enim est ulla promissio in Veteri Testamento quæ non in Repromissionem vertitur in Novo. Ejusmodi est illa Judæis facta promissio, Jer. 31. 1. *Ero ipsorum Deus, & ipsi erunt mihi in populum.* Annon hæc est Repromissio quam pollicitus est nobis? Apostolus dicat, 2 Cor. 6. 16. Sunt ipsissima verba. Non absimilis illa altera, Psal. 37. 11. *Manfisti hereditabunt terram:* & hæc quoque est Repromissio nobis facta, Matth. 5. 5. Denique, eodem recidit & illa Joel. 2. 32. *Omni qui invocaverit nomen Domini, salvus erit:* in Repromissionem vertitur ab Apostolo, Rom. 10. 13. Quid plura? nam est istis aliquid adjicere superfluum? cum revera, ut S. Chrysostomus observavit, Sermone de Christi precibus, *Omnes beatitudines Novi Testamenti in Veteri articulatè habentur. Beatos pauperes spiritus Christus pronuntiat: & hoc, inquit, Psalmodigraphus vociferatur, Sacrificium Deo spiritus contribulatus. Beatos mites, Christus: & hoc ubique dispersum, Super quem respiciam nisi super mitem & quietum? Unde & S. Paulus, Rom. 15. 8. idcirco missum Christum dicit, ut confirmaret promissiones factas Patribus, utque Gentes in iisdem promissionibus Deum pro misericordia glorificarent: & 2 Cor. 7. 1. postquam in calce capituli sexti promissiones aliquot Veteris Testamenti in unum quasi fasciculum congestisset, mox subjungit, *Hæc ergo & nos habentes promissiones, charissimi;* ut utrinque eandem esse doceret, & veteres & novas; & nostras ad ipsos pertinuisse, & ipsorum ad nos. Hæc Theorematis pars altera, ad eoque tertii Theorematis Summa, Quòd quicquid Morale in Evangelio Minis & Promissionibus est circumscriptum, id ipsum iisdem circumscriptum cancellis habemus & in Lege.*

Huc tertio Theorematis nihil negotii esset quartum apponere, de Assertionibus & Documentis Practicis, quæ omnia cum Evangelio communiter Lex possidet; sed protrita res est atque vernacula, Decantatas sapius

ſæpius ſententioſas iſtas, *ſuſtus ex fide vivit*, Hab. 2. 4. Rom. 1. 17. *Vindicta mea eſt, & ego retribuam*, Deut. 32. 15. Rom. 12. 19. *Reddet unicuique ſecundum opera ejus*, Pſal. 62. 12. & id genus mille, nemo eſt qui nescit quòd ſint operatæ aliis utriuſque Cherubin, & Legis & Evangelii: ut ſi quis jam de Lege adimat Morale quicquam, necesse eſt ut ex Evangelio expungat, cum nè unius quidem literæ vel apicis diſcrimen habeatur. Atque hoc ipſum illud eſt quod S. Paulus ſæpius inculcat, Evangelium & dare & accipere Teſtimonium à Lege & Prophetis, atque hoc paſſim; ſed duo ſunt inſigniores loci, nondum à me, ſed à Clemente Alexandrino & Iſidoro Peluſiota in ſuis ſcriptis notati, atque in hac ipſa quam agimus cauſa. Prior habetur Rom. 1. 17. ubi *ſuſtitiam Dei revelari* dicit Apoſtolus *ex fide in fidem*. Quid hoc eſt, *ex fide in fidem*? Quid verò aliud quàm ex fide Prophetarum & Patriarcharum in fidem Apoſtolorum; ex fide quæ ſcintillabat in Lege ad fidem quæ fulgebat in Evangelio; quia eadem utrobique & Doctrina & Juſtitia Fidei? *ſuſtus ex fide vivit*, eſt aſſertio Prophetica, Hab. 2. 4. *ſuſtus ex fide vivit*, aſſertio item Apoſtolica, Gal. 3. 11. Fide juſtificatus Paulus, Rom. 5. 1. pariter & Abraham, & Abel, & Noe; *Factus eſt*, inquit Apoſtolus, *hæres Juſtitia quæ eſt ſecundam Fidem*, Heb. 11. 7. *Hoc modo*, inquit Clemens, *revelatio facta eſt ex fide in fidem unam, quia fides ex Prophetia perficitur in Evangelio: & virtus Decalogi per quatuor completur libros ſancti Evangelii*, ut Gregorius loquitur. Locus poſterior occurrit 1 Cor. 9. Nam cum Rom. 6. Apoſtolus dixiſſet, *Se non eſſe ſub Lege*, adjungit cap. 7. *Se Lege delectari*, & Legi ſervire; & 1 Cor. 9. utrumque connectens, aſſerit, *Se neque ſimpliciter eſſe ſub Lege*, ſed tanquam ſub Lege; neque ſimpliciter ſine Lege, ſed tanquam ſine Lege: *ut oſtendat*, inquit Peluſiota, *ὅτι οὐκ ἀπομνηστέον τὸ πρὸς νόμον, ἀλλὰ καὶ ἐν τῷ νόμῳ, & ἐν τῷ νόμῳ, ἀλλὰ καὶ ἐν τῷ νόμῳ, quod non eſſet abſque Lege quantum ad vetera, & in Lege tamen quantum ad Evangelium, οὐκ ἔστιν ἔξω τοῦ νόμου, ἀλλὰ καὶ ἐν τῷ νόμῳ, non extra Legem, & tamen intra Gratiam*; quia ad Legis obedientiam Evangelium docet homines eſſe renovandos. Quòd ſi poſt iſtam locorum Sacræ Scripturæ meſſem factis ſupérque amplam, ſanctorum etiam Patrum teſtimonia de Legis & Evangelii in Moralibus Symphonia accumulare eniterer, dies me deficeret, altérque à vobis ad hanc primam Nexús partem (quod committere nollem) neceſſariò expoſcendus eſſet. Videbant hoc illa matutina Eccleſiæ Lumina, & nobis quoque videndum exhibuerunt: videbant, & teſtari ſunt, non modò id ità contigſſe, ſed & multis inſuper typis ſymboliſque præfiguratum fuiſſe, dum in titulo Pſal. 93. alii, in viſione Ezechielis & Joannis alii, in arbore vitæ, arborèque ſcientiæ boni & mali, alii hanc ipſam Moralium harmoniam prænotatam eſſe contendunt. Ex titulo Pſ. 93. Hieronymus deducit, neq; id quidem malè: eſt enim hæc Pſalmi Inſcriptio, *Pſalmus in quarta Sabbati*; h. e. inquit ille, *in medio Sabbati, ſive in corde Hebdomadis: nam quartus dies ex utroque latere duplici trinitate firmatur; ex uno latere, diem primum habet, & ſecundum, & tertium; ex alio, quintum, ſextum & ſeptimum; & ipſe quartus eſt virtute decimus. Sic quatuor Evangelia in Decalogo computantur, ut quodcumque dicebatur in Decalogo, hoc completur in quatuor Evangeliiſ, ut non diſſentiat Lex vetus ab Evangelica dignitate*. Hæc Hieronymus. Ex viſione Ezechielis & Joannis, Gregorius Magnus & Primaſius, & id congruè ſatis, eſt enim utriuſq; viſionis eadem repræſentatio. Quatuor animalia viſa Ezechieli, quatuor item Joanni; utrobique, idem numerus, & eadem Animalia, & eadem formæ Leonis,

Vituli, Hominis, Aquilæ, insuper & culara antè & retro vidit Joannes, atque rotam in rota Propheta Ezechiel. *Et ad quid hæc omnia, inquit post Gregorium Primasius, nisi ut in istis concordiam utriusque Testamenti praefigurari sentiamus, quomodo posteriora prioribus, & nova veteribus iisdem probantur oculis resurgere, & inter se plenâ fide & veritate concinere? Hæcque ipsa tenet Ecclesia, & antè & retro, & tunc sub Lege, & nunc sub Gratia.* Hæc Primasius. Postremò, ex arbore vitæ, arboreque scientiæ boni & mali, non antiqui solum Doctores, sed recentiores Theologi, neque ineleganter: erat enim utraque arbor in medio horti, & sibi invicem ambæ vicinæ, ut essent æsertissimi typi amplexus Legis & Evangelii: Lex enim docet quid bonum & malum, quasi Arbor scientiæ; Evangelium Christum indicat, Arborem vitæ. Et quemadmodum istarum arborum una prope alteram posita erat, & utraque in medio Paradisi: sic Lex & Evangelium in medio Ecclesiæ hominibus semper sunt proponenda, quia mutuis cervicibus innectuntur: *Nec Novi Testamenti est intercepta potestas, dum radicibus Veteris innititur; neque Veteris vacillat autoritas, dum Novi manifestatione fulcitur*, ut ad rem appositissimè Tertullianus. Non hæc à me idcirco adducuntur, quasi in Allegoriis aliquid roboris virtutisve ponerem ad Demonstrationes Theologicas statuendas, edoctus satis, quòd Fidei dogmatibus fundandis per se non sufficiant: sed tamen vel ex istis Allegoricis hoc unum concluditur, quòd Patrum hæc sententia constantissima fuit; neque varii fuerunt in hac causa, aut habitu dispares, sed sinceram ipsius fidem æquali tenore servarunt, & cum Dogmaticè & cum Enigmaticè locuti sunt, & cum decretorium stylum in manus sumebant & cum luserunt Allegoriis, Quòd in cujuscunque generis Moralibus Evangelium cum Lege, Apostoli cum Prophetis concordant; nimirum, quia easdem pietatis Assertiones statuunt, easdem Denuntiationes contra peccatores intorquent, earundem Promissionum suavitatibus piorum animos refocillant, eadem Mandata, Interdicta eadem sæpiusculè inculcant: & putet quis de Moralium abolitione fomniare Patres potuisse? Quocirca ut hæc omnia in compendium redigam, hæc primam Nexûs partem tribus his sic expedio Quæstionibus.

Primâ, Beatitudines Regni in libris Legis continentur, an non? Ità, continentur. Eadèrne sicut quæ in Evangelio, an non? Agnoscimus easdem, nam David dicit, *Beatus qui intelligit super egenum & pauperem*, Pl. 41. 1. *Beatus vir qui timet Deum*, Pl. 112. 1. & Christus dicit, *Beati misericordes, Beati qui esuriunt & sitiunt. Fustitiam.*

Secundâ, Maledicta contra peccatores num peti possunt ex Evangelio, an secus? Peti possunt. Eadèrne sunt quæ in Lege, an diversa? Esto, sunt eadem; nam Christus dicit, *Va vobis divitibus, Va vobis qui saturati estis*: pariter & Propheta, *Va vobis qui conjungitis domum ad domum, Va vobis qui potentes estis ad bibendum vinum.*

Tertiâ, Mandata & Interdicta Evangelica æternæ sunt obligationis, an transitoria? Ais, æternæ. Quæ autem norâ distinguuntur à Moralibus in Lege? Enimvero nullâ. Tu igitur, mi homo, quando Legem audis minas contra peccatores vibrantem, annon timore palpitant præcordia? Rursus, cum Benedictiones Pacis etiam ex Lege audiendæ proponuntur, dic, annon lætitiâ perfrueris? annon gaudio exultat animus, dum præmiorum mercede, quasi cote quadam, ad probitatem te intelligis exacui? Denique, si contingat ut Præcepta & Prohibitiones Legis circumsonent, an nihil ad te ista attinere existimas? aut audes regerere, Non

lib. de Trinit.

Non nostra res agitur, nostrum non est opus, non lego ista in Evangelio: Age, quid hæsitas? Quid retardas profiteri apertè, quod non modò recta Ratio, sed & ipsa suadet Conscientia? ut si ita sit, quòd ista ex Lege audiens, vel istinc spe atque lætitiâ, vel illinc dolore & metu percelleris; aut vicissim si ita sit, quòd in Evangelio urgeantur omnia Legis Mandata, tanquam necessaria sanctificationis exercitia, & omnia Interdicta, velut naufragantis animæ rupes scopulique, præterea & Præmia & Supplicia, ad iter sive Virtutis maturandum, sive Vitii obstruendum; ergo sequitur, quòd unâ cum Evangelio, Legis doctrina necessariò est immutabilis, quia nihil Morale in Evangelio quod non apertissimè habeatur in Lege. Hæc Propositio prima, de prima Nexûs copula, quæ ad Doctrinam spectat.

Altera quæ superest de Legis Ulibus & Emolumentis tractabit, non minùs nunc post Christum quàm ante ipsius adventum necessariis, Quæ semita cum die proximo decursa fuerit, in novam, si Deus annuerit, segetem polliceor me falcem immisurum.

LECTIO XXXIV.

MAT. 13. 52. *Vetera & Nova.*

HEM! tandem aliquando, Auditores, ad diu multumque desideratam Quæstionis longissimæ clausulam non properant modò, sed festinant, vigiliæ nostræ, celeritatis avidiores quàm victoriar: eoque libentiùs, ut occurrerem, si fieri possit, satietati vestræ. Neque enim sum nescius quòd soleat aliquando adhærescere etiam rectè dictis & argumentis optimis nescio quod delicatissimum fastidium, si quàm sapissime revolvantur: in quem scopulum si egomet ipse impingerem, & in istis alioqui sanctissimis de Lege Morali dissertationibus loquacitate meâ vobis nausæ molestiam crearem, ædèpol non video unde erui possit sive legitima excusatio, sive probabilis prætectus, quo crimen læsæ Patientiæ vestræ atque attentionis depellerem. Quocirca ut olim populi duces Israelitici, Gideon Samsonisque, Deum ipsum affari non sunt veriti, *Nè accendatur ira tua, & loquar adhuc semel: senabo nunc, & quidem adhuc semel, hoc vellere,* inquit Gideon; itidem & Samson, *Domine, recordare mei, obsecro, & confirma tantum hâc vice, ut sumam de Philistæis ultionem semel propter evulsos ambos oculos meos:* lisdem quoque mihi verbis liceat & subsidii Divini & vestri quoque suffragii gratiam huic intermorituræ defensionculæ nunc supremò conciliare; Domine, recordare Legis tuæ, & confirma servum tuum tantum hâc vice, ut in Adversariorum ultionem consurgam, propter evulsam alterum oculum tuum. Vósque, Auditores, nè gravemini, neque in-

Jud. 6. 39.

Jud. 16. 18.

videatis supremam hanc vocem mittenti, si semel adhuc loquutus fuero, & tentavero tantum semel hoc unico vellere, quam sint utilitatis plena Antinomorum de Lege abroganda deliria. Est autem nunc argumentorum Caput ultimum in lucem proferendum, de Ufu, vel Necessitate potius, Legis Moralis. Nititur autem huic Axiomati Logico, Quod Instrumentorum non vis solum, sed finis & perfectio, in usu consistunt; ut ex usu manente aut transeunte ipsum Instrumentum manere dicatur aut evanescere. Quod si in rem nostram non minus conducatur Lex Decalogi quam olim in ipsorum qui ante Christi adventum exstiterunt, atque nobis non minus frugifera & fructuosa sit quam olim Judæis, si iidem nunc commodis interserviat, eisdem fructus pariat, & in easdem utilitates ordinetur; revera vigorem suum atque auctoritatem retinere non est inficiandum. Et quidem quod ad non renatos & non conversos attinet, haud inviti concedunt Adversarii, hauriri posse de Lege frugem aliquam & emolumentum: sed apud justificados & renatos prorsus eam obsolescere. Sit igitur de Legis Moralis Ufu perpetuo ista Propositio;

In hunc finem confirmata est à Christo & Apostolis Lex Moralis, ut esset in Ecclesia instrumentum salutare & necessarium, non solum his qui nondum sunt justificados & in Christo insiti, verumetiam iis qui per Spiritum Sanctum renati sunt, & Legem scriptam habent in cordibus suis, Ex singulis Legis Officiis Propositionis illustratio est petenda. Videntur autem ea Officia ad tria redigi posse.

Primum in Docendo positum est, & est instar Speculi.

Alterum in Dirigendo, & est instar Regulæ.

Tertium in Coercendo, & est instar Fræni.

Ad hæc tria facile quæcunque alia reducuntur; quæ quoniam completi tota nequimus, seorsim ea & quasi discepta inspiciamus.

Primus igitur Legis Usus hic est, Ut sit instar Lucernæ vel Speculi, in quo & à quo intuitus & Voluntatis Divinæ, & Noluntatis (si sic loqui liceat) nostræ, & ipsius Justitiæ, & nostræ etiam Injustitiæ, petendus est. Sic ex utraque parte est Speculum, ut cognoscamus quid bonum, quid æquum, quid Deo gratum; & vicissim, quid malum, quid iniquum, quid Deo infestum & execrabile. Ex utroque latere Lucerna, ut & illinc perfectissimam Justitiam quam à nobis Deus exigit, & hinc Impotentiam nostram agnoscamus eò perveniendi. Hic Legis usus à Psalmographo describitur, Psal. 19. *Illuminat oculos, intelligentiam dat parvulis*: & à Clem. Alexandr. l. 2. Stromat. *προαίτια ἀ πονηρίας, ἡλεγε τοι μὴ ποιεῖς, ἔσθαι τὰ ἀκαθάρτα, καὶ τὰ ἀκαταστάτα, καὶ τὰ ἀκαταστάτα, καὶ τὰ ἀκαταστάτα, καὶ τὰ ἀκαταστάτα*, *Fabet quæ facienda sunt, quæ non facienda sunt reprehendit*; quorum utroque nihil est quod desiderari potest vitæ transigendæ utilius, ἢ τὸ κατὰ τὸν Θεὸν ζῆναι, & τὸ ἀντιθέσθαι τῷ Θεῷ, ut Clem. loquitur. Est autem hic usus non solum illis qui nondum sunt justificados, sed etiam Renatis apprimè necessarius; quia remanent in Renatis, etiam post contriti pectoris opus desideratissimum, fragmenta quædam & plusquam minutæ & Ignorantiæ & Concupiscentiæ: ut sine hoc Speculo non mirum est si ipsis Renatis oculi cæcitant. Neque enim absque Legis Speculo cognosci potest quis cultus & qualia opera Deo placeant. Absque hoc Speculo Misericordiæ Dei inestimabile bonum non potest æstimari, nisi à Lege didicerit quisque quæ poena & maledictio prius impendebat, à qua liberatur. Absque hoc Speculo peccati natura non discernitur, quia Legis transgressione Peccatum definitur; nam Lex revera nihil aliud est quam Regula Justitiæ, cui quicquid conforme non est, peccatum est, attestante Apostolo, Rom. 7. 7. *Peccatum non cognovi nisi per Legem: non enim concupiscentiam sciebam,*

sciebam, nisi fuisset Lex qua dicebat, Non concupisces. Absque hoc Speculo animæ facies non potest dignosci, non Voluntatis color, non Affectuum lineamenta, non habitus Mentis, ut sive quid desit, quæ ratur, sive quid superfluat, deponatur, sive quid dedeceat, corrigatur. Absque hoc Speculo Justificationis articulus nec intelligi potest, nec rectè usurpari, nec in puritate sua retineri, nisi diligenter & explicatè tractetur & percipiatur doctrina Legis; eò quòd ipsa Christi merita quibus justificamur duobus istis rivulis diffunduntur, Impletione justitiæ Legis, & Liberatione à damnatione Legis. Postremò, absque hoc Speculo imperfectio & immundities etiam bonis operibus adhærens non dijudicatur; quia, ut inquit Cyprianus, lib. de Singularitate Clericorum, *Humana cecitas ad Deum non dirigit viam, nisi ipse lucernam Legis ostendat*: cùm tamen è contrà, si lucernam in manibus habeamus, in nocte præsentis vitæ atque in affectuum nostrorum tenebris & viam intuemur, & singulos gressus observamus, nè fortè labamur. Hoc primum Officium Legis, ut sit Lucerna & Speculum.

Secundum est, ut sit velut Amussis & Regula, cui singula nostra sunt adæquanda. Est autem duplex Regulæ usus; unus in Dirigendo, alter in Probando statuitur: antequam res fiant, Regula in manus sumitur, ut possint esse rectæ; postquam jam factæ fuerint, ad Regulam revocantur, quâ discernamus an recta sint, aut potiùs curvæ & tortuosæ. Utrique usui Lex est accommodata. Nè in hujus seculi semitis pes manûsve oberrer, est quasi Ariadnes filum, quo duce non incidunt pedes in laqueos sunium, aut labyrinthos peccati, aut præcipitia fovearum, *qua manus artis diabolica in nostris offendiculis præparant*, ut Hier. loquitur. Rursus, si oberraverit aut claudicaverit quisquam, Lex est Linea ad quam longitudines, & Perpendicularum ad quod altitudines, & Norma ad quam latitudines vitæ & actionum nostrarum exigantur. Hunc usum S. David observavit, Psal. 119. 9. *In quo mundabis* (vel, ut alii legunt, *in quo corriget*) *adolescens vitam suam? Observando eam secundum verbum tuum*; h. e. actiones morèsq; suos ex Lege metiendo & trutinando: est enim Lex *καὶ νόμος ἀδελφότητος*, ut Phavorinus loquitur, *mensura non fallax*, & linea certissima ad quam quæque pensaculatiùs examinemus. Atque Renatis quoque necessarius est hic usus Legis: imò illis potissimum & magis quàm cæteris, tum quia major ab iis Obedientia requiritur, tum quia ad probandum seipsos, & ad scrutandas vias suas, passim ipsos, & ipsos maximè, Scriptura hortatur; *Probate qua sit voluntas Dei*, Rom. 12. 2. *Probate quid sit beneplacitum Domino*, Eph. 5. 10. *Probet se ipsum homo*, 1 Cor. 11. 28. Neq; hoc injuriâ, quia quò quisq; sanctior, eò sapius & exactiùs vitam suam ad scrutiniî calculos vocat. At sine Lege Dei fieri hoc non potest, quia Ratio humana, se duce, faciliè aberrat, & quicquid pravissimum maximèque enormiter factum, judicat esse rectissimum, si sibi relicta fuerit, ut suo Marte aut arbitrio vitam instituat; imò & cùm semel deerratum fuerit, faciliè in præceps fertur, nisi ad Legem, quæ Pieratis est Regula, studia sua dirigat atque componat. Quòd si cujuspiam esset ad summum usque Perfectionis apicem in hac vita pertingere, ita ut nihil alicubi pigendum aut poenitendum faceret, revera istis non egeret perpendicularis, non normis, non regulis aliquibus: sed cùm ita se res habeat, ut Perfectio nostra in profectu posita sit, quia ex parte tantum cognoscimus, & ex parte tantum operamur, id est, imperfectè, cùmque *Septies in die cadat justus*, ut Sapiens loquitur, Pro. 24. 19. idcirco quò quisque sanctior, eò diligentius seipsum scrutabitur, sinumque suum,

quantum poterit, excutiet, & in secretum pectoris sui recedens, Pythagoreorum more, quid quoque die dixerit aut egerit commemorabit facilius, ut vitæ animique aduncitatem inspiciens, corrigat. Quod & ipse Seneca, Ep. 28. de suo Sextio observavit, *Faciebat, inquit, hoc Sextius, ut consummato die, cum se ad nocturnam quietem recepisset, interrogaret animum suum, Quod hodie malum tuum sanasti? cui vitio obstitisti? quâ parte melior es?* Atque hoc ille ex Ethnicorum turba paulo cæteris honestior, qui popularem solam Rationis trutinam novit, Divini aurificis stateram ignoravit. Quanto magis hæc omnia homini Christiano facienda putatis? ut primum Speculatoris partes agat, & cognoscat de moribus suis, deinde Accusatoris, mox Censoris & Judicis, novissimè Deprecatoris; nec quicquam pulchrius aut salutaris ducat hæc consuetudine vitam excutiendi. At verò sublato Legis Divinæ gubernaculo, ad hæc curricula mentis non potest se quisquam accingere: cum sine Regula vix possibile sit ut quicquam vel ad æquabilitatis planitiem componatur, aut ad rectitudinis lineas revocetur. Ergo hoc secundum Officium Legis, Ut sic Amussis vel Regula,

Tertium est, ut sit instar Fræni & commonitorii, ad coercendum peccatum, & unumquemque intra metas terminosque Justitiæ continendum. Est autem duplex Fræni usus, cohibendi equum si excurrerit, & coercendi nè excurrat: Similiter & Lex Divina utrinque utilis est, & ad præveniendum, nè peccemus, & ad retrahendum, si peccasse contigerit. Ad utrumque nos Psaltes sanctissimus ducit, Psal. 19. 8. *Lex Domini perfecta, convertens animam*, hoc est, è peccati latebris deducens atque abripiens; & Psal. 119. 11. *In corde meo abscondi eloquia tua, ut non peccem tibi. Abscondi*, inquit, ut non peccem: rectè id quidem, quia animum ad peccandum incitatum Lex Divina comprimit atque debilitat, arguit feritque Conscientiam, ad Tribunal Dei producit, & maledictionis sententiæ subijcit; facitque, ut qui nullâ recti justique curâ tanguntur, dum diras audiunt in Lege Sanctiones, timore saltem pœnarum frangantur. De hac Legis utilitate Apostolus loquitur, Gal. 3. *Ut quid igitur Lex? propter transgressiones posita est*, hoc est, ad transgressiones scilicet coercendas: & 1 Tim. 1. *Fusto non est Lex posita, sed injustis & immorigeris*, hoc est, injustis compescendis & retinendis in ordine. Quum tamen è contrâ, quò magis Lex tacet; eò magis regnabit peccatum sæviétque. *Quemadmodum mare*, ait ad Autolycum Theophilus, *nisi fluviorum & fontium influxu aleretur, aquisque dulcibus dilutum esset, salsugine suâ jamdudum intercidisset: sic mundus, nisi Legem haberet & Prophetas pioveras & magistros, peccatis suis jamdiu interiisset*, Theoph. lib. 2. ad Autol. Quo circa & hic quoque Legis usus Renatis maximè congruit, cum renovatus Spiritus in hac mole carnis quam circumferimus non tollat omnimodam vetustatem, sed simul maneant Vetus & Novus homo, exterior & interior, reliquiæ peccati unâ sub eodem tecto cum gratia Spiritus: quod S. Paulus agnovit, Rom. 7. 25. *Mente servio Legi Dei, carne autem legi peccati*; & ver. 22. *Delector Lege Dei secundum interiore hominem: Video autem aliam legem in membris*, &c. Et quod de se S. Apostolus profiteri palàm non erubuit, nostrum nemo est, qui abnuet, præsertim si sui recognitione exerceatur, quinimo perlibenter profitebitur, quàm mordicus hæreat animis nostris & Cæcitatibus & Superbiæ reliquiæ, necnon & *quædam*, ita ut non hospites modo hæc mala semina habemus, sed contrubernales. Est igitur hic Legis usus in Renatis, ut Verustatis istius rubiginem detergat, reliquias reprimat, nævos & maculas monstrat, & initia

initia novæ Obedientiæ, quæ languida sunt ut plurimum & torpescencia, suscitet atque exacuet: ut si de meditatione Inferni Chrysostomus dixerit, ἰδὲν ὕπνου χρεῖσται ὡς ὁ πῦρ γένους ἀγέλαστα, *utilius nihil est quam de Gehenna sapiens cogitare*, multò potiùs dicendum est de meditatione Legis, quæ non modò Gehennæ miserias indicat, sed ad gratiam à Christo petendam transmittit, Utilius nihil est, sive ad excitandum somnolentum, sive ad domanum pervicacem animum, quàm assidua Legis inspectio. Nisi hoc malleo cor lapideum contusum fuerit, nisi hoc vomere subactum, non erit capax doctrinæ Evangelicæ. Eapropter S. Paulus, Gal. 3. 24. Legem Prædagogi officio fungi asserit, ut nos supremo magistro & Doctori Christo summitteret, quò perfectas ab eo Disciplinas discamus, & Justitiam quæ est per Fidem acquiramus. *Lex, inquit, Prædagogus nobis fuit ad Christum: quàm appositissimè dixit Prædagogus, cum huic usui maximè inserviat, ut lascivienti atas refranetur, & prona in vitia corda teneantur, ut Hieron. loquitur: Est enim hac utilitas Legis, inquit ad Afelliam Augustinus, ut hominem de sua infirmitate convincat, & gratia medicinam quæ in Christo est implorare compellat.* Quod autem Apostolus subjungit, *Cum venit Fides, non sumus amplius sub Prædago;* non de Legis Obedientia loquitur, quasi ab ea nos Fides liberasset; neque quisquam est vel Veterum vel Recentiorum qui sic ausus est interpretari: sed tantum de Legis ad Justificandum impotentia; *ut confundantur illi, inquit Primasius, qui dicunt quòd Lex ad regnum miserit sine gratia; & non intelligunt quòd quicumq; Lege salvati sunt, Gratia sunt salvati, quia ex Fide, quam gratia tribuit.* Imò verò ut distortum hunc verborum sensum præoccuparet Apostolus, propter hoc ipsum Legem appellavit *prædagogum ad Christum; ostendens, inquit Chrysostomus, ὅτι οὐκ ἐπαυτοῖς τῆς χάριτος ὁ νόμος, ἀλλὰ καὶ οὐκ ἐπὶ τοῦ, quòd non sit Legis doctrina Gratiæ adversarius, sed adminiculum: ἡ γὰρ ἐπαυτοῦ τῆς διδασκαλίας ὁ πῦρ ἀγῶν, ἀλλὰ καὶ συµπρωτεύει, non impugnatur Præceptorem Prædagogus, sed adjuvat, alumnum suum ardens ab omni vitio, reddensque illum gratiæ percipiendæ quàm maximè idoneum.* Hujus generis multæ exstant Lutheri sententiæ, in Comment. ad Galatas, ex quo perpetuam intellecto opinionis suæ venena hausserunt Antinomi. *Ad hoc, inquit Lutherus, Lex prodest, ut gratia ad nos possit habere aditum: atque iterum, Lex est ministra & preparatrix ad gratiam: & rursus, Lex in suo vero fine humiliat & preparat hominem ut suscipiat & querat gratiam: & adhuc, Lex reddit nos capaces Christi, capaces gratiæ & beneficiorum Christi: postremò, Lex cum suo officio prodest ad justificationem; non quidem justificans, sed urgens ad promissionem gratiæ, & faciens eam dulcem & desiderabilem.* Quibus omnibus nihil potuit excogitari significantius ad Legis emolumenta delineanda. Nam dicite, quanti ponderis sunt ista: *Est preparatrix gratia, Facit aditum gratia, Facit capaces ut suscipiamus, Prodest ad justificationem:* namque ex iis omnibus necessario sequitur, ut si sit *preparatrix gratiæ*, sit etiam conservatrix; & si *faciat ad aditum*, faciat etiam ad augmentum; & si *capaces reddat ut suscipiamus*, & cautos quoque exhibeat ut retineamus; & si *prosit Ad*, ut proficit quoque Post justificationem; & si *moneat, ut properemus ad Christum non conversi*, excitet quoque ut magis ei conversi adhæreamus; quia semper est Speculum ad Voluntatis Dei noticiam, & semper Regula ad Obedientiæ tramitem, & semper Frænium ad prohibitionem peccati, & antè & postquam Christo sumus infiti. Hoc tertium Legis Officium, Ut sit instar Fræni & Commonitorii.

in Gal. 3.
rom. 1. Ep. 200.

in Gal. 3.

Interea

Interea quid ad hæc loquacissimi contra Legem disputatores, qui Renatos ab omni Legis cognitione & custodia, insuper & cura & conscientia, liberos fore teterimè blaterant? Num S. Davidem, Paulum illum Veteris Testamenti, renatum subnegabunt? At ille & Lege Divinâ cohiberi animam à peccato, atque eam retrahi, asseveranter affirmat, & in corde suo se Legem abscondisse dicit, nè peccaret. Num S. Paulum, Davidem illum Novi Testamenti, justum & fidelem & renatum ciffitebuntur? Quâ fronte? quibus superciliis? At sæpe & disertè S. Paulus contendit, se non destruere Legem, sed Legi servire, & Lege delectari, eamque tanquam Prædagogum ad Christum amplecti, & exinde notitiam non exiguum peccati arripuisse. Equidem ad hæc tanta tamque manifesta fidei Christianæ Postulata excogitari posse aliquod responsum vix credidisse, nisi apud S. Augustinum, lib. 2. cap. 2. cont. Adversar. Legis & Prophetarum, latibulum nescio quod atque *κρυπτόν* magis quam responsum reperissem. *Excogitasse se putant, inquit Augustinus, quo pacto has subterfugiant moles Testimoniorum, quibus tamen, velint nolint, cervicata ipsorum lingua conteruntur. Aiunt Apostolum Paulum pro qualitatibus ingeniorum, alienâ personâ locutum: sicut 1. Cor. 9. se omnium servum factum esse dicit, ut plures lucrificeret; infirmis tanquam infirmum, ut infirmos; Judæis tanquam Judæum, ut Judæos lucrificeret; & iis qui sub Lege tanquam sub Lege, ut eos qui sub Lege lucrificeret, &c. Hæc illi ferè adducunt, ut si quando aliquid pro Lege Divina de scriptis Apostolicis proferatur, hoc dicant Apostolum in persona Judæi tanquam Judæi locutum, & iis qui sub Lege erant tanquam Legis larvarum patronum, ut eos lucrificeret. Contra hæc verborum portenta quid retorquendum? An ad Salvatoris verbum in Evangelio recurrendum est, ut *okuntescant*? An magis ad illud Archangeli alterum, *Dominus vas increpet*? Nè quæso quis vestrum putet, acerbius me eos tractare quam par est, qui verba in ipsum Satanam emissâ prius in hominum jam capita convertam, nam S. Ambrosius me docuit, *Tolerabiliora, inquit, sunt tentamenta diaboli quam argumenta Atrii*, aut, si hoc addere liceat, quam subterfugia Antinomi: etenim Diabolus, quamvis Christum tentaret, Legem veneratus est; at illi nè hoc quidem. Ergò dignum est tantæ impudentiæ patellâ operculum, & responsum ipsorum blasphemis dignissimum, qui non modò frænum mordent & rectorem recusant, sed insuper veridicum & Divino Spiritu plenum Apostolum mendacii insimulant. Revera quòd Tertull. ad Praxeam dixit, *Tolerabilius est duos divinos deos quam unum versipellem predicare*, in istos quam aptissime quadrabit, *Tolerabilius est S. Paulum Apostolum fuisse inficiari, quam collusorem & simulatorem prætere.* Neque enim egregius Prædicator, inquit Gregorius, ut quasi Judæus fieret, ad perfidiam erupit; neque ut omnibus quasi sub Lege esset, ad carnale sacrificium rediit; neque ut omnia fieret, simplicitatem mentis in erroris varietatem mutavit: sed appropinquat infidelibus condescendendo, non cadendo; ostendendo pietatem, non amittendo fidem; ut in se singulos suscipiens, & se in singulos transfigurans, compatiendo quosque colligeret. Et isti tamen simulatè atque fictè Apostolum locutum esse tinnunt. Clamat Apostolus Rom. 9. *Veritatem dico in Christo, non mentior, conscientia mibi attestante in Spiritu Sancto: & dicunt illi, Non sunt vera quæ Apostolus loquitur, fallit infirmos, parvulos vanitatis lactat, efuriens virus infundit ut nutriet. Quis non sensus Christianus, inquit Augustinus, sed qualiscunque humanus, hoc monstrum non exhorreat? ut mentientem facians Apostolum, & fallentis asu mysteria veritatis loquentem; ni-**

mirum

Greg. Mor.
1.6. n. 22.

Greg. Past.
par. 2. c. 5.

mirum quia infirmi solidam non poterant capere veritatem. An igitur ignorant, aliud esse nutrire parvulos, aliud decipere credulos; aliud alere ut crescant, aliud agere nē vivant? utique hoc non esset lac potandum dare parvulis, sed venenum: at ille parvulis parva dedit, non falsa; lactea, non noxia; nutritoria, non peremptoria; quia Doctor Fidei fuit, non destructor. Restat igitur ut seipsos fallarios fateantur: at verò ut Apostolum hanc notā inurant, neque Religio patitur, & ipsa recta Ratio sensusq; communis abhorrent. Nam

Primò, utcumque Legem aliquando deprædicet Apostolus atque extollat aliàs, at non hoc semper agit, neque ubique, neque solummodo: nonnunquam elevat deprimittque; *Lex est ministerium mortis, Lex iram operatur, Heredes non sunt ex Lege*; & Gal. 5. 2. *Ecce ego Paulus dico vobis, si circumcidamini, Christus nihil vobis prodest.* Ad quid, inquam, hæc dicebat? nam amentis est existimare, velle Apostolum Judæorum gratiam & benevolentiam istis sententiolis aucupari.

Secundò, hoc posito, quòd semper & ubique Legem extulerit, at inter Gentes hoc præstitit, non inter Judæos: nam ad Romanos, non ad Judæos, scribens hæc dixit Apostolus; habentur enim in Epistola ad Romanos ea singula, *assentire se Legi, & servire Legi, & Lege delectari.* Esto, ad Judæos respiciens hæc fecerit: ad Gentes scribens, Gentium Doctor, cur idem faceret? Si *iis qui sub Lege, ut sub Lege* hoc sensu fuerat, quare *iis qui sine Lege, sine Lege* eodem sensu non fuerat? Quare ad Gentes scribens, qui sine Lege erant, Legem & Prophetas de Christo introducit testes? *Lex dicit, & Propheta dicunt.* Obsecro, cur Gentibus vinculum imponeret, à quo eos liberos esse Antinomi gloriantur? Aur quare personam assumit Apostolus contrariam, & se facit tanquam sub Lege iis qui erant sine Lege? Quid opus erat Legis testimonia iis obtrudere qui Legem nesciebant? Cur non potius Deos eorum laudavit, & Sacrificia prædicavit, ut iis qui sine Lege esset quasi sine Lege? Sed quid ego hæc frivola & futilia persequor, cum sint portenta, dicente Augustino, non solum à Christianorum auribus, verum etiam à finibus Christiani Orbis arcenda, & detestabiliora quam ut sub refutatione cadant? Ad exclamationum formulas se Tertull. recipit in causa penè eadem; *O Christe, patientissime Domine, qui tot annis interventionem predicationis tua sustinuisti, donec scilicet tibi Marcion subvenires! Ergo ipsi non recto pede incedebant Apostoli ad Evangelii veritatem.* Neque hoc mirum est in Tertulliano, cum Psalmographum ipsum habeamus inclamantem, Psal. 119. 126. *Domine, tempus est ut facias, quia irritam fecerunt Legem tuam.* Mittamus igitur ipsos, præsertim cum sapientissimus Salomon nos doceat, Prov. 28. 9. etiam Preces ipsius esse abominationi, si quis aurem suam ab audienda Lege avertat: quòd si preces eorum sint Deo abominationi, oportet ut verba etiam sint nobis despicatui.

l. i. Ado. Marc.

Sed redeamus ad Usū & Officia Legis, unde me incautum ineptiarum istarum profectio averterat. Videamus desuo quæ sit illa Lex quam isti rejiciunt, quàm salutaris, quàm fructuosa, quàm ob commoditatum complurium copiam veneranda, quàm cum salute nostra & Christianorum felicitate communi conjunctissima. Mirabiles ejus utilitates quis potest animo, quis oratione complecti? Frigidiora sunt illa verba, *utile, proficuum*; est enim ad cognitionem Dei & Christi non modò Lex utilis, sed simpliciter necessaria, nec non ad cognitionem Voluntatis Dei & dulcedinis Christi; utilis unicuique ad recognitionem sui & examē Conscientiæ; utilis ad explorationem & cohibitionem peccati, ad docendum, ad ducendum sanctissimum

atissimum quemque per omnia pietatis itinera; utilis ut Speculum, ut Lucerna, ut Regula, ut Frænum. Si ad hæc omnia sit utilis, nã illi & Dei, & sui, & Religionis immemores sunt, qui inutilem esse contendunt. Certè quod M. Antonius de sanguinolento Cæsaris indusio olim ad populum, *En qualem virum quàm crudeliter trucidarunt Conjurati*: En qualem Legem quàm impiè conculcant Adversarii, haud aliter quàm olim Manna Israelitæ. Manna, quamvis panem Angelicum, frumentum cœlesti, quod omnis saporis suavitatem in se habuit, insuper & ipsius Christi Sacramentum typusque fuit, fastidiunt, & carnes concupiscunt; *Ecce, inquit, anima nostra arida est, nec quicquam præter Manna oculi nostri vident, carnem da nobis comedendam*: Itã & Legem Divinam homines effrænes; idcirco Legem despiciunt, ut carni indulgeant; *nec aliter de Lege Dominica queruntur*, inquit Salvianus, *quàm de optimo medico impatiens ægrotus solet*, quia carnis dolorem cruciatumque refugium. Propter hoc Legem cœlestem, quæ omnes utilitatum dulcedines in se continet, velut aridam literam atque inutilem conculcant, & uno halitu diffilare hæc omnia commoda enituntur. simul cum Lege ipsa; & cum Christus ne nota quidem unum respicere veller, ipsi *ὁλόκληρον γράφω*, ut Chrysostomus loquitur. Ergo & ipsum Christum negare convincuntur, ut Ambrosius opumè, *cisi nomen ipsius non negent*; quia Christum negat qui non omnia quæ Christi sunt constituitur: quid autem magis est Christi quàm Lex Moralis, quæ quicquid in se virium aut habet aut habuit, id totum Christo debet, idque non uno modo, sed multis: nam & Christus eam primitus promulgavit, & ei ipse paruit, & eam implevit, & ut Regulam immutabilem certissimamque confirmavit, quæ Christianos duceret. & ad indubitatam cognitionem Voluntatis Christi, & ad suavissimum amplexum gratiæ Christi, & ad religiosam observantiam obedientiæ Christi: nè quis dubitaret, iisdem post Christum Legem usibus inservire quibus ante Christi adventum conducebat. Hæc Propositionis ultimæ particula ultima.

Atque sic aliquando, ad prolixè de Lege Disputationis metam pervenimus, à vobis diu expectatam, & desideratam. fortasse à Legis Adversariis, & mihi metipsum quoque non in jucundam. Nunc uno opere finem imponam tribus molestiis, & vestræ, & meæ, & Adversariorum; si prius de singulis, valedictionis loco, verbum unum aut alterum addidero.

Et quod ad vos spectat, Auditores optimi, vestrum Verbum erit illud Augustini ad Bonifacium; *Laudo, inquit Augustinus, & gratulor, & admirror, fili dilectissime Bonifaci, quod inter curas bellorum & armorum, vehementer desideras ea nosse qua Dei sunt*: atque ego vobis gratulor, & si hoc non sufficiat, exosculor, quod inter labores vestros curasque domesticas tam læto alacrique animo huic nostræ qualicunque Legis Moralis defensionis interesse dignati estis, quodque tam placidè tot dierum importunam molestiam devorastis.

Ad Legis Obtretractores quod pertinet, ipsorum Verbum sit istud beatissimi martyris Cypriani, de Novatianis ad suos Carthaginenses; *opto equidem, inquit, dilectissimi Fratres, & consulo pariter & suadeo, ut, si fieri potest, nemo de fratribus pereat, vel simplicitate captus, vel errore inductus, vel aliquâ fallentis astutiæ calliditate deceptus*. Quocirca à fallaciæ vos laqueis solvite, vagantes gressus ab erroribus liberate, iter rectum Legis cœlestis agnoscite: Hortamur vos etiam & præcipimus in nomine Domini nostri Jesu Christi, Nemo vos decipiat inanibus verbis, aut à via veritatis per itinera erroris seducat. *Ignosci potest simpliciter errantibus, verum*

Hom. De Ps.
slore & over.
Ambr. in Luc.

De Unitate Eccl.

Ep. 71.

verum post consilia salubria & revelationem factam, qui prudens & sciens in eo quod erraverat perseverat, sine venia ignorantia peccat, presumptione nixus, cum Scripturis & Ratione superetur.

Postremo, pro memetipso quod Verbum suscipiam nisi illud Hieronymi ad Pammachium & Oceanum: Non me suscepti laboris piget aut poenitet in bivio nescio quo angustisque positum; ut si tacero, reus, si respondero, inimicus iudicor: *Dura utraque conditio; sed è duobus elegi quod levius est: Simultas reintegrari potest, blasphemia veniam non meretur; mallem existimatione periclitari quam fide.* Adeo necessarium erat nascenti morbo occurrere, & honorem Legis Dei à calumniis injuriisque vindicare. Præterea & aliquid etiam præter spem nobismetipsis lucrati sumus, quod multa Scripturæ loca obiter pertractavimus, & Quæstionum difficillimarum lacunas explevimus non paucas. Nam primo, quod ad originem & incrementum malefanz sententiæ attinet, ostendi quibus Radicibus orti, quibus Alis elati Stimuliq; excitati fuere hujus pessimi Dogmatis Sectatores. Deinde, quod ad Statum Quæstionis, de Damnatoria parte Legis quæ evanuit, & de Directoria quæ manet, multa disseruimus; & de Cautelis in proponenda sive Legis sive Evangelii doctrina observandis. Post hæc, de Argumentis & Scripturæ locis egimus quos ad causam suam detorquent Adversarii, juxta quatuor istas Propositiones; Quæ de Legis abolitione generaliter Scriptura loquitur, ea sunt ad Ceremonialia & Judicialia ut plurimum referenda: Hæc prima. Quæ specialiter de Legis Moralis abolitione aut Scriptura aut Patres dicunt, ea semper vel de Maledictione Legis, vel de Remotione ipsius ex Justificationis articulo, vel de Consummatione ipsius per Christum, constanter pronuntiant: Hæc secunda. Liberatio à Maledictione Legis non introducit liberationem ab Obedientia Legis: Hæc tertia. Renovatio quæ est per Legem Spiritus non solvit doctrinam quæ est in spiritu Legis: Hæc quarta Propositio. Ad hæc etiam, Argumenta nostra ad veritatis patrocinium produximus, à Suffragio Evangelii, à Natura Legis, à Nexu & usu communi utriusque, desumpta. In primis, Suffragium Evangelii testimonio Christi & Apostolorum nitebatur, tribus istis Columnis suffultum; Evangelium non excludit Legem Moralem è finibus suis, sed eam in se comprehendit: Fides Legem Moralem non destruit aut enervat, sed roborat & confirmatorem reddit: Apostolorum nemo doctrinam Legis abolendam esse usquam prædicavit, sed eam omnes & ubique in Testimonium vocarunt.

Deinde à Natura Legis Argumenta ducta ad duo Capita revocavimus; ad Perfectionem ejus, & Æternitatem.

Perfectionem ipsius duabus Propositionibus complexi sumus. De Perfectione extrinseca & accidentali prima fuit, Lex Moralis, quantum ad ipsius intelligentiam spectat, perfectionis susceptiva fuit, & revera gradus atque augmenta perfectionis suscepit, diversis temporibus consona; quia clarior erat ipsius intelligentia Prophetarum temporibus quàm Moysi, & Apostolorum quàm Prophetarum. De Perfectione intrinseca & formali altera, Lex Moralis, quantum ad essentiam ipsius pertinet, neque gradus suscepit, neque perfectionis susceptiva erat; quia perfectionis gradus numerosque omnes à principio constitutionis suæ complexa est, & pro perfectissima pietatis Regula Ecclesiæ concredita.

Æternitatem Legis & à Scripturæ locis, & ab omnium seculorum intuitu demonstravimus: qualis erat ante tempora, qualis in decursu temporum, & qualis futura est post tempora; qualis in Statu naturæ integræ, & naturæ corruptæ; qualis sub Moysè & Prophetis, qualis sub Christo & Apostolis. Hæc omnia in multarum Propositionum compendia redeimus.

D d

De

De Statu ante tempora duæ erant Propositiones ; In Idea mentis Divinæ Justitiæ Practicæ Exemplar ab æterno, existit, hominibus aliquando revelandæ : Hæc prima. Ex hoc ipsissimo Exemplari Justitiæ Practicæ regula transcripta est Lex Moralis : Hæc secunda.

De Statu Naturæ integro & corrupto tres Propositiones exsisterunt ; Justitiæ Practicæ regula homini patefacienda, in principio creationis est patefacta, & pro receptivitatis modulo in humani pectoris tabella impressa, ibique mansit in Statu integro integræ : Hæc prima. Lex eadem etiam in Statu lapsus, secundum Vestigia aliqua & reliquias, & mansit, & adhuc manet in eadem cordis tabella, confusæ & imperfectæ : Hæc secunda. Hæ reliquæ sive Vestigia Perpetuitatem Legis Moralis evincunt, eò quòd & fundatur & perpetuatur in Natura : Hæc tertia.

Pro Statu Legis sub Mose & Prophetis Propositio unica militabat ; Lex eadem quæ Naturæ nostræ ab origine infixæ est, eadem in monte Sinai Judæis lata est atque imposita, quando & ore Dei promulgata, & digito Dei exarata, & tabulis lapideis insculpta est, & Commentariis Propheticis explicata.

Pro Statu ejus sub Christo Propositio item unica ; Lex Moralis, non modò quæ Naturalis & Evangelica, sed quæ Moralis, autoritate regulativæ atque obligatoriæ pollet, à Christo & Apostolis omnibus confirmata.

Postremò, de Statu Legis post tempora tres constitutæ sunt Propositiones ; In cœlo manent Pietatis Virtutumque Exercitia beatorum Statui respondentia, idque modo eminentissimo, inter Angelos Sanctosque, incolas cœlestis Patriæ : Hæc prima. Habent Angeli Sanctiq; in Statu beatitudinis Legem aliquam sive regulam, juxta quam hæc Pietatis cultusq; Divini exercitia conformant atque componunt, à Visione Dei in ipsorum corda transfusam, quæ simul vident & in seipsis & in Deo quicquid ad ipsius voluntatem & ipsorum beatitudinem conducit : Hæc secunda. Hæc ipsa Lex sive regula Pietatis, à Visione Dei plenissimè derivata, & in ipsorum corda transfusa, quoad Substantiam eadem est cum Lege Decalogi ; adeoque præcepta Decalogi tam longè abest ea hic abrogari, ut nè in futura quidem vita secundum Essentiam suam sunt cessatura : Hæc tertia. Postremus Argumentorum ordo à Nexu & communi usu utriusque sibi aditum fecit, sub duabus istis Propositionibus ; Morale nihil est in Evangelio quod non priùs est delineatum in Lege ; sive illud Præcepti, sive Prohibitionis, sive Promissionis, sive Denunciationis, sive Assertionis rationem habeat : Hæc prima. A Christo & Apostolis confirmata est Lex Moralis, ut in omnes perennitates usui esset, non solum iis qui nondum sunt justificati, ut ad statum Gratiae redigantur, sed etiam iis qui per Spiritum Sanctum sunt renati, ut magis magisque Christo agglutinentur : Hæc Propositio novissima. Adeoque & hæc totius operis fabrica, & fusioris Summula disputationis, quæ retroacta, ad Salvatoris verba jam revocandi estis, *Intellexistis hæc omnia ? Nullus dubito & intellexisse vos, & meminisse, quòd omnis Scriba eruditus ad regnum Dei similis sit homini patrifamiliæ, proferenti de thesauro suo & Evangelii Nova & Legis Moralis Vetera.* Erat enim hæc Concordia tertia *Novorum & Veterum.*

Quarta mox sequetur, De Veteribus & Novis Ecclesiasticis, sive de authoribus utriusque seculi conjungendis ; Quàm sit perito Theologiæ artificis necessarium, & in Recentiorum & in Antiquorum Patrum scriptis revolvendis versatissimum se præbere, ut veritatem, sive hinc sive illic delitescentem, in apicem proferre possit. Verùm hæc, ut novi Argumenti sunt exordia, ita novæ præsentia circulum curriculumque exposcunt.

LECTIO XXXV.

Quod *operarios in Vineâ* Ministros Verbi Christus in Evangelio appellat, Metaphoram paulò ulterius protendit Chrysostomus, non solum eos esse Operarios in Vineâ asserens, sed Operarios in Fodina; quòd ad ipsos spectet non modò Veritatis vinum è vindemia Scripturarum eruditionis torculari exprimere, sed & vasà præterea pretiosissima in audientium animis fodiendo & limando edolare, quæ Vino novo Spiritus recipiendo inserviant. Atque hoc illud est quod & Ego, Auditores, in vultu & renovato concursu hoc vestro videor mihi clarissimè legere, expectare vos hodie ut novus aliquis vos multi ductus excipiat, & nova Auri vena vobis aperiatur, quæ aut hinc ditescere animos vestros possit, aut illinc oblectare: cum tamen in nostra tenuitate non sit ejusmodi aliquid polliceri: sed Scripturæ textus quam tractaturi sumus utrumque, ut spero, suppeditabit; nisi infelicitè contingat, aut Vinitoris negligentia, aut Fossoris imperitia, spe vestrà vos desiderioque fraudari. Quod nè fiat, non mihi cupio ut auscultetis, sed verbis Salvatoris, quæ ex se sola valent & locum hunc quo confluxistis dulcedine suâ in Vineam, atque pretio suo in Aurisodinam mutare, & insuper efficere nè vestrum quenquam poeniteat itineris sui: ut quod de Confessoribus sui temporis ad metallum damnatis B. Cyprianus dixit, *Quid mirum, inquit, si vasa aurea & argentea in metallum, i. e. auri & argenti domicilium, dati estis? nisi quòd nunc metallorum natura conversa est, locaque quæ aurum & argentum dare consueverant, nunc accipere ceperunt*; pariter & mihi liceat vos alloqui, Non miror si vos, qui Vitis cœlestis estis palmites, & Vini spiritualis pinguescentes racemi, in Vineam, si vasa aurea & argentea Sanctuarii in Fodinam vos recepistis; nisi quòd rerum ordo est commutatus, & vos qui Vinum populo propinare Aurumque doctrinæ purioris impartiri consuevistis, nunc à me accipere dignamini. Atque nonnulla jampridem accepistis; effossa est Vena prima, Poculum primum effusum, nec non secundum. Ad tertium jam accedendum est; nam ejusmodi erat, si meministis, *novorum & veterum* inprimis à me facta distributio, In *vetera & nova* Præparatoria, i. e. merè Humana; in *vetera & nova* Fundamentalialia, h. e. purè Divina; in *vetera & nova* Accessoria, h. e. mixta, sive Ecclesiastica. Et ex istis membris triplex Concordia orta est, quæ rerum omnium scibilibus Summam in se complectitur.

Ep. 77.

Concordia prima est literarum utriusque Reipublicæ, hæc Propositione designata, Tractatori Sacro licet non è Scripturis modò, sed è Scientiis secularibus copias suas atque apparatus instruere, & ex illis adducere quæcunque, sive *nova* sive *vetera*, quæ maximè spectant ad promovendam veritatem. Hæc Vena prima, quæ ansam dedit De licito literarum secularium usu in Theologicis disputandi.

Concordia secunda est Scripturarum utriusque Testamenti, hæc Propositione descripta, Tractatori Sacro est necessarium, ut petitis ex utroque Testamento armis se muniat, ut possit totum Dei consilium annuntiare, & in iis quæ Legis sunt, & in iis quæ Evangelii. Hæc Vena secunda, quæ aditum fecit ad longam illam diùque agitatam De Legis Moralis Perpetuitate controversiam.

Concordia tertia est Scriptorum utriusque seculi. Hæc Vena tertia, non
D d 2 minùs

minùs sæcunda quàm cæteræ, quæ nunc fenestram mihi aperit ad tertiam de Antiquis & Novis Doctoribus disputationem: Est enim hæc cura altera Pastoris Evangelici, qui Patrisfamiliâs studet partes agere in domo Dei, ut postquam se omni Sacrarum Scripturarum apparatu instruxerit, & salutares aquas hauserit è fontibus Salvatoris, h. e. ex Divinis utriusque Testamenti oraculis, ut tum demum cujuscunque generis suppellectilem & adjumenta ex Scriptoribus Orthodoxis congerat, ex variis ingeniis excellentissima quæque libando; ut cum veritatis negotium agitur, ex uberi omnium seculorum thesauro ancillantes copias ad fidei sive ornatum sive subsidium educat. Et quidem quòd hucusque se exporrigat verborum Christi scopus atque consilium, nemo est qui dubitare potest, si sciat quòd non Apostolis solum, sed omnibus ad finem usque mundi Pastoribus, & dicendi & differendi formulam hic Christus constituerit. Non enim loquitur de iis tantummodo qui tum fuerant, sed & de ipsorum sequacibus, qui postea esse poterant Scribæ & Doctores Evangelicæ veritatis. Et Apostolis quidem donorum Divinitus datorum thesaurus satis superque fuit ad hoc munus exsequendum. At nobis non est sperandum, posse nos absque summo studio laborèque assiduo thesaurum aliquem scientiæ aut eruditionis acquirere: arripienda sunt igitur quotquot ubique exstant sive artium, sive hominum, sive temporum adminicula; cum Josepho Patriarcha, & præsentis anni fruges & superiorum etiam sunt colligendæ: *neque novâ tantum contenti debemus esse doctrinâ*, inquit in hunc locum Hieronymus, *sed & veterem excolere oportet, & nostro jungere comitatu*. Quod ad novos Authores spectat, apertior res est quàm quæ rationibus egeat, eò quòd patrefactionis incrementa ex ipso temporum tractu Dogmata fidei recipiant; & ut reliquæ Artes, sic res quoque Theologicæ, in maximos quotidie auctus diffundantur. Esto, eam antiquitas Sanctorum Patrum lucubrationibus ad maximam claritudinem evectam fuisse: at habet & nunc quòd possit evolare altius, & nepotum fructu grava in majorem amplitudinem adolescere. De structura ejus prima comperta res est, fabricatores tanti operis fuisse Apostolos, qui soli & fundamenta, & parietes, & fenestras tectumque ad culmen perduxerunt. Dein post Apostolos compertum & hoc, à Patribus multam magnificamque suppellectilem, & utensilia non pauca, ad Domûs Sponsæque ornatum fuisse parata. At verò hoc non minùs compertum, quòd post Patres, etiam recentioris memoris Doctores quamplurima Dogmata elucidarunt: atque post ipsos nobis eadem Sparta ornanda relinquitur, ut istis Antecessoribus respondere possimus; quod fieri non potest, si priscis solis Scriptoribus dediti, recentium prorsus incuriosi simus; cum non sit cuiquam possibile, ad expletam Eruditionis Sacræ formam pertingere, si hoc pede claudicaverit, & recentiorum hunc eruditum pulverem neglexerit: quia si major autoritas Veterum, at sua est utilitas suavitâsque vel nuperrimè inventorum, *ἰδοὺ γὰρ τὴν χάριν ἔστι, καὶ ὁ μὴ ἀπορνεῖται ἱερὰν τὴν*, ut Strabo optimè. Deinde verò, quod ad Authores antiquos pertinet, ad ipsos evolvendos nos ipsa necessitas detrudit, eò quòd absque ipsorum scriptis non valeamus multiplices veterum Hæreticorum fraudes & præstigias retegere, nec varios priscæ Ecclesiæ status aut vicissitudines observare: absque ipsis, continuus & universalis Veteris Ecclesiæ Orthodoxæ in præcipuis Religionis Christianæ capitibus consensus non potest indicari; quæ ipsorum Voluminum non est utilitas ultima. Cum enim una eadèmq; semper fuerit Ecclesiæ, & una eadèmq; semper Veritas; certissimum est, Ecclesiæ Veteris præcipua Dogmata præsentis Ecclesiæ sententiis non repugnare. Ergò evolvenda necessariò sunt ipsorum scripta, ut fiat hic doctrinæ consensus digitis hominum notibûsque notabilis. Huc accedit, quòd in Patribus

Patribus allegandis Pontificii, maximèque Scholastici, admodum sint frequentes; ex ipsis sapius disputant quàm ex Scripturis Sacris, eos sibi pro suis vendicant, tamque suos esse jactant quàm ipsum Pontificem Romanum, ab ipsorum placitis nè transversum se digitum discedere gloriantur: Nos verò improbis clamoribus, ut Patrum contemptores & adversarios, obruunt, quòd parùm aut nihil Patribus tribuamus, ut Bellarminus; quòd prorsus nihil cum Patribus habeamus commercii, ut Canus non erubescit asserere. Quæ cum ita sint, num exspectatis ut vos stimulis acuiam ad Antiquorum monumenta perferenda? Equidem si Utilitas nulla emergeret, at Necessitas cogit, ut vel his mediis Thrasides istos, qui hæc magnifica & gloriosa falsò sibi arrogant, ex hoc Ostentationis fastigio dejiciamus, & Testimoniorum mole quam venditant obruamus, & de fundo non suo agamus præcipites. Sed tamen præter hanc polemicam, sunt aliæ utilitates quamplurimæ; si sanctas Patrum *παραινεσις* sive *adhortationes*, Spiritum Martyrii (ut de iis Erasmus loquitur) verè redolentes, ad usum nostrum accomodemus, si ipsorum Alis evecti ad Divinæ Scripturæ plenissimum sensum, quasi per Scalam quandam, ascendamus. Idem suo tempore Aurelius Cassiodorus observavit, de Divinis Lectionibus c. 15. Idcirco potissimum Patrum scripta esse relegenda, quia in Epistolis & Sermonibus suis, & cum Hæreticis altercationibus, diversa Scripturæ Divinæ loca suaviter ac diligenter aperiunt, quibus quasi lucernis ducti ad reliqua indaganda nos feliciter accingamus. Quòd si vel Vitæ probitas, vel dignitas Loci, vel Scientiæ meritum, vel *Ætatis* reverentia autoritatis quicquam scriptis humanis conciliet, proculdubio ipsorum scriptis plurimum est deferendum; cum in ipsis luceat eminentia quædam & Loci, & Temporis, & Pietatis, & Eruditionis. Eruditionis quidem, quia Ecclesiæ Luminaria fuerunt, & Armamentaria sapientiæ, & *olive decurrentes in omnem suavitatem*, ut de Cypriano Cassiodorus loquitur; Doctores ejusmodi, qui *lectione assidua & meditatione diurnâ pectora sua Bibliothecæ fecerant Christi*, ut de Nepotiano ad Heliodorum Hieronymus. Pietatis, quia vitæ fuerant magis inculpatæ, non ambitionis, aut avaritiæ, aut invidiæ pessimis affectibus capti, quibus sequentes ætates plus nimio sunt delibutæ. Temporis, quòd Apostolis viciniore, quando ut infantia major, ita major innocentia Theologiæ, & per hoc à nobis, progenie incantâ, hoc nomine adeò venerandi, ut sine donorum Dei injuria ipsorum testimonia non possunt despici, aut lectio interdici. Denique Loci & Officii, quia sanctissimi ut plurimum Episcopi fuerunt, *Ecclesiæ oculi*, ut Origenes; *πρωτεύων & ἀληθινός*, ut Nazian. in Apologia loquitur; qui mundum Dei notitiâ repleverunt, Ecclesiam doctrinæ fontibus rigarunt, & infidelium turbam, retia salutis expandentes, Disciplina Christi subjecerunt. Quòd si per tempus liceret huic me pelago committere, & quotquot uspiam sparsim exstant laudis cognomina in unum fasciculum colligare, non deesset, opinor, præconiorum seges amplissima ex ipsis Patribus petenda: sive ex illo Theodoret, qui Ephræmum Syrum *Spiritus Sancti lyram sonoram*; sive illo Paulini, qui S. Augustinum *fistulam aque vivæ, & venam fontis æterni* appellavit; sive ex illo Greg. Nazianzeni, qui S. Athanasium *μεγαλὸν αἰνέσιον & ἀληθινόν, magnam veritatis tubam*; sive ex Greg. Nysseni altero, qui S. Basilium *τὸ μέγα πνεῦμα & ἀληθινόν, & τὸ δογματικὸν χρυσὸν ἀνδρῶν, magnum veritatis vas, aureamque doctrinæ lusciniam*, metitissimò dixerit: Verum deest mihi spatium ista prosequendi, insuper & facultas; cum nemo eos pro dignitate laudare possit, nisi cyatho Thamisin aut totum Britannicum mare exhaurire velit. Satis me huic parti fecisse puto, si vel tantillum pectora vestra ad hæc sublimia studia his verborum facibus accendero. Est

Campion. Rat.
Costerus præfat.
Enchir. Ant.
tit. 9.
l. de Christo;
c. 10.
Can. in locum.

de Div. Le 7.
c. 19.

in Math. 23.

enim hic tertius modus *Nova* cum *veteribus*, extrema cum primis consociandi, si lectionis multiplicis satellitio adjuti, hoc unum Religioni officium præstiterimus, ut pateat aliis, quod semper eadem & vixerit & floruerit fides per utriusque, tum præsentis tum præteriti, seculi memoriam. Verum non est cuiusvis hoc facere, aut huc pervenire. Huc non perveniunt Hæretici, dicente Chrysostomo, qui *quia vetera non tenent, nova credere non possunt; & quia nova non habent, veteribus penitus carent*: ταῦτα γὰρ ἀλλήλων συνδέονται & συμπλέκονται. Huc non perveniunt præcocia illa ingeniola, de quibus S. Greg. Nazianzenus conqueritur, Apologet. Or. 1. qui prius ferè quàm primam comam abjecerint, puerilique more balbutire desierint, priusquam Sacrorum Librorum vel nomina ipsa noverint aut authores cognitos habuerint, si duo aut tria pia verba edidicerint, eaque non ex lectione, sed auditione solà hausta, statim sapientes & magistros, & in Divinis rebus sublimes, & Scribarum ac Legisperitorum primos se esse gloriantur: cùm tamen nè hæcenus quidem sapiant, ut inscitiam suam cognitam habeant, nec tam propè perveniant, ut distantiam suam à vera eruditione persentiscant. At novi è vobis plurimos huc pervenisse, atque anhelare alios. Maçte igitur, ut excerptis è thesauris temporum quibuscunque, sive *novis* sive *veteribus*, & in horreum Dominicum comportatis, non solùm fidelis servi, sed eruditæ Scribæ nomen honorémque mereamini, qui de ærario profert hæc *nova & vetera*.

Et verborum interpretationi ista jam possunt sufficere, Declamatoriè magis quàm Dogmaticè dicta. Nunc missâ hæc fusâ camporum planitie distinctiùs agamus. Ex supradictis unica est quæ resultat Propositio, Tractatori Sacro, vel Scribæ Evangelico, inprimis necessarium fore, ut in Scriptis tam veterum quàm recentiorum versatissimum se præbeat, quò possit utrinque fidei Dogmata vel firmiùs stabilire, vel distinctiùs explicare. Hæc totius negotii radix, ex qua Quæstionum rami quamplurimi mox suboriuntur, De *veterum novorumque* lectione & usu, etiam & autoritate in Theologiæ Dogmatibus. Quæ omnia ut ordinatiùs disponam, ad duo jam Capita revocabo; De *novis & veteribus* respectu Personarum, & De *novis & veteribus* respectu Rerum.

In *vetustate & novitate* Personarum, quatuor sunt discutienda.

Primum, Quæ utriusque Natura & Definitio.

Secundum, Quæ Cautelæ regulæque in utrisque observandæ.

Tertium, Quæ Scriptorum *novorum & veterum* in Fidei definitionibus vis atque autoritas.

Quartum, Quàm iniquæ Pontificiorum in Orthodoxos calumniæ circa utrumque.

In *vetustate & novitate* Rerum ipsarum quinque sunt expendenda.

Primum, In quantum & quo modo Antiquitas subserviat veritati.

Secundum, In quantum Novitas præjudicet.

Tertium, Vetustas quid addat Errori.

Quartum, An Pontificii ritè Antiquitatem sibi vendicent.

Quintum, An nobis justè obijciant Novitatem.

Non unius diei opus est ea singula percurrere; sed à primo tamen Capite hodie ordiendum est, quia Quæstio est introductoria ad reliquas quæ sequuntur. Sunt autem ipsius partes duæ:

Prima, Qui termini definitionis *Veterum & Novorum* statuendi; &

Secunda, Quæ sit ratio nominis, quò Veteres *Patres* appellentur.

Prima pars Disquisitionis est de Terminis, nimirum, Quæ sit *Veterum* atque *Novorum* legitima Definitio, qui limites terminique statuendi. Nam

fi

si ex postremi solius seculi intuitu meriamur hæc invicem, & eos solos *novos* aut *neotericos* dicamus qui præsentī aut novissimè effluxo seculo floruerint, immensa erit Antiquorum latitudo, vixque ullis cancellis circumscribenda: & tamen huc usque Greg. de Valentia Antiquitatis suæ lineas & Patrum ætatem protendit, usque ad nostra tempora, l.8. c.8, p.90. *Doctores sunt quos jam inde à temporibus Apostolorum variis ætatibus Ecclesia tanquam Patres venerata est ac fidei magistros*; & Jodocus Coccius, usque ad quintumdecimum seculum, usque ad Thomæ Campensis, & Aenæ Sylvii, & Dionysii Carthusiani, & Pelbarti etiam atque Caroli Bovilli & nomina & tempora; atque in Thesauri frontispicio eos omnes ad Patrum Latinorum Catalogum indiscriminatim reducit, audacter nescio magis an ridiculè. Etenim vel ipsi judicent, quæ erit reverentia aut honor Patrum antiquorum, quæ canitiei vel in argumento probabili verecundia, si summa imis confundamus, parique amplexu hesternos atque primævos recipiamus. Sunt igitur alii qui intra millesimum annum angustius multò contrahunt; ut illi qui à temporibus Apostolorum ad annum Christi millesimum vixerunt, & Scripturam interpretati sunt, *Patres* sive *Ecclesiastici Doctores* vocentur. Atque hæc ratione distinguunt à Doctoribus Ecclesiæ succedentium temporum, qui *Scholastica*, ut vocant, *Theologia* operam suam impenderunt. Adhuc angustius Scultetus, in Aphorismis, De fructuosa lectione Patrum, ab istis rationibus ducentos annos subducit; *Patres*, inquit, *hodie vocantur Doctores Ecclesiæ, qui à temporibus Apostolorum ad annum Christi octingentesimum vixerunt, & interpretati sunt Sacram Scripturam*. Juellus noster, pietate atque eruditione clarissimus, adhuc ducentos alios abscindit ab hoc Sculteti calculo, cum ad Patrum authoritatem Pontificios provocavit, non est egressus sexcentorum à Christo nato annorum limites, quibus probari posse negavit authoritate Patrum receptos fuisse eos Articulos in quibus rei Christianæ Summæ Pontificii constituunt. Postremò, Barth. Keckermannus, l.3. System. Log. c.7. ducentos plus minùs annos adhuc amputat, & tantum quadringentorum (quòdque excurrit) annorum spatium eis decurrendum largitur. *Desinit*, inquit, *Patrum ætas cum temporibus penè Augustini*; *ibi enim Ecclesia non ampliùs, ut Eusebius testatur, Virgo mansit, cum postea ab humanis traditionibus vitium acceperit*. Hæc ille. Atque revera non video cur alicui displiceat viri doctissimi definitio hæc; non enim breve spatium, aut exiguum annorum cursum præsinivit. Sed quia Honores sunt ampliandi, mallem ego illustrissimi Episcopi Juelli vestigiis insistere, qui liberalius egit, & sex priorum seculorum Doctoribus Orthodoxis Veterum Patrum titulum ascribit. Neque id inconsultò, quia in hoc temporis ambitu & illa generalia celeberrima Concilia habita fuerunt, & omnes illi insignes Doctores floruerunt.

Hæc supputatione factâ, tres erunt Scriptorum ordines constituendi, Veteres, Intermedii, Recentiores. Illi, ab Apostolorum temporibus ad Gregorium Magnum; Isti, à Gregorio ad Petrum Lombardum; Hi, à Lombardo ad usque nostra tempora. Primi illi per eminentiam *Patres* dicti, quia purioris doctrinæ mulsam & hauserunt & propinarunt. Intermedii, quamvis multa habeant communia cum primis, at quædam tamen diversa; & quamvis ex ipsis multi erant religiosiores & doctiores, at in quibusdam tamen errorum semina sparserunt; cum luce clarius sit, post annum sexcentesium doctrinæ puritatem sensim fermentatam, ipsamque Religionem deteriore factam esse, erroribus paulò altiùs pullulantibus, & Monasticarum superstitionum stipulis in Ecclesiam injectis: quod partim contigit conniventibus Episcopis & dormientibus, partim etiam bellis per aliquot

annorum centurias ubique grassantibus, adeò ut locus non fuerit aut Professoribus idoneis ut docerent, aut juventuti ut disceret. Postremi illi qui Intermedios sequuntur, utrunque ipsorum aliqui melioris & antiquioris notæ fuerant, & cæteris perspicaciores, & meritò ob acuminis & eruditionis laudem *Scholastici* dicti: at quia ex ipsis plurimi Monastica Superstitioni barbariem atque inutiles argutias apposuerunt, & relictis Sacris Scripturis sinceriorem Theologiam ingenii sui facibus contaminarunt, atque tyrannidi Pontificiæ Sophisticam addiderunt, alteram, eamque dignissimam, Sanctæ Cathedræ columnam, idcirco ad Novitiorum potiùs quàm Veterum classem meritò sunt rejiciendi. Sunt enim,* (non de omnibus, sed de plurimis loquor) sunt, inquam, genus hominum æquivocum, ex vitiorum virtutumque inæquabili mistura compositum, ut revera quid sint dictu sit difficillimum. Ex Acumine & Audacia videas eos compositos, dum de rebus arcanis & adorandis ore impuro sæpissime loquuntur; deinde, ex Superstitione & Veritate, ut rectissimè Lutherus dixerit, *Scholasticam Theologiam falsam esse Scripturæ & Sacramentorum intelligentiam*; adhuc, ex Philosophia & Theologia, cujus utriusque adulterata permissio peperit Scholasticam; adeò ex duobus non satis integris factum est unum corruptum; porrò, ex Christo & Antichristo, vel, ut Longolius, *ex Aristotele & Christo*, idque tam iniquo discrimine, ut Aristoteles sit caput & vertex, Christus vix crurum aut etiam pedum munus habeat; denique, ex Antiquitate & Novitate, ut in alterutra vix locus jam ipsis relinquatur in duabus sellis sedentibus. Atque sic habetis aliquando scriptores singulos in certas suâsque, prout commodè fieri possit, Classes distributos, Veteres, Intermedios, Novos; vel Patres, Posteriores, Nuperos. Sunt tria gênera: quòd si ad duo magis placeat revocare, vix aliis potest vocibus comprehendere, quàm duabus illis super quas præfens Disputatio vertitur, dicendo, Vetustiores & Recentiores; vel, Patres, Patrûmque Nepotes; legitimos, an spurios & degeneres, nunc non contendo. Et Patrum quidem ætas ad sex priorum seculorum fines sese exporrigit; Nepotum sive recentiorum, à sexcentesimo anno usque ad nostrum seculum.

Hanc ego maximè idoneam partitionem esse duco, quæ in duplicem longitudinem diffinditur; quia religio est aut distinguenda confundere, aut dissimilia miscere. Non quòd sim nescius floruisse aliquos post sexcentesium annum venerandi nominis clarissima Capita, Isidorum Hispalensem, Bedam, Damascenum, Rabanum, Theophylactum, Oecumenium, & non ultimæ devotionis eruditionisque Bernardum: sed pauci non præjudicant necessariæ distributioni. In prioribus & Antiquitas major, & Sanctitas niti-dior, & Eruditio clarior, & Veritas incorruptior eminebat; quæ quatuor ad Patris Ecclesiastici definitionem sunt exigenda. Verùm post annum sexcentesium deflorescere cœperunt hæc singula; prorsus quasi ad staturam hominis Patrum respublica composita fuisset. Nam de mensura corporis, Gell. l. 3. c. 10. observat, modum summum adolescendi humani corporis esse septem pedes: similiter, ætatis Patrum modus summus in septimi Seculi limine est statuendus, ut illorum Seculorum Doctores *Patres conscriptos*, vel, si placet, *Patres patratos* liceat dicere; hosce alteros respectu istorum non tam *Patres*, quàm *Paterculos*. Hæc vera Antiquitatis post Apostolorum tempora mensura; quam qui secum juxtà consentientem habet, is certo certius Antiquitatem habet, quamvis *Lutheri filius* audiat: qui non habet, is Novitatis arguendus, quamvis Evandri matrem ore suo volvat millies atque revolvat. Atque hæc de prima Disquisitionis parte, Qui Termini defi-nitionis.

Secunda

Orat. ad Luth-
erum.

Secunda superest, ut videamus Quæ ratio Nominis. A duobus autem fontibus peti Nominis ratio potest, & à nominis Analogia, & à Consuetudine loquendi.

A nominis Analogia consuetudo loquendi orta est, ut *Patres* dicerentur non minùs secundum Spiritum quàm secundum carnem; nec cognationis modò respectu, sed ætatis & virtutis. Sic apud Romanos Senatores *Patres* dicti propter ætatis & authoritatis prærogativam. Idem & à Christianis factum, non solum erga eos à quibus carnalem trahebant originem, sed erga alios complures, quos illis vel ætas, vel potestas, vel eminent doctrina commendabat, & à quorum pendebant disciplina. Eo sensu in Veteri Testamento Prophetæ *Patres* dicti, & Prophetarum discipuli *Filii Prophetarum*. Eo sensu Sanctum Paulum Gr. Nazianzenus, orat. de Sancto Basilio, & οἱ πατέρες πάντων καλῶς appellat, totius orbis Patrem; & seipsum S. Paulus, 1 Cor. 4. modo quodam eminentiori, seipsum, inquam, *Corinthiorum patrem* vocat: quia non solum Præceptor eorum aut Pædagogus in Christo fuerat, sed primus qui inter eos fidei fundamenta jecerat; In *Jesu Christo*, inquit, ego vos genui per Evangelium, vers. 15. Eodem sensu in Novo Test. Sancti Sacerdotesque Veteris *Patres* sæpius dicuntur; nec non & *Novi Testamenti Ministri*, præcipuè Apostoli, *Patres Patrum* (utrunque hoc nomen ad alios Episcopos reverentia aurium postea transtulerit) soli dicendi, ut qui ex Dei certa revelatione primi fuerint Ecclesiarum Architecti, & Doctrinæ propagatores. Eodem sensu & reliqui Ecclesiæ Doctores, qui Apostolos proximè sequuti sunt, usus etiam invaluit ut in Ecclesia *Patres* dicerentur; live ætatem spectes, quâ multis annorum centuriis tempora nostra præcesserunt; sive doctrinam, quam Divino gurgite & suis inculcarunt, & posteris transmisserunt, relictis post se non paucis pietatis & eruditionis suæ monumentis. Hæc antiquorum lingua, hic loquendi modus omnibus seculis communis, ut *Patres* Episcopi Orthodoxi dicerentur. Hoc stylo Concilia omnia consignata sunt, *Canones trecentorum & octo Patrum Nicæa coactorum, & Canones Sanctorum Patrum qui Constantinopoli conveniunt*. Hoc stylo exaratae sunt solenniores Doctorem in Conciliis Protestationes Confessionesque, ut facile patebit si Exemplaria consulamus. In Concilio Chalcedonensi lectâ Cyrilli Epistolâ, totius Synodi vox erat, *Omnes ita credimus, Orthodoxi ita credimus; Hæc Patrum fides, hæc Apostolorum fides*. In Concilio Constantinopolitano loquendi formula similis servata; *Agnoscamus fidem ab Apostolis traditam*, &c. Præterea & trecentorum atque octo Patrum qui Nicææ conveniunt sub Constantino adversus impium Arium. Dein & Actione alterâ, *Super hac sequimur per omnia & Sanctos Patres, & Doctores Ecclesiæ, Athanasium, Hilarium, Basilium, Gregorium Theologum, & Greg. Nyssenum, Ambrosium, Augustinum, Theophilum, Joannem Constantinopolitanum, Cyrillum, Leonem, Proclum*. Hoc stylo Eusebius utitur, cùm de Polycarpo loquitur, l. 4. c. 15. *Ex electorum numero Polycarpus erat, διδασκαλὸς Ἀποστολικὸς & περὶ πάντων, & ipso infidelium elogio, ὁ πᾶσι τῷ Χριστιανῶν*. Eodem & S. Basilius de Gregorio Thaumaturgo, Ep. 75. ad Neocæsarianos; *Sunt iidem & nobis & vobis Doctores mysteriorum, & πατέρες ὑμῶν; Gregorium dico priscum illum, & quotquot post ipsum Episcopalem apud vos sedem susceperunt, οἱ ὡς περ τῷ ἀσέπῳ, &c. qui instar astrorum exorti, iidem ingressi sunt vestigia*. Eodem & S. Cyrillus de B. Athanasio, Ep. 1. *Celebris memoria Pater noster Athanasius, qui loquacibus impiorum Hæreticorum nugis inexpugnabili quadam & Apostolicâ prudentiâ restitit, quæque fragrantissimo quodam unguento ipsum calum scriptis suis exhibaravit*. Eodem & S. Augustinus, Ser. 218. de Tempore, *Sunt in Ecclesia lapides pretiosi,*

Concil. tom. 2.
p. 2. p. 54. col. 1.

pretiosi, & semper fuerunt, docti scilicet, abundantes scientiâ & eloquentiâ, & omni instructione Legû. De ipsis fuit Cyprianus, de ipsis Ambrosius, & ceteri eorum similes. Hæc Augustinus de iis qui ante se. Nos eadem de ipso Augustino, quia in circulum tempora redeunt, ut qui priscorum Patrum filii fuere sint subsequendum Patres. Ex eodem fonte manavit & alius loquendi mos, ex quo, sed idiomate alio, Episcopos, eos potissimum quorum erat præter reliquos eximia dignitas, *Papæ* vocarent: quod nomen ut simile sonat, ita idem prorsus significat cum *Patræ* nomine. Sic Anacletum Ignatius, in Epistola ad Mariam Cassoboliten, si modò non sit supposititia, *παρὰ τοῦ μακαρίου Πατρὸς Ἀνακλήτου*, cùm Roma esses apud beatum Papam Anacletum. Sic Epistolâ tertiâ inter Epistolas Cypriani, Clerus Romanus Cyprianum, *Didicimus secessisse B. Papam Cyprianum*. Sic Episcopum suum Alexandrini in Synodo Seleuciæ, apud Athanasium, *μακαρίῳ Πατρὶ ἐπισκόπῳ ἡμῶν Ἀλεξανδρῶν*. Sic eundem Athanasium Epiphanius, Hær. 77. *ὁ μακαρίτης Πάπᾱ Ἀθανάσιος*. Sic Symboli expositionem Rufinus inchoat, *Mihi quidem, fidelissime Papa Laurenti*. Sic in Epistolis Hieronymus Augustinum, & in Epistolis suis, Ep. 24. Augustinus Ambrosium, & Ep. 67. Aurelium, *Papam* vocat. Et nẽ omnes curiosius colligam in re certa atque perspicua, Sidonius in Epistolis nullum Episcopum non *Papam* vocat: atque plura præterea recentioris notæ exempla, ad minimum decem, Joan. Savaro collegit, in primam Sidonii Epistolam libri sexti, docens *Papæ* nomen veteribus usitatissimum esse pro Episcopo. Adhuc & Onuphrius, Additionibus ad Platinam, in vita Bonifacii tertii, commune omnibus nomen docet esse Episcopis, & omnibus Clericis atque Presbyteris, Walafridus Strabo de Rebus Ecclesiasticis, c. 7. & Lindanus, Panopliæ l. 4. c. 80. Quare autem hoc? quia erat paternitatis cuiusdam nomen, ut loco citato Strabo loquitur.

Ex quibus omnibus instantiis, quasi per seriem temporum ductis, Disquisitionis pars altera satis jam clara redditur, de Nominis ratione, Quod iustissimis de causis Scriptores primi Ecclesiastici *Sanctorum patrum* nomine sint & commendati & cogniti: adeoque de prima Quæstione satis abundeque diximus, Quæ novorum & veterum Natura sit atque Definitio, quæ ratio Nominis, qui Definitionis limites terminique statuendi. De Cautelis & Regulis in utrisque legendis die proximo agendum esset: sed video idoneum fore, ut qui in præsentī authoribus, nunc mihimetipsi metas præscribam. Indulturos vos huic audaciæ spero, si negotiis aliis obrutus, vobis ex composito diem proximum subduxero, & ut apertius dicam, suffuratus fuero, hanc præsertim præfatione veniæ præfixâ: cùm revera computatis computandis, ad forensē Terminum magis quàm ad Theologicum dies præsentis proxima sit referenda. Interea pro communi vestrum omnium salute & incolumitate vota nuncupanti, hæc præmonuisse sufficiat.

LECTIO XXXVI.

DE *veteribus & novis* Ecclesiasticis eodem die quo cœpta temporis injuriâ amputata est disputatio; atque id nimis infelicitè, nisi ex iisdem principiis nunc remedium occurreret, dum eadem præterlabentis temporis ala quæ viam priùs interclusit, nunc tandem talionis Læge ampliorem rependit aditum progrediendi. Neque hoc vos fugit, Auditores, quàm meritò Temporis filiam Veritatem antiqui dixerint: non quòd à Temporis utero prodire posse Divinam hanc sobolem putarint, quæ sua Deo soli debet Natalitia; nec quòd ex usu & consuetudine Temporum Veritatis mensuram petendam esse arbitrati fuerint, quàm ab Ente primo & Divina rerum intelligentia provenire fatebantur: sed quòd eam Temporis profectus è tenebris in lucem eliciat, neque in occulto sinat delitescere. Atque has quidem vices vel ipsam Temporis rationem Veritati præstare non est inficiandum: sive fortuitò diutius lateat, Temporis beneficio è situ eruitur; sive malis hostium artibus supprimatur, Temporis adjutorio convalescit proceditque in medium; sive angustias aliquas patiat, quòd minùs se possit latiùs diffundere, Temporis ministerio hoc obtinet, ut de integro se restaurare possit, & progressus suos, si quid intermissum fuerit, restituere: adeoque si non pro Parente, at saltem pro Ancilla Veritatis Tempus est habendum, cùm & docendæ, & discendæ; & enucleandæ, & dilatandæ Veritati inserviat. Et nobis præterea facultatem non inopportunam suppeditat exorsam celeberrimi Argumenti telam absolvendi. Quod ut explicatiùs fiat, pergamus, si placeat, ad instituti nostri partem postremam, in qua de insigni Fructu & Emolumento maximo è Veterum Recentiorumque scriptis juxta se positis hauriendo agendum erat.

Propositio fundamentalis, totius negotii radix, hæc fuit; Scribæ Evangelico inprimis necessarium fore, ut in utriusque ætatis Scriptoribus volendis versatissimum se præbeat, quòd possit utrinque Fidei & Religionis dogmata vel distinctiùs explicare, vel firmiùs stabilire.

Ex hac radice rami qui subnascuntur quamplurimi sunt, De Patrum & Neotericorum jugi lectione; De Usu etiam & Autoritate in Theologiæ dogmatibus pertractandis. Quæ omnia; ut ordinatiùs disponerem, ad duo Capita revocavi; De Novis & Veteribus respectu Personarum, & De Novis ac Veteribus respectu Rerum.

In vetustate & novitate Personarum quatuor discutienda proposui, Primum, Quæ utriusque Natura & Definitio; Secundum, Quæ Cautelæ regulæque in utrisque observandæ; Tertium, Quæ utriusque in Fidei definitionibus vera vis atque autoritas; Quartum, Quàm iniquæ Pontificiorum in Orthodoxos calumniæ circa utrosque. Atque istarum prima solummodo Quæstio ad exitum deducta est: in qua, pro modulo nostro, satis demonstratum existimo, Qui ætatis Patrum cancelli statuendi; Quæ ratio Nominis; Quæ Proprietates definitivæ; Quæ causæ reliquos omnes post ipsos pro Recentioribus habendi.

Secunda nunc Quæstio aggredienda est, ut videamus, si fieri possit, quæ Regulæ Cautelæque in utrisque legendis potissimum observandæ. De potissimis dico; nam omnes & singulas quis valet recensere? Perutile quidem est & necessarium, ut ad lectionem ipsorum accessurus præparatum animum secum ferat, & sciat quid in singulis sit præcipuum & quasi emineat; nec non

non qui cavendi sunt scopuli in illis locis ubi vel parum dextrè vel minùs commodè locuti sunt. Sed efflagitat hæc res non tantùm infinitæ lectionis, sed præcipuè singularis cujusdam judicii virum, Antistitem aliquem aut signiferum, cui quasi in conspectu sit forma doctrinæ in Ecclesia omnium temporum, quique in numero habeat paragraphos quosque quorumcunque Scriptorum. Ab aliis igitur petenda est ejusmodi speculatio. Sed quoniam ita comparatum est, ut absque insigni Quæstionis injuria à me præteriri non possit, vobis expromere non dubitabo quid possit hac in re tenuitas nostra; satis esse existimans, si primitias tantùm, & quasi libamenta dederò.

De Neotericiis cura primâ & hodierna agenda est; de Patribus proxima. Et ad Patrum quidem curam Regulæ plures pertinent; ad Neoterico- rum pauciores, quia omnes sunt positi ante oculos, & in usu quotidiano collocati. Tres igitur Regulæ sufficiunt.

Regula prima hæc sit; A Recentioribus primus Theologiæ gustus est hauriendus, eò quòd in rudimentis ponendis illi quàm maxime sudarunt, & tyrocinii primi captui scripta sua magis attemperata reddiderunt; ut per ipsorum pedagogiam ad Patrum eruditum pulverem nos præpararent, nè nudi & jejuni illaberemur in hæc studia, nullâ cognitione præviâ, nullâ Theologiâ ornati. Non enim ea est incipientium judicii acies, ut Patrum scripta, qui multa *ὑποκρίσεις* & subobscurè enarrant, absque lumine prævio Sacræ Scripturæ, à Neotericiis dilucidius explicatæ, utiliter possint ad suam institutionem applicare. Quocirca his adjumentis necessariò via est munienda. Quod de Judæis Greg. Naz. in Apolog. & Hieronymus in Præfat. in libros Ezechielis observarunt, Viguisse apud eos antiquitus laudabilem illam consuetudinem, ut non omni ætati omnis Scriptura legenda committeretur: verùm ut singuli à primis Geneseos capitibus, & Cantico Canticorum, & exordio ac fine Ezechielis detinerentur usque ad vigesimum quintum ætatis annum, inquit Nazianzenus; usque ad tricesimum annum, h. e. ætatem Sacerdotalis Ministerii, inquit Hieronymus; ut ad plenitudinem scientiæ non nisi per plenitudinem humanæ naturæ ascenderent. Quòd si eandem quis sibi Traditionem in Sanctorum Patrum scriptis legendis imposuerit, non multum à scopo distabit. Quod ipsum in Re cibaria videre est, atque in Disciplina militari. Quis enim nescit edulia fortia firmiori stomacho non nocere, in imbecilli coacescere? Similiter & in acie instruenda, non quivis è gregariis militibus, qui sæpe in pugna timidi sunt, sæpe inexperti, aptus est ad ducendum aciem, aut flectenda cornua, aut vexilla ferenda, aut muros scalis transcendendos; sed Veteranorum & strenuissimorum fidei solent hæc officia duces committere. Neque alia in Theologiæ studio ordinis ratio est figenda. *Ἀπὸ τῶν νεωτέρων ἀρχίζον*, ut inquit Philosophus, à *recentioribus semper est exordium*; & ab iis quæ sunt *τὰ πρῶτα καὶ γνωστότερα*, & *τὰ ἐγγύτερα τὴν αἰσθήσιν*, & nobis notiora, & propiora sensibus; cujusmodi sunt hæc nostra scripta cōstantia. Non quòd existimem quicquam, quoad fidei substantiam atque medullam, aut dictum aut scriptum à Recentioribus esse, quod non sit priùs & melius dictum aut scriptum à Patribus Orthodoxis: sed quòd uberius & clarius Commentatores nostri Veterum Interpretationum obscuritatem ita illustrarunt, ut si quis per hos ad illos aditum sibi ordinatè præparet, & utrosque prudenter inter se conferat, facilius se ab omni hæsitazione expedire possit. Et illud quidem non invitus concedo, Recentiores Patribus & eruditione & sanctitate impares esse, atque ab ipsorum plenitudine multis distare parasangis: sed tamen ad difficiliora per faciliora ducendus est animus, & per conterminos gradus ad montium summitates. Ergò præferendi sunt progrediendi ordine, qui ætate & laude longè

Arist. Ethic.

1.^a.
Posterior. l. 1. c. 2.

longè postponuntur, idque absque omni Sanctorum Patrum injuria, cum vel ipsa experientia doceat, quòd nutrix agrestis, nullisque bonarum artium adminiculis fulta, ad prima vernaculi sermonis elementa condocere infantem citius norit balbutiendo & fabulando, quàm præceptis & influtis suis omnibus peritissimi docendi magistri: Sic se res habet in Theologia, ad infantiam formandam aptiores Neoterici, Patres ad provectiorem ætatem firmandam, illi ad introitum, hi ad exitum Theologiæ: propterea & Neotericis labor primus est impendendus, & ab iis principia ducenda. Hæc prima Regula.

Regula secunda hæc est; Utunque à Recentioribus prima studio-
rum fila trahenda, at in ipsorum scriptis non oportet fenescere, nec
in omnia & singula ipsorum volumina falcem nostram immittere; tum
quia inutilis, tum quia infiniti laboris esset. Illud taceo, quod in-
finiti, cum nullius hominis ætas sufficiat iis omnibus obiter tantum
perlufrandis, nè dicam legendis: quod si sufficeret, maioris mo-
menti est illud alterum, quod inutilis esset labor, & non est sapien-
tis niti in supervacuum; verum in lectione multorum *suspendere spiri-
tum* debet, ut Quintilianus loquitur, nè actum agat, & lectum legat;
cum revera universos habeat qui paucos, eosque optimos, ha-
buerit. Apud ceteros nihil utilitatis est quam furtivâ suppellectile
gloriari, atque non sententias modò, sed paginas integras ex aliis ali-
os supplare, Pontificios è Pontificiis, Pontificios è nostris, oblitos
legis veteris, *Sacrum qui clepsit raptisque parricida esto*. Atque nè
quis per calumniam hoc dictum putet, Summistas consulat, appon-
nat scripta scriptis, dicatque an non sit pervulgatum & quotidianum.
Sylvestrum, Reginaldum, Filiucium, Zeccium non persequor, minu-
ti sunt atque pusilli; cum & ipsis athleticis nimis sit familiare, Me-
dinam dico, Loricam, Valentianum, & reliqua Senatûs Scholastici ve-
neranda Capita. Repeto adhuc altius ab ipso Thoma Aquinate,
qui magnam partem 1^æ 2^æ, & 2^æ 2^æ, è tertio libro Speculi Mor-
alis Vincentii Bellovacensis clanculum mutuatus est; neque in ex-
cusationem facti aliquid sibi occurrere dicit Bellarminus, nisi hoc
unicum, Speculum illud Morale fortasse non fuisse Vincentii. Ad-
huc altius repeto ab ipso Petro Lombardo, qui reliquorum Pa-
ter atque Magister, & quasi Jovis statua, Patrum compilavit sen-
tentias, & in quatuor libros divisit: & tamen hic ipsissimus reli-
quorum Magister per totos quatuor libros Baudini vigiliis usus est,
quod & Joannes Eckius observavit; *Baudinum*, inquit, *aut ni-
hil aut perparum à Petro Longobardo differre comperio: ita singulas
sententias, eo etiam ordine quo Magister, doctissime prosequitur. Con-
sulis librum libro non uno in loco, ut mihi dubitatio suborta sit non
modica, quis ex eis cuculus fuerit, alienum sibi supponens partum, cum
in dubio sit uter sit verusior*. Imò verò ego asserere non dubito,
& Baudinum antiquiorem fuisse, & è Baudino Lombardum sua trans-
scripsisse: & quia veritatis fontem purissimum cœno Quæstionum
Baudinus minus conturbavit; & quia de Confirmatione Petrus in
suo quarto libro nonnihil disputat, Baudinus nihil omnino, quod
certè fecisset si Lombardum abbreviasset; & denique quia Gratia-
num, qui Decreta Romanorum Pontificum in unum volumen con-
gessit, ab Isidoro Hispalensi totam farraginem furatum esse, ve-
rissimè est, attestante id F. Benedicto Chelidonio, qui librum

illum Isidori; Synodales Constitutiones & Patrum sententias continentem, in Monasterio quodam Turingæ servari asserit. Erat autem Lombardus Gratiani frater, uterque, ut dicitur, spurius, uterque è pellice Monacha natus. Et vide mysterium, uterque scædus cum esset adulterinus, uterque libros adulterinos ediderunt, ille è nido Isidori, hic è nido Baudini: prorsus quasi ex composito se furto huic literario devovissent, ut supposititiæ originis memoriam posteritati saltem in libris suis transmitterent. Possum istis, idque nullo negotio, multos alios attexere, eosque authores palmarios; Gabrielem, qui ex Occhamo, Brulserum, qui ex Bonaventura, Gul. Worlōng, qui ex Capreolo sua singuli libarunt. Atque huic fortasse crimini venia atque impunitas danda esset, si Pontificii Pontificiorum; verum quis demum erit color, aut quæ depulsio criminis, si Pontificii Protestantium scripta prædentur? Videamus etiam & hoc, annon possint in furto manifestario deprehendi Petrus Bulengerus, Antonius Possevinus, Claudius Guillandus: neque enim plures vobis produco quàm quos cursim animadversione propria vestigiis sum odoratus, & sua usque ad cubilia securus. Ipsorum primus est Petrus Bulengerus: is Scholiorum libros septem scripsit in Apocalypsin D. Joannis, atque in præfatione ad Henricum Lotharingum, nostros scriptores asserit impus suis commentis librum Apocalypseos contaminasse: & tamen hic ipse Petrus Bulengerus ex Henrici Bullingeri in eandem Apocalypsin Commentarius quamplurima sparsim suo scripto interfert; ductus nescio an magis pietate operis, an cognatione nominis; Bulengeri & Bullingeri; ut quibus commune nomen, communes essent lucubrations, literamque quæ deesset nomini integrarum clausularum rapru suppleret. Hoc non fecisset, opinor, si ad nominis societatem breviorē viam alteram perspexisset: nam adde, quæ est furti poena, literam, & Bulengerus erit Bullingerus. Hic primus esto.

Alter est Antonius Possevinus Jesuita, qui librum integrum, Cyprianum redivivum, à Thoma Jamieso Oxoniensi multo labore & sudore exaratum, in Apparatus sui tomum primum astutè transposuit, laudem ipsius sibi insolenter adsciscendo, nullā mentione factā authoris, nullā factā mutatione operis, nisi tituli verbo uno aut altero prætermisso: Dignum non ferulā, sed furcā, facinus, nisi Gretseri calamo vapulasset, & in altera sui Apparatus editione palinodiam cecinisset. Hic sit secundus.

Tertius est Claudius Guillandus, Doctor Theologiæ, qui longissimum in S. Matthæum edidit Commentarium, nec non in Evangelium S. Joannis, & in omnes S. Pauli Epistolas, opus judicio Possévini eruditum, pressum, elegans. Et quidem quid in istis fecerit mēdis refert: at verò in Matthæum Commentarius totus ex opere Wolfgangi Musculi in Matthæum est edolatus, vix decimā aut vigesimā quaque lineā discrepante. Quod cum primū animadverterim, diu hæsitavi, dubius animi, utrū Musculum Guillandus, an Guillandum Musculus furcis suis lacerasset, atque medullitus optavi ut apud Pontificium magis quàm Orthodoxum viscata hæc dextra inveniretur. Sed re penitus introspectā, reum sentio peragendum esse Guillandum, absolvendum Musculum: nam Musculi opus impressum est Basileæ anno 1544. Guillandi verò opus non scriptum nisi anno 1546, ut ipse

ipse de se testatur, in cap. 7. Matth. fol. 174: non impressum autem usque ad annum 1562. hoc est, duodeviginti annos post editum Musculum. Sit igitur iste tertius & ultimus Pontificiorum qui hujus criminis pudori se subjecerunt. De duobus aliis Pontificiis id ipsum eruditissimus Raynoldus observavit; Fabritio Boderiano, qui versionem Testamenti Syriaci à Tremellii manibus furtim extorsit, atque fratre Villavincenzio, qui libros De ratione studii Theologici ex erudito Hyperii opere compilavit. Exquirant alii alios; nam non desunt complures etiam à nostris qui alienis scriptis debitam gloriam in suam transmovent: quorum nominibus parco, quia hanc fecerunt injuriam Protestantes Protestantibus; quod tolerabilius multò quàm si Protestantes Pontificiis fecissent; sicut ipsi nobis. Indulgebunt fortasse Israelitæ Israelitis præsumptam hanc officiosæ fraudis operam; Israelitæ Ægyptiis non item: vix enim intelligo an possit aliquid ipsis magis indignum facinus excogitari, quàm ut Pontificii à Protestantibus paginas suas dictarent; Catholici ab hæreticis, quos Judæis, quos Turcis ipsis deteriores & damnabiliores pronunciant. Quid igitur restat quàm ut ab Alcorano & Talmudo dehinc Tractatus integros suffrentur, quos pro suis ipsorum opusculis ad nominis gloriam captandam Orbi venditent Christiano? Utcunque se res habeat, secundæ Regulæ confirmationi abunde inservit, Quòd non est nobis in volvendis omnium Recentiorum scriptis diutius æquo immorandum: non modò quia nimis immensi, sed etiam quia superforanei laboris esset; cùm sæpius alii aliis operam furtivam & tralatitiam impendant. Hæc de Regula secunda.

Regula tertia hæc est; Si non immorandum omnibus, Ergò optimorum delectus necessariò est faciendus, probatorisque seligendi: ut quod Cæsar in re alia dixit, *Delectum verborum esse originem eloquentiæ*; id & Religioni maximè congruat. In delectu optimorum authorum profectum Theologiæ esse statuendum. Optimos autem cùm dico, eos intelligo qui rectà sunt de Fide sententiæ, Classicos, Orthodoxos; & inter Orthodoxos, doctissimos; & inter doctissimos, sanctissimos. Nè quis, quod moris est multorum, Pontificiis se solis legendis addicat; qui si sint eruditione pares nostris, at cùm sint sanctitate styli & fidei puritate impares, puerile est atque ridiculum istis nosmet emancipare. Equidem hoc non est optimos ad metam & fontem duces eligere, sed obvoluto capite in præruptos gurgites nos præcipitare. Ergò in delectu ad hæc tria inprimis prospiciendum est; Ut Eruditioni Scriptoris Fides Orthodoxa, Fidei Orthodoxæ Sanctitas accedat. Ad delectum in commune nescio an sit aliquid aliud quod exigatur. Quod verò ad singulas ejus partes pertinet, ut fiat delectus pulchrior, ad tria genera quoscunque Scriptores Neotericos revocare possumus, pro tribus Theologiæ partibus; Interpretativa, Polemica, Positiva. Hinc tres Scriptorum ordines oriuntur: vel enim sunt Homilitici, qui in Scripturis interpretandis; vel Eranistici, qui in Controversiis discutiendis; vel Dogmatici, qui in capitibus & mysteriis Religionis eruendis versantur. Istorum singulis ut suis esse honos usque peculiaris, ità in singulis specialis & proprius delectus est adhibendus.

Inprimis quod ad Homiliticos, inter hos illi optimi ducendi sunt qui nativum & genuinum sensum Scripturæ magis elucidant, sive sit Historicus & Literalis, sive Allegoricus & Mysticus: nam utrinque im-

pingitur, vel si quis in locis Allegoricis Mysticos sensus, tanquam fortuitas cogitationes & ad arbitrium excogitatas, prorsus despiciat; vel si in propriis & Literalibus vim inferat Divinis Oraculis, coactas & insulas Allegorias protrahens, & somnia sua venditans tanquam magna & arca fidei sacramenta. De utrisque Augustini regula tenenda est, lib. 3. De doctrina Christiana, cap. 5, 10, & 11. *Carvendum est, ne figuratam locutionem ad literam accipiamus: &, vice versâ, ne locutio propria in figuratum sensum torqueatur.* Breviter, non in legendo Scripturæ consistunt; sed in intelligendo; neque in verborum foliis, sed in radice rationis, hoc est, in sensu nativo & proprio. Est autem sensus nativus investigatio ejus rei quam Scriptura singulis locis significat, quàmque Scripturarum author Spiritus Sanctus differt & immediatè intendit. Idcirco sequitur, ut illi Interpretes optimi judicentur, qui nativum hunc & germanissimum sensum promptissimè apertissimèque patefaciunt. Qua quidem in parte absque arrogantia dici potest Protestantes Pontificiis palmam eripuisse: quia solent ut plurimum ipsorum Interpretes ἰδίῳ ἀναγνώσει, ut Oecumenius in Eph. 5. loquitur, *sermonis proprietatem evertere*, omnia ad incertitas Allegoriarum conjecturas inflectendo. Ut quod Epiphanius in Nicolaitis de Origene dixit, *Ἀλλήλοισι ὁσάκις διώκται, Allegoricè explicat quicquid potest;* & de Nicolaitis, *ταὺς καλὰς ἀρχαίας λέξεις αὐτοὶ εἰς ἰδωλοποιίας ἀναπλάττειν, quæ rectè erant dictæ voces, eas ipsi transformant in idola:* Idem & nos de ipsorum plurimis Scripturas Sacras tractantibus, eo ipsos Allegoriarum pruritu teneri, ut si vel minima occasionis rima appareat, incredibile dictu in quàm immanes & luforias formas omnia transmutent, *ὡς περ οἱ ὄντες οὐρανοὶ*, ut S. Basilii verbis utar, (Hex. hom. 9.) *quemadmodum solent somniorum interpretes, spectra qua per somnum apparent ad eum quem ipsi sibi finem proposuerunt interpretando referre.* At sunt tamen inter ipsos aliqui qui in Commenciariis suis sensui germano magis se applicant, Arboreus, Gagnæus, Espencæus, Janfenius, Catharinus, Cajetanus, Pintus, Oleaster, Istella, Montanus, Steuchius, Maldonatus, Brugenfis, Estius; in quibus possit quis & tutius & pulchrius operam suam locare. Propterea inter Homilíticos sive Interpretes delectus iste servetur, ut habeatur quisque optimus, qui sensum Spiritus Sancti in Scripturis loquentis quàm maximè caller & appositissimè explicat. Hæc Distributionis pars prima.

Pars secunda ad Eranísticos sive Polemicos prospicit, qui perplexis Fidei Controversiis studiosius attendunt. Et inter hos illi optimis æstimandi, Primò, qui in Investigatione thematicæ Statum causæ planissimè explicant, non à suis conjecturis, non ab incertis rumoribus, non à partium studiis, sed à disertis verbis Adversariorum. Secundò, qui in disputando fidem bonam præstant, & diligentiam adhibent ut argutias prodant, nodos solvant, instantias trutinant exacto sinceròque judicio, nè quid aut vafre dissimulatum, aut callidè delumbatum, aut perfidè inversum conqueri quisquam possit. Tertiò, Qui ex Scripturis ipsis strenuissimè pugnant, & in his firmamentum Causæ statuunt, militantque fortibus magis quàm fulgentibus armis, & confertis manibus norunt hostem suis telis transfodere. Quartò, qui puro quodam & placido candidòque disputandi genere utuntur, & doli mali & stomachi vacuo. Nam & hoc sæpissime contingit, quòd ubi ex opinionum dissensione, velitatio suborta est, animorum contentionē

tionem fovetur; sic inter timorem & iram Veritas evanescit, *καὶ οὕτως ἔσται ἀρνησθῆναι*, ut Phocylides loquitur: neque jam argumentis, sed dictis & jurgiis dimicant, ut non Dei causam, sed suam agere videantur. Postremo, qui curiosas & inutiles Quæstiones amputant, & id solum agunt, ut disputationes singulæ Ecclesiæ Dei sint profuturæ. Est enim hoc inprimis cognoscendum, quod inter quæstiones agitatae sit diversitas non exigua. Sunt quædam de Fide Christiana, quæ ad Religionis Principia & Fundamenta spectant; ut de veritate Divinæ & Humanæ naturæ Christi, de sola per Christum Justificatione, & ejusmodi quarum contrarietas in hæresin transit: pro his velut pro aris & focis est dimicandum. Sunt quædam de Fide Theologica, quas Doctores generatim tenent, sed ad Fundamentum non spectant, & ob istarum pernegationem non hæreseos quis, sed novitatis tantum & temeritatis notâ inuritur; quod referuntur & opinio Chiliastrarum, de Sanctorum cum Christo regno mille annis ante judicium, & Cypriani, de Eucharistia infantibus communicanda, & Tertulliani, de secundis Nuptiis damnandis: de istis decernendum est secundum illud Senecæ, *Pacem cum hominibus, cum erroribus dissidium*. Sunt quædam magis de Fide Humana, probabiles & utrinque verisimiles, quæ salvo Religionis capite, absque dispendio Fidei, in utramque partem disputari & credi possunt; quod referuntur, de Traductione animæ, de Descensu locali Christi ad inferos, de Creaturarum quarundam in extremo Judicii die per ignem renovatione: de his non nisi pacatissimè est agendum. Denique, sunt quædam de Fide nulla, imò fide indignæ, curiosæ & inutiles quæstiones, vel magis insulsæ & fæculentæ, à Scholis ortæ, vix inter Christianos audiendæ, non modò quod aures, sed fidem valuerent. Non nova est hæc querela non nudiustertius orta: conque-ssi sunt ante nos viri doctissimi, & magni inter Pontificios nominis, quod Christum disputationum suarum pravitate Scholastici adeò discerpant, tamque variis sophismatum larvis vestiant, quod Deo ipsi tot phantasmatum suorum idola fabricent, ut eorum doctrina mera videri possit idololatria; denique, quod de rebus arcanis, & adorandis magis quàm explicandis, tam illoto ore loquantur, & Divinæ Theologiæ majestatem tam fordiosis sententiis & culinariis quæstionibus conspurcent, ut fidem nostram sacrosanctam apud sapientes seculi risui ac diffidentiae exponant. Quod si quis hæc gratis dicta existimet, attendat paulisper, quænam illa sint quæ de Deo, de Christo, de Sacramentis, de B. Virgine disputant. An possit Deus quodvis malum, etiam odium sui, præcipere: Quomodo diligat contraria, & possibilia nunquam existentia: An possit ex meretrice facere virginem: Utrum natura Universi sit magis unibilis Christo quàm natura humana: Utrum hæc Propositio, Deus est scarabæus, tam sit possibilis quàm hæc, Deus est homo: Annon sit clementior Papa quàm fuerit Christus, cum Christus non legatur quempiam à Poenis Purgatorii revocasse: Utrum dormiendo habuerit B. Virgo Rationis usum: Utrum Cælum in assumptione Virginis, Sanctis omnibus & Angelis obviâ illi procedentibus, fuerit vacuum: Utrum Pontifex Romanus sit simplex homo, an quasi Deus: Utrum in Statu innocentie æqualis fuisset numerus virorum & feminarum: An pronomen *Ego* sit de forma Baptismi: An puer mox moriturus, si aqua ex puteo hauriri non possit, in puteum projici debeat: & id genus innumera, non sine tremore recitanda, de Sancto Baptismo & Sacra, Eucharistia, non ridenda, sed horrenda ma-

gls *reperitur*, ut jure eorum pudeat Christianitatem pigeatque: Ergò quàm maximè opus est defacato judicio, ut eximius delectus fiat: cùm neque omnes sine legendi, & in his qui sunt legendo perluſtrandi, non quæſtiones omnes neceſſariò cognoscendæ; ſed & de optimis optimos, & de optimis optima quæque oportet ſeligere; ut inter Polemicos is optimus habeatur, cujus maximè nervoſa, & clara, & ſuccincta, & placida, & ſalutaris eſt Diſputatio. Hac Diviſionis eſt pars altera.

Tertia ad Dogmaticos pertinet; illos intelligo qui in Articulis & Myſteris Religionis eventilandis ſe exercuerunt; qui integrum Theologia corpus, & quaſi fabricam, ſive per Locos, ſive per Quæſtiones depingere conati ſunt: quales fuere nuperius Scholaſtici, antiquitus Catechiſta, à quibus de Chriſtiana Fidei præceptis homines adhuc hujus myſterii rudes inſtituebantur. Hoc officium in Schola Alexandrina Pantænus primus ſuſtinuit; cui ſucceſſit Clemens præbyter, Clementi Origenes Adamantiuß, Origeni Dionyſius, & ſic deinceps alii; quibus omnibus Scholaſticorum nomen merito poteſt tribui: ſicut de Serapione Hieronymus ſcribit, eum propter elegantiam ingenii *Scholaſticum* fuiſſe nominatum. Denique & huic muneri ſeſe devoverunt qui opuscula Theologica compoſuerunt, ſive Miſcellanea fuerint, ſive Synagmata. Quocirca & in his quoque delectus eſt faciendus, & illi optimi judicandi, primò, qui eruditiffimi, nam cribrum & ventilabrum Veritatis eſt Eruditio, quâ quò magis pollet, eò purgatius triticum exhibebit. Deinde qui pientiffimi, quorum vigiliis adjuti eodem labore ſimul & docti & boni evadamus. Adhuc, qui limatioris ſunt judicii, quia Sanctitas ſi in errore fundetur, in Superſtitionem vergit, quæ per modum exceſſus à Religione recedit. Præterea, qui ſunt *impudendi* quia conſuſio eſt impedimento hẽ quicquam hæreat, intereũtque quæcũque graviffimè dicta, niſi methodi legibus conſtringantur, cujus beneficio totius artis typum & exemplar poſſet quis vel unius unguiculi ambitu comprehendere, & in ſe diſuſſa atque diſſoluta ad elegantiffimi corporis formam componere, & efficere ut evadat tandem in numerato omnium horarum Theologus. Poſtremò, qui cæteris paulò ſunt dilucidiores; nam obſcuritas ordinem pulcherrimum perturbat; neque Theologiæ eſt ulla peſtis major quàm implicatum & tortuoſum ingenium. Hoc autem morbo laborant Scholaſtici, qui hoc unum curarunt ſedulò, ut rebus clariffimis tenebras obducerent; ſperantes ſe eo pacto errare tuclius poſſe, ſi non intelligerentur. Nam præterquam quidd de rebus

in Tim. 1.1. Divinis protervè diſputent, *querentes ea*, ut Erasmus loquitur, *quæ nec ſcire poſſumus nec ſcire jubemur*, quæ doctiùs neſciuntur quàm ſciuntur, quæ & ridiculè quærentur & temere definiuntur, præter has, inquam, inſpidas & inſrugiferas diſputationes, non minime eruditionis & acuminis ſui laudem in ænigmaticis & portentofiſis ponunt vocabulis, quæ ingenium fatigant & remorantur, rebus non verbis occupandum. Et primitivi quidem Doctores Scholaſtici magna cum facilitate ſermonis ſua dicta eleganter quidem, ſed perſpicuè & familiariter, protulerunt; quod ſapientiæ eſt non vulgaris; eo cum judicio ad caprum Auditorum ſe poſſe accommodare. Hos verò barbaries totos inſuſcavit, quaſi nugas non literas tractare, & facies non vinum propinare vellent, neque in hortum ſed ſterquilinum Lectores ſuos ducere. De prioribus dici poteſt, quod de Iſaæ rhetore Plinius junior in Epiftolis dixit, *Scholaſticus eſt; quo gene-*

re

re hominum nihil aut simplicius, aut sincerius, aut melius: De posterioribus hisce, quod Julius Pollux optimè, & δεικνύων ad G. ἀρχαῖον ἔστι, & περὶ σχολῆς, Scholasticum hoc dicendi genus asperam est, & fastidium affert. Agnosco quidem eos in multis ad veritatis intelligentiam fenestram aperuisse non parvam: verum in plurimis careata est oratio, & de industria involuta, quæ in lucem quidem questionis profert, sed lucem nocti similem. Agnosco etiam, indulgentiam esse ipsis aliquam loquendi ut velint libertatem, cum rebus magis quam verbis, prudens scriptor intendat; & in hoc Patres duces athletasque habemus, cum pro loquendi libertate contra Hæreticos contendunt. At non propterea in portenta & naniæ libertas est laxanda; neque hoc unquam Patres aut fecerunt ipsi, aut aliis permiserunt. Videamus igitur quid hac in re Patres senserunt; nam sunt ipsorum aliqui qui & hanc quoque Spartam ornarunt, Arnobius, Ambrosius, Chrysostomus, Augustinus, Gregorius. S. Gregorius in Moral. Indignum est, inquit, ut verba celestis Oraculi restringantur sub regulis Donati. S. Chrysost. Laudandi sunt inprimis & honorandi οἱ βασιλικῶν ἡσὶ τῇ γλῶσσῃ, quid οὐκ οἶσιν ὃ τῇ γλῶσσῃ. S. Augustinus in Psal. 138. Melius est ut reprehendant Grammatici, quam non intelligant populi: & 2 de Doct. Christiana, c. 13. Infirmitates sunt, inquit, qui doctiores videri volentes, Barbarismis offenduntur aut Solæcismis. Pariter & Ambrosius, in Luc. 2. Nihil interest, inquit, utrum præsepe dicas an præsepium; & cum Demosthene concludit, in hoc non esse positas fortunas vel Gracia vel Ecclesia, si hoc vel illo verbo uti sumus, si minùs Latinis utimur, ut propriis utamur: imò, inquit, negligenda sunt verba, & spectanda mysteria. Denique & Arnobius, lib. 1. con. Gentes, qui Gentibus objicientibus, obstitas barbarismis & Solæcismis res nostras, prudenter respondit. Puerilem esse atque angusti pectoris reprehensionem; quia non minùs id quod dicitur verum est, si in Numero peccetur, aut Casu, aut Præpositione, aut Participio, aut Conjunctione: pompam istam sermonis, & orationem regulis adstrictam, concionibus, litibus, foro, iudiciisque servandam. Atque hæc Pactum de Vocabulorum & Formularum libertate sententia. Verum enimvero si hæc largiamur Scholasticis, ipsorum tamen noxa non eluitur. Non hæc sufficiens ratio depellendi criminis est, si qui ad veritatis patrocinium inculti sunt sermonis, ad suam levandam culpam sint nimio plùs facundi, Patrum Sanctorum nomina suis verborum Chimeris prætendendo. Nam primò, ad Donati regulas eos non revocamus, sed tantum ad S. Apostoli; non ad Casus, aut Numeros, aut Orationis partes, sed ad saniores Theologiam eos redigi volumus. Sint barbari sermonibus, modò theologizent sententiis; reprehendant Grammatici, sed ut intelligant populi: verum isti hoc faciunt ut non intelligantur. Deinde autem, inter proprietatem Orationis & phalaras dicant quantum intersit; aut adhuc, quantum inter necessariam & affectatam barbariem, aut inter fordes & Solæcismos. Quod si ipsorum elegantis Patrum, quæ tamen nulla est, barbaries conferatur, merum mel dicas atque Ambrosiam orationis. Coarguit quidem S. Augustinum Cresconius quòd, contra Latine lingue inflexiones, Donatistas potius quam Donatianos diceret; quòdque Comparativo pro Positivo una in vocula usus esset: atque idcirco de Donatarum nominis flexione, de gradibus Comparationis, diligenter ac literatè Grammatico Cresconio respondere dignatus est Augustinus; etiam & hoc adjiciens, Monendos esse Grammaticos, ut humilitate induti Christiana, discant non con-

Hom. 5. To. 5.

Orat. pro Ctesq.

Aug. l. 2. cont.
Cresc. c. 1. &
l. 3. c. 7. & 6.
l. 4. c. 35.

E e 4 temnere

Aug. de Cate-
chiz. rudibus,
c. 9.

temnere quos cognoverint morum vitia quàm verborum ampliùs devitare. Sed & hoc nihil est ad querelam purgandam, non solum Cresconio, sed ipso iudice Augustino. Nam si de Donatistarum nomine adeò atrox altercatio orta est; ad *passionabiles*, & *componibiles*, & *hacccitates*, & *prasentialitates*, & raucissimas *effectuationes*, quid dixissent? Quid si audissent tot formulas, *meliorabiles*, & *verificabiles*, & *exemplificabiles*? quæ omnia in Scholasticis summo sunt studio conquesta, neglectâ quæ ad manum erat proprietate ipsâ.

Quocirca ut aliquando ad rei exitum veniamus; Intelligitis, opinor, pro iis quos eruditus oculos circumfertis, quàm necessarium sit ut in Dogmaticis quoque Scriptoris delectus observetur, ut lucidiores, & ordinatiores, & magis eruditi, & magis sancti, & magis Orthodoxi quique in familiam vestram adscribantur. Quod si & è Dogmaticis, & Polemicis, & Homilicis, & è quibuscunque solos optimos nostros fecerimus; sic instructi, ad Patrum sanctorum Lectionem securè nos possumus accingere. Quæ est ordinis à me propositi pars altera, De Cauti-
onibus & Regulis in Patrum scriptis volvendis necessariis: quam Spartam pro virili, Deo aspirante, die proximo exornatam daturi sumus.

LECTIO XXXVII.

AD fructuosam Neotericorum Lectionem quæ sint præcognitu necessaria, qui cavendi Scopuli, quæ demum Regulæ diligentius observandæ, novissima nostra præsentia præstitit, ubi inter alia, imprimis hæc tria fusiùs demonstravimus. Primò, Quòd ab ipsis exordia studii Theologici sunt ducenda, cùm tyrocinio nostro ipsorum scripta sint magis attemperata. Secundò, Quòd omnes & singuli ipsorum Commentarii nequaquam sunt evolvendi: tum quia infiniti laboris esset, & supra productissimæ ætatis longitudinem; tum quia inutilis, cùm soleant alii ex aliis eadem sapissime transcribere, & fortivis coloribus suas paginas locupletare. Postremò, Quòd optimorum delectus exquisitior est faciendus, sive inter Dogmaticos, sive Polemicos, sive Homilicos: ut quia in omnes falcem nostram immittere non licet, in probationibus saltem nos impensius exerceamus. Hæc summa decursi itineris, neque enim opus est ea denuo aliùs recensere.

Ad altiora autem progrediendum est, ad eas scilicet Regulas quæ in Antiquorum Patrum scriptis perlustrandis nos rectiùs atque ordinariùs ducant: nam & in hac quoque parte me vobis debitorem addixi; ut persoluto argenti debito quod è Recentiorum inspectione manabat, etiam & auri depositum ex Sanctorum Patrum mentione contractum fideliter dependam; ut sic ad aures vestras, velut Columba Davidica, integra hæc disputatio pervolare possit *cum malis aureis pennisque deargentatis*; quæ verbi est similitudo commodè dicti, ut Sapiens loquitur. Et de utilitate quidem hujus Argumenti non opus est multa præfari; res ipsa loquitur, & experientia. astipulatur, non posse quenquam per sublimia illa atque multi-

multijuga Patrum monumenta iter prosperum & salutare conficere, nisi secum limatissimum iudicium afferat, animûmque consultissimis regulis egregiè instructum; quibus si exutus fuerit, admirationi magis erit Patrum Lectio quàm usui & emolumento. Testes produco ipsos Scholasticos, qui soli nobis documento esse possunt. Illi se totos ex professo Patribus legendis dicarunt, & ex ipsis sapius quàm ex Scriptoribus deditâ operâ disputant; at incongruè id plerumque faciunt, & mendosè, & infelicitè, hac præsertim de causa, quòd nullas leges aut regulas constitutas habuerint, quibus adjuti utiliore operam in his studiis collocarent. Sunt autem è nostris plurimi, optimè de re Theologica vel in hoc negotio meriti, qui summa cum prudentia & dexteritate singulari per Aphorismos quosdam & regulas salutare viam hanc, in se asperam & transitu difficilem, molliorem procliviorèmq; reddiderunt; Chemnitius, Hyperius, Tossanus, Scultetus, Polyander, Rivetus: cùm Pontificiorum nemo sit, quod sciam, qui penè quicquam hac de re ex destinato scripserit, nisi solus Laurentius Villavincentinus, qui Hyperii expilatorem se præstitit, & ex ipsius libro Regulas verbatim descripsit. Exstant quidem de laude Scriptorum atque de examinatione doctrinarum Joannis Gersonii Tractatus duo, & Sixti Senensis Censuræ Scriptorum veterum, & de Sanctorum autoritate Melchioris Cani liber prolixior; nec non de usu ordinèque in Patribus legendis capitulum unum aut alterum, sed sterile & aridum, Jesuitæ Possevini: verùm hoc non efficiunt, nedum satagunt, ut lectorem suum sufficienter munitum & institutum legendis Patribus exhibeant. Quod si & huic operi manus admovissent, in hujus causæ adiutorium etiam ipsos vocassem, cùm satis sit anceps experiri auxilium quàm nullum; nec unquam pudebit profiteri à quibus profecerim. Sed cùm sit adeò exiguum luminis quod huic argumento afferunt, relinquendos eos sentio, neque ipsorum vitulâ arandum esse; nisi hoc fortasse magis expediat, alios aliis, Pontificios Protestantibus immiscere, & ipsorum sparsa spicilegia in nostrorum accuratioris Tractatus transferre; ut ex Authorum collatione supellex nostra expetior cumulatiòque proficiat. Quod ut distinctius fiat, ad quinq; capita Regulas quæcunque revocabo; ità ut quæcunque dicantur, vel ad Sanctorum Patrum Nomina, vel ad Scripta, vel ad Dogmata, vel ad Modum loquendi, vel ad Modum applicandi referantur. De Jure & merito Nominis erit Regula una, de Scriptis altera, de Dictis & Sententiis tertia, de Modo enuntiandi quarta, de Ratione utilitatem ex iis omnibus eliciendi ultima. Quæ singulæ conjunctim & in universum quinque constituent, sigillatim à me discutiendæ.

De Jure & merito Nominis est Regula prima, & sic se habet; Ad lectionem Sanctorum Patrum accessurus, oportet prius ut certò sciat, quòd pro Patribus verè habeantur quorum suffragiis est usus, nè pro Juncione nubem, pro Hectore Astyanacta, pro testibus veritatis larvas & magnorum nominum umbras acquirat, & falsâ titulorum specie vel se ipsum vel alios imprudens decipiat. Huic affinis est illa Melchioris Cani Regula, lib. 7. n. 7. *Non oportet authores Ecclesiasticos omnes eodem gradu aut loco collocare: & illa Possevini altera, Bibliothecæ li. 5. c. 28. Is ordo in Patribus legendis statuatur, ut primùm illius Patris quem volumus evolvere vitam attentius legamus; & quia sanctitatis Scriptoris legentis attentionem excitabit, & quia ex vita, quo quisque numero habendus sit, melius addiscere possumus: denique & Rivetti illa tertia, In Patrum scriptis legendis, magni refert nosse quis fuerit, qualis eruditionis,*

*Proleg. Crit.
Sacræ. 13.*

ditionis, & quo quisque tempore vixerit, nè pro veteribus Patribus e mentita nomina deglutiamus. Ex se Regula est clauissima, neque commentario indiget. Etiam & ratio Regulæ est manifesta; Quòd siue probabile, siue, ut contendunt Pontificii, certum argumentum Patrum auctoritates subministrant, necessarium est ut pro comperto hoc unum pars utraque habeat, esse hunc vel illum, quem testem producimus, meritò in Patrum Catalogum recensendum; alioqui vacillabit vis auctoritatis, si de honore debito dubitetur auctoris, Quòd si quis discere cupiat, quinam illi sint qui pro Patribus indubitanter habendi; opinor, tribus istis Mediis aut liquidò, aut probabiliter, rem posse discerni.

Medium primum ex communi Consensu desumitur, & illo non populari, sed Scholastico, neque ex unius partis defensoribus, sed utriusque; hoc est, ex receptissimo loquendi usu, & partis utriusque, tam nostræ quàm aduersariorum, consentientibus sententiis. Agnoscantur illi pro Classicis de quibus Pontificii non inter se solum, sed etiam nobiscum concorditer definiunt: neque enim erit inter disputandum controversia aliqua agitata de quibus inter utrosque convenit. Quemadmodum in Monomachia siue *singulari certamine*, quod *Duellum* recentiores vocant, provocato non licet quæcunque velit arma pro arbitratu suo eligere, sed de armorum genere & æqualitate concertatores inter se consentiunt priusquam in arenam descendant, nè telo magis quàm homini honor debeatur, si imparibus armis victoria obveniat: similiter & in incruentis istis præliis quæ ex Patrum testimoniis pro veritate conferuntur, necesse est ut de Patribus ipsis, velut de armorum paritate, prius inter se Adversarii mutuo congruant; sic felicior faciliorque futurus est pugnae exitus, si de arena inter utrumque constituta se neuter possit honestè subducere. Hoc modo contra Eutychianos & Nestorianos Patres Constantinopolitani se gesserunt, cum suæ Definitionis rationem in Concilio reddiderunt; *Super hac sequimur*, inquit; *per omnia & Sanctos Patres & Doctores Ecclesiæ, Athanasium, Hilarium, Basilium, Gregorium Theologum, & Gregorium Nyssenum, Ambrosium, Augustinum, Theophilum, Joannem Constantinopolitanum, Cyrillum, Leonem, Proclum.* Hoc modo contra Pelagianos Augustinus, lib. 2. cont. Julianum Pelagianum; *Non tu iudices quasiturus es ubi causam tuam purges, sed ubi tot Sanctos Doctores, egregios atque memorabiles Catholica Veritatis accuses, Irenæum, Cyprianum, Reticium, Olympium, Hilarium, Gregorium, Ambrosium, Basilium, Joannem, Innocentium, Hieronymum, ceterosque socios ac participes eorum.* Eadem prudentiâ & nos quoque oportet res nostras regere, quoties ex Patribus Fidei causa agenda est. Præstittenda sunt prius ex communi consensu verorum de quibus convenit Patrum nomina: sin minus, in istis amplissimis honorum titulis non modò dignitas nulla erit, sed summa deformitas, & nunquam finienda litigatio. Hoc primum Medium.

Secundum ex Historiis & Scriptorum Catalogis ducitur, quos veteres ipsi contexuerunt, in quibus Sanctorum gesta & vitæ depinguntur. Hujus generis sunt Gennadii & Isidori Catalogi. Primus omnium Hieronymus De illustribus Ecclesiæ Scriptoribus integrum opus conscripsit, in quo eos omnes comprehendit quos à Passione Christi ad suam usque ætatem, h. e. ad annum quadringentesimum & decimum, de Ecclesiastica doctrina scriptis suis aliquid tradidisse cognoverat, semetipsum,

ipsum, ut loquitur, magistrum sequutus, nullumque prævium habens quem sequeretur. Quod opus Græcis adeo placuit, ut eorum rogatu Sophronius (non Patriarcham intelligo, sed illum qui Hieronymi familiaris erat) illud in Græcum sermonem ex Latino mox transfulerit. Hieronymum excepit Gennadius Massiliensis, qui eos porro Scriptores Ecclesiæ profecutus est qui ad ætatem suam, h. e. annum quadringentesimum & nonagesimum, floruerunt; admixtis interim nonnullis ætatis superioris Scriptoribus, quos S. Hieronymus non animadverterat. Gennadium subsequitur Isidorus Hispalensis, qui cum & ipse paulò altiùs eos recenset qui à superioribus intacti fuerant, ad annum Domini supra quingentesimum & nonagesimum, quo ipse in vivis erat, integram seriem filo continuo deduxit. Post istos Honorius, & Sigebertus, & Trithemius eandem in se provinciam susceperunt: sed quia longo intervallo & temporis & fidei à prioribus distabant, parùm est quod huic negotio conferant, cum usque ad annum penè sexcentessimum Catalogum suum Isidorus prolataverit, ultra quem ætatem Patrum doctissimi existimant non esse porrigendum. Hoc Medium secundum.

Postremum ex Proprietatibus specificis est hauriendum, ex quarum collectione Patris Ecclesiastici definitio constituitur. Sunt autem quatuor, Antiquitas, Eruditio, Sanctitas, & Fidei Orthodoxa sententia. Istarum siqua defuerit, tantum & Patris nomini & auctoritati deesse putandum est. Quòd si Eruditio & Sanctitas adfuerint, Anni desiderantur, nomen Patris non obtinetur, atque minoris erunt ponderis ejusmodi testimonia quàm illa quæ ex antiquissimorum paginis proferuntur; ut in Beda, Damasceno, Anselmo, Bernardo, videre est, qui nuperiore & infeliciore seculo vixerunt, & in varios errores ex cumulatis Monachorum superstitionibus conjurato. Rursus, si Ætas præstò sit, Eruditio deficiat, Jus paternum debilitatur, quod de aliquibus scriptis sub nomine Augustini editis Erasmus observavit. De authore libri qui est *De salutariibus Documentis*, *Apparet hominem fuisse & antiquum & pium, sed absque literis*: de Authore libri qui est *De Visitatione infirmorum*, *Author est antiquus, sed locutuleius, nec doctus, nec disertus*: ex istis ostendens, deficiente Doctrinà, Patris nomen evanescere, cum sint Authorum merita magis expendenda quàm tempora; alioqui Nævius Virgilio præstabit, Thales Aristoteli, Tertullianus Cypriano, Origenes Augustino. Adhuc, si Eruditio accedat, recedat Sanctitas, in Patrum ordines quis credat hujusmodi esse ascribendos? Etenim Eustathium Antiochenum antiquum satis novimus, etiam & Eruditionis famà celeberrimum; sed è Patrum choro ob hoc ipsum depulsum, quòd Adulterii suspitione percussus fuerat. Pariter & Idacium Episcopum, qui quarto Ecclesiæ seculo scriptis suis ornamentum aliquod addidit; verùm ob turpe illud & horrendum facinus, quo Priscillianum hæreticum occidi curaverat, exilio justissimo mulctatus est, nè fortasse in posterum debita Patribus honoris insignia vel in nomine suo circumferret. Postremò, si & Ætas & Eruditio & Sanctitas unà confluant, at Orthodoxus de Fide sensus non affulserit, nè sic quidem Patris autoritas acquiritur, nisi Ætati, Eruditioni, Sanctitati, sententiæ Orthodoxa accrescat. Quod & ipse Gretserus proficitur *De jure prohibendi malos libros*, cap. 10. *Ecclesia Pater ille dicitur, qui Ecclesiam sanà doctrinà alit & pascit*, &c. *Si pro salutari doctrina pa-*
bulo

bulo offeras lolium, & Zizania, & perversorum dogmatum lappus & tribulos, catenus non Pater est, sed Vitricus, non doctor, sed seductor. Hæc Greſerus, idque non malè. Exempli cauſâ paucos proferamus. Primus inter cæteros ſit Tertullianus, quia inter primos vitam explevit. Si Ætatem ſpectes, erat vetuſtiſſimus, circa annum à Paſſione Chriſti ducentiſſimum: ſi Eruditionem, nihil erat eo viro doctius, inquit Vincentius; ingenio tam vehementi, ut nihil ſibi penè ad expugnandum propoſuerit quod non aut acumine irruerit, aut pondere eliferit: eoſque beatiffimo Cypriano in deliciis, ut nullo ſine ipſius Lèctione diem præterierit, & dicere ad Notarium ſuum conſueverat, *Da Magiſtrum*, Tertullianum designans. Et tamen hic tantus & talis, ætate & doctrinâ tam inſignis, quia fidei Catholicæ parùm tenax erat, propter Montani dogma & alia Paradoxa non pauca Patris nomen honorémque perdidit; in tantum, ut autoritate ejus in controverſia Helvidiana preſſus Hieronymus, in has voces eruperit, *Tertullianus non eſt Eccleſia ſilium*: oſtendens tam longè abuiſſe eum à Patris nomine, ut vix filii ſervaret, quia *conſequens hominis error ſcriptis probabilibus detraxit authoritatem*, ut Hilarius loquitur. Proximus à Tertulliano ſit Origenes, cujus eodem ſeculo vita eſt circumſcripta. Quòd ſi vitæ Sanctitas facit authoritatem, pudicitia & patientiâ inſignis erat; nam & voluptates fugit, & avaritiam calcavit, & pro Chriſto ſæpius affligebatur, omnique facultate privatus eſt: ſi Doctrina & Eruditio, Scripturas memoriter tenuit, & in ſtudio explanationis earum diebus ſudavit & noctibus, millèque & ampliùs Tractatus edidit, tamque innumerabiles Commentarios, ut nemo noſtrùm tanta poſſit legere quanta ille conſcripſit; nam opera ejus, ſi Epiphanio credimus, ad ſena millia librorum aſcendunt; adeò ut ex ejus ſinu innumeri Doctores, Sacerdotes, Confeſſores & Martyres exſtiterunt. Et tamen hic, hic, inquam, Origenes, Ætate, Eruditione, Sanctitate notabilis, quia à Fidei Orthodoxæ rectitudine in errores diſlapſus eſt, è Patrum numero meritiſſimò eſt detrufus; ut non injuriâ Venerab. Beza, in cap. 1. Epift. ad Romanos, poſtquam ſe nolle quicquam authoritati Patrum detrudere teſtatur eſſet, hæc ſubjungit, *Sanè quod ad me attinet, Origenem iſtum non poſſum bonâ conſcientiâ intor eos Patres collocare quos velim imitari*. Poſt Origenem ſuccedat Apollinarius, Laodiceus Episcopus, qui ſub Theodoſio floruit, æqualis Gregorii & Baſilii. Si de Eruditione quæras, S. Baſilius reſpondit, eum totum orbem libris ſuis repleviſſe; nam præter triginta libros contra Porphyrium, ſcripſit in Sanctas Scripturas innumerabilia, ut vel ipſe Hieronymus jam ſenex ipſum adire diſcendi cauſâ non eſt dedignatus, ſicut ipſe teſtatur in illa ad Pammachium Epistoſa: ſi de Sanctitate, multorum ſuffragiis pientiffimus habebatur; nam & exilium ſuſtinuit quòd Arianis aſſentiri noluit, ut Epiph. Hær. 77. & cum populi quaſi arietem gregis ſequabantur, ut Lyrinenſis; *ὃ κατὰ τὸν ἀλλοτρίον βίον ἀπονόται*, *ὃ περὶ ὁρθοδοξίας ἐν πρώτῳ ἀειδμῷ τυπώμετο*, ut Baſilius Epift. 74. ad Occidentales Episcopos ſcribit. Nihil fecit & hic ipſe Apollinarius Sanctorum Patrum laureolam non eſt aſſecutus, quòd hæreticæ Sectæ caput fuiſſet, & Chriſtum docuiſſet carnem attuliſſe de cœlo, & rationali animâ caruiſſe, ſupplente Divinitate animæ officium. Quamvis dubium ſit, ut Epiphanius loquitur, an

Ca. 5. in Marit.

Hieron. in Catal.

Suidas.

an ipse ea asseruerit, an discipuli ejus ea de ipso excogitarunt. Potui istis Luciferum Calaritanum, Arnobium, Lactantium, Rufinum, aliosque adjicere: sed reliquos mitto, si de unico solummodo altero vos admonuero, Eusebium intelligo Emisenum, qui sub temporibus Constantii vixit, nec minus doctus quam canus; *Erat enim*, ut inquit Hieronymus, *elegantis & rhetorici ingenii*, atque innumerabiles confecit libros: sed quia Arianae Sectæ fautor erat, ut Orthodoxus apud Theodoretum in Dialogis loquitur, idcirco extra Patrum rempublicam veteres Orthodoxi eum eliminarunt, utcunque eum divinis laudibus ad coelum usque Pontificii efferunt: nam à Petro de Natalibus, l. 7. c. 63. in Sanctorum numerum refertur; & à Lindano, in Panoplia, inter sanctissimos Ecclesiæ Patres scriptoresque clarissimos recensetur; & ab Alano, in c. 2. Defensionis Purgatorii, *pius scriptor* vocatur, & *magni nominis*: quem tamen Hieronymus in Chronologia sua, ad annum Constantii decimum, *Ariana signiferum factionis* appellat, neque pro Patre, sed pro Hæretico censendum. Ad hæc quid nos? Mirum nisi hi de Patribus glorientur; mirum nisi Posssevinus eam legem Patribus evolvendis statuat, ut primum Patris cujusque vitam accuratius legamus, mirum nisi Canus discrimen inter Scriptores Ecclesiasticos faciendum esse doceat. O suarum regularum custodes pertinacissimos! Utcunque se res habeat, vel ipsis invitis quam maximè salutaris est Regula, & Theologiæ usibus optimè inserviens, ut Scriptorum veterum delectus fiat, quò cognoscatur vel ex doctorum Consensu, vel ex antiquorum Testimoniis, vel saltem ex istis Proprietatibus definitivis, quis è veteribus *Pater Sanctus* audire debeat, nè personatis Patribus reverentiæ tantæ nomen tribuatur. Nam si vel *Ætatis canities*, vel *Eruditionis & Sanctitatis præconium*, vel *Fidei Orthodoxæ professio* abfuerit, in sacrum hoc sodalitium nequaquam sunt recipiendi. Non quòd Patris nomine indignum putem quicumque ab Orthodoxa Fide in aliquo vel tantillum deflexerit, sic enim vacui Catalogi relinquuntur, cum nemo sit ex omnibus istis Divini spiritus viris qui se possit ab omni aberratione purgare. Fatetur hoc Hieronymus, errasse in fide tam Græcos quam Latinos Patres; fatentur Pontificii, Bellarminus, Canus, reliqui, errasse eos singulos, quamvis Deus non permittat errare universos. Sed nos non sumus Sactorum Patrum tam tetrici Censores, non eis hunc honoris titulum eripimus, quòd aliquando & in levioribus titubaverint: imò verò perlibenter largimur, ut omnes è veteribus pro Patribus habeantur qui veritatis Catholicæ aut semper aut plerumque fuere & subriles exploratores, & assertores eruditi, & fideles custodes, & vindices strenuissimi sanctissimique; quæ omnia si ad antiquitatem accedant, & optima & sola *propietate* esse credo quibus ab eminenti nominis Patribus veri legitimeque dignoscantur: quæ ipsius Regulæ ratio est præcipua, ut, quia nemo omnium hoc honore est honestandus, cujusunque eruditionis, ætatis, aut sanctitatis fuerit, si à via veritatis sæpius exorbitaverit, idcirco hoc inprimis perscrutari oportet, qui verè & propriè in hoc claritudinis ordine sunt statuendi. Hæc Regula prima.

Regula secunda est de Scriptis & Voluminibus, & primam non magis ordine quam naturâ subsequitur, & sic se habet; Hoc cognito, qui meritò sint *Patres* dicendi, oportet ut qui ad ipsorum studia se conferit hoc etiam exploratum teneat, Quæ scripta germana sunt aut *γνησια*, quæ dubia & fictitia; ut sic libri authentici ab adulterinis distinguantur, nè assertiones falsas; & ab ipsorum mente & doctrina prorsus alienas, contrahamus. Hæc Sculteri est Regula, à Rivetto & Polyandro altiùs repetita, atque nostrâ est observatione dignissima duabus de causis. Prima est, quia à suppositio scripto non

F f

minus

in Catal.

in Chronol. præfixa Panopl. §. 1.

Ep ad Pam. & Ocean.

minus cavendum est quam ab auctore ipso. Esto quod sumus de nomine certi: si de libro dubitemus, ecquid erit firmum aut stabile? ecquid ullius ponderis in testimonio, si cuius sit nesciamus? imò magis, quod Pharisæi ad Pilatum, error posterior pejor futurus est quam prior, & secundæ concoctionis quam primæ aut major, aut æqualis abortio: quia in supposititiis nihil est certitudinis, auctoritatis nihil, nulli honoris radii, nulla nominis quantumvis maximi reverentia. Esto Clementis nomen venerandum: at Clementis Constitutiones & Recognitiones non item. Esto, Dionysius, & Hermas, & Linus, & Prochorus sint suspiciendi: at Dionysii Hierarchia, & Hermæ Pastor, & Lini Prochorique historia tantum non vilescunt, quia fucum Lectori faciunt. Hæc prima causa. Secunda est, quia supposititiis scriptis plena sunt antiquitatis monumenta. Vix quenkam Sanctorum Patrum novi qui non hanc maximam plagam acceperit; idque tam improbè, ut quod plus doctrinâ excellat, eò plura inveniuntur volumina ei falsò adscripta. Idem & ipsi Adversarii animaverterunt, & cæterorum nomine Gersonus, Erasmus, Sixtus Senensis. *Ejusmodi*, inquit Gerson, in l. De laude Scriptorum, *ejusmodi protulit ætas nostra corruptores plurimos; unde & præsi Doctores, nominatimque Irenæus, in opusculorum suorum sine subjungant terribilem Divini nominis obtestationem, ut scripta sua correctè transcriberentur.* Eodem Erasmus modo conqueritur, undique scaterere omnia ejusmodi libris falsò celebrium virorum titulo commendatis. Eodem & Senensis, multa in Catholicorum expositorum operibus inveniri pseudepigrapha, adulterina & supposititia, quæ eorum non sunt quorum titulos ac inscriptiones præ se ferunt. Neque id alicui mirum videbitur, si observaverit quòd vel ipso primo seculo interpolatores non paucos Ecclesia sensit, qui perniciose quædam opuscula sub Prophetarum & Apostolorum nomine venditabant. Sub Prophetarum nomine commenticia nonnulla Athanasius numerat, Adami Revelationem, Prophetiam Henoch, Testamentum Moysi, Orationem Joseph, Danielis somnialia, Sophoniæ Assumptionem, Apocalypsin Eliæ: sub Apostolorum, quamplurima notant *Origenes, Epiphanius, *Ambrosius, *Theodoretus, Augustinus, Evangelium Philippi, quo utebantur Gnostici; Evangelium Jacobi, quo Nazaræi; Acta Sancti Andree, quæ Lucius Manichæus jactabat; Matthæi libros De ortu Mariæ & Infantia Salvatoris, quæ Gnosticorum erant commenta; Evangelium Petri, cujus falsitatem Antiochiæ Episcopus Serapion peculiari libro retegisse dicitur; & Evangelium Thomæ, quo utebantur Manichæi, de quo Cyrillus Hierosolymitanus, *ἡ δὲ ἀναγνώσις, Νέμοις λέγει, quia non est unus duodecim Apostolorum, sed unus de tribus discipulis pessimi Manetis.* Quod si adedò impudenter in Apostolorum & Prophetarum sanctissima nomina Hæretici involarunt, quantò magis in Doctorum famam & memoriam qui eos sequebantur, ut sub Orthodoxi nominis melle hæreseon venena facilius in vulgus spargerent? Sic olim Ariani literas ad Constantinum scripserunt sub nomine Athanasii; & sub Theodoret, Eutychiani Epistolam in Cyrillum Alexandrinum jam defunctum. Atque possem facillimè atque nullo negotio infinitis exemplis hoc plenius demonstrare: sed res est & prolixior & notior quam ut à me imposturæ singulæ colligantur. Fecerunt hoc è nostris plurimi; Jamesius in libro Corruptelarum, Cocus in Censura, Mornæus in præfatione operis de Eucharistia, Rivettus in Specimine sacro, nec non doctissimus Raynoldus, & beatæ memoriæ Juellus. Ex istis quæ hætenus dicta intelligimus quòd Patrum scripta sint cautissimè tractanda, cum sub virorum Sanctorum nominibus commenta sua homines infulsi obtrudere non sint veriti, prudenter id Deo permittente, nè Fidei judices Patres faceremus, qui Prophetas

* In Luc. v.

* In prox. Luc.

* l. 5. Hæret. fabul.

Euseb. l. 6. c. 10.

Athan. apol. ad
Constant.
Baron. ad
ann. 553.

Prophetas & Apostolos habemus. Quocirca ut hanc secundam Regulam penitus intueamur, in duo ista Confectaria animos parumper vertamus; Quàm necessarium sit scripta genuina à supposititiis discernere, & quibus Mediis id demum fieri possit. In istis duobus non intelligentia modò sed utilitas hujus Regulæ secundæ posita est.

Primum est, ut videamus quàm sit necessarium scripta vera ab adulterinis segregare. Ad hoc autem Deus ipse nos ducit, Jer. 15. 19. *Qui educit pretiosum à vili, os meum est*; & Nicæna Synodus secunda, Actione 2. *Utique omnem Christianum decet, cum libros aliquos adulterinos audit aut legit, respuere, nec omnino animum adhibere.* Suadent id recta Ratio, & veritatis zelus, & Sanctorum Patrum memoria sanctior, ut & defunctorum memoriæ hunc honorem, & ipsorum vigiliis hanc gratiam rependamus, siue in triumphū veritatis, siue in pudorem dedecusque Adversariorum, qui & larvatos Patres fatentur, & nos contumeliis lacerant quòd larvas detrahimus. Revera nescio an quicquam sit apud eos usitatum quàm hujus nos criminis reos sistere in Fidei controversiis, quando Patrum autoritate urgemur, prætere de nos solere, librum esse spurium & fictitium. Rasweyduus Jesuita, de Fide Hæret, servanda, c. 17. p. 191. *Commune est Hæreticis omnibus per fugium, cum evidenti alicujus Patris testimonio revincuntur, clamare librum supposititium, vel apices corruptos.* Idem à Gretsero, idem ab * Harto, idem ab aliis sæpe inculcatur. Unde ab * Anglo-Rhemensibus, *pervulgata omnium Hæreticorum techna* dicitur; & ab * Hardingo, *omnium evasionum miserrima, atque à Doctorum consuetudine alienissima.* Ad ista quid nos respondemus? An quod ab Augustino in re non absimili, Civ. l. 18. c. 34. *Verum id esse, atque defensione non egere,* cum non eorum hominum qui Deo placuerunt reproberetur autoritas, sed quòd ista non credantur esse ipsorum? Ad criminis depulsionem hoc sufficit. Sed & potest etiam in ipsos retorqueri; cum nihil ipsis sit familiarius quàm hoc ad Veterum testimonia genus responsionis; nè videatur, ut Hardingus asserit, à doctissimorum consuetudine alienum. Ostendit hoc Cocus noster, in præfatione Censuræ, quadraginta plùs minùs exemplis. Liceat mihi unum aut alterum, quod ipse omisit, istis addere, idque ex operibus Bellarmini. In l. 4. Bell. De Verbo Dei, c. 11. obijcitur contra Traditiones Cyrilli testimonium, in Levit. Hom. 5. *Respondeo,* inquit Bellarminus, *Homilias illas in Leviticum non esse Cyrilli, sed Originis, vel nescio cujus alterius.* Obijcitur testimonium B. Epiphani, ex Epistola ejus ad Joannem Hierosolymitanum, contra cultum Imaginum: *Communior,* inquit, *solusio est, verba illa esse supposititia;* l. 2. de Imag. c. 9. Art. 38. Obijcitur ex Dorothei martyris Synopsi locus contra Sancti Petri primatum: *Synopsis illa,* inquit Bellarm. *Dorotheo Tyrensi falsò adscribitur;* l. 2. de Pontif. Rom. c. 2. Art. 27. Sexcenta licet ejusmodi proferre, nisi quod ista sufficiant ad rem quæ præ manibus est demonstrandam, viz. & ipsos Adversarios ad hoc *commune hæreticorum refugium,* ac *pervulgatam technam,* ac *miserrimam evasionem* se aliquando recipere; & præterea ab utraque parte in hac militia exercitata pro re certissima haberi, in nidos aquilinos milvorum pullos aliquando supponi, atq; sub Patrum pellibus autores incognitos interdum delitescere: ut nihil jam magis sit necessarium quàm, secundum Divina monita, pretiosum à vili separare, & juxta Nicenorum Patrum consilium saluberrimum, libros quosque adulterinos respuere. Hoc Confectarium primum.

Secundum est, ut videamus quibus hoc Mediis fieri possit: & in hac parte magnopere jamdiu eruditi sudarunt, & notas quasdam atque indicia invenerunt ad genuina scripta indaganda, & aliena cognoscenda; Tres notas

F f 2

Sixtus

Tom. 5. Epit.
Caranza.

De jure probi
lib. mal. c. 6.
* In Raynold.
c. 8. lib. 3.
* In Ari. 17. 34.
* Ad Facl. pro-
vocat. art. 1.

Art. 28.

Sixtus Senensis, undecim Andreas Hyperius excogitavit, l. 4. De ratione studii Theologici, c. 9. Obser. 3. quas omnes ad multò pauciores possumus redigere: & hoc mei erit operis, non solum eas ad quatuor vel quinque breviter reducere, sed insuper Regulas huic rei accommodas è notis istis excerpere, & exemplis aptis Regulas singulas, quod ipsi non faciunt, illustrare.

Ex Temporis ratione prima Regula desumitur, atque hæc est; Si fiat in libro aliquo personæ alicujus mentio, aut authoris testimonii qui post ætatem Scriptoris vixerit; si fiat mentio aut rerum gestarum, aut rituum, aut Sectarum superiori seculo exortarum, certissimum est eum librum esse supposititium. Juxta hanc Regulam de multis Antiquorum scriptis judicant nostri seculi Doctores. De Canonibus Apostolorum, quia traduntur nonnulla, inquit Posssevinus, addo *quamplurima, quæ Apostolorum temporibus prorsus fuerunt ignota*; & de Sancti Dionysii Hierarchia, quia multa de Templis, Altaribus, Choris, Monachis interferuntur, cum istis temporibus horum nihil existerit; de Historia Abdiæ, quod libro quinto Hegeſippus citetur, qui centum & sexaginta annos vixit post ipsum authorem, qui Christum in carne vidisse perhibetur; de Justini Quæſtionibus, quod de Irenæo & Origene loquantur, recentioris quàm Justinus memoriæ; de Tertulliani De Trinitate, quia nominatim ibi refelluntur Sabelliani, qui ipsius tempore nondum erant cogniti; de Athanasii Quæſtionibus ad Antiochum, quod Epiphanius, Nyſſenus, Chrysostomus, Nicephorus, introducuntur, Athanasio juniores; de Tito Bostrenſi in Lucam, quia Chrysostomus, Cyrillus Alex. Pelusiota, citantur, qui pueri erant, ut Bellarm. in Catalogo, cum Titus moreretur; de Ambrosii Epistola 82^a, quod in ea mentio fit Venetiarum, quæ civitas, Posssevino teste, post Ambrosii mortem cœpta est ædificari; de Augustini lib. De Spiritu & Anima, quia c. 17. Boetii nomen celebratur: deniq; & de innumeris aliis, ut de Ambrosio & Hieronymo Sixtus Senensis observavit, affictos eis esse libros aliquos in quibus non fragmenta solum, sed integræ paginæ, Gregorii leguntur, sæpe etiam Gregorii nomine interposito. Ex quibus omnibus patet, hujus primæ Regulæ usum esse multiplicem, cum tanti referat nosse quo tempore vixerit cujusq; operis author, ne novorum hominum placitis, pro Patribus, à vero abducamur. Est igitur de Temporis computatione prima Regula.

Ex Collatione dogmatum & sententiarum secunda Regula est petenda, & sic se habet; Si in suspecto opere error aliquis aut dogma statuatur quod authoris in aliis operibus sententiis repugnat, probabiliter sequitur, aut non esse germanum foetum, aut corruptum & interpolatum. Secundum hanc Regulam de nonnullis Veterum chartis Theologi recentiores suam non dubitant ferre sententiam. De Justini Quæſtionibus, quod Angelum qui cum Jacobo locutus est *Angelum creatum* vocat, cum in Dialogo cum Tryphone *Angelum increatum* appellet. De Hieronymi Epistola prima ad Demetriadem, Bellarm. ipse in Catalogo, *Non ejus esse, sed alicujus Pelagiani*. De Hieronymi Commentariis in tredecim S. Pauli Epistolas, & de Nyſſeni libris De Philosophia, Sixtus Senensis, *Ipsorum non esse, quia Pelagianismum sapiunt*. De Augustini libris qui Hypognoſticon inscribuntur, quia multa reperiuntur ab iis dissentanea quæ in libris suis statuit de Prædestinatione & Libero arbitrio. De Commentariis in Leviticum, qui Cyrilli nomine excusi, quia multa in se habent *Origenis somnia*, quæ totis viribus Cyrillus expugnavit. Ut jam etiam ex his manifestum sit vel secundæ Regulæ usum fore non exiguum, ut & hoc nobis sit familiare, quid quilibet è Patribus de Fidei dogmatis constanter senserit; quia ipsorum gravitati non convenit eodem ore calidum & frigidum efflare. Hæc ex Collatione sententiarum Regula secunda.

Tertia

Bell. l. 1. c. 6. de
Christo.

Tertia ex Linguarum Proprietate ducitur, & ad Græcos potissimum Patres pertinet, hoc modo; Si in authore Græco-Latinorum vocabulorum censura & explicatio habeatur, suspicio non levis oritur, opus illud germanum esse non posse, cum à Græcorum Patrum scribendi consuetudine hoc maxime abhorreat. Ex hac Regula de multis Origenis scriptis pronuntiarunt Erasmus & Cocus noster, ea esse adulterina. De Commentariis in librum Job, quod Græcas voces Latine interpretetur, *Adamantius, i.e. indomabilis, inflexibilis*; quod ludat verborum Latinorum similitudine, *Gloriosus Lucianus, quia lucidus vitâ, lucidus fide, proprio nomine aliis lucens*. De Commentariis in Cantica, quod in Prologo citet Græcos velut alienos; & *verbum Dei apud Græcos masculino genere proferri* asserit, *apud nos, hoc est, apud Latinos, neutro*. De Commentario in tres Psalmos, 36, 37, 38. *Suspitor*, inquit Erasmus, *authorem fuisse Latinum*: dixisse potuit, non *suspitor*, sed *scio*; nam in textu Psal. 36. explicando, ostendit quomodo Græcè, quomodo Latine habeat; & locum explicans Deuteronomii, *ubi*, inquit, *Latine dicitur, in zelum adduxerunt me, in Græco est, Emulati sunt*; & *rursus, quod in Latino, Delectare in Domino, in Græco dicitur, καταρρέειν, Deliciare in Domino*. Ut ex istis colligatur, non adeo frequenter, sed aliquando tamen & hujus Regulæ usum desiderari, cum non sit authoris Græci in hæc Latinorum devia transcurrere. Hæc Regula tertia.

Quarta ex Stylo elicitur & Orationis habitu, sub hoc compendio: Si textura sermonis, & elocutionis forma, & dispositionis artificium à nativo alicujus authoris genio evidenter discrepet; aut certum, aut saltem verisimile est, ejusmodi Tractatum non esse ejus sub cujus nomine producitur. Ad hoc Styli methodique calculos multorum Patrum scripta Erasmus vocavit, nec non Sixtus Senensis & Bellarminus. De Arnobii in Psalmos Commentariis Sixtus in Bibliotheca sic judicat; *Stylus inconditus, ac sermo innumeris Barbarismis & Solacismis scatens, palam arguit authorem magis ab Arnobio distare quam cælum à terra*. Et de Hieronymi Commentario in Marcum, *Magis abhorrent à stylo Hieronymi quam ignis ab aqua*. De Cypriani libro De Disciplina & Bono Pudicitia Espenæus, *Stylus ostendit non esse Cypriani*, Espen. l. 3. De Conti. c. 13. Eodem modo & Augustinus Ep. 48. suum de Cypriani aliquibus profert judicium; *Litera*, inquit, *illa Cypriani in quibus error de Baptismo continetur, quasque alii supposititias suspicabuntur, revera Cypriani sunt, quod stylus ejus habeat quandam propriam faciem quâ possit agnosci*. Adeoque & hujus Regulæ usus est æqualis cæteris: sed non est cujusvis hoc facere, si tantum mediocriter eruditus fuerit, cum in uno eodémque authore ea aliquando styli diversitas reperiatur, ut vix sibi similis videatur. At non est desperandum tamen, posse & nos lectionis assidue & multiplicis observationis Scalas adjuti, ad hoc judicii cûlmen ascendere, ut vel ex ipsa argutie, candore, suavitate, gravitate & perspicuitate, quæ cuique Scriptori sunt peculiariora, ipsorum vestigia odoremus. Hæc Regula quarta.

Ultima ex Catalogis & nomenclaturis petenda est, quas de scriptis suis vel authores ipsi vel ipsorum affectu composuerint, quæ sic se prodit; Si è Veteribus quisquam, qui suorum librorum indicem scripsit, hujus vel illius libri non meminisset; aut adhuc, si in Catalogis suis temporum testes fideiorem vel præterierint ut incognitum, vel rejecerunt ut adulterinum; ex hoc non leve argumentum contextitur, ab authore alio originem suam ducere. Et hæc quidem via optima, de antiquitate ex antiquitate judicandi; unde & hujus beneficio Regulæ usi sunt passim censores singuli in scriptis Veterum, præsertim Augustini, examinandis. Eodem consilio librum De

mirabilibus Sacrae Scripturae rejicit Bellarminus, alique alios; tum quod eorum in Augustini Retractionibus mentio nulla, tum quod Possidonius tacuit, qui omnia Augustini collegit. Eodem consilio Erasmus ex Gennadii testimonio Expositionem Symboli Cypriano affictam vendicavit Ruffino; & librum De Persecutione Cypriani nomine insignitum ad Tertullianum remisit, secutus Hieronymum in Catalogo: eodem & alii Constitutiones sub nomine Clementis pro nothis ac reprobis notant, quod Athanasius hoc faciat in Synopsi (prope finem;) itidem & librum Pastoris, qui Hermæ esse dicitur, pro Apocrypho & falso, quod Tertullianus sic doceat in lib. De pudicitia. Quocirca ad veritatis profectum hoc maxime conducit, ut in Antiquorum nomenclaturis nos exerceamus; ut saltem his ducibus & Patrum scripta nitori pristino possimus restituere, & injustos possessores à solio non suo dejicere, revera non Ecclesiae Patres, sed Filios populi. Hæc quinta & ultima est Regula specialis quæ generali secundæ ancillatur, ab Antiquorum scriptis & voluminibus desumpta; Quod in Sanctorum Patrum scrutinio necessarium sit unicuique, authorum discrimine facto, in librorum & tractatum discretionem falcem suam immittere; & judicii limâ adhibitâ, tum germanos in suæ dignitatis albo conscribere, tum spuris nigrum Theta præfigere. De tribus quæ supersunt Regulis in diem proximum cura est agenda.

LECTIO XXXVIII.

AD Regulas in Sanctorum Patrum lectione observandas dies antea aditum fecit, atque exitum hodiernum est largitura: neque erit, ut spero, quod nunc me Callipedem aut cunctatorem existimetis, si quinque solummodo regulis ad innumerabilem voluminum iter peragrandum, atque duabus quàm ocysimè prætervolantibus horulis ad multorum annorum, vixque ætate Nestoræâ conficiendum, negotium, paratos è vobis aliquos aut instructos exhibuero. Quod si in animo esset distendere paulò longius disputationem istam, aut linearum spaciorem, quæ discrimina pro argumenti amplitudine fusiùs prolatare, nullâ temporis curâ adhibitâ, nullâ mensurâ loquendi, equidem & regulas & horas plures in apparatu absumpsissem. Verùm occurrit mihi illud Quintiliani, *In elementis satius est breviter, sed plena, docendi monstrare compendia*: quanquam revera breve nihil putandum est, quod plenum; cui nihil addi potest, id breve non est: vel ipsa Christi & Apostolorum mensa in Evangelio exemplo esse potest; nam angusta erat simul mensa, & opima; angusta, quia duo tantummodo pisces & quinque panes appositi, opima, quia discumbentium aliquot millia saturata; atque certamine facto inter panes & homines, vincunt panes, superantur homines; opsonia superfluant, convivæ deficiunt, crescente cibo tam in ore edentium, quàm in manibus ministrantium. Similiter & in hac qualicunque mensa nostra, utcumque sit idem exiguus numerus horarum & piscium, regularum atque panum; non diffido tamen futurum esse ut vel duæ horæ totius vitæ commodis inserviant, & quinque Regulæ velut quinque panes fiant, qui dum franguntur, multiplicantur; ut vel iis solis, velut quinque sensus communis organis, possimus discernere & veri nominis Patres à falsis, & Patrum libros germanos ab adulterinis, & librorum locos sinceros ab interpolatis, & locorum intelligentiam nativam à coactis & detortis

cortis sensibus; si quid fortasse occurrat quod aut intuentibus obscurum, aut tractantibus asperum, aut absonum auribus, aut insipidum palato, aut emunctæ nari exoticum & molestum inter legendum videatur. Hæc Regularum summa, scopusque in quem collineant, è quibus duas tantum ad effectum adduximus. Tres reliquæ superflunt inspiciendæ. In earum prima de Jure & merito Nominis differuimus; deq; Modo dignoscendi Patres veros ab eminentis, desumpto partim à communi utriusque partis Consensu; partim à Veterum Testimoniis, partim à Proprietatibus legitimis, ex quarum collectione Ecclesiastici Patris definitio statuatur. In secunda de ipsorum Scriptis & voluminibus disputatum est, deque Modo dijudicandi libros germanos à supposititiis: idque vel ex Temporum, si rebus descriptis non conveniant, circumstantiis; vel ex Dogmatum, si quid tale acciderit, repugnantia; vel ex Linguarum, si qua sermonis patrii in peregrinum mutatio fuerit, idiomaticæ; vel ex sono styloque orationis, & sermonis textura atque artificio; vel denique ex suorum operum Catalogis & nomenclaturis, quas aut ipsi aut scriptores coæanei & sequaces composuerint.

Regula tertia sequitur, è duabus superioribus proficiens, iisque veluti nexu quodam conjuncta. Prima erat, Ad Lectionem Sanctorum Patrum accessurus oportet prius ut certo sciat quod pro Patribus verè habentur quorum suffragiis est usus, nè pro veritatis testibus magnorum nominum umbras congerat. Secunda, Hoc cognito, qui jure & merito sunt Patres dicendi, oportet ut hoc etiam calleat, quæ scripta sunt authentica & *γινώσκω*, quæ fictitia & adulterina; nè pro doctrina salutari tractatus & libros deglutiat Orthodoxæ Fidei infestissimos. Jam tertia sic se habet, Hoc cognito, quod scripta sunt genuina & authentica, oportet ut hoc etiam cognoscat, quod dicta & sententiæ singulæ, adeoque descriptionis pars quælibet, sincera sit & integra, nihil mutatum, aut corruptum, aut transpositum, nihil furtim ereptum, nihil extrinsecus additum; nè assertiones à fide & veritate longè avertas non modò ipsis Patribus iniquè affingat, sed ipse simul in animi perniciem incautus absorbeat.

Ut usus Regularum apertius innotescat, de Utilitate ejus inprimis agendum est. Utilitas à Necessitate petenda: Necessitas apparebit à Rationibus quæ ipsam suffulciunt: Rationes in quatuor istis Conclusionibus comprehenduntur;

Conclusio prima; Loci corrupti nulla est vis, nulla autoritas in argumentando; quia quicquid in loco depravato continetur, non est authoris, sed interpolatoris. Et pervulgatum est Juris Civilis Axioma, *Patris nobilitas transit ad legitimos, non transit ad nos, neque potiuntur nothi privilegiis & dignitate parentum, ut ceteri filii*, ut ex Bartholo Tiraquellus De Nobilitate, c. 15. p. 102. At verò nullus est magis illegitimus partus quàm eminentia sententia; vel ipsa Lex Canonica docet, ex ore Innocentis & Panormitani. *In totum reprobatum dictum testis*, inquit Panormitanus, *si qua falsitas reperiatur in testimonio*. Et adhuc planius Innocentius, *Testis, si inveniaturs falsus in parte, in nullo creditur*. Quod si in testimonio forensi, eoque tantum deposito, sic se res habeat, in testimonio Sacro & scripto multò magis. Quod idem S. Augustinus de ipsa Scriptura non veretur pronuntiare, in illa ad Hieronymum Epistola, *Exitiosissimè*, inquit, *creditur ali-quod in Sanctis libris esse mendacium; quia admissio in tantum autoritatis fastidium mendacio aliquo, nulla illorum librorum particula remanebit quæ non utcumque videbitur vel ad mores difficilis, vel ad fidem incredibilis*. Hæc Augustinus. Atque hanc Augustini rationem Bellarminus ipse fatetur esse firmissimam, l. 1. De Verbo Dei, c. 6. ar. 19. *Si*, inquit, *erratum aliquod in*

Sylvestranus 10.
1. p. 321. nu. 6.
& 10. 2. p. 361.
nu. 7.

Ep. 8. ad Hieron.

Scripturis, siue imperitiâ, siue oblivione, siue aliâ quacunque humanâ imbecillitate ab autore committi potuit, quicunque locus proferatur, de eo questio esse poterit, an in eo scribendo auctor non dormitaverit. Hæc Bellarminus. Ex quibus verbis certissime evincitur, ut si hoc dato per impossibile verum sit de Sacra Scriptura, quæ erroris omnis experta est, & quoad actum & quoad ipsam potentiam; multò magis id certissime verum erit per possibile & quoad actum de quibuscunque scriptis hominum, quantumlibet sanctorum, quòd admissio uno, siue errore authoris, siue falsarii corruptelâ, etiam totius libri pondus eousque elevatur, ut argumentum solidum & certum subministrare non possit. Quocirca necessarium est, ut antequam ad Patres appellatio fiat, eos non modò eluamus à libris supposititiis qui aliis gaudent parentibus, verumetiam ut germanos libros Patribus authoribus adscriptos ab introductis corruptelis emundemus; alioquin frustra in hanc aciem eos producimus, nec testibus illis proficimus, quia loci corrupti nulla vis aut robor in argumentando. Hæc Conclusio prima.

Conclusio secunda; Corruptas esse & depravatas, partim incuriâ Notariorum, partim Hæreticorum fraude, quamplurimas Sanctorum paginas, iis-que malefanas sententias à falsariis admixtas, pro indubitato credendum est. Ad Conclusionis probationem non est quòd nostros auctores producamus; Papistarum suffragia abunde sufficiunt, ex Sixto Senensi, Bellarmino, Posservino, Masio, Erasmo, Ludovico Vive deprompta. Nam revera res est adeò manifesta, ut vel ipsis oculis & manibus Pontificiis, hoc est, tremulis & lippientibus, teneatur; atque habemus eos passim, palam quidem, sed vix ingenuè, confitentes. De Recognitionibus quæ Clementis nomen præferunt, Bellarm. docet, l. 5. De Grat. & lib. arb. c. 25. *Fatemur librum Recognitionum corruptum esse & depravatum ab Hæreticis.* De S. Basilii quibusdam Posservinus monet, *E falsatis exemplaribus nonnullos irrepsisse errores.* De Basilii Liturgia Andreas Masius, *Multa in ea mutata, & alia atque alia addita.* De libro ipsius De Spiritu Sancto Erasmus, *Subiit animum meum suspicio, studiosum quempiam, quòd volumen redderet auctius, multa intertexuisse vel ex aliis decerpta emblemata, vel ex se reperta.* De Commentariis in Psalmos qui Hieronymo ascribuntur, Sixtus Senensis, l. 4. p. 246. *Sunt qui existimant Commentarios esse Hieronymi, sed ab incerto impostore nanis nugis-que innumeris contaminatos:* & Bellarminus etiam, lib. De Scriptoribus, *Existimo eos esse Hieronymi, sed non puros.* De Augustini Civitate, quos libros nemo unquam in dubium vocavit, esse in eis temerata & violata nonnulla Ludovicus Vives animadvertit, in l. 22. c. 8. *In hoc, inquit, capite non dubium quin multa sint addita, velut declarandi gratiâ, ab iis qui omnia magnorum authorum scripta spurcis suis manibus contaminarunt.* Et nè quis Augustino foli id contigisse dixerit, in libro Corruptarum artium primo de reliquis pronuntiat, *Quingentis his annis, ut quisque Veterum scriptorum in studiosorum manibus versatus est, ità ad nos venisse corruptissimum.* Postremo, de Imperfecto opere in Matthæum Bellarminus, De Verbo Dei lib. 4. cap. 11. p. 248. *Author ejus vel fuit Ariannus, vel certè ab Ariannus opus multis in locis est depravatum.* Rursus, in lib. De Scriptoribus Ecclesiasticis, *Opus imperfectum non videtur esse Chrysostomi, sed cuiuscunque sit opus, aut ab hæretico aliquo compositum fuit, aut ab hæretico aliquo corruptum, quamvis alioqui liber sit doctus & minimè spernendus. Atque credibile est autorem fuisse Catholicum, sed opus illius ab Ariannis depravatum.* Hæc Bellarmini censura. Neque ab similibus est illa Sixti Senensis, lib. Bibliothecæ quarto, *Fæces & sordes, non authoris culpâ, sed hæreticorum fraude, in eos Commentarios irrepsisse; idque triplici argumento:* quòd

quòd exemplaria quædam vetusta nihil contineant hujusmodi errorum ; quòd quicquid hæreticum est ita sit germanæ lectioni assutum, ut si resece-
tur, sententia non mutatur ; quòd diversis in locis istius libri, Orthodoxam
author de Christi Deitate contra Arianos tueatur sententiam. Hæc de Im-
perfecto opere in Matth. Sixtus Senensis. Quòd si his Pontificiorum censu-
ris ea omnia attexerem quæ à Protestantibus sunt passim animadversa, ab
Hubero in Antibellarmino, ab Hospiniano in l. de Sacramentis, imprimis à
nostris venerandi nominis Capitibus, Bilseno in l. De Obedientia sive Sub-
jectione Christiana, Mortono in secunda parte Apologiæ, Perkinso in Præ-
paratione ad demonstrationem Problematis, & quos pridie commemoravi,
Juëlo atque Raynoldo, in immensum charta excreveret. Sed supervacua
est amplior inter tot testes probatio, cum eandem etiam habeamus & Vete-
rum querimoniam. De operibus Cypriani Augustinus testatur, Ep. 48. ad
Vincentium, de Cyrilli monumentis Nicephorus, l. 15. c. 16. depravata esse
à Timotheo Æluro ; de reliquis Anselmus, in Comment. Epist. secunda ad
Cor. *In libris, inquit, Sanctorum Doctorum, quos authenticè legit Ecclesia,
nonnunquam inveniuntur quedam prava & hæretica.* Eodem modo Euse-
bius, Didymus & Rufinus conquesti sunt, nimirum Clementis, Dionysii,
Origenis, Athanasii & aliorum nobilium Doctorum scripta plurima fuisse
olim pessimè tractata ab Hæreticis, qui multa in eorum libris vitiarunt, per-
mutarunt, detraxerunt, inseruerunt, ut sub nomine clarissimorum Patrum
hæresibus suis fidem conciliarent. Quòd si de depravationum causis quis sit
solicitus, Erasmus responderet, eos lucri quæstusque haud dubiò gratiâ cele-
brium virorum monumenta contaminasse. Sed illud similis veri est, quod
libro primo Corruptarum artium Ludovicus Vives scriptum reliquit ; Non
ex una radice pullulasse hanc pestem, sed quàmplurimis : alii corrupti sunt
codices casu, in aliis situ & pulvere quædam sunt obscurata, alios transcri-
bentium inciticia laceravit, ex uno exemplari in apographos multos veneno
transfuso. Et si istæ non sufficiant, accedunt & causæ aliæ, quas ex se facile
prudens lector animadvertat, nonnulla esse quæ negligentia omisit, aliqua
quæ imperitia detorsit, alia quæ submovit audacia, non pauca quæ supposuit
astutia, multò plura quæ malitia & erroris spargendi prurigo depravavit.
Quibus singulis, sive causis sive instantiis, juxta se positis, non est quòd quis-
quam aut miretur aut dubitet, si in Patrum scriptis aliquando reperiat de
quibus & dubitet & miretur, cum sint in ipsorum scriptis tot ubique pagi-
næ corruptæ & depravatæ. Hæc Conclusio secunda.

Conclusio tertia ; Pontificiis solenne est atque familiare utrinque, & in-
ter probandum in locis Patrum depravatis errorum suorum firmamentum
ponere, & interdum etiam inter respondendum ad hoc se asyllum recipere.
Sunt duæ Conclusionis partes, quarum utraque crimen intendit Pontificiis.
Prima est, quòd errores suos ex libris corruptis stabilire soleant : atq; nè per
calumniam dictum videatur, mittamus longinqua, atque ad autores à me
suprà nominatos redeamus. Clementis Recognitiones appello : *Corrupta sunt
& depravata ab Hæreticis, inquit Bellarminus ;* & tamen ex istis disputant
Papistæ : ex Recogn. l. 3. pro Libero arbitrio Bellarminus ; ex septimo, pro
Ciborum delectu * Peresius ; ex decimo, * Hardingus pro Traditionibus.
Appello Hieronymi Commentarios in Psalmos, quos *non puros* Bellarminus
agnoscit, nugis *contaminatos* Senensis : & tamen ex istis pro immaculata
Virginis conceptione Bell. testimonium ducit, l. 4. De Amis. Gratiæ, c. 15.
item Rhenenius in Luc. 2. 28. * De Imperfecto opere in Matthæum quid
dicam : cujus autorem Arianum putat Bellarminus, aut saltem ab Arianis
opus depravatum : & tamen exinde Bellarminus non semel, Coccius sapif-
sime,

De Gr. & lib.
arb. l. 5. c. 25.
* De Tradit. par.
3. Tit. de Cib.
delectu.
* Confut. Appl.
par. 1. fol. 34.

sime, locos producit. Postremò, de Basilii Liturgia quid? quam Masius & mutaram & auctam dicit à circumforaneis quibusdam: & tamen ex ista suppellectilem suam pro Missæ Sacrificio, pro Invocatione Sanctorum, pro Transubstantiatione petunt Bellarminus, Valentianus, Peresius; imò verò & Peresius præ gaudio exsiliens ob testimonium tam luculentum, *Gratias tibi agimus, O magne & sancte Basili, quòd tam apertis verbis rem de qua agimus aperuisti*, & quæ sequuntur. Sed præstò est Salomonis illud, *Contra vitam suam locutus est Peresius verbum hoc*: nam in ipsorum capita faciliè interqueri potest, *Gratias vobis agimus, Sophistarum obliuiosissimi, quòd eodem ore ad eos libros provocatis, quos alibi aut depravatos aut supposititios falsi estis*. Non quòd istius sim sententiæ, aut eâ severitate correptus, ut ob nonnulla corrupta totum opus authoris Classici abjiciendum existimem: sed quòd operculum magniloquentiæ vestræ dignissimum adeptos vos videam, quos in hanc necessitatem adduximus, ut fidei vestræ, fidei Romanæ, fidei Catholicæ, fidei purissimæ, in Scriptoribus ac scriptis & adulterinis & adulteratis propugnacula subsidiæque statuatis. Hæc Conclusionis pars prima.

Secunda non multum absimilis; Quòd ipsis etiam in more positum sit, ad hæc responsa & argumentorum solutiones confugere, ut dicant Locum vel librum citatum esse depravatum. Quocirca, ut quod superius de supposititiis demonstravi, nunc de locis corruptis ostendam, quàm usitatum sit iis has latebras quærere, consulamus locum unum aut alterum, velut breviam reliquorum libamenta. In Sixti Senensis Biblioth. l. 6. Annot. 66. adducitur Origenis testimonium contra Transubstantiationem, ubi Sacramentum corporis Christi vocat *typicum & symbolicum corpus*: quid ad hoc Senensis? Ego, inquit, *ut liberè pronuntiem sententiam meam, suspicor locum fuisse ab Hæreticis depravatum*. In Bellarm. l. 1. de Rom. Pontifice, c. 26. Ar. 12. adducitur Eusebii testimonium contra Primatum Papæ: quid ille? *Respondeo*, inquit, *locum Eusebii sine dubio esse corruptum*. Pariter ad locum ex Gratiano citatum, l. 2. de Concilio, c. 12. Art. 12. *Respondeo*, inquit, *Gratianum deceptum fuisse ex depravato codice quem ipse habuit B. Augustini*. Nec non ad locum ex Ignatio, ad Philadelphenses. l. 4. de Sacr. Eucharistiæ, c. 26. Art. 3. *Respondeo, non multum fidendum esse Gracii codicibus, quia multi sunt in eis errores*. Denique ad locum Socratis, l. 5. Hist. Eccles. c. 21. qui Romanos jejungere solitos dicit tres tantum hebdomadas ante Pascha; *Ad locum dico*, inquit, *probabile esse codicem Socratis esse corruptum, & pro tribus septimanis scribendum esse septem*, l. 2. De bonis operibus, c. 15. Art. 19. Hæc ea est respondendi licentia quam sibi Romanenses vendicant; quæ magis quidem ferenda esset, nisi quòd nobis eandem non largiantur libertatem: nam nobis id Gretserus tanquam capitale objicit, quòd quicquid in Patrum scriptis non arderet, id aut supposititium esse clamitemus, aut ævum esse mentiamur. Quæ querelæ nostræ contra ipsos pars est secunda. Et Senensis, in præfat. l. 5. Lutherum, & Zuinglium, & Calvinum, & nostris reliquos accusat, quòd falsis armis & exuviis induti, hoc est, aut confictis aut corruptis Sanctorum Patrum testimoniis contexti, fidei integritatem oppugnant: quæ prima querelæ nostræ pars est contra ipsos. Sic in oculis nostris festuca ipsa trabe grandior est, quam in suis non animadvertunt. Verum de hoc nos nunc non disputamus, num verè & rectè, aut semper aut quandoque Protestantes vel Papistæ hoc modo respondeant; hæc, inquam, non nunc disquirimus. Sed esto, fac nos hujus versutiæ unà cum ipsis conscios fore; non tamen communis ipsis nobiscum est excusatio. Ad Patres illi solent tanquam fidei iudices confugere, de Patribus solent tanquam de suo peculio gloriari, &

De jure prohib.
mal. lib. l. 2.
c. 6.

& de supposititiis ac corruptis magis quàm de germanis & integris. Nos autem, si ex suspecto libro testimonium proferamus, non id facimus nisi coacti, ipsis nos provocantibus, ut suis eos telis sauciamus. Quocirca quantumvis contra nos non valeant Patres ementiti, at contra ipsos vel maximè valebunt. Quod M. Cicero in Orat. pro Quintio contra Sex. Nævium dixit, *Testimonium tuum, quod in aliena re leve est, id in tua, quoniam contra te est, gravissimum debet esse*: cui & illa Juris notissima Regula astipulatur, *Testem quem quis inducit pro se, tenetur recipere contra se*. Aded iniquissimum est & Rationi rectæ absonum, ut libros esse corruptos dicant cùm respondent, & cùm opponunt ex ipsis corruptissimis libris (quod apud ipsos est quotidianum) copias suas traducant. Hæc conclusio tertia.

Spec. iii. de Testif. 10. num. 6.

Conclusio ultima; Ipsi Pontificii sunt summi Sanctorum Patrum corruptores, qui eorum scripta sæpius aut interpunctionibus suis vitiant, aut expunctionibus mutila & decurtata reddunt. Hæc omnium acerbissima videtur objurgatio; atque ab ea fortasse abstinuissem, nisi impudentissimi commentari aculeo huc me Jesuita Possevinus adegisset. Is in Bibliothecæ suæ l. 5. c. 26. de nobis sic loquitur; *Esti Hæretici aliquando Sanctos Patres laudant, tamen eosdem nunquam ex professo exposuerunt in Scholis, nec libenter aut incorrupte eos unquam ediderunt in lucem, nec unquam in linguas populis ubi versantur cognitæ converterunt*. Hem, quot verba, tot oracula; sed Apollinis, nè quid gravius dicam. Nam Primò quòd dicit, *Nos nunquam in Scholis eos exposuisse*, ad nihilum recidit: neque enim nos culpæ compotes putamus, si Patres è Cathedra aut Pulpitis non interpretemur, qui solis Scripturis hunc honorem deferendum esse censemus. Quòd si fit in crimine ponendum; dicat velim, si eruditis Scholiis Patrum scripta illustrare, si, inquam, non sit eos in Scholis, vel magis in toto Orbis theatro, exponere. Ecquis autem est qui credit Possevinum nescivisse quàm proficuum in his studiis posuerunt operam, quàm optimè sint de Patribus meriti è nostratibus plurimi, de Gregorio Nysseno Casaubonus, de Nazianzeno Montacutius, de Chrysostomò Boysius & Duræus, de Origene & Cyrillo Humfredus, de Tertulliano Junius, de aliis aliis? Hæc Possevinum latere non poterant. Dein quòd addit, *Nunquam nos Patrum scripta in linguas populo notas convertisse*, & procul est illud à vero: nam ut de nostratibus tantum loquar, Augustini Civitatem & Meditationes nobis vernaculas factas omnes norunt. Esti hæc sunt hæsterna, at illa sunt antiquiora, quòd Eusebii historiam Ecclesiasticam populari linguæ Meredithus Hanmerus mandaverit; quòd Episcopus Cicestrensis, Jo. Skorye, S. Augustini De Prædestinatione & Perseverantia Sanctorum libros duos in nativam nostram linguam transtulerit, idque, ut ille loquitur, *ad Papistarum & Anabaptistarum pudorem, qui Pelagianismum resuscitassent*. Hæc Possevinus fortasse scire non potuit, cæteroquin id nunquam à nostris factum non dixisset. Postremò, quòd asserit *Nos nunquam libenter aut incorrupte eorum scripta in lucem edere*, ejusdem coloris est cum cæteris; multorum enim nomina sunt in procinctu, quæ tamen prætereo, nè videar historiam texere: prætereo Tho. Jameſii Cyprianam redivivum, quem integrum Possevinus furtim in Apparatum suum transinovit; prætereo Grynæi Origenem, Vulcanii Cyrillum, Vedelii Ignatium, ut pro omnibus felicissimæ memoriæ Savillius loquatur, qui Chrysostomi opera impensis propriis, eâ characterum elegantia, eâ chartarum pulchritudine, eâ typorum fidelitate, eo politissimo librorum ordine, eâ suspectorum operum cautelâ atque censurâ imprimenda curavit, ut Pontificii ipsi quid sanandum aut resecandum sit vix inveniant. Atque poss hæc Jesuitam non pudet dixisse, *Nos nunquam incorrupte Patrum volumina in lucem edere?*

Quòd

Quòd si nos digni hâc contumeliâ, at illi indigni qui faciant; nam quid est immodestius quàm ut Clodius mœchos, nisi hoc unum, ut Clodius castos: Expromant, si possint, vel tantillum lineæ cujuscunque in quo nos malæ fidei arguant. At verò ipsi nostri non linearum aut sententiarum, sed capitum atque librorum corruptelas, non clàm factas, sed palàm editas ratasque, obijciunt; easque tot ac tantas, ut omnium vix dies sufficeret enumerationi. Mihi in his temporis angustiis satis sit insigniores aliquot indicasse, plurimis prætermisissis. Mitto igitur eas quas in Ignatii, Cypriani, Ambrosii, Augustini, Leonis & Gregorii operibus doctissimus Jamelius observavit, quia manibus omnium conteruntur: at lulentiores tamen sunt quàm quæ omnibus Tyberis undis eluantur. Mitto quæ à Scriptorum Polemicorum Coryphæo, Daniele Chamiero, nuperiùs sunt notata, præsertim in Græcorum Patrum scriptis, quæ tamen Latinis sunt emendatiora; quia indocti homines magis in Latinis versantur quàm in Græcis, ut de sua ætate Cicero loquitur. Præterea, nihil de Scholasticis dico, qui vix tertium aut quartum quemque locum quem è Patribus proferunt sincerâ fide contestant aut simplici calamo: quod vel ex ignorantia Græcæ linguæ contigit, cujus erant ut plurimum imperiti; vel fortasse etiam ex negligentia, quòd aliorum operâ usi sunt, & authores ipsos non consuluerunt. Nihil de Decretorum Patrum compilatore Gratiano, qui cùm sapissime emendatus atque correctus fuerit, adhuc manet corruptissimus: etenim opuscula plurima iis authoribus tribuit quorum non essent, & Veterum Patrum verbis sua sæpe intermiscet, & nomina atque tempora confundit, & testimonia laniat, ut ad hoc Augeæ stabulum purgandum nè Hercules ipse sufficiat. Hæc, inquam, mitto, eò quòd ex solis Indicibus Expurgatoriis quo animo Doctorum lucubrationes evolvant indicare possumus: in quibus non in nuperos aut recentiores solum efferbuit censura, ut post aliquot secula vix quisquam sciat quid quisquam senserit; verùm in Patres ipsos, tum majores tum minores, carnificinam exercent: idque non in unum aut alterum, sed in maximam illam Patrum Bibliothecam; nam centum & ampliùs Authores sunt quos in ipsa Bibliotheca vellicant, imò & extra Bibliothecam. A pientissimis Chrysostomi & Cyrilli voluminibus vix novaculas suas retrahunt durissimi Aristarchi. Quòd si quis dixerit, Se non è libri alicujus mole aut textura verborum aliquid expungere (quæ ipsum est à Gretsero conficta purgatio) sed tantum Indices & editiones ab hæreticis factas, & glossemata, & margines, & annotationes ejicere; ut quæ malè feriati homines è Patrum monumentis assuerunt, corrigantur: Age, videamus an crimini depellendo hæc prætextuum faciundia sufficiat. Et hæc duo jam breviter perpendamus, Si non ex Indicibus plurimas Patrum sententias; Si non ex ipso textu aliquas amoveant.

*l. 2. de Fure
prohib. mal.
lib. 6. 9.*

Quòd ad Patrum Indices attinet, hæc spicilegia accipitote, quæ in Expurgatorii Belgici & Hispanici examine cursim annotavi. In Indice Hispanico, ex annotationibus in Epiphanium deleri jubentur ea verba, *Creaturam non adorari*: & in ipso Epiphanii textu leguntur, Hæref. 69. *ἡ ἀγία τῷ θεῷ ἐκτετακται ἐν τῇ ἑκκλησίᾳ, sancta Ecclesia Dei creaturam non adorat*. Ex Hilarii Indice delenda præcipiuntur ea verba, *Alienis meritis & operibus nemo juvatur*: & habentur in textu ipso Hilarii, in Matth. ca. 27. *Alienis operibus ac meritis nemo adjuvandus, quia unicuique lampadis sua emere oleum necesse est*. Ex Operis imperfecti in Matthæum Indice illa delenda, *Nullum hominis bonum esse coram Deo acceptabile*: & habentur in textu, Hom. 13. verbatim, *Nullum hominis bonum acceptabile potest esse ante Deum, cùm nullum bonum liberè homo facere possit*, & quæ sequuntur. Ex Hieronymi

Indice

Indice Basileenſi delenda damnantur iſta, *Fides ſola juſtificat; Opera non juſtificant; Imago una tantum veneranda*: & habentur diſertè loci ſinguli in ſcriptis Hieronymi; prior in Ep. ad Rom. cap. 10. *Ignorantes quod Deus ex ſola Fide juſtificat*, &c. poſterior in cap. 2. ad Galatas, *Si gentes fides ſola non ſalvat, nec nos; quia ex Operibus nemo juſtificatur*; tertius in Ezek. lib. 4. cap. 16. *Nos unum habemus virum, & unam veneramus imaginem, qua eſt imago inviſibilis Dei*. Poſtremo, ex S. Chryſoſtomi Indice plura delenda deſcribuntur quàm penè ex reliquiſ omnibus. Primum eſt illud, *Deleantur hæc verba, Conſtitenda Deo peccata, non homini*: & habentur in textu Chryſoſtomi, hom. 4. De Lazaro, *μὴ δὲ τῆς σωδὲλῳ ὁμολογῆς*, &c. *Non enim peccata ſua homini dicis, nè te probro afficiat, neque conſervo conſiteris, nè in publicum proferat; ſed ei qui Dominus eſt, ei qui curam tui gerit*, &c. Iterum & illud, *Deleantur hæc verba, Eccleſia non ſuper hominem, ſed ſuper fidem adificata*: & occurrit in textu Chryſoſtomi, Hom. de Pentecoſte, in illa Salvatoris verba, *Super hanc petram*, Tomo ſexto, *ἐπὶ ταύτῃ τῇ πέτρᾳ*. *σὺ ἀπὸν, ἐπὶ τῇ Πέτρᾳ*. *ἔτε δὲ ἐπὶ τῷ ἀνδρὶ, ἀλλὰ ἐπὶ τῇ πέτρᾳ ἣ ἐκκλησίᾳ ἀκοδοῦμεν*, *Non dixit Chriſtus, ſuper Petrum, ſed ſuper hanc petram; non enim ſuper hominem, ſed ſuper fidem adificavit Eccleſiam ſuam, hoc eſt; ſuper confeſſionem & ſuper ſermones pietatis*. Tertium illud, *Deleantur illa verba, Apoſtolorum doctrina facilis, omnibùſque pervia; item & illa, Sine Scriptura Divina nihil aſſeverandum*: & ſunt in ipſo textu Chryſoſtomi; prior, Conc. 3. de Lazaro, *οἱ Ἀπόστολοι καὶ οἱ προφῆται παρὶν καὶ διὰ πάντων ἐπινοῶν*, &c. *Apoſtoli & Propheta manifeſta & clara qua prodiderunt expoſuerant, velut communes Orbis Doctores, ut per ſe quiſque diſcere poſſit ea qua dicuntur à ſola lectione*; poſterior in Com. in Pſal. 95. *ὡς π ἀγαφον λήσεται, ἡ ἀγνοία τῆς ἀκροατῆς οὐαζοι, καὶ μὲν ἐπιδύσκα, καὶ ἡ ἀγνοία πομένη*, &c. *Si quid dicitur abſque Scriptura, Auditorum cogitatio claudicat, nunc annuens, nunc hæſitans*, &c. at Scriptura teſtimonium & loquens ſermonem, & audientis animum confirmat. Poſtremum illud, *Deleantur hæc verba, Fide ſolà juſtificari, Fidem ſolam ſalvare*: & ſignanter uterque locus occurrit in ipſo Chryſoſtomi textu; primus in Concione De verbis Pauli, *Gloriamur in Afflictionibus*, quæ in Tomo quinto reperitur, *ὁδὸν πορεύμεν ἐπὶ ἐπιπονοῦν ἐπιπάθας, ἀλλὰ τῶν ζυγίων παρ' ἡμῶν μόνον, καὶ δικαίως ἐποιήσω, καὶ ἄγως κατεσθλάσας*, *Nullis, inquit, oneroſis aut moleſtis mandatis impoſitis, ſed Fide tantum requiſitâ, & juſtificavit nos, & ſanctos reddidit*; ſecundus in cap. 2. Epift. ad Titum, *εἰ δὲ πιστεύεις τῇ πίστει, τί ἐπερ ἐπειράζεις, ὡς σὺν ἀκρίτοις & πῖστος διακονῶν; Si credis fidei, cur alia inferſ, quaſi fides juſtificare non ſufficiat ſolâ? Quid plura? Satin' nunc res clara eſt, eos non è marginibus aut Indicibus, ſed ex ipſo Sanctorum Patrum textu aliqua expurgaffe, dum ex Indicibus ea rejiciunt quæ ſunt ipſiſſima Patrum verba in iis paginis ad quas nos Indices dirigunt? Neque eſt hæc nova vaſitiſ, ſed eadem quæ in demutando Legis Decalogi obrigit, cujus Mandatum ſecundum cùm delere non audeant, compendii prætextu prætereunt: eadèſque arte adverſus librorum Indices ſæviunt, eò quòd nos Indices ad locos Patrum ducant quibus eorum peſſima dogmata reſelluntur. Ergò ſi non graphicè atque apertè, at ſaltem obliquè & æquivalenter textum ipſum expurgant. Et hoc ſolum effugium ſuperreſt quo ex his laqueis elabantur. Quòd ſi ſic ſe enatare poſſe ſperant, reſpondeo cum Chryſoſtomo in re non abſimili, *ὁ περὶ τῶν ἀποστολῶν τῶν ἀνοήτων ὁ λόγος, ἀλλὰ περὶ τῶν πῶς οὐκ, καὶ πρὸς τὸν* in Pſal. 95.*

τὸ σωτῆρος ἔ ἀληθείας, Non mihi ad amentium amentiam sermo est, sed apud vos fideles, apud vos veritatis collactaneos; de litigiosis cura minor, si vobis satiactum fuerit. Utcunque non despero tamen & hoc ostendi posse, quod non modò obliquè & æquivalenter, sed articulatè & de industria ipsa Patrum scripta detruncant. Ut nihil dicam de S. Antonii Abbatis Sermonibus, qui in Bibliotheca Patrum colliguntur, ex quibus delenda multa Index Hispanicus præscribit; ex Sermone primo præsertim, ubi illa verba leguntur, *eam solummodo naturam qua increata est colere & venerari didicimus*, Inquisitores reponunt, *Deleatur dictio Solummodo*: Nihil de Hermetis Pastore, aut Eucherii Commentariis in Genesin, aut Melitonis libro de Transitu Mariæ; germani fortis sint annon, parùm refert: ex Inquisitoris iussu delenda est sententia unica Eucherii, tres sententiæ Hermetis, & aliquot capita Melitonis. De his & ejusmodi suspæ fidei operibus nihil dico. Videamus quid tanti in ipsos Cyrillus committere potuit, aut author Imperfecti operis in Matthæum, ut in eorum scripta involarent. De Cyrilli in Isaiam Commentariis non solum ex margine & indice delenda quædam Inquisitores Hispanici decernunt, sed ex textu ipso, tribus in locis. In capite primo, *Ex textu deleantur illa verba, Fidei autem gratiam cum his qui valde inquinati sunt, tum etiam paulum morbo affectis, satis ad emundationem valituram esse, fidem facit Propheta, dicens, Si sint peccata vestra ut purpura, velut nivem inalhabo, &c. in cap. 47. Ex textu deleantur illa verba, Tu verò cò impietatis progressa es, &c. in cap. 51. Deleantur ex textu illa verba, Sed ubi non haberent timorem Dei in seipsis, nec Jesum per fidem incolam recipere, habitat enim in cordibus nostris per fidem, sicut scriptum est: quæ non Cyrilli sunt, sed Apostoli verba, Eph. 3. 17. Hæc illa gratia est quam Cyrillo Alexandrino referunt. Nec dissimilem authori Operis imperfecti in Matthæum. In editione Parisiensi Chrysostomi nomen præfigitur istis Commentariis, est enim hic titulus, *Sancti Chrysostomi in Evangelium secundum Matthæum Commentarii diligenter ab Arianorum facibus purgati*. Et quid tum postea? Apparet ex Hom. 49. cujus magna pars deleta est, nimirum à pagina 952, usque ad calcem istius columnæ in folio ductæ. In illo loco, *Abominationem desolationis*, author interpretatur de exercitu Antichristi stante in locis sanctis Ecclesiæ: *fugam ad montes*, provocationem ad Scripturas appellat; *Quia*, inquit, *nulla potest esse probatio veræ Christianitatis, aut veræ Christi Ecclesiæ, aut veritatis fidei, nisi per Scripturas Divinas*. Totus igitur hic locus detrusus est ex opere isto: rationem reddit Bellarminus, lib. 4. de Verbo Dei non scripto, c. 11. Art. 18. *quia totus hic locus ab Arianis insertus est, & propterea è quibusdam codicibus emendatis sublatus*. Ain' verò sublatus? quâ manu? Pontificiâ: at illi nè tantillum quidem surripiunt de Antiquorum scriptis. Quæ demum de causa? Pontificiâ: quia Arianas fæces redolet. At dic sodes, & fide non inferiori illâ & Jesuiticâ, sed Cardinalitiâ & infallibili proximâ, h. e. non Jesuiticâ, sed Christianâ; Num ad Scripturas nos recipere est dogma Arianum? aut ex Scripturis fidem & Ecclesiam discernere, dogma Arianum? O pestus! O frontem! An hæc sunt parentalia quæ in Patrum defunctorum memoriam celebratis? An Patrum Veterum Filii dicendi estis, qui hæc facitis? An magis veteratores, qui quicquid vobis in Patribus non placet expungitis, & Arianum clamitatis? At verò planè contrarium est quod S. Athanasius, Arianorum malleus, de ipsis refert, *οὐ Ἀρειοί*, inquit,*

inquit, & ἡ ἑκατέρωθεν ὁρμή, Athan. Orat. 1. cont. Arian. *Ariani ut hostes Dei, ita & Scripturis Divinis contrarii sunt*: & tamen ex Scripturis fidei dogmata probare Bellarminus inter Arianorum facies recenset, atque idcirco saluberrimam operis partem eliminandam iudicat, præpositâ cautione, Hoc tu, Romane, caveto, Arianum est. ὁ δὲ ἀνδραγαθὸς ἐκκλησιαστικῆς, ut Nazian. Orat. 4. optime, *O incantam cautionem! ὁ σωτηρίᾳ ἐκ ταυτῶν, & ὁμολογίᾳ ἐν ἑαυτοῖς αὐτῶν*, ut Epiphanius ad Arianos loquitur, *O homines apud semetipsos sapientes, & suâ opinione eruditi!* Quantò consultius Theologi Duacenses: qui Bertrami librum De corpore & sanguine Domini, prohibitum à Clemente 8o, imprimendum curarunt, *Nè forte*, inquirunt, *heretici ogganniant, nos antiquitatem pro ipsis facientem exurere & prohibere: cùmque in Catholicis Veteribus aliis plurimos feramus errores, & extenuemus, & excusemus, & excogitato commento persepe negemus, & commodum iis sensum affingamus, dum opponuntur in disputationibus; non videmus cur non eandem aequitatem & diligentem recognitionem mereatur Bertramus.* Sunt verba Theologorum Duacensium in Rescripto quod in Indice Expurgatorio Belgico in rei servatur. memoriam. Næ illi pulchre & fideliter Veteres Patres tractant, qui arbitratu suo fingunt eos atque refingunt, voces, sententias, paginas, cùm visum est, addunt, detrahunt, mutant; surrogant, nè possint veras audire aut reddere voces. Eant igitur, & usque ad ravim declament Sanctos Patres, venerandam Antiquitatem, priscam Ecclesiam, qui Patrum scriptis ut computatorum calculis utuntur, ut nunc minas valeant, nunc obolos: Eant tandem & se Patrum alumnos jactitent, & illud ex Scripturis sæpius vociferentur, *Attendite ad vias, videte & interrogate ex priscis semitis, qua via bona sit, & ambulate in ea;* rursus & illud, *Nè movetote majorum vestrorum terminos,* scelus est, infidelitas, impietas. Hæc dicant, & suarum legum observatores religiosi, antiquorum dum laudant fidem, prodant suam. Nos corruptores Patrum cum Possævino appellent, ut ipsi falsarii & testamentarii convincantur, qui aquam pro vino, pro gemmis vitrum, pro auro aurichalcum venditant; indicio certissimo quid ab eorum conscientia expectare debeamus. A Legislatoribus antiquis non imprudenter constitutum accepimus, ut juventutis corruptores capitis periculum subirent; atque Jure Civili cautum esse Andreas Tiraquelus scribit, quòd quicumque sibi nobilitatem falso assumit, aut scienter honorem sibi indebitum usurpat, poenâ sacrilegii læsæque Majestatis puniretur. Verbi gratiâ, si se Doctorem appellaverit, cùm non sit, aut se pro milite gesserit, cùm non esset miles. Quòd si pro hoste Reipublicæ habeatur qui juventutis, quantò infestiores habendi qui Patrum simul & corruptores & proditores se præstiterunt: & si læsæ Majestatis crimine teneatur qui forenses honorum titulos mentiuntur, quas poenas persolvent qui Patrum scripta scœdissimè laniant, ut vel minimam quamlibet veritatis scintillam spongiis suis extinguant; qui & Patrum nomina scriptis suppositis consueunt, & vulgares homines nobilium Scriptorum titulis coronant, ut ipsos in Patribus Patres vel prudens Lector vix invenire possit. Hæc quarta est Conclusio ad Regulæ tertiæ explicationem deprompta, Quòd cùm manifestum sit, & Patrum scripta plurima corrupta esse atque depravata, & ipsissimos eorum corruptores fore Pontificis, quòd cùm ipsi eorum sint corruptores, non tamen erubescunt & corruptos

Her. 69.

de Nobilit.
c. 13.

eos sub persona deslere, & è locis corruptis copias suas instruere: Ergò nobis apprimè necessarium est, post verorum Patrum à falsis discretionem factam, & germanorum operum à supposititiis, necesse est, inquam, etiam & dictorum & sententiarum sive additamenta, sive detrimenta, sive corruptelas perscrutari, nè incerti rerum omnium suspensique fluctuemus, subdolis Adversariorum felis circumventi. Hæc Regula tertia.

Regula quarta lupereff, etiam & quinta, Quòd hoc cognito, quæ fcripta funt pura & incorrupta, tum demum confiderandum eft quâ occasione, quibus mortuis, quo fundamento, quo fpiritu quicquid dicatur; Rhetoricè, an Dogmaticè, obiter, an conftanter; ex difputationis ardore, an fedato & pacato animo: quibus omnibus adinventis; ad Scripturæ trutinam Sententiæ ambiguae funt revocandæ, quæ eft omnium Regula Regularum, & prima & ultima. Sed hîc hæret calamus, quia præreptam mihi anfam ſentio iſta perſequendi, & à vobis produciorem diem eſſe poſtulant; atque vix quadrare quæ de duabus horis in duorum piſcium ſimilitudine ex Evangelio præſtat ſum, cum duæ horæ non ſufficiant huic negotio. Veruntamen eſt alia Evangelica lectio quæ ſuccurrit; nam quod in S. Marthæo, *duobus piſcibus*, id in S. Marco, *piſciſculis paucis* confectum miraculum legimus. De hoc præ manibus argumento vos idem cogitate; ſi non duabus horis præterlapſis, at paucis horulis in poſterum id conſici poſſe, ſi Deus aſfulerit. Interea verò illud Iſidorus Peluſiôtæ coronidis loco habitote, *Δις ὅσον οἰκονομῶν ὁ Θεὸς μεγάλων καὶ μικρῶν, &c.* *Æquum puto, in magno opere ſi quis infra materia dignitatem ſubſidat, aut diem poſtulet, non impotentiam damnari dicentis, ſed veniam potius concedi, reputatâ rei magnitudine.* Hâc lege me vobis ruriſ in novo ſcenore debitorem libentiſſimè addico: deo Deus ut, qui ex me parùm idoneus ſim debitor, ipſius auſpiciis fidelis ſolutor exiſtam.

Epist. 247. l. 2.

LECTIO XXXIX.

ET nuper, & jamdiu est, Viri humanissimi, ex quo spinosam hanc, sed nobilem & fructuosam, de *novis & veteribus* Ecclesiasticis disputationem instituerim. Diu quidem, si longi silentii intercapedinem, præteritque temporis quæ revocari non possunt spatia repuremus; hoc certo certius, nihil esse diutius illo quod nunquam revertitur: at nuper est, si orbem observemus laborum & rerum in se recurrentium, quæ me Divinis auspiciis huc denuo adduxerunt, de quæstione pristina, horâ pristinâ, coram confessu pristino, è loco pristino tractaturum; neque enim quicquam nuperius aut brevius est, quàm alicujus ad seipsum prospere factâ reversio. Veruntamen non hæc sola est ratio, sed superest alia, eaque majoris ponderis, & à vobis petenda, quòd *diu* dixerim & *nuper*: nam si vos intueor, delicias meas, à quibus aliquantisper divulsus sum, diu est; nec quisquam ibit inficias, longum esse & vix ferendum spatium, si vel die uno aut corpus ab anima, aut anima ab amore suo sejungatur; & ego, cum Mose, per tres integros Menses aspectu vestro orbarus delitui: vicissim nuper est, imò nuperrimè, si è memoria vestra, theca fidissima, præteriti operis rationes reposcam; quia novi vos singulos, quæcunque superiùs in hoc argumento dicta fuerint, tam facile mecum posse recognoscere ac si heri aut nudius tertius essent agitata. Ergò à vobis est, Auditores, & à vestræ præsentia beneficio ortum, quòd hoc in se diuturnum silentium mihi hodie quàm brevissimum & nuperrimum videatur: cùm vos videam sanos sospitesque jam denuo convenisse, eaque animi alacritate, ut possim vel in solis frontibus vestris, absque chartæ adminiculo, priores illos qualescunque de his *novis & veteribus* conceptus nostros aptè & numerosè relegere, iisque velut auditor frui, distantibus vobis. In vobis video ubi olim disputatio terminata est; in vobis pariter unde nunc hujus novi progressus fila sunt ducenda. Hem, gratulor vobis hanc novam provinciam, quòd à mea me molestia liberatis, quòd partes meas agatis, & quæ me velle, quæque ad me pertinere novistis, ea curare velitis, dum mihi jam prælectores estis & monitores, adeoque duces ordinatim ad ulteriora procedendi. Enimvero ingrati crimine arguendus essem, si ad hanc me cogitationem non statim accingerem, ut possim vos remunerari quàm simillimo munere, vel magis idem repone. Quocirca accipitote jam tandem debitissimam vestræ & benevolentia & memoriae usuram, & permittite (quæ sola superest compensatio) ut renovato cursu easdem legendi vobis jam possim rependere: quod si vobis placitum fuerit, ego non refugio, verùm incunctanter id acturus sum, si priùs redivivo opere indicavero quid actum sit; idque non tam ex meis repetendo, quàm ad vos & memoriae vestræ fidem provocando.

Inprimis hoc probè meministis, quo ordine & quibus passibus ad Regulas in Sanctorum Patrum scriptis volvendis observandas deveniuntur. E Christi verbis janua est patefacta, qui ad *novorum & veterum* scrutinium Scribam Evangelicum relegat, sive illa fuerint *nova & vetera*

purè Divina, five purè humana, five etiam mixta & Ecclesiastica. De Divinis & humanis jamdudum egimus; in Ecclesiasticis nunc versamur. Hæc totius negotii radix, unico suffulta axiomate, Tractatori Sacro necessarium fore, ut in utriusque ætatis Scriptoribus versatissimum se præbeat, quò possit utrinque Fidei & Religionis dogmata vel distinctius explicare, vel firmius stabilire. Hæc vos memoriâ tenere ultro arbitror. Deinde & illud æquè meministis, quòd ex hac radice rami quamplurimi subnascantur; De Patrum & Neotericorum jugi lectione, De usu etiam & autoritate in Theologiæ dogmatibus pertractandis. Quæ omnia ad duo Capita revocavi; De *novis & veteribus* respectu Personarum, & De *novis & veteribus* respectu Rerum. In vetustate & novitate Personarum quatuor expendenda proposui: Quæ utriusque Natura sit & Definitio; Quæ Cautelæ Regulæque utriusque lectioni inserviant; Quæ vera & propria utriusque in fidei argumentis vis atque autoritas; Quàm iniquæ Pontificiorum in Orthodoxos calumniæ circa utrosque. In vetustate & novitate Rerum quinque: In quantum & quo modo Antiquitas veritatem adjuvet; In quantum Novitas præjudicat; Vetustas quid addat errori; An Pontificii ritè Antiquitatem sibi vendicent; An nobis justè objiciant Novitatem. Dicite, annon & hæc spontè in mentem veniunt? Nullus dubito. Postremò & illud vos puto meminisse, quòd ex istis novem Quæstionibus primam solummodo ad exitum adduximus; quæ est de Natura & Definitione Patris Catholici: In altera, quæ est de Cautelis & Regulis, adhuc hæremus. Definitionis hæc fuere spicilegia; Qui ætatis Patrum cancelli statuendi? Quæ ratio Nominis? Quæ Proprietates definitivæ? Quæ causæ reliquos omnes post ipsos pro Recentioribus habendi? Quæ denique cura ad optimorum & Recentioribus delectum faciendum est adhibenda? Quòd ad Regulæ spectat, eas quinque constituimus. De Jure & merito nominis primam; in qua fusiùs disseruimus, De Modo dignoscendi Patres veros ab eментitis, desumpto partim à communi partis utriusque Consensu, partim à Veterum Testimoniis, partim à Proprietatibus legitimis, ex quarum collectione Patris Ecclesiastici definitio statuatur. De ipsorum Scriptis & voluminibus secundam, in qua de modo egimus dijudicandi libros germanos à supposititiis: atque hoc vel ex Temporum, si rebus descriptis non conveniant, circumstantiis; vel ex Dogmatum, si quid in iis tale occurrat, repugnantia; vel ex Linguarum, si quæ à sermone patrio flexio fuerit, idiomate; vel ex suorum operum Catalogis & Nomenclaturis; vel ex Orationis Stylo sermonisque artificio, qui color est cujusque & quasi habitus natus ex quo dignosci poterit. De Patrum dictis & sententiis tertiam; in qua de locorum corruptelis nonnulla proposuimus, quid agendum, quid cavendum, quid statuendum; five id incuriâ Notariorum contigerit, five Hæreticorum fraude irrepserit, five Pontificiorum Expurgationibus invaluerit; qui cum sint & novissimi & apertissimi Corruptores, non tamen erubescunt & corruptos eos sub persona deplangere, & è locis corruptis copias suas instruere. Hic rerum textus, hæc trium primarum Regularum Oeconomia; in his remigandi labor intermissus, attestante vestrorum omnium memoriâ.

Ad quartam nunc Regulam properandum est; quæ quia à prioribus catenatim dependet, rerum ordo postulat ut eam unâ cum prioribus jam denuo recenserem. Prima hæc fuit; Ad lectionem Sanctorum Patrum accessurus oportet priùs ut certò sciat, quòd pro Patribus verè habentur quorum suffragis est usus: nè pro Veritatis testibus, magnorum nominum

minum umbras congerat & terriculamenta. Secunda, Hoc cognito, quoniam jure & merito Patres sunt dicendi, oportet ut hoc etiam calleat, quæ eorum Scripta authentica sunt & *γνητὰ*, quæ fictitia & adulterina: nè pro doctrina salutari, Tractatus & libros deglutiat Orthodoxæ fidei infestissimos. Tertia, Hoc cognito, quod scripta sunt genuina & authentica, oportet ut hoc etiam cognoscat, quod dicta singula & sententiæ, ad eoque descriptionis pars quælibet sincera sit & integra, nihil aut mutatum, aut corruptum, aut transpositum, aut furtim ereptum, aut extrinsecus additum: nè assertiones à veritate Christiana aversas aut ipsis Patribus affingat, aut in se trahat.

Jam quarta, quæ nunc enucleanda est, sic se habet; Hoc cognito, quod scripta eorum sunt pura & incorrupta, & sententiæ quælibet de quâ est controversia sincera & integra, tum demum considerandum est quis loci cujusque sit sensus natus & proprius, quâ occasione, quibus motivis, quo fundamento, quo animo & spiritu unumquodque dicatur: utrùm Rhetoricè, an Dogmaticè; si Dogmaticè, utrùm obiter, & quasi per transennam, an dedicatâ operâ & ex professo; si ex professo, utrùm præcipitanter, ex impetu mentis & ardore disputationis, an sedato & pacato animo: si sedatè, utrùm dubiè & hæsitanter, an fidenter & Categoricè; si fidenter, utrùm ex certa scientia proprioque judicio, an ex credulitate nimia & fide aliorum; denique, si ex certa scientia, utrùm aliquando sententiam mutaverint, aut in causa varii fuerint, an in ea potius uno iudicii tenore constanter permanserint. Hæc Regula quarta, in majus nunc dilatanda, quamvis in se sit paulò productior. Nam revera quot in se habet verba, tot etiam Regulas. Fundamentum Regulæ in hoc uno est positum, Quod cujusque sententiæ pondus valörque non in verbis, sed in sensu, neque in legendo, sed in intelligendo est statuendum; ut is solus authorem hunc vel illum pro se habere dicatur, qui cum verbis veraces suos sensus expromit: alioqui si tantillum à sensu exorbitet, nihil efficiet, quia loci perperam intellecti nulla vis est neque auctoritas. Hoc Clem. Alexandrinus Stromateon septimo de Hæreticis quibusdam observavit; *In proferendis*, inquit, *Scripturæ, τῶν ὁμολογούντων μεγαλῶσαι, τὰ συγγνωμὰ καθόλουτες, vocabulū solū adhaerens, mutatis significationibus, ἢ ὡς λέγονται γινώσκοντες, ἢ ὡς ἔχον πρὸς αὐτοὺς χεόμενοι*, neque quomodo usurpata sint cognoscetes, neque utentes iū pro eorum natura. Quod si Hæretici Scripturæ verbis utentes Scripturas non proferunt, quia à sensu deflectunt; revera neque illi dicendi sunt Patres producere qui in Patrum testimoniis gloriantur, nisi ipsorum aucthorum mentem sensumque attigerint. Hoc Regulæ fundamentum: ex hoc fundamento necessitas Regulæ manifestò emergit. Est autem Necessitas duplex.

Prima, quia in omni genere Scriptorum aliquando, & in beatorum Patrum monumentis sæpissime, plurima passim occurrunt quæ non ita sunt accipienda ut primâ fronte verba sonare videntur. Sæpenumero de iisdem rebus sermones miscent quæ nunc sunt controversæ, sed sensu longè alio. Quis enim nequit quod de Sacrificio, de Memoria Sanctorum, de Pœnitentia, de Matrimonio, de Consecratione calicis, de Signo crucis, de Reliquiarum honore, effusè loquuntur Patres, sed aliâ mente quàm hodie Pontificii? Ergò cautelâ opus est ad veram eorum mentem percipiendam. Hæc Necessitas prima.

Secunda est, quia solenne est Adversariis in Patribus citandis sonum reddere, non sensum, vocabula arripere, & amittere sententias; & cùm

de re nihil respondeant, de nominibus & vocabulis invidiam nobis & laborem conflare conantur, verbis in contrarium sensum distortis. Quæ quidem præstigiæ velut lusorium nomen statim transeunt, si in authoris mentem attentiores simus, & sensum in lucem proferamus. Hæc Utilitas secunda. Ergò regula, ut videtur, est apprimè necessaria: neque ausim meam dicere, est enim ipsissima eadem quæ à Sancto Augustino redditur, De Genesi ad literam, lib. 1. cap. 21. *Cùm Divinos libros legimus*, inquit Augustinus, *in tanta multitudine intellectuum qui de paucis verbis eruuntur, id potissimum deligamus quod certò apparuerit eum sensisse quem legimus*. Neque diversa est illa quæ à Chennitio traditur, Oratione de lectione Patrum; *Ad lectionem*, inquit, *illorum accessurus oportet prius ut sciat, quid in singulis sit præcipuum & quasi eminent; tum deum, qui cavendi sunt scopuli, ubi minus commodè sunt locuti, & quâ occasione incommodius dicta illis exciderint*. Hæc ille: Nos verbis aliis, sed eadem significatione, Oportet in iis legendis, singularum partium nexum argumentique sensum attendere, ætates, tempora, occasiones, loquendi formulas, modos pronunciandi, accuratè cogitatèque distinguere. Quod ut explicatiùs fiat observandum est, quòd Sex sunt distinguendi modi huic negotio maximè accommodi, quorum duû & ad intellectum & ad praxin usumque Regulæ faciliùs pertingere possimus. Hos ego hoc ordine vestro iudicio meditationique submitto. In Patrum scriptis quædam reperiuntur Figuratè dicta, quædam Dogmaticè; hæc Distinctio prima: Deinceps, quædam obiter & in transcurso, quædam ex composito; hæc secunda: Rursus, quædam ex impetu animi & ardore disputationis, quædam animo sedato & sobrio; hæc tertia: Adhuc, quædam dubitatè & hæsitante, quædam confidenter & Categoricè; hæc quarta: Porro, quædam ex certa sua scientia, quædam ex credulitate nimia & fide aliorum; hæc quinta: Postremò, quædam diversimodè, mutatione in contrarium facta, quædam constanter uno iudicii tenore; hæc sexta & ultima. Hi sunt sex modi enunciandi, seorsim à me & sigillatim inspiciendi; nam religio est hæc tanta incuriosè & quasi levi brachio transigere.

Primus igitur modus enunciandi, qui solus est hodie perûstrandus, ad Theologica rhetorica propicit: hinc Distinctio prima, inter Figuratè dicta & Dogmaticè: hinc Inquisitio prima, An ex Figuratè dictis legitima desumatur argumentatio: & hinc Regula prima, quæ sic se habet, In Patrum scriptis legendis, necessariò discrimen pònendum est inter ea quæ Declamatoriè & ea quæ Didacticè dicuntur: est enim hoc scriptoribus singulis commune, quod Quintilianus, lib. 10. cap. 1. animadvertit, indulgere ipsos aliquando ingeniorum suorum voluptati; & de Patribus omnes fatentur, discinctiùs eos in Concionibus loqui quàm in Controversiis agitando; eò quòd in Polemicis & Dogmaticis cautiore sunt, in Homilisticis verò, cùm securiores sint, rhetoricantur vehementiùs, majorique amplificationum licentiâ utuntur, aliquando ad favorem aliorum aucupandum, aliquando ad affectus excitandos, aliquando ad excutiendum torporem. Nec tamen unius classis est ista licentia, sed latè patens & multiplex. Sunt enim quædam locutiones Allegoricæ, quæ sensum involucris tegunt: in his eminent Origenes, cujus magna quidem eruditio, sed minor authoritas, quia omnes partes Divinæ Legis in Allegorias transformavit; ut de eo Hieronymus dixerit, *Laudo Interpretem Origenem, non Dogmatistam*. Et meritò quidem; vix enim quisquam est inter omnes Veteres, quod sciam, cujus testimonium non præferatur testimonio Originis vel ob hoc ipsum, quia licentia ejus in affectandis Allegoriis non

non longè distat à temeritate. Secundò, sunt quædam locutiones Hyperbolicae, aliae Panegyricae, nonnullæ aurâ Poeticâ lascivientes, quæ veritatem non tam tegunt quàm transcendunt: ejusmodi multa occurrunt apud S. Chrysostomum, & Greg. Nazianzenum, & Græcos Patres penè universos, quorum tam est plerumque libera & profusa oratio, sermoque adeò floridus, ut lectoribus non sit facile mentem & sensa ipsorum capere, sed sæpe cum flumine orationis etiam sententiæ diffluunt, & tam altè dogmata submerguntur, ut vix ullâ operâ sint expiscanda. Imò & ad ipsos Latinos quod attinet, quamvis ipsorum oratio sit magis aspera multoque compressior, at & illi tamen iisdem flosculis paginas suas non raro vestitas exhibent: quod in uno Hieronymo patescit, qui quamvis nihil Homilicè scripsit, sed tantùm opera ad lucernam elaborata edidit, attamen in illo adversus Helvidium sive libro, sive Epistola, excusans quædam incommodè dicta, apertè de se fatetur, *Rhetorici sumus, & in morem Declamatorum paululum lusimus.* Quid igitur? Num ejusdem erunt apud nos in disputando roboris declamatoria dicta cum iis quæ trutinâ Scholasticâ librata sunt atque expensâ? Absit: nè ipsi quidem Pontificii patiuntur, Senensis, Stapletonus, Bellarminus: consulamus singulos. Imprimis Sixtus Senensis, lib. 6. Biblioth. Annotat. 152. dum sermones aliquot Sancti Chrysostomi expendit, in quibus Auditores suos ad Sacrorum voluminum lectionem cohortatur, ad hanc distinctionem se recipit, *Concionatorum verba, inquit, non sunt semper eo rigore accipiendâ quo primum ad aures Auditorum perveniunt: multa enim Declamatores per hyperbolem crebrè enuntiant & inculcant, vel occasione locorum, temporum & personarum adducti, vel affectuum impetu & orationis cursu rapti, & hoc Chrysostomo contigit, & quæ sequuntur.* Hæc Senensis. Et similiter Stapletonus, Tomo operum primo, in Relezione Controversiæ quintæ, qu. 3. art. 4. ad locos aliquot ejusdem Chrysostomi, qui à nostris pro lectione Scripturarum adducuntur, eodem se confert: *Respondeo, inquit, quòd quæ à Patribus pro Concione ad populum dicuntur, non ità pressè & propriè & juxta dogmaticam veritatem accuratè dici solent, sicut alia quæ disputando & commentando scribunt: sed sæpe probabiliter, & moraliter, adeoque populariter, Oratorum more, multa dicuntur, quæ ad regulam Scholasticam exacta minùs firma & solida inveniantur; quod in S. Chrysostomo, qui maximus orator & amplificator erat, sæpissime observare licet.* Hactenus Stapletonus. Postremò & Cardinalis Bellarminus in ejusdem perfugii clientelam compluries se recipit. Lib. 1. de Christo, cap. 6. cum objiceretur Procopii quædam sententia, *Procopius, inquit, melior Rhetor fuit quàm Theologus: & lib. 2. de Missa, cap. 10. Chrysostomi auctoritatem dicentis, Melius esse non interesse Sacrificio, quàm interesse & non communicare, sic eludere conatur; Dico, inquit, Chrysostomum hoc per excessum, ut quædam alia, esse locutum, cum solum hortari caperet homines ad frequenter & dignè communicandum: & lib. 2. de Verbo Dei, cap. 16. ad locum quem Chemnitius de Chrysostomo profert pro Scripturis à Laicis legendis, Respondeo, inquit, verba Chrysostomi quæ in Concionibus proferbat semper accipiendâ juxta mentem ipsius, & occasiones quibus ad ea dicenda adducebatur: sciebat enim cum iis se agere qui talibus amplificationibus indigerent ad desidiâ excutiendam.* Hæc Bellarminus, non quæro quàm apposité: fatendum est enim, apud Chrysostomum non pauca repetiri hyperbolica, quod utinam Adversarii ipsi constanter observarent, qui nunc, cum sibi commodum videtur, hoc se clypeo defendunt, & non urgerent illa altera Chrysostomi pro vita Monastica;

Orat. de leg.
Fativib.

stica, quam immodicis & falsis laudibus ornare videtur; & adhuc altera in mysterio Eucharistiæ *ὑπερβολικώτατα*, ipsum vides, ipsum tangis, & ejusmodi: utcumque de hoc inter nos convenit, occurrere sæpiusculum apud Patres has figurativas formulas, quæ non sunt istius momenti atque illæ quæ ad regulam Scholasticam exactæ fuerint. Satis est res clara, habemus enim pro nobis & testimonia & consuetudines Adversariorum. At ista si non sufficiant, ecce ipsi Patres suffragantur, Hilarius, Augustinus, Theodoretus, qui ipsi huc respexerunt, cum de Patrum scriptis quid sentiendum sit docuerunt. Hilarius locus habetur in Psal. 63. *Sunt quædam*, inquit, *Allegoria, quæ quamvis sunt imperita, at quia ex pia mentis affectu procedunt, culpâ carent: sed tamen inferioris notæ sunt quàm ea quæ diligentius exacta, & meditatione seriâ excogitata sunt.* Ex Augustino Martinus Chemnitius locum designat, lib. 1. con. Julianum, quod cum Pelagiani valde jactabant Chrysostomum secum facere, quia de Libero arbitrio & Peccato originis interdum non satis propriè loquebatur, Augustinus hoc modo respondet, *Sententiam Chrysostomi sumendam esse non ex Homiliarum declamationibus, sed ex illis locis ubi propriè loquitur & ex professo.* Ex Theodoro præstò est locus, Dialogo tertio, ubi Eranistes rectissimè urget, *οἱ ἀποδείκνυσι, οἱ ἀποφαννύσι, χρεὶ λήγει τῆς ἐκκλησίας τὰ δόγματα, Non satis est, neque oportet, inquit, Ecclesia dogmata proponere asseveranter, sed demonstrativè; & paulò post multò clarius, ἡ ἡμῶν προδομὰ δόγματων τὰ πανηγυρικὰ ἐν ταῖς ἐκκλησίαις λεγόμενα; Non ego regulam dogmatum ea duco quæ in Ecclesia Panegyricè & Declamatoricè dicuntur.* Summa est, ipsos Sanctos Patres, quando sibi libertatem in Allegorias & Hyperbolas & Panegyrica exspatiandi plus nimio indulserunt, parùm dextrè aliquando locutos. Quæ sola Regula si nobis in promptu fuerit, aditum nobis non minimum aperiet ad quamplurimam ab ipsis incommodius dicta commoda interpretatione sananda. Quod duobus istis exemplis patebit, uno à Votis, altero ab Invocatione Sanctorum petitis. Exemplum prius est de Votis Sanctis nuncupandis; pro istis strenuè pugnant Adversarii, & ex Prudentio & ex Paulino copias suas adaugent. Prudentii locus habetur in hymno de S. Hemiterio & Chelidonio, *Illitas cruore sancto nunc arenas incolæ Confrequentant obsecrantes voce, votis, munere.* Paulini locus est in Natali secundò, de Sancto Felice,

Coram votis tibi, coram mea corda dicavi;

& in quarto,

Annua vota tibi remeant, simul annua lingua Debita —

Ad hæc. quid nostri? Inter alia responsa, vel illud non est in postremis, quod Poetarum ista sunt testimonia, apud quos magnus solet esse vocabulorum abusus. Et meritò quidem, neque enim longè sunt petenda exempla: nam idem Paulinus in Natali tertio, eundem Felicem *Deum* non veretur appellare,

Roma Petro Panloque potens rarefcere gaudet.

Hujus honore Dei:

quod nullo modo à blasphemia excusandum foret, nisi sub licentiæ poetice velo obtegatur. Atque hoc Bellarminum non fugit, quem ipsum loco alio non puduit Prudentii versus alios eadem fideliâ dealbare; habetur lib. 2. de Purgatorio, cap. 18. ubi ad locum Prudentii qui innuere videtur Ecclesiæ suffragia damnatis prodesse, in hymno de novo lumine Paschatis Sabbatici, *Ad hoc, inquit Cardinalis, nihil aliud dico, nisi more poetico fuisse Prudentium.* Ecce solutionem Bellarmini, *more poetico fuisse*

sisse Prudentium; iustam an iniustam, ipse viderit: neque nos hoc ei vitio vertimus; tum quia ibi nostra non agitur causa, tum etiam quia elegantiorum poetarum fuisse Prudentium quam Theologum nemo ibit inficias. At non deest tamen quod regeramus, Non instinctu poetico, sed ex animi sententia, locutum eo in loco, quamvis imprudenter, Prudentium: & verba ipsa demonstrant, non lusum, sed errorem fuisse, sive temporis, sive hominis, sive utriusque. At in Prudentii & Paulini illis alteris, de Votis dicandis, inesse genii poetici aliquid vel ipsa phrasis arguit poetis Ethnicis non inusitata, qui amicis suis & patronis mortuis votorum honores & solennia se præstituros in omnibus suis Panegyricis ex usu loquendi pollicentur. De Exemplo primo satis. Secundum est de Invocatione Sanctorum, pro qua multa colligunt Adversarii à Nazianzeno, Nysseno, Hieronymo. Ego locum unum aut alterum ex eorum scriptis libabo. Nazian. Oratione in laudem Sancti Athanasii, Athanasium mortuum sic alloquitur; *Tu è supernis propitius nos respice, & populum hunc sanctum dirige, & cum teipso statue*: & Orat. in Sanctum Basilium, *Tu sacrum & Divinum caput nos calitus inspicias, carnisque stimulum à Deo nobis ad disciplinam datum aut precibus tuis sistas, aut persuadeas ut forti animo feramus*. Greg. Nyssenus Orat. in S. Theodorum, *Tu, O beate, ades; ubicunque fueris, sive in sublimi aethere habitas, sive in Angelorum choros cooptatus Domino adfueris, veni ad hos qui te honorant, &c.* Postremò, Hieronymus in Epitaphio Paulæ matris, in extrema Orationis parte, sic ludit; *Vale, O Paula, & cultoris tui ultimam senectutem orationibus iuva. Exegi monumentum tuum ære perennius, quod nulla destrui possit vetustas; iacidi Elogium sepulchro tuo, & quæ sequuntur. Ad hæc quid nos? Annon est plano planius Apostrophas esse motusque rhetoricos? An aliter fuissent Cicero. aut Demosthenes locuturi? Quid ego vobis illud simile memorem Ciceronis, lib. 5. in Verrem, O lex Porcia, legesque Sempronia! O graviter desiderata, & aliquando reddita plebi Romana tribunitia potestas! aut illud pro Milone alterum, Vos tumuli Albani atque luci, vos, inquam, imploro atque obtestor, vosque Albanorum obruta ara, Sacrorum populi Romani focia atque aquales?* Quid ego hæc vobis ad nauseam usque obtrudam? nota satis sunt omnibus, pueris etiam & sciolis, quòd nihil Oratoribus seculi, quòd nihil Scripturis Sacris, quòd nihil Patribus usitatus: videbis eos, ex gliscente illa de Sanctorum Intercessione persuasione, frequentes ad Sanctos in Panegyricis suis Apostrophas dirigentes, vel magis vibrantes, & tanquam præsentis compellantes, quos tamen viri pii non aliter alloquebantur, nisi ut Oratoribus moris est, cum incaluit dicendi studium movendique auditores. An ex his oratoriis motibus quisquam est qui Theologicè stabiliri putat mortuorum Invocationem? Ergò æquè concludat & Pascha invocari, & omnes gentes populosque à Greg. Nazianzeno. Nam Orat. secundà in Pascha, sub finem, eodem schemate usus & ipsum Pascha alloquitur, *ὦ πάσχα θύμω, θύεσσι, & quæ sequuntur; O Pascha, magnum, inquam, & sacrum Pascha, totiusque mundi piaculum (te enim quasi vitâ præditum alloquor)* & ita deinceps: & Orat. primâ in Julianum, ad omnes gentes sermone converso, sic exordia ducit; *Audite hæc, omnes gentes, aures percipite, omnes qui habitatis terram, omnes enim quasi ex edita quadam & mediterranea specula magno ac sublimi præconio appello: Audite populi, tribus, lingua, homines omnes cuiusvis generis & ætatis, tam qui nunc estis, quàm qui post eritis; atque, quò latius præconium pateat, omnis Cælorum virtus, omnes Angeli, & ita præterea.* Ex istis facile est observare, non alio modo Sanctos & Angelos invocasse Gregorium, quàm eodem

dem quo tribus, & linguas, & populos, & nondum natos, formulâ nimirum desumptâ ex penu quo abundabat rhetorico: etenim ex omnibus Patribus ipse erat qui triumphabat in Panegyricis. De ipso hoc fuit vetustatis iudicium, *ἡμετέριον ἂν τὸν ἱεὺς ἐν τῇ πανηγυρικῇ*. Quod si quis ejusmodi *ἐντοναίαις* pro solidis argumentis admittat, nâ ille sibi malè consulit, neque bene de Ecclesia meretur. Nam si in ipsis Sacris Scripturis Regula teneat, quod Theologia Parabolica vel Symbolica non est argumentativa; in Patrum scriptis multò magis tenebit, quod locus Panegyricus, aut Hyperbolicus, aut Figurativus non concludit. Propterea necessario inter Figuratè & Dogmaticè dicta discrimen est faciendum. Est igitur hæc prima Distinctio; & hic primus pronunciandi Modus, observatione vestrà dignissimus, de Patrum Figuratè dictis, satis, ut arbitror, agitatus.

Atque ei jam finis imponendus esset, nisi quòd videam etiam huc referri posse & alia multa vocabula à Patribus aliquando abusivè & vix Grammaticè usurpata: à quibus tamen Pontificii sæpissime disputant, nudo vocabulorum sono abutentes, ut idem videantur cum Patribus dicere, cum longè dicant aliud. Ergò non abs re erit & ista quoque atterere, Instantiis paucis è Controversiis Theologicis excerptis. Instantia prima erit de nomine *Misse*, quod tantum non adoratur à Papistis; nomen, ut dicunt, antiquissimum: neque nos negamus antiquum nomen fuisse, & in usu loquendi, & fortassis circa quartum seculum; verum in sensu Pontificio nequaquam. Quod spectat ad Sacrificium *Missæ* pro vivis & mortuis, hoc novum esse dicimus: quod spectat ad nomen *Misse*, sive pro eo sumatur quod fiebat ante Sacramentum, à Catechumenis dimittendis; sive etiam pro eo quod fiebat post absolutum Sacramentum, à dimittendo populo cum benedictione; hoc antiquum asserimus, sed non antiquissimum. Ergò frustrâ est quòd pro *Missa* Patres introducunt loquentes, quia ipsi sensu alio accipiunt quàm Patres, eoque satis abusivo. Hæc Instantia prima, de *Missa* vocabulo. Secunda erit de nomine *Sacramenti*, quod in sua generica significatione pro quocunque arcano Sacro, aut signo arcani Sacri, à Patribus sumitur, ut & *mysterii* vocabulo, sed sensu improprio, æquipollet: & usitatè apud Patres ad Poenitentiam, Unctionem, aliasque solennes ceremonias refertur. At verò cum Pontificii contendunt, Sacramenti definitionem illis aliis quinque competere præter Baptismum & Eucharistiam, non in generica, sed in contracta & specifica & propriissima significatione resumunt: quo sensu strenuè pernegamus, Poenitentiam, Matrimonium, & tria reliqua à veteribus *Sacramenta* appellari. Ergò autoritates quas consuunt ad pompam faciunt aliquid, ad rem ipsam nihil. Hæc Instantia secunda. Tertia erit de *Libero Arbitrio*, quo non est aliud inter Patres nomen frequentius: Anne putas in sensu Pontificio? Nihil minùs. De eo Patres multa disputant, non omnes eodem modo: Nam alii de ipso agunt ut oppositum est Fato & Naturæ; ut doceant, homines nec Fato, ut Ethnici, nec Naturâ, ut Hæretici multi dixerunt, esse bonos aut malos: alii ut oppositum est Involuntario & Coactò; in quibus sensibus Patres rectè statuunt Arbitrii libertatem, quia aliter Voluntas esse non potest, nisi sit à coactione libera. Atamen istorum neutrum ad Pontificium sensum vel tantillum, quorum plurimi arbitrium hominis irâ esse ad bonum malumque liberum definiunt, ut utrumque habeat in sua potestate. Hoc autem Veteres non asserunt, sed opponunt: Verum esse, libero arbitrio hominem velle bonum; falsum esse, cum li-

berì

beri arbitrii viribus velle bona. Ergò inutiles sunt loci è Patribus congesti, quia nihil quod sit in quæstione efficiunt. Hæc Instantia tertia. Quarta est de vocabulo *Satisfactionis*, à Patribus aliquando *καταχρηστικῶς* usurpato; ut *satisfacere* sit idem quod vitam mutare in melius, aut peccata extirpare, aut à peccatis discedere. Quemadmodum in rebus seculi, honori satisficit alterius cum pro probis laudes restituntur, cum pro odio amor succedit, aut pro furto beneficium: sic cum peccatis, quibus Deus offenditur, virtutes succedunt, & impiam vitam pia sequitur, *satisfactio* potest dici sensu improprio. In hunc modum Patres interdum se expediunt, sic explicante Augustino, sive Gennadio potiùs, lib. de Ecc. Dogmatibus, cap. 54. *Satisfactio penitentia est causas peccatorum excidere, nec eorum suggestionibus aditum indulgere.* At de Satisfactionibus in hoc sensu sumptis Adversarii non disputant, sed de poenarum à Deo impostarum compensationibus per Satisfactiones vicarias & arbitrarías, quæ quidem à mente Patrum significatio est remotissima, si modò, ut æquum est, ex suis scriptis phrasas sunt interpretandæ, & ex suorum usu Authorum. Hæc Instantia quarta. Quinta est de *δουλείας* vocabulo, à S. Augustino, ut aiunt, primùm in distinctionis alteram partem redactò & adinvento. An Papistarum sensu creditis? Minimè gentium. Nam Augustinus Servitutem distinguit in Servitutem Religionis, i. e. latrám, & Servitutem Charitatis societatisque, i. e. *δουλείας* illi Cultum Religionis in Dulam & Latrám; quod alienum est à Sancti Augustini sententia. Hæc Instantia quinta. Postrema est de vocabulo *Meriti*, quo usi sunt Ecclesiastici Scriptores notione impropria; ut *mereri* idem sit quod *adipisci, consequi, obtinere*: sic solet usurpari à Latinis Patribus (nam inter Græcos vix occurrit) aut omnibus, aut plurimis. Ab Augustino sapissime: in Psal. 105. *Unam stillam dives ille non meruit*, i. e. obtinuit; & c. 16. de Prædestinatione & Gratia, *Dura cervix in illo populo, qui de servitute decem miraculis meruit liberari*, i. e. liberationem est adeptus. An verò dicendum est ea vel obliquè spectare ad Condignitatem Papistarum, ipsi iudicent. Possùm huc accumulare vocabula *purgandi, sacrificandi, suffragii pro mortuis vivendi*, & centum ejusmodi, quibus hæc ætas sequior abusa est ad suas pravissimas sententias statuminandas. In quibus omnibus, si præter nudum verborum sonitum nihil attendas, videbuntur Patres à partibus stare Pontificiorum: si rem ipsam, distantia erit manifesta. Non quòd in nudis verbis sumus superstitiosi; sed quòd ipsi vel syllabam quamcunque solent mordicus è Patribus arripere, si pro se facere videatur, quamvis vix unum veri consensùs apicem habuerit. Quocirca mittamus eos aliquando ad alvearia propria, nam in Patrum summatibus vix video cur se nificare glorientur. Quanquam quid dixi *alvearia*? *cavernas* dicendum esset, cum fucos magis quàm apes imitentur, è Patribus melimela quæ ipsi non sinxerunt furando, torquendo, adulterando; neque apibus quicquam affine habeant, nisi quòd æris sono & verborum tinnitu ad Patres confugiunt; quâ vocum larvâ detractâ, in vacuum omnia cédunt. Nam si se ita res habeat, ut quæ sunt dicta Allegorizans minorum sint in disputationibus virium: ædepol ea quæ Catachrestizans dicuntur, cujusmodi sunt *merendi, satisfaciendi, purgandi, sacrificandi* vocabula, omnino nullarum erunt, ad eos potissimum usum ad quos ab Adversariis oborto collo (dicam an manu?) describuntur. Et de Figuratè dictis hæc sufficiat monuisse; neque enim in animo erát ad hæc usque ipati hunc primùm enuntiandi modum produxisse, nisi mihimetipsi, quamvis serò, persuasissem; ex istis raptim decerptis duci vos posse ad altiora & plura ejusdem farinae perscrutanda; atque hæc interea non esse prorsus inutiles. De reliquis postmodum videbimus.

LECTIO XL.

Opusculorum Aristotelis decantata est & nota omnibus distributio, quòd duo librorum genera conscripserit: unum eorum quos vocavit *ἑκώτερος* extraneos, seu populares, quòd ad vulgi caput accommodati essent; alterum eorum quos *ἀκροαματικὸς* appellant Interpretes, quasi quis dicat *auscultatorios*, quia & à Discipulis majori cum attentione audiendi, & à Magistro majori curà & intentione erant enarrandi. Atque illud etiam accedit, quòd ipsi moris erat Exotericae disciplinae exercendae vespertinum tempus dare, Acroamaticae matutinum, cum vegetius ingenium, quasi Musarum primum apertis januis, vividiusque nitebat. Ad res Theologicas si quis transferat, non erit nullius utilitatis. Nam in Sanctorum Patrum monumentis utriusque generis lucubrationes prudens lector facile observabit: librorum suorum aliquos calamo magis populari & quasi vespertino fuisse conscriptos; cujusmodi sunt Homilica scripta, & Panegyrica, Sermonesque hebdomadatim habiti ad populum; & in his, Oratorum more, quàm laxissimis habenis multa declamatoriè & profusius dicta reperiuntur, quæ pro firmis & solidis vix reputanda erunt, nisi commodà interpretatione sanentur: nec quidem mirandum est, si cum in istis laborem posuerint vespertinum, nutare aliquando & dormire videantur. At verò sunt libri alii enucleatius exquisitiùsque figurati, & intentissimâ curâ acti; & istius notæ sunt scripta Dogmatica singula, tam Didactica quàm Polemica, sed inprimis Polemica: in his non modò prudentia, sed pietas exigebat ut se quàm cautissimè gererent, Hæreticorum aliqui ferulâ & severissimo magisterio castigandi. Quocirca & nos in hac quarta de Lectione Patrum Regula tradenda, inter utriusque generis tam dicta quàm scripta discrimen necessariò faciendum esse die præsentia novissimo demonstravimus; quando ad Sex enuntiandi Formulas, sive distinguendi Modos, examen quartæ Regulæ, si meministis, revocavimus, eosque hoc ordine proposuimus. Quòd in Patrum scriptis quædam reperiuntur Figuratè dicta, quædam Dogmaticè: hæc Distinctio prima. Rursus, quædam obiter & in transcurso, quædam ex composito: hæc secunda. Deinceps, quædam ex animi impetu & ardore disputationis dicta, quædam animo sedato, deliberato & constituto: hæc tertia. Adhuc, quædam dubitativè & hæsitanter, quædam fidenter & Categoricè: hæc quarta. Porro, quædam ex certa sua scientia, quædam ex credulitate aliqua & fide aliorum: hæc quinta. Postremò, quædam diversimodè, mutatione in contrarium factâ, quædam constanter unòque judicii tenore: hæc sexta & ultima.

De primo distinguendi Modo, primæque Formula, superiori die uberius egimus, ex ipsorum Patrum testimoniis, ex Adversariorum praxi & consuetudine, ex Instantiis & Exemplis non paucis, quæ distinctionis tem Utilitatem tum Necessitatem ostendunt digitis omnium nutibusque notabilem. Vultis denuo totius rei Summam? Accipitote in istius Propositionis compendio; In Patrum sive scriptis legendis, sive testimoniis proferendis, necessariò discrimen est statuendum inter ea quæ Dogmaticè, & ea quæ Declamatoriè aut Figuratè dicuntur. In Exotericis scriptis præcipuus Regulæ usus cernitur, quia in his plurimæ occurrunt locutiones Allegoricæ, aliæ Panegyricæ, quædam aurâ Poeticâ lascivientes, in quibus sæpe personam induunt; denique, aliæ Hyperbolicæ, aliæ Catachresticæ pronuntiata, ut patet

patet in *Merendi, Satisfaciendi, Sacrificandi, Purgandi* vocabulis: quæ omnia non sunt istius ponderis, ut aut ab iis argumentum firmum duci, aut in iis dogma aliquod fidei statuminari possit; nisi quis putet periti Architecti esse in floribus aut unguentis columnas & fundamenta domus ponere, & non magis in lignis & saxis, quæ sola sufficiunt oneri sustinendo. Et tamen ex istis clausulis Pontificiis solenne est pro Votis suis, & Meritis, & Satisfactionibus, & Purgatorio, & Invocatione Sanctorum, & Sacrificio Missæ, & Reliquiarum cultu disputare, vocularum sono sibi mordicus arrepto, cum ab ipsorum Authorum sensibus quam longissime distent. De primo distinguendi Modo hætenus.

Secundus nunc sequitur, De iis quæ obiter, & iis quæ ex professo à Patribus dicuntur; hæc Distinctio secunda: hinc Inquisitio secunda, An ex cursim & obiter dictis legitima prodeat argumentatio: hinc Regula secunda; In Patrum Scriptis si quæ obiter dicantur & in transitu, iis jus Testimonii legitimi non est tribuendum; sed iis tantummodo quæ ex consulta opera & ex destinato pronuntiarunt. Quæ ut apertior fiat, & Usus & Ratio Regulæ sigillatim sunt inspicienda; in duobus istis vis ejus tota vertitur.

Quod ad primum spectat, in Polemicis est Usus Regulæ rarior, crebrior in Didacticis: quia in iis paucissima reperies extra causam, sed omnia, ut saltem plurima, ad medullam rei spectantia; in his, lacunas aliquas repletas locutionibus deviis & inopinatis, ut ex hac triplici Scriptorum classe palam patebit.

Primo, Sunt è Veteribus nonnulli, qui argumenti quod tractandum susceperant cutem tantummodo summam attigerunt, in sanguinem & viscera non intropexerunt; ut inter alios Lactantius Firmianus, qui ipsum caput Christianitatis doctrinæque Evangelicæ, de præcipuo Christi beneficio propitiatorio, aut non intellexisse, aut ex destinato omisisse videtur. Etenim in Institut. l. 3. & 6. de institutione Christiana ex professo differens, de Legis Justitia multa eaque expressè disputat, at Justitiæ Fidei obiter tantum recordatur. Pariter & in l. 4. de Passionis Christi merito agit ex composito, *Ostendam, inquit, qua de causa in terram venerat Christus, c. 18. Venio ad ipsam Passionem, c. 16.* Et quid tum postea? Revera hoc tantum asserit, Christum ideo in mundum venisse, ut nos Verbo & Exemplo suo ad virtutem invitaret; ideoque passum, ut exemplum patientiæ præberet. *Venit, inquit, ut religionem sanctam transferret ad gentes, c. 11. Venit ut converteret homines ab impiis & vanis cultibus, ad colendum verum Deum, c. 14. Venit ut vitæ dux, ut justitiæ magister, ut homines parendi necessitate constringeret, c. 24.* Hæc & similia ubique occurrunt studiosius elaborata, cum tamen mysterium magnum nostræ per mortem Christi justificationis non nisi tractim, & molli brachio, & extremis, ut dicitur, digitis perstringat. Hæc Classis prima.

Secundo, Sunt è Veteribus alii, qui argumenti tractandi medullam ipsam & sanguinem eruere solent, sed dictis extraneis multis interpositis, & digressionibus ex obliquo factis: quod solenne est Sancto Chrysostomo, qui sæpe aliud agit quam quod destinarat agendum; quod ipsum vir doctissimus Isaac Catabbonus in Gregorio Nysseno & Hieronymo observavit. Qui quidem ambo, utcumque cum de peregrinatione Hierosolymitana seriò & simpliciter agunt, eorum sententiâ disertè refellunt qui putabant plus aliquid gratiæ & Divinæ virtutis Hierosolymis inesse, quam aliis locis ubi Verbum Dei prædicatur: at verò cum agunt non ex professo, sed obiter &, ut ipsi Patres loqui solent, *οὐκ ὀρθομένως*, tum quidem in duriores sermones excurrunt,

& ipsius fidei partem in hoc videntur constituere, si quis ibi adoret ubi pedes Domini steterunt. Hæc Classis secunda.

Postremo, Sunt & Veteribus alii, quiquamvis ad hæc *παρρησια* & obiter dicta rarissimè deflestant, at securitius tamen quàm par erat laxiùsque locuti sunt, non quidem torpenti animo, sed ob hoc ipsum, quòd nondum motas disputationes aut Adversarios exortos sentirent. Hoc de scriptis Hilarii & Ambrosii in causa Pelagiana Augustinus agnoscit, negligentius paulò locutos eos de peccato Originali & Libero Arbitrio, Pelagianis nondum litigantibus. Idem de Clementis & Dionysii Alexandrini aliquibus confitetur Hieronymus, l. 2. Apol. adversus Rufinum: Cùm eos Rufinus dixerat in Arianum dogma dilapsos, *Fieri potest*, inquit Hieronymus, *ut vel simpliciter erraverint, vel alio sensu scripserint, vel à librariis imperitis eorum scripta corrupta sint, vel saltem antequam in Alexandria, quasi demonium meridionum, Arianismus nasceretur, innocenter quadam & minus cantè locuti sunt, & quæ non possunt perversorum hominum calumniam declinare.* Postremo, & idem de Sancto Chrysostomo & Cyrillo Toletus Cardinalis; *Chrysostomus*, inquit, *& Cyrillus dicunt, posse hominem per seipsum dignum se facere gratiâ, & Filium Dei digni hominibus revelatum iri: Estque hæc doctrina non illorum tantum, sed aliorum Doctorum, maximè Græcorum, qui libero Arbitrio multum tribuebant, nondum Pelagianâ heresi tunc grassante, maximè Chrysostomi temporibus.* Hæc ille. Ex quibus omnibus simul sumptis apparet veritatem Regulæ in confesso esse, & usum etiam ipsius in legendis Patribus maximum, nè obliter & supinè dictis ea autoritas tribuatur atque iis quæ deliberatè & consultà operâ scripserunt. Hæc de Ufu. Ratio regulæ sequitur; est autem duplex.

Prima, quia cedere oportet obiter dicta iis quæ ex industria recensentur: quid enim est *loqui obiter*, nisi occasionaliter, & leviter, & neglectim, & tumultuariè, & in transcurso? *τὸ παρρησιον* Græci appellant, h. e. exile dictum & perfunctorium; *ὡς μὲν πρὸς τὴν ἀναγκήν*, ut Helychius; *παρρησιον* loqui, h. e. *ὀλιγόμην*, dicente Suida, languidè & perfunctoriè, quod tunc accidit cùm quid improvisò ad susceptum opus accedit, vel, ut Budæus loquitur, *cùm quid per digressionem fit & per excessum ab opere proposito.* Ergo, obsecro, quæ causa est cur *παρρησιον* aliquid dicere sit languidè dicere & perfunctoriè? An verò est alia quàm quòd operis *παρρησια* minore curâ fiunt quàm ipsum opus? minoris igitur sunt pretii, & minoris autoritatis. Vel illud Protogenis apud Strabonem documento esse potest. Protogenes, inquit Strabo, cùm Satyri speciem in tabula politissima arte pinxisset, adjunxit ex abundanti columnam quandam juxtâ positam, & perdicem columnæ insidentem: Suspensâ tabulâ, statim in perdicem prætereuntium oculi sunt conversi, ut illius admiratione Satyrus, quanquam opus elaboratissimum, negligereetur; nimirum in perdicem solam digitos intendebant singuli, ad hanc perdicem cicures afferebant, quæ mox, ut dicitur, adversus picturam positæ, quasi vivam vidissent, pippiebant. Hoc cùm Protogenes animadverteret, indignatus apud inperitam plebem perdicem esse admirationi quàm ipsum Satyrum propter quem perdix appicta est, perdicem & tabula statim delevit, vel ob hoc ipsum, *ὅτι τῆς ἑργῆς παρρησιον*, & principali accessotium prætolissent. Quòd si in operibus teneat, quod Arist. Eth. 1. dicit, Prudentis non esse *τοῖς ἑργοῖς τὰ παρρησια* antepondere, *ὅτι ἐν τῆς ἑργῆς τὸ ἀγαθὸν ἐστὶν ἢ τὸ δὲ* equidem & in sententiis Patrum tenebit, Obiter dicta necessariò cedere debere dictis enucleatiùs. Hæc Ratio prima.

Secunda est, Quia obiter dicta Patres sæpe corrigunt secundis suis cogitationibus, & dictis ex constituto. Hoc quomodo constabit? Duobus modis, Exemplis & Testimoniis.

Quod

l. 1. cont. Jul.
Pelag.

in c. 6. Fuar.
Annot. 10.

l. 14.

Quod ad Exempla attinet, inter multa duo sufficiant, unum ex Hieronymo, alterum ex Greg. Nysseno sumptum; utrumque de Hierosolymis adundis, & honoribus istis locis deferendis. Inprimis ex Hieronymi scriptis disputant Rhemenſes, in Matth. c. 28. Annot. primâ, nec non & Coccius, in Thesauri Tom. 1. l. 5. Ar. 17. Videamus illi an fide bonâ; & quibus affectibus hac de re Hieronymus locutus est, an obiter, an ex professo. Inprimis Ep. 27. c. 3. laudat Paulam Hieronymus, quod loca cuncta Hierosolymis magno ardore ac studio circumviſſet, & lapidem Reſurrectionis oſculata eſſet. Deinde, Ep. 154. ad Deſiderium ſcribens, eum hortatur, ut per occaſionem locorum Sanctorum ſe quoque inviſeret, his verbis; *Hortor vos & precor per Domini charitatem, ut nobis veſtros tribuatis affectus, & per occaſionem locorum Sanctorum, tanto nos diſcretis munere. Certè ſi conſortia noſtra diſplicuerint, adoraffe ubi ſteterunt pedes Domini pars fidei eſt, & quaſi recenſia Natiuitatis, Crucis ac Paſſionis viſiſſe veſtigia.* Hæc Hieronymus ſatis apertè, pro locis Sacris viſitandis. Hoc tantum reſtat, ut inquiramus an hæc ex conſtituto ſcripſerit Hieronymus & didacticè, annon magis curſim & *οὐκ ὀρθομικρῶς*, quatenus propoſito ſuo ſerviebant, vel ad Paulam laudandam, vel ad Deſiderii aſpectum adipiſcendum. Hoc quomodo conſtabit? Scilicet ex altera ad Paulinum Epiſtola, de Inſtitutione Monachi: nam in hac ad Paulinum idem magnus Doct̃or multus eſt & vehemens adverſus illos qui Credentes locorum diverſitatibus, non fidei merito, ponderabant. Ipſius verba ſunt, *Nè quicquam, inquit, fidei tua deeſſe putes, quia Hieroſolyma non viſiſti; nec nos idcirco meliores exiſtims, quod huius loci habitaculo fruimur. Non Hieroſolymis fuiſſe, ſed Hieroſolymis bene vixiſſe laudandum eſt.* Quæ igitur cauſa diſcriminis? Num à ſe diſcrepat Hieronymus? pars fidei eſt ad Deſiderium, pars fidei non eſt ad Paulinum? Nihil minus: ſed ratio diverſitatis eſt, ut Caſaubonus obſervavit, quod illa ad Deſiderium, pro viſitandis, obiter ſcripſerit & *οὐκ ὀρθομικρῶς*; hæc ad Paulinum, de non viſitandis, *διδακτικῶς* & ex professo: ſed ea eſt Papiſtarum iniquitas, ut illa ad Deſiderium ubique oſtendent, quæ redundant calamo exarata ſunt; iſtorum ad Paulinum apud eos omnino mentio nulla, quæ tamen ſunt ab eo Dogmaticè & velut ex Cathedra determinata. Nobis ſufficit, quod dicta Didacticè obiter dictis præponderant. Hoc exemplum primum.

Secundum è Gregorio Nyſſeno deſumitur, nampe ex Epiſtola ad Olym-pium. Ex illa Epiſtola idem Coccius pro iſdem itineribus teſtimonium ducit, eò quod Gregorius ibi ad monumentum Chriſti peregrinationem memoret; aitque porro, (quod Coccius præteriit) κατ' ὄψιν ſe profeſtum eſſe Hieroſolyma, h. e. votivum iter inſtituiſſe. Imò adhuc apertius, idem Gregorius in altera ad Eūſtathiam, Ambroſiam & Baſiliſſam Epiſtola, ulterius hac in re progreditur, & non obſcurè videtur innuere, ingentem eſſe ad credendum doctrinæ Chriſtianæ, adeoque ad bene vivendum, prærogativam; ſi quis oculis corporeis loca illa viſiſſet ubi Chriſti converſationis in terris veſtigia viſebantur; nam loca illa appellat *γνωρίσματα τῆς θεοῦ φιλαδέλφειας, & σημεῖα, & σύμβολα, & ὑπομνήματα* præſentiae Chriſti in terris; ſicut Patres alii, *μελέταις πρὸς ἀρετὴν, & γυμνασίαις πρὸς διορίσεις*, exercitationes & quaſi irritamenta ad pietatem. Ad hæc tanta tamque magnifica quid tandem eſt reſpondendum? aut reſponſum nobis quæ ſuppedabit? Certè idem Greg. Nyſſenus, qui ſui interpres & optimus & certiſſimus; Conſulendus eſt igitur alter Nyſſeni Liber, ſive Epiſtola quam ad amicum ſcripſit expreſſè & nominatim De Hieroſolyma abeuntibus: nam in hac Epiſtola, cū animadverteret vir pius, ſuum & ſui ſimilium exempla ab idiotis in neceſſariam fidei legem trahi, quaſi priorem ſententiam revocans,

H h 3

planiffimè

planissime profitetur, se ex occasione professionis in Arabiam à Synodo imperatæ Hierosolyma deflexisse; & quia Arabia esset locis Hierosolymitanis contermina, & ut istarum Ecclesiarum motus & perturbationes componeret. Imò verò, quod adhuc majus, in hac posterius scripta epistola eorum sententiam disertè refutare contendit, qui putabant plus aliquid gratiæ & Divinæ virtutis Hierosolymis inesse quàm aliis locis inter Christianos; *οὐκ ἔστι, inquit, μέρος εὐσεβείας, ἢ μακάριον ποίει, οὐκ ἔστι περὶ τῆ βασιλείαν ἰουδαίων. Non est pars pietatis, non efficit beatum, non est ad regnum conducibile, ea loca vidisse.* Etiam & hoc annectit, Hierosolymis Cappadociam longè esse anteponendam. Quæ igitur ratio diversitatis, cùm Gregorius ille scriptor fuerit sui, si quis alius, ubique similis? Rationem reddit Calaubonus, eamque clarissimam, in Annot. suis super Greg. Nyss. Ep. ad Basilissam, p. 82. Quòd in illa ad tres mulieres Epistola non est simpliciter locutus, neque *διδασκαλῶς*, verùm cursim & *οἰκονομικῶς* ea adducens quæ proposito suo fervirent; propositum autem illi erat hanc Epistolam scribenti, Hierosolymitanos acriter castigare propter ea vitia quæ inter illos deprehendebat; quæ reprehensio ut æquis auribus acciperetur, benigniùs cum illis agit, & aliquam eis super omnes Christianos prærogativam concedit: At in illa ad amicum Epistola, ubi locis istis detrahit, ex professo & *διδασκαλῶς* hanc quaestionem tractandam suscepit: neque est hæc inconstantia, sed mentis suæ commodior explicatio. Atque hæc ita esse, tempus scribendi & titulus ostendunt; nam & posterius scripta est hæc ad amicum Epistola, & titulum in fronte præ se fert, *Περὶ τῆ ἀπορίας τῆς Ἱερουσαλῆμ.* Hoc exemplum secundum. De Exemplis satis.

Testimonia videamus.

Testimonium primum à Sancto Augustino desumitur, qui hanc ipsam ratione B. Cyprianum martyrem ab hæreseos vindicat crimine, Ep. 48. ad Vincentium: in qua, cùm Cypriani autoritate urgeretur, non dubitat hoc modo respondere; *Cyprianus, inquit, aut non sentit hoc, aut hunc quasi novum candidissimi pectoris cooperuit ubere charitatis, aut postea correxit in regula veritatis.* Hoc testimonium primum ex Augustino.

Secundum à Claudio Mammerco petitur, Episcopo Viennensi, qui hanc ipsam responsione duorum errorum crimen à Sancto Hilario depellit; unius, quòd nihil incorporeum creatum dixerit; alterius, quòd nihil doloris Christum in Passione sensisse affirmaverit: *Hæc, inquit, erat beati Hilarii opinio; sed quoniam ita est, ut huius opinionis vitium virtute Confessionis aboleverit, sic sustinet reprehensionis stylum, ut non patiatür detrimenta meritum, l. 2. de Statu Animæ, & Bibliothecæ Patrum tomo quarto. Adhuc & hæc ipsa est ratio quâ se purgare aliquando S. Augustinus conatur, l. 2. de Bono perseverantiæ, c. 21. Non egometipse, inquit, meipsum in omnibus sum secutus; unde & Retractionum libros edidit, in quibus priores suas sententias multas mutavit, revocavit, emendavit, correxit. Denique & hæc quoque est ipsissima ratio quâ ipsi Pontificii nostrorum à Patribus testimonia tanto nixu eludere satagunt. Ad obiter dictum se vertit Bellarminus; ad securè Salmeron Jesuita. Contra Justificationem per Fidem solam agit Salmeron Jesuita; in quo Articulo, cùm observaret eandem solius fidei exceptionem in Veterum scriptis disertissimam & usitatissimam haberi, quam hodie animosissimis declamationibus in nobis exagitant damnantque hodierni Papistæ, & tanquam recentissimam traducunt, uniusq; Lutheri germanissimum factum; respondet Salmeron hoc modo, *Quòd, inquit, Basilus, Ambrosius, Hilarius, Eusebius, Theophylactus, Bernardus; per solam fidem homines justificari dixerint; hoc Patrum dictum catholicè est intelligendum, & ad bonum sensum trahendum;**

hendum, quòd liberius aliquando Patres & securius loquebantur. Salmerni-
nis verba sunt, in Ep. ad Galat. Disput. 10. Vicissim Bellarminus, l. 4. de
Christo, c. 6. cùm contra novos Arianos pro Divinitate Filii Dei argu-
mentatur, atque ipsi locum adducerent ex Procopio, verba illa Sancti Pauli,
primo ad Colossenses capite, sic interpretante, *Omnia per illum condita
sunt, h. e. renovata, & in integrum restituta*; Respondeo, inquit Bellarminus,
*solum hoc dixisse Procopium, qui tamen non interpretatur hanc Epistolam, sed
obiter, cùm scriberet in Genesim, unam allegavit ad suum propositum sententiam
ex hac Epistola, non respiciens quid praecederet aut quid sequeretur.* Hæc
Bellarminus, sufficiens hoc esse responsum existimans, quòd locum Proco-
pius obiter & in transcurso tetigisset. Ut hæc omnia in unum fasciculum
colligam; Videtis, opinor, ex istis quæ disseruimus, quod fit Sanctorum
Patrum de obiter dictis iudicium, quæ Adversariorum de iisdem in unum
conspirans sententia, quòd recta Ratio & prudentia rerum Theologicarum
agendarum astipulentur, diligentes nos esse oportere in obiter dictis ab iis
quæ deliberatius dicuntur discernendis: nisi quis velit umbram corpori, &
accessorium principali, & *τὸ ὑπὸ πᾶσι*, & Protogenis Satyro perdicem
æquare; nisi quis putet rosam fuisse aut gemmam, quicquid è Patribus
quispiam pede pervio calcaverit, aut oraculum, quicquid iis fortuito & in-
cogitanter exciderit: quâ conjecturâ vix aliud majus specimen reddi potest
aut infirmæ mentis, aut ingenii in errorem se præcipitantis. Et de secundo
Distinguerendi Modo hæc dicta sufficiant.

Ad tertium accedo, de iis quæ ex Iudicio, & iis quæ ex Præjudicio ali-
quo Patres sunt locuti; hæc Distinctio tertia: hinc Inquisitio tertia. An
ex dictis cum Præjudicio aliquo peti possit satis validum Testimonium:
hinc Regula tertia, In Patrum scriptis, si quæ ex impetu mentis, aut ar-
dore disputationis, aut præjudicio aliquo excidisse reperiantur, pro firmis-
simis & sanctissimis testimoniis non sunt reputanda, sed ad ea solummodo
quæ sedato & sobrio animo dixerint est provocandum: & à superiore qui-
dem Regula in hoc discrepat, quòd prioris usus præcipuus est in Didacticis,
hujus verò in Polemicis scriptis; in quibus multa non obiter, sed ex professo
tractantur, quæ tamen non sunt eâ tranquillitate mentis composita, ut vel
pro authoris sententia, vel pro intemeratis suffragiis habeantur.

Duo autem sunt ad plenam Regulæ intelligentiam breviter eventilanda:
Quòd ab istis motibus Patrum sententiæ nonnullæ interdum promanarunt;
& Quòd inter hæc & illa Scriptores tum veteres tum nuperi discrimen sem-
per vel maximum posuerunt.

Quod ad primum attinet, nemo est in Veterum scriptis vel mediocriter
versatus qui ibi inficias, prudentes istos doctrinæ Catholicæ Antistites in-
dulsisse aliquando, ut ingeniis suis, ita etiam & affectibus, amoris, zeli, nè
dicam etiam fervoris & iracundiæ. De affectu Iracundiæ si loquamur, deser-
buisse eos aliquando Hieronymus erit documento, qui quamvis præclare
multis in locis de Tertulliano sensit, at cùm in controversia Helvidiana au-
thoritatè ejus premerebatur, præcipiti calami lapsu in has voces erupit, *De
Tertulliano nihil amplius dico quàm Ecclesia hominem cum non fuisse.* De A-
moris affectu si quis dubitet, recognoscat quæ scripserunt de Orationibus pro
mortuis: nam benignius est dicere, eos ad humanos affectus magis inclinasse
quàm fundamenta impetivisse pietatis. De ipsorum aliquibus Augustinus asse-
rit, Eos ipsos qui crederent omnes poenas fuisse purgatorias, benevolentia
quadam erga mortuos deceptos fuisse, pro affectibus suis dura quæque mol-
lientes; in Enchirid. c. 112. & de ipso Sancto Augustino Philippus Me-
lanchthon, modeste illum aliquando lapsu, & velut filiali affectu (fatente

Tom. 3. Oper.
p. 1067, 1070.

H h 4

seipso)

seipso) cū de amicis & charissima matre Monica cogitaret. Nam in l. Confess. 9. c. 13. his verbis instituit orationem pro Matre mortua; *Inspira, Domine Deus meus, inspira servis tuis, fratribus meis, ut quotquot hæc legerint, meminerint ad altare tuum Monica famula tua, meminerint cum affectu pio parentum meorum.* Hæc Augustinus. Similia leguntur apud S. Ambrosium, in l. De Obitu Valentiniani; de Gratiano & Valentiniano sic loquitur, *Nulla dies vos silentio præteribit, nulla vox non donatos aliquæ precum mearum contextione transcurreret.* Etiam & de obitu Fratris, *Tibi nunc, Omnipotens, ejus innoxiam commendo animam.* Postremò, de obitu Theodosii, *Da requiem perfectam servo tuo Theodosio, &c.* Perspicuum est esse hæc preces pro defunctis, & magni quidem affectus; sed tamen affectus. Unde hoc patebit: Facillimè; evincam eos fuisse puros pios affectus: eò quòd & Augustinus cū pro Matre, pariter & Ambrosius cū pro aliis vel oraret, vel orandum diceret, iis omnibus actu præsentem beatitatem astrunt. Consulamus loca. De Valentiniano Ambrosius, *Non dubitamus de meritis Valentiniani, sed credimus quòd ablatus ascendit:* similiter de Fratre, *De istius beatitudine nequaquam dubitare debemus:* nec non de Theodosio, *Manet in lumine Theodosius, & Sanctorum catibus gloriatur:* atque de Matre sua idem fuit Augustini judicium. Ad quid igitur orationes fundunt pro iis quos norunt in beatitudinem receptos? Nempe hoc fuit quòd dixi, lapsus Dilectionis, amoris error, & affectus tenerioris exuberatio. De Amoris affectu patet.

Postremò, de Zelo quò inter disputandum usi sunt infinita possunt produci; eorum multos, utcunque in Eristicis cautiore erant, at sui oblitos aliquando, causæ defendendæ calore nimio agitados.

Observat hoc ipsum, atque id ingenuè fatetur, Sixtus Senensis, in præfat. l. 5. Bibliothecæ; *Ardebant interdum, inquit, Veteres illi tanto sincera pietatis & Catholica defensionis ardore, ut dum unum errorem omni virium conatu destruere annisuntur, sæpe in alterum oppositum errorem vel deciderint, vel decidisse videantur; agrorum more, qui incurvum tenere arboris stipitem corrigere volentes, immodicè nonnunquam attractione modum excedunt, plantamque ipsam in contrariam diversamque deducunt formam.* Neque difficilis erit negotii exempla proferre. Ego duobus contentus ero; Hieronymi & Augustini.

*Apol. ad Fab.
t. 9. & Resp. ad
Fecriticantem,
t. 9. & De con-
scrib. Epist. in
exemp. inf.
10. 1.*

In Hieronymo ardorem hunc observavit Erasmus non uno in loco; *Violentus, inquit, est Hieronymus cū pugnat: pugnans adversus Fovinianum, iniquior videtur matrimonio; adeò miratur virginitatem, ut non absit à matrimonii contumelia, utque ab Episcopis Orthodoxis ad palinodiam invitatus sit.* Denique contra secundas nuptias tam vehemens, ut in eo reperiantur illa verba quæ in Tertulliano sunt damnata. Tandem & illud addit, *Quod si in meis scriptis reperirentur de matrimonio dicta quæ leguntur apud Hieronymum, Theologi clamarent, blasphemum me esse in Ecclesia Sacramentum.* Hæc Erasmus de Hieronymo.

De S. Augustino si quis cognoscere velit, audiat ipsos Pontificios, quid de S. Augustino Jacobus Sadoletus Cardinalis & Corn. Mussus in scriptis reliquerint. Sadoleti hæc verba sunt, l. 3. Ep. 5. ad Fredericum Fregosium; *De libero Arbitrio, inquit, & de Gratia, ego & Pelagium graviter accuso, & Augustino non usquequaque assentior; nimium enim extreme ex contraria parte is diversam mihi causam videtur defendisse.* Hæc Sadoletus. Neque Mussi sunt verba absimilia, in c. 5. ad Rom. p. 270. *Non vos moveat, inquit, Augustinus vel tantillum; est enim hoc illi peculiare, ut cū aliquem expugnat errorem, tantà vehementiâ illum exaggeret, ut alteri errori opposito ansam præbere*

bere videatur: cum Arium infectatur, videtur favere Sabellio, cum Sabellium, Ario, cum Pelagium, Manichæis; cum Manichæis, Pelagio. Ergo sermones ex dicendi causa librandi sunt. Hæc ille, non quæro quam appositè. De prima parte Regulæ scitis, Quod acri & concitato impetu Patres interdum in extrema usque inter disputandum ferebantur, ipsis se, ipsis fatentibus Adversariis. Jam verò hoc concessio, ex parte prima pars altera Regulæ nemine trahente secutura est, Quod familiare est Theologis monumenta Veterum Patrum excutientibus, discrimen vel maximum statuere inter ea quæ ex impetu, & ea quæ ex mente tranquilla prodeunt. De Greg. Thaumaturgo sic S. Basilius sensit, Ep. 64. quæ est ad Doctores Ecclesiæ Neocæsariensis: Cum Thaumaturgi dictum quoddam ei obijceretur, qui in expositione fidei dixisset, Patrem & Filium *ἑνὸς αὐτοῦ θεοῦ, ὁμοῦς αὐτῷ* 3 *ἐν, juxta mentis considerationem duos esse, hypostasi verò unum*; S. Basilius respondit, hoc dictum esse à Thaumaturgo *ὁ δὲ οὐκ ὁμολογῶν, ἀλλ' ἀποκρίνεται*, h. e. non dogmaticè, sed contentiosè, dum zelo magno adversus Ælianum ferebatur: Neque discrepant quæ ab eodem Basilio de Dionysio Alexandrino scribuntur, Ep. 41. ad Maximum philosophum; De Dionysio hæc nostra est sententia, inquit, Non omniarum laudamus, sunt quæ prorsus etiam damnamus. Is primus impietatis Anomæanæ, quæ nunc obstrepit, seminaria præbuit causam verò hujus non puto animi malitiam esse, sed quod vehementer cupit oblucri Sabellio. Quocirca soleo illum plantatori similem asimare, qui dum impietati Afris se opponit acriori impetu, venenata planta curvitatē correpturus, ita immoderatè illam retorset, ut imprudenter in malum oppositum præceptis abiit, nimio contendendi studio. Hæc de Dionysio Basilius. Mitto veteres. Ad Pontificios accedo, ut ostendam & ipsis etiam usitatum esse ad hoc sapius asylum confugere. Josephus Acosta, l. 2. De Christo revelato, c. 20. hoc modo respondit ad auctoritatem Hieronymi à nostris adductam contra tralationem Græcam Septuaginta Seniorum, in multis eos errasse, & alia dubiis protulisse sententiis: sic, inquam, Acosta respondet; Si, inquit, importunos mordacisque canes à se depellens vir sanctus, tantisper in editionem Septuaginta introductus est, donandum est egregio Christi militi, qui in medio certamine posuit, ardore ferientis Adversarios premit interdum socios. Sic Virginitatis oppugnatores infectans, iniquior est Matrimonio; & Episcoporum quorundam fastum carpens, Presbyteros videtur gradu aquare. Hæc Acosta. Post Acostam, alter Jesuita prodeat Salmeron; & ipse quoque in Commentariis suis super Paulinam ad Galatas Epistolam nonnulla Sanctorum Patrum pro sola fide dicta sic conatur eludere: Ex Patribus, inquit, constat, tres gravissimos errores fuisse olim ab hæreticis excitatos; contra hos cum eodem tempore eundem esset obviā à Patribus, rectè solam fidem sine operibus prædicabant. Post Salmeronem Sixt. Senensis numeretur, l. 5. Bibl. Annot. 101. De Chrysostomo, inquit, dicendum est, sicut Annianus in præfat. Commentariorum in Mattheum observavit, Chrysostomum interdum natura nostra vires plus aquo extulisse, ex contentione disputandi cum Manichæis & Gentilibus, qui hominem asserbant vel naturā malum, vel sati violentiā ad peccandum compelli. Post Sixtum Hardingus huic classi est cooptandus, Art. 12. l. 10. Causa, inquit, ob quam Tertullianus Christi verba isto modo est interpretatus ea fuit, quod aliquantò vehementius Marcionem hæreticum urgeret: quemadmodum septennumero Patres in ipso disputationis astu quadam loca tractare solent non ad accuratam verborum significationem, sed eam potiùs viam sequuntur quæ ipsis ad refutandum Adversarium commodissima visa fuerit. Ergo prudentiā opus est, neque eodem judicio legenda sunt quæ ἀποκρίνεται scripserunt, & quæ δὲ οὐκ ὁμολογῶν ediderunt. Post Hardingum coronidis loco accerfantur Auratus & Pighius,

Verba hæc non
reperiuntur in
Præfat. An-
niani.

ghius, qui in illa magna de libero Arbitrio controversia, Augustini dicta singula, uterque iisdem verbis, sic emittuntur excutere; Pighius, cap. 3. l. 2. De lib. Arbit. Auratus Paradoxo 48. *Non est quod Augustinum dicant Adversarii* (nos intelligit) *suos patrocinantes erroribus: in enim observentem disputationem Pelagii & Cælestii vehementius gratiam attollit, quasi videatur elevare arbitrium hominis, eo quidem consilio quod sequuntur ii qui curva lignorum ad rectitudinem conantes reducere, ea ultra rectitudinem flectunt, & incurvant in oppositum.* Verba sunt Aurati Pighiique; prorsus quasi uterque unum eundemque spiritum à Senensi traxissent, qui Præfat. in l. 5. Biblioth. magno ardore Augustinum ferri solere & ipse observavit: *Divus, inquit, Augustinus, dum toto spiritus ac verborum ardore pro defensione Divina gratia pugnat adversus Pelagianos, in alteram quasi foveam labi videtur, minusque interdum tribuere quam par sit libera hominis voluntati.* Hæc illi. Ex quibus certissime conficitur, & in hos animi motus Patres aliquando raptos; & ad hæc quoque responsa adactos eruditos viros interdum fuisse.

Potui obiter perversitatem ingenii Papiستي observeare, qui in Augustini scriptis contra Pelagianos evolvendis excessisse modum bonum illum Patrem calumniantur: quod omnino dicere debebant potius de disputationibus contra Manichæos. Nam verisimilius est, vehementiorem eum fuisse & inclinatiorem in liberi Arbitrii partes, eum contra Manichæos qui Naturam, quam in Gratiæ, cum contra Pelagianos scriberet qui Gratiæ criminabantur: tum quia contra Manichæos scripsit juvenis, in ipsis initis, antequam erat Presbyter, contra Pelagianos non nisi Episcopus, & ætate jam provector; tum etiam quia contra Manichæos multa retractavit, contra Pelagianos nihil. Sed non est meum ista nunc persequi: sufficit, si tantum lucis ex istis hauriamus quod argumento præ manibus inferviat, inesse aliquando etiam animis cælestibus iras istas, neque mentis solius motus, sed elocutionis. Adeo verum est de Veritate quod Veritatis scurræ Lucianus de animo hominis dixit, in Dialogo qui Nigrinus inscribitur, Est scopo similis Veritas, cui intendunt sagittarii in hac vita multi, qui plenas quidem pharetras variis atque omnis generis orationibus habent, cæterum non omnes certo jaculentur ac destinata feriunt: sed alii præ imbecillitate virium, & quod laxiore nervo jaculantur, ad scopum usque non perveniunt, sed soluto impetu sæpenumero in medio cursu deficiunt ac decidunt; alii nervo nimium intento, vehementiori quam satis est impetu telum emittunt, & præ vehementia ictus scopum non feriunt, sed transvolant. In istis autem legendis idem nobis faciendum est, quod militem nescio quem Alexandro respondisse ferunt, *Provoco, inquit, ab Alexandro irato ad Alexandrum pacatum:* & nos quoque revocare nosmetipsos oportet à Sanctorum Patrum acerbis distis & vehementiis, & cum iis conferre quæ, semoto præiudicio, mente tranquilliori pronuntiarunt. Erit hoc modo via facilior ad ipsorum verissimos sensus indagandos; si utrosque loquendi modos non negligamus expendere, & in postremis hisce aut solummodo aut potissimum acquiescere. Hic tertius Modus distinguendi, De iis quæ ex Iudicio, & iis quæ ex Præiudicio & ardore disputationis Patres sunt elocuti. In quibus agitando video me vos diutius detinuisse: sed largiendum est aliquid otio secuturo; nam divulgum à vobis me sentio duabus prælegendi vicibus proximè insequentibus, temporis tyrannide non quod ego mihi metipsum hanc silentii licentiam arripiam, de festis diebus intercalandis, etenim si certo scirem vos adfuturos neque manum neque pedem retraherem; sed loci consuetudo id postulat, aut magis imperat, ut cum die proximo Urbis solennia ad ludos, & post proximum altero Ecclesiæ decreta ad preces vos vocent, etiam & nos vel inviti consentiamus.

sentiamus. Quapropter & de istis leuiusculis obiter vos monuisse nostri putauimus officii, præsentiam nostram usque ad diem ab hodierno tertium, non esse expectandam, cum dies prima Reipublicæ deuouenda sit, secunda Ecclesia.

LECTIO XLI.

Mensuram orationis non tam à dicente quam ab audiente petendam esse Philosophorum, diuinissimus Plato dixit : eò quòd & in colloquendo, iuxta Interrogantis animum respondere, & inter disputandum, iuxta Respondentis sensum argumentari unumquemque deceat ; cæteroqui impossibile est ut disputatio in commodum cedat, nisi quælibet sententia, velut pila, à feriente ad capientis manum rectissimis lineis dirigatur. Et reuera in Colloquiis congressibusque Scholasticis observatio Regulæ solennis est & universalis, cum nihil sit magis iniquum aut absonum quam proprios nostros sensus sequi, quando aliis percontantibus aut dubitantibus est satisfaciendum. Similiter & in Authorem scriptis evolvendis non minor est Regulæ usus, sed terminis transpositis : utcumque enim in Colloquiis non solventis sed querentis sensus est consulendus ; at verò in Patrum testimoniis librandis planè contrario se res habet, ad ipsos, de ipsis cum agitur, est recurrendum ; neque à legente, sed à scribente sermonis mensura est haurienda : quia habet de suo quilibet Scriptor consilium aliquod quò exoptat assequi, & ad suos, non nostros, sensus calamum collineat ; à quibus si tantillum vel lector vel appellator deflexerit, non jam amplius authoris dicendum est quod profert testimonium, sed suum, neque suffragatoris, sed recitatoris. Et tamen hoc ipsum in Patribus citandis apud Pontificios jam vetus est, & in multis fidei controversiis usitatum, nè dicam quotidianum ; dum eximiùm Antiquitatis consensum adeptos putant, si ex veterum monumentis sententias aliquas libaverint, quantumvis eas sæpius è primis finibus subdolè dimoveant, atque ad alia planè instituta, de quibus Patres nunquam somniarunt, sinistrorsum contorqueant ; ut quòd sanctissimus Psaltes de inimicis suis dixerit, Psal. 56. 6, 7. *Toto die, inquit, contorquent verba mea, & observant vestigia mea, ut insidiantur animæ meæ* ; pariter & de ipsis absque omni calumniæ nota dici potest, cum nihil ab iis intentatum relinquitur quò veritati possint insidias necere. Et illud in postremis non est statuendum, quòd Patrum scripta pro libitu fingant atque refingant, nunc addendo, nunc detrahendo, mutando, surrogando, lacerando, ad suas novitates flectendo ; in hoc hostibus peiores Davidicis, quòd Patrum verba contorqueant, & vestigia non observant. Adeò est ipsis familiare voces Sanctorum prætexere & sensus corrumpere, ut novam *ἐκείνων* comminisci necessarium foret, Aristoteli nunquam cognitam, quâ Sophistarum præstigias & nuper inventas homonymias, non tantùm vocibus & sententiis suis, sed ipsorum Patrum testimoniis suffixas, rescindere possimus & irritas facere. Quòd si quis à me temere hoc & per contumeliam dictum putet, recognoscat quæ de tribus primis distinguendi Modis superius eventulavimus ; & tam multis exemplis imbutus facile confitebitur, consuèisse eos quàm sæpiissime & Declamatoriè dicta urgere pro Dogmaticis, & obiter dicta pro iudicatis, & contentioniis impetu elapsa pro Sanctissimis

diffimis Patrum scitis atque decretis : quod quàm sit delirum & ab honore Patribus debito alienum, ex tribus antea citis Regulis videre est.

Quòd in Patrum scriptis excutiendis, dictis Hyperbolicis & Panegyricis legitimi Testimonii jus non debetur, sed tantum Dogmaticè & Didacticè enuntiatis. Hæc fuit prima Regula.

Quòd in Patrum scriptis distinguendum necessariò est inter ea quæ obiter aut in transitu, & ea quæ consultâ operâ & ex professo tractarunt, nec quod ex illis, sed quod ex his tantummodo elicitur, probandum est testimonium. Hæc secunda.

Quòd in Patrum scriptis non ea quæ ex impetu mentis, aut ardore disputationis, aut præjudicio aliquo dixerunt, pro suffragiis validis sunt reputanda; sed ad ea quæ sedatâ & compositâ mente dixerint est recurrendum. Hæc tertia Regula. Atque hætenus decursus est.

In hac tertia Regula progrediendi ansa erat dissoluta. Accedendum nunc est ad quartum distinguendi Modum, De iis quæ dubitative & hæsitanter, & iis quæ Categoricè & confidentius Patres sunt loquuti, sit hæc Distinctio quarta : hinc Inquisitio quarta, An ex ambigüe & hæsitanter dictis firmitatis spectata suffragium peti possit : & hinc Regula quarta, quæ sic se habet, Quodcumque contigerit ut ex consensu Patrum veritatis sacræ rationes atatumque decursus sint examinandi, acri magnòque judicio opus est, ut sententias dubias & pendulas ab apertis & disertioribus fecernamus; quò ipsorum mentem non examine scrupuloso, sed rerum ipsarum soliditate, libremus : quia illa sola pro exploratis habenda sunt quæ positivè Patres & asseveranter tradiderunt. Ut Regula manifestius teneatur, disquisitionem ipsius ad aliquorum Theorematum limam revocabo. Sunt autem hæc tria Theoremata.

Primum, De nonnullis fidei Dogmatibus incertè aliquando Patres esse locutos.

Secundum, Ex incertis istis firmum Testimonium non posse deduci.

Tertium, Hæc ipsa incerta, qualia qualia fuerint, solere Pontificios inter disputandum ultro citroque pro se obtrudere & venditare.

Exordiar à Theoremate primò; Quòd in Sanctorum Patrum voluminibus occurrant nonnunquam fluctuantes quædam & ambigüe dicendi formulæ, etiam cum graviore fidei quæstiones excutiunt, ut quamplurimis exemplis facile potest ostendi. Ego uno aut altero contentus ero, omittam cætera. Ex Athanasio prima Instantia ducitur, è libro De communi Essentia Patris, Filii, & Spiritus Sancti. In istius libri Sectione antepenultima agit ex professo Vir Sanctus de operibus Angelorum in Cœlis, quo modo erga Deum, quo erga homines se gerant, atque hoc quidem signanter pronuntiat, Eos quotidiano cantu laudes Dei personare : illud alterum de Precibus pro humana salute, non nisi dubio mentis indicio. Verba ipsius hæc sunt, ὅτι ἐκπαλαιὸν διαμένον ἔργον τὸ ἐστὶν, ὑμνεῖν ἀλλήλους, καὶ ἑαυτοὺς ἐν μεγάλῃ ὑπερηφανίᾳ τοῦ Θεοῦ. πάλιν δὲ ἐν ἁγίᾳ ἱμνῶν καὶ ᾠδῶν συνεχὲς ἡμῶν, opus supercaelestium potestatum hoc est, hymnus irremissus, & amor incessabilis erga majestatem Dei; πάλιν δὲ, fortasse etiam & obsecratio continua de nostra salute. Numquid potuit vir doctus consideratius quicquam eloqui? Vide quàm sollicitè & religiosè de Hymnis Angelicis articulatè concludit, buccinare ipsos semper & assidue Divinæ Majestatis præconia. Quæ ratio? Quia Scriptura aspulatur. De Precibus pro hominum salute in terris militantium timidè & hæsitanter, Fortassis etiam. Quæ ratio? Quia Scriptura tacet. Hæc Instantia prima.

Secunda erit è Gregorio Nazianzeno, de duobus Fidei dogmatibus, De Statu

Terria est ex Augustino, de duobus controversis Capitulis. Primum est De B. Virginis Deiparae immunitate à peccato. Habentur hac de re Augustini verba, in lib. De Natura & Gratia, cap. 36. De reliquis universis hominibus differit ibi Augustinus, & pertinaciter affirmat, Nullum quantumvis iustum & sanctum potuisse in hac vita sine pec-

cato vivere : sed tum demum addit, *exceptâ Sanctâ Virgine, de qua, propter honorem Domini, nullam prorsus, cum de peccatis agitur, habere volo quæstionem.* Inde enim scimus quod ei plus gratia collatum fuerit ad vincendum omni ex parte peccatum, qua conspiciere ac parere mernit eum quem constat nullum habuisse peccatum. O singularem prudentiam incomparabilis viri ! Neque ait, neque negat fuisse Mariam absque omni peccato ; nihil in utramvis partem asserit, sed tantum nolle se de ea re quæstionem movere : & quidem non ipsius Mariæ habitâ ratione, sed in honorem Christi : neque hoc sensu, quasi putaret lædi honorem Christi, si Maria dicatur fuisse obnoxia peccato ; sed æquum existimans, honori quem Christo debemus & illud etiam adjicere, nè de Matris ejus peccatis garrere fusiùs aut loqui gestiamus. Quæ certè mens vel maximè laudanda in Augustino : nec faciliè nobis aut ulli Christiano in aliam partem eundum esset, nisi importuna Adversariorum superstitio ab hac aurea mediocritate in alterum extremum se præcipitasset, & obstreperâ suâ nugacitate etiam pios sollicitasset, ut non jam errori subitaneo, sed apertæ Idololatriæ sese opponerent ; & præter Christum neminem à peccato liberum, cum ipso Augustino contenderent, ut mox videbimus. Hoc Capitulum primum. Secundum est de pœnis Purgatorii, in quibus tam varius est Augustinus, adeoque, Homeri verbis, *ἢ ἀπορίῃς ἢ δὲ ἔξῃ*, ut vix quicquam certi statui possit de ipsius sententia. Et enim interdum Purgatorias aliquas pœnas post hanc vitam futuras affirmare videtur ; ut in lib. 2. de Genesi, cap. 20. & diversis aliis locis, quos recitare non omitunt Pontificii : sed aliàs tamen revocat in dubium, & per ambages progreditur, ut quæstione primâ ad Dulcitium, *Tale aliquid, inquit, etiam post hanc vitam fieri, incredibile non est ; & utrùm ità sit queri potest, & aut inveniri, aut latere. Nonnullos fideles per ignem quandam purgatorium, quanto magis minùsve bona per euntia dilexerunt, tantò tardius citiùsque salvari.* Quæ totidem verba repetuntur in Enchiridio ad Laurentium, cap. 69. Quid quòd & de harum pœnarum tempore non fuit certus, neque utrùm pertineant ad intervallum inter mortem & resurrectionem ausus est definire ? nam in cap. 26. libri 21. De Civ. Dei, hæc verba habentur, *Post istius sanæ corporis mortem, donec ad illum Resurrectionis diem ultimum veniatur, si hoc temporis intervallo Spiritus defunctorum quorundam ejusmodi ignem dicuntur perpeti, sive ibi tantum, sive hic & ibi, sive ideo hic ut non ibi concremantem ignem transitoria tribulationis inveniant ; non redarguo, quia forsitan verum est.* Ecce Augustini *διωκτὴρ*, *Non est incredibile ; Utrùm ità sit queri potest ; Si dicuntur perpeti, non redarguo ; Fortasse verum est :* sic prorsus quasi animo fluctuans, atque affirmandi & negandi pugnâ oppressus esset, mentem nunc hac, nunc dividit illuc, & in incerto relinquit. Neque mirandum quidem est si de isto Animarum post mortem statu vacillaret, quia neque ulla est experientia, nec quicquam ex Scriptura quod faveat, & conjecturæ sunt incertissimæ. Mittamus igitur exempla, nam hoc Capitulum secundum est postremæ Instantiæ. Quanquam potui istis & id genus alia annumerare non pauca ; nempe ejusdem S. Augustini judicium lubricum de baptizatorum infancium Sanctificatione, & de Suffragiis martyrum, in lib. De cura pro mortuis, cap. 16. *Quæstio ista, inquit, vires intelligentia mea vincit ; res est altior quàm ut à me possit attingi, abstrusior quàm ut à me valeat perferri.* Potui etiam & illud S. Bernardi at-
textere, Ser. 5. super Cantica, de Angelicis corporibus, An corpora ha-
beant,

beant, & Utrum corpora ipsis sint naturalia, & An sint animalia, sicut homines, & Quomodo corpora mutent. Quæ omnia suspensio iudicio perstringit, & præterit; *Nolo ut hac à me requiratis; videntur Patres de huiusmodi diversa sensisse, nec mihi perspicuum est unde alterutrum doceam, & nescire me fateor.* Potui adhuc & illud Origenis adicere, Hom. 3. in Cant. De Sanctorum cura in posteros; *Sed & omnes Sancti, inquit, qui de hac vita decesserunt, si dicantur curam gerere salutis nostræ, & iuvare nos precibus suis, non erit inconveniens: & in Jos. cap. 13. Ego sic arbitror, quod adjuvant nos orationibus suis: & lib. 2. in Ep. ad Rom. paulo post initium, apud Bell. lib. De Beat. Sanctorum, l. 1. c. 20. p. 735. An aliquid pro nobis agant, habetur inter occulta Dei, & inter chartule non committenda mysteria.* Ad extremum & illud Sancti Basilii potui coronidis loco adducere, qui Ser. 25. qui est De humana Christi generatione, de perpetua Mariæ Virginitate adeo hæret & nutat, diu animo in diversa versato, ut conjici vix possit quid magis sentiret. Verba ejus sunt; *Quod dicitur, inquit, Josephum non cognovisse Mariam, donec peperit filium suum primogenitum, τὸτο ἃ παρθέναν παρήχθη, suspensionem hoc generat, eam fortasse posteaquam generationi Dominice servierat, tum demum nuptialia opera viro non denegasse.* Ego verò, quamvis non necessarium putem perpetuam ejus virginitatem asserere, nec contra doctrinam pietatis negare; attamen nè hoc eorum qui Christum amant offendat aures, quod Dei genitrix aliquando deserit esse virgo, propterea relinquo, *ὡς ἀπολυπαργύντων, h. e. ut rem non curiosius inquirendam.* Enimvero mirari satis non possum piissimum simul eruditissimumque Patrem Basilium, in re tam magna, quæ ab omnibus sanctissimè recepta est & credata, & à Concilio œcumenico Constantinopolitano decreta, & contraria ut hæretica damnata, de re, inquam, tam magna tam ambiguum fuisse, ut in promptu non haberet quid diceret, aut utrum definiret. Utique, si exemplis reliquis & hoc annectatur, Theorematis primi dilucidationi quàm aptissimè inservit, Hæsitante Patres & dubiè aliquando de mysteriis fidei locutos. Neque opus est plura exempla contexere, nè videar in re confessà perdere operam: perspicuum enim hoc est, & constans inter omnes. Quod superest, Ambiguitatis causam si indagare potero, satis erit opinor abunde factum huic primo Theoremati.

Consult. 8. c. 6.

Tres verò Ambiguitatis causæ reddi possunt; Modestia, Prudentia, Timor. In Quæstionibus perplexis & difficilibus agitandis, Prudentia exigebat ut cautè & circumspèctè loquerentur, in Quæstionibus peregrinis, & tum primùm motis, Modestia; in alternatim disputatis, Timor displicentia, & utriusque partis reverentia: quod ipsum vel in uno Aristotele, reipublicæ philosophicæ coryphæo, observare est; qui in magis arduis Naturæ Rationisque secretis rimandis ab istis verbis solet sæpe numero Paragraphos suos exordiri, *δοκῶ δὲ, φαίνεται δὲ* prorsus nè videretur ingenio & sententiæ propriæ superbè nimis indulgisse si, velut Doctor è Cathedra, quæstiones asperas, neque ante se excogitatas, pertinaciter determinasset. Pari modo & è Patribus plurimè timidè & hæsitante in aliquibus sunt & arbitrati & locuti, justissimis de causis. Primò, Quod absque ullo prævio ductore intentatum antea iter aggressi sunt, primique glaciem scindentes viam posteris ad penitus scrutandum aperuere. Hinc orta illa verecundia loquendi, *ἠποδῶμαι, αἰς ὀψέας,* apud Gregorium; *παῖχα δὲ,* apud Athanasium; *Ego sic arbitror,* apud Origenem; *Fortasse ità est, Incredibila non est, Non redarguo,* apud Augustinum.

Ii. 2

Secundò,

Secundò, Quòd in multis quæstionibus Scripturæ ducatu carebant; quod firmamentum si ad disputationes nostras à revelatione Divina non accedat, nihil potest esse in Religionis mysteriis aut firmum, aut coherens, aut certò cognitum; sed quæcunque dicuntur, sunt tantum humani cordis suffusiones, ut Augustinus loquitur. Hinc natæ istæ *ἐναποδοξασαί*, sermonumque suorum quasi correctoria formulæ, *ἐὼς ἂν ἴδωμαι*, *ἕως ἃν ἴδωμαι*, *Si non sit dictum durum, Si non me fallit animus*, apud Nazianzenum; *Si dicatur, non eris inconveniens*, apud Origenem; *Non est incredibile*, apud Augustinum. Tertio, Quia dissonantias multas observarunt in Veterum defunctorum scriptis, & in coteraneis etiam suis discordantes sententias; propterea commodius consultisque putabant, velut in æquilibrio, quasi calamo Delphico, vetercundè transcurrere, nè partium studio rapi viderentur. Quod ipsum Augustinus de se profertur in sua ad Januarium Epistola, *Multas fuisse receptas & communes præsumptiones, quæ propter nonnullarum vel sanctarum vel turbulentarum personarum scandala devitanda, improbare liberius non auderet.* Nec non & de eruditis aliis idem animadvertit Epistolâ quæ est ad Hieronymum 28. *Eos aliquando medio quodam modo se gessisse, ut magis acceptabile esset singulis quod scriberent; atque hoc non simulatè, sed congruenti societate & observantia fecerunt, neque mentientis astu, sed compatiæntis affectu.* Hinc natæ illæ verborum tergiversationes, *Nullam habere volo quæstionem; Utrum ita sit, quæri potest; Quæstio vires meas vincit; Altior est quàm quæ possit attingi*, apud Aug. & S. Basilii istæ, *Mitto vobis ἀπολυτρεπτικόν, Mitto vobis ὃ μὴ κατὰ δύναμιν ἔσται ἀνὰ*, quia non est curiosius inquirendum, quia acribus parco, & ejusmodi. Quæ omnia & Prudentia excogitavit, & Modestia interposuit, dum in dubitationis lubrico animus vacillabat. Quocirca nunc interest & scire quòd hoc se modo Patres interdum gesserint, & observare quæcunque sic acta fuerint, & secernere ab indubitatis si quando occurrant. De Theoremate primo hæc dixisse sufficiat, Misceri aliquando in Patrum scriptis fluctuantes illas & ambiguas loquendi formulæ. In secundo & tertio futurus sum paulò contractior.

Est ergò Theorema secundum, A perplexis & intricatis locutionibus locisque in utramque partem propendentibus firmum aliquod testimonium non potest deduci. Est satis ex se clara Propositio, adeoque omnibus in confessa, ut proposuisse sit probasse. Innititur autem huic fundamento à Jure petito; Quòd in Attestationibus semper requirantur verba certa, aperta & expedita: unde & istæ Juris Regulæ, *Testis æquivocum dictum non probat; Testimonia ambigua rectè impugnantur; Conjectura est tantum semiplena probatio; Testis si varia proferat, suspectus est & invalidus; Testis obscurè dicens iterum est interrogandus.* Quæ singulæ si in Forensibus valeant, multò magis in Theologicis, his præcipuè de causis. Primò, Quia anceps dictum iudicium anceps subindicat & mentem incertam. Secundò, Quia anceps dictum lectionem remittit accipere, & dubium animi consiliiq; incertissimum: adeò necesse est ut fluctuet qui in humeros extollitur fluctuantis. Postremò, Quia non incertitudinis modò plenum est, sed periculi, si ambigua pro concessis & dubia pro certis deglutiamus. Hoc illud est quod S. Apostolus non obscure innuit, in 1 Cor. 14. 8. *Si incertum sonum tuba dederit, quis apparabitur ad bellum? Imò verò, inquit Chrysostomus, non modò non apparabitur, sed in extremum ventis periculum.* Atque in spiritali bello non minùs tener, dicente Primmasio, ad
do

do & in Theologico. Hoc illud ad quod Salvator noster discipulos suos cohortatur in Evangelio, *nè sint suspensio animi*, Luc. 12. 29. *μὴ μετew-pίζεσθε*, inquit, *nè pendeatis animi*, velut aeris impressiones, quæ motu dubio modò huc modò illuc inclinant: & si in rebus seculi cavendum sit, in rebus fidei multò magis. Hoc ipsum quod de se S. Paulus proficitur, 1. Cor. 9. 26. *Ego igitur sic curro, non ut in incertum, seu ἀδύ-λως*, h. e. *non dubiè, aut titubanter: sic pugno, non quasi aera verberans*, h. e. *ὡς μὲλωπιζω*, non quatiòr, motu non feror aereo, non ventis cedo. Denique, & hoc ipsum de quo Romanos admonet, c. 14. ver. 1. *nè circa dubias disputationes se fatigent*, *Ἐκχυρίσθι ἀφελογομαχίᾳ* appellat, eleganti vocabulo, h. e. varias & perplexas disceptationes, ad quas cum quis venerit, incertior discedit, inter ambages, velut inter scopulos irarinos, agitatus, in quos si impingat, moritur, si fluctuet, mergitur: adeò vel tantillum distat inter ancipitium & præcipitium.

Ex istis satis, opinor, intelligitis, quàm sit præposterum plenùmque periculi, nedum perfidiæ, ad conjecturas & suspiciones confugere cum veritatis causa decernitur. Quòd si ex istis non innotescat, neque adhuc satis edocti simus, at saltem à voce Salvatoris in Evangelio discamus. Equidem non multas reperio voces ambiguas à cœlesti illo ore effluxisse: at una tamen occurrit, cap. 21: Evangelii secundum Joannem, vers. 22. ubi Petro interroganti de dilecto discipulo, *Hic autem quid faciet?* respondet Christus, *Si velim eum manere donec veniam, quid ad te?* Sermonem esse dubium nemo ibit inficias: nam & hypotheticè instituitur, *Si velim*; & sciscitativè, *Quid ad te?* An verò vos fugit quantæ in Ecclesia rixæ, quàm dissentientes ex hoc dicto ambiguo ortæ sunt sententiæ? quod ipse tamen Evangelista de quo locutus est Christus versu sequenti exposuit, *Non dixit ei Iesus; Non morietur, sed, Si velim ut maneat*: & tamen vel hinc magnæ excitatæ discordiæ; dicentibus nonnullis Joannem naturalem obiisse mortem, ut Tertullianus, Ambrosius, Hieronymus, Chrysostomus, Augustinus; aliis, non naturali ductu eum fuisse mortuum, sed à Traiano occisum, ut Theophylactus; aliis, mortuum fuisse, sed eodem surrexisse die, & in cœlos fuisse translatus, ut Nicephorus, lib. 1. cap. 35. aliis, non omnino fuisse mortuum, sed ad finem usque seculi unà cum Henoch & Elia victurum, ut Hippolytus in lib. De Consummatione seculi, & Dorotheus in vita sancti Joannis. Quòd si de re nihili, certè ad nos nihili, ex unica Christi ancipiti locutione, eaq̃ue dilucidè ab ipso sancto Joanne explicata, tot dissidia emanarunt: an existimandum est, ex dubiis decisionibus Fidei Ecclesiæ nihil impendere discriminis: aut committendum est, ut in Fidei Articulis discernendis istis incertorum testimoniorum fluctibus inhæreamus? Propterea operæ pretium vobis erit, illudque quàm maximum, Auditores, hiatus illos & sanioris doctrinæ lacunas cognoscere, observare, cavere, possèque à solidioribus testimoniis secernere. Neque id horatu meo, sed cuiusvis seculi Theologorum unanimi consensu. Inprimis, inter Veteres Hieronymus hoc observavit, in Apologia ad Pammachium pro libris suis adversus Jovinianum, cap. 4. *Plura sunt, inquit, genera dicendi; & inter cetera, aliud est γυναικῶς scribere, aliud δογματικῶς: in priori vaga est disputatio, argumentamur ut libet; in sequenti aperta frons & ingenuitas necessaria est. Aliud autem est querere, aliud definire: in altero pugnandum est, in altero docendum.* Deinde, inter Mediæ ætatis Scriptores Otho Frisingensis, Episcopus idem & Historiographus, quanquam non noster, at non ineruditus tamen, de S. Ambrosii

dictis aliquibus sententiam suam ferens, hoc ipsum inculcat, lib. 4. Chronologiae suae, cap. 18. *Considerandum est, inquit, & quid, & secundum quid loquantur auctores; quid opinando, quid asserendo, quid ex magnitudine doloris semet consolando.* Denique, & in nostro seculo non desunt qui astipulantur, iisque magni nominis Papistae, Catharinus & Bellarminus, una nobiscum, ut ex ore Adversariorum veritas magis elucescat, juxta hac de re sentientes. Catharini haec sunt verba, in lib. De certitudine Gratiae, Assert. 13. *Non, inquit, quodcumque Pontifices in suis Decretis enuntiativè aut opinativè magis quam decisivè loquuntur, illud haberi debes quasi decisum aut determinatum, ut ipsi attestantur: tantum interest inter opinionem & sententiam auctoris.* Bellarminus etiam, de Pontifice Rom. lib. 4. cap. 14. ad repugnantiam Caelestino tertio & Innocentio tertio objectam, cum Caelestinus scripserit per haeresin solvi matrimonium, & Innoceptius contrarium decreverit, ad repugnantiam sic respondet Bellarminus, *Nentrum aliquid de ea re certi fuisse, sed utrumque quod sibi probabilius videbatur respondisse: & multa praeterea esse in Epistolis Decretalibus quae sunt solum opiniones Pontificum de re quam declarant, quae non faciunt eam esse de fide.* Hem ipsum Bellarminum ad hoc asylum fugientem, privatam opinionem non ullarum esse virium; quanto minus frigidas conjecturas, quae cum a scribentis mente pendula propererint, legentis magis pendulum animum dimittunt, & arundinis instar quassatae, innitentis manum non modò non sufferunt, sed perforant. Atque de Theoremate secundo haecenus, Quòd de incertis Patrum testimoniis certi nihil colligi potest, quòdque istis Lectori non est immorandum: sed de Articulis fidei tum consulendi sunt cum articulatè loquuntur.

Theorema tertium succedit, & sic se habet; In controversiis fidei tractandis ab ambiguis & perplexis Sanctorum Patrum dictis Pontificii creberrimè argumentantur, & istis sepimentis tremulis castra sua muniunt, & ex istis perforatis doliis vacuas aquae coelesti conchas adimplere conantur. Quam iniquè & vasserrimè hoc ab illis agatur palàm est: at omnes non vident tamen, quia non est una vassrities; in multas se diffundit semitas & vix indaganda vestigia. Sunt autem tres potissimum Calles in quibus flexuosos eorum tractus possumus odorari & persequi: rres, inquam, Tractus aut Semitae, in quibus, prout res postulat, gradiuntur.

Semita prima est Reticentiae, quando dubios locos occultant, nè appareat fortasse Patres in hac vel illa quaestione fluctasse. In controversiarum Coryphaeo Bellarmino, & antiquorum nominum Thesaurario Coccio, animadvertere potestis. Pro Sanctorum de rebus nostris cura & solitudine ex Origene quinque testimonia profert Coccius, t. 1. lib. 5. art. 4. at loci Origenis palmarii, in cap. 2. ad Romanos, apud eum omnino nulla mentio. Quae ratio? Nimirum quia dixit Origenes *haberi ea inter occulta Dei, & inter chartula non committenda mysteria.* Pariter & ex Nazianzeno eadem de re idem Coccius quatuor contexuit locos: at de Oratione prima adversus Julianum nè gru quidem. Quae ratio? Nempe verba illa impedimento erant, *si m. audiret, si quis mortuis sensus est.* Denique t. 2. lib. 7. art. 5. pro Purgatorio loca quinque profert ex Augustino: at locum illum in Enchiridio ad Laurentium, & quae primò ad Dulcitium, sicco pede transilit. Quae ratio? Quia dixerat Augustinus, *Incredibile non esse; & Utrum ita sit quari posse.* Similiter & Bellarminus, lib. De Sanctorum beatitudine, c. 18. S. Augustinum nobis obtrudit,

obtrudit, unà cum Greg. Nazianzeno, ut Sanctorum curam & preces pro hominibus astruat: at verò locos dubios Nazianzeni, & illum Augustini alterum, in cap. 16. libri De cura pro mortuis, non tangit. Quæ ratio? Præstò est: dixerat Augustinus *questionem illam vires intelligentia sua vincere, & abstrusiores esse quàm ut possis scrutari.* Hæc Semita prima.

Semita secunda est Impudentiæ, quando dubios locos pro certis ostentant, expunctis vel amputatis vocibus quæ incertitudinem significant. Ain' verò, *amputatis?* fieri non potest. Imò obsigno tabulas. Bellarm. De Sanctorum beatitudine, lib. 4. cap. 18. & Coccius, t. 1. lib. 5. art. 4. uterque pro Sanctorum Suffragiis verba Greg. Nazianzeni describunt, & utique lacerant. Ex Orat. ejus 19. (decimam quartam Bellarm. vocat, sed falsò) ex oratione, inquam, decima nona, quæ est de obitu patris sui, *Non dubito,* inquit Gregorius, *quin nobis nunc magis precibus proficiat quàm prius doctrinâ, si non hoc audax dictu sit.* Uterque hanc hæsitacionis formulam tacent fide pessimâ; scil. nè Sancti Patris suspensum animum lector videret, sed his præstigiis occæcatus pro certis incertissima arripiat. O proruptam audaciam, quæ in ipsa ambigua Patrum testimonia involat! De certis quid sunt facturi? Quasi nos tam desides arbitrentur, & ad loca Patrum pensitanda aded pigerrimos, ut sine omni examine, quicquid ipsi inculcant pro integerrimis & concessis simus accepturi. Hæc Semita secunda.

Semita tertia non simplex est, sed mixta, & Reticentiæ & Impudentiæ vepribus strata, quando quæ pro se faciunt dubia proferunt, & quæ contra se sunt certissima ut nunquam dicta occulcant. Exempli gratiâ, ex Augustino disputat Coccius to. 1. lib. 3. art. 1. pro B. Virginis immunitate à peccato; ostendit eam omni peccato caruisse ex loco Augustini, in lib. De Natura & Gratia, cap. 36. qui suprà est à me notatus. Affirmat eo in loco Sanctus Pater, *valle se, cum de peccatis agitur, propter honorem Domini, ullam habere velle de B. Virgine questionem:* hoc Coccius urget, neque id ipsi vitio vertimus, quanquam locus sit jejunos & aridus, nihil evincens. Sed hoc interea magnè perversitatis signum esse dicimus, quòd cum uni loco, cujus nulla certa in alterutra parte est assertio, mordicus hæreat, reliquos omnes prætereat in quibus tam disertè contrarium docuit Augustinus. Nam dicat, obsecro, quomodo evadet vim istorum verborum, ex Augustini libro De Perfectione justitiæ? *Quisquis,* inquit, *vel esse vel fuisse aliquem putet (excepto uno Mediatore Dei & hominum) cui necessaria non fuit remissio peccatorum, contrarius est Divina Scriptura. Quisquis autem dicit, post remissionem peccatorum ità justè quenkum hominum vixisse in hac carne vel vivere, ut nullum omnino habeat peccatum, contradicit Apostolo Joanni.* Hæc ille: quibus non video quid possit regeri; nam negatio universalis exceptionem non admittit, & addita Christi exceptio illam universalem esse confirmat: *Excepto,* inquit, *uno Mediatore;* præter Mediatorem nè uno quidem, non ipsâ Sanctissimâ Virgine. Ergò locus assertorius loco ambiguo suppetias fert: neque illis ullis prætextus jam superest ex Augustino hac de re disputandi, cum illud certissimum sit quod in re alia Pontificiorum non minimus Ektius dixerit, in quartum Sentent. D. 4. f. 18. *Ambigua Patrum dicta non posse præjudicare apertissimis eorum sententiis, siue in suam siue in nostram partem propensiores fuerint.* Interea ipsi dum incerta jactant,

& certiora illa infalutata prætereunt, hoc ipso experimento manifestissime produnt, quantâ temeritate Patres nobis obijciunt, dum aliquando ad figuratas locutiones se recipiunt, ut Apostrophas, & Prosopopœias, aliâsque figuras perorandi, ad figuras & formas orandi torqueant; aliquando ad locutiones ancipites, ut hoc artificio superstitiones suas specie aliquâ pallient. Sufficit ipsis, si vel umbram aliquam assertionis è Patribus eruiere possunt. *Opinor, Arbitror, Existimo*, sunt verba in ipsorum Philosophia demonstrativa: *Fortasse sic, Potest ita esse, Non quaro, Non redarguo, Non est inconueniens, Non est incredibile, Si non sit dicta durum, Si non me fallit animus*, vel hæc ad stabiliendam sententiam sufficiunt, his armis accincti gloriantur. At verò Theologi norunt, de fidei dogmatibus hoc modo non loqui Ecclesiam: sed istis potius formulis se expedire, *Credimus, Scimus, πιστός λόγος*, *Sermo certus & acceptione dignus, Veritatem dico in Christo*, cum Apostolo; *Firmissime crede, Nullatenus dubites, Tota Ecclesia dicit, Reprobis qui non dicit*, cum Augustino. Quæ singula, quantumvis majoris sunt confidentiæ quàm ut de omni pronuntientur quæstione Theologica: at majoris non sunt quàm ut jure exigantur cum fides controvertitur Christiana. Quod si istis tam grandis fiduciæ accentibus consignentur Patrum testimonia quæ in nos vibrant, age, non resiliamus, non gravamur audire, non temere repudiamus, sed honore quo par est, humano optimo, suscipimus, prosequimur, exosculamur. At ad illa altera quod spectat nutantia & semivocalia Testimonia, nudis opinionum & suppositionum foliis tecta, ingenuè profiteamur, non eousque nobis cordi esse ut multum moveant aut fidem imperent: cum de hoc simus indubii, quod locus dubius, & de hoc æquè certi, quod vocalæ incertæ in legitimorum Suffragiorum classes non sunt recensendæ. Et de ambiguis & hæsitanter dictis, qui est quartus distinguendi Modus, hætenus. In dictis ex nimia Credulitate & fide aliorum curam proximam collocabimus.

LECTIO XLII.

Quam studiosa & diligens circumspectio tum in tradendis tum
 in hauriendis sanctioris doctrinae monitis unicuique adhiben-
 da sit, inter multas alias quibus referta est passim Sacra Pa-
 gina cohortationibus, vel illud Sancti Pauli ad Timotheum
 consilium non est in postremis statuendum; Ep. 1. cap. 4. ver. 15. *Atten-*
de tibi ipsi & doctrinae tuae: enimvero cum verba pensulatiùs conside-
 ro, non possum satis aut mirari aut prædicare prudentiam Apostoli;
 quod cum animadverteret Pastorem Evangelicum duplicem in se perso-
 nam, & discantis & docentis, sustinere, ad attentionem etiam duplicem
 Apostolus exciter, ut possit & sibi cavere & doctrinae, & utrinque utrique.
 Si docentis vices subeat, opus est ut attendat sibi & doctrinae quam aliis
 instillat; si discantis, ut caveat sibi & doctrinae quam ab aliis excipit: il-
 line nè alios à pietatis tramite deducat, hinc nè ipse deducatur. Hæc
 omnia sunt in hoc uno verbo, *Attende:* ὁ βλεψὲς ἐν ἑαυτῷ ὁ βλεψὲς τὴν διδασκαλίαν,
 ut optime Basiliius, *& breve est & magni momenti præceptum*, cu-
 iusvis fortis hominibus salutare. Si veritatis venator sit, attendere de-
 bet nè sacra præda fugiat, si in scientiæ semita viator, attendere de-
 bet nè quæ vel ad dextram vel ad sinistram deflectat, si fidei Archite-
 ctus, attendere debet quid & quò pacto ædificat, denique, si infirmus
 in fide fuerit, sive robore valentior, sive in instituentium magisterium co-
 optatus, sive in ordine audientium, per omnem vitam ad hoc vocabulum
 recurrere debet, *ὡς τὸ πρῶτον ἀκούσας Κύριον λέγει*, ut ille loquitur, *velut si-*
dum monitorem & consiliarium, cujus ductu in hoc tam spinoso diffidentia-
 rum capitum seculo noxia à salubribus quasi per vestigia discernere pos-
 sit, & singula tam soletti examine excutere, ut non facile errorum la-
 queis irrecitus ex improvviso capiatur. Quod certè melius fieri non po-
 test quam si pervigili & inconnivò oculo singula circumspeciens, semper
 & ubique, & in legendo & in audiendo & in dicendo, dicti Apostolici me-
 mor fuerit, *Attende tibi & doctrina.* Propterea & ego, Auditores, non
 vos tantummodo, sed meipsum quoque soleo ad aureum hoc dictum A-
 postoli sæpius revocare, utriusque utriusque simul tenacem esse possumus
 observantissimæque, vos in audiendo, ut attendatis, pro candore vestro, &
 mihi & vobis, ego, pro officio, in dicendo, & mihi & vobis: uterque id
 Patrum scriptis legendis, ut infirmes animarum oculos circumferamus, qui-
 bus quæ dextræ, quæ secus dicta fuerint, (quod aliquando accidit) usi-
 quequæ collustremus; cum sit, ut Basiliius loquitur, *διὰ τὴν ἀσθενείαν τοῦ λόγου, difficultas venata veritatis sermo, ὅτι παρὰ τὴν ὁ-*
κολοῦν τὴν πρὸς ἀποστόλων, & facile fugit ac præterlabitur non attendens.
 Præsertim cum in aliquibus Patrum scriptis tot transfusæ ac angustior
 reperiantur, per quos, nisi attentio aderit, dictorum sensus facili-
 mē possint evolare. Hæc ego vobis transfennas denegere & aperire,
 & in singulis quid præsertim attendendum sit, quæ potui fide & studio
 ostendere curavi sum: videlicet, quod attendere ipsis oportet, si non ali-
 quando plius animò rhetoricentur; si non motu & conatatione animi in
 exercitia serantur; si non, velut in transitu, cursim nonnulla & imme-
 diatè percurrant; denique, si non aliquando etiam de rebus gravissimis
 ambigunt

Hom. Attende
tibi.

Basil. ibid.

ambiguè & hæsitanter loquantur. Hæ quatuor sunt è sex illis transennis, vel enunciandi Modis, quos solos ad exitum perduxi; de Figuratè dicta discernendo à Dogmaticis; & obiter dicta à constitutis; & contenti-
onis impetu elapsa à consultiõibus; & dubitativè pronuntiata ab apertis & Categoriis.

Pergendum nunc porrò est ad quintum distinguendi Modum, de iis quæ ex certa sua scientia Patres scripserunt, & iis quæ fide facili & credulitate aliorum: nam & istis quoque attentio aliqua est necessaria. Estque hæc Distinctio quinta: atque hinc Inquisitio quinta, An eadem authoritas Patribus debeatur in iis in quibus alios sequuntur, libenter se credulos præbendo, atque in iis quæ ipsi prudentes & scientes pro comprehensis & exploratis habebant: hinc Regula quinta emergit, quæ sic se habet; Non fides eadem habenda est omnibus Sanctorum Patrum testimoniis, cum neque ipsi eadem fide eodémque scrutinio usi sunt in omnibus quæ exarata reliquerunt. Interdum videre eos licet cujusvis verbi penititiores subtilissimos, nihil asserentes nisi quod oculis animisque perlustrassent, & ad lancem prius negotiosissimè exegissent: interdum verò præsumptas ex loquendi consuetudine opiniones secuti sunt, nec non imperitorum hominum populares rumusculos, in quibus non erat difficile labi vel ipsâ facilitate credendi. Esto hæc, inquam, Regula quinta; quæ si productior videatur, si potero, arctius contraham, in sua quælibet frustra secando; & ut omnibus vestigiis indagatam exhibeam, ad tres istas Demonstrationes quæcunque dicenda sunt revocabo.

Quòd Veteres aliquando osecantiùs sunt locuti, præsumendo nonnulla ità esse ut vulgò ferebantur: Hæc prima Demonstratio, quasi Regulæ Introitus.

Quòd ex ejusmodi præsumptis sententiis testimonium firmum non deducitur: Hæc secunda Demonstratio, quasi Regulæ Appendicula.

Quòd Pontificii sæpius ex istis præsumptis & solâ credulitate suffultis sermonibus non unam aut alteram, sed multas, easque momenti maximi, controversias & stabilire & definire moliantur: Hæc ultima Demonstratio, & quasi Regulæ extrema linea, sigillatim post cæteras suo ordine excutienda.

Exordiar à prima; Quòd Antiqui Doctores etiam de rebus Fidei nonnunquam indiligentiùs sunt locuti, eò quòd & præsumptis sui temporis opinionibus in Dogmaticis, & præsumptis etiam vulgi narrationibus in Historicis, minimo examine factò, mordicus adhærebant. Hunc dixi Regulæ introitum, sive ostium, utroque cardine vertendum & illustrandum, tum in iis quæ ad Historiam, tum in iis quæ ad Dogmata pertinent.

De Historicis cura minor, cum res manifestò teneatur. Atque id ipsum florentissimæ memoriæ Whitakerus observavit, ad Campiani rationem sextam, Plerumque usuvenire, ut temporum illorum vitii Historici imbuantur quorum temporum historias perscribunt. Quanquam quid Whitakerum memorem, cum nemo sit vel è Pontificiis pudore ac temperantiâ moderatior; qui hac in re nobiscum non conspiret, Fuisse eos animis ad rumoribus credendum inclinioribus quàm tantæ gravitatis & prudentiæ viros decebat: De Gregorio Turonensi Baronius proficitur, to. I. sub anno 109: nimis simplicitatis virum eum fuisse, & multa facillè admittentem, sæpiùsq; fallacissimo aurium sensu deceptum: eandem.

eandemq; de ejus ingenio censuram facit Hilduinus Abbas, in Reſcripto ſuo ad Ludovicum, quod habetur apud Surium, To. 5. Octob. 9. iſtis verbis; *Parcendum eſt ſimplicitati viri religioſi Gregorii Turonenſis Epiſcopi, qui multa aliter quàm ſe veritas habeat aſſimans, non calliditatis aſtu, ſed benignitatis & ſimplicitatis voto, auditu & autumatione deceptus, literis commendavit.* Hæc Hilduinus de Gregorio Turonenſi. Pariter & in Gregorium alterum, Magiſtrum intelligo, eodem modo Melchior Canus animadvertit, lib. 11. Locorum Theolog. c. 6. De Beda, inquit, atque Gregorio jure fortiaſſe ac verè dicere poſſum, non ingenio ſolum, ſed vulgo interdum eos indulgiſſe; cùm ille in Anglorum Hiſtoria, hic in Dialogis, quædam miracula ſcribat vulgò jaſtata & credita, quæ hujus ſæculi Ariſtarchi incerta eſſe cenſebunt: imò verò & ego ipſorum hiſtoriarum probarem magis, ſi ſeveritati judicii curam in eligendo majorem adjuñxiſſent. Hæc Canus de Gregorio & Beda. Nec de iis ſolis, ſed & de aliis ipſorum coſtaneis, eodem capite; Utſunque, inquit, homines graves atque ſeveri non ſolent inanem vulgi ſermonem aucupari: attamen negare non poſſumus, viros aliquando graviſſimos, in Divorum præſertim prodigiis deſcribendis, ſparſos etiam rumores & excepiſſe & ſcriptos etiam ad poſteros retuliſſe. Quæ quidem in re aut ſibi, aut fideiſimum vulgo nimium indulgebant, quod populum ſentiebant non tantum ea facile miracula credere, ſed impenſe etiam flagitare: ideòque ſigna nonnulla prodiderunt, non quod ea libenter credidiſſent, ſed nè deſſe fideiſimum votis viderentur. Hæc Canus. De Hiſtoricis igitur comperta res eſt, ipſis atteſtantiſus Adverſariis.

De Dogmaticis nunc idem eſt demonſtrandum, etiam in iſtis exorbitaſſe aliquando Veteres, dum alii alios, rebus ipſis non expenſis, nimia credulitate ſequebantur. De Ambroſio & Hilario ſic cenſet Auguſtinus, *Eos paulò negligentius in aliquibus locutos.* De Clemente & Dionyſio Alexandrino Hieronymus, *Innocenter eos quadam & minus cauſe dixiſſe,* 1. 2. Apol. adverſus Ruſſinum. De aliis alii. Non meum eſt ſingulos percurrere; quoniam de ſingulis eorum lapſibus non ago, ſed de iis ſolis quos ex credulitate exortos eſt probabilis. Neque de id genus omnibus; non omnino de inter nos & Adverſarios controverſis, aſus lapſus fuerint, ſed de ex utraque parte conceſſis & agnitis. Quatuor autem produco Inſtantias.

Inſtancia prima erit De rebaptizandis ab Hæreticis baptizatis. Negant Paſtiſe illud fieri debere, negamus & nos: at S. Cyprianus id ſæpius docuit, & acerbiffimè defendit rebaptizandos eſſe, atque ſocios habuit non paucos; aliquot Concilia Africana, ut in Enchiridii cap. 1. Coſterus; tria Carthagenſia Concilia, ut in Diſput. 51. ad Rom. Salmeron; multos Aſiaticos & Africanos Epiſcopos, ut ex Euſebio Bellarminus oſtendit, lib. 1. de Sacramentis, cap. 26. Quæ verò lapſus ratio? Proculdubio nimia credulitas, quam Antecelloribus ſuis ſinguli præſtiterunt. *Secutus eſt,* ait Bellarminus, *prædeceſſorem ſuum Agrippinum Cyprianus, Cyprianum reliqui Africa Epiſcopi.* Hæc Inſtancia prima.

Secunda erit De pœna dæmonum. Docent Paſtiſe, puniri dæmones Gehennæ ignibus etiam nunc, ante diem Judicii; & nos idem docemus: at verò Juſtinus, Irenæus, Epiphanius & Oecumenius contrarium docuerunt, igni ſempiterno tradendos quidem dæmones eſſe in die Judicii, nondum tamen traditos, referente Bellarmino, lib. 1. De Sanctorum beatitudine, cap. 6. art. antepenult. Quæ ratio? Quæ verò alia niſi hæc, nimia credulitas, quæ aliquid contagii à ſæculi in quo vixerant conſuetudine

la. con. Jul. Pelag.

Coſt. p. 67.
in Rō. 5. D. 51.
circa finem, Sec.
Neque mirum
eſſe debet.

suetudine traxerunt, dum alii aliorum vestigiis insistebant, neque ad recognitionis calculos quæ semel imbibebant revocabant? Hæc Instantia secunda.

Boll. de Beat.
Sancti J. & C.

Tertia erit De defunctorum animis ex hac vita migrantibus. Contendunt Pontificii, solutos corpore piorum hominum spiritus, qui purgatione nullâ indigent, admitti statim ad fruendam beatitudinem, quæ in clara Dei Visione sita est; & hoc nos magis contendimus, quia nè ipsum Purgatorium excipi dicimus; utrinque, inquam, in hoc convenimus, Animas sanctas statim post suam è corporibus dissolutionem illico ad coelos migrare: at Veteres longè aliter, etenim Clemens Romanus, Tertullianus, Origenes, Irenæus, Chrysostomus, Theodoretus, Oecumenius, Bernardus & alii contrâ tenuerunt, Animas non frui Visione Dei ante diem Judicii, citante Sixto Senensi, lib. 6. Biblioth. Annot. 345. Quæ ratio? Annon hæc, nimia ad credendum propensio? Solvat hunc nodum ipse Senensis, in præfat. ad lib. 5. Bibliothecæ, *Innumera Veteres, inquit, pro temporum, locorum, & personarum opportunitate scripserunt, unde & interdam decepti: & lib. 6. Annot. supradictâ, Bernardum hac in causa grato ac benigno affectu excusandum arbitror, ob ingentem numerum illustrium Ecclesiæ Patrum qui ante ipsum huic dogmati auctoritatem suo testimonio visi sunt præbuisse.* Nempe in hoc totum vertitur, quòd Bernardus & reliqui antecessores suos in opinione præsumpta, nullâ aut quàm exiguâ trutinatione factâ, sublequebantur. Hæc Instantia tertia.

Quartam Isaacus Casaubonus suppeditabit, vir doctus & non sine præfatione honoris nominandus, De causâ constitutiva mortis aliarumque afflictionum quæ viris justis hic solent contingere. Agnoscunt Pontificii afflictiones omnes & mortem ipsam juxta Divinum consilium Sanctis evenire, dicente Scripturâ, *Dominus dedit, & Dominus abstulit*; & nos idem agnoscimus: at verò Casaubonus in Annotat. suis in Gregorii Nysseni ad tres scæminas Epistolam, animadvertit, nonnullos Græcorum Patrum persæpe malorum quæ accidunt causam *ὁ φθόνος*, hoc est, *invidiam*, statuere; huic suas afflictiones, huic charorum suorum mortes, huic adversa omnia accepta ferebant: quæ quàm sit malefana, & doctrinæ Christianæ saltem in speciem repugnans sententia, nemo non videt. Casauboni est Observatio: ego rationes & exempla attexere conabor. Videamus ergò quæ ratio aut origo fuerit hujus loquendi formulæ. An illa est, quòd abstractum pro concreto, *Invidiam* pro *Invido* & maligno humani generis hoste, posuerunt? Certo certius, nam sic Scripturam Sacram loquentem habemus, Matth. 13. 28. *ὁ ἐχθρὸς ἀνθρώπου*, hoc est, *ὁ φθόνος ἀνθρώπου*, inimicus homo, sive invidus, hoc est, Diabolus: quia, ut Phavorinus optime, *ἐχθρὸς ἐστὶ φθόνος, καὶ ἐχθρὸς φθόνος, καὶ ἐχθρὸς ὁ πονηρὸς φίλος αὐτοῦ, καὶ ὁ πονηρὸς κατὰ τὴν αἰσιν ἐχθρὸς* sicut ipse Diabolus, nostri amicissimus futurus ex creationis dono, postea ex peccato suo invidiosissimus evasit. Sic etiam sæpius loqui solent & Patres, & satis propriè, cum de malo culpæ agunt. Chrysost. in cap. 28. Geneseos, *ρίζα τῦ φόρου ὁ φθόνος*, homicidii radix invidia; hoc est, invidus Spiritus: & Sermone in illud Evangelii, COLLEGERUNT JUDÆI CONCILIUM, *τῦ δαράτῳ ἡρώδῳ φθόνος*, mortis pater invidia: & rursus de Juda, *ὁ πονηρὸς τῦ φθόνου κατέκτανε*, proditor Judas impulsus invidiâ, laqueo vitam finivit. Similiter & Greg. Nyssenus, in l. De Vita Moysis, *ὁ τῦ δαράτῳ παντὶ φθόνος, ὁ πονηρὸς ἀμάρτιας ἐπὶ φθόνος φθόνος*, Mortis pater invidia, primi peccati janua invidia, qua nos exterminavit à Paradiso, & repulit à ligno Vita. Etiam & Greg.

Hom. 54.

Greg. Nazian. Orat. 21. quæ est In S. Athanasium, de S. Job. loquens, ἀγὼν
 ἡ ἀρετὴ ἐν φθόνῳ, certamen erat virtutis & invidia. Rursus de Ecclesia,
 Author barbarum Ecclesie invidia, i.e. invidus Spiritus. Hæc omnia illi satis
 præclare & orthodoxè, cum de peccato loquerentur; nam revera peccati
 origo non aliunde est quam ab invidia diaboli. At illa altera ipsorum dicta
 pejoris sunt notæ quam ut facillè digerantur; quòd idem loquendi genus
 usurpant cum loquuntur de suorum mortibus, & id genus aliis calamitati-
 bus: quæ tamen omnia à Deo solo ordinantur, quo non jubente, nè pilus
 quidem capitis deperit; & tamen ipsi hæc quoq; ad invidiam referunt. Nyss-
 enus in Orat. funebri, de Placilla Imperatrice, uxore Theodosii, quæ in
 Thracia diem suum clauserat, *Illinc*, inquit, videlicet è Thracia, hoc bonum
 abripitur, *illinc* ὁ φθόνος ὀκνησεν, invidia adversus imperium grassata est,
 & nobis eam sustulit: & Orat. consolatoriâ in funere Pulcheriæ, Theodosii
 & Placillæ filiæ, *Nostis*, inquit, teneram hanc columbam, nitidis pennis vo-
 lucrem, quæ in nido regio nutriebatur, ut ex oculis nostris evolaverit, ut eam
 repenti de manibus nostris ὁ φθόνος ἀφῆπασεν, invidia raperit. Eodem
 modo & Nazianzenus in laudatione Cæsarii fratris, quæ est Oratio decima,
 de se & illo sic loquitur; *Eramus ambo, matri cum simul conspiceremur, par*
quoddam desiderabile, ἡ νῦν κακῶς παρὰ τὸ φθόνον ἀφελθεῖσα, licet nunc par
 sumus malè ab invidia dissolutum: & Ep. 30. quæ est ad Eudoxium Rhetor-
 em, super ejusdem Cæsarii obitu, *ἦπασεν ἡ ψὴς ὁ φθόνος ἡ συνεία* nobis
 vitæ consuetudinem invidia abripuit. Ex quibus omnibus apparet, usitatum
 illis fuisse mortis causam in invidiam & livorem resolvere: quod neque
 piorum aures ferunt, & ipsorum etiam pietati nullatenus congruebat; quippe
 & ipsi satis noruat, ut vitæ, sic mortis potestatem in Dei manibus positam,
 eandemque supremam majestatem quæ suos servat in corpore, è corporis
 ergastulo ad seipsum cum sibi placuerit transferre. Quæ igitur ratio hujus
 locutionis, ut videtur, impiissimæ apud piissimos Scriptores? An potest
 quis aliam comminisci, quam quòd eam ex antiqua Ethnicorum loquendi
 consuetudine, aut nimis creduli, aut non satis perspicaces, hauriebant? Quis
 enim ignorat phrasin ipsam & sonare & sapere gentilitatem? Solebant
 Scriptores Ethnici deos sibi malignos & invidos fingere, & malorum suo-
 rum causas in deorum invidiam torquere. Hippothoontis vox est apud Sto-
 hærum, Ser. 38. φθόνος διὸς καὶ αἰσῶτος. & Euripidis in Oedipo, φθόνος ἀπῆλθε
 ὦλον. Notum est & illud Herodoti, φθόνον δὲ θεῶν etiam & illud, φθόνος
 δὲ ἀπῆλθε καὶ Νίμεισι. Ab istis igitur ad Patres derivata est durissima locutio,
 quæ rectius dissimulatur quam affectatur, & religiosiùs condonatur viris
 alioqui magnis quam imitanda proponitur: adeò facillimum est Sanctis vi-
 ris non cogitantibus & malè sentire, & cum bene sentiant, se malè expri-
 mere, dum non attendant quid mali surtim serpat à præsumptis illis pa-
 rumque libratissimis sive locutionum sive dogmatum exemplaribus; cum
 revera etiam hoc modo inter cæteros in Ecclesiam irrepsit ὁ περὶ τὸν καὶ
 κατεγλωττισμένον τὴν Θεολογίαν, ut Gregorius loquitur, multa superflua &
 verbosa dogmata, partim ex contactu temporum, partim ex credulitate per-
 sonarum, partim ex immediato amplexu rerum ipsarum, dum propter per-
 sonas ad tempora, & propter tempora ad res ipsas, piâ, sed prodigâ, creduli-
 tate vix opinati ferebantur. Mallem enim in hac inevitabili quâ constringor
 necessitate ut aliqua causa lapsus referatur, mallem, inquam, ad frontis in-
 firmitatem & animi remissionem tantorum Siderum deliquia reducere,
 multo magis quam ad perversæ & seductæ mentis vel privitatem vel cæ-
 citatem: cum pro minima omnium aberratiuncula Credulitas reputetur,
 atque pro errore magis quam culpa Ciceronis arbitrio sit dijudicanda. Quo-

K k

circa

Or. 21.

circa in prima parte Regulæ, tot locorum Instantiis & Adversariorum consensu confirmata, hucusque processisse sufficiat; Impegiſſe in aliquibus Veteres illos eruditionis Antistites huic incogitantiaæ atque credulitatis peſſulo, eoque titubasse. Hæc Demonstratio prima.

Demonstratio ſecunda ad nos ipſos ſpectat, Non eſſe eandem fidem aut authoritatem iſtius ſortis testimoniis tribuendam, atque illis quæ ex notitiâ ſua judicioque limato deliberatiùs Patres ſcriptis mandarunt. Hæc Regulæ Appendicula, in cautelam addita; quæ fortasſe effugerat, niſi Poſſevinus in Bibliothecæ ſuæ l. 16. c. 13. monuiſſet. *Qui ad veteres hiſtorias legendas accedit*, inquit Poſſevinus, *hæc primâ cautione muniendus eſt, ut nihil inde concipiat ex quo tepeſcat in Chriſtiana pietate ac religione Catholica Romana.* Scilicet! Hæc eorum ſolicitudo ſumma, nè quid è Veteribus lectores hauriant quod religioni Romanæ præjudicet: at ego putaram, non ad Romanam fidem Patres, ſed ad Patres Romanam fidem eſſe exigendam; & ſui oblitus Jeſuita cautionem interſerit, nè quid è Veteribus excerptamus quod Romanenſibus non placeat. Permittamus eis ut aliquando ſe prodant: ſed tamen hanc ipſius ſyngrapham in aliam quæ magis frugi erit commutemus, hoc modo;

Qui ad Veteres, ſive Hiſtoricos ſive Dogmatiſtas, legendos accedit, oportet ut caveat nè eâdem obſervantiâ eos pedetentim ſequatur cùm ſe rumoribus duci patiantur, ut cùm ex propria conſcientiâ, juſtâ æſtimatione factâ, loquantur. De veritate & neceſſitate Regulæ non eſt quòd ambigatis; etenim vel ex Juris Civilis conſilio hanc prudentiæ partem ad-diſcere poteſtis: Jurisperiti ſic definiunt, *Testimonium de credulitate firmiter non valet; & Testimonium de auditu non probat; & Testimonium de propriis ſenſibus proferendum eſt, non de alienis.* Quòd ſi tam cautè ipſi civilis ſubſellii judicia tractent, quantò magis nos, qui in cauſa Fidei pro Tribunali Divino conſiſtimus? Abſit ut ex rumoribus, aut famæ calculis, aut vulgi auditu, Religionis firmamenta ducamus: cùm & ipſe Salvator in Evangelio, ut ſe legimum teſtem veritatis probaret, ex ſcientia ſua ſe loqui aſſerit, Joan. 3. 11. *Quod ſcimus loquimur, & quod vidimus teſtatur; & dilectus diſcipulus, ut ſe fidelem teſtem evinceret ulquequaque, certiffimis omne genus demonstrationibus verba ſua reddit munitiffima, 1 Joan. 1. 1. Quod fuit ab initio, quod audivimus, quod vidimus oculis noſtris, quod perſpeximus, & manus noſtra contræctaverunt de verbo vitæ, id teſtamur & annuntiamus vobis.* Viden' ut omni ex parte inexſuperabilibus præſidiis vallatum, & editiffimis verborum tumulis circumſeptum testimonium præſtruit? *Quod fuit ab initio*, nè ſpecies & imagines rerum nuperarum ſe proferre lectores ſomnia-rent: Dein, *Quod audivimus*, ſcil. per Prophetas, per Baptiſtam, per ipſum Verbum incarnatum; & in plurali, *Quod audivimus*, nos duodecim Apoſtoli, & 70 Diſcipuli, nè Aurium tinnitu decipi unum poſſe obijcerent, ſi ſeiſpſum in ſingulari nominasſet. Adhuc, *Quod vidimus oculis noſtris*, quaſi non ad aures ſolum ſed oculos provocare vellet; & oculos proprios, & oculos utroſque, nè rumoribus frigidis rem tranſigi ſuſpicarentur. Denique, *Quod perſpeximus, & contræctavimus*, ut omnem ſenſuum, eorùmq; & externorum & internorum, conſenſum indigitarret; *ô ibi accipienda, h. e.* quod quaſi in theatro ſumma cuni diligentia & admiratione atque delectatione vidimus, quaſi rem in ſpectaculo poſitam Deo, Angelis, Homini-bus ad intuendum. Hoc illud eſt quod annuntiamus, hoc illud quod omni cognitionis genere, revelationis, rationis, ſenſuum, experienciæ teſtamur; & non teſtamur modò, ſed contra omnem hoſtium repugnantiam proteſtamur. Hoc, inquit, *teſtamur & annuntiamus vobis.* Nunc verò ſi quis cauſam roget, cur hos verborum ictus & fulmina iterumque

iterumque iterumque Apostolus duplicaverit: non dubito has duas reddi posse: Ex parte sui, ut ostenderet hæc se mysteria non levi consilio aut animi creduli vitio vel didicisse, vel docuisse: Ex parte nostri, ut suo exemplo non commonefaceret, nè inter rumorum fluctus aut super credulitatis arenam ædificii fidei columnam statueremus; sed & ex visis in lectione Verbi, & ex auditis in prædicatione Verbi, & ex contrectatis in suavissimis Spiritus intus loquentis palpitationibus accuratam credendorum dimensionem faceremus. Nimirum & huc nos ducit cohortatio Sancti Pauli, 1 Thess. 5. 21. *Omnia probate, quod bonum est retinete*: quibus verbis Christianos omnes, sive, ut Clemens loquitur, πᾶσι τοῖς ἀγαπῶσι, spirituales omnes affatur, ut ex veritate omnia dijudicent, πότερον δοκεῖ, ἢ ὅπως ἔχειται τὰ ἀληθινὰ, utrum vera fuerint quæ recipiant, an videantur solum: non ut omnia digluciant raptim, & ἀνεξέλεάτως, sed ut exquisitè æstiment, μὴ ἀκριβείας, Chrysostomi verbo; ut sint, inquit Hieronymus, probati nummularii, qui nummum adulteratum, nec signatum, nec figuram Cæsaris habentem, reprobare possint; qui autem Christi faciem claro præfert lumine, in cordis sui marsupium recondant. Hinc est quod S. Chrysostomus, Concione suâ in quadriduanum Lazarum, Tomo operum 5^o, illa Dei verba, Gen. 18. 20. *Dixit Dominus, Clamor Sodomorum & Gomorrha multiplicatus est: descendam, & videbo an fecerint secundum clamorem qui venit ad me, & si non, sciam*; hæc, inquam, verba Chrysostomus scitissimè in documentum nostrum retorquet, velut ad imitationem nostram pronuntiata; *Descendam, & videbo an sit secundum clamorem*; hoc est quasi dixisset, Rumor quidam ad me pervenit, sed accuratius volo rursus re ipsâ experimentum capere: non quod ignorem ego, sed homines à me doceri volo μὴ ἀπὸ τοῦ λόγου πεποιθέντες, μηδὲ πρὶν εὐχερῶς, nè temere verbis fidem adhibeant, aut faciliè credant, sed postquam accuratius omnia æstimaverint, tum demum ut credant. Eadem de causa in alio Scripturæ loco audimus, *Nolite credere omni spiritui, sed probate spiritus*, 1 Joan. 4. 1. & Ecclesiastici 19. 16. *Nolite credere omni verbo*. Quæ ratio? Ad manum est ex Chrysostomo, ἵδὲν ὅπως ἀναγέειν τὸ ζῶν, ὡς τὸ παλαιὸν πρὶν τοῖς λεγόμενοις, Nihil ita omnem vitam hominum evertit, ac si statim iis quacunquē passim dicuntur fidem adjungant. Proinde non opus est ut illud Siracidis urgeam, Eccles. 19. 4. *Qui cito credit, levius est corde*: quanquam & hoc credulitatis damnum vix faciliè potest refarciri, si signum duntaxat fuerit animi nugatorii & erratici. Verum ecce majus multò incommodum; non signum tantum errantis animi est, sed causa, unde & S. David in Psal. 119. vers. ult. errantem animum Ovis similitudine describit, *Erravi sicut ovis*; quare servum tuum: est enim Ovis, ut nōstis, animal & maximè sequax & maximè simplex, ideòque errabundum quia sequax, & sequacissimum quia simplicissimum. Ità se res habet in animo; nihil aut simplicitate sequacius, aut sequaci & volatili ingenio simplicius: hoc aliud incommodum; sed nec hoc totum. Ecce adhuc majus; *Evertit omnem vitam*, inquit Chrysostomus. Prudenter omnem dixit, ut & naturalem, & civilem, & spiritualem vitam sub unius vocabuli compendio intelligeremus: etenim & tranquillitatem animi perturbat, quæ pars suavissima vitæ; & integritatem famæ violat, quæ pars vitæ altera; & mentis judicium debilitat, & spei anchoram suffodit, & fidei firmitatem diruit, & erroribus universis portarum claustra referat, ut quid credat vix quisquam sciat, si rumorum aucupii res Religionis peragantur. Quod si hæc à me gratis dicta quis existimet, respondeat & doceat quâ aliâ clave aperta sit inter Papistas Superstitionis janua nisi nimis Credulitatis; aut ex quo fonte manarunt ad posterum tot in Papatu, anilia dicam, an puerilia? commenta, nisi ex Credulitate.

Dicite ex quo utero prodierunt tot ementitæ revelationes & fictorum miraculorum tam numerosa progenies. Ex Credulitate. Aut unde, obsecro, fieri potuit, ut adedò inalesceret vel Cultus Imaginum, vel defunctorum Invocatio, vel honor tam indebitus Reliquiarum, vel Pietati gravis Traditionum & rituum turba, nisi meretrici purpuratæ novitatibus gravidæ Credulitas obstetricasset? Veròne hæc dicam an mendacio Demonstratio quæ sequitur tertia attestabitur. Interea nè inanis & confusa videatur defensio, liceat mihi uno aut altero experimento rem palam facere, quantum incommodi ex credula dogmatum receptione oriatur. Alterum erit è P. Lombardo, alterum è Damasceno depromendum; quorum ille Sententiarum Theologicarum inter Latinos compilator fuit, hic inter Græcos.

Primum est ex Lombardo, De Sacramentorum numero. Lombardus primus omnium septem Sacramenta numeravit, l. 4. dist. 2. cum antea nullus esset, in sensu saltem generico, Sacramentorum certus numerus, propter vocabuli homonymiam. Quòd Lombardus primus hoc fecerit Georgius Cassander, in Consultationis Artic. 13. ostendit his verbis; *Non temere quemquam reperias ante P. Lombardum, qui certum aliquem & definitum Sacramentorum numerum statuerat; ad quem sequendum, mysterium numeri septenarii in Divinis literis celebratissimi posteros induxisse videtur.* Hæc Cassander. Imò & Adversarii ipsi non inficiantur: nam primò Coccius, qui hanc sibi studii Theologici partem imposuerat, neque indiligens erat in colligendis dictis Veterum, nè unum quidem è Patribus proferre potuit testimonium ad eum numerum explicitè confirmandum; neque id tentat quidem. Deinde Valentianus disertè fatetur, Sacramenta septem Patres simul non numerare, nè aliquo in loco. Postremò & Bellarminus, quamvis id invitus faciat, atramen non diffidetur, dum dicit, l. 2. De effectu Sacramentorum, c. 24. *Non debere nos ab eis petere, ut è Scripturis aut Patribus nomen septenarii numeri ostendant: quia Patres, etsi non junctim numerent septem Sacramenta, at singulatim de singulis statuere.* Quid quòd & ipse, cum omnia tentasset, non ultra quadraginta abhinc annos ætatem septenarii numeri protendere potuit? *Magister, inquit, Sententiarum, & omnes indè Theologi, septem esse Sacramenta tradiderunt,* l. 2. De effic. Sacram. c. 25. Ergò hoc nunc pro concessio ponitur, Septem Sacramentorum numerum universæ Antiquitati fuisse incognitum, donec Lombardus introduxerat. Et quid indè mali est exortum? Revera non angustum aliquod malum, sed latè patens & interminata contagio: nam à Lombardo ad Scholasticos dogma est traductum, qui omnes, excepto uno aut altero, Magistro tenaciter adhærebant. A Scholasticis derivatum est ad alios Theologos, & hinc ad Concilia transiit: nam primò, in Concilio Florentino Eugenius quartus hunc numerum definit; *Sacramentorum veritatem;* inquit, *sub hac brevissima redigimus formula, ut nova Legis septem sint Sacramenta.* Deinde, post Florentinum Concilium Tridentinum arripuit, & Anathema denuntiavit quibuscunque septem negantibus, *Si quis dixerit aut plura aut pauciora esse quam ea septem, Anathema sit,* Sess. 7. Can. 1. Postremò, post Tridentinum Decretum: exortæ sunt acerbissimæ illæ & tantum non mortiferæ dissertationes de præcisò septenario numero Sacramentorum; ut nunc si singula colligamus, non ex radice alia pullulasse hanc nuperam stirpem comperiemus quam ex hac delira Credulitate, quæ se Magistro suo devinctos Scholastici sentiebant, ut suspicerent defenderentque ipsius omnia, velut Apollinis Parisiensis Oracula: adeò se propensos præbent in hujus Magistri verba jurare, &, sicut pulli, ad hujus Galli cantum recinere. Hoc Exemplum primum.

Alterum prodit è scriptis Joannis Damasceni. Ille in Oratione De fidelibus

delibus defunctis, confidenter affirmat, Falconilla paganae foeminae animam orationibus S. Theclae ab Inferno fuisse liberatam; & orationibus Gregorii Dialogi, (sic enim à Græcis, ob Dialogorum libros quos conscripsit, vocabatur) Gregorii, inquam, Dialogi orationibus, liberatam ab Inferno animam Trajani Imperatoris: & ad majorem rei incredibilis fidem addit, audivisse inter orandum hanc cœlitus Dei vocem Gregorium, *Ecce preces tuas audiui, & Trajano ignosco. Quôdque istud, inquit, verum sit, Oriens totus atque Occidens testantur.* Hæc illa sunt Damasceni deliria dicam, an somnia? quæ vel meminisse animus horreret, nisi me huc ratio Argumenti perduxisset: cum vix quispiam sit qui singula quæ exinde nata sunt incommoda valeat recensere. Nam primò, istarum fabularum facibus Ecclesia Græca est corrupta, quæ eas ex ipsius scriptis in suum Euchologium transtulit, ut videre est c. 96. Euchologii; ibi sic habemus Sacerdotem orantem, *Ut voluntate tuâ Theclam primam martyrem exaudisti pro matre sua idolorum cultrice orante, & veniam ipsi concessisti, & quemadmodum Trajanum per intentam servi tui Gregorii Dialogi intercessionem flagro solvisti, exaudi etiam nôste orantes,* &c. Hoc primum incommodum, in Ecclesia Græca. Deinde, & non multò inferioris notæ & aliud hinc denatum in Romana Ecclesia, in qua dici vix potest quàm se torqueant Pontificii ut huic Damasceni prodigio succurrant commodâ aliquâ interpretatione; idque satagunt valde dissidentibus sententiis. Inprimis, Melchior Canus, l. 11. c. 2. Loc. Theol. historiam simpliciter improbat ut *confictam*; & Soto, in 4. Sent. d. 45. qu. 2. art. 2. *historiam esse dicit creditu durissimam*: deinde, ipse Bellarm. l. 2. de Purgatorio, c. 8. quamvis huc propendeat, addit tamen, *Si historia defendi debeat, oportet dicere, Trajanum non fuisse damnatum absolute ad inferos, sed solum punitum in inferno, secundum præsentiam ejus demerita, & suspensam sententiam propter prævisas B. Gregorii preces.* Ad hæc, Tho. in 4. Sent. dist. 45. qu. 2. probabilissimum putat, animam Trajani liberatam solum à pœnis Inferni usque ad diem Judicii, ac deinceps cruciandam cum cæteris. Abulensis verò aliter, Qu. 57. in 4. lib. Regum, *non cum immediatè ex inferis ad cælum transisse dicit, sed prius corpori unitum, vixisse quamvis ignotum in terris, & postea baptizatum sanctitate & penitentia suâ vitam æternam meruisse.* Porro Joannes Diaconus, citante Bellarmino, adhuc aliter; *non liberasse cum ab inferno Gregorium, sed id solum obtinuisse, ut in inferno existens ignis penam non pateretur.* Postremò, nam istis nugis vereor nè fatigatos vos redderem, Alfonsus Ciaconius adhuc aliter; etenim ille, homo omnium audacissimus, non est veritus etiam pro hac historia Apologiam scribere, & validis, ut putavit, argumentis pro verissima vindicare, idque morosissimâ eloquentiâ. Næ ille suo dignissimam patrocinio causam agit, & aut Romano calamo celebrandam, aut nullo; neque nostri est prohibere quò minus suâ laude fruatur, si non de nativo stercore crabrones contra se etiam de suis irricasset: de nobis meliùs meruit quàm ut increpemus; imò est potiùs in quo gratias agamus, cum exinde nonnihil dederit quod præsentì quàm apertius inserviat Argumento. Sunt igitur duo quæ ex istis præmissis elicimus Confectaria.

Primum, Quòd multorum malorum rivuli ex unius pravi Dogmatis defensione ebulliant, cum non habeat error ubi conquiescat, neque modum novit, ut se intra suos terminos contineat: picis instar, si tangamur, inscit, si contrectemus, polluit; quid dicam si volutemus? Hoc ipsum Abulensi, Bellarmino & Scholasticis contigit, dum se Damasceni fabulis immiscuerunt: vix diu credibile, quot lites, & jurgia, & querelæ concitatz, eazque inter uterinos & collactaneos; quot artes, quot figmenta, quot portenta opinio-

num excogitata, ut amasii sui possent ineptias quoquo modo defendere. Nam respondeant mihi velim, an ipsa astutia exquirere potuit honestam aliquam Damasceni excusationem, ut pro purgando ipsi se tam miserè excruciant. Dicant denuo, annon est pejor morbo medela quam ex aliis figmentis contexit: *in inferno eum esse, sed absque tormento*, dicit unus; *ab inferno liberatum usque ad diem iudicii*, alter; *ex inferno ad terras translatum*, alter, & *baptizatum, & incognitum, & rediit merito in caelos eventum*. O theologiam! ô quisquilias! ô spectra ipso deteriora prototypo! Obsecro, quæ ratio hujus anxietatis, ut in Damasceni gratiam seipfos adeò involverent? Opinor illam fuisse, Quòd imaginum strenuus assertor fuerit Damascenus, atque pro iis tres Orationes scripserit. An non æquum est ut ei vicissim hunc defensionis honorem rependant gratissimum pecus Pontificii, qui ipsi Imagines non ut unam Helenam, sed multas, adorant & venerantur? Hæc potest esse una ratio. Opinor & illam fore alteram, Quòd cum Purgatorio Infernus sit conterminus, sperabant igitur istius de Inferno dogmatis defensione se suum de Purgatorio facilius creditu efficere posse. Nam quis est è Papistarum plebe tam mentis inops, qui non similis veri arbitrabitur, posse suis precibus unam animam liberare piissimum Gregorium ab Inferno, quàm Hildebrandum aliquem aut Alexandrum suis beneficiis tot animarum fasciculos è Purgatorio? De Inferno, cum sit, potest esse aliqua, quamvis malefana, conjectura: de Purgatorio, ut de non ente, nulla. Ergò necesse fuit ut Damascenum defenderent: nam si ipsi non crederent, seipsis quomodo sunt credituri? neque enim est corvus corvo similior, quàm illius figmento hoc suum, nisi quòd illud in fabulam transiit, hoc in dogma fidei; atque illud explosum evanuisse nisi ex hoc ipsum speciosas istas rationes invenisset quibus revivisceret, ex uno absurdum multis germinantibus. Hoc Confectarium primum.

Secundum est, Quòd erroris seminarium magnum sit officiosa Credulitas, sive ipsum Lombardum & Scholasticos, sive Damascenum & sectatores ejus spectemus. Si Lombardum, ausim ad ipsos provocare, quantà credendi temeritate rapiantur Scholastici, ut omnia ejus vestigia & sequantur, & vindicent, & promoveant: si Damascenum, res ipsa loquitur, & ipsum in hanc sententiam fidei levitate evectum ut aliis crederet, & alios eadem credulitate ut ipsi fidem adhiberent, eosque tam Latinos quàm Græcos. Quippe quòd totius Orientis lumen tunc temporis Damascenus habebatur, vir eruditione clarus, & persecutionis prætextu clarior, & restitutæ manûs miraculo clarissimus. Hinc orta Credulitas, ut Orthodoxum putarent quicquid Damascenus dixerit, & defendendum quicquid vel distantibus aliis pronuntiaverit. Sic impetu fluminis in erroris gurgitem incauti remiges tracti sunt, sequentibus primores suos postferis, donec quæ ex populari rumore fabula nata, rumore etiam, sed eruditioni, eoque pejori, inter Theologos recepta & continuata foret. Hæc radix totius negotii, hoc incrementum, hæc causæ, & primæ originis in Damasceno, Credulitas; & defensionis inter Pontificios, Credulitas; & propagationis ad Græcos, Credulitas: adeò tantum, adeò tantillum distat inter ejusdem matricis denominativa, ut cum Creditio & Credulitas ad fidem ambæ prospiciant, nescio quâ abstractione eveniat ut sensibus disjungantur; cum fides non habeatur nisi credendo, certè non periclitatur nisi creditando. Neque hæc temere loquor: nam Creditio ad fidem pertinet, Credulitas ad opinionem; Creditio verbo Divino nititur, Credulitas humano; illa Scripturis Sacris, hæc vulgi rumoribus; illa auræ cœlestis est halitus, hæc popularis; ex illa firmissimum testimonium elicitur, ex hac quod vires aliquas habeat nullum. Hæc secundæ De-

Demonstratio, quam Regulæ Appendiculam dixi, Nullatenus esse credendum iis Veterum suffragiis quæ ex rumoribus credendi levitate hauserunt. Ad Demonstrationem tertiam accedendum esset si temporis angustia permitterent, quas jam vereor effluxisse, ut quod in Thesi palam fecerim, ostenderem etiam in Hypothesi; Quod istis præsumptis & solâ credulitate suffultis sententiis Pontificii sæpius abutuntur ad stabiliendas multas maximi momenti controversias: sed alterius horæ expensam hæc ultima Regulæ pars in se sola postulabit; quocirca ad proximam præsentiam remittenda est.

LECTIO XLIII.

AB ambiguis Patrum dictis ad ea quæ ex Credulitate interdum nimia loquebantur ut passus ultimus, ita & rectissimus fuit itineris & profectus nostri in celeberrimo hoc de Patribus legendis argumento: idque sive in Res ipsas, sive in rerum Incommoda, sive in Ordinem à me prius positum, oculos retorqueatis. Si in Ordinem, magna est inter quartum & quintum distinguendi Modum propinquitas: sunt enim adeo vicini ut nihil interveniat. Sed postquam de testimoniis constiterit, Ea Categoricè & apertè, non hæsitante, fuisse prolata, sequitur ut in hoc cura proxima stauatur, videre an ex certa sua scientia, vel magis fide aliorum, hoc vel illud de quo quæritur loquebantur. Rursus, si in Res ipsas, est etiam inter eas aliqua, quanta ferè potest esse inter terminos dissimiles, affinitatis conjunctio: namque cum Infidelitas & Præsumptio sint ipsa extrema inter quæ Fides incedit, sequitur ut gradus istis extremis contermini sint mentis Ambiguitas & Credulitas; nam Ambiguitas ad Infidelitatem inclinat, Credulitas ad Præsumptionem. Denique, si in rerum Incommoda; etiam & hoc respectu sese mutuo sequuntur, quia utraque contra veram fidei certitudinem pugnat; Ambiguitas mentis à sinistris, Credulitas à dextris; Ambiguitas citra, Credulitas ultra fidei scopum jaculando: Ambiguitas est velut fidei abortio, Credulitas superscælatio; Ambiguitas nihil certò suscipit, Credulitas avidissimè omnia; Ambiguitas non amplectitur quod oportet, Credulitas amplectitur quod non oportet; illa humi repit, hæc ad summitates attollitur: utrinque periculum; illic nē subsidat animus; hic nē præcipitetur. Ergo sicut in illa, secernenda esse dixi hæsitante dicta ab asseveratis; ita & in hac, nimia facilitate præsumpta à scitis & exploratis, quæ cum diversâ fide ab authoribus scripta fuerint, perabsurdum est si eadem fide cum cæteris in veritatis testimonium à lectoribus cooprentur. Hæc Regulæ quintæ summa, à quinto distinguendi Modo translata; quam ut penitus enucleatam redderem, ad tres Demonstrationes examen ejus revocavi: Quod Veteres aliquando, & in historicis & in dogmaticis, oscitantius sunt locuti, præsumendo nonnulla ita esse ut vulgò ferebantur: hæc Demonstratio prima, superius exsoluta. Quod ex ejusmodi præsumptis sententiis, quæ à rumusculis animisque ad credendum propensioribus nata sunt, testimonium firmum & legitimum non deducitur: hæc Demonstratio secunda, quâ, simul cum prima, pridie defunctus sum.

Postremo, Quod in hac Credulitatis basi pars magna religionis Pontificiæ statuminatur, quodque ipsorum Theologis in more positum ex istiusmodi nutantibus testimoniis disputare, & maximas fidei controversias definire:

Hæc Demonstratio tertia, uberius nunc discutienda. De qua dum differuerō, satis intelligo non defuturos quibus audax & temeraria Propositio videatur, vix aut probanda nobis, aut ferenda Adversariis; & illis fortassis scrupulum moveat, istis stomachum: sic in ipso limine Quæstio optima hæret, duobus confossa præjudiciis. At ista me non retardant quod minus progrediar, cum satis sciam quantum intersit inter dicere & demonstrare, quodque aliud sit per calumniam, aliud cum veracissima fronte loqui. Quocirca aut argumentis evincam, aut cedam, attestante mihi indubitante & Conscientiâ, quod eam causam susceperim quæ & absque calumnia dici, & quàm exiguo negotio probari potest: sin minus, pudebit in posterum ex hoc sanctissimo loco vos aut contemplari aut alloqui, quos tamen hæcenus expertus sum benignos Auditores, & nunc appello æquissimos Judices. Sunt autem duo præcipua Capita Demonstrationis: Quod pars magna religionis Pontificiæ hæc Credulitatis columnâ nitatur, hoc primum. Quod ad hæc incerta & tremula, atque credulitate solâ suffulta, Patrum suffragia pro multis doctrinæ suæ dogmatibus stabilendis sæpissime Papistæ coniungunt, hoc secundum caput Demonstrationis.

Quæ duo si in diversa prospicerent, ordinis ratio exigeret ut in utroque sigillatim operam collocarem; sed quia à se mutuo pendent, consultius puto, & brevitati quam ambio congruentius, in eadem inquisitionis lance utrumque simul expendere. Atque revera si Syllogisticis rationibus transigenda res esset, paucissimis absolverem: sed aurium quarundam mollitudo vix ferre potest contractum hoc genus, & in breve coacta lemmata; ut mihi jam mediâ viâ sit incedendum, Syllogismorum formis sepositis, vigore retento. Sint igitur hæc tria Demonstrationis sustentacula.

Primum hoc esto; Quæcunque religio Scripturæ Sacræ iudicium in rebus fidei reformidar, & in humano iudicio conquelescit, ea non principiis certis & Demonstrationibus indubitatis, sed solâ opinione & præsumptione & credulitate nititur: Si doctrina Papistarum sit ejusmodi, Roma subacta est. Sunt autem duæ Propositionis partes. Prima, Quod præsumptionis nimia est in rebus fidei Scripturæ iudicium refugere. Quæ ratio? Præter alias, illa una firmissima; quia cum veritas Christiana sit supernaturalis, aded ut neque sensu, neque experienciâ, neque ratiocinatione in scientiam venire possit, necessaria est revelatio, eaque non ab hominibus, sed à Spiritu Sancto; illa autem revelatio est sola Sacra Pagina. Extra hanc vagari non possumus, nisi animis dubii & hæsitantes, cum extra hanc omnia sint infirma & titubantia; hæc sola Demonstrationes indubitas præbet; hæc sola est, ut inquit Augustinus, *qua doctrina nostra regulam figit*; imò *unica est*, inquit Beda, *credendi pariter & vivendi regula præscripta*; & *ἡ μόνος ἀστυς ἡ ἡμετέρα*, ut Athanasius in Synopsi dicitur; & *ἡ μόνος ἀστυς*, inquit Nazian, loquitur, tertiâ in Julianum; denique, Clementis iudicio, *ἡ μόνος ἀστυς ἡ ἡμετέρα*, & *ἡ μόνος ἀστυς*, Clem. Strom. 7. h. e. *certissima est & fortissima & sola fidei demonstratio*. Quanquam non opus est à me verba transferri, nam Petrus de Aliaco Cardinalis, qu. 1. in 1. Sent. art. 3. apertissime id præstitit; *Principia Theologica sunt ipsa Sacri Canonis veritates, quoniam ad ipsas fit ultimata resolutio Theologici discursus, & ex eis primò singula Conclusiones Theologica deducuntur*. Hæc prioris partis ratio.

Pars Propositionis posterior hæc est. Quod credulitatis nimia est in humano iudicio in rebus fidei conquelescere. Quæ ratio? Inter alias illa, quia & fallere & falli potest humanum iudicium, ergo ineptum est ad certitudinem generandum, etiam si ex quibuscumque sanctissimis doctissimisque co-

Aug. De bono
Viduit. c. 1.
Beda in Math.
et citatur à
Gratiano. Caus.
8. q. 1. Can. ult.

argumentetur. *Argumentis & testibus indigent omnia humana dicta*, ut Salvianus optimè; & *Auditorum cogitationes claudicantes relinquunt*, ut ante Salvianum Chrysostomus, *nunc annuentes, nunc hasitantes, interdum sermonem ut frivolum averfantes, interdum probabilem recipientes*. Hæc posterioris membri ratio.

Salv. l. 3. De providentia. Chrys. in Ps. 96.

Ex quibus si Assumptio statuatur, res erit extra omnem dubitationis aleam: quia Pontificii in causa fidei decernenda & Scripturæ judicium aspernantur, & in humano judicio se sistunt. Quod Scripturæ judicium fugiant, habemus Ratisbonenses apertè profitentes, in illo Colloquio, *Non est norma aut sola aut unica, non est iudex omnium controversiarum*, & Lorichium Jesuitam adhuc pertinaciùs, in Fortutitio, Hær. 5. De Scriptura, *Impossibile est, ut sit iudex dubiorum de fide ac religione Christiana*. Deinde, quod in humano judicio se sistant ex loco non uno apparet, sed innumeris; quamvis diversimodè se explicant. Nam interdum has fidei definitiones referunt ad Traditionem Ecclesiæ, ut Cordubensis; interdum ad Patres & Concilia, ut Caranza & Pighius; interdum ad judicium Doctorum & Pastorum Ecclesiæ præsentis, ut Stapletonus, & Canus, & Bellarminus; (*Per Ecclesiam*, inquit Stapletonus, *magistros & pastores intelligimus*) aliquando ad solum scrinium pectoris ipsius Papæ, qui ipsemet, sive solus definiat sive cum Concilio, omnium dogmatum iudex est statuendus, ut Caranza, Hofius, Bell. l. 3. De verbo Dei, c. 5. & l. 4. De Pontif. Rom. c. 1. Istis hoc modo ab ipsis definitis, annon necessariò sequitur primum eorum principium esse Credulitatem, istis non dubiis modò sed falsissimis Axiomatibus innixam, Ecclesiam Romanam non posse errare, aut Romanum Pontificem falli, aut Conciliabula ab eo convocata in quopiam decipi? Quòd falsa sint Axiomata res ipsa loquitur; cum certissimum sit non modò errare potuisse, sed etiam turpiter errasse. Quòd debilia sint fundamenta adhuc apertius, quòd contrariis cervicibus sæpe inter se pugnent, & sibimetipsis impingant; aliquando Concilia Conciliis: Ancyranum & Trullense Clericorum conjugia probant & confirmant, Elibertinum, Can. 36. & Arelatense secundum interdicit; Concilium Nicenum secundum pro Imaginibus decernit, Elibertinum eis aditum præcludit. Et, ut in commune dicam, *Possunt*, inquit Augustinus, *Episcoporum literæ per Concilia reprehendi, & Concilia Provincialia per plenaria & æcumenica corrigi*, ipsaque plenaria priora posterioribus emendari. Deinde aliquando & Traditiones contrariantur Traditionibus: nam Ecclesiæ omnes Asiaticæ festum Paschatis 14. die Lunæ, antiqua quadam traditione adductæ, celebrabant, teste Eusebio, Hist. l. 5. c. 22. reliquæ per universum Orbem Ecclesiæ alium morem observabant, eumque ex consuetudine, ut jactabant, Apostolica. Passum esse Christum anno ætatis trigésimo docuit Tertull. cont. Judæos, c. 8. consentiente Clemente Alexandr. Strom. 1. at Irenæus disertis verbis asserit, docuisse Christum ultra quadragesimum aut quinquagesimum annum, l. 2. c. 39. idque traditione à Joanne Apostolo derivata.

Cord. Ar. 2. c. 8. Car. in 1. Controversia. Fig. Contr. 3.

Trull. Con. Ca. 13. Anc. Con. Can. 10.

Aug. de Bapt. l. 2. c. 3.

Postremò, & aliquando etiam Romani Pontifices Pontificibus aliis contraria decernunt: Tridentini contrarium Gelasio, in diminutione Calicis; Innocentius tertius Cælestino, in Matrimonio fidelis & infidelis. Sic Nicolaus primus docuit, Baptismum à Judæo collatum in nomine solius Christi esse ratum, apud Gratianum de Consecrat. d. 4. Pelagius & Zacharias contrà: idemque observat Jacobus Almani De autoritate Ecclesiæ, c. 10. de Nicolao 3º & Joanne 22º, quorum unus judicialiter determinavit, Christum & Apostolos nihil habuisse in communi aut proprio; alter oppositum. Quibus omnibus pensitatis satis constat, firmamenta infirma illa Axiomata fore,

Cham. T. i. p. 85. Alf. Castro l. 1. de her. c. 4.

fore, Ecclesiam Romanam, aut caput ejus Papam, aut Papā moderatore Pastorum sollemniorum confessum, falli aut decipi non posse: nisi ostendere possint è qua parte coeli sanctiora hæc oracula descenderint, ut sciamus an pro Apostolorum decretis, an magis pro audaculorum volitantibus præsumptisque sententiis sint habenda. Quod Christus ad Phariseos, *Baptisma Joannis de celo erat, an de hominibus?* si de cælo, non de hominibus; si de hominibus, non de cælo, est necessaria disjunctio: Ergo si hæc omnia ab hominibus & ex humani ingenii officina eruperint, absque omni dubitatione sequetur, quodcumque ex istis principiis exsurgens ædificium non certitudine firmā, sed solā credulitate fulciri. Quid enim est in præcisa sua notione Credulitas, nisi nimia ad incertis credendum pronitas & inclinatio? si quis rumores vulgi velut dicta prudentum, aut, quod majus est, testimonium humanum velut Divinum excipiat & amplectatur. An verò ipsi aliud agunt, dum regulam fidei dogmatum non à Scriptura Sacra, sed à Papa Pastorumque suorum cœtu intrepidè mutuuntur? nisi quis tam inops mentis sit & nullius frontis homo, ut dicat, decisiones Romani Pontificis non esse decisiones hominis, aut judicium pastorum judicium hominum: quod simulac apparuerit, sanctissimè pollicemur nos nostram voluntatem ipsorum sententiæ libenter adscripturos; at interea ad aliud caput revocare non possumus quàm subleste Credulitatis. Hoc assertionis sustentaculum primum.

Secundum hoc sit; Quæcunque religio fidei implicitæ cæcæque obedientiæ jugum suis filiis imponit, ea intra Credulitatis cancellos alumnos suos detinet, neque ad fidei *ἀνεξοργία* ascendere aliquando permittit. Si doctrina Papistarum sit ejusmodi, cedant necesse est in hac de Credulitate disputatione, & digitum tollant. Propositionis ratio ex ipsa nominis notatione manifesta erit; nam Credulus Græcè *παχυπρόσθετος* dicitur, ὁ *παχὺ ἰμάντιον*, ut Septuaginta, Eccles. 19. 4. qui rebus omnibus facile temerèque fidem habet, & se cuiusvis judicio, rebus non exploratis, fidenter committit: qualis, inter alios, Hegiæ filius apud Suidam fuisse dicitur, qui quòd moribus ad idiotismum inclinaret, quòdque erat ob vulgarem simplicitatem ad rumoribus credendum propensior, dictus est *ὁμιόθετος*, quasi ad obsequendum fidemque tribuendam proclivis. Ad eòque non solum ad res fidei, sed ad mores actionesque hominum usus vocabuli protenditur: & istorum utrumque in Propositione recensetur, quòd discipulos suos Pontificii utroque sensu *Eupithios* præstant, & in rebus Divinis, & in humanis; & in agendis, Voto obedientiæ, & in credendis, Fide illā implicitā. Ego utriusque specimen aliquod exhibebo. Inprimis quod ad Fidem implicitam pertinet, non opus est multos auctores producere: neque illud nisi obiter tantum monere, Non sic nos contra implicitam fidem differere, quasi nihil prorsus vellemus nè ab infirmis quidem ignorari; sunt enim mysteria multa quæ tutius submissione sensus creduntur, quàm excutuntur, ut explicitè & perfecte sciantur; proinde submissionem hanc quæ Deum respicit, piam agnoscimus, & non suggillandam: at illam sensus submissionem quæ in nudo Ecclesiæ nomine acquiescit, & cognitionem omnem etiam *τὸ ὄν* excludit, inanem & frivolum esse contendimus, & inepte Credulitatis notā inurendam. Eam Lorca & aliæ Scholasticis sic distinguunt, *quòd explicita sit credere aliquid distinctè & in seipso, implicita credere aliquid confusè & ut in alio inclusum; hoc est, quatenus singulare in universali, & determinatum in indeterminato includitur*: & hoc quidem non male, neque ei litem intendimus. Sed Aquinas præterea implicitam statuit, Fidem minorum in fide majorum contentam, in 2^a 2^a, qu. 2. art. 6. ad 3^{um}. *Minores non habent fidem implicitam in fide majorum, nisi quatenus majores adharent doctrina Divina:*

&c

in 1^a 2^a qu. 2.
art. 5.

Et Porretta in Cajetanum sic explicat, in 2^a 2^a, qu. 2. art. 6. Corollario primo; *Propriissimè loquendo, Minores habent suam fidem implicitè in fide Ecclesie universalis, non in fide aliquorum particularium hominum.* Atque hanc audacter dicimus eam fidem esse quæ fidei naturam prorsus destruit. Eam Franciscus Cordubensis *votivam fidem* appellat: statuit enim ut contradistinctos terminos, *explicitè credere, & in voto credere*; quod non aliud est quàm potentiâ credere, & hoc non aliud nisi nondum credere, sed tantum velle credere; quo nihil est magis absurdum, quàm distinctionem Fidei ponere, cujus alterum membrum non sit fides. Post Cordubensem eam Altenstaig, in verbo Fides, significantius paulò explicat; ut implicita fides sit habitus credendi, sed sine actuali assensu, itaque à cognitione separata, adeò ut credi dicantur hâc ratione etiam res prorsus incognitæ, quæque in mentem nunquam venerint, nimirum quia credantur in Axiomate quodam universali, quod ipsum fide teneatur explicitâ. Exempli gratiâ, si quis credat Ecclesiam Catholicam, (nam hoc illis solenne est) eundem statim credere quicquid illa credat, sive credendum tradat. Quapropter nè diutius vos detineam in re nihili, hæc est illa fides quam plebi suæ Pontificii obtrudunt, & ut probandam defendunt. Sic Thomas ipse statuit, 2^a 2^a, qu. 2. art. 6. *Minores, qui significantur per Asinos, debent in credendis adherere majoribus, qui per Boves significantur.* Locum producit ex Gregorii 2^o Moralium, c. 25. sed perperam, non enim sunt verba Gregorii: Gregorius in eo loco, super illa verba S. Job. *Boves arabant, & asina juxta pascebantur*, sic ad moralem sensum verba detorquet; *Simul se asina cum bobus reficiunt, quia prudentibus tardiores conjuncti eorum intelligentiâ pascuntur.* Inter hæc verò Gregorii & Thomæ quamplurimum interest, si quis dicat, *Simplices à prudentibus doceri*, quod Gregorius, & *simplicium fidem in prudentium fide contineri*, quod Thomas asserit. Sed nec Thomas solus, nam Hosius Cardinalis in l. 3. super prolegomena Brentii, acerrimè defendit, optimum esse in agone mortis ad hanc fidem implicitam nos recipere: Verba ejus sunt, *Cum anima venit à corpore separanda, tum quidem tutissimum est exemplum sequi Carbonarii cujusdam, ex quo cum vir doctus quaesivisset quid crederet, Symbolum recitavit; cum rursus interrogaret quid præterea crederet, respondit, Quod Ecclesia credit Catholica; & cum ille, Quid credit Ecclesia? Quod ego, inquit, credo: & sapius alteri interroganti circulo hoc usus Carbonarius, nil aliud respondit quàm se credere quod Ecclesia credit, & Ecclesiam credere quod ipse crederet.* Porro & Hosius hoc addit, *eundem virum doctum aegrotantem postea cum Satana disputasse, & ad hunc Carbonarii circulum, velut ad asylum omnium tutissimum, confugisse, atque plus in eo præsidii quàm in omni Scripturarum exercitatione invenisse.* Hæc Hosius. Ex quibus liquet quantum honoris fidei implicitæ deferant, quantum momenti, & ponderis in eo stant; dum non ad indoctam plebeculam, sed ad ipsos paulò eruditiores tendunt. Quod utinam Thomas observasset, qui *Boves & Asinos, majores & minores in Ecclesia* interpretatus est. Cur enim Asinus ignorantiam assignat, & non Bobus? Est, majores sunt Boves, sed doctiores quis censet? Cur non ergò concludit, *tam majores quàm minores decere fidem implicitam?* nam & huc usque Hosius progreditur. At verò nos aliis principiis imbuimur, explicatam Divinarum rerum cognitionem à nobis fidei naturam exigere: unde & Apostolus Petrus, Ep. 1. c. 3. suos hoc modo cohortatur lectores, *Estote semper parati πρὸς ἀπολογία, ad respondendum cuilibet petenti rationem ejus spei quæ est in vobis*; nè sitis Boves aut Asinæ, aut fidei carbonariæ opinione tumidi, sed apti & parati & instructi ad tuendam veritatem. Nam absurdum est, inquit Chrysost. *posse medicum accuratè pro sua arte contendere,*

& textorem, & coriarium, omnesque artifices, & Christianum non posse rationem reddere fidei suae. Quod si quis quærat quos fidei Articulos Chrysost. intelligat: habemus ipsum eos annumerantem, Ser. de Bapt. Christi; *De anima*, inquit, *de corpore*, *de immortalitate*, *de regno caelorum*, *de gehenna* vos docui; *nec non de Dei longanimitate*, *de indulgentia*, *de penitentia*, *de baptismo*, *de remissione peccatorum*, *de hominis natura*, *de Angelis*, *de diaboli fraudibus*, *de haeresibus*. ταῦτα ἡμεῖς πολλὰ πλείονα τέτων & Χριστιανὸν εἰδέναι χρὴ, Siquidem ista & multò plura nosse Christianum oportet, horumque omnium reddere rationem iis qui sciscitantur. Eapropter Pontificii insignem fidei injuriam faciunt, dum ad has Credulitatis angustias relegant; quæ certè si non sit Credulitas dicenda, necesse est ut aliam ejus definitionem excogitent hæcenus inauditam: nam si Credulitas sit levis & facilis assensus iis præstitus quæ ipsi nesciamus, non jam Credulitati proxima Fides implicita erit, sed eadem, cum in se cæcitatem & ignorationem habeat, & non nisi in fide aliena fidem. Egregiam verò fidem, quæ in hoc vertiginoso circuitu circumrotatur, *Ego credo quod Ecclesia credit, & credit Ecclesia quod ego credo!* Egregiam fidem, quæ & rationem, & cognitionem, & ipsam fidem evertit! Certè si hæc sit fides dicenda, quid superest quàm ut is dicatur ambulare qui sedet, & scire qui nescit, & credere qui non credit, & fide agi qui nubilo Credulitatis turbine circumfertur? Atque hac illa sunt quæ ad primum Propositionis specimen pertinent, Quod Pontificiorum doctrina in Credulitate statuminatur quantum ad fidem implicitam.

Accedamus jam tandem ad cæcæ obedientiæ Votum; nam & in hoc non minor est Credulitatis vertigo. Utcunque Papistæ multa protestentur similia sententiæ Catholicæ, ut se sentire ostendant, Nemini peccatum jubenti esse obediendum: tamen cum ad rem ipsam ventum est, ei cujus sunt partes obediendi nullas esse volunt judicandi; atque hanc appellant *perfectam sui abrenuntiationem*, quando Superioris voluntatem, quæcunque ea fuerit, exsequendam quis pollicetur, idque ἀνεξέταστον, nè minimâ quidem factâ disquisitione. Ex tribus ipsorum autoribus, iisque non ultimi nominis, rem totam denudabo, Quo nomine appellent, & Quibus legibus hanc Obedientiam constringant.

De Nomine, Cardinalis Cusanus eam *irrationalē* appellat, l.6. Exercitationum, Sermone, *Respice, Domine, de cælo & vide*; *Obedientia irrationalis*, inquit, *est consummata & perfectissima obedientia, quando obeditur sine inquisitione rationis, sicut obedit jumentum domino suo*. Maffæus & Ribadeneira, ex Ignatio, *cacam obedientiam* vocant; scilicet ego conjicio, quia claudit oculos, nè quis magis in eo quod præcipitur disquirat, quàm cæcus in itinere per quod deducitur. Imò non mea est conjectura, sed ab ipsis reddita interpretatio. Maffæus, l.3. vitæ Ignatii, c.7. *Ad sapientem hanc sanctamque stultitiam caca, ut ipse appellabat, obedientia, suos, interdum etiam fictis rebus, erudiebat*. Ribadeneira, libri quinti cap. 4. *Dicebat Ignatius duo esse Obedientia genera, unum imperfectum, alterum perfectum, & omnibus absolutum numeris. Imperfecta obedientia malè oculata est, perfecta sapienter caca. Illa judicium suum de imperatis rebus sibi servat: hac judicium proprium non habet, sed judicium iudicio, & voluntatem voluntati Superiorum suorum subijcit*. Hæc sufficiant de Nomine.

Quod ad Leges ipsius spectat, Cusanus eas hoc modo circumscribit. *Per obedientiam quam facis Præposito, etiamsi præceperit alia quàm deberit, sententia Pastoris ligat te, etiamsi injusta fuerit. Ad te non attinet cognoscere quod sententia sis injusta, nec conceditur tibi ut non obedias, si tibi injusta videatur: nulla enim esset obedientia, si in tuo arbitrio esset de sententia Pastoris judicare,*

judicare, an illi esset obediendum. Si in districto Dei judicio dixeris, Domine, obedi vi tibi in Prapposito, hoc tibi sufficiet ad salutem, etiamsi Prappositus rationem sit Deo redditurus. Hæc Cusanus. Neque Massæus discrepat, sic enim ille de Ignatio, Romano Pontifici, inquit, cujus in verba præcipio sacramento juraverat, ita erat præsto, ut ad ipsius nutum se paratum exhiberet quocunque proficisci, etiam navigium ascendere planè exarmatum, clavo, malis, velis spoliatum, mari ventisque sine ulla dubitatione committere. In qua ejus sententia cum vir quidam primarius prudentiam requireret, Imò, inquit, prudentia est imperantis, non obedientis: Superiorum jussa examinare est arrogantia: Non obedientis nomine dignus est, qui Superiori cum voluntate judicium quoque non submittit: denique, qui ad Superioris nutum voluntatis propensionem, non etiam judicii consensionem accommodat, is altero tantum pede intra religionis septa versatur. Hæc Massæus. Verum Ribadeneira adhuc copiosius rem prosequitur, loco supra à me posito. Hanc, inquit, obedientiam Ignatius rectissimam dixit, & omnibus expletam numeris, quâ velut captivamus intellectum, & id rectum credimus quodcunque sit à Superioribus præscriptum; illam quæ rationes exquirat, non nomen obedientia mereri. Et paulò post, Ità me instituat quasi corpus mortuum, quod neque voluntatem neque sensum habet; nec aliter quam parvulam quandam statuat, quam quocunque velis haud repugnantem vertas. Imò talem me præstabo qualis est baculus in manu senis, ut me ad arbitrium suum utatur, ut ad omnia paratus sim ad quæ mea me religio uti velit, nihilque recusem quod sit imperatum; quia debeo devotionem meam omnem in obedientia collocare. Hactenus Ribadeneira. Hæc ego prolixius descripsi, ut in hoc chartarum suarum speculo vivissimam ipsorum sententiæ imaginem, orisque habitum & oculos, si quos Cæca Obedientia habeat, & omnia lineamenta possitis intueri: eoque libentius, quia alioquin nullo loco inveni distinctè Papistas suam hac de re sententiam profiteri. Eam Bellarminus nudè nominat, & indefinitè commendat, quasi cum iis negotium habeat qui omnem omnino exuerint; cum tamen non nisi de Monachorum agat obedientia. Propterea Cusano, & Massæo, & Ribadeneiræ debitores nos agnoscimus, quòd nos hanc disciplinæ suæ partem edocuerint. In quibus hæc præsertim annotanda: Primò, Quòd de Obedientia agant non Deo, sed homini præstanda: nam Deo absolutè & simpliciter obediendum, ita ut Obedientiæ ratio sola sit Dei autoritas voluntasque, nemo Orthodoxus negabit. Secundò, Quòd de Obedientia loquantur homini præstanda, quamvis non ea imperet quæ ipse à Deo acceperit; sed si suos varios animi motus expresserit, sive seriò, sive joco & tentamenti causa. Tertiò, De Obedientia homini exhibenda, qui nullum imperandi jus habeat, nisi sponte ab ejus voluntate qui se ei subiciat: cum Magistratui tam Civili quàm Ecclesiastico morigeros nos reddere Scriptura Sacra passim præcipiat. Quartò, De Obedientia sic agunt, ut prudentiæ & discretionis locum nullum relinquunt, & discrimen nullum statuunt, aut inter homines supremi & infimi ordinis, aut inter homines & Deum ipsum: aded ut non tantum propter Deum obediendum sit, quæ ratio obtinet in omnibus legitimis dignitatibus; sed etiam eodem modo eodémque rigore homini obtemperandum quo Deo ipsi. Postremò, De Obedientia agunt ita cum bruta stupiditate conjuncta, ut rationis, & judicii, & inspectionis, & examinis omnes partes pessudent; de Obedientia, inquam, quæ unumquodque, sive licitum fuerit sive illicitum, sine discrimine absorbeat. Esto, sit Obedientia irra-

tionalis, ut Cusanus; esto *caca*, ut Ignatius; etsi aliud præcipiat quam debeat, etsi mandatum injustum videatur, *etsi injustum fuerit*, ut rursus Cusanus; etiam si nocivum fuerit, seipsum gerat ut pecudem; Aquinatis fortasse Bovem aut Asinam, imò ut stipitem, ut statuum, fortasse nè fidei, quam dixi, obedientia deesset carbonaria; denique ut corpus mortuum, sine sensu, sine voluntate, sine iudicio: non refert cognoscere, non oportet expendere, non oportet quicquam recusare; sed oportet credere, oportet submittere, & sine dubitatione peragere: & hac est rectissima, hac consummata, hac suis numeris expleta obedientia, ut rursus Ignatius. Ergo dicite, Auditores, annon hæc magna est ad insaniam proclivitas? annon ad incertitudinis præcipitium desperata & præproperea festinatio; ut vel in ambiguis subdubitare aliquid turpitudinis genus sit & inobedientiæ? At Scriptura Sacra nos sanctius instituit, ut ab illicitis caveamus, ut cæcis ducibus obsequio cæco non pareamus; adhuc, nè similes simus statuis artificis manu conflatis, adhuc, ut probemus spiritus, nec cuivis facile credamus, & ut exploremus omnia, & quod bonum est retineamus; adhuc, ut Deo nostro rationabile obsequium præstemus, Rom. 12. Aliter, quid laudis in Deum, quid utilitatis in nos ipsos redundabit? *ἢ ᾧ ἄλλως πιστεύω, καὶ μὴ ἐκείνῳ, τὶ κέρδιον ἔχω*, ut Theodoretus optimè: si credam sine iudicio, nec inquiram quid deceat, quid Deo gratum, quid veritati consonum, aut pietate dignum, quid commodi lucrabor? Postremò, Scriptura Sacra nos cohortatur, ut unusquisque in scientia animæ suæ confirmetur, Rom. 14. 5. *ἅ καὶ ἰδίᾳ τοῖς πληροφαιδῶν*, hoc est, in sententia & consilio suo plenissimè certus esto: rursus enim eam animæ partem significat per quam de rebus propositis & cognitis iudicamus; & *πληροφαιδῶν* plenam significat certitudinem veritatis. Sic in Luc. 1. Titus Bostrensis observat, cum Evangelista scripturum se dicat *ἔτι καὶ πρὸς πληροφαιδῶν*, significat hoc verbo, inquit Bostrensis, se ea literis commissurum, non qua incertè aliorum relatione didicerat, aut solà humanā fide acceperat; sed qua exploratè nōrat, perfectèque reipsa assecutus fuerat. Similiter & in eundem locum Lucas Brugenensis, *πληροφαιδῶν*q, si ad personam referatur, est ita certiozem de re aliqua fieri, ut nulla restet dubitatio; si ad rem, significat ita certis testimoniis esse comprobata, ut de ea ambigi non possit, nec ullis amplius opus sit probationibus. Significat rem plenissima fidei, certè creditam, & firmiter receptam, & prorsus certificata, seu, ut ita dicam, certiorata. Hæc Brugenensis. Conferamus hæc invicem, Ignatii & Cusani axiomata cum Scripturæ locis. Cavete ab illicitis, dicit Scriptura; Obtemperate, quamvis sit illicitum, Cusanus: *Caco obsequio cacos duces non sequimini*, Christus; *caca obedientia est perfectissima*, Ignatius: Nè sitis similes jumentis insipientibus aut statuis, Propheta; Seipsum gerat ut pecudem, ut statuum, Ignatius: *Præstate rationabile obsequium*, S. Paulus; *obedientia irrationalis est perfectissima*, Cusanus: *Explore omnia, & quod bonum est retinete*, Nè credite omni spiritui, sed probate spiritus, Apostolus; *Fussa examinare est arrogantia, non meretur nomen obedientia*, Ignatius: *Unusquisque confirmetur in scientia animi sui*, Apostolus; *Obedite sine inquisitione rationis, iudicium proprium nè habetote*, Cusanus & Ignatius. Quam bene conveniunt! Ecquis enim affirmabit his Scripturæ regulis aut Fidem implicitam aut Cæcam Obedientiam congruere? Ex Fide implicita aut Cæca Obedientia nemo certus esse potest, sed incertus animi & suspensus. Ex

Cæca

in Discrpt.
ascripsi Aitha-
naso, Tom. 2.

Cæca Obedientia aut Fide implicita spirituum exploratio, aut probatio doctrinarum non conficitur: quia exploratio nulla sine iudicio; iudicium absq; discretionem nullum; discretio in cæca, & irrationali, & implicita, aut fide aut obsequio, nulla. Cum igitur ista discretionem tollant, etiam & iudicium suffocant; & cum iudicium suffocent, etiam & explorationem amoluntur; & ubi exploratio nulla est, stultitia dominatur, & gradus summus præsumptæ, ut mollissimè loquar, Credulitatis. Hoc Propositionis specimen secundum, Quòd utrinque suos *Enpithios* reddant Pontificii, & in credendis & in agendis; & per consequens, quòd non est ala perniciores ulla, quàm ad hanc dignitatis altitudinem se evexerunt, quàm Credulitas populi. Et de secundo Demonstrationis sustentaculo fati.

Tertium hoc sit, Quæcunque religio fictis miraculis & ementitis revelationibus doctrinam suam nè decedat circumcingit, ea in Credulitate populi præsidii magnam partem collocat: Si Pontificii hoc faciunt, erit hoc tertium desperatæ causæ trophæum, à quo vix possunt salvo pudore discedere. Quid enim est aliud Credulitas, quàm rumoribus & figmentis hominum servas aures & vestigales præbere? Aut quæ miraculorum revelationumque quas jactant mater, nisi rumor & susurratio famæ? Et ipsis tamen familiare est, confictis hisce miraculorum revelationumque rumoribus non modò plebi stuporem incutere, ut avidius quicquid ipsi propinant deglutiant; sed & nobis etiam, quos purgatorum natium Adversarios ducunt, eadem in controversiis agitandis magnam animi fiduciâ obtrudere non erubescunt. Quòd si id genus fabulæ nudè tantummodo recitarent, non video quo se modo purgarent, at minus tamen esset: istud autem nequiquam ferendum, quòd nugæ has ad dogmata sua stabilienda producant. Nam largiamur hoc ipsis, quòd sæpius inculcant, eas pias fraudes fore ad faciendum populum, an putant ad viris doctis & rerum subsistentium sedulis indagatoribus satisfaciendum solida esse argumenta? Hoc igitur restat, ut videamus quàm usitatè hoc faciant, & nullo frontis aut mentis pudore. Et de Revelationibus primum, deinde de Miraculis.

Quod ad Revelationes attinet, vix esse me puto recensendo ad quot dogmata confirmanda eas sæpissime proferunt. Inprimis pro honore & sanctitate Missæ adducitur illud ex Petro Damiano, Epistolâ decimâ libri primi; Narrat Damianus, à Principe Beneventano visum Angelum quendam super caput Presbyteri cuiusdam qui lapsus esset in luxuriæ peccatum, aquæ spongiam exprimentem, & totum ejus corpus tergendò purgantem dum Missarum Solennia celebraret: expletis autem mysteriis, eadem spongiâ rursus compressâ, omnes sordes quæ prius erant absterisæ refundentem. Eja, fabula lepida, & Thuscis digna tabellis! Quare autem hoc? Nempe ut honor summus Missæ deferretur, nè putaret fortasse quis indignum Sacerdotem non conficere. Affine est illud apud Petrum Cluniacensem, lib. I. De Miraculis, cap. 24. pro summa dignitate Conciliorum. Affirmat Petrus, Guidonem Episcopum Gebennensem apparuisse cuidam Presbytero proficiscenti ad Synodum, & significasse, se precibus ejus Concilii eruendum à tormentis quæ post obitum suum passus esset: *Noverint autem, inquit, me ad agendam penitentiam Cluniacum iturum, & inde ad eandem peragendam Hierosolymanam transiturum.* O novum Theologis scrupulum, post mortem penitentiam agi; post mortem peregrinationes suscipi! Ipsi viderint. Quare autem hoc? Nimirum ut eadem fabulâ ad Conciliorum sanctitatem & Peregrinationum merita honor non exiguis accederet. His annexatur

tur illud Othonis Frisingensis, qui pro autoritate Romani Pontificis stabilienda ad Apparitiones confugit. Chron. lib. 7. cap. 32. *Legati, inquit, Armeniorum cum adessent Papa Missam celebranti in dedicatione Ecclesie B. Petri, viderunt splendida fulgore radium Solis super caput Papa coruscare, & in eo duas columbas ascendentes & descendentes. Hæc respicientes, divina prorsus putarunt, eoque promptius in sedis Romana obsequium iuverunt.* Neque absimile est illud quod Martinus Polonus, & Vincentius Bellovacensis de Benedicto octavo referunt, eum post mortem apparuisse Episcopo cuidam nigro equo vectum, & dixisse se malè quidem torqueri, non desperare autem de misericordia Dei si sibi adiutorium præberetur: itaque rogare se Joannem successorem suum, ut pauperibus distribueret certam pecuniam à se in theca quadam relictam. Sed quid ego istis immoror? Consultamus Bellarminum ipsum, quem saepius habemus hæc utentem militiâ, ut multis instantius patebit.

Instantia prima erit De potestate & valore Indulgentiarum; pro quibus argumentorum suorum caput quintum constituit in Revelationibus, lib. 1. De Indulgentiis, cap. 3. Verba ejus sunt, *Quintò probatur ex Divinis testimoniis revelationum. Sancta Brigitta, vidua sanctissima, ab ipso Christo non semel est admonita de indulgentiis maximis quæ sunt Roma: Et S. Franciscus Divinâ revelatione indulgentiam à Domino, & ab ejus Vicaria Romano Pontifice, obtinuit pro Ecclesia sanctæ Mariæ de Angelis: & lib. 2. cap. 20. addit, Per hanc historiam tria Catholica dogmata confirmantur, unum de Indulgentiis, alterum de Pontifice maximo, tertium de Confessione.* Hæc Instantia prima.

Secunda erit de Purgatorio: pro eo Bellarminus ex Apparitionibus disputat, lib. 1. De Purgatorio, cap. 11. *Quarta, inquit, ratio sumitur ab apparitionibus animarum, quæ se in Purgatorio esse renuntiaverunt: quas apparitiones cum viri gravissimi retulerint, non immeritò veras fuisse credimus; rideant licet Lutherus & Magdeburgenses. Sic anima Paschasi apparuit S. Germano Episcopo, & ejus precibus liberata est; & anima Vitalina Virginis precibus Sancti Martini, idque apparendo significavit. Sic B. Malachia defuncta ejus soror, cum adhuc in penis purgatoris esset, apparuit, & tandem frequenti Eucharistia oblatione liberata est. Mitto exempla reliqua, pro quibus authores producit Gregorium Magnum, Greg. Turonensem, Bedam, Bernardum, Anselmum. Consimile est illud quod de Benedicto octavo Baronius refert, Eum per speciem nocturnæ Visionis Joanni Portuensi Episcopo apparuisse, & se à Purgatorio liberandum beati Odilonis venerabilibus meritis significasse. Denique ejusdem farinae sunt illa omnia quæ à Coccio in Tomi primi lib. 5. Artic. 9. colliguntur, ut probet defunctorum animas viventibus aliquando apparere, & ignota quædam revelare; eadem fide quâ Romulum Senatores, cum ipsi eum de medio sustulissent, in coelum remeasse dicebant, & Julio Proculo augustiore formâ apparuisse, & ut pro numine se acciperent mandasse. Nam ista quis non videt quò tendant? viz. ut causæ miseræ vel quoquo modo suppetias ferant, fabulis, spectris, somniis: quæ si relegerit quispiam, non ipse sideratus, mirum ni absque Monitore statim imposturam olfecerit. Interea nulum est argumentum aut minus dignum Theologo, aut magis à veritatis tramite alienum, ut cuivis facile innotescet, si placeat ista Quatuor exinde observare.*

Inprimis, Quod improbatum à Deo ipso hæc veritatis à mortuis discendæ

discendæ ratio; Isa. 8. 19. *Nonne populus à Deo suo requireretur pro viventibus mortuus? Ad Legem & testimonium: & Luc. 16. Habent Moysen & Prophetas.* Deinde, Quod mortuorum Revelationes ad documentum nostrum Scriptura nullas exhibet, ætas Ecclesiæ Scripturis proxima nullas: ab ea autem ætate quod remotiora tempora fuere, eò maximè Apparitiones jactaverunt; & quidem modestius primò, postea laxatis frænis & refractis omnibus repagulis adeò turmatim irruerunt, ut cohiberi non possent. Tertio, Quod pro iis dogmatibus Apparitiones adducunt quæ paulatim obtrudebantur præter Scripturam: quimos nullus fuit in iis rebus quæ ex Scripturis sunt testatissimæ. Nam nemo unquam ut Trinitatem probaret, aut Incarnationem, aut Resurrectionem, aut similia, sollicitandam sibi putavit defunctorum quietem. Semel tantum Resurrectionis causâ septem dormientes somnati sunt, atque hi non mortui, sed tantum dormientes: pro Papæ Primatu, pro Indulgentiis, pro Purgatorio, vix ulla dies animabus redeuntibus vacavit: alioqui moturos se Inferos non crederem, nisi cum se Superos flexuros sperare desisissent.

Postremò observandum, Quod in ipsis narrationibus tam procul à communi sensu recedunt, ut neque veri neque verisimilis rationem ullam teneant: & tamen facillimæ fidei vir Bellarminus apertè dicere non erubescit, lib. 1. De Purgat. cap. 11. *Credendum esse eas veras fuisse, quia viri gravissimi resulerunt; & denuo, Non esse credibile tam sanctos viros aut decipere voluisse, aut ipsos deceptos fuisse.* Ain' verò, neque decepisse, neque deceptos, quia viros sanctos, quia viros gravissimos? At verò de iisdem Bellarmini testibus, Gregorio & Beda, Canus non dubitat utrumque pronuntiare, lib. 11. Loc. Theol. cap. 6. *Negare non possumus viros aliquando gravissimos, attende, gravissimos, in Divorum prodigiis describendis sparsos rumores excepisse, & sibi & vulgo nimium indulgisse.* Adhuc, *Signa nonnulla Sanctorum memoria prodiderunt sancti & eruditi viri, audin' Sancti & eruditi viri, non quod libenter credidissent, sed ne deesse fidelium votis viderentur.* Adhuc, *Caveat Theologus, ne sibi persuadeat omnia quæ magni auctores scripserunt undique esse perfecta: tum, Nominatim de Beda & Gregorio eadem dicere possum.* Hem, mulus mulum non fricat, sed calcat: *Credendum iis, inquit Bellarminus, quia sancti erant & gravissimi viri; Canus, Erant sancti & gravissimi viri, at levis fidei tamen: Credibile est neque deceptos, neque decepisse, Bellarminus; Sparsos rumores exceperunt, & sibi & vulgo nimium indulserunt; prodiderunt ea quæ non crediderunt, ne fidelium votis desissent, Canus.* Quanquam quid ego hac in re Canum opponerem? Potui pro Revelationum ejusmodi vanitate Pererium, Maldonatum, Delrio, Suarezium, Jesuitas omnes, loquentes inducere; sed Salmeronis uno aut altero loco contentus ero. Ille in 1 Joan. 1. in illa verba, *Charissimi, nolite credere omni spiritui, Disp. 25. apparitiones istas res lubricas fore & periculosas iis mediis demonstrat.* *Augustinus, inquit, lib. 10. Confessionum, misericorditer se esse liberatum asserit à curiositate Visionum & Signorum.* Deinde Bonaventura scribit, *toto conatu repellendam esse Visionem vel Revelationem orationibus, & corporis macerationibus, & increpatione suavis acri ac vehementi.* Porro, ex revelationibus Priscilla delusus Tertullianus, probare volebat animam esse corpoream. Denique Carthusiasta, & fanatici inter Anabaptistas, ac Welfendiani, negligentes Scripturas vehementer Apparitiones & Revelationes expetunt. Sunt hæc omnia Salmeronis: quibus consentaneum est &

illud Roffensis, cap. 1. con. captivitatem Babylonicam Lutheri, *Revelationes ejusmodi plerumque fallere, plerumque à malo Spiritu prodire*: quibus non video quid melius aut aptius regeri possit contra illud Bellarmini, *Credibile est, Credendum est*. Propterea in istis claudatur hæc prima pars, de Credulitate Revelationum, disputationis. Ex ea verò aditus apertissimus patet ad alteram, de Miraculis; cum in istis non minimum suorum dogmatum robur statuunt Pontificii, solentque ex istis sæpius quam ex Apparitionibus argumenta confingere. Atque nè aut frustra, aut levem ob causam accusare eos videar in re tanti momenti, excerptam nonnulla exempla breviter ex iis quæ sparsim ad intuitum publicum obtulerunt in diversis fidei controversiis.

Caput primum erit, de Paparum dignitate, pro qua confirmanda recitantur nonnulla à Platina, Luitprando, Polono. Luitprandus, lib. 1. cap. 8. de Formoso Papa, quem pessimè Sergius tertius tractaverat mortuum, (nam & ejus Acta resciderat, & corpus sepulchro detractum capitæque truncatum in Tiberim projecerat; de Formoso, inquam) sic scribit; *Quanta autoritatis quantaque religionis Papa Formosus fuerit, hinc colligere possumus, quoniam dum à piscatoribus postmodum esset inventus, atque ad Sancti Petri Ecclesiam deportatus, ecce cum Sanctorum quendam imagines in loculo positum venerabiliter salutarunt: & hoc à religiosissimis Romanae urbis viris persæpe audiui*. Hæc Luitprandus de Formoso. De Leone quarto Platina, tantæ eum sanctitatis fuisse, ut & basiliscum serpentem è fornice S. Luciae virginis expulerit; & incendium magnum, quod diu per domos Saxonum & Longobardorum vagatum, Divi Petri Basilicæ tandem appropinquabat, signo Crucis extinxit. De Joanne vigesimo Polonus, quod cum eum ægrotantem Cardinales multi dignum esse negabant qui in Ecclesia S. Petri sepeliretur, ob multas cædes quibus sacerdotium foedasset: hoc Papa audiens, *Cum mortuus fuero, inquit, corpus meum ante fores Ecclesie sistite, januas seris & vetitibus obfirmate, & si voluntate Divinâ porta se pandant, corpus meum inferte, sin minus, facitote prout vobis visum fuerit*. Attendite, factum ut jussit; turbo Divinitus non solum portas aperuit, sed etiam magno fragore usque ad parietem eas deportavit. Elegantissimè hæc pro suorum honore Pontificum magnâ calami fiducia jactitant, qui certè vereor nè jam pridem periisset, nisi miraculis istis fuisset commendatus. Quod si hæc Romæ facta, velut in Palatio Susan, in reliquis Papatûs provinciis quid putas perpetratum? Equidem inaudita, stupenda. Sed mihi non vacat ea calamo describere, nè videar historiam texere: satis erit eorum Capita digito indicasse. Est igitur

Caput secundum de Voto Obedientiæ. Pro eo stabiliendo ad Miracula se recipiunt Bellarminus & Coccius. Coccius lib. 4. To. 2. Art. 5. nonnulla recitat è Dorotheo, Simeone Metaphraste, Severo Sulpitio, & Gulielmo Averno. Bellarminus, lib. 2. de Monachis, cap. 21. ex Gregorio, Cassiano, & Sulpitio Severo. *Accedant, inquit, postremo miracula, quæ Deus ad confirmandam obedientiam Monasticam non rarè ostendit. Scribit Sulpitius Severus, Duo vobis referam incredibilis obedientia admodum magna miracula, & quæ sequuntur*. Illud optimè, quod dixit *Incredibilis*: nam Unus eorum quos recitat, jussu Abbatis, in clibanum ardentem absque noxa insiliit; Alter virgam aridam longè petita aquâ tamdiu irrigavit, donec tertio demum anno viresceret; Alter super aquas ad Abbatis imperium ambulavit. Quis credat? Hoc Caput secundum.

Tertium erit de Confessione Auriculari. Ex Miraculis ad eam promovendam

vendam Alanus Copus disputat, lib. 2. Dial. cap. 28. Atque insuper quartam rationem Bellarminus instituit, lib. 3. De Pœn. cap. 12. *Quarta, inquit, ratio peti potest ex Miraculis, quibus variis temporibus Deus testatus est veram esse fidem illam quam Ecclesia Catholica de Confessione habet.* Exempla profert, de Angelo, aut homine incognito nescio quo, qui visus est latronis cuiusdam peccata delere eo ordine quo ipse confitebatur, ex Joanne Climaco, de Josberto, viro nobili, qui linguæ usum amiserat, & S. Bernardi precibus ad loquendi facultatem redactus, in hoc ipsum ut peccata sua confiteretur, de aliis, ex Damiano, Cluniacensi, & Bonaventura. Sic nihil est tam absurdum cui firmando non suppetunt examina Miraculorum, neque fictas falsæque historias pro veris jactare erubescunt etiam tum cum de veritate agitur Confessionis. Hoc caput tertium.

Quartum erit de Transubstantiationis negotio: pro quo Baronius, To. 12. ad annum 1192. ex Helmodo Abbate, de Sacerdote quodam narrat, qui puellæ aegrotanti cum viaticum daret, ecce aqua in qua digiros lavit in sanguinem versa est, & in fundo vasis caro cruenta reperta. Sed parum hoc est ad illa à Bredenbachio, lib. 1. Sacrarum Collationum, & Galetio, in lib. De vera præsentia corporis Domini, & Roffensi, in Præfat. lib. 3. cont. Oecolampadium, & ipso Bellarmino conquesta: vix enim quicquam est ad Eucharistiæ vel partem aliquam spectans, quod non ostentat miraculis confirmatum. Pro verborum tacita submurmuratione, unum ex Sophronio profert, lib. 2. De Missa, cap. 12. Pro unius Speciei ritu, quatuor: unum ex Gulielmo Bernardi coartaneo, de Monacho qui panem deglutire non potuit, ex Alensi alterum, de patinæ concavo sanguine profluente ex ipsa hostia repleto, cum Monachi quidam utramque Speciem postulassent, de sanguine ex fractione panis manante, tertium, ex Surio, de pane in lapidem converso, ex Sozomeno, quartum. Hæc omnia in lib. 4. De Sacram. Eucharistiæ, cap. 21, & 24. Postremò, pro corporali præsentia, novem: de pane in carnem converso, ex Paulo Diacono primum, lib. 2. De Sacram. Eucharistiæ, cap. 32. alterum è S. Bernardo, cap. 37. ex Bredenbachio, Waldensi & aliis, septem, lib. 3. cap. 9. inter quæ unum est imprimis observandum, quod ab Antonio de Padua descripsit, de jumento famelico, cui cum ad convincendum hæreticum ab Antonio objectum esset hinc hordeum, inde hostia consecrata, & Antonius dixisset, *In nomine Creatoris tibi præcipio, animal, ut confestim venias, & hostiam reverenter accipias*; hem, dictum factum, jumentum hordeo neglecto ad hostiam accurrit, caput inclinat, curvat genua, suo modo, adorat, & sic hæreticum refutavit. Plaudite, Bellarminus recensuit, hæc veritatis præfatione præpositâ, *Confirmatur hæc doctrina à miraculis, qualia hæretici nec à Deo nec à damone extorquere possunt.* Hoc Caput quartum.

Postremum erit de Reliquiis & Imaginibus Sanctorum. Pro Reliquiis miracula multa colligit Franc. Lucas Castellinus in Elucidario Theologico, cap. 7. puncto tertio, nec non quarto & quinto. Bellarm. etiam lib. 2. De Reliquiis Sanctorum, cap. 3. *Cultus, inquit, earum probatur ex miraculis factis ad reliquias, quæ certè non fierent, si Deo cultus earum non placeret.* Pro cultu autem Imaginum quamplurima congerit, lib. 2. De Imaginibus Sanctorum, cap. 12. & pro signo Crucis, cap. 28. *Miracula, inquit, sine numero per Crucis figuram effecta referri possunt.* Hoc caput ultimum: quanquam possunt & istis adjici illa quæ in lib. 2. De Sacram. Confirmationis, cap. 6. excerpt, ad Chrismatitis Sacramentum roborandum,

borandum; & illa etiam quæ ex Theodoro, Ambrosio, Gregorio, Augustino aliisque adducit, ut probet, hoc modo Sanctos testatos esse se preces viventium audire, ac posse & velle juvare. Quæ omnia præterquam quoddam iniquum est ea præter authorum mentem & sententiam ad sua heterodoxa dogmata à Papistis contorqueri, etiam & illud est iniquissimum, quoddam nullum statuunt miraculorum fingendorum modum; vix enim locus ullus est ubi non jactantur dæmoniaci liberati, sanati claudi, quid non? nam & isti se omnem movere lapidem posse putant. Hæc argumentorum pars magna quæ aditum faciunt universo Orbi dementando; hæc religionis pars major, quæ si nos agi patiamur, haud erit quo à brutis & fungis ditemus; hæc imposturæ pars maxima, tam frugifera ut miraculorum plus ferè sit quam muscarum. Hei mihi, quid superat prædò est: Hæc seges maximi Historicorum, Vincentii Bellouacensis, Jacobi de Voragine, Petri de Natalibus, hæc Commentatorum, præcipuè Cornelii à Lapide; hæc Postillatorum, imprimis Bernardini Senensis; hæc Sermonariorum ad pascendam plebem mensa destinata: nam rarò Concionatorem invenias, cujus loquentis ad populum non sunt hæc partes præcipuæ, ut magno miraculorum sonitu patulas simplicium aures verberet atque attonitas dimittat. Ut quod de nobilibus mulieribus Juvenalis, Sat. 6.

Instantem regi Armenio Parthoque Cometen

Prima videt, famam, rumoréque illa recentes

Excipit ad portas: quosdam facit esse Niphatem

In populos, magnoque illic cuncta arva teneri

Diluvio, nutare urbes, subsidere terras,

Quocunque in trivio cuicumque est obvia narrat:

& quod de mercatoribus Atheniensibus Lysias, Orat. 21. qui ut annonam flagellarent cariusque venderent, falsa quædam comminisci solebant, & in vulgus spargere, aut naves in Ponto periisse, aut à Lacedæmoniis esse captas, aut Emporia esse clausa: haud aliter ipsi, ut annonam, imò ut zizania sua vendant, quocunque sub axi miracula confingunt; & tamen longè infrequentiora sunt in hoc Orbe miracula quam in illo altero quem *Novum* appellant, ibi vix tussunt, aut rulant, aut sterunt Jesuitæ sine insigni aliquo miraculo, quasi vix essent Prophetæ in patria. Sed quorsum Orbem universum percurro? Recolamus in honorem martyrii Jesuitici Garneti spicam ab Eudæmone Joanne celebratam, & in externas regiones, sanctarum instar reliquiarum, deportatam; fortasse nè obedientiæ irrationali, & fidei carbonariæ, & subterraneis apparitionibus straminea quoque miracula deessent. Tacuissem, si reliqua in quibus gloriantur melioris notæ putarem: nam & istis omnibus merito æquiparare possumus quod, ni fallor, Tacitus de Vespasiano scribit, eum lumen cæco, gressumque claudò restituisse; & quod Val. Maximus de Virgine Vestali cribro aquam hauriente; & quod de Augure quodam Cicero, qui novaculâ cotem abscidir: nam & ipsos Pontificios, si quos alios, meruisse in hac parte existimo qui cotis præmium reportarent. Quapropter in illos Augustini illud contra Donatistas rectissime vibremus, paululum mutatis vocabulis, *Qui istis fictis prodigiis abutitur ad doctrinæ fidei confirmationem, magnum est ipse prodigium.* Et enim concedatur, quod non inviti facimus, non omnia miracula à Veteribus descripta figmenta fuisse: at multa sunt quæ ipsius verisimilitudinis limites transvolant, neque se inter fuisse aut scivisse authores dicunt, sed tantum audivisse. Sed esto, sint verissima: at non sunt in argumenta dogmatum detortis

detortis interpretationibus trahenda. Esto miracula multa Deum per imagines, per Sanctorum reliquias operatum esse: num igitur sequitur Imagines aut Sanctorum reliquias esse adorandas? Esto extinxisse incendium Leonem quartum, aut super alterius Papæ caput fulgorem coelestem coruscasse: num idcirco singuli pro indubitatis fidei Judiciis habendi? Quod si aliunde satis sit argumentorum, cur ad miracula fugiunt & revelationes? Aut si miraculis Veterum sit aliqua autoritas fidésque tribuenda, cur suis & nuperis nos onerant, quæ Monachi gerulifiguli non nuntiant tantum, sed fingunt? Adepot quicquid de illis alteris dicatur, de istis nuperis dici potest quod Melchior Canus, homo ad credendum segnior, de *Legenda Aurea*, lib. 11, cap. 6. *In illo libro*, inquit, *miraculorum monstra sapins quam vera miracula legas. Qui eum scripsit, homo erat ferrei oris, plumbei cordis, animique parum severi & prudentis.* Hæc Canus. Neque aliud sentire possibile est è Papiis nasutiores: sin minùs, quid rei est quod non audeant pro veris astruere, cum ad rationem reddendam vocantur? Opinor, quod satis norunt istis aranearum telis vix capi posse nisi stupida & exilia ingenia. Certè nos non invidemus eis hunc Miraculorum tumultum, sed libenter concedimus ut sint ista miracula istius Ecclesiæ nota aut decima, ut Bristous, aut cum Bellarmino undecima, vel, si placeat, centesima tandem. Sed mirari satis non possumus adeò istis auditivularum spectris fascinosos viros doctos, ut ad probanda sanctissima fidei dogmata tam fide levi divulgata quæque ex rumoris aura famæque serinio arripiant, quam tamen tam ficti tenacem norunt quam veri nuntiam. Summa est, si hanc sibi licentiam indultam velint, ut & ficta pro veris venditent, & ex fictis atque ementitis copias suas Theologicas instruant: æquum est ut & nobis hanc saltem libertatem vicissim rependant, ut quod res est liberè dicamus, Religionem Pontificiam non super firmitudinis petram, sed super arenam Credulitatis esse superstructam: & dogmatum multorum tegulas super Miracula & Revelationes, quæ ultima; & doctrinæ disciplinæque parietes super Cæcam obedientiam Fidémque implicitam, quæ media; & totam fabricam super labilem lubricamque Papæ & Doctorum sententiam, quæ prima pars Demonstrationis nostræ: & hæc idcirco, quia in Miraculis & Revelationibus nihil est iudicii certi, in Fide & Obedientia cæca nihil iudicii proprii, in humana sententia nihil iudicii supremi & infallibilis, adeoque nihil quod firmum Fidei principium sit, sed solius Credulitatis. Hæc Demonstratio tertia Regulæ quintæ; Quod ex his dictis Veterum tremulis Pontificii disputent, & in hoc paludoso Credulitatis solo fundamenta suæ religionis jacent; quod solum si auferretur, tota domus suis sedibus convulsa in profundum præceps est ruitura. Hactenus de quinto distinguendi Modo, in quo præsentium laborum meta est statuenda, quæ sola erit hujus tædii Apologia: neque enim de vobis dubitare possum, quin quod in meam gratiam, pro candore vestro, hanc temporis postremi excusationem libentissimè estis admissuri.

LECTIO XLIV.

A *Novorum veterumque* consortio ad Sanctorum Patrum hospitium quo pacto instituti nostri ratio diverterit, vix quenquam vestrum latere posse existimo, Auditores. In tradendis Regulis cura prima erat collocata, quarum adminiculo possimus è reconditis Veterum scriptis pulchriora quæque vel ad usum nostrum facilius haurire, vel ad veritatis vindicias commodius transferre: & quidem ex quinque destinatis Regulis quatuor jamdudum vobis expedivimus. In distinguendis loquendi formulis quæ ubique non sunt uniusmodi & simplices, sed sæpe dispares & multiformes, defixa est cura proxima, idque tam effuso studio, ut ad sex distinguendi Modos eventilandos tot dies integri vix sufficerent; neque hujus me tardii poenitet, si vobis non injucundum fuerit. Libenter patior in Argumenti nobilis medio tam necessario diutius hærere calamum: cum vix quicquam sciam quod magis spectet ad thematis alicujus vel investigationem, vel perspicuitatem, vel etiam ornatum, quam rerum singularum concinnè facta distinctio. Hoc non à Philosophis modò observatum in flexuosis artium scientiarumque semitis delineandis, sed ab ipso rerum omnium Conditor, quando prima posuit infantiae mundi fundamenta. Post definitiones rerum distributionem aliquam legimus eum unoquoque die fecisse; & naturas singulas non minùs distinguendo quam creando formasse: prorsus quasi omnia creando distinctisset, & distinguendo creasset. Non opus est ut altiùs repetam, quod neminem fugit, quam politè singula in propriis sedibus prudens Opifex disposuit; ut nulla dies esset quæ non aliquà distinctionis notâ enitesceret. Etenim & lumen à tenebris divisit, & lumen à lumine, & aquas ab arida, & aquas ab aquis, & dies à noctibus, & dies à diebus: & nè quid indistinctum superesset, & contraria à contrariis divisit, & similia à similibus; dum animantia universa tam pulchrè in certos ordines sejunxit, ut ad proprias classes singula se statim reciperent, quadrupedes ad suas, volatilia ad suas, reptilia ad suas: scilicet, nè quis putaret ad ornatum & perfectionem suam aliter deduci mundum posse, quam singula à singulis distinguendo. Quod si hanc *omnigeniam* in prima aurora temporum, quando nihil implicatum aut tortuosum fuerat, supremus ordinis Administrator tam religiosè servaverit, idque in æternam Divinæ sapientiæ laudem meritissimè cesserit: non est quòd ego nunc reprehensionis morsum metuam, qui ad proventum in Sanctorum Patrum libris faciendum sex distinguendi Modos, paulò longiùs quam volui, in hexaemeron usque prolataverim; præsertim cum via sit perplexa, & dissimilibus loquendi formulis intertexta. Sunt enim quædam dicta Patrum obscura & caliginosa, figurarum involutis testâ, clariora alia, atque lucis instar micantia. Huc pertinet prima Distinctio, ut Figuratè dicta secernantur à propriis & Dogmaticis: hoc primæ diei opus, Divisio lucis à tenebris. Deinde sunt quædam dicta fluida & lubrica, & nubium in morem ambigüe pendenda; certiora alia, & instar terræ immobilia. Huc Distinctio secunda est referenda, ut Dubitatè dicta disjungantur ab Assertoriis & firmis: & hoc secundæ diei opus, *Congregentur aqua ut appareat arida*. Rursus, sunc

sunt quædam obiter, & quasi ex improvise obrepentia; quædam signanter & ex professo dicta. Istis Distinctio tertia est adaptanda, ut surreptitia & in transcurso dicta iis cedant quæ deliberatius dicuntur. Rursus, sunt quædam dicta volatica, præsumptis aliorum sententiis innixa, & rumusculorum pennis elata; alia ex certa sua scientia pensiculiùs examinata, & exploratius cognita. Ad hæc Distinctio quarta erit necessaria, ut quæ ex Credulitate nimia & alata fide hominum Patres dixerint ab exploratis & cognitis separentur, horumque magisterio subiciantur. Adhuc, sunt quædam humanum ingenium redolentia, quæ ex impetu mentis & ardore disputationis ipsis excidisse constat; at alia iudicio magis sobrio, velut ex tranquillæ mentis Sabbatissimo, Diviniore spiritu pronuntiarunt. Et istis Distinctio quinta est adaptanda, ut ea quæ calente animo ex præiudicio aliquo dixerint cum iis quæ pacatiore mente scripserunt conferamus; & ab istis ad hæc altera provocemus. Postremo, sunt quædam dicta discordia secumque pugnantia; quædam constanter prolata, unoque iudicii tenore: quæ utraque ad hodierni examinis trutinam sunt revocanda. Nam de quinque prioribus modis fusiùs est disputatum, & singuli ad suos exitus perducti: de figuratè dicta discernendo à dogmaticis; & obiter dicta à constitutis; & contentionis impetu elapsa à consultiorebus; & dubitativè pronuntiata ab apertis & Categoricis; & nimia facilitate concedita à scitis & exploratis. Usque ad hanc lineam decursum est, ultra non potui sermonem protollere. Quocirca nunc tandem redintegrato cursu, ad ultimum distinguendi Modum accedendum est, ut de iis videamus quæ vel constanter, vel repugnanter Patres locuti sunt. Hæc, inquam, Distinctio sexta: hinc Inquisitio sexta. An ex discrepante dictis firmitatis spectatè testimonium peti possit: hinc Regula sexta,

Quotiescunque contigerit ut ad sententias Patrum dogmatis alicujus definitio est dirigenda, oportet sedulo exquirere, Utrum & una omnium, & constantissima singulorum mens fuerit; hoc est, an firmi proposito steterint, an non magis varii erant, aut à se invicem, aut à seipsis: quia illa sola pro placitis & decretis Patrum habenda sunt in quibus sibi consentanei fuerant, non facto uspiam à sententia sua recessu. Ut plenius Regula teneatur, disquisitionem ipsius ad duas istas Quæstiones revocabimus. An si reperiuntur aliquando apud Patres ejusmodi contraria & secum digladiantia dogmata, firmitatem habeant in causa veritatis; hæc Prima. Quæ via tutissima præfiniri potest inter hos contrarietatum anfractus ambulanti, nè à Fide Orthodoxa imprudens declinaret; hæc Quæstio secunda. In istis duabus Distinctionis hujus medulla vertitur, vel magis anima ipsa. Ego pertentabo aliquid in ambabus partibus; ut si non exquisitas dederò, efficiam saltem nè quis dixerit eas non inquisitas fuisse.

De veritate Assertionis est Quæstio prima, An solida & legitima sit assertio, reperiri in Patrum scriptis ejusmodi contraria & secum rixantia dogmata; ita ut non modò alii aliis, sed ipsi sibi quandoque contradicant, dum in uno loco aiunt quod in alio priùs negarunt, & vice versà. De qua si liberè quod sentio dicerem, quæstionem doctis ingratam auribus fore consistendum offeret, & fortasse subdolosam, & prætereundam magis quàm refutandam, nè Capita tam veneranda inter se committere videamur: sed quoniam res ipsa efflagitat, cumque ipsos Pontificios habeamus in hac parte non testes modò, sed Patrum delatores; age, Papiſtas introducamus loquentes, ut audiamus saltem quæ ipsorum sit de hac quæstione sententia;

tentia; hæcque nostra sit excusatio, quòd in argumento importuno ex ipsorum apparatu suppellectilem nostram mutamur.

De primo quæstionis membro, Quòd sibiipsis Patres in aliquibus contrariantur, testes duos solummodo produco, Bellarminum & Alphonsum; illum in Ambrosium, utrumque adversus Hieronymum censorium supercilium distringentem. De Ambrosio locus est Bellarmini, lib. 1. De Baptismo, cap. 3. existimasse Ambrosium, lib. 1. De Spiritu Sancto, cap. 3. ratum esse Baptisma in nomine Christi exhibitum, licet de Patre & Spiritu Sancto taceatur; quia, inquit Ambrosius, quod verbo taceatur, exprimitur fide: at in cap. 40. 1. De iis qui mysteriis initiantur, dixisse contrarium, Tres testes in Baptismate unum sunt, quia si unum horum detrahas, non stat Baptismatis Sacramentum. Pariter & de Hieronymo Bellarmini hæc sunt verba, lib. 3. De Rom. Pontif. c. 6. sect. 5. Cum nostri ex Hieronymo disputant, locum illum Malachiae 4. de missione Heliae prophetæ non posse de Heliae persona intelligi; hæc est Bellarmini responsio: *Ad Hieronymum dico, cum es in commentario Malachiae non putavit Malachiam loqui de vero Elia, tamen in commentario Matthaei contrarium sentire ac docere.* Hæc Bellarminus. Similiter & Alphonfus à Castro, lib. 6. Adversus Hæreses, Tit. Episcopus, sub finem tituli, haud absimilem contradictionem in eodem Hieronymo animadvertit: quòd super Epistolam ad Titum, c. 1. idem esse asserat Episcopum & Presbyterum; at in fine Epistolæ ad Euagrium contrarium doceat, *Episcopos & Presbyteros in Novo Testamento idem esse quod Aaron & filii ejus in Veteri.* Ex quibus verbis patet, inquit Alphonfus, B. Hieronymum sibiipsi in hac parte minimùm constare; quia si hoc est in Ecclesia Episcopus quod in Legge Veteri Aaron, & hoc Presbyteri quod filii Aaron, convincitur inde, quòd ex ipsa institutione Divina Episcopus sit quovis Presbytero major; quoniam Aaronis Sacerdotium majus erat quàm filiorum ejus. Hæc Alphonfus de Hieronymo. De S. Augustino potui idem ostendere, qui ingenuè de se proficitur, l. 2. De bono perseverantiæ, c. 21. *se non seipsum secutum esse in omnibus.* Potui & de aliis; sed honoris gratiâ intermitto, ut istis solis adhaream quæ Pontificii evulgarunt: si hoc unum prius inter eundem cursum monuero, quòd in forensibus sanctum est, & in Theologicis debet esse sanctissimum, *Testem pugnantiā dicentem fidem non facere;* & rursus, *Testem non debere admitti si sibiipsi contradicat.* In promptu est ratio; quia cum veritatis natura una est & simplex, in contrarietatibus existere non potest, sed ex una parte subesse falsum necesse est ubi contraria dicuntur. Atque de primo hætenus, cum de eo parcius loquantur Pontificii, Quòd Patres ipsi sibi;

De secundo verò diu multumque scriptitarunt, Quòd ali aliis soleant contradicere; idque non modò in dogmatibus, sed in locorum Sacræ Scripturæ interpretationibus. Examinemus utrinque, & in utraq; parte calculos suos ponamus. De Interpretationibus, pro reliquis sufficiant Bellarmini spicilegia. Locus primus erit ex l. 5. De Grat. & lib. Arbitrio, c. 2. in illa verba S. Pauli ad Rom. 2. 14. *Gentes naturaliter quæ Legi sunt faciunt. Dna sunt,* inquit, *hujus loci explicationes à Veteribus indicata: una eorum qui referunt hæc verba ad Christianos ex Gentibus conversos, scil. Origenis, Ambrosii, Augustini, Fulgentii; altera communior & verior, Chrysostomi, Theodoretii, Theophylacti, Occumenii, Cypriani, Hieronymi, qui dicunt hæc de gentibus qui Christum ignorabant esse intelligenda.* Secundus est ex libro De Ecclesia milit. c. 4. Art. 11. in illa verba à Tim. 2. 20. *In magna domo sunt vasa aurea & argentea, & lignea & fictilia.* Respondeo, inquit Bellarminus, *varias hic esse Veterum expositiones: nam per vasa lignea & fictilia Cyprianus intelligit infirmos fideles, Augustinus & Ambrosius hæreticos; & no-*
mine

mine Domus Latini Patres Ecclesiam, Græci non Ecclesiam sed mundum. Tertius est ex l. 1. de Rom. Pont. c. 12. in illa verba, Matth. 18. 18. *Quæcunque ligaveritis super terram, erunt ligata in cælo, &c.* Una est expositio Origenis, inquit Bellarminus, qui contendit, non tradi hoc loco Ecclesiasticam potestatem, sed correptionem fraternam; hæc non est valde probabilis: Alia est expositio Theophylacti, qui ad eos verba refert qui injuriam patiuntur, qui tunc ligant quando injuriam retinent, tunc solvunt quando remittunt; hæc non est usque adeo vera: Tertia Hilarii, Hieronymi, Augustini, Anselmi, qui loqui Dominum dicunt de potestate clavium, quæ ligantur vel absolvuntur peccatores. Quartus ex l. 4. De Sacramento Eucharistiæ, c. 10. f. 9. in illa verba Salvatoris, NON BIBAM DE HOC GENIMINE VITIS, DONEC ILLUD BIBAM NOVUM IN REGNO DEI. Non obstat, inquit, quod aliqui Patres ea verba de calice Eucharistiæ exposuerunt: nam alii, qui magis ex professo rem tractarunt, contrarium docuerunt. Postremus est ex l. 1. De Pontif. c. 16. in illa verba Gal. 2. 14. ubi Paulus dicit se Petro in faciem rexitisse: Scio, inquit Bellarminus, Clem. Alexandr. non Petrum Apostolum, sed quemdam alium à Paulo reprehensum dicere; scio etiam Hieronymum & alios multos existimare, non verè, sed simulatorie Petrum reprehensum: sed probabilior est Augustini sententia, eum seriò fuisse reprehensum. Sexcenta ejusmodi, & quidem ex uno Bellarmino, produci possunt: sed ista satis esse puto ad demonstrandum, Quod in Sacræ Paginæ interpretatione Veteres Veteribus sæpe è transverso stabant; nunc unus uni, nunc unus pluribus, nunc plures pluribus; & ideo pro certa interpretandi regula statui non possunt. Ratio, quia inter contrarias regulas discentis animus non modò dubius relinquitur, sed attronitus, & à se divisus, quid faciat, quò inelinet nescius: Si sequor Augustinum, contraria docet Chrysostomus; si Chrysostomum, aliò vocat Ambrosius; si universos, Cyprianus & Hieronymus se interponunt. An erit certitudo regulæ ubi rexitudo desideratur? An rexitudo erit ubi contrarietas intercurrit? Quod si objiciant, levioris momenti loca ista Scripturæ fore, atque dissentire Patres inter se, non litigare, inane est & irritum, cum nemo ignoret quàm vehemens erat & contentio & dissensio Hieronymi & Augustini de unico istorum locorum, qui est de reprehensione Petri à Paulo. Et præterea, nemo non occæcatus non videt quod ex istis locis singulis maximæ fidei controversiæ pendeant. Nam ex illo ad Rom. 2. Pontificii disputant pro bonis operibus infidelium, quia Gentes quæ Legis sunt faciunt: & ex illis alteris, Matth. 18. & Galat. 2. nostri non minùs acriter Primatum Petri impugnant; & quia Petrus non fuit ἀντιπρόσωπος, cum Paulus ei in faciem resisteret; & quia cæteri eadem potestate imbuti erant quæ Petrus, cum Christus omnibus dixerit, Amen dico vobis; quæcunque ligaveritis, &c. Quod si adhuc opponant, se non particularem aliquorum, sed communem omnium Patrum unanimemque intelligentiam pro interpretandi regula statuere: non magis exinde proficiunt; tum quia paucissimi sunt præsertim ex locis controversis pro quibus adduci potest Veterum unanimis consensus; tum quod & ipsi interdum profitentur discedere se debere à consensu Veterum, & sapicule etiam discedunt. De aperta professione audiamus Cajetanum, in Gen. 1. Nemo detestetur novum Scriptura sensum ex hoc quod dissonat à priscis Doctoribus, quamvis sit à torrente Sacrorum Doctorum alienus; non enim alligavit Deus expositionem Scripturarum priscis Doctoribus. De apertissima praxi videamus reliquos; non enim est infrequentia. Sic Bellarm. De Pontif. l. 3. c. 12. discedit à consensu multorum Veterum in explicando illo Genes. 49. Dan coluber in via. Sic Valsesius in 3^{am} Thomæ, disp. 146. c. 3. in explicando illo ad Heb. 6. Impossibile est

M in

eos

eos qui semel illuminati sunt, & prolapsi sunt, rursus renovari ad penitentiam. Sic Did. Stella, in Luc. 10. 21. super verbum CONFITEOR; *Omnes Sancti Doctores sic, ego autem aliter: nam Pygmaei Gigantum humeris impositi plus vident quam ipsi Gigantes.* Supra omnes verò Maldonatus Jesuita, cui nihil solennius quam unanimem Patrum expositionem elevare, & omnibus contraire. In commentario super Matth. 16. 18. in ea verba, NON PRÆVALEBUNT, &c. *Horum verborum non mihi videtur esse sensus quem omnes, præter Hilarium, quos legisse memini authores putant: & verl. 19. in ea verba, QUODCUNQUE SOLVERIS SUPER TERRAM, ERIT SOLUTUM IN COELIS, Non ego sic Petro dictum ut aliis Apostolis interpretor; etsi video omnes authores præter Origenem in eadem fuisse sententia: & præterea in locis innumeris. Rationem reddit, in verl. 12. Evangelii Joannis, c. 3. Fateor me præter voluntatem meam in novam interpretationem rationibus majoribus compelli: perinde ac viro bono in animo fuisset unanimem Patrum interpretationem non rejicere, nisi præter voluntatem suam, & quasi invitò, & non nisi majoribus rationibus impulso. At hoc quàm falsum sit, patet ex plurimis istius libri sectionibus, in quibus passim legere est hæc verba, Ego sic arbitror; Ego sic intelligo; Non assentior iis; Malo ego credere; In nullo eorū acquiesco; Arrogantius non est à tot tamque gravibus authoribus dissentire. Nempe non erat in causa major ratio, sed major invidia, vel ipso se iudicè, in Joannis 6. 62. ad verba illa, QUID SI VIDERITIS FILIUM HOMINIS ASCENDENTEM UBI ERAT PRIUS? Contra Patres inquit, *Non nego me hujus interpretationis authorem neminem habere: sed hanc eò magis probo quàm illam Augustini & cæterorum, alioqui probabilissimam, quòd hæc cum Calvinistarum sensu magis pugnet, quod mihi magnum est probabilitatis argumentum.* Egregiam verò pietatis laudem, quæ à Patrum sententia dissentire cupit tantum in odium Protestantium! An hoc est invitum trahi? an hoc, rationibus majoribus compelli, contra probabilitatem, contra communem consensum, idcirco Patribus adversari, ut Protestantibus adversetur? Non amplius jam in Patrum consensu gloriantur, cum & ipsi consensum deferant; & inter Patres non reperiant, quando interpretum munere funguntur. De Patrum in interpretandis Scripturis repugnantia abunde.*

Idipsum nunc demonstrandum in Dogmaticis; nam in his non minùs eos dissentientes habemus: cujus iterum locupletissimùs testis est Bellarminus, in libris potissimùm De Sacram. Baptismi, De Rom. Pontifice, & De verbo Dei. In l. 1. De Baptismo, c. 3. ostendit, Ambrosium, Bedam, Bernardum, Hugonem statuisse, *in forma Baptismi denominationem unius tantum persona sufficere: at contrà, Dionysium, Justinum, Origenem, Athanasium, Basilium, Didymum, Nyssenum, Chrysostomum, Nazianzenum, Damascenum, Theophylactum, Tertullianum, Cyprianum, Hieronymum, Augustinum, Fulgentium, Leonem, Gregorium, Non esse ratum Baptismum nisi tres exprimentur persona.* In l. 1. De Pontifice testatur, *Patres Græcos peccatum in facto Petri agnovisse, ob quod reprehensus est à Paulo: contrarium verò tenere plerisque Latinorum.* In l. 1. De Verbo Dei, c. 7. affirmat, *Melitonem, Athanasium, Nazianzenum, librum Esther extra Canonem posuisse; at reliquos omnes de Divina ejus autoritate consentire: & c. 19. Patres Græcos de Apocalypsi dubitasse, contra communem consensum Latinorum; & Latinos de Epistola ad Hebræos, contra Græcorum communem sententiam: & l. 2. c. 6. Hieronymi sententiam fuisse, LXX Interpretes in versione sua in quibusdam errasse; at Justinum, Irenæum & reliquos alterius sententia fuisse. Denique & istis possunt atteri & alia id genus non pauca: Quod Hilarinus Judam dicere cum reliquis Apostolis non sumpsisse Eucharistiam, neque Sacramenti distributioni*

nioni interfuisse; cum Augustinus & plerique alii in adversum ferantur. Quod Origenes, Tertullianus, Ambrosius statuunt, Christum aperto matris utero more aliorum infantium natum esse; cum à Patribus plurimi refragentur. Quod Iustinus, Irenæus, Chrysostomus, Cyrillus, Epiphanius, Athanasius, Theodoretus, Cyprianus, Tertullianus, Ambrosius, Hieronymus, Circumcisionis vim nullam aliam fuisse docuerunt, nisi distinguendi Israelitis à gentibus: verum Augustinus, & cum secuti Gregorius, Beda, Rupertus, Hugo, valuisse eam docent adversus peccatum Originis, sicut nunc Baptismus. Sed quid ego singula meditor recensere, cum una aut altera contrarietas testimonii auctoritatem minuat, nè pro certissimo habeatur: vel illa juris Axiomata argumento esse possint, *Testes contrarii non valent; Testibus inter se repugnantibus absolute & simpliciter non adhibetur fides.* Quod ipsam de Patribus verbis aliis Bellarminus non dubitat prædicare, l. 4. De Sacramentis, c. 10. sect. 9. *Non possumus, inquit, ex Patrum sententiis aliquid certi colligere, quando inter se non conveniunt;* & lib. 4. De verbo Dei, cap. 11. sect. 12. *Ex consuetudinibus contrariis nihil certi statui potest.* Quod si nulla ab ipsis trahatur definiendi certitudo cum non conveniant, equidem non maximam & potissimam certitudinem suppeditabant etiam si conveniant; & quia potuerunt non convenisse, & quia paucissima sunt dogmata nunc controversa in quibus junctim omnes conveniunt. Propterea videant Adversarii ex his quomodo se laqueis exuant. Certè ego non capio quâ vi aut quibus artibus se possunt explicare, quominus temeritatis, nè quid gravius dicam, arguantur, si fidei certissimum iudicium navigio commiserint hæc, illac, contrariis motibus, vel suo ipsorum iudicio, fluctuanti. Etenim de ipsa Scriptura Sacra meritò quæstio esse poterit, si contraria in se aut repugnantia contineret: sed propter hoc ipsum est certa regula, & non modò certa sed sola, quia, ut Epiphanius loquitur, *Hæc. 73. τα ἡμῶν ἐστὶν ἡ ἀληθὴς ἐκκλησία, Scriptura verba nunquam sunt contraria, quantumvis imbecillioribus repugnare videantur.* Ast verò hominis, quamvis sanctissimi & sapientissimi cujuscunque, dicta & scripta non item. Mortalium nemo est qui non labi potest, quia nemo est qui non potest sibi ipsi contradicere: ut nihil jam excogitari potest iniquius quàm, quod Adversarii fatagunt, istis columnis fidem concedere, & istis discrepantiis veritatem alligare, summo cum discrimine veritatis. Quod si fortasse regerant, se in Patrum definitionibus non acquiescere, nisi cum omnes simul consenserint, nugæ agunt. Nam primò, res est impossibilis Patres ut quis consulat omnes, aut omnium ut exploret sententiam. Quâ demum lucernâ? nam vix centesimam partem in libris superstitem habemus; & pauciores illos, quorum in libris superest sententia, dicant, num possunt singuli fideles eos quotquot sunt evolvere, ut hoc solum teneant quod ipsi unanimiter senserint? Deinde autem res est, si sic loqui liceat, ludicra; nam Pontificii ipsi non faciunt. Quoties, quæso, ipsi hunc ipsum consensum rejiciunt, respuunt, explodunt? Exemplorum magna est copia. In Concilio Florentino definitum est, & verè, Quod Justorum animæ ante diem Judicii Visione Dei fruuntur: at apud Veteres longè latèque patebat contraria sententia; apud Tertullianum, Irenæum, Origenem, Chrysostomum, Theodoretum, & quos non? fatente Stapletono; in Defens. Ecclesiast. Authorit. l. 1. c. 2. f. 1. Pari modo, disertissimum edictum est trium Conciliorum, Constantinensis, Basileensis, Tridentini, contra Communionem sub utraque specie: cum tamen Patrum unanimis consensus aliò ferebat, fatentibus Adversariis. Ejusdem farinae est illud Pererii, in Rom. 8. Disp. 12. *Græci Patres, inquit, nec pauci Latinorum, arbitrati sunt causam prædestinationis esse præscientiam vel*

operum, vel fidei, idque in scriptis suis prodiderunt : at nullius negotii est ex multis Scripturis contrarium ostendere. Et illud Cani, l. 7. Loc. Theol. c. 1. Sancti omnes qui in ejus rei mentionem inciderunt, uno ore asseverarunt, B. Virginem in peccato originali conceptam : & cum nullus Sanctorum contravererit, infirmum tamen ex omnium autoritate argumentum ducitur, quin potius contraria sententia in Ecclesia Romana probabiliter & p̄dē defenditur. Denique & illud Salmeronis, Disp. 51. in Rom. 5. Contra hanc, inquit, quam objectant de Maria conceptione multitudinem, respondemus locum ab auctoritate esse infirmum : & paulò post, Pauperis est numerare pecus : & adhuc, Quilibet senex est laudator temporis acti : & Doctores quò juniores, eò perfricaciores : & tandem, Respondemus ex verbo Dei, Exo. 1. 23. In judicio plurimorum non acquiesces sententia, ut à vero devies ; cum Augustinus respondeat Donatistis, signum esse causā à veritatis nervo destituta, quā soli multorum auctoritati, qui errare possunt, innitur. Hæc Salmeron. O vocem præclaram, neque ore indignam Orthodoxo, in nostram gratiam editam, in suum dedecus ! Ecquæ vox honestior fingi potest vel illā Salmeronis, In judicio plurimorum non acquiesces, ut à vero devies ; vel illā Cani, Infirmum ex omnium Patrum auctoritate argumentum ducitur ; vel illā alterā Pererii, Gracii & Latini Patres sic arbitrati sunt, sed malè, quia contrariantur Scripturæ ; vel illā denique Cajetani, Non alligavit Deus expositionem Scripturarum p̄fatis Doctoribus ? Nimirum hi illi sunt qui communem sententiā Patrum semper & ubique sequuntur : at nunc cum ad restim res penè redierit, Symphoniam multorum & penè omnium nobis exprobrant, indignabundi foris extrudunt, & si diis placet, quia Scripturæ adversatur. Ergo, dum ad hoc consensus xp̄no quæritur se recipiunt, fumos vendunt, & obductā nebulā insipientium oculis imponunt, cum & ipsi consensum maximum, quando pro se non facit, naso adunco suspendunt, ut infirmum, ut nervis destitutum, ut causā prostigata indicium. Ex quibus omnibus nos nostramque causam quā potuerit accuratissimè tutati sunt. Nam ex istis dictis suis quæstionis primæ pars utraque palam provenit. Et sæpe Patres sibiipsis contrariari ; & quia contrariantur, pro certa fidei dogmatumque regula statui non posse cum dissentiant, eò quòd etiam cum consentiunt sunt perincerta. Ex istis primæ quæstioni satisfactum puto, de veritate assertionis, Quòd reperiuntur inter Patres, tum in Commentariis tum in Controversiis, pugnantes sententiæ ; quòdque idcirco non sufficiunt ad Fidei definitiones præstandas.

Accedo ad secundam, quæ est de Uslu assertionis, aut via remedii ; Quæ via tutissima præstitui potest inter hos contrarietatum anfractus incedenti, nè à fide Orthodoxa recedat. Non quòd mearum virium sit viam in re tam ardua præscribere : sed tantum consilium meum do, ut Apostolus inquit. Et revera huic parti libentius me trado quā alteri quæ præcessit, quia semper gratus est medicamenta tractare quā morbos : præsertim cum multi sunt tam nausæantis stomachi, ut quia nonnulla dicta Veterum impingunt invicem, eapropter fastidiunt omnia. Quo hominum genere quid est inconsultius, qui integros favos mellis propter sæces aliquas inhorrescunt : cum magis vir prudens suum judicat esse non aspernari prorsus, sed decoquere & percolare, de hoc certissimus, quòd per colum transmissa ad dulcedinem suam redeunt, & rubigine exesā splendent : Quocirca pro concessio hoc supponendum est, quòd Doctores Sancti, ut cum cautela legendi, ita cum candore censendi sunt : ut si quid in iis fortasse inveniat quod paulò durius sonat, quòdque specimen habet erroris vel contrarietatis, non statim opus totum est abjiciendum, auctorque ipse dammandus, quia sunt in pulcherrimis corporibus navi quidam ; sed remedia sanantia sunt excogitanda,

tanda, quibus durius dicta molliantur, & in contrarium spectantia concordia fiant, idque commodâ aliquâ interpretatione, quæ neque vim vocabulis faciat, neque discedat à veritate, & in communem sensum aliorum Patrum inducat. Sunt autem Remedia duorum generum; Remedia simpliciter necessaria, & Remedia adjuvantia, quæ non universaliter tenent, sed plerumque.

Remedia simpliciter necessaria inter Pontificios duo reperio, sed falsò sic constituta. Primum est in Conciliis: Si multi sigillatim contrarientur, at non multi junctim simulque congregati. At hoc non sufficit: Concilia sunt media adjuvantia, non suprema; quia legimus contrariis cervicibus sæpe inter se Concilia pugnasse. Pro Conjugio Sacerdotum Ancyranum Concilium stabat, Concilium Neocæsareense contrâ. A Concilio Niceno damnatur Arius, ab Hierosolymitano absolvitur. In Constantinopolitano sub Leone 3^o Imagines sunt à templis eliminandæ, in altero Constantinopolitano sub Irene restituendas eas & venerandas esse decernitur. Postremò, in Concilio Basileensi Papa Conciliis inferior statuitur, in Lateranensi superior; testante Bellarmino, l. 2. De Conciliis, c. 17. f. 11. *Lateranense ultimum*, inquit, *sub Leone 10^o. Sess. 11. discessit & ex professo docuit Pontificem esse supra omnia Concilia, & reprobatum contrarium decretum editum in Concilio Basileensi.* Hæc cum ita sint, manifestum est, primum eorum remedium in Conciliis positum non esse Catholicon, quòd multi junctim non contrariantur. Secundum est in Romano Pontifice: Si multi contrariantur, at unus non potest; nam Papa est Pater Patrum, & omnium dogmatum Judex, qui solus nec potest sibi contradicere, nec fas est ut ei contradicatur. At hoc remedium fallax est & *ἰσοδύναμον*; non simplex, sed nè adjuvans quidem; adeò non indubitatum, ut nè remedium quidem: idque & de jure, quia solitarius doctor non habet auctoritatem idoneam; & de facto, quia Papam Papæ, & Papam sibi habemus interdum contrarium. Quòd Papa sibi, Gregorii historia ostendit, qui primò causam de Cœlibatu Sacerdotum magno cum ardore promovit: cæterum ubi postea ex piscina quadam allata plus quàm sexies mille infantum capita vidisset, Decretum de Cœlibatu tantæ cædis causam confessus, coeptis destitit, & Decretum damnavit. Historiæ notitiam Magdeburgenses curarunt, Centuriâ 4. c. 10. sed exstat prototypum apud orthodoxographos Latinorum authorum, To. primo, in Epistola Udalrici Episcopi ad Nicolaum Papam; atque Æneas Sylvius mentionem ejus facit, & argumentum exponit, l. De moribus Germaniæ, p. 1053. Deinde, quòd Papa Papæ contrarietur, testes habemus supra unum aut alterum è Pontificiis. Inprimis id observatum est à Fasciculo Temporum; *Adrianus tertius*, inquit author, *statuebat, ut Imperator se nullo modo intramitteret de summi Pontificis electione*: sed Leo octavus directè contrarium statuit postea. Et hoc quidem verissimè, nam exstat Leonis Constitutio apud Gratianum, Dist. 63. quâ concessit Othoni primo & successoribus ejus, ut eligant & ordinent Romanum Pontificem. Idem observat Jacobus Almaini De Auctorit. Ecclesiæ, c. 10. de Nicolao 3^o. & Joanne 22^o, quorum unus determinavit judicialiter, *Christum & Apostolos nihil habuisse in communi nec proprio*; alter oppositum. Idem observare est de Nicolao primo & Zacharia Papa, quorum ille, *Baptismum in solius Christi nomine collatum ratum esse docuit*; hic negat: apud Gratianum De Consecrat. Distin. 4. Idem denique de Cælestino & Innocentio 3^o; nam Cælestinus 3^o definivit, *Per hæresin itâ matrimonium solvi, ut liceat ei conjugium aliud inire cujus prior conjux in hæresin lapsus sit*; exstatque definitio hac in antiquis Decretalibus, inquit Alfonso, l. 1. de Hæc. c. 4. at contrarium edoctum esse ab In-

1. 4. de Pontif.
Rom. c. 14. f. 3.

nocentio 3^o, Bellarminus observat. Hæc cum ita se habeant, secundum eorum remedium non valet. Unde igitur est remedium simplex petendum? Dicam brevi, Remedium simplex & absolutum est sola Scriptura Sacra; ad hunc Lydium lapidem discrepantia Patrum loca sunt redigenda; & ad hanc nos tuto recipere possumus, dissidentibus cæteris universis: quia illa sola contrarietate nullâ implicatur; solius Scripturæ est prerogativa, ut per omnia sibi cohareat, suisque similis existat; ejus solius privilegium, ut non habeat *ἐναντιολογίαν*, nihil repugnans aut discrepans, nihil discors aut dissolum, vel in toto, vel in partibus. In reliquis rebus omnibus contrarietas indicari potest; οὐ κόνια ὁ ἀπὸς & ἐναντίον οὐδέποτε, ut in Psal. 44. Chrysof. loquitur: in mundo majori eminet, & in mundo minori; in Paradiso Scripturarum non apparet. Apparet aliquando diversitas aliqua, quia diversimodè loquitur; sed optimè rursus S. Chrysof. *ἕνα καὶ ἁφ' ἑαυτοῦ εἶναι, ἕνα ἐναντίον, aliud est diversè narrare, aliud contrario modo. Quod diversum est, distinctam solet habere rationem*, inquit Ambrosius: quod contrarium est, seipsum impugnat. Diversitas ad ornatum facit, habetur igitur in Scripturis: contrarietas falsiloquium notat; & propter hoc quia in Sacra Pagina nihil falsum, nihil potest esse contrarium, non dogma dogmati, non dictiuncula dictiuncula adversa; sed in omnibus & singulis amicissimâ copulâ ita conglutinata est, ut in unius libri, & unius verbi, & unius Canonis, & unius veritatis titulum atque communionem coalescat. Esto igitur solum Remedium simplex & absolutum.

Chryf. Ser. in
Paralyt. 10. 5.

Ambr. l. 2. De
Pauit. c. 2.

Remedia Adjuvantia ad duo Capita reducuntur; Remedium contrarietatis quæ est in uno, & quæ est in multis.

Remedia contrarietatis, si in multis contingat ut alii contrariantur aliis, ad hæc duo Capita revocari posse puto, ad Remedia Rerum, & Personarum. Remedium respectu Rerum unum est, Ut loca contraria prudenti conciliatione ad concentum redigantur. Hoc autem fieri potest, si lector utrumque seriò perpendat, & examinatis verborum ponderibus, dictis inhæreat, & circumstantias quasque inter se conferat. Hoc illud est quod monet Augustinus, l. 1. de Trin. *Videndum est*, inquit, *prudenter & piè, quid, secundum quid, & propter quid dicatur*: ratio est, quia sæpe una eademque meta à diversis proponitur, cum viæ ad metam ducentes sint dissimiles; ut in Cyrillo & Theodoretò videre est, inter quos, etsi uterque rectè senserit de fundamento, tamen atrox pugna oborta est, quia non idem uterque in explicatione secutus est. Cyrillus, in refutatione Nestorii, ad personæ Christi unionem respexit; Theodoretus, in refutatione Eutychetis, naturarum proprietates consideravit. Si circumstantias lector libraverit, unum sentiunt Cyrillus & Theodoretus. Hoc igitur est remedium quod dixi Rerum, ut ex circumstantiis res ipsæ, si fieri possit, conciliantur.

Remedia respectu Personarum duo sunt, ex duabus istis Regulis demonstranda.

Regula prima, Cum inter Patres sententiæ repugnantes se produnt, paucioribus plures sunt præferendi, si cætera paria fuerint, neque enim æquum est, ut cum singulorum eadem sit authoritas, relictis pluribus pauciores sequamur: non quodd sim nescius, unius labii sententiam Orthodoxam vel maximæ multitudinis iudicio corrupto esse anteponendam, & præstabilius multò esse appendi ac librari suffragia quàm numerari: sed cæteris, aio, paribus, paucitati copiam ad probabilitatis argumentum prævalere; quia oculorum visus certior quàm oculi. Sic pluri habendum est quod à Doctoribus multis asseritur quàm quod à solitario; pluri quod in Conciliis statuitur quàm quod in Scholis; pluri quod in Concilio universali quàm quod

quod in Provinciali: quia multorum oculi circumlustrant & penetrant quò unus visu pertingere nequeat. Hæc regula prima.

Regula secunda, Quando inter Patres contrarietas dogmatum agitur; si numero pares fuerint, meliores & antiquiores sunt potius sequendi. *Antiquiores* voco, qui maiorem ætatis canitiem habent. Non quò existimem accidere non posse ut posterior videat quod prior non vidit; sed quò in ordine temporum antiquiores plerumque sunt puriores, quia propiores fontibus. Esto, novitas sit oculatior, at antiquitas castior. Nemo eruditorum ibit inficias, prima tempora posterioribus præjudicare, & Doctores primis proximis esse purissimos; unde in Decretis legimus, *Quando in aliquibus Conciliorum gestis discors sententia invenitur, illius Concilii magis debet teneri sententia cuius antiquior exstat autoritas*, Decret. D. 50. Ergò distinguenda sunt tempora, quia vix quisquam est ex optimis scriptoribus cui non aliquam seculi in quo vixerit contagio labeculam addidit; dum unicuique innatum est sui temporis ritibus favere, quibus innoveris est: *οὐκ ἔσθ' ἄλλοις ἢ τοῦ αἰῶνος*, ut Euripides optimè. Quod in Leone, Gregorio, Bernardo, Damasceno videre est, qui singuli torrente temporum acti in nonnulla heterodoxa infelicitèr impeerunt: ut amentis esset Gregorium cum Cypriano, aut cum Ambrosio Leonem, aut Bernardum cum Augustino, aut Damascenum cum Basilio uiliatèus comparare; cùm istorum singuli scripserint incipiente jam Antichristi tyrannide, & seculo ex cumulatis Monachorum superstitionibus conjurato. Rursum, *meliores* cùm dico, eos intelligo qui saniores & sanctiores: quod ipsum inter Juris regulas recensetur. Ut inter testes semper fides major habeatur nobilioribus; *Testibus*, inquit Lex, *duobus nobilibus plùs creditur quàm pluribus plebeis & rusticis*. Hinc illa vox Augustini de seipso, *Omnia sua scripta non esse paria omni Epistola Cypriani*; & illa Hilarii de Synodis, adversus Arianos, *Quia gravis est autoritas Veterum, si contraria invicem senserint, debemus tanquam iudices probare meliora*. Similia passim occurrunt in Bellarmini scriptis. De Lino, l. 2. de Rom. Pontif. c. 9. f. 4. *Si Lini historia est nullius autoritas is, quomodo potest inde refelli sententia Ambrosii?* De Tertull. l. 1. De bon. op. c. 5. art. 1. & l. 3. de Euchar. c. 6. ar. 59. *Tertulliani non magnificanda est autoritas quando contradicit aliis Patribus*. Et de Damasceno, l. De Gratia primi hominis, c. 15. *Jo. Damascenus sic putat, sed gravior est autoritas S. Basilii & S. Augustini*. Sic omnes confitentur, Si numero pares, gravioribus & antiquioribus magis adhærendum. Hæc regula secunda, adeoque Remedia contrarietatis si in multis contingat.

Sequuntur Media contrarietatis in uno, quando in uno eodèmq; contingit ut quis sibi contradicat. Hæc quatuor sunt, in istis quatuor Regulis comprehensa.

Regula prima, Literale dictum præstat Allegoricæ: unde sequitur, ut si una pars contrarietatis sit in locutione figurativa, altera in propria, illa pro sententia Patris habenda est quæ propriè enuntiatur, & secundum hanc figurativa est corrigenda. Insignis est Regulæ usus in controversia de Coena Domini; quia passim occurrunt in Patribus figurativæ formulæ de corpore & sanguine Domini, quæ tamen si per proprias explicantur, evincunt contrarietatis nihil inesse in diversis loquendi formulis: quia *visibilia Symbola interdum appellatione Corporis & Sanguinis honorantur*, ut Theodoretus loquitur, interdum verò propriis nominibus insigniuntur; & panis corpus dicitur, & panis panis. Huc tacit illud Augustini, l. 5. De Doctr. Christiana, c. 26. *Locum unum exponere per alium ejusdem Scripturæ clariorem, optima interpretatio est*. Hæc regula prima.

Regula secunda, Ex impetu aut casu dictum cedit iis quæ deliberatè præferuntur : unde sequitur, ut si una pars contrarietatis sit fortuita vel præpropera locutio, non statim nigrum Aristarchi Theta est ei præfigendum ; sed, quâ fieri possit lenitate, trahendum est ad ea quæ alibi deliberatius scripserunt. Ratio est, quia obiter & festinanter dictum quasi non dictum putandum est : & Patres, etsi non dominantur fidei nostræ, ut omnia ab iis dicta adorentur ; tamen non sunt aut absque præfatione honoris amovendi, cum obliquè, aut penitus amovendi cum repugnanter loquuntur, si modò vel minimus aditus pateat dicta in concordiam reducendi. Huc accedit quod à Bellarmino ipso notatum est, l. 2. De Sacram. Euchar. c. 37. *Ut si ipsi se non explicant, tunc oportet ex verbis apertis nonnullorum Patrum exponere ea quæ videntur obscura & dubia in aliis Patribus* : addo, ex iis præcipuè qui eorum æmuli & sequaces erant ; nam hi sæpius verba illorum graviora producant, obiter dicta prætereundo. Sic optimus Chrysostomi interpretes Theophyl. quia Epitomator ; Basilii Epitomator Ambrosius in opere sex dierum ; Gregorii, Paterius ; Augustini, Eugippius ; Isidorus omnium : denique S. Prosper Augustini non Epitomator, sed assertor & vindex ; qui paucis verbis nervosius & rotundius multò complexus est quæ ab Augustino scripta sunt fusiùs. Hæc igitur Regula secunda, Ut obiter dicta consultioribus cedant.

Regula tertia, Sæpius dictum anteponendum est ei quod semel aut rariùs dicitur : & quia dicti repetitio est confirmatio ; & quia quod diversis locis asseritur, evolutius & commodius plerumque exprimitur ; & quia quæ sæpius repetita sunt, loca cum locis conferendi occasionem subministrant, ut veram obscurorum expositionem ex perspicuis eruere possimus. Hujus Regulæ usus non mediocris in controversia De impletione Legis, de qua multa à Chrysostomo citantur pro parte affirmativa, Legis impletionem possibilem fore ; Hom. 8. de Poenit. *ὅτι ἐπὶ ταῖς ἀδυναμίαι* Hom. 18. in Matth. *μὴ ἀδυνατεῖν* ἢ *τομίζωμεν τὰ ἐμπόδια* : neq; nos imus inficias : sed & hoc est adjiciendum, quod sæpius pro parte negativa se præstat Chrysostomus ; Hom. 17. in Rom. *ἰδού τοῦτον ἡ πλῆρωσι* & rursus, *ἰδού γὰρ οὐ δυνατοί*. Quibus inter se collatis & expensis nulla erit contrarietas : quia Lex & de jure est possibilis, & de facto impossibilis impletu ; non impossibilitate physicâ, in sua natura, sed morali, ex nostra impotentia : quod in locis posterioribus Chrysostomi innuitur, ad quæ priora sunt revocanda. Hæc Regula tertia.

Regula postrema, Posteriori dictum præponderat illis quæ priùs dicuntur, ut teneris annis ætas maturior : quia sicut robur est juvenum, ita in senibus prudentia eminentior ; juvenilis ætas ad errandum est inclinatio, senilis ad corrigendum aptior. Exempli gratiâ, de libero Arbitrio dissimilia sunt scripta Augustini : cum scripsit de eo juvenis, antequam erat Presbyter, nondum judicio confirmatus, nonnulla temere effudit, quæ postea, cum esset Episcopus & ætate provectior, revocavit & correxit. Hinc ortum est quod Patres sæpe sententias suas ætate maturiori retexeront. Quod in Augustino inprimis laudandum, qui cum in suis voluminibus manifestos quosdam errores cerneret, ex quibus hostes Ecclesiæ arma adversus ipsam depromebant, ipso adhuc superstitite, dignatus est vir sanctissimus libros Retractionum emittere in publicum, per quos errorum materiam tolleret : & ante Augustinum, Berillum Bostrenum Episcopum idem fecisse Hieronymus refert, in l. De Scriptoribus. Eoque ipse Hieronymus alludit in illa ad Pammachium & Oceanum Epistola ; *Si mihi creditis*, inquit, *Origenistes nunquam fui ; si non creditis, nunc esse cessavi : si non creditis erranti, credite correcto*. Hæc Hieronymus. Verum Augustinus instar omnium esse potest, qui quod ad hanc rem

rem

rem spectat, ut ipsius verbis utar, præ omnibus & primas partes habuit Sapientia, & secundas Modestia: sic autem de suo hoc retractandi consilio loquitur in septima ad Marcellinum Epistola; Romanus maximus author Tullius eloquii de se dicit, quod nullum unquam verbum emisit quod revocare vellet: quæ laus quamvis præclarissima videatur, tamen credibilior est de nimium fatuo quam de sapiente perfecto. Etenim ab hac ego excellentia tam longè absum, ut si nullum verbum quod revocare vellem protulero, fatuo sim quam sapienti similior. Illius quippe scripta summâ sunt auctoritate dignissima, qui nullum verbum, non quod revocare non vellet, sed quod revocare deberet, emisit. Et paulò post, Si aliquid vel incautus vel indoctus, quod reprehendatur, à me positum est, non est mirandum, sed potius ignoscendum, atque gratulandum, non quia erratum est, sed quia improbatum: si enim mihi Deus quod volo præstiterit, ut omnium librorum meorum quacunque mihi displicent colligam; tunc omnes videbunt quàm non sim acceptor personæ meæ, & quæ sequuntur. Hæc Augustinus. Ex quibus liquet, hoc Sanctis Patribus familiare fuisse, ut si quid erratum esset, receptui canerent, ut saltem vel hoc modo consonantia scriberent, contraria per modum retractationis scribendo. Quid enim est Retractatio nisi dicti correctio & emendatio, etiam & mutatio? si mutatio, cessat esse quod fuit. Hæc Summa, Falsum retractatum non amplius falsum est, sed verum; Contrarium revocatum non est contrarium, sed idem; neque jam decernitur distinctio duorum, sed unius conciliatio. Quid addam supra? Si cesset distinctio, cesset igitur & de distinguendi modo disputatio: & quartæ Regulæ hic finis erit. Hoc cognito, quod Patrum scripta de quibus agitur sunt pura & incorrupta, & locus qui controvertitur sincerus & integer, tum considerandum est quis loci sensus sit, & quo animo ac spiritu dicatur; Rhetoricè, an Dogmaticè; obiter, an dedita operâ; sedatè, an impetu mentis; dubitativè, an Categoricalè; fide bonâ, an fide aliorum; constanter, an repugnantibus sententiis.

Postrema Regula superest; Quod positis his omnibus, quod Dogmaticè, & consultò, & sedatè, & Categoricalè, & ex fide sua, & constanter idem Patres dixerunt, tum demum ad Scripturæ normam est redigendum. Hæc Regula regularum, die sequenti illustranda, si Deus affulerit.

LECTIO XLV.

Nyss. de Homi-
nis Opificio.

IN omnibus negotiis, & præterea præceptis ac consiliis, necnon cautelis & regulis, si multa sunt quæ geruntur, est semper principale aliquid quod eminet cæterisque antecellit. Nec mea solius est observatio, sed faciliè potest esse vestra, vel cuiusquam, si velit vel in ipsius Dei aut in Sanctorum hominum in agendo & loquendo prudentiam oculos con- jicere. De operibus Dei, ex quibus totus mundus constat, si loquamur, opinor non esse obscurum, quod cælum, & terram, & elementa, & anima- lia, stirpèsque omnis generis, quasi minoris pretii spectacula, & solummodo utensilia nostra, prius conderit; & post omnia, hominem, *ὡς εἰς μέγα ἔργον χρίμα*, ut Nyssenus optimè, velut magnum quoddam miraculum, to- tius & Summam, & summum dominum Universitatis. De mandatis Dei, quibus totus mundus repletus est, res magis est in confesso; quod sicut multa, eaque omnia magna, mandata constituerit, ità unum supra omnia maximum, *Diliges Dominum Deum tuum ex toto corde tuo*. Hoc caput, & idea, & mensura reliquorum, luminare majus, præceptum Solare, à quo reliquæ velut stellæ lumen suum mutuuntur. Sic utrinque, & inter mandata & inter opera Dei, est aliquid quod eminet. Ad Apostolos quod attinet, pro cæteris S. Paulus documento esse potest; nil ei magis est usitatum, quàm inter bene vivendi monita, quæ passim tradit plurima, unum aliquod magnum interserere quod eminentius sit cæteris. 1 Cor. 14. 1. *Emulamini spiritualia, ὑμῶν ὅ, magis autem ut prophetetis*; hoc illud est quod eminet: ad Gal. 6. 10. *Dum tempus habemus, operemur bonum erga omnes, μάλιστα ὅ, sed maxime erga domesticos fidei*; hoc illud est quod eminet: ad Coloss. 3. 12. *Induite, sicut electi Dei, viscera misericordia, benignitatem, humilitatem, modestiam, patientiam, ἡμῶν ὅ, super omnia autem hæc, Charitatem habete*; hoc rursus illud est quod eminet. Ad eundem modum & ego, Auditores, pro Patrum scriptis ad fidei controversias commodissime applicandis regularum fila ducturus, ad extremum usque ex omnibus regulis maximam reservandam curavi, ut esset saltem in exitu quæ emereret. Hanc autem Regulam, quam dignitate appello maximam, esse ordine quintam & ultimam non opus est vobis nisi in transcurso recensere. Accepistis primam, De jure & merito nominis; Quod ad lectionem Patrum accessurus oportet ut sciat pro Patribus meritò habendos quorum suffragiis est usus. Dein, De eorum scriptis & voluminibus secundam; Quod, hoc cognito, quinam sunt meritò Patres dicendi, oportet ut hoc etiam calleat, quod eorum scripta *γινώσκω* sunt & authentica, non fictitia & ementita. De dictis & sententiis tertiam; Quod, hoc cognito, scripta esse genuina & sua, oportet ut hoc etiam cognoscat, quod ipsæ sententiæ, adeoque scriptionis pars quælibet sit sincera & integra, non mutatione aliquâ depravata. De enun- tiandi modis quartam; Quod, hoc etiam cognito, sententias quaslibet quæ proferuntur integras esse & incorruptas, tum demum considerandum est, Quis sententiæ cuiusque sensus sit nativus & proprius, quo animo, in quem finem, quâ loquendi formulâ evolavit; Rhetoricè, an Dogmaticè; obiter, an deditâ operâ; sedatè, an ex mentis impetu & præiudicio; dubitativè, an Categoricè; à fide bona, an nimia credulitate; constanter, an repugnante atque discordantibus inter se sententiis. Postremò, De efficacia & vali- ditate ultimam, quæ nunc enucleanda est, quæ sic se habet;

His

His omnibus adinventis, Quis author fuerit, quo sensu dixerit, concessio-
que quòd Dogmaticè, & apertè, & consultò, & sedato animo, & ex fide sua,
& constanter idem sit locutus; nè sic quidem desistendum, sed post hæc
omnia, ad Sacræ Scripturæ normam accuratè est revocandum: ut si huic
reclititudini conforme fuerit, retineatur; sin minùs, ut auctori suo, quasi in-
firmitatis humanæ tessera, relinquatur. Hæc, inquam, Regula est quæ inter
omnes eminet, regula & suprema & summa, cum non possit dari aliqua aut
supra ipsam, aut post ipsam. Hæc positâ, reliquas facile est ad plenitudinem
& perfectionem suam perducere: hæc non positâ, disquisitiones aliæ irritæ
sunt, & ad nihilum recidunt. Utriusque partis rationem à Salviano Massi-
liensi eleganter habemus depictam, l. 3. De Gubern. Dei, sive, ut alii scri-
bunt, De Providentia; *Alia omnia, inquit, id est, humana dicta, argumen-
tis ac testibus egent: Dei autem sermo ipse sibi testis est; quia necesse est,
quicquid incorrupta veritas loquitur, incorruptum sit testimonium veritatis.*
Hæc Salvianus. Ut regulæ certitudo manifestior fiat, ad duas Propositiones
quæ dicenda sunt redigam; ostendâmq; quòd sit & à Scripturis Sacris
regula tradita, & à Patribus ipsis sæpius agnita, quando de suis aut aliorum
libris loquuntur. Ex duabus istis duæ quas dixi Propositiones oriuntur.

Propositio prima ex Scripturarum testimonio deducitur; & huic soli dies
hodiernus est devovendus. Sic autem se habet; Quòd sententiæ & dog-
mata Sanctorum Patrum ad Scripturæ sacræ trutinam sunt revocanda, &
si cum hac consenserint recipienda, rejicienda si ab ea dissonantia fuerint,
Scriptura & testatur, & hortatur diversis in locis. Mitto locos alios,
& duobus solis adhærebo, quorum alter est Argumentativus, alter Hor-
tatorius.

Inprimis de loco Argumentativo est agendum; & habemus ad Gal. i. 8.
*Etiamsi nos, aut Angelus è cælo evangelizet præter id quod evangelizavi-
mus vobis, Anathema esto: & deinde vers. 9. veritus Apostolus nè hæc
grandia minutè dixisset, ejusdem rei repetitionem facit sub alio nomine, ut
quasi duplicatis sigillis confirmationem redderet, Sicut antè diximus, etiam
nunc iterum dico, Si quis vobis evangelizaverit præter id quod accepistis,
Anathema esto.* In promptu est ingeminationis ratio ex Commentariis
S. Chrysostomi, *ἵνα μὴ τοῦτον: δοῦναι τὴν ἰμμεναι τὴν, ἢ ὑπερβολικὰς δι-* in Gal. i.
*πρὸς τὰ; ἢ τὴν ὑπερβολικὰς τὰ, & quæ sequuntur, Nè putares ea verba ab
ira profecta esse, aut juxta hyperbolen magnificentiùs quàm pro re dicta,
aut impetu cursuque sermonis raptim excidisse; repetit eadem, ostendens sese
judicio loquentem, & quod prius animi consilio decrevisset.* Quòd autem San-
ctus Pater asserat, non esse locutionem hyperbolicam, id molliùs est accipien-
dum, & ad dicti consequentiam referendum. Nam in illa revera nulla est hy-
perbole, ut si vel Apostolorum vel Angelorum quisquam hoc fecerit, exse-
crandus esset: at si ad antecedens referamus, est quædam superjectio ser-
monis, & quasi excessus hyperbolicus; cum nec in Apostolos nec in Angelos
cadat, ut à veritate in Scripturis tradita recedere possint. Hoc S. Hierony-
mus observavit, posse verba hyperbolicè accipi, cum sit impossibilitatis
suppositio ut aut Angeli aut Apostoli in tradenda fide titubent, qui Divini-
tus firmati erant. Neque hoc ipsum Chrysostomum præterit; nam in Ho-
milia De Pastore & ove, Tom. 6. ultro fatetur, ejusmodi amplificatione
S. Paulum usum fuisse quæ omnem fidem excederet: *ὁ μόνος ἐστίν, inquit, ὁ
ὑπερβολὴν κέχρηται ὁ θεὸς. Παῦλος, manifestum est quiddam per hyperbolen lo-
quitur;* nam satis novit nihil tale Angelis bonis contingere posse, ὅτι ἐν ἀγγέ-
λοις: αὐτὰρ: ἡ ἀλήθεια, fixa est in eis veritas absque aberrationis periculo.
De Modo enuntiandi hæc prælibanda erant, nè dicti Apostolici vigor nos
fugeret;

fugeret, qui maximi est momenti ad rem quæ præ manibus est illustrandam. Sunt autem tria Consecratoria quæ exinde iponte suâ profiuntur.

Consecrarium primum; Pro erroneo reputandum est nulliusque in rebus fidei ponderis quicquid Sacris Scripturis adversatur. Ex istis verbis colligitur, *Si præter id quod accepistis, anathema esto.* De vi Præpositionis *πρὸς* non contendo; utrum idem valeat quod *Præter*, an quod *Contra*: satis novi Ambrosium nunc interpretari, *Si contra*, nunc, *Si aliter*; sed bis utitur vocabulo *Aliter*, semel duntaxat voce *Contra*. Et sic Hieronymus etiam, *Si Aliter*; & Tertullianus, *Si Citra quod accepistis*; & Augustinus, *Si præterquam quod accepistis*: imò verò & Chrysostomus, quem Theophylactus & Oecumenius sequuntur, non dubitat has formulas accuratè distinguere; *ὅτι ἔπερ, Ἐὰν ἐναντία καταγγέλλωσιν, ἀλλὰ καὶ μὴ ἐν τῷ ἀντιθέσει ὡς παρ' ὁ, Non dixit, Si contraria annuntiauerint, sed si vel minutissimum quid evangelizaverint præter id quod acceperant.* Verùm hæc ego non urgeo: esto *præter*, esto *contra*; quia si est *contra*, est *præter*: & fatendum est scopum Apostoli esse, eos perstringere qui contrariam doctrinam promulgabant; & contractius non potuit percellere quàm vocabulo *Præter*, quod contrarium omne in se comprehendit; & acerbius non potuit quàm Anathematismo: *Profus in monet, inquit Basiliius, horrendam, & detestandam, & abominandam, ὡς βδελύσκει τὸ θεῖον, esse doctrinam omnem quæ Scripturis contrariatur.* Et potuit quidem mitius ad lenitatem propensior Apostolus se explicasse; *Si quis contrà docuerit, errat, illuditur, fallitur*: at ille non sic, sed cum indignatione & zelo, *Si contrà docueris, Anathema esto: Ut ostenderet, inquit Ambrosius, non leve peccatum esse, sed maximum, & vix ullo piaculo purgandum, si quid contrà doceatur; Alioqui, inquit Chrysostomus, seipsum & Angelos non anathematizasset, ei δὲ ἀπὸ τῆς ἀντιθέσεως ἴδιῃ, si non periculi plenum existimasset.* Hoc Consecrarium primum; Non modò erroneum est, sed execrandum, quicquid in rebus fidei Sacris Scripturis adversatur.

Consecrarium secundum sequitur, & hoc est; Ut exquisitè sciamus an hæc vel illa sententia Scripturis per omnia congruat, non aliter discerni potest nisi collatione factâ cum ipsis Scripturis. Ex illis Apostoli verbis Conclusio assurgit, *Si evangelizaveris præter id quod accepistis*: & sic ratio procedit; Si nihil admittendum quod est Scripturæ contrarium, ergò ad Scripturæ amissum necessariò est exigendum, ut dijudicari possit an sit contrarium. Hoc illud est quod S. Joannes præcipit, Ep. 3. vers. 10. *Si quis venit ad vos, & hanc doctrinam non offert, nè recipite eum domum*; sit vobis neque persona neque doctrina grata; utramque discutite sedulò, opponendo os ori, & vocem voci, & lineam lineæ, & sententias sententiis. Hoc illud ipsum quo nihil S. Paulo familiarius. Sic Act. 26. 22. cùm suæ rationem doctrinæ sub Agrippæ oculis reddere vellet, ad Scripturas se confert, *Nil aliud dicimus quàm quæ Moses & Propheta dixerant futura.* Quæ ratio? Nimis mirum ut ad hoc scrutinium eos quasi manu suâ duceret, ut doctrinam ejus probarent ex Scriptura; quæ sola *κρίνοντες τὸ ἀπαλὸς & ἀληθείας*, ut Nyss. loquitur. Sic 1 Cor. 15. 3. de maximis Articulis fidei differens, de Passione & Resurrectione Domini, Scripturarum umbraculis se tegit; *Illud tradidi vobis quod accepi, Quòd Christus mortuus est pro peccatis nostris secundum Scripturas, & quòd sepultus est, & quòd resurrexit tertio die secundum Scripturas.* Quæ putas ratio est ejusdem toties reiteratæ atque instauratæ sententiæ, *secundum Scripturas, & secundum Scripturas*? A Lyrano ratio redditur, Prologo primo in Biblia; *Sicut in philosophia veritas cognoscitur per reductionem ad prima principia: ita & in iis quæ à Sanctis Doctoribus traduntur veritas fidei cognoscitur per reductionem ad Scripturas Canonicas.*

Secd

Te Frascripti.
c. 29.

in Is. 2.

I. cont. Eunom.

Sed multò apertius à Sancto Basilio, lib. 2. con. Eunomium; *Non alia justior est inquirendi ratio, inquit, quàm singulis cum iis quæ nos Spiritus Sanctus docuit comparatis, τοῦ ἐκείνου Συμφωνοῦ κατὰ δὲ χάριν; ὃ δὲ ἐναντίας ἱχθύνει ἀποτίθεν, admittere quicquid eis consentaneum, contrariis verò si- dem nullam adhibere, sed dirà exsecratione transfigere.* Quòd autem Pontificii opponunt, Non locum hunc S. Pauli ad Galatas de Scripturis fol- lis intelligi, ad nihilum redit; & quia ea omnia scripta sunt quæ Paul- us evangelizavit, & quia Veteres hunc ipsum locum de Scripturis apertissimè interpretati sunt. August. lib. 3. Contra literas Petiliani, cap. 6. *Si quis evangelizaverit, praterquam quod in Scripturis Legalibus & Evangelicis accepistis.* Athanasius in fragmento de Incarna- tione Verbi, quod citatur à Cyrillo, primo De fide ad Reginas; *εἰ περὶ πάντων ἐν ᾧ δὲ ἰσὺν γεσφῶν διδάσκει, si quis prater hac quæ sunt ex Scriptura docet, eum anathematizat Ecclesia.* Basilius in Summa mor- alium, reg. 72. cap. 1. ex hoc loco docet, Auditores Sacrarum Litera- rum obstringi examinare ea quæ traduntur à magistris; & quæ sunt σύμ- φωνα γεσφῶν recipere, ἄλλοτεῖα verò rejicere. Denique super omnes Chrysostomus, qui ex professò hunc locum interpretatur, idque ad po- pulum: & ille disertius cæteris ad Scripturæ commendationem eum fa- cere contendit; & quidem tantò magnificentius quàm in Evangelio lo- cus alter de Lazaro, quantò Angeli de cœlis venientes præstant mortuis resurgentibus. Verba ejus sunt, *Sub persona Abraha Christum ostendit, se velle majorem fidem adhiberi Scripturis quàm resurgentibus mortuis, in Gala. cum dicit, Habent Moysen & Prophetas; si eos non audiant, è mortuis re- surgentes non audient. At Paulus etiam Angelis è cælo descendentibus eas præfert; si Angelus è cælo aliud quicquam evangelizet. Patet igitur quòd de Scripturis loquitur Apostolus; & quia de Scripturis, sequitur quòd in hac sola statera aliorum Doctorum dogmata sunt appendenda. Hæc de Confectario secundo, In rebus fidei hominum doctrinas & opiniones ad examen Scripturarum esse redigendas.*

Confectarium tertium hoc est, In toto rationaliam creaturarum ambitu istius dignitatis aut excellentiæ nemo reperitur, cujus scripta aut dicta ab hac Sacra explorandi Regula libera esse debent; non si ejusmodi sit qui in prima Doctorum & Patrum classe sit numerandus; Ex illis Apostoli verbis deducitur, *Si nos, si angelus, si quisquam.* Inprimis, non loquitur de Angelicis hominibus, sed de Angelicis spiritibus; ideo ait, *Si Angelus de cælo; quia, ut inquit Chrysost. sacerdotes etiam Angeli dicuntur: at nè quis putaret de his Angelis verba fieri, additâ particulâ, De cælis, super- nas Virtutes indicavit, ut sciamus eum non de Angelis Ecclesiarum, sed de Angelis Throni hoc pronuntiasse. Secundò, non loquitur de Angelis solis, sed de seipso & aliis Apostolis: nè quis eum sibi ipsi aut fratribus favisse putaret, seipsum primum exsecratur, Si nos, hoc est, sive ego, sive cæteri Apostoli, ut ostenderet, inquit Chrys. ὅτι ἀξίωμα θεοῦ πᾶν ἰσοϋσίου, ὅταν πρὸς ἀλλήλους ὁ λόγος ἐστὶ, Non personarum dignitas recipitur, quoties ex- penditur veritas. Postremò, non de seipso solo loquitur, sed de quibuscunque Doctoribus, Si quisquam, in hoc uno verbo universalitatem ho- minum comprehendens; nè quis se ab hoc scrutinii magisterio immunem arbitretur. Nam si nè Paulo quidem obedire oportet si quid dixerit proprium, si quid humanum; rursus, si ipse Paulus voluit ut quæ ipse prædicaret cum Scripturis conferrent; opinor de Patribus nemo est qui ibit inficias, non modò æquum aut utile esse, sed maxime necessarium, ut in eorum sententiis pensitandis sedulam operam collocemus. Quo-*

N n

cunque

Chrys. De Pa-
store & ove,
Tom. 5.
Id. Ho. 1. in po-
ster. ad Tim.

4. Cont. Marc.

cunque modo argumentum instituitur, vis consequentiæ nos apprehendit. A majore ad minus sequitur Negative: Si voci Angeli de cælis novum fidei dogma dictantis absque Scripturarum collatione non sit credendum, multò minus hominibus. Rursus, à suppositione impossibilitatis ad possibile sequitur Affirmative: Si hoc dato per impossibile verum est de Apostolis, qui in scriptis suis errare non potuerunt; multò magis id erit verum per possibile de quibuscumque scriptis hominum aliorum, quantumlibet sanctissimorum & doctissimorum, in quibus aberrationes non paucæ inveniuntur. Ut omnia summatim constringam, duo sunt quibus vis argumenti nititur. Fundamentum primum à Tertulliano statuitur: *Id verum quod prius; id prius quod ab initio; id ab initio quod ab Apostolis.* Ratio fundamenti hæc, Quæcunque post primum recententur, ea ad primum sunt collocanda, & ex primo metienda, quia ratio regulæ & mensuræ est in primo aliquo & summo: at in Patrum scriptis illud primum & summum non habetur, sed semper est aliquid & ultrà & suprâ petendum. Exempli gratia, In Bernardo aut Damasceno objicis mihi quòd hoc vel illud legitur: non sufficit, est plus ultrâ, erant ante Damascenum Patres alii. Pergis, At est in Augustino aut Ambrosio: non sufficit, est plus ultrâ, erant ante Ambrosium alii. Adhuc, In Cypriano, Tertulliano, Irenæo, Justino, Ignatio: non sufficit, est plus ultrâ, erant ante illos Apostoli: & indubitatum est illud Hieronymi, in Psal. 86. *Quamvis sanctus, quamvis desertus sit aliquis post Apostolos, non habet auctoritatem.* Denique, In S. Paulo, aut Petro, aut Evangelii legitur: sufficit, est nihil ultrâ, hi primi fidei Doctores, Divinitus ad id manus inspirati, ad quos donec veniatur tranquillum spiritum ducere non possumus; ad quos si veniatur, abunde animus habet in quo conquiescat. Hoc fundamentum primum. Secundum, Quæcunque obliquitatem aliquam aut in se habent aut habere possunt, ea necessario ad rectitudinis lineam revocari debent, ut cognoscatur an rectâ fuerint: at verò absoluta restitudo in solis Scripturis eminet. De Sanctis Patribus certissimum est, Eos & errare potuisse, & aliquando non leviter errasse. Errasse eos in aliquibus scribit Bellarm. lib. 3. de Pontif. c. 3. f. 2. & lib. 3. De Verbo Dei, c. 10. Art. 16. & ante eum Rossensis advers. Lutherum, in Confut. Proœm. p. 43. Et nos quoque; aliquoties errasse Patres non diffitemur, erant enim homines, sicut & nos; & ante utrosque S. Hieronymus, Ep. ad Pammach. & Oceanum, *Erraverunt in fide tam Græci quam Latini, quorum non est necesse proferre nomina.* Quid quòd res ipsa loquitur? nemo enim est nescius quàm latè sparsa sunt ista dogmata, de millenario regno Christi, de non puniendis demonibus poena gehennæ ante diem Judicii, de animis ad Visionem Dei non recipiendis ante diem Resurrectionis, de baptizatos ab hæreticis rebaptizando, de infantibus baptizatis non salvandis absque Eucharistia; & id genus alia. Hinc Conclusio emergit, Ut quod est falsum & fallibile mensura rectitudinis non statuitur, cum in eo mens non possit quiescere. Esto, hoc vel illud dixit Gregorius, non est absoluta certitudo, quia errare potuit: aut Hieronymus, neque hîc certitudo habetur, quia errare potuit: similiter & in cæteris. Quid igitur faciendum? Revera quod S. Augustinus monet, lib. 2. con. Cresconium, cap. 31. *Ad Sacras Scripturas nos oportet recipere, secundum quas de cæteris literis vel fidelium vel infidelium liberè judicemus:* & quod Chrysost. in Opere imperfecto, Hom. 49. *Fugiendum, inquit, est ad montes, montes autem sunt Scriptura Sacra, sine quibus nulla potest esse probatio vera Christianitatis; præter quas non est apud alios refugium aliquod Christianorum fidei veritatem cognoscere valentium.*

lentium. Non simpliciter apud Angelos, quia etsi mutabiles non sunt, at creaturæ sunt; supremi ordinis spiritus, sed servi tamen & ministri, & longè inferioris notæ quàm vox Spiritus Sancti: non omnino apud homines, quia & creaturæ sunt & mutabiles, ii qui errare possunt, ii qui sæpius errarunt: non apud utrosque, vel junctim, vel sigillatim; quia quod de Angelis per suppositionem dicitur, de hominibus positivè est intelligendum: si simile quid Divinæ veritati prædicaverint, sunt ad Scripturas trutinandi; si contrarium, sunt ex Scripturis anathematizandi, *Etiamsi Angelus*, inquit Paulus, *etiamsi Apostolus*, *etiamsi quisquam.* Hæc de primo Apostoli loco, quem dixi Argumentativum.

Accedo ad secundum, qui est Hortatorius: occurrit ex 1 Theff. 5. 20. *Prophetias nolite spernere; Omnia probate, quod bonum est retinere.* Quibus verbis jubentur fideles non solum singula explorare quorum usus aliquis esse possit: sed etiam sic explorata secernere, & iis solummodo adhærere quæ salutaria fuerint. Huic autem loco similis est alius ex 1 Jo. 4. 1. *Nolite omni spiritui credere, sed probate spiritus, an ex Deo sint.* Prorsus quasi verbum ex S. Pauli ore arripuisset, ad ead. idem scrutinium, eandemque veritatis investigationem, eodemque fervore animi alumnos suos excitat quo Paulus suos: nè vellent ταχὺς καὶ συρραβὸς μετὰ τῶν λαλοῦντων, ut Chrysost. loquitur, hoc est, nè nimia frontis infirmitate aut levitate animi aliorum verbis temere fidem adhibeant; sed postquam omnia accuratius æstimaverint, tum demum ut credant. Et quidem in se uterque locus est perfectæ cumulataeque virtutis; at impletiolem multò explorandi formam exhibent si hoc modo conglutinentur, Nolite omni spiritui in omnibus credere, sed probate omnia, an ex bono & Divino Spiritu proficiantur: sin minùs, respuite, si sic, iis tenaciter adhærete. Sunt igitur quinque Consecraria quæ ex locis sic inter se junctis emanant.

Consecrarium primum, Ad officium hominis Christiani spectat, acri magnòque judicio doctrinas quas in Veterum scriptis traditas observaverit examinare, & pensulatiùs expendere. In verbo *Probate* continetur, quod non tam est cohortantis vocabulum quàm imperantis, ut patet ex contextu, in quo præcepti rationem habet quodcunque recensetur: & illud, *Indefinenter orate*, est præceptum; & illud etiam, *In omnibus gratias agite*, præceptum: porro & illa singula, *Spiritum nè extinguite*, *Prophetias nè spernite*, ejusdem authoritatis præcepta: & post hæc sequitur, *Omnia probate.* Nè quis ἀδιαφορῶν fortasse putet, aut utramque in partem vergens, officium hoc probationis doctrinarum non inter utilia duntaxat & fructuosa numeratur, nedum inter media aut indifferentia, sed inter simpliciter necessaria, quæ prætermitti nec debent nec possunt abique summo veritatis discrimine: quia quod Cassiodorus, Instit. Divin. lib. 6. sect. 24. de dubiæ fidei scriptoribus dixit, *Origo severissimi erroris est in suspectis authoribus amare totum*; id ipsum de probatissimis dici potest, *Erroris alicujus periculo non caret in optimis authoribus deperire omnia.* In ipsa Philosophia periculosum, vereor nè in Religione exitiosum videatur. Quod ad alias res spectat, satis superque cauti sumus nimiumque diligentes; nemo est qui victum, aut equum, aut pannum, aut domum empturus est, qui non explorandi priùs diligentiam adhibet quantam possit maximam. Dicite, annon pudet in minoribus istis oculatissimum se quemque gerere, & in potioribus cæcutire? Enimvero turpe est, si ea quæ in vestimentis sordida & in

Phil. 1. 10.
Hcb. 5. 14.

cibus noxia sunt repellere possumus; in sermonibus verò ac scriptis Doctorum, quæ animam exornant & nutriunt, nullam omnino rationem habeamus, sed, torrentis in morem, quicquid est obviàm contrahamus. Propterea ut S. Paulus & Philippenſes & Hebræos alloquitur, *Hoc oro, ut omni cognitione exundetis, & 3 δουλοῦνται τῷ Ἀγίῳ πνεύματι* ut exercitatos sensus habeatis *πρὸς Ἀγένοιον*, id est, ad discretionem boni & mali: similiter & ego vos, Auditores; Obsecro, inquam, neque enim ausim dicere Jubeo: sed est tamen qui jubet, qui cordis inspector *ἰδεὲς* q; omnium est. Quid hæsitamus? Quid moras nectimus? Deus imperat, ut sciamus nos huic officio vel maximis vinculis obstrictos fore; Deus, inquam, imperat, ut in scriptis auxiliaribus trutinandis unusquisque se cautissimum præbeat, quò faciliùs & veritatem invenire, & inventam retinere possit. Hoc Conſectarium primum.

Secundum hoc est, Probatio doctrinarum non aliter fieri potest nisi eas ad Sacram Scripturarum limam redigamus. Ex ista clausula emergit, *Probate an ex Deo sint. An ex Deo sint*, hoc est, an ex Scripturis prodeant, an sint Scripturis consonæ; quia Dei voluntas, uti in Scripturis continetur, ita nisi ex Scripturis non cognoscitur: sunt enim hæ voces in utroque Instrumento æquipollentes, *Deus dicit, & Scriptura dicit*. Sic Rom. 9. 17. *Scriptura dicit Pharaoni*; &, *Deus erat qui loquebatur*, Exod. 9. 16. Rursus, ad 1 Tim. 5. 18. *Scriptura dicit, Non alligabis os bovi trituranti*; &, *Deus erat qui dixit per Moſen*, Deut. 25. 4. Adhuc, Gal. 3. 22. *Scriptura conclusit omnia sub peccato*; & Rom. 11. 32. *Deus conclusit omnes in inobedientia*. Quæ patas est ratio æquipollentiæ? nisi quia Scriptura est os Dei, & lingua Spiritus Sancti; ut quæ ex istis proveniunt, à Deo proveniant; & quæ ex istis comprobantur, à Deo ipſo pro ratis judicentur. Igitur quod S. Joannes suggerit, *Probate an ex Deo sint*, idem est ac si dixisset, *Probate an Scripturis Divinis respondeant*. Nè putetis quòd hujus examinationis ac judicii norma sit ratio vestra aut humana autoritas, sed Divina Veritas Sacris Tabulis comprehensa. Ad hanc trutinam afferrì oportet omnem doctrinam, & huic Heraclio lapidi apponi. *ἔσ, ἔσ*, inquit Chryſost. de Scripturis, *ἡ ζωὴ ἡ αἰσθητικὴ, sunt, sunt proculdubio statæ ac trutinæ*; non seculares quidem, ex ære ferroque constatæ, sed spirituales, ex mysteriis veritatis. Et nos, si spirituales sumus, curabimus ut hujus nos artis peritissimos præstemus. *ὁ ἀδύνατος νόμος ἀναγκάζει*, inquit Apostolus, 1 Cor. 2. 15. *probat & dijudicat omnia*: at nec probare nec dijudicare potest, nisi prius ad hanc amussim exigat. Nam *δουλοῦνται* est vox à nummulariis petita, qui coticulæ attritu aurum aut argentum à cupro aliisque metallis dijudicant; & non modò auri glebas & palacras, sed vel minimos scrupulos & limaturas probant, produntque cujusmodi sint: *Ut exinde nos discamus*, inquit Ambrosius, *hominum quorumcunque dicta & sententiæ examine curioso indagare*; nè adulteram veritatis imaginem, tinnitu & splendore aris decepti, pro eloquiis Domini castis thesauro nostro miscemus, si non prius singula in hac lance libremus. Hoc Conſectarium secundum.

Succedat tertium; Non ad unum aut alterum dogma præcepti scopus pertingit, sed longiori multò est atque patientior, ad omnia quæcunque hominum dicta ampliatus. Idcirco à S. Joanne indefinitè proponitur, *Probate spiritum*; & à S. Paulo universaliter, *Probate omnia*: quæ sola est aperitissima demonstratio, quòd in materia tam necessaria huic universali illud indefinitum æquipolleat; ut in rebus fidei nihil omnino humani admittatur *ἐκ τῆς αἵμας*, verùm ut quæcunque hominum dicta ad sacros calculos revo-

revoçentur. *Probate spiritus, probate omnia*; hoc est, Probate omnem spiritum, & cuiusque spiritus omnes doctrinas. Non quod ad omnia simpliciter inquisitio dilatanda esset: nam sunt nonnulla tam manifestè vera, ut ea probare esset prodere, sicut Articuli Fidei; sunt alia tam apertissimè falsa, ut enucleatio faceffat. Nemo est qui disquirat de quibus non est quod dubitet, sive noxia fuerint sive salutaria, si satis sint cognita. Ergo castigatè intelligendum est cum dicitur *Omnia*; ut ea omnia comprehendat in quibus potest esse discretio boni & mali; aut veri & falsi; idque & in rebus & in personis. Summa est, Quod nulla hominis alicujus tanta apud nos autoritas esse debet, ut ideo credamus aliquid esse verum quia ille sic credidit; aut ut juxta sentiamus, quia ille sic sensit. Est hoc necessariò interferendum, ut Jesuitæ Salmeronis glossarium quàm sit ineptum videatis. Verba ejus hæc sunt, Disp. 25. in Joannem: *Sunt quidam spiritus*, inquit, *qui non sunt probandi; imprimis, non Spiritus Sacra Scriptura, quia res est certissima; secunda, non Spiritus Ecclesia Catholica, vel in seipsa, vel in generalibus Conciliis representata, quia eis præest Spiritus Sanctus; tertio, non Veterum Patrum dicta & testimonia, quando omnes, vel ferè omnes, in unam sententiam conveniunt, quia tunc Patres certum & inevitabile reddunt argumentum veritatis Catholicae.* Hæc Salmeron, oblitus & Apostoli & sui: sui, quia idem Salmeron, in Rom. 5. Disp. 51. de Beatæ Virginis Conceptione disserens, *infirmum* vocat argumentum à Patrum consensu. *Quidam*, inquit, *eorum computant ducentos Patres contra immaculatam Conceptionem, quidam ferè trecentos; & quid tunc postea? Locus ab autoritate est infirmus; Pauperis est numerare pecus: & id genus non pauca Patrum ludibria, in quibus gloriatur.* Eja, quàm nullius frontis aut memoriæ? cum S. Joannis verba explicat, Argumentum à Patrum consensu est certum & inevitabile; cum S. Pauli, infirmum: illic, non sunt excutienda Patrum dicta; hic, rejicienda: illic, si ferè omnes consentiant, sufficit; hic, ducentos aut trecentos non satis esse putat ad consensum. Enimvero mirandum non est si sui parùm memor fuerit, qui verborum Apostoli quæ tractavit non potuit meminisse: siquidem uterque Apostolus illimitatè hanc causam agit; *Probate spiritus*, hoc est, quoscunque spiritus humanos; *Probate omnia*, hoc est, quæcunque ab humano spiritu prodeuntia. Esto, sint homines sancti, esto multi, at homines tamen; & nullius hominis, nullorum hominum sententia est excipienda. Et sic quidem Patres ipsi non dubitant interpretari. *Omnia quæ dicuntur probanda monet*, inquit in Pauli locum Ambrosius, *Omnia quæ pertinent ad fidem vitamque nostram*, inquit Augustinus, *sive sint de Christo, sive de Ecclesia, sive de quacunque alia re*, lib. 3. Con. literas Petiliani, cap. 6. Postremo, & Chrysostomus astipulatur, Ser. 63. to. 5. *Nummularios*, inquit, *vos Deus appellat, τὰς δυνάμεις; ut omnes doceat ad examinanda ea quæ uspiam dicuntur, idem studium conferre quod argentearii adhibent tam exploranda sunt numismata: ut enim illi perperam signatum numisma repudiant, sincerum & integrum admittunt, utrumque postquam probaverint; etiam & tibi similiter est faciendum: hortor, mones, ὑμῶν πάντα τὰς δυνάμεις, nè sermonem quemvis admittite, nisi probatum & salutarem.* Hæc Chrysostomus, ut ad omnia humana dicta Apostoli locum pertingere demonstraret. Hocq; Confectarium tertium. Videamus nunc quartum, quod sic se habet; Non ad unum aut alterum genus hominum præcepti ratio se porrigit, sed in communi ad omnes & singulos; nam in plurali dicitur, *probate, retinete*. Hæc illa est Propositio contra quam Pontifici maxime feruntur, dum acerrimè contendunt,

Eusebium Dionysius. Et præterea habentur eadem ipsissima verba apud Nicephorum Callistum, lib. 6. cap. 8. Sed quid tandem Dionysii hæc interpretatio ad instantiam nostram? Numquid nobis est detrimento? Esto, loquatur Paulus *πρὸς τοὺς δυνάμειους*, ad eos qui fortiores fide firmioresque fuerant; neque enim cuiusvis est Patrum scripta rimari, & verum à falso sagaciter segregare: sed rogo, num *δυνάμειοι* sunt soli Prælati, ut Catharinus, aut soli Præpositi Ecclesiæ, ut Stapletonus exponit? Quid igitur de iis Laicis omnibus dicturus est, qui causam fidei non minus strenuè egerunt quàm ipsi Episcopi? Nam hoc certissimum, quamplurimos olim Laicos & fide fortes, & eruditione insignes existisse; atque in utriusque specimen multos Tractatus Theologicos in gratiam Ecclesiæ nascentis edidisse. Arnobium & Augustinum nondum Baptismo percepto scripsisse aliqua omnes norunt; & Origenem opus *κατηχήσεων* anno ætatis decimo octavo, priusquam Presbyter factus est; atque prostant etiam Leonis Imperatoris Homiliæ, à Gretsero editæ. Taceo de Aristide, Agrippa, Hegesippo, Justino, Modesto, Apollonio, Heraclio, Maximo, aliisque plurimis ab Hieronymo enumeratis, qui vel Apologias pro Christianis, vel Disputationes contra Ethnicos & Hæreticos ediderunt; cum tamen nullis Ecclesiastici Clericatus titulis ornabantur. Et post hos omnes magni nominis Laicos, per *τοὺς δυνάμειους* solos Ecclesiæ Præpositos Dionysius intellexit, si Stapletono credimus: quo nihil est futilius, aut magis ab utriusque Apostoli mente alienum. Etenim S. Joannes apertè profitetur, se ad infirmos fide scripsisse, cap. 2. ver. 13. *Scribo vobis, Patres, Scribo vobis, pueri*; & tum demum, post pauca quæ intercurrent, adjungit, *Nolite omni spiritui credere, sed probate spiritum*, &c. Obsecro, num *pueri*, vel, magis ad verbum, *infantes* Prælati erant? num *pueri δυνάμειοι*? Adhuc, & S. Paulus ad totam Ecclesiam Thessalonicæ, locutus est, cum dixit, *Omnia probate*. Num omnes erant *δυνάμειοι*, omnes Præpositi? Consulamus loci circumstantias, annon ita sit. Semper, inquit, *gandete, Indefinenter orate, In omnibus gratias agite, Spiritum nè extinguite, Prophetias nè spernite, Omnia probate, quod bonum est retinete*. Hæc illa sunt quæ cervantur præcepta generalia, promiscuè ad omnes Christianos pertinentia. Ecquis sui compos affirmabit, ad Prælatos solos spectare orare, gratias agere, non extinguere Spiritum? ecquis solus Prælati esse, quod bonum est retinere? quæ singula sunt communia præteritis officia. Itaque quemadmodum ad omnes pertinet indefinenter orare, & in omnibus gratias agere, & quod bonum est tenere: ita non nisi absurdè ad paucos hoc coercebitur, *Omnia probate*. Imò verò ad omnes extendi debere apertè profitetur Chrysost. Hom. 13. in 2 Cor. Cum, inquit, *absurdum sit, ut illi qui de pecuniis agunt, aliis non credant, sed numero calculoque id committant; qui autem in rebus fidei versantur, aliorum sententiis distrahantur*: *διὸ ἀπὸ πάντων ὑμῶν*, propter hoc ab omnibus vobis posulo, (videtis, ab omnibus vobis posulo) ut omisso quod cuique de his rebus videatur, omnia à Divinis Scripturis sciscitemini. Hoc consecrarium quartum, Ad omnes hoc munus pertinere: in quo fui paulò prolixior, ut & locum Apostoli vindicarem, & simul Papistarum sophismata detegerem.

Consecrarium ultimum superest, quod verbo expediam: & in hunc modum instituitur; Post examen dictorum & sententiarum legitimum factum, lectori liberum est, ea sola quæ cum Scripturis Sacris congruunt in suos usus transferre: imò verò necessarium est bona à malis, vera ab heterodoxis discernere, hæc rejiciendo, illa in thesaurum suum colli-

gendo: Sub istis verbis Apostoli comprehenditur, *Quod bonum est retinere*; quibus ostendit, opus illud probationis non fore actum in se terminatum, verum in ordine transeuntium. Probatio dogmatum, si in seipso claudatur, omnino non prodest: oportet ut se ad alterum actum promoveat. Si quis sit iste actus secundus rogas, dico, In omnibus non semper est idem hic actus secundus, verum juxta objecti naturam aliquando mutatur. Si objectum æquivocum fuerit aut heterogeneous, quædam in se bona continens, pejora alia, tum quidem post probationem actus primus est discriminatio sive segregatio; & post discriminationem factam, electio boni, & mali reprobatio: si objectum sit univocum & homogeneum, post probationem actus qui sequitur, est approbatio omnium si bona fuerint, ut iis possimus adhærere, repudiatio omnium si mala fuerint, nè pudeat iis valedicere. Utrumque non obscure S. Paulus complectitur: etenim eorum unum apertè exprimitur, *Quod bonum est retinere*; alterum necessariò subintelligitur, *Quod malum est abdicare*. Et quidem eò usque vix quisquam est Interpretum qui verba non existimet dilatanda. Sic S. Ambrosius explicat, *Quæcunque, inquit, Apostolorum & ipsius Domini dictis consentiunt, ea retinenda esse monet Apostolus, & benedicta habenda; ab his autem quæ inimica fidei videntur esse, abstinendum: quantumvis quæ multa bona dicat, & in uno aliquo quod fidei adversum est deficiat*. Pariter & Hieronymus, Ep. 152. ad Minerium & Alexandrum; *Idem, inquit, propositum est antiquos legere, probare singula, retinere quæ bona sunt, & à fide Ecclesia Catholica non recedere; quia novi Salvatorem dixisse, Estote probati nummularii: ut si quis nummus adulter est, & figuram Cesaris non habet, nec signatus est moneta publica, reprobetur; qui autem Christi faciem claro præferat lumine, in cordis nostri marsupium recondatur*. Hactenus Hieronymus. Ex quibus clarissimè elucescit, & à sinistra parte, ingentem populo injuriam fieri à Pontificiis, dum inaudita tyrannide & autoritate plusquam dictatoriâ ea præscribunt quæ volunt, & examinare prohibent; etenim scelus est velle *dominare* & à parte dextra, non minimum Christiani hominis esse officiolium ad Scripturæ trutinam rationum pondera in rebus fidei revocare; nec in sententia alicujus, quamvis Pater audiat, acquiescere, nisi priùs explorata. Idque sit sine ulla contumelia Patrum, iusto judicio, & nullâ temeritate, ut Augustinus loquitur. Itaque quod Hieronymus, Ep. ad Damasum, de Ethnicorum literis, *Hoc nos, inquit, facere solemus, quando Philosophos legimus, quando in manus nostras libri veniunt sapientia seculari: si quid in eis superfluum sit, radimus; si quid utile reperimus, in nostrum dogma convertimus*: idem & nos de Sancto- rum Patrum scriptis meritò possumus commonefacere; Si quid in illis cum Scriptura non congruit, id licet, salvâ eorum honorificentia, respicere, licet incomparabiliter inferiores ipsis simus. *ὡς περ αἱ μέλιτες*, inquit Basilii, *Quemadmodum apes flores noxios prætereunt, licet in hortu Principum inveniant, & iis solis insident quos mellis usui accommodos noverint; & sicut in legendis rosis sentes vitamus: sic in dictis & scriptis aliorum si quid est utile, carpamus; si quid noxium, aures obstruamus*. Hæc dicti Apostolici Summa, hic scopus, ut omnia probantes, quod bonum est retineamus. Atque hæc de Propositione prima, Ex ipsis Scripturis fideles erudiri, cujusvis qui in hoc genere literaturæ se exercet officium esse, omnia & singula dicta omnium & singulorum Doctorum, sive recentiorum sive veterum, ad amussim Scripturæ ponere, & quæ huic consona adinvenerit amplecti, quæ repugnantia repudiare.

In

Cont. Don.
l. 7. c. 20.

Hom. 14. Deleg.
Gentil. libru.

In Propositione altera quæ sequitur, idem saxum volvendum est, sed aliis mediis, & hoc ipsum quod nunc ex Scripturis dilucidavimus, ex ipsis Patribus, ut de se æquissimis iudicibus, est demonstrandum.

LECTIO XLVI.

QUOD dicta & sententiæ Veterum Ecclesiæ Doctorem ad Sacrum Canonem revocanda, trutinanda, examinanda, dijudicanda sint, id Scripturarum testimoniis comprobatum effluxa nostra præsentia præstitit, quando simul sum pollicitus, me idem ex Patrum suffragiis hodie præstiturum. Non quod existimem in se non satis firmas aut nervosas esse Scripturis ductas rationes, aut hanc quæ superest disputationis partem ad præsentis argumenti definitionem tam præcisè esse necessariam, ut absque causæ detrimento præteriri non possit, cum Christianis omnibus persuasissimum sit, ædificium Scripturarum fundamento innixum columnis aliis non indigere, atque authoritatî supremæ si quid adjiciatur superfluere: sed hic consilii mei motus fuit, partim in vestram gratiam, Auditores, qui Sanctorum Patrum studio tam vehementer flagritis, partim ut Pontificiis occurrerem, quibus usitatum est de Patribus ut de suo peculio gloriari, & præcipue nō officio meo deesse viderer, si ex his de Veteribus dissertationibus testimonia Veterum prorsus eliminarem, cum post Scripturas quamplurimum faciant, si non in præsidium veritatis, at saltem ad famulatum, atque ad ornatum, si minùs ad firmamentum. Enimverò ex ore Spiritus Sancti quæ trahuntur testimonia, ea omnium vivacissima fore nemo est qui diffitebitur: attamen post hæc non potest dari firmitus aliud quàm quod adversus quemquam ex ore suo & ex propria conscientia deducitur. Hoc S. Paulus intellexit, quando ut Romanos de dilectione sua certiores redderet, ad utrumque horum provocavit: *Testis mihi Deus cui servo*, cap. 1. ver. 9. & *Testis mihi conscientia mea*, cap. 9. ver. 1. Hoc etiam Christus in Evangelio, cum servum inutilem non solum sententiâ Judicis, sed propriis verbis voluit coarguere: *Ex ore, inquit, tuo te iudicabo, serve nequam*. Quod si ignavi servi, qui talentum in terra abscondidit, eò justior habita est condemnatio, quia ab utroque testibus convictus discessit, & ex ore domini & ex ore suo: dubitandum non est, quin & servorum fidelium, quorum pars non minima Patres fuerunt, ea sit plenissima approbatio quæ utrinque profuit, & ex Sacris Literis, velut ex ore Dei, & ex scriptis suis, velut ex ore proprio. Quocirca progrediamur læti alacresque in hac altera parte instituti nostri, ut possim quod promiseram exsolvere. Et quia de Patribus differendum est, age, ex Patribus copias nostras hæc secundâ navigatione instruamus, ut ex ipsorum testimoniis discamus quid ipsorum testimonia valeant: neque enim fieri potest ad æquiores iudices appellatio, quàm ad ipsos se. Hæc prioris partis velut appendicula, Ut Scripturarum autoritatibus Veterum de seipsis sententiæ subjiçantur, velut ex redundantibus: nec erit, opinor, inanis disceptatio, sed amplissimam victoriæ materiam præbebit in omnibus quæ de rebus fidei dijudicandis controversiis agitantur. Sit igitur hæc fundamentalis Propositio,

Quod

Quòd sententiæ & dogmata Sanctorum Patrum sunt ad Scripturæ Sacræ trutinam revocanda, & in quantum cum ea aut consenserint aut dissenserint recipienda vel rejicienda, Patres ipsi, penè ad unum omnes, luculentissimè testantur; vix enim quisquam eorum est qui non hoc sapius prædicat ingeminatque, idque tam disertè, tam explicatè, tam crebriter, ut non sit verendum nè fortasse inopiâ laboremus, sed magis nè multitudinem testimoniorum obruamur.

In Propositionis terminis difficultas aut ambiguitas nulla est, si hoc solum præmonuerò, pro Patrum testimoniis ea sola me adducturum, non quæ cursim iis exciderint, sed quæ clariùs pleniusque dedita operâ & ex professo pronunciarunt. Quòd si dictorum minutias quasvis aut fragmina quæ sese uspiam offerunt colligerem, inæxputabilis numerus esset: mitto hæc, quia infinita sunt; mitto raptim editas sententioles, quas magis tetigerunt quàm tractarunt; mitto quæcumque ex conjecturis & consequentiis prodeunt, nihilque produco quod non sit reiectum & apertissimum. At unum est tamen quod inceptum iter perturbat, quo potissimum ordine hæc testimoniorum *dispositio* sit administranda. Nam cum sit maxima nubes testium, ut Apostolus loquitur; cumque, verum sit illud Ambrosii, *ubi ordo non servatur, fastidium sequitur*; & adhuc, cum non sit una tantummodo ordinis ratio, sed multiplex: hinc est quòd hæreo incertus è tam multis testibus quis omnium primus in arenam sit accersendus. Nam si ad ordinem me verto qui ex respectu ætatis temporisque oritur, ut illi priùs numerentur qui priùs vixerint, metuo nè vobis videar historiam texere aut autorum Catalogum magis quàm disputationem. Si ad ordinem honoris aut dignitatis, ut illi priores statuantur qui præstantiores, & antiquitatis erit injuria, & inversa magnorum nominum confusio; cum Sanctus Augustinus hoc modo esset ante omnes recensendus, post omnes Origenes, non ob defectum eruditionis, quâ eminebat, sed ob errores quibus implicatus est. Postremò, si ad ordinem respectu gentis aut idiomatis; ut priùs Græcorum, proinde Latinorum suffragia ponerentur, profectò hoc esset temere miscere omnia, dicta contigua segregando & segreganda jungendo; cum non eodem semper modo Patres de hac re loquantur; interdum de scriptis suis, interdum de scriptis aliorum; & nunc quidem de iis qui præcesserunt, nunc verò de iis qui coævi fuere & contemporanei. Nihil igitur superest nisi ut relicto personarum ordine, rerum potiùs tenorem atque dispositionem sequamur: atque sic quadruplex erit Testimoniorum Distributio.

In primis, quædam dicta Patrum habentur in quibus de seipsis & scriptis suis iudicium ferunt, quædam in quibus de scriptis aliorum. Dein, Testimonia de seipsis sunt duplicia; Ea quæ de seipsis solis perhibent, & Ea quæ de seipsis junctim cum aliis. Testimonia de aliis rursus duplicia; Ea quæ indefinitè de aliis in plurali, & Ea quæ de hoc aut illo Doctore in singulari. Postremò, ea quæ in singulari adhuc duplicis ordinis; Ea quæ de Antecessoribus suis, & Ea quæ de coætaneis. Hæc omnia si summatim colligamus, quinque Testimoniorum genera constituunt; Ea quæ de se solis, Ea quæ de se cum aliis, Ea quæ de omnibus aliis, Ea quæ de coætaneo aliquo, Ea quæ de aliquo ex antecessoribus suis. Hanc ego seriem libentiùs statuo, quia singulorum necessaria est distincta consideratio. Alioqui, quodcumque testimonium adducitur, erit aliquod subterfugium quo evolent Adversarii. Esto quòd seipfos & doctrinam suam probationi Patres submiserint: hoc præstitit Modestia. Esto, coætaneos suos eidem examini subjiciendos docuerunt: ad hoc eos deduxit Emulatio. Si

Si Antecessores suos, ignorantia, atque auctoritatis eorum minor debito aestimatio. Si ex utrisque hos vel illos sigillatim, ex hoc fonte manavit, quod singulos non putarunt pro fidei iudiciis esse statuendos, sed, ubi consenserint, universos. Huc usque, ut videtis, colores non desunt quos prætexit, tituli que speciosi quibus eludant disertissima testimonia. Sed cum ad extremum dispositionis membrum devenit, in quo demonstrandum est, Hoc ipsum Patres & in specie de Veteribus singulis, & in communi de omnibus, & inter omnes de seipsis docuisse, non erit ultra vel tantillum quod prætendatur. His ita prædispositis, ad quinque partitæ divisionis capita perlustranda jam propero. Et quia plura sunt quam quæ distinctè unius horulæ compendio percurrere possum, idcirco in formam brevioris compingam, hæc quinque in tria Capita vertendo; Ea quæ de seipsis, Ea quæ de uno aut altero sui similibus, & Ea quæ de omnibus Veteribus junctim Patres pronuntiant.

Ex his tribus triplex Classis vel series Testimoniorum emergit. Exordiar à prima.

Prima series est eorum qui de se & scriptis suis loquuntur. Sit igitur de istis hæc Propositio, Quoties de seipsis Patres verba faciunt, non aliam sibi suisque scriptis auctoritatem postulant, quam ut ad Scripturæ normam dicta sua exigantur, & eatenus recipiantur quatenus cum Sacra Pagina conspirant. Pro hujus Propositionis evidentia quatuor testes, iique apertissimi, sese offerunt.

Primus erit Origenes, hom. 1. in Jeremiam, *Necesse est nobis, inquit, Scripturas Sanctas in testimonium vocare, sensus quippe nostri & enarrationes nostra sine his testibus non habent fidem.* Similiter & Tract. 25. in Matth. *Debemus nos ad testimonium omnium verborum quæ proferimus in doctrina, proferre sensum Scripturæ, quasi confirmantem quem exponimus sensum.* Sicut enim omne aurum quod fuerit extra templum non est sanctificatum: sic omnis sensus qui est extra Divinam Scripturam, quamvis admirabilis videatur quibusdam, non est sanctus, quia non continetur in sensu Scripturæ. Non ergo debemus ad confirmandam doctrinam nostram nostros proprios intellectus jurare, & quasi testimonium assumere, nisi ostendimus ex eo sanctos esse quod in Scripturis continentur, quasi in templis Dei. Quid disertius? Ad Scripturas Patrum dicta esse revocanda, & ex Scripturis petenda, Origenes asserit, & non habere fidem, non esse sancta, nisi cum Scripturis congruant.

Secundas tenet Cyrillus Hierosolymitanus, Catechesi 4. *Illuminatorum.* Postquam de Sancta Trinitate nonnulla dixisset, *Deinceps, inquit, si Dominus concesserit, hoc exponetur pro viribus cum demonstratione ex Scriptura.* Oportet enim nè minimum quidem aliquid tradere de sanctis & Divina fidei mysteriis absque Divinis Scripturis. Imò verò, inquit, *μὴ δύναμις τοῦ λόγου ἀποδοῦναι ἀντὶ τῶν λόγων, nè mihi quidem ipsi hac dicenti fidem adhibeto, nisi accepta eorum quæ dicuntur demonstratione, non ex ingenioso acumine, sed ex Divinis Scripturis.* Rursus Catechesi duodecimâ, de Incarnatione Christi agens, *Si, inquit, Christi adventus causam queris, recurrite ad Scripturas; & μὴ τοῖς ἡμεῖς ὑπερολογίαις περὶ οὐρα, & οὐκ ἐν τῷ λόγῳ καὶ τῷ λόγῳ ἀποδοῦναι, h. e. nè meis commentis attendito, posses enim fortè decipi: imò nisi de singulis rebus accepto testimonio, nè dictis fidem habeto, nisi, inquam, de Virgine, de loco, de tempore, de modo & Scripturis didiceris, nè admittito hominis testimonium: qui enim nunc docet, suspectus & dubius esse potest, qui ante mille annos prophetavit, minime.* Hæc Cyrillus: nec opus est ut fatis in se manifesta repetam:

Non

4. CONT. MARC.

cunque modo argumentum instituat, vis consequentiæ nos apprehendit. A majore ad minus sequitur Negative: Si voci Angeli de cælis novum fidei dogma dictantibus absque Scripturarum collatione non sit credendum, multò minùs hominibus. Rursus, à suppositione impossibilitatis ad possibile sequitur Affirmative: Si hoc dato per impossibile verum est de Apostolis, qui in scriptis suis errare non potuerunt, multò magis id erit verum per possibile de quibuscumque scriptis hominum aliorum, quantumlibet sanctissimorum & doctissimorum, in quibus aberrationes non paucae inveniuntur. Ut omnia summam constringam, duo sunt quibus vis argumenti nititur. Fundamentum primum à Tertulliano statuitur: *Id verum quod prius; id prius quod ab initio; id ab initio quod ab Apostolis.* Ratio fundamenti hæc, Quæcumque post primum recentur, ea ad primum sunt collocanda, & ex primo metienda, quia ratio regulæ & mensuræ est in primo aliquo & summo: at in Patrum scriptis illud primum & summum non habetur, sed semper est aliquid & ultra & supra petendum. Exempli gratia, In Bernardo aut Damasceno objicis mihi quòd hoc vel illud legitur: non sufficit, est plus ultra, erant ante Damascenum Patres alii. Pergis, At est in Augustino aut Ambrosio: non sufficit, est plus ultra, erant ante Ambrosium alii. Adhuc, In Cypriano, Tertulliano, Irenæo, Justino, Ignatio: non sufficit, est plus ultra, erant ante illos Apostoli: & indubitatum est illud Hieronymi, in Psal. 86. *Quamvis sanctus, quamvis desertus sit aliquis post Apostolos, non habet auctoritatem.* Denique, In S. Paulo, aut Petro, aut Evangelii legitur: sufficit, est nihil ultra, hi primi fidei Doctores, Divinitus ad id munus inspirati, ad quos donec veniatur tranquillum spiritum ducere non possumus; ad quos si veniatur, abunde animus habet in quo conquiescat. Hoc fundamentum primum. Secundum, Quæcumque obliquitatem aliquam aut in se habent aut habere possunt, ea necessariò ad rectitudinis lineam revocari debent, ut cognoscatur an recta fuerint: at verò absoluta rectitudo in solis Scripturis eminet. De Sanctis Patribus certissimum est, Eos & errare potuisse, & aliquando non leviter errasse. Errasse eos in aliquibus scribit Bellarm. lib. 3. de Pontif. c. 3. §. 2. & lib. 3. De Verbo Dei, c. 10. Art. 16. & ante eum Rossensis advers. Lutherum, in Confut. Procem. p. 43. Et nos quoque aliquoties errasse Patres non diffitemur, erant enim homines, sicut & nos, & ante utrosque S. Hieronymus, Ep. ad Pammach. & Oceanum, *Erraverunt in fide tam Græci quam Latini, quorum non est necesse proferre nomina.* Quid quòd res ipsa loquitur? nemo enim est nescius quàm late sparsa sunt ista dogmata, de millenario regno Christi, de non puniendis demonibus poenâ gehennæ ante diem Judicii, de animis ad Visionem Dei non recipiendis ante diem Resurrectionis, de baptizatos ab hæreticis rebaptizando, de infantibus baptizatis non salvandis absque Eucharistia, & id genus alia. Hinc Conclusio emergit, Ut quod est falsum & fallibile mensura rectitudinis non statuat, cum in eo mens non possit quiescere. Esto, hoc vel illud dixit Gregorius, non est absoluta certitudo, quia errare potuit: aut Hieronymus, neque hîc certitudo habetur, quia errare potuit: similiter & in cæteris. Quid igitur faciendum? Revera quod S. Augustinus monet, lib. 2. con. Cresconium, cap. 31. *Ad Sacras Scripturas nos oportet recipere, secundum quas de cæteris literis vel fidelium vel infidelium liberè judicemus:* & quod Chrysost. in Opere imperfecto, Hom. 49. *Fugiendum, inquit, est ad montes, montes autem sunt Scriptura Sacra, sine quibus nulla potest esse probatio vera Christianitatis; præter quas non est apud alios refugium aliquod Christianorum fidei veritatem cognoscere volentium.*

lentium. Non simpliciter apud Angelos, quia etsi mutabiles non sunt, at creaturæ sunt; supremi ordinis spiritus, sed servi tamen & ministri, & longè inferioris notæ quàm vox Spiritûs Sancti: non omnino apud homines, quia & creaturæ sunt & mutabiles, ii qui errare possunt, ii qui sæpius errarunt: non apud utrosque, vel junctim, vel sigillatim; quia quod de Angelis per suppositionem dicitur, de hominibus positivè est intelligendum: si simile quid Divinæ veritati prædicaverint, sunt ad Scripturas trutinandi; si contrarium, sunt ex Scripturis anathematizandi, *Etiamsi Angelus*, inquit Paulus, *etiamsi Apostolus*, *etiamsi quisquam.* Hæc de primo Apostoli loco, quem dixi Argumentativum.

Accedo ad secundum, qui est Hortatorius: occurrit ex 1 Thess. 5. 20. *Prophetias nolite spernere; Omnia probate, quod bonum est retinete.* Quibus verbis jubentur fideles non solum singula explorare quorum usus aliquis esse possit: sed etiam sic explorata secernere, & iis solummodo adhærere quæ salutaria fuerint. Huic autem loco similis est alius ex 1 Jo. 4. 1. *Nolite omni spiritui credere, sed probate spiritus, an ex Deo sint.* Proflus quasi verbum ex S. Pauli ore arripuisset, adeo ad idem scrutinium, eandemque veritatis investigationem, eodémque fervore animi alumnos suos excitat quo Paulus suos: nè vellent *παρακαταθήσονται τοῖς λαλοῦντοῖς*, ut Chrysost. loquitur, hoc est, *nè nimia frontis infirmitate aut levitate animi aliorum verbis temere fidem adhibeant;* sed postquam omnia accuratius æstimaverint, tum demum ut credant. Et quidem in se uterque locus est perfectæ cumulæque virtutis, at impletiores multò explorandi formam exhibent si hoc modo conglutinentur, Nolite omni spiritui in omnibus credere, sed probate omnia, an ex bono & Divino Spiritu proficiantur: sin minùs, respuite, si sic, iis tenaciter adhærete. Sunt igitur quinque Consecratoria quæ ex locis sic inter se junctis emanant.

Consecrarium primum, Ad officium hominis Christiani spectat, acri magnòque judicio doctrinas quas in Veterum scriptis traditas observaverit examinare, & peniculatius expendere. In verbo *Probate* continetur; quod non tam est cohortantis vocabulum quàm imperantis, ut patet ex contextu, in quo præcepti rationem habet quodcunque recensetur: & illud, *Indefinenter orate*, est præceptum; & illud etiam, *In omnibus gratias agite*, præceptum: porro & illa singula, *Spiritum nè extinguite*, *Prophetias nè spernite*, ejusdem authoritatis præcepta: & post hæc sequitur, *Omnia probate.* Nè quis *ἀδιαφοροῦ* fortasse putet, aut utramque in partem vergens, officium hoc probationis doctrinarum non inter utilia cunctat & fructuosa numeratur, nedum inter media aut indifferentia, sed inter simpliciter necessaria, quæ prætermitti nec debent nec possunt absque summo veritatis discrimine: quia quod Cassiodorus, Instit. Divin. lib. 6. sect. 24. de dubiæ fidei scriptoribus dixit, *Origo severissimi erroris est in suspectis authoribus, amare totum;* id ipsum de probatissimis dici potest, *Erroris alicujus periculo non caret in optimis authoribus deperire omnia.* In ipsa Philosophia periculosum, vereor nè in Religione exitiosum videatur. Quod ad alias res spectat, satis superque cauti sumus nimiumque diligentes; nemo est qui victum, aut equum, aut pannum, aut domum empturus est, qui non explorandi priùs diligentiam adhibet quantum possit maximam. Dicite, annon pudet in minoribus istis oculatissimum se quemque gerere, & in potioribus cæcutire? Enimvero turpe est, si ea quæ in vestimentis sordida & in

Phil. 1. 10.
Heb. 5. 14.

cibis noxia sunt repellere possumus; in sermonibus verò ac scriptis Doctorum, quæ animam exornant & nutriunt, nullam omnino rationem habeamus, sed, torrentis in morem, quicquid est obviam contrahamus. Propterea ait S. Paulus & Philipenses & Hebræos alloquitur, *Hoc oro, ut omni cognitione exundetis, &c.* & *δοκιμαζετε τα ἀποστολικά*, ut exercitato sensus habeatis *προς ἀκριβείαν*, id est, ad discretionem boni & mali: similiter & ego vos, Auditores; Obsecro, inquam, neque enim ausim dicere Jubeo: sed est tamen qui jubet, qui cordis inspector judexq; omnium est. Quid hæsitamus? Quid moras necitimus? Deus imperat, ut sciamus nos huic officio vel maximis vinculis obstrictos fore; Deus, inquam, imperat, ut in scriptis auxiliaribus trutinandis unusquisque se cautissimum præbeat, quò facilius & veritatem invenire, & inventam retinere possit. Hoc Confectarium primum.

Secundum hoc est, Probatio doctrinarum non aliter fieri potest nisi eas ad Sacram Scripturarum limam redigamus. Ex ista clausula emergit, *Probate an ex Deo sint. An ex Deo sint*, hoc est, an ex Scripturis prodeant, an sint Scripturis consonæ; quia Dei voluntas, uti in Scripturis continetur, ita nisi ex Scripturis non cognoscitur: sunt enim hæ voces in utroque Instrumento æquipollentes, *Deus dicit, & Scriptura dicit*. Sic Rom. 9. 17. *Scriptura dicit Pharaoni; &, Deus erat qui loquebatur*, Exod. 9. 16. Rursus, ad 1 Tim. 5. 18. *Scriptura dicit, Non alligabis os bovi trituranti; &, Deus erat qui dixit per Moysen*, Deut. 25. 4. Adhuc, Gal. 3. 22. *Scriptura conclusit omnia sub peccato; & Rom. 11. 32. Deus conclusit omnes in inobedientia*. Quæ putas est ratio æquipollentiæ? nisi quia Scriptura est os Dei, & lingua Spiritus Sancti; ut quæ ex istis proveniunt, à Deo proveniant; & quæ ex istis comprobantur, à Deo ipso pro ratis judicentur. Igitur quod S. Joannes suggerit, *Probate an ex Deo sint*, idem est ac si dixisset, *Probate an Scripturis Divinis respondeant*. Nè putetis quòd hujus examinis ac judicii norma sit ratio vestra aut humana autoritas, sed Divina Veritas Sacris Tabulis comprehensa. Ad hanc trutinam affertur oportet omnem doctrinam, & huic Heraclio lapidi apponi. *ἐγώ, ἐγώ*, inquit Chrystost. de Scripturis, & *ὁ κύριος & ὁ θεὸς πατὴρ, οὗτοι οὗτοι*, sunt, sunt proculdubio *statera ac trutina*; non seculares quidem, ex ære ferroque conflatæ, sed spirituales, ex mysteriis veritatis. Et nos, si spirituales sumus, curabimus ut hujus nos artis peritissimos præstemus. *ὁ ἀποστόλος μαρτυρεῖ ἀναγκάσει*, inquit Apostolus, 1 Cor. 2. 15. *probat & judicat omnia*: at nec probare nec judicare potest, nisi prius ad hanc amussim exigat. Nam *δοκιμαζέτω* est vox à nummulariis petita, qui coricula attritu aurum aut argentum à cupro aliisque metallis dijudicant; & non modò auri glebas & palacras, sed vel minimos scrupulos & limaturas probant, produntque cujusmodi sint: *Ut exinde nos discamus*, inquit Ambrosius, *hominum quorumcunque dicta & sententias examine curioso indagare; nè adulteram veritatis imaginem, tinnitum & splendorem aris decepti, pro eloquiis Domini castis thesauro nostro miscuamus, si non prius singula in hac lance libremus*. Hoc Confectarium secundum.

Succedat tertium; Non ad unum aut alterum dogma præcepti scopus pertingit, sed longior multò est atque parentior, ad omnia quæcunque hominum dicta ampliatum. Idcirco à S. Joanne indefinitè proponitur, *Probate spiritum*; & à S. Paulo universaliter, *Probate omnia*: quæ sola est aperitissima demonstratio, quòd in materia tam necessaria huic universali illud indefinitum æquipolleat; ut in rebus fidei nihil omnino humani admittatur & extraneum, verùm ut quæcunque hominum dicta ad sacros calculos revo-

Heb. 6. 3. tom. 5.

revocentur. *Probate spiritus, probate omnia*; hoc est, Probate omnem spiritum, & cuiusque spiritus omnes doctrinas. Non quod ad omnia simpliciter inquisitio dilatanda esset: nam sunt nonnulla tam manifestè vera, ut ea probare esset prodere, sicut Articuli Fidei; sunt alia tam apertissimè falsa, ut enucleatio facefferat. Nemo est qui disquirat de quibus non est quoddam dubiter, sive noxia fuerint sive salutaria, si satis sint cognita. Ergo castigatè intelligendum est cum dicitur *Omnia*; ut ea omnia comprehendat in quibus potest esse discretio boni & mali, aut veri & falsi; idque & in rebus & in personis. Summa est, Quod nulla hominis alicujus tanta apud nos autoritas esse debet, ut ideo credamus aliquid esse verum quia ille sic credidit; aut ut juxta sentiamus, quia ille sic sentit. Est hoc necessariò interferendum, ut Jesuitæ Salmeronis glossarium quàm sit ineptum videatis. Verba ejus hæc sunt, Disp. 25. in Joannem: *Sunt quidam spiritus*, inquit, *qui non sunt probandi*; imprimis, non Spiritus Sacrae Scripturae, quia res est certissima; secunda, non Spiritus Ecclesia Catholica, vel in seipsa, vel in generalibus Conciliis representata, quia eis praeest Spiritus Sanctus; tertio, non Veterum Patrum dicta & testimonia, quando omnes, vel ferè omnes, in unam sententiam conveniunt, quia tunc Patres certum & inevitabile reddunt argumentum veritatis Catholicae. Hæc Salmeron, oblitus & Apostoli & sui: sui, quia idem Salmeron, in Rom. 5. Disp. 51. de Beatæ Virginis Conceptione differens, infirmum vocat argumentum à Patrum consensu. *Quidam*, inquit, *eorum computant ducentos Patres contra immaculatam Conceptionem*, quidam ferè trecentos: & quid tunc postea? *Locus ab autoritate est infirmus*; *Pauperis est numerare pecus*: & id genus non pauca Patrum ludibria, in quibus gloriatur. Eja, quàm nullius frontis aut memoriz: cum S. Joannis verba explicat, Argumentum à Patrum consensu est certum & inevitabile; cum S. Pauli, infirmum: illic, non sunt excutienda Patrum dicta; hîc, rejicienda: illic, si ferè omnes consentiant, sufficit; hîc, ducentos aut trecentos non satis esse putat ad consensum. Enimvero mirandum non est si sui parùm memor fuerit, qui verborum Apostoli quæ tractavit non potuit meminisse: siquidem uterque Apostolus illimitatè hanc causam agit; *Probate spiritus*, hoc est, quoscunque spiritus humanos; *Probate omnia*, hoc est, quæcunque ab humano spiritu prodeuntia. Esto, sint homines sancti, esto multi, at homines tamen; & nullius hominis, nullorum hominum sententia est excipienda. Et sic quidem Patres ipsi non dubitant interpretari. *Omnia quæ dicuntur probanda mones*, inquit in Pauli locum Ambrosius. *Omnia quæ pertinent ad fidem vitamque nostram*, inquit Augustinus, sive sint de Christo, sive de Ecclesia, sive de quacunque alia re, lib. 3. Con. literas Petiliani, cap. 6. Postremo, & Chrysostomus astipulatur, Ser. 63, to. 5. *Nammularios*, inquit, *vos Deus appellat*, τὰς δυνάμεις; *ut omnes doceat ad examinanda ea quæ uspiam dicuntur, idem studium conferre quod argentarii adhibent cum exploranda sunt numismata*: ut enim illi perperam signatum numisma repudiant, sincerum & integrum admittunt, utrumque postquam probaverint; etiam & tibi similiter est faciendum: *hæc, mones; μὴ πείσῃς λέγοντες, nè sermonem quemvî admittere, nisi probatum & salutare*. Hæc Chrysostomus, ut ad omnia humana dicta Apostoli locum pertingere demonstraret. Hòcque Consecrarium tertium.

Videamus nunc quartum, quod sic se habet; Non ad unum aut alterum genus hominum præcepti ratio se porrigit, sed in communi ad omnes & singulos; nam in plurali dicitur, *probate, retinete*. Hæc illa est Propositio contra quam Pontificiū maximè feruntur; dum acerrimè conten-

dunt, non quidem ad omnes Christianos cohortationem Apostoli spectare, sed solummodo ad Prælatos & præpositos Ecclesiæ. *Prælati scribitur*, inquit Catharinus, similiter & Bellarminus, lib. 3. De Verbo Dei, cap. 10. *Non ea mens est Apostoli, inquit, ut omnes de Ecclesia id faciant, sed ut id ii faciant ad quos pertinet.* Ehem, quàm cautè, vel magis insulsi! nam si omnes facere debent ad quos pertinet, ergò simpliciter omnes id facere debent qui possunt; nam nos ostendimus ad omnes pertinere. Ad extremum, Stapletonus fusiùs cæteris, in Relectione principiorum, Contr. 5. Qu. 4. Art. 2. *Hæc verba Paulus dicit firmioribus & perfectioribus, id est, Præpositis Ecclesiæ, ut exponit Dionysius Alexandrinus apud Eusebium, lib. 7. cap. 6. Eccl. Hist.* Rursus in lib. 10. De principiis fidei, Contr. 6. cap. 8. *Dionys. Alex. hæc verba dicta esse intelligit apud τὸς δυνατωτέρους, firmioribus & perfectioribus, quales sunt Ecclesiæ Præpositi, ut Euseb. testatur, lib. 7. cap. 6. & Sacr. lib. 3. cap. 14.* Hæc ille ex Eusebio & Socrate testimonia producit, pro restricta Paulini loci intelligentia. Ego utrumque, quoniam à nostris qui hoc eorum responsum vellicant est prætermisum, conabor penitiùs, si potero, indagare; atq; erit, ut opinor, operæ pretium. Inprimis Whitakerus noster, utcumque Bellarmini responsum refellat, at de Dionysii testimonio quod à Stapletono urgetur omnino tacet: & ratio omissionis est in promptu, quòd disputationem De autoritate Scripturæ eòsque non produxit, non ultra Stapletoni librum 3. cùm Dionysii mentio apud Stapletonum non sit nisi in lib. 10. Deinde Chamierus, quantumvis sit bonæ fidei & emunctissimi calami scriptor, attentiusque investigator antiquitatis, at in hac parte tamen indiligentior solito videtur; nam & de Socrate tacet, & de Eusebio negat, Dionysii verba quibus Stapletonus abutitur in Eusebio ullatenus reperiri. Quod ad me pertinet, absit ut ego virum sanctum, & innumeris authoribus volvendis fatigatum, reprehenderem; cùm satès sciam aliquando contingere posse, dicente Hieronymo, *ut ipse dormitet vigilans.* Videamus si cura nostra explere possit quod in ipso desideratur, neque erit magni negotii, si locos ipsos consulamus. Ad locum Socratis, lib. 3. cap. 14. responso facilis, In loco Socratis verborum S. Pauli mentionem aliquam fieri, interpretationis Dionysii nullam: quod fortasse in causa fuit ut in margine solo Stapletonus notaret subtilitatem, vel potius furtivam, fide. Ego integrum locum subijcio: *Et Christus, inquit Socrates, & Apostolus ejus præcepit, ut exquisiti nummularii simus, quòd omnia exploremus, ut rejiciamus quòd malum, quòd autem bonum verumque teneamus, nihilque admittamus quòd non sit exploratum:* hæc ille. Quibus nihil disertius aut pro nobis aut contra se Stapletonus potuit expromere, si ipsa verba descripsisset; & non puduit eum tamen in margine indicare sub Dionysii nomine, ad responsum suum confirmandam. Sic dupliciter est titubatum: & quòd ad causam suam simulatè detorquet quòd ei aperitissimè adversatur; & quòd ad Socratem de Dionysii explicatione nos remittit, cùm nihil tale de Dionysio Socrates testetur. De Eusebio loco altero, fatendum est, Dionysii illa verba fore quæ Stapletonus recitat, *απερὶ τοῖς δυνατωτέροις* sed nobis omnino non præjudicant. Affirmat in ea Epistola apud Eusebium Dionysius, visionem quandam coelitus ad se dimissam esse, & cum visione vocem, ut libros quos haberet evolveret atq; examinaret: *Et ego, inquit, approbavi visionem, οὐ δυνάστην φωνὴν συναγέρ, τῇ λήσειν ἀπερὶ τοῖς δυνατωτέροις, Γινώσκοντες δὲ οὐ μὴν τραπέζῃται, ὑποτε quæ consentiebat voci Apostolica ad potentiores dicenti, Estote diligentes animadversores, & velut trapezita qui argentum probant.* Hæc apud Euse-

Tom. 1. l. 16.
c. 2. scilicet. 20.

Ep. 51. et Ep. 75.

Eusebium Dionysius. Et præterea habentur eadem ipsissima verba apud Nicephorum Callistum, lib. 6. cap. 8. Sed quid tandem Dionysii hæc interpretatio ad instantiam nostram? Numquid nobis est detrimento? Esto, loquatur Paulus *ἡμεῖς τὸς δὲ ὑμῶν ἰσχυροῦς*, ad eos qui fortiores fide firmioresque fuerant; neque enim cuiusvis est Patrum scripta rimari, & verum à falso sagaciter segregare: sed rogo, num *δὲ ὑμῶν ἰσχυροῦς* sunt soli Prælati, ut Catharinus, aut soli Præpositi Ecclesiæ, ut Stapletonus exponit? Quid igitur de iis Laicis omnibus dicturus est, qui causam fidei non minus strenuè egerunt quàm ipsi Episcopi? Nam hoc certissimum, quamplurimos olim Laicos & fide fortes, & eruditione insignes existuisse; atque in utriusque specimen multos Tractatus Theologicos in gratiam Ecclesiæ nascentis edidisse. Arnobium & Augustinum nondum Baptismo percepto scripsisse aliqua omnes norunt; & Origenem opus *κατηχητικόν* anno ætatis decimo octavo, priusquam Presbyter factus est; atque prostant etiam Leonis Imperatoris Homiliæ, à Gretsero editæ. Taceo de Aristide, Agrippa, Hegesippo, Justino, Modesto, Apollonio, Heraclio, Maximo, aliisque plurimis ab Hieronymo enumeratis, qui vel Apologias pro Christianis, vel Disputationes contra Ethnicos & Hæreticos ediderunt; cum tamen nullis Ecclesiastici Clericatus titulis ornabantur. Et post hos omnes magni nominis Laicos, per *τὸς δὲ ὑμῶν ἰσχυροῦς* solos Ecclesiæ Præpositos Dionysius intellexit, si Stapletono credimus: quo nihil est futile, aut magis ab utriusque Apostoli mente alienum. Etenim S. Joannes apertè profitetur, se ad infirmos fide scripsisse, cap. 2. ver. 13. *Scribo vobis, Patres, Scribo vobis, pueri*; & tum demum, post pauca quæ intercurrunt, adjungit, *Nolite omni spiritui credere, sed probate spiritus*, &c. Obsecro, num *pueri*, vel, magis ad verbum, *infantes* Prælati erant? num *pueri δὲ ὑμῶν ἰσχυροῦς*? Adhuc, & S. Paulus ad totam Ecclesiam Thessalonice, locutus est, cum dixit, *Omnia probate*. Num omnes erant *δὲ ὑμῶν ἰσχυροῦς*, omnes Præpositi? Consulamus loci circumstantias, annon ita sit. Semper, inquit, *gaudete, Indefinenter orate, In omnibus gratias agite, Spiritum nē extinguite, Prophetias nē spernite, Omnia probate, quod bonum est retinete*. Hæc illa sunt quæ acervantur præcepta generalia, promiscuè ad omnes Christianos pertinentia. Ecquis sui compos affirmabit, ad Prælatos solos spectare orare, gratias agere, non extinguere Spiritum? ecquis solus Prælati esse, quod bonum est retinere? quæ singula sunt communia præteritis officia. Itaque quemadmodum ad omnes pertinet indefinenter orare, & in omnibus gratias agere, & quod bonum est tenere: ita non nisi absurdè ad paucos hoc coercebitur, *Omnia probate*. Imò verò ad omnes extendi debere apertè profitetur Chrysost. Hom. 13. in 2 Cor. Cum, inquit, *absurdum sit, ut illi qui de pecuniis agunt, aliis non credant, sed numero calculoque id committant; qui autem in rebus fidei versantur, aliorum sententiis distrahantur: διὸ ἀλλήλων καὶ διὰ τοῦ πνεύματος ἑαυτοὺς, propter hoc ab omnibus vobis postulo, (videtis, ab omnibus vobis postulo) ut omisso quod cuique de his rebus videatur, omnia à Divinis Scripturis sciscitemini*. Hoc confectarium quartum, Ad omnes hoc munus pertinere: in quo sui paulò prolixior, ut & locum Apostoli vindicarem, & simul Papistarum sophismata detegerem.

Confectarium ultimum superest, quod verbo expediam: & in hunc modum instituitur; Post examen dictorum & sententiarum legitimum factum, lectori liberum est, ea sola quæ cum Scripturis Sacris congruunt in suos usus transferre: imò verò necessarium est bona à malis, vera ab heterodoxis fecernere, hæc rejiciendo, illa in thesaurum suum colli-

gendo: Sub istis verbis Apostoli comprehenditur, *Quod bonum est retinete*; quibus ostendit, opus illud probationis non fore actum in se terminatum, verum in ordine transeuntium. Probatio dogmatum, si in seipso claudatur, omnino non prodest: oportet ut se ad alterum actum promoveat. Si quis sit iste actus secundus rogas, dico, In omnibus non semper est idem hic actus secundus, verum juxta objecti naturam aliquando mutatur. Si objectum æquivocum fuerit aut heterogeneous, quædam in se bona continens, pejora alia, tum quidem post probationem actus primus est discriminatio sive segregatio; & post discriminationem factam, electio boni, & mali reprobatio: si objectum sit univocum & homogeneous, post probationem actus qui sequitur, est approbatio omnium si bona fuerint, ut iis possimus adherere, repudiatio omnium si mala fuerint, nè pudeat iis valedicere. Utrumque non obscure S. Paulus complectitur: etenim eorum unum aperte exprimitur, *Quod bonum est retinete*; alterum necessario subintelligitur, *Quod malum est abdicite*. Et quidem eò usque vix quisquam est Interpretum qui verba non existimet dilatanda. Sic S. Ambrosius explicat, *Quæcunque, inquit, Apostolorum & ipsius Domini dictis consentiunt, ea retinenda esse monet Apostolus, & benedicta habenda; ab his autem qua inimica fidei videntur, esse abstinendum: quantumvis quibus multa bona dicat, & in uno aliquo quod fidei adversum est deficiat*. Pariter & Hieronymus, Ep. 152. ad Minerium & Alexandrum, *Meum, inquit, propositum est antiquos legere, probare singula, retinere qua bona sunt, & à fide Ecclesie Catholica non recedere; quia novi Salvatorem dixisse, Estote probati nummularii: ut si quis nummus adulter est, & figuram Cesaris non habet, nec signatus est moneta publica, reprobetur; qui autem Christi factem clero præfert lumine, in cordis nostri marsupium recondatur*. Hactenus Hieronymus. Ex quibus clarissime elucescit, & à sinistra parte, ingentem populo injuriam fieri à Pontificiis, dum inaudita tyrannide & autoritate plusquam dictatoriæ ea præscribunt quæ volunt, & examinare prohibent; etenim scelus est velle domare & à parte dextra, non minimum Christiani hominis esse officiolium ad Scripturæ trutinam rationum pondera in rebus fidei revocare; nec in sententia alicujus, quamvis Pater audiat, acquiescere, nisi prius explorata. Idque fit sine ulla contumelia Patrum, iusto judicio, & nulla temeritate; ut Augustinus loquitur. Itaque quod Hieronymus, Ep. ad Damasum, de Ethnicorum literis, *Hoc nos, inquit, facere solemus, quando Philosophos legimus, quando in manus nostras libri veniunt sapientie secularis: si quid in eis superfluum sit, radimus; si quid utile reperimus, in nostrum dogma convertimus*: idem & nos de Sancto-rum Patrum scriptis merito possumus commonefacere; Si quid in illis cum Scriptura non congruit, id licet, salva eorum honorificentia, respuere, licet incomparabiliter inferiores ipsis simus. *ὡς περ αἱ μέλιττα, inquit Basiliius, Quemadmodum apes flores noxios prætereunt, licet in hortis Principum inveniant, & iis solis insident quos melius usui accommodos noverint; & sicut in legendis rosis sentes vitamus: sic in dictis & scriptis aliorum si quid est utile, carpamus, si quid noxium, aures obstruamus*. Hæc dicti Apostolici Summa, hic scopus, ut omnia probantes, quod bonum est retineamus. Atque hæc de Propositione prima, Ex ipsis Scripturis fideles erudiri, cujusvis qui in hoc genere literaturæ se exercet officium esse, omnia & singula dicta omnium & singulorum Doctorum, sive recentiorum sive veterum, ad amissum Scripturæ ponere, & quæ huic consona adinvenire amplecti, quæ repugnantia repudiare.

In

Cont. Dou.
1,7.c.20.

Hom. 14. De leg.
Gentil. libru.

In Propositione altera quæ sequitur, idem saxum volvendum est, sed aliis mediis, & hoc ipsum quod nunc ex Scripturis dilucidavimus, ex ipsis Patribus, ut de se æquissimis iudicibus, est demonstrandum.

LECTIO XLVI.

Quòd dicta & sententiæ Veterum Ecclesiæ Doctorum ad Sacrum Canonem revocanda; trutinanda, examinanda, dijudicanda sint, id Scripturarum testimoniis comprobatum effluxa nostra præsentia præstitit, quando simul sum pollicitus, me idem ex Patrum suffragiis hodie præstaturum. Non quòd existimem in se non satis firmas aut nervosas esse Scripturis ductas rationes, aut hanc quæ superest disputationis partem ad præsentis argumenti definitionem tam præcisè esse necessariam, ut absque causæ detrimento præteriri non possit, cum Christianis omnibus persuasissimum sit, ædificium Scripturarum fundamento innixum columnis aliis non indigere, atque auctoritatì supremæ si quid adjiciatur superfluere: sed hic consilii mei motus fuit, partim in vestram gratiam, Auditores, qui Sanctorum Patrum studio tam vehementer flagritis, partim ut Pontificiis occurrerem, quibus usitatum est de Patribus ut de suo peculio gloriari, & præcipuè nè officio meo deesse viderer, si ex his de Veteribus dissertationibus testimonia Veterum prorsus eliminarem, cum post Scripturas quamplurimum faciant, si non in præsidium veritatis, at saltem ad famulatum, atque ad ornatum, si minùs ad firmamentum. Enimvero ex ore Spiritus Sancti quæ trahuntur testimonia, ea omnium vivacissima fore nemo est qui diffitebitur: attamen post hæc non potest dari firmius aliud quàm quod adversus quemquam ex ore suo & ex propria conscientia deducitur. Hoc S. Paulus intellexit, quando ut Romanos de dilectione sua certiores redderet, ad unumque horum provocavit: *Testis mihi Deus cui servo*, cap. 1. ver. 9. & *Testis mihi conscientia mea*, cap. 9. ver. 1. Hoc etiam Christus in Evangelio, cum servum inutilem non solum sententiâ iudicis, sed propriis verbis voluit coarguere: *Ex ore*, inquit, *tuus te iudicabo, serve nequam*. Quòd si ignavi servi, qui talentum in terra abscondidit, eò justior habita est condemnatio, quia ab utrisque testibus convictus discessit, & ex ore domini & ex ore suo: dubitandum non est, quin & servorum fidelium, quorum pars non minima Patres fuerunt, ea sit plenissima approbatio quæ utrinque profuit, & ex Sacris Literis, velut ex ore Dei, & ex scriptis suis, velut ex ore proprio. Quocirca progrediamur læti alacresque in hac altera parte instituti nostri, ut possim quod promiseram exsolvere. Et quia de Patribus differendum est, age, ex Patribus copias nostras hæc secundâ navigatione instruamus, ut ex ipsorum testimoniis discamus quid ipsorum testimonia valeant: neque enim fieri potest ad æquiores iudices appellatio, quàm ad ipsos se. Hæc prioris partis velut appendicula, Ut Scripturarum auctoritatibus Veterum de seipsis sententiæ subjiciantur, velut ex redundanti: nec erit, opinor, inanis disceptatio, sed amplissimam victoriæ materiam præbebit in omnibus quæ de rebus fidei dijudicandis controversiis agitantur. Sit igitur hæc fundamentalis Propositio;

Quòd

Quòd sententiæ & dogmata Sanctorum Patrum sunt ad Scripturæ Sacræ trutinam revocanda, & in quantum cum ea aut consenserint aut dissenserint recipienda vel rejicienda, Patres ipsi, penè ad unum omnes, luculentissimè testantur; vix enim quisquam eorum est qui non hoc sæpius prædicat ingeminatque, idque tam disertè, tam explicatè, tam crebriter, ut non sit verendum nè fortasse inopiâ laboremus, sed magis nè multitudine testimoniorum obruamur.

In Propositionis terminis difficultas aut ambiguitas nulla est, si hoc solum præmonuerò, pro Patrum testimoniis ea sola me adducturum, non quæ cursim iis exciderint, sed quæ clariùs pleniusque dedicâ operâ & ex professo pronunciarunt. Quòd si dictorum minutias qualvis aut fragmina quæ sese uspiam offerunt colligerem, inexputabilis numerus esset: mitto hæc, quia infinita sunt; mitto raptim editas sententiolas, quas magis tetigerunt quàm tractarunt; mitto quæcunque ex conjecturis & consequentiis prodeunt, nihilque produco quod non sit reiectum & apertissimum. At unum est tamen quod inceptum iter perturbat, quo potissimum ordine hæc testimoniorum *oïngropia* sit administranda. Nam cum sit maxima nubes testium, ut Apostolus loquitur; cumque verum sit illud Ambrosii, *Ubi ordo non servatur, fastidium sequitur*; & adhuc, cum non sit una tantummodo ordinis ratio, sed multiplex: hinc est quòd hæreo incertus è tam multis testibus quis omnium primus in arenam sit accersendus. Nam si ad ordinem me verto qui ex respectu ætatis temporisque oritur, ut illi priùs numerentur qui priùs vixerint, metuo nè vobis videar historiam texere aut authorum Catalogum magis quàm disputationem. Si ad ordinem honoris aut dignitatis, ut illi priores statuuntur qui præstantiores, & antiquitatis erit injuria, & inversa magnorum nominum confusio; cum Sanctus Augustinus hoc modo esset ante omnes recensendus, post omnes Origenes, non ob defectum eruditionis, quâ eminebat, sed ob errores quibus implicatus est. Postremò, si ad ordinem respectu gentis aut idiomatis; ut priùs Græcorum, proinde Latinorum suffragia ponerentur, profectò hoc esset temere miscere omnia, dicta contigua segregando & segreganda jungendo; cum non eodem semper modo Patres de hac re loquantur; interdum de scriptis suis, interdum de scriptis aliorum, & nunc quidem de iis qui præcesserunt, nunc verò de iis qui coævum fuere & contemporanei. Nihil igitur superest nisi ut relicto personarum ordine, rerum potiùs tenorem atque dispositionem sequamur: atque sic quadruplex erit Testimoniorum Distributio.

In primis, quædam dicta Patrum habentur in quibus de seipsis & scriptis suis judicium ferunt, quædam in quibus de scriptis aliorum. Dein, Testimonia de seipsis sunt duplicia; Ea quæ de seipsis solis perhibent, & Ea quæ de seipsis junctim cum aliis. Testimonia de aliis rursus duplicia; Ea quæ indefinite de aliis in plurali, & Ea quæ de hoc aut illo Doctore in singulari. Postremò, ea quæ in singulari adhuc duplicis ordinis; Ea quæ de Antecessoribus suis, & Ea quæ de coætaneis. Hæc omnia si summam colligamus, quinque Testimoniorum genera constituunt; Ea quæ de se solis, Ea quæ de se cum aliis, Ea quæ de omnibus aliis, Ea quæ de coætaneo aliquo, Ea quæ de aliquo ex antecessoribus suis. Hanc ego seriem libentius statuo, quia singulorum necessaria est distincta consideratio. Alioqui, quodcunque testimonium adducitur, erit aliquod subterfugium quo evolent Adversarii. Esto quòd seipsum & doctrinam suam probationi Patres submisserint: hoc præstitit Modestia. Esto, coætaneos suos eidem examini subjiciendos docuerunt: ad hoc eos deduxit Emulatio. Si

Si Antecessores suos, ignorantia, atque autoritatis eorum minor debito æstimatio. Si ex utrisque hos vel illos sigillatim, ex hoc fonte manavit, quòd singulos non putarunt esse fidei iudicibus esse statuendos, sed, ubi consenserint, universos. Huc usque, ut videtis, colores non desunt quos prætexant, titulique speciosi quibus eludant disertissima testimonia. Sed cum ad extremum dispositionis membrum devenit, in quo demonstrandum est, Hoc ipsum Patres & in specie de Veteribus singulis, & in communi de omnibus, & inter omnes de seipsis docuisse, non erit ultra vel tantillum quod prætendatur. His ita prædispositis, ad quinque partitæ divisionis capita perlustranda jam propero. Et quia plura sunt quàm quæ distinctè unius horulæ compendio percurrere possum, idcirco in formam brevioris compingam, hæc quinque in tria Capita vertendo; Ea quæ de seipsis, Ea quæ de uno aut altero sui similium, & Ea quæ de omnibus Veteribus junctim Patres pronuntiant.

Ex his tribus triplex Classis vel series Testimoniorum emergit. Exordiar à prima.

Prima series est eorum qui de se & scriptis suis loquuntur. Sit igitur de istis hæc Propositio, Quoties de seipsis Patres verba faciunt, non aliam sibi suisque scriptis autoritatem postulant, quàm ut ad Scripturæ normam dicta sua exigantur, & eatenus recipiantur quatenus cum Sacra Pagina conspirant. Pro hujus Propositionis evidentia quatuor testes, iique apertissimi, sese offerunt.

Primus erit Origenes, hom. 1. in Jeremiam, *Necesse est nobis, inquit, Scripturas Sanctas in testimonium vocare, sensus quippe nostri & enarrationes nostra sine his testibus non habens fidem.* Similiter & Tract. 25. in Matth. *Debemus nos ad testimonium omnium verborum quæ proferimus in doctrina, proferre sensum Scripturæ, quasi confirmantem quem exponimus sensum.* Sicut enim omne aurum quod fuerit extra templum non est sanctificatum: sic omnis sensus qui est extra Divinam Scripturam, quamvis admirabilis videatur quibusdam, non est sanctus, quia non continetur in sensu Scripturæ. Non ergo debemus ad confirmandam doctrinam nostram propriis intellectus jurare, & quasi testimonia assumere, nisi ostendimus ex eo sanctos esse quòd in Scripturis continentur, quasi in templis Dei. Quid disertius? Ad Scripturas Patrum dicta esse revocanda, & ex Scripturis petenda, Origenes asserit, & non habere fidem, non esse sancta, nisi cum Scripturis congruant.

Secundas tenet Cyrillus Hierosolymitanus, Catechesi 4. Illuminatorum. Postquam de Sancta Trinitate nonnulla dixisset, Deinceps, inquit, si Dominus concesserit, hoc exponetur pro viribus cum demonstratione ex Scriptura. Oportet enim nè minimum quidem aliquid tradere de sanctis & Divina fidei mysteriis absque Divinis Scripturis. Imò verò, inquit, quòd quæ ipsi non viderunt, de quibus non habuerunt, nè mihi quidem ipsi hac dicenti fidem adhibeto, nisi accepta eorum quæ dicuntur demonstratione, non ex ingenioso acumine, sed ex Divinis Scripturis. Rursus Catechesi duodecimâ, de Incarnatione Christi agens, Si, inquit, Christi adventus causam quaris, recurre ad Scripturas; & µὴ τῶν ἰσχυρῶν ὑπερβολῶν ἀκούσῃς, δυνάτον δὲ τοῦ κατανοήσαντος, h. e. nè meis commentis attendito, posses enim fortè decipi: imò nisi de singulis rebus accepto testimonio, nè dictis fidem habeto; nisi, inquam, de Virgine, de loco, de tempore, de modo & Scripturis didiceris, nè admittito hominis testimonium: qui enim nunc docet, suspectus & dubius esse potest; qui ante mille annos prophetavit, minimè. Hæc Cyrillus: nec opus est ut satis in se manifesta repetam:

Non

Non oportet nè minimum tradere de mysteriis fidei absque Scripturis; Nè meis commentis attendito absque Scripturis; Nè mihi fidem adhibeto, nisi demonstratione factâ ex Scripturis.

Post Cyrillum è Græcis, audiamus inter Latinos Ambrosium, lib. 1. De fide ad Gratianum, cap. 4. In eo loco probaturus, non esse dissimilem Patri Filium Dei, Gratianum sic alloquitur, *Nolo argumento nostro credas, sancte Imperator, aut nostra disputationi; Scripturas interrogemus, interrogemus Apostolos, interrogemus Prophetas, interrogemus Christum.* Et cap. 3. lib. De Incarnationis Domini Sacramento, *Nolo nobis credatur, Scriptura recitetur.* Non ego dico à me, *In principio erat Verbum, sed audio; non affingo, sed lego, & quæ sequuntur.* Hæc Ambrosius: quibus quia locus Epiphani per omnia respondet, non erit intempestivum vel hic interponere Græcum inter Latinos. Nam Hær. 65. hæc verba habentur ad Samosatenum, ἡμεῖς δὲ ἰσχυρὸν ὑπὸ μαρτυρίᾳ ἰσχυροῦ ὅτι ἀπὸ ἰδίων λογισμῶν διωκόμεθα λέγειν, ἀλλὰ ἀπὸ τῆς γεαφῶς ἀρχαῖας, Nos autem, inquit, uniuscujusque quæstionis solutionem non ex propriis ratiocinationibus dicere possumus, sed ex Scripturarum consequentia. Satis hæc in se clara sunt absque omni commentario; *Nolo nobis credas, aut disputationi nostra, aut ratiocinationibus nostris, sed Scripturis Sacris.*

Ad Ambrosium accedat Augustinus, qui meritò instar omnium esse potest, quia sæpius quàm reliqui omnes de se solet censuram facere. In lib. 3. de Trin. sic de se in Proœmio loquitur; *Noli meis literis quasi Scripturis Canonicis inservire: sed in illis & quod non credebas cùm inveneris, incunctanter crede; in istis autem quod certum non habebas, nisi certum intellexeris, noli firmiter retinere.* Et denuo, *Noli meas literas ex tua opinione vel contentione, sed ex Divina lectione vel inconcussa ratione corrigere: si quid in eis veri deprehenderis, existendo non est meum, at intelligendo & amando & tuum sit & meum; si quid autem falsi conviceris, errando fuerit meum, sed jam cavendo nec tuum sit nec meum.* Et 1. 2. De ordine rerum, c. 10. *Nolo omnino aliquos mihi credere, nisi docenti rationemque reddenti: & in Epist. ad Paulinam, quæ est 112. Nolo auctoritatem meam sequaris, ut ideo putes tibi aliquid necesse esse credere quoniam à me dicitur; sed aut Scripturis Canonicis credas, si quid nondum quàm verum sit vides, aut interius demonstranti veritati, ut hoc plane videas.* Et lib. 2. De bono Perseverantiæ, cap. 21. *Neminem sic volo amplecti omnia mea, ut me sequatur, nisi in iis in quibus me non errare perpexerit, &c.* Breviter, nihil istis vocibus apud Aug. usitatus, *Non audiat, Ego dico, Tu dicis, Cont. Maximinum, & in Pl. 87. Audi Christum dicentem, audi veritatem; & in Pl. 85. Ex Scripturis audio dicere, nihil ex me.* Quæ omnia si cum prioribus conferantur, Propositionem primam exhibent abunde cumulatèque manifestam, Noluisset Augustinum lectores suos ipsum ulterius sequi quàm ipse Divina oracula sequebatur. Eundem modestiæ spiritum trahens quem reliqui Patres ducebant, quando suis scriptis fidem adhiberi prohibebant nisi prius ad sacrum Canonem pensiculiùs examinatis. In hoc verecundiæ speculo sua omnia Patres intuiti sunt, atq; una fuit omnium facies & lingua, quoties de seipsis proloquebantur; eaq; tam clara, ut non sit opus aliquid ultrà addere de prima Propositione, à prima Testimoniorum serie transfusa, quæ Patrum de seipsis sententias in se complectitur.

Secunda series est istorum Patrum qui non de se, sed de aliis sermonem instituunt; non quidem omnibus, sed uno aliquo aut altero istius eruditi comitatùs. Et de istis sit hæc Propositio; *Quicquid illud est quod de se Patres*

Patres statuunt, idem per omnia de singulorum veterum Theologorum scriptis decernunt, quotiescunque in ipsos sermo incidit; dum & ad eandem explorationis Leges eos revocant, & iisdem Scripturarum cancellis eos circumscribunt quibus seipsum; nè aut illinc favisse sibi magis viderentur quam aliis, aut isthinc id aliis indulsisse quod sibi denegandum judicarent. Propositionis scopus unus est, sed diversæ semitæ: quippe quod interdum de Orthodoxis mentionem faciunt, interdum de iis quos pravi dogmatis labes maculavit; interdum de coetaneis suis, interdum de iis qui longè antecesserant: attamen de singulis est eadem sæpius repetita sententia, In his solum eis esse adhærendum, in quibus ipsi Divinitus inspiratæ regulæ syllabatim adhæserunt. Et potui quidem hac in re Hieronymi vobis iudicium de Origene expromere, qui in ep. ad Pammachium & Oceanum aperte profiteretur, se libros ipsius accuratius legisse, at fugisse dogmata, quia aliena erant à Scripturis Sanctis, & vim Scripturis facientia. Potui etiam & Sancti Hilarii iudicium de Tertulliano, Can. 50. in Matth. Eum de oratione volumen attissimum scripsisse; at non sequendum tamen, quia consequens error hominis detraxit scriptis probabilibus auctoritatem. Sed hæc libenter prætereo, quia Tertulliani & Origenis nomina minoris erant apud Patres auctoritatis. Sunt alii quibus major veneratio habebatur, & de his tamén sigillatim S. Augustinus sæpenumero docet, non nisi ex literis Canonicis eorum scripta esse consideranda. Inprimis in Ep. 48. magni nominis Theologum Vincentium sic alloquitur, *Non te arbitror, mi frater, sic libros tuos legi velle, tanquam Prophetarum vel Apostolorum, de quorum scriptis, quod omni errore careant, dubitare nefarium est: absit hoc à pia humilitate quæ es præditus; non enim sic leguntur tanquam ita ex eis testimonium proferatur, ut contrà sentire non liceat, sicuti fortè secus sapnerint quàm veritas postulat.* Deinde de S. Ambrosio haud longè aliter, in lib. De orando Deo, ad Paulinam, c. 23. postquam & sua & Ambrosii verba posuisset, ita concludit; *Neque mihi sic credas quemadmodum Ambrosio, de cuius libris tanta illa testimonia posui: aut si ambobus nobis equà lance putas esse credendum, numquid ullo modo nos Evangelio comparabis? aut scripta nostra Scripturis Canonicis coequalia? Profectò si rectè in dijudicando sapias, longè nos infra vides ab illa auctoritate distare, & me quidem longius: sed utrique nostrum quantumlibet credas, utrumque illi nequiquam excellentiæ compares.* Et paulò post, *Hæc si approbas, tene mecum sancti Viri Ambrosii sententiam, jam non ejus auctoritate sed ipsa veritate firmatam: nec enim & mihi propterea placet, quia per illius os potissimum me Dominus ab errore liberavit, & per illius ministerium gratiam mihi Baptismi salutis indulsit, tanquam plantatori & rigatori meo nimium faveam; sed quia de hac re & ipse hoc dixit quod pie cogitanti & rectè intelligenti loquitur ille qui incrementum dat Deus.* Hæc Augustini sunt de Ambrosio sententia; Neque diversi coloris est illa altera de S. Cypriano; in lib. 2. cont. Donatistas, c. 2, 3. *Vos nobis, inquit, obicere soletis Cypriani literas, Cypriani sententiam, Cypriani consilium: cur autem auctoritatem Cypriani pro vestro schismate assumitis, & ejus exemplum pro Ecclesiæ pace respiciitis? Quis nescit Sanctam Scripturam Canonicam, tam Veteris quàm Novi Testamenti, certis suis terminis contineri, eamque omnibus posterioribus Episcoporum literis ita præponi, ut de illa omnino dubitari & disceptari non possit, utrum verum vel rectum sit quicquid in ea scriptum esse constiterit: Episcoporum autem literas, quæ post confirmatum Canonem vel scriptæ sunt vel scribuntur, à doctioribus posse reprehendi, si quid in eis fortè à veritate deviatum est, idque sine ullo typho sacrilegæ superbiæ, sine ulla inflatæ cervicis arrogantia, sine ulla contentione livida invidia, cum sancta humilitate, cum pace Catholica, cum charitate Christiana?*

stiana. Hæc de Cypriano Augustinus. Quid quodd & in libris contra Cresconium in eandem sententiam non semel prorumpit? In l. 2. c. 31. Nos nullam Cypriano facimus injuriam, cum ejus quaslibet literas à Canonica Divinarum Scripturarum autoritate distinguimus, quas omnino judicare non audemus, & secundum quas de ceteris literis fidelium vel infidelium liberè judicemus. Et mox, c. 32. Ego hujus Epistola (loquitur de Cypriani Epistola ad Pompeium) autoritate non teneor, quia literas Cypriani non ut Canonicas habeo, sed eas ex Canonicis considero, & quod in eis Divinarum Scripturarum auctoritati congruit, cum laude ejus accipio; quod autem non congruit, cum pace ejus respuo. Si eaqua commemorasti ab illo, de aliquo Apostolorum vel Prophetarum Canonico recitares, quod omnino contradicerem non haberè: nunc verò, quia Canonicum non est quod recitas, (eà libertate ad quam nos vocavit Dominus) non accipio quod scripserit. Postremò, nè quis eum paulò adversus Cyprianum iniquiorem existimaret, adjungit alia nomina, in Ep. 48. ad Vincentium, Noli, frater, contra Divina tam multa, tam clara, tam indubitata testimonia colligere velle calumnias ex Episcoporum scriptis, sive Hilarii, sive Cypriani & Agrippini: quia hoc genus literarum ab auctoritate Canonis distinguendum est, &c. Quid plura? nam istis non video quid adjici possit, cum inter veteres Theologos omnes, maximè apud Augustinum pretii fuisse Cyprianus & Ambrosius, sive conjunctim spectemus, sive separatim. Si conjunctim, hos duos ut Divinæ eloquentiæ torrentes, l. 4. de Doctr. Christiana, c. 2. secum invicem confert, sicut Fabius Ciceronem cum Demosthene. Si separatim, de Cypriano tam magnificè loquitur, ut omnia sua scripta non esse paria Epistolis Cypriani dixerit, in c. 32. l. 2. con. Cresconium; atque virum ejusmodi appellat, cujus laudem consequi non valet, cujus ingenium diligit, cujus ore delectatur, cujus charitatem miratur, cujus martyrium veneratur: & quid post hæc omnia? Quando aliter quàm par est sapit, non accipio; Reprehendi potest, si à veritate deviet; Non facio ei injuriam, si ejus literas à Divinis distinguo; Ejus auctoritate non teneor, ejus literas non ut Canonicas habeo, eas ex Canonicis considero; quod Scriptura non congruit, cum pace ejus respuo. Vice versâ, non sunt istis inferiores honoris tituli quos Sancto Ambrosio inscripsit: nam l. 1. De nuptiis & concupiscentia, cum inter Latinos scriptores velut florem speciosum enituisse ait; cujus fidem & purissimum in Scripturis sensum nè Pelagius quidem ausus est reprehendere: & l. 2. con. Julianum, suis ipsius in Christo patrem non dubitat: pcellare, quod eum per Evangelium genuisset; tanta excellentia virum, ut ejus pro Catholica fide gratiam, constantiam, labores, pericula, totus Orbis Romanus predicabat: & ex istis quid sequitur? Audi, Non sunt illius scripta Evangelio comparanda; Ejus non mihi placet sententia quia ejus auctoritate, sed quia veritate firmatur; Non quod ipse dixit, sed quia verbo Dei respondent quæ dixerit. Sic Sancto Augustino amicus Cyprianus, qui Theologorum Demosthenes, amicus Ambrosius, qui Tullius: sed tantum usque ad aras Scripturarum; à quibus quantum è Patribus quotuscunque deflexit, quamvis sit inter palmarios, esto Hilarius, esto Ambrosius, aut Cyprianus, esto ipse Augustinus, tantum auctoritati suæ fideique præjudicat, vel ipsis se testibus; quibus nihil familiarius quàm auditores & lectores suos cohortari, ut in his vel illis Patribus evolvendis, sive coartaneis sive antecessoribus suis, ad Scripturarum examen redigant, & istis cancellis antiquorum doctrinas circumferbant. Hæc de secunda Propositione, ex secunda serie testimoniorum conflata.

Ultima Classis est istorum Patrum qui non de hoc aut illo in specie, sed in còmuni de antiquis Doctoribus omnibus, & in hac frequentia de seipsis unà cum

cum cæteris disputant : & de istis sit hæc tertia Propositio. Non solum de uno aut altero sparsim, sed de omnibus Veteribus gregatim, in scriptis suis Patres ubique pronuntiant, & eorum dogmata esse ad Scripturas expenden-
da, ut probentur, & eorum testimonia ex Scripturis æstimanda, ut ex istarum consensu aut dissensu magis minusve valeant ad fidei controversias dirimen-
das. Ad Propositionis fidem sufficere potest cognitio veteris consue-
tudinis quæ olim in Conciliis celebris fuit atque solennis : consuetudo illa
à Cusano recensetur, lib. 2. De Concord. Catholica, c. 6. formam veterum
universalium Synodorum fuisse, ut Sacra Evangelia semper in medio pone-
rentur. Obsecro, quæ consuetudinis causa ? Revera Cusanus non reddit ;
at in promptu est tamen, ut Episcopi scirent, ex his & secundum has Con-
stitutiones omnes & Decreta formanda. Facile colligitur ex Clem. Alexan-
drini Strom. septimo ; *Periculosè eos falli necesse est, inquit, qui magnis rebus
manum admovent, nisi ab ipsa habeant veritate veritatis regulam.* Ex S. Hila-
rio ad Constantium, *Si, inquit, hos terminos egredimur, fides erit temporum,
non Evangeliorum ;* & ex Claudii Mammerti l. 3. De Statu animæ, qui ha-
betur in tom. 5. Bibl. Patrum, *Eatenus, inquit, Divinarum tractatoribus Scri-
pturarum fides adhibenda est, quoadusque eisdem tenore veritatis astipulantur.*
Denique & ex S. Augustino, De unitate Eccl. c. 10. *Nè Catholicis quidam
sentiant : nam oves Christi,* inquit, *pastoris vocem sequuntur ; quæ autem est
vox pastoris nisi hæc, Lege hoc mihi de Propheta, lege mihi de Psalmo, recita
de Lege, recita de Evangelio, recita de Apostolo ? Auferantur charta humana,
ut sonent voces Divine.* Quod ejusmodi fuerit consuetudo colligere possumus
ex Eusebii lib. 7. c. ult. qui Synodi Antiochenæ Patres ejecisse ex Ec-
clesiæ Paulum Samosatenum asserit ; *ὅτι ἀποῖος τῷ κανόνι. ὅτι κλέβουλα ἡ
ῥόδα διδασκαλία μετέσχευον, relicto Scripturarum Canone ad adulterinam
depravatamque doctrinam se contulit.* Neque abulid illud Constantini
Magni Imperatoris apud Theod. lib. 1. c. 7. qui in Orat. ad Patres Nicenos
habita, Indignum esse dixit se oppugnare matuò, cum haberent secum libros
Evangelicos tanquam utriusque partis arbitros. Atque verisimile est in
hanc consuetudinem oculos suos intendisse Augustinum, in Psal. 57. ubi sic
habemus loquentem ; *Auferantur è medio charta nostræ, procedat in medium
codex Dei.* Ergò hæc consuetudinis ratio & prima & sola ; & ego si in ea
huic tertiæ Propositioni finem imponerem, exinde ad hanc Propositionem
illustrandam satis emicasset luminis puto. Sed ex Patrum præterea testimo-
niis hoc faciendum me repromisi ; atque eò facilius præstari potest, quia in
hac parte est testium numerus amplior, quorum è magno acervo

Inprimis adest Clem. Alexandrinus, Ström. 7. ubi duo occurrunt aurea Apophthegmata, eaque notatu dignissima. Apophthegma primum sic se habet, ἡ ἀνάλη ἀποφαιρόμεναι ἀνθρώποις ἀπορήσκειν, Non aequum est nos attendere simpliciter hominibus asserentibus, adversus quos & nobis ex aequo licet assertione uti. Secundum hoc est, ὃ ἔχει ἀνθρώπων ἀναμέμεικται μαρτυρία, ἀλλὰ τῇ τοῦ Κυρίου φωνῇ πνευματικῇ ἐκταμέρον, Non moramur testimonium ab hominibus, sed verbum Dei confirmamus id quod in questionem venit : quæ omnium & certissima est & sola Demonstratio. Hæc Clemens, ostendens & se & Veteres omnes esse in eodem pretio habendos, ut nec alii ipsi; nec ipse aliis fidem adhiberet, nisi ex Scripturis militarent. Clementi Origenes succedit, cujus in Rom. c. 3. hæc sunt verba ; Σ. Paulo in more positum est, de Scripturis Sanctis asserere quod dixerat : simul & Doctores Ecclesie præbens exemplum, ut ea que loquuntur ad populum non propriis præsumpta sententiis, sed Divinis munita testimoniis proferant. Si enim ipse, tantus ac talis

002

Apostolus,

ἡμεῖς ὅλας τὰς πᾶντα πυνδαίνεθε, Propterea vos omnes rogo atque obsecro, ut quid hic aut ille de his rebus sentiat relinquatis, & Scripturas de iis consulatis. Hæc ille: quibus similis habetur locus in Psal. 95. qui vasserrimè de-
torquetur à Bellar. l. 4. De verbo Dei, c. 11. Non oportet, inquit Chrysostomus, quicquam dicere sine testibus, solâque animi cogitatione. Nam si quid dicitur absque Scriptura, cogitatio Auditorum claudicat, nunc annuens, nunc
hastitans, interdum sermonem ut frivolum aversans, interdum ut probabilem recipiens, &c. Quibus utrinque ostendit, & sine Scripturis nulli rei certò fidem fieri posse; claudicat, inquit, Auditorum cogitatio: & officium commune esse, cui omnes alligantur qui Doctorum in Ecclesia munere funguntur, doctrinam suam ex Scripturis commendatam reddere, & his testimoniis confirmare. Atque è Chrysostomo satis; post quem è Græcis neminem necesse est producere, nisi solum, coronidis loco, Theodoretum. Et insignis exstat locus, Dial. 1. c. 6. ubi de hoc, quasi de receptissimo axiomate, Orthodoxus & Hæreticus inter se congruunt, quòd ex sola Scriptura Doctorum assertiones sint expendendæ. Cave mihi, inquit Orthodoxus, nè disceptationes humanas Syllogismosque protuleris; ἐγὼ δὲ μὴν περὶ Θεοῦ τῆς Θεῆς ὁμολογῶ, Ego enim in sola Divina Scriptura acquiesco: Eranistes respondet, Nec ego amplector opinionem non confirmatam τῇ ὁμολογῇ μαρτυρίᾳ. Hæc sit Græcorum clausula.

Videamus annon Latinorum eadem sit de seipsis aliisque sententia. Et inter hos copias ducat beatissimus martyr Cyprianus, Ep. 63. ad Cæcilium fratrem: Quod solus Christus debeat audiri, inquit Cyprianus, Pater de celo testatur: Hic est filius meus dilectissimus, in quo bene sensi, ipsum audite: Quare si solus Christus audiendus est, non debemus attendere quid alius ante nos faciendum putaverit; sed quid qui ante omnes est Christus prior fecerit: neque enim hominis consuetudinem sequi oportet, sed Dei veritatem. Hæc Cyprianus. Prodeat post Cyprianum Hieronymus, non enim sunt obscura ipsius verba, sed illustria, Ep. 152. ad Minerium & Alexandrum: Meum est, inquit, propositum, antiquos legere, probare singula, retinere qua bona sunt, & à fide Ecclesiæ Catholica non recedere. Adhuc in Commentariis super Psalmos, si modò sint Hieronymi, sicut ei à Ruperto tribuuntur: ibi in Psal. 98, hoc ipsum quasi Axioma inter Christianos vulgatum ratumque decernit, Omne quod loquimur, inquit, debemus affirmare de Scripturis Sanctis: cum non habeat tantam autoritatem sermo dicentis quantam Domini præceptum. Et in Psal. 86, Exceptis Apostolis, quodcunque aliud postea dicitur abscindatur, non habeat postea autoritatem; quamvis ergò Sanctus sit aliquis post Apostolos, quamvis disertus sit, non habeat autoritatem: verba sunt & luculentiora & vehementiora quàm ut post recitationem admonitione multâ egeant. Locus postremus assignetur Augustino, non quia cæteris postponendus, sed quia testis cæteris locupletior. In primis, con. Faustum, l. 11. c. 5. Id genus literarum à nobis non cum credendi necessitate, sed cum iudicandi libertate, legendum est, &c. Et mox, In Doctorum opusculis licet eadem inveniatur que in Sacris Literis veritas, longè tamen est impar autoritas, quia in his liberum habet lector auditorve iudicium, quo vel approbet quod placuerit, vel improbet quod offenderit; neque reprehenditur qui credere noluerit; si ex illa Canonica autoritate non defendantur, &c. Idem Ep. 19. ad Hieronymum, Ego fateor Charitativa, solis eis Scripturarum libris qui jam Canonici appellantur didici hunc honorem deferre, ut nullum eorum authorem scribendo aliquid errasse firmissimè credam: alios autem ità lego, ut quantalibet sanèitate doctrinâque prapõeant, non ideo verum putem quia ipsi ità senserunt, sed quia mihi, vel per illos authores Canonicos, vel probabili ratione, persuadere

persuadere poterunt. Et Ep. 112. ad Paulinam, *Quod Divinarum Scripturarum perspicua firmatur auctoritate, sine ulla dubitatione credendum est: aliis vero testibus vel testimoniis tibi credere vel non credere liceat, quantum ea momenti ad faciendam fidem vel habere vel non habere perpendetur.* Et ad Fortunatum Sunensem Episcopum, *Neque enim, inquit, quorumlibet disputationes, quamvis Catholicorum & laudatorum virorum, velut Scripturas Canonicas habere debemus, ut nobis non liceat, salva honorificentia qua illis debetur hominibus, aliquid in eorum scriptis respuere, si forte invenerimus quod aliter senserint quam veritas habet: talis ego sum in scriptis aliorum, tales volo esse intellectores meorum.* Postremo, & istis artexere possumus quamplurima ad hoc ipsum spectantia, ex c. 18. 1. De grat. & lib. arb. ex c. 33. l. 2. De nuptiis & concupiscentia; ex c. 3. De unitate Ecclesiae, con. epist. Petiliani; ex c. 14. l. 3. Contra Maxentium; ex c. 1. l. 2. Contra Donatistas; & ex Ep. 19. in qua adversus Hieronymum contendit de reprehensione Petri ex 2^o ad Galatas. In quibus omnibus tam multus & manifestus est, ut videatur & solus & sola hanc quæ præ manibus est causam peregissee. Quod si nostri instituti esset, his ita adaptatis prioris seculi claustris, Papistarum jam postica pulsare; nihil esset negotii etiam è Veteribus Pontificiis hujus generis quamplurima *αυθολογῶν* sed nolo me huic pelago committere, non quod sit extra causam, sed quia extra propositum. Sufficiat quasi ex diverticulo, ex quatuor tantummodo è vetustioribus, qui propius ad Patrum confinia accedebant, hoc indicare. Inter hos nulli secundus est Rupertus; l. 7. in Matth. *Quicquid dicat quis, inquit Rupertus, conferendum est cum Scripturis, quas non ab homine, neque per hominem, sed à Spiritu Sancto acceperunt homines sancti: & in librum Regum commentariorum l. 3. Totum celeste oraculum in duobus ita continetur Testamentis, ut extra hæc audire neque hominem nobis liceat neque angelum.* Ruperto astipulatur Lyranus, Prol. 1. in Biblia. Sicut, inquit, in philosophia veritas cognoscitur per reductionem ad prima principia per se nota: ita & in scripturis à Sanctis Doctoribus traditis, veritas cognoscitur, quantum ad ea quæ sunt fide tenenda, per reductionem ad Scripturas Canonicas, quæ sunt habite divinæ revelatione, cui nullo modo potest falsum subesse. Lyrano proximus est Aquinas, qui præterquam quod in prima parte Summæ, qu. 1. art. 8. disertè alierat, fidem nostram nisi revelationi, Prophetis & Apostolis, non aliis Doctoribus: in quæstionibus disputatis disertius multò se explicat; loco 4. quæst. 14. quæ est De Fide, art. 10. resp. ad argum. 11: *Prophetis & Apostolis credimus ex hoc, quod eis Dominus testimonium perhibuit: successoribus autem eorum non credimus, nisi in quantum nobis annuntiant ea quæ illi in scriptis reliquerunt.* Novissimus est J. Gerson, in tractatu De examinatione doctrinarum; qui postquam in parte 1. Confid. quintâ dixisset, plus tribuendum esse auctoritatē alicujus simplicis, & non authorizati, excellenter in Sacris Scripturis eruditi, quàm declarationi Papa: tandem in Confider. 1^a partis 2^a ad vivum relecat hoc quod nos nunc agimus; non quidem verbis venustis, sed admodum dilucidis. Attendendum est, inquit, in examinatione doctrinarum, primò & principaliter, si doctrina sit conformis Sacra Scriptura, tam in se, quàm in modi traditione. Declaratur auctoritate B. Dionysii dicentis, nihil audendum dicere de Divinis nisi quæ nobis à Scriptura Sacra tradita sunt; cujus ratio est, quia Scriptura nobis tradita est tanquam regula sufficiens & intelligibilis, pro regimine totius Ecclesiastici corporis & membrorum usque in finem seculi. Est igitur talis ars, talis regula vel exemplar, cui se non conformans alia doctrina, vel abicienda est ut hæreticæ & suspectæ, vel impertinens ad religionem prorsus est habenda. Hæc post Aquinatem, Lyranum & Rupertum, Gersonus; ut

illis

illis ostenderet, omnia quæ ab aliquo dicuntur, quicunque tandem ille sit, exigi ad Scripturam debere, & huic per omnia regulæ conformari. Ex quibus omnibus computatis, præter illa sublimia themata quæ Scripturarum præconia celebrant, hæc subalternatæ Conclusiones oriuntur.

Prima est, Patres nolle sibi suisque scriptis simpliciter credi, sed tantum quatenus Scripturæ Sacræ consentiunt. *Non aequum est nos attendere hominibus; Non moramur testimonium ab hominibus*, inquit Clemens. *Non ex se, sed ex Scripturis loquantur; Non sua, sed Divina testimonia proferant*, Origenes. *Sine his testibus non loquendum; sine his testibus claudicat Audientium cogitatio*, Chrysost. *Quicquid post ipsas dicitur, non habet auctoritatem, et non est attendendum*, Cyprianus. *Non ideo verum quia ipsi dicunt, sed quia Scripturarum auctoritate firmatur*, Augustinus. Hæc prima Conclusio.

Secunda, Patres velle scripta sua examinari ad Sacri Canonis normam. *Attendendum est*, inquit Gerson, *si sint conformia Sacra Scriptura. Reducenda sunt ad Scripturas ut ad prima principia*, Lyranus. *Quicquid dicunt; conferendum est cum Scripturis*, Rupertus. *Explorare oportet & expendere ad Scripturas*, Basilus. *Ex Scripturis solis examinationis discretio petenda est*, Origenes. Hæc secunda.

Tertia est, Patres docere, liberum esse cuivis, sive lectori sive auditori, de ipsorum scriptis judicare, & prout Scripturis respondeant, vel amplecti, vel reprehendere. *Quod Scripturis est consentaneum, admitte; quod alienum, fuge*, inquit Basilus. *Si ex Scripturis loquantur, annue; sin minus, relinque*, Chrysost. *Tuum est legere, & probare, & retinere quod bonum; quod secus abscondere*, Hieronymus. *Liberum habet lector iudicium; vel credere licet, vel non credere, prout inveneris: legendi sunt cum libertate vel approbandi quod placueris; vel improbandi quod offenderit*, Augustinus. *Non credimus iis, nisi in quantum ex Scripturis annuntiant*, Aquinas. *Doctrinæ eorum est abjicienda & hæreticalis, nisi Scripturis conformetur*, Gerson. Rogo, ecquid potest esse clarius? ecquis est qui dubitare queat, tam de se quam de aliis, tam de suis quam de aliorum scriptis hanc antiquorum fuisse sententiam? Quod si non ambobus oculis legerem, fortasse dubitarem: ac cum hoc toties scriptum, toties repetitum invenio, ausim affirmare, vix librum quemvis evolvi posse in quo non sæpius statuunt hos terminos & suæ & aliorum auctoritati; neque hos terminos unquam aut rupit aut transiit ipsorum summa eruditio, maiorque pietas. Hoc modo se humilitatis peritissimos præstiterunt magistros, dicam; an discipulos? sua singula in Scripturæ honorem & devovendo, & abnegando: callebant nimirum Bernardi illam, ab eo postea traditam, regulam, antecapto cogitatu, *Diligendum esse Christum plusquam sua, plusquam suos, plusquam se*; imò magis illam Salvatoris, Luc. 14. *Si quis venit ad me, & non odit patrem suum, & filios, & fratres, & animam suam, non potest meus esse discipulus*. Scilicet hoc lacte ematruti, omnibus renuntiandum esse didicerunt in Sacræ Paginæ gratiam: & *Patribus*, h. e. Doctoribus qui antecesserant; & *fratribus*, h. e. coævis suis ac contemporaneis; & *filiis*, h. e. ingeniorum suorum puerperio; & *animis* suis, h. e. sententiis & opinionibus suis. Supra hanc illi nunquam vel minimam auctoritatis particulam sibi vel arrogabant vel ambiebant, nisi ut cum iudicio scripta sua legantur, & ad Scripturæ normam examinentur. Neque solum hoc passi sunt, sed graviter & seriò ad hoc ipsum sunt exhortati; itque ipsi qui inter istas stellas erant primæ magnitudinis, Basilus, Chrysostomus, Ambrosius, Hieronymus, Augustinus, cæteri que supra nominati: & præter hos, fortasse alios, tam Græcos quam Latinos, in medium proferre possumus. Sed reprimo me, & quia Pontificii, qui in argumentis aliis magnâ

pompâ solent Patres inducere, in hoc nè unum ostendere possunt, qui ex Scripturis Patrum dicta esse examinanda negarit; & quia vos vereor hanc sermonis copiam perferre vix posse, cum eadem audiat sœpius ex diversis authoribus repetita; atque postremò, quia ex his quæ dicta sunt conspicua satis evadit Propositio, cum ex his de cæteris non sit difficile iudicium ferre: propterea longiori Catalogo supersedendum puto, nam ex hoc specimine satis elucescit quæ ipsorum erat de se aliisque, verecunda sententia. Quâ positâ, manifestum est, honorem debitum Orthodoxos ipsis deferre, dum eis tantum tribuunt & quantum per Deum licet, & quantum ipsi sibi suisque scriptis tribui volunt; sive de se solis, sive de symmisticis suis sigillatim, sive de omnium universitate loquantur. Atque de Regulis ad Sanctorum Patrum lectionem cognitu necessariis hæc dixisse sufficiat: neque enim habet ultrâ quò progrediatur hæc de Regulis disputatio. Est hæc postrema Regulæ postrema clausula, De quibuscunque dictis Patrum ad Scripturarum tribunal sistendis. Ad hanc donec devenit, non habet lectoris animus in quo conquiescat; ad hanc cum devenit sit, equidem non opus est ut aliam an-
sam exspectem quiescendi.

LECTIO XLVII.

QUOD libro Regum primo, capite secundo, dormiisse S. Davidem legimus cum patribus suis; non deerant inter indoctos & imperitos plurimi qui illud ad animæ somnum detorquebant; quorum error à Calvino plenissimè refellitur, & *Psychopannychias* quàm aptissimo titulo indicatur. At verò ego, Auditores, cum nostram hanc de Patribus jamdudum inchoatam, & sœpiusculè temporis tyrannide intercissam, disputationem cogito, non video quò minùs detendi possit atque astrui, quamvis sensu alio, prædamnata toties à sanctissimo viro *psychopannychia*. Hoc sœpius antiqui Doctores, hoc sœpius Sacra Pagina testatur, quando animæ in corpore torporem *ὑπνὸς ἀλλῆγοι*, ut Clemens loquitur; & *quis nescit*, inquit August. in Psal. 62. *quòd anima somnus in corpore sit oblivisci Deum suum?* addo, etiam & oblivisci institutum suum; neque oblivisci solum, sed vel paulisper interquiescere: sin minùs, dic fodes, quo alio vocabulo hæc diuturna Curia taciturnitas sit appellanda. Silentium tu illud vocas? ego Somnum; tu muta subsellia? ego consopita; tu tacuisse me dicas trimestri hoc spatio? ego me veriùs dormitasse existimo cum Patribus, si fas sit dicere, *meis*. Quod de se Sponsa in Canticis, *Ego dormio, sed cor meum vigilat*: hoc mihi contrà contigit, nam vigilasse me sentio corpore; at animâ altiùs obdormivisse, quantumcunque sit temporis quo à vobis abfuerim. Interea non mentior si dixerò per somnum me vobiscum aliquoties locutum esse, atque divulsam corpore propensi pectoris oculis præsentiam vestram complusculè perlustrasse: sed parùm hoc fuit depere-
unt; sufficere poterat officio, non muneri. Ad aures nunc tandem oculòs-
que vestros devenit, ut possim vobis ex toto perfrui, & ipsius mune-
ris reliquum iter conficere. Quocirca & somni & silentii claustris jam re-
feratis, ad nova studia novòsq; labores alacres invigilemus; & quia quæcun-
que ad terminos regulasque in Patrum scriptis legendis pertinent pertracta-
vimus, ad extremam hujus argumenti lineam, & quasi simbriam, nos nunc
accingamus,

STROM. L. 5.

CANT. 5. 2.

accingamus, ut quæ sit Sanctorum Patrum in fidei controversiis autoritas, quodque pondus Antiquitatis, videamus. Agnosco viam perplexam, & Adversaria partis jurgii implicatam, qui suo solenni more, contumeliis non paucis Orthodoxos gravant, & quod Sanctos Patres negent honore ullo afficiendos, & quod eosdem insuper contumeliis afficiant. Sint igitur duæ ordinis partes, Una De Calumniis, altera De ipsa Doctrina. In utraque parte sudandum est, ut & illâ maledicendi *κακοῦργον* reprimere, & hæc honori debito Sanctorum Patrum consulere possimus.

Exordior à parte prima, à missilibus probis quæ in nos jaculantur: quæ quia & multa sunt & peracuta, utrinque est prospiciendum; & Unde mitantur, & Quomodo depellantur. Hæc duo primæ sint partis Capita, Telorum contra nos Missio, eorumque Depulsio.

Quod ad Missionem spectat, mirati factis non possum quàm sint inverecundi & liberales, quantàmque sibi ad unum omnes concedant licentiam loquendi quæ velint. Reliquorum Antesignanus Waldensis, to. 1. Doctrinalis, c. 25. fol. 109. ubi de Joanne Wiclevo hæc verba habet, *Doctores singulos citra Christum sub uno damnat involvendo*: & parte 3. c. 1. *Præter scripturam nihil recipit, Veterum ac Neotericorum scripta contemnit*; quod ipsum de Albigenisibus repetitum dat, nè semel non sufficeret dixisse. Post Waldensem subsequitur Cardinalis Hosius, l. 3. De authorit. Sacræ Scripturæ: *Lutherani Ecclesiæ sensum & consensum pro nihilo ducunt; nullas Patrum interpretationes admittunt, sed quæ ipsi sensum asserunt, eum obtinere volunt*. Post eum Stapletonus, c. 15. l. 7. *Protestantes levissimos ob causâ gravissimam Patrum autoritatem respiciunt; aliquando etiam criminantur*. Post hunc Cornelius Scultingius in Epist. ad Gregor. 13. *Proh dolor!* inquit, *eo dementia venerunt excacati heretici, ut omni studio universam antiquitatem, gravissimos Ecclesiæ Doctores in contemptum adducere moliantur, seque in illorum locum substituere*. Huic succedit Hieron. Torrensis, in Præfat. Confess. Augustinianæ; *Sectarii, cum honorem nullum aut certe perexiguam Patribus deferant, eosdemque uno nomine omnes nihil nisi homines, fallacesque sæpe homines videri velint; unum ferè semper Augustinum excipiunt, & honorant maximè*. Quid dicam de Petro Canisio? Audiamus eum, in Epist. Dedicatoria ante librum Andreæ Vegæ De Justificatione, sic loquentem; *In Patres, inquit, nova doctrina Ministri petulanter insurgunt, eosque verbis contumelia plenis insectantur; & quod stultè his detrahunt, sibi deum stultius arrogant*: & adhuc, *Apud Sectarios nihil contemptius est Patribus, quorum vita, doctrina, mors, in conspectu totius Ecclesiæ non potest non pretiosa videri*. Eheu quàm sanctè & è pistirino! Ejusdem farinae sunt quæ Melchior Canus in Locis suis contra nos vibrat, *Protestantes nihil habere cum Patribus commercii*: Quæ Salmeron, lib. 1. in Epist. Pauli, part. 1. disp. 19. in veteres Patres nos contumeliosos existere, eorum sensus elevare & flocci facere; proprias, quamvis blasphemias, admirari: Quæ Bellarm. l. 1. de Christo, c. 10. Ar. 1. & l. 4. De Eucharist. c. 26. Ar. 1. Nos parùm aut nihil Patribus tribuere, ad solum nos Dei Verbum provocare, Patribus omnibus contemptis; cum testimonijs Patrum negare non possimas, nos passim vertere ad blasphemias, Bell. De verbo Dei, c. 11. Art. ult. Hæc raptim sunt ea convitiatorum quibus nos onerant stillicidia, dum linguarum flagella extendunt; atque sibiipsis optimè consultum putant, si in nos falsum crimen jecerint; atque hoc dum faciunt, vix credibile est quanto se plausu prosequuntur: quod Asiæ Proconsulem sub Augusto fecisse refert Seneca; cum trecentos unodie securi percussos cognosceret, clamavit ilico, *O rem regiam!* Cui similis & compar Hannibal, *O formosum*, inquit, *spectaculum!* cum fossam

in Præfat. Confess. Hieronymiana.

l. 2. de Ira, c. 5.

humano

humano sanguine plenam videret. Talis est via linguæ maledictæ; Petulantias dictorum profundit, & *tergens os suum, dicit, Non sum operatus iniquitatem*, Pro. 30. 20. Quod si hæc à nobis aut esse aut fuisse commissæ tabulis docere possent, non puderet quidem ad receptum nimis pertinacis sententiæ nos ultro accingere: at cum contra infontes proferantur, cumque sint, ut poeta loquitur, & *nigræ succus loliginis, & arugo mera*; age, inscribamus ipsis sua puncta, & stigmata delatoribus debita. De nostris non dubito, quin quod eos veritas ipsa plus satis tuebitur. Et potui quidem hac in re ad modestiores è gregalibus suis provocare; neque enim nulli sunt qui confitentur, magno apud nos antiquos Doctores in honore esse & pretio. Id S. Senensis fatetur in præfatione lib. 5. *Hæretici S. Patrum testimonio concessi, incorruptam fidei nostra integritatem oppugnant*. Id ipse Scultingius, in Confessione quam edidit Hieronymiana; *Ex adversariis, inquit, plerique qui moderatioris sunt ingenii Veterum auctoritatem non aspernantur, sed eorum iudicia magni faciunt, nisi quod eos præiudicio evolvant*. Hem, quanto spatio distant hæc Scultingii & Senensis verba à Cani & Bellarmini & Salmeronis dictis! *Nihil habent cum Patribus commercii*, inquit Canus; *Tegunt se Patrum testimonio*, Senensis: *Patres contemnunt*, inquit Bellarminus; *Flocci pendunt*, Salmeron; *Non aspernantur, sed magni faciunt*, Scultingius. Quid argumentis opus est, cum inter se criminatores non conveniunt? adeo necesse est ut aut seipfos coarguant, aut nostros absolvant. Atque esset hæc quidem amplissima purgatio; sed advocacy viam aliam, eamque pleniorē, à Demosthene didici. In Orat. De Corona, sic ille conatur Æschinis convitia eluere; *Quod ad vita mea criminationem attinet, Iudices, videte ut amara & dixi & dixi, quam simpliciter justeq; respondeam. Si ea quæ accusator tragicè vociferando recensuit vera essent, neque dignas, neque dignis proximas de me sumere pœnas ullo modo respublica posset: si si facultate suâ ad explendam odii atque invidia acerbiter abusus est, oportet ut & isti nec in aliis credatis, & mihi quam in omnibus benevolentiam ostendistis etiam nunc quoque exhibeatis. Ad se verò quod spectat, etsi veterator es, Æschine, in eo tamen deceptus es, quod me factorum meorum omisâ commemoratione ad maledicta tua venturum existimaveris. Non sanè id faciam, non ita insano: verum prius alia mea sententiâque indicabo, & tum demum tua tam effusa petulantia mentionem faciam*. Hæc contra Æschinem Græcorum Oratorum princeps Demosthenes. Iisdem & mihi vestigiis est incedendum, ut quia falsissima sunt quæ in nos vibrant Pontificii opprobria, idcirco bimembre statuendum est patrocinium nostrum; cujus prima pars erit Defensio innocentie nostræ, Depulsio calumniarum quas ubique cudunt Adversarii, altera. Iter longum, fateor, sed devoremus tamen hanc molestiam: si nihil aliud, at hoc saltem efficiam, ut os loquentium mendacia obstruatur.

Quod ad Defensionem innocentie nostræ pertinet, quæ prima est pars patrocinii, ecce palam & multoties profiteamur, luminaria magna post Apollolos stellâque primæ magnitudinis S. Patres fuisse; & *περιστὰς τὴν ἀληθείαν*, ut in Apologet. Nazian. loquitur; qui mundum Dei notitiâ repleverunt, Ecclesiam doctrinæ sanioris fontibus rigarunt; & infidelium turbam, retia salutis expandentes, disciplinæ Christi subjecerunt; viri adeo in omni eruditione & sanctitate egregii, ut sine summa utriusque injuria eorum scripta negligi non possunt, nedum despici; adeo omni virtute & pietate celebres, ut si omnia laudis cognomina in unum fasciculum colligarem, infra essent, atque vobis viderer grandia minutè dixisse. *Spiritus Sancti sonoram Ilyram Ephræmum Syrum appellat Theodoretus*: in reliquis quadrat. *Fisulam aqua viva, venam fontis æterni*, Sanctum Augustinum Paulinus: ea est laus omnium.

Horat. l. 1.
Sat. 4.

Ep. 1. ad August.

omnium. Sanctum Athanasium Greg. Nazianzenus *μεγάλην εὐλογίαν τῇ ἀληθείᾳ*: Sanctum Basilium Greg. Nyssenus *τῷ δογματικῷ χρυσῷ ἀνδρά*. Sit idem honos omnium; nam & *veritatis tuba* erant, & *antea doctrina salutaris lusciniæ*. Quid igitur? an sumus nos in Sanctos Patres injurii, qui has corollas teximus? Itā quidem, è vobis unus aut alter; imò universi. Cedo è nostris aliquem qui refragatur. Vultis me nubem testium introducere, & scriptorum nostrorum componere Catalogum? Esto; quia res postulat, non refugio; nam alioqui vix plena erit propugnatio sententiæ nostræ, nisi suis verbis singulos audiat loquentes, quam honorificè de Sanctis Patribus fenserint. Ut verò distinctius agam, in duas Classes eorum testimonia sunt dividenda, ut in una habeatis Confessiones hominum, in altera Confessiones Ecclesiarum.

Confessiones hominum prima Classis continet. Deus bone, quanta frequentia! Primus erit Joannes Wicklevus, quia in eum inprimis actionem perduellionis Waldensis intendit: atque ipse in lib. De veritate Scripturæ quis sit suus de Patribus sensus apertissimè ostendit, p. 78. juxta editionem Jamellii; *Devoti studentis*, inquit, *virtuosa dispositio in tribus consistit: primò, in authoritatis Scripturæ humili acceptione; secundò, in sui & rationis conformatione; tertio, in Sanctorum Doctorum testificatione*. Hæc ille: in istis quid habent Pontificiū quod objiciant contra hominem Sanctorum Doctorum testimoniis devotè se addicentem? Atque nè casu aut semel id ipsi excidisse dicerent, sententiam iterum instaurat, p. 456. *Theologi debent completius Doctores cognoscere, propter videnda completa eorum originalia, & radices rationum quas eliciunt ex Scriptura*. Ad hæc quid Waldensis? Num hæc illius sunt verba qui Doctores singulos damnat, qui Veterum scripta contemnit? Enimvero Scripturis Sacris primum dare non dubitat, atque hoc sapius profitetur: *Omnis*, inquit, *disputatio que in ipsis non habet originem est profana*; & *Non debet credi creatura, nisi de quanto loquitur conformiter ad Scripturam*; & *Doctores non sunt de capitulo eorum de quibus sequitur, Ipsi sic asserunt, igitur verum*; & *Allegando alios extra auctores Scripturæ, non allegamus eos ut auctores dantes probationem per locum à fide; sed per locum topicum, à testimonio humano*. Quod si hoc sit Patres damnare & contemnere, eis omnibus Spiritum Sanctum anteferre, & audaciè reus est Wicklevus & sacrilegi; non diffitemur.

Post Wicklevum secundas teneat Lutherus, quem Pontificiū non semel mordaci sale perstringunt, velut hominem maledicum, & in omnem venerandam antiquitatem blasphemum, in Cyprianum, Basilium, Hieronymum, ipsum Augustinum, quem non? Harum rerum testem producit Joannem Aurisabrum in Confessione sua Ambrosiana Joannes Nopelius, qui se Lutherum domi, privatim, apud suos, putida quædam de Patribus pronuntiasse refert. Fides numinum! Quā probabilitate, *domi, privatim, apud suos*? *Nullum est tam impudens mendacium quod teste careat*, ut inquit Plinius. Scilicet tam timidi & pusilli animi Lutherus erat, ut musitare clanculum & in angulis maluerit quæ mandare scriptis verebatur? Mittamus hæc incerta quæ domi dixerit, *apud suos*: videamus quā honestè & splendide in scriptis suis, coram omnibus, in publico mundi theatro, de Patribus loquatur. In Commentariis suis super Gen. 35. hæc habet verba; *Hæc ex Patribus repetenda putavi, ne videamur eorum scripta prorsus abjecisse: non enim negligenda sunt, sed legenda cum judicio*. Mitto locos alios, eosque non paucos; ubi *viros doctos & sanctos* appellat. Accipitote unum illustriorem cæteris, quem Rossensis ipse proponit, in l. Adversus Lutherum. Postquam nonnulla præfatus esset de debilitate testimonii humani, tum demum subjungit;

Non

l. 8. c. 43.

Non tamen per hac volo Sanctis Patribus detractam auctoritatem, & ingrati-
tudinem pro Sanctis eorum laboribus repensam; sed libertatem Spiritus & ma-
jestatem verbi Dei illis prapostam. Audin', Mome? Non suam eis detrahit
auctoritatem, nè ingratus videretur; sanctos viros vocat, & eorum labores
sancta opuscula: hoc tantum exoptat, ut Sacra Pagina antecellat. Hoc im-
petu ductus, quis mirabitur si homo acrior nimiusque animi in verba effe-
vescentia aliquando prorumpat, flagranti zelo Scripturarum? Nemo mihi
opponat Sancti consensu auctoritatem, nisi Scripturis munitam; Augustini &
Ambrosii dicta non sunt Articuli fidei; Si Dei verbum mecum faciat, nil
curo si mille Augustini, mille Cypriani contra me starent. Calentis animi scin-
tillas in istis agnosco: Sanctorum Patrum injuriam aut contumeliam nè Lyn-
ceus ipse cernere possit. Quocirca pergam ad reliquos, Philippum, Calvi-
num, Bezam, Juellum, Whitakerum, Chemnitium, unius labii populum hac
in re omnes. Phil. Melancthonis verba habemus apertissima in l. De Eccle-
sia; De Ecclesia bene meriti sunt, inquit, Ecclesiastici scriptores, præsertim
quatenus sunt testes veteris & prima Ecclesia Apostolorum. Et in Præfat.
Locorū Communium, Illud sine controversia certum est, doctrinam nostram esse
Prophetarum & Apostolorum, & illorum etiam Doctorum qui antiquiores &
puriores sunt, utpote qui Apostolos proximè subsequuti sunt, viz. Irenæi, Basilii,
Ambrosii & Augustini. Et in Declamatione de S. Augustino, Merito Au-
gustinum amare debemus, qui cælestem doctrinam thesaurum præcipue conser-
vavit; debetur ipsi gratia, quod literis mandaverit veram interpretationem,
ut posteritatem admoneret. Ornatus est Augustinus miraculis quibusdam, ex-
pulit demones, & quosdam agrotos sanavit: sed hæc sunt longè præstantiora
miracula, successus in gubernatione, judicii rectitudo, fidei constantia. Hæc
ille de S. Augustino. Neque ab simile est quod Calvinus de omnibus in
epist. ad Franciscum Galliarum Regem; Calumniosè, inquit, nobis Patres op-
ponunt, ac si haberent eos sua impietatis suffragatores, quorum auctoritate si
dirimendum certamen esset, melior victoria pars (ut modestissimè etiam lo-
quar) ad nos inclinaret. Et paulò post, Improbis clamoribus nos abruunt, cum
Patrum contemptores & adversarios. Nos verò ad eò illos non contemnimus,
ut si id præsentis instituti esset, nullo negotio mihi liceat meliorem eorum par-
tem qua hodie à nobis dicuntur ipsorum suffragiis comprobare. Sic tamen in
eorum scriptis versamur, ut semper meminerimus omnia nostra esse quæ nobis
serviant, non dominantur; nos autem unius Christi, cui per omnia sine ex-
ceptione parendum sit. Obsecro, ecquid in istis occurrit insolens aut indeco-
rum de antiquis Doctoribus? Ergò rumpantur qui Calvinum infimulant.
Vox eadem Theod. Bezæ, in Tractatu De pace Ecclesiæ; Orthodoxorum
consensum in Synodis plurimi fieri par est; & Patrum in interpretandis Scri-
pturis, refellendis erroribus, admonendis populis, labores ad eò non contemni
oportet, ut secundo à Scripturis loco merito habeantur. Eadem Juelli nostri,
felicis memoriæ, in illa adversus Hardingum responsione; Patribus ea apud
nos constat auctoritas quam ipsi semper voluerunt, ea apud nos fide sunt, quæ
esse debent. Imò verò in hac Sacrarum Literarum dijudicatione opus est nobis
sapientiâ & prudentiâ Sanctorum Patrum. Verùm majorem iis in hoc negotio
fidem habere non oportet quàm æquum est, aut etiam quàm ipsi (si sibi id ultro
deferretur) acciperent. Reverenter de his dicamus licet, quod in simili causa
olim Seneca, Non sunt domini, sed duces nostri; non sunt ipsi Dei veritas,
sed veritatis testes. Eadem Martini Bucer, in Psal. i. ubi hæc de se profite-
tur; Ego sic vera atque ex Scripturis deprompta dicere proposui, ut ab Ec-
clesia consensu nihil, à Sanctorum Patrum sententiis quàm minimum va-
riem. Et rursus, Sic recepta ab Ecclesiis & scripta à Patribus sectari, nè his
Scripturarum

Lutherum cont.
Regem Angl.

Præfat. Confess.
Ambrosiana.

Torrensus in
præfat. Confess.
Augustin.

in Præfat. In-
stitut.

p. 33. & 63.

Scripturarum auctoritatem posthabeam. Et rursus, in eundem Psalmum, Et candor, & consensus studium, sicut omnibus debetur, ita iis precipue quos multis jam seculis & sapientia & sanctimonia nominibus totus ferè Orbis suspexit & veneratus est. Eadem Chemnitii in Examine, sæpiusque repetita, parte quartâ, pag. 108. Fuere Patres viri eruditione & pietate præstantes, & de Ecclesia optimè meriti. Et parte primâ, p. 39. Amamus & veneramus veteris & purioris Ecclesiæ testimonia, cujus consensu & adjuvamus & confirmamur: fidem verò oportet niti Verbo Dei, non humanâ auctoritate; ideo Patrum testimonia non proponimus, sed subjungimus Scripturæ. Et paulò post, p. 58. Grati etiam & reverenter utimur Patrum laboribus, qui multa Scripturæ loca Commentariis suis utiliter illustrant; & veteris Ecclesiæ testimoniis in vero & sano Scripturæ sensu nos non parùm confirmari fatemur: neque enim probamus si quis sibi comminiscatur sensum pugnantem cum tota antiquitate, & cujus planè nulla sint Ecclesiæ testimonia. Postremò, & eadem est vox Whitakeri; nam quo te piaculo taceam, sanctum & doctum Caput? Tu patres ubique ad sidera evelis, & terrarum Orbem imple corum præconiis. In responsione ad Campiani Rationem quintam, Patres & magni facimus, & assidue legimus, & cunctis accuratioris Theologiæ studiosis legendos proponimus; ita & scientiam nostram efficimus pleniorē, & summas contra Adversarios armatiores: & rursus, Sanctorum Patrum libros ex omnibus mercaturis ad nos importandos curamus, eosque emimus, in omnibus privatis publicisque Bibliothecis servamus, in clarissimo lumine collocamus, ut non modo ex vultu, sed ex assidua consuetudine cognoscantur: & paulò post. Nihil hic volo de Patrum eximiis laudibus detractum, modo des fuisse homines, omnibus à te laudibus in calos, quorum nunc cives sunt, efferrî patior. Tantùm noli succensere, si iis tantisper assentiamur dum Scripturis adhærescunt: denique & lib. 2. De auctoritate Scripturæ, Quis negat illustrium in Ecclesiâ virorum testimonia ad Scripturas dignoscendas valere plurimùm; præsertim eorum qui primis illis Ecclesiæ temporibus floruerunt, atque aut cum Apostolis vixerunt, aut proximi Apostolorum Successores fuerunt? Quid plura? Annon ex istis satis purgati sumus, satis salvi? Imò verò ex istis potestis, Auditores, & criminationis eorum summam iniquitatem, & nostræ defensionis iustissimam rationem perspicere. Sed ego coronidis loco unum tantummodo testimonium attexam, Jacobi Grynei in Præfat. ad Orthodoxographa, quod facillè instar omnium esse possit: Toto, inquit, cælo errant, & suam imprudentiam turpissimè prostituunt deridendam, qui ex contemptu Patrum laudem ingenii & acuminis venantur. Habent Patres suam laudem, minime profectò vulgarem; habent dignatione Dei locum in Ecclesiâ & Scholis Christianis nequaquam aspernandum: sed cum sint discipuli Christi & Apostolorum, non sunt cum unico Magistro Christo nec cum Apostolis conferendi. Annon hoc magnum præconium est, & esse & excellere præ cæteris donis Spiritus Sancti in eo casu quem Christus acquirit sanguine suo? Quid magis ad eosdem ornandos facere poterat, quàm quòd dicimus Patres Christi discipulos, auditores Apostolorum & aliorum piorum Doctorum, interpretes doctrinæ Prophetica & Apostolica, salutaria organa Ecclesiæ fuisse, & quæ sequuntur? Ecquid augustius aut magnificentius? Hoc ipso consilio ad extrema prorogavi, ut possit in amplissimo elogio hæc prima pars consensescere. Quòd si ex istis junctim nova spicilegia excerpta pro tempore liceret, & de integro singula breviter & quasi per transennam intueri, nobis non ultrà

opus erit litem intendere, cum res ipsa loquatur. Nam dicant velim Pontificii, si se ad Grammaticam revocari patiantur, quid ista sua portendunt; Patres non admittunt Protestantes, non recipiunt, contemnant, honorem perexiguum deferunt, parum aut nihil iis tribuunt, pro nihilo ducunt, elevant, flocci pendunt, respuunt, criminantur, iis detrahunt, in eos insurgunt, damnant, insectantur, nihil ducunt contempni, cum iis nihil habent commercii. Dicant iterum, quid ista nostra significant; *Assidue Patres legimus, amamus, veneramus, magni facimus, testes veritatis, duces nostros constituimus, in celos efferimus, in secundo à Scripturis loco ponimus, honoramus ut Christi discipulos, ut auditores Apostolorum, ut optimos Scriptura interpretes, ut salutaria organa Ecclesie, ut optime de Ecclesia meritos.* Quam pessime hæc quadrant? ut quod nobis est amare, illis est insectari; quod nobis venerari, magni facere, legere, honorare, in celos efferre, in secundo à Scripturis loco ponere, in ipsorum nomenclaturis est respuere, elevare, damnare, criminari, detrahere, flocci facere, pro nihilo ducere. O frontes! O quadruplatores! ut fucos faciunt, & somniant tragelaphos qui nusquam sunt! Edepol, pudet sic missos facere, cum magis digna resalutatione ablegandos. Sed vestri ratio habenda est, atque defensionis quæ superest partis alterius; ut post istas tam insignes Confessiones hominum, exhibeam vobis etiam Confessiones Ecclesiarum. Etenim hæc (nisi me memoria fallat) testimoniorum classis secunda est à me nuperrime præfixa, quam properatim expediam; atque brevi sic habitote.

Est omnium confessio antiquissima Waldensium illa, ante duo ferme secula conscripta: in cap. 3. art. 4. juxta Lydii editionem, sic ipsi se explicant; *Quamvis dicta Sanctorum Doctorum post Apostolos non ad auctoritatem Ecclesiasticorum dogmatum confirmandam sunt acceptanda, tamen sententiarum suscipiende sunt hic à vivantibus, & admittenda de quanto in ipsis Christus loquitur; & de quanto verè & directè fundari poterunt in Lege expressa Domini nostri Jesu Christi.* Hæc prima est.

Lydii tom. 2.

Secundas tenet Confessio Baronum ac Nobilium regni Bohemiz, Ferdinandum sub anno Domini 1535. oblata: ubi hæc de Patribus præstantur, Art. 1. *Scripta Doctorum Ecclesia, præcipue Veterum, itidem pro veris fidique dignis haberi; utiliisque esse ad instituendam plebem dicimus: sed tamen in quibus à Scripturis Divinis non dissident; sic enim & ipsi scripta sua teneri volunt, ut eatenus illis fides habeatur quatenus cum Divinis Scripturis conveniant.* Hæc vox Confessionis secundæ.

Huic succedat Helvetica, anno 1536. scripta. Sic autem loquuntur, Art. 2. *Non assernamur Sanctorum Patrum Græcorum Latinorumque interpretationes, neque reprobamus eorundem disputationes ac tractationes rerum sacrarum cum Scripturis consentientes: à quibus tamen recedimus modeste, quando aliena à Scripturis, aut contraria adferre deprehenduntur; nec putamus illis ullam à nobis hac re injuriam irrogari, cum omnes uno ore nolint sua scripta aquari Canonicis, sed probare jubeant, & cum illis consentientia recipere, recedere verò à dissentientibus.* Hæc tertia.

Huic attexo Wirtembergicam, capite De Scripturis Ecclesiasticis; *Veneramus, inquit, canitiem majorum nostrorum, qui jam inde ab initio revelati & propagati Evangelii susceperunt studium juvanda Ecclesia non solum vocali predicatione, sed etiam Ecclesiasticis scriptis, ut habeat posteritas ab Apostolicis temporibus usque ad hæc tempora manifesta & certa pia doctrina testimonia. Horum autem scripta sic amplectimur, quemadmodum &*

Sacra

Sacra Scriptura permittit nobis humanâ authoritate uti, & sua ipsi scripta agnosci voluerunt. Hæc illi.

Postrema erit Theologorum Heidelbergensium, quam in editione alia ad verbum expressam reperio sub Bohemorum nomine: verba sunt huiusmodi; *Scripta Sanctorum Doctorum, Veterum præsertim, pro veris & utilibus habenda docetur, eorumque ad instituendum populum usum esse: sed in iis tantum in quibus cum Sacra Scriptura consentiunt, aut non sunt contraria, & quatenus sancta Apostolica Ecclesia testimonium præstant, & de concordii consensu Veteris Ecclesia non recedunt.* Hanc ego confessionem postremam prudens posui, quia reliquas tempore subsequitur: & in ea acquiescendum esset, nisi quòd demirari vos putem, cur inter tot aliarum Ecclesiarum Archiva de Confessione Anglicana prorsus taceam. Nè verò vos lateat, hæc sit, si repositis, ratio, Quòd in Articulis nihil existit quod huic argumento conducatur; & in Juelli Apologia, Ecclesiæ nostræ nomine scripta, quid occurrat omnes norunt. Deinde verò existant & duæ aliæ antiquioris nostræ, magisque à memoria nostra remotæ, tempore Edwardi sexti pro Ecclesia nostra in publicum evulgatæ à Theologo præstantissimo, Joanne Olde; quarum una Confessio fidei, altera Apologia pro religione Edwardi sexti inscribitur, tam politè & nervosè scripta, adeoque Juelli genium redolens, ut ex ipsius officina prodiiisse non dubitarem, nisi temporis computum contrarium evinceret: etenim prodit anno 1554. De lingua non est necesse ut moneam, quòd utraque in nostra vernacula exarata est; propterea & à vobis hanc veniam postulo, ut utriusque mihi verba liceat idioma nativo exscribere, quod & transmarinis scriptoribus est usitatissimum; & ab hujus loci institutis non multum abhorret, Confessionis hæc sunt verba, pag. 7.

Touching the Interpretation of the Scriptures, it must be expounded according to the Proprieties of the Tongues in which it was first written, and by diligent weighing of sayings that goe before and that follow after, with all the circumstances; as also according to other places that are more plain, or like, or contrary: and where the fathers, the Doctors of Holy Church have interpreted the Scriptures after this manner, and have in no wise blanced or swerved from this Rule; there we do with heart and good will acknowledge and take them for faithful and diligent Interpreters of the Scripture, and Honourable Instruments of the Holy Ghost, whose painful Labours and Industries our Lord God hath used in the Church, to the glory of his own Name, and profit of his faithful flock; and therefore we not onely reverence them, but think not well of such men as have them in contempt. O quam præclare, quam orthodoxè! nisi quod in libro altero Apologetico seipsum excedat. Accipitote verba capitis quinti. In this case we do in no wise reject nor condemn the Disputations, Reasons and Expositions of the holy fathers; I mean, the ancient old Bishops and Doctors of the Church, as Irenæus, Origen, Chrysostom, Ambrose, Augustine, and such other like; so their Expositions and Judgements vary in no point from the Rules of the Apostles. Et cap. 15. we honour them as the holy Scripture teacheth us to honour them; we judge honourably of them, as it becometh us to judge of God's Elect; we thank God

for their Faith and Doctrine, and we pray that we may attain to their Company; we love them as Brethren, we praise them as Teachers and Examples of Faith; we defend them against Railers and wicked wretches, as faithful persons and worthy of eternal Glory; we acknowledge them as dear friends and Brethren of the Son of God; we preach of them as of the excellent Instruments of God, by whom he hath wrought both our Salvation, and wonderful weighty great matters beside: & quæ sequuntur.

Istis quid adjici possit in honorem Patrum non video; nisi hoc fortasse, ut tot Ecclesiarum loco distantium, calamo doctrinæque consentientium, harmoniam taciti attonitque miremur. Non ex composito rem tractabant, nulla intercessit decisionum aut definitionum communicatio: & videlicet, qui locis maxime distabant, quàm feliciter congruebant sententiis; idem dicunt, idem sentiunt, eundem. & omnes & singuli honorem Patribus deferunt. Revera de illis dicere possumus quod D. Chrysostomus de quatuor Evangelistis. *Sufficiebat*, inquit, *unus*: sed cum quatuor sint qui Evangelia scribant, nec iisdem certè temporibus, aut in iisdem locis, neque pariter congregati, neque mutuo colloquentes, & tamen quasi uno ore pronuntiant; est hoc sine dubio *maximè & admirabilem* *divinitus*, grande veritatis documentum. Ergo eant Pontificii, & coaxeant nos Patrum contemptores, secures, perduelles: si ista tot Ecclesiarum tam præclara marmora non satisfaciant, revera quod mulier ad Casarem, provocare se à Casare dormiente ad Casarem experrectum; & quod a! Alexandrum alter nescio quis, provocare se ab Alexandro irato ad Alexandrum pacatum; eodem modo & nobis liceat vel hoc unum saltem ab Adversariis impetrare, ut tandem dicere veliat sobriâ & sincerâ fide, annon nos omnia bona prædicare de Patribus soleamus, & laudare labores; ut pro nobis respondeat innocentia nostra in die crastino: sin minus, ex S. Cyrilli Moralibus discant quid sibi velit hæc de Luto & Columba fabula, in Apologorum lib. 2. cap. 3. Columba pennali bysso operata, sparsis luteis pennis, gemmantibus oculis, incessu gravi, pede simplici, alisque collectis, ad aquatum ibat: sed cum cœnosum lutum intrus latitans aridæ faciem mentiretur, in ipsum impexit; cujus sparcitæ mox respersa nitidum corpusculum descendavit. Tunc Lutum hujus rei eventum risum extollens, quippe gaudens quod malè fecisset, exultansque in rebus pessimis, ita illam affatur; *Quomodo obscurata sunt penna, mutatus est color optimus, & fæda facta est pulchritudo tanta?* Columba respondit, *Nimirum quia in te impegi; dicat autem, tu quis es?* Ego, inquit, *sum sanum & lutum. Equidem verum est*, inquit Columba, *quia si cæcum non fuisses, nequaquam à te maculam contraxissem: non enim nisi quod factum est fædat, & quod immundum est contaminat. Utcunque nitor meus in substantia mea existens à me non recessit, fætor autem tuus in te manet; quod enim factum nunc apparet in colore meo, id substantialiter est in tuo: quamobrem derisisti teipsum, ac contaminatus tu me fædando, me clarissimam ostendisti: & ego certè pergens ad lavacrum emundabor, tu verò semper maculatus eris, quia lutum esse dignosceris.* Mutato nomine de ipsis & nobis narratur fabula; videmus ubi sit Columba, ubi Lutum: non reddo sensum, ipsi si possunt exquirant. Venenum serpens non impingit, nisi in se habeat; & omnis innocentia prius in suo auctore existit; piscis denigrans mare suum in se evomit nigrum: foedissima est detractio quæ innocentiam lædit, sed ipsa

Flom. 1. 17
Statib.

ipsa se magis lædit, nec purgatur. Ut hoc ostendam; vel ipsos Pa-
pistas magis hujus criminis reos, dies proxima expectanda est.
Ego in præsentiarum cum Demosthene, amputatâ parte fabulæ, con-
ticesco.

LECTIO XLVIII.

IN solertissimo illo de Luto & Columba S. Cyrilli Apologo, quàm
idoneum exitum Prælectio postrema invenerit, res est tam nuperæ no-
titia, ut otiosa jam esset opera memoriam vestram ad ipsius vel
perfusoriam cogitationem excitare. In Luto Calumniatoris male-
dicum ingenium adumbravit Cyrillus; in Columba Innocentiæ imagi-
nem expressit: appositè utrumque, siquidem ea est Maledicentiæ natu-
ra, ut cæno & fordibus quæcunque tangat inquinet, etiam ipsam
quæ neminem lædit Innocentiam; ea effrenatæ linguæ intoleranda est
audacia, ut in castissima nomina turpitudinis suæ spurcitiem evomere
non vereatur, quamvis ipsa nil aliud sit quàm una & tota turpitas.
Sic Mephiboshethum Siba apud Davidem ambitus postulavit, cum ipse
prædo fuerit: sic Stephanum Protomartyrem Judæi accusabant de blas-
phemia in Templum, ipsi intrepidè blasphemi in Deum. Similiter &
Pontificiis solennius nihil est quàm nostros Scriptores convitiis incesse-
re, velut homines supra modum & in Scripturas Sacras, & in Myste-
ria Religionis, & in ipsum Deum, & in Sanctos Dei Patrêsq̃ue univer-
sos contumeliosos; cum sibi tamen ea omnia quæ nobis falsò ob-
jectant faciendi liberam & impunitam arripiant licentiam. Quapropter
consulendum inprimis censui & Religioni nostræ, cuius me servum Di-
vina pietas esse voluit, & Theologis insuper nostris, quorum labori-
bus summa cum voluptate atque utilitate perfruor, ut utroque pro virili
mea tuear contra arietantium incursus. Neque erit opinor res ardua,
utrinque & innocentia succurrere, & prætorquere collum calumniæ prius-
quam ad vos perveniat. Eorum primum est jam aucta à me præstitum,
quando ex Confessionibus multis & hominum & Ecclesiarum fufissimè de-
monstravi quem locum inter nos Patres obtineant, quantique ipsorum
scripta apud nos sint pretii: revera tanti, ut eorum ingenium acre,
eximiam industriam, scientiam multifariam, subtile iudicium, doctrinam
profundam, labores sanctos, indefessum studium, pietatem admirabilem,
ex animo agnoscamus, probemus, amemus, laudemus, suspiciamus, cola-
mus, veneremur, imitemur; hoc uno tantum interposito, ut Aposto-
lis & Prophetis subjiçiantur. Hæc defensionis pars prima fuit, Pro-
pugnatio innocentia, quæ, sicut Cyrilli Columba, aspergi potest ma-
culis invidia, sed & facîle se mundare potest, omniemque labem ab-
tergere.

Secunda jam nunc pars sequitur, quam Propulsionem calumniæ vo-
cavi; ex qua efficiam ut innotescat quàm incautè in hoc, quod optimè
callent, exprobrandi artificio Adversarii se gerant; dum iis nos molesti-
is gravant ex quibus se expedire non possant, nisi fortasse laterem la-

Ep. 65.

vare se posse putant, aut, quod majus est, Cyrilli Lutum, cujus ea est turpitudine ut purgationem non capiat, sed foeditatem suam semper dum egerit prodit, donec iis ipsis quas diffeminat facibus suffocetur. Atque huic quidem labori libenter parissimè si vel hoc unum ab Adversariis impetrarem, ut nobis aut scribentibus, aut dicentibus, aut etiamnum sanctissimè jurantibus fidem haberent, In omni honoris specie florere apud nos Sanctorum Patrum memoriam, & communi omnium nostrum laude decorari: sed tanta est ipsorum tamque exulcerata pervicacia, ut neque sibi persuaderi sinant, neque circumscriptum accusandi modum metiantur. Quod igitur non est impetrandum, est extorquendum, sedque criminis quod confingunt repercussu. Quemadmodum S. Hieronymus, in illa ad Pammachium & Oceanum Epistola, ad æmulum calumnias respondisse legimus, cum favere se Origenis erroribus ubique obstreperent; *Si mihi, inquit, creditis, Origenistes nunquam fui: si non creditis, nunc esse cessavi: si nec sic adducimini ad fidem, compellitis me ad defensionem mei.* Et paulò post, *si Origenem nunquam secutus sum, frustra infamare me quaritis: si discipulus ejus fui, & non sum, imitamiini penitentem: si hoc non sufficiat, faciam ut qui neganti voci non credant, credant saltem arguenti stylo.* Hic noster sit Apologismus, Nec esse nec fuisse nos eos, si credere velint, qui Sanctorum Patrum scripta contemnimus: si nolint credere, nisi fuisse nos fateamur, en porro nunc auctoriamur non esse, & quavis serò sententiam deponere: quòd si nec sic quidem ipsis erit satisfactum, jam sibi caveant, nè pulverem retroversum mittamus in proprium unde manaverit locum, hoc est, Lutum ipsum. Hanc defensionis dixi partem secundam, de hujus depulsione criminis à cervicibus nostris in capita & gremium adversariorum. Quod ut quàm plenissimè fiat; in duas partes actionis nostræ ratio bimembri distributione est dividenda; ut illos ordinatè possim utrinque coarguere, quòd sint in Patres utraque ex parte contumeliosi, tum in Excessu, tum in Defectu honoris debiti, & nimium, & parum tribuendo: cum ex adverso auream ubique medioeritatem Orthodoxi ità accuratè fervent, ut nec tantillum augere, nec omnino detrachere aliquid de debita autoritate videantur. Hodierni itineris hæc duæ sunt semitæ: in quarum prima ostendam, in iis ipsis maximopere peccare Papistas quæ Orthodoxis exprobrare non possunt; in secunda, reatum alterum indicabo, quantum ad ea omnia quæ nobis in faciem sed sine fronte exprobrant.

Semita prima ad honoris Excessum nos ducit, & de isto sic hæc Propositio, In autoritatis Patrum finibus statuendis cum Orthodoxi nec plus nec minus eis tribuant quàm tribuendum sit, Pontifici plus multò ascribunt quàm aut Patres sibi vendicent, aut veritas ipsa pariat; atque hoc ipso nomine minus exhibent, plus quàm oportet tribuendo. Propositionis basis in illo axioma statuitur, Justitiæ est unicuique suum tribuere, rem suam, & locum suum, & honorem suum. Quando *Suum* dicitur, omne nimium amputatur. Exinde sequitur, quòd justus & verus honor sit, unicuique reddere aut quantum licet, aut quantum ipse postulat; si plus æquo non postulat: quòd si quis ultrà pergat, is non honorat, sed dehonestat, & dum extollit, imminuit degravando. Hoc S. Bernardus observavit de B. Virgine, Ep. 174. ad Canonicos Lugdunenses, prærogativam illam de immaculata ipsius conceptione non in laudem ipsius cedere, sed in injuriam, *Non est hoc, inquit, Virginem honorare, sed honori detrachere.* Ratio ipsius est, quia nec Sacra Scriptura tantum

tantum honoris ei tribuit, nec ipsa Sanctissima Virgo sibi dari postulat. *Est enim, inquit, prerogativa proliis, non matris.* Hoc Cassianus, lib. 1. De incarnatione cap. 2. contra Apollinarem, qui augere se Christi honorem existimavit, si animam ejus non merè humanam, sed Deificam, hoc est, humanam præstantiorem, assereret: Imò verò, inquit Cassianus, *non minoris erroris est Domino nostro Jesu Christo impropria addere, quàm propria derogare, quod enim de illo non ita dicitur ut est, etiamsi honor videatur, injuria est.* Hoc denique & B. Augustinus, in Ep. 7. ad Marcellinum, de seipso, *Vos qui me multum diligitis, si talem me asseritis, ut me nusquam errasse dicatis, frustra laboratis, neque bonam causam suscepistis, in qua facile à meipso iudice superamini; quoniam non mihi placet cum à charissimis meis talis esse existimor qualis non sum: profecto enim non me, sed alium sub nomine meo diligitis, si non quod sum, sed quod non sum diligitis: nam in quantum me noverint, ego ab illis diligor; in quantum autem mihi tribuunt quod in me non cognoscunt, alium talem qualem me putant pro me diligunt.* De Patribus singulis id ipsum est pronuncianum quod de se Augustinus, quod de B. Virgine Bernardus, quod de Christo Cassianus: Si quis iis plus tribuat quàm aut Sacra Scriptura permittit, aut ipsi deposcunt, honorare se eos hoc modo aut diligere non est dicendum, sed elevare & detrahare. Quod optimè ab Erasmo est animadversum, in annotationibus suis super cap. 22. Sancti Lucæ; *Sunt, inquit, qui protinus contumeliam interpretantur, si quis à receptis authoribus discrepet, cum hoc honoris nec ipsi postulant: imò contumeliosum, opinor, fuerit, si quis illos, hominum more lapsos, alicubi conetur contra veritatem tueri.* In promptu est ratio, quia contra Justitiæ regulam laudibus non suis eos accumulans, sed alienis, istque Deo ipsi propriis, quo inhonorato honoraria universa vilescunt. Hæc Propositionis basis est & fulcimentum.

Quod ad corpus ejus spectat, perquirendum est præterea quos habeat cancellos autoritas honorque Veterum, sive à Scripturis Sacris, sive à Patribus ipsis constitutos; ut ex ipsorum cum Papistarum sententia collatione facta, hæc in excessu & nimietate posita injuria in confesso teneatur. De Scripturarum hac in re testimonio superius me egisse memini, neque nunc tela est redordienda, quæ cuivis prodit obviâ non trahenti. Hortatur nos Sacra Pagina ut probemus spiritus, an ex Deo sint; ut exploremus omnia, & quod bonum est retineamus: cum nemo sit istius excellentiæ in toto hominum ambitu, cujus dicta aut scripta ab his è verbo Dei petitis explorandi regulis eximantur; non si in prima Doctorum classe recenseatur. Quod verò ad Patrum testimonia attinet, communis est & magno assensu celebrata tum Græcorum tum Latinorum sententia, non alium sibi aut suis scriptis honorem deferendum, quàm ut ad Scripturæ normam dicta sua exigantur, & eatenus recipiantur quantum cum Sacra Pagina conspirent. Hæc Clementis disciplina fuit, in Setom. 7. *ὁ μὲν ἀναγιγνωσκὼν, οὐκ ἀναμύνομεν, Non oportet attendere hominibus asserentibus, non moramur testimoniis ab hominibus, sed verbo Dei confirmamus omnia.* Hæc eadem Origenis in prophetiam Jeremiæ, & in Rom. 3. *Sensus nostri & enarrationes nostra sine his testibus non habent fidem; Doctores Ecclesiæ ea qua loquuntur ad populum non propriis sententiis, sed Divinis munita testimoniis; proferre debent.* Hæc iterum S. Basilii, in Moralium Regula 72. *Oportet auditores explorare ea qua dicuntur à Doctoribus, ut non πρὸς ἑαυτῶν τὰς γαργαλὶς διεγείνῃ, τὰ δὲ ἀληθινὰ ἀποδεχάμεν.* Hæc S. Chrysostomi, in 2 Cor. *Obsecro vos ut relin-*

Pp 4

quatis

quas tu te δ᾿ αὐτὸν ὃ δ᾿ αὐτὸν δοκεῖ, quid hic aut ille de his rebus sentiat;
& Scripturas de iis consulatis. Postremò & Cyrilli Hierosolymitanū,
Cat. 4. & Cat. 12. μὴ ἢ ἐμῶν ὑπεριλογίας παροίχοι, μηδ' ἐμῶν τῶν παύται
λίγοι ἀπὸ τοῦ πνεύματος, Nolo meis inventis fidem adhibeas; nolo mihi
hac dicenti attendas; posses enim foris decipi, nisi singula monstravero ex
Scripturis. Potui istis Sanctum Ambrosium annumerare, qui lib. 1. De
 fide, cap. 4. Gratianum sic alloquitur; *Nolo argumento nostro credas,*
sanctæ Imperator, aut nostra disputationi: Scripturas interrogemus, inter-
rogemus Apostolos, interrogemus Prophetas, interrogemus Christum. Po-
 tui & S. Hieronymum, qui, Epist. 152. ad Minerium & Alexandrum,
 propositum suum esse dicit, *Antiquos legere, probare singula, retinere*
quæ bona sunt; idque, ut alibi loquitur, quia post Apostolos quicquid
dicitur non habet auctoritatem: (nimirum simplicem & absolutam) eti-
amsi sit sanctus aliquis, etiamsi disertus post Apostolos qui dicat, non habet
auctoritatem. Potui & aliunde alios in venerandum hunc cœtum convo-
 care: sed non existimo necessarium, quia Augustinus solus erit instar omni-
 um, in cujus scriptis innumeras penè habemus, easque discretissimas, huc
 spectantes loquendi formulas, tam de se, quàm de aliis. De Sancto Am-
 brosio, Epist. 112. ad Paulinam, cap. 23. sic loquitur, *Tene mecum sancti*
virii Ambrosii sententiam, jam non ejus auctoritate, sed veritate firmam:
neque enim mihi propterea placet quia illius est, & quæ sequuntur. De
 S. Cypriano magis peremptoriè, cap. 31. lib. 2. cont. Cresconium; *Nos*
nullam Cypriano facimus injuriam, cum ejus qualibet literas à Canonica
authoritate distinguimus: & cap. 32. Ego hujus Epistola Cypriani autho-
ritate non teneor, quia literas Cypriani non ut Canonicas habeo, sed eas
ex Canonicis confidoro, & quod in eis Scripturarum auctoritati congruit,
cum laude ejus accipio, quod non congruit, cum pace ejus respuo. Hæc
 ille de Cypriano, quem tamen ejusmodi virum appellat, *cujus laudem*
consequi non valet, cujus ingenium diligit, cujus ore delectatur, cujus cha-
ritatem miratur, cujus martyrium veneratur, cujus unius Epistolis omnia
sua scripta non esse paria confictetur. Quid dicam de sua contra seipsum
 toties repetita sententia? *Nolo omnino aliquos mihi credere, nisi docenti*
rationemque reddenti, in lib. 2. De Ordine. Nolo auctoritatem meam se-
quaris, ut ideo putes necesse esse credere quoniam à me dicitur, in Ep. 119.
ad Paulinam. Neminem sic volo amplecti omnia mea, ut me sequatur, nisi
in iis in quibus me non errare perpexerit, in lib. 2. De bono Perseve-
rantia, cap. 21. Noli meis literis quasi Scripturis canonicis inservire:
Noli meas literas ex tua opinione, sed ex Divina lectione, corrigere, in
lib. 3. de Trinitate. Postremò, neque sui dispar est cum suum de uni-
versis profert judicium, lib. 11. contra Faustum, cap. 5. In Doctorum opu-
sculis liberum est lectori, ut vel approbet quod placuerit, vel improbet quod
offenderit: & Epist. 112. ad Paulinam, Iis credere vel non credere licet,
quantum ipsorum dicta momenti ad faciendam fidem vel habere vel non
habere perpenderit: & ad Fortunatianum Siccensem episcopum, In eor-
um scriptis respicere licet quicquid veritati non congruit, quamvis scri-
pta sint Catholicorum & laudatorum hominum, quamvis eorum qui sancti-
tate doctrinâque prepolleant. Talis ego sum in scriptis aliorum, tales esse
volo intellectores meorum. Hinc illæ voces natæ sunt, S. Augustino aded
familiares, Non audiat, Ego dico, Tu dicis; Audi Christum dicentem, an-
di veritatem: & alibi, Audi, Dicit Dominus, non, Dicit Donatus, aut Ro-
gatus, aut Vincentius, aut Ambrosius, aut Augustinus. Etiam in Ep. 48.
ad Vincentium, Noli, frater, contra Divina tam clara, tam indubitata
testi-

& Ep. 19.
 ad Hieron.

testimonia colligere velle calumpias ex Episcoporum scriptis, siue Hilarii, siue Cypriani & Agrippini, quia hoc genus literarum ab autoritate Canonis distinguendum est. Quid plura colligam: nam nihil est istis manifestius, hanc Patrum fuisse sententiam & de se & de aliis ejusdem chori Antecessoribus suis, quod non sint pro fidei dominis aut irrefragabilibus doctrinarum iudiciis agnoscendi; hoc ipsis religio; hoc ipsis conscientia fuit. Quod hunc honorem solis Divinis oraculis deferendum esse certissimò sciebant, propterea & hos autoritatis cancellos & sibi & Symmictis suis consultò præfiebant, ut eousque solum ipsis adhaeremus, quoad ipsi Divinitus inspiratam regulam pedatim sequerentur. In eosdem cancellos & nos quoque dignitatem eorum compingimus: in eosdem cancellos reverentia non coarctamus; suspicimus eos, admiramur, veneramur, sequimur; ut eximios Dei servos, ut salutaris doctrinae canales, ut Ecclesiae lumina, ut viros omni probitate & eruditione politissimos amplectimur. In eosdem cancellos modestia, non plus justo dilatamus: quod ipsi sibi adsciscunt, ultro erogamus; quod respuunt, & medio amolimus. Illi sua scripta ad Sacri Canonis normam examinanda esse dicunt: hoc ipsum & nos dicimus. Illi nolunt sibi simpliciter credi, nisi quatenus Scripturae sacrae consentiunt: itidem & nos. Illi lectorem liberum relinquunt de scriptis suis iudicare, & prout Scripturis respondeant vel admittere, vel reprehendere: hoc etiam & nos profitemur; ad eos nos recipimus ut veritatis testes, non iudices; ut fidei alumnos, eosque primarios, non dominos. Hos fines statuimus, hos cancellos non egredimur. At verò intra hos Pontificii se non constringunt, sed aperte & confidenter transiliunt, ipsis Patribus renitentibus. Exempli causa paucos nominabo. Hieronymus dicit propositum sibi esse antiquos legere, probare singula, retinere quae bona sunt: Jesuitæ contrà. Nos Patrum doctrinam non aliqua ex parte admittimus, alia repudiamus, sed integram amplectimur, inquit Duræus: Tenemus integra volumina, Campanianus: Ad unguem, usque ad ultimum iota, glossa Gratiani, Secundò, Augustinus docet, liberum esse lectori in eorum opusculis approbare quod placuerit, improbare quod offenderit: Canus contrà, lib. 7. Locorum, cap. 3. Eorum consensus certissimum argumentum Theologo praestat ad Theologicas assertiones corroborandas. Porro à S. Basilio sic erudimur, quod explorare oportet ea quae dicuntur à Doctoribus, & suscipere quae Scripturis sunt consona, aliena rejicere: at Salméron aperte contrà, Disp. 25. in Joannem, Probanda, hoc est, examinanda non sunt Veterum Patrum dicta & testimonia, quia quando omnes vel fere omnes in unam sententiam conveniunt, tunc certum & inevitabile reddunt argumentum veritatis Catholicae. Ad extremum, Hieronymus & Augustinus contendunt & errare potuisse antiquos Doctores, & de facto errasse: at Costerus contrà, cap. 1. Enchirid. p. 64. Incorrupti sunt iudices controversiarum; neque enim credibile est eos, praesertim in rebus quae fidem attingunt, à Deo sic destitutos fuisse, ut ipsi errarent, doctrinamque suam alios in errorem induxerint. Haec omnia Papistarum praeconia, cum solius Sacrae Scripturae sint singularia privilegia, nos ea protestamur nec ascribi posse Patribus sine injuria, nec suscipi sine contumelia coelestis Oraculi; in cujus sanctissimo folio si Patres collocentur, non utique est hoc ipsorum honori consulere, sed magis dedecorare. Adeoque quod ad Romaldum Abbatem Fismacensem S. Bernardus, Ep. 72. respondit, cum eum impensius laudaret, Si quod res est dicam, inquit, tu me exaltando dejicis, & extollendo premis: nam quantum tuis favoribus attoller, tantum his blan-

Dur. cont. White,
Camp. Rat. 5.
Gloss. Dist. 9.
Can. Noli, in
margine.

de,

Ep. 78.

da, sed periculosa, laudis molibus premor; & quod M. Cicero de Vatinius & Clodio dixit, illum magnâ suâ laudatione nonnullam T. Annio labeculam aspersisse; hunc verò tum maximè de Pompeii dignitate detraxisse, cum eum maximis laudibus efferebat: itidem & nos de Pontificiis, Non esse ipsos in Patres officiosos, sed magis onerosos, cum eis falsos triumphos scribunt & immeritas laudes, eo quòd eadem operâ & Domino honorem auferunt debitum, & Patribus consuunt indebitum. Hæc Propositionis primæ summa est, Istius contumeliæ erga Patres Papistas reos fore, cujus accusare Orthodoxos non possunt, dum plus iis tribuunt quàm aut veritas sinat, aut Patres ipsi: quâ major nulla est injuria, si Oratori credimus; quia plus invidiæ affert quàm gloriæ, & ut Chrysost. optimè, οὐκ ἐστὶ φιλότιμος, ἀλλὰ πλεονέκτης ἐν ἑαυτῷ. Videtis quòd prima semita vos duxerit, de Honoris Excessu.

Chrys. S. 13. 10. 5.

Accedo ad secundam, de Defectu & detractione honoris debiti, cujus nos, sed falsò, postulant, & de hac sit ista Propositio, Nullius criminis in hac de Patribus disceptatione à Pontificiis accusantur Orthodoxi cujus ipsi non sint manifestius rei magisque meritò accusandi. Est breve verbum, sed quod prolixo indiget commentario, eoque magis quia Propositioni primæ contraria videtur: hoc enim est ipsorum varium & versatile ingenium, ut modò nimium, modò parùm honoris Patribus deferant, istque velut calculis supputatoriis urantur, ut sint aliquando librarum loco, aliquando denariorum, & nunc quidem maximi, nunc verò nihili. Ad mentem revocat illud Ciceronis pro S. Roscio, *Accusatorum alios anseres esse, qui tantummodo clamant, alios canes, qui & mordere possunt*: in Adversarios optimè quadrabit, timendos magis esse in hac causa eorum calamos quàm dentes, nisi quòd in & cum calamis dentes exacuunt, at nos interea non lædunt, sed seipsos, quia crimen dum fingunt nostrum, probant suum. *Qui alterum accusat, inquit Orator, legem sibiipsi indicit innocentia; nam nihil est minus ferendum, quàm rationem ab altero vita reposcere cum qui non possit sua reddere.* Idcirco jam metuo Pontificiis, ne tam longè absterneant ab innocentia quàm ad calumniam proximè accedant, quia faciunt ea omnia quæ nobis obijciunt.

Cicero in 2.
Cæcilium, &
8. in Ver.

Primum quod in nos concinnant crimen est Patrum Contemptus; rejicere nos dicunt testimonia Patrum & pro nihilo ducere. Ecquis autem est qui ipsos ab hac noxa immunes esse affirmabit? Dicant igitur, cur solum Augustinum sequuntur in partitione Decalogi, universis reliquis contemptis: dicant quâ fronte contra Communionem sub utraque Specie ausi sint decernere, cum Patrum unanimis consensus aliò nos ducat, fatentibus Adversariis: dicant quid iis in mentem venerit, ut negent B. Virginem in Peccato originali concepam, cum Patres omnes uno ore contrarium asseverarunt, Cano & Salmerone fatentibus: dicant quid sibi velit illud Didaci Stellæ, in Luc. 10. 21. *Omnes Sancti Doctores sic, Ego autem aliter*; quid illud Maldonati, *Non ego sic interpretor, nisi video omnes auctores præter Origenem in ea fuisse sententia.* Annon hoc est respuere: annon hoc est flocci facere? Audiant modò ipsum Jesuitam; *Arrogantis non est à tot tamque gravibus auctoribus dissentire.* Aut, si magis placet, Cajetanum Cardinalem, in Gen. cap. 1. *Nemo detestetur novum Scriptura sensum ex hoc quòd dissonat à priscis Doctoribus, quamvis sit à torrente sacrorum Doctorum alienus.* O justiciam Papalem! Nos si unum aut alterum à Patribus modestè deponimus, impii sumus: & ipsi tamen, quando pleno ore consensum, torrentem, centurias aliorum (sic enim Salmeron proficitur) aspernantur, pro Patrum legitimis & so-

lis

Can. l. 7. c. 1.
Salm. Disp. 51.
in Rom.
Mald. in Mat. 19:
in illa verba,
Omnes non re-
cipiunt hoc.

lis filiis se venditant. Hæccine Romana pietas? Ergo eligant utrum velint, ut aut nos innocentes dicant, aut seipsos noxios, cum majoris contumeliæ reatu constringantur. Hæc criminis primi re-torsio.

Bel. L.3 De Pent.
Rō. c.3. §. 1. 2. 3.
De Verbo Dei,
cap. 10. Ar. 16.

Secundum quod opponunt est crimen Ingratitudinis, quod indignam tam piis laboribus rependamus gratiam, dum eorum errores commemoramus sapius nimisumque excutiamus. Ecquis autem crederet voluptati nobis esse ulcera contrectare, quæ ipsi piaculo est tangere? An ipsis prorsus hoc inusitatum? Bellarminus indicet: nam ipse non semel errasse in aliquibus Patres scribit: indicet Rossensis, qui aliquoties id contigisse palam pronuntiat. Hactenus contumelia nulla est. Ista quæ sequuntur quæro quem spiritum sapiant: quæro, inquam, Quis ille fuit qui cum ludibrio S. Bernardum & reliquos ausus est salutare? Annon Salmeron? Disp. 51. in Rom. p. 468. *Tota de oratio, inquit, erga Dei genitricem non consistit in Bernardo & aliis Patribus.* Quis ille qui Tertullianum *hereticum* vocavit? Annon Maldonatus in Matth. 8. 9. *Quis eum & hereticum, & Calvinistarum similem, id est, hereticorum pessimum?* Annon idem Maldonatus, in Matth. 16. 19? *Quis non hereticum modò, sed hæresiarcham?* Bellarminus, lib. 1. De beat. Sanct. cap. 5. Art. ult. Et nē solus sub serula Tertullianus veniret, adjungit Victorinum, De Sanct. Beat. lib. 1. cap. 5. *Martyr quidem fuit, sed eruditio ei defuit.* Adjungit Eusebium, *Eusebius, inquit, hereticis additus erat;* & lib. 1. De Christo, cap. 6. *Eusebii, inquit, & Tertulliani parva est auctoritas.* Etiam & omnes Græcos, l. 1. De Purgat. c. 5. Art. 12. *Græcorum solutio dura est & coacta, & contra omnem usum loquendi Scripturarum.* Dicant igitur inter camelum & culicem, inter errorem & hæresin quid intersit, aut adhuc inter *hereticum* & *hæresiarcham*. Nam nos si errores Patrum aliquando contingat refricare, at profitemur nos non nisi invitos & coactos, & in transitu, & modestè id facturos, si quid duriusculum aut absonum occurrat, non insectamur, non exaggeramus, sed magis cupimus id commodè interpretatione sanare, aut, ad summum, salvâ eorum reverentiâ respuere: & tamen nos ingrati sumus si errasse veteres dicimus, ipsi pientissimi, qui hæreseos notam ipsis inurunt, & *hæresiarchas* appellant. Hæc criminis propulsio secundi.

Postremum crimen est Blasphemix, quod Patres & eorum scripta damnemus, exsecremur, convitiis insectemur, atque nē temere affirmasse videantur, exempla producant: Lutheri, qui *non curare se dixit, si verbum Dei sibi militer, quamvis mille Augustini aut mille Cypriani contra starent;* necnon Calvini, Musculi, Martyris, Humfredi, Whitakeri, qui *non morari se dicunt in Articulis fidei quid Patres sentiant, si Scriptura aspiciatur;* denique & Theodori Bezzæ, qui Origenem *impurum scriptorem* appellat, Epist. 28. & *in torquendis Scripturis audacem, neque inter Patres collocandum, hac potissimum de causa, quia sædis suis Allegoriis doctrinam Christi ludibrio exposuit;* sic enim loquitur, in Annotat. ad Rom. 2. 27. Scilicet hic locus est quem impræis vellicant Pontificii, de illis contra reliquos alteris non aded sumus solliciti, non opus est magno labore ad retundendos tam nullos impetus, sunt enim meræ nœniæ & ceterisimata quæ adducunt, quæ tamen avidius arripiunt, quia veris argumentis destituuntur. Quod de Semei legimus, 2 Sam. 16. 6. atque in monomachiis sæpius contingit, quibus vera arma sunt excussa, ii quicquid obviâ rapiunt, firmum & luctum, & quid non? quod in ingruentem hostem

in Luc. 22.

Orat. 21.

hostem jacent: pariter & Pontificii; nihil est tam leve, nihil tam falsum, quod non exquirunt ut veritatem impugnent; & cum telis deficiunt, pugnant peniculo, & fimo, & stramine. Mitto igitur quæ contra Calvinum & alios, quia nugæ sunt. At verò in verbis Bezae est aliquis criminationis prætextus, quod Origenem *impurum & audacem scriptorem* appellat; qui etsi flos habuit nævos, quos rejecit Ecclesia; at iniquum est tamen istam notam summo Theologo inurere, qui & *magister Ecclesiarum* antiquitus audiebat, & nuper ab Erasino, *priscorum Theologorum sine controversia doctissimus*. Sed esto, & sui & Origenis minus memorem fuisse Bezam: an ipsi Adversarii sunt insontes? Imò nihil est à Beza de Origene dictum quod non ab ipsis est prolatum & ante & post Bezam, a quæ aperte, æquè graviter, tum de Origene, tum de aliis quoque Patribus in universum. Orandi sunt igitur ut sua audire velint, quoniam, ut Cicero pro Sext. Roscio loquitur, *Innocens, si accusatus fuerit, absolvi potest; nocens, nisi accusatus fuerit, condemnari non potest*. Breviter, ut omittam cætera, recognoscite mecum in Origenem solum quos clamores excitarunt. Visum eum esse in Gehenna, cum Ario & Nestorio, in Prato Spirituali legimus, Bell. lib. 2. De Purgat. cap. 8. art. 16. *Arianorum & Eunomianorum patrem* eum fuisse Maldonatus non dubitat dicere, in Jean. 1. 3. *Habereque in scriptis suis apertissimas blasphemias contra Filium Dei & Spiritum Sanctum*, Bellarminus asserit, quamvis cum debitorione quadam, lib. 1. de Christo, c. 10. art. 30. Ante utrumque Espencaus, in Com. in Titum, in Appendice, *Quod multa non modo non sana, sed manifestè insana effutivit. Atque* imitatus eum Ribera, in Comment. in Malachiæ, in Proœmio, *audacem eum hominem* vocat & *temerarium*, adeoque *pertinacem suorum errorum amatorem*, ut quicquid in mentem venerit rectum judicaret, spretâ totius Ecclesiæ autoritate. Ad cæteros quorum me verterem? Sozomenum & Socratem *proba fidei auctores* Canus vocat, lib. 11. Loc. c. 5. At Bellarminus tamen & Sozomenum *multum mentitum fuisse* scribit, lib. 3. De pœn. cap. 16. & Socratem *Novatianum atque Aerianum fuisse*, lib. 2. De bon. oper. cap. 15. Art. 17. & *tria præclara mendacia dixisse (uno quasi spiritu)* lib. 1. De Clericis, c. 20. Art. 25. Sanctum Athanasium omnes norunt luminare sui temporis maximum, qui prolapam fidei doctrinam erexit, adeò cumulatæ virtutis virum, ut idem esse diceret Nazianzenus *Athanasium laudare & ipsam virtutem*. At magnum hunc Athanasium Liberius Papa præscripto damnavit, ut cum Arianis communionem iniret, ipso teste Baronio, tom. 3. ad An. 375. Sanctum Augustinum Hilarius Arelatensis *excellentissimum Doctorem* appellat, & *defensorem fidei*, & *validissimum malicium hereticorum*, Bernardus. Ex de hoc tanto & tali sic Cornelius Mussus loquitur, in Rom. 5. p. 270. *Non vos moveat Augustinus vel tantillum, hoc enim est illi peculiare, ut cum aliquem expugnet errorem, in alterum incidere videatur: cum Arium insectatur, videtur favere Sabellio; cum Sabellium, Ario; cum Pelagium, Manichæis; cum Manichæos, Pelagio*. Nec mirum si hæc de Augustino solo, etenim in cap. 14. ejusd. Ep. p. 606. ad alios extendit: *Ego, ut ingenuè fatear, plus ubi Romano Pontifici crederem quàm mille Augustinis, Hieronymis, Gregoriis*. Adjiciantur illis Epiphanius, Chrysostomus, Cyrillus, Hilarius, Hieronymus, quorum scripta adeò offendunt Pontificios, ut nonnulla ipsorum testimonia è Textu, quamplicitra ex Indicibus deleri præcipiant, quæ tamen expressè in ipso textu reperiuntur. Et post hæc omnia ad ravim usque contra nos clamant, *Sanctum Patrum contemptores, veneranda antiquitatis Aristarches, præscæ Ecclesiæ*

Ecclesia Zoilos. Jurares eos in celeberrimo suo voto cœlibatûs Lamias uxores duxisse, adeo domi cœcutiunt, cum nostrorum scriptorum censores sint oculatissimi: nam quælibet festuca nostra ipsâ trabe grandior est quam in se non animadvertunt. De C. Licinio refert Valerius, eum legis suæ laqueis constrictum fuisse; cum enim lege publicâ sanxisset, nè quis ampliùs quàm quingenta agri jugera possideret, ipse mille comparavit: & quis tam ahumi cæcus qui non videat calumniarum suarum laqueis Adversarios illigatos fore, dum ipsis licere putant quicquid placuerit contra Patres intomare; nobis nè mutire quidem? Sed obsecro, an hoc ipsum Luthero vitio vertendum est; si eâ observantiâ Deum prosequatur quâ Mussus Papam? Ego, inquit Lutherus, *plus uni verbo Dei crederem quàm mille Augustinis aut Cyprianis:* &, Ego, inquit Mussus, *plus uni Romano Pontifici quàm mille Augustinis, Hieronymis, Gregoriis.* Sint ipsi iudices, ane est in Beza convitium quod non est in Ribera aut Bellarmino? Audacem Origenem Beza pronuntiat, Ribera *audacem & temerarium*; Beza *impurum*, Bellarminus *blasphemum*, Espencæus *insanum*, Maldonatus *Arianorum & Eunomianorum patrem*. Beza negat eum inter Patres collocandum; Pratum Spirituale asserit eum in Gehenna collocatum: dicite ex istis uter Origenem reverentiùs tractaverit. De Lacedæmonis refert Gellius, quòd cum de Repub. deliberabant quid utile & honestum foret, atque vir disertus, sed improbus, optimam sententiam dixisset quæ omnibus placeret, alterum statim elegerunt qui eandem sententiam iisdem verbis diceret; & tum quidem pro decreto omnes receperunt quod priùs indignabundi rejecerant, quia noluerunt. probam sententiam de-honestari turpissimi auctoris contagio; atque eandem sententiam non eandem existimarunt, auctore mutato. Haud aliter & Adversarii eadem verba vix eadem judicant, si ab authoribus diversis prodeant; & in ipsis est Virtus, quæ ex ore nostro dicitur Calumnia. Propterea & nobis liceat regerere quod ad principes Samariæ Jehu respondisse dicitur, 2 Reg. 10. 9. *Vos iusti estis, & ego improbus; ego interfeci dominum meum, sed quis percussit omnes istos?* Si Beza Origeni iniquior, & quis tandem Tertulliano? quis Eusebio? quis Victorino, Sozomeno, Socrati? quis Athanasio? quis omnibus? Hypocritæ, ejicite primùm trabes de oculis vestris, & tunc videbitis injustam esse criminationem vestram, neque eos nos esse quos invidia vestra simular, Patrum contemptores: aut si sumus, eodem vos ipsos reatu teneri, sicut secunda vos Propositio docuit, Nullius criminis in hac de Patribus disputatione accusari à Pontificiis Orthodoxos, cujus ipsi non sunt justiùs accusandi. Hactenus de quæstionis parte Apologetica, quæ in amolienda Calumnia se exercuit. Pars Doctrinalis in posterum est enucleanda, De vera auctoritate Patrum, & vero Antiquitatis usu in fidei controversiis discernendis.

lib. 8. c. 6.

lib. 8. c. 1.

LECTIO XLIX.

BENE habet, actum est de Calumniis quas nobis instruunt Pontificii circa dignitatem Sanctorum Patrum. His igitur purgatis, transeundum nunc est ad alterum caput de Doctrina: hæcenim pars sola superest instituti nostri, ut possim tandem pensum & enucleatè quasi digito indicare quo loco & gradu habenda sit veterum Doctorum autoritas, cuiusque sit momenti & ponderis in rebus fidei decernendis veneranda illa Antiquitatis canities. Hoc argumenti tranquillum est, & Halcyonea post maris increpationem temperies, quæ superiorem partem haud aliis vestigiis sequitur quam procellam malacia, aut imbris inluscaturum aerem serenum coelum. Quid aliùs repetam? Descendit contumeliarum pluvia, venerunt flumina probrorum, criminationum venti flaverunt, & concitato impetu irruerunt in universos causæ nostræ contra Papistas Oratores, Lutherum, Calvinum, Juellum, Whitakerum, reliquos, velut prisci seculi contemptores & Zoilos: sed temere hæc & incassum; nam deserbuit citò spurcissima convitiolorum tempestas, obsolevit tumultuosa criminatio in ipsorum sinus reperiussa, salva & illibata est innocentia nostra, ut tutò jam appropere possit ad ea quæ sequuntur peragenda. Et prima quidem pars itineris est pro vobis suscepta; in vobis velim ut hæc quæ sequitur radices agat: illa in defensionem vestram est ordinata, hæc in disciplinam: absumpta illa est in vindictis, hæc in documentis versabitur: postremò, in illa Scriptores nostros ab infamia liberavi, quòd non sint in Antiquitatem aut Sanctos Patres contumeliosi; in hac causam nostram à molestiis quibus prægravatur, quantum in me erit, liberabo, ostendendo quòd ut nos non sumus Patribus iniqui, sic Patres sunt inprimis nobis usui & maximo emolumento. Age igitur, in hunc latissimum campum descendamus. Non erit, ut spero, cuiquam vestrum labor injucundus de Antiquitate & Patribus audire quæ medicati sumus: non vobis qui novella germina, nam ad eam vos dignitatem aspiratis; vox vestra est, *Nos illi erimus*: non vobis qui cana Capita, nam ad eam vos dignitatem tantum non pervenistis, vox vestra est, *Nos illi sumus*. Accipite utrique quod vobis respondere gestio sancti Apostoli verbis, *Scribo vobis, patres; scribo vobis, filii*. Vobis, ætatis vernæ flores lectissimi, Patrumque filii, quia in hæc studia vos festinatis adolescere; atque hinc addiscere potestis, è Veterum scriptis quod operæ pretium est cum aliquo vestro compendio excerpere: Vobis, Patres, quia veterani estis, & in hac cum militia tum literatura exercitatissimi; atque vestrum est judicare, utrum in his autoritatis Veterum cancellis statuendis justo modulo & æqualibus spatiis eos metior, neque vel hæc vel illac amissis exorbitet. Hoc ipso consilia usus est M. Tullius in politissimo illo de Senectute opusculo, nam & deposuit illud in manus Pomponii Attici senis, & rem totam conficit in nomine Catonis senis, idque dedit operâ, ut materiæ quam tractavit personæ senum responderent, quia de Senectute scripsit. Pariter & mihi liceat in hac de Patribus disputatione non modò vos patres alloqui, ut Cicero Pomponium, sed Patres etiam ipsos introducere loquentes, ut Cicero Catonem; ita ipsi quæstioni ordo procedendi conformis erit, si antiquitatis nervos ex ipsa antiquitate, quantumque Patrum consensus valeat ex ipsis Patribus demonstravero. Ut autem hoc fiat succinctius, ab Adversariorum dogmate ordinis rationem deducam, qui etsi variis

variis viis incedant, at in hoc consentiunt, Communem omnium, vel ferè omnium, veterum Patrum sententiam certissimum fidei præstare argumentum, cui necessariò credendum. Et per hoc duo ab ipsis requiruntur ad testimonium, ut pro authentico habeatur : primò, Ut sit eorum quos pro Doctoribus & Patribus suscepit Ecclesia ; secundò, Ut sit communis sententia, non unius aut alterius è Patribus, sed vel omnium, vel plurimorum : in illo Antiquitas designatur, in hoc Consensus. Hæc duo Capita sunt inquisitionis nostræ ; Quid roboris in Antiquitate, & Quid in Consensu sit statuendum.

De Antiquitate hodierna erit disputatio : quæ ut faciliior ac solutior esse possit, Propositionibus & Documentis rem totam explicatam dabo, si priùs de vocabuli significatu vos præmonuero, quid sonet hæc vox Antiquitas de qua nunc agitur, habet enim variam multiplicemque potestatem. In primario & summo sensu in immensam amplitudinem diffunditur ; ut idem sit antiquum dicere atque æternum. Hoc sensu Greg. Nyss. Orat. De fide ad Simplicium, *sempiternum* pro antiquo posuit, & *antiquum* pro sempiterno : τὸ *περσῶπατον* λέγει, ὁ μὴ αἰδίων, & ὁ αἰδίων, ὁ μὴ *περσῶπατον* ἔστι, Novum dicitur quod non est sempiternum, & sempiternum quod non est novum. Hoc sensu à Daniele Deus ipse *Antiquus dierum* vocatur, quod in nomenclatura Moysi est *Deus æternus*. Hoc sensu suprema veritas in idea Divinæ mentis & *antiqua* & *æterna* dicitur, Prov. 8. 23. hoc est, adeò antiqua, ut & in nobis captum excedat, & in se originem nesciat ; cùm sit, ut S. Basilii loquitur, τὸ *χρόνον* πάντως *ὑπερῶν*, nec tam in Deo aliquid, quàm ipse Deus. Verùm de hac sublimi & incomprehensò ditionis usu in præsentiarium non agimus, sed duntaxat in sensu remisso & castigato, h. e. in genere veritatis revelatæ : quamvis & hoc quoque modo sit dubiæ significationis. Est enim quædam Antiquitas primitiva aut palmaria, quæ ab ipso mundi exordio est trahenda, est alia Antiquitas succedanea sive posthuma, quæ multorum quidem annorum est & seculorum, *ὅς* πάντων *χρόνων*, ut Suidas loquitur, sed tamen post primam : illam dicere possumus *Antiquitatem Canonicam*, hanc *Ecclesiasticam*. Illa est simpliciter authentica, quia innimitur æternitati : hæc subauthentica, quia dependet à prima. Illa est nativa & absoluta, velut caput familiæ : hæc adoptiva, & in stirpem Apostolicam inferenda, quasi connubialis quædam antiquitas, à *consanguinitate doctrine Apostolica contracta*, ut Tertull. loquitur. Illa à Tertulliano, lib. 5. contra Marcionem, c. 19. *Apostolica* dicitur : hæc *de-Apostolica*.

c. 7. v. 9.
Gen. 21. 33.

De illa si loquamur, sciendum quòd Antiquitas prima in se continet veritates omnes Divinitus inspiratas, quæ in primis sunt Patriarchis traditæ, dein à Mose & Prophetis fusiùs dispanstæ, ad extremum consummatæ ab Evangelistis & Apostolis, quorum ætas recentior quàm Prophetarum, doctrina coantiqua. Illustri similitudine hoc Tertullianus explicat, 1. De velandis virginibus ; *Quemadmodum*, inquit, *in fructibus, granum est primò quod seritur, & de grano frutex oritur, & de frutice arbuscula enititur, deinde rami & frondes invalescunt, & totum arboris nomen expanditur ; inde germinis tumor, & flos de germine solvitur, & de flore fructus aperitur, qui paulatim atatem suam dirigens eruditur in mansuetudinem saporis : sic & iustitia sive veritas primò fuit in Natura rudimentis, dehinc per Legem & Prophetas promovit in infantiam, dehinc per Evangelium efferbuit in juventutem, nunc per Paracletum componitur in maturitatem ; & Hic solus à Christo magister est dicendus ; hic solus Antecessor, quia solus post Christum ea loquens qua Christus. Hæc antiquitas prima.*

Quod ad alteram pertinet, si loquamur de illa, sciendum etiam quòd Antiquitas secunda in se complectitur quæcunque postera sive Axiomata, sive

Q 4 z

Proble-

Problemata Theologica, & ea cujuscunque seculi, cujuscunque ordinis : sive illa sint quæ cum prima antiquitate conspirent, tunc Antiqua dicenda quamvis nova ; sive illa quæ à primis discrepent, tunc Nova dicenda quamvis antiqua videantur : utcunque, sive hæc sive illa fuerint, terminos suos habent ortus & progressus & authoritatis. Ortus certum terminum, à temporibus Apostolorum ; progressus finitum, usque ad ea secula quibus antiqua censeantur ; authoritatis circumcisum, quatenus vestigia primæ antiquitatis pressim persequuntur. Quod ipse Canus, Loc. 7. c. 3. num. 7. & ingenue fatetur, & dilucidè exponit ; *Antiquitas*, inquit, *Canonica*, *qua est in Apostolis, perpetuam stabilemque servat constantiam : Ecclesiastica hæc quæ est in Patribus, deficit aliquando & deliqua patitur ; unde fit ut non sit eodem loco & gradu ponenda cum prima ; quia alia est claritas Matthæi, alia Hieronymi ; alia Isaia, alia Ambrosii.* Illa prima est velut gloria cœlestium, hæc secunda velut gloria terrestrium. Vultis breviter ? Verbo, sit hæc terminorum distributio, ut quod fuit seculis aliquot ante nostra tempora, dicatur contractâ loquendi formulâ *Antiquum* ; quod fuit proximè à temporibus Apostolorum, dicatur in sensu comparato *Antiquum antiquius* ; quod in, & cum, & ex Apostolis natum est, in gradu superlativo *Antiquum antiquissimum.* Hæc est illa terminorum distinctio, quam necessariò velut causæ prologium præmittendam putavi.

Subsequitur ipsa Disquisitio, quam tribus Propositionibus totidémque Documentis comprehendam.

Ex Propositionibus prima sic se habet ; Antiquitatis veræ ac primitivæ sedes unica est, eaque immutabilis, in Sacræ Paginæ scrinio tam arcè recondita, ut nec haberi nec peti aliunde possit quam è scriptis Prophetis & Apostolicis. In se Propositio est manifesta : neque ratio ejus est obscura, quia Prophetæ & Apostoli doctores fuere & omnium primi, & soli *Græcorum*, & per hoc in utramque partem instructi, ut & veræ antiquitatis portas aperirent, quia nemo ante illos ; & etiam clauderent, quia post illos nemo est inunctus eâ Spiritus plenitudine quæ in omnem eamque impeccabilem duceret veritatem. Est igitur duplex æra sive character hujus Antiquitatis : Una ante Christum, in Mose & Prophetis ; Altera, quæ est eadem repetita, post Christum, in Christo & Apostolis.

In prima Scriptores Evangelici antiquitatem classicam statuebant. S. Paulus, Act. 22. 3. *Eruditus in Lege patrum : Act. 26. 22. Testificans parvo & magno, nihil aliud dico quam quæ Prophetæ & Moses locuti sunt.* S. Joannes, Epist. 1. c. 2. vers. 7. *Non mandatum novum scribo, sed vetus ; mandatum vetus est quod habuistis ab initio.* Christo ipsi idem in more positum, nam nunc ad Mosen, nunc ad Prophetas, nunc ad Abrahamum Judæos relegat ; hos Patres ipsorum prædicat, hanc antiquitatem. Imò verò ut se indubitatam antiquitatis amatorem ostenderet, à Deo Patre doctrinæ suæ originem fontemque purissimum sæpissime trahit, in cujus Schola has literas didicerat. *Venio in nomine Patris mei*, Joan. 5. 43. *Loquor ea quæ docuit me Pater meus*, Joan. 8. 28. *Mandatum hoc accepi*, Joan. 10. 18. *Mea doctrina non est mea, sed ejus qui misit me*, hoc est, Patris, Joan. 7. 16. Igitur hæc æra prima, à Deo ipso signata in Prophetis ; in quibus antiquitatem suam Scriptores Evangelici collocabant.

In æra secunda junctim cum prima Scriptores Ecclesiastici suam antiquitatem figebant, idque per omnes temporum tractus, ad unum omnes, dum passim probant, Scripturam Sacram non modò Philosophorum disciplinis, ipsiisque diis gentilium, sed Theologicis quibuscunque scriptis antiquiorem & esse & habendam esse, adeoque solam Antiquitatem appellandam. Hoc

beatus

beatus Ignatius, qui primo seculo vixit, in illa ad Philadelphenses Epistola agnovit, ubi ad objectionem nonnullorum qui Antiquitatem urgebant eleganter respondit, *πῶς τοῖς τοῖς ἐν τῷ λόγῳ, οὐκ ἐπὶ ἀρχαῖς ἐστὶν Ἰσως ὁ Χρῆστος*; Talibus, inquit, ego dico, quod *Iesus Christus mihi pro Archivis, quem nolle audire manifesta perniciēs est*; & dein sequitur, *Illibatum mihi est Archivum crux Christi, atque mors & resurrectio Christi, & fides horum*. Ostendit vir sanctus, veram antiquitatem Christum fore & Evangelium Christi; vera in negotio salutis Archiva fidem Christi, & crucem Christi, & mortem Christi. Hoc Justinus Philosophus & martyr, secundi seculi decus, Quæst. 119. ad Orthodoxos, ubi S. Paulum *Patrum patrem* appellat, quasi supremæ antiquitatis virum; ὁ μακρὰν Ἀπὸστολὴν, inquit; ὁ πρὸ πάντων πατέρων, & δι-σβεῖας διδάσκαλος. Hoc eodem seculo Irenæus, l. 3. c. 1. *A doctrina Apostolorum simpliciter pendemus, quibus non est cogitandum vel doctiores vel sapientiores successisse*. Hoc tertio seculo Tertullianus, in Apologia adversus Gentes; *Vera antiquitas præstructa est Divina literatura*; & l. 4. Contra Marcion. *Id verius quod prius, id prius quod ab initio, id ab initio quod ab Apostolis*; & l. De velandis virginibus; *Si semper Christus & prior omnibus, æquæ veritatis sempiterna & antiqua res est*. Hoc S. Cyprianus, Epist. 63. ad Cæciliū; *Si solus Christus audiendus est, non debemus attendere quid aliis ante nos faciendum putaverit, sed quid qui ante omnes est Christus prior fecerit*; neque enim hominis consuetudinem sequi oportet, sed Dei veritatem. Hoc S. Ambrosius, c. 11. De Institutione virginis, de Christo loquens; *Lego quia primus est, lego quia non est secundus: illi qui secundum aiunt, doceant lectione*; & in Comment. in 2 Tim. 3. in illa verba, *Ab infantia sacras literas nosti*, *Antiquitas hæc*, Scripturam indicans, *antiquitas hæc est robur novitatis*. Hoc S. Hieronymus, in Commentariis in Psal. 132. si modò ipsius sunt dicendi, in illa verba, *Sicut ros Hermon qui descendit in montem Sion*; Si ergo, inquit, *sumus in Ecclesia, si fidem habemus Ecclesia, fidem Apostolorum, fidem Christi, dogmatum veritates, montes sumus Sion*; & in Jer. 6. 16. in illa verba, *State super vias, et interrogate de semitis antiquis, quæ sit via bona, et ambulate in ea*; *Standum est igitur, inquit, in Prophetiâ, & interrogandum de semitis antiquis sive sempiternis, quæ multorum Sanctorum sunt trita vestigiis, quàm sit via bona in Evangelio, & ambulandum in ea*. Postremo, & hoc quoque S. Augustinus profiteretur in illa verba, Psal. 44. *Pro patribus tuis nati sunt tibi filii*; *Ostendit ibi, inquit, solos Apostolos Patrum appellationem mereri, eorumque respectu Doctores alios Filios esse dicendos*; & Ep. 19. ad Hieronymum, postquam Eusebium Emissensem, & Theodorum Heracleotem, & Joannem Chrysostomum, & Ambrosium Cyprianūque nominasset, tum demum adjicit, *Mibi pro his omnibus, imò supra hos omnes, Apostolus Paulus occurrit*; ad ipsum confugio, ad ipsum ab omnibus (qui aliud sentiunt) *literarum ejus tractatoribus provoco*. Ex his omnibus æcertissimum esse existimo, quòd eam præcipuam & veram antiquitatem constanter Scriptores & Evangelici & Ecclesiastici definiunt, quæ ab Apostolis traditur; in his veritatis Archiva collocant, ab his doctrinæ priscæ vestigia repetunt, hos colles veterum montium, hos Patrum patres prædicant, in iis antiquitatis solium statuunt, & ex eorum scriptis metiuntur. Hæc Propositio prima, Antiquitas vera sedem fixam habet in Scripturis.

Propositio secunda sequitur, & est hujusmodi; Antiquitas adoptiva & secundaria non habet in se aut certam sedem cui astringatur, aut certos terminos in quibus consistat, aut certum firmamentum cui innitatur; sed ambigua

est & perplexa, sui que pro temporum discrimine dissimilis, adeoque labyrinthis plexibus implicata, ut ipsius non sit facile principium, & multò difficilior exitum observitare. Inprimis, *non certos terminos aut certam sedem habere dixi*, quia ipsius spatia sæpenumero mutantur, ut ea nunc in exiguum orbem contracta, nunc latissimè diffusa videas, idque & respectu Seculorum & Hominum. Si Secula respicias, ea quæ nunc vetustissima dicuntur fuisse aliquando recentis memoriæ, &, ut Arnobius, l. 2. advers. Gentes, *Nihil nunc novum quod non aliquando & vetus erit; nihilque nunc vetus quod non fuit temporibus quibus capit novum ac repentinum.* Igitur in hac tanta mobilitate ecquis est qui certos fines circumscribere possit? ecquis qui constituere ubi aut in quo seculo sit tandem acquiescendum? An in seculo quarto, quando Constantini nomen floruit? At Georg. Cassander in præfat. Consultationis, publicum Ecclesiæ testimonium maximè in iis Scrip- toribus elucere dicit qui fuerunt ab ætate Constantini ad ætatem Gregorii, h. e. inter quartum & sextum seculum. An igitur in sexto? At alii ad octavum usque protendunt, nè Beda, Theophylactus, Oecumenius & Damascenus. An igitur in octavo? At alii ad undecimum, imò ad ipsum Lombardum dilatant, nè S. Bernardus excludatur, qui licet sit ex infima antiquitate, at doctrinam de Christi officio & gratia liquidius intellexit & commodius expressit quàm multi Patres superiorum temporum. Quid igitur? an in undecimo seculo? At verò & in hoc amygdalus nunc florere incipit, & canos suos protrudere, atque erit præterea quando posteris nostris hoc ipsum quod nos ducimus seculum videbitur albescere. Nulla igitur est certitudo Seculorum.

Deinde, si Homines respicias, est multò minor. Etenim dicite, quis numerare poterit pulverem Jacob? quis Veterum scripta ex situ tineisque eruenda vel antecapto cogitatu prævidere? Si hoc durum, dicite, cujus vel provectissima ætas sufficere possit aut expendendis, aut etiamnum legendis eorum scriptis quæ ad nos pervenerint? Nam si Origenes solus tot volumina scripserit, de cæteris quid dicendum? Tomorum sex millia exarasse Origenem nonnulli dixere, fide fictâ; at fide verâ Hieronymus mille & amplius Tractatus recenset, præter innumerabiles Commentarios, ut nemo possit legere quanta ille conscripsit: cum tamen Origenes solummodo unus fuerit è sexcentis qui secuti sunt: istos quis erit volvendo? Aut si volvendo simus ea omnia quæ nunc exstant, unde erit exploratum quid innumerabiles alii senserint, quorum scripta nos fugiunt, cum ex una ætate, Apostolis vicinissima, eaque purissima, vix viginti recenferi possunt quorum laboribus perfrui possimus? Non habet igitur certam aut sedem aut terminos Antiquitas respectu Hominum. Atque ut non habet certam sedem, sic neque certum firmamentum. Idque primò, quia sæpe sibi parum constans est antiquitas, sed annus anno, & seculum seculo, idemque seculum sibi nonnunquam repugnans. Secundò, quia nævis suis vitissque laboravit, quæ ut non sunt malignè exagitanda, ita non trahenda in præiudicii veritatis. Quorsum ego excutiam ea omnia quæ de terreno Christi regno, de Angelorum natura & amoribus, de Dæmonum generatione & lapsu, de carnis Christi avaritia, de necessitate Eucharistiæ in parvulis, Justinus, Irenæus, Clemens, Hilarius, alii que minùs cautè disputarunt? Quæ omnia ut non est modestiæ insectari, quia ortum habuere ab infirmitate, ita non est pietatis imitari, quia contra fidem. Postremò, & tertia ratio succedit, quia hoc dato, quòd in nullo antiquitas deflexerit in scribendo, at nos in legendo vix satis certus sumus, quia de multis non liquet an ipsius monumenta genuina sint, an supposititia. Novitia sunt non paucas quæ nescio quo malo fato insinnaverunt.

fe

Hier. Ep. 62.
Ep. 64. ad Pam.
& Ocean.

se in antiquas familias, & pro seculis secula, pro authoribus authores substituantur : ut si indiscriminatim omnes qui ubique feruntur Veteres apponeremus, sæpenumero solâ nominum autoritate pugnandum esset. Ecquis enim est qui nesciat quot Abdias, Prochoros, Martiales, Clementes, Dionysios, Amphiloehios, Hippolytos dolus malus effinxerit : quas Petri & Marci Liturgias, quas Pontificum Epistolas, quos omnium ferè Patrum Sermones & Commentarios : Quòd si hos abortus priora secula fecere, & nulla sit, ut Plinius loquitur, *authoritas maculosa marmoris* ; quòd si tam suspensio & flexiloquo pede res veteres ad nos recurrant, ac columnis tam cariosis ac nutantibus suffulciantur : equidem res ipsa loquitur, me tacente, miseram & ancipitem esse fidei Christianæ sortem, si ex hac antiquitate secundaria sola penderet, quæ in se nec certos terminos habet, nisi definiatur Scripturâ ; nec certam sedem, nisi consentiat cum Scriptura ; nec immotam firmitudinem, nisi mutuetur à Scriptura, super quam quod non est superstructum, debile, ex qua quod non regulatum, dubium, in qua quod non libratum, leve. Hæc est Propositio secunda, Antiquitas secundaria non habet fixam sedem extra primam.

Ab hac transeundum est ad Propositionem tertiam : ea autem ex duabus prioribus emergit, & sic se habet ; Si vera antiquitas non nisi in Scripturis Sacris reperiatur, ergò qui suarum partium Scripturas habet, is solus veram pro se habet antiquitatem ; qui autem Scripturarum suffragio destituitur, is quantum ad fidei dogmata, nisi sit inanilogus, antiquitatem jactare non potest. Ex utraque parte contra Papistas Propositio pugnat : à dextris, quia antiquitatis suæ strepitu oppletas aures hominum vulnerant, & sunt tamen lucifugæ Scripturarum : quo jure, viderint, cum hoc consensu omnium teneatur, Novum esse quod Scripturis non congruat, etsi statim ab Apostolorum temporibus originem suam trahat ; idemque de Ecclesiis Græcorum, Æthiopum, Armeniorum Stapletonus fatetur, propter doctrinæ novitates postea inventas eas veram antiquitatem non habere, Contr. 1. De Ecclesia, q. 4. ar. 1. in Sol. argum. Deinde pugnat contra ipsos à sinistris, quia novatores nos perpetuò crepant, & peregrinum pecus, novitatis nostræ conscientia vetustati non satis propitium. Verùm non est quòd nos hoc lusorio nomine & futili verborum sonitu moveamur : si novitatem Veteratores exprobrent, hoc novum non est, antiquum obtinent ; Ethnicos imitantur ; solenne hoc Ethnicis fuisse Prudentius docet, Hym. 10. de Romano Martyre, ubi Præses eum sic alloquitur,

Nunc dogma nobis Christianum nascitur;

Post evolutos mille demum Consules

Ab urbe Roma, &c.

Ubi iste vester tunc erat Deus ? & quæ sequuntur.

Arnobius idem docet, l. 2. Advers. Gentes ; *Oblectare soletis, inquit, novellam esse religionem nostram, & ante dies natam propemodum paucos.* Hoc ipsum & Pontificii nobis. At facillè probrum excutitur, non minùs quàm de S. Pauli manu pendens vipera : id ipsum respondemus quod Arnobius Paganis, *Ineptum est in eo alterum reprehendere quod in vos potest reciprocata vicissitudine retorqueri ; nihil hoc aut vos juvat, aut nostram causam contristat.* In mentem vobis veniant vestra dogmata, ex quibus proruperint radicibus ; nos nostra nova profitemur, si serum aut novum dici possit quod ex fontibus Salvatoris emicuit. Id ipsum quod Tertullianus Marcioni, (l. 1.) Deum novum Christum dicenti ; *Quo potest, inquit, modo novus dici qui aternus ? Viva & germana Divinitas nec de novitate, nec de vetustate, sed de sua veritate censetur.* Deus si est vetus, non erit ; si est novus, non fuit : quia aternus

nitas tempus non habet. Id ipsum quod S. Augustinus Honorato, l. De util. credendi, c. 8. *Si jam tibi satis iactatus videris, finemque huiusmodi laboribus vis imponere, sequere viam catholica disciplina quæ ab ipso Christo per Apostolos ad nos usque manavit.* Si ista non sufficiant, ex Stapletono suo respondemus, qui Controv. 1. De Eccles. q. 4. ar. 1. antiquitatem sic describit, ut ea Ecclesia quæ sanam doctrinam habet & retinet, antiquitatem etiam habeat, quamvis non diu duraverit, aut prior existerit. Viderint ergo Pontificii quâ fronte nos *Novatores* vocent, qui aliàs nos *Scripturarios* appellant; quæ nomina sunt aut planè *avoués*, aut saltem non bene inter se coherentia: nam qui Scripturarum doctrinam sequuntur, obsecro, quomodo sunt *Novatores*? An novi sunt qui antiquitati primæ adhærent? Imò novi sunt, vel ipso teste Stapletono, non illi qui nuper docere incipiunt, sed illi qui novam fidem & nova dogmata cudunt. Fruantur igitur illi, quod Eutropius de Trajano, *natum eum familiâ antiquâ magis quàm clarâ*; nos illo contenti sumus Antonini Pii elogio, quem fuisse dicit *genere claro, licet non admodum veteri*: quanquam quod in rebus fidei clarum, id omnino vetus, & non novum est dicendum. Nova sunt quæcunque ex Scripturis probari non possunt: sed in Scripturis quæ habentur, vetera; & ex Scripturis quæ doctrinam Apostolicam proferunt, veteres. *Hæc lege fidei manente*, ut Tertull. loquitur, *cetera omnia admittunt novitatem correctionis: hæc non manente, nihil est quod admittit nomen antiquitatis.* Enimvero si dogma aliquod nostrum adducere possint quod ex Scripturis probari non potest, nos illud novum esse non inviti fatebimur: sed si ex Scripturis demonstramus doctrinam nostram semper fuisse in mundo Christiano, docuisse eam Christum, docuisse eam Prophetas & Apostolos, atque Ecclesiam Apostolorum tempore tenuisse; antiqua necesse est ut sit, & proinde vera. Etenim si interrogationibus se salutari aliquantisper patientur, libenter percontari velim, An novitii sunt qui habent à suis partibus Prophetas & Apostolos? (concedatur interea quod adverteretur Sanctis Patribus fides nostra, quod tamen nunquam evincit, etiam si rumpantur) An novi sunt qui pro se Prophetarum sanctissimum chorum & Apostolorum supremum præsulatum accire possunt, Petrum, Paulum, Joannem, Davidem, Mosem, ipsum Christum, ipsum Deum? Contra nos militent Augustini Civitas, & Hexaemeron Basilii, Gregorii Moralia, & Officium Ambrosii, Cyrillorum, sive hujus Exegeticum, sive illius Catecheticum opus, & ingens volumen Sermonum Chrysostomi, ut ceteros præteream. An novi sunt qui ad ipsum ante omnes posteros primum, qui ad ipsum antiquitatis fontem recurrunt? Obsecro, ecquis inter Patres antiquior Joanne? ecquis qui ultra Mosem stemmata sua potest deducere? ecquis ultra omnium & Salvatorem & Conditoem, primum eundem & ultimum, Jesum Christum? Habet ab ipsis mundi incunabilis, habet ab utroque Instrumento ortus sui testimonium hæc antiquitas; nam Moses clave Spiritus aperuit, & Joannes clausit. At verò his armis accincti, nos contra primum Papæ, & Purgatorii fabulam, & Cultum Imaginum, & dimidiatam Communionem, & Operum meritum, & id genus alia ipsorum commenta pugnamus: hæc nos honoris insignia expandimus, hæc nomina familiæ nostræ, has imagines, non fumosæ, sed vividæ antiquitatis; ignitum carbonem, qui Prophetarum ora tetigit, non sic Patrum; dispersitas linguas, quæ non federunt super Patres, federunt super Apostolos, quos solos qui habet antiquitatem veram habet. Sunt enim in rebus fidei voces convertibiles, Apostolicum & Antiquum, non, Apostolicum & Novum: ex quo sequitur ut sublato Apostolico Antiquitas nihil valeat, & posito, Novitatis exprobratio non penetrat. Hæc Propositio ultima,

Non

Eutrop. de utroque.

De vel. Virg.

Non deesse veram antiquitatem si Scriptura astipuletur; deesse autem ubi non astipulatur. Et quod ad Propositiones spectat, hæc sufficiant.

Documenta quæ exinde profluunt tria sunt. In controversiis fidei non in secunda antiquitate acquiescendum, sed in prima: hoc primum. In omnibus ad antiquitatem appellationibus non tam antiquitas ipsa expendenda quam veritas. Post veritatem elicitam, antiquitas habet insignem & usum & laudem & gratiam.

LECTIO L.

Avobis impetrare velim, Auditores, hodie, quod olim ab Atheniensibus suis Euripidem deprecatum legimus. Cum Bellerophonem hominem avarum auri laudes prædicantem introduxerat, & dicentem; *O aurum ingens generis humani bonum, quod & hominum & cælitum amores ad se trahit!* totus repente populus subiratus dicitur confurrexisse, donec Euripides ipse in medium profliliens, obtinuit tandem ut in theatro manere vellent, & paulisper expectare quem admirator auri exitum faceret. Pariter & mihi liceat, (ad extrema jam perducto termino, & scabellis tantum non concrepantibus) liceat, inquam, à vobis petere, ut in his de Antiquitate dissertationibus etiam si molesta sit lentitudo nostra, vos eam tamen veteri patientiâ vestrâ mollire velitis, & rei exitum expectare, donec in totius consummatione operis demonstravero quantum & quale bonum hæc tories agitata Antiquitas fuerit, quæ tum nostros tum Adversariorum amores ad se rapit, & lites suscitât vix ullâ ætate dirimendas. Enimvero non me fugit illud S. Bernardi ververbium, *Copia solvit in ignaviâ*; vel, ut est apud Livium, *Copia fastidium facit*. Sed in rebus aliis id magis usovenire existimo quam in vobis aut audientia vestra: nam vobis hanc copiam nostram satietati non esse video, nec in ignaviâ solvere, sed in alacrem & virilem operam; neque fastidium movere, sed studium, & de veteribus nova, & de novo quæ olim diximus vetera audiendi. Vetera quæ accepistis hæc erant, Veram & Canonicam Antiquitatem esse primitivam illam in scriptis Prophetis & Apostolicis comprehensam: Antiquitatem secundariam sive Ecclesiasticam non habere aut certam sedem, aut certos terminos; aut certum firmamentum extra-primitivam: Postremo, Quicumque suarum partium Scripturas habet, eum solum veram pro se habere antiquitatem; qui autem Scripturarum suffragio destituitur, eum antiquitatem in rebus fidei jactare non posse. Fuerunt istæ tres Propositiones Fundamentales, in quibus pars prima hujus disputationis est constituta.

Nunc demum principis cognitis, facilius multò extrema intelligetis, quæ sunt illa Documenta practica in quibus pars operis altera est collocanda: sunt autem pro Propositionum numero tria hæc quæ sequuntur susius pertractanda.

Documentum primum sic se habet, Si prima & vera antiquitas in solis Scripturis reperiatur, secundaria in hominum testimoniis; ergo in controversiis fidei non oportet acquiescere in secunda, donec ad ipsum fontem, h.e. ad primam, veniamus, ad quam solam fit legitima, à qua sola fieri potest nulla appellatio. Ex duobus filis hæc tela texitur, Negativo & Affirmativo.

Primum est Negativum. Quod non oportet acquiescere in antiquitate secundaria:

secundaria. Quæ ratio? Varia & multiplex. Prima, est via sine certitudine, via dubia & anceps, quæ & fallere & falli potest; cum è Doctoribus vix quicumque sit qui non aliquam labem à seculi in quo vixit tactu contraxerit; & de Veteribus singulis verum est quod Thebanus Crates de Philosophis dixit, *in quovis hominum, ut in malo panico, esse aliquod granum putre*, quod discrimen affert & ruminanti, & insequenti. Quòd si Antiquitas via sit fallibilis, non potest præstare indubitatum fidei argumentum, cum nulla sit animi quies ubi dubitationi relinquitur locus. Hoc ex Hegesippo Eusebius observat, l. 3. Eccl. Hist. c. 32. *Non esse in seculis posteris immotam firmitudinem, eò quòd solummodo ad Trajani tempora, in qua incidit persecutio Ecclesie 3^a, anno Christi 110. puritatem suam Ecclesia retinuerit. Usque eò, inquit, permansit nup̄div̄ & x̄a d̄v̄eā & ad iā q̄d deos, virgo integra & incorrupta*: at postquam Apostolorum chorum mors abstulisset, irrepsit illico falsa & commentitia doctrina, etiam in prima post Apostolos tempora. Si id acciderit primis, quid subsequenteribus, putas, factum est? Neque enim ipsi Adversarii negant, eò pejora fuisse secula quò magis ab Apostolicis temporibus abfuerunt: & nos juxta cum illis, quòd magna fuerint Ecclesie lumina Veteres non diffitemur; sed meminisse etiam oportet, habuisse in seipso: um a tatem nonnihil lumini quàm simillimum: nam sicut lumen quòd soli vicinior est eò splendet illustrius; sic Patres quò Christo & Apostolis viciniore, eò puritatem illius antiquitatis magis ut plurimum retinent, & referunt nobis fidelius, & quò magis distant ab origine, eò ad labendi periculum accedunt propius. *Ut plurimum dixi*, in universum enim non tenet, nam unus Augustinus, qui ex classicis est penè recentissimus, attamen puritate doctrinæ non solum posteriores sed & antecessores suos, saltem multos ex iis, videtur superasse: sed ut plurimum verum est, quòd quò longius ab Apostolicis temporibus discessum est, eò in pejus prolapsum. Ergò hæc prima ratio, Est via sine certitudine.

Secunda sequitur, Est via sine termino, via indefinita, è qua vix ullus pateat exitus: at appellatio irrevocabilis non fit nisi ad primum aliquid & summum, quod in istis post Apostolos seculis haberi non potest; quia semper prius est & superius aliquid quò se mens recipiat. Esto, sit quintum seculum quod advocamus: est illud quidem perantiquum, sed non est antiquissimum, est aliquid prius, quartum ante quintum. Esto, sit quartum: est hoc magis a memoria nostra remotum, sed non est antiquissimum, est aliud antiquius, tertium ante quartum, & secundum ante tertium. Ubi igitur sistat inquisitionis ratio? si non in quarto, aut tertio, aut secundo, ergò in primo, quod aureum erat Apostolorum seculum, velut caput imaginis; quò cum devenit fuerit, ultra progredi non possumus, quia nihil prius, nihil antiquius. Huc S. Hilarius prospexit in illa Antiquitatis definitione quæ habetur in Commentariis super Psal. 138. *Antiqua sunt, inquit, quæ modum non habent, quæque indefiniti temporis significant vetustatem*; h. e. quæ sic excedunt alia tempora, ut nullum habeant antiquius aut prius: hoc autem est Scripturarum peculiare privilegium, ad quas, velut supremam Curiam & sacrosanctum Synedrium, fit ultima appellatio. Et hoc telus est, quòd dixi, filum alterum, nimirum Affirmativum, In sola illa primitiva Antiquitate simpliciter esse conquiescendum.

Hoc sensu Patres antiquitatem semper prædicant, ut post Apostolos nemo, quamvis sanctus, habeat auctoritatem; sunt verba Hieronymi: *ut facesset Doctorum sententia, & interrogentur Apostoli*; verba sunt Ambrosii: *ut auferantur de medio aliorum chartæ, & procedant in medium annales sacri, codex Dei*; sic se Augustinus explicat, in Psal. 57. Hoc sensu Sancti Cyrilli illa,

illa apud Cyrenensem in Concilio sententia est accipienda; *ut sola antiqua fidei dogmata confirmetur, damnentur novitia.* Hoc sensu S. Bernardi illud, quod Novitatem vocat *matrem temeritatis, sororem superstitionis, filiam levitatis*: nimirum si primitivæ Antiquitati se opponit. Hoc sensu B. Cyprianus ad *Divina traditionis caput & originem singula esse examinanda* profiteretur: *ut si in aliquo mutaverit veritas, ad originem Dominicam, & Evangelicam, & Apostolicam reducatnr*; ut inde surgat *actus nostri ratio unde ordo & origo excessus.* Hoc sensu Tertullianus & Praxeam *hæreticum besternum*, & Hermogenem *hodiernum* appellat; & istius doctrinam *novellam*, illius ipsam *novellitatem.* Hoc sensu toties inculcat prioritatem Catholicam & posterioritatem hæreticam; ut verum sit quodcumque primum, adulterum quodcumque posterius. Hoc telo de Marcione hæretico triumphos agit, l. 4. & ad hoc tribunal sistit, ut videat quod iac à Paulo Corinthii hauserint, ad quam regulam Galatæ sint recocti, & Philipenses, & Thessalonicenses, & Ephesii, & Romani. Hoc eodem telo omnes hæreticos confodit, in lib. De præscript. quando interrogat eos qui sint, unde venerint, ubi tamdiu latuerint: & tum demum eos incitat ut ad Apostolos se vertant, à quibus traducem fidei & semina doctrinæ cæteræ Ecclesiæ mutuatae sunt; ac per hoc Apostolicæ deputantur, quia soboles erant Apostolicarum Ecclesiarum. Rationem addit, quia *omne genus ad originem suam est censendum*, omnes Ecclesiæ ad Apostolicam, à qua omnes: ut omnis doctrina quæ cum illis Ecclesiis Apostolicis, matricibus & originalibus fidei, conspirat, veritati deputetur; reliqua verò omnis doctrina de mendacio arguatur. Hoc sensu Timotheum S. Paulus cohortatur ut depositum custodiat, devitans profanas vocum novitates. Hoc sensu Salvator in Evangelio Phariseos revocat ab antiquis & suis & Mosais ritibus, ad aliquid ipsis antiquius: nimirum & ad legem Naturæ, Matth. 19. 8. *Ab initio non fuit sic*; & ad legem suam, quæ antiquior est antiquissimâ, Matth. 5. *Sic dictum est à veteribus, Ego autem sic.* Hoc sensu licet, si Allegoriis gaudeant Adversarii, & illud Salomonis huc transferre, Prov. 22. 28. *Nè transgrediaris terminos antiquos quos posuerunt patres tui*; hoc est, dicente Hieronymo, *Nè transgrediaris terminos fidei quos ab initio statuere Catholici Doctores*: & illud Mosis, Deut. 32. 7. *Mementote dierum antiquorum, cogita generationes singulas; interroga patrem tuum, & annuntiabis tibi, majores tuos, & dicent tibi.* Eodem recidunt singula, quia fidei Majores sunt Apostoli, & termini doctrinæ salutaris scripta Apostolica, & origo atque initium veritatis Evangelicæ prædicatio Apostolica. Ad hoc initium, ad hos terminos, ad hanc antiquitatem donec veniatur, non invenit requiem pedibus suis Columba Christi: ad hanc si veniatur, abunde habet in quo conquiescat. Hoc Documentum primum est, In secunda antiquitate non esse acquiescendum, donec veniatur ad primam.

Secundum est hujusmodi; In omnibus ad Antiquitatem appellationibus non tam antiquitas ipsa quam doctrinæ veritas est expendenda; & quia Antiquitati veritas præponderat, & quia veritati Novitas non præjudicat; sed & antiquum, si falsum fuerit, non sit canitie melius, & verum, si novum videatur, non tamen sit novitatis præjudicio deterius. Quod si quæ in se bona sunt & vera propter hoc ipsum explodantur quia nova: actum erit de *nova massa, & nova creatura, & nova veste, & novo cantico, & novo vino, & novis viribus*; quæ singula Christi, & Christi fidissimus Amanuens Paulus, toties prædicant. Quapropter quando in Tertulliani Apologetico legimus, *Antiquiorem omnibus veritatem esse, ut rubigine ferrum, vinum aceto, triticum zizaniis*; de modo essendi id intelligendum est, & non de modo

cogno-

in Gesti Cy-
rilli.
Bern. Ep. 174.
ad Canon. Lugd.

Cyp. Ep. 74. ad
Pompeium.

Tert. adv. Pra-
xeam.

cognoscendi: nam si in tempora manifestandi & revelandi gradum oculis conjicimus, aliquando accidit ut *temporis filia* Veritas sit dicenda, quia eam è tenebris tempus eruit, & in lucem emittit; nec non aliquando ut Error coætaneus sit veritati, imò verò prior; utque alternis vicibus, & novum videatur quod est antiquum, & antiquum quod novum. Neque hoc S. Joannem fugit, qui idcirco Dilectionis mandatum & novum dixit & vetus; in se quidem vetus, quia à principio, novum, quia calamo Apostolico de novo est exaratum, postquam diu latuerit velut deperditum. Huc accedit, quòd S. Pauli doctrinam Philosophi novam vocabant, Act. 17. 19. & Salvatoris doctrinam populus, Marc. 1. 27. non quia in se erat, sed quia videbatur; non quia nupera, sed quia incognita. Et *Ego nova sape videor dicere*, inquit M. Cicero, cum pervetera dicam, sed inaudita plerisque. Et id ipsum S. Ambrosius exemplo Cain & Abel perspicuum reddit; *Prævenit Cain ubi generatio exprimitur, ubi disciplinarum fit prædicatio præcurrit Abel*: sic innocentia potest esse posterior quàm malitia; sed si sit ætate posterior, est meritorum nobilitate antiquior. Quocirca prospiciendum est semper ad id quod eminet; non tam quantum author quisque ad tempora, sed quantum ad scripta Apostolorum adventet: quia, ut Seneca Epist. 4. de Nobilitate, *Non facit nobilem atrium plenum fumosis imaginibus*; ità nos de Veritate, Non annis censenda veritas est, sed mysteriis. Annon hæc æqua est antiquitatis circumscriptio? doceat nos S. Ambrosius; *Tunc verè, inquit, venerabilis est senectus, non annis cana, sed moribus*; tunc est corona gloriæ, si in via *Justitiæ invenitur*, ut Salomon loquitur, Prov. 16. 31. Quid quòd & pessimis hominum antiquitatem jactare & possunt & solent, qui veritatis tamen vix quicquam habent? vix enim quisquam est Ethnicorum qui gentem suam vel ad Achillem, vel ad Æneam, vel Herculem, vel veterum Heroum aliquem non referat. In eo Athenienses gloriabantur, quòd essent *αὐτοχθόνες*, & Arcades, quòd essent *ἠγροσύλωες*,

— *astris lunæque priores,*

ut Statius loquitur, in 4. Thebaidos: unde Virgil. Æneid. 8.

— *Arcades ipsum*

Credunt se vidisse Jovem. —

Neq; hoc hæreticis inusitatum. In Concil. Chalcedonenfi, Act. 1. Dioscorus hæreticus sapius pro se dixit, *Ego testimonia habeo Sanctorum Patrum, Athanasii, Gregorii, Cyrilli, multis in locis; ego cum Patribus dejiçior; ego defendo Patrum dogmata, non transgredior in aliquo.* Et in eodem Concilio, Eutyches hæreticus, *Ego legi scripta B. Cypriani, & Sanctorum Patrum, & S. Athanasii; sic à progenitoribus meis accepi, in hac fide baptizatus sum.* Sic ipsi idololatræ Judæi ad Jeremiam prophetam, *Hac fecimus nos & patres nostri, & reges nostri, & principes nostri, & saturati sumus panibus, & bene nobis erat.* Sic saccos veteres Gibeonitæ produxerunt, & utres veteres, & vestimenta vetera, & vetera calceamenta, & panes præ vetustate mucidos, ut Israelitarum duci Josue se à longinquo terrarum tractu venisse persuaderent, Jos. 9. 4. Sic pro se Symmachus rhetoricatur apud Prudentium & Ambrosium, lib. 5. Ep. 30. *Præstate, oro vos, inquit, ut ea quæ pueri suscepimus, senes posteris relinquamus: quòd si longa ætas auctoritatem religionibus faciat, servanda est tui seculis fides, & sequendi sunt nobis parentes, qui sequenti sunt feliciter suos.* Sic apud Minutium & Arnobium gentiles; *Antiquiora nostra sunt, & per hoc fidei & veritatis plenissima.* Et sic ad hodiernum usque diem sumptuosissimè se ostentant Pontificii, *Ecclesiam, Ecclesiam, Antiquitatem, Antiquitatem*; quasi ipsum vidissent Jovem, aut soli cum Evandri matre loquuti essent, *astris lunæque priores.* Dici non potest quas

De Oratore,
De Cain &
Abel 4. 3.

quas nugas, quas fabulas agunt sub his vietiis nominibus; ut quod obtinere non possunt veritate, obtineant tempore. Ad hæc quid nos? Equidem quod Prudentius Symmacho; *Potior tibi pristinus est mos, quam via iustitie, quamque fides veri.* Quod Minutius Ethnicis; *Non debes vos antiquitas imperitorum fabellis suis delectata ad errorem mutui rapere consensu.* Quod Arnobius eisdem; *Quasi verò non errorum antiquitas plenissima mater sit; & non ipsa pepererit res turpissimas.* Quod Cyprianus de Novatianis, Ep. 73. ad Jubaianum; *Simiarum more, quæ cum homines non sint, homines tamen imitantur, & Ecclesie Catholicae auctoritatem sibi vendicant quam non habent.* Quod Gregorius de hæreticis, Moral. lib. 12. cap. 15. *Hæretici, ut ea quæ afferunt commendare stultis mentibus quasi de antiquitate possint, antiquos Patres se habere testantur, atque ipsos Doctores Ecclesie professionis suæ magistros dicunt; cumque præsentis prædicatores despiciunt, de antiquorum Patrum magisterio falsâ presumptione gloriantur, &c.* Si hæc ex Patribus minora sunt, respondemus ex Scripturibus Ethnicis. Quod M. Varro apud Augustinum de Romanis principibus; *Æquum est ut viri fortes, etiamsi sit falsum, ex diis se genitos esse credant; hoc nos de Papistis.* Quod Suetonius de Vitellio; *Vitelliorum originem alii aliam, & quidem diversissimam, tradunt, partim veterem & nobilem, partim novam & obscuram; hoc nos de Papistis.* Quod Cicero in Pisonem, *Obrepsisti ad honores errore hominum, commendatione fumosarum imaginum, quarum simile habes nihil præter colorem; hoc nos de Papistis.* Ad extremum, quod Antisthenes de Atheniensibus ipse Atheniensis; cum illi capillis complicandis aureas cicadas adhiberent, & insolenter se vocarent *κικαδωφόροι*, id est, *cicadiferæ*, ut eo argumento se terrigenas ostenderent, Antisthenes acutè succlamavit, *Nihil eos esse nobiliores ἀρχαίων ἢ ἀτρεκέων*, id est, *cochleis sive limacibus & locustis*: hoc, hoc, inquam, in promptu nobis est ad istos fabulose antiquitatis Thraßones respondere, qui fronte falsâ & formidine inani territare se nos putant, suâ sub vetustatis larva introductâ novitate. An nos adeò infantes, adeò cæcos putant, ut non videamus quæ strophæ, quæ præstigiæ sub hoc velo delitescant? Indoctæ plebi glaucomam objicere hæc tutelæ possunt, non aquilinis oculis. Quasi verò nos nesciamus quo nuperrimo seculo Primatus Papæ, Communio laica sub una Specie sit introducta: non nisi post sexingentesimum annum illum, tante Sigeberto; non nisi post millesimum hanc, si Cassandrum audiunt, Annon est præclara antiquitas? Serò & cognitum & receptum in Ecclesia fuisse Purgatorium Roffensis, Con. assertiones Lutheri, asserit; atque non omnino de Indulgentiis loqui Ambrosium, Hilarium, Augustinum, Hieronymum, Durandum faterar. Annon est speciosa antiquitas? De Conjugii interdicto quid dicam, aut de Cultu Imaginum, aut de de factorum Invocatione, aut de Sacris linguâ incognita peragendis, aut de Transubstantiationis dogmate, & centum id genus aliis: quæ reptitia sunt & acclta singula, ut vix quenquam lateat quam ætatem habent. Si his cicadis Articulus fidei intertexunt, quas è terra singulas aut (nè quid profundius dicam) ex Antipodum regno ortas novimus, non miror si se *ἀντιπόδων* prædicent & *ορεσιδωρος*. Doctrina demonstrat, & illa Purgatorii, quod sunt è terra editi; & illa altera Primatus, quod ante Lunam nati sunt; & tertia Cultus idololatrici, quod sunt populus multarum imaginum, in Faunorum aliquando familiam adoptandus. Enimvero si ostendant ea de quibus nobiscum litigant ex Deo, h. e. ex Scripturis, adeoque primitiva antiquitate, profecta esse, tunc vetustatis præmium

2 Cont. Symm.

L. 1, & 2.

Civ. l. 3. c. 4.

Diog. Laert. id
ejus vita.

Art. 18.

Sen. 4. dial. 20.
§. 3.

Hedera & corona querna insignia vici-
tatis. Valer.

præmium Bacchi hederam deportent foli, aut Arcadibus debitam coronam quernam: at si aliunde fluant, & peregrinâ stirpe oriantur, ædopul-
dum antiquitatem crepant, fumos vendunt, & obductâ nebulâ insipientium oculis imponunt. Quocirca ut hæc omnia in arctissimum contraham,
Quod apud Ciceronem, 2. De legibus, ad Athenienses Apollo Pythius res-
pondisse dicitur, cum illi consulerent quas religiones tenerent, *Est*, in-
quit Pythius, *quæ sunt in more majorum*; cumque iterum quævisissent, quem morem & variis potissimum sequerentur, cum mos majorum sæpe mutatus esset, respondit, *Optimum*; quia id habendum est antiquissimum quod optimum est & Deo proximum: Hoc ipsum nos de Papistarum novitatibus respondemus; idque non ex Pythio, sed ex Divino oraculo. Si ita se res haberet, ut ex quatuor primorum post Apostolos temporum secunda antiquitate sua dogmata demonstrare possint, non esset utique hæc ipsa firmitatis spectata probatio, nisi primitivæ antiquitati congruerent; et cum & secundam antiquitatem, quæ sæpe mutata est, mentiantur, & primitivæ etiam, quæ est in Scripturis, repugnent, sufficit nobis illud Cypriani ad Pompeium retorquere, *Consuetudo sine veritate vetustas erroris est*; & illud Arnobii ad Gentes, lib. 2. *Religionis autoritas non est tempore astimanda, sed numine*; & illud inprimis Spiritus Sancti, *Ezech. 20. 18. & Zach. 1. 4, 5. Patres vestri ubi sunt? Nè sitis sicut patres vestri. In præceptis patrum vestrorum nolite incedere, nec iudicia eorum custodiat: Ego Dominus Deus vester, in præceptis meis ambulate, & iudicia mea custodite.* Ad hanc antiquitatem nos Spiritus Sanctus remittit; ad hanc ipsi Patres, & ante Patres Apostoli, & ante Apostolos Christus sæpe provocavit: quia hæc sola in veritate fundata est, *adversus quam quodcumque sapit est hæresis*, inquit Tertull., *etiamsi sit vetus consuetudo: quia Christus non Consuetudinem se appellavit, sed Veritatem, cui soli nemo præscribere potest; non spatia temporum, non patrocinia personarum, non privilegia regionum.* Hoc secundum est documentum, In omnibus ad antiquitatem appellationibus non tam antiquitatem expendendam esse quam doctrinæ veritatem.

Yert. De vel.
Vir. scribus loci.

Documentum tertium est ejusmodi; In Theologicis ad antiquitatem appellationibus, post veritatis curam rationemque habitam, etiam Ecclesiasticæ antiquitatis reverentia usque debitus non est aut negligendus aut contemnendus, sed venerando complexu honorandus, & in omnimodum veritatis compendium trahendus. Hæc sententiæ nostræ summa, hæc Orthodoxorum aperta confessio, Non deponendam esse primum temporum curam, sed postponendam Scripturis; neque in nullo loco collocandam, sed in secundo & suo. Huc nos deducunt Theologorum illa celeberrima Axiomata, *ἡ ἀρχαῖος νόμος, τὸ πάλαιον ἀξιοματῆς*, Illud nobilius quod antiquius, illud nobilissimum quod antiquissimum: ut unguentis & vinis, ita scriptis pretium addit antiquitas. Huc nos vel Cicero ipse, Theologis tacentibus, qui in primo De Divinatione, neminem esse dicit quem non moveat clarissimis monumentis testata consignatque antiquitas: cum habeat ut in *atavibus auctoritatem senectus, sic in exemplis vetustas*. Huc nos Doctarum frontium consensus univerfus, qui semper eruditionem in antiquitatis notitia collocabat. Nam & Macrobinus Sat. 1. 5. *parentem artium* Antiquitatem vocabat; & eruditissimos homines Apuleius, *Doctrina veteris viros*: & virum sapientissimum Ennius cum laudare vellet, hoc angusto ambitu constringit,

— Multa tenens antiqua sepulchra.

Quo

Quò possumus & illud Claudiani conferre, qui in Institutione Principis hanc inter primas doctrinæ regulas statuit,

— *Non desinat unquam*

Tecum Graia loqui, tecum Romana vetustas.

Denique & huc nos adigunt omnes istæ loquendi formulæ apud authores classici solennes & usitatissimæ, in quibus si quid obicurrat erat & infimum, id *novum* vocabant; quæcunque verò clara & summa, *antiqua*. Sic Lucii Sexti Consulatum T. Livius lib. 7. *Novi hominis Consulatum* appellat; *Annus hic erit insignis novi hominis Consulatus: novi hominis*, id est, plebei & inglorii. Sic Plinius junior, lib. 8. Ep. 9. ad Profoceram suam, de hoc gloriatur, quòd liberis suis non relicturus esset novas subitæque imagines, hoc est, inhonoratas & viles. Et è contrà, de Volusio Tacitus, lib. 3. *Volusio vetus erat familia*, id est, nobilis; & de Camillo Lampridius in Alexandro Severo, *Vivius Camillus, senator antiquæ familiæ*, id est, illustris & generosæ. Sic apud Terentium, Adelph. *homo antiquâ virtute & fide*, id est, optimâ. Quid quòd S. Hilarius cont. Auxentium, (cont. Arianos p. 243.) *gravem esse auctoritatem veterum* prædicat? & S. Basilus in prima De Jejunio concione, primam Jejunii laudem in antiquitate posuit; *ὁ γὰρ ἱεὺς, inquit, νεώτερος ὢ ἐπὶ δόξῃ, ἀλλ' ἀρχαῖον δόξαν ἡ νουθεσία, Non est recens inventum Jejunium, sed vetus donum, & pretiosus thesaurus à majoribus repositus; tam vetus, ut simul cum homine condito caperis, & in ipso Paradiso est præscriptum: & tum demum concludit, τὰν δ' ἀρχαίων ἡ ἀφ' αἰῶνος ἀσκήσις ἐστίν, Quicquid vetustate præcellit est venerabile, & quòd vetustius eò venerabilius. Hæc ille. Sed quorsum ego ista sive è Patrum scriptis, sive è Gentilium literis, cum ipsæ Scripturæ passim doceant, magnam & esse & esse debere Antiquitatis reverentiam? neque enim frustra præceptum præcepto accumulatur: idque & in abstracto, Nè transgrediaris terminos antiquos, Prov. 22. 28. Interrogate de semitis antiquis, quæ sit via bona, Jer. 6. 16. & in concreto, Deut. 32. 7. Interroga patrem tuum, & annuntiabit tibi, majores tuos, & dicent tibi; & Levit. 19. 32. Coram cano capite consurge, & honora personam senis, & time Dominum Deum tuum; & 1 Tim. 5. 17. Qui bene præsumunt presbyteri, duplici honore digni habeantur. Hæc omnia laudis præconia antiquitati ferenda esse Spiritus Sanctus edocet; & hæc omnia nos ipsi ultro deferimus; interrogamus eam, honoramus, reveremur, duplici honore prosequimur, eam inprimis quæ purioribus fuit & florentissimis Ecclesiæ temporibus. Vultis ut verbo absolvam omnia? Accipitote paucis; Magnus, imò maximus est antiquitatis in rebus fidei usus, varia & multiplicata utilitas.*

Primò, adversus hæreticos veteres, eosque qui eorum errores ex inferis revocare conantur: nam ipsius alis sublatis, & salubribus sententiis confirmatis quæ verbo Dei congruunt, de controversiis confidentius pronuntiamus. Secundò, adversus Pontificios, qui antiquitatis veræ falsam speciem mentiuntur, ut cognoscat quilibet eos temere de antiquitate gloriari, utque ipsi sentiant quàm inopinatò suis alis capiantur, atque non fortibus modò S. Scripturæ telis, sed istis Antiquorum fulgentibus sententiis de turre non sua agantur præcipientes. Tertiò, ad Scripturarum intelligentiam, quas in antiquitatis monumentis & fideliter tractatas & perspicuè adaptatas habemus: ut his lucernis ducti ad reliqua indaganda nos feliciter accingamus. Quartò, ad Crasin temporum, atque tum Doctrinæ tum Disciplinæ veteris statum serièmque in-

R r 2

digitandam.

digitandam. Hâc scalâ evecti, ad ipsum caput & summitatē temporum ascendere possumus, atque in ipsa penetrabilia introspicere. Postremò, ad cuiusvis argumenti Theologici ante populum tractandi ornatum atque profectum: cū hoc sit indubitatum, multò amplius existisse & scientiæ & conscientiæ, & pietatis & zeli, in priscorum scriptis, *ipsum spiritum martyrii redolentibus*, ut Erasmus loquitur. Hæc æquum est nos singula antiquitati tribuere, atque nos inviti tribuimus. Affirmamus, imò asserimus, eminentiam quandam fuisse in priscis illis Doctoribus officii & dignitatis, quod primi erant, post Apostolos Episcopi; scientiæ & eruditionis, quod genus erant eruditius posteris, & in amoenitatibus cœlestis literaturæ excellentius; adhuc, probitatis & iustitiæ, quod vitæ fuerant magis inculpatae, non ambitionis aut avaritiæ pessimis affectibus capti, quibus nostra tempora plus nimis sunt delibuta; postremò, ætatis & temporis, quod Apostolis viciniore erant, quando & sanctitas nitidior & veritas incorruptior emicuit, quando ut infantia major, ita major innocentia puritasque Theologiæ, quarum utraque postmodum maximo opere desloruit. Hosce nos dignitatis titulos antiquis Doctoribus devovemus, hæc honoris insignia expandimus: sed reservatâ semper quæ debetur & recentiori Ecclesiæ gratiâ, cuius non sunt adeò effœta viscera ut nihil nunc laudabile pariant posteris transmittendum; & quæ Scripturis Sacris autoritate, à quibus solis veræ antiquitatis ratio regulâque est petenda. De Antiquitatis valore hæc sunt quæ dicenda putavi, tribus Propositionibus tribusque Documentis ea omnia complectendo.

De validitate Consensus non nisi Terminò sequente est agendum, ut idem possit esse & anni finis & argumenti.

LECTIONUM
PARS SECUNDA.

Rr 3



LECTIO I.

MAT. 4. I.

Tunc Iesus ductus est in desertum, &c.



Quantâ animi hilaritate & studio ad vos Ego hodie volitem, Auditores optimi, quôve infortunio à vobis jampridem divulsus fuerim, mallet multò ut vos ipsi, pro ea quâ polletis ingenii solertia, ex vobis jam conjiciatis, quàm ut à me id renovandum expectetis: cum & vix possibile sit acerrimum meum vos resalutandi desiderium ad plenum explicare, temerarium esset silentii anteaçti causas ra-

tionésque vel leviter tangere. Ad utrumque tamen sufficere potest S. Chrysostomi illud quod aliquando in Auditorum suorum fide dictum deposuit, *Ἐν ὁδῷ αὐτοῦ ἡρεσῶ, καὶ ἡ ἀδύναμις ἡ ἀδύναμις*, *Studium studium parit, & ignavia ignaviam*. In istis verbis duo sunt quæ meo proposito inserviunt documenta: de Actu virtutis & vitii primum, quod ut muneris præclara administratio nascitur ex studio, sic ejusdem præmissio ex negligentia: de Gradibus virtutis & vitii alterum, quod sicut virtus non figit sibi metas, sed adolescit à studio in studium; ita nec vitium sibi, sed decrescit à negligentia in negligentiam, Inter hæc duo vocabula me hodie collocatum existimo, velut inter sacrum & laxum, inter studium & negligentiam. Ad negligentiam quod attinet, non diffiteor, aut, si magis placer, agnosco, ex illo solo seminario diutinam hanc Cathedræ taciturnitatem mansisse, quod ego cessator & fucus, atque deliciarum homo, me totum somno otioque addixerim; quod equis canibisque atque spectaculis gaudens, ad officii partes peragendas piger evaserim: adeo meâ totum hoc culpâ est factum, & ambitione meâ meque oscitantâ, post terminum unum, & deinde alterum, desuetudine pigriniam, pigritiâ veterum pariente. Quod si quis è vobis, qui quidem omnes homines estis naturâ & consuetudine lenissimi, ex molestiarum difficultatibus aut negotiorum importunitate illud ortum crediderit, fruatur per me licet sensu suo, gratiamque insuper habeo pro comitate propentiam: verumtamen pro levanda hac qualicumque culpa, ad ea diverticula in re manifesta non fugio, cum nihil facilius sit quàm in Senatu gravissimorum virorum de ista præfari, & speciosam molestiarum rivulum prætere, Ego contra totum in me recipio, & quod res est fateor, Nil mihi tale contigisse, neminem mihi molestiam creasse; ad-

Hom. 8. in Act.

R r 4

do

Lib. 2.8. c. 29.

do etiam quòd nemo me detinuit, nemo me impedivit, &, ut M. Cato olim in balneo, *Non memini me percussum*. Aut si quid ejusmodi vos putatis accidisse, quòd vix dum ego credere possum, *auferat Oblivio*, si potest, ut Scipio apud Livium loquitur; si non, utcunque Silentium tegar. Jam verò quòd superest de Studio, quoniam, ut M. Cicero loquitur, *In una diligentia virtute omnes virtutes reliqua continentur*; cùmque optimus elapsi temporis redimendi modus sit exercitatio, neque possit aliter compensari inertia duplex quàm conduplicatà industrià, dabo operam, si fieri possit, ut sicut ex una parte de præterito negligentia negligentiam enixa est, ità in posterum ex altera studium studium pariat. Atque ecce jam dicto citiùs peperit, etiam inter dicendum; vos ipsos dum alloquor, præsentia vestrà velut pharmaco confirmatum me sentio, post multorum mensium abortivos conceptus, ad hos qualescunque studiorum foetus animo alacri &, supra parturientium sexum, másculo pariendos. Miremini fortassis unde mihi, homini ex me ingenii plùs nimio timidi, hæc tanta fiducia accederet; imò potiùs permittite mihi hanc mirandi vicissitudinem, unde vobis, quorum patientià plùs nimio abusus sum, hæc tanta humanitas, ut tam subitò in gratiam rediretis: etenim ex hoc fonte promanat hæc mea fiducia, quòd videam in oculis vestris cœlestem quandam serenitatem, & in singulis vestrùm pellucentem mansuetudinem, ut ad fratrem suum Jacob loquitur, velut in tot Angelis, Angelis dico Ecclesiarum. Atque est eò magis grata mihi, quò magis insperata & repentina: neque enim mecum attuli hanc fiduciam; neque istam serenitatem in oculis vestris cùm vos hodie primùm circumlustrarem observavi. Imò potiùs è contrà, videbar mihi in vobis videre aspectum nubilum, supercilium censorum, obscuriores vultus, severitudine caperatam frontem, quæ mihi silentium diuturnum exprobrare coeperat, & rugis proloqui quid de tam longa absentia sentiret: & è vestigio tamen, nescio quo bono fato, hem quanta mutatio! Nunc quicquid in aspectu apparet lux est; in supercilio candor, in arrectis auribus gratia: videnini mecum miscere alloquia, & imperare ut de vobis securus maneam, litatum jam esse offensivunculæ, vobisque cumulatè hæc novissimà præsentia nostrà satisfactum. O novam vitam! O felicem diem! Sic Zephyri statum ad cantum cygnos provocare Poetæ prædicant; sic Dianæ in Græcia simulachrum, de quo Plinius loquitur, quòd ex aditu seu limine delubri vultum mœstum introeuntibus ostendere solebat, sed adoratione factà salientes intuitus vibrabat hilarèsq; aspectus, ut ad sacrificandum animaret; sic sanctum Jacobum, timidum Patriarcham, Esau fratris ira in benignitatem conversa ad munera & benedictionem invitabat; sic eundem Jacobum graviter ægrotantem mortiq; proximum legimus, sed cùm morienti seni renunciatum esset adesse filium Josephum, eo unico verbo ipsius adeò refovebatur moribunda anima, ut novas vires sumeret & novum robur; *Revixit spiritus Jacobi*, sicut Moses loquitur, & confirmavit se Israel ut sederet super lectum suum. Enimvero nemo ibit inficias, fuisse magnam hanc infirmi statûs conversionem, ut senex, & æger, & cadaver hominis, annorum onere pressus, morborum molestiis exulceratus, tam repentè convalesceret, & novas vires novùmque juventutis vigorem indueret; ut, dicente Ambrosio, *vix quisquam tam velox in curriculo quàm iste in lectulo, nec quis alius tam lætus in flore adolescentia quàm ipse in mortis confinio, natale novum adeptus ex conspectu Josephi, novamque vitam*. Obsecro vos, quid impedit quò minùs ego ex conspectu & præsentia vestra eandem lætitiàm, consimilem vitam natalèsq; mihimet

Gen. 45. 27.

Gen. 48. 2.

De Jac. & Vita
beati, lib. 2. c. 9.

dum regnum Satanae: in illo Scribae docti officium exprimitur; in hoc, Athletae & milites: in illo, ad certamen cum haereticis; in hoc, ad acrius praelium contra spirituales nequitias: in illo, ad proferendum de thesauro *vetera & nova*; in hoc vero, ad contundendum veterem hominem, & novum perficiendum; atque hoc non expromendo tantum suppellectilem è Thesauro, sed pilas, & hastas, & spicula ex Armamentario: postremo, in illo Prudentiae regulam Christus sancivit, quae nobis inter tot vitae discrimina usul esset; at verò hic non solum regulam constituit, sed seipsum exemplar omni regulâ perfectius tradidit, neque prudentiae modò, sed roboris invictissimi atque Constantiae.

Ad hæc igitur Mystéria investiganda festinantius appropinquemus, ut videamus aliquando quid sibi velit hæc omnia, & In desertum traductio, & quadraginta dierum Jejunium, & post jejunium Fames, & Satanae Tentatio, & responsa Domini; *Quae singula magni caelestisque consilii effectibus plena sunt*, ut scitè Hilarius. In his si nos diligenter exerceamus, & alia quamplurima suppeditebunt attentione vestrà dignissima rerum arcanarum documenta. Neque enim ullus est in tota Sacra Pagina, quod sciam, locus, hæc unâ Historiâ aut usu salutarior, aut solatio suavior, aut copiâ & varietate multiformior; nam sylvam quandam, & materiam in se continet omnium argumentorum: de Eremitis & commodis & periculis, de Tentationum telis, de Potestate Diaboli, de Virtute Jejunii, de vera Humanitate & Divina potestate Christi; nec non & alia multa de Providentia Dei, de Custodia angelorum, de Autocheiria sive Suicidio, de Vanitate mundi, de Cultu Dei, de Scripturae Sacrae praefidiis, de Christiani victoriis. Quae omnia ut uno intuitu prospiciatis, concedite ut Sacro Codice aperto, Textus ipsius verba jam denuo recitemus: Sic autem se habent, *Tunc Jesus ductus est à Spiritu in desertum, ut tentaretur à diabolo, &c.*

Hactenus S. Evangelista, ut militarem partem peregrinationis Christi nobis depingeret: Quam si totam spectemus, nil aliud videtur esse quam Circulus aureus, & iter inter summa & ima reciprocum, à caelis ad terram, & à terra denique ad caelum. Hunc Circulum in quatuor Itinerariâ partiiri possumus.

Primum est Itinerarium Infantiae, atque septem passibus sive gradibus distinguitur; A caelo in uterum, ab utero in praeseptum, quod erat in Bethlehem, à Bethlehem ad Hierusalem, inde in Nazareth, inde in Herimopolim in Aegypto, exinde iterum in Nazareth, à Nazareth rursus ad Hierusalem, cum esset duodecim annorum: nam quae intercurrent reliqua inter duodecim & tricesimum annum, Sacra Pagina silentio regit.

Secundum Itinerarium est Ministerii, cujus primus gradus erat à Nazareth ad Jordanem, secundus à Jordane ad desertum, exinde in Galilaeam; atque ita deinceps circumibat omnes civitates & vicos, ut Sanctus Evangelista loquitur, sanans omnes morbos, & praedicans Evangelium regni.

Tertium Itinerarium erat Passionis, cujus primus gradus erat à coenaculo in hortum Gethsemanes, secundus ab horto in atrium summi Sacerdotis, dein ab atrio ad sellam sive Tribunal judicis, tum demum à Tribunali ad Crucem, & à Cruce ad Sepulchrum.

Postremum erat Itinerarium Triumphi, cujus duo gradus praeter ceteris insignes existunt; A sepulchro ad terras, à terris ad Coelum. Hic peregrinationis Circulus: à caelo coepit, in coelum clauditur.

In his igitur verbis secundi gradus secundi Itinerarii habemus Iconismum, quo à Jordane in Desertum Salvator processit, hoc est, ab Aquis ad Ignes, à Lavacro ad Cribrum, à Baptisterio ad Peiraterium, à Columba ad Serpentem, à voce Sancti Spiritus ad spiritum immunitum. Adeoque est descriptio Tentationis Christi, sive ipsius Monomachiae cum Diabolo. Cujus tres S. Matthaeus constituit partes, Prologum, Conflictum, Exitum; de Antecedentibus, de Concomitantibus, de Consequentibus.

In Prologo, sive praeludio, ea describit S. Evangelista quæ certamen proximè antecesserant; *Tunc Jesus ductus est à Spiritu in desertum, ut tentaretur à diabolo: & cum jejunasset quadraginta diebus & quadraginta noctibus, postea esurivit.* In quinque verò membra discerpitur.

In primis est Persona congregiens, sive Athleta, qui est susceptor certaminis, Jesus Christus; *Ductus est Jesus.* Deinde, Locus certaminis, sive Theatrum aut palaestra, Eremus; *Ductus in desertum.* Tertiò, Qualitas certaminis, *possepòs xpi ómnidwòs,* horrenda & periculis plena, concertatio Tentationis, *ut tentaretur à Diabolo.* Quartò, specialis, sive Praeco qui certamen indixit, Spiritus Sanctus; *Ductus est à Spiritu.* Ad extremum, Tempus quando hoc omne conficitur; *Tunc ductus.* Habet hæc particula triplicem respectum. Ad priora, *Tunc*, id est, post baptismum, post acceptum Spiritum Sanctum. Ad posteriora, *Tunc*, id est, antequam discipulos vocasset, antequam prædicasset. Ad præsentia, *Tunc*, id est, cum versaretur in Sacris, dum jejunaret; cum versaretur in angustiis, dum esuriret. Hæc illa est operis longè maximi in exiguas partes dissectio: sed unaquæque tamen est in se immensa summique momenti: & præterquam quòd ordinis ratio postulat, ipsa necessitas prohibet nè ad has summitates nisi gradatim & pedetentim ascendamus.

Exordiar à prima parte, à Susceptore certaminis, sive Athleta qui se ad hoc illustre negotium accingit. Athleta sive pugil est Christus, invictus Pancratiastes, dux nostræ salutis, & facit ea tamen quæ sunt militis; princeps pacis, imò Deus pacis, & diabolo tamen bellum denuntiavit: quod egregiè à Sancto Paulo est animadversum, Rom. 16. 20. *Deus pacis conteret Satanam sub pedibus vestris*, eundem significans pacis datorem salvandis, qui bellicum cecinit contra Adversarium salutis; neque enim aliter firmare pacem potuit, nisi pacis turbatorem Satanam conculcasset. Propterea & Moses eundem ut bellatorem fortissimum introducit, & gloriâ militari illustrem, Exod. 15. 3. *Dominus vir pralii; sive vir pugnator, Omnipotens nomen ejus; currus Pharaonis & exercitus ejus præcipitavit in mare*: pariter & Psalmographus, Psal. 24. 8. *Quis est iste rex gloria? Dominus fortis & potens in pralio.* Non quasi non esset verum de bellis secularibus; etiam in istis praeliis potens est Christus, quia per eum ut reges regnant, sic milites vincunt: in istis bellator fortis Christus, nam militis officium exercuit pro filiis Israel adversus Egyptios & currus Pharaonis; & non pro illis solum pugnavit, sed cum illis. Sed tamen istis concessis, certo certius est, quòd cum Bellator Christus dicitur, magis à spirituali militia pendet ratio similitudinis quam à seculari, quia in spirituali & virtus major decernitur & victoria clarior; estque indubitata regula, quòd ubi duæ sunt partes Analogiæ in locutione Metaphorica, ibi à potiori & præstantiore ratio ducenda est. Et sic quidem S. Davidis locum illum antiqui Patres explicant de spirituali militia, *quòd fortis & bellipotens Christus dicitur*,

Orat. 42.

in Pf. 143.

Ser. 3. de Ascen.
Domini, 10. 6.

dicitur, quia duram diaboli tyrannidem evertit, & demonum frandes machinationesque destruxit; sunt verba Theodoret: bellator, inquit Hieronymus, quia mortem suam mortem delevit, & resurgendo à mortuis diabolum debellavit; quoddam spoliavit Tartarum, quoddam vicit infernum: quoddam potentem se praeiuit ἐν τῷ πολέμῳ καὶ ἑξαίρετον πρὸς τοὺς ἀντιπαρόντας, Naz. in bello & trophæo pro humana natura erecto. Ut reliquos mittam, audite pro omnibus S. Chrysostomum, Potens bellator Christus in praelio Israelitico; ἐστὶ δὲ ἵππερος πόλεμος τοῦτο χαλεπώτερον, sed est bellum gravius, non adversus carnem & sanguinem, sed contra principes tenebrarum & potestates adversarias. In illo praelio adversus Pharaonem infernalem, hostem communem, victor evasit, quem nullus hominum, aut prophetarum, sive iustorum, debellando superare potuisset. Hactenus Chrysost. Neque defunct alia ex Scripturis quamplurima quæ huic rei illustrandæ inserviunt, quoddam & Militis partes Christus agat, & Ducis: Militis, quia pugnat in suis, quia pugnat pro suis, Apoc. 12. 7. Factum est praelium in caelo, Michael & Angeli ejus praeliabantur cum Dracone & Angelis ejus; Ducis, quia arma iis præparat, Loricam iustitiæ, Scutum fidei, Galeam salutis, Gladium Spiritus, Eph. 6. 13. quia artem bellicam docet, & (quæ rerum bellicarum caput est) disciplinam tradit, Psal. 144. 1. Docet manus meas ad praelium, atque digitos meos ad bellum, & Psal. 18. 36. Dæ mihi clypeum salutis, & disciplina tua docebit me. Quid plura? Potui hæc altius repetere & fusiùs prosequi, sed necesse non est; neque enim nunc agitur de praelio quo defungitur in nobis, sed in seipso; neque de invisibili pugna quæ de caelo eminens dimicatur, sed de visibili illa (quamquam à nemine visa) de visibili, inquam, quam confertis manibus in propria persona comminus præstitit in deserto: & de hac unum est quod in disquisitionem venit, Utrum idoneum & congruum fuerat ut huic se certamini in propria persona Christus subjeceret. Cum enim esset, ut Apostolus loquitur, Heb. 2. 10. ἀρχηγὸς τῆς σωτηρίας, Dux & Princeps salutis nostræ; indignum isto munere videtur, ut Militis partes in se reciperet.

In Polemici est anceps quæstio, & quæ à prudentibus viris in utramque partem arbitrata est, An Duces supremi prælii interesse debeant, & suo Marte propriisque viribus manum cum hoste conferere. In ecclesiæ prælio non item, neque enim à secularibus sacrarum rerum ratio petenda est. Utcunque, non abs re erit ex scriptoribus politicis prælibare nonnulla velut præparatoria, tum quia Christi hoc factum illustrius rûnt reditura; tum etiam quia ex utraque parte sese ratio offert, & ex utraque exempla.

Pro parte negativa Polybius disputat, lib. 10. Non debere se periculis supremum ducem exponere, quia etsi universus exercitus cæsus fuerit, & solus salvus incolumisque Imperator, refarciri faciliè damnum potest virisque reparari: at ubi is fuerit de medio sublatus, qui est velut in navi gubernator, quamvis victoriam exercitus ejus reportarit, ἰδίῳ ὄψει & ἰδίῳ πρὸς τὰς, nihil ea res juvat, eò quod in ducibus singuli spes suas habent repositas. Hæc Polybius. Estque eadem Onofandri sententia, in Strategico cap. 33. Quod Imperatoris prudentia longè anteposenda est fortitudini; quodque manum cum hoste conferere non fortitudinem ejus indicat, sed temeritatem; atque idcirco quamvis præstabilem roboris operam navare possit, non potest tamen tantum prodesse suis pugnando, quantum obesse occumbendo. Hæc ille. Huc referre possumus Quintiliani illud, Declam. 317. Nomen Imperatoris satis significat non exigi manum

ipsum;

ipsius, imperare enim debet & precipere: & illud Julii Capitolini in Maximino, *Habnit hoc barbarica temeritatis Maximinus, ut putaret Imperatorem manu etiam suâ semper uti debere*: & illud Ammiani Marcellini, l. 25. c. 13. *Corporis munus à milite, ab Imperatore verò animi poscitur*. Nec hæc tamen sola est ratio, quòd indecorum sit Imperatori ad hæc inferiora descendere quæ à gregario milite exiguntur: sed illa major, quòd ex vita ejus facta omnium pendent, & in ipsius periculo discrimen omnium volvitur; ipse si ceciderit, innumeros secum in exitium trahit; atque uno verbo, *Tanti est Exercitus*, ut scitè Florus, *quanti Imperator*. Hinc est quòd apud Frontinium Scipio Africanus fertur respondisse, quando parum pugnacem eum aliqui dicerent, *Imperatorem, inquit, me mater, non bellatorem peperit*: & apud Plutarchum Timotheus, cum cujusdam ducis vulnera Athenienses prædicerent, *At me, inquit, pudit, quando dux vester in Samo essem, quòd prope me telum catapultæ decidit*. Eodem consilio & Israelitæ non permiserunt Davidem Regem suum in prælium se recipere, 2 Sam. 18. 3. 2 Sam. 21. 17. nè extinguere lucernam Israelis, quia solus erat ut decem millia ipsorum: eodem etiam Regem Syriæ legimus præcepisse suis, nè pugnarent contra parvum aut magnum, sed contra regem Israelis solum, 1 Reg. 22. 31. quia in illo uno omnium animos percelli posse putavit. Miles si cadat, solus cadit; Imperator, ut columna domus, totum secum trahit ædificium. *In milite unius fors est*, inquit, *contra magnam aut parvum, sed contra regem solum*. Quod idem quoque factum est ab Agesilao, authore Plutarcho, qui in pugna Mantinea hortatus est Lacedæmonios, ut omiſſis reliquis, in solum pugnarent Epaminondam, quia illo necato facilis foret de reliquis victoria, ut nullius pretii hominibus: & id quidem exitus comprobavit, Justino teste, etenim cum illo totum Thebanorum robur cecidit; & dux, velut mucrone teli, ablato, reipublicæ vires hebetatæ sunt, ut non tam illum amisſisse quàm cum illo interiſſe omnes viderentur. Postremò, nè videar historiam texere, eodem etiam consilio Tacitum Augustum jam senem ad imperium Romani vocabant; & cum is senectutem suam ut expeditionibus minùs aptam prætenderet, hæc Acclamationes Senatûs fuerunt, & *Trajanus ad imperium senex venit*, dixerunt decies; &, *Quis melius quàm senex imperat?* dixerunt decies; *Imperatorem te, non militem facimus*, dixerunt viciēs; *Tu jube, milites pugnent*, dixerunt viciēs; *Animum tuum, non corpus, eligimus*, dixerunt tricies. Ex quo apparet, in hoc uno conspirare prudentissimorum auctorum sententiam, Non æquum esse ut dux militiæ summus personam suam pugnae periculis objiciat; quia *vinculum est*, inquit Seneca, *per quod respublica cohaeret; & mens imperii, & spiritus vitalis, sine quo reliqui sunt onus & praeda*: adeoque sicut animà deferente corpus, cadaver non consistit, sed dissolvitur; ita amoto dux palpitat exercitus, æstuat, concutitur: quod versu illo Prudentius pulchre adumbravit, in Psychomachia,

*Cade ducis dispersa fugit trepidante pavore
Negatrix acies.* —

Hæc illa sunt quæ pro parte Negativa produci possunt. At verò minora non sunt, neque numero neque pondere, quæ pro Affirmante dicantur; prorsus quasi rebus bellicis naturale esset & ingenitum dissidentes habere partes non minùs in argumento quàm in ipsa pugna. Nam T. Livii, Taciti, & Xenophontis in Cyro arbitrium est planè contrarium, Oportere Imperatorem non minùs in rebus gerendis quàm intelligendis exerceri, ut regat omnia tam agendo quàm jubendo; & non solum monitis suis milites fortes faciat, sed exemplo. Quod eleganter in lib. De Regno, ad Arcadium, Synesius

Flor. l. 2. c. 18.
Frontin. l. 4.
Strabon.

Plut. in Pelop.
& Apophth.

Heg. l. 5. c. 30.

Plut. in Lacon.
Apophtheg.

Justin. l. 6. ad
fin.

Episcopus in
Titio, c. 5.

Sen. de Clem.
c. 4.

sius explicat, *In rebus bellicis*, inquit, *corpus regium non minus laboribus affue-*
faciendum est quàm animus. Nam si dux bonus sit, cum equitè equitabit, cum
pedite decurret, cum armato armatus intedet, cum terrato terrà exercebitur,
& cum levis armatura militibus jaculabitur, unumquemque operum com-
munionem in vivam societatem pelliciens; idque eà potissimum ratione, quia
Duces in theatro positi in se habent omnium oculos converfos, omniumque
auribus decantata principis gesta personant. Hoc ipsum est quod Cicero in
Pompeio laudavit, Quod nunquam laboris plus militi imposuit quàm sibi
sumpsit; & in Cæsare Suetonius, Quod medius erat inter Imperatorem &
militem; & in Trajano Plinius, Quod sic Imperatorem commilitonemque
miscuerat, ut nunquam laboris exactor esset cujus non erat particeps & so-
cius; & in Cotta Synesius, Quod in hortandis militibus, Imperatoris, in
pugna, militis officium præstabat; & in Alexandro Justinus, Quod ubi con-
fertissimos hostes acerrimè pugnare conspexerat, eò se semper ingerebat, pe-
riculâque sua esse, non militum, volebat. De Vespasiano & Tito simile nar-
rat Tacitus, & de Adriano Xiphilinus, & de Agésilao Xenophon, Quod in
rebus arduis majorem semper sibi partem poscebat; per ætatem, Solis,
per hyemem, frigoris; supra cæteros semper & laborans & pugnans. Ex qui-
bus junctum omnibus in confessorè esse opinor, parùm sibi constare scri-
ptores veteres, neque satis nosse quid in hac ambigua opinione definient;
quæ, utrinque rationibus & exemplis paribus librata, prorsus mihi inclinare
videretur ad iocunditatem & æquilibrium.

Hæc igitur summa est, Quod positis quibusdam circumstantiis, valde idoneum est & necessarium ut dux militiæ supremus & periculis & difficultatibus unâ cum reliquo exercitu sese exponeret, si necessitas id postulet, si rerum summa ad illud discrimen venerit, ut reparari aliunde non possint nisi ipse succurrat; possint autem si succurrat, & in adiutorium manum suam commodaverit. At verò his circumstantiis non positis, pars quæstionis Negativæ præponderat, Non necessarium esse, non idoneum, quia in uno capite multorum corporum salus, & in uno duce Chilades milicum & sustinentur, si valeat, & si ceciderit, periclitantur.

His tandem præparatoriis jam præmissis, nè longo vos excursu suspensos diutius teneam, ad quæstionem principalem propius accedamus, ut luce hæc à politicis mutuatâ, de heroico hoc Salvatoris factò quid sentiendum sit videamus, Utrùm idoneum & æquum fuerat ut huic cum diabolo certamini in persona se sua Christus subjiceret. Est autem duplex Oculus quo collustrare solent homines hujus generis negotia: Oculus limatus & nitidus, qui cœlesti radio Spiritûs purgatus, justus est rerum æstimator, & accurate novit de spiritualibus judicare; atque Oculus cæsus & luctuosus, qui de hisce mysteriis aut nihil omnino videt, aut perplexè & subobscurè, atque ut videt judicat, secundum apparentiam, non essentiam rerum, juxta dictamen carnis & sanguinis, non Evangelicæ veritatis.

De lippientibus oculis si loquamur, Tria sunt quæ contra hoc Christi factum homo seculi objiciat.

Primum est, Non fuisse rem Tutam, sed factum audax & periculo plenum, cum antiquus & veteranus prædo sit diabolus, ut homicida, sic tenetor à principio, astutia Serpentis, Leonis robore, Draconis ferocia armatus: Christus autem in tyrocinio fuit, non hæc exercitatus militiâ, is qui virtutis suæ hucusque documenta nulla dederat, neque antehæc hos impetus sustinuerat. Quis autem gubernatorem eligit qui nullos unquam vidit fluctus, tempestatem nullam? Quis Principem solum contra Gigantem emittendum esse consentiet? An æquum putas ut caput, & rex, & Salvator populi

Cic. pro Mu-
 rana.
 Suet. l. 1. c. 67.
 Plin. Panegyr.
 Trajani.

Synes. de reg.
 Just. l. 11. circa
 finem.

Tac. l. 2. c. 5. &
 l. 5. c. 1.
 Xiphil. in A-
 drian.
 Xenoph. de
 Agel.

populi sui, in quem unum spes omnis Ecclesiæ recumbit, contra leges militiæ, contra consuetudinem temporum, tantis se periculis obruderet, & primitus, & id solus ut faciat, sine socio, sine arbitris? Nisi Christus vincat, salus valeat; si Christus vincitur, salus mergitur. Hoc primum carnis delirium, Non videtur Tutum.

Secundum est, Non fuisse factum Nobile, aut honori tanto & majestati consonum. Nam Christum quem dicitis? Filium Dei, Regem gloriæ, Creatorem mundi, cœlorum Dominum, misericordiæ fontem, mansuetudinis exemplar, ideam innocentia, Solem justitiæ, puritatis speculum: & Diabolus tandem quis est? spiritus immundus, tortuosus serpens, leo rugiens, homicida, vastator, perditor, prædo, mancipium inferni, ludibrium pietatis. Quam malè conveniunt? quam impar congressus? Romanorum legibus non licebat piratis bellum denunciare, quia sunt ipso jure & facto diffidati, quos omnes habere debent pro hostibus. Iisdem legibus omnes infamiâ laborantes militiâ prohibebantur; iisdem cautum est ut à militia arceretur servilis conditio, neque enim honorificum putabant cum servo aut vasallo, aut prius domito & subjugato certamen inire. Hinc nata illa Juris Axiomata, *Cum servis nulla est actio; Servi non habent caput; Servi pro nullis habentur*: & hinc Spartani, cum servi desciscerent à dominis, atque in aciem descenderent, indignos eos putarunt contra quos gladiis aut hastis uterentur, verùm eos absque armis, loris & flagellis domuerunt. Hoc ergò quale portentum, ut Filius Dei cum inferni mancipio, Sol justitiæ & puritatis cum immundo spiritu, Agnus cum leone, cum dracone Columba, Salvator cum homicida, Creator omnium cum vastatore omnium in aciem descenderet? Hoc secundum carnis delirium, Non videtur Nobile aut honorificum.

Postremum est, Non fuisse rem Necessariam ut hoc modo Christus in magno Salutis opere procederet; neque enim pugna opus erat vel ad Salutem, vel ad Victoriâ. Non ad Salutem, quia caput Serpentis ab ipsis reum exordiis, quamprimum promissio pullulavit, contritum est: Non ad Victoriâ, quia semper victor Christus, semper victus Satanus. Nihil est quod facit, nihil quod facere potest contra homines, nisi impetratâ veniâ. Non potuit impermissus è grege S. Jobi unam oviculam auferre; & potest è Christi manibus auferre cujusvis creditis animulam? Quod victus sit, hoc compedes monstrant, & carcer, & tormenta, quibus nunquam est ereptus aut eripiendus: sed semper, etiam cum circumambit terram, circumgestat catenam. Deinde autem, si nondum esset victus, at facillimè erat aliis modis vincendus. Potuit Christus hoc facere per bonos Angelos, qui malis præstant non minùs virtute quàm innocentia. Si non hoc, potuit per sanctos homines, quos victores quotidie facit, quos custodit in manu sua, ut quamvis tententur, tamen non prosternuntur: sed, ut S. Ambrosius de Arca, *alluitur, inquit, undâ, non submergitur*, l. 7. Ep. 44. itidem verum est, inquit Pelusiotâ, de anima fideli, *ἐν πλεῖστον ὑπὸ τοῦ ἐχθροῦ, Concussus potest, non subverti; tentari, non superari*. Postremò, si non hoc, potuit ipse vel unico verbo & minimo oris spiritu in nihilum reducere, imò vel ipso nutu reprimere nē auderet in hanc arenam descendere. Quod si verbo aut nutu id efficere potuisset, si per Angelos, si per homines, si per nihil, quia nunquam non factum erat; ergò superforanei laboris videtur in seipsum negotium recipere quod sine se, per quemcunque, imò per neminem confici potuit. Hoc tertium carnis delirium, Non videtur fuisse Necessarium.

Sed meminisse oportet, longè impares fore nocturnarum oculis huic lumen, quod spectari non potest nisi aquilinis. Nusquam adeò cæcutit ratio carnalis atque in rebus fidei; alioqui, redimenti non diceret massa redempta;

Quare ita me redemisti? Si nostrâ hæc staterâ appendamus, aut modulo metiamur infirmitatis nostræ, nil tam illustre est quod non inglorium videbitur; & quod tutissimum, deploratum; & supervacuum, quod maxime necessarium. At verò si in Christum, ut par est, purgatos illos quos dixi conjiciamus oculos, & ejus gesta in ejus trutina pensitemus, apparebit illico non modò non fuisse opus inutile, aut abjectum, aut temerarium, sed per omnia illustre, securum, summèque frugiferum.

Tres igitur sunt quæ hujus causæ statum absolunt Propositiones.

Propositio prima sic se habet, Descensus Christi in hujus certaminis arenam non fuit pugna dubia, sed inceptum supra omnem discriminis aleam certum, tutum atque securum. Quæ, putas, est ratio? instar omnium una, quia Christus erat qui suscepit. Cum Christum dico, omnia dico quæ ad Omnipotentiam spectant; invictum dico, & nullis casibus superabilem. Hoc uno Christi nomine facile retunditur quicquid in contrarium adduci potest. Si solum fuisse dicas & incomitatum, sine socio, sine arbitris; puerile est ut solus existimetur in quo plenitudo Deitatis habitavit; aut ut affessoribus indigeat, à quo, & in quo, & per quem omnia existunt. Si inexpertum dixeris, ineptum est: Humanarum artium mater est Experientia, non earum quæ coelitus deveniunt; ad acquisitos habitus plurimum conducit, ad scientiam & robur desuper infusum nihil. An ipsi decrat Experientia in quo sunt omnes thesauri sapientiæ & scientiæ reconditi? An ipsi qui plenus Spiritu à Jordane revertebatur? *plenus Spiritu Sancto revertitur à Jordane*, inquit S. Lucas; quodd dicitur *Spiritu Sancto plenus*, majus multò est quàm secularum omnium experienciâ, majus quàm si mille & mille annis se castris assuescisset. Quanquam de Jordane quid loquor? Non enim tunc primum Spiritum coepit accipere qui eandem cum Spiritu Sancto substantiam habet; neque ea receptio Spiritus fuit, sed manifestatio, ut rectè Augustinus: à primo conceptionis suæ momento, quando carni Verbum unitum est, plenitudine Spiritus Sancti ungebatur; & si unctus fuerat Spiritu, armatus etiam Spiritu erat, à nativitate prima, à conceptione, non solum ab utero, sed in utero, ut vincere diabolum posset in cunis, etiam in alvo. Postremò, si certaminis pericula quis prætendat, si robur & astutiam Satanae; agnosco hæc homines à prælio detertere posse, non sic Dei Filium; agnosco veteranum militem valerrimèque diabolum; verum ante vetera omnia æternitas existit, & supra omnem astutiam sapientia Patris, qui intelligentiam intelligentium perdit, & prius novit Tentatoris insidias quàm ipse suas: agnosco ferocem prævalidumque adversarium, cujus robur sustinere ex se nemo hominum possit; at Christus est ingens animi, viribûsq; exsuperantissimis, cujus ipsa infirmitas robustior est non uno aliquo è spiritibus immundis, sed omnibus; & hoc propter, ubi diabolus Luc. 11. 21. vocatur *ὁ ἰσχυρὸς*, sequenti mox versu Christus dicitur *ὁ ἰσχυρότερος*, hoc est, & ipso fortior, & fortissimus omnium. Quod igitur de periculis dicitur, inane esset, si verum esset. Nam vel hoc posito, dari posse aliquid quod sit periculosum aut suspensum ei qui facit quicquid vult & in coelis & in terris; at ducem salutis nostræ decuit esse *φιλονεικῶν*, & difficultates indubitanter adire. Quis enim tritum illud nescit ab historicis toties inculcatum, *ὁ πρῶτος ἀνὰ πόλιν μεγάλην καὶ δύστηνον αὐτὸς ἐπὶ τὴν πόλιν*; neque est ultimum Divinæ prudentiæ specimen, quodd hominibus in omni pulcherrimo opere majorem proposuit difficultatem: sed hoc hominibus; nam de Christo si loquamur, facile & possibile non suscipiunt gradus, sed omnia ex æquo & possibilia & facilia, impossibile nihil, difficile nihil; quodd si difficile nihil, proculdubio nihil periculosum, nè quidem ipsæ portæ inferorum. Cum *portas* dico, totam Satanæ

Ang. De mirab.
Script. l. 3. c. 5.

Herod. l. 7.
Halicar. l. 9.

Quintil. Inst.
10. c. 3.

tanæ & Astutiam & Potentiam intelligo : totam Potentiam, quia veteribus munitiones & propugnacula in portis ponebantur ; totam Astutiam, quia veteribus conventus & concilia & judicia in portis agitabantur. Et hæc omnia Christus facillimè subvertit. Portas inferorum conterit nè prævaleant : h.e. & insidias rescindit, λογισμῶν, 2 Cor. 10. 5. istæ non prævalent ; & diruit munitiones, ὀχυρώματα, 2 Cor. 10. 4. istæ non prævalent : quicquid aut ad potestatem spectat aut ad calliditatem, totum subvertit ; idque non solum in deserto, æquò campo, sed in portis, hoc est, Suo. Hæc de prima Propositione, Certamen hoc cum diabolo ex parte Christi fuisse opus tutum, atque sine victoriæ discrimine securum.

Accedo ad secundam, & hæc est ; Descensus Christi in hanc arenam expeditio fuit juxta omnes honorum titulos præclara & illustris, quæ nullam vel minimam maculam inussit, labem nullam reliquit, quamquam ipse Filius Dei, Rex gloriæ, cælorum Dominus, Sol justitiæ fuerit ; adversarius autem immundus Spiritus, homicida, prædo, vastator, mancipium, & quicquid uspiam est quod principi congruit tenebrarum. Triplex autem est Ratio. Ratio prima, Non solum dimicavit, sed vicit ; si in honore victoria sit, congressus non potest cedere in dedecus. Secunda, Non sibi vicit, sed Ecclesiæ ; si pro se vicisset, sequeretur eum antehac non fuisse victorem. Tertia, Non in folio majestatis vicit, sed in corpore positus ; non ut Filius Dei, sed ut filius hominis, in infirmitate naturæ nostræ, in statu exinanitionis. Agnosco hoc ipsum exinanitionis ejus partem fuisse non ultimam, quòd cum illo dimicare voluit quem priùs ad inferos dejecisset : sed & hoc adjiciendum, fuisse probri nihil aut turpitudinis in aliqua parte humiliationis Christi ; exinanivit se, non dehonestavit : imò verò tam longè aberat à contrahendo probro, ut in omnibus illis actibus dispensatoriis se magis nobilitaverit. Instantiis res erit clarior. Quando assumpsit carnem, non minor facta est Divinitas ejus, sed exaltata est infirmitas nostra ; & ex eo quòd honoravit naturam nostram, magnificavit etiam bonitatem suam, cum non minùs honorificum sit nobiles facere quàm esse. De obsequio quod præstitit parentibus idem dicendum est ; quòd subjiciebatur eis non erat imminutio auctoritatis supremæ, sed exercitium virtutis quantum ad debitum observantiæ. De Passionibus nulla est dubitatio, subsannatio, verbera, vincula, infamia Crucis, emissio spiritûs, sepulchrum, & quæcunque pertulit alia, hæc omnia erant honorabilia, quæ videntur contumeliosa ; quia & in passionibus lucebat gloria patientiæ, & in opprobriis gloria mansuetudinis, & in morte gloria potentiæ, quòd mortem superavit, & in omnibus gloria misericordiæ, quòd hæc singula & faciebat & patiebatur in peccatorum gratiam, nè ipsi in æternum paterentur. Similiter se res habet in hac cum diabolo concertatione : in ea una fulgebant radii divitiarum Christi non uno modo ; radii Fortitudinis, quòd Satanam subigebat ; radii Prudentiæ, quòd technas elusit ; radii Pietatis, quòd huic se ministerio subjicere voluit ; radii Bonitatis, quòd in nostram gratiam hoc fecit : ipse venit ut militiam sibi conscriberet, & à se incipit, ut membra caput doceret vincere. O infinita bonitas ! Ipse famulos suos ad militandum vocat ; nec hoc solum, verùm ad pugnam roborat ; nec hoc solum, sed & post prælium coronat ; nec hoc solum, sed in ipsa acie se collocat. O infinita bonitas, ut servos suos propter ipsum confectos fame, afflictos vinculis, verberibus cæcos, fluctibus mersos, à bestiis devoratos, non modò confirmaret & remuneraret, sed ipse eadem in se susciperet ! O infinita bonitas ! Enimvero sit aliqua inter homines honoris attenuatio cum flagitioso aut scelerato digladiari ; at verò in causa propria, non in causa communi : nam si pro bono publico, pro liberatione co-

tius, pro honore communi, cum spurcissimo quoquam qui sit reipub. hostis prælium committatur, non modo non est ignominiosum, sed præclarum & splendidum. De Christi hoc congressu id multò magis dicendum: si fuerat cum mancipio, si cum immundo Spiritu, conceditur; sed idem etiam erat prædo publicus, perditor humani generis, vastator Ecclesiæ. Cum hoc hoste nemo arbitretur indignum Christo hoc fuisse certamen: imò verò, eo solo fuit longè dignissimum. Neque ea vos verba moveant, quòd immundus sit spiritus, quòd mancipium, quòd princeps tenebrarum cum quo luctatur; nam hæc vocabula non minùs ad nos spectant, si attendamus. Si ipse tenebræ, & nos tenebræ eramus; attamen ad nos Christus venit, ut luce suâ bearet; & quis tenebras vincere potuit nisi lux mundi? Si ipse mancipium, & nos servi peccati; & ad nos Christus properavit ut rudi donaret. Quidni igitur cum captivo & cum mancipio dimiceret, qui pro nobis ipse formam servi suscepit? Postremò, si ipse spiritus immundus, & nos spurcissima soboles; & ad nos puritas accessit, nec solum ad nos, sed in nobis, hoc est in nostra natura. Si ignobile non fuerit ad immundos accedere, cum immundis versari, ab immundis pati, pro immundis se morti tradere; absit, absit, ut putemus ignobile vel inidoneum fuisse Salvatori mundissimo vel cum immundo spiritu altercari, cum fuerit multis nominibus præclarissimum. Hæc Propositio secunda.

Ultima sic instituitur, Descensus Christi in hanc arenam, sicut pars redemptionis erat valde honorifica, ita maximopere necessaria in utroque genere Necessitatis, & Absolutæ & Limitatæ. In Thesi dici potest opus Absolutæ & simpliciter necessarium, ut de tyrannide diaboli triumphus ageretur; in hypothesi autem, ut hoc modo in persona propria victoriam reportaret, hoc Positivæ est necessitatis & constitutæ, quia potuit aliter confici, sed hoc modo Deus voluit ut conficeretur. Quod de morte ejus S. Augustinus, *Venit ad mortem quia voluit, quando voluit, quomodo voluit*: hoc etiam de militia ejus dicere possumus, *Venit ad certamen quia voluit, quando voluit, & eo etiam modo quo voluit*. Quanquam in hoc ipso est species ad minimum Absolutæ necessitatis. Nam si potentia Dei voluntate definatur, ut qui omnia potest, ea sola strictè loquendo dicatur posse quæ vult; necessitas rerum multò magis, ut ea sola necessaria dicantur quæ Deus voluit fieri. Sed magis tamen mihi arridet, quæ & intellectu facilior & cum loquendi consuetudine conjunctior, appellatio necessitatis Hypotheticæ. In hoc sensu, posito hoc Redemptionis ordine, necessarium fuisse dico ut in persona propria Christus diabolo bellum indiceret, & ex parte Christi, & ex parte Nostri.

Ex parte Christi dupliciter: & in statu Viatoris, oportebat ut hoc modo viam in cælos sibi aperiret, sicut per passionem, ita per tentationes, ut Apostolus loquitur, Heb. 2. 18. & in statu etiam Salvatoris, ut Caput erat corporis, & Pastor gregis, & Sponsus virginis. Etenim à marito Sponsæ, à capite corporis, à pastore ovium & tutela & victoria dependet. Deinde

Ex parte Nostri, tribus præcipuè de causis.

Primò, In Solatium nostrum, ut nobis fiduciam faceret in Capite nos etiam, qui membra sumus, vicisse, nec posse inferorum portas contra fidem aut totius, aut alicujus partis prævalere; quia omnem adversarii tyrannidem Christus caput debellavit, non satis officio factum putans si in nobis vinceret, nisi pro nobis etiam in seipso, & hoc non ut filio Dei, sed ut filio hominis, & mediatore & capite, vicisset. O quantum solatium! Quicunque sub hoc capite militat superari non potest, quia caput est inexsuperabile: ut si jam, dicente Ambrosio, omnia membra cædantur, imò si totum corpus

Aug. Trin. l. 3.
c. 13.

Amb. in Psal.
118. par. 1.

corpus uratur hujus seculi incendiis, si mergatur profundo, si evisceretur à bestiis, hoc tamen capite custodito, vita integra est, salus tuta; subverti non potest, quia caput triumphavit. Hæc, prima ratio, Fecit in Solatium nostrum.

Secundò, in Confirmationem nostram, ut nos ad vincendum vegetemur virtute & influxu illo qui à capite ad membra deducitur. Ad hoc ipsum morti se tradidit, ut ab ipso in nos potestas vincendi mortem manaret: ad hoc ipsum baptizatus, non ut sibi munditiam acciperet, qui immunditiam non novit, sed ut nobis fluente mundaret. *Ipsam in baptismo, inquit Augustinus, unda non lavit, sed magis aqua quæ alia lavat ipsa lota est; & purgantur fluente potius quàm purgant: neque ipse, ut optime Chrysostomus, ab aquis sanctificatus recedit, sed sanctificavit aquas baptizandis.* Ità est in hac parte militiæ, ab eremo recessit non tam ipse victor, qui semper vicerat, sed ut nobis virtutem vincendi victoriâ suâ transfunderet. Hæc secunda ratio, In Confirmationem nostram.

Oper. imperf.

Postremò, in Disciplinam nostram, ut nobis animos adderet ad eandem militiam suscipiendam cujus sacramento ipse se solenniter obstrinxisset. Enimvero hæc Ducis summa laus est, si quæ militis sunt agit, ut suo exemplo ad motus heroicos milites ipsos accendat. De Consule Valerio id Livius prædicat, quod in bello non suas solum partes, sed quæ aliorum essent, peragere non recusaret; unde sapius dicere solitus est, *Facta mea, non dicta, vos milites sequi volo, nec disciplinam modo, sed exemplum etiam à me petere:* & de Honorio Claudianus,

Liv. l. 7. c. 32.

*Ipsæ manu sua pila gerens, tolerare labores
Monstrat*

Claud. de 4.
Conf. Honor.

non jubet inquit, sed *monstrat*: & de Antonio Caracalla Herodianus, *Ut milites haberent unde exempla peterent, duriter vivere solebat, & pedibus iter facere, & omne militia munus promptè obire; sive quid fodiendum erat, primus fodere, sive quid laboris, sive quid periculi subeundum, primus omnia occupare.* Eodem modo dux salutis nostræ Christus suam nunquam operam remisit, paratus una nobiscum omnia & facere & perpeti; ut humilitatis documentum ad Apostolos transferret, typo suo eos edocet, pedes lavando; ut devotionis, ipse sapius in montem ascendit; ut fortitudinis, ecce exemplo suo nos instruit, & primus ad bella pergit, ut de Portio Catone Lucanus,

Primus arenas

Luc. l. 9.

Ingreditur, primusque gradus in pulvere ponit.

Hoc boni pastoris munus est, inquit Ambrosius, exemplo oves præcedere, & quod oves facere vult, prius facere. Christi vitæ tenor hic fuit inflexus, *Quod facere nos voluit, prior ipse fecit, ut Aug. loquitur: ut dictum difficile sit, magisne ducem se nostrum præbuit an commilitonem; nam & strenuissimi militis & optimi Imperatoris officia simul miscebat, eratque dux consilio, miles exemplo.* Hæc ratio ultima, in Disciplinam nostram, adeoque ultimæ Propositionis finis, & totius etiam quæstionis, Quod hæc Salvatoris Monomachia & respectu Adversarii res tuta fuerit atque secuta, & respectu Christi res clara & gloriosa, & respectu Nostri opus frugiferum summæque necessarium. Atque hæc de prima parte dixisse sufficiat, De Athletæ, sive susceptore certaminis. In Campum & arenam sequenti die estis introducendi.

Ambr. Ser. 41.

Aug. Ser. 1.
Epiph.

LECTIO II.

In Desertum.

DE susceptore sacrae contra Satanam militiae quae dicenda erant superius accepistis, Quod Christus ipse fuerat Athleta magnus, & invictus Pancratiastes, qui ad Monomachiam hanc & seipsum composuit, & hostem provocavit, repulit, vicit. Nunc sequitur ut de certaminis Loco sive Palæstra, quae secunda Prologi pars est, nonnulla dicamus; peregrinatione mentis Eremum istam visamus in quam se primum receperit Dominus, quando omnium maximum salutis nostrae opus soleniter inchoavit. Quod si pedibus hoc iter conficiendum esset, ita ut nos eò Superstitio non duceret, sed pium delectandi adjuvandique animi desiderium, non existimo poenitendum iter futurum, neque audeo ut illicitum redarguere. Nam si ex hominibus seculi quamplurimos legimus, jucunditate solâ ductos, longinquas oras cum laude sua peragrasse, ut Nili ostia, aut altissimam Pyramidum molem, aut Gangis arenas aureas, aut Babylonis rudera, aut Trojæ cineres propriis usurparent oculis, si è sanctioribus Christianis alios itinera similia emensos ut speluncam Salvatoris intrarent, aut villulam & diversorium ubi est natus, aut præsepe in quo infantulus vagiit, aut fluenta Jordanis ob lavacrum Domini puriora, aut Oliveti montem ascensione Christi altiore illustriorémque factum: etiam & vobis licet, si res exigeret, ad Deserti recessus properare, ubi primum potentiam Satanæ Christus conculcavit, insidiæque retexit. Veruntamen nobis tam longi itineris laborem sustinere non est opus: ad istorum singula per Scripturas & via brevior patet, & aditus promptior. Ex istis jamdudum edocti estis, non pedum Christi vestigia sequenda esse, sed exempli; i. neque loci mutatione propius ad eum accedi, sed fidei; nec largiorem esse in deserto gratiam, sed angustiore quam in hoc ipso confessu ubi convenistis, Hæc omnia vos scitis & creditis absque oculari intuitu: & Assumptionem humanæ naturæ ex B. Virgine, absque conspectu Bethlem; & Resurrectionem Domini ex mortuis, nondum viso monumento; & in cœlos Ascensionem, Olearum monte nunquam salutato; denique & acerrimum cum diabolo congressum, licet Eremitæ asperitates saltusque non datum est vobis ex propinquo speculari. Quocirca obsecro vos, ut isthac velitis mecum paulisper jam mente trajicere, ut quemadmodum plenissimo Spiritus Sancti ductu in tentationis locum Dominus noster profectus est; ita nos quoque ejusdem Spiritus minoribus, sed aliquibus, auspiciis ad eundem locum perlustrandum progrediamur. Est autem locus ad ejusmodi negotium agendum amplissimus & aptissimus: *Ductus est in Eremum*, inquit S. Evangelista. Hæc certaminis Palæstra est, hoc stadium.

Quod ut accuratius percurramus, duobus, si placet, modis consideremus. Secundum radios rectos, ut secessus iste in desertum erat factum singulare & personale Christi; & Secundum radios reflexos, ut est factum exemplare nobis in vitæ similitudinem trahendum. Sic duo sunt in disquisitionem vocanda, Ratio Facti, & Imitatio Exempli. In illo quaerendum est quæ motiva & impulsus Christi fuere ad præeundum: in hoc, quod obligationis vinculum

culum nobis imponitur ad sequendum. Ad istorum utrumque sigillatim enucleandum diem unicam arbitror vix posse sufficere. Erit igitur dispersita provincia, ut possim in præsentiarum de Ratione Facti differere, de Imitatione Exempli in posterum.

Exordior à parte prima, in qua de hoc in desertum recessu agendum est quatenus erat Factum singulare & personale Christi: atque sic, quidem duo sunt in ea consideratione nostrâ dignissima; Qualis locus esset; & Quare locum hunc Christus ex omnibus ad hoc certamen elegerit; hoc est, si Categoricalè loquamur, Qualitas loci occupati, & Consilium occupantis.

Loci qualitas vel ex Nomine, vel ex Proprietatibus dignoscitur. Nomen loco impositum est *Eremus*, quodque eodem recidit, *Desertum*; sic enim Latini codices vertunt, *Ductus est in Desertum*: utcumque Isidorus in libro Differentiarum discriminis aliquid inter hæc duo vocabula statuat, ut Eremus sit solitudo in via, ubi nunquam est habitatum; Desertum, locus aliquando habitatus, sed derelictus. At in hoc argumento tamen nobis non expedit tam esse curiosos; verborum interpretationi hoc sufficit, ea loca neminem tunc temporis incoluisse, atque fuisse, ut S. Chrysostomus loquitur, *Ἐρημὸν ἄβανον*, hoc est, solitudinem non modò non habitatam, sed nè habitabilem quidem, propter ferarum infestos occurfus, de quibus nos S. Marcus admonet. Exhinc Proprietates loci emergunt & Specificæ, & Numericæ sive individuantur.

Proprietates Specificæ tres sunt, quæ desertis aliis in commune conveniunt: Quòd locus Sterilis erat & infœcundus; locus Vastus, ferisque infestus; locus Derelictus, humanâq; & ope & solatio destitutus. Numericæ itidem tres statui possunt: Quòd erat Desertum Judææ; quòd non modò ferarum, sed latronum latibulum foret; quòd inter Jerusalem & Jericho interjacebat. Non me latet dissentire aliquantulum interpretes alios, qui desertum hoc fuisse desertum Arabiæ Petreæ cōjiciunt; atque & jejunasse Christum, atque à Satana tentatum fuisse in Monte Sinai, ubi Moyses & Elias quadraginta dierum jejunium celebrassent; neque enim locus ullus exordiis & victoriis Evangelii magis esse videtur idoneus, quàm mons sanctissimus ubi Lex suam promulgationem habuisset. Sed hanc opinor nudam atque vix probabilem conjecturam; eò quòd mons Sinai & extra Judææ fines erat, & à loco baptismatis Christi plus quàm centum & triginta milliaria distabat. Similior veri est illud in quo ferè unanimes Interpretum sententiæ conspirant, desertum hoc idem fuisse atque illud in quo partem vitæ aliquam Joannes egerat; idem etiam atque illud de quo Christus in parabola loquitur semimortui hominis qui inter Jerusalem & Jericho incidit in latrones, Luc. 10. tum quia hoc desertum Jordani est contiguum, tum quia *desertum Judææ* à S. Matthæo appellatur, c. 3. vers. 1. eò quòd in Judæa strictè accepta nullum erat aut vastius aut periculosius; tum etiam quia Terræ Sanctæ exploratores, Aranda & Adrichomius, atque oculati testes, Brochardus & Bridenbachius, testantur desertum hoc à jejunio quadraginta dierum *Quarentanam* hodie appellari, & in eo monstrari locum ubi homo ille inciderit in latrones; atque præterea *Domum* vocari, quasi *desertum sanguinum*. Hæc illi: verum mihi tamen non est in animo magnopere hac de re contendere, sed liberum relinquo suum cuique judicium, ubi non de Articulis fidei, sed de circumstantiis historiæ ex conjecturis probabilibus agitur. At transilire tamen non potui, nè in ipso limine in historiam injuriosus viderer, cujus ratio moralis plurimarum pulchrarumque feracissima est meditationum, quæ ferè omnes pereant nisi Judææ desertum intelligatur. Quòd si libere liceat in re perplexa quod sentiam profiteri, in ænigmate & in mysterio hoc totum à Christo

Aranda, c. 27.
Adrichom. in
trib. Benjam.
num. 97.
Broch. l. 5. c. 7.
f. 28.

Christo factum nullus dubito, quòd in desertum se receperit, & desertum Judææ, & desertum prius à S. Baptista occupatum, desertum denique feris latronibûsque infestum, in quo bonus ille Samaritanus semimortuo homini suppetias tulisse dicitur. In his singulis latere existimo rationem secretam, & altitudinem involutam multorum mysteriorum. Etenim inter omnes hoc constat, locorum attentissimum curatorem & observatorem fuisse Christum in omnibus, majoribus præsertim, muneris mediatorii vestigiis. In sanctissima Conceptione: hanc fieri voluit in Nazareth, quod *sanctum, electum, separatam, florentemq; munditia* significat, reddente Hieronymo; in mysterium scilicet adventûs mundissimi floris de radice Jesse, Nazaræique purissimi ad orbis salutem à Deo consecrati. Deinde etiam in Partu: in Bethlehem nasci voluit, *domo panis*, civitate David: hoc similiter in mysterium nativitatis filii David, panisque vitæ de cœlo descendens. Pariter & in Baptismate: hoc confici voluit in fluentibus Jordani, per quem Israelitis in terram Promissionis iter olim Deus fecerat: hoc rursus in mysterio, sicut existimat S. Hilarius, ut ubi cœperit transitus Hebræorum, ibi cœlestis Sacramenti esset exordium. De Morte & Sepultura quid dicam? quòd Hierosolymis, terræ umbilico, mori voluerit princeps pacis in *visione pacis*; quòd in horto sepeperi, granum tritici, secundus Adamus, sicut in horto primus homo peccaverat. Si loca ista singula ad hæc omnia munia ex professo Christus segregaverit, de Eremito quidni idem dicamus? nequaquam factum esse absque aliquo mysterio, quòd certamini maximo Desertum designavit. Quæ illa sunt mysteria mox videbitis, cum ad secundum membrum pervenero. Interea quòd ad qualiter loci attinet, mysterio non caret, voluisse Christum Deserto hoc honoris deferre, Deserto, inquam, loco squalido sterilique, loco ferarum latronumque occultatori. Hoc ipsi solenne erat, & locorum & hominum infimos præsentia suâ condecorare. Bis enim legimus ad pecudum loca se contulisse, in Deserto, & Præsepio; bis in loca latronibus peculiaribus, Eremum, & Crucem. Ad sensum reconditum satis est si dicamus, non declinasse à locis illis beatissimum Dominum: plus multò est ea elegisse, idque certo iudicio, ut nobis exinde adventûs sui ad peccatores, ad irrationabiles homines servandos, mysterium innotesceret: supra omnia est, quòd ea non modò elegerit, verum honore aliquo nobilitaverit, Præsepe honore sanctissimæ carnis, Crucem honore sanctissimi sanguinis, Desertum honore sanctissimi jejunii & gloriosissimæ Victorix. Hæc loci Qualitas est & nativa & ascriptitia, quòd sicut lignum Crucis in lignum vitæ mutavit morte suâ, & Præsepe pecudum in peristylum Angelorum recubitu suo; ita etiam Eremitum in Paradisum jejuniis, orationibus & victoriis suis: fecitque nè audiat in posterum Eremitus, sed campus virtutis; nec Desertum, sed Theatrum honoris. De Qualitate loci occupati hæc dixisse sufficiat.

Accedo ad partem alteram, quæ est de Consilio occupantis, ut possim ostendere prudenter & consideratè, præ omnibus aliis, hunc ipsissimum locum à Christo ad hoc certamen fuisse sejunctum. Ad duo autem Capita reduci potest, sive ad duplicem Condecientiam, unam respectu Præteritorum, alteram respectu Præsentium. Utroque modo idoneus locus est dicendus: Idoneus Christo Præfigurato, ut responderent prima primis; & Christo Exhibito, ut responderent prima proximis.

Condecientia prima est respectu Christi Præfigurati, sive præcursores primigenium Moſen, sive novissimum Baptisten consideremus. Præcurſor ejus in multis Moſes fuit: in divina ab infanticidio custodia, illius sub Pharaone, hujus sub Herode; in fuga quam uterque cœperit ad persecutionis procellam evitandam, hujus in Ægyptum, cum esset in prima gemma, ejus

Hil. in Ps. 65.

ejus ex Ægypto, cum esset in flore ætatis. Adde, in quadraginta dierum jejunio, in Lege Divina tradenda, & in populi per desertum ducatu. Consilium facti quis est qui non videt? quod præcursores primus Christus vestigiis suis sequi dignatus est: & quemadmodum Moses populi ad terram promissionis ducendi exordia in deserto posuit, itidem & sui etiam primitias ministerii in eodem Musæo, nimirum Deserto, Christus est meditatus: utque Moses quadraginta annis in deserto commoratus est, ita quadraginta diebus Christus. Quid est præterea? nihil sanè nisi illud, quod S. Joannes præcursor etiam fuerat Salvatoris & proximior & manifestior quam Moses, non minus in prædicando quam in nascendo.

Præcursor fuit in Nativitate multifariam: quia mirabiliter natus & præter consuetudinem, sicut Christus; Christus virginitatis partus, sterilitatis Joannes: quia coelitus nomen accepit, sicut Christus; uterque enim est nominatus antequam natus, à Deo per Angelum desuper missum: uterque Spiritu Sancto repletus ab utero, Christus ἀμνηστίας, Joannes secundum mensuram; unde & in angustiis uteri exsiliit, mortisque salutavit Christum quem voce non poterat, divina munera prius præstans quam humani corporis membra haberet. Deinde

Præcursor fuit in publico Ministerio, idque aliis atque aliis respectibus: quod voce simul ac digito indicaverit Christum, digito Agnum Dei, voce Verbum Patris: quod primus omnium baptismum administraverit, *οποδομιον τοῦ εὐαγγελίου*, ut Justinus loquitur: postremò, quod in deserto manserit, & à deserto innotuerit; prædicavit in deserto, Matth. 3.1. baptizavit in deserto, Mar. 1.4. vixit in deserto, Luc. 1. vers. ult. prorsus quasi ad hoc ipsum ante faciem Domini præmissus fuisset, ut Epistathmus foret ad consignandum desertum, velut locum commodissimum in quo & virtutes primas Christus explicaret, & lineamenta duceret sequentium. Obsecro, quis sponsalibus locus aptior quam is quem amicus sponsi & paranymphus Joannes seposuerat? aut operis tanti lineamenta consummator omnium unde potius duceret, quam ubi præco publicus ipsius nutu & arbitrio prænuntiasset? Est enim hoc omnibus in confesso, nihil sibi non suum Joannem arrogasse, neque in suos usus, sed in usum Christi desertum occupasse: quocirca decorum erat & consonum, ut ubi Joannes desinebat, ibi inciperet Christus, atque prima ministerii incunabula in deserto statueret, quod prima primis responderent. Hæc Condecencia prima est, respectu Christi Præfigurati.

Just. 24.37.

Secunda est respectu Christi Exhibiti, ut responderent prima proximis sive sequentibus: hæc loci feligendi ratio præcipua, quod incarnato jam Christo maxime idoneus locus eremus fuerat, atque hoc quadruplici respectu, & ut Viatori, & ut Militi, & ut Redemptori, & ut Divinæ voluntatis Prædicatori atque præconi. Si ut Viatorem contempleris, ad torum hoc ministerium se demississime Christus accinxit; non elatè & magnifice, non forensi pompâ & comitatu splendido instructus, ut princeps populi, sed verecundè & modicè, ut peregrinus & advena, & in infimo fortunæ gradu constitutus. Hoc ipsum videre est in singulis vitæ partibus, quod in omnibus se gessit ut viatorem decuit: namque & in Via natus est, dum parentes iter facerent; & in Diversorio, viatorum hospicio, in quo etiam cubile nullum adeptus est. Post natalitia exotica, statim ut ortus est in Ægyptum fugere cogitur, & inter provincias barbaras extraneum quærere incolatum: quanquam revera extranea regio nulla est propriam non habenti. Post hoc ipsum de seipso testatur, se non esse *κοινοπολίτην*, sed in terris ἀνέστην *ἐξ ἑσπερος*, Joh. 18. 36. *Regnum meum non est de hoc mundo*: & Mat. 8. 20.

Filius

Plato in Axi-
oches,

Filius hominis non habet ubi caput suum reclinet; quod idem est, interpretetur Hieronymo, ac si dixisset, hospitium se non habere, neque suo uti tecto, ἀλλὰ ἀστέρας ἡμῶν ἐν τῷ οὐρανῷ, ut Platonis verbis utar. Ad extremum, sicut peregrini in morem vitæ curriculum traduxit, ita etiam post mortem fors eadem sequebatur; neque enim in proprium, sed in alterius illatus est monumentum, qui non pro sua, sed pro aliorum salute moriebatur; & quemadmodum in vita non habuit domicilium de suo, ita nec post mortem sepulchrum nisi alienum: ut totum se, quantum quantum, in terris exsulem alienigenumque ostenderet. Quorsum igitur hæc oratio pertinet, aut cum deserto quid habet commercii? Imò verò maximum; quid enim est Deser-tum nisi peregrinantium receptaculum, iisque commune suffugium quibus natale solum in possessionem non venit? Prudenter igitur, & quasi consultâ operâ, Ministerii sui vestibulum in deserto Salvator collocavit, quia magis futurum se peregrinum præsensit in altera parte vitæ quæ agenda erat quam in antea facta fuisset: propterea ut viatoris sortem familiarem sibi redderet, secessu spontaneo in loca deserta se confert, ubi omnia deerant quæ ad vitæ solatium conducere possent; carebat tugurio, neque aliquo tecto, nedum ramis aut frondibus tegebatur ab aeris intemperie; carebat lectulo, neque se-dile habebat, terra grabatus erat, & cælum stratum. Hoc nobis sit docu-mento, qui quotquot sumus, dum in corpore sumus, peregrini sumus; etenim in doctrinam nostram & scriptum est & factum, ut nobis sit instar duplicis documenti.

Documentum primum, Post baptismum in eremum Christus secessit, ut se mundo valedicere significaret: pariter & nos, si à Deo in filios adoptati sumus, proximum est ut mundo valedicamus, ut sicut Israëlita in deserto non fecerunt sibi palatia, sed tuguria & de fragili materia tabernacula, & nos etiam, si ut desertum mundum interpretemur, absit ut in eo civitatem permanentem statuamus, sed magis exilii locum æstimemus.

Documentum secundum, Secessit Christus in desertum ut peregrinationis partes ultro ageret, & incolatus sui tædiis se assuefaceret, ea ineditando & prælibando: similiter & nos, si Spartam hanc ornare cupimus, & duriorum viatoris conditionem fortiter ferre, nos sæpius oportet ut exerceamus in hac palæstra, & sæpius hos casus nobiscum in pectore volvamus, quia citra talis studii antecaptam exercitationem nemo in viatorem perfectum evadit; at si frequens exercitatio accedat, facilia toleratu dolores & molestiæ futura sunt quæ sæpe cogitaveras, & futura præsumperas. Sic bonus sagittarius, tametsi adversarium non habet, quotidie tamen manum exercet, ut eâ cum opportunum fuerit utatur. Sic qui in mari navim regere gubernaculis studet, in cymba prius se collocat, atque remorum laboribus se assuecit: & disciplinam bellicam qui assequi velit, in pace agit ea quæ ad bellum pertinent, in armis deambulando, campum decurrendo, fossam moliendo, testudinem desiccando, &, ut breviter dicam, prius ea quæ sunt militis exercitatione quasi ludicrâ prædiscit, & tanquam in procinctu positus præludit prælium, & velut coram posito hoste prætendit. Usque adeò naturale est paulatim exercitatione incitari, ut ipsi infantes prius sonos meditentur loquendi quò loqui discant, & catuli in novellis venationibus ludant, gesticulantque vituli certamina quæ impleant ætate robustâ,

Et tentant sese, atque irasci in cornua discunt,

Arboris obnixi trunco.

Similiter & Christianum hominem decet ad has se crebriter cogitationes re-vocare, & secessum suum à mundo quasi præludere, ut meditatione assiduâ velut peregrinationis suæ palæstrâ præinstructus, injurias seculi obfirmato animo

animo sustineat, velut incolatus sui proprias atque nativas appendiculas. Hæc Salvatoris nostri disciplina fuit, hoc ipse nos edocuit suo exemplo : namque & in Eremitæ peregrinationem depinxit, ut Augustinus loquitur ; & in Eremitæ, velut in antecessu, Ministerii sui prima fundamenta posuit, ut agendam in terris peregrinationem prius quàm acta esset ageret. Hæc idoneitas prima, Desertum maximè idoneus locus erat Christo ut Viatori.

Hom. de Transf. fig. Dom.

Secunda sequitur, Quòd maximè idoneus locus fuerit Christo ut Militi & Athletæ, idque duabus de Causis.

Inprimis, idoneus erat ad Splendorem Victoriæ ; cum sponte suâ in arenam Christus descenderit, provocantis vicem sustinebat, Satanas provocati est autem ea lex Monomachiæ perennis, quam Alciatus in lib. De Duello, cap. 6. num. 4. recitat, Quòd electio loci ad pugnandum est in arbitrio provocantis, electio armorum in potestate provocati ; qui provocat, locum eligit, qui provocatur, arma. Etiam in hoc certamine hæc ordinis ratio est observata ; diabolus arma destinat, Christus campum eligit, & qualem quæso ? campum æquum ? imò verò imparē, campum ejusmodi qui in dæmonis favorem cederet, ipsum diaboli deambulacrum, Desertum. Quòd in ejusmodi locis diabolus imperitet vox Evangelii testatur, Mat. 12. 43. *Cum immundus Spiritus exierit ab homine, ambulat per loca arida, h. e. sterilia, deserta & ad habitandum inepta, querens requiem, & non invenit.* Quocunque modo interpretemur, præsentī instituto subservit. Si moraliter, idem est ac si dixisset, diabolo, quocunque pergat, omnem extra hominem habitationem ingratam esse, & tanquam triste exsiliū, & squalido deserto similem. Si juxta allegoriam, ad idem recidit, Quòd ex unius corde Divinâ virtute fugatus spiritus immundus, ad loca arida se confert, id est, ad corda spiritualibus donis vacua, neque irriguo rore gratiæ humectata. Si secundum literam, ad idem, Quòd Adversarius prædæ cupidus deserta & solitudines circumcurrit, & in locis aridis atque solitariis eos solet aggredi quos solos invenerit, & ab aliis segregatos, & in ditione sua. Audin' ? Desertum campus Satanæ reputatur : Nunc vide Salvatoris magnitudinem, ad desertum properat, ut ipsi de loco impari occasionem aggrediendi suppeditaret. *Non in urbem tendit*, inquit S. Chrysostomus, *non in forum*, addo, non in Sanctâ Sanctorum, neque ad Altaris cornua ; *sed ad desertum, campum Adversarii, territorium Tentatoris.* Non quòd esset simpliciter necessarium ut huc se Christus reciperet, quia in omni loco potuit superasse ; sed ut gloriosior esset victoria de hoste in suo propugnaculo. Hæc causa prima, Ut augeret Splendorem Victoriæ.

Secundò, idoneus locus erat ad Specimen Virtutis exhibendum : In deserto Christus progreditur, Theatrum amplum, sed secretum : neque assessores secum ducit aliquos ; non homines, quia impares erant certamini, non Angelos, quia in ministerium ejus facti sunt, non adjutorium. Victoriæ socios nos homines facit, non pugna ; spectatores Angelos habuit, non subsidarios. Si turmas aliquas aut legiones Angelorum conduxisset, invidia objiceret eorum adjumento vicisse. Igitur solus cum solo congregitur. *Soli sunt in palastra Christus & Antichristus, Spiritus & Anti-spiritus*, ut Cyrillus loquitur. Sic se res habet in toto Salutis nostræ negotio. Quando carnem sanctissimam assumpsit ex B. Virgine, mysterium Angeli annunciant, non unâ operatur, sed ipse solus purissimi domicili fuit architectus. Quando corpus è sepulchro suscitavit, monumentum vacuum circumstant Angeli, non plenum, resuscitato adsunt, non resurgenti ; ut resurrectionis

T t

nis

nis affeclas fuisse se ostenderent, non adjuutores. *Rem totam Christus confecit angelico comitatus obsequio, non suffusus auxilio*, ut S. Bernardus loquitur. Quando pretium salutis in cruce pendens persolvit, non socium, non consortem sibi assumpsit tam gloriosi Laboris; sed ipse solvit solus, qui torcular calcavit solus, II. 63. 3. ipse solvit solus, qui solus Mediator Dei & hominum, Jesus Christus. Obstupescunt Angeli, at nihil contribuant. Pariter & in hoc de quo nunc agitur certamine, non concertatores aliquos secum Christus ducit, non copias ullas contrahit, non Angelorum choro aut Archangelorum agmine stipatus ad desertum incedit: sed, sicut Jonathan contra Philistæos, I Sam. 14. 7. cum solo armigero, Spiritu Sancto, cuius plenitudine imbutus erat, de salutis hoste triumphos agit; ut qui solus sine commilitone vicisset, solus gloriæ laureâ cingeretur. Quod Ep. 14. ad Irenæum S. Ambros. de Christi Propitiatione loquitur in illa Evangelistæ verba, Joan. 8. 9. *JESUS REMANSIT SOLUS, ET MULIER STETIT IN MEDIO; Solus Christus remanet*, inquit Ambrosius, *quia ejus solius est munus peccata remittere qui solus potuit auferre; solus remanet, quia solus salvas facit, & hoc non per legatum aut per nuntium, sed per seipsum, & per seipsum solum; neq; enim potest hoc cuiquam hominum cum Christo esse commune*; idem & nos de hac Christi militia, Christus cum solo congregitur solus, quia solus potuit superare; & ut hoc pro comperto haberetur, solus in aream descendit, locum eligit ab arbitris liberum. Hæc est idoneitas secunda, Desertum maximè idoneus locus erat Christo ut Militi & Athletæ.

Accedit tertia, Quod maximè idoneus locus fuerat Christo ut Redemptori, sive Finem, sive Exitum adventus ejus intueamur. Si Finem, idcirco Christus venit, ut humanum genus, terram desertam & derelictam, solâque sterilitate sæcundam, ad meliorem pietatis frugem vegetaret & vivificaret. Si Exitum, venit in mundum, & mundus deferebat, Joan. 1. 10. *In mundo erat, & mundus eum non cognovit; Venit in Judæam ad suas, & sui eum non receperunt: Nolumus hunc regnare; Non habemus regem nisi Cæsarem.* Venit ad animam vocando, pulsando, & anima neque pulsanti aperit, neque vocanti responderet, nisi hoc pro responso habeatur, Se aperire non posse: *Villam emi, uxorem duxi*, hæc sunt responsa animæ mundum depereuncis, & deserentis Christum. Repetamus hæc paulò altius, atque tunc res ipsa loquatur in desertum venisse Christum, quando ad nos, & pro nobis se obrulit, & desertis pariter & desertoribus. Nam primò, qui in mundum venit, in desertum venit, quia *totus mundus absque Christo est desertum*, ut August. loquitur, *ab omni cultura fidei & pietatis alienus, tanquam ager incultus, & peccatorum spinis obsitus, nullam bonorum operum habere fecunditatem.* Quod de Babylone Herod. *μεγάλη πύλις, μεγάλη ἰγυρία*, de mundo multò magis dicendum est; etenim ut in deserto homines pauci inveniuntur, sic & in mundo multitudo hominum, solitudo bonorum. In deserto sunt aquæ aut amara, aut nulla; animalia aut nulla, aut noxia, serpentes, lea, tigrides, & qui obambulant leones rugientes: similiter & in mundo sunt homines non homines, ut Hieronymus loquitur, sed crudelitate lupi, astutiâ vulpes, immunditiæ porci, & veneniferis moribus serpentes; ut tutius sit se feris aliquando committere quàm hominibus, & in ipso deserto vitam agere quàm in seculo. Secundò, qui ad animam venit, in desertum venit incultum, sterile, delictorum spinis obsitum, virtutum infecundum. Id auctor imperfecti operis in Matthæum pulchrè explicat: *Natura regenita*, inquit, *est domus Dei, sed quantum ad diabolum est desertum, quia nihil habet cum*

Aug. Ser. 8. De
nat. Ho. Bap. &
in Ps. 62.

eo commercii; & natura carnalis contra domus est diaboli; & est desertum respectu Dei, quoniam non est in eo iustitia: & S. August. serm. 8. De Nativ. Joan. Baptist. Vacua, inquit, Dei timore pectora, velut squalentis eremi loca desertissima sunt habenda: & Magnus ille Greg. Mor. lib. 2. cap. 28. Regio deserti est cor infidelium, quod dum Creator deserti nullus inhabitator colit: & S. Nyssenus in Orat. de Bapt. Christi, Scriptura cum desertum dicit, non semper propriè loquitur, sed synecdochicè, & per Eremum intelligit, ubi squalor, squalidam & inornatam animam. Sed quid opus est rem in comperto testimoniis stabilire, cum ubilibet Scriptura Sacra id apertissimè dicat? Exsultabit solitudo, & latabitur deserta, Isai. 35. 1. Latere sterilis qua non parit, quia multi sunt filii deserti, Isai. 54. 1. Ponam desertum in stagna aquarum, & terram iniviam in rivus, Isai. 41. 18. Quæ omnia certissimum est non alio sensu prædixisse Spiritum Sanctum quam eo quo postea adimplevit, non modò de genium populis universim, sed in specie de hominibus ad quos cum Salvator se contulit, desertas animas reperit & bonis spiritualibus orbatas. Postremò, qui ad Judæam venit, in desertum venit, gentem olim sanctam & genus electum, vineam fertilem, vineam generosam, vineam Domini exercituum: sed eam quæ postea è statu suo gloriæque deflexit in solitudinem & vastitatem, & omnium Prophetarum ore decantatam desolationem. Hæc misera Judææ conditio quando primùm Christus apparuit, ruina sibi & vastitas Deo, prorsus à Domino deserta quem deferuisset. Neque Judææ solius conditio dicenda est, sed cuiusque hominis, sed totius orbis. Christus igitur cum apparuit, quò se verteret? Ad hortum, putas, deliciarum, aut ad hospitia sancta? Nihil minus, nusquam invenit gentium. Quò igitur se vertit? Ad mundum, Joan. 3. 19. Lux venit in mundum; ad Judæam, Matth. 15. 24. Missus sum ad oves perditas domus Israelis; ad animam, Apoc. 3. 20. Ecce sto ad ostium, & pulso. Sic quocunque se vertit, desertum videt: & propter hoc in mysterio, salutis nostræ exordia pulchrè sunt à Deserto; utque toti fabricæ limen operis responderet, in Eremum recessit. Evax, quam egregiè! Annon prudenter ad Eremum festinat, qui venit ovem palantem & errabundam in seculi deserto querere, & propriis humeris domum reducere? Annon ad Eremum, qui venit desertæ ac sterili annuntiare pacem, lætitiā, salutem? Anne uspiam magis quam ad Eremum, qui ad liberationem hominis à latronibus inter Jerusalem & Jericho despoliati misericors Samaritanus accessit? & ad hanc ipsam Eremum in qua res ipsa gesta est, ut ibi diabolus vinceret, ubi sive historicè hominem, sive figuratè Adamum in latrones incidisse dixerat? Prudenter in Eremum, ut manu suā exfoles assereret in immunitatem, in Eremum, ut desertum humanum genus revocaret in Paradisum, deniq; in Eremum, ut solitudinis incolas socios faceret, & in beatitudine patriæ comparticipes Angelorum. Hæc est idoneitas tertia, Desertum maxime idoneus locus erat Christo ut Redemptori.

Sola nunc ultima restat, quòd Desertum maxime idoneus locus Christo fuerat ut Prædicatori & Divinæ voluntatis præconi: nam huic se nunc operi Salvator præparavit, atque ut præclarè se paratum ostenderet, priusquam se mundo manifestavit, paulisper recessit, & in ipsum ministerii quasi apparatus quadraginta dies insumpsit. Quid in deserto egerit tot diebus & noctibus, conicere magis possumus quam definire, quia Scriptura tacet. Si lectione jugi temporis tadium elusisse dicamus, frustrà est: libris non indiget thesaurus sapientiæ plenus, mens ipsi pro libris. Si jejunasse, verum est: at non est inter actiones sed passionem je-

junium recensendum; neque in se virtus est, nisi aliis conjuncta virtutibus. Si lamentis & fletibus & vigiliis horas transegisse, non est difficile credi, his sacris imbris deserta loca rigasse, ut lacrymis prius peccata abstergeret quæ erat postea sanguine deleturus. Si in orationibus & meditationibus dies noctesque in omnes duxisse, hoc sanè certissimum, quod manus & oculi & mens fuere perpetuò & insuspensè fixa cœlo. Equidem agnosco temerarium esse statuere quod cœlici Notarii in scriptis non reliquerunt. Agnosco Christi omnia, sive cognita sive non cognita, dignissima esse quæ & miremur supplices & grati celebremus, eoque magis quod investigari non possunt. At hoc tamen tunc definire possumus, In deserto fecisse illum illa omnia quæ ad Salutem nostram spectabant, & illa omnia quæ facere decebat hominem Divinum, humana Divinè, Divina humanè operantem; hoc est, si unico id explicem verbo; & orationibus, & contemplationibus, & Divinis super-beatæ mentis exercitiis per totum hoc temporis spatium se exercuisse. Atque exin te emergit Ratio consiliūque Secessus, quod ad duo Capita revocabo.

*In Sermonibus de
Jun. & Tent.
Christi.*

Ratio prima secessus hæc est, Ad inanem gloriolam vitandam; quia, ut B. Cyprianus loquitur, *In nullo religionis exercitio periculosius militatur quam in jejuniis; nulli virtuti inanis gloria citius adulatur, aut importunius se ingerit, ut propriis armis sanctitatem impugnet.* At verò Christus non appetens gloriæ fuit, non avidus laudis, novo quodam genere, in summam gloriam venit contemnendo. Nos, si quid magni, apage! si quid nihili fecimus, cicurimus & promulgamus, neque una buccina sufficit. Aliter nos Christus docuit: nos verbo docuit, ut cum oramus, in conclave intremus, ostiūque claudamus; & cum jejunamus, ut in occulto id faciamus, non homini, sed Deo: ut sic quàm longissimè absit à Christiano homine omnis etiam in bono opere jactantia. Hoc exemplo suo docuit, dum jejunia magna celebrans, in deserto se confert velut in conclave, ubi clauso ostio, à nullo hominum aperiendo, oravit Patrem suum in occultis, ut ipse loquitur. Hæc prima Ratio, Locus quem eligit est solitudo carens arboribus, & assentatorum satellitio vacuus; quia non ad hominum plausum, sed solius Dei judicio jejunia sunt agenda, & singulariter inspectorem adjutorēque Deum volunt hæc habere certamina. Hæc, inquam, est prima Ratio.

Ratio secunda, Ut impedimenta devotionis amoveret, imò præveniret. Non sunt in deserto mundi phaleræ, nullos habet sensuum laqueos, nulli sunt cunei perturbationum qui ad arcem mentis intrare solent, colorum nitores oculi non circumspiciunt; non facietorum hominum ridicula aut scurrilia dicta, quæ animum frangunt, audiuntur; non orphanorum lacrymæ aut viduarum suspiria, non inopum querelæ, non rapinæ pauperum; denique non saporum illecebris gustus tentatur, nulla est escarum copia, non vina pretiosa, non accuratæ epulæ, non ulla odorum allectamenta: quibus omnibus exclusis vacare cœlo mens secreta novit, & solo Deo frui. Non quod existimem sanctissimum Salvatorem istis aut eguisse hominum proficientium adjumentis, aut istis detineri potuisse fragilitatis nostræ remoris; verum nobis cœlestis vitæ consequendæ specimen edere voluit, & in seipso docere quid nobis & faciendum & cavendum foret, ut ad perfectionis fastigium ascendamus. Hæc summa est, Secedere debere ab urbanis tumultibus mentem cœli ambitiosam & fruendi Deo cupidam, abstrahere se debet à rebus inferioribus, atque fu-
gere

gere vulgi turbas. Quid hæsitatis? quid circumspicitis? Sublimis est regula, imò communis, & sæpius calamis trita non Ecclesiæ tantum doctorum sed ipsorum philosophorum. Id nos Antisthenes docuit, qui hoc se ex philosophia lucris fecisse profitebatur, *Posse secum loqui & versari*. Id Scipio Africanus, qui hominum frequentiam sæpissime fugiebat, & solitudinem ut portum *ἀνταρξίας* amplectebatur. Id M. Cicero, qui hoc se usu & experimento didicisse profiteretur, *Nihil posse esse solitudinem jucundius; non modò miseris temporibus & luctuosis, sed etiam tranquillis & optatis; nec solum animo defatigato, sed erudito*. Id accuratè Plutarchus, qui solitudinem *οὐπίας* *ὑπομόχον* appellat, & *ἡδονὴν ἀγαθὴν*, optimam formatricem morum ad virtutis effigiem in animis hominum imprimendam. Et nè vos in istis Ethnicorum cryptis diutius detineam; id tota philosophorum schola; qui ob hanc ipsam causam & Musea & deorum delubra in locis solitariis antiquitus constituta esse testantur, quoniam à secessu divinos animi motus emergere putabant: atque eandem ob causam Noëtem *ὀυεβόρν* Græci dixerunt, à bene intelligendo, quod à quiete & solitudine prudentia rerumque inventio trahantur. Quod si hæc minùs vos movent ab exoticorum apparatu ducta testimonia, audite raptim quid de secessu pietatis alumni sanctiores sentiant. Etenim & Greg. Nazian. *ἡσυχία & θεία ἀνάγκη* Solitudinem vocat, ut quæ ex homine Deum ficit, hoc est, Deo simillimum: & hoc unicum negotium sibi Tertullianus proposuisse gloriatur, ut non aliud curaret quàm nè curaret, quia vita melior in secessu quàm in promptu: & ad Heliodorum S. Hieronymus in ea verba erumpit, *O eremus familiaris Deo gaudens! O desertum Christi floribus vernans! O solitudo in qua isti nascuntur lapides de qua civitas magni regis exstruitur!* prorsus, quasi, ut August. loquitur, & solitudo necessaria esset menti quæ Deum vult videre, & in turba etiam difficile sit Christum speculari, quod turba strepitum habeat, & visio ista secretum desideret. Hoc Isaac sanctus Patriarcha novit, quando die jam inclinato in agrum egressus est ut sermones cum Deo mitteret, Gen. 24. 63. Hoc Elias propheta, qui in reconditis solitudinis angulos, & à cœtu hominum liberrimos, se aliquoties subduxit, ut solus solo Deo frueretur. Hoc S. Petrus, qui solus erat, inquit Ambrosius, *cùm totum per orbem consecrandarum gentium mysterium cognovit*: & Maria sola etiam, & quando cum Angelo loquebatur, & quando in eam Spiritus Sanctus supervenit: imò & solus Adam, inquit ibid. S. Ambrosius, *quamdium adhærebat Deo, neque est prævaricatus*; postquam verò ei mulier adjuncta est, peccavit: non erat solus quando de Paradiso est ejectus, solus erat quando in Paradiso est constitutus. Postremò, hoc Christus ipse, qui sæpius in montem, aliquando in desertum secessit, ut secum animo quieto versaretur. Pariter & nos in illius vitam tanquam in speculum inspiciamus, sequamur ipsum in omnem locum, in omni loco quæramus, sed in eo maxime ubi ipse Deum quæsit, in secessu. Hic nobis statuatur primus ascensionis in Deum gradus, atque primum æternæ quietis exordium; ibi nos nobis cœlestis vitæ principium statuamus ubi Christus posuit suum: ut illius solitudinem sequendo (sunt verba Ambrosii in Luc. 4.) ad Paradisum aliquando sequamur. Hæc idoneitas ultima, Desertum maxime idoneum locum Christo fuisse, ut prædicatori & Divinæ voluntatis præconi: Idcirco secessit, ut jejuniis & orationibus vacaret; atque hæc, ut Ministerio se publico præpararet.

Hactenus de Ratione Facti, in qua si de Solitudinis laudibus plus æquo

T 3

hanc

Ant. apud Lacr.

Cic. 3. Off. c. 1.

Cic. 1. 5. Fam. Ep. 14.

Plut. De tranq. apud Stob. Ser. 56. sed in co Pl. libello non invenitur.

Plut. De curios.

Naz. Or. 2.

T. et D. Paul. 5.

Aug. in Joan.

Ambr. Ep. 3. ad Sabinum.

hanc telam prolatavi, conabor, si potero, hunc ardorem delinire in ea quæ sequitur parte; in qua de Periculis & incommodis Deserti agendum est, quantum ad Imitationem Exempli.

LECTIO III.

Ductus est in desertum.

DE Eremito disputaturum tot undique quæstiones circumcingunt, ut in solitudine me positum existimarem de qua vix expedire emergerem, nisi filum præ manibus esset supra Ariadnis illud, quo duce è flexibus quibuscunque vel maxime labyrinthicis non erit difficile memetipsum evolvere. Hæc filum est gratia Christi, præsentia Salvatoris, quæ nunquam magis servis suis elucescere solita est quam in eremo palantibus, nusquam clarius quam in solitudine constitutis. In Eremito Israelitæ vagabantur; atque iis viæ comitem se Christus exhibuit, & per anfractus saltusque deserti in vias rectas nubis præcursu ducebat. In Magorum gratiam id ipsum præstitit, qui ad ejus natales concelebrandos per Eremos multas iter longum susceperunt: verum illis dux itineris Christus factus, infantie suæ domicilium novo sideris ortu commonstravit. De reliquis non opus est dicere, quod in Eremito Hagar ancilla deerabat, quando eam de cælo Angelus alloquebatur ut reverteretur ad heram suam. In Eremito Elias atque Philippus, quando utrumque Angelus admonuit, illum, ut ad montem Dei remearet, hunc, ut se ad curram adjungeret, atque Eunuchus Evangelium salutis prædicaret. Denique & nos ipsi in Eremito jam positi sumus, sed animorum situ, non corporum; neque animis suspensis aut timidis, sed alacres sumus, & ut homines decet tot exemplis confirmatos, de Divinis auspiciis securi, quod idem ipse qui Israelitis, qui Magis, qui Ancillæ, qui Prophetæ, qui Evangelistæ in Eremito assulit, & nobis quoque nostrisque itineribus interesse non dedignabitur, de Eremito omnium gloriosissima quam victoriis suis Christus honoravit differentibus. Quid si stella non appareat aut columna nobis, si vox Angeli nulla audiatur; at hoc tamen est pro omnibus, quod Christus est nobis in hoc opere præviis, qui inter alias hac potissimum de causa ad hoc de quo loquimur gratissimum desertum statim post baptismum se contulit, ut nobis in deserto seculi positus, & in pugnando, victoriæ, & in progrediendo, operabilis exitus fiduciam afferret. Macte itaque, revisamus jam denuo amplissimum circum triumphi nostri, certaminis omnium felicissimi palæstram, ut hujus partis quæ supersunt analecta & spicilegia exerpere possimus. Analecta illa quænam sint ipsius nostri ordo indicabit, adinstar stellæ stantis super locum in quem Christus se recepit. Audire mihi videor vocem methodi, velut vocem Angeli, dicentis, Surge & vade ad viam quæ descendit à Jerusalem in Jericho, quæ est deserta, &

ad-

adjuuge te currui, ut iter reliquum conficias, incipiendo ubi novissime desinebas. Hoc vos non fugiat, Auditores, absolvisse me pensi dimidium superiori die, quando duobus modis hunc Christi in desertum secessum proposui considerandum; secundum radios rectos, ut erat Factum Christi singulare & personale, & secundum radios reflexos, ut est Factum exemplare & typicum, nobis in vitæ similitudinem trahendum. Existis duo *Christi* pullulabant, Ratio facti, & Imitatio exempli. In illo de Qualitate loci occupati, & Consilio etiam occupantis, agitur est fusiùs, nec non de Motivis atque invitamentis quæ Christum ad hunc certaminis locum eligendum excitaverunt, illique & Respectu Christi præfigurati, & Respectu Christi exhibiti, sive eum ut Viatorem, sive ut Militem, sive ut Redemptorem, sive ut Divinæ voluntatis Præconem & prædicatorem intueamur.

Nunc sequitur ut, Facti personalis ratione enucleata, de Imitatione exempli nonnulla etiam dicamus, & secessum hunc ex radiis reflexis meriamur, quatenus est Factum exemplare, sive *apostolici*, ex quo nos nostris usibus quod imitemur capiamus. Et habet hæc quidem pars uberimam in se & satis litigiosam disputationem. Si quasunque ejus fibras & appendiculas articulatim investigarem, de Solitaria vitæ origine, de Communis etiam atque periculis, utrùm status sit Christianæ vitæ perfectissimus an magis impedimentum perfectioni, utrùm ab Evangelica stirpe oriundus an potius à peregrina & nupera, hæc, inquam, si articulatim & ad vivum refecarem, & eorum ancipites vias, rationesque pro omnibus & contra omnia disputando retererem, vereor nè & vobis fastidium moverem, & maximam etiam huic Scripturæ injuriam, plus justo à rerum ordine declinando. Revera non sum nescius quòd miserè se torquent Pontificii, ut Eremitismi sui prosapiam antiquam, nobilem, & ab ipsis Prophetis Patriarchisque oriundam vindicare possint: atque nunc ad Joannem Baptistam, nunc ad Joannis prodomum Eliam, nunc ad Rechabitas, nunc ad Nazaræos, natales ejus ventrosissimè revocant; imò verò, nè quid deesset infantiæ, ad Enochum ipsum Adami nepotem. Sed ista ad hanc quæ præ manibus est quæstionem non pertinent. Quocirca missis singulis ex obliquo spectantibus quæstionculis, ad illud unum me revocabo quod solum est huic parti proprium atque nativum, Utrùm ab exemplo Salvatoris in desertum se subducens robur aliquod aut auctoritatem Eremitismus contrahat, & quod ad hoc maxime conducit, Utrùm hic Salvatoris secessus factum sit exemplare aut imitabile, & quibus cancellis imitatio sit circumscribenda.

Quod ut distinctius expediam, & ab ipso fonte ad extremum usque perducam, duo sunt quæ attentius advertenda existimo, Aditus ad quæstionem, & Introspectio.

Aditus ad quæstionem occasio patefacit. Occasio quæstionis à Pontificiis captatur, quorum nonnulli ex hoc ipso loco eremiticæ vitæ natales trahere non erubescunt. Nonnullos, dico, non omnes: sunt enim aliqui ex ipsis multò modestiores in consecrariis deducendis, Abulensis, Jansenius, Stella, qui in hoc loco pertractando de Monachatus origine prorsus tacent; sed ad hunc apicem exempli hujus imitationem deducunt, ut fugiat vulgi tumultus discipulus Christi, & se à rebus inferioribus abstrahat, quò in Deum possit plenius animam suam intendere. Sunt alii qui dedita operà vitæ eremiticæ exordia ad amussim rimantur, qui tamen Christum hujus Ordinis institutorem fuisse non audent pronuntiare. Matthæus Galenus, in suis de origine Monastices commen-

tariis, ex Apostolica traditione fluxisse hoc institutum existimat, cap. 1, & cap. 6, at depudit eum dicere à Christo manasse. Similiter & Bellarminus Cardinalis, utcumque ipsius fines paulò longius proferre videatur quàm sobrio & erudito homini conveniebat, at à Christi tamen nomine prudens abstinuit. Verba ejus sunt in libro De membris militantis Ecclesiæ, lib. 2, c. 5. *Vitam religiosam adeò esse antiquam dicimus, ut quadam ejus adumbratio in lege Natura fuerit ante diluvium; major quadam expressio in Lege Mosi; perfectio autem Apostolorum tempore: de Christo nè verbum quidem.* Modestius multò Jacobus Latomus, in lib. De Instit. Monast. *Mox ab initio nascentis Ecclesiæ fuerunt Monachi: & Patres coacti in Synodo quæ habita est Petrikoviæ, Confessionis suæ cap. 98. Sunt qui ipsos etiam Apostolos Canobiorum primos auctores fuisse dicant: & adhuc verecundiùs Patres Colonienſes, parte decimâ Actorum Synodi, c. 1. Vita monastica non multò post Apostolorum tempora cepit, quanquam multis persuasum sit aliam tum fuisse quàm nunc est Monachismi rationem.* Hæc illi, quæ ad eum finem memoravimus, ut videatis, quod suprà monui, Non usquequaque omnes Pontificios adeò insanire ut ad Christum audeant hæc primordia revolvere, imò nè ad Apostolos quidem ipsos. At verò sunt alii adeò inconsulti & temerarii, ut tantum in se facinus suscipere non vereantur. Inprimis Tho. Waldensis, cujus in lib. De Sacramentalibus, tit. 9, c. 83. hæc tandem sunt verba, *Hanc vitam sanctam quis primus hominum fecit, nisi Christus homo? ipse Christus in seipso religiosorum perfectiones invenit, de manu Christi quilibet accipit vitæ regulam.* Pariter & Alfonso Verveliſ, adversus Lutheri dogmata Philippicâ vigesimâ; *De professione monastica, inquit, audeo dicere, quòd non hominis cujusvis adinventio sit, sed Dei & hominis Christi Jesu, totius virtutis ac pietatis magistri, traditio.* Denique & eorum compar Hieronymus Platus, in l. 2. De bono statû religionis, cap. 20. *Unus Christus, inquit, est hujus instituti auctor; non ab homine, neque per hominem fluxit, sed ab ipso Dei filio, qui inter reliqua salutis documenta hanc vivendi formulam, suo primùm exemplo, deinde voce & præcepto, expressam reliquit, de quo nisi hæreticos video dubitare neminem.* Hæc ille. Quid memorem reliquos? Jodocum Clichtoveum, qui cap. 3. l. De laudibus Monasticæ Religionis, Christo Duce & auspice Christo, observatam ab Apostolis monasticæ observationis regulam asseveranter affirmat? Quid Paulum illum de Palatio, qui in caput sancti Matthæi quartum, idcirco in desertum se recepisse Christum dicit, quia multos futuros esse Christianos siebat, qui deserta essent habitaturi, & illis exemplo esse voluit in jejuniis, in rigore, in tentatione? Quid ipsum Jesuitam Salmæonem, qui in parte prima commentariorum in Evangelicam historiam, tract. 8. comprobasse hoc factò Christum asserit Anachoretarum statum? Quòd si quis opponat, domesticam hanc fuisse & privatam quorundam hominum sententiam: Ego, non diffiteor; at non est exiguus eorum numerus, neque subobscuri sunt, sed melioris notæ Theologi, atque singularis opinio non est dicenda quæ à tam coacervata Doctorum multitudine in vulgus spargitur. Quanquam & illud adjici potest, non hominum solum sententiam esse, sed quorundam inter ipsos Ecclesiarum. Sic Patres Synodi Meldensis, Anno Domini 845. habitæ, sese explicarunt, cap. 9. *Sacer monasticus Ordo à Deo est inspiratus, & ab ipsis Apostolis fundatus:* itidem & Anglo-Rhemenſes, in annotationibus suis super cap. 4. Evangelii secundum Matthæum, paragrapho primo, *Quemadmodum Joannes Baptista, ita & Salvator noster, secedendo in desertum, & illic vitam in contemperationibus inter se feræ ducendo, & exemplum* ſc

se vita solitaria praeiuit, & potestatem etiam fecit iis qui Eremitae vocantur. Istis, opinor, exauditis, nemo est qui è privato laere effluxisse hoc dogma contendere possit, quod tot patronos habeat & tales, estque tanto assensu celebrata sententia, Christum exemplo hoc suo & vitam monasticam approbasse, & commendasse, & instituisse. Est igitur locus, ut videtis, expostulandi idoneus, & inquirendi, Utrum ab exemplo Christi in desertum secedentis auctoritatem & robur vita solitaria habeat, vel quantum ad esse, ut eligatur, vel quantum ad bene esse, ut pro perfectissimo vitae statu aestimetur. Hic quaestionis aditus est, & quasi janua.

Nunc demum in ipsa penetralia intrandum est, quæ est altera pars instituti nostri, quam Quaestionis enucleationem sive Introspectionem appellavi.

Sunt autem duæ quaestionis partes, quas tamen, si placuerit, quia alicujus sunt momenti & ponderis, non partes, sed magis integras Quaestiones appellemus. Una ad Originem vitae Monasticæ spectat, An suo exemplo hoc genus vitae Christus aut instituerit, aut nobis proposuerit imitandum. Altera ad Excellentiam pertinet, Utrum eodem exemplo suo hunc statum ut perfectissimum aut in se comprobaverit, aut nobis commendatum reliquerit. Utramque quæ potero brevitate percurram, sed alternatim; primam hodie, nam ad alteram investigandam longiore luce nobis est opus, atque propterea in diem posterum est rejicienda.

Ad primam nos accingamus, ut videamus An eâ mente aut consilio in Eremum Salvator secesserit, ut cuiquam specimen daret aut facultatem ejusmodi vitae genus eligendi, sicut Pontificii gloriantur. Fundamentum cui innititur ipsorum de hac originis pompa gloriatio est exemplum Christi, quo nihil sanctius, si pie, ut decet, in imitationem trahatur; nihil periculosius, si temere & incautè attrectemus. Quocirca quoniam, ut S. Ambrosius loquitur, *manere non potest adificium quod non habet solidum fundamentum, & nutante fundamento tota machina corruat necesse est*; videamus inprimis, an fundamentum hoc quo suffulcire vitam monasticam conantur sit firmum & stabile, vel potius debile & imbecillum.

Fundamentum quod substernunt est Imitatio Christi. Imitari Christum quid sit omnes norunt, quod nihil aliud est quàm ipsius vitae similitudinem in nostram vitam transferre, & eâdem temperatione uti quâ ipse usus est cum in terris vitae suæ tabernaculum collocavit. Non mea est definitio, sed S. Joannis Apostoli, 1 Joan. 2. 6. *Qui dicit se in Christo habitare, debet prout ille ambulavit, ita & ipse ambulare.* Exinde elicitur definitio, quod imitatio Christi nil aliud est quàm vitae nostræ ad ipsius vitae normam, & actionum nostrarum ad illius actiones imitabilis configuratio. Hoc, inquam, est Pontificiorum fundamentum, Debicium, sive vinculum, quo constringimur ad Christum in quibuscunque actibus imitabilibus imitandum. Imitabilibus dico, quia sunt nonnulla inimitabilia, & Inimitabile non obligat. Itâ in hoc uno quaestionis exitus vertitur, ut Christi actionum differentias excutiamus, quo discrimine facto, imitanda à non imitandis segregare possimus. Actiones autem Christi ad tria Capita reduci possunt.

Caput primum est Actionum moralium, quæ in virtutum quarumcunque exercitatione consistunt: & hæc quidem sunt simpliciter imitabiles, dicente Apostolo, 1 Pet. 2. 21. *Reliquis nobis exemplum, ut subsequamur vestigia ipsius*; imò ipso attestante Christo, Jo. 13. 15. *Exemplum præ-*

bui vobis, ut prout ipse feci, ita & vos faciatis. De istis nemo est qui dubitat, sanctissimam Domini nostri vitam nobis exemplar esse vivendi, ad quod nos totos pingere & exornare debemus, tribus hisce Legibus adstricti.

Primò, Lege Gratitude: quia nobis ipse in omnibus factus est similis, assumendo non similitudinem nostram, sed naturam; nec solum naturæ nostræ exsuperantias, sed infirmitates. Hinc quis non videt, ex ipso retributionis debito necessariò sequi, ut si ipse se debilitatis nostræ modò submittere dignatus est, ad ipsius perfectionem nosmetipsos effingere multò magis nos oportere?

Secundò, Lege Conformitatis: quia ipsius similitudinis nos sumus opificium; in statu Naturæ ad ipsius imaginem sumus primitus constituti, Gen. 1. 27. in statu Gratiae ad ipsius imaginem sumus renovati, Rom. 8. 29. in statu Gloriæ ad ipsius imaginem in posterum sumus renovandi, *Cum ipse apparuerit, similes ei erimus*, 1 Joan. 3. 2. Quòd si tota nostra factura, & quantum ad Naturam, & quantum ad Gratiā, & quantum ad Gloriā, in ipsius imaginis similitudine sit posita, nostrum est eò aspirare sequendo & imitando. Nostrum est nosipsum quasi comites tradere laboris huius, faciendo pro posse nostro quod Deus fecit, faciendo quod facit, faciendo quod facturus est. *Sic illius gloriæ consortes erimus, si fuerimus gratia ejus imitatores*, ut scitè Ambrosius.

*Ambr. l. De fide
Resur.*

Tertiò, Lege Perfectionis: quia aliter non possumus ad consummatæ virtutis fastigium pervenire nisi ipsum sequamur; cum sit ipsius sola vita idea & autographum cujuscunque virtutis, autographum charitatis, innocentiae, misericordiae, patientiae, humilitatis, mansuetudinis & obedientiae. Hinc sequitur, ut si quis ad perfectam Charitatem ascendere cupiat, in charitatem Christi attollat oculos, diligendo alios, sicut & ipse nos dilexit, Eph. 5. 2. Si ad perfectam Misericordiam, misericordiam Christi suspiciat, condonando aliis, sicut ipse nobis condonavit, Eph. 4. 32. Si ad perfectam Patientiam, aut mansuetudinem, aut innocentiam, Christum intueri debemus, & ad ipsius typum transcribere vitas nostras, & animarum facies, ad eum respicientes, tanquam ad speculum componere. Ut verbo dicam, hæc pietatis summa est, hoc culmen virtutis, & ut S. Chrysost. loquitur, *καὶ οὐκ ἔστιν ἄλλο πῦρ πληροτέρως, Christianitatis perfectissima perfectissima scala & regula*, si Christi nos æmulo præstemus in actibus Moralibus. Hoc caput primum.

*Chrys. in 1 Cor.
11. 1.*

Caput secundum est Actionum Transcendentium, quæ in sublimiori virtutis gradu sunt collocatæ. Et hæc usque sunt duplicis ordinis: sunt enim nonnullæ Actiones Singulares & Heroicæ, quæ ex super-beato motu & instinctu Spiritûs nascebantur; sunt aliæ Miraculosæ, quæ cum Naturæ vires excederent, ad ipsius Omnipotentiam sunt referendæ. Et istæ quidem ex utraque parte sunt simpliciter inimitabiles; Heroicæ, quia non debemus, Miraculosæ, quia non possumus imitari; illæ, quia supra prudentiam, hæc, quia sunt supra potentiam humanam. Illarum exempla habemus Mar. 21. cum discipulis duos misit ut asinum solverent & secum adducerent; & Joan. 2. cum deturpatores templi flagellis castigavit atque ejecit; & Joan. 18. quando persecutoribus suis se obviā dedit, & dixit, *Ego sum quem queritis*. Hæc omnia motu heroico facta esse credendum est, in quibus nos ipsum, absque nota & macula deiectionis in primo, litigationis in secundo, & temeritatis in tertio actu, sequi non possumus. Alterius ordinis exempla passim occurrunt in Evangelio, cum verbo & vocis imperio dæmonia de hominibus excuteret, paralyticos restringeret, leprosus

profos purgaret, illuminaret cecos, claudis gressum daret, mortuos rursus animaret, cogeret sibi elementa famulari, servire ventos, maria obedire : hæc quia signa erant Omnipotentiae, & opera miraculosa, quibus vim Divinae Majestatis ostendere voluit, idcirco admirationem nostram postulant, non similitudinem; fidem nostram, non imitationis disciplinam. De istis tenenda est Quintiliani regula, lib. 10. cap. 2. *Inimitabilia sunt quibus natura infirmitas non sufficit* : cui optimè respondet illud S. Augustini in lib. contra Felicianum, cap. 8. *In rebus incomprehensibilibus exempla non suppetunt sequentibus, neque in mores sunt ullo modo transferenda, ne violemus præcepta dum passim sectamur exempla.* Sed quid ego de aliorum vos regulis moneo? cum Christus ipse in Evangelio formulam constituat, Matth. 11. 29. *Discite à me, quia mitis sum & humilis corde* : & S. Paulus, Phil. 2. 5. *Id sit affectus in vobis qui fuit & in Christo Jesu*; tum demum sequitur, vers. 8. *humiliavit seipsum, factus obediens usque ad mortem.* Ex quibus nos docet Apostolus, Christiani hominis esse, quæcunque in vita Christi lineamenta justitiæ & pietatis observaverit, quæcunque pigmenta candidissima mansuetudinis, humilitatis, castitatis & obedientiæ viderit, istis ut animum imbuat, istis ut lippientes oculos velut sacro collyrio superungat; quia unusquisque quod plus in se habet Christi, eò plus etiam habet Christianitatis: at si qua sunt, ut sunt quamplurima, quæ splendidissimis Divinitatis radiis coruscant, ea in cultum & venerationem trahenda sunt, non in exemplum, cum ipsius hoc sit mandatum, *Discite à me, quia mitis sum & humilis corde.* Non dixit, *Discite à me* aut dæmonia ejicere, aut sanare verbo infirmos, aut suscitare mortuos, aut super aquas ambulare, aut ventos & tempestates increpare: quia nec ista in nostra potestate sita sunt, nec, si maximè essent, salutaria nobis forent atque utilia. Hoc caput secundum est, Actionum Transcendentium, quod imitationis nostræ ratio non porrigitur.

Caput ultimum est Actionum Mixtarum, quæ temperamentum quoddam in se habent, & quasi complicatos nexus Moralium & Mirabilium. Et istæ quidem simpliciter & ex toto neque imitabiles neque inimitabiles habendæ sunt; sed ex parte inimitabiles, quantum ad Miraculosum quod supereminet, ex parte imitabiles, quantum ad Morale quod ipsis adhærescit. Ad hoc caput referendum est jejunium **XL** dierum, solutio tributum ex ore piscis deprompti, multiplicatio panum, conversio aquæ in vinum, & uno verbo, quicquid uspiam extra naturæ ordinem hominumque consuetudinem Christus fecerit. Inter omnia ipsius opera quæ inprimis sunt magnitudinæ præstabilia vix unum existere puto quod non habet morale aliquid annexum, quodque non sit virtute aliquâ imitabili mixtissimum. Quando aquam in vinum convertit, mutatio elementi in miraculum cedit, sed comitas Salvatoris conviviarum necessitatibus consulens, in vitæ exemplum: quando jejunavit, in eo quod quadragesimum diem sine alimento trahebat, latet potestas; in eo quod abstinent, documentum est animæ deliciarum appetitum coercentis: quando viduæ filium suscitavit, quod corpus mortuum vivificavit, Divinitatis est argumentum, in quo nemo eum debet sequi, quia nemo potest consequi; quod misericordiâ commotus accessit & tetigit loculum, hoc illud est quod dixi Morale annexum, & specimen præsequens: quando super aquas ambulavit, quod liquidam & instabilem undam pedibus suis firmiter calcavit, & defluentem maris superficiem itineri suo commodam reddidit, ineffabilis erat virtutis; quod quotidianam discipulorum curam sustinuit, & ad eos inter ipsas noctis tempestates profectus est, hoc nobis est docu-

mento:

August. l. 2. De
conseq. Evang.

Tertull. Apol.
cap. 39.

mento : quando Petrum Apostolum jussit ut tributum persolveret, quod sibi pelagus tributarium fecerit, & in ore piscis staterem sive viderit sive procuderit, nescio quid primum mirer, praescientiam, an magnitudinem ; sed quod ad vitandum scandalum censum indebitum dare voluit, cum liber esset, & extra legem, & Rex universi, in hoc nobis obsequii specimen reliquit & patientiae : postremo, ut compendio dicam, cum quinque panibus tot hominum millia saturavit, quod cibus in ore edentium crescit, & dum frangitur, dum dividitur, dum editur, eo magis cumulatur, quodque, ut S. Augustinus loquitur, *facto inter panes & homines certamine, panes vincunt, & homines superantur, quia panes crescunt, & homines deficiunt*, opus inauditum est & mirabile, quod in potestatem nostram & imitationem non cadit ; at quod esurientis turbae est misertus, quodque ab *εὐλογίᾳ* mensae initio sumpto, *non prius discumbitur quam oratio ad Deum praesatur*, ut Tertullianus optimè, haec humilitatis & sanctitatis officia imitationi nostrae subjacent, & sunt Moralia miraculo agglutinata. Hoc caput est ultimum, Actionum Mixtarum ; in quibus omnibus fecerere oportet Morale à Miraculoso, & nobis quod nostrum est arripere : nam quod Morale est nostrum est, & imitabile ; quod Miraculosum, inimitabile, & Christo proprium.

His ita constitutis, nullius erit negotii praesentem de Imitatione secessus Christi quaestione ex istis praemissis lucide & breviter definire ; si modò in hoc Christi opere tres istos Actus appositè distinguere possimus, & illud quod Morale est ab Heroico & Miraculoso segregare.

In primis, in hoc Secessu sunt nonnulla Moralia, quod baptizatus & Filius Dei declaratus mundi voluptatibus valedixerit, quod se ad ministerium jejuniis & orationibus praeparaverit, quod jejuniis & orationibus locum secretum elegerit, ut & Deo magis vacaret, & hominibus minùs innotesceret : haec singula non modò licet, sed oportet ad imitationem transferre, cum in iis luceant humilitatis, devotionis, pietatis, & mundi contemptus non obscura vestigia : neque ulteriùs progrediuntur interpretes è Pontificiis saniores, Stella, Jansenius, Abulensis. *Hoc factò docemur, inquit Stella, quod si volumus adversus Satanam dimicare, debemus mundum relinquere* : similiter & Jansenius, *Docere nos voluit, si Spiritu Dei imbuti sumus, debere nos subducere à tumultu vitae carnalis, & rerum Divinarum contemplationi insistere* : denique & Abulensis, in Matth. 4. qu. 5. *Exemplo hoc Christus docet quod praeicator interdum, imò multum, se abstrahere debet à conversatione populi, ne populi mores contrahat, & familiaritas nimia contemptum pariat*. Euge, optimè, subscribimus, approbamus : Corollariis istis nihil certius nihilque perceptius, quia firmissimo nituntur fundamento ; Debere nos & tutò posse in Christo imitari, primum, quicquid nostri ad Christi in nobis imaginem renovandum necessarium esse dignoscitur, deinde, quicquid Christi in Scripturis imitandum proponitur, adhuc, quicquid virtutis in statu ordinario Viatoris passum exercuit, denique, & quaecunque in factis Christi extraordinariis & miraculosis emicant documenta virtutis & pietatis. In istis sequi eum oportet, quamvis sit, ut Theophylactus in Joan. 13. loquitur, *οὐκ ἔστι μακρότης*, & à longinquo. Quod si in istis, etiam in Secessu, quantum attinet ad devotionem, humilitatem, abstinentiam & mundi contemptum, haec enim sunt Moralia Secessus, Heroicis & Miraculosis temperata. Hic, inquam, est ordo primus, videlicet Moraliū.

Secundò, in illo Secessu sunt nonnulla Miraculosa, quod sanctissimum corpus suum tot dierum intervallis absque cibo factum tecum servaverit, quod

quod principem tenebrarum Marte suo roboreque proprio quā Filius hominis vicerit. Ad hæc nemo est nostrum qui possit viribus suis aspirare. Jejulare ad nos pertinet, ad nos etiam vincere: at tot dierum spatium prorsus à cibo abstinere nemo ex se potest, nisi laxamenta dederit; & tantum hostem nemo ex se superare manu propria, nisi in nobis, pro nobis pugnando, nos Christus corroboraverit. Ergo non simpliciter in jejunio est miraculum, sed in temporis spatio; nec in eo quod vicerit ut Deus, sed in eo quod vicerit ut homo, & propriis viribus. Ad quæ si nos putamus nos posse imitatione pertingere, & virtute nostrâ ea facere quæ ex sola omnipotentia fluunt Salvatoris, non erit hoc Christum imitari, sed Deum tentare atque lacerare. Istorum unica est eaque universalis Regula, Actus omnipotentiae in honorem & laudem Salvatoris esse celebrandos, non imitationi subijciendos; cum inter infirmitatem & omnipotentiam nulla sit proportio; & si inter exemplum & exemplatum nulla sit proportio, nulla potest esse imitatio. Hic ordo secundus, Eorum quæ in isto opere fuerunt Miraculosa.

Postremò, in illo opere sunt nonnulla Heroica, motu Divino suscepta & perpetrata; quod se sponte suâ huic certamini commiserit, quod in Eremitum, quam tentationis locum præcivit, se receperit, quod iter ex professo carpsit *eis τὸ πρῶτον ἀγῶνα*, ut Theoph. loquitur, ad maximum omnium certamen cum maximo omnium hoste ineundum. Hæc Christum maximè decébant, qui plenus Spiritu Sancto reversus est à Jordane, & à Spiritu Sancto ductus est in hanc palæstram. At nobis non licet esse tam intrepidos, vel magis ad exitium præcipientes; nè, ut suprâ ex Augustino monui, dum perperam sequimur exemplum Christi, despiciamus præcepta Christi. Apud S. Paulum lego, Rom. 15. 4. quod *Quaecunque scripta sunt, ad nostram doctrinam scripta sunt, ut per patientiam & consolationem Scripturarum spem habeamus*: at nusquam lego, Quaecunque scripta sunt in nostrum exemplum scripta esse, ut per audaciam & abusum Scripturarum se quisquam periculis objiceret. Agnosco verissimum esse quod ferè solet, *Quod omnis Christi actio est instructio nostra*; at non vicissim sequitur, Ut omnis ejus actio sit imitatio nostra; si omnis potest esse nobis documento, at non omnis potest esse exemplo. Sunt quædam majora opera quàm ut possint, alia discriminis pleniora quàm ut debeant in similitudinem duci. Quod S. Hieronymus observavit, in Ephes. 5. 1. *Aliud est, inquit, imitari Christum secundum hominem, aliud secundum Deum*. Secundum Deum in aliquibus licet, *Estote misericordes, sicut Pater vester misericors est*, Luc. 6. 36. *Estote perfecti, sicut Pater vester celestis perfectus est*, Mat. 5. 48. *Estote sancti, quoniam ego sanctus sum*, 1. Pet. 1. 15. At vice versâ tamen, secundum hominem in aliquibus non licet; non in Miraculosis actibus, non in Heroicis; quia habet imitatio recta regionem propriam, & quasi scalam sive sphaeram activitatis, in qua se contineat. Ad eam scalam Christi Heroica & Miraculosa non pertinent: adeoque miserrimum omnium est hoc Pontificiorum diverticulum, quo dicunt, Vitam eremiticam Christum invenisse, manu suâ tradidisse, exemplo suo commendasse, comprobasse, denique & hoc secessu suo Eremitarum & Anachoretarum statum instituisse. At tria tamen sunt quæ eos meminisse oportuit; aut, si obliti fuerint, permitturos se spero ut me monitore audiant. Primum est, quod hæc unica tantum vice in deserto commoratus est Christus. Concessit eò aliquoties ut oraret, ut delitesceret, ut Deo, ut seipso fruëretur; non permanfit nisi hoc tantummodo tempore: atque nunc quidem non annorum, non mensium contraxit spatia, sed quadraginta dierum; non quantum sufficeret vitæ, sed militiæ; nec

mento: quando Petrum Apostolum iussit ut tributum persolveret, quòd sibi pelagus tributarium fecerit, & in ore piscis staterem sive videntur sive procuderit, nescio quid primùm mirer, præficientiam, an magnitudinem; sed quòd ad vitandum scandalum censum indebitum dare voluit, cum liber esset, & extra legem, & Rex universi, in hoc nobis obsequii specimen reliquit & patientiæ: postremò, ut compendio dicam, cum quinque panibus tot hominum millia saturavit; quòd cibus in ore edentium crescit, & dum frangitur, dum dividitur, dum editur, eò magis cumulatur, quòdque, ut S. Augustinus loquitur, *facto inter panes & homines certamine, panes vincunt, & homines superantur, quia panes crescunt, & homines deficiunt*, opus inauditum est & mirabile, quod in potestatem nostram & imitationem non cadit; at quòd esurientis turbæ est miseris, quòdque ab *εὐλογία* mensæ initio sumpto, *non prius discumbitur quam oratio ad Deum prægustatur*, ut Tertullianus optimè, hæc humilitatis & sanctitatis officia imitationi nostræ subjacent, & sunt Moralia miraculo agglutinata. Hoc caput est ultimum, Actionum Mixtarum; in quibus omnibus secernere oportet Morale à Miraculoso, & nobis quod nostrum est arripere: nam quod Morale est nostrum est, & imitabile; quod Miraculosum, inimitabile, & Christo proprium.

August. l. 1. De
consens. Evang.

Tertull. Apol.
cap. 39.

His ita constitutis, nullius erit negotii præsentem de Imitatione secessus Christi quæstionem ex istis præmissis lucidè & breviter definire; si modò in hoc Christi opere tres istos Actus appositè distinguere possimus, & illud quod Morale est ab Heroico & Miraculoso segregare.

Inprimis, in hoc Secessu sunt nonnulla Moralia; quòd baptizatus & Filius Dei declaratus mundi voluptatibus valedixerit, quòd se ad ministerium jejuniis & orationibus præparaverit, quòd jejuniis & orationibus locum secretum elegerit, ut & Deo magis vacaret, & hominibus minùs innotesceret: hæc singula non modò licet, sed oportet ad imitationem transferre, cum in iis luceant humilitatis, devotionis, pietatis, & mundi contemptus non obscura vestigia: neque ulterius progrediuntur interpretes Pontificiis saniores, Stella, Janfenius, Abulenſis. Hoc factò docemur, inquit Stella, *quòd si volumus adversus Satanam dimicare, debemus mundum relinquere: similiter & Janfenius, Docere nos voluit, si Spiritu Dei imbuti sumus, debere nos subducere à tumultu vitæ carnali, & rerum Divinarum contemplationi insistere*: denique & Abulenſis, in Matth. 4. qu. 5. *Exemplo hoc Christus docet quòd prædicator interdum, imò multum, se abstrahere debet à conversatione populi, ne populi mores contrahat, & familiaritas nimia contemptum pariat*. Euge, optimè, subscribimus, approbamus: Corollariis istis nihil certius nihilque perceptius, quia firmissimo nituntur fundamento; Debere nos & tutò posse in Christo imitari, primùm, quicquid nostri ad Christi in nobis imaginem renovandum necessarium esse dignoscitur, deinde, quicquid Christi in Scripturis imitandum proponitur, adhuc, quicquid virtutis in statu ordinario Viatoris passim exercuit, denique, & quæcunque in factis Christi extraordinariis & miraculosis emicant documenta virtutis & pietatis. In istis sequi eum oportet, quamvis sit, ut Theophylactus in Joan. 13. loquitur, *οὐκ ὁμοιωτέον*, & à longinquo. Quòd si in istis, etiam in Secessu, quantum attinet ad devotionem, humilitatem, abstinentiam & mundi contemptum; hæc enim sunt Moralia Secessus, Heroicis & Miraculosis temperata. Hic, inquam, est ordo primus, videlicet Moraliū.

Secundò, in illo Secessu sunt nonnulla Miraculosa, quòd sanctissimum corpus suum tot dierum intervallis absque cibo factum tectum servaverit, quòd

quòd principem tenebrarum Marte suo roboreque proprio quàm Filius hominis vicerit. Ad hæc nemo est nostrum qui possit viribus suis aspirare. Jejunare ad nos pertinere, ad nos etiam vincere: at tot dierum spatium prorsus à cibo abstinere nemo ex se potest, nisi laxamenta dederit; & tantum hostem nemo ex se superare manu propria, nisi in nobis, pro nobis pugnando, nos Christus corroboraverit. Ergo non simpliciter in jejunio est miraculum, sed in temporis spatio; nec in eo quòd vicerit ut Deus, sed in eo quòd vicerit ut homo, & propriis viribus. Ad quæ si nos putamus nos posse imitatione pertingere, & virtute nostrâ ea facere quæ ex sola omnipotentia fluunt Salvatoris, non erit hoc Christum imitari, sed Deum tentare atque laceßere. Istorum unica est eaque universalis Regula, Actus omnipotentiae in honorem & laudem Salvatoris esse celebrandos, non imitationi subijciendos; cum inter infirmitatem & omnipotentiam nulla sit proportio; & si inter exemplum & exemplatum nulla sit proportio, nulla potest esse imitatio. Hic ordo secundus, Eorum quæ in isto opere fuerunt Miraculosa.

Postremò, in illo opere sunt nonnulla Heroica, motu Divino suscepta & perpetrata; quòd se sponte suâ huic certamini commiserit, quòd in Eremitum, quam tentationis locum præscivit, se receperit, quòd iter ex professio carpsit eis τῆς καὶ ἀγέλης ἀγῶνα, ut Theoph. loquitur, ad maximum omnium certamen cum maximo omnium hoste ineundum. Hæc Christum maximè decébant, qui plenus Spiritu Sancto reversus est à Jordane, & à Spiritu Sancto ductus est in hanc palæstram. At nobis non licet esse tam intrepidos, vel magis ad exitium præcipites; nè, ut suprâ ex Augustino monui, dum perperam sequimur exemplum Christi, despiciamus præcepta Christi. Apud S. Paulum lego, Rom. 15. 4. quòd *Quaecunque scripta sunt, ad nostram doctrinam scripta sunt, ut per patientiam & consolationem Scripturarum spem habeamus*: at nusquam lego, Quaecunque scripta sunt in nostrum exemplum scripta esse, ut per audaciam & abusum Scripturarum se quisquam periculis objiceret. Agnosco verissimum esse quod ferè solet, *Quòd omnis Christi actio est instructio nostra*; at non vicissim sequitur, Ut omnis ejus actio sit imitatio nostra; si omnis potest esse nobis documento, at non omnis potest esse exemplo. Sunt quædam majora opera quàm ut possint, alia discriminis pleniora quàm ut debeant in similitudinem duci. Quod S. Hieronymus observavit, in Ephes. 5. 1. *Aliud est, inquit, imitari Christum secundum hominem, aliud secundum Deum*. Secundum Deum in aliquibus licet, *Estote misericordes, sicut Pater vester misericors est*, Luc. 6. 36. *Estote perfecti, sicut Pater vester cælestis perfectus est*, Mat. 5. 48. *Estote sancti, quoniam ego sanctus sum*, 1. Pet. 1. 15. At vice versâ tamen, secundum hominem in aliquibus non licet; non in Miraculosis actibus, non in Heroicis; quia habet imitatio recta regionem propriam, & quasi scalam sive sphaeram activitatis, in qua se contineat. Ad eam scalam Christi Heroica & Miraculosa non pertinent: adeoque miserrimum omnium est hoc Pontificiorum diverticulum, quo dicunt, Vitam eremiticam Christum invenisse, manu suâ tradidisse, exemplo suo commendasse, comprobasse, denique & hoc secessu suo Eremitarum & Anachoretarum statum instituisse. At tria tamen sunt quæ eos meminisse oportuit; aut, si obliiti fuerint, permissuros se spero ut me monitorè audiant. Primum est, quòd hæc unicâ tantum vice in deserto commoratus est Christus. Concessit eò aliquoties ut oraret, ut delitesceret, ut Deo, ut seipso frueretur; non permanfit nisi hoc tantummodo tempore: atque nunc quidem non annorum, non mensium contraxit spatia, sed quadraginta dierum; non quantum sufficeret vitæ, sed militiæ; nec

quoddam habitaculi nomen imponeret, sed recessus. De reliqua vitæ parte, publica erat prorsus atque politica, si quod in omnibus cœlestis fuit politicum est dicendum. Nam revera à nullo hominum genere, à loco nullo, nullo confessu se retraxit; sed semper erat aut in medio populi, aut sacerdotum, aut peccatorum, aut discipulorum, vel in ædibus, vel in plateis, vel in viis, vel in Synagogis. Quid dicam amplius? Si vitæ solitariae exemplum posuisse eum largiamur, non sequitur ordinasse; aliud est Agere, aliud Instituire. Si concedamus instituisse, at ipsi tamen & ab instituto & ab exemplo Christi exorbitant; etenim Christus ad tempus solummodo se subduxit, Monasticæ vitæ votum est perpetuum. Hoc primum est Commonitorium, & prima Discrepantia, viz. Temporis & durationis, Christus aliquantisper se retraxit, isti jugiter.

Commonitorium secundum hoc est, Quod Spiritus Sancti ductu in Eremum se Christus contulit: *Agebatur à Spiritu*, inquit S. Lucas; *Ducebatur*, S. Matthæus; *Pellebatur*, S. Marcus, & *ἐκείνην ὥραν ὁ πνεῦμα ἐξήγαγε αὐτὸν εἰς ἔρημον*, Spiritus eum expulit. Evangelistis facile fuit dixisse, *perrexit in desertum, profectus est in desertum*: sed ab his deditur operâ abstinuerunt vocabulis, & Christum introducunt, *ὁ δὲ ἀνέστη, καὶ ἀναχώρησεν*, ut Chrysost. loquitur, *non ultra abeuntem, sed à Spiritu Sancto subvectum*; actus est, ductus est, pulsus est à Spiritu. Non quasi invitus processerat, & motu non suo; nam in eo quod dicitur *sancto Spiritu duce*, idem est, inquit B. Cyprianus, *ac si diceretur, suo spiritu duce*. Non quasi tunc primum Spiritus Sancti ductum habuerat, qui in omnibus operibus se Spiritu plenum ostendit: sed actum & pulsus Spiritu Evangelistæ dicunt, ut extraordinarium impulsus Spiritus significarent. Quid autem est pulsus extraordinarius, nisi quod prius dixi Motum Heroicum? Spiritu Sancto agi est motus ordinarius, de quo Apostolus, Rom. 8. 14. *οἱ υἱοὶ τοῦ θεοῦ οὗτοι εἰσὶν οἱ ἀγαπῶμεν, οἱ ὁποῖοι κατὰ τὸ θέλημα τοῦ θεοῦ ἡγουμένται*, quicumque Spiritu Dei aguntur, sunt filii Dei: at Spiritu Sancto impelli motum sublimem designat, h.e. Heroicum. Summa est, Christum non nisi à Deo vocatum in desertum exiisse, nec sine summo impulsu Spiritus Sancti. Hos impulsus, hanc vocationem Eremicolæ non habent, sed suo cerebro & proprio spiritu ducti illuc se recipiunt. Equis verò est qui hæc inter se cohærere affirmabit, aut eadem autoritate id fieri quod motu humano suscipitur & quod impulsu Divino? Hoc secundum est Commonitorium, de secunda Discrepantia, nimirum Principii moventis.

Commonitorium tertium sit illud, Quod in desertum se Christus recepit ex constituto ut cum Satana dimicaret, & ut Evangelistæ verbis utar, *ut tentaretur à diabolo; eo ipsissimo fine ut diabolum sollicitaret*, dicente Ambrosio: quod idem à S. Chrysostomo & Theophylacto est observatum; *Egressus est*, inquit Theophyl. *ἵνα δώσει λαλῆσαι τῷ διαβόλῳ τὸ ἐνεδύει αὐτὸν*, ut ansam diabolo daret sibi insidiandi. Ergo non est nobis in exemplum trahendum, ut viribus nostris confisi in tentationis locum temere irruamus. Hoc illud est quod vix ab aliquo interprete est prætermisum, Non oportere nos præcipienter in tentationes insilire, sed magis declinare & fugere. Atque si tentationes ipsas effugere volumus, tentationis locum oportet ut devitemus, quia tunc nos maximè diabolus aggreditur cum in suo invenerit, & solos viderit, atque ab aliis segregatos. Hoc tertium est Commonitorium, & Discrepantia tertia, quæ est de Proposito & consilio secedentium. Pontificii se in Eremum proficisci prætendunt ut tentationes devitent; at Christus hunc locum seligit ut tentationibus pervium: sic factum optimum malè intelligendo in suum pessimum detorquent. Quod de Cleombroto M. Tullius tradit, Eum cum libros Platonis, quibus Animæ immortalitatem astruit, relegisset, seipsum ex sublimi faxo præcipitasse, ut citius ad beatorum

Ambr. Ser. 35.
De jeju. Domini.

in Tusc.

rum cœlum perveniret; quo factò nihil potuit esse insulsius, quàm per funestam mortem aditum querere immortalitati. Et quod apud Lucianum de Neantho Pittaci tyranni filio scriptum accepimus, quòd cum Orpheæ Thressæ mulieres dilaniassent, & in Lesbo in templo Apollinis lyram ejus suspendissent, Neanthus de Orphei lyra magna & incredibilia audiens, quòd ejus tactu feras demulisset, quòd arbores & saxa movisset, amore summo captus est lyram habendi, atq; pecuniâ corrupto æditiò; eam secum abstulit, aliâque supposuit; mox eam adeptus, pulsare incipit, & chordas turbare; sperans fore ut divinum aliquod carmen percussæ fides redderent, quo cunctos ad sequelam alliceret. At res aliter cecidit quàm sperabat, etenim dum hæc agit, vicini canes strepitu excitati coeunt, ac infelicem illum citharœdum discerpunt: quod ipsum solum cum Orpheo commune habuit, deliramento tanto mercedem dignissimam. Historiâ recitatâ, magno non opus est conatu ut possim eam præsentî negotio attemperare: quis enim est qui primâ fronte non videt quàm aptissimè quadret Neanthi illud de lyra Orphei cum recentiori Pontificiorum de Eremo Christi communi omnium, sed temerario, judicio: & *plus tamen habet in recessu quàm in fronte*, ut Fabius de Literatura dixit; quia judicium simile eventus similis subsequitur. Cum enim è Sacra Pagina discant, Eremi solitudinem victoriis Christi aliquando celebrem existisse, quòd illic trophæa sacra suspenderit; & partem aliquam vitæ, utcumque minimam, cum feris transegerit; amore statim cæco rapiuntur, ut Cleombrotus Platonis lectione, in Eremum transmigrandi. Verùm contra spem res evenit. Namque ut Cleombrotus ille ex vana spe immortalitatis immortalitatem perdidit, & Neanthus, dum bestias demulcere desideravit, à bestiis est lacinatus; quia Orphei lyram habuit, non Orphei digitos & peritiam, fiduciam artificis, plectrum idiotæ: itidem & illi, dum in solitudine nescio quas beatitudines & immortalitatem falsam somniant, & magno sibi contra carnis & Satanae stratagemata victoriarum triumphos pollicentur, eò magis tentationum & laqueis se exponunt, & remediis expoliant; quia Christi Eremum fortasse consequuntur, at Christi non habent spiritum, & hoc solum cum Christo commune, quòd in Eremum secedunt. Desinant igitur aliquando aut pompam Eremiticam ostentare, aut saltem inventis suis sanctissimum Christi nomen exemplumque prætexere. Exemplo Christi nulla est ad perfectionem via compendiosior; sed si vivis coloribus, & rectis lineamentis, & non erranti calamo transcribatur. Nihil est quod Beatissimo Salvatore nos arctius aut intimiùs conjungit quàm imitatio; sed si sit legitima, & filis nostro captui accommodis intertexta. Nos omnes idem profitemur, & juxtâ cum illis sentimus, *Christiani hominis esse*, ut S. Bernardus loquitur, *de argente pennas suas in Christi conversatione, ut sancti martyres laverunt stolas in passione*. At interea non audemus vel sanguinem non suum exhaurire ad lavandum, vel exemplum non nostrum exprimere ad imitandum. Sanguinem non suum Sanctorum Merita appello; exemplum non nostrum, quod non est modulo nostro attemperatum, videlicet, quod non inter Moralia Christi, sed inter Miraculosa recensetur. Hujus characteris est ejus in Eremi arenam descensus: opus quantum ad suspensionem heroicum; quantum ad exitum & victorias miraculosum; quantum ad appendiculas moralia quædam habens annexa, in quorum ambitu imitationis nostræ ratio est circumscribenda. Alioqui si has metas transiliamus, & eremitismi, sive puri sive corrupti, incunabula ab Eremo Salvatoris deducamus, firmamentum ejus corrumpi necesse est: ut quamvis de Monachatus abusibus & substitutionibus, quamvis de falsa & multùm jactata origine, quamvis de corruptissimis alumnis & cultoribus ejus taceamus, sint religiosi, sint opti-

mi, sint bono Ecclesiæ nati, fumosas habeant imagines; at puerile est & absonum ab exemplo Christi in Eremum secedentis Ordinis origines deducere. Ad primæ quæstionis investigationem hæc sufficiant, Exemplo hoc suo Salvatore Monachatum nec commendasse, nec comprobasse, nec instituisse.

Secunda restat, quæ ad Monachatus Excellentiam pertinet; An hoc posito, quoddam exemplo instituerit Christus, an sit etiam status vitæ in quo Christum sequamur perfectissimus. Sed de hac die sequenti est agendum.

LECTIO IV.

In Desertum.

IN vita Sanctissimi Salvatoris etsi fuerunt omnia maxima & valde memorabilia, at sunt nonnulla eminentioris notæ, quæ sæpius sunt ante oculos ponenda, velut insignia quædam & memorialia. Hujus generis sunt quæcunque prima & ultima, sive dicta sive facta ipsius, in quocunque genere, Concio prima, Disputatio prima, Miraculum primum; Cæna ultima, Verba ultima, Valedictio ultima: & istis adjici possunt clarissimi Tituli sive Capita muneris Mediatorii, Conceptio, quæ primum fuit naturæ quam assumpsit, Nativitas, quæ primum mundi cui se manifestavit, Circumcisio, quæ primum Legis quam implevit, Baptismus, qui primum Evangelii quod promulgavit; ex altera autem parte & ista occurrunt, Mors ejus, quæ ultimum fuit passionis, Resurrectio, quæ ultimum mortalitatis, Ascensio, quæ ultimum peregrinationis. De istis nemo est qui dubitat, quin ea omnia, prima cum sint & ultima Christi, & attentius cogitanda esse, & animis altius imprimenda, atque inquisitionem si venerint accuratius expendenda & enucleanda. Quæ cum ita sint, non est quoddam à me quisquam tardioris incensus rationem exigat, cur in hujus quod tractandum susceperim argumenti limine tamdiu hæream; cum pro se ipsa operis inscriptio loquatur, maximè omnium memoranda & in utroque ordine collocata, Tentatio Christi. Quoddam si quæ prima fuerunt Salvatoris honorem aliquem sibi vindicare possunt, aut memoriam aliquam sui excitare ea quæ ultima, Tentatio multò magis, quia utroque nomine gaudet, erâtque & Tyrocinii ipsius pars ultima, & prima Militiæ; vitæ domesticæ & sedentiariæ gradus ultimus, vitæ activæ & asceticæ primus. Quocirca ut Menelaum Orestes alloquitur apud Euripidem,

Ὁ μῦθος ὁ μακρὸς μακρῶν τιμῶν,

Oratio nulla est longa, si sit de rebus maximis:

id ego ad arbitrium vestrum refero, spem certam nactus, vos idem de hac causâ habituros esse judicium, eam, cum sit omnium maxima, & Christianæ consolationis fiduciæque plenissima, verborum copias ubertatēque deposcere, & disputationem compositam multisque lucubrationibus commentatam, quam cerrè, nisi ipsa rei necessitas mihi manum injiceret, libenter defugerem. Sed nescio qui sit, quoddam dum verba rebus permitto, & quæ res duxerit sequor, in multarum quæstionum molestias subito abripior, ex rerum copia verborum copiâ renascente. Hoc igitur solum superest, ut rerum ductum verborum series nativis vestigiis subsequatur; & juxta quæstionum ancipites vias

vias disputationis cursus de integro figuretur. Et quia de Origine vitæ Monastica superius monstravimus, Non habere eam à Christi secessu in desertum vel minimam similitudinem;

Pergamus nunc porro ad partem alteram, quæ ad Excellentiam ipsius spectat, ut videamus, An hoc concessio, quod exemplo suo Monachatum Christus comprobaverit, an, inquam, eodem suo exemplo hunc vitam statum ut perfectissimum sequacibus quibuscunque commendatum reliquerit. Ad hanc disceptationem instituendam non solum veritatis, sed necessitatis ratio nos revocat: nam fœvera Pontificii pro more suo insolentiùs gloriari non desistunt, supremum perfectionis apicem in Monachatu constitutum fore: quæ si sit proba & veritate fundata sententia, nostra erit deplorata vitæ conditio, utpote quæ tam procul abest à spe perfectionis quantum distat à Monachatu. Idcirco ut prolixam & involutam causam breviter & dilucidè expediam, quod ejus possit esse facilius solutiùsque enodatum, ad tria disquisitionis Capita rem totam perducam, Quis Status Quæstionis in genere, Qui Termini in specie, Quæ Definitio ex utrisque emergens. Priora duo erunt velut Apparatus & *aportu quondam* tertium totius rei, trutinatis utrinque rationibus, resolutiva Decisio.

Quod primum in disquisitionem venit est Status Quæstionis in genere: in quo quidem utrunque non eodem se semper modo Pontificii explicant, sed castigatiùs aliquando loquuntur, aliquando intemperantiùs; at nihilo secius tamen, detractâ larvâ, non erit arduum ostendere quod in eodem omnes errore versantur, quodque non parùm exorbitant etiam cùm custodiè & cauè agere videantur. Qui cautiùs sese gerunt, Monachismum collocant non in genere Perfectorum, sed Perfectibilium; & ob hoc distinguere solent inter Vitam perfectam & Statum perfectionis; & adhuc, inter Perfectionem adeptam & Perfectionem adipiscendam; & adhuc, inter Perfectionis culmen & Perfectionis media sive adjuncta; neque appellare se Vitam perfectam Monachatum dicunt, eò quod perfectionem in se contineat, sed quia ad acquirendam perfectionem sit via omnium optima atque expeditissima. Sic Cardin. Bellarminus, l. 2. De membris Ecclesiæ militantis, c. 2. *Religio est status hominum ad perfectionem Christianam per tria vota tendentium*: & Joannes Gerson, Contra Assertiones Matthæi de Grabon parte primâ, *Non perfectionem dicit hic status acquisitam, sed acquirendam*: & Cllichtoveus etiam, De laude Monast. Religionis, c. 6. *Fejunia, Vigilia, Meditatio Scripturarum, & Privatio facultatum, non ipsa perfectio sunt, sed perfectionis instrumenta; nec in ipsis consistit disciplina finis, sed per illa devenitur ad finem*: neq; enim est omnis Religiosus perfectus, sed viam ingreditur quæ ad sublimitatem perfectionis tandem provehatur. Ante omnes Aquinas, ex quo hauserunt reliqui: ipse in 2. 2. hæc sæpius repetitas Conclusiones exhibet de Monachatus perfectione, *Quod habeant statum perfectum, etsi vitam perfectam non semper attingant*; *Quod non profitentur se ipsos esse perfectos, sed ad perfectiorem tendere*; *Quod Monachatus est institutum sive disciplina perveniendi ad perfectionem charitatis*; *Quod est spirituale quoddam exercitium, ad Christianam pietatis perfectionem consequendam longe convenientissimum*; *Quod denotat statum perfectionis ex intentione finis, non quasi sub ea viventes essent perfecti, sed in proposito perfectionis*. Quod si hic se sisterent, serendi fortassis essent, atque nos haberent, etsi non consentientes in omnibus, at non adversarios tamen: Non adversarios, quia de levioribus non volupe est contendere; non consentientes, quia non possumus usquequaque iis consentire. Non in illo, quod Monachatum aiunt medium & instrumentum ad perfectionem convenientissimum, cùm in multis sit impedimento, atque in omnibus à

perfectiōne longius distet, vel ipsorum sententiâ, quàm Episcopatus. Non in illo, quod inter Statum perfectum & Vitam perfectam discernant, hoc nomen *Status* ad Ordinem Ecclesiasticum & Voti obligationem restringentes; cùm tamen Status rei nil aliud sit quàm ipsa rei conditio & natura, & Status vitæ nil aliud quàm solitus vitæ tenor, Professio & Vocatio cuiuscunque, sive Sæcularis sit sive Ecclesiasticus, sive in Ordine sive extra Ordinem. Postremò, non in illo, quod Monachos sese pròfiteri asserunt perfectos non esse, sed tantummodo ad perfectiōnem tendere: cùm tamen ipsis nihil sit in ore frequentius quàm omnium quotquot uspiam sunt hominum, se esse perfectissimos; & aut perfectissimos, aut nullos. Inter hæc quis est qui non videt hæc mera esse aurium oculorumque ludibria, atque ad fallendum hostem consutos dolos? Non enim sunt sui similes, aut in una sententia manentes. Utcunque Aquinas & Gerson non ultra antedictam sententiam proficiscuntur: at verò Clichtoveus, eodem ipsissimo capite, oblitus sui, *Monachatum viam esse dicit quâ ad sublimitatem perfectiōnis provehantur*; & eodem libro Bellarminus, c. 39. vitam eremiticam non modò sanctam & perfectam esse asserit, sed *culmen & fastigium vitæ religiois*; quod eodem recidit ac si dixisset *perfectissimam*, vel, ut Anglo-Rhemeneses, in Matth. 19. diserte loquuntur, *Magna perfectiōnis professiōnem*. Quid plures memorem? Imò quidnî memorem? Etenim exilia sunt ista ad ea portentosa hyperbata quibus Franciscus, Bernardinus & Hieronymus Platus uruntur. Franciscus pater chori eò processit audaciâ, ut regulam suam, recitante in Apparatu Posservino, appellare sit solitus *Librum vitæ, spem salutis, medullam Evangelii, viam salvatiōis, scalam cæli, clavem paradisi, & æterni fœderis pactum*. Deinde Bernardinus in Rosario, parte secundâ, Ser. 27. Monasticum statum, *statum maximè meritorium* non veretur dicere, cùmque qui vim habet Baptismi, & qui sit Martyrio potior, utpote spirituale & longum & continuum Martyrium; ad hæc, *paradisum terrestrem, vineam & hortum Dei, per cælum Crystallinum, imò Emphyreum, figuratum; & propter hoc*, inquit, *Monachi atque Sanctimonialiales soli sunt & verè perfecti, quia non pro suis tantum peccatis, verùm etiam pro fundatorum & aliorum benefactorum peccatis satisfaciunt, & magis merentur in quacunque etiam minima bona operatione quàm seculares in maxima*. Quod si hæc non satis sint hyperbolica, audiamus Platum, lib. 2. De bono statu, cap. 9, & 10. *Monachus quid aliud est quàm egregia quedam corona, & aurum diadema ex omni gemmarum atque uniorum & margaritarum genere compactum? vita Apostolica, cælestis, angelica, multò supra universa alia vita genera, etiam ipsum Episcopalem Ordinem: quia Episcopalis status est perfectiōnis aliena, perfectioris potius quàm perfectus, quia ad alios perficiendos dirigitur; at Monachorum ordo habet perfectiōnem propriam, estque verè status perfectorum, quia professores suos configurat Christo, & Angelis similes facit, dissimiles hominibus, & tales de presenti quales in resurrectione futuri sunt omnes electi; ut rectè dici possit, Nil aliud Religiosum esse quàm perpetuum miraculum, & quot ubique sunt Religiosi, totidem esse miracula, cùm eorum vita ad miraculum usque sit perfecta*. Hæc ille. Ex quibus jam res est in confesso quanta habeant in veneratione vitam monasticam, & quàm sophisticè agant cùm inter ipsam perfectiōnem & perfectiōnis media atque instrumenta distinguunt; non quod existiment à summa perfectiōne abesse vitam monasticam, sed ut nos ab iis quæper se clara sunt præstigiis quibusdam & captivibus verborum depellant. Cùm se apud plebem venditare, cùm rudes ac ignaros adolescentulos laqueis involvere, cùm privilegia sua asserere, cùm in aliorum contumeliam dignitatem suam extollere volunt, jactant se esse in statu perfectio-

perfectionis Apostolico, cœlesti, Angelico: cum propius urgentur quàm ut inanem hanc arrogantiam tueri queant, velut cucullati Sophistæ, ad istum cuniculum suffugiunt, Se nondum perfectionem esse assecutos; in eo tamen statu esse, quo ad ipsam præ aliis aspirent. Interim manet illa in plebe admixta, quasi sola Vita Monastica sit Angelica, perfecta, & ab omni vitio repurgata. Ad Statum quæstionis hæc possunt sufficere, Juxta communioem Doctorem sensum Monachatum verè esse vitam perfectam. At ego præteribo tamen, & quia omnes non dicunt, quasi non dictum reputo; ac perinde cum illis agam, ac si nihilo plus suæ Professioni tribuerent quàm ut status sit optimus adipiscendæ perfectionis.

Hic cardo causæ, ex hoc totatè pendeat. Nos enim contrà tendimus, obstitimus, reclamitamus, Tam longè abesse Monachismum à vita perfectissima, ut non sit vita cæteris perfectior, neque in via proxima, neque medium maxime idoneum aut conducibile ad perfectionem consequendam.

Absolvi caput primum, de Statu Quæstionis in genere. Accedo ad secundum, de Terminis Quæstionis in specie: Termini explicandi duo sunt; Quid per Monachatum, Quid per Vitam perfectam sit intelligendum.

Pars prima est, ut videamus quid ipsi per hæc verba *Monachus & Monachus* intelligant. Opinor ea omnibus cognita esse nomina, quòd Monachus sit alumnus aut discipulus; Monachus, ipsa Professio vitæ sive Cœnobitica, sive simpliciter solitaria. At verò in istis nominibus non conquiescunt, verùm & in scriptis, & in sermone etiam usitato, pro *Monachis*, *Religiosos* scribunt, pro *Monachismo*, *Religionem*; ut in Disputationibus suis centies invenias *Religiosi* nomen, & quàm rarissimè *Monachi*. Sic hanc quæstionem Aquinas instituit: non hoc modo, *Utrum Status Monachorum sit perfectus*; sed hoc, *Utrum status Religiosorum sit perfectus*. Sic loqui constanter solet, *Religio est status institutus ad perfectionem*; *Religio est disciplina perfectionis*; *Religiosi hunc statum perfectionis profitentur*. Sic ipse Bellarminus, & omnes Scholastici Polemicique scriptores; prorsus quasi ad Claustrorum crepitum pietas reliqua facesseret, & religio nulla esset extra Cœnobium, nec virtutum corona alia præter Tonsuram, neque aliud insigne sanctitatis quàm malarum artium quotidianum operculum, Cucullus. At intoleranda est hæc ludificatio, & in omnium Christianorum opprobrium excogitata, ut sibi solis arriperent hæc omnibus communia & nunquam satis honoranda vocabula. Ecquis est qui sustineat? ecquis qui non indignetur extorqueri è manibus suis *religionis & religiosi* nomina, & non modò è suis, sed ab ipsis sanctorum Prophetarum & Apostolorum & Martyrum memoriis, ut cucullo & pallio affingantur? Quòd si falsum hoc crimen dixerint, respondeant velim, erantne Apostoli Religiosi, an non? aut S. Stephanus reliquique purpuratæ cohortis invicti milites, non religionis causam egerint? Si non, ergò solvant religione totum populum Christianum. Si sic, quod novum est hoc commentum? quæ nova hominum religio, ut supra fidem Christianam sit aliqua religio, ut Christi fides vix sit religio dicenda, aut servi Jesu Christi religiosi? Quòd si rursus obtendant, Se non excludere à nominis consortio Christianos cæteros, sed prærogativam solam nominis Monachatus ascribere: Non ignoro hæc Aquinatem & Bellarminum prætexere. *Religiosi & alii dicuntur*, inquit Bellarm. De memb. milit. Eccles. l. 2. c. 3. *sed Monachi magis, quia se totos Dei obsequio mancipaverint, quòdque ad ipsius cultum sub voto se obligant: quòd se totos & sua omnia totaliter Divinis obsequiis dedicant*, inquit Tho. qu. 186. ar. 1. *quantumlibet communes habeant significationes Religionis & Religiosi nomina; at antonomastice & per excellentiam Monachi Religiosi dicuntur*. Absona hæc sunt & futilia.

Equis enim diffitebitur è Clericis multos esse, multos etiam ex Laicis, qui se totos Deo consecrant? Annon in Baptismo suo Christianus quilibet hoc ipso se voto obstringit? An Christianus est aliquis qui non hoc ipsum vovet? *A religando* nomen accepisse Religionem testatur Lactantius, sed quòd hoc vinculo pietatis Christiani omnes obstricti Deo sunt & religati. At illi novà nominis notatione excogitatà, extra Ecclesiam Dei in claustra amandatam curant, ut non jam ampliùs à *Religando*, sed à *Relegando*, dici posse videatur. Hinc natae illae quaestiones apud Scholasticos, quae à Tho. Aquinate (2.2.^{ae}, qu. 188.) & disputantur & definiuntur, *An una religio sit altera potior*; *An una tantum sit, an verò varia religiones*; *An cultus Dei sit religio, cum tamen religio, definiente Isidoro, nil aliud sit quàm cultus Deo à credentibus exhibitus*. Hinc illae apud Aquinatem Conclusiones, *Non una tantum, sed varia sunt religiones*; *Religio una est altera potior & perfectior*; *Religiones quaedam ad dilectionem proximi, quaedam ad dilectionem Dei pertinent*; & nescio quorū magni, sed sui, cerebri teretismata, vel magis tragelaphos. Quòd si porro dixerint, Non à se natum hunc abusum vocabuli, sed multis retroactis seculis cum ipso Monachatu germinasse: agant obsequatis tabulis, authores ostendant. Agnosco me hominem non multum lectione exercitatum, sed spondeo me non modò gratias, sed laudes ei acturum, easque maximas, qui ante Gratiani tempora in hunc significationis usum intromissum vocabulum ostenderit, ut Monachismus sit Religio, & Religiosus Monachus. Transivi aliquos veterum libros, volvi & revolvi commentarios, sed non reperio hanc sanctis Patribus fuisse consuetudinem loquendi. Apud Thomam & Bonaventuram occurrit saepissime; apud Humbertum Monachum, qui vixit circa annum 1263, nec non in spuris quibusdam scriptis sub nomine S. Francisci editis, qui circa annum floruit 1220. At ille homo simplex fuit, nec eloquens, nec eruditus, omnibus fatentibus. In Actis Concilii Toletani decimi, *Religionis habitum* lego, & *Religionis vestem*, & *sanctum Religionis propositum*; & in Toletano octavo, anno 653 celebrato, *Tonsuram Religionis*, & *Religionis debitam vestem*; & in Toletano tertio, quod post annum sexcentesium est habitum, *Religiosorum corpora*, & *Religiosorum officia*: sed vix credo inveniri apud aliquem ex antiquissimis scriptoribus Ecclesiasticis, aut si omnino, equidem quàm rarissimè. Non apud Hieronymum, Ambrosium, Augustinum, Sidonium, Gregorium, Isidorum Hispalensem; imò non apud ipsum Bernardum, Anselmum, aut Hugonem à Victoría. Apud Salvianum semel, l. 4. Ad Eccles. Catholicam, *Licet religionem vestibus similes, licet fidem cingulo adferas, licet sanctitatem pallio mentiaris*. Apud Sidonium bis occurrit, *Professione Religionis arrepta*, l. 4. Ep. 13. & Ep. 22. *Religio est professio, humilitas appetitui, mediocritas obscuritati*. Apud Anselmum, in Evangelicis Enarrationibus, c. 16. semel, *Populus honorificatus est catus Religiosorum*: sed per Religiosos Christianos intelligit, non Monachos; ita enim se explicat, *Populus honorificatus est multitudo fidelium*. Apud Bernardum De Praecepto & Dispensatione, semel, *Insignem Religionis habitum*. Apud Augustinum in Regula Clericorum, semel, (si modo ipsius sit liber) *Religionem*, inquit, ac *propositum suum illicitis actibus nequaquam maculent*: sed de Clericis loquitur, nequaquam de Monachis; etenim alibi, cum de Monastica vita loquitur, *vitam Canonicam* appellat, sicut & ipse Bernardus *Monasterialem disciplinam*. De Ecclesiae Graecanae Theologis quid dicam? & ipsi etiam in honore Monachos habuerunt; at à *Religionis* & *Religiosi* nominibus abstinerunt: nisi quòd à Philone & Dionysio *Depandoras* Monachos dictos Bellarminus observat; nam *Depandorus* est cultor, & *Depandoria* cultus. Verùm illa dictio ab

Essenis

Essentis est derivata, & cultorem non minùs supersticiosum notat quàm religiosum: neque in ullo Græcorum alio habetur. Habentur apud Patres Græcos, cùm πανηγυρικῶς loquuntur, non contemnenda de Monachatu elogia; τοῦ μόνιου ζωῆς Synodus Ephesina hanc vitam appellat; & πλεῖστον ποδῶν S. Basilii, & ἡγεῖν ποδῶν, & ἀγγελικῶν ἀγγελικῶν, angelicam vitam, cælestem conversationem, perfectionem spiritualem: sed de vita omnium loquitur, etiam eorum secularium, qui mundo abrenuntiant. Huc referre possumus & illa altera Basilii vocabula in Sermone De Abdicatione rerum, ubi Monachos appellat εὐλαβείας, quæ vox est etiam secundæ Synodi Nicenæ, Can. 18. πρὸς τῶν λεγομένων εὐλαβῶν, quidam eorum qui dicuntur Religiosi: & in Ser. De Institutis Monachorum, ubi statum solitarium τῶ σιωῦ βίῃ ἐπαγγελίαν, dicit, hoc est, ut Interpres vertit, Religiosa vita professionem. At verò σιωῦ ad summum nil aliud est quàm Sanctus & Venerabilis; & εὐλαβείας Religiosum non significat, nisi in sensu secundario: nam Sacra Pagina Religiosus Spiritus vocat, & Religionem Spiritualem, Act. 26. 5. Jacobi 1. 26, 27. & ipse Basilii Sermone quotidiano Monachos ἀσκήτας, quasi Exercitatores, vocat, & vitam Monasticam βίαν ἀσκήτων. At nunc apud Papicolas loquendi consuetudo adeò invaluit, ut vix alio nomine Monachus cognoscitur quàm Religiosus; vixque quicquam sit ad Monachum spectans quod non à religione trahat appellationem: nam & Cucullus Religiosus habitus dicitur, & Claustrum Religiosa domus, & Professio ipsa ipsa Religio; quasi ipsi se soli Deo devoverant, aut nemo Religiosus esse poterat nisi sit Franciscanus aut Dominicanus. Audaciam hanc observavit insignis ille Theologus Jo. Gerson, & ut superbiam hanc contunderet, in tractatu Contra assertiones Matthæi de Grabon, parte primâ, religiones huiusmodi falsitias vocat, improprie & abusive & arroganter sic dictas; atque addit præterea, Abusionem hanc esse, & usurpationem vocabuli solum & insanam, & hæreticam blasphemiam. Neque id sine causa quidem. Nam quanta, obsecro, injuria sit Sanctis Dei, quanta Deo ipsi, si omnibus vitæ generibus ab eo ordinatis, ejusque testimonio laudatis, commentitium nescio quod antefertur: aut quis hoc ferat, ut religionis nomen solenne & sacrum ad institutum speciale tam præcisè transferatur, ut idem jam sonent Monachus & Religio, Religiosus & Monachus?

Quibus sic positis, hanc mihi indulgeant, obsecro, libertatem, ut in hac tractanda quæstione, Religionis & Religiosi sanctioribus sepositis vocabulis, in eorum vicem nativa Monachus & Monachi nomina substituam. Etenim in Religione, velut omnium virtutum confluxu, vitam perfectam constitutam esse nullus dubito; ut quò quisque sit religiosior, eo & perfectior: In Monachatu nequaquam. Utantur igitur illi suis terminis, ego meis; ita erit in promptu solutio, Monachatum non esse statum vitæ perfectissimum. De quæstionis primo termino non est quod amplius addam.

De Vita perfecta restat ut nonnulla dicamus, est enim hic alter terminus ordine suo explicandus: atque explicatu vel maximè indiget, quia aliud est loqui de Perfectione Patriæ & beatifica, de qua hic non agitur; aliud de Perfectione Viæ & mortalitatis, quæ est Viatorum: & in hac, aliud est perfectum dicere simpliciter, & κατ' ἰδίαν: aliud τῷ ἡ, & ex hypothesi. In sensu posteriori perfectio est attingibilis, in altero nequaquam. Nostrium est utramque notionem examini subijcere.

Perfectionis prima notio est simplex & absoluta; sic illud Perfectum dicitur, desinente Philosopho, quod in nullo deficit, nec recipit additionem, nec ullâ caret particulâ eorum quæ pertinent ad naturam sui. Juxta has leges perfectam Christiani formam S. Greg. Nyssenus depingit, hoc modo,

Perfectus

Basil. ser. De abdic. rerum.

Arist. de Cælo
1. 2. c. 3.
Metaph. 4. 18.
Nyss. De perfecta Christiani
ni forma.

Off. 3. 2.
De vita con-
temp. 1. 9.

Perfectus est Christianus, qui talem se in omnibus præstat qualem requirit Christiani nominis excellentia. Pariter & secundum hanc normam vita perfecta est quæ à nullo Christiani hominis officio deficit, nec unquam de tramite pietatis vel tantillum deflectit; sed omnia & facit quæ facienda, & credit quæ credenda, & cogitat quæ cogitanda, & diligit quæ diligenda Christus mandavit. Hac illa est quam adversus Pelagium, l. 1. Hieronymus *perfectiorem Incomparabilem* appellat; Aquinas 2. 2. qu. 184. *perfectiorem charitatis omnibus suis numeris Absolutam*; S. Ambrosius *perfectiorem Plenariam*; *Perfectam perfectiorem* S. Prosper, & Fulgentius, lib. 1. ad Maximum; nos, *perfectiorem et id est, sive exsuperantiam*, quæ summum attingit gradum excellentiæ, ut non habeat ultra quod progrediatur. De hac cum eruditi loquuntur, unanimis est omnium consensus; Philosophorum, Scholasticorum, Patrum, ad has vitæ perfectæ metas neminem in hac carne mortalitatis aut pervenire posse, aut unquam pervenisse. Pro Philosophis Max. Tyrius loquatur, Diss. 5. *χαλεπὸν διψῆσαι χρυσὸν βίον, ἀλλὰ παντὶ ἀναγκασταὶ ἵδῃ εἶναι περὶ τὸ ἀρετῆς καλὸν*, Difficile est invenire vitam undiqueque perfectam, sed in unaquaque est deficientia aliqua à perfectione summa. Quod autem dicit *χαλεπὸν*, difficile esse, ex contextu apparet per difficile impossibile esse intelligendum. Neque hoc Plutarchum latuit, qui pro *χαλεπὸν* substituit *ἀδύνατον*, in lib. De puerorum institutione, ἐν ἀπασι τοῖς πλείστοις ἀδύνατον. Pro Scholasticis Aquinas, quia illum cæteri sequuntur, in 2. 2. qu. 184. ad art. 2. 2. *Cum vita Christiana perfectio in charitate consistat, & universalitatem quandam perfectio importet, in via non est perfectio absoluta possibile, quia nullius hominis effectiva secundum totum suum posse semper actualiter fertur in Deum, sed habent quantum ad peccata venialia perfectissimi aliquid imperfectum.* Pro Patribus Augustinus & Gregorius Magnus, quia illi ex omnibus sæpius in hac meditatione versantur. Greg. Mor. 18. 29. *Homines iusti quamdiu in hac carne corruptibili mortaliter vivunt, aurum quidem esse possunt, obryzum omnino non possunt, animam corpore aggravante.* Nam quamvis in hac vita ex magna iustitia claritate resplendant, nequaquam tamen ad purum peccatorum sordibus carent: & l. 5. c. 7. *Sæpe iustitia nostra ad examen Divina iustitiæ deducta, iniustitia est; atque ne parum dixisse videretur dicendo Sæpe, pro sæpe. Semper ponit, l. 21. c. 15. Sciunt sancti viri, quod omnis humana iustitia iniustitia esse deprehenditur, si Divinitus districtè iudicetur; & l. 8. c. 23. Quamlibet iustitiæ polleant, nequaquam sibi ad innocentiam vel electi sufficiunt, si in iudicio districtè requirantur; & l. 5. c. 23. Si districtum fuerit iudicium, nec ipsa perfectio nostra culpa carebit, nec ipsa rectitudo tortitudine.* Similiter & S. Augustinus non uno in loco; de Civ. l. 19. c. 37. *Ea est iustitia nostra in hac vita, ut potius remissione peccatorum constet, quam perfectione virtutum;* & c. 35. De Spiritu & Litera, *Sine exemplo est in hominibus perfecta iustitia;* & Ep. 29. *Plenissima charitas quamdiu homo hic vivit est in nemine.* In preclivi est ratio, quia nemo est qui Deum diligit non modò non tantum quantum est diligibilis, nam hoc nec ipsi Angeli faciunt, sed nec tantum quidem quantum est diligendus. Quid plura apponerem? cum una hæc sit cuiusvis sæculi constantissima confessio, eaque & Scripturis & rationibus & experientiâ comprobata, Sanctorum omnium, etiam Prophetarum, etiam Apostolorum vitas ad hos calculos & hanc exactissimam anullum revocatas, fuisse imperfectas: tum quia erant in statu Proficientium, habuerunt singuli aliquod ultra quod promoverent; tum quia in statu Peccantium, erat in cuiusque vita, velut in malo punico, aliquod granum putre, ut cum S. Jacobo dicerent, *In multis offendimus omnes*; tum etiam quia in statu Potentium, à Salvatore edocti ut incessanter

cessanter orarent, *Adveniat regnum, Fiat voluntas, Remittantur debita*: quæ singulæ sunt voces eorum qui ex parte cognoscunt, & ex parte credunt, diligunt, operantur; & quia ex parte, imperfectæ, si de hac perfectione plenaria loquamur, quæ in summo excellentiæ gradu constituitur.

Accepistis Perfectionis notionem primam, quæ quia à nemine acquiri potest, nullum habet in hac disputatione locum. Quocirca mittamus hoc sublime Perfectionis genus, & laxato rigore vocabuli, intueamur notionem secundam, quæ demum ex usu & indulgentia loquendæ vita sit *perfecta* appellanda. *Est quædam perfectio*, inquit S. Ambrosius, *quæ medius, non plenus numeros habeat*, hoc est, quæ non est perfectio plenitudinis, sed mediocritatis. Hæc sæpius occurrit in Sacra Pagina: *Sapientiam loquimur inter perfectos*; & *Ut exhibeamus omnem hominem perfectum*; &, *Quicunque perfecti sumus, hoc sentiamus*. In quibus omnibus de Perfectione Apostolus loquitur *quæ nostra competit fragilitati*, dicente Hieronymo: & hoc quidem sensu *perfectus status* dicitur & *perfecta vita*, cui nihil deest illorum quæ sunt ad conditionem salutis necessaria, quamvis in gradibus virtutum & gratiarum desint plurima. Hanc perfectionem Scholastici vocant *perfectionem secundam quid*, videlicet *Absoluta* contradistinctam; S. Hieronymus *perfectionem Imperfectam*; Semiplenam Ambrosius; nos *perfectionem Comparativam*, sive *Interpretativam*, quia non à se, sed à loquendi consuetudine perfectionis nomen obtinuit: ut quatuor modis *perfectus* quis dicatur, qui tamen sit imperfectus.

Amb. Of. l. 3.
c. 2.

Hier. adversus
Pelag. l. i.

In primis, *perfectus* dicitur qui cæteris eminentior, is cui minimum deest. De hac Salomon loquitur, Prov. 12. 26. *Excellentior est proximo suo iustus*; & Sanctus Moses, Gen. 6. 9. *Noah fuit vir iustus, & perfectus in generatione sua*. Signanter dixit *In generatione sua*, ut ostenderet non perfectionem consummatam habuisse, sed comparativam; quia in mala generatione & inter homines virtutis expertes ipsius sanctitas quasi lumen aliquod extinctis cæteris elucebat. Sic Jac. 3. 2. *In multis offendimus omnes. Si quis in verbo non offendit, hic vir perfectus est*. Quare autem *perfectus*? nimirum quia aliis antecellit, cum rarus sit & quasi avis alba qui linguæ lubricitatem cohibere possit. *Perfectus* igitur qui cæteris eminentior. Hæc significatio prima.

Deinde autem, *Perfectus* dicitur qui fatetur se imperfectum; quæ nulla est apud S. Hieronymum & S. Augustinum vocis significatio usitatio. Augustinus in Serm. 49. De tempore, *Ipsa est perfectio hominis, invenisse se non esse perfectum*; & in Psal. 38. *Aliter hic non potes esse perfectus, nisi scias te hic non posse esse perfectum*; & lib. De perfectione iustitiæ, *Si qua hic fidelium perfectio, in eo consistit ut se imperfectos cognoscant*. Pariter & Hieronymus, Ep. ad Ctesiphontem, *Hæc est hominibus sola perfectio, si se imperfectos esse noverint*; eodem modo quo *iusti* dicuntur, quando peccatores se fatentur. Hoc S. Paulus non nescivit, qui Col. 1. 28. sui muneris esse profitebatur, ut susteret omnem hominem perfectum in Christo Jesu; exinde ignuens, perfectionem nostram, sicut & iustitiam, in Christo sitam esse: ut quemadmodum iusti sumus, quando iniustitiam nostram consentientes ad Christi iustitiam nos recipimus; ita & perfecti etiam, cum imperfectionem nostram & corruptionem agnoscetes ad Christum confugimus, & illius perfectionem fide apprehendimus. Ea est significatio secunda, *Perfectus* est qui videt se esse imperfectum.

Adhuc tertio, *Perfectus* est qui sincerus & integer, qui verâ fide & mente simplicissimâ est Deo audiens; unde fit ut in Sacra Pagina duo hæc verba, *perfectus* & *rectus*, sæpissime jungantur, ut cognoscamus, in rectitudine

• cordis

cordis hanc interpretativam perfectionem consistere. Sic Psal. 37. 37. *Ob- serva perfectum hominem, & vide rectum, quia novissimum ejus est pax.* Sic Job. 1. 8. & 2. 3. *Numquid considerasti servum meum Job, quod non sit ei si- milis in terra, vir perfectus & rectus, timens Deum, & recedens à malo?* & Jacobi 1. 4. *Ut sitis perfecti & integri, in nullo deficientes, ἡδαιοὶ καὶ ἀόκλανε- ροὶ ὁλοκληρία* est integritas omnium partium rei alicujus, cum nulla pars est labefactata. Hanc integritatem qui habet, perfectionem habet; non quidem perfectionem Graduum, sed Partium; Statum perfectionis, sed non Statu- ram. Quemadmodum hoc nomen *Homo* est & ætatis nomen, atque sic qui- dem non est homo nisi qui adultus est, & annorum plenus; & est etiam no- men naturæ sive speciei, & hoc sensu infans est homo, quia partes humanas integras habet, quantumvis ad mensuram non adoleverit: ita & hoc *perfe- ctionis* vocabulum & incrementi nomen est; ut is solus *perfectus* dicatur cui nihil est reliquum ultra quod grandescat; & est nomen etiam veritatis sive entitatis, ut illi omnes perfecti censeantur qui recti sunt, & fide integri, & simplices corde. Hæc significatio tertia.

Ad extremum, *Perfectus* est qui semper in melius proficit, qui hoc inprimis curat, ut indies crescat & progrediatur in gratia & sanctitate. Sic Gen. 17. 1. *Ambula coram me, & esto perfectus*; hoc age, ut ad perfectionem possis aspirare: & Matth. 5. 48. *Estote perfecti, sicut & Pater vester caelestis perfectus est. Estote*, hoc est, properate, contendite, nervis omnibus anniti- mini; nam *proficientes bene dicuntur perfecti Viatores*, ut Augustinus loquitur. In hoc sensu S. Bernardus de perfectione nostra fidenter pronuntiat, *Neminem esse perfectum qui non appetit esse perfectior*; & Greg. Nyssenus, in libro De vita Mosis, *In rebus aliis, inquit, terminis quibusdam perfectio comprehenditur, at in virtute autem hinc opus est τελειοῦν καὶ μὴ ἔχειν ὅσον, unus est perfectionis terminus, ut nullus in ipsa terminus statuatur*: atque hæc de- mum nostra erit perfectio, *ἀεὶ διδόν ὅτι τὸ καλὸν καὶ ἄριον ἔχειν*, proficere semper & ad ulteriora ascendere. Quod si stricte & excussè loquamur, *cresce- re, & proficere, & porro pergere*, sunt imperfectionis magis indicia quam per- fectionis, dicente Seneca, *Crescere posse, imperfecta rei signum est*; & S. An- selmo in Eph. 4. *Perfectus non est si habet ubi crescat*; nec non & S. Augu- stino, *Quamdiu augeri potest, charitas deficit, quia quicquid minus est quam debet ex vitio est*. Manifesta res est, perfectum non minus alienum esse de- bere ab incremento quam à decremento: & hanc tamen perfectam vitam ex Scripturis definiunt Patres, quia in perfectionis meditatione quotidie versatur, & ideo ad perfectionem quotidie aspirat, quia cognoscit se nondum pervenisse. Hinc ortum illud Hieronymi de S. Paulo dictum, *Paulum lego perfectum & non perfectum*: & illud Fulgentii de Eodem, l. 1. *Ad Monimū, S. Paulus & perfectus erat, & nondum perfectus*; perfectus spe futura glorifi- cationis imperfectus onere corruptionis & mortalitatis; perfectus expectatione muneris, imperfectus fatigatione certaminis; perfectus, quia desiderium habebat dissolvi & esse cum Christo, imperfectus, quia dum erat in corpore peregrinaba- tur à Domino; perfectus, quia mente serviebat Legi Dei, imperfectus, quia car- ne serviebat legi peccati; perfectus denique, quia ex maxima parte profecerat, imperfectus, quia habebat insuper quod magis proficeret. Adeoque est hæc vitæ perfectæ institutio prudenissima, semper crescere, & se ex- cendo procedere, semper esse in ascensu à gradu ad gradum, semper in profectu à gratia in gratiam. Hæc significatio quarta, *Perfectus* est qui semper est in profectu.

His ita constitutis, si proficiendi gradus quamplurimi sint, & nisi in profi- ciendo perfectio nulla reperiat, non erit arduum *perfecta vita & perfecti status* definitiones exhibere: ut ea sit *vita perfecta*, quæ plures gradus trans- siliendo,

Aug. De Nat.
& Grat. c. 12.

Sen. Ep. 66.

Aug. Ep. 29.

siliendo, ad universæ virtutis fastigium proximè accedit, is *statim perfectus*, qui per plures gradus ad hoc fastigium nos proximè ducit: Qui & quot sint illi gradus si semel monstravero, facilis erit quæstionis resolutio. Sed ad tertiam inquisitionis partem hoc spectat. Interea hoc unum firmum immotumque manet, quòd quæcunque vita, sive secularis sive Ecclesiastica, ad maximum profectum ascendit, plures pietatis gradus transiliendo, ea ædepol erit perfectissima. At hoc Monachismo non congruit, neque maximè neque soli, ut die sequenti ostendam, si Deus affuisset, cum ad Definitionem quæstionis, quæ ultima instituti pars est, pervenero. De Statu & Terminis quæstionis, quæ *ἡ ἀποδοξαστική* præfanda erant, abunde dictum puto.

LECTIO V.

DE nostro hoc Monastica perfectionis scrutinio non incité dici potest quod de re poetica, in lib. De audiendis poetis, Plutarchus pronuntiavit, *ἡ ποίησις ἢ ζωγραφία φθόγγιστον, Ποίησις est quasi picturæ quadam vocalis*, edocta loqui. Cogitate hunc ipsam typum esse, hunc etiam scopum præsentis disputationis, ut possit ob oculos vobis indebitæ, quam sibi Eremitismi cultores falso arrogant, perfectionis picturam quandam loquentem exhibere. Nam quemadmodum pictores, cum rerum aut personarum similitudines ad vivum exprimere moluntur, vestigiis quibusdam & obscuris lineamentis adumbrare prius tabulam solent, atque postea colorum pulchritudine ac varietate collustrare, atque arte quâ possunt politissimâ perficere; & rursus, sicut pictoribus in more est positum, per intervalla temporum opera sua priusquam ea absolvant contemplari, unde fit, ut abducto ab illis paulisper visu, sæpius iudicium revocantes, etiam exiguas quasvis aberrationunculas facilius observant, quas continenti & quotidianâ inspectione animadvertere non poterant; denique, ut pictores in gurgustio aliquo tabellam pingunt & exornant, atque dum pingunt integumentis & velis vestiunt, sed postquam opus perfecerint & graphicâ historiæ varietate repleverint, illud statim in medium proferentes, ablatis omnibus velamentis, multitudini spectandum proponunt, & spectantium iudicio permittunt, neque interpretari quæ picta sunt opus habent, colore quolibet & quavis umbratica linea hoc ipsum præstante: Consimili ratione & mihi in hac causa, velut labore æmulo, est faciendum; ut quia vobis die pristino quæstionis umbram aliquam & primas lineas, & figuram magis quam formam, corrente calamo levissimoque penicillo descripsi; nunc aliquot dierum intermisso spatio, quo secundis vacare licuit huius operis curis & contemplationi, nunc, inquam, æquum est ut ipsam formam habitumque ampliorem, argumentorum quasi colorum varietate in conclavi collustratum, in lucem hanc quæ circumfunditur educam, & in fide vestra deponam.

De lineamentis quæ prius duxi, ut ad definitionem quæstionis via esset & apparatus, non opus est rursus dicere, neque ea repetendo interpretari. Accepistis explicationem terminorum, quòd de Perfectione loquimur non

beatifica illa quæ est Comprehensorum propria, sed de inferiori altera quæ ad Viatores pertinet: & rursus, non de Perfectione viæ sublimi & plenaria, quæ summum gradum excellentiæ & officii nostri fastigium attingit, quod nullus unquam Sanctorum pervenit; sed de semiplena illa quæ medios numeros habet, estque nostræ fragilitati & mediocritati congruens, imperfecta perfectio. Non quod Perfectio dici possit si strictè ad calculos revocetur, sed quod laxato rigore vocabuli ex usu & indulgentia loquendi obtinuit ut Perfectio dicatur, vel sensu Comparativo, sic perfectus quisque est qui multò cæteris eminentior; vel Interpretativo, sic perfectus dicitur ex Sancti indulgentia Spiritûs qui sincerus, & integer, & rectus corde; perfectus etiam qui intelligit & facetur se imperfectum, perfectus etiam qui indies ad perfectionem contendit, semperque in melius crescendo proficit. Qui modi singuli si non æquè possunt reperi, aut non etiam reperiantur, in vita Seculari atque in Monastica, habeant soli quem tantopere exoptant honorem perfectionis.

Sed fuere hæc omnia fusiùs jampridem exposita, & unà cum terminis status insuper quæstionis ex discrepantibus sententiis Adversariorum: quorum utcumque aliqui modestiùs loquantur, Profiteri se non perfectionem acquisitam sed acquirendam, vitamque Monasticam non in numero perfectorum statuere sed perfectibilem, ut sit instrumentum optimum & medium ad hunc finem, non finis ipse; at alii ad eò expletam vitam cumulatamque esse asseverant, ut sit etiam in minimis maximè meritoria, tantum non infra cælum, & supra martyrium, Apostolicæ, cælesti, Angelicæ vitæ exæquanda. Sic sibi semper dispar & discolor est erroris habitus; sed hæc ipsa disparitate eatenus veritati deservit, ut ex duarum collisione sententiarum nativum quæstionis statum eliciamus, Tam longè abesse Monachatum ab hoc ut sit vita perfectissima, quod non sit status perfectionis maximè susceptivus, nec medium aut adjumentum efficacissimum, nedum in via proxima aut in gradu propinquissimo eò perveniendi. Quod unum ut perstringam brevius, de personis omnino non agam, sed de causa ipsa; neque erit mihi ulla cum Monachis litigatio, sed cum Monachismo: tum quia non volupe est calumniis datatim ludere, tum quia hoc omnes fatentur Scholæ Doctores, Aquinas, Bellarminus, reliqui, Et esse perfectos multos qui non sunt in statu, & esse in statu multos qui non sunt perfecti; tum quia à suis scriptoribus jamdudum est hoc præstitum, à Gulielmo de Sancto Amore, Schola Parisiensi, Gersono, inprimis verò à Baptista Mantuano & Nicolao Clemange: quorum Ille de vita eorum corrupta & degeneri in libro De calamitatibus sui temporis tertio sic cecinit,

*Hi quoque qui nomen de Religione superbum
Usurpant, quanquam sanctis à Patribus ortos
Se jactant, ovium molli sub vellere fraudes
Mente Lyconias servant, & crimine sordent,
Quod speciem virtutis habens scelus omne colorat;*

Hic, in lib. De corrupto Ecclesiæ statu, eorum mores multis severisque verbis depingit, quod lupi rapaces sunt in vestimentis ovium, Satana in angelos lucis transformati, Pharisei, hypocrita, pseudopropheta; qui quò magis esse debent ex votis sua religionis perfecti, & à cura secularium quibus abrenuntiant abstracti, quò magis continententes se jactant & obediētes, & in contemplatione cælestium suspensos, eò magis sunt ab his omnibus alieni, magis senaces, avari, dissoluti, indisciplinati, inquieti, & secularibus immixti, & quæ sequuntur. Hæc ego omnia prætereo, quia tædet

ta det in hac colluviè volutare: & quamvis non sit ullatenus largiendum, respondere eos suæ professioni; at in præsentiarum non invitus cedo ut supponatur, abusus in Monachatum irrepsisse nullos, labeulam nullam, nullam oscitantiam; concedatur velim quòd omnia sua ad eam pietatem referunt quam Christus nobis commendavit in Evangelio; quòd eousque in stadio virtutis progrediuntur, quò adducere eos possunt solitariae vitæ commoda & professionis suæ pia exornatio. At nihilominus istis sic positis, resolutio quæstionis eadem est, eaque certissima, quam in unam Propositionem summatim compingo. Sic autem se habet;

In Monachatu non est aut via ad perfectionem compendiosior, aut media & instrumenta ad pietatis profectum magis efficacia, quàm in aliis multis Christianæ vitæ conditionibus quæ juxta Evangelicam regulam instituantur.

In hac una Thesi tota res vertitur, quæ quia est Pontificiorum sententiæ ex diametro adversa, idcirco ipsius enucleatio ad duo Capita est referenda: ut videamus inprimis, Quibus argumentis & cui fundamento nixi Pontificali suam sententiam stabilire conantur; deinde, Quod sit firmamentum opinionis nostræ.

Pontificiorum rationes multæ sunt: Fundamentum unicum in gradibus perfectionis positum. Rationes Bellarminus decuriavit, etiam & Bernardinus & Platus. Bellarmini ratio hæc est, lib. 2. De membris militantis Ecclesiæ, cap. 2. Quòd perfectio in Charitate consistit: ad perfectam autem Charitatem duo requiruntur, ut itinere recto totos nos Deo tradamus, & ut omnia itineris impedimenta amoveamus, quorum utrumque in statu monastico est conspicuum. Nam Deo se totos tradant, quia animum, corpus & res externas ei soli addicunt; Animum per obedientiam, Corpus per continentiam, Res externas per paupertatem: & è contrario, omnia impedimenta remonent; nam & luxuriam sive concupiscentiam carnis reprimunt, quod est opus continentiae; & avaritiam sive concupiscentiam oculorum, quod est opus paupertatis; & superbiam vitæ, quod est opus obedientiæ. Bernardinus rationibus novem militat, vel magis octo, nam in duabus eadem dicit, in parte prima Quadragesimalis, Serm. 16. Quia in statu monastico vivit homo purius, radice malorum amputatâ; Quia cadit rarius, sublatis omnibus peccandi illecebris; Quia surgit velocius, in medio exemplorum virtutis constitutus; Quia incedit cautiùs, jugi lectione & orationibus velut præfidiis quibusdam præmunitus; Quia quiescit securius, à negotiis & clamoribus mundi solutus; Quia irroratur frequentius, cum sit quotidie in præparatione animi proxima ad gratiam acquirendam; Quia moritur confidentius, minori peccatorum mole & majori bonorum operum cumulo fiduciam præstantibus; denique Quia præmiatur copiosius, cum sit majoris meriti Consilia servare quàm Præcepta, & ea omnia facere ex voto quàm sine voto. Ad extremum, Hieronymus Platus in tres ordines argumenta disponit: inprimis ab Utili, Quia status est maximè omnium salutaris, propter uberius meritum, & pleniorum influxum gratiæ, & pietatis exercitia frequentiora, & clariora exempla virtutis, & Dei patrociniū certius atque viciniū: deinde ab Honesto, Quia est status nobilissimus, propter contemptum mundi, & abnegationem nostræ, & similitudinem Dei, & victoriæ animæ in peccatū, in carnem, in seculum, in Satanam, & adhuc, propter solatia præsentis vitæ & præmia futuræ; cum sit & miraculorum splendore in terris honoratus, & peculiari gloriæ Laureolâ in cælis honorandus: postremò à Jucundo, Quia est status vitæ omnium suavissimus, Libentis Gratif-

Veruntamen cum non nisi ex Scripturis Sacris exquisita perfectionis mensura est petenda, cumque perfectionis gradus veri non sunt alii quam gradus Sanctuarii, idcirco ad maiorem rei evidentiam hos perfectionis gradus confusius paulò ab ipsis positis ad meliorem ordinis textum conabor reducere, & ex sacris fontibus, nè supremam auctoritatem careant, transferre. Sunt autem quatuor loca quæ nobis hos vitæ perfectæ gradus subministrant. Interdum enim Ad Deum solum, interdum Ad Deum & proximum, interdum Ad Proximum & nosmetipsos, interdum Ad hos ordines universos hi perfectionis gradus diriguntur.

De Deo solo locus est in Ecclesiaste, cap. 12. v. 13. *Summam rei totius audiamus, Deum time, & mandata ejus observa, quia hoc est totum hominis.* De Deo & proximo locus est Mic. 6. 8. *Indicavit tibi, O homo, quid sit bonum, & quid Dominus requirat à te, utique facere iudicium, & diligere misericordiam, & modeste ambulare cum Deo tuo.* De proximo & nobis ipsis occurrit locus Jac. 1. 27. *Religio pura & immaculata, hoc est perfecta, coram Deo & Patre hac est, Visitare pupillos & viduas in afflictionibus suis, & immaculatum se custodire ab hoc seculo.* Postremò, De omnibus junctim habetur locus Tit. 2. 11. *Apparuit gratia Dei Salvatoris nostri omnibus hominibus, erudiens nos ut abnegemus impietatem & concupiscentias mundi, & sobriè & iustè & piè vivamus in hoc seculo.* In horum verborum ambitu quoscunque supra positos perfectionis gradus conclusos observare licet: nam in se continent *rationis & apertis* *Sanctorum*, virtutis totius argumentum, ut Chryl. in locum; vel, ut sapientissimus Salomon loquitur, totum hominis, id est, totum in quo se homo occupare debet, totum quod ab homine exigitur, summam salutaris studii & perfectionis; ut si ullum sit officium erga Deum, aut proximum, aut nos ipsos, in hac una sententia id omne Apostolus complectitur, dicente Fulgentio, *ut sobriè quis vivat in semetipso, ut iustitiam servet in proximo, ut pius perseveret in Deo.* Qui hoc trino perfectionis gradu fuerit formatus, omni ex parte censi debet rectè institutus; quia his tribus perfectio Christiana definitur: Temperantiâ, quâ quis bene sit ordinatus erga seipsum, hoc est, *modestus*; Justitiâ, quâ erga proximos, hoc est, *di-* *gnus*; Pietate, quâ erga Deum, hoc ipsum est *omnibus*. Ad hæc tria faciliè revocantur quoscunque gradus à Cassiano, Franesco, Thoma, jam ante recensebam: quia tribus modis in Deum vita disponitur, Contemplatione, quâ fruimur; Imitatione, quâ sequimur; Cultu, quo veneramur, suspicimus, prædicamus, laudamus; & quatuor modis in Proximum, Consiliis & documentis, quantum ad animam; Auxilio & solatio, quantum ad necessitates; Indulgentiâ, quantum ad errores & lapsus; Exemplo, quantum ad commercium & conversationem; denique & innumeris modis in Seipsum; Prospiciendo cogitationibus, ut intus ardeat; Exercendo se in omni opere bono, ut luceat; Pugnando adversus carnem, mundum, Satanam, ut vincat. Hos ego vitæ perfectæ justos cancellos iudico, ut sit non modò contemplativa, sed activa; neque solum activa clandestina, sed exemplaris & bono addicta publico; & adhuc, non solum activa in faciendo quod bonum est, sed passiva & victoriosa in malis æquanimitè fortiterque ferendis. Si sit istorum omnium in quocunque vitæ statu concursus, eum ego perfectum non dubito dicere, etiam si sit Monasticus. At è contrario, si in ullo istorum graduum deficiat Monachus, non est simpliciter vita perfecta: si ullus alius plures istorum assequatur, tum Monachus aliarum comparatione non est vita perfectissima.

Hoc solum nunc superest demonstrandum, Monachatum tam longè ab-

esse ab hoc ut emineat in his omnibus junctim, ut vix istarum proprietatum aliquam sibi vendicat sigillatim, non activæ, non contemplativæ, non exemplaris, non victoriosæ gloriam; nec adjumenta afferre ad officia erga Deum, Proximum, Seipsum, aut plura aut probabiliora quam vita Christiano-politica, si secundum Evangelicam regulam piè & prudenter institutur: idque tribus his Propositionibus firmabo atque docebo.

Propositio prima est de Officiis erga Deum, & sic se habet; Inter pietatis officia quæ Deum nominatim respiciunt omnino nullum est quod præstare potest Monachus, in quo se exercere non possunt, aut æquè aut magis, Christiani cæteri. Ut Propositionis veritas pateat, sciendum est, ad tria Capita Officia erga Deum revocari, Obedientiam, Cultum, Contemplationem.

De Obedientia res est in aperto, vel ipsum Votum Monachis impedimento esse nè possint Deo intemeratum & universale præstare obsequium. Nam primò, ex Voto tenentur Præpositis suis eodem modo obtemperare eodémque rigore quo Deo ipsi: At non est obedientia casta quæ hominem Deo exæquat, & præcepta humana Divinis. Secundò, ex Voto tenentur Prælati suis parere in omnibus, absque examine, absque inquisitione, etiam si injusta videantur quæ mandaverint, imò verò si injusta fuerint. Sic enim à Cusano, lib. 6. Exercitat. & Ribadeneira, in cap. 4. lib. 5. De vita Ignatii, Monastica describitur obedientia. Quæ ratio si steterit, actum est de Obedientia Divina, ut de re secundaria & mandatis humanis subjicienda.

De Cultu, ad Eremitas & Anachoretas provoco; nam cultus Divini pars maxima in Oratione & Psalmodia & sacrorum Mysteriorum participatione consistit. Loquantur pro se Monachorum perfectissimi Anachoretæ, an in coelesti convivio, in Sacra Cœna, in supremo beatissimi Salvatoris instituto, solati aliquid sit aut roboris quod Christianam perfectionem promoveat. Si sic, ubi est ipsorum perfectio, ubi solatium, qui ab hac Christi conjunctissima communione tantum distant quantum à societate hominum segregantur? Psalmorum & Precum non absimilis est ratio, quòd habeant hæc exercitia laudem suam, eamque insignem, si privatim & in occulto peragantur: at tum splendent maxime, cum ex multarum vocum consensu & symphonia harmoniam quandam faciunt in ejus auribus qui præsentem se futurum pollicetur in medio duorum aut trium orantium aut psallentium in gloriam nominis ejus. Sed hæc solatia Eremitarum status non capit; possunt secum soli hæc facitare, cum aliis non possunt. At in istis exercitiis Christiani cæteri Sanctorum jucundissimo consortio frui solent, & secum mutuo de rebus Divinis colloquia serere, & se mutuo hortamentis, quasi cote quadam, acutere, possunt, in unum quories coeunt, (quod sæpissime fit) coelesti throno animis copulati vim sacram precibus suis inferre, & laudes Dei, affectuum velut nervorum sociatâ concordia coexercitati, buccinare. Eremitæ contra, quia in desertis aut cellis procul ab hominum conspectu degunt, nec vocem turturis audiunt quâ ad pietatem excitentur, nec Sanctorum colloquia quibus perfruantur, nec quenquam habent aut in divinis laudibus celebrandis complicem, aut in precibus quo utantur administro; cum tamen in sacris litteris exercitationibus istis junctim præstitis & largissima repromissio! & honor etiam maximus habeatur.

Quod si vacare se melius posse Contemplationi dixerint & meditationi in vita solitaria quam in vita communi, non multum expedit. Agnosco à Sanctis Patribus hoc imprimis nomine impensius laudatam fuisse

Scr. Epist. 4. ad Rust. unusquisque suo sensu ducitur; mihi oppidum carcer, & solitudo paradisus est.

fuisse solitudinem : est enim S. Basilio in Ep. ad Chilonem discipulum, *καταφορὸν κλίμαξ, scala ad Cælum animas rectè subvehens* ; & S. Hieronymo ad Heliodorum, Ep. 2. *locus familiaris Deo gaudens*. Quid quòd eam S. Greg. Nazianzenus Apologet. Orat. 2. appellat *μῦτικα ἡ δόξα ἀναβάσις, ἡ θεωροῦσα, matrem Divinae ascensionis, qua ex homine quasi Deum faciat* ; & Apologet. Orat. primâ, *ἰσπῆρον ἀναλίσκων, purum speculum Dei ac rerum Divinarum* ; & *Sanctuarium quoddam in quo cum Angelis anima versetur, & cum Deo ipso colloquatur* : Facile esset sexcenta hujusmodi proferre ; sed Panegyrica non probant : nam quod Basilius & Nazian. de Solitudine, hoc ipsum Tertul. & B. Cyprianus in laudem Carceris dicunt. Cyprianus Ep. 81. ad Rogatianum & Confessores, *beatum carcerem vocat, qui homines Dei mittit ad cælum, & tenebras facit lucidiores Sole ipso*. Pariter & Tertull. in libro Ad Martyres, de Carcere loquens, *Hoc, inquit, praestat carcer Christiano quod Eremita prophetis, ubi etsi corpus includitur, omnia Spiritui patent : Non videt ibi deos alienos, non imaginibus eorum incurrit, non nidoribus spurcis verberatur, non clamoribus spectaculorum ceditur, non in loca libidinum publicarum oculi ejus impingunt ; vacat à scandalis, à tentationibus, à recordationibus malis, jam & à persecutione, & quæ sequuntur*. Quid igitur ? num Carcer est Ecclesiæ Dei optabilior ob hæc tanta præconia ? aut Carcerem putas speculationibus Divinis aptiorem locum quàm domus propria, quàm domus Dei, quia illum in hos usus Sancti Martyres immutarunt ? Planè eadem ratio est & Solitudinis. Secularium rerum amorem velut pulverem & fumum esse oculis, quibus à contemplatione Dei prohibeatur ; velut viscum alis mentis, quod impediatur sublimiore volatum, non negamus : fateamur à Seculo perturbationes animi fuscitari, Solitudine conspici, & in Seculo quamplurima esse, in Solitudine paucissima quæ meditationem interpellant. At non idcirco sequitur contemplationum magistros solos Monachos esse, quia vir sanctus in quocunque loco fore contigerit, Solitudinem ad contemplandum faciliè potest invenire ; & si non invenire, facere. Celeberrimum est illud Tertulliani, lib. Ad Martyres, *Nihil interest ubi sit in seculo, qui mente est extra seculum* ; & vice versâ, *Nihil refert quàm longè sit extra seculum, qui mente est in seculo*. Non locis perfectio, sed animis est metienda ; cum nemo nesciat multos esse in clauistro seculares, aliquòsque in seculo Monachos. *Non prodest, inquit Gregorius, solitudo corporis, si cordis defuerit, & si adsit cordis solitudo, molestia seculi non multum erant impedimento*. In Solitudine esse nemo est dicendus qui tumultibus conversationis humanæ & terrenorum desideriorum cogitationibus se inserit, etsi corpore remotus vivat, & in urbe nemo est dicendus qui secularium curarum motus & terrenarum cogitationum strepitum, quasi tot circumvolitantes muscas, abigit, & intra se secretum quoddam sibi cum Domino quarit, quamvis in medio habitet multorum populorum. Quis nescit S. Job in medio seculi ætatem exegisse suam, & Lothum Patriarcham non modò in medio secularium, sed in medio impiorum ? At verò non fuere homines seculi. Non mea est, sed S. Chrysostomi, Observatio, in Gen. 19. serm. 43. *Iustum illum virum cum uxore & liberis & famulis in Civitate degentem, atque inter tot malos conversantem, luminare magnum fuisse ; nec solum non extinctum, sed clariùs emicuisse, magisque Deo adhæsisse, καὶ δὲ πῦρ αἰνδιέει τῷ αὐτῷ μέσῳ πυλῆϊ ἀσπλάμποντι, velut scintillam quandam in medio mari radiantem* : ut exinde addiscamus, inquit, *delirare eos qui dicunt, impossibile esse in media civitate versantem se Deo devovere, nisi in Eremita secessum*

Orat. 21.

Mor. li. 31.
cap. 23.

secessum se subduxerit; cum revera οὐκ ἔστιν ὁ πῦς. ὁ δὲ ἀρετὴν κατορ-
 δῶν, ἀλλ' ὁ ἥρεσις. ἢ ἡ γνώμη, non locus est qui virtutem constituit, sed
 mens & mores. De S. Davide id ipsum Nazianzenus testatur, in Or. 21.
 quæ est In laudem Athanasii, ὅτι ὁ παρὰ πικρῶν. ἦν, ἢ ὁ αὐτοῦ ἡ-
 γῶντος, & maximè solus erat, & rebus gerendis etiam addictissimus:
 suo exemplo nos docens, Monasticam vitam ἐν τῇ ἐρημίᾳ τῷ ἡρώ-
 κῳ ἄλλον ἢ τῇ τῷ σώματι ἀναχωρησὶς χαρὰ πρὸς ἑαυτὸν, morum potius gra-
 vitate & constantiâ quàm corporis secessione exprimi & definiri. Con-
 similis huic est illa Monachismi definitio quæ à Clemente Alexan-
 drino redditur, Strom. 7. *Hospes is est*, inquit, & *peregrinus in vita*,
 (addo, & Monachus, & Eremita, sic enim fortasse loqui voluisset,
 si in usu tunc temporis hæc vocabula fuissent: verùm eodém recidit)
hospes est & peregrinus in vita, ὁ πῶλιν οἰκῶν, ὃς πῶλιν κατε-
 φερνῶν, ἢ καὶ δῶς ἐν ἱερμῷ τῇ πόλει βίῳ, qui in seculo degens, con-
 temnis ea qua sunt seculi, & vivit in civitate tanquam in deserto. Con-
 similis etiam ipsa Aquinatis confessio, qui 2. 2^a, qu. 188, art. 2. resp. ad
 tertium argumentum, ut Monachos excusaret, quòd dicuntur seculari-
 bus immixtos esse, *Sunt*, inquit, *in seculo quantum ad præsentiam corpora-*
lem, non quantum ad mentis affectum. Si Monachus in seculo esse
 potest corpore, non mente, quidni & quilibet Christianus? Hoc S.
 Chrysostomus vidit, & observavit ex illo Beatissimi Salvatoris, Mat. 6. 6.
 TU CUM ORAVERIS, INTRA IN CUBICULUM TUUM, ET CLAUSO
 OSTIO, ORA PATREM TUUM IN ABSCONDITO. Hæc verbis ostendit,
 inquit Chrysostomus, quòd ubique adsit pia menti solitudo: adest in
 adibus, οἰκῶν. ἱερμῷ ἐν, conclave est velut eremus; adest in pectore,
 penetrabile animi est velut eremus. Ut neminem jam latere possit, reli-
 giosas animas habere in urbibus, habere in cordibus quod deserto re-
 spondeat, & esse in carne extra carnem, & in mundo supra mundum:
 quod Faustus de sancto Maximo observavit, illum sub habitu seculari
 Christi militem gessisse, & de S. Martino Paulinus,

Chryf. Ser. 51.
De Chryf. præc.
tom. 5.

Hom. de Eod.

Hier. ad Sal. De
viduitate ser-
vanda.

Fam. meritis Monachus, sed solo nomine Miles;
 & de Nebridio, Salvinae marito, S. Hieronymus, *Nihil nocuit militanti pa-*
ludamentum, & baltheus, & apparitorum caterva, quia sub habitu alterius
alteri militabas. Ex quibus omnibus liquet, non minùs ex vita Christiana
 patere ad Divinam contemplationem aditum quàm ex Monastica; at-
 que in profectu fidei ad eisdem perfectionis gradus pervenire posse cæte-
 ros Christianos cum Monachis ipsis, atque aliquoties pervenisse: cum in-
 ter pietatis officia quæ ad Deum ordinantur omnino nullum sit, neque
 Contemplatio, neq; Oratio, neq; Obedientia, quod non ornare possunt re-
 liqui æquè, imò magis quàm Monachi, si secundum regulam suam vivant.
 Hæc propositio prima est, De Officiis erga Deum.

Secunda est de Officiis erga Proximum, & sic instituo; Inter charitatis
 officia quæ ad bonum proximi ordinantur multa sunt, & quæ maximæ ne-
 cessitudinis opera, quæ præstare non potest Monachus, in quibus se Christia-
 ni alii studiosissimè exercent. Cum dico, non posse, non modò de Ere-
 mitis id velim intelligi, sed de altero genere Cœnobitarum. Cœnobitas
 paupertatis votum impedit nè omnia opera misericordiæ præstent; Ere-
 mitas tota vitæ ratio nè ullum opus misericordiæ exhibeat; tota,
 inquam, vitæ ratio prohibet nè aliis sint usus vel consilio, vel auxilio, vel
 exemplo; eò quòd ex professo aut vastas sequantur solitudines, aut in
 antris, speluncis, parietibus se includunt, vitæ suæ solum Deum testem ha-
 bere cupientes, tantòq; se cælo propiores existimantes, quanto magis socie-
 tatis

tatis humanæ extorres inveniuntur. Potui illos de Unitatis violatione reos habere, in quam partem gravissimè peccant, dum tam invisa est eis hominum societas, ut qui plurimos annos hominem nullum viderit, is omnium maximè laude dignus censeatur. Sed Unitate missâ, de Charitate sola contendo, nam in hac ipsi perfectionis essentiam statuunt, eamque adedò deperire videntur, ut in perfectionis gradibus delineandis omnino Fidei nullam faciant mentionem vel Thomas, vel Bellarminus, vel Platus, cum tamen Apostolus, Rom. 1. 17. ex fide iustum vivere contendat, & profectum quandam esse ex fide in fidem. Sed concedamus hoc ipsis, ut in perfectionis cursu nullus Fidei locus sit relinquendus: an apud Monachos major est Charitatis cura? an minor neglectus? Charitatis opera S. Paulus summatim describit, *usibus Sanctorum communicare, non oblivisci beneficentia & communicationis*: & Christus in Evangelio, Mat. 25. *Esurivi, & dedistis mihi cibum; sitivi, & dedistis mihi potum; hospes eram, & collegistis me; nudus, & operuistis me; agrotus & in carcere, & visitastis*. At Eremitæ qui possunt hæc facere, aut nullatenus Sanctorum usibus communicare, quorum commercium vitant cane pejus & angue? Et hi tamen sunt illi quos Aquinas *Cœnobitis antecellere* dicit: & lib. De Monach. c. 39. Bellarm. *ad culmen & fastigium* 2. 2. 2. q. 188.
ar. 8. *vita religiosa pervenire; neque sperare ab Eremo perfectionem, sed secum ut rem præsuppositam adferre*. Cœnobitis non nego retinere aliqua Charitatis vestigia, at intra suum Ordinem suosque parietes conclusa. Si non ita sit, quæro, cur Fratrum nomina, quorum usus in Ecclesia ab initio promiscuus erat inter omnes Christianos, adedò restringunt & contrahunt, ut Secularem Monachus fratrem non dignabitur appellare. Si non ita sit, quæro secundo, Quare à Scholasticis ea quæstio & proponitur & definitur, in primis à Thoma, Quodlibeto tertio, art. 16. Utrum Religiosus, si videat patrem esse in necessitate, absque Prælati sui licentia possit Claustrum exire ad subveniendum patri: & paulò post concludit, Quia Religiosus est mortuus mundo, deobligatur à cura impendenda parentibus; & ideo non peccat, nec contra præceptum Dei agit, si in Claustro remaneat, parentum ministratione prætermittâ. O Conclusionis portentum! Equis est qui non horreat: nam quid restat quo tanta sit charitas, si pietas filiorum in parentes dissolvatur? Postremò, Si non ita sit, quæro adhuc, Cur perfectionis partem magnam in paupertate statuunt; nam si illa ad perfectionem ducat, eleemosyna & misericordiæ opera quid habebunt cum perfectione commercii? Et de Capucinis quidem ac Minimis sperandum est, posse eos aliquando perfectionem consequi, quia revera pauperes sunt, & nihil in hoc mundo habent, nec in proprio nec in communi, sed victum sibi ostiatum emendicant: at de Benedictinis & Carthusianis spes pertenuis, qui solummodo in proprio sunt pauperes, divites in communi, ut cum seculi Principibus divitiis certare possint; quod quid est aliud quàm Deo & hominibus eludere, Voròque ipsi & perfectioni, paupertatèque in specie profiteri nè liberales esse possint? Scilicet si necessitatibus aliè premantur, facilis est excusatio, Nihil habemus in proprio; nè ipsos premat, in promptu est remedium, Habemus omnia in communi. O artificium subdolum! non habent, & habent; non habent, & indigere non possunt. Mirum ni illud S. Pauli 2 Cor. 6. 10. didicisse se glorientur, sed perperam & temere, *Tanquam nihil habentes, & omnia possidentes; sicut egentes, multos autem locupletantes*, hoc est, seipsos. Quid igitur restat quàm ut eodem jure perfectionem profiteantur quo paupertatem, in proprio ut habeant, non in communi: ex quo sequitur, ut

fi

Cic. apud Dio.
Hæret. 4. c. 12.

si in personis sita sit, non tamen in statu. Nos paupertatem propriè intelligimus, non carentiam rerum, sed indigentiam, quæ non dominio solum opponitur, sed usui, sive in proprio sive in communi; atque contendimus, non rerum proprietatem aut dominium aut usum obstatè spiritualibus, sed curam; & hanc quidem non quamcunque, sed suspensam & nimiam. Divitias scimus ancillari ei quæ est in actione virtutis beatitudini, adeoque perfectioni, tanquam instrumenta & adjumenta & ornamenta virtutis, inprimis charitatis & liberalitatis: Egestatem contrà & inopiam vel maximos animos frangere, & in summum discrimen adducere, nisi gratiâ suffulciantur, ut *nihil generosum possint sapere*, dicente Cicerone, *qui quotidiani victus penuriâ premuntur*: quod in mendicantibus est manifestum; nam hi genus vitæ profitentur & Dei mandatis & charitatis officiis planissimè oppositum, quodq; omnium in se beneficentiam experiantur, suam in neminem exerceat. Interdicit populo suo Dominus, nè sit mendicus inter eos, Deut. 15. Imperat ut esurienti panem nostrum demus, & nudum veste operiamus, Ezek. 18. Enititur, instat, urget, ut indigentibus quod bonum est impertiamur, quia *beatum est dare potius quam accipere*, Act. 20. 35. Absque omni dubio beatius, quia palma beatitudinis danti repromittitur. Quod si ad beatitudinem largitio conducatur, non video quomodo fiat ut circumforanei homines ad perfectionem tendant mendicitate, quam illi tamen ut paupertatem altissimam prædicant, prorsus quasi imperfectissimam dicerent perfectionem. Nè multa, ut conferantur hæc loca in compendium, totius rei *à non quod* sub oculos subjiciam. Ponatur in summo Perfectio, velut caput scalæ; sub ea, in transversa linea, ad dextram Divitiæ, ad sinistram Paupertas, supponatur utrumque esse posse ad perfectionem vel adminiculum vel impedimentum, prout iis vel bene vel malè utamur: benedictio Divina si adsit, non est in se res mala Paupertas; nisi adsit, in bonis Divitiæ non sunt recensendæ. Si habuero divitias, est laqueus ad dextram in parte concupiscibili, nè augendi desiderio animus flagret: si paupertas urgeat, est laqueus ad sinistram & in irascibili parte & in concupiscibili; illinc de Intolerantia, hinc de Supplemento. Rursus, si paupertate utar sicut oportet, cedit in solatium proprium; si Divitiis, non solum in meipsum bonum, sed aliorum. Dic, utrum eliges: aut si vovere alterutrum necesse sit, quodnam erit in votis? quod in privatum commodum cedit, an illud quod præter proprium cedit etiam in publicum? Enimverò dubium non est quin ad perfectionem divitiæ magis conferant, si quis iis uti cognoverit; neque alicui vovendam esse paupertatem, cum majus bonum charitatis impediatur, aut si vovenda sit aliqua, non alia esset quam spiritualis illa de qua Christus loquitur, Mat. 5. *Beati pauperes spiritu*: quæ quidem non Monachis solis, sed omnibus Christianis est imposita, ut disertè S. Chrysostomus attestatur, in l. 3. Adversus vituperatores vitæ Monasticæ; ubi de Monachis & Secularibus loquens, eandem & unam utriusque vitæ rationem esse ostendit in omnibus, excepto cœlibatu, quia mandata eadem præscribuntur, eadem monita, religio eadem. Non enim dixit Christus, Monachus non jurabit, jurabit Secularis; nec interdixit illis homicidium, & his permisit; nec voluit ut illi renuntiarent mundo, hi nequaquam; non beatos pronuntiavit pauperes voto aut rebus, sed pauperes spiritu, & utroque eodem instituto vivere voluit, & in charitatis operibus proficere, quod impossibile est ut Monachi præstent, religionis suæ legibus impediti. Hæc secunda est Propositio, Per plurima esse charitatis opera quæ præstare non potest Monachus, & tamen reliquis sunt solennia Christianis. Hæc, inquam, est Propositio secunda, de Officiis erga Proximum.

Tertia

Tertia est de Officiis erga Nosmetipsos, hoc modo; Monachorum status, ut in iis quæ Deum & Proximum respiciunt officiis quàm maximè deficit, ità in illis etiam quæ ad bonum cuiusque proprium diriguntur longissimè distat à perfectione, & iisdem, aut pluribus, incommodis est circumplacatus quibus cæteræ vitæ conditiones quæ ad eandem vitam aspirant. Ad calcem hanc Theseos partem reservavi, quòd hæc illa est, si quæ alia, in qua felicè sibi pollicentur exiti, & certissimò sibi persuadent, tum reprimendi corporis tum animæ polienda in suo vitæ genere conspicua fore adiutoria; ut & corpus erudiatur subservire animæ, & anima melius corpori imperare.

Ad Corporis disciplinam duo sunt media quæ sibi arrogat, Temperantia, & Continentia; illa ex Regula, hæc ex Voto.

De Temperantia Platus loquitur, propriam ejus sedem esse in Monachismo, lib. 2. cap. 9. qui parco & parabili victu utitur: & nos juxta cum illo profitemur, cupiditatum frantum matrèmq; virtutum esse Temperantiam; sed non puto ejus hodiernos Monachos esse nimium conscios, vix enim habent aliquid tam austerum ut veteres illi. Vetera exempla si vera fuerint, nemo absque stupore legere potest quæ de Paulo & Antonio leguntur. Ego unum tantum Hilarionem memorabo, quia piget reliquos persequi: Solebat ille, teste Hieronymo, super nudam humum stratumque junceum usque ad mortem cubitare, herbarum succo & paucis caricis post triduum vel quadriduum deficientem animam sustentare, orans frequenter, & psallens, & rastro humum fodiens, ut jejuniorum laborem labor operis duplicaret; unde attenuatus est, in tantum exeso corpore ut ossibus vix hæreret. De Eremitis aliis testatur Isidorus, de Off. Eccles. lib. 2. cap. 5. quòd herbis tantum ardentibus victitarent, aut pane solo, qui eis per certa intervalla temporum deferebatur, vel aquà contenti erant. Esto hæc omnia verissima; non video quid faciant ad perfectionem: cum enim à vigore corporis etiam quoad spirituales operationes anima pendeat, necesse est, ut languescente corpore etiam & anima fatiscat, & non minus ab exili corpore vulnus accipiat quàm à pleno. Non nego peccati fomitem ab excessu nasci; non sum nescius profiteri S. Paulum, 1 Cor. 9. *ὡρμαίνεν τὸ σῶμα*: sed temere illi faciunt qui ab uno extremo in aliud desiliunt, & mediocritatis nullam habent rationem. Temperantem oportere esse Christianum hominem quis dubitat? sed, ut Apostolus de Sipientia loquitur, usque ad sobrietatem. Aliud est temperantia, aliud feritas; temperantiam servare oportet, sed non hominem exuere: at Eremitæ mores adeò immanes & asperos contrahunt, ut vix homines dixeris, etenim nihil est adeò *ἀνάνητον*. Contundendum esse Christiano corpus concedo, non destruendum, commendandum, sed exemplo S. Pauli, qui hoc ipsum in laude ponit, Eph. 5. quòd *nullus unquam suam carnem odio habuit; imò nutrit ac fovet eam, sicut Dominus Ecclesiam: quòd si quis dum hostem nutrire metuit, civem interficiat, non est ad temperantiam hoc, sed ad temeritatem referendum.*

De Continentia sequitur ut dicamus, vel potius de Coelibatu, quem unanimiter extollunt ut statum & Deo gratissimum & perfectioni proximum, præsertim si sub Voto fuerit. In illius laudem non diffiteor multa passim esse à Sanctis Patribus conscripta, quæ Matrimonium elevare videantur infra splendorem Coelibatûs: at interea non video unde narum sit ut perfectionis medium statuatur. Nam primò, Non positum est medium ex instituto Naturæ: Gen. 2. 18. *Non est bonum hominem esse solum, faciamus ei adiutorium.* *Adiutorium* quale? non vitæ civilis tantum, Creaturæ reliquæ fuerunt hoc sensu in adiutorium, sed vitæ religiosæ adiutorium,

jutorium, vel adjutorium ei in finem hunc propter quem ego creavi eum, hoc est, adjutorium pietatis. Deinde, Non positum est medium ex itinere Gratia: nam Patriarchæ sancti & Apostoli, si non omnes, plurimi erant conjugati, quibus nemo unquam exstitit qui propius ad perfectionem accessit. Ad coelibes S. Paulus loquens, bonum eis esse dicit si in eo statu manserint, sed addit, *propter instantem necessitatem*, nè quis absolute bonum putaret, sed pro tempore, loco, personis, respectivè. Est adjumentum pietatis Cœlibatus, sed non nisi ipsis solis qui Continentiæ donum habent: adjumentum non est, si in foedos concubitus degeneret, non est, si cupiditatis molestiis aut carnis stimulis opprimatur. Quis enim non videt, facilius esse conjugato liberare se à secularibus negotiis, ut ad perfectionem ascendat, quàm cœlibi carnali istos fluctus componere? Quod si Adversarii videre nolunt, at vidit Sanctus pater Chrysostomus, Ser. 21. in Genesin; *Sinuptia*, inquit, *vel puerorum educatio præpeditamentum forent in virtutum itinere, nequaquam in hanc nostram vitam nuptias introduxisset Dominus: sed ideo introduxit, quia nihil nos impediunt in Divina philosophia, sed & magnam afferunt consolationem dum comprimunt insanum natura impetum, nec turbari quasi mare sinunt, sed efficiunt ut scapha feliciter in portum appellat*: & Serm. 4. de verbis Isaïæ; *Quoties cum quibusdam de vulgo differimus, dicentes, Cur non rectè vivis? quomobrem non præstas mores absolutos? Qui possum, inquit, nisi divertam ab uxore? nisi valedixero liberis? nisi valere jussero negotia? Quomobrem? nam obstat matrimonium? Adjutrix tibi data est uxor, non insidiatrix. Annon habebat uxorem Propheta? neque tamen gratia Spiritûs obstabat Conjugium, Moses nonne uxorem habuit? & tamen is petram dirupit, cum Deo colloquebatur, Divinam iram cohibuit. Abraham nonne habebat uxorem? & tamen pater factus est Gentium & Ecclesia: Annon vidisti totum & filii amantem & Dei? Istis nihil est clarius, ex Chrysostomi sententia, Votivam illam Continentiam non esse sublime medium perfectionis, quæ ponit minus matrimonio congruit quàm cœlibatui, ut optimè Clemens, Strom. 7. Accedat & illud, Quod non solum in rebus venereis Continentia consistit, nec in uno genere, sed, ut Clemens loquitur, cap. 5. Strom. 3. in quibuscunque aliis rebus quas luxuriosa concupiscit anima: *ἡντινὴν τὰν ἀφροδίτην κατὰ φύσιν, Continentia est despiciere pecuniam, voluntatem, possessionem, spectaculum, os continere, peccata vincere*. Ratio à Chrysostomo redditur, in 4. de Pœnitentia: *Quia sicut ab adulterio corpus corrumpitur, sic à malis cogitationibus & perversis dogmatibus anima; ut si quis dicat ὁδὸν τοῦ ἀδελφοῦ, qui τὸν κόραν, virgo sum corpore, animà verò invidet fratri, hic non est virgo; virginis enim invidiâ vitia vitavit suam: nec inanis gloria homo est virgo animà, nec qui odit fratrem suum, nec mendaces & vaniloqui, quia qualibet passio prava virginis solvit*. Quod si juxta has rationes de Continentia loquantur, non negamus eam maximo esse perfectioni adjumento: at hæc non minus emicare & possunt & solent in Christianis aliis quàm in Monachis. Hæc ratio prima, Monachus non habet præstantiora media quantum ad Corporis disciplinam.*

Secunda est de Prærogativis Animæ: sunt autem multæ quas Monachismo affingunt; quod vivunt homines purius in Solitudine, quod incedunt cautiùs, quod surgunt velociùs, quod mundo magis moriuntur, quod in vigiliis, lacrymis, jejuniis, aliisque quæ ad mortificationem tendunt, sunt magis exercitati, quod similitudinem quandam cum vita Dei & vita Angelorum acquirunt. Hæc duæ Prærogativæ præcipuæ; quod ad reliquas, non

non magis est Monachorum in iis eminere quàm cuiusvis Christiani. Mundo emori potest in mundo positus, & Christo vivere. De similitudine duplici videamus; una est cum vita Dei, altera cum vita Angelorum.

Similitudinem cum vita Angelica Monasticam contrahere dicunt ex Contemplatione; est enim Contemplatio cibis, si quis alius, Angelorum. Sed quid tum postea? Num ex Contemplatione sola perfectio Christiana est dijudicanda? imò magis ex Actione. Sic olim philosophi statuerunt, universam iustitiam virtutem esse perfectam, quia usus est perfectæ virtutis. Sic emunctiores inter Papistas Theologi, Hugo à Victoria & Gersonius, *Perfectio hominis directiva sunt decem precepta*, inquit Hugo, in Institutis in Decalogum, c. 2. vicissim & Gersonius, in Sermone Ad Ecclesiasticorum cautelam, *Perfectio Christiana est Dei dilectio, in qua qui ferventior est, hic perfectior judicatur*. Quid quòd ipsi Scholastici, etsi apertè perfectionem in Contemplatione ponant, at tacitè eam statuunt in Actione virtutis, & quia in Charitate eam collocant, quæ vitæ activæ summa est; & quia affirmant in Prælati majorem esse perfectionem quàm in religiosi, propter actionem; quia Prælati sunt *perfecti perfectique*, ut Thomas 2. 2^æ, qu. 184. ar. 7. loquitur, h. e. illi qui alios ad perfectionem ducunt; Religiosi solum *perfecti perfectendi*. Quòd si in Contemplatione perfectio statuenda esset, at de Perfectione Patriæ oportet ut intelligamus, de Perfectione Viæ nullo modo: & quia in hac vita Contemplatio valde manca est, & multò Actione debilior; & quia ad actionem nos Christus revocat in Evangelio, Joan. 13. 17. *Si hæc scitis; beati eritis si feceritis ea; ostendens*, inquit Ammonius, ὁ ἡγεμὼν τοῦ εἰδέναι τὸ ἀρετῶν, ἀλλὰ τὸ ἐργάζεσθαι, *non esse laudabile scire virtutem, sed operari*. Sed permittamus hoc ipsis, Perfectionem in Contemplatione ponendam esse: num exinde sequetur Monachos solos esse perfectos? An nullus est locus Contemplationi idoneus præter Ereum & Claustrum? Obsecro, an generatim quot ubique sunt Monachi contemplativam vitam profitentur? In tria genera Bellar. lib. de Monachis, c. 3. hunc statum distribuit: Unum eorum qui profitentur vitam contemplativam solam; alterum eorum qui vitam activam solam; tertium eorum qui vitam mistam. Dic unde habeat perfectionem suam hoc secundum Monachorum genus, qui vitam activam solam agunt, si in Contemplatione perfectio statuatur. Enimvero si præcisè loquamur, neque ex actione sola neque ex contemplatione sola perfectio est definienda, sed ex utraque. Sic in l. De liberis educandis Plutarchus, perfectos viros eos esse, qui facultatem civilem norunt permiscere & temperare cum philosophia; & Greg. Naz. Or. 20. quæ est In laudem Basilii, adeò inter se complicata hæc duo vitæ genera dicit, quemadmodum inter se terra & mare, ut non debeat esse ἢ ὁ φιλόσοφος ἀκοινώνητον, ἢ τὸ πρακτικὸν ἀφιλόσοφον. & ob hoc ipsum S. Athanasium magnopere extollit, Or. 21. quòd inter se hæc duo amicissimè consociavit, ἡ περὶ τὴν ἡσυχίαν ἡμωραλόν, & *tranquillam actionem & actuosam tranquillitatem*. Quibus ita se habentibus, impossibile est ut Eremicollæ perfectionem consequantur, quia ab actionibus virtutis universæ maximopere absunt. Sed æquum est ut de Angelica perfectione taceant, quia nondum ad humanam pervenerunt. Mittamus hanc similitudinem Angelicam.

Et de Similitudine quam dicunt se habere cum vita Dei, videamus an hæc feliciter procedat. Similitudinem cum vita Dei Eremiticam contrahere dicunt ex Solitudine; quòd cum Dei vita sit perfectissima, & in seipso solo reperitur, sequitur ut qui ad vitam Dei propius accedunt, quod Eremitis convenit, illorum vita est perfectissima dicepda. Adepol negandum non est à similitudine Divina perfectionem nostram pendere, ut quò quisque sit Deo

Y y

proximior,

jutorium, vel adjutorium ei in finem hunc propter quem ego creavi eum, hoc est, adjutorium pietatis. Deinde, Non positum est medium ex instituto Gratiæ: nam Patriarchæ sancti & Apostoli, si non omnes, plurimi erant conjugati, quibus nemo unquam exstitit qui propius ad perfectionem accessit. Ad coelibes S. Paulus loquens, bonum eis esse dicit si in eo statu manserint; sed addit, *propter instantem necessitatem*, nè quis absolute bonum putaret, sed pro tempore, loco, personis, respectivè. Est adjumentum pietatis Cœlibitus, sed non nisi ipsis solis qui Continentiæ donum habent: adjumentum non est, si in fœdos concubitus degeneret; non est, si cupiditatis molestiis aut carnis stimulis opprimatur. Quis enim non vider, facilius esse conjugato liberare se à secularibus negotiis, ut ad perfectionem ascendat, quàm cœlibi carnali istos fluctus componere? Quod si Adversarii videre nolunt, at vidit Sanctus pater Chrysostomus, Ser. 21. in Genesin; *Sinuptia*, inquit, *vel puerorum educatio prapedimentum forent in virtutum itinere, nequaquam in hanc nostram vitam nuptias introduxisset Dominus: sed ideo introduxit, quia nihil nos impediunt in Divina philosophia, sed & magnam afferunt consolationem, dum comprimunt insanum naturæ impetum, nec turbari quasi mare sinunt, sed efficiunt ut scapha feliciter in portum appellat: & Sermon. 4. de verbis Isaïæ; Quoties cum quibusdam de vulgo differimus, dicentes, Cur non rectè vivis? quamobrem non prastas mores absolutos? Qui possum, inquirunt, nisi divertam ab uxore? nisi valedixero liberis? nisi valere jussero negotia? Quamobrem? num obstat matrimonium? Adjutrix tibi data est uxor, non infidiatrix. Annon habebat uxorem Propheta? neque tamen gratia Spiritûs obstat Conjugium, Moses nonne uxorem habuit? & tamen is petram dirupit, cum Deo colloquebatur, Divinam iram cohibuit. Abraham nonne habebat uxorem? & tamen pater factus est Gentium & Ecclesia: Annon vidisti totum & filii amantem & Dei? Istis nihil est clarius, ex Chrysostomi sententia, Votivam illam Continentiam non esse sublime medium perfectionis, quæ pon minùs matrimonio congruit quàm cœlibatui, ut optimè Clemens; Strom. 7. Accedat & illud, Quod non solum in rebus venereis Continentia consistit, nec in uno genere, sed, ut Clemens loquitur, cap. 5. Strom. 3. in quibuscunque aliis rebus quas luxuriosa concupiscit anima: *ἡ ὑπερβολὴ τῆς ἐξουσίας καὶ τῆς ἀφροσύνης*, Continentia est despiciere pecuniam, voluptatem, possessionem, spectaculum, os continere, peccata vincere. Ratio à Chrysostomo redditur, in 4. de Pœnitentia: Quia sicut ab adulterio corpus corrumpitur, sic à malis cogitationibus & perversis dogmatibus anima; ut si quis dicat *ἡ δὲ ψυχὴ καὶ ἡ κόρη*, virgo sum corpore, animâ verò invidet fratri, hic non est virgo; virginitatem enim invidiâ vitia vitavit suam: nec inanis gloriæ homo est virgo animâ, nec qui odit fratrem suum, nec mendaces & vaniloqui, quia qualibet passio prava virginitatem solvit. Quod si juxta hæc rationes de Continentia loquantur, non negamus eam maximo esse perfectioni adjumento: at hæc non minùs emicare & possunt & solent in Christianis aliis quàm in Monachis. Hæc ratio prima, Monachatus non habet præstantiora media quantum ad Corporis disciplinam.*

Secunda est de Prærogativis Animæ: sunt autem multæ quas Monachismo affingunt; quod vivunt homines purius in Solitudine, quod incedunt cautiùs, quod surgunt velociùs, quod mundo magis moriuntur, quod in vigiliis, lacrymis, jeuniis, aliisque quæ ad mortificationem tendunt, sunt magis exercitati, quod similitudinem quandam cum vita Dei & vita Angelorum acquirunt. Hæc duæ Prærogativæ præcipuæ; quod ad reliquas, non

non magis est Monachorum in iis eminere quàm cuiusvis Christiani. Mundo emori potest in mundo positus, & Christo vivere. De similitudine duplici videamus; una est cum vita Dei, altera cum vita Angelorum.

Similitudinem cum vita Angelica Monasticam contrahere dicunt ex Contemplatione; est enim Contemplatio cibis, si quis alius, Angelorum. Sed quid tum postea? Num ex Contemplatione sola perfectio Christiana est dijudicanda? imò magis ex Actione. Sic olim philosophi statuerunt, universam iustitiam virtutem esse perfectam, quia usus est perfectæ virtutis. Sic emunitiones inter Papistas Theologi, Hugo à Victoria & Gersonius, *Perfectio hominis directiva sunt decem precepta*, inquit Hugo, in Institutis in Decalogum, c. 2. vicissim & Gersonius, in Sermone Ad Ecclesiasticorum cautelam, *Perfectio Christiana est Dei dilectio, in qua qui ferventior est, hic perfectior judicatur*. Quid quòd ipsi Scholastici, etsi apertè perfectionem in Contemplatione ponant, at tacitè eam statuunt in Actione virtutis, & quia in Charitate eam collocant, quæ vitæ activæ summa est; & quia affirmant in Prælati majorem esse perfectionem quàm in religiosi, propter actionem; quia Prælati sunt *perfecti perfectique*, ut Thomas 2. 2^æ, qu. 184. ar. 7. loquitur, h. e. illi qui alios ad perfectionem ducunt, Religiosi solum *perfecti perscrutandi*. Quòd si in Contemplatione perfectio statuenda esset, at de Perfectione Patriæ oportet ut intelligamus, de Perfectione Viæ nullo modo: & quia in hac vita Contemplatio valde manca est, & multò Actione debilior, & quia ad actionem nos Christus revocat in Evangelio, Joan. 13. 17. *Si hæc sciatis, beati eritis si feceritis ea*; ostendens, inquit Ammonius, ὅτι τὸ εὐχάριστον ἔσται ἀπὸ τοῦ ἐργάζεσθαι, non esse laudabile scire virtutem, sed operari. Sed permittamus hoc ipsis, Perfectionem in Contemplatione ponendam esse: num exinde sequetur Monachos solos esse perfectos? An nullus est locus Contemplationi donec præter Eremitum & Claustrum? Obsecro, an generatim quot ubique sunt Monachi contemplativam vitam profitentur? In tria genera Bellar. lib. de Monachis, c. 3. hunc statum distribuit: Unum eorum qui profitentur vitam contemplativam solam; alterum eorum qui vitam activam solam; tertium eorum qui vitam mixtam. Dic unde habeat perfectionem suam hoc secundum Monachorum genus, qui vitam activam solam agunt, si in Contemplatione perfectio statuatur. Enimvero si præcisè loquamur, neque ex actione sola neque ex contemplatione sola perfectio est definienda, sed ex utraque. Sic in l. De liberis educandis Plutarchus, perfectos viros eos esse, qui facultatem civilem norunt permiscere & temperare cum philosophia; & Greg. Naz. Or. 20. quæ est In laudem Basilii, addè inter se complicata hæc duo vitæ genera dicit, quemadmodum inter se terra & mare, ut non debeat esse ἢ ὁ φιλόσοφος ἀκοινώνητον, ἢ τὸ πρακτικὸν ἀφιλόσοπον: & ob hoc ipsum S. Athanasium magnopere extollit, Or. 21. quòd inter se hæc duo amicissimè consociavit, ἡ περὶ τὴν ἡσυχίαν καὶ τὴν ἐνέργειαν, & tranquillam actionem & actuosam tranquillitatem. Quibus ita se habentibus, impossibile est ut Eremiticæ perfectionem consequantur, quia ab actionibus virtutis universæ maximopere absunt. Sed æquum est ut de Angelica perfectione taceant, quia nondum ad humanam pervenerunt. Mittamus hanc similitudinem Angelicam.

Et de Similitudine quam dicunt se habere cum vita Dei, videamus an hæc felicius procedat. Similitudinem cum vita Dei Eremiticam contrahere dicunt ex Solitudine; quòd cum Dei vita sit perfectissima, & in seipso solo reperitur, sequitur ut qui ad vitam Dei propius accedunt, quod Eremitis convenit, illorum vita est perfectissima dicenda. Adepot negandum non est à similitudine Divina perfectionem nostram pendere, ut quò quisque sit Deo

Y y

proximior,

proximior, eò etiam & perfectior: quod Proclus Platonici vidit, c. 25. In-
 stit. Theol. *Ἡ τελειότερον μᾶλλον τῷ ἀγαθῷ μέλει*, quod est perfectius, id magis
 participat ipsum bonum; quod idem est ac si dixisset, Quod est propinquius
 primo perfectio, illud est perfectius. Sed animadvertere oportet, primò, A
 vita solitaria similitudinem nostram cum Deo non esse trahendam, sed à bo-
 nitate. Solus ille dicitur quia sibi sufficiens, in seipso habitat, nullà alià re
 indigens in qua aut cum qua requiesceret: at homines etiam sanctissimi,
 cum membra sint corporis Mystici, & diversa dona habeant, & singuli suum,
 non possunt sibi invicem dicere, aut oculus manui, aut manus pedibus, Non
 necessarii mihi estis. Secundò, Tamen si solus sit Deus, non tamen est solus
 dicendus; quod Aug. l. 6. de Trin. c. 7. observavit: quia etsi hoc vocabulum
Solus removeat omne quod à subiecto diversum est, at non excludit confor-
 tium rerum ejusdem naturæ; ut Christus in Evangelio, Joan. 8. & Joan. 16.
Non sum solus, sed ego & qui misit me Pater. Profectò ubi est beatissimum
 trium Personarum consortium, illa solitudo non est dicenda. Tertiò, Hoc po-
 sitò, quòd solus erat ante creationem mundi, at perfectissimus cum esset &
 nullius indigus, mundum fecit, et creaturis bonitatem suam & perfectionem
 ad extrà communicaret & notum faceret; utque ipse quasi perfectiorem sta-
 tum haberet, non ad intrà, sed ad extrà, non in se, sed in cultu. Postremò,
 Si esset hæc solitudo Dei imitabilis perfectio, at non sufficit ut quis sit proxi-
 mior Deo secundum unam perfectionem, nisi etiam sit secundum alias, eàsq;
 ad similitudinem ordinatas. Perfectiones illæ sunt puritas, sanctitas, bonitas,
 misericordia, & ejusmodi alia. In hoc Dei bonitas maximè elucescit, quòd
 cum solus esset, diffundere voluit & communicare bonitatem suam. In eadem
 cõmunione beatitudinis est Angelorum perfectio, in eadem Sanctorum trium-
 phantium, in eadem Sanctorum militantium, ut sint solatio, ut sint exemplo
 alii aliis, juxta illud Salvatoris, *Sic luceat lux vestra*, & illud Apostoli,
 1 Tim. 4. 12. *Esse exemplum fidelium in verbo, in conversatione, in charitate,*
in fide, in castitate. Quæ ratio? Quia unumquodque eò magis bonum quò
 magis diffusivum. At qui solitudinem Desertorum affectant contra hanc
 regulam gravissimè peccant, idq; triplici respectu. Respectu Dei, cui gloria
 nulla, aut ea quàm exigua, ex secessu illo accedit: respectu Proximi, quia
 nec verbo aliis prodesse possunt, nec exemplo; non habent vitæ socios, sed
 nec testes; si rectè eant, non est qui eos sequatur, si aberraverint, non est
 qui revocet; sibi vivunt, sibi moriuntur, externis omnibus Communionis
 Sanctorum effectibus amputatis: cum tamen vita optima sit quæ aliis, iiq;
 plurimis, inserviat; & is dicatur Vivere, qui multis est usui: quod Seneca &
 Cicero observarunt, Neminem sibi soli natum, sed omnes ad cœtum genitos
 & societatem, ut, velut in ædificio lapides, sustineant alii alios, & quasi fer-
 mentum, multos ad imitationem sui trahant. Agnosco curarum laborumq;
 portum solitudinem esse; sed potest esse vitiorum latibulum, cum non sit
 aliquis vitæ nostræ conficius: quod Arrianus in Epictetum observavit, *Nisi,*
inquit, mens utilis fuerit, cum soli sunt homines, pueri similes sunt, qui tes-
tulas arripiunt & pulverem, & primum adificant, deinde destrunt, ac tum
denovo exstrunt; & nihil agentes, nunquam deest illis quod agant. Agnosco
 immunem esse solitudinem ab injuriis seculi; sed multò gloriosius est in me-
 dio earum esse, & fortiter pati; si non est qui feriat, quis erit qui vincat? Ag-
 nosco tranquillitatis asyllum solitudinem, sed etiam affectuum pravorum sus-
 citabulum. *Omnia nobis mala solitudo persuadet,* inquit Seneca, Ep. 25. Sed
 nec ille solus hoc dixit, verum ab exemplo Christi interpretes omnes, de
 loco occasionem tentandi Christum cepisse diabolus, atque tum maximè
 nos aggredi cum solitarios videt. Ipse Aquinas *periculosum esse* dicit inci-
 pientibus,

piensibus, 2.27, qu. 188, art. 8. Gersonius verò, certissimum quamplurimos solitudinem precipuisse, quos tutius fuerat in seculo remansisse: In solitudine citò subrepere superbiam & fastum, ut putent se, si hominem non viderint, aliquis esse momenti; ut abstracti ab hominum frequentia, sordidè & impie cogitationibus pateant, & pleni arrogantia & supercilii cunctos despiciant.

Gerf. De erroribus circa art. magic.

Hier. Ep. 4. ad Rusticum, & Ep. 8. ad Demetriadem.

Quæ cum ita sint, non longè sumus à Definitione quæstionis, eritq; disputationis longæ brevissima solutio; Quòd cum Monastica vita nec tutior sit, nec sanctior, nec pietati accommodatior quàm vita Christiapa, nec perfectionem magis promoveat, nec plures gradus transiliat, sive in Officiis quæ Deum, sive quæ Proximum, sive quæ Nos ipsos respiciunt, sequitur ut neque vita sit perfectissima, neque medium perfectionis convenientissimum, neque ullatenus nobis exemplo Christi commendatum.

LECTIO VI.

Tunc ductus est à Spiritu.

DE Loco certaminis omnium gloriosissimi inter Redemptorem humani generis & hostem quæ dicenda erant jampsidem audivisti, fusiori fortassis calamo quàm Historica verborum ratio, non quàm Theologica, postulavit, abstrahente me huc & illuc necessariâ rerum consequentiâ, & à deserto in desertum ducente, à deserto Christi in desertum Monachorum. Ad reliquas nunc circumstantias patefaciendus est aditus; ad Tempus in quo pugna suscepta est, & Præconem qui bellum indixit, & ipsius Qualitatem certaminis: in quibus singulis pertractandis Documentorum ampla messis erit, Controversiarum aut nulla aut quàm exigua, donec ad quadraginta dierum Jejunium pervenero. Disputationum materiam hæ tres appendiculæ non subministrant, sed Observationum. Utcunque fuerit, quamplurima sunt etiam in illis ad bonam frugem ducentia; sicut habent & Christi minima virtutem suam: neque erit incommodum, ut mutato verbo S. Ambrosius loquitur, *Dominicis inherere Minoribus*. Ex istis Minoribus primum quod introspectiendum occurrit est Tempus certaminis, adverbiali particulâ indicatum, *nón, Tunc ductus est*. Vis ejus non ex Significatione, sed ex Consignificatione petenda est; in se non magni est momenti, concomitantiis adjuncta maximi. Quapropter in ea sola perscrutanda totius hujus diei negotium colloco, & sub triplici notione considerabo, Communi, Propria, magis Propria. Ad diem mensis nos Propria notio revocat; ad ætatis annum, Communis; Magis propria, ad ordinem Ministerii, & alia gesta Tentationi contermina.

Ambr. Præf. in Luc. 4.

Exordior à notione Propria, quæ Mensis diem indigitat quo inceptum hoc magnum Christus est auspicatus: & illum quidem perbreve attingam, quia adeò incerta est ipsius definitio, ut neque ratione indubitata nec certo calculo Chronologia possit circumscribi. Epiphanius, Advers. hæreses l. 2. to. 1. Hæc. 51. contendit acriter, & sæpius urget, baptizatum Christum fuisse & tentationis prælium suscepisse, si Aegyptiorum mensium rationem habeas, die duodecimo mensis Athyr, h. e. octavo Novembris die juxta

Y y 2

com-

computationem nostram. De Basilidianis Clem. Alex. Strom. 1. testatur, eos diem Baptismi, adeoque exordii tentationis, celebrare die quintodecimo mensis Tybi, h. e. decimo die Januarii, Theobaldus Menschius, l. 2. Chronol. Sacræ, c. 4. à Jordane in desertum se contulisse asserit die decimo Tisri, sive Septembris. Elias Reusnerus in Isagoge Historica, à die octavo Octobris, atque ibi mansisse usque ad decimum septimum Novembris, quod quadraginta dierum spatium in se comprehendit. Denique & alii, quos loco supradicto Clemens memorat, incepisse eum hoc vitæ Evangelicæ institutum die undecimo mensis Tybi, h. e. Januarii sexto. Hos Chronologiæ scrupulos aliis enucleandos relinquo, & hanc de sexto Januarii sententiam libentius sequor; tum quia in Ecclesia hæc sententia ferè obtinuit, tum quia in hac parte Patres penè omnes conveniunt, ut eodem die mensis ad desertum se contulisse putetur quo à Joanne sit baptizatus, quo adoratus à Magis. Ad sua tempora id Ecclesiasticâ traditione defluxisse testantur S. Maximus, in Sermone de Epiphania Domini, & Isidorus, l. 1. de Offic. Eccle. c. 26. & S. Bernardus, Ser. 1. de Epiphania Domini. Quid quòd Hieronymus in caput primum Ezechielis idipsum pro concessio sumit? Mihi magnopere placet illud S. Maximi, *Januarii sexto quid potissimum factum sit novit ipse qui fecit; nos tamen credere, nec dubitare debemus, quicquid illud est factum, pro nobis factum, esseque hunc diem virtutis ejus quasi alterum Natalem.* Consultò dixit *Natalem*, propter cœlestia testimonia, & inchoatas victorias, & pulcherrimi facinoris exordia. Est enim apud antiquos solenne, diem quemcunque trophæis aut lætitiâ insignem *Natalem* vocitare. Sic diem quo erat ab exilio revocatus *Natalem reditus sui* Cicero appellavit: & regressus captivi filii, diem Plautinus Hegio *Natalem vitæ*; *Dii immortales*, inquit, *iterum natus videor, si vera autumat.* Quid quòd & Ecclesiasticis Scriptoribus mos idem loquendi incescit? nam diem Cœnæ Dominicæ *Natalem Felicis* Paschasius dicit; & diem Ordinationis Felicis Episcopi *Natalem Felicis* Ambrosius, l. 1. Ep. 5. & primum Veris mensem, cum terram Sol radiis de novo exhilarat, *Natalem telluris* Arnobius l. 7. Hæc omnia ea potissimum de causa, quòd non minus jucundi sint nobis illi dies quibus in honore & observantia habemur quam quibus nascimur. Eodem, imò verò æquiori, privilegio atque indulgentiâ loquendi, hunc sextum Januarii *Natalem manifestationis, Natalem victoriarum, Natalem ministerii beatissimi Salvatoris* S. Maximus appellavit. Est enim utrinque aliquid, & in die & in mense, memoratu dignissimum. In die, quòd eum ex multis selegerit ad Evangelicæ vitæ præludia, quòd eum solenni suæ inaugurationi reservaverit, quòd in eo insidentis Columbæ & paternæ vocis præconia acceperit, quòd in eo Magos è Satanæ laqueis quibus implexi tenebantur ad fidei usque professionem evolverit, verbo, quòd in eo Satanam ipsum, idque in loco & solio suo, ad pugnam provocaverit, dearmaverit, vicerit. Augustum Cæsarem hoc sexto Januarii triplici triumpho Romam ingressum esse Historici observant, & ab hoc die potestatem summam & fuisse penès ipsum, & permanisse. At hoc plebeium est & proletarium, si de amplissimis triumphis Christi loquamur, qui hoc ipso die, præter Magorum spolia diabolo prius detracta, trophæa bina clarissima posuit; unum in Jordane, de peccato, aliud in Deserto, de Tentatore. Hoc illud est quod dixi de Die esse observandum.

Deinde, quod spectat ad Mensem, brumale tempus erat, nivibus infestum cœlique asperitatibus, quando gelu durescit terra, & frigore velut cote acuminatus, pulmones faucians aer trahitur, atque longæ ducuntur noctes; inter imbres, nimbos, procellas, turbines, cæterâque tempestates: in desertum, squalidissimum locum, hoc asperiori tempore Christus se contulit, non lectum,

Cic. l. 3. ad Attic. & Ora. pro Sextio.
Plaut. in Cap. Aul. 4.

Pasch. De corp. & sang. Domini.

lectum, non sedeculam habens quibus discumberet, non tugurium aut tentorium quo ab hac intemperie tegetur. Quæ hujus mysterii ratio est? Fortassis illa, Ut victoria splendidior esset, quæ ex manu hostis non modò loco impari, sed durissimâ etiam tempestate, extorqueretur; aut illa, Ut jejunium magis claresceret, esuriei asperitatem asperitate temporis duplicante; aut denique illa, Ut præviâ asperitatum tolerantia contra injurias seculi quæ postmodum occurrerent se muniret atque præpararet. Prospexit penitus quali comitate eum Scribæ & Pharisei exciperent, eadem scilicet quam sancti & religiosi viri in mundo plerumque consequuntur: contemptus, fastidium, irrisio, calumnia, insectatio, probum, hæc erga homines pios humana est benevolentia; ut verè, cum S. Job, Militiam eorum vitam dixeris, vel potiùs Tentationem. Quod egregiè ab Hieronymo ab Oleaster est animadversum; in Num. 8. 24. *Hæc est lex Levitarum, à viginti quinque annis & supra ingredientur ut ministrent in tabernaculo fœderis*, sic Vulgata editio legit; at Pagninus & Tremellius, juxta Hebraicam veritatem, rectiùs, *A viginti quinque annos nato, & deinceps, ingredientur ad militandam militiam in opere tabernaculi Ecclesie*. Sapins, inquit Oleaster, mirari mecum capi, cur qui ad serviendum Domino venit, dicatur venire ad militandum: verùm justissimè hoc factum esse credendum est, quia nemo est qui dicere queat quot oppositiones, objecta, contradictiones hodie patiuntur qui se Dei ministerio tradunt, & pie in Christo vivere volunt; armatus videtur orbis universus adversus eos, ita ut milites, & plusquam milites, imò & Martyres oporteat esse qui ad obsequia Divina propius accedunt. Hoc Christus præscivit, & idcirco ad Ministerium suum velut ad militiam se paravit: locorum ut erat, ita & temporum suorum arbiter atque accuratissimus observator. In Nazareth concipi voluit; hoc est, florilegio, flos de radice Jesse; in Bethlehem nasci, *domo panis*, civitate David, panis cœli, filius David; in Deserto tentari, vermis hominum, ab hominibus deferendus; Jerosolymis mori, *visione pacis*, princeps pacis. Hæc selectio Locorum erat. Similisque selectio Temporum. Nam Concipi voluit 25 die Martii, ut Athanasius ostendit, in mysterio, quia eodem die primus homo erat creatus: Nasci voluit eo tempore quo universus Orbis ad pacem universalem indicandam describeretur; hoc etiam in mysterio, ut orbe pacato, pacis perquisitor nasceretur; & cum mundus describitur, qui electos scribit in æternitate, ut Gregorius loquitur: Mori voluit tempore Paschatis; hoc iterum in mysterio, Agnus enim Dei erat, Agnus typicus, Agnus immaculatus, & Pascha nostrum Christus, qui immolatus est pro nobis, 1 Cor. 5. 7. Porro, & Spiritum Sanctum misit in die Pentecostes, pariter in mysterio, ut Lex nova veteri responderet; illa post quinquaginta dies ab egressu de Ægypto scripta fuit in tabulis lapideis, itidem & hæc post 50 dies à Christi Resurrectione scripta est in tabulis cordis: Postremò, ad certamen se accingit hyemali tempestate, tempore duro, sævo; acerbò; ut contra sævitia & inclementiam hominum sese exerceret, præcognoscens quàm duriter & inhumane eum essent tractaturi. Hæc Temporis seligendi ratio, quantum ego conjecturâ auguror. Atque hæc sufficiant de temporis respectu primo dixisse, de die Mensis, ad notionem Temporis primam spectante.

Secunda sequitur, de Anno ætatis, sub notione Communi comprehensâ. Circa annum duo cetera sunt ex Evangelio; exiisse Christum in desertum excurrente anno decimoquinto Tiberii, ut habetur Luc. 3. 1. & exiisse eum circa trigessimum ætatis suæ annum, ut ait idem Evangelista c. 3. 23. *Erat Jesus incipiens quasi annorum triginta*. Sed quia hæc verba variam admittunt expositionem, hinc varæ opiniones natæ sunt. Una est Cardinalis Cajetani, qui tempus Baptismi & Tentationis ad 29 ætatis annum retroducit,

Y y 3

quia

Qu. 17. ad Antiochum.

Perer. l. 11. in
Dan. 9. 6.

quia dicitur, *quasi annorum triginta*, hoc est, ipso interpretante, prope inchoationem trigesimali anni; non enim dicitur incepisse tricesimum annum, sed *ferè* incepisse. Altera est opinio quæ ad trigesimalium annum tempus rejicit; verum cum aliquo discrimine: nam Euseb. lib. 1. Eccl. Hist. c. 10. & Irenæus, l. 2. c. 39. quos Pererius Jesuita sequitur, initium intelligunt anni trigesimali; Epiphanius Hær. 51. cui Corn. Jansenius astipulatur, trigesimali finem & exitum, *Triginta*, inquit, *erat annorum*, αὐτῷ ἡ ἀνάστησις, *non eos habuit plenarios, sed mancos, & cum duorum mensium defectu*. Tertia opinio sub initio anni trigesimali primi tempus constituit, quia tunc triginta annorum quis dicitur esse, quando annum trigesimalium undique implevit. Est hæc communior sententia & Sanctorum Patrum & opumorum Chronographorum, quod per duodecim dies excesserat annum trigesimalium: neque obstat quod ab Evangelista dicitur, fuisse eum *quasi* vel *ferè* *annorum triginta*; nam hæc particula non semper ponuntur dubitative, sed sæpe assertivè; neque semper diminutionem significant, ac si deesset aliquid ad numerum complendum, sed potius aliquid superesse. Sic Joan. 1. 14. *Vidimus gloriam ejus, gloriam quasi unigeniti Patris*: affirmantis particula *quasi* est, non dubitantis aut diminuentis; nec similitudinem notat, sed veritatem, ut Mor. l. 18. c. 4. Gregorius observavit. Sic Exo. 12. 37. *Hebræorum numerus qui ex Ægypto egressi sunt ferè vel circiter sexcenta milia virorum* reputatur: ubi illud *ferè* non significat defuisse aliquot ad explendum numerum sexcentorum millium, sed potius aliquot ei numero superfuisse; quia liquet ex Num. 1. 45. plenum & integrum eorum numerum fuisse sexcenta & tria milia, superque quingentos & quinquaginta, præter eos qui eodem anno propter adorationem vituli interfecti fuerunt. Et hunc verborum sensum prolixè tuetur Scaliger ex vi textûs Græci, l. 3. Can. p. 2. num. 102. Apertè etiam illud Patres testantur: Ignatius in Ep. ad Trallianos, quæ omnium confessione genuina est, baptizatum eum dicit *cum tres annorum decadas explevisset*, ἡμεῖς δὲ ἐνταῦθα ἐπὶ τὴν πολιδωμίαν; & Chryl. Ser. 1. in Matthæum, & ex ipso Euthymius, μὲν ἡμεῖς ἀντὶ τὴν ἐν τῷ βαπτισμῷ ἔλθεν ὁ Ἰησοῦς, *post triginta annos venit ad baptismum*; Epiphanius etiam, Hær. 51. paragrapho 27. *baptizatus est* μὲν τὸ ἑκατὸν ἡμεῖς ἔτι, h. e. *post trigesimalium annum completum*, vel *trigesimo anno jam elapso*; & Hær. 66. lect. 50. *Anno decimoquinto Tiberii prædicationem exorsus est*, μὲν ἡμεῖς ἔτι & αὐτῷ ἡμεῖς, *post annum à nativitate trigesimalium*. Hieronymus, præterquam quod in caput primum Ezechielis triginta annos eum natum pronuntiat cum ad baptismum, adeoque ad desertum, venerit, in Sermone de Epiphania Domini triginta eum annorum ætatem explevisse asserit priusquam eum mundus ex-baptismo cognoverit. Denique & Bernardus, Ser. 1. in Epiph. Domini, Cum, inquit, *triginta annorum tempus Christus exegisset in carne, inter populares turbas ad baptismum Joannis advenit*. Ut nihil interea dicam de aliorum Patrum testimoniis, ex quibus est manifestum tricenarium eum ad baptismum accessisse. Sic Irenæus l. 2. c. 39. *Triginta annorum existens ad baptismum venit*; & Ven. Beda, li. De rat. temporum, c. 45. *Triginta annorum erat baptizatus*; & August. l. 15. de Trin. c. 26. *Triginta erat annorum à Joanne baptizatus*; Greg. Naz. Or. 40. quæ est In Sanctum Baptisma, Χεῖρς ἡμεῖς ἀντὶ τὸν βαπτισμὸν ἐστὶν ἐστὶν ἡμεῖς *est autem ἡμεῖς ἀντὶ τὸν βαπτισμὸν tricenarius, vel tricennalis, qui triginta annos integros exegit, si præcisè loquamur*. In hanc ego, ut verissimam, sententiam non possum non discessionem facere, cum sit & probabilior & communior, & beati etiam Ignatii testimonio confirmata, qui cum Christi tempore vixerit, eumque, ut testatur Hieronymus, in carne viderit, quo ætatis anno baptizatus fuerit facillè ignorare

rare non potuit. Quamquam revera non videam quid capiat doctrina fidei detrimenti, five ad exordium, five ad exitum trigelimi anni, five, quod veri magis simile est, ad trigelimi primi ætatis suæ anni inchoationem hunc in desertum secessum referamus. Verborum igitur sensus hic est, *Datus est in desertum Tunc*; hoc est, quando ex parte sua triginta annos & quod excurrit compleverat, tunc in arenam descendit, & primum publici muneris vestigium in singulari hoc certamine collocavit. Quæ putas est ratio? Rationes si quis quærat quare hunc vitæ annum selegerit, duæ sunt, ut ego conjicio.

Prima est, Ut in hac ætate reliquas ornaret & sanctificaret, quia in hac una reliquæ continentur. Non mea est, sed Irenæi, l. 3. c. 39. *Per omnem vitæ ætatem, ut omnem sanctificaret ætatem*; infantibus infans factus, sanctificans infantes; parvulis parvulus, sanctificans parvulos; juvenibus juvenis, sanctificans, & exemplum pietatis se præbens juvenibus; senioribus senior, h. e. viris vir, secundum ætatem suam sanctificans viros, & exemplum eis exhibens: usque ad senectutem non descendit, duabus de causis. Primò, Propter intervientia Obstacula. Triâ erant quæ obstabant: Prædictiones Prophetiæ de morte ejus, quæ cum constitutum impletionis tempus haberent, senectutis moram præstolari non poterant absque præjudicio veritatis: Apostolorum ministerium, qui cum ad conversionem orbis mittendi erant, idque post Ascensionem Domini, eo fungi munere nullatenus poterant si expectassent dum Christus senesceret, ipsi simul serio confecti: denique & ipsum Salvatoris Institutum impediēbat, qui in salutis opere peragendo impatiens erat crastini, minimæque cunctationis, avidusque non victoriæ solum sed celeritatis, *Coartor usque dum perficiatur*; sunt ipsius verba, Luc. 21. 50. Equidem necessarium erat ut senectutem præoccuparet qui tam alacri impetu ferebatur; obrepentis senectutis lentitudini festinatio illa non congruebat. Hæc ratio prima, Propter impedimenta.

Secunda sumitur ab Indecentia; Quia erat incongruum ut ejus sanctissima caro corruptionem videret, nè mortua quidem, dicente Apostolo, multò minus viva & animata; quæ tamen est res contigua senectuti. Incongruum erat ut infirmitatibus istis se subiceret, quamquam illas alteras infantie susceperat. Audiamus Baptistam, ipse sit hujus quæstionis arbiter, qui de Christo sic loquitur, Joan. 3. 30. *Ilum oportet crescere, me autem minui*. Obsecro quid illud est *Crescere*, nisi quod S. Lucas, cap. 3. ver. ult. *Crescebat statura & sapientiâ*? Utrumque jungit, hoc, quia non erat possibile ut sapientia; illud, quia non erat consentaneum ut ætate decrederet, qui omnis solus est author incrementi. In hujus rei testimonium S. Augustinus annotavit Joannem fuisse decollatum, Christum crucifixum; obtruncatus Joannes decrevit in capite, Christus exaltatus crevit in Cruce. A nativitate idipsum S. Ambrosius colligit, quòd quando Joannes natus est, dies deficerent; cum Christus, habebant augmentum. Neque enim æquum erat ut senectutis deflectione premeretur: Posse senescere habuit ex natura hominis; nè senesceret, ex Divinitate Mediatoris. Totius Scholæ una est eaque rectissima definitio, quòd infirmitates naturæ nostræ assumpsit, non personæ, ut agritudines & morbos: assumpsit ea quæ erant *νόσος ἀδελφική*, ut Damascenus loquitur, l. 3. c. 20. at erant nonnullæ passionēs *depressabiles*, ut Durandus loquitur, l. 3. d. 15. indignæ Christo, quarum aliquas non assumpsit ullatenus, alias verò potentialiter assumpsit, non actu, ut senectutem. Posse senescere, & posse mori, à matre contraxit, ut si morte violentâ sublatus non fuisset, proculdubio fuisset tandem senectute defecturus ac moriturus: sed noluit senescere, quia non erat decorum; non congruebat ipsius excellentiæ &

plenitudini, quia ipsa senectus est morbus; neque erat expediens, quia ipsam senectutem in virili ætate sanctificavit. Propterea ad maturam ætatem ascendit, & non ultrà. Hæc prima est Ratio.

Secunda est, Quia hæc ætas est ætas consummata atque perfecta. Hæc à Gregorio Nazianzeno redditur, Oratione quadragesimâ, quia habet hæc ætas *τελείαν βίαν* & *ἀρετήν*, & *τὴν διδασκίαν καὶ ἐργον*, *plenum virtutis argumentum, decendique maturitatem*: nec non ab Hieronymo, in Ezech. c. 1. *In homine perfecta est hæc ætas, sive ad docendum, sive ad pugnandum; tum roboris vigor se prodit simul & sapientia*. Non quod ætas aut apud Deum æstimeretur, aut a Christo exigatur, qui à primo incarnationis momento summam Spiritus Sancti habuit plenitudinem; sed partim ut nobis exemplo esset, partim ut adversariis os obstrueret, decebat eum qui omnes ad se esset pertracturus sua singula tam prudenter dispensare atque disponere, ut neque inimici haberent quod raperent in calumniam, neque alumni & sequaces quod in malam traherent imitationem. Hoc Christus à longinquo prospexit, quod, cum esset Divinâ lege cautum, Num. 4. 3. ut non nisi à trigésimo annò Sacerdotes inciperent in Tabernaculo ministrare, si ante hos annos ad Doctoris munus se accingeret, foret, ut eum obtrectatores velut Legis violatorem coarguerent. Prospexit multos futuros homines temerarios, qui in sacra & officia & certamina absque cumulo aut annorum aut donorum apparatu præcipiti saltu desilirent; cum tamen utrinque, & magnæ molis prælium sit Tentatio, & adeò formidandi laboris opus Sacerdotium, ut novitiorum humeri sustinere non valeant. Nobis igitur est exemplo, & duo sunt Documenta quæ nobis frugi erunt, ex Communi hoc temporis respectu elicienda.

Ep. 56.

Documentum primum hoc est, Non omnis ætas est Militiæ Christianæ idonea, nec cujusvis est in pugnam se cum diabolo aut instrumentis ejus immittere; sed certo & erecto animo opus est ad hos incursum sustinendos; quibus ferendis cum se scioli impares sentiant, statim aut succumbunt, aut fugiunt. Ex ore lætentium potest Deus & laudem suam perficere & fidei causam communire; potest, quod de Sanctis Innocentibus Cyprianus dicit, *ætatem inhabilem ad pugnam habilem facere ad coronam*; potest peritos victoriâ facere qui sunt imperiti sermone, & efficere ut simul sint triumphare & vivere. Verùm meminisse oportet, interesse multum inter arrogantiam & fidem. Submissæ infirmitati adesse Deus aliquando dignatur, temeritati nunquam: parare nosmetipsos jubet ad pugnam, non in pericula irruere; cum nemini ruina propior sit quàm de suis viribus præsumenti. Hoc S. Petri nos exemplum docet, si pensaculatiùs consideremus. Is tyro cum fuerit ac sciolus, veteranum se existimavit & invictum; ergò virtuti suæ confidens sublatiùs gloriatur, *Quamvis omnes negaverint, quamvis fuerit mihi tecum moriendum, non negabo te*. Attendite, obsecro, quæ sunt consecuta. Ductus est Jesus ad principem Sacerdotum, & vinctus in judicio sistitur. Sequitur Petrus, quamvis à longinquo. Illud egregiè. In atrium Sacerdotis, veniâ priùs impetratâ, ingreditur. Audax facinus! Accedit ad focum, & fidens animi, virtutis suæ subnixus, cum calefacientibus calefaciebat se. Quousque, invide? Exaudit verba ancillæ dicentis, & percontantis, *Numquid tu unus es ex discipulis ejus?* Nunc quid agitur? quid est quod respondet? Dixisti quod res est, Unus ego sum, imò primus ex illis; non me pudet Dominum meum dicere quem suum Angeli consentitur? Nihil minus; negat, pernegat, dicta iterat, malùmque sibi comprecatus discipulatum ejurat, *Non novi quid dicis, Non novi hominem*. O virum sortem! ô Discipulorum decus! ô fidei promissique memorem! Quid agis, ô Petre, futuræ

futurae Rector Ecclesiae? quid loqueris? Hoc illud est quod in te persancte receperas? Haecine fiducia tua? Haec fortitudinis primitiae? Quid est quod trepidas? Cogita, quis est qui te interrogat? non Pharisaorum aliquis aut Scribarum, non centurio, non miles, non spiculator, non custos carceris te adoritur: mulier tantum, &, quod minus est, puella, & oiliaria, abjectum mancipium, & simplici voce te interrogat, nec proditura confessum. O res stupenda! Videtis tyrocinii pusillanimitatem: fidem Petri nondum aliquis tentavit, adversariorum nemo persequitur, nemo trahit ad publicum, ad minas nondum est processum, non ad flagella, nondum sunt admota tormenta; & Petrus ancillulae voce consternatus ad suspicionem vulneris pallescit, atque puellulae labiis immobilis Columna concutitur. Enimvero non inscite à S. Chrysostomo est animadversum, non absque Divina mente & providentia factum ut omnes Evangelistae Petri negationem concorditer scriberent, ut nos docerent quantum novitio malum sit in se confidere, cum Petri soliditatem non turbo aut imber, sed roris levissima gutta, & umbra periculi, & aurae tenuis sibilus transfixit. Quae ratio? Praestò est: nondum erat Petrus triginta annorum, novitius, tyro; aut si ceteris aetate grandior, at infans gratia, miles adeo inexercitatus, ut mirum non sit si primum impetum ferre non valeat. Haec nostrum est nobiscum saepius commentari, Non cuiusvis esse hanc pugnam capeßere, nisi satis aetatis habeat, & multorum annorum decursu in spiritualem virum evadat, qui plenus est virium; ne Saulis illud ad Davidem fortasse audiat, *Tu puer es, neque vales resistere Philistaeo illi, nec pugnare adversus illum*: sin minus, Salvatoris nos saltem exemplum erudiat, qui cum esset etiam ab utero ingens animi & viribus exsuperantissimis, at ad deserti & seculi certamina se non contulit antequam ad aetatem maturissimam pervenisset, ut nobis specimen daret, non nisi aetate provectos in hanc arenam esse deducendos. Hoc Documentum primum.

Documentum secundum non multum est ab simile, In Sacerdotii ministerium neminem esse cooptandum nisi qui virtutis aliquam, aetatis perfectam maturitatem habeat. Quae sit aetatis maturitas si quis roget, à Christo discat: exemplum ejus loquitur, aetatem perfectam & masculam esse triginta annorum, etenim hac aetate ille Ministerium suum ordiebatur, nos docens, ut inquit Cyprianus, *Hoc tempus esse rationabile praedicandi; nec ante suscipi debere concionandi provinciam quam fuerit pervenum ad perfectionem*, & τῆς πνυμωλικῆς καὶ τῆς σωμωλικῆς ηλικίας, ut Nazianz. loquitur. Suffragatur ratio, Quia usq; ad illud tempus, ut annotatum est à Dionysio, proficit homo in rationis vigore ac viribus corporis: cum infantia sit aetas infirmitatis, & pueritia insipientiae, & juvenus intemperantiae; aetas haec solida atque perfectae prudentiae est. Quod ab Altitudine Templi Beda Venerabilis illustrare conatur, quia ut altitudo templi triginta cubitis mensuratur, 1 Reg. 6. 2. ita mensura hominis triginta annis in altitudinem surgit. A Resurrectione S. Hieronymus & S. Augustinus; quod in hac aetate, nec ultra nec infra, corpora mortuorum sunt resurrectura, in ea scil. aetate ad quam Christum pervenisse dicitur. Consentient auctores & seculares & sacri. Id Solon Lege sanxit, ne quis juvenis ad Magistratum admitteretur, quamvis prudentissimus videretur, διὰ ἀμελεσιάν τε ἑμψυεστῶν, propter inconsiderationem rerum utilium, Stob. Ser. 114. Cum Socrates apud Xenophontem quæreretur, Ad quot usque annos existimandum sit homines esse juvenes, Charicles respondit, *Quousque Senatoribus esse non licet*, ad annum viz. trigessimum. Non Atheniensium solummodo, sed & Romanorum eadem erat sententia, à quibus lege cautum erat, Ne quispiam ante trigessimum aetatis annum aut Consul efficeretur aut triumphum duceret: & utcunque de Mario Marii Arpinatis filio

Cypr. De Jeo
jun. & sciat.

Naz. Or. 39.

Euthym. inc. 3.
Matth.

Beda. in Luc.
1. 10.

Hier. in Epit.
Paula,
Aug. in Civ.

Xenoph. lib. 1.
Memorab.
p. 717.

filio legimus, eum annos natum viginti Consulatum invasisse; at eum honorem velut immaturum mater flevisse dicitur, & Romana juvenus sic irrisisse, *Remigem esse prius oportet, quam ad gubernacula dimovere manus.* Judæorum hanc fuisse sententiam nemo dubitabit. Nam præterquam quòd à Mose ea lex est conscripta, ut Levitæ non admitterentur ad opera Tabernaculi nisi trigessimum ætatis numerum in annis consummaverint: etiam Rabinorum traditione cautum est, Nè quis unquam auderet exordium libri Geneseos, vel Canticum Canticorum, vel prima octo capita Ezechielis, propter arcanos sensus, legere, nisi trigessimum ætatis annum implevisset; eò quòd hanc ætatem virilem existimarent, & perfectam, & propter prudentiam atque constantiam ad præclara munia, sive Civilia sive Ecclesiastica, commodissimam. Hinc de Josepho Patriarcha Hieronymus in observatione posuit, eum tricenarium jam factum regni Ægyptiaci gubernacula suscepisse; in signum Christi, ut Hieronymus loquitur, eodem ætatis anno regiminis sui primordia à deserto ducentis. Quod idem in S. Davide videre est, qui licet prius sacro ceromate delibutus erat, at regni Sceptrum non prius attigit quàm ad annum trigessimum decurrisset; quia hæc ætas, ut Juristæ loquuntur, *ἡλικία ἡλικία ἐστὶν, est ætas legitima*, hoc est, ut Concilium Agathense loquitur, *Can. 17. perfecti viri ætas*. Quod si in Reipublicæ administratione teneat, in Ecclesiæ multò magis; quia in nullo vitæ genere virtutum perfectio magis est necessaria quàm in Sacerdotio: At in juventute perfectio non est speranda functioni sanctissimæ ullatenus congrua, & propter imperitiam rerum, & propter morum atque passionum repugnantiam. Temperiem animi Vocatio hæc desiderat: ferocior paulò & fervidior est juvenus, καὶ παρὰ τὸν νόμον, ut Ethic. 8. c. 3. & 1. 10. c. 11. Philosophus loquitur. Ad Sacerdotium morum gravitas requiritur, & animi constantia, & multarum rerum experientia, & quæcunque alia S. Paulus recenset, 1 Tim. 3. *Sint sobrii, irreprehensibiles, prudentes, pudici, hospitalis, modesti; non vinolenti, non percussores, non cupidi, non litigiosi*: quæ ferè in minoribus natu vix reperiuntur; sunt defultorii, leves, instabiles, temerarii, in lubrico positi, rerum suarum negligentes, vicini lapsibus, iique qui, ut Hieron. loquitur, *vitiorum incentivis obsiti, velut ignis in viridibus lignis, suam nequeunt explicare fulgorem.* Ea propter hoc ipsum S. Paulus in mandatis reliquit, ut sacrorum Antistites non sint *neophyti*, aut *novitii*, 1 Tim. 3. 6. eademque de causa *Presbyterorum* nomina huic Ordini literæ Evangelicæ imposuerunt; Presbyteri autem *seniores* interpretantur, & ab ætate dicuntur. Firmata erat consuetudo in veteri Ecclesia, ut ante trigessimum annum nemo ad Sacerdotium promoveretur. Id Concilium Neocæsariense decrevit, *Can. 11. & Concil. Trull. Can. 14. πρεσβύτερος πρὸς τὸν τετρακοστὸν ἔτην μὴ χειροτονιδω.* In Decreto sæpius occurrit, *Dist. 78. Si quis triginta annos ætatis sua non impleverit, nullo modo presbyter ordinetur, etiamsi valde sit dignus*; *Can. 1. & Can. 2. Nemo presbyter consecratur qui minor triginta annis sit*; & *Can. 4. Presbyter ante triginta annorum ætatem non ordinetur, quamvis sit probabilis vita, sed maneat usque ad præfinitum tempus: Dominus enim noster Jesus Christus trigesimo anno baptizatus est, & tunc predicavit.* Nunc tempora mutantur, & ad Sacerdotium admittuntur in ætate viginti quinque annorum existentes in Romana, viginti quatuor in nostra, laxato paululum propter messis Dominicæ amplitudinem veteris institutionis rigore, ad exemplum instituti Levitici, Num. 8. 24. Etenim utcumque cap. 4. vers. 3. mandatum est, ut non nisi post triginta annos in Sacerdotium eligerentur, à *trigesimo anno & supra*, sunt verba textus: at cap. 8. vers. 25. legimus quòd post vigesimum quintum annum mittebantur, *A viginti quinque annis & supra ingredientur*

Hier. in 1. Ezech.

Theop. l. 1. In-
stit. iii. 5. sect. 4.

Hier. ad Nep.

Ibid. Orig. l. 7.
cap. 12. De off.
Eccl. l. 2. c. 7.
Hier. ep. 62. ad
Theoph. ad vers.
Joan. Hieros.

dientur in Tabernaculum. Duplex occurrit conciliatio : Vel quod à vigesimo quinto anno erant Levitæ, à trigésimo Sacerdotes, in quibus ætas maturior requirebatur, vel, ut omnium Interpretum optimè Hieronymus ab Oleario, *in Num. 8.* quod à trigésimo anno erant consummati ministri, sed anno vigesimo quinto accedebant, & illis quinque annis ministrare docebantur ministeriis assistendo. Juxta hanc regulam Pontificii Sacerdotibus vigésimum quintum annum præstituant, Episcopis trigésimum: sed Canones suos ipsi non observant, quod Albertus Magnus in Luc. 3. 23. annotavit; *Ab exemplo Jeremiæ & Danielis, minorum natu Prophetarum, dispensandi rationem summi Pontifices accipiunt, ut nepotes suos pueros in dignitatibus Ecclesiæ constituent: cum tamensendere debeant, aut ab utero sanctificatos esse nepotes suos, sicut Jeremiam, aut quod Deus eis hunc senectutis honorem indulserit, ut in Daniele. Alioquin pro certo suâ abutuntur potestate.* Hæc Albertus. Summa est, Non omnes, sed perfectæ ætatis & eruditionis viros, ad sacros Ordines admittendos esse: quia in Pastores, & Vigiles, & Custodes, & Duces ordinantur, ad quæ munera obeunda imbecillitas adolescentiæ non sufficit. Non quod existimem ab annis simpliciter perfectionem pendere, aut ætatibus merita semper esse æstimanda.

In animo non est novellorum germinum ætatulam ulli calumniæ subjicere. Non me latet esse aliquos, ut S. Ambrosius loquitur, *in juventute senes,* sicut juvenes alios in senectute; viri sunt, quantumvis juvenes, qui incandunt prudentiâ & senili animi gravitate vigent, quia *Prudentia hominis canities ejus,* Sap. 4. 8. Timotheus juvenis erat, is tamen Ecclesiæ multis qui senio incanuerant sapientiùs moderatus est; & Daniel juvenis, vel magis ætate minor, qui in Seniores ferebat sententiam damnationis; & Joseph admodum juvenis, cum durissimum illud depugnavit bellum, non adversus hominem, sed adversus tentationem, naturæque tyrannidem, & victoriam tamen reportavit: & beatus David cum juvenis admirabile illud trophæum erexit super Philistæum; senior multò cum grave illud peccatum commisit: & Salomon juvene minor, annos natus duodecim, cum Deo sermocinabatur, & barbaros sapientiæ suæ spectatores ad se traxit, ut vocem ejus audirent; qui senio confectus detraxit plurimum de pristina virtute. Huc accedit quod seniores plurimos à Domino fuisse reprobatos Sacra narrat Historia, & juniores electos; Abelem ante Cain, Isaacum ante Ismaelem, Jacobum ante Esauum: ut sciamus, inquit Hieronymus, *Presbyteros non ab ætate dici, sed à prudentia, neque sapientiam canos esse reputandos, sed canos sapientiam. Maximum,* inquit Chrysostomus, *est discrimen inter rbon & νεοφυτον, hoc est, inter juvenem & novitium;* de quo S. Paulus loquitur, cum ab hoc ministerio novitium arcendum docet, juvenem nequaquam. Quod si *Neophyti* nomine intellexisset ætate juvenem, Timotheum utique apprimè juvenem ad tantum Ecclesiasticæ dignitatis fastigium nunquam sustulisset, nec permisisset tot onera ferre amplissimarum Ecclesiarum: sed ipse nos docuit, *ὅτι ἡ χρὴ τὴ σωτηρίᾳ ἡλικία κρίνειν, ὡς δὲ ἀρεστέων ἀπὸ πολλῶν δοκιμάζειν,* quod non oportet aut prudentiam ætate metiri, aut senem canities probare. Novi, inquam, hæc omnia, Non esse impedimento teneritudinem ætatis, si mens fuerit sana & confirmatus animus: cæterum quia consuevit hoc quidem rariùs contingere, illud autem diversum est in usu frequenti, miserum esse Ecclesiæ statum cujus Præfules pueri sunt, ludicrâsque ac deridiculas fieri res Christianas, si in ovile Christi ad Divini Verbi prædicationem admittantur qui præ infantia nec pascere nec regere possunt, nec ad Sacerdotium quicquam conferre norunt præter ipsum velle, ut Nazianzenus loquitur, in laudibus Basilii; idcirco nos Christus suo exemplo docuit, debere eum qui cœlestia mysteria

Ambr. in Ps. 36.

*Hier. ep. 13. ad Paulinum.
Ibid. de Eccles.
Off. l. 1. c. 7.*

*Chrys. l. 2. De Sacerdotio, 10. 4.
& in 1s. 3. 10. 3.*

mysteria tractare expetit, per multa graduum incrementa & per multas exercitationes ad ætatem perfectam ascendere, & latere aliquando priusquam emergat: quia ut infans imperfectus in utero non confestim in hominem crevit, sed paulatim formam recipit & gignitur, tum demum nascitur, post hæc multarum ætatum augmenta nactus in virum evadit; eodem modo in spiritualibus per multa studia & labores multos paulatim homo progreditur, evaditque in virum perfectum & plenitudinem ætatis. Hoc, inquam, nos Christus docuit, dum per longissima triginta annorum spatia in occulto delitescere voluit, priusquam per suum in desertum secessum proximam ministerio viam aperiret, ut nos inde addiscamus, in hoc sacrum munus neminem nisi maturæ ætatis & virtutis esse cooptandum. Hoc documentum est secundum.

Absolvi secundum Temporis respectum, de Anno ætatis, sub Communi temporis notione nobis commendato.

Accedo ad rationem tertiam, quam magis Propriam appellavi, quia cum ordine rerum à Christo gestarum est conjunctissima. Est autem ex Antecedentibus & Consequentibus dignoscenda. Hæc duæ sunt Dependentiæ, Antecedentium, & Subsequentium.

Quæ subsequuntur duo sunt, Vocatio discipulorum, & Exercitium Ministerii. *Tunc ductus est*, Antequam famulitium conduxerit; antequam in propria persona prædicaverit.

In primis, Antequam prædicaverit, duabus de Causis.

Primo, Ut per deserti tentamenta probaret seipsum, & quasi aliquod experimentum sui caperet, quo apparatu instructus ad publicum ministerium properaret. Deinde, Ut rectum incedendi ordinem exemplo suo aliis præscriberet, ab actione incipit, non à doctrina. Hæc Christi methodus erat, Luc. 24. 19. *Propheta potens opere & sermone*; quod à S. Luca est observatum, Act. 1. 1. *Primum librum confeci, O Theophile, de omnibus quæ Jesus capis facere & docere*. Attende, Doctor erat utriusque facultatis, Operum & Sermonum; sed in primis Operum, deinde *διδασκαλίας* illud *Facere* Evangelista ponit ante hoc *Docere*; & quia Christus faciendo docebat, & quia semper operibus & miraculis inclaruit prius, illiſque, tanquam nolâ aut campanâ, ad Conciones suas populum convocavit. Ex istis duo sunt quæ emanant Documenta.

Primum est, Tunc quilibet aptus est Ministerio verbi cum tentationibus probatus fuerit: vel, si placet, sic potius instituitur, In Ministerium nemo est recipiendus nisi qui prius exploratus & examine scrupuloso probatus fuerit; nemo nisi qui donorum suorum legitimam rationem reddere possit tum sibi tum aliis: nam Christus ipse, qui alium supra se exploratorem non habuit, periculum sui fecit & recognitionem sui in deserto, & tentatione præludit prædicationi, ut hoc certamine, quasi subscriptione authenticâ aut diplomate, licentiam sibi & facultatem muneris exercendi indulgeret. Hoc primum est.

Documentum secundum, Ordo optimus Ministerii ad actionem nos ducit prius quam ad prædicationem. Quæ ratio? Quia doctrinæ exornatio est pietas vitæ; atque apud plebem exempla plus valent quam verba. *ὡς ἐν ψυχῇ τεσσεν*, inquit S. Chrysostomus, *τῷ διδασκαλῷ ἐν λόγοις μέντοι φιλοσοφῶντι*, Nihil Doctore frigidius est illo qui verbis duntaxat philosophatur; neque enim doctoris hoc est, sed histrionis. Ad hanc Nazianzeni disjunctionem se debet quilibet Concionator revocare, *ἢ μὴ διδάσκον, ἢ διδάσκον ἡγόμισ*, aut non docere, aut docere moribus. Hoc ordine uti sunt Apostoli, inquit Chrysost. Exempli prius docebant, deinde verbis; & hoc

mandatum

mandatum prius à Christo acceperunt, *Sic luceat lux vestra*, &c. deinde magnum docendi Epistagma, *Ite, & docete omnes gentes*. Hunc ordinem Christus nobis commendavit, qui fecit prius quod alios facere voluit, ut dictis suis per opera fidem conciliaret, ut ab actione inciperet, antequam predicaret in desertum tentationis secessit. Hic primus Respectus Subsequentium, *Tunc*, id est, Antequam predicaverit.

Secundus sequitur, *Tunc*, id est, Antequam discipulorum famulitium conciverit, ad incommoda vitanda quæ necessariò sequutura erant si prius discipulos ad se convocaverat quàm expeditionem hanc peregisset. Ex duobus unum est inevitabile, ut aut secum eos in desertum adduceret, aut aliquantisper dereliqueret. Si dereliquisset eos, atque diebus quadraginta se occultasset, dic, quæ sollicitudo cepisset, qualis anxietas, quantum tumultus? Dominus se subdixit, & nescimus ubi convenimus eum: nos ipsum sperabamus redemptorem, sed, Hei nobis! excessit. *Adjuramus vos, filie Hierusalem, si inveneritis dilectum, ut nuntietis ei quia amore languescimus*. Accedit quod Christus & ex amore & ex consuetudine hoc inprimis curavit, ut discipuli essent testes operum & comparticipes victoriarum, atque hoc ipso nomine eos inprimis gratulatur, *Luc. 22, 28. Vos estis qui permansistis mecum in tentationibus meis*. Ex adverso, si adduxisset eos in desertum, indignis eum inens contumax diceret aut auxilio aliorum ad pugnam, aut saltem consortio aliorum ad solatium. Solus igitur incedit & sine commilitone, ut solus gloriam, ut solus laureolam reportaret. Porro, non erat idoneum ut exinanitionem tantam quisquam hominum cerneret, ut Salvatorem mundi quisquam videret ab immundo spiritu deprehensum, & primum in monte excelso, deinde in pinaculo templi positum. Annon deperditum eum & potestate diaboli superatum adjudicassent? Ut his præjudiciis occurreret, in desertum tunc abiit cum solus esset, nec ullos assecas haberet, aut testes spectaculi: & prudenter id quidem, nequa esset facti optimi perversa offensuscula, si prius à Satana in sublime evectum quàm victorem cognovissent.

Hinc Documentum tertium emergit, Ad hominem Christianum quàm maxime spectat posse inter officia discernere, quæ illa sunt quæ secretè & clanculùm gerenda sunt, quæ palàm & in propatulo; neque enim sunt ejusdem generis omnia, nec idem tenor omni tempore est servandus. Est quando supra candelabrum lucerna, est quando supra montem civitas est erigenda, ut oculos spectantium ad se rapiant sanctioris vitæ exempla: E contra, est etiam quando ostium occludere oportet intuentibus, & occultare opera dextræ à sorore sinistra, ut & nos ipsi, si fieri queat, nesciamus quod fecimus, nec manus sint consciæ quibus id peragitur. Hæc disciplina quicunque imbutus fuerit, ipse erit, si quis alius, qui totum se & sua omnia in Dei gloriam effundet, ut habeat & in officiis publicis gloriam theatri, & in occultis gloriam abditorii, ad Christi hanc similitudinem, qui licet mori voluit in conspectu populi, at pugnare voluit & vincere salutis hostem præsentem neminem. Hic Respectus secundus est Subsequentium, *Tunc*, id est, Antequam discipulorum selectionem fecisset. Hæc primæ Dependentiæ sunt Documenta.

Dependentia secunda est eorum quæ antecedunt, & ad duo Capita rediguntur, ad Insignia gloriæ, & ad Privilegia gratiæ. *Tunc ductus est*, post expansa honoris insignia: hoc Caput primum est.

Tunc, postquam Joannes agnovisset, *Ego debeo à te baptizari*, postquam cælestis vocis testimonio comprobatus esset, tunc proficiscitur in

desertum. Quæ ratio? Nè videretur his quæ acceperat præconiis elatus, non statim ad prædicandum prorumpit, verùm subducit se aliquantisper, & post has laudes in desertum se tentationis confert. Non quasi Salvator noster in elationis periculum incurrere posset, sed ut nos facto suo doceret, quòd tum quidem tentationibus proximi sumus cùm maximè laudibus ornatur: ut videre est in Sancto Job, qui cùm primum voce Domini commendatus fuit, quòd non esset similis ei super terram, in graves tentationes incidit; similiter & in Sancto Paulo, qui fræno sibi opus esse ad deprimendum fastum ingenuè fatetur, nè honoribus Divinis cumularus plus nimid attolleretur. 2 Cor. 12. *Nè magnitudo revelationum me extolleret, datus est mihi stimulus carnis, angelus Satana, qui me colaphizet.* Hoc nihil est usitatus, ut honorum & laudum excessum vanitas quædam & luxuria animorum comiteretur; *laudem enim gaudium, gaudium exultatio, exultationem tumor & nimia sui estimatio sequitur*, ut scitè Seneca. Post laudes & præconia se subducit. Hoc caput primum.

1. De Traj. c. 11.

Caput secundum ad Privilegia gratiæ refertur; *Tunc*, hoc est, postquam è salutarì lavacro ascendisset, & Spiritu Sancto plenum Columbæ super caput permansio declarasset, tunc in desertum iter pedibus confecit. In hac parte est messis quædam Observationum, respectu Dei, respectu Satanae, respectu Nostri.

In primis respectu Dei. Deus quando gratiam largitur, non nudam largitur & solitariam, mittit etiam & tentationem; sed non semper eodem ordine: interdum præviā, ut præparet ad gratiam recipiendam; interdum subsecutivā, ut incitemur ad exercendam. Utrunque tentatio adjacet, & gratia in medio constituitur, velut Christus inter Herodem & Herodem: Illud, ut addiscamus per tentationes ire ad gratiam, velut ad ditissimum thesaurum, cum omnibus incommodis & difficultatibus amplectendum; Hoc, ut ex adverso discamus per gratiam ire ad tentationem; hæc enim est spiritualis armatura, quā non accipimus ut otiemur, sed ut pugnemus, hoc est, ut utamur & exerceamus, dicente Apostolo, 1 Cor. 12. 7. *Unicuique datur manifestatio Spiritus ad utilitatem*, aliorum scilicet & nostram.

Deinde respectu Satanae. Eos magis diabolus persequitur qui magis sunt Christi, hoc est, Credentes: & Credentes maximè insequitur cùm Christi esse incipiunt, ut possit in ipsa gemma gratiam suffocare, & quasi in limine à Christi fide suscepta sejungere. Ab Euthymio ratio redditur, in Matth. 4. *Ubi divitias videt hostis, ibi potissimum aciem instruit, velut fur aus latro prada avidus: & à S. Ambrosio etiam, Tunc maximè nos invidet Diabolus, cùm ad meliora tendimus: & ab Hilario, Can. 30. in Matth. Quia victoria ei est magis exoptata de Sanctis: & adhuc quarta ab Anselmo, Eos maximè odit qui sui non sunt; quos suos existimat, non ita acriter aggreditur. Quod de Pharaone legimus, eum Israelitis maximè insectum fuisse cùm Ægyptum derelinquerent; & quod de Canibus experientia docet, quòd adversus domesticos non sæviunt, sed contra eos qui foris sunt: ita hostis noster, inquit Gregorius, insequitur eos à quibus ipse deseritur, & quanto minus suos putat, tanto magis expugnare contendit. Quos jure proprio possidet, non adeò insequitur; verùm justus & fidelis & Dei servus si quis fuerit, huic insidiatur, huic adversatur, ut possit, dicente Cypriano, virtutum germina in ipso orto stragulare.*

De Fej. & tunc.

Postremò, respectu Nostri. Documentum primum est, Nè post gratiam acceptam securi simus, sed magis vigilemus, ut cor nostrum tunc in pri-

in primis custodiamus, cum gratiam aliquam aut donum à Deo fuerimus assecuti. Siracidis est consilium, Ecclesiastic. 2. 1. *Fili, accedens ad servitutem Dei, prepara animam tuam ad tentationem.* Quæ ratio? Quia sumus jam tentationibus propiores, & respectu vocationis nostræ, Renatorum officium est, certamen contra Satanam & consilia ejus & regnum ejus instituere; & respectu malitiæ Adversarii, qui hostes suos reputat amicos Dei, ut si in filios Dei simus adoptati, proximum est ut tentationes expectemus. Hoc primum.

Documentum secundum est, Nè velut animis fracti turbemur si tentationes circumcingant, quasi insolitum aliquid obviaverit. Sanctorum omnium fors est communis, quò magis sunt Deo familiares, eò magis invisit Satanæ. Adversus Adamum insurgit in ipso vitæ exordio, cum vidit eum præclaris virtutum donis exornatum, multâque dignitate conspicuum; adversus Sanctum Job, quando sensit eum Deo gratissimum; adversus Christum, secundum Adamum, in ipso Ministerii exordio, postquam Unigeniti elogium exaudivit: exinde nos docens, ut inquit Theophylactus, *ὅτι καὶ τὸ βάπτισμα καὶ μετὰ τοῦτο παραδοχὰν πειρασμῶν.* Tentatur statim post baptismum, tentatione suâ indicans, in sanctificatis nobis maxime diaboli tentamenta grassari, inquit Hilarius; & post nomina Christo data, malitiam diaboli esse sustinendam; & post baptismum aquæ, baptismum ignis esse expectandum. Hæc omnia verbo unico S. Evangelista optime expendit, dicens, *Tunc ductus est in desertum;* Tunc ait, & quando tunc? Tunc quando Pater filio suo testimonium clarum exhibuit; Tunc quando Spiritus Sanctus in Columbæ specie visus est; Tunc quando cœli aperti sunt super eum; Tunc quando Baptista seipso longè majorem prædicavit; Tunc denique, quando ministerio suo se consecraverat à fluentis rediens non tantum Jordanis quàm gratiæ; Tunc, inquam, ductus est in desertum. Hæc dependentia secunda est Respectu eorum quæ antecesserant: & de Tempore hæc dixisse sufficiat. De reliquis in posterum videbimus, prout Deus affußerit.

Can. 3. in Math.

LECTIO VII.

Ductus est à Spiritu.

De Div. c. 6.

TA' ἡλλὰ πᾶν ἐπιλαεῖν ἰδὲ, ut loquitur Philosophus, Rhet. 1. 11. *Fecunda res est maximaque voluptatis inchoata perficere*; præsertim post intermissa studia, cursumque longis intervallis impeditum. Eapropter veteres vel ipsis Musis feriata tempora indulserunt, ut receptis ex otio viribus attolleret se animus, alacriusque ad metam perveniret. De Avibus M. Cicero in observatione posuit, quod cum nidos construunt, non id assidue agunt & nunquam intermissa opera; sed postquam aliquid effecerint, levandi laboris sui causâ, passim ac libere volitare solent, & tum demum post hæc ludicra ad novos se labores, donec opus totum peregerint, revocare: similiter & nos, Auditores, post hæc quantacunque silentii spatia, laxandi levandique animi gratiâ concessa, ad illud quod intermisimus jam tandem sumus reversuti, ut eadem opera & interrupta contexere possimus, & absolvere instituta. Quocirca cum in superioribus de Præudio hujus magni certaminis pro capto nostro nonnulla, ut potuimus, digessimus; nunc, si placet, reliqua adriamur.

De Loco quem ad hanc pugnam Salvator elegerit quæ animadvertenda erant accepistis, nec non de altera Temporis circumstantia; idq; tum respectu Ministerii, tum etiam Ætatis.

Proximum est ut de Modo Demigrationis agamus, quo vehiculo & instinctu quibuscumque mediis in hanc Solitudinem Christus trajecerit. Modus duobus istis verbis depingitur, ἀπὸ τοῦ πνεύματος, *Ductus est à Spiritu*. In eorum altero Qualitatem motus habemus depictam, in altero Principium. Principium motus, sive Motor, in voce *Spiritus* indicatur, & in hoc solo omnis hodierna inquisitio versabitur; atque id libentiùs, ut ad concordiam Evangelistarum demonstrandam interserviat, inter quos est aliqua similitudo repugnantia. Nam S. Matthæus eum à Spiritu Sancto ductum tradit, S. Lucas eum in Spiritu ivisse; ἀπὸ τοῦ πνεύματος, ille, hic ἐν τῷ πνεύματι. Deinde etiam duo sunt, Matthæus & Marcus, qui simpliciter à Spiritu illud evenisse asserunt: at S. Lucas non solum à Spiritu, sed à plenitudine Spiritus; *Plenus*, inquit, *Spiritu Sancto reversus est à Jordane, & tum, in Spiritu profectus est in desertum*. Duo igitur sunt quæ hic sese offerunt excutienda; Qui Spiritus? & Quæ plenitudo? Primum est De Spiritu implente, secundum De Spiritus implerione quam Christus acceperat.

De ipso Spiritu inprimis est queritandum; neque inanis erit quaestiu-
cula, cum multa sunt quæ Spiritus vocabulum significet, & tum quidem quando de Christo Sacra Pagina loquitur. Interdum spiritum significat humanum, Luc. 23. 46. *Pater, in manus tuas commendo spiritum meum*, id est, animam meam. Interdum verò spiritum malignum, Mar. 9. 25. *Dixit illi, Surde & mute spiritus, exi ab eo*. Interdum Spiritum Sanctum, Joan. 1. 32. *Vidi Spiritum descendantem de Cælo, & mansit super eum*. Ex istis percontandi occasio nata est, Utrum à spiritu suo, an à spiritu malo, an à Spiritu

Spiritu Sancto hic Christus ageretur; neque defunt suæ singulis conjecturæ. Quod à spiritu malo, verba sequentia videntur extorquere, quia dicitur versu 5. *Assumpsit eum diabolus in sanctam civitatem, & stans eum super pinnaculum Templi.* Quod à spiritu suo, verba S. Lucæ, cap. 4. ver. 1. *ἦν αὐτὸς ἐν τῷ ἔρημῳ, in spiritu ibat in desertum.* Quod à Spiritu Sancto, & ratio recta, & analogia fidei, & verba etiam Evangelistæ, qui eum plenum Spiritu Sancto à loco in locum migrasse signanter dicit. Hæc illa est sententiarum diversitas; ex quibus ut certum & indubitatum sensum possumus elicere, donum nobis opus est de quo Apostolus loquitur, 1 Cor. 12. quodque versu decimo *ἡμεῖς τοῦ πνεύματος ἐκδοῦνται* appellat. Non quod existimem aded investigatu arduum: sed quia, ut Didymus Alexandrinus loquitur, *Res est periculi plena de Spiritu Sancto dubitare; cautioque est opus, ne vel fortuito aut per ignorantiam blasphemiam alicuius error obrepas, cum in eum blasphemia vix unquam indulgentia reperitur.* Verum non est quod hæc nos formido remoretur, cum ipse Spiritus, dicente Apostolo, infirmitates nostras adjuvare dignetur, & pro ineruditis precandique nesciis postulare. Quod si se nobis comitem præstet in orando, in perorando cur non sperarem adiutorem se nobis præstiturum. Hæc igitur spe freti, pergamus porro, duce Spiritu, de Spiritu Christum ducente paulò pressius loqui, ut aliis excussis sententiis in verissima tandem acquiescamus.

De Spir. Sancto
lib. 1.

Et quod ad primam attinet, quæ est de spiritu maligno, authorem, quod sciam, habet neminem, præter unum Eusebium Emisenum, eumque magis fautorem quam dominum. Rupertus in Matth. 4. in dubio positum dicit: *Dubitatum est, inquit, super hoc à quibusdam, propter hoc quod subditur, Assumpsit eum diabolus in sanctam civitatem: sed verè & absque ulla questione convenienter accipitur, ut à Sancto Spiritu in desertum ductus credatur, ut illuc eum suus Spiritus duceret ubi malignus spiritus inveniret.* Pariter & Paschasius, lib. 3. Evang. Matth. non damnat eam, sed rejicit; verba ejus sunt, *Non abhorret à vero, ut is qui à membris diaboli crucifigi sustinuit, ab ipso diabolo tentandi gratiâ se duci permitteret: sed magis ad sensum congruit, ut Spiritus Sanctus hoc faceret.* Sed Euseb. Emisenus magis pressè loquitur: verba ejus in locum hæc sunt; *Præcipui sancta Ecclesia Doctores Dominum Jesum in desertum à suo Spiritu ductum esse exponunt, quem si ab alio quoque Spiritu ductum fuisse exposuissent, non esset inconveniens, cum Lucas Evangelista eum in montem excelsum à diabolo ductum apertissimè scribat. Quod si ibi ab alio Spiritu ductum esse non est inconveniens, cur in desertum eum ab alio Spiritu ductum fuisse videatur inconveniens?* Hæc ille, temere & inconsultò: sed indigna tamen sunt quæ fusiùs refutentur, cum unicum solummodo habeat sive patronum sive alumnum hæc interpretatio, eumque aut nullius aut incerti nominis. Neque operæ pretium erit cum magni nominis larva luctari. Hoc liquidò constat, quicumque istius operis fabricator fuit quod sub Eusebii titulo circumfertur, sive Cælius Arelatenfis, sive Lugdunensis Eucherius, sive Faustus Rhegiensis Episcopus, quod maxime & à recta ratione & à textu Evangelico exorbitarit; quia neque Ratio fidei, neque Historiæ veritas id patitur, ut nomine *Spiritus* malus spiritus intelligatur. Inprimis non Ratio fidei, propter multiplices indecentias, sensuquæ sanctissimo Salvatore indignos qui explicationem istam comitantur. Inprimis illud Christo indignum est, nec solum Christo, sed Patre & Spiritu Sancto, ut post paternum de cœlesti thalamo testimonium, & post visibilem specie columbinâ in caput ejus Spiritus Sancti descensum, immundus statim Spiritus arriperet, & quasi vi atque ingratis quâ veller

circumgestaret. Hoc ipso ecquid est absurdius, ut inferis superna cederent, mutatisque vicibus, unus se Spiritus præsentem ostenderet, alter, isque contrarius, prævaleret; Sanctus impleret, malignus abduceret? Deinde & illud est longè indignissimum, ut tantam & tam insignem muneris Mediatorii partem non suo, sed alterius & adversarii impulsu Christus susciperet, & in arenam descenderet non suo iudicio aut voluntate suâ, sed ab hoste trusus, & diabolo monstrante viam. Ecquid est quod ab honore, ecquid quod à prudentia Redemptoris magis abhorret? *Supervacuum est in quod imus impelli*, inquit Seneca; & suâ sponte rectè facere multò est gloriosius quàm motu alieno. Quis verò est qui nescit, in toto salutis negotio fuisse nihil nisi spontaneum, & à Christo nutu suo sponte susceptum? Sponte ad Jordannem properavit, nec ductus, nec vocatus; nè si Baptista vocasset, quod dispensatione factum, id necessitate fieri videretur. Similiter & in horto, cum instare Passionis horam persentisceret, non se abscondit, non capeffit fugam, non latibula quærebat, sed sponte querentibus occurrit, & satellites trepidos provocavit, & eorum sese manibus tradidit: ut utrinque ostenderet, & devitare se posse eorum insidias si voluerat, & comprehendi non posse nisi voluisset. Porro & in Cruce positus, nè quis extortam ei vitam tormentis & cruciatibus existimaret, libenter eam ipse deposuit; non quia non potuit diutius vivere, sed quia voluit mori. *Emisit spiritum*, inquit unus Evangelista; *inclinato capite tradidit*, alius. Enimvero nos miselli in vicinia mortis positi, quando fati lex urget, expiramus prius, deinde caput inclinamus: Christus contra, quia sponte mori voluit, prius inclinat, postea expirat; ut vel exinde nos doceret, non necessitate se, sed voluntate emori; neque amisisse spiritum, sed emisisse. De ipso in Eremum secessu haud alter est dicendum; nam una est omnium ratio, etsi nominibus differant. Neque verò mirandum est, si qui sponte suâ obviâ prodit adversariis hominibus, eodem arbitrio occurreret adversario Satanæ: quique ad equestre prælium in campo Crucis peragendum ultro se contulit, ut cum morte & peccato de imperio certaret; absit ut putemus eum ad pedestre deserti certamen calcaribus indignuisse, aut hoste bajulo; imò verò, velut miles voluntarius, prudens sciens acceleravit iter, & in suo folio principem tenebrarum ad pugnam provocavit, ut inde & illustrior victoria foret, & augustior triumphus. Quòd si quis adhuc urgeat, Non magis absonum fore ut in desertum à Satana traheretur, quàm in excelsum montem, & in pinnaculum Templi: in promptu est responsio nonnullorum Interpretum, & nominatim Cypriani, Anselmi, Drithmari; Non solum in Eremum, sed etiam ad montis & templi culmen voluntariè Christum eum Tentatore ascendisse: *Quia videtur inconveniens*, inquit Cyprianus, *ut humeris ejus insideret quem præcipitorem sciebat*; & *putandum non est*, inquit Anselmus, *immundum Spiritum inferre posse violentiam illi qui Spiritu Sancto plenus & quæ volebat fecit, & quod volebat gradiebatur*. Sed in hoc non aüssim acquiescere, quia apertè S. Matthæus asserit, assumpsisse eum diabolum in montem excelsum. Hoc unum sufficit, infirmam valde esse quæ ex locis disparibus sumitur consequentiam. Etenim posito hoc, quòd in deserto à loco ad locum se Christus à Satana transferri permiserit: ut est valde incongruum, ut ad desertum ejusmodi vehiculo uteretur. Dum in conspectu esset, æquum erat ut se circumduci pateretur, nè videretur reversari; æquum ut ei se ferendum committeret, quia insigne est roboris specimen portari & vincere; æquum ut hoc facto Tentatoris audaciam reprimeret, Ecce trado me tibi in manus tuas, duc quò vis; invenies me in omnibus

omnibus fortiozem. At contrā, antequam ad conflictum veniret, nullatenus fuit consentaneum ut illuc se sineret ab hoste subducendum quō Redemtionis nostræ ordo postulavit ut sponte suā proficisceretur; atque ea potissimum de causā, nē tanti incepti splendor & gratia evanesceret, si alterius impulsu fieret quod ultro & libenter erat faciendum. Hoc argumentum primum est, Idcirco non posse nos hic per *Spiritum* malum *Spiritum* intelligere, quia rectæ repugnat Rationi.

Argumentum alterum est, Quia Evangelico etiam textui adversatur: Sunt autem quinque ad minimum rationes quæ contrarium evincunt ex ipsa historia texendæ.

Ratio prima à Temporis interstitio petitur, versu secundo, *Cum jejunasset, tunc accessit tentator*. Ecce, non accessit ad eum *Spiritus* malus nisi post multorum dierum jejunia; atque, uti est veri simillimum, ipsissimo die quadragesimo. Quod si in desertum duxerit Christum, cur ergo dicitur eum post nonnullos dies accessisse, idque jejunio peracto? Imò quis non videt solœcismum, si & duxisse Christum & ad eum accessisse asseramus? Hæc prima est.

Secunda sumitur ab Antithesi personarum, versu primo, *Ductus est à Spiritu, ut tentaretur à Diabolo*. Obsecro, quid sibi vult duorum hæc oppositio Vocabulorum, *ductus à Spiritu, ut tentaretur à Spiritu*? Equidem non aliud quàm quod nunc agitur, ductus est à bono Spiritu ut tentaretur à malo. Res ipsa loquitur hæc omnino esse disjuncta, *Spiritum* & *Tentatorem*, vel, ut B. Cyprianus loquitur, *Spiritum* & *Anti-Spiritum*: nisi sit fortasse quisquam tam aversus à vero, ut dicere audeat bonum malum, & malum bonum, ad *Spiritum* immundum sanctissimi Spiritus partes transferendo. Hæc ratio secunda.

Tertia ex duorum Capiturum copulatione depromitur, ex ultimis tertiæ & exordiis quarti capitis apud Matthæum Evangelistam. In calce tertiæ legimus descendisse super Christum *Spiritum Dei*; atque statim post hæc, in principio quarti, *Tunc ductus est à Spiritu*. Ecce quàm pulchrè & consultò connectuntur historiæ de descensu Spiritus & de ductu Spiritus: nē cui veniret in dubium à quo eum Spiritu ductum Evangelistæ dicerent; nimirum ab eo ipso qui de cœlo descenderat, capitiue infederat, hoc est, à Spiritu Dei, hoc est, à Spiritu Sancto. Hæc ratio tertia.

Quartam habemus ex totius Scripturæ Idiomate; ex quo Doctores sacri colligunt quòd nomen *Spiritus* sine auctario semper Spiritum Sanctum denotat in utraque pagina. Non mea est observatio, sed multorum ex antiquis Doctoribus, Origenis, Didymi, Hieronymi, Eucherii, & ab ipsis sæpius repetita, velut regula sive axioma Theologicum. Non quidem sum nescius quòd S. Augustinus in libro De mirabilibus Scripturæ, cap. 10, id sæpe fieri existimet, ut nomen *Spiritus* sine additione diabolo tribuatur; quòdque in Epistola ad Serapionem Athanasius contra hæreticos fidenter & acerrimè urgeat, *Spiritum Sanctum nunquam in Scripturis dici nudè nudè, sed sæpe nō nudè, & semper aut cum Articulo aut cum additamento*. Hæc, inquam, me non fugiunt, neque est quòd multum moveant, cum nihil statuunt quod est supradictæ regulæ contrarium. Sit verum illud Athanasii, *Spiritum Sanctum nunquam dici simpliciter Spiritum absque aut Articulo, aut additamento vel Dei, vel Patris, vel Filii, vel Sancti, vel alterius alicujus appendicula*; sit æquè illud Augustini verum, *Spiritum malum sæpe dici nudè & simpliciter Spiritum, sine additamento*, ut 1 Reg. 22, 21. *Egressus est Spiritus, & stetit coram Domino*;

Matth. 26. 41.
Spiritus cū Articulo pro nostro Spiritu; nō nudè nudè, sed cū articulo, sive additamento, sive. Jo. 3. 5. Spiritus sine Articulo pro Spiritu. S. Nisi quis renatus fuerit h̄c v. dicitur h̄c v. dicitur, non potest introire, &c.

mino; & Luc. 9. 39. *Ecce Spiritus apprehendit filium meum: Sint hæc, inquam, verissima; at nihilominus immota manet Observatio, quod Quotiescunque in Scriptura nomen Spiritus occurrit* ~~in eo~~ *aut personaliter sumpti cum Articulo & sine additamento, ibi Spiritus Sanctus semper indicatur.* Huc spectat illud Origenis, lib. 1. De Princip. cap. 3. *Ex prædecessoribus nostris quidam observant, quod sicubi Spiritus in Novo Testamento nominatur sine adjunctione, de Sancto Spiritu debet intelligi:* Huc illud Didymi, l. 3. De Spiritu Sancto, *Nomen Spiritus, si in bonam partem sumatur, saepe caret additamento; in malam partem additamentum habet:* Huc illud Hieronymi, cujus in Micheæ caput secundum hæc sunt verba, *Quod nomen Spiritus, tam in Novo quam in Veteri Testamento, ubicunque sine additamento ponitur, in bonam partem intelligatur, saepe diximus:* Huc denique nostri scopus argumenti, Quod si sit solennis loquendi formula ut nomen Spiritus cum articulo & sine additamento designet Spiritum Sanctum; ergo necessariò sequitur ut hic quoque Spiritus Sanctus significetur, quia ab omnibus Evangelistis articulus affigitur, ~~in eo~~ *ut* ~~in eo~~ *apud* ~~in eo~~ *Marthæum, in eo* ~~in eo~~ *Marcus, in eo* ~~in eo~~ *Lucas.* Hæc quarta est ratio, à Scripturæ Idiomate.

Postrema ex alterius Evangelistæ disertissimis verbis est desumenda; nam capite quarto S. Lucas breviter, sed palam, enuntiat, fuisse Christum plenum Spiritu Sancto cum in desertum concessit. Equidem si Epitheton tacuisset, ac simpliciter dixisset *plenum Spiritu*, particulâ *Sancto* non additâ, at nemo est qui dubitare posset de alio eum Spiritu quàm de Sancto loquutum; quia, ut Didymus Alexand. De Spiritu Sancto, observavit, *Non quisquam est, siue in Scriptura siue in consuetudine, qui plenus creaturâ dicitur, nec sermo communis, nec Sacra Pagina sibi hoc vendicat, ut Angelo plenum quempiam dicat, aut Throno, aut Dominatione, sed soli Divina natura hic sermo convenit.* Huc accedit quod S. Ambrosius ex hoc ipso loco Divinitatem Spiritus Sancti probando conficit, quia universas creaturas implet, etiâ & ipsum Christum, quod in Angelorum aut Archangelorum quempiam non cadit: *Implere mentem ipsi non possunt, quia ipsi aliunde complentur, ad eum solum hoc spectat qui dicit, Cælum & terram ego repleo, ad eum solum de quo dicitur, Erat Jesus plenus Spiritu Sancto. Manifestum igitur quod eo Spiritu Christus agebatur quo plenus erat, hoc est, eo Spiritu qui Deus est, & implet omnia: neque enim vel potius Spiritus alius Christum complementem omnia implere quàm Sanctus; vel alius esse Deus, nisi qui orbem implevis, & quod ultra totum orbem est, Jesum Christum mundi totius Redemptorem.* Hæc Ambrosius. Quibus sic constitutis non video quid possit in hac claritate Solis aut adjici à nobis, aut obijci à contra-sentientibus, si unicus hic qui superest scrupulus tantummodo amoveatur, Quæ possit esse ratio cur additamentum sit prætermisum, neque affixa illa honoris appendiculâ. Cur non potius expressè dicitur, *ductus est à Spiritu Sancto*, sed, nudâ formulâ, *ductus est à Spiritu.* Verbo dicam, Duas esse ejus, ut opinor, rationes. Una est, quia peculiari quodam & eximio modo est Spiritus, non modò respectu Spirationis activæ, sed passivæ, ut Scholastici loquuntur, hoc est, & ut Spiratur, respectu Sanctificationis nostræ, & ut Spiratus, respectu Processionis suæ. Nam licet nomen Spiritus Sancti, ut Aquinas loquitur, *in vi duarum dictionum ad totam Trinitatem pertineat, quia unaquaque Persona est Spiritus, & unaquaque Sancta; si docis significationem ex utraque sui parte astimemus, at in vi unius dictionis soli tertie Personæ hoc nomen est accommodatum, ut & dicatur Spiritus Sanctus, & intelligatur etiam* cum

Lib. 1. De Sp.
Sanct. c. 7.

11. q. 36. art. 1.

cum simpliciter dicitur Spiritus. Hæc ratio prima est quare omittitur auctarium.

Secunda hæc est, Quia revera non est omissa additio, sed supra posita: à Luca Evangelista, *Plenus Spiritu Sancto regressus est à Jordane*; à nostro Evangelista, *Descendit Spiritus Dei super eum*: neque ultra hoc erat necesse ut semper fieret, quod satis abunde fit si saepe fiat. Et nos etiam aliquando de Sanctis Patribus, imò de Sanctis Apostolis verba facientes, non semper dicimus Sanctum Augustinum, aut Sanctum Ambrosium, aut Sanctum Paulum & Petrum, sed nunc Paulum & Petrum, honoris titulo prætermisso, nunc Sanctum Paulum & Petrum, prout res exegerit. Neque id injuriâ quidem, nam de Spiritu Sancto quando Scriptura loquitur, nunc *Spiritum Sanctum* vocat, nunc nudè *Spiritum*. Nec putandum est prætermitti quod alicubi factum est; verùm utroque modo Scriptura loqui solet, ut possit & ex uno nomine dignosci quoddam sit solus Sanctus, & ex altero quoddam sit per excellentiam Spiritus. Hæc ratio altera est, quæ omnem jam tollit dubitationem de Spiritu qui Christum duxerit, eum Spiritum Sanctum fuisse, cum & temporum spatia, & rerum gestarum series, & Spirituum ab Evangelista facta distinctio, & peculiaris implendi potestas, & loquendi consuetudo, & expressissima Spiritus Sancti mentio id apertissimum & indubitatum reddunt, nec esse, nec esse posse malignum spiritum quo sanctissimus Salvator ducebatur. Hactenus de illa quam posui sententiarum prima.

Secunda & tertia in effectu eadem sunt, licet in specie discrepare videantur: etenim cum Interpretes reliqui omnes, tam veteres quam neoterici, per *Spiritum* hoc loco Personam tertiam sanctæ & individuae Trinitatis intelligant, at sunt nonnulli tamen è vetustioribus qui Spiritu proprio agitantur dicunt, & articulatè hoc modo explicant, *Ductus est spiritus, videlicet suo*. Sic B. Cyprianus, in Sermon. de Tentatione & Jejunio, *Suo Spiritu eum credendum est ductum, & super Templum, & in desertum*: & post eum M. Gregorius apud Drithmarum, *Dignum fuit ut eum suus Spiritus illic duceret, ubi eum ad tentandum spiritus malignus inveniret*: postremò, & noster etiam Beda Venerabilis, in Luc. 4. *Non, inquit, virtute spiritus mali Jesus agitatur in desertum, sed voluntate sui spiritus boni locum certaminis ingreditur*. Quod ad hanc interpretationem attinet, eatenus vel maximè placet, quod non extrema petat, sed media: nam talis est, ut nec planè possit probari, nec debeat tamen penitus rejici; quia vera quidem est, sed non plena; neque idcirco peccat quasi haberet in se aliquid falsi, sed tantum nonnihil mutili, ut si jam grano Salis condidatur, & plenissima erit & Orthodoxi saporis. Sic igitur se res habet; Si cum dicunt eum Spiritu suo ductum, disjunctivè loquantur, & per contradictionem ad Sanctum Spiritum, hoc est, si *Spiritum suum* accipiant pro spiritu merè humano; non solum est incongrua locutio, sed falsa, cum prorsus nihil sit quod Christus puro humano impetu aut egerit aut dixerit, sed omnia & loquebatur & fecit ex Sancti dictamine Spiritus, quo indefinenter regebatur, etiam tum cum flevisse eum legimus, & dormivisse, & derelictionis querelam protulisse; quæ singula sunt infirmitatis, sed non nisi distante Spiritu Sancto disposita, qui ipse voluit ut sic pro statu Viatoris & ageret Christus & loqueretur. At verò si in hac phrasi, *Spiritu suo*, Deitatis Spiritum comprehendunt, quo plenus erat ut homo, eique juxta humanitatem indivulsum unitus ut Christus, proba est & pulchra & germana explicatio, quod Suo Spiritu ducebatur. Atque hanc fuisse mentem istorum Patrum nullus dubito, quoniam ipse Cyprianus palam

palam & expressè sententiam suam exponit verbis dilucidis; *Desertum*, inquit, *Christus ingreditur, & ibi conversatur, suo*, id est, *Sancto, Spiritu duce & comite*. Hæc Cyprianus. Nec ea absque firmamento; nam ei Scripturæ sacræ autoritas suffragatur. In Evangelio sæpius occurrunt locutiones similes, idque non uno in loco. Sunt loci nonnulli qui Spiritum Sanctum *Spiritum suum* appellant, ut 1 Cor. 2. 10. & Ephes. 3. 16. & 1 Theſ. 4. 8. & 1 Joan. 4. 13. *Revelavit hæc nobis per Spiritum suum, & dedit nobis Spiritum suum Sanctum*. Sunt alii qui Spiritum Dei & Spiritum Christi pro eodem accipiunt, ut 1 Pet. 1. 11. & Rom. 8. 9. *Vos non in carne estis, sed in Spiritu, si Spiritus Dei habites in vobis; si quis autem Spiritum Christi non habet, hic non est ejus*. Hujus generis est illud Sancti Pauli, Gal. 4. 6. *Quia estis filii, misit Deus Spiritum Filii sui in corda vestra*. Videſis, cum Spiritus Patris dicatur Matth. 10. 20. in Gal. 4. est Spiritus Filii.

In summa, etiam lippis est notum verba hæc esse singula æquipollentia, sparſim in Sacris fontibus posita, *Spiritus Promissionis, Spiritus Veritatis, Spiritus Gratia, Spiritus Sanctus, Spiritus Filii, Spiritus Christi, Spiritus Patris, Spiritus Dei*. Quapropter non multum refert utrum dicatur Spiritu suo ductum, aut Spiritu Sancto ductum: nam si Suo, Sancto; si Sancto, Suo. Non quod eadem sit persona Filii & Spiritus Sancti, sed eadem utriusque æterna & infinita essentia: nec etiam quasi humanus Christi Spiritus reipsa idem esset cum Divino. Absit! non faciunt unum Spiritum Divinus & humanus, sed unum Christum: sunt duo Spiritus, sed unus & idem motor; aut si diversi motores, in Christo tamen induunt rationem unius, sic ut primus motor statuatur Sanctus Spiritus, secundus, quoad subordinationem, humanus, qui paruit Sancto. Hoc ut magis pateat, videamus si possit idoneâ aliquâ similitudine collustrari: duæ autem occurrunt ex Scholasticorum placitis, una de gemina Nativitate Christi, altera de Voluntate.

De gemina Christi Nativitate Veteres Patres, & post eos Scholastici, asserunt, Duas habuisse eum Nativitates, temporalem ex matre, & ex Patre æternam, & utrâque nativitate eum filium esse naturalem; æterno quidem Dei Patris, temporali verò Virginis matris. Non tamen dicendum duos esse filios, sed unum, propter unitatem Personæ, in quam utraque illa cadit nativitas; quia eadem Persona quæ ab æterno suum esse, i. e. naturam Divinam, accepit ex Patre, etiam in tempore alterum suum esse, nempe naturam humanam, accepit ex matre.

Huic simillimum est quod de gemina ejus Voluntate commodè pronuntiant Scholastici, quod quia Voluntas naturam sequitur, non personam, idcirco cum duæ sint in Christo naturæ, etiam duas in eo fuisse & esse Voluntates, Divinam & humanam, sive creatam & increatam; & secundum utramque duplices operationes, de quibus ipse loquitur in Evangelio, *Non veni voluntatem meam facere, sed ejus qui misit me*, Joan. 6. Et tamen utraque voluntas secundum duas volitiones habuit unum & idem velle, quia nulla erat in eo voluntatum contrarietas, nulla pugna, sed altera alteri, id est, rationalis Divinæ, semper & per omnia fuit conformis, ita ut nihil vellet aut velle posset voluntate rationali, quatenus rationali, nisi quod absolutè beneplacitum esset voluntati Divinæ, cui subdicebat.

Eodem sanè modo se res habet in præſenti negotio; quamvis duplex erat Christi Spiritus, Divinus & humanus, at in actionibus ejus pro eodem motore supponunt, quia humanus usquequaque conformis erat Divino.

*Est in Sent.
l. 3. d. 8. s. 2.*

*Est in Sent. l. 3.
d. 17. s. 3.*

vino. Propterea duplex est ratio quâ dicimus eum Spiritu Sancto ductum, & Suo. Una respectu Deitatis unientis: Suo & Sancto, quia Suus erat Sanctus; quoad essentiam non differunt Divinitas Christi & Divinitas Spiritus Sancti, *ὅτι ὁ πνεῦμα ὁ ἄγιος τὸ Χριστὸν θεόν ἐστι*, ut Achanasius loquitur. Altera respectu Humanitatis unitæ & assumptæ, quæ præter unionis privilegium, plenitudinis insuper Spiritus Sancti altero privilegio delibutus est: & sic quoque Spiritu Sancto agebatur & Suo, quia Spiritus Sanctus erat in Suo, & Suus Sancto adeo demersus, eique tam exquisitè subjectus, ut quasi absorberi ab ipso modo quodam videretur. Quemadmodum modica aquæ gutta multo vino infusa à se tota deficere videtur, vinique saporem & colorem induere, & ferrum candens, quanquam ferri formam retineat, at pristinam formam videtur exuere propter ignis similitudinem implentis; & Solis radio aer perfulus, quamvis aer semper maneat, in luminis tamen transformatur claritatem; & speculum radiis solaribus directè irradiatum Solis in se adeo recipit similitudinem, ut alterum putares esse Solem: sic, sic de motore Christi Spiritu est dicendum; Hominis Christi Spiritus utcumque manebat humanus, & suas distinctas operationes habuit, at irradiatione Deitatis ex unione personali adeo erat transfiguratus, & Spiritus Sancti influxu perfectissimo ita per omnia adimpletus, atque implezione istâ adeo conformis & Deiformis effectus, ut in Divini Spiritus similitudinem, quasi alter, si non Spiritus Sanctus, at alter per omnia Spiritus sanctificatus, transformari videbatur. Sic duplici Spiritu agebatur & uno Spiritu, Spiritu Sancto & Spiritu suo; Suo, ut motore corporis, Sancto, ut motore spiritus, dum à Sancto Suus, ut corpus duceret, duceretur.

Videris, Auditores, non esse incomptum aut in ancipiti positum, sed spectatæ firmitatis atque immobile, quodque convelli non potest, Ductorem Salvatoris ad desertum non alium fuisse quàm Spiritum Sanctum, quod eò sæpius conor repetendo inculcare, quia Fidei dogma est, si quod aliud, utilitatis non parvæ, imò incredibilis consolationis. Ex Documentis consolationum spicilegia sunt colligenda: sed ea non sunt hujus speculationis, verùm in alium proroganda diem, quando erit mihi copia de Qualitate motus juxta ordinis rationem disputandi.

De Spiritu implente hæc dixisse sufficiat. De Spiritus implezione dies insequens perorabit.

LECTIO VIII.

Plenus Spiritu.

DE Spiritu Christum in locum certaminis ducente in superiori-
bus accepistis, Eum non fuisse aut ullatenus spiritum malignum,
quod abhorret à pietate; nec nudè & simpliciter Suum, hoc
est, humanum, quod non convenit Majestati Mediatoris: sed
revera Spiritum Sanctum, quo fuit ab utero plenus, & quasi de integro
post baptismum palàm in conspectu omnium delibutus, ut à Jordane ad
desertura in ipsius plenitudine proficisceretur. Hujus rei ergò inunctum
eum legimus, non solum oleo Prophetico ad Ministerium, & Sacerdo-
tali ad mortis Sacrificium, sed Athletico etiam oleo ad militiam & pug-
nam multiplicésque victorias. Atque in iis omnibus unguentum non
fuit aliud quàm Spiritus Sanctus. Quid igitur superest quàm ut, cum
Sponsa in Canticis, in odore & suavitate istius unguenti curramus rursus
post eum; & quia De Spiritu implente diximus, ut ad ipsam etiam Imple-
tionem demonstrandam ordinatim progrediamur; quia Sanctus Lucas do-
cet, eum & Spiritus ductu & in plenitudine etiam Spiritus ad cretum
se contulisse? Non quòd omnino dubitem hoc vobis absque signis & ar-
gumentis jamjam esse persuasissimum; Vos scitis verbum hoc, ut ad Corne-
lium S. Petrus loquitur, quòd auxit eum Deus Spiritu Sancto & virtute:
at nihilominus, quia, ut Sanctus Ambrosius loquitur, *inclusum in vase
unguentum, quamvis vim suam servet etiam in vasis angustis cohibitum,
atamen ad plures odorem suum diffundere non potest nisi fuerit de vase
quo clauditur effusum*; idcirco frangenda necessarium est pyxis, & in par-
tes suas secanda hæc speculatio, ut possit esse hujus mysterii, si non ma-
gis certa, saltem magis distincta, cognitio, accedatque aliquid ad intelle-
ctum ejus, si non ad fidem. Quòd ut enucleatius fiat, hoc unum in an-
tecessu est præmittendum, Hanc de qua loquimur Spiritus plenitudinem
soli Christum prærogativam fore, eique singulari quodam & eximio mo-
do competere. De Sanctorum plurimis Historia Sacra testatur, eos ple-
nitudinem aliquam habuisse: de S. Petro, Act. 4. 8. de S. Paulo, Act.
13. 9. de patre Baptiste Zacharia, Luc. 1. 67. de omnibus Apostolis, Act.
2. 4. de omnibus credentibus, Act. 4. 31. quòd repleti erant Spiritu San-
cto; de S. Barnaba, Act. 11. 24. quòd plenus erat Spiritu Sancto & fide;
de S. Stephano, Act. 6. 5, 8. quòd plenus erat gratia, & fortitudine, & fide,
& Spiritu Sancto. At omnes isti tamen ab hac de qua loquimur L. omni no-
stri plenitudine longissimè abfuerunt.

Quapropter sejungenda est necessariò Plenitudo à Plenitudine, ut consta-
re possit ad quem quæ & qualis plenitudo pertineat. Quòd ut clariùs &
lucidiùs expediám, conabor, si potero, totum ad duas inquisitiones revo-
care. Prima ad demonstrationem Rei spectat, Qualis sit hæc plenitudo;
Secundà ad demonstrationem Privilegii, Cur solius Christi proprium sit ex-
istimandum.

Exordior

Exordior à prima, quæ est Rei ipsius inquisitio : & ejus quidem complura existant in Scripturis testimonia, quòd fuit in Christo homine hæc Spiritus plenitudo : etenim S. Lucas, præterquam quòd cap. 4. eum *Spiritu Sancto plenum* fuisse affirmet, in capitis secundi versu 40, *sapientiâ plenum* prædicat ; & S. Joannes, cap. 1. *plenum gratiâ & veritate* ; & quod adhuc majus est, Deitate plenum S. Paulus, Col. 2. 9. *In eo inhabitat omnis plenitudo Deitatis corporaliter* ; similiter & cap. 1.º ejusdem epistolæ, ver. 19. *Complacuit Patri ut in ipso omnis plenitudo inhabitaret*. Cum dicit *Omnis*, videtur mihi eo uno vocabulo rem totam complecti, fuisse in Christo & omnem Gradum plenitudinis, hoc est, plenitudinem cujusq; gratiæ in summo gradu ; & omne Genus plenitudinis, hoc est, & plenitudinem Deitatis, quæ ad Col. 2. & plenitudinem Gratiae habitualis, quæ Joannis primo celebratur. Etenim hoc est certissimum, & fuisse & esse utramque in Christo plenitudinem ; & propterea ipsius plenitudinem Spiritus tum ex utraque tum in utraque elucentem. Inprimis ex eo quòd *Deitate plenus* dicitur, necessariò sequitur ut sit plenus Spiritu ; tum quia ejusdem essentiae est cum Verbo Spiritus, tum etiam quia opus Incarnationis seu Conceptionis ejus, in qua humanitas est adunita Deitati, peculiariter tribuitur Spiritui Sancto. Deinde quòd dicitur *Plenus gratiâ*, ex eo etiam sequitur eum Spiritu Sancto plenum fuisse ; quia motu reciproco in se mutuo recurrunt istæ consequentiæ, Ubi Gratia ibi Spiritus, & ubi Spiritus ibi Gratia : ubicunque Spiritus infunditur, ibi magnarum est plenitudo virtutum ; & ubi illa plenitudo virtutum, ibi plenitudo Spiritus ; quia non est donum aliquod gratiæ, nisi ex operatione Spiritus, 1 Cor. 12. 11. Sicut igitur non est omnino gratia ulla nisi à Spiritu, ita non potest esse gratiæ summa plenitudo nisi à plenitudine Spiritus, quod de Christo Propheta jamdudum prænuñtiavit, Is. 11. 2. *Requiescet super eum Spiritus Domini, Spiritus sapientiæ & intellectus, Spiritus consilii & fortitudinis, Spiritus scientiæ & pietatis, & replebit eum Spiritus timoris Domini*. Hæc igitur sunt duo genera plenitudinis ad quæ loquutiones reliquæ omnes quæ passim hujus ordinis in Scripturis occurrunt sunt referendæ : nam si de plenitudine sapientiæ & bonitatis increatæ loquimur, referenda est ad plenitudinem Deitatis ; si de plenitudine scientiæ & sapientiæ creatæ, pertinet ad plenitudinem gratiæ habitualis. Quòd si accuratè eas secernere velimus, duo sunt potissimum consideranda, In quibus conveniunt, & In quibus discrepant.

Ea in quibus conveniunt sunt duo, Temporis ratio, & Originis.

Quòd in Temporis ratione concordent, obscurum non est ; etenim utramque plenitudinem homo Christus simul & semel accepit, primo conceptionis suæ momento. Ab initio conceptionis habitavit in eo plenitudo Deitatis *omnipotentis*, hoc est, *omniodis*, ut rectissimè Theophylactus exponit, *essentialiter*, sive *personaliter*, non per assistentiam solam aut efficaciam, ἀλλὰ καὶ ὡς οὐσίαν, hoc est, *per unionem hypostaticam*. Similiter & ab initio ejusdem Conceptionis inunctus est à Spiritu Sancto gratiarum omnium plenitudine. Quòd autem dicitur *Sapientiâ & gratiâ profecisse*, Luc. 2. Scholastici de Scientia experimentalis & acquisita id accipiendum respondent, quæ ex similibus similia, ex contrariis contraria, ex causis effecta, & ex effectibus causæ intelliguntur. Nec malè Damascenus & Lombardus, *Eum non in se, sed in aliis profecisse, dum aliis hominibus munera gratiæ & sapientiæ suæ secundum atatis processum magis magisque ostendebat*. Quòd si hæc non sufficiat, planior est aliorum Scholasticorum responsio, *Profecisse eum in istis non secundum habitum, sed secundum actum & effectum* : quia licet habitus gratiæ & sapientiæ, ab initio conceptionis animæ ejus infusus, nullum acce-

Ambr. in Luc.
l. 1. c. 11.

Damasc. l. 3.
De fide, c. 22.

perit incrementum, ab eo tamen habitu per accessum ætatis majora subinde opera gratiæ & sapientiæ procedebant; unde factum est: ut ipse habitus, qui revera non crescebat, hominum tamen opinione cresceret. Hæc summa est, Habituali incremento eum non profecisse, quia utramque plenitudinem à primordio habuit; & *plenitudo nescit augmentum*, ut rectè Ambrosius, l. i. De Spir. Sancto, c. 7. Hæc Convenientia prima est, quantum ad rationem Temporis.

Secunda est quantum ad Originem & emanationem utriusque, quia utraque plenitudo ab Unione Hypostatica profuit atque in ea fundatur, licet modus sit diversus, ut mox videbimus. Ab Unione illa plenitudo Deitatis emanavit, quia in ipso unionis instanti ipse λόγος, Deus verus & perfectus, cum omnibus suis attributis Divinis, infinita scilicet potentia, sapientia, bonitate, inhabitavit in ejus humana natura: ab eadem unione donorum omnium & gratiarum plenitudo profuebat, scientiæ, sapientiæ, aliorumque omnium charismatum, quæ singula sanctissimo unionis vinculo inonituntur; juxta illam sæpius decantatam regulam, *Quandò aliquid est propinquius causa influenti, tantò copiosius participabit de ipsius influxu*. Cum igitur ipse Deus sit fons gratiæ, fieri non potuit ut anima Christi, Deo tam propinqua ut propinquior esse non potuit, omnimodà non abundaret gratiâ. Hæc secunda est Convenientia, quantum ad rationem Emanationis.

Videamus nunc de Discrepantiis; tres autem sunt.

Primum in quo hæ Plenitudines differunt est *χρῆσις* sive relatio ad suum Principium, quia plenitudo utraque, etsi ab unione Hypostatica proveniat, non tamen eodem modo; non tam propriè, neque tam immediatè ab eo fuit habitualis gratiæ plenitudo atque plenitudo Deitatis: nam Deitatis plenitudo in Christo homine est unionis effectum; at gratiarum plenitudo non tam est effectum ipsius, sed magis consecrarium. Ratio hæc est, quia dona illa habitualia Christi animæ non minùs à Patre & Spiritu Sancto data sunt quàm ab ipso λόγῳ, quibus tamen natura humana Christi non est hypostaticè unita, attestante Scripturâ, *Deum unxit eum, Spiritus Sanctus unxit eum*. Quòd si à Deo trin-uno data sunt ei ista dona gratiarum, sequitur ut sint unionis hypostaticæ consequentia magis quam effecta. Consequentia appello, quia non pendent ab ea essentiali illo connexu qui est inter causam & effectum, sed ordinis duntaxat ratione, ex Congruitatis debito: æquum enim erat & congruum ut natura illa cui Deitas se unire voluit supremam haberet donorum excellentiam & quoad Genera gratiarum & quoad Gradum. Hæc Discrepantia prima est, A relatione ad commune utriusque principium.

Secunda est ex modo participandi: nam prima illa, quæ est *πλήρης ἐν δόξῃ*, non potest ulli creaturæ realiter communicari; at verò secunda, quæ est *πλήρης ἐν δυνάμει*, participes nos facit. Quantum ad effecta ejus creata & finita, etiam primæ potest esse communicatio; in se verò non est Sanctis communicabilis, quia ea est plenitudo quæ per personalem humanitatis assumptionem ipsum constituit Christum. *θεῶν δυνάμει*, sive Verbum incarnatum. E contrâ, gratiarum illa plenitudo transfunditur in fideles, ut ipsos sanctificet, & donis gratiæ locupletatos exhibeat. Hoc ipsum Evangelista ostendit, Joan. 1. 16. *Ex plenitudine ipsius omnes accepimus*; & Apostolus, Eph. 4. 7. *Unicuique nostrum data est gratia secundum mensuram donationis Christi*; & Col. 2. 10. *In illo estis repleti, qui est caput omnium principatus & potestatis*. Ratio est in promptu, quia plenitudinem primam Christus habuit sibi, at secundam hanc non sibi soli accepit, sed nobis: neque enim purè personæ est & in se manens plenitudo, sed relativa, & ad Eccle-

fiam

fiam ordinata, & toti corpori impertienda. Vultis discrimen? Verbo: Ex illa Deitatis plenitudine Justificationis nostræ ratio potissimum pendet, quia illa est quæ humanitatem sibi personaliter copulando Christum constituit: *θεῖον ἄνθρωπον*, adeoque Mediatorem; illa est quæ pretium & dignitatem infinitam, & infiniti meriti virtutem morti suæ præstitit, ut possit plenissime pro peccatis mundi satisfacere: at verò ex hac altera gratiarum plenitudine Sanctificatio nostra & vita spiritualis decurrit, tanquam à fonte ad rivulos implendos destinato; tanquam à capite, unde membra hauriant gratiam post gratiam. Quòd si quis scire expetat (ut curiosorum magna est ubique frequentia) quorsum qui habuit Deitatis plenitudinem plenitudine etiam gratiæ habitualis ornandus erat, quoniam supervacuum videtur ut gratiarum plenitudinem acciperet qui Deo plenus erat; ex his quæ diximus facilis erit hujus Quæstionis & expedita solutio. Etenim nostræ rationes & salutis nostræ ordo id postulabant, ut plenitudinem hanc alteram acciperet: atque ex suppositione finis necessaria erat, propter Christi habitudinem ad genus humanum; quia cum non esset Deitatis plenitudo in se nobis communicabilis, necessario conferenda illi fuit plenitudo hæc altera, non tanquam privatæ personæ, sed tanquam capiti & universali principio, à quo in totum corpus gratiarum flumina dimanarent. In principio autem omnia debent esse plena & perfecta, alioqui impossibile est ut sit perfectio in principio, si non sit cumulatissima plenitudo in principio. Hæc Discrepantia secunda est, Ex modo participandi, Quòd illa non sit in se sed in effectis participabilis, hæc in se; Quòd ex illa habuit ut gratiam nobis promereret, ex hac ut gratiam nobis communicaret.

Ultima in Amplitudine utriusque spatii & finibus est constituenda: nam illa Deitatis plenitudo fines nullos habet aut terminos, nullam circumscriptam mensuram, infinita est in se & incomprehensa, & per gratiam Unionis hoc efficit ut Christo homini ea verè tribuantur quæ sunt Divinitatis propria; nam ex ista oritur ut verissime dicamus, Christi hominis potentiam, scientiam, bonitatem esse infinitam. Non quòd hanc plenitudinem anima Christi in se habeat, sed in Verbo: in Christo est, quia in *λόγῳ*, quia, ut inquit Cyrillus, *Sicut Deus propter unitatem propria ducit humana, ita etiam homo propter unitatem propria ducit Divina*. Hinc est quòd Apostolus asserat, in illo ad Colossenses 2º, non portionem aliquam Divinitatis habuisse eum, neque dona tantum eximia Divinæ gratiæ & munificentiæ, ut Angeli, Prophetæ & Apostoli, sed ipsam Deitatis plenitudinem, quia ipse *λόγος*, Deus plenus, verus & perfectus, unionem hypostaticam habitaculum sibi posuit in humana ejus natura. Hinc etiam est quòd Joan. 3. 34. Evangelista nos doceat, Eum non accepisse Spiritum *ἐκ μέρου*, hoc est, *Ad mensuram*: quæ verba utcumque nonnulli Interpretes de Christo ratione humanitatis explicant, quòd dona Spiritus acceperit tantà perfectione quantum potuit natura humana capere; attamen Chrysostomus, Cyrillus, Theophylactus, Euthymius, alique multi ratione Divinitatis hoc dictum contendunt, ut hunc sensum habeat, Non dat Deus ipsi ad mensuram Spiritum, quia dedit ei totam Spiritus operationem, dum suammet communicavit substantiam; & sine mensura dedit *τὸ πνεῦμα ὁλόκληρον ὡς αὐτῷ*, totum & integrum Spiritum essentialiter, modo quodam illimitato & infinito, ut Theophyl., loquitur. At de plenitudine habitualis & infusæ gratiæ hoc ipsum non possumus affirmare; ad gratiam infinitam hæc non se extendit plenitudo: nam cum sic creata qualitas, & inhæreat in mente Christi quæ creatura est, infinita esse non potest. Equidem non dubito dicere plenitudinem eam maximam fuisse, adeoque infinito proximam; si modò ulla possit esse finiti ad

De Incarn.
Hæg. c. 26

infinitum vicinitas aut approximatior. Maxima, inquam, & infinito proxima quamplurimis de causis est dicenda.

Primò, Quia non est, quantum ad caput nostrum, limitata neque quoad Genera gratiarum, neque quoad Gradum. Secundò, Quia tanta erat quantum ea sanctissima anima recipere potuit, tanta ut animæ Christi capacitatem impleret; imò tanta, ut Lombardus dicere audeat, *non potuisse ei Deum gratiam plenius conferre*. Quod intelligendum cum Thoma, secundum ordinem Divinæ sapientiæ, aut magis secundum animæ ipsius capacitatem. Postremò, Quia tanta est ut in se contineat quicquid ad rationem gratiæ pertinet, hoc est, omnes perfectiones ad quas ratio gratiæ se extendit. Nam longè latèque sese fundit ad omnes gratiæ effectus, tanquam fons gratiarum uberissimus; & ut Aquinas loquitur, *tanquam principium quoddam universale, ex quo in membra Ecclesia procedit omnis varietas gratiarum*. His, inquam, de causis maxima dicitur, & infinito proxima. At nihilo secius tamen non significat propriè gratiam immensam aut infinitam, sed eo ipso quòd creata est, finitam esse necesse est; quia nihil creatum simpliciter est infinitum, sed certum habet capacitatis modum. Hoc ultimum est Discrimen inter has duas plenitudines, in Amplitudine & finibus utriusque collocatum.

Atque sic absolvi primam Inquisitionis partem De Natura & qualitate huius plenitudinis, idque & ex Sanctorum Patrum, & Scholasticorum, & nostrorum etiam Theologorum comparatis inter se placitis, quæ potui & perspicuitate & compendio. Porro ex Scripturis ipsis indicavi, quæ Genera plenitudinis Salvatori tribuuntur, qui Gradus; quæ Ratio, quæ Origo utriusque; quas Convenientias habent, quas Discrepantias.

Nunc superest ut ad alteram Inquisitionis partem accedamus, ut & illud intelligere possimus, Quale sit hoc Christi Privilegium, & ipsius proprium quatenus sit dicendum. Privilegium Jurisperiti rectè definiunt, *prælationem aut prærogativam quandam singularem, in certa persona vel causa gratiam favoremve indulgentiam, quæ causâ aut personâ cessante, ipsum quoque extinguitur privilegium*. Atque is est Privilegiarius, vulgò *privilegiatus*, cui honor aut dignitas singularis propter utilitatem, & suam & publicam, est concessus. Hoc non putavi prætereundum, quia instituto nostro commodissimè inservit particula quælibet utriusque definitionis. Nam

Primò, Quòd sit prærogativa quædam Christi & prælatio singularis in hac plenitudine supra omnes creaturas, in Psal. 45. duobus versibus à Psalmista est annotatum: vers. 3. *Speciosus es formâ præ filiis hominum, diffusa est gratia in labiis tuis*, vel, *plena sunt gratiâ labia tua*; & vers. 8. *Unxit te Deus oleo latitiæ præ consortibus tuis*.

* Deinde, Quòd in honorem Christi & utilitatem publicam sit ipsi concessum, id duobus locis designat Apostolus: Col. 2. 9. *In ipso inhabitat omnis plenitudo, & vos estis repleti in illo, qui est caput omnis principatus & potestatis*; & cap. 1. v. 19. *Ipsi data est omnis plenitudo, ut in omnibus primatum teneat, & omnia reconciliaret Deo, sive quæ sunt in terris, sive quæ in caelis*.

Postremò, Quòd ex indulgentia Divina hæc dignitas sit in ipsum collata, quòdque extingui non potest, quia causa & persona nunquam desinunt, & hoc quoque Apostolus in observatione posuit, capite supradictò, *Complacuit Patri ut in ipso omnis plenitudo inhabitaret*, Complacuisse dicit, ut indicaret Indulgentiam; & *inhabitare*, ut Perpetuitatem: nam *æternitas* est incolatus, 1 Pet. 1. 17. sed *æternitas* est *permanens habitatio*. Ergò jure optimo dicitur *Privilegium*.

Hoc solum restat indagandum, Quod culmen sit aut quis apex plenitudinis, in quo hoc privilegium est statuendum: quia & beatos Angelos scimus plenos

plenos gloriâ, & de Sanctis Viatoribus legimus, eos plenos fuisse Spiritu, & fide plenos ac sapientiâ. Non quòd cuius vestrum in dubio positum esse existimem, quamplurima esse, eaque maxima, discriminam spatia inter plenitudinem Christi & aliorum: sed ut ad rem in se claram major claritas ex lucubrationibus nostris accedat. Idcirco ad quædam Capita conabor quanto potero transcurfu hos differentiarum apices revocare. Capita generalia quatuor sunt, Exordium, Duratio, Mensura, & Communicatio plenitudinis. Percurram ordine.

Primum Discriminis caput ad Exordium plenitudinis hos remittit; nam Christi plenitudo est Originalis: & respectu æternitatis, ut Deus est, in se habet & à se incircumscriptam ab æterno plenitudinem; & respectu temporis, plenus Spiritu erat in primo instanti incarnationis. Non sic fideles in Ecclesia, non tam multo manè elucescit illis Spiritus, nedum adimpler; guttatim ipsis infunditur juxta temporum vicissitudines: non primâ luce emicant nè radii quidem Spiritûs; quid putas de plenitudine? Enimvero duos legimus in utero Spiritum accepisse, Jeremiam & Joannem: sanctificatus erat Jeremias priusquam natus, Jer. 1. 5. & Joannes non sanctificatus modò in utero, sed Spiritu repletus, Luc. 1. 15. *Erit magnus coram Domino, & Spiritu Sancto replebitur, adhuc ex utero matris sue:* de quo pulchre Ambrosius, *Nondum erat illi spiritus vita, & erat Spiritus gratia:* & post eum Augustinus, *Ante accepit Divinum Spiritum quàm humanum, & Divina munera quàm humani corporis membra;* antè capit Deo vivere quàm sibi; imò antè vixit ille Deo quàm Deus, hoc est Christus, viveret illi. Quid ergò, num privilegii participatione imbutus est Joannes? Numquid erat illi plenitudo hæc de qua loquimur Originalis? Nequaquam; nam primò, non repletus dicitur *ἐν κοιλίᾳ, in utero, verum ἐκ κοιλίας, ab utero:* & ut præteream illud, quia in utero positus exsiluisse dicitur, ut saluaret Salvatorem; concedatur fuisse plenum in ipso utero, obsecro quæ erat plenitudo? equidem respectu Christi angusta & imperfecta; &, ut Polybius de quibusdam remigiis loquitur, *ἀπὸ τοῦ πλὴνους, impleta plenitudo;* siquidem præter Christum hoc nemini contigit, ut in primo conceptionis momento veram plenitudinem haberet. Solus ipse est *πρὶν ἢ γένεσθαι*, ut Basilus; imò magis *ἄνω πρὶν, ἢ ὡς ὄψις*, ut Chrysostomus loquitur. Hic primus est apex Privilegii, adeoque Discriminis. In Christo solo est Plenitudo Originalis.

Ambr. id
Luc. 1.

Pol. li. c. 9.

Bas. in Isaiam.
Chrysost. in
Col. 1. 19.

Secundum Discriminis caput in Duratione ponitur; quia Christi plenitudo est plenitudo permanens. In Viatoribus se exferit Spiritus secundum fluxus & refluxus quosdam; & quamvis eum habeant fideles fixum firmumque ad salutem, at nemo est vel Prophetarum vel Apostolorum cui assidue aderat, absque omni intercapedine, ad illuminationem & disciplinam. Hoc Christo soli servatum est, in quo nihil erat vacuum, nec ulla unquam aut remissio hujus aut intermissio plenitudinis. Ecce iterum dico, iterumque ingeminando affirmare non desinam, Plenitudo Christi tanta erat, tamque signata impressaque animo, ut nullam sit passa nec dolorum interjectu nec intercussu passionum reale deliquium aut diminutionem. Non me fugit, S. Paulum Phil. 2. 7. *Evacuationis* verbo usum esse, *ταυτὸν ἐκένωσεν, exinanivit seipsum, formam servat accipiens:* Dic autem quomodo. B. Ambrosius nos docet, l. 1. De Spiritu Sancto, c. 8. *Exinanivit se, non quòd ipse esset vacuum sue plenitudinis, sed ut nos, qui plenitudinem ejus sustinere non valeamus, pro eo quòd capere possumus nostris eam animis perciperemus.* Hoc modo se exinanivit subjiendo se, humiliando se; & quantum ad incarnationem, assumendo quòd non erat, non amittendo quòd erat, ut scitè Primasius; & quantum ad mortem & passiones, occultando plenitudinem, non deponendò.

Dic, obsecro, quanta est ea plenitudo, quæ in ipsa exinanitione plena permanfit? Hoc quatuor vocabulis Sacra Scriptura in diversis locis explicat: verbo *Inhabitandi*, Col. 1. 19. *Placuit Patri ut in ipso inhabitaret omnis plenitudo*; & *Reponendi*, Col. 2. 3. *In quo sunt omnes thesauri sapientia & scientia abditæ, sive reconditi*; & *Quiescendi*, Isa. 11. 2. *Requiescet super eum spiritus Domini*; & *Permanendi*, Joan. 1. 32. *Vidi spiritum descendentem quasi columbam de celo, & mansit super eum*. Ex quibus verbis Hieronymi hoc est Consecrarium, *Quod in nullo alio spiritus sanctus jugiter inhabitavit nisi in Salvatore solo*. De sanctis legimus, *venisse super eos spiritum Domini*; ut de Gedeone Jud. 6. 34. & de Samsone, Jud. 14. 6. *Irruit super eum spiritus Domini*. Hinc idem Hieronymus colligit in Ezech. 35. in illa verba, *Factus est sermo Domini ad me*; *Si semper*, inquit, *in prophetis esset spiritus aut sermo Dei, & iuge in pectore eorum haberet hospitium, nunquam tam crebro Ezechiel poneret, Et factus est sermo Domini ad me: sed quia ob humanam fragilitatem & huius vitæ necessitates interdum recedebat ab eis, ideo dicitur venisse super eos*. At de Christo Baptista loquens ait *Spiritum super eum mansisse*; *Super quem videris spiritum sanctum in specie columba descendentem, & manentem in eo, ipse est*. Nunquam enim Christi proprium esset quod maneret, nisi ab aliis nonnunquam recederet. Hæc Hieronymus, ut ostenderet in Christo nunquam aut recessisse spiritum, aut plenitudinem defecisse; quia requievit & mansit super eum, & in eo inhabitavit, non separabiliter, sed tanquam in fixa & propria sede. Hic secundus est apex Privilegii, In Christo solo est Plenitudo permanens.

Discriminis caput tertium est Communicatio, quia Christi plenitudo est diffusiva per communicationem sui, ut ubique Sacrae Literæ testantur; & haurire & impleri credentes non aliunde quam ex plenitudine ipsius. Aliorum plenitudini hæc virtus non convenit: Sic licet magna credentium, & Apostolorum major, & Angelorum maxima plenitudo; at non est sui communicativa propriè loquendo, sed impropriè, & quasi per irradiationem. Haurimus quidem aliquid ex Angelorum plenitudine, sed in ministerio suo; ex Apostolorum, sed in scriptis suis; ex Sanctorum, sed in exemplo suo: hæc non est communicatio, sed accommodatio & usus. At à Christo, cum fons sit & caput plenitudinis, abundantia omnis gratiæ suppeditatur universæ Ecclesiæ; nec suppeditatur solum, sed diffunditur; nec solum diffunditur, sed infunditur, velut à summo atque influxivo principio. Hoc S. Paulus vidit & docuit in Col. 2. 10. *In eo summa repleti*, nimirum quia ab ipso est omnis gratiæ influxus: à Deitate ejus principaliter, ut à primario agente, qui gratiam creat in anima per modum authoritatis; ab humanitate ejus instrumentaliter, ut à sancto organo conjuncto huic primario agenti. Hoc idem uno quasi spiritu & Baptista & Evangelista docuere, Joan. 1. 16. *Ex ipsius plenitudine nos omnes accepimus*, ὡς ἐκ τοῦ πλεοσυστοῦτος, inquit Chrysostomus, ὅ ἐκ τοῦ ἀπερλότου, ὅ ἐκ τοῦ ἀπερκεχρημένου, quia ipse est in exhaustus thesaurus, & fons indeficiens gratiæ; nec solum fons gratiæ, sed canal, idque & merito passionis, & beneficio intercessionis, & gratiæ operationis. Quod autem dicit Evangelista, *Nos omnes*, & Prophetas & Apostolos sub hoc nomine complectitur; quia & Prophetæ & Apostoli, adeoque omnes Sancti, ex ipsius exuberantia hauerunt. Nec tamen ullam passa est ipsius plenitudo imminutionem, quia inexhausta erat & indeficiens. *Erat in ea quod semper redanderet, & ex abundanti superflueret*, ut Ambrosius loquitur: *Neque est quod mirum videatur, quia fons spiritualis cum sit, quod plus inde haurimus, eo magis scaturit*, ut Chrysostomus optimè. Hic apex tertius est Privilegii, In Christo solo est Plenitudo sui communicativa.

Discrimi-

Chrysost. in
Psalm. 44.

Amb. De Sp. S.
6. 7.

Discriminis ultimum caput Mensuram dixi, quia Christi plenitudo respectu Deitatis inhabitantis est infinita, respectu gratiæ infusæ omni donorum genere cumulatiflima; ut non possit vel à Prophetis, vel ab Apostolis, vel à Sanctis triumphantibus, vel ab ipsis Angelis, vel ab his omnibus simul sumptis ipsius plenitudo exæquari. Plenos agnosco gloriâ beatos Spiritus, & suas etiam habuisse plenitudines Prophetas & Apostolos, Sanctosque in terris agentes alios; verum à Christi plenitudine tot intervallis distantes, ut si à singulis hauseris suum cuiusque donum, & ex omnibus unam plenitudinem composueris, quid dico de guttulis? vix tantillum erit ad supremam illam quam dixi Salvatoris plenitudinem.

Ut hoc clariùs luceat, quia non est una tantum plenitudo quæ in Sacris occurrit Literis, sed multæ & diversi generis, videamus quam *obscuro* habent hæc plenitudines; ut postquam ad ordinem & seriem redactæ fuerint; & quasi in scala quadam positæ, quis sit cuiusque tenor & quæ singularum à se invicem distantiæ, si non oculorum, at saltem animorum intuitu perlustremus. Hujus igitur Scalæ latera sive scapi duo sunt, Plenitudo Viæ, & Patriæ: gradus in utroque latere fixi, ad imum duo, versus summam patenter duo; respectu Viæ, plenitudo Sanctorum & plenitudo Apostolorum, respectu Patriæ, plenitudo Corporis & plenitudo Capitis. Breviter, quatuor sunt Scalæ gradus spatiis suis determinati; Plenitudo Christiana, Plenitudo Apostolica, Plenitudo beatifica, & Plenitudo suprema omnes transcendens numeros.

Prima est Credentium, & vocari potest *Plenitudo Competentiæ*, sive *Sufficienciæ*, quia etsi non fuerat perfecta, at tanta fuit quæ ad statum Viatoris satis esset; ut cum Elia possent in virtute ipsius quadraginta dierum, hoc est totius vitæ, incolatum absolvere.

Secunda est Apostolorum, & potest dici *Plenitudo Affluentia*, sive *Abundantia*, quia illi majorem mensuram habuere, non eam solam quæ sibi satis esset, sed & aliis etiam convertendis; nec eam quæ solum ad statum sufficeret, sed ad munus insuper quo fungebantur.

Tertia est Triumphantium, & *Plenitudo Præcellentia* est dicenda, quia nostram excedit & capacitatem & captum; sed non est major capacitate suâ, verum dimensa est, & divisa singulis, pro cuiusvis vasis magnitudine & receptivitate.

Postrema est Christi, & est *Plenitudo Redundantia*, sive *Superfluentia*, à capite ad barbam & ora vestimenti, ad Angelos, Prophetas, Apostolos, Sanctosque quotquot usquam fuerint universos decurrentis.

Hi gradus sunt Scalæ; qui quoniam in mensura discrepant, & secundum suos singuli modulos, excepto Christi ultimo, sunt commensurati, non erit incommodum eos denuo novo examine altius repetendo percurrere.

Præima Scalæ est Plenitudo Fidelium in hac vita: nam & ipsi repleti Spiritu dicuntur, & Plenitudine Comparativâ, si majorem cæteris gradum accipiant; & Plenitudine Sufficienciæ, quæ statui suo serviat & conditioni. Sed duo sunt quæ hanc elevat plenitudinem. Primum, Quod non sit absque nævo & labecula, non pura est & integra & imperturbata plenitudo, sed & maculis permixta, & vacuitatibus obsita. Macularum admixtio duplex est, Carnis & Peccati. Caro militat, Peccatum polluit, quomodo erit plenitudo? cum Gratiæ plenitudo nullum peccato, & Spiritus nullum carni relinquat locum, neque ullo modo stare potest cum tot reliquiis peccati & carnis; nam *stipendium peccati mors est*, Rom. 6. & *Sapientia carnis inimicitia*, Rom. 8. Huc accedit quod multæ sunt in ea vacuitates; ad quamcunque eorum gratiam oculos convertimus, sive ad Fidem, sive ad Obedientiam,

five ad Resipiscentiam, five ad Charitatem, in singulis sunt inanitates, quia ex parte sunt & imperfectæ: ubicunque autem est aliquid imperfectum, est aliquid nondum impletum, adeoque vacuum. In Fide vacuitas, propter inane infidelitatis; in Pœnitentia, propter duritiem nunquam satis pœnitendam; in Obedientia & Charitate, propter defectus Obedientiæ & Charitatis: ut jam de fidelibus singulis dici potest quod de Israelitico populo Propheta, Hof. 10. 1. *Vitis vacua est Israel*; quia habet in omnibus hæc plenitudo nullas vacuitates. Hæc primæ plenitudinis natura est, quam dixi *Plenitudinem credentium*, hoc est, plenitudinem non plenam, & ex loquendi indulgentia, *Plenitudinem Competentia*.

Secundus Scalæ gradus est Plenitudo Prophetarum & Apostolorum; erat enim illi peculiari quodam modo repleti Spiritu. Hanc *Affluentia plenitudinem* dixi, quia donis Spiritûs imbuti sunt longè supra ceteros, tamque copiam acceperunt quæ non modò ad Statum sufficeret, sed ad Officium; nec ad suam solam salutem conduceret, sed aliorum. At erat tamen hæc commensurata plenitudo; & non solum commensurata, sed imperfecta: Erant in ipsorum gratiis non tam hiantes quidem atque in aliis, sed rimæ tamen atque vacuitates. De Prophætis S. Jacobus testatur, Jac. 5. 17. *Elias homo fuit passionibus obnoxius sicut & nos*. De Apostolis S. Paulus, Act. 14. 14. *Nos homines sumus, iisdem passionibus sicut & vos obnoxii; iisdem, scilicet mortalitatis & carnis*, ut Beda explicat. Quod si quis dubitet, audiat S. Joannem, 1 Joan. 1. 8. *Si dixerimus quòd peccatum non habemus, ipsi nos seducimus, & veritas non est in nobis*. Hæc magna plenitudinis remora est, quòd erant in statu Peccantium; & si hæc abfuisset, attamen aderat alia, erant in statu Petentium; quid enim est petere nisi desiderare? & desiderare quid nisi indigere, & parùm se plenos confiteri: ut appositissimè Parisiensis observavit de Universo, primâ primæ, c. 52. *Desiderium omne est fames & sitis spiritualis, & per hoc signum & effectum vacuitatis spiritualis*, i. e. vacuitatis cordis, quemadmodum fames & signum & effectus est vacuitatis stomachi. Ac si ita se res habeat, de hoc quoque gradu plenitudinis dicendum est, ut supra, quòd cum esset in ipsis aliquid vacui, proinde & plenitudo graduum susceptiva capaxque incrementi: quæ quamvis erat major solito, at erat tamen minor debito, & plenitudo tantum Copiæ & Affluentia.

Parif. ibid.

Tertius gradus est Plenitudo Triumphantium, five Angelorum five Beatarum mentium, quam *Plenitudinem Exsuperantia* vel *Præcellentia* appellavi, quia præ cæteris longè eminet & antecellit, & quia vacuitatem nullam admittit, & quia incrementi non est capax, aut ullius quantum ad essentiam additamenti: siquidem illi soli verè pleni sunt qui Deum vident; re vera pleni, quia in termino; & ille solus Plenitudinis nomine status est dignus qui, ut Parisiensis loquitur, *implet in ultimitate plenitudinem obtinentem*; ultimitas autem plenitudinis est, quæ nihil omnino vacuitatis in continente relinquit: nihil, inquam, vacuitatis, nimirum positivè loquendo; at locutione comparatâ etiam ipsi Angeli ad Christum vacui sunt dicendi. Habent omnes Beati illam gratiæ & gloriæ amplitudinem quam capere potest maximam mens uniuscujusque: sed non habet illam capacitatem vel gratiæ vel gloriæ mens cujusvis creaturæ quam habet anima Christi. Si enim, dicente Apostolo, *stella à stella luce differat & magnitudine*, tum multò magis stellæ differunt à Sole, à Christo, qui Sol Justitiæ non esset, nisi solus plenus esset. Ad eum solum

Supremus gradus Scalæ pertinet, quam *Plenitudinem Redundantia* (neque enim aptius verbum novi) liceat appellare. *Superabundantem* voco, quia origo

origo est reliquarum omnium plenitudinum; & *supremam*, quia augmentum nescit; & *immensam*, quia Baptista nos docet, Joan. 3. 34. quod non ad mensuram datus est ei Spiritus: reliqui omnes habent Spiritum *ut p^{er} p^{er}sonas*, juxta mensuram & divisionem. Quod juxta divisionem, habetur 1 Cor. 12. 11. *Hac omnia operatur idem Spiritus, dividens singulis prout vult*: Quod juxta mensuram, Eph. 4. 7. *Unicuique nostrum data est gratia secundum mensuram donationis Christi*: Quod utrumque simul, in Rom. 12. 3. *Divisit unicuique mensuram fidei*. Viden' & dividit secundum mensuram, ut & distributionem significaret, & proportionem. Non quasi ulla esset divisio Spiritus ex parte Spiritus, sed tantum ex parte nostri. Ex parte ipsius Spiritus nulla est, quasi partitionem suscipiat aut mensuram ullam habeat Spiritus Sanctus, qui *aqualiter ubique diffusus est*, ut Hieronymus observavit; *Non ipse dividitur Spiritus, sed dona per Spiritum*, ut scitè Augustinus, Hom. 4. in Apoc. sed ex parte nostri, quia juxta mensuram vasculorum infundit Deus liquorem hunc, tantum cuique largiens quantum potest ille cui donatur accipere. *Recipimus*, inquit Chrysost. *ὡς δὲ ἡμεῖς ἡμεῖς ἡμεῖς, ὡς ὁὖν ἡμεῖς, ὡς ὁὖν ἡμεῖς ἡμεῖς*, *Non quantum ipsa sit, sed quantum nobis licet*. Juxta hunc sensum ad mensuram datur Sanctis, tum Sanctis in Via, tum Sanctis in Patria positis: illis, secundum quod expedit; his, secundum quod recipere possunt; utrisque *pro sua facultate natura, & pro sua possibilitate virtutis*, ut Ambr. loquitur. Hinc est quod *diverso locutionis genere Scriptura utitur*, ut idem notavit Ambrosius, *cum de Christo & nobis loquitur, quantum ad Spiritum: cum de Christo loquitur, manere dicit super eum Spiritum; cum de nobis, non Spiritum ait, sed de Spiritu, Effundam de Spiritu meo*. Quod si hæc Observatio non teneat, at hæc altera firma est, Quod Christum ipsam plenitudinem habuisse affirmet, Nos de plenitudine; *Ex ipsius plenitudine nos omnes accepimus*, Joan. 1. 16. quodque Sanctorum unusquisque suam habeat plenitudinem, Christus verò omnem plenitudinem, attestante Apostolo, Col. 1. *In eo inhabitavit omnis plenitudo*. Quæ ratio? Quia in Christo est Plenitudo fontis, in Sanctis Plenitudo vasis; in Christo plenitudo maris, in Sanctis plenitudo fluminis; in Christo plenitudo Solis, in Sanctis plenitudo Stellarum. Luce plenæ sunt stellæ, & aquis cœlestibus plena vasa gloriæ, sed secundum mensuram, tantum capiunt quantum de suo arbiter omnium pro sua voluntate divisit; tantum quantum beatæ mentis amplitudo recipere possit. At verò Solis & Fontis plenitudo est multò major; & hæc solius est Christi.

Hier. in Eph. 4.

Ambr. De Spir.
Sancto, l. i. c. 8.

Ut verbo omnia expediam; Habent Sancti Spiritum secundum modulum & mensuram, hoc est, portionem quandam commensuratum; Credentes commensuratum statui, Apostoli commensuratum muneri, Triumphantes commensuratum capacitati: at Christus habuit *αὐτοῦ ἑαυτοῦ, sine mensura*. Habent in terris Sancti divisiones gratiarum, Christus totum confluxum. *Solus non habet modum, qui habet totum*, ut scitè Bernardus, Ser. 70. in Cant. Non habet eum particulariter aut per subdivisiones, sed generaliter & universaliter omnem Spiritus operationem. In nobis est quantum convenit; & quantum pro statu est idoneum, ex affluentia liberalitate largientis: in illo est totius Spiritus redundantia. Quod si de plenitudine gratiæ loquamur ex parte habentis, sic S. Paulus & Stephanus & beatissima Virgo plenitudinem habuerunt singuli plenè & sufficienter, quoad suum statum & conditionem; Maria plenam, pro statu Virginitatis; Paulus, pro statu Apostoli; Stephanus, pro statu Martyris: at si de ea loquamur ex parte gratiæ habitæ, sic nemo plenus dicitur nisi qui illam habet in maxima extensione, quoad omnem gratiæ speciem; & in maxima

etiam

etiam excellentia quoad Gradum : hæc plenitudo solius est Christi. Et hic est gradus quem dixi Supremus, qui gradus omnes plenitudinis in se comprehendit.

Sic tandem accepistis Scalam Jacobi scalæ non multum abssimilem; etenim pars ejus infima est in terris, cacumen coelos tangit, estq; in summitate Christus. Inter gradus hæ sunt differentię, quod plenitudo prima, quæ est Credentium, sufficiens quidem est ipsorum conditioni, sed angusta, & incrementi capax, & commensurata; secunda, quæ erat Apostolorum, angusta quidem non fuit, sed & incrementi capax, & commensurata; tertia, quæ est Triumphantium, neque angusta est, neque incrementi capax, sed commensurata; suprema, quæ est Christi, neque angusta est, neque incrementi capax, neque commensurata, sed in summo posita, ut ipsi *Nihil ultra sit* inscribendum: quod quia pervenimus, æquum est ut quod inscriptum est Scalæ, ego quoque Chartæ inscribam, Nihil ultra addendo; præsertim cum, juxta utramque instituti partem, pro capto meo ostenderim & Quælis sit hæc plenitudo, & Quod sit solius Christi singulare Privilegium.

Ex istis documenta si quæ sunt quæ deducantur, ad partem proximam de Motûs qualitate, velut ad locum proprium, sunt releganda.

LECTIO IX.

Ductus est à Spiritu.

DE Qualitate motûs quo Christum Spiritus Sanctus in desertum ad certamen deduxerit non est quod putetis id à me oratione omissum, sed tantum in suspensio relicum, consultoque ad tempus magis idoneum prorogatum, ut de proprio haberet diem, ad specialem sui commentationem destinatum, in quo possit ex professo & sigillatim commodius cumulatiûsque tractari. Et res quidem ipsa exigebat ut prius de Spiritu implente quàm de ducente differerem, cum absque aliqua, saltem modica, istius plenitudinis notitia, de ductu & motu vix sit possibile judicare. At verò jam consummatâ de Plenitudine disputatione, admonet me promissi ordinis fides ut ad Motûs quam diximus qualitatem appropereamus, quod nasci de integro in hac altera sui parte causa possit quæ superius in prima est uberius perorata.

Sunt autem tria Vocabula quibus ad hanc Motûs qualitatem explicandam Evangelistæ utuntur. Primum à S. Matthæo ponitur, *ἀνέχθη ὑπὸ τοῦ πνεύματος*, quod Editio Vulgata vertit, *Ductus est à Spiritu*; Maldonatus, *Abreptus*; Erasmus, *Subductus*, sive *sublatu*s, aut *abductus è medio*; Budæus aliique, *Subvectus*, quasi in montanam regionem, aut editiorem locum, vel potius, quasi honoris esset aut privilegii: etenim *ἀνέχθη* non solum est *gestare* aut *portare*, sed *sursum tollere*, & *in altum erigere*. Brugensis & Beza volunt ut sit ad verbum, *Seductus*, hoc est, seorsum ductus, ut *ἀνὰ* pro *χρησίν*, vel *δυνάμει*, & *ἀνέχθη* pro *ἀνέχθη* ponatur: est enim hic usus verbi apud autho-

res

res classicos, Ciceronem, Virgilium, Ovidium, Terentium, alióſque, ut non ſolùm in malam partem accipiat *Seducere* pro *Decipere*, ſed aliquando, & id quidem frequentius, in bonam, ut idem ſit quòd *Avocare*, & *aliò ducere*. Hæc primi vis eſt vocabuli, *Abduxit*, aut *Subvexit*, eum *Spiritus*.

Secundum eſt S. Marci, ὁ πνεῦμα αὐτὸν ἐκβάλλει, quod Montanus & Beza convertunt, *Ejicit*; Erasmus & Vulgata, *Expellit*, ſive *Extrudit*; Laurentius Valla, *Emittit*, quia *Expellere* eſt ei paulò durius: nàm etſi ἐκβάλλει aliquando idem ſignificet atque *ablegare* aut *in exſilium mittere*, at interdum idem valet atque ὁ θεὸς τὸν ἐκπέμπει, ut Joan. 10. 4. & Matth. 12. 35. *Vir bonus de bono theſaurò cordis ἐκβάλλει τὰ ἀγαθὰ*, profert, vel *expromit*, bona. Ut cunq̃ue fuerit, at hoc tamen eſt neceſſariò concedendum, vehementiam quandam eſſe & impetum in verbo ἐκβάλλει, nec ſimplicem quidem illam, ſed conduplicatam: alteram in natura vocis, quæ in molliſſimo ſenſu Con- citationem quandam ſignificat; alteram in flexu, quia non eſt præteriti tem- poris, ſed, pro præterito, præſentis, quod majorem habet efficaciam, & rem præteritam ut præſentem exhibet, & quaſi ante oculos ponit. Hæc vis eſt ſecundi Vocabuli, *Emittit*, *expellit*, aut *ejicit*, eum *Spiritus*.

Postremum occurrit apud S. Lucam, ἦγον ἐν τῷ πνεύματι, quod omnes Inter- pretes per verbum *Agebatur* explicant, niſi quòd in Præpoſitione aliquan- tulum diſcrepent: nam Vulgatus & Beza ſic legunt, *Aëtus eſt A Spiritu*, τῷ τῷ πνεύματι. Erasmus, *Aëtus eſt Per Spiritum*, διὰ τῷ πνεύματι. Montanus, Græco textui adhærens, *Aëtus eſt In Spiritu*, ἐν τῷ πνεύματι. Quæ ſingula ſunt ſoni magis diſcrimina quàm ſenſus; cùm *duci In Spiritu*, ex uſu Hebraico nil aliud ſit quàm *duci A Spiritu*, ut Beza obſervavit. Nec ego ſanè iſ ſum cui volupe eſt litem viris doctiſſimis intendere, Interpretationem bonam eſſe non diſſiteor; an adeò germana ſit & genuina, hoc illud eſt quod dubito. Hoc nemo eſt qui neſcit, ſolenne eſſe Evangeliſtis, ex Hebraicis literis ſæpius loquendi formulas mutuari: at ſupervacaneum eſt ta- men ad Hebraiſmos conſugere, ubi ab Idiomate Græco locutio iſtanon ab- horret; ſicut in hac de qua loquimur phraſi eſt ſummè manifeſtum. Nam ex Homero Heſychius notat, quod ἀγναι ſæpe idem ſit quòd *ire & proficiſci*, & ut Plautus loquitur, *agere ſeipſum*. Porro & Budæus, quòd Deponens ἀγμαι ſignificationem habeat activam, idemque eſſe Xenophonti aliſque Græcis quod Latinis *trajicere*. Quòd ſi hoc in loco ſic accipiat, ſimplex eſt & aperta locutio, ἦγον ἐν τῷ πνεύματι, hoc eſt, *Ivit in Spiritu in deſer- tum*, aut *trajecit in deſertum*. Quòd ſi paſſivè interpretemur, *Aëtus eſt Spi- ritu*, neceſſe eſt ut aut Hebraiſmum prætexamus, aut ſaltem Præpoſitio ἐν re- dundabit, ut ſæpenumero apud Græcos: ſi activè verò, nec Hebraiſmo eſt opus, & in Græcò idem παρίημι. Atque ſic quidem ſe S. Lucas explicat, c. 4. verſ. 14. cùm dicit, peractis tentationibus reſreſſum eſſe Chriſtum virtute Spiritùs à deſerto in Galilæam. Verba ſic habent, ἐπίſτροφεν ἐν τῇ δυνάμει τοῦ πνεύματος εἰς τὴν Γαλιλαίαν, *Reverſus eſt in virtute Spiritùs in Galilæam*. Equidem veri eſt ſimile, utrobique eodem ſenſu S. Lucam fuiſſe locutum, quia idem ſonant quantum ad formulam loquendi, ἐπίſτροφεν ἐν τῷ πνεύματι, & ἦλθον ἐν τῷ πνεύματι, h. e. iviſſe eum in ſpiritu, ſicut è deſerto, ſic in deſertum; nimirum, ut ſæpiuſcule monui, & Spiritu Sancto, & Spiritu Suo. Hæc tertii eſt Vocabuli proprietas, *Ivit in Spiritu*, vel *Proſectus eſt in Spiritu in deſertum*.

Hæc ego eò diſtinctiùs ex tribus Evangeliſtis tranſcribenda judicavi, ut mutuà vocabulorum inter ſe ſive collisione ſive copulâ, & veritatis ſcin- tilla clarior, & verborum intellectus plenior redderetur. Atque eſt in iſſis umbra quædam & ſpecies repugnantix, re verò ipſâ conſpirant. Quod in re ſimili

Chryf. tom. 5.
Hom. 24.

simili S. Chryfost. Ἀφ' οὗ ἐκ μόνον ἔστιν, οὐκ ἐναρτίως; ἢ Ἀφ' οὗ ἐκ τῶν ἑσάρων ἔστιν, ἀλλὰ καὶ τῶν ἑσάρων ἐναρτίως. Et hic quoque ita te res habet; sola est in nominibus differentia, non contrarietas; & nominum differentia, non rerum: adeo non impediunt historiae aut veritatem aut sensum, quia tria sunt vocabula, ut ipsum clariorem cumulatiorémque reddant, dum in trium vocabulorum proprietate exprimitur singularitas ejusdem instinctus, *Ivit ductu impulsuque Spiritus*. Est aliud in usu quotidiano *Ire* quam *Duci*, & minus multo *Duci* quam *Pelli* & *Trahi*, quod versiculo illo Seneca significavit, *Fata volentem ducunt, nolentem trahunt*; & alter Seneca philosophus, *Generosus animus facilius ducitur quam trahitur*: at de Salvatoris in desertum secessu, cum Spiritu Patris & Spiritu Sancto non minus plenus erat quam suo, & verissime hæc omnia prædicantur, & *Ivisse eum*, & *A Spiritu ductum*, & *A Spiritu pulsum fuisse*; atque insuper ab Evangelistis prudentissime in nostram gratiam sunt discriminata, ut nos & ex singulis seorsim & ex universis junctim clariorem hauriamus pleniorémque intelligentiam. Nos utroque modo ea perlustrabimus, & divisim, ut sibi ipsi unumquodque, & conjunctim, ut singula singulis mutuas suppetias ferant.

Inprimis ex singulis intercise & separatim sumptis uberior sensus redditur, quia habet vox unaquæque multiplicem potestatem, quæ sibi succurrat, si quis eam perperam explicaverit. Nam primò, quod *Ivisse* dicitur, nè quis humanitus dictum putet, quasi solo humano consilio iter inceptum esset; ἀγάγει non solum est *trahere*, aut *ire*, sed *agi*, & *ab alio duci*, ut divinitus hoc iter susceperit pro certo teneamus, & motore Spiritu. *Non ivit*, inquit Cajetanus, *velut solâ humanâ utens ratione, sed Spiritu Sancto inspirante, regente, & agente ipsum*.

Deinde, quod dicitur *Expulsus à Spiritu*, nè quis ejectionem crederet, velut ignobilem & è plebe aliquem; ἐκβάλλει non tantum est *expellere*, sed *emittere*, ut emissum eum intelligamus & assignatum ad has partes subeundas; & ἀνάγει non solum est *abducere*, sed *sursum* & *in sublime tollere*, quia honor erat & prærogativa vexillarium Spiritum Sanctum habere & præconem certaminis.

Ad extremum, quod *abductum* eum tertius Evangelista memorat, nè quis ad motum corporeum extorqueat; ἀνάγει non solum est *gestare* & *portare*, sed quemcunque motum significat; ut spiritaliter ductum, non per aera raptum intelligamus. De nonnullis aliis non diffiteor Sacram testari Historiam, eos à Spiritu abreptos, atque à loco in locum transmotos fuisse. De Habakkuk, in parte Apocrypha Danielis, c. 14. v. 35. *Apprehendit eum Angelus Domini in vertice ejus, & portavit eum capillo capitis sui, posuitque eum in Babylone supra lacum*. De Ezechiele, c. 8. v. 3. *Emissa similitudo manus apprehendit me in cinctu capitis mei, & elevavit me Spiritus inter terram & cælum*. De Philippo Evangelista, Act. 8. 39. quod Spiritus Domini eum rapuit à Gaza in Azotum, quadraginta plus minus milliaribus. De Elia imò conjiciebat Obadias, 1 Reg. 18. 12. & filii Prophetarum, 2 Reg. 2. 16. An credendum est hoc ipsum Christo obtigisse? Nequaquam, quia ἀνάγει non solum ad corpus spectat, sed ad animum; neque externum ductum denotat, sed internum. Hoc Titus Bostrensis observavit, in Luc. 4. οὐκ ἔωθεν, inquit, *non ab extrinseco ei aderat Spiritus Sanctus, sed virtute Spiritus Sancti tanquam suâ utebatur*; & post eum Cajetanus, in Marc. cap. 1. *Quod tam efficaciter movebat ejus animum Spiritus Sanctus, ut tanquam pelleretur & portare videretur; cum tamen nihil esset, quod Spiritus Sanctus movebat ejus animum, quod corporeum pulsum saperet, sed emisit eum spirituali instinctu, non portavit*. Ex istis in comperto est variam multiplicemque

placemque esse istarum vocum potestatem si separatim sumantur, ut si ex una earum significatione sensum expiscari non valeamus, ex altera id possit fieri, quia unaquæque succurrit sibi.

Intuemur nunc eas comparatè & junctim, ut collatione alternatim factâ appareat, in trina discordia singulorum quàm amicissimâ sit concordia omnium, quàmque opportunè verba singula singulis subveniant, secundum primum, tertium secundo, & primum tertio; ut ex omnibus lector addiscat quod ex singulis non potest deprehendi.

Discordia prima est inter Matthæum & Marcum: *Ductus est*, inquit Matthæus, voce placidâ; *Pulsus est*, inquit Marcus, concitatori usus vocabulo. Viden' concordiam? Nè motum debilem languidumque putemus, hoc Marcus supplet, non solum ductus est, sed à Spiritu impulsus; nè coactum suspicemur aut violentum, hoc Matthæus leniendum putavit, dicendo eum ductum fuisse à Spiritu Sancto: uterque appositè & juxta genium suum: S. Matthæus, qui faciem Hominis præferit, *Duxisse eum Spiritum*, dicit, humano vocabulo; S. Marcus, qui in Leone præfiguratus creditur, rugientis in morem, *Expulit eum Spiritus*. Hæc concordia est discordiæ primæ.

Discordia secunda est inter Matthæum & Lucam: *Ductus est*, inquit Matthæus, *Ivit*, Lucas. Viden' concordiam? Nè minorem eum Spiritu suo quis somniaret, cum legit *Ductum à Spiritu*, S. Lucas *Ivisse* eum dicit; & rursum, nè temere aut mero humano motu hoc iter suscepissè eum arbitremur, *Ductum eum à Spiritu* Matthæus asserit. Hæc est concordia discordiæ secundæ.

Tertia est inter Marcum & Lucam: *Spiritus eum expulit*, inquit Marcus; *ivit in Spiritu*, Lucas. *Pulsus eum* Marcus dicit, ut ostendat non frustra eum accepisse Spiritum, aut irritam fuisse tantam plenitudinem, imò verò tam præpotentem, ut non modò eum ageret, sed impelleret. E contra, nè abreptum fingamus, aut in aerem corporaliter subvectum, aut velut nullius numeri hominem in desertum ejectum, *Ivisse eum sponte* Lucas docet. Obsecro, quò tendit variorum hæc commutatio verborum, nisi ut exinde benignitas Dei nostri atque in docendo munificentia magis enitescat, qui pro unius notiunculæ explicatu verborum suppeditat uberrimam copiam; neque id rarè aut casu, sed crebriter atque ex professo per universam Scriptionem, uti omnes norunt, qui vel mediocriter in Sacris Literis versantur. Satis erit nobis in re tam quotidiana id unico exemplo indicasse. Ab Ascensione Christi hoc exemplum petemus, nam & hoc iter erat Christi novissimum, à deserto seculi in coelos, estque illud non uno vocabulo, sed diversis & dissimilibus, nobis commendatum. In aliquibus locis Assumptum eum legimus, in aliis virtute propria ascendisse: quod Græcos Patres impulit ut eâ & *Assumptionem* ejus dicerent & *Ascensionem*; nunc passivè, τῷ Χριστῷ ἀνάληψιν, nunc activo vocabulo, τῷ Χριστῷ ἀναβαίνειν. Passivo vocabulo S. Marcus utitur, cap. 16. ver. 19. ἀνελήφθη εἰς θρόνον, *assumptus est in caelum, & sedet à dextris Dei*, pariter & S. Lucas, cap. 24. ver. 51. ἀνεβήκει εἰς θρόνον, *recessit ab eis, & ferebatur in caelum*: quibus utrisque innuitur, eum non potestate propria sed alienâ, non tam petrexisse in caelum quàm raptum & sublatum fuisse. E contra, apud S. Paulum activum verbum occurrit, Eph. 4. 8, 9, 10. ἀνέβη, *ascendit in altum*, ter repetito vocabulo; necnon apud S. Lucam, Act. 1. *προβόμην*, idque conduplicatum, versibus decimo & undecimo. *Videbant eum, non ἀλαμβανόμενον, εἰς βασιλείαν*, ut notat Theophylactus, *ἀλλὰ προβόμην, euntem in caelos*. Quæ causâ discrim-

Bbb

minis,

minis, ut illic Ductum in coelum, hic Ivisse in coelum Evangelistæ afferent. Nimirum illa, ut ex discrimine verborum & naturarum distinctio emitteret, & unitas Suppositi: illinc, quia virtute Deitatis humanitas sursum ferebatur, Idecirco *sublatum* legitur & *assumptum*; hinc, quia virtute propria, non adjectore alieno, à Christo *Deus Deus* est effectum, idcirco *euntem* prædicat Scriptura & *ascendentem*. Eodem modo se res habet in præsentis negotio, respondet motus motui, & verbum verbo; nam *ductum* & *ruptum* à Spiritu duo Evangelistæ tradunt, *euntem* tertius introducit: non quod inter se discor dent Evangelistæ, sed quod liberaliter & largè nobiscum Deus agat, rem in se unicam multiformiter explicando, nè quid desit intelligentiæ nostræ: *Tuit* inquit Lucas, *pulsus* inquit Marcus, *ductus* Matthæus, ter geminâ voce, sed afflatu unico. Etenim *Ducere* quid denotat nisi instinctum Spiritûs? & *Agere*, quid nisi virtutem & efficaciam Spiritûs? quid tandem *Pellere*, nisi vehementiam & impetum? Juncta eodem recidunt, quod fervore devotionis Spiritus Sanctus agebat eum, & amoris quasi funiculo ducebat eum, & indignationis zelo expulit eum contra Tentatorem. Quod si ista non sufficiant, aut adhuc quilibet sit qui hæc verba cupiat penitus introspicere, audiat quid à Did. Stella est religiosè observatum, *Per tria hæc vocabula indicasse Evangelistas indivisum opus indivise Trinitatis: quia enim expulit potentia Patris, & duxit sapientia Filii, & egit sive traxit ad hoc opus benignitas Spiritûs Sancti*. Non quidem est ejusmodi Observatio ut vobis ausim obtrudere, sed non est tamen nihilli æstimandum. Mihi satis erit pro modulo meum vobis sensum explicasse; qui ut perfectior sit, Cautiunculas quasdam pro & ex supra dictis existimo adjiciendas: quæ si semel fuerint positæ, nescio an quicquam aliud sit quod in hac parte desideretur. Cautiones tres sunt, pro numero vocabulorum.

Prima est circa S. Matthæi vocabulum: quod cum Christum à Spiritu Sancto *Ductum* legimus; absit ut eum motum vulgarem aut influxum ordinarium putemus, sed singularem & summum; & quia Spiritu plenus erat, & quia idem qui duxit impulit. Vulgaris & usitatus instinctus *ductum* dicitur, estque Prophetarum omnium & Apostolorum, imò & credentium omnium commune privilegium. Apostolos agebat Spiritus, agebat & Prophetas, & duces Israeliticos agebat, & etiamnum agit Sanctos alios. Jud. 3. 10. & Jud. 11. 29. *Spiritus Domini venit super Othniel*; *Spiritus Domini venit super Jephthæ*. Similiter & Rom. 8. 14. *Quicumque Spiritu Dei aguntur, ii sunt filii Dei*. Porro & de Samson, Jud. 14. 6. non *venisse*, sed *irruisse* super eum Spiritum Domini, *Irruit in eum Spiritus Domini*; juxta Lxx Interpretes, ἡλαιο αὐτὸν ὁ πνεῦμα κυρίου, *Insiliit in eum Spiritus Domini*. Quod si hoc adoptivis filiis aut nunc conveniat, aut olim obtigerit; quanto magis naturali & unigenito, qui supra Samson magnus Dux est salutis nostræ, Heb. 2. 10. & magnus Prophetæ, Act. 7. 37. & magnus Apostolus confessionis nostræ, Heb. 3. 1. Enimvero æquum est ut arbitremur insignem hunc impulsum Christi fuisse, & supra ordinem; Christus, qui Spiritu plenus erat, non potuit non habere concitiores Spiritûs motus isti plenitudini respondentes. Inter caput & membra hoc saltem interfuit, ut si alios ducat Spiritus, si super alios veniat, quo putas impetu super Christum irruerat, cum ad pugnam se accingeret? Idcirco S. Marcus, ut vehementiam hanc significaret, non *ductum* modò, sed *impulsum* annuntiat. Hæc Cautio prima.

Secunda est de S. Marci vocabulo: quod *Ejectum* sive *Expulsum* asserat, putandum non est violentiam ullam aut coactionem adhibitam fuisse,

isse, ac si invito & contra voluntatem id ei obrigisset, quia idem qui impulit duxit. Cùm *impelli* dicitur, id *αἰνῶμαχος* dictum est, ut Chrysost. loquitur: quia *non necessitatus fuit*, inquit Abulensis, *sed ad id quod necessario erat faciendum, sponte motus*. Ergo & *impulisse* dicunt, & *duxisse*; nam impellendo ducit, & ducendo impellit. Tamen si non semper sit idem tenor eadẽque in omnibus dispositio influentis Spiritus: quia cum aliis placidiùs agit, ducendo, cum aliis ferventiùs, cum utrisque efficaciter; etenim cùm impellit, tam suaviter agit nobiscum, ut ducat; & cùm ducit, tam fortiter, ut rapere & impellere videatur. Ità est mixtura quædam in toto opere & Potestatis & Amoris: Potestatis, ut agendo fortiter repugnantiam nostram possit vincere; Amoris, ut suaviter agendo ad sui amplexum & obedientiam voluntatem nostram possit attemperare. Potestate utitur, nè operatio Spiritus aut convertendi propositum siet irritum: Suavitate, nè opus ipsum linguarum perulantium calumniis esset obnoxium, si præcisè fides cogeretur. Quòd impellit Spiritus, est virtutis & efficaciz; quòd ducit, comitatis & mansuetudinis. Hæc dispensationis Divinæ via est & modus cùm ad se suos trahit.

Quod de Vino & Aqua auctor libri Machabæorum, lib. 2. cap. ult. ver. ult. aut vinum aut aquam seorsim bibere esse adversum valetudini; at si permixta sint, suavia sunt & salutaria, acunte aquam vino, & vinum aqua leniente: similis certè est duarum istarum vocum effigies, quando & nos *pellere* & *ducere* Spiritum Sanctum affirmamus; nè alteram ab altera sejungamus, & invitando ducit, & excitando pellit. *Rapit homines*, inquit in locum Brugenfis, *quocunque velit*; *non quòd vim faciat eorum animis, sed quòd facile mobiles reddat & morigeros*: ut ejus sequantur instinctum in quovis genere rerum agendarum & allicit & attrahit, non cogendo voluntatem, sed efficaciter attrahendo, movendo, applicando, & determinando ad volendum & ad eligendum; idque miris modis, ut Augustinus loquitur, *non ut homines nolentes credant, sed ut volentes ex nolentibus fiant*; hoc est, & impellendo, & ducendo. Hæc Cautio secunda.

Tertia est de vocabulo S. Lucæ. Cùm *ivisse* Christum dicit, non simpliciter significat eum à seipso ut homine hoc opus inchoasse, sed imperio & jussu Spiritus Sancti; nam S. Matthæus dicit eum *ductum* fuisse à Spiritu Sancto. Quòd si eum ut *ἡγούμενον*, vel, quod majus est, ut Filium Dei contemplerur, sic sui planè juris erat, nec sui solum ductor ut iret, sed ipsius etiam Spiritus, ut ipsum ad alios duceret, à quo ducebatur. at si hominem Christum spectemus, Euthymii illud est verissimum, quòd *humanitas Salvatoris tanquam magistrum habuit Spiritum Sanctum, à quo per totius vita curriculum regebatur*: sic revera ductus est qui alios esset ducturus; & discipulatum Spiritus sequebatur, ipse discipulorum magister futurus. Hoc ipsum alternæ loquendi formulæ demonstrant, quibus nihil est Scripturis usitatus: Pater eum tradidit morti, Rom. 8. 32. & ipse tradidit se, Gal. 2. 20. Spiritus Sanctus misit eum, Isa. 61. 1. & ex se quoque à cœlis ipse veniebat, Joan. 6. 51. Erat igitur & actio sua, & actio Spiritus: Spiritus, quia à Spiritu mittebatur, *A me facio nihil*, Joan. 8. & Joan. 14. *Pater in me manens ipse facit opera*; Suiuspius, quia sponte iter suscepit & suapte arbitrio. Sic se res habet in operibus gratiæ, quando & Dei dicuntur, & Nostra, utrumque sensu congruo: Nostra subjectivè, ut Suppositi, quia certum est nos velle quando volumus, & nos agere quando agimus; Dei causaliter, quia ipse facit ut velimus & ut faciamus; Dei, inquam, ut principii supremi, & causæ primæ atque

perfectissimæ, quia ea omnia operatur in nobis, Isai. 26. 12. *Domine, omnia opera nostra operatus es nobis*; Phil. 2. 13. *Deus operatur in vobis velle & perficere*. Hoc S. Augustino ansam dedit ad edendas illas concinnas valde reconditæque sententias: *Deus magis habet in potestate voluntates hominum quam ipsi suas*, De Corrept. & gratia, cap. 14. *Sunt opera hominû, quæ magis dicenda sunt opera Dei*, lib. De Continentia, cap. 13. *Ipsa bona opera nostra, ipsius Dei potius intelliguntur esse quam nostra*, De Civit. lib. ult. cap. ult. *Quæcumque sunt bona opera mea, abs te mihi sunt, & idcirco tua sunt magis quam mea*, in Psal. 137. Quibus illud Aquinatis merito attestare possumus, *Hominis opera qui à Spiritu Sancto agitur, magis sunt opera Spiritûs Sancti quam ipsius hominû*, 1^a 2^a, qu. 93. art. 6. Quod si quem admiratio teneat in nobis hæc ita esse, qui primitias tantum Spiritûs accipimus, at huc convertens oculos habebit abunde quod satisfaciatur; quia de ipsius Christi rebus præclarissimè gestis, qui intra se habuit plenitudinem Deitatis, quoties Scriptura loquitur, non dubitat ea Spiritui Sancto tribuere. Imò verò & ponitur hæc pars historia, ut Abulenlis disputat, *tanquam clausula quadam generalis ad omnes alios Christi, & in principio omnium constituitur, ut per hanc de cæteris omnibus ostendi possit, eos à Spiritu Sancto defluxisse*. Hæc cautio est ultima.

in Mai. 4. 9. 3.

Quæ si cum superioribus connectatur, ostendit liquidò, non inutilem fore hanc verborum copiam & varietatem; verum acedè necessariam, ut absque jactura & damno nostro prætermitti nullum possit, quia se mutuo singula illustrant, adeoque perficiunt, ut secundum primi, & tertium secundum commentarius quidam & supplementum esse videatur.

His ita constitutis, nunc instituti mei ratio me monet ut Coronidis loco ad Documenta properarem; nam hoc est illud ultimum quod non solum sum vobis pollicitus, sed confirmavi etiam me in hac parte perfecturum. Est autem ipsorum uberrima copia, sed brevitatibus ergò in paucissima conferam, & ad duo Capita revocabo, ad Ductum Spiritûs, & ad Plenitudinem.

Ad Plenitudinem Spiritûs primus ordo spectat, & ex ea Duo sunt quæ elicimus Documenta.

Documentum primum, Quia in Christo solo est gratiæ Spiritûsque plenitudo, ergò solus est ipse Ecclesiæ suæ caput. Ratio est, Quia caput est influxivum principium; ergò oportet ut plenius & perfectius omnes sensus possideat quam membra ei supposita; quia ejus est motum & sensum reliquis membris impertire. Cum igitur Ecclesia sit corpus Catholicum, neque locorum neque temporum cancellis circumscriptum, necessarium est ut qui tam amplissimo corpori vitam & gratiam spiritualem communicat, gratiæ plenitudinem ipse habeat; at hoc est solus Christi. Is gratiam multò abundantius possidet quam omnes alii homines & Angeli in unum conglobati; is vitam spiritualem & motum gratiæ uberrimè infundit membris suis alioqui stupidis & mortuis, & ab omni motu spiritali destitutis. Ob hoc ipsum data est ei omnis plenitudo, ut plenè & perfectè omnia adimpleret. Si quis sit cui deest hæc plenitudo, bene cum illo agitur si inter membra Ecclesiæ censeatur: at Capitis nomen & honorem sibi assumere non potest absque summa & stultitia & superbia. Quid tam est absonum quam ut tanti corporis caput sit plenitudine vacuum, solâ vacuitate plenum? Est enim hoc indubitatum, Non solere Deum alicui imponere officium, quin simul det illi ea omnia quæ ad illud obeundum sunt necessaria. Si quem caput constituat, eum omnibus donis cumulabit

mulabit quæ requiruntur ad idoneam capitis naturam; & capiti, obsecro, quid est necessarium? revera non potest esse aliquid infra plenitudinem, & hæc plenitudo est solius Christi. Hoc Documentum primum.

Documentum secundum, Quia in Christo solo est hæc plenitudo, ergo ab illo solo est expectandum ut salutis & gratiæ rivuli ad nos transferantur: quia ab hac plenitudine habet ut pro peccatis omnium satisfaciat; ab hac plenitudine, ut ipse non potuit peccare, cum hoc pro certissimo sit tenendum, quod absoluta plenitudo gratiæ peccato nullum relinquat locum; sed alternatim sequuntur, ubi peccatum, ibi non est plenitudo, ubi plenitudo, ibi non est peccatum. Denique ab hac plenitudine habet ut omnes implere possit. Ergo impium est & absurdum alibi quam in Christo salutem vel totam, vel partem querere; imò vanum & inutile. Conduplicatum malum propheta dicit, Jer. 2. 13. *Ecce duo mala fecit populus meus, dereliquerunt me fontem aqua viva, & effoderunt sibi cisternas fractas, quæ non capiunt aquas.* Est igitur hoc hominis Christiani aut solum aut summum solatium, quod Christo per fidem in-situs, domi, & in promptu, & quasi in se, ut est membrum mysticum, semper habet quicquid sit ad salutem necessarium: atque ita habet, ut quocumque velit, liceat ei ex illa plenitudine accipere. Quocirca ad Christum nos solos recipiamus, extra ipsum nihil queramus aliud: quod Christo quisque propior, eò proximior est plenitudini. Quod si ex nobis vacui sumus, at ex ipso haurire possumus quæcumque plenissima: completam Sapientiam, quia Evangelium ejus est plena & perfecta & consummata doctrina; & consummatam Justitiam, quia obedientia ejus est plena satisfactio; & completam Sanctificationem, quia in ipso & ab ipso solo est plenissimus donorum cumulus & gratiarum; denique & plenissima omnia, cum nihil deesse ei possit qui bonorum omnium indeficienti & inexhausto fonti est agglutinatus. Ad ipsum igitur nos convertamus totos. Si ad alios Salvatores, aut ad aliam Salutem abducere nos seductores moliantur, scrutemur sedulo, an habeant hanc gratiæ plenitudinem quam in Christo sæpius percepimus: sin minus, ut acus à magnetæ tacta convertit se ad polum Arcticum, ita cor nostrum hæc plenitudine Christi jam vivificatum magis magisque ad omnem fontem gratiarum se vertat, ut in eo possimus jugiter & indivulsum quiescere; quia ejus solius est habere hanc plenitudinem. Hic Documentorum ordo primus, à Plenitudine Christi.

Secundus est à Ductu & operatione atque exercitio Spiritûs, cujus plenitudinem acceperat: quod plenus Spiritu, juxta illam plenitudinem ambulavit, & motus singulos ultro sequebatur. Ex eo duo nascuntur Documenta.

Primum est Documentum Solatii, quia recipimur in Consortium & Plenitudinis & Dispensationis. In Consortium Plenitudinis, quia ut ipse habet suam, ita ab ipso nos nostram habemus plenitudinem; ipse immensam, nos commensuram; ipse Divinitatis plenitudinem hypostaticam, nos influxivam, In Consortium Dispensationis, quoad modum & Inessendi, & Testificandi, & Operandi. Quoad modum Inessendi, quia ut in ipso manet, sic & in nobis, 1 Joan. 4. 15. *Quisquis confessus fuerit quoniam Jesus est Filius Dei, Deus in eo manet, & ipse in Deo.* Ut in ipso inhabitat, ita & in nobis, 1 Cor. 3. 16. *Nescitis quia templum Dei estis, & Spiritus Dei habitat in vobis?* sed magnum est intervallum discriminis, quia in ipso inhabitat per excellentiam, in nobis mediocriter, secundum receptivitatis

modum; in ipso manet jugiter *inwardly* & personaliter, in nobis *inwardly* & per intercessus. Quoad modum Testificandi, quia credentibus testimonium perhibet Spiritus non minus quàm Christo, Rom. 8. 16. *Ipsè Spiritus testimonium reddit spiritui nostro, quòd sumus filii Dei*; & inungit eos etiam oleo gratiæ desideratissimo, sicut olim Christum, 1 Joan. 2. 27. *Si manserit in vobis unctio quam accepistis ab illo*; denique & obsignat eos sicut ipsum Christum, Eph. 1. 13. *Signati estis spiritu promissionis*. Denique, quoad modum Operandi, quia sicut ipsius ductor erat in omnibus, ita etiam & nostri, Gal. 5. 18. *Qui Spiritu ducuntur, non sunt sub Lege*: Rom. 8. 14. *Quicumque Spiritu Dei aguntur, ii sunt Filii Dei*. Hoc tantum interest, quòd Influxus in Christum locupletior erat & uberior, in nobis est restrictior; & Testimonium ipsi indultum visibile erat atque solenne, in nobis est occultius, & pectore penitissimo absconditum; adhuc & Obsignatio ejus intimior multò & angustior erat quàm nostra, quia *nostra est facta velut odore balsami*, ut Augustinus loquitur, *in ipsum defluxit substantia unguenti*. Hoc, hoc solamen nostrum, hoc oblectamentum, quo majus afferri nullum potest, quòd unius & ejusdem Spiritus est effusio in caput & in corpus, & verbis iisdem exprimitur, & iisdem notis atque effectibus se prodit, manendo, habitando, uniendo, testificando, obsignando, ducendo. O ineffabilis consolatio! Hoc Documentum primum est, respectu Solatii, quia recipimur in Consortium.

Documentum alterum est Imitationis, Ut tradamus nos totos in obsequium, cum Christus post acceptam plenitudinem permiserit se totum Spiritui Sancto, ut ab ipso duceretur: est enim accepti doni in his verbis demonstratio, quòd ductu Spiritus ivit; ut nobis esset exemplo, non debere nos nostrum spiritum sequi, si Dei Spiritu imbuamur. A S. Paulo ratio petatur, Rom. 8. 5. *Qui secundum Spiritum sunt, quæ Spiritus sunt sapiunt*; & 1 Cor. 6. 20. *Non estis vestri, quia empti estis pretio*. Neque hoc totum est, mihi liceat hoc unum attexere, Non estis vestri, quia obsignati estis Spiritu Adoptionis; & per hoc sciatis non esse vos vestri juris, sed totos, quanti estis, Spiritus magisterio celsisse. Quocirca videndum est sedulo in omnibus operibus nostris quo Spiritu ducamur: nam si nostro, vivimus nobis; si Dei, Deo. Quod si à Spiritu Dei proficiantur opera nostra, consona erunt & conformia præceptis Divinis, quia hæc exarata sunt calamo Spiritus Sancti; tunc Deo cordi erunt & longè acceptissima, si non secundum carnem vivamus, sed secundum eum quem accepimus spiritum; tunc erit in oculis omnium, nos non incassum eo Spiritu ditatos esse, qui neminem frustra possidet, si secundum Spiritum quem accepimus ambulemus. Sic S. Davidem orasse legimus, Psal. 143. 11. non solum ut haberet Spiritum, sed ut ab eo regeretur, *Spiritus tuus bonus deducat me in terram rectam*: sic S. Simeonem, Luc. 2. venisse in templum ductu Spiritus; & S. Stephanum, Act. 6. signa & prodigia fecisse plenum Spiritu; & quatuor Animalia, Ezech. 1. quocunque Spiritus agebat ivisse; & Apostolos, Act. 2. 4. coepisse loqui variis linguis, Spiritu Sancto repletos. Quæ ratio? Ut extrà luceret donum in opere, quod intus fervebat quidem, sed latebat in pectore conclusum. Postremo, sic Christum ipsum Spiritu Sancto plenum in desertum ad pugnam secessisse, eundemque post tentationis victorias in virtute Spiritus in Galilæam remigrasse, ut esset omnibus manifesta doni probatio quod acceperat, non descendisse in eum Spiritum, ut eum tantum ostenderet populo & discederet, sed prorsus permanisse, ut regeret & gubernaret; itaque nos exemplo ipsius configurati, sicut Apostolus loquitur,

quitur, non extinguamus aut contristemus Spiritum Sanctum, sed magis nos totos ipsi subiciamus, in omnibus ducendos, agendos, etiam & pellen-
dos, quocunque & quomocunque placuerit. Hoc Documentum postre-
mum est, quod dixi Imitationis.

De Motu & Motore hæc dicta sunt: de suscepti itineris Finit cura est
proxima, in illa clausula, *Ut tentaretur à Diabolo.*

LECTIO X.

Ut tentaretur à Diabolo.

DE Spiritu qui Dominum Jesum & impleverit & in desertum
duxerit, distinctè & articulatum supra est disputatum, spatio-
sius aliquantulò quàm primulùm putabam, sed brevius multò
quàm mysterii tanti veneratio postulabat. Deceveram id ogyus
persecisse, & cum minori temporis impensâ: verùm ea fuit argumenti ju-
cunditas, ex deliciis Spiritus & Plenitudinis Christi oblectamenti prove-
niens, ut ab illa non poteram ratione ullâ aut animum aut calammum avoca-
re; quantumlibet ad ipsam tentationem, velut totius itineris metam,
avidius festinarem. Neque nova profectò res est, si in itinere longo mo-
ram & tarditatem aliquam ipsâ rerum incidentium delectatio injiciat, &
paulisper consistere cogat. Viatoribus nihil est usitatus, cùm ad longin-
quas regiones habitandi gratiâ se conferunt, etsi hoc sit potissimùm in votis,
ut ad locum ubi commorandum est peropportunè veniant, at de via
aliquando deflectere non gravantur, ut mores gentium, & celebriorum
urbium situm ac pulchritudinem observent, invitante ipsos amenitate lo-
corum. Sic Ulysses ille, homo seculi, post decem annorum exsilia ad patriam
reversurus, licet patrii soli esset amantissimus, at Lotophagos tamen
legimus eum baccarum suavitate tenuisse, & Alcinoi hortos retardasse,
& cantu vocis illectum ad famosum illud voluptatis naufragium Sirenes
penè deduxisse, nisi adversus illecebrosæ sonitus cantilenæ sociorum aures
cerâ imposita clausisset. Quantò magis nos decet historiam hanc Sacram
pertrastantes, celestium factorum Salvatoris religiosâ admiratione mulceri:
ubi non baccarum suavitas haurienda, sed panis Angelorum; nec olera
Alcinoi spectanda, sed Sacramenta Christi; nec mores hominum, aut nu-
tantia urbium moenia visenda, sed calcati seculi honor, & deserti sanctificati
victoriæ, & sanctæ civitatis triumphus, & tentationis superatæ laurea, &
excelsi montis ovationes, imò ipsius cœli. Non igitur claudendæ sunt
aures, sed referendæ, ut Christum ducentis Spiritus Sancti vox possit au-
diri, quàm quisquis perceperit naufragium non timebit, nec corporeis
vinculis, ut Ulysses, ad arborem alligandus est animus, sed ad Crucis lignum
& tentationis scalam est vincendus; nec abscedendum prius, donec ab ipsius
Spiritu vitam, & ab ipsius plenitudine plenitudinem, denique ab ipsius
exemplo robur hauserimus ad tentationes omnes frangendas, aut potius su-
perandas.

*Ambr. in Luc.
4. c. 4.*

Huc nos versiculi pars ultima deducit, in qua & Qualitatem certaminis, & itineris etiam Finem graphicè depictum esse jamdudum præmonui. Eam ego nunc in duas Speculationes secabo, Historicam & Theologicam.

In Theologica Quæstiones istæ sunt eventilandæ, Quid sit Tentatio, Quæ Genera Tentationum, Quomodo inter se discriminentur, Cur Christus tentari voluit, & Quare hoc genere tentationis, postremo, Quid inde nobis commodi & utilitatis obtigerit. Hæc erunt Theologicæ Speculationis capita.

Historica in verborum tenore & diversitate examinanda versabitur, ut sit parti Theologicæ ad instar præludii, vel magis fundamenti. Non quòd sint inter se hæc duo adeò segregata, ut Historicis Theologica non sint omnino miscenda: sed ut rerum perturbatio declinetur, quæ confusionis mater est, cum contrà, si idonea notionum distributio fiat atque accurata inter punctio, & melius veritas historię elucidata placitis inferviet Theologicis, & speculatio Theologica explicabit clariùs, ampliabit, implebit veritatem Historię.

Ordiamur à Speculatione historica, quæ sita est in diversitate vocum quibus Evangelistæ utuntur. Est autem vocum diversitas duplex, Verbi & Nominis: *& tentabatur, ut tentaretur*, hæc Verbi; à *diabolo, à Satana*, hæc Nominis est differentia. In diversitatem Verbi hoc quicquid est temporis est infumendum.

Diversitas Verbi materialiter sumpti nulla est, sed formaliter, non quantum ad se, sed quantum ad inflexionem. Verbum apud omnes Evangelistas idem est, sed S. Matthæus modo infinitivo utitur, *ductus est πειραδῆναι, tentari*; S. Lucas & S. Marcus passivo Participio præsentis temporis, *πειραζόμενος*. Lectionis primæ explicatio facilis, quia Infinitivi circumlocutio est familiaris, *πειραδῆναι*, hoc est, *eis τὸ πειραδῆναι*, vel *τὸ πειραδῆναι ἐνεκα*, *tentationis sustinenda gratiâ*; sive, ut Latini codices omnes, *ut tentaretur*. Secundæ tralatio est difficilior, quia Participii præsentis temporis apud Latinos aut nullus est usus, aut rarissimus. Est enim inter Grammaticos regula, quæ à Flavio Charisio traditur, *In passivis participia præsentis temporis nulla sunt*: sed explicant illud vel per præteritum verbi, & sic Arias Montanus, *erat tentatus*; vel per præteritum imperfectum, ut Erasmus & Vulgata, *& tentabatur*; vel circumloquuntur per Nomen Verbo additum, ut Lucas Brugenfis, *erat tentationem patiens*; vel passivum in activum mutant, ut Veteres sæpe,
 ————— *Genibûsque volutans*

Harebat,

Virg. & *Præcipitans traxit omnia*. Quæ locutiones sunt imperfectæ, nisi aut particula *Se* addatur, *volutans se, præcipitans se*; aut pro passivis accipiantur, *volutans, præcipitans*, id est, *volutatus, præcipitatus*. Atque hæc, ut opinor, est ratio, quòd Theodorus Beza, in Novi tralatione Testamenti, quando Participium passivum præsentis temporis occurrit, per activum putavit commodius exprimendum: ut Luc. 4. 15. *Docbat ipse in Synagogis eorum, δοξάζομεν*. ὡς πάντων. Vulgata per passivum reddit, *& magnificabatur ab omnibus*; Beza per activum, *omnibus ipsum glorificantibus*: & Luc. 4. 2. *Erat diebus quadraginta in deserto, πειραζόμενος*. ὡς ὁ ἄγγελος, hoc est, *& tentabatur à diabolo*, ut reliqui Interpretes vertunt; sed Beza per activum explicat, *Tentante eum diabolo*. Utunque fuerit, sive per activum interpretemur sive per præteritum passivum, hoc liquidò constat, distare multum inter se has formulas, *πειραζόμενος*, & *πειραδῆναι*, *Et tentabatur*, atque *Ut tentaretur*. Nam *πειραζόμενος* exponit & narrat rem factam

factam, *πυλα δὲ* proponit rem faciendam; & *tentabatur* eventum notat & exitum, ut *tentaretur* intentionem & finem; illud est permissionis Divinæ, hoc instituti & propositi; in illo verborum coherencia est tantum consequentialis, *ductus est & tentabatur*, in hoc casualis, *ductus est ut tentaretur*. Enimvero nollem libenter vim facere Divinitus inspiratis vocabulis, aut collisione temerariâ exprimere potius sensum quàm invenire: at negandum tamen non est & discriminis multum esse inter has formulas, & ex utrisque pleniorē hauriri posse intellectum quàm si alterutro contenti Evangelistæ ab altero temperassent. Dicam quod in re simili Ambrosius, *Plus multo in his intelligo quàm lego, istque oculis aliquid quod magis animo sese ingerit quàm oculis*. Hoc aliquid ut excutere valeamus, Lectiones Evangelicas seorsim contemplemur, & melioris ordinis gratiâ suo utramque nomine distinguamus, ut una Declaratio Facti dicatur, altera Declaratio Propositi.

Declaratio Facti prima erit, in S. Marci vocabulo comprehensa, *ductus est à spiritu, & tentabatur*. Nuda hæc est & simplex rei gestæ descriptio, in qua tanquam in speculo Tentatoris indolem intueamur, subdolan illam multiplicemque. Is Salvatore multo antè præparaverat insidias, nec tamen ausus est eas opponere, nondum adeptâ licentiâ tentandi: nunc tandem permissione Divinâ laxatas ei habenas sentiens, confurgit illico & adori- tur; facto uno triplex Specimen nobis exhibens, Vigilantiæ, Malitiæ, & Impotentiae.

Vigilantiæ Specimen est, quod statim postquam duxisset Christum Spiritus Sanctus præsto est Spiritus nequam, paratûsque ad irruendum: est quippe infomnis adversarius, inconnivos habens oculos, semper in promptu, semper ante ostium; pulsans quotidie ut irrumpat, circumambiens jugiter ut incautos implicet. Hinc est quod Fulguris similitudine describitur, Luc. 10. 18. quod ab Oriente in Occidentem usque tantâ incitatione fertur, ut celeritatem ejus nē mente quidem sequi possumus, & tanta est quanta nē cogitari quidem possit. Hinc 1 Pet. 5. 8. circumcursitantem introducit Apostolus, *Obambulat*, inquit, *quarens quem devoret*. *Obambulare* dicit ut & diligentiam notaret & pernicitatem ad malum perpetrandum. Etenim Spiritus cū sit, tamen non moveat in instanti, sed in temporis aliquo spatio: at verò tantæ est mobilitatis ut, ventorum instar, motu rapidissimo feratur; tam potens, ut nihil eum retardare queat; tam expeditus, ut nullum laborem aut molestiam possit ex motu perpeti; tam velox, ut tempore imperceptibili se hominibus præsentem exhibeat, insistens operi, locutioni, cogitationi, utpote qui nec loco clauditur, nec distantia prohibetur, sed quocūque velit volitat, & ex tempore apparet. Ut breviter dicam, *Omnis spiritus ales est*, ut Tertull. loquitur; hoc Angeli, hoc Dæmones. Igitur ubique momento sunt, totus orbis illis unus locus est; quid ubique geratur tam facile sciunt quàm enunciant; velocitas Divinitas creditur, quia substantia ignoratur. Hoc est quod legimus 1 Reg. 22. 22. cū de Achabo seducendo deliberaretur, confestim ultro se offert malignus Spiritus, *Ego egrediar & decipiam eum*: adeo semper est in expedito & ad manum, si Deus concesserit; ad manum S. Job, ut exagitaret, & S. Davidis, ut in errorem induceret; ad manum S. Petri, ut cribraret, & S. Pauli, ut colaphis caderet, & ipsius Christi, ut circumveniret. Quamprimū Spiritus Sanctus eum ducit ut tentaretur, mox malus adest, & tentabatur. Hoc argumentum est Vigilantiæ.

Deinde & Malitiæ, quod Christum adoriatur cū Spiritus Sancti ductum sequeretur. Hoc, si quod aliud, Malitiæ est fastigium, neque enim est quic-

1. 2. Luc. 4. 1.

Apol. adv. Genes, c. 22.

quicquam in quo magis malitiam suam possit prodere, quàm quòd filii Dei & Spiritus Sancti affectis maximè infidiatur, quòdque Sanctorum sit hostis juratus; non tam spe obtinendi quod expetit, quàm ipsorum felicitatis invidiâ, odiòque sanctitatis. Est pulcre hoc à S. Augustino animadvertum, in vita S. Antonii, quòd Christianis adedò invident dæmones, ut nostrum in cælos ascensum impedian, nè illuc nos unde ipsi delapsi sunt ascendamus. Nec non à S. Ambrosio, Ep. 84. ad Demetriadem, quòd Dei servos potissimum insequantur quos viderint probitate & virtute clariores; ut quibus non possunt vitiorum persuadere amorem, immittant iis laudis cupiditatem; & quos impulsione non movent, elatione dejiciant. Pariter & à S. Gregorio, quòd Sanctos magis odit diabolus, quia sui non sunt; cum quos suos putat, negligat, prædâ certâ potitus: haud aliter atque canes assolent, qui adversus domesticos non sæviunt, sed contra eos qui foris sunt; sic hos Satanas insequitur à quibus ipse deseritur, & quantò minùs suos putat tantò magis expugnare conatur. Porro & ab omnibus antiquioribus Theologis, quòd ubi divitias videt diabolus, ibi aciem instruit, velut fur aut latro prædæ avidus. Quemadmodum in terris latrones, (est similitudo Chrysostomi) non ubi sunt paleæ vel scænum, nec ubi arena aut surfur, sed ubi aurum & argentum & uniones, ibi infidias parant: & sicut in mari piratæ, non tum ubi conspexerint navem è portu exeuntem, invadunt eam, quia nihil ipsis commodi foret si scapham inanem demergerent; sed ubi redierit onusta & plena sarcinis, tum demum molesti sunt, tunc aggrediuntur: sic etiam hostis noster, sceleratus ille dæmon, ubi collectas viderit opes animæ, ac pietatis facultates auctas ex jejuniis, precibus, elemosyna, castitate, ubi navigium nostrum plenum persenserit pretiosos virtutum lapidibus, tunc demum irrumpit, & machinas suas admovet, semper illis occursum pergens qui secundum Spiritum ambulant; ut feriunt summos fulgura montes. Obsecro, quid non cadat in hunc animum? quid non recipiet hæc malignitas, quæ Sanctos insectatur eo ipso nomine quòd secundum Spiritum ambulent, Deoque adhæreant? Hoc argumentum Malitiæ.

Postremò, etiam & Impotentia, quòd nisi acceptâ potestate non potest lædere, imò nè tentare quidem. Hinc est quod de S. Petro Christus in Evangelio testatur, expetivisse Satanam ut eum ventilando concuteret, Luc. 22. 22. *ut ostenderet, inquit Beda, nullius fidem à diabolo nisi Deo permittente tentari*: idcirco petivisse dicitur & postulasse; nimirum quia per se nihil potuit, petiit, nam si potuit, non petivisset. Hinc est quòd de Sancto Job Augustinus doceat, quòd contra eum nihil potuit calumniator antequam bis postulasset, bisque ei Dominus potestatem dedisset; *Ecce in manu tua sunt universa quæ habes, sed ipsam nè tetigeris*: & rursus, *Ecce ipse est in manu tua, veruntamen animam illius serva*. Quid clarius; non potuit, non ausus est vel unam oviculam viro sancto tollere, nisi priùs Deo diceret, *Mitte manum tuam*, hoc est, permitte mihi, da mihi potestatem: nec omnino tunc quidem, nisi priùs ei Dominus dixisset, *Ecce est in manu tua*, usquehuc venies, & non procedes amplius, & hic pones elationem fluctuum tuorum. Denique, hinc etiam quòd de Gadareno illo apud S. Matthæum, cap. 8. Tertullianus observat, Qui hominem occupabant dæmones, nè in porcorum quidem gregem habuisse potestatem, nisi eam à Deo postulassent. Quòd si non habeant in porcos imperium, multò minùs in Dei filios: sique injussu Dei oviculas hominis non possint lædere, oves Dei proculdubio non possunt. Hoc infirmitatis, ut dixi, signum est & Impotentia, quòd in se debiles sunt & invalidi, viribus destituti, cum

nihil

nihil possint nisi potestate impetratâ. Et hinc est, Fratres, consolatio nostra, ne animo concidamus, aut nobis ipsi terculamenta fingamus, dicendo, Ne fortè dæmon veniat eversum me, ne sublatum prosternat, ne tentationibus obruat. Absit ut talia cogitemus; non habent potestatem nisi accipiant, Divino arbitrio eam aut relaxante, aut cohibente. Mali sunt, agnosco, & malitiosi, sed bonus est Christus. Imperante Christo, ipse vel invitus diabolus prædæ suæ custos erit; & malitia in gratiam converteretur, non suam, sed Christi. Semper nocere cupiunt, verum est; *Si sui juris essent, nemo Christianus per ipsos viveret, Sanctorum nullus remaneret*, ut scitè post Athanasium Augustinus: at quamvis nocere volunt, non possunt, quia Christus obsistit. Non contra nos, sed contra Christum certamen instituitur, si ejus fide muniamur. An fidem illam auferre possunt quam Omnipotens dedit, quam Christus custodit? Sicut igitur ipse qui dat non vincitur, ita illud quod dat non aufertur; quia *si auferri potest quod datum est, dator vincitur*, ut optimè Augustinus. Astuti sunt & ingenii callidissimi, robusti hostes, viribus præpotentes, serpentes, lapi, canes, leones, dracones, milvi: at abducere non possunt nos, nisi nostrâ ipsorum culpâ; quia in nobis est tentationum sagittas aut admittere, aut non admittere: suggerere enim possunt, non cogere; quia tentandi licentiam accipiunt, non copiam subruendi, nisi nostrâ sponte labamur; nec cor intrare possunt, nisi nos ipsi aperiamus. Post pulsationem secundam aut tertiam, si nemo responderit, evanescent; si observatos se sentiant, in spelancas recurrunt. *Et canis, inquit Chrysost. quando mensa assistit expectans ut aliquid eorum quæ in mensa sunt ipsi projiciatur; quamvis diu maneat, at si semel atque iterum nihil adeptus fuerit, discedit & abstinet, velat frustra expectantibus: similiter, si expectanti Satana nos nihil largiamur, nisi nos cum comiter excipiamus, recessum properabit, ne ludat operam.* Sint leones, sint dracones, sint milvi: verum ipsis Deus terminos statuit, & potestati frænos injicit, ut tantum faciant quantum ipsis permittitur. Si mentior, cur nobis, Satana, parcis, qui ubique discurre? An quia Sanctos diligis? at quid tam charum tibi esse potest quàm eos lædere? Si non sit ita, cur indulgeri tibi postulas tentandi licentiam? nemo enim quod suæ ditionis est ab alio deprecatur. Quod si ita sit, erigamus animos, vigiliis, precibus, jeuniis, fide reddamus eos munitissimos. Sub illius gallinæ alis sumus, ubi nos non potest milvus contingere: sub illo duce militamus, qui draconis & leonis tyrannidem conculcavit: ut nihil possit absque permisso imperioque ipsius à quo solo & versutia eorum & malitia & potestas circumscribitur; ut nobis in comperto foret, quàm sit in vigore summo debilitatæ virtutis, quia sub imperio imperium est subjectio, & limitata potentia imbecillitas. Hæc declaratio prima est, nimirum declaratio Facti, Vigilantiæ, Malitiæ & Impotentiae diabolicæ nobis specimen exhibens ex S. Marci vocabulo, *ductus est, inquit, & tentabatur.*

Accedo ad secundam, quæ est Declaratio Divini Propositi, à S. Matthæo explicata. In ea duo occurrunt scrupuli, Ex parte Christi euntis, & Ex parte Spiritus ducentis, ut tentaretur. Siquidem cum res sit plena discriminis tentatio, sponte se ei obijcere temerarium; cumque sit vel mala, vel saltem malo proxima, suadere aut ducere vix congruum aut Deo dignum videtur. Duo igitur hujus partis sunt *Contingit*, De Christo eunte, De Spiritu ducente, ut tentaretur.

De Christo est quæstio prima. An temeritatis fuerit quoddam ultro se tentandum offerrebat. In nobis quidem insignis esset nota incogitantiae, si falsâ æstimatione nostrâ istis nos periculis obrudamus: verum Salvatori nostro,

qui

Amb. De Panit.
lib. 1. cap. 13.

Athan. De Vita
Antonii.
Aug. in Ps. 96.

in Psal. 161

Damascl. l. 2. c. 4.

Ambr. De Para-
diso, c. 2.

Chrys. Con. 4. de
Lazaro.

Athan. in Vita
Anton.

Aug. in Ps. 62.

qui caput Serpentis jamdudum fregerat, idque multis retro annis, in Paradiso, antequam natus fuerat, honorificum erat, & tutum, & gloriosum. Propterea neque à nobis ad Christum valebit consequentia negativè, ut quia nos non debemus ultro Satanae occurrere, ipse non debeat: neque à Christo ad nos valebit affirmativè, ut quia ipse consultò certamen hoc inivit, & nobis tutum foret in similem arenam descendere. Vestigiis Christi insistendum esse nobis non diffiteor, verum humanis, non heroicis, est in hoc facto supra hominem sublime aliquid. Igitur sicut non habet ascendendo à nobis ad Christum vim argumenti, ita nec à Christo ad nos descendendo speciem exempli. Breviter, non est à nobis ad Christum res argumentativa. Nos non possumus, ergò Christus non potuit, nec à Christo ad nos res exemplaris, Christus fecit, ergò nobis est faciendum.

Ex parte nostri hæ rationes impossunt.

Prima est Divina Prohibitio, Mar. 14. 38. *Vigilate & orate, ne intretis in tentationem.* Si cavere debemus & fugere, an liceat in ea nosipsum injicere? Neque obstat S. Jacobi illud, cap. 1. ver. 2. *Omne gaudium existimate, Fratres, cum in varias tentationes incideritis, & quia de afflictionum tentationibus loquitur, & de incidendo in eas, non insillendo. Quod si Deus miserit, animose sunt perferendæ, at non sunt tamen querendæ & expetendæ.*

Secunda ratio est Inæqualitas certaminis: ex nobisipsum nos nullarum sumus virium, ipse robustissimus, ipse veteranus, nos tyrones. Ut ad Davidem de Golia Saul loquitur, 1 Reg. 17. 33. *Non vales pugnare adversus Philistæum hunc, quia puer es tu, ipse vir bellator ab adolescentia, & ut terræ promissæ exploratores de Cananeis, Num. 13. 34. Monstra sunt hominum filii Anak, de Gigantum stirpe, quibus nos comparati quasi locusta videbamur: & nobis ita de hoc impari congressu loqui possumus, Hostis ipse adeo est ferox & prævalidus, ut ejus robur ex se sustinere nemo hominum possit, nos adeo infirmi, ut nostris viribus vel minimam tentationiculam haud valeamus superare.*

Tertia ratio, Arrogantiæ labes & præsumptionis, Inepti hominis est id suo Marte suscipere quod conficere non potest nisi Divino præsidio juvetur, nec quisquam est qui citius succumbit quam qui suis viribus confidit. Non me movet, quod Sanctis sæpe fructus dulces amaræ tentationum radices suspeditent: sed non sunt res ambiguae ex eventu metiendæ: per se diaboli tentatio ad hominis perniciem tendit, ad salutem non tendit nisi per accidens, quatenus auxilio Divino Tentator vincitur. Victoria hæc cum sit anceps, nobisque parum præcognita, non est incertæ spe victoriæ in tam æstuantem clibanum irruendum, quia contingens causa non habet ad effectum proportionem nisi sub certis conditionibus.

Ratio postrema est Nota Temeritatis. Qui in diaboli tentationes sponte se injicit, Dei se tentatorem facit: quod duplicati criminis reatum denotat, illinc tentando Dominum, & hinc nosipsum tentationibus obijciendo. Quod si periculum corporis foret, aut vitæ difficultas parva aliqua & incerta, at præsumptionis est, imò dementiæ, vitam in dubium vocare, si possit tuto esse. *Scintilla parva contempta magnum sæpe excitavit incendium*, ut scitè Curtius lib. 4. De salute quid dicam? quid de anima? Audi prophetam, *Ecce turbo Dominica indignationis egredietur, quia currebant, & ego non mittebam eos*, Jer. 23. 19, 21. Audi rursus Ecclesiasticum, *Qui amat periculum, peribit in illo. Quæ ratio? Multiplex.*

Quia

Quia pretiosum animæ depositum in minimis ponit, neque expectare potest ut Deo sit charum quod vile sibi. Quia Divinæ voluntatis contemptor magisterio suo vivit; & humilitatis disciplinā excusā, elatione animi ad exitium voluntarium præceps volvitur: adeo est certo certius quod tentator Dei est proditor sui. Postremo, Quia inermis & nudus incedit, Divinoque adjutorio tam penitus destitutus, ut nec sperare illud possit, nec petere: non sperare, quia inceptum Deus non comprobavit; non petere, quia Deus non promissit velle se temeritati & audaciæ suffragari, sed vocationi suæ & ordinationi. Ergo in nobis est impium, certissimumque interitûs præfagium, in tanti casûs aleam nos dare.

Hæ sunt rationes Ex parte nostrâ, cur nobis non licet.

Ex parte Christi, quod prudenter ab ipso factum est, hæ rationes militant. Quia constabat illi de victoria, eamque certissimò prævidebat, non solum in seipso, sed in causa proxima, scil. in plenitudine illa gratiæ quam habebat. Quia pars erat muneris mediatorii tentationes nostras subigere in se eas recipiendo. Non igitur dicitur, *Ivit ut confingeret cum diabolo*, sed *ut tentaretur*, quia sanctificare voluit hoc Tentationis vocabulum. Adhuc, Quia necessarium erat, cum tentandus esset, ut tentatorem quæreret, dicente Chrysostomo, *Attende discrimini. Ad homines*, inquit, *vadit diabolus, ut tentet eos; non homines ad diabolum, ut tententur ab eo: Christus contra, cum adversus eum ire diabolus non poterat, idcirco contra diabolum ipse processit*. Ad extremum, Quia solus ut debuit suscipere, ita solus potuit vincere, cum fuerit extra periculi aleam positus, utpote nullis viribus superabilis; eumque insuper habuerit non instinctum duntaxat, sed ductum plenissimum Spiritûs: idcirco nec nudè ductum legimus, nec nudè ivisse, sed utrumque junctim, *Ivit, ut libertatem suam ostenderet; ducebatur, ut libertatem Spiritûs Sancti, hominem suum jam diabolo offerentis ut tentaretur*, ut Hilarius loquitur, Can. 3. in Matth. *Ivit, ut significaret non à Deo diabolum, sed à carne vincendum*, Hil. ib. ducebatur, ut sciamus tentationes esse voluntatis & ordinationis Divinæ, ut præire Sanctis Deum Spiritu suo in his alterationibus pro certo credamus, utque cognoscamus ad hanc pugnam Spiritum Sanctum ducere quoscunque replet, denique, ut addiscamus simul, nec immunitatem Divinam Sanctos habere nè tententur, & ordinationis Divinæ esse ut tententur. Hæc ratio discriminis, ipse ivit & ductus est; ergo nobis non est eundum nisi ducamur. Quapropter ab ipso ad nos consequentia non valet, quia non fuit actio exemplaris; nec vicissim à nobis ad ipsum, quoniam non est de ipso secundum infirmitatis nostræ modulum cogitandum, sed planè confitendum pulcherrimum facinus fuisse, consiliique plenissimum, salutisque nostræ maximopere necessarium. Hactenus de Quæstione prima, Cur ivit? Ad hoc ipsum ut tentaretur.

Succedit secunda, De Spiritu Sancto ducente, estque paulò spinosior; cum videatur & Orationi Dominicæ parum consona, & loco etiam tum Evangelico tum Apostolico tantum non contraria. In illa cœlesti formula Christus nos orare docet hoc modo, *Nè nos inducas in tentationem*. In Mar. 14. 38. discipulos suos sic hortatur, *Orate nè intretis in tentationem*. Porro & in sua S. Jacobus Epistola, c. 1. v. 13. *Nemo cum tentatur dicat, quoniam à Deo tentatur; nam Deus, ut malus tentari non potest, ita ipse neminem tentat*. Hæc, inquam, specie tenuis, à loco qui præ manibus est discrepant: nam si ita sit quod servos suos Deus Spiritu suo ducat ut tententur, videbitur ex eo sequi, & esse illud à Deo quod à Deo non est, & illud Deum facere quod tamen nobis imperat ut fugiamus, & illud quoque agere quod orare nos jubet nè agat: *Cavete nè intretis*, & ipse nos mittit; *Orate nè vos*

Ccc

ducatur;

Autor imperf.
in Matth.

ducat, & ipse nos ducit; *Deus neminem tentat*, & Spiritu suo agit Christum ut tentaretur. Præterea, non Scriptura sola, sed recta Ratio refragatur: quia si tentatio Satanæ sit impulsus ad illicitum, & sollicitatio quædam sive incitatio ad peccandum; hinc quoque videtur sequi, ut si sit malum propriè dictum in sollicitando, erit saltem mali species in ducendo; quia si non habet respectum causalem, at certè occasionalem, ad ipsum peccatum.

Ut fiat istius Dubitationis brevis & expedita solutio, in animo non est in præsentiarum quicquam dicere vel de optimo tentandi genere, quod Tentatio Probationis dicitur, quia res ipsa loquitur, solere sapius Deum servorum suorum periculum facere, vel de genere pessimo, quod Tentationem pravæ Dispositionis appellant, quia nemo est tam impos sui, ut hoc sensu asserat à via veritatis quicquam excutere veritatis Spiritum. Erit locus in posterum, cum ad Theologicas Speculationes pervenero, ista fusiùs pertractandi; nec ad illa præfens se porrigit disputatio, sed ad pugnam tantum cum diabolo susceptam, & ad instinctum Spiritus Sancti, quo ad hanc pugnam Christus ferebatur. Et de istis non erit arduum ostendere, nec esse in iis quicquam mali, nè per speciem quidem; nec ulli Scripturæ loco adversari Evangelistam, cum Christum asserat à Spiritu ductum ut tentaretur.

Hæc singula ut clariùs peragantur, præmittendæ sunt duæ *Distinctiones*: Una erit De ducente Spiritu bono, Altera De tentante Spiritu malo. Duabus istis tota disputatio innititur, & ab iis facilè hauriet, non dico firmitudinem, at evidentiam (audeo dicere) & perspicuitatem.

Distinctio prima est De tentante Spiritu malo. In ea duo sunt consideranda: Emissio sive instigatio ex parte tentantis; hæc semper est mala, neque habet authorem ullum præter ipsum Satanam: & Susceptio ex parte tentati; hæc, si consensum adjunctum habeat, aut delectationem intrinsecus exurgentem, non est sine peccato; si in depulsionem exeat & detestationem, peccatum non est; imò non solum non est peccatum, sed pars victoriæ. Ratio est, quia peccatum est voluntarium quid, & in actu proprio cujuslibet consistit; ita ut actus unius simpliciter non potest esse peccatum alterius, nisi sit aliqua vel directæ vel indirectæ communicatio: at tentatio dæmonis, si nullus effectus exterior sequatur, est actus non noster, sed solius dæmonis; quia circa illam nos nihil agimus nisi delectemur aut consentiamus, sed tantum passivè habemus; neque potest hæc passio vitari, neque in nostra potestate situm est ut à dæmone, si Deus permiserit, non tentemur. Summa huc redit, In hac pugna tentationum secernendos esse actus nostros ab actibus Tentatoris. Tentatoris actus sunt suggerere, urgere, incitare: Hæc peccata sunt sua. Actus nostri vel à sinistris sunt, vel à dextris. A sinistris, oblectari, assentire, cedere, parere, succumbere: Pravitates sunt istæ, & in peccatis vel maximè recensendæ. A dextris actus sunt alii, obistere, indignari, repellere, vincere: Hæc à peccato abstrahunt, ceduntque & in Deigloriam, & in nostram Coronam. Sunt igitur actus nostri, & actus sui. Si non admittamus tentationem, est involuntarium; si admittamus, ex involuntario fit voluntarium. Si admittamus, non est ejus solius actio, sed nostra; si non admittamus, manet sua: sicut eruditè ab Augustino est observatum, De Civ. lib. 21. c. 22. *Non vincit aut subjugat aliquem diabolus, nisi societate peccati; si quis autem certat & vincit, ad instar S. Job, qui morsum diaboli pertulit, sed venena non sensit, non solum non est perniciosa tentatio, sed utilis & gloriosa.* Sit igitur hæc Distinctio prima, de tentante Spiritu malo, cujus hæc Summa est, Tentationem interiorem semper peccatum esse, sive sit intus orta, sive intus admissa: exteriorem non item, si modò retundatur.

Distinctio

Distinctio secunda est De ducente Spiritu Sancto, Quòd quoties in Scripturis Sacris legimus à Deo duci quenquam, non semper eodem modo est intelligendum. Sunt enim duo genera Deductionis Divinæ: una est Permissiva; Imperativa, activa & Operativa altera.

De Permissiva loca illa sunt intelligenda, *Quare errare nos fecisti de viis tuis?* Isa. 63. *Mittet illis Deus efficaciam deceptionis, ut credant mendacio,* 2 Thess. 2. *Tradidit eos Deus cupiditatibus cordis ipsorum ad impuritatem,* Rom. 1. *Nè nos inducas in tentationem,* ut sextâ petitione precamur. Hæc omnia ultra deductionem Permissivam nullatenus sunt extendenda: nam *errare nos facere* dicitur, quando non prævenit nè erremus, quando permittit ut in errores labamur. Sic dicitur *mittere, & tradere, & ducere in tentationem*, non positivè, sed negativè, videlicet permittendo, deferendo, non miserendo, non præveniendò: quemadmodum de excæcatione & induratione cordis Augustinus sæpius, *Excacat, non illuminando; obdurat, non molliendo, non adjuvando; non, impartiendo malitiam, sed, non impartiendo misericordiam,* Ep. 105. & qu. 2. ad Simplicianum, *Non ab illo erogatur aliquid quò sit homo deterior, sed tantum quò sit melior non erogatur.* Idem dicendum est de tentationibus quibuscunque simpliciter malis; atque ità Doctores veteres petitionem illam interpretantur. Sic Orthodoxus apud Theodoretum, *Nè nos inducas, id est, nè nos permittas incidere in aliquam tentationem que nociva sit aut ad corpus aut ad animam; quia tu potens es nos liberare, & non aliter inducis, nisi quia non liberas.* Sic aliorum nomine Augustinus, *Multi sic exponunt illud, Nè inducas, ut sit, Nè patiaris nos induci in tentationem: Non enim per seipsum inducit Deus, sed induci patitur cum quem suo auxilio deseruerit.* Taceo reliquos, quia in re confessà verbum sufficit. Quòd quotiescunque in Scripturis occurrit in aliquam pravam aut peccabilem tentationem deductio, permissivè & negativè est intelligendum.

In Joan.
17. 53.

Cyp. De Ora.
Dom.

E contrà, interdum de deductione Imperativa, activa & operativa fit sermo in Scripturis, quando hominem tradit Deus ad certamen cum adversario ineundum: & illius duo sunt modi; dupliciter enim contingere solet, ut S. annotat Augustinus, *In supplicium, ad homines pro peccato puniendos; & In experimentum, ad eos exercendos.* Hoc est quod verbis aliis B. Cyprianus, *Vel datur ad pœnam, cum delinquimus; vel ad gloriam, cum probamur.*

Ad Pœnam primus Modus pertinet. Sic missus est adversus Achabum, 1 Reg. 22. 22. *Egrederè, decipies & prævalebis:* sic contra Israelitas aliquos, ex Psalmographo dicente Augustino in Psal. 77. 49. *Misit iram indignationis suæ per Angelos malos; Tradidit Deus,* inquit Augustinus, *Achabum in pseudoprophetarum mendacium, optimè usus pessimo diabolo, ut idem peccatum esset & peccatorum supplicium præteritorum, & suppliciorum meritum futurorum.* Secundum hunc ducendi modum tentationes deprecari nos Christus docuit, malas simpliciter, dubias sub conditione, non ut omnino non sint, sed ut non sint pœnales; non ut nullatenus nos eis tradat, sed ut non derelinquat; non nè ducamur, sed nè superemur; vel, ut Augustini verbis utar, *non ut igne non contingamur, sed ut non exuramur.* Et est hic quidem petitionis sextæ sensus, si quis alius, optimus, Non sit nobis pœnalis aut destructiva aliqua tentatio, non cedat in supplicium. Iste est Modus primus.

Secundus ducendi in tentationem Modus est cum ad Honorem intenditur & Gloriam. Ad Gloriam missus est Satanas adversus S. Paulum, & S. Jobum, de quo S. Ambrosius sic loquitur, *Tentabatur Job, ut fides luceret, ut illude-*

Amb. in Ps. 37.
Id. de Penit.
l. 1. c. 13.

Ccc 2

retur

retur diabolus, & ipse se morsu suo vulneraret, & contra se armaret quem debilitandum putavit. O potestatem magnam! O magnam gratiam, quæ imperat diabolo ut se ipse destruat! se enim destruit, cùm hominem quem tentando supplantare studet, ex infirmo fortiorem reddit: quia dum carnem debilitat, mentem ejus corroborat. Hæc Ambrosius. Enimvero, nemo est qui nescit quàm plurima mala S. Job Satanam intulisse, pessimèque tractasse: attamen non est dubitandum ab ipso Domino hæc sanctissimo viro obtigisse, cùm Dominus dixerit, *Ego trado eum in manus*. Atque hoc vir sanctus agnovit; *Dominus dedit, & Dominus abstulit*, cap. 1. & c. 19, 21. *Manus Domini tetigit me*. Non dixit, inquit Augustinus, in Psal. 32. *Dominus dedit, & diabolus abstulit; sed Dominus abstulit, ut à Domino factum indicaret*: nec dixit, observante Ambrosio, in Psal. 37. *Diaboli manus tetigit me; sed manus Domini, quia cùm diabolus vulnerat, manus est Domini, & sagitta Domini, qui diabolo vulnerandi permisit potestatem, ut sanctissimi viri virtus magis emitteret; quia nullum est sine hoste certamen, nulla sine certamine gloria, nulla sine congressione victoria*. Hic Distinctionis secundæ modus secundus. Cujus hæc etiam summa est, Non ducere quenquam Spiritum Sanctum ad tentationes simpliciter malas positive, sed permissive & negative, ad alias ducere quæ non sunt malæ aut bonæ nisi ex eventu; & ducere dupliciter, In poenam, ut mali puniantur, In gloriam, ut boni coronentur.

Quod si ad hos calculos præsentem dubitationem revocemus, facilis erit & expedita solutio. Inprimis, cùm ductum ad tentationem Christum legimus, ad deductionem permissivam non est referendum; angustior est ea dictio quàm quæ scopum Evangelistæ attingat. Est energia quædam & operatio, atque ea non exigua, in *ducendi* vocabulo; neque Deo solum permittente hoc factum significat, sed ordinante, disponente, dirigente, mittente, tradente, quæ operativam deductionem sonant, non nudam permissionem. Proximò, suspicandum non est hanc traditionem aut deductionem operativam aut ad peccatum, aut ad poenam respexisse: quia *omnis illa diabolica tentatio foris, non intus fuit*, ut Gregorius loquitur; & sic S. Paulus testatur, Heb. 4. 15. *Tentatus est per omnia pro similitudine nostræ, sed absque peccato*; sic ipse de se Christus, Joan. 14. 30. *Venit princeps mundi, & in me nihil invenit*, aut, ut Vulgata, *nihil habet*. Requisivit in Christo aliquid suum, hoc est, peccatum, sed invenire non potuit. In nobis invenire potest aliquid suum, superbiam suam, invidiam suam, infidelitatem suam: Non similiter in Christo, qui & sine originali natus est, & sine proprio peccato mortuus. Quid igitur superest? Si non ad poenam propendebat, ergo ad palmam & gloriam. Hæc prora est & puppis, ut Græcorum proverbio utar, Honoris ergo ductum, ut nos in Adamo victos liberaret, & nostri victorem vinceret; idque non *potentiâ Deitatis, sed humilitatis mysterio*, ut Leo loquitur. Quocirca quod S. Ambrosius de duplici traditione Domini ad mortem peracutè pronuntiat, *Quando Scriptura asserit & Deum & Judæos eum tradidisse, multum diversi multumque contrarii sunt isti actus; quia ab hominibus ad solam oblatum est mortem, à Domino per mortem missus est ad vitam, ut morte suâ mortem superaret*: de hac ad tentatorem deductione haud aliter est dicendum, eritque hujus exodium disputationis, Ad tentationis pugnam quando audis Christum ductum, absit ut putes eum in discrimine positum, quia non tam ad pugnam ductus quàm ad victoriam, ut sic tentationes nostras suis tentationibus vinceret, sicut mortem nostram venerat suâ morte superare.

Hæc

Ser. in Quadr.

Hæc sufficiant de Quæstione secunda, Cur & quomodo ad hoc ipsum ductus est, ut tentaretur; adeoque de primâ parte historicæ speculationis, quæ sita est in diversitate verbi, & *tentabatur, ut tentaretur*. Possunt quidem ulterius ista dilatarî: sed quia abunde est quod disseruimus, reliquum est ut ad sequentia properemus; nè, ut Gregorius loquitur, *dum satis discussa repetimus, tardius ad indiscussa veniamus*. *Greg. mor. l. 3. c. 1.*

LECTIO XI.

Ut tentaretur à $\left\{ \begin{array}{l} \text{Diabolo.} \\ \text{Satana.} \end{array} \right.$

IN quocunque argumento persequendo, præsertim si fuerit intercisâ disputatio, & vicissatim redintegranda, tria sunt quæ Tractatorem oportet secum sæpius reputare: Quid suprà dixerit, nè eadem multoties repetat; Quid proximò sit dicturus, nè instituti pars aliqua effluat; Quid in totum dicendum sit, nè fortassis excurrat, si non in scopum teneat animum oculosque defixos. De istis omnibus celeberrima est Plinii Regula, in illâ ad Apollinarem Epistola, *Officium primum scriptoris esse ut titulum suum legat, atque identidem interroget se quid cæperit scribere, sciâtque, si materia immoratur, non esse longum; longissimum, si aliquid accersit atque attrahit*. Hoc mihi in re præsentî faciendum esse nemo est qui non videt, ut distinctius possim in ea quæ sequuntur considerationem intendere. Nam primò, totum hoc quod dicendum est argumenti titulus ostendit, videlicet Tentatio Salvatoris, quæ & itineris Finis erat, & Qualitas certaminis. Deinde, quid adhuc dixerim diei pristinæ recordatio docebit, quæ Speculationis Historicæ membrum primum vobis exhibuit, de Verbo ab Evangelistis diversimodè posito: nam S. Matthæus id explicat per Infinitivum, *πειρασθῆναι, ductus est ut tentaretur*; S. Marcus & S. Lucas per passivum præsentis temporis Participium, *πειραζομενος, ductus est, & tentabatur*. Postremò, quid hodie dicturus sim ipsa ordinis ratio indicabit, quòd Historicæ partis membrum alterum superest, De Diversitate Nominis in textu Evangelico occurrentis; quia à *Satana* tentatum S. Marcus asserit, S. Matthæus & S. Lucas à *Diabolo*. Quòd si cuiquam curiosior videatur Observatio, expectet parumper dum ad exitum pervenero; nec dubito quin efficiam ut intelligat, quàm sit istarum vocum & sensus reconditus & enucleatio necessaria.

Quod ut apertius fiat, ad duas Disquisitiones rem totam revocabo.

Quæ sit utriusque vocabuli propriissima significatio: &

Quæ ratio delectus, quòd ex tam multis nominibus quæ passim sese offerunt hæc duo usurpentur ad Tentatoris indolem depingendam.

Exordiar à prima, ut videamus Quis sit istorum nominum sensus & significatio. Ex ipsa significatione hoc emolumenti proveniet, ut inde præmo-

neamur & quos & quotnam habeamus circumquaque hostes, quid cogitent, quid cupiant, quo adversus nos odio ferantur, & quid moliantur nobis mali: & propterea non esse nobis obdormiscendum, sed vigilandum, sed pugnandum, sed precibus ad Christum pro ope adversus eos impetranda accedendum, quia adversarii sunt & calumniatores, prout ipsa nomina edocent, *Diabolus, Satanas*. Illud Græcum, hoc Hebraicum est vocabulum; utrumque cognitu necessarium, distinctamque inspectionem postulans, quia utrumque est multiplicis, & horrendæ, & maligno Spiritu dignæ in significando potestatis.

Inprimis, quod ad nomen *Diaboli* spectat, pervulgata est ipsius & origo & significatio, nisi quod in ipsius explicatione sit aliqua inter veteres Doctores, quamvis perexigua, discrepantia. Etenim Suidas ob tentationum Tela sic dictum putat; *Diabolus dicitur*, inquit, *propter hoc*, ὡς δὲ ὠνομαζέται. βάλων, quia ferire potest homines, suisque telis vulnerare: est enim ἡ βλάβη in usu proprio, *trahere*; & in usu Metaphorico est *Culpam aut reatum in alterum trahendo transferre*. At verò Interpretes cæteri omnes à *calumnia & obreptatione* verbum deducunt, idque unanimi consensu. Quod ne temere dictum putetis, loca paucula è Veterum monumentis proferam, ut ex istis sentiat is hanc solam & veram esse nominis notationem. Inprimis sic interpretatur in Apoc. 12. Aretas Cæsariensis; *Diabolus dicitur*, ὡς ἡ βλάβη τὸν Θεὸν ἀνθρώποις, tanquam Deum calumnians apud homines: & Cyrillus, Catechesi 2, *Cum bonus creatus esset, propria voluntate factus est diabolus*, οὐκ ἔπερξεν λαβὼν τὴν πονηρίαν, τὴν ἔσται τὸν τῷ ἡ βλάβη, ab actione, inquit, *nomen cepit, hoc est, à Calumniando*: & Chrysostomus, Hom. De diabolo tentatore, Tom. 1. Διὰ βλάβην τὸν τῷ ἡ βλάβη εἶρη, διὰ βλάβην τὸν τῷ Θεῷ, ab *Accusando dictus, quia hominem apud Deum accusavit*: & Iustinus, in Oratione parænetica ad Gentes, διαβολὸς αἱ δεινὰ ἡραπαὶ καλῶν, τὸν τῷ πρώτῳ αὐτοῦ Θεῷ τὸν ἀνθρώπον ἡ βλάβη, hoc est, *diabolus Divina Scriptura vocant, à prima sua adversus hominem calumnia & criminatione*: & Theodoretus, Ser. 3. De Græcorum infidelitate, *Demonum principem Sacra Litera Diabolum appellant, quippe qui Deum Patrem apud homines criminando tradidit, interque ipsos homines lites controversasque imbricat*, hoc est, *injicit*. Adhuc & Isidorus Hispalensis, lib. 8. Originum, c. 11. *Diabolus Græcè, Latine est Criminator, vel quod crimina quæ ipse injicit ad Deum referat, vel quia Electorum innocentiam fectis criminibus accuset*. Ad extremum & Tertullianus in locis pluribus; in libro De Anima, c. 17. secundum Rhenanum, 35 secundum Junium & Pammeliū, *Legimus eum*, inquit, *sanctorum criminatorem, & de ipso etiam Diaboli nomine Delatorem*; & l. 2. Advers. Marcionem, cap. 10. *Quod factus est à Deo, id est, Angelus, id erat ejus qui fecit; quod autem factus à Deo non est, id est, diabolus, id est delator, superest ut ipse se fecerit, deferendo de Deo, & quidem falsum*; & l. 5. *Ipsum vocabulum Diaboli, quare ex qua delatura competat Creatori*. Ex quibus innuit, nomen diaboli à voce ἡ βλάβη desumptum, i. e. *calumnia delatione, sive, ut ipse loquitur, delatura*; quæ vox in eorum nominum classem referenda est, observante Rhenano, qualia sunt *lasura, paratura, supparatura, occursura, suffectura, fluxura, subjectura, farsura, inscriptura*. Est igitur hæc illa de Origine & sensu vocabuli Theologorum veterum sententia; neque opus est plures attexere, quia in ipso Evangelio eadem occurrit Nominis interpretatio. Apoc. 12. cum versu 9. dicatur *diabolus*, *Proiectus est draco ille magnus, serpens antiquus, qui vocatur diabolus*; mox versu 10. nominis adjicitur expositio, *Dejectus est οὗ κατήργηται ὁ ἀδελφὸς τοῦ ἀδελφοῦ, accusator fratrum nostrorum, qui accusabat eos in conspectu Dei die*

ac nocte. Propterea hoc jam est in confesso, ab accusando, obrectando, calumniando, vim nominis esse trahendam: & meritissimò id quidem, nam ut Abigail de marito suo Nabal ad Davidem loquitur, Conveniunt facta nomini; & ipsum id quod geritur in vocabulo concluditur, *secundum nomen sic est, Diabolus* ei nomen est, atque est criminationum & obrectationis præses atroxque; calumniator ab initio, non minùs quàm homicida.

In summa, quatuor sunt Accusationis genera in quibus se solet mentiendo exercere.

Accusatio prima est quâ Deum apud homines calumniatur, ut in ipso Orbis conditi principio; *Etiâ me, inquit, præcepit vobis Deus, ut non comedatis de omni ligno Paradisi?* Quis criminationem non videt? Ut fidem Divini mandati & dilectionis pignus in suspicionem adduceret, interrogando mulierem aggreditur, *Cur dixit Deus?* vel, ut editio Chaldaica, *Verû me est quod dixit Deus?* Siccine vobiscum agitur? num hæc est illius erga vos benevolentia, ut tanto vos beneficio privaret? Quæ igitur utilitas est in Paradiso vivere, & ejus deliciis non frui? Equidem aut injustus est qui præcepit, aut invidus qui interdixit, aut falsus dum interminatur: mihi magis credite, mihi obtemperate; nam ego & quod melius est confulo, & quod verius est loquor, *Non utique moriemini.* Ecce hoc est venenum calumniæ: quam in Deum ipsum transmittere meditabatur. Quod Deus jussit, refellit; quod minatus est, levigat; quod indulgit, vile & exiguum ducit. Hæc prima est Accusationis species, quâ Deum apud homines calumniatur.

Secunda est quâ calumniatur homines apud Deum, ut contra servos suos bonitatis Dominum accendat; de qua si factum unum ex sacra Antiquitate protulero, plura non dicam. Non est autem obscura illa quam in S. Job instruxit criminationis. Laudavit impensius servum suum Deus, ut virum perfectum & integrum: opponit diabolus, possessiones objicit, vituperat mores, spuriam ejus esse virtutem contendit, & magis in crimine capitali ponendam; Num putas te illum gratis colere? Tu ei dedisti abundantiam: si nuderetur, hypocritis apparebit, quòd non te diligit, sed seipsum, neque filii obsequium præstat, sed mercenarii; *Mitte manum tuam, & attinge ea qua habet, & videbis si non sit in os tuum maledicturus tibi.* Enimverò hoc novum satis est ad obrectatoris pessimum probandû ingenium. Sed hic se non continuit criminandi prurigo: nam postquam irritos labores cerneret, nec profecisse se quicquam in hac prima delatione, obrectationis pharetram alteram aperire; Nihil, inquit, magnum si opibus excidit, libenter omnia sprevit, quòd se servaret, *pellam pro pelle, & cuncta quæ habet dabit homo pro anima sua:* fac periculum in corpore, carnes ejus tange, atque manifestò comperies quòd si te magis diligat quàm sua, ac multò minùs quàm seipsum; nam in faciem benedicet tibi. Hæc species est secunda.

De reliquis duabus quid dicam, cum tam clavis argumentis signisque res luceat? Quòd hominem homini crimine testatur Sacra Pagina, apud complures Judæos eum Christum traduxisse, ut Impostorem eum dicerent ac Præstigiorem: testantur passim Annales Ecclesiæ, quàm falsò & putidè apud Gentes Christianos est calumniatus, infinita eis scelera imponens, ut gentes contrà suscitarret, Orbique universo inferos eos redderet; de quibus omnibus uberrimè est à Tertulliano in Apologetico disputatum.

Postremo, quòd hominem sibi ipsi, proh dolor! vix ullus est locus qui non exemplis subministrat; vix quisquam est hominum sanctissimorum in quem hæc tela non contorqueat, Quid tibi cum Christi sanguine? ad te salutis spes nulla pertinet; tu nec fidem habes nec pœnitentiam; ficta sunt atque colorata quæcunque obtendis; illud quod fidem vocas est præsumptio, &

obedientia nugæ, & obsignatio Spiritûs ludibrium, & amor tuus non charitas sed fucus, & professio tua non est religio sed prætextus: hypocrita es, simulator, pseudochristianus, utrâque indignus vitâ, & meo tenebrarum regno dignissimus. Hic accusationum textus est, hæ calumniatoris artes, quibus nostrî nos faciât proditores. Hoc primum agit ut ad peccatum adigat, post hoc ad laqueum; primum ut sumamus animos quantum ad peccatum, & tandem ut despondeamus quantum ad indulgentiam; primum ut artibus dolosis circumventos ad defectionem trahat, mox ut attonitos reddat defectionem exprobrando. Sic in peccatis nostris, & συναρπὴς ἐστὶ καὶ κτήρεος, ut Basilius, Homil. Quòd Deus non sit author peccati: *Idemque qui incendiator, tortor*, ut Cyprianus loquitur, l. De Jejunio & Tentationibus. His ipsis de causis *Diaboli* nomen habet, ut animadvertit Chrysost. ἐκ δὲ τῶν Θεοῦ τοῦ ἀνθρώπου, & ἡμῶν τοῦ Θεοῦ, & ἡμῶν αὐτῶν περὶ ἀλλήλων διαβάλλει, *Deum contra homines, & homines contra Deum, & homines contra se irritans, accusans, detrahens*. De primi nominis significatione ex S. Matthæo sumpti hæc dicta sunt.

Restat ut in secundum similiter introspiciamus, quæ ratio sit nominis Hebraici, cum non *Diabolus* solum, sed *Satanas* dicatur. Est illa dictio utrique communis Testamento, nisi quòd non habeat ubique eandem terminationem; nam *Satan* Hebraicum est, Græcum σατανᾶς, additâ ornatâ gratiâ syllabicâ particulâ, ut Origenes Cont. Celsum 6. vel plenioris significationis gratiâ, ut in Dial. cum Tryphone Justinus Mart. existimat. Mihi non tam lonus curæ est quàm significatio; quæ licet varia sit & multiplex, at una tamen est princeps in quam reliquæ recurrunt. A Græcis exponitur Ἐναντίος, Ἀντικείμενος, Ἐχθρός, Ἀποκτίν, Παράβατος: à Latinis, *Contrarius, Adversarius, Hostis, Apostata, Transgressor*. Sunt igitur duæ quas apud Veteres reperio ipsius significationes: Una, quæ Lapsum denotat & Apostasiam; Altera, quæ Pertinaciam & Malevolentiam.

Ad Lapsum & Apostasiam Irenæus devocat, l. 5. c. 21. *Satan*, inquit, *Apostata significat & fugitivum, quia qui prius bonus Angelus erat, diverstit & defecit à Deo*: etiam & Theodoretus, Ser. 3. De cur. aff. & in Dialogo cum Tryphone Justinus, τὸ Σατὰν, inquit, ἀποστάτης ἐστὶ τῇ Ἰουδαίῳ καὶ Συρίῳ φωνῇ, *Judaorum & Syrorum voce Satan est Apostata & Deseritor*: pariter & Suidas, in Vocabulario, Σατανᾶς, inquit, καὶ Ἑβραίων γλῶσσαν ὁ ἀποστάτης λέγεται, nam *Satan est divertere, declinare, deficere*. Denique & ipse Christus eo videtur respicere, Luc. 10. 18. *Spectabam Satanam aut fulgur è caelo cadentem*. Quæ quidem verba utcunque intelligantur, sive de imminutione potestatis, sive de primo è caelo casu, est pulchra nominis circumlocutio, *Satanas*, quasi de caelo eadens; quia quietus in caeli culmine stare contempsit, sed superbiæ pondere deorsum corruens cecidit. Hæc prima est vis vocis, si referatur ad Lapsum.

At contrâ, ad Malevolentiam major pars Interpretum revolvit, ut ad originationem meliorem; nisi quòd in Collectaneis nominum Hebraicorum Hieronymus nunc per *Adversarium* exponit, nunc per παραβάτην sive *Transgressorem*. At, inquam, cæteri in hac sola versione uno ore acquiescunt. Tertull. l. 3. con. Marcion. c. 20. *Satan, i. e. hostis*: & Origenes, l. 6. con. Celsum, & l. 10. ad Romanos, *Satanas in lingua nostra Adversarius exponitur; unde fit, ut quicquid anima tendenti ad Deum resistit & adversatur, aut paci ejus est contrarium, hoc Satanus esse memoratur*: & S. Chrys. Hom. in S. Eustathium, τὸ Σατὰν Ἑβραϊκῇ λέξει ἐστὶ, Σατὰν δὲ ἀντικείμενος λέγεται. & S. Basilius, in Sermon. Quòd Deus non est author mali, Σατανᾶς λέγεται διὰ τὸ ἀντικείμενον τῷ ἀγαθῷ, h. e. *Satanus dicitur, quia bono adversatur*; id enim significat vox Hebræorum.

Quòd

Quod si quis istis parum contentus Scripturam ipsam audire gestiat, in promptu est sacra lectio, in 1 Reg. 11. 14. *Suscitavit Dominus Salomoni Satan, Ader Idumæorum*; & versu 25. *Fuerunt Satan Israeli omnibus diebus Salomonis. Quid hoc sibi vult?* inquit Theodoretus, aut quemnam dicit Satan? ὁ ἀντίμαχον, ὁ ἐναντίας, repugnantem, adversarium. Sic Zach. 3. 1. *Ostendit mihi Iehoshua, Sacerdotem magnum, stantem coram Angelo Domini, & Satan stabat ad dextram ejus, ut adversaretur ei.* Quare ostro annectitur hæc clausula, ut adversaretur ei, nisi ut ostendat, ut inquit Justinus, in Dial. quod nomen obtinet ἀπὸ τῆς πρῆξις, à rebus ipsis quas agit, servis Dei resistendo & oppugnando. Mitto id genus alia, quæ doctissimus Druſius delibavit atque congeſſit, in Numerorum librum, c. 98. *Stetit angelus Domini in via, in Satanam, vel adversarium, ei,* Num. 22. 22. *Quid mihi & vobis, filii Serwie, quia estis mihi hodie in Satan, sive adversarium?* 2 Sam. 19. 22. Unus erit iſtaſt omnium locus, ex Matth. 16. 23. etenim illic ipsum Petrum, nuperum Filii Dei confessorum, Christus Satanam vocat, quod affectu cæco hortaretur nè de passione cogitaret, *Vade retro me, Satana, quia scandalum mihi es.* An Petro putas hæc Salvatorem dixisse, ac si in sensu verbi pessimo pro diabolo habendus effet? Nihil minus: ad proditorem Judam rectissime dictio spectabat, propter perfidiæ scelus malitiæque ingenii; neque mirum est si ipse audiat, *Ex vobis unus est Diabolus*, Joan. 6. 70. quia prævidit Christum de statione Apostolica, tanquam de cælo, Judam casurum, & facturum esse inter Apostolos quod inter Angelos diabolus fecerat. De S. Petro in mentem Christi nil tale subit: sed hoc illud est, quod cum *Satanam* vocat, in laxiori sensu usus est vocabulo; non ut est nomen proprium maligni Spiritus, sed ut est appellativum, & omnis commune adversarii, quia omnes qui Divinæ adversantur voluntati *Satana* possunt dici, ut Origenes observavit; *Quicumque, inquit, aut virtuti, aut veritati, aut etiam iustitie contrarium quid loquitur, Satanas est, & Dei Filio adversatur.* Hoc Petrus satagebat, opposuit se Salvatoris voluntati, & planè contrarium eloqui non dubitavit; cum illius voluntatis effet ut pro salute hominum moreretur, Petrus se velle asserit nè moreretur. Ergò *Satanam* vocat, τὸν ἑχρῶν, inquit Theophylactus, ἀντίμαχον, atque eo ipso monstravit, hoc vocis nativum esse significatum, *Satan*, hoc est *adversarius*. Ergò de nomine constat; nec res ipsa ablutit, neque enim quicquam est aut in *Inimici*, aut in *Hostis*, aut in *Adversarii* cognomine, quod non in diabolum aptissime quadrabit.

l. 6. cont. Gell.
& Hom. 15. in
Jof.

Quinimo hæc sunt tria nomina quæ in Sacris Literis ex aliis multis Spiritus Sanctus excerptit ad ipsius multiplices repugnantias vividius depingendas, quando & *Inimicum*, & *Hostem*, & *Adversarium* appellat, æs triplex pectoris ad contradictionem penitus compositi. Inter eas voces quid distet, non vos, ut opinor, fugit: nam *Inimicus* dicitur ex malitia, tamen occultata sit, neque externis signis se prodat; *Hostis* est qui apertè insurgit, sed vi & armis, non actione forensi aut litigatione juris; *Adversarius* est qui in jus vocat, & in conspectu omnium dicam impingit, neque id modeste aut affectu sedato, sed asperè & mordaci animo. Attendite locis ex quibus hæc nomina hauriantur, Ex Matthæi 13. 39. primum, *Inimicus qui seminavit ea est diabolus*, ὁ ἐχθρὸς ἐστὶν ὁ διάβολος. *Ἐχθρὸς* est ex odio & similitate inimicus, qui in affectu talis est. Ex 1 Tim. 5. 14. secundum, *Volo vos nullam occasionem hosti dare maledicendi*; nullam *Hosti*, τῷ ἀνταγωνιστῇ ἀνταγωνιστῇ est qui non minùs situ quàm affectu est contrarius, & corporis viribus in occursum vadit æquè ac veneno animi. Ex 1 Pet. 5. 8. tertium, *Vigilate, quia adversarius vester diabolus tanquam leo rugiens circuit*, ἀντίδικος ἐστὶν, *adversarius vester*: ἀντίδικος dicitur, qui ἐν τῇ δίκῃ, hoc est, in iudicio, &

homini

homini adversatur & causa, delicta & crimina objiciendo; ut Matth. 5. 25. *Esto consentiens adversario, πρὸς ἄνδρα, dum est in via, nē forte te tradat iudici;* & Luc. 18. 3. *Vindica me ἀπὸ ἀνδρός μου de adversario meo, est vox viduæ ad iudicem: ἀνδρὶς ὁ ἐστὶν adversarius pro tribunali & in iudiciis.* Quid plura? hic Satanæ genius est, hi tituli, est *Inimicus, Hostis, Adversarius*: & quibus obsecro? num homini soli? num Deo soli? imò & Deo & homini, & in Deo homini, & in homine Deo; & unicuique qui habet in se aliquid aut summi Dei, aut hominis probi; hoc est, & Deo ipsi, & Angelis Dei, & Ecclesiæ Dei, & veritati Dei, & ministris Dei, & Sanctis Dei.

Quòd Dei sit adversarius, & præceps tentandi Filium Dei audacia, & tota etiam studiorum series machinationumque evincit. Non quòd sit propriè loquendo ipsius Dei adversarius dicendus; nam Deum contra belligare non potest, nec voluntati ejus vel tantillum resistere, ἡς Θεοῦ ἰδὲν ἔστι πο- λυμῖον ἢ ἀντὶς οὐρανῶν, ut pulchre Epiphanius, *Nihil deo repugnans est aut inimicum*: quia si esset, statim esse, hoc est, existere in rerum natura, desisteret; ad nihilum illud Divinā omnipotentiam reduceretur. Sed Triplex tamen est modus quo Deo dicitur Adversarius. Non quidem in se, sed in operibus suis; nec rursus ei in se, sed in servis suis; denique & Deo in se, non quidem ad pugnam, sed usque ad stomachum; non quantum ad præjudicium Divinæ dominationis, quia est mancipium & flagrio Dei, sed quantum ad malitiam suæ nequissimæ voluntatis. Hoc sensu Dei Adversarius est dicendus.

Secundò, Quòd Angelis Dei, apparet ex S. Judæ Epistola, vers. 9. *Altercavit diabolus adversus Michaelē Archangelum de corpore Moysi;* & Apoc. 12. 7. *Draco & Angeli ejus praliabantur cum Michaelē & Angelis ejus.* Ecquid clarius? ex invidia prælium nascitur; de præda certamen confertur. Adversantur mali Spiritus bonis, quia hæredes sunt & possessores istius beatitudinis: qua ipsi dejecti sunt; quia ministri sunt voluntatis Divinæ, & candidatæ gentis custodes, quam illi expilatam cupiunt.

Tertiò, Quòd Veritati Dei, apparet ex Matth. 13. 24. Postquam Deus bonum semen in agro suo seminaverat, venit inimicus, & inter triticum seminavit zizania. Hoc diabolo est in deliciis, Veritati errorem inserere, & frumentariam fegeter avenâ suâ nocte interpolando permiscere.

Quartò, Quòd Sanctis Dei, Rev. 2. 10. *Ecce futurum est ut ex vobis aliquos diabolus in carcerem conjiciat, ut exploremini.* Nec Sanctis solummodo, sed præcipuè Sacerdotibus & Ministris, ex Zach. 3. 1. *Ostendit mihi Satanam stantem à dextris Josue;* & ex 1 Thess. 2. 18. *Venire volui ad vos ego Paulus semel atque iterum, sed impedivit nos Satanus.*

Porrò, Non solum Ministris, sed toti Ecclesiæ, ex Apoc. 12. 13. *Persequatur draco mulierem qua pepererat masculum, & volavit à conspectu serpentis in desertum.* Quapropter Sole illustrius est quod prius dixi, adversari omnibus tenebrarum principem in quibus vel micam aliquam Divini falis vel minimum supernæ lucis conspexerit; & quia non potest Deo aut Christo in se insidiari, in membris, in imagine repugnat: ut si quis homo scelestus, quando regem inimicum attingere non valet, ejus simulachrum caderet; & ut de Pardali narrant Historici, quòd qui deludere furorem feræ quærunt, hominis imaginem ei ex charta ostendunt, quam simul ac illa conspexerit, protinus furibunda concepit atque dilacerat, hoc argumento satis ostendens, quanta sit ejus adversus hominem inimicitia. Sic item & diabolus est Dei inprimis Adversarius, & ante omnia ipsum, si potuit, læderet: sed cum in Deum sævire nequit, in hominem, imaginem Dei, suam exercet malitiam; hoc ipso docens quo fit erga Creatorem odio. Quòd si simplex esset ini-

micitia,

micitia, & circumscripta aliquo aut loco, aut tempore, aut actu, aut objecto, sperarem me illam posse oratione complecti: sed cum sit adeo latè patens & multiplex, ad terras, ad cœlos se indefinenter extendens, nullis conclusa finibus, nullum aut actus terminum habens aut objecti, ad doctioris Musæ calamum remittendam esse duco, si quis sit qui eam verbis consequi possit; nam ego me libere fateor non posse, hoc satis judicans, indicasse quod sit & *μυθεσθαι*, & *μυθιζεσθαι*, & *χερσομαχέσθαι*, & *πνυμομαχέσθαι*, qui nec Deum timet, nec homines diligit, sed est ipsorum hostis utroque nomine; quantum ad calumnias, detrahendo, *ἀντιδικέσθαι*, h. e. *Diabolus, criminator*; quantum ad machinas, oppugnando, *ἀντιμαχεσθαι*, h. e. *Satanas, adversarius*. Hæc sufficiant pro secundi explicatione Vocabuli, ex S. Marco, *Et tentabatur à Satana*.

Explevi primam instituti partem, in Disquisitione prima comprehensam, ex qua quæ sit utriusque dictionis significatio audivistis.

Accedo nunc ad secundam, sed breviter, & *ὡς ἐν τύπῳ*. Duæ autem sunt quas in se continet Quæstiunculæ; Quorsum in una eaque tam exigua historię clausula duobus nominibus Tentatorem Evangelistæ describunt, & Quorsum inter tot nomina istis duobus utuntur.

Primæ solutio erit facilior, secunda est paulò tectior & occultior.

Inprimis, quod duobus utuntur, partim ad intelligentiam nostram est referendum, ut nos naturæ & indolis istius Spiritûs, qui hostis humani generis est insensibilissimus, scientiores faciant; partim ut ex diversitate vocum nocendi varias artes significarent: neque enim unico nobis contrariatur modo, sed multis; cominus, eminus; vi, dolo; ut Calumniator, ut Adversarius. Propter hoc multa habet nomina, & revera tot fraudes quot nomina. Sunt quædam nomina similitudinis: nam *Serpens* vocatur, è reptilium; & *Draco*, è volatiliū; & *Leviathan*, è natantium; & *Leo rugiens*, è quadrupedum; & *Homo inimicus*, è rationalium creaturarum numero. Sunt alia nomina potestatis: ut cum *deus seculi* vocatur, & *angelus abyssi*, & *mundi princeps*, & *princeps aeris*, *ἐπεὶ δὲ περιέλασεν ἔξω ἡ αὐτοῦ ἀρχή*, ut Basilius loquitur, quia circa aerem & terram est ejus imperium; terra est ipsius solum, non nascendi, sed circumcursitandi; in hoc sensu *πατρὶς σατανᾶς*, ut Macarius loquitur. Sunt denum alia praviæ dispositionis nomina: quando *Spiritus malus* dicitur, & *Spiritus immundus*, & *Spiritus mendax*, & *Tentator*, & *Belial*, & *Inimicus*, & *Ἀπολλύων*, & *Diabolus*, & *Satanas*. Hæc sunt ipsius multiformia nomina, sed insidiarum viis multò pauciora, quarum nè ulla fortasse nos latere possit, magna est Spiritûs Sancti in Scripturis cura & studium, ad hostis notitiam per hanc semitam ducere nos, ad insidias per nomina. Estque hoc secundæ quam dixi Quæstionis enodandæ quasi præludium,

Basilius. Quod
Deus non sit au-
thor peccati.
Mac. h. 14.

Quorsum in duobus istis Tentatoris naturam nobis Evangelistæ subji-
ciunt. Sine dubio non propter vocum penuriam, est enim, ut monstravi,
ingens numerus: sed duæ sunt, ut opinor, hujus delectûs causæ, Proprie-
tas, & Cognatio.

Proprietas duplex est, respectu Rei, & Personæ.

Respectu Rei opportune aptata sunt hæc nomina historię, *Tentabatur à Diabolo, à Satana*. Adversarii & criminatoris adeo proprium est tentare, ut tentare non possit nisi adversando, nec criminari nisi tentando, cum ipsa criminatio sit maxima tentatio. Hinc est quod eruditi observant, quod diabolus & Satanæ pluralem numerum in Scriptura non habent, nec ferè apud Patres, quia nomina sunt Tentatoris propria. Hinc etiam quod in Tertull. Ludovicus de la Cerdà animadvertit, in illa verba, in I. De Oratione, c. 8. *A diaboli malitia est tentatio, Quod qui dicit, Damon tentat, non ita propriè loquitur*;

Bellefleur, in
Onomastograph.

Just. in Orat.
ad Gentes.

loquitur; sed propriè qui ait, Satan tentat, aut, Diabolus tentat, quia ab hoc actu nomen diaboli accepit, nempe à prima in paradiso tentatione, ut Iustinus docet. Quod idem videre est in tentatione Christi: etenim diabolus se præstitit, quia tentavit; sed non se dæmonem probavit, quia nescivit Christum esse Filium Dei. Igitur hæc est Proprietas respectu Rei.

l. 9. Civ. l. 19.

Pariter & respectu Personæ nescio an sit aliquod nomen quod magis ipsi congruat. Si *Draco*, aut *Serpens*, aut *Leo* dicatur, sunt nomina similitudinis, non naturæ; aliarum specierum hæc sunt communia nomina, non sua sola: at cum *Diabolus* dicitur & *Satanas*, hæc sua sunt, & ex natura ei conveniunt, non ex similitudine. Præterea, cum *princeps aeris* dicitur & *deus sæculi*, abusive hæc dicuntur, suntque ex permissione Divina umbræ magis titulorum quam tituli. Adhuc & cum *dæmon* dicitur, non nomen est ipsius proprium; nomen hoc habuit ante lapsum, eratque semper, & jam num est, quantum ad rem ipsam, bonorum magis quam malorum Angelorum proprium, quia scientiâ longè antecellunt. Agnosco cum S. Augustino, ex usu loquendi accidisse ut vocabulum *Dæmonis* proclivius in malam partem accipiat. Sed si præcisè loquamur, quantumvis vox sit ex consuetudine mala, at in significatione bonam esse nemo diffitebitur: etenim Julianum Libanium Sophista cum laudare vellet, sic eum est allocutus, *O dæmonum alumne, o dæmonum sectator, dæmonum assessor!* quia *dæmones* dicuntur quasi *Scientes*, ut rerum peritissimi. Plato in Cratylo, *δαίμονες* q. *δαίμονες*. Utcunque fuerit, medium esse vocabulum omnes norunt, tam bonis commune quam malis; licet cum hoc discrimine, quod bonis magis competit secundum esse, quam secundum dici; malis magis secundum dici, minus secundum esse, quam bonis. Non sic *diaboli* nomen; fuit quando illo gaudebat absque hoc, nam *Dæmon* erat quando *Diabolus* non erat; & per hoc antiquius est illud existimandum: ex institutione enim bonus erat & sciens, lapsu se fecit diabolus; in statu integro dæmon, at *diabolus*, ut inquit in Mathæum Hieron. *postquam homini invadebat.* *οὐκ ἔστι φύσις ὄνομα, ἀλλὰ ποικίλος*, ut Chrysost. loquitur, *Non est natura nomen, sed arbitrii & presumptionis.* Nunc verò *diaboli* & *Satana* nomina antestant cæteris; & licet non sunt ex natura, at omnino in naturam post ipsius casum transierunt, ut nihil jam possit aliud nisi tentando & criminando se & diabolum probare & Satanam, Hæc prima ratio, A nominum Proprietate.

Tertull. lib. 2.
advers. Marcion.

Chrys. Ser. 3. in
Job, & Ser.
de Tentat.
Hom. 25.

A Cognatione secunda est petenda. Cognatio duplex est, Cum aliis nominibus, & Inter se.

Cum aliis tantam habent hæc nomina affinitatem, ut sint quasi fæces, vel potius radices aliorum, quibus innituntur, & à quibus prosuunt. Quod *Draco* sit, veneno plenus malitiæ, ad Satanam pertinet; quod *Serpens*, ex calumniæ sibilu, ad diabolum. Rursus, quod *Spiritus mendax* & *Tentator*, ad diabolum; quod *Spiritus malignus* & *ἀπολλύων*, ad Satanam. In summa, à duobus istis adeò reliqua pendent, & eorum amplexu adeò circumplicantur, ut si hæc dixeris, omnia dixeris; & si hæc duo noveris, facile conjicies ex his de cæteris quid sit sentiendum. Hæc est Cognatio prima, Cum aliis nominibus.

Deinde & Inter se est affinitas alia, idque respectu & Significationis & Idiomatis. Est primò utriusque Significatio similis: inter ea si quid intersit, est quàm exiguum; nam *Satanas adversarium* notat, diabolus *calumniatorem* aut *obrectatorem*. Exiguum forsitan, quia criminatio non sine verbis fit, adversari & verbis & factis possumus: sed perexiguum; nam reciprocantur, Nemo criminabitur nisi adversarius; & adversarius nemo major est quàm qui criminatur. Unde fit ut 1 Pet. 5. 8. junguntur simul, *Adversarius*

ruius

rius vester diabolus, hoc est, Satanas vester diabolus; ὁ γὰρ Σατανᾶς τὸν διαβόλον μιλῶναι, ut Catech. 2. Cyrillus loquitur: & expressius Apoc. 12. simul ista verba leguntur, *Serpens antiquus*, ὁ καλόμενος διαβόλος, ὁ Σατανᾶς. Unde etiam fit ut Lxx Interpretes sæpe *Satanam* per *diabolum* reddunt, & pro *adversari*, *calumniari*: ut Psal. 109. 4. *Pro dilectione mea, adversati sunt mihi*; Septuaginta, ἐδιδέκαλλον με, *calumniabantur me*, aut *detrahebant mihi*: & ver. 6. *Constitu super eum peccatorem, & Satan stes à dextris ejus*; Lxx, *diabolus stes à dextris ejus*: & ver. 20. *Hoc ojus adversariorum meorum à Domino*; Lxx, τὸ τοῦ ἐπ' ἐμοῦ ὅτι ἐναντιώσονται, *detrahentium mihi*. Ergò quantum ad Significationem magna est convenientia. Secundò, & in Idiomate alii intercedit affinitas, quia quamvis unum eorum sit Græcum, alterum Hebraicum vocabulum, at est & illud Græcum Hebraizans, & hoc Hebraicum Atticisans; nam sicut vocem Hebraicam ab Evangelistis habemus in Græcam mutatam, ità vice versâ, Drusius lib. 10. Præteritorum observat, quòd Græcum κατήγορος Apoc. 12. 10. *accusator*, Hebræi suum fecerunt; Ἀγγέλος, autem idem est quod: κατήγορος. Imò verò quod ad ipsum Diaboli nomen spectat, utcumque hoc sit certissimum, Græcum vocabulum fore: attamen Isidorus Hispalensis, loco supradictò, Hebraicum putat esse; nescio quo argumento ductus, nisi illud forsan fuerit, quòd apud antiquiores Doctores legerit *diabolum Zabulum* nuncupatum, Ab Erasmo hoc reperio annotatum, in Matth. 4. *diabolum Zabulum à S. Hilario vocari*: quod unde inoleverit, non est facile conjecturâ assequi. Sunt qui Græcissimum putant, ut *za* ponatur pro *ga*, quod sæpe à vetustis Græcis fit, juxta proprietatem Æolicam. Erasmus id putat errori liberiorum esse ascribendum: sed hoc non est probabile, ut toties hunc errorem errarent; etenim non semel, ut Erasmus annotavit, sed sæpius occurrit apud Hilarium. Can. 12. in Matth. *Confusa est in prima tentatione omnis Zaboli potestas*; & Can. 26. *Furem esse ostendit Zabulum ad detrahenda ex nobis spolia pervigilem*. Imò non solum apud Hilarium, sed semel apud Cyprianum, in Epist. ad Demetriadem, *Quid te sternis in ruinam diaboli?* Pammelius affirmat in quatuor Manuscriptis legi, *Quid te sternis in ruinam Zabuli?* Postremò, etiam apud Ambrosium, lib. 5. De Fide, cap. 1. *feralem illum cetum Zabulum Christus passione suâ prostratum percussit*: & cap. 8. de Ario loquens, *Imitatur authorem suum Arius, patrem suum Zabulum*: & adhuc, *Zabulus verum Dei Filium fatebatur, Arius negat*; *Zabulus*, id est, diabolus. Hæc ego indicare magis vobis volui quàm urgere, ut collectorem me haberent, non censorem. Nec revera opus est ut ad istas conjecturas pro affinitate vocum fugiamus, satis est si in sensu & significatione conspirent: quæ si non sola sit, præcipuam causam autumo, quæ Evangelistas movit ut in duo nomina notionem unam diffunderent, Hebraicum & Græcum; nimirum in majorem rei & certitudinem & evidentiam, ut clariùs cernamus, ut certius sciamus, non solum veteris Ecclesiæ Sanctis, sed & Christianis insuper juratum hostem diabolum fore. In rebus fidei Evangelicis familiare est literis, privilegiorum communicatem duplicato utriusque linguæ verbo obsignare, ut Mar. 1. 23. *Vocabunt nomen ejus Immanuel, quod est, μετ' ἡμῶν ὁ Θεός*, ex lingua duplici, Hebræa & Græca, non Judæorum modò, sed Gentium eum Salvatorem subinveniens, quia nomen traxit ab utrisque, Jesus Christus. Sic Rom. 8. 15. *Accepistis spiritum adoptionis, in quo clamamus Ἀββᾶ ὁ πατήρ*, quod idem est repetitum Gal. 4. 6. Ex quibus verbis S. Augustinus argumentatur tam Gentium quàm Judæorum in unum verum Deum San-

Atque Spiritum consensum; quia ab eodem Spiritu uterque sanctificatur, qui intus clamat & Judæorum linguâ Abba, & Gentium Πατήρ. Quod si privilegiorum consociatio duplicato vocabulo designetur, quidni etiam & periculorum consortium? etenim & hoc quoque in eadem positum est consuetudine loquenti: Apoc. 9. 11. *Habebant super se regem, angelum abyssi, cui nomen Hebraicè 'Aḡaddōw, Græcè 'Απομμωρ & Apoc. 12. 9. Projectus est draco magnus, serpens antiquus, qui vocatur Diabolus & Satan.* Eodem consilio factum quis dubitat quo in hac historię parte Evangelistæ usi sunt? Nè quis somniaret aut illac alium esse Spiritum diabolum, alium Satanam; aut hæc, Judæis alium adversarium salutis suæ fuisse quàm nobis nostræ: sed contrā, sicut ex utraque gente nomina Christus assumpti, ut Salvatorem se promulgaret utriusque populi; ita ab utraque lingua Tentatori nomina sunt imposita, ut eundem adversarium dignoscamus utriusque Ecclesiæ; eundem qui Davidem & Jobum adoriebatur in Ver. Testamento, Petrum etiam & Paulum incessisse in Novo; eundem qui cum Michaelē Archangelo certabat de corpore Moysi, cum eodem Michaelē pugnasse de partu mulieris, Apoc. 12. eundem qui ad dextram Josue stetit, Zach. 3. stetit & ad sinistram Christi, velut unum & eundem utriusque populi hostem. Propter hoc probabile est, Evangelistas cum de Christi certamine loquerentur, partitos esse hæc duo nomina, *Tentabatur à diabolo, tentabatur à Satana.*

His ita constitutis, & utrâque quæstione jam elucidatâ, quid superest quàm ut in documentum nostrum hæc singula vertamus, ut sicut intellectui inserviunt, ita etiam & usui? In quem verò usum? inquis; quid meâ refert quo nomine vocetur? Dicam cum Apostolo, Rom. 3. 2. *πρὸς τὴν πίστιν τοῦ εὐαγγελίου.* Prodest ad Doctrinam, quod ex utraque partē habemus adversarium; à dextris oppugnando, Satanam, à sinistris accusando, diabolum. Prodest ad Solatium, quod utroque modo victus est, & quantum ad fraudes diabolicas, & quantum ad Satanicam malitiam, Prodest supra omnia ad Cautelam: abundans non nocet; imò & abundans elicitur ex utroque vocabulo.

Inprimis, Si Accusator noster sit, cavendum est nobis à peccato, nè, ut Apostolus monet, *in condemnationem incidamus diaboli*; quia idem qui Tentator, est delator, ut bis possit prodere, & nobis, & Deo: Nobis, si sollicitanti auscultemus peccando; Deo, postquam peccavimus accusando. Proinde sicut illud Apostoli 1 Joan. 2. 1. facit ad fiduciam, *Si quis peccat, habemus apud Patrem advocatum, Jesum Christum*: ita hoc faciat ad præmonitionem, quod si quis peccat, habemus accusatorem apud Deum, Satanam. Hæc Cautelâ prima.

Rursus, Si calumniator sit, & hoc ipso nomine Diabolus, cavendum est denuo ut ab omni peccato, ita potissimum à detractiōe & calumnia: ideo quod nihil est aut magis alienum à similitudine Dei, aut propinquam magis similitudini Diaboli. Hoc Syneſius vidit & agnovit in illa ad Joannem 44. Epistola, *ἐχθρὸς τοῦ θεοῦ ὁ διαβολὴς ἐστίν, ὅτι οἱ λόγοι αὐτοῦ, Nullius mores sunt aq̃uè Deo execrabilis atque famigeratoris.* Hoc ipse inter Ethnicos Demosthenes, in Or. pro Ctesiphonte, *πονηρὸν, ὁ ἀνδρὲς, πονηρὸν ὁ συκοφάντης αἰὶ, Improbâ, O Athenienses, improba res est omni tempore calumniator*, improba non solius hominis iudicio, sed Dei; *Perdam*, inquit, *calumniatorem*, Psal. 101. 5. Videte quale malum est quod Deum habet vindicem; quale malum, quod diabolum habet autorem; quale malum, quod Angelum in diabolum transmutavit. Hæc Cautiō secunda.

Ad extremum, Si adversarius sit idem & affectu ἐχθρὸς, & astuti-

tiā ἀνιδρυῖς, & potentia ἀνικήμενῃ, cavendum est & à malitia, nè communicemus; & à subtilitate, nè capiamur; & à potestate, nè cedamus ei, ut Eph. 4.27. Apostolus loquitur. Invidet nobis, fratres, invidet, & defectionis socios sibi inter homines quarit. Hostis est omnium communis, & omnium perniciem sitit; idque non uno modo: nunc ut Draco excubat, horam vix ullam prætermittens, quò torpentes capiat; nunc delitescit ut Latro, *Lucifuga bestia*, ut Tertulliani verbo utar, in *Ladv. Valentin.* curarum & deliciarum latebris ipsa densitate tenebrosis, ut incautos apprehendat; nunc circumcurrit ut Leo rugiens, quærens quem devoret; nunc, imò perpetuò, Divinæ imaginis prædo, divina hominum studia oppugnat, eoque refert sua omnia ut nos vituperabiles reddat & invidiosos Deo. Hic igitur totius rei scopus, ut hoste agnito simus semper in excubiis: & ut Gregorius loquitur, *Si multiformis sit adversarius, nos multipliciter contra eum paremus.* Quod S: Petrus monet, 1 Pet. 5.9. *Resistite ei fortes in fide;* & S. Jacob. 1. 7. *Resistite diabolo, & fugiet à vobis.* Fugiet, inquit Apostolus, non quasi non sit etiam post multas victorias rediturus ad pugnam reintegrandam, cum istius sit impudentiæ ut contra resistentes vehementius insurgat: sed *fugere* dicitur cum vincitur, interpretativè loquendo; quia qui vincitur debilitatur, & debilius est fugere. Imò verò non interpretativè solum, sed verè & realiter, quia dum resistimus, dolores ejus & tormenta multiplicamus, convertente Deo in ipsius caput quicquid contra servos suos confarcinavit. Resistite igitur, *memores nobilitatis vestra*, ut Basilii loquitur, memores patriæ, unde ipsius insidiis excidistis. Mementote quanto olim vos damno mulctavit. Bis vos læsit: primùm cum vos ab initio ejecit, in uno omnes, & Tertull. verbo adver. Gentes, *damnationis suæ traduces* fecit, nunc quoque cum reditum vestrum impedire contendit, & de secunda salucis tabula hostili manu deturbare. Vos duplici telo duplex Apostoli scutum opponite, 1 Pet. 5. *νιψατε, & γρηγορεῖτε, Sobrii estote & vigiles:* vigiles, ut hostem observetis; sobrii, ut resistatis. Quòd si crapulæ deditos viderit, accusabit; si somno, absorbebit: est enim & Diabolus & Satanas.

Hactenus de Speculatione Historica, in gemina Verbi & Nominis diversitate constituta, *Ut tentaretur, Et tentabatur; A diabolo, A Satana.*

Proximum est ut ad Speculationem Theologicam descendamus, si Deus permiserit.

LECTIO XII.

Ut tentaretur à Diabolo.

AB horum verborum Speculatione Historica ad Theologicam, ut cætera taceam, ipsa admiratio trahit, nec finit in una aliqua parte acquiescere, donec ad ipsam medullam & animam, & quicquid aut usui aut delectationi esse possit, perventum fuerit. Etenim hæc est admirationis natura, explorare omnia & curiosius introspicere, ut quod cognitioni deest, inquisitione possit explere, & ad fructum propius accedat perferutando. Hoc Philosophorum princeps intellexit, cum scientiæ physiciæ cursum ex admiratione nasci affirmavit, Metaph. 1. 2. *Διὰ τὸ θαυμάζειν, οἱ ἀνθρώποι ἤρξαντο φιλοσοφῆν*, Ab admiratione philosophiam ortum suum ducere; & rationem adjicit, *ὅτι ὅτι τῆς θαυμάζειν ἐστὶ τὸ ἐπισκευάζειν μὲν, καὶ αἰὶ τὸ θαυμάζειν ἐπισκευάζειν*, Admirabile quicquid est, idem est, inquit, & concupiscibile, & eo ipso quò ad mirandum provocat, excitat etiam ad investigandum, Quòd si quis sit cui minùs hæc arrideant Philosophi, attendat Psalmographo eadem inculcanti, Psal. 111. 2. *Magna sunt opera Domini, exquisita omnibus qui delectantur illis. Ex istis institimur*, inquit Augustinus, *quòd magna opera magnam generant admirationem; & magna admiratio magnam quæstionem; & magna quæstio ad magnum perferendum mysterium studium pia mentis erigit.* Nè multis vos morer, præsentis hæc est negotii facies, hæc hujus de Tentatione Christi disputationis protelandæ occasio: nam magnum illud opus fuisse nemo diffitebitur; & operis magni magnam admirationem in se nemo est qui non sentit; & ex magna admiratione magnas multiplicésque quæstiones ortas esse, non decursi solùm itineris recordatio indicat, sed & hodierni etiam laboris renovatio comprobabit. In qua post expeditas Historicæ Speculationis quæstiones aliquas, pergendum porro est ad alias, easque non minoris difficultatis, & majoris fortasse ponderis, quæ ex verborum Speculatione Theologica pullulabunt.

Qu. 49. super
Judic.

Sunt autem hujus partis duo principalia *ἐντάματα*. Cur Christus tentari voluit; & Quare hoc genere tentationis. Sunt alia quæ istis duobus ancillantur, velut appendiculæ, in comitatum, vel magis in antecessum; Quid sonet hæc vox Tentatio, Quæ proprietates, Quæ genera sint Tentationum, & Quibus spatiis inter se discriminentur.

De istis singulis seorsum agendum est; & de tribus postremis quæstionibus primò: quæ quia sunt quasi *προπαισματα* quædam sive *προλαίμυρα*, ad duo quæ sita principalia viam introitumque patefacientia, ratio ordinis postulat ut ab illis exordiamur, velut à parte introductoria; ut postquam Definitiones & Genera & Differentias Tentationum investigavimus, de Christi hac suprema omnium claro & non errante calamo decernere possimùs.

Partis introductoriæ tres sunt, ut videtis, Quæstiones: quarum prima ad naturam & definitionem & proprietates Tentationis pertinet; & in eam solam diei hujus impensam collocabo, videlicet in verbi Propagine & natura

natura enucleanda; Hanc omnes norunt; nam Tentatio Latinis idem est quod Græcum *πειρασμός*. Illud à *tenendo* dicitur, quia *Tentare* est exquirere, & quasi manu tenere; hoc à *πειράζειν*, id est, *experiri*: est enim in prima significatione, ut Parisiensis loquitur, *nil aliud: quàm experimentatio, hoc est, exploratio, rei vel persona alicujus*; sive, ut Aquinas definiere maluit, *Experimenti sumptio de eo quod tentatur, an sciat, vel velit, vel possit: est enim quasi tactus quidam tentatio*, ut Bonaventura explicat, quo illud quod tangitur probatur: sicut cæcus dicitur *tentare*, quando tactu suo vult aliquam certitudinem habere de re quam tangit; sic & in spiritualibus, tentatio est quasi tactus quidam ad probandum ordinatus. Hæc, inquam, prima est & nativa vocis significatio; quia, ut Galenus ait, *ἡ πείρα κεντήσεων ἀπάντων ἐστὶ βεβαιώσατος*, *Certissimus judicandi de re aliquæ modus est per experientiam*. Idcirco tentare est experimentum capere de quacunque re, ad cognoscendum ipsam: & per hoc, quia qui ad malum sollicitat, explorat vires & ingenium alterius, quid valeat, quàmque in partem propendat, nec alium explorandi finem constituit quàm ut habeat secum in peccando consortem; hinc fit ut in secundam significationem vox transeat, utque ex usu loquendi Tentare idem sit atque decipere & corrumpere, atque in errorem & peccatum de fide ac pietate deducere. Hoc ut liquidius constet, nè quis sit in ipso limine ambiguae vocis error, quia *πειρασμός* est Tentatio & multiformiter dicitur, nunc de Deo in sensu bono, nunc de Satana in pessimo, nunc de homine in mixto & quasi confinio utriusque; operæ pretium erit in utramque vocis notionem distinctius paulò introspicere, nè ex mixtura inæquabili perturbatio intellectus sequatur, & totius confusio disputationis, si non diligenter res inter se disparatæ secerantur.

Ad primam igitur vocis notionem me primùm convertam, ut videamus quæ prima sit notio & generalis & simplex. Secundum hanc si vox Tentationis consideretur, in se & ex natura sua nulum experiendi aut probandi actum complectitur, quacunque ex parte eam intuemur; sive Hominis fit in Deum, sive Dei in hominem, sive Hominis in hominem, sive Diaboli in hominem, sive Hominis in seipsum. Hæ sunt quinque species, & de istis omnibus Scriptura attestatur, Tentare nil aliud esse quàm probare aliquid, & de eo experimentum sumere, ut sciatur.

Species prima est Hominis in seipsum: & de hac patet, quòd quando homo seipsum tentat, non alio consilio id efficit quàm ut ad certam sui notitiam perveniat, & fidei suæ vel obedientiæ, vel patientiæ etiam & penitentiæ, experimentum capiat, ad examen ea singula revocando. Non quidem sum nescius tentari aliquando hominem à seipso per insitam concupiscentiam, quando à seipso sumit motivum male agendi, idque non in experimentum sui, sed in peccatum: de ea loquitur S. Jacob. 1. 14. *Unusquisque tentatur, dum à propria cupiditate abstrahitur*. Verùm non est ea propriè dicta tentatio, sed magis deceptio & seductio dicenda: eò quòd nulla est intentio de se experimentum sumendi. De suis ipsius virtutibus & laudabili tentatione nunc sermo est, cujus hæc est Definitio apud Gregorium Naz. *ἡ πείρα τοῦ τοῦ Θεοῦ πλοῦτος*, *Exploratio copulationis nostra cum Deo*. De hac S. Paulus loquitur, 1 Cor. 11. 28. *Probet sive exploret quisque seipsum*. Verbum est *δοκιμάζειν*, quod non est planè idem cum *πειράζειν*, quod est nunc præ manibus, sed æquivalet tamen; atque in alio textu *πειράζειν* est usurpatum, 2 Cor. 13. 5. *ἑαυτοὺς πειράζετε, Vos ipsos tentate, an sitis in fide; vos ipsos explorate, annon cognoscitis vosmetipsos?* Hic scopus est cohortationis Apostolicæ, ut ostendat, ad cognitionem sui

(si quis se nesciat) hanc viam expeditissimam fore, &, ut Clemens Alexan. 3. Pæd. loquitur, *παντων μυστων μαθηματων*, versare in omnes partes animi suum, eumque tentantis velut obryzâ perspectum reddere, ut ad experimentum sui possit pervenire. Hæc est prima species.

Secunda est Hominis in Hominem: & hoc etiam est in confesso, quod cum homo hominem tentat, sive honestè id fiat sive captiosis interrogationibus, in utroque ad hoc collinat, *uscientiæ*, aut virtutis, aut instituti voluntatisque alterius experimentum habeat. Sic Mar. 8. 11. accessisse ad Christum Phariseos legimus, & quævisse ab eo signum de cœlo, ipsum tentando: & Joan. 6. 6. interrogasse Philippum Salvatorem de panibus emendis; hoc autem dixit, ut Evangelista explicat, *πειρασων αυτον, τονταν εαυμ* quid existimaret. Sic discipulos suos tentare magistri solent, ut experimentum sumant illius aut artis aut facultatis quam profitentur; utque ipsi aliisque qui adsunt intelligant quantos progressus fecerint in ea arte addiscenda. Pariter & in Disputationibus Scholasticis hoc sæpius contingit; Opponentibus est in more positum Respondentis sententiam & iudicium quæstionibus & argumentis explorare, ut ex his quæ ipse sententiæ refellere possint. Et hoc argumenti genus, in 8. Topicorum, & Elenchorum cap. 2. λόγον *πειρασικον* Aristoteles vocat, de quo librum integrum scripsisse creditur, licet ad nos non pervenerit: atque in hoc differre dicit à modo differendi Dialectico, quod *Dialectica concludit ἐν τῷ ἐσθλῶ, ex probabilibus; Tentativa ἐν τῷ ἀσθενῶν τῷ δυνάμει, ex iis quæ Respondenti videntur*, & quæ necesse est eum scire qui attem proficetur; idcirco explorat sapenúmero & examinat, ut expleri queat quid reneat, & in argumento progredi postquam expertus fuerit. Hæc secunda est species, Hominis in Hominem.

Tertiâ est Hominis in Deum: & de hac non minùs certum est quàm de cæteris, quod cum homo Deum tentat, ad experiendum se vertit, & ad sciendum aliquid cognitione experimentalî quod in præsentiarum aut nesciat, aut minùs sciat. Hoc modo eam omnes Scholastici describunt, tunc Deum tentari; quando ex dubitatione, aut curiositate, aut etiam ex pietate, circa aliquam perfectionem Divinam aliquid agitur experiendi causâ, utrum Deus habeat eam perfectionem, aut ad eam demonstrandam hoc vel illud facere velit. Non est ipsius una orbita, sed multæ, ex quæ singula experimentis inniuntur. Duplex ipsius est, ut arbitror, ratio. Una probandi Deum fatis in laude ponitur; alia venit in vituperationem: illa est probatio fidei, hæc infidelitatis; utraque in probando versatur. Fides probat sperando & præstolando; Infidelitas queritando & insinuando: Fides quia credit, ut magis credat; Infidelitas quia fluctuat, atque non eò ut credat rem esse, sed ut sciat an ita sit: Fides, ut quod Deus velit faciat; Infidelitas, ut arguat, lacestat, obloquatur.

De Fidei probatione exstat mandatum Divinum, Psal. 34. 8. *Gustate & videte quàm suavis sit Dominus*; hoc est, probate & experimini: & Mal. 3. 10. *Afferite omnes decimas in horreum meum, ut sit cibus in domo mea; & probate me jam in hoc, dicit Dominus, si non apernero vobis cataractas cæli, & effundero vobis benedictionem usque ad abundantiam*. Ex se satis aperta sunt verba absque commentario, nam & ad Tentandum Deus vocat, & ad Experiendum: ad Tentandum; in illis verbis, *Probate me super hoc*; (Theodoretus ex Aquila vertit *πειραξτε, in hoc periculum sustete*) ad Experiendum, in verbis sequentibus, *si non apernero vobis cataractas cæli*. Imperfecta videtur locutio, nisi vel præponatur, vel postponatur aliquid quod expleat. Si postponatur, hoc erit supplementum,

mentum, *Si non aperuero vobis cataractas cæli, dicite me mendacem, amplius non credite.* Est enim mos Scripturæ, ut quæ de Deo durè sunt dicta, aut honestiori vocabulo exprimat, *Benedic Domino & morere;* Sic faciat mihi Deus, & sic addat: aut omnino prætereat, ut intelligantur magis quam dicantur; *Si non aperuero, si non benefecero, arguite me mendacii.* Rursus, si præponatur, hoc erit supplementum, *Probate me super hoc, ut cognoscatis, ut experiamini an sciam benefacere observantibus mandata mea, si non aperuero vobis cataractas cæli.* Est probatio veritatis & benevolentiae Dei juxta legem Fidei.

De probatione Infidelitatis loca habentur plurima; juxta diversam à quâ descendit originem. Interdum pullulat ex radice Diffidentia, vel plenæ & obfirmatæ, vel subsultantis, cum quis de potentia aut bonitate Dei desperans, quia non videt media, sic hæsitabundus, & suspensus bonitatis & potentiae Dei inquisitor. Exemplo sunt Israelitæ Psal. 78. 19, 40, 41: *Exacerbaverunt eum in deserto, irritaverunt eum in solitudine; & tentaverunt eum, & sanctum Israelis circumscripserunt: & locuti sunt contra Deum, dicentes, Numquid parate poteris mensam in deserto?* Interdum ex Præsumptione nascitur, cum quis à solo Deo expectat effectum quod humani ratione ipse potest assequi, temerè neglectis vel non adhibitis mediis. De ea Christus loquitur Matth. 4. quando perniciosum illud præcipiendi se consilium idcirco rejecit, quia scriptum esset, *Non tentabis Dominum Deum tuum,* experiundo scilicet omnipotentiam extra viam & fines quos ipse constituerit. Interdum ex Curiositatis prurigne oritur, quando aut non inspicienda scrutamur, aut promissiones Dei injusto examini subijcimus, aut indubitata ejus attributa in dubium vocamus; idque vel formaliter & expresse, vel implicite & interpretative, ut Scholastici loquuntur, agendo illud quod sumptè naturâ ad nihil aliud videtur ordinabile quam ad sumendam experientiam de Dei benignitate, veritate, justitia, & potestate, quasi de illis dubitaretur. De eo S. David loquitur Psal. 95. 10. *Tentaverunt me patres vestri, probaverunt me, etiam experti sunt opus meum, ipsi ignorantes viarum mearum.* Hoc illud est quod dixi, tentationem in Experimentis sumendis consistere; & quod tentare Deum, ut Altiissimodensis succinctè, est velle explorare Divinam voluntatem erga te indebito modo. Hæc tertia est Species, Hominis in Deum.

l. 3. tit. De
inmensione.

Quarta est ipsius Dei in Hominem: & hanc quoque ad experientiam respicere Sacræ Literæ testantur, quod semper est aliquid explorandum quando hominem Deus tentat, sive Immediate id fiat sive per Media, sive Benedictionibus sive Afflictionibus, sive Permittendo sive Præcipiendo.

De Tentatione Mediata & Permissiva est locus Deut. 13. 3. *Si surgat in medio tui propheta, aut somnians somnium, & signum ediderit aut prodigium, non auscultabis ipsi: quia tentat vos Jehova Deus vester, ut cognoscendum vel experiendum, an diligatis eum ex toto corde vestro & toto animo vestro.* Tentationem consultò vocat Doctores falsorum insidias, & in hunc finem à Deo ordinatam pronuntiat, ut, S. Pauli verbo, qui probati sunt manifesti fiant, dum non se sectis jungunt, nec ab unitate recedunt, quamvis aliorum technis & exemplis provocati, sed sinceritatem fideli retinent, & tentationibus velut à camino puriores prodeuntes.

De Tentatione Benedictionum est similis locus Dent. 8. 16. *Cibavit te Manna, quod non novitatis majores tui, ut tentaret te, ad benefaciendum tibi: & Exod. 16. 4. Ecce ego faciam ut pluat huic populo panis de cælo, ut tentem eum, utrum ambulaturus sit in lege mea necne.* Tentare eos dicitur Benedictionibus suis, quia istis mediis de manu sua effusus exploravit eorum

& de præfenti gratitudinem, & de futuro fidem. Rurſus, de Tentatione Afflictionum occurrit illud Deut. 8.2. *Deduxit te Deus, inquit ad populum Moſes, quadraginta annos per deſertum, ut affligeres te, tentando te, ad cognoscendum id quod erat in animo tuo, utrũ obſervares mandata ejus necne.* En nobile tentandi genus ex adverſitatibus orſum; nam & ipſe afflictiones ſunt *πρὸς πειρασμὸν*, 1 Per. 4.12. *Has Deus inſtituit vel τὸ πρὸς τὴν δοκίμην, ut aurum ſuum probare poſſit, quaſi è conſolatorio, per ea qua nos cruciant.* Non malo eas mittit animo, ſe!, ut Gregorius Naz. loquitur, *ἐν βέλτοις ἀπειλῇ, ἢ πύρρι φιλοſοφίας* ut non tam ſit poena criminis quàm virtutis examen, & tentatio fidei, & experimentum patientiæ.

Ad ultimum, de Tentatione ex parte Præcepti Abrahami exemplo erudimur, cùm pii ſenis filium unicũ ſibi Deus petiit immolari, Gen. 22.2. *Tentavit Deus Abrahamum, inquit Scriptura, & dixit, Assume filium tuum unicũ, & quæ ſequentur. Tentaffe dicitur, quia obedientiæ ejus hoc factò experimentum habebatur, ipſo Domino hoc conſistente, verſ. 12. Ecce nunc cognovi, vel nunc expertus ſum, quòd timeas Dominum.* Nunc ſe ſcire dicit, non quaſi non prius novit, ſed quia per hoc fecit ut & Abrahamus ipſe & cæteri omnes cognoscerent: Sciebat utique mentem Abrahamæ prius, neque ullis experimentis indigebat; ſed ſciens tentare dicitur, ſicut in Evangelio dicitur, Joan. 6. quando de emendiſ panibus Philippum interrogat, *tentans eum*, inquit Evangeliſta, quid eſſet reſponſurus; & tamen ipſe ſciebat quid facturus eſſet. Duobus iſtis modis de Dei Scire Patres loquuntur, quòd probando nos dicitur cognoscere, & reſpectu aliorum & reſpectu noliri. Reſpectu noſtri nos dicitur cognoscere, cùm tentando nos nobis prodiit. Sic Mor. 1.8.c.27. Gregorius explicat, *Tentare Dei eſt magnis nos inſpirationibus interrogare; & Scire Dei eſt noſtram obedientiam ſcire nos facere:* & S. Auguſtinus non uno in loco, *Tentat Deus non ut ipſe hominem inveniat, ſed ut homo ſe inveniat;* quia multa ſunt in unoquoq; e homine ipſi occulta homini, quæ nec aperiuntur, nec inveniuntur niſi in tentationibus. Dein reſpectu aliorum, *Cognoscere dicitur, cùm aliis facit nos cognitos.* Theodoreti eſt Qu. 72. in Gen. *Probat nos, inquit, ἐξ ἡμῶν αὐτὸς ἀπὸ ἐπιεικτοῦ μάθη, ἀλλὰ ἵνα ἀγνοῦντας διδάξῃ.* & S. Hier. in Job. c. 31. (ſi modò illius ſit) *Tentat Deus, non ut ipſe ſciat, ſed ut alios ſcire faciat:* & S. Aug. Civ. 16.c.32. *Si ſciebat ſe Abrahamus, ut nos non novimus; tentat igitur, ut ſeculis innotefceret, non Deo.* Sicut venditor ſedulus, inquit Rupertus, *retexit ſarcinam, revolvit merces, quidlibet examinat; non ut ipſe quæ vendit cognoscat, ſed ut emptor videat & ſciat:* eodem modo & ſervos ſuos explorat Deus, non ut ipſe ſciat, quem nulla cogitatio latet, ſed nè alii ignorent quos & quales famulos alat. Hæc quarta eſt ſpecies Dei in hominem.

Quorſum verò hæc omnia? aut quò, putas, tendit hæc tam proluxa de experimentis diſſertatio? Equidem non aliò, quàm ut jam oculis teneatur quod in antecellu poſui, adèd indiſſolubilem eſſe iſtorum actuum nexum, ut nunquam ſejungantur; unàmque eſſe & eandem in ſingulis tentationis rationem quoad primam & genericam notionem: ut ſive Homo ſeiſpſum, ſive Homo hominem, ſive Homo Deum, ſive Deus hominem tentare dicatur, ad probandi & experiendi intentionem id revocetur. Quæ ſingula nè *παρρηζα* putetis & extra cauſam, attendite quantum maxime faciant ad tentationes Satanæ, quæ quinta eſt ſpecies, intelligendas. Eſt enim explorator peritiſſimus, & in omnibus tentationibus huc primum colimat, ut certitudinem aliquam, aut ſaltem conjeſturam, de nobis accipiat, quales ſimus, quid cogitemus, quò tendimus. Quod de S. Job S. Ambroſius obſer-

Chryſ Ho 4.
ad Antiſch.

in Epiſtoph.
patriu.

Ser. 2. De Im-
molar. Iſaac
Quæſt. 58. in
Gen. c. 22.
de Temp.

in Gen. li. 6.
c. 31.

lib. 5. Ep. 33.

observavit, Epist. ad Marcellinam, *Tentavit cum modis omnibus, tentavit cum in patrimonio, tentavit in filio, tentavit in conjugē, tentavit in dolore corporis, & nihil intentatum reliquit, ut usquequaque probaret*: De insidiis & laqueis hodiernis idem est existimandum; vix enim quicquam est aut in homine, aut ad hominem spectans, quod non solet vertere in experimentum. Si dives sit, experitur an possit adigere in superbiam aut luxuriam; si pauper, an ad displicentiam & diffidentiam & anxietatem: si quid boni fecerit, periculum faciet de timore & fastu; si quid mali, de securitate. Nonnunquam aliena bona ostendit homini, ut ad livorem tentet & ad invidiam; nonnunquam aliena mala, ut ad odium moveat & vindictam: si lætus fueris, adiget ad dissolutionem; si tristis, ad desperationem. Sic omnes sensuum januas pulsant, in omnium affectuum se insinuat conclavia, quatuor domus angulos percutit, ut ventus ille è deserto in S. Jobi historia, ab omni parte explorans, à tergo, ut ad peccata præterita recurrant; à fronte, ut à bonis inceptis resiliant; à fursum, ut de bono opere superbiant; à deorsum, ut terrena ambiant; à dextris, ut in prosperis eleventur; à sinistris, ut in adversis dejiciantur. Breviter, sive dormiamus, sive vigilemus, sive comedamus, sive bibamus, sive quodcunque aliud operemur, instat perpetuo, die ac nocte, nunc palam, nunc occultè sagittas venenatas contra nos dirigens, ut exploret undique vires nostras: idque duplici de causa, tum quia nescit ante examen factum quid sit in homine, idcirco exquirat ut possit scire, hic finis proximus; tum quia salutis hominis insidiatur, idcirco pertentat ut possit fallere, hic finis ultimus. Summa huc rediit, quod primus tentationis actus sit experimentatio: quodque in prima vocis potestate, *Tentare nihil aliud sit quàm experimentum sumere de aliquo, ut ejus virtus, conditio & qualitas cognoscatur*. Vel si adhuc descriptionem magis plenam expectetis, habitote verbo: *Tentare* in genere, prout in se comprehendit omnem tentationem, est *experimentalem notitiam alicujus rei in se vel in alio causare*; sive *principaliter & primò*, sive *occasionaliter & adventitiè*. *Notitia* dicitur, quia tentatio omnis in cognitionem intenditur; sive verborum agatur, sive instinctu, sive facto aliquo, semper ad notitiam vergit, ut prudentia, aut voluntas, aut potestas alterius intelligatur; an sciat quod querimus, & exinde an possit aut velit implere. Additur *Experimentalis*, ad differentiam notitiæ ex causis rei & per rationes acquisitæ: neque enim cognovisse simpliciter est tentasse; sed exploratione practicâ, h. e. quæstionibus & responsionibus, & experimentis, ad rei sive conjecturalem sive certam cognitionem pervenisse. Subjungitur, *causare in se vel in alio hanc notitiam*, propter finium diversitatem: *in alio*, propter Deum, qui nullam in se novam gignit notitiam, cum sit omniscient; sed vel in illo quem tentat, vel in aliis qui animadvertere possunt: *in se* dicitur, propter hominem vel dæmonem tentantem; nam homines tentant ut sciant, Dæmones ut magis sciant ad quæ vitia procliviores sumus propensiusque inclinemus. Ad extremum, ista clausula attexitur, sive *principaliter*, sive *occasionaliter*, ad ipsorum discrimen Agentium: quia Caro & Mundus experimenta de humanæ dispositionis mentis subministrant & excitant, non ex intentione & efficienter, sed materialiter & manifestativè, ut mox videbimus; at verò Deus & homo & Satanas in suo quisque genere ex intentione experiri dicuntur, atque per se sunt causa hujus vel illius probationis. Igitur si in hoc primo actu acquiescimus, nihil est in hac Tentationis voce obliqui aut defectuosi, quia nuda est experimentatio abstractivè considerata: sed quatenus ad aliquid ulterius, h. e. ad aliquem secundum actum, vergit, eatenus aut bona aut mala est

est judicanda; nimirum secundum principii rationem à quo fluit, & finis ad quem respicit.

Ut verbo dicam, Duplex est Probationis sive Tentationis Linea, Continuada & Intercisa. Continuada duplicem situm habet, Ad Dextram & Sinistram. In Continuada ad Dextram Dei tentatio est collocanda, quia semper & omnimodo à puncto ad punctum, ab extremo in extremum, h. e. à principio ad finem, bona ejus est & incriminabilis experimentatio; quia & à principio bono proficiscitur Divinæ dignationis, & ad finem bonum ducit humani profectus. E contra, tentatio Satanæ in Continuada ad Sinistram constituitur, quia semper & ubique est mala & horrenda, utpote quæ & principium pessimum habeat invidia, & finem etiam pessimum deceptionis.

*Amb. lib. 1. De
Abr. c. 8.*

Quod ad homines spectat, tentationes hominum sunt in Intercisa linea ponendæ, quia medio quodam modo se habent; sunt enim & bonæ & malæ: bonæ, si à principio bono ad finem bonum; malæ, si à malo ad malum procedant.

Ex istis tribus sunt Quinque aliæ lineæ, quæ pro tentantium numero resiliunt, remque totam absolvunt; De Dei in hominem, De Dæmonis in hominem, De Hominis in hominem, De Hominis in Deum, De Hominis in seipsum probatione; hoc modo. Quando Deus hominem probat, semper in bono ponitur, nunquam in malo: Si Dæmon hominem, nunquam in bono, semper in malo: Si Homo hominem, in bono si ad bonum, in malo si ad malum referatur: Si Homo Deum, in bono si à fide, in malo si ab infidelitate dimanet: Si Homo seipsum, in malo est, si fluat à Spiritu concupiscentiæ trahentis ad peccatum, in bono, si à Spiritu gratiæ ad experimentum & examen sui ductentis. Hactenus de notione vocis generali & prima, quatenus nihil aliud præ se fert hoc verbum Tentare quam experimentum sumere de aliquo, ut cognoscat illud.

Accedamus nunc oportet ad notionem secundam, in quantum Tentare idem est atque Decipere: hic actus secundus est, & finis, non absolutè ultimus, sed juxta ultimum, remotior paulò quàm prior, sed multò deterior; actus in se culpabilis & defectuosus, non tam pertinens ad essentiam tentationis quàm ad malitiam. Etenim ut experimentatio & cognitio sunt de esse ipsius, ita sollicitatio ad malum & deceptio sunt de malè esse. Sit igitur de hac notione Hæc Propositio,

Tentatio in notione secunda fallendi & seducendi artem denotat: & tamen si in bonam partem quandoque sumatur, respectu habito ad notionem primam; attamen ex respectu ad hanc secundam, inclusive loquendo, in malam semper partem accipitur: & hæc est ipsius usitata ex loquendi consuetudine nata significatio, ut Tentare nil aliud sit quàm ad peccatum impellere. In Propositionis minutis explicandis hærare non est opus, quia ex se claræ sunt, & ex illis spatia apparent quibus à prior membro hoc posterius distinguitur. Juxta illud Tentare idem est atque probare, explorare, experiri; juxta hoc, est fallere, imponere, ludificare, irretire, fallacias & præstigias texere: illud ad examen prospicit, hoc ad dolum & ludibrium; illud ad Logicum & Philosophum propriè pertinet, ut Egidius loquitur, hoc ad Theologum: illud pro habitu & dispositione tentantis, aut bonum aut malum potest esse, quia probat Deus piè & justè, diabolus malè & flagitiosè, homines utroque modo, aliquando licitè, aliquando perperam; hoc nunquam non est malum & causa malorum, & mali corvi pessimum ovum. Illud à Sanctis Patribus *Tentatio probationis* dicitur, & est sollicitatio hominis ad aliquid perpetrandum adversus legem Dei, & salu-

*l. 2. d. 21 dub. 2.
Laurali.*

salutem animæ suæ. Sic & à Scholasticis & Patribus ferè definitur. Cassiodorus in Psalmos, *Tentatio est assimilatio boni ad fallendum.* Quòd *assimilationem* boni dicit, non de bono Morali solo est intelligendum, sed de bono Metaphysico, quia extendit se ad-assimilationem veri non minùs quàm boni; & non tantùm est seductio quantum ad mores, à non bono sub specie boni, sed etiam quantum ad fidem, à non vero sub specie veri. Sicut enim se habent in operabilibus bonum & malum, ità in speculabilibus verum & falsum; & sicut Voluntatis licitum & illicitum sunt bonum & malum, ità licitum & illicitum Intellectus sunt verum & falsum. Eapropter aliorum Doctorum Definitiones sunt magis generales, Hugonis illa, *Tentare est callidè experiri in re quacunque, & quasi blandis conatibus probare;* & illa Chrysologi Ser. 71. *Tentatio est species fallens, quæ prospera in adversis, adversa occultat in prosperis, humanamque ignorantiam dolosos inducit in lapsus;* & ista etiam Durandi in 2 Sent. D. 21. q. 2. *Tentatio est motus vel actus natus inclinare hominem ad aliquod illicitum;* denique & Altfiodorensis, l. 2. Tract. 3. *Est intentio precipitandi hominem in peccatum per insidias, vel aliam aliquam causam aut occultationem.*

Ex quibus omnibus junc-tis Dux sunt Proprietates quæ naturam pravæ tentationis constituunt, Intentio experiundi, & Intentio decipiendi, sive ad peccatum trahendi.

Ex ipsa natura vocis prior fluit, posterior ex usu & arbitrio loquendi: amba si jungantur, sequitur ut duo tantùm sint Agentium genera quæ propriè possunt in tentantium numerum devenire, Diabolus & Homo, quia in illis solis Proprietates amba conveniunt: quippe quòd homines tentant ad cognoscendum semper, & sæpe etiam ad decipiendum, diabolus ad cognoscendum sæpe, ad decipiendum semper. In duabus igitur istis ipsa Tentationis quidditas & essentia consistit, & tam necessariò, ut nec ad Carnem, nec ad Mundum, nec ad ipsum Deum, Tentantis nomen propriè possit accommodari: non ad Carnem & Mundum, propter primæ Proprietatis defectum; non ad Deum, propter incongruitatem utriusque.

Proprietas prima hæc est, Ut ipse qui tentat hoc ipsum in intentione habeat, experimentum de tentato sumere. Per hanc, inquam, Proprietatem excluduntur Caro & Mundus, ut propriè Tentantium rationem non habeant, quia nulla est eorum intentio experimenti sumendi de bonitate vel malitia voluntatis, sed tantùm agunt aliquid, quo factò tentamur, tentatique cognoscimur; impugnantque homines, sicut in bello milites, non ut cognoscant, sed ut vincant. Hinc est quòd in Sacris Literis, etsi de tentationibus Diaboli sæpenumero nos moneat Divina Lectio, at Carnis & Mundi aut nulla est aut rarissima mentio: *curas mundi lego, & divitiarum seductionem,* quæ suffocant, verbum Dei, Mar. 4. 19. *spiritum mundi, & cupiditates mundi, & pollutiones mundi,* quibus implicati superamur, 1 Cor. 2. 12. Tit. 2. 12. 2 Pet. 2. 20. at *Tentationem mundi* disertè & in terminis non lego, sed tacitè tantùm & per insinuationem subindicatam, & non nisi semel, 1 Joan. 2. 16. *Quicquid est in mundo, cupiditas carnis, libido oculorum, & fastus vitæ, non est ex Patre, sed ex mundo.* Similiter & quantum ad Carnem, ex Scripturis opera carnis audio, Gal. 5. 19. & *cupiditates carnis,* 2 Pet. 2. 18. & *carnem sequi,* 2 Pet. 2. 10. & *carni seminare,* Gal. 6. 8. & *carni occasionem dare,* Gal. 5. 13. & de pugna Carnis adversus Spiritum, vers. 17. at *Tentationem carnis* explicite sic dictam nisi semel non memini me legisse, nimirum apud S. Jacobum, cap. 1. ver. 14. *Unusquisque tentatur dum à propria cupiditate abstrahitur*

in 2. d. 31. dub. 1.
L. 1. et 2.

bitur & inescatur. Hæc, ut opinor, est ratio, quia non per se & propriè tentant Caro & Mundus, sed impropriè & secundùm quid: *Caro subjektivè*, ut Albertus loquitur, *quia in Carne, ut in subiecto, est motus natus inclinare voluntatem ad delicias suas; Mundus objectivè, quia in mundo, ut in objecto, est motus natus attrahere voluntatem ad suas*: Adhuc, Caro elicitivè, quia scomes est peccati; Mundus occasionaliter, quasi publicum vanitatis theatrum, vel, ut Agidius loquitur, *offensivè, quia ostendit nobis objecta varia per qua trahamur ad peccandum, nunc objecta delectabilia, ut alliciamur ad aliquod malum, nunc terribilia, ut retrahamur ab aliquo bono*. Postremò, utrumque materialiter, quia causas tentationum subministrant; utrumque instrumentaliter, quia carne & rebus mundi diabolus tanquam organis & instrumentis utitur, quibus nos à tramite virtutis deducat. Quod pulchre est à S. Bernardo explicatum, in Meditationum cap. 15. *Proprio, inquit, nos cadit diabolus baculo, & manus nostras proprio cingulo ligat, ut caro & mundus, qua data sunt nobis in adiutorium, fiant in ruinam*. Dicuntur igitur tentare, juxta generalem & largam vocis intelligentiam, primò, quia omnis qualiscunque ad malum inclinatio est in sensu laxo tentatio; non solum si sit activa, sed etiam si sit passiva impugnatio pietatis, tentatio est, sive sit ab intrinseco principio, scilicet à carne, sive ab extrinseco, id est à mundo: deinde, quia ex ipsis virtus & infirmitas mentis cognoscitur, dum ad titillationem aut pulsationem carnis & mundi experimentatio sequitur. Veruntamen præcisè & strictè loquendo, quia nulla est mundi & carnis ad experimentum sumendum intentio, propterea concludunt Scholastici, ea, nisi impropriè, in tentantium numerum recensenda non esse, quia prima propriè dictæ tentationis proprietas deest. Ex adverso, proprietas utraque obstat nè Deus dicatur tentare, propriè loquendo; in utraque aio esse impedimentum.

In prima, quia nihil est Deo incognitum, nihil dubium, de quo per tentationem experientiam hauriat. Hinc fit ut inter Scholasticos aliqui ad definitionem tentationis à Thoma & aliis traditam novam clausulam annectant; cum enim dicitur, *Tentare est experimentum de aliquo sumere, ut aliquid sciatur*, addit Gabriel, *ut sciatur aliquid prius incognitum*, quia Deus omnia novit antequam fiant, nec de novo scire aliquid potest: & quando hominem probat, non ad cognoscendum agit, sed ad cognoscere faciendum, causando scilicet notitiam & experientiam non in se, sed in aliis. Cum igitur Tentare sit experimentum de aliquo sibi ignoto verbis aut factis sumere, cumque nihil sit Deo inexpertum, qui omnia novit antequam fiant; sequitur ut non nisi impropriè tentare dicatur, propter incongruitatem proprietatis primæ.

Porro & quantum ad secundam: nam sicut prima postulat ut sit intentio cognoscendi, ita secunda ut sit animus fallendi & nocendi; quod horrendum esset de Deo cogitare, cujus actus singuli sunt summè boni, & nullus defectuosus. Exinde est quòd S. Jacobus à Divina natura temptationis opus abstrahit, cap. 1. ver. 13. *Nemo cum tentatur dicat, A Deo tentor; nam Deus tentari malis non potest, nec quemquam hominem tentat*; hoc est, interpretante S. Augustino, *Neminem ad aliquod malum aut illicitum impellit, neminem probat ut fallat*. Et hinc est etiam quòd S. Ambrosius non dubitat discrimen manifestum statuere inter tentandi & probandi vocabula, in 1. Libro de Abraham Patriarcha cap. 8. Et in 2. Cor. 13. in illa verba, *VOSMETIPROS TENTATE SI ESTIS IN FIDE, IPSI VOS PROBATA*; *Pertentationem hic, inquit Ambrosius, probationem voluit Apostolus intelligi, quia omnis probatio tentatio est, non tamen omnis tentatio probatio*:

si enim Deus tentare dicitur, probatio est; si autem diabolus, qui evertere nititur, tentare dicatur, veri nominis tentatio est; quia verus quis probatur, tentatur autem compositis & fictis. Quod si hoc ad discriminationem non sufficiat, accipitote paucis, ut pro tempore libare potui, ex aliis Patribus discrimina singula ad sex Classes redigenda.

Inprimis Modo distinguuntur. Nam Deus quando probat, etsi velut inimicus videatur, est tamen in eo actu amicissimus; *Incipit à vinculis ferreis, ut Augustinus loquitur, sed finit ad torquem auream, ut in Josepho videre est: At diabolus in tentationis actu, cum sit inimicissimus, amicum se prætexit; apparet agnus ut fortes comprimat, & ut spirituales defraudet transfiguratur se in angelum lucis.*

Solil. c. 17.

Secundò, Distinguuntur Mediis. Deus instrumentis bonis utitur, dicente Augustino, *Per homines bonos, tanquam ministros suos, agit omne quod bonum est; diabolus per homines malos, tanquam satellites suos, exercet omne quod malum est.*

Scr. 85. De tempore.

Tertiò, Quantum ad Mensuram. Deus servos suos probat secundum vires suas, media viribus attemperans, tantum mittens quantum potest quisque ferre, 1 Cor. 10. 13. *Fidelis est Deus, qui non sinet vos tentari supra id quod potestis, nec quantum ad pumerum & molem, nec quantum ad pondus: At diabolus, si ei permissum fuerit, multiplicare solet spicula, frequentare vulnera; ut de S. Job. Ambrosius loquitur, Tela congeminavit, fecitque ut nuntius post nuntium ingrueret.*

l. 4. in Luc. 6.

Quartò, Quantum ad effectum & exitum. Deus probat efficaciter, & operatur id ipsum quod faciendum ex tentatione instituit: At diabolus sæpe ausus excidit, quia suadere potest, non cogere; nec extorquere consensum, sed petere: hinc sæpe illuditur, & *vulnere suo contra se armat quem debilitandum putavit, ut scitè Ambrosius.*

l. 1. De Panit. c. 12.

Quintò, Quantum ad Subjectum. Deus servos suos potissimum probat: Diabolus eos præcipue quos pro hostibus ducit. Gul. Parisiensis est observatio, *Diabolus probat & reprobatur, Deus probat & approbat; nec non & S. Ambrosii, Probatus sibi Deus tentat, inquit; unde S. David dicit, Proba me, Deus, & tenta me, Psal. 26. sic ipsum S. Abrahamum probavit antè, & tunc tentavit, nè si antè tentaret quam probasset, gravaret.*

De Abr. Patriarcha l. 1. c. 8.

Ad ultimum, quantum ad Finem & Cujus, & Cui. Quantum ad Finem Cui, tentat Deus ut faciat nos nobis ipsis cognitos, non ut ipse de nobis aliquid cognoscat: Diabolus & ut ipse sciat quid in nobis sit, & ut nos nobis occultet & incognitos faciat; quia sæpe accidit, inquit Augustinus, *ut sibi homo sit ignotus, quid ferat quidve non ferat nescius; aliquando præsumens se ferre quod non potest, aliquando desperans se ferre quod potest: accedit tentatio quasi interrogatio, & invenitur homo à seipso, qui latebat & seipsum, sed artificem non latebat.* Quantum ad Finem Cujus gratiâ, diabolus tentat ut subruat, Deus ut coronet; Deus ut probeat, corrigat, ut emendet & erudiat, diabolus ut seducat & decipiat; ille ad nocumentum, Deus ad documentum, ut specimen virtutis edatur, ut fidem exerceat. *Est Tentatio probationis, inquit Augustinus, & secundum hanc tentat nos Deus; & est Tentatio deceptionis, & secundum hanc tentat nos diabolus. Est Tentatio probans fidem, quâ Deus tentare dignatur; & est Tentatio adducens peccatum, quâ Deus neminem tentat; quia repugnat naturæ Dei, qui nec falli potest, quia est summè sapiens, nec fallere, quia est summè bonus.* Quod si Generaliter accipiat, Tentatio est omne id quod nos probat & sollicitat; si Speciatim, ut nunc usus invaluit, est tantum sollicitatio ad malum ex intentione decipiendi. Ergò sequitur ut inter Deum & diabolum tentantes

in Psal. 55. & in Psal. 61.

Ep. ad Conser-tium, & de blasphem. in Spiritu sanctum.

Eee

conveni-

Alenf. par. 2.
q. 101. mem. 1.

convenientia sola sit ex parte Actus & Subjecti, ut Alenfis loquitur; sed discrepantia magna est ex parte Finis, quia Dei probatio ad bonum fertur, diaboli ad malum, ut fallere possit, ac in errorem & peccatum inducere. Hac proprietas est secunda, & finis sub fine; cum finis immediatus & proximus sit Exploratio, finis ultimus est Seductio.

Hactenus de Tentationis Definitione & Proprietatibus. Superest ut ad Tentationum Genera, & per ea ad hanc Salvatoris accederem: verum ista sunt majoris ambitus quam quæ uno die possunt absolvi. Quocirca pace vestrâ in Terminum ea sequentem rejiciam; & mihimetipsi diei proximæ usuram, quæ vestra esse debuit, arripiam; & unâ cum ipsius verbi, Termini quoque definitionem hîc constituam, donec exactis Salvatoris Natalitiis occasio nova exoriatu ea redintegrandi.

LECTIO XIII.

Quadragesima jam agitur Septimaria ex qua primum hoc tentationis Domini argumentum enucleandum suscepi, & dies etiam quadragesimus ex quo postremum præclusum est mihi iter in inceptis progrediendi: atque sperabam fore ut in hebdomadam quadragenariam Jejunii Quadragesimalis sermo auspicio prospero dilaberetur, diei verbum in diem suum remittendo; sed retardavit me Tentationis amplitudo, atque etiamnum detinet, nè ad Jejunium Salvatoris prius transeam quam Tentationis, quæ in hac historia parte primas tenet, singula expedivero. Quod si plus sperato excreverit, vestræ erit benignitatis, materiâ efflagitante, non longitudinem eam interpretari, sed copiam. *Iniquum est, inquit Plinius, in rebus magnis plus nimio studere brevitati, nè ex dicendis aliquid fortasse transeat; quod non est brevitatis, sed pravaricatio.* In argumento angusto si quid accersitum fuerit, si quid à causa alienum; longissima erit etiam oratio circumcisa: E contra, in amplissimo, si tractator materiæ immoretur, si in opere iusto hoc quod instituit faciat, si nihil indutum fuerit, nihil devitum, non disputatio magna est, sed argumentum. Hâc lege servatâ, in re præsentî, tam nobili planèque summa, non est quoddam verear nè fortè eam excederem; imò magis timendum est nè non adimpleam, & imbecillitate potius peccarem quam viribus. Sed istis missis, revertar unde coepi, nè secundum legem meam jure reprehendar, si longior fuero in anteloquiis. Quod de hebdomadam & dierum numero dixi, utrumque ad quadragenarium decurrisset, illum ab exordio institui, hunc ab intercapedine silentii, hoc illud ipsum est quod novam jam mihi largitur ansum progrediendi. Etenim de ipso Salvatore legimus, quoddam quadragesima septimanis à conceptu (ut Sancti Patres perhibent) in utero B. Virginis portatus sit antequam in lucem ederetur; nec non quoddam diebus quadragesima à nativitate in domo Bethlemitica detentus erat antequam offerretur in templo; atque ecce nunc iisdem spatiis tentationis tractandæ tempora circumscripta quibus olim Natalitia: ut gratulari nobis possimus hunc felicissimum in consessu vestro & hebdomadam & dierum recursum; in quo, post longum intervallum, redire possumus ad id unde divertimus.

Plin. lib. 1. Ep.
20. & l. 5. Ep. 6.

vertimus. Hoc ut vobis in mentem veniat, non opus est ut rem totam à fonte commemorando renovemus. Brevi sic habetote.

De versùs parte ultima nunc agitur, quæ Finem itineris in desertum, & certaminis Qualitatem in se complectitur, in illis verbis, *Ut tentaretur à diabolo*. Hanc ego partem in duas Speculationes distributam dedi, Historicam & Theologicam. Historica in Diversitate vocum consistit: in Quæstionibus eventilandis Theologica.

Quæstiones quas proposui quatuor erant: duæ Principales, Cur Christus tentari voluit, & Quare hoc genere tentationis; duæ Introductoræ, Quid sonet hoc vocabulum Tentatio, & Quæ sint ejus Species ac Differentiæ. De Natura & Proprietatibus suprà audivistis. Nunc superest ut Species & Differentias percurram; & per Species ad Differentias, per Differentias ad Signa & Indicia dignoscendi perveniam. Sunt igitur tria hujus partis membra, Distinctio, Discriminatio, & Dijudicatio tentationum.

Primum membrum in Distinctione ponitur, in quo de Tentationū Modis sive speciebus agendum est: neque enim multum interest sive Modos, sive Genera, sive Species appellemus, quoniam ad accuratam distributionem vix redigi queat tam numerosa propago; cum possit habere diversa nomina una eademque tentatio pro diversitate & Finis ad quem tendit, & Subjecti cui imprimitur, & Gradus quò pertingit, & Efficientis à quo contorquetur.

Inprimis respectu Finis distinctio illa est omnium prima & latissima à S. Ambrosio & S. Augustino tradita, quòd alia est *Tentatio Probationis*, quæ fides alicujus & obedientia exploratur, ut aliis possit esse conspicua; ad hanc præfens disputatio non extenditur: alia est *Deceptionis* sive *seductionis*, quæ semper in malum finem intenditur; nec quid aliud est quàm impulsio aut præcipitatio hominis in peccatum, sive, ut Durandus loquitur, *motus natus inclinare hominem ad aliquod illicitum*, h. e. sollicitatio alicujus ad scelus & impietatem aliquam exsequendam, sive ad perpetrandum aliquid adversus Legem Dei & salutem animæ. Sit hæc Distinctio prima.

Secunda est respectu Subjecti. Notissima omnium est illa Divisio quæ apud P. Lombardum occurrit, in 2 Sent. Dist. 21. quòd alia sit *Exterior*, alla *Interior*. [Imperfecta est Divisio, quia datur tertia, scil. *Mixta*, diaboli, quæ nec perfecte est interior, quia non immediatè porrigit ad mentem, sed ad phantasiam.] Interior est suggestio sive motio intrinseca, quando à motore aliquo interiori invisibiliter nobis malum suggeritur sine sensibili objecto exteriori, ut cum imprimitur vel oritur ex imaginatione, intellectu, vel motiva virtute. Exterior est, quando nobis extrinsecus malum visibiliter suggeritur verbo vel signo aliquo; atque nil aliud est, quàm offensio alicujus objecti sensibilis à virtute exteriori, ut apprehendens ad peccatum alliciatur. A Gregorio verisimile est hanc distinctionem Lombardum traxisse, vel potius à Macario, qui in Ser. 42. tentationes omnes ad hæc duo capita redigit, ad eas quæ sunt *involuntariæ*, & eas quæ sunt *voluntariæ* nisi quòd in hoc à Magistro discrepet, quòd internas à nobis solis oriri dicit, externas à salutis adversario. Eique similis est illa S. Maximi, Centuriâ tertiâ, quòd *alia tentatio est ex jussu*, i. e. *juxta mentem*, *alia ex cogitatione*, i. e. *contra mentem*. Denique illa Theodoret, quòd *alia est Voluntaria*, *alia Involuntaria*, pro interioribus voluntariis, pro exterioribus involuntariis statuendo. Hæc Distinctio secunda, respectu Subjecti.

Tertia est respectu Gradus, & est à S. Gregorio posita, in l. 12. Mor. c. 11. quòd *alia tentatio sit Violenta*, quæ in mentem per repentinum eventum agitur, eamque tam subitâ invasione prosternit, ut casum suum nisi postquam ceciderit homo non videat: *alia est Tarda & subreptitia*, quæ leniter & paulatim

Hier. in Am. 1.

latim se cordi infundit, & resistentem animum leni aurâ suggestionis inficit, & vires ejus, sicut gutta lapidem, non nimietate, sed assiduitate suâ consumit. Has duas ad quatuor species Hugo à Victoria dilatat, in Ser. 89. de Institutione Monastica, Quod *alia est levius & occulta*, quando quis de malo incerto tentatur, sed leviter; *alia levius & manifesta*, quando de malo certo tentatur, sed adhuc leviter; *alia gravis & occulta*, cum graviter de malo incerto; *alia gravis & manifesta*, cum graviter de malo manifesto. Et huc etiam referre possumus tres illos gradus quibus tentationem omnem perfici S. Augustinus affirmat, l. 2. De Gen. con. Manichæos c. 14. & Ser. 44. De verbis Domini, Suggestionem, Delectationem, & Consensum, Quod idem est à B. Hieronymo observatum, tametsi verbis aliis. *Primum*, inquit, *peccatum est cogitare quæ mala sunt*; *secundum*, *cogitationibus acquiescere*; *tertium*, *opere complere*. Porro, & ante utrumque à S. Jacobo Apostolo, c. 1. vers. 14. *Unusquisque*, inquit, *tentatur dum à propria cupiditate abstrahitur & inescatur*: *deinde cupiditas postquam concepit, parit peccatum*; *peccatum vero gignit mortem*. Isti igitur sunt gradus quibus ematrescit tentatio: quia primò titillamur & movemur cogitationibus allicientibus ad peccatum, & movemur, non permovemur tamen; deinde non tantum agitur cogitatio, sed etiam voluntas flectitur & in consensum trahitur, ut jam formentur desideria mala, quibus deest sola occasio implendi; tum demum hæc ipsa desideria exeunt in actum, ut ipso compleantur opere. Propter hoc Graduum Distinctionem appellavi, quantumvis si enodare loquamur, neque ejusdem sunt ordinis gradus, neque Graduum solum est distinctio, sed Modorum. Etenim Delectatio & Consensus tentationis sunt gradus respectu recipientis, sive tentati; Suggestio, Gravitatis & Levitatis, respectu immittentis, sive tentantis: & vice versâ, quando *gravis* aut *levius* dicitur, est diversificatio Gradus; quando *occulta* aut *manifesta*, est diversificatio Modi. Illud ad impetum tentationis spectat, qui si minor fuerit, *levius* dicitur, *gravis*, si vehementior; hoc ad artes & dolum malum tentatoris, quæ si appareant, *manifesta* vocatur tentatio, *occulta*, si delitescant. Hæc distinctio tertia respectu Gradus.

Ad extremum, respectu Efficientis est illa vulgata divisio, sed è Sacra Pagina desumpta, in eam quæ est à *Mundo*, & à *Carne*, & à *Diabolo*. Sub hac divisione reliquæ eatenus comprehenduntur, ut ad eam facillimè revocari possunt. In hoc quidem omnes conveniunt, quod in eundem finem singula ferantur, ut *fallant* & decipiant, non minus Caro quàm Diabolus, nec minus Mundus quàm Caro. Tentat Caro, ut rationis judicium impediatur & pervertatur; Mundus, ut affectus hominis implicatos teneat; Diabolus, ut ad peccandum pertrahatur, & trahendo præcipitet, & præcipitando perdat: Sed distinguuntur tamen & quoad Modum prædicandi, & quoad Modum agendi.

Quod ad Modum prædicandi spectat, Mundus cum Tentare dicitur, metonymicè sumitur, vel pro hominibus mundanis, vel pro deliciis & commodis & vanitatibus mundi: & Caro etiam metonymicè, pro vitiositate quæ in hominibus regnat, sive pro impura hominis natura, quæ *pari non regenerata* appellatur. At Diaboli nomen propriè usurpatur, nec mediante tropo, unde κατ' ἐξοχὴν Tentator dicitur, 1 Thess. 5. 3. hoc est, sollicitator ad malum.

Quod ad Modum agendi sive operandi attinet, haud obscura sunt signa distinctionis; à quibus quia præsentis disputationis cursus præcipuè pendet, non erit otiosa opera in iis paulisper consistere, & ordine suo singula enarrare.

Ordo primus est tentationum Diaboli, atque modus quem in tentando tenet

net non alius est quàm suadentis, blandientis, ac ratiocinantis. Et dupliciter consideratur, *Negative*, *Positivè*. *Negative*, est quod non potest facere. Primò, Non potest in voluntatem agere, quia non est affixa organo, neque objectum ejus ab organo pendet, sed à Ratione. Secundò, Non potest directè imprimere in ipso intellectu notionem aliquam confirmando lumen intellectus agentis: atque si posset, non tamen esset facturus, quoniam contra se ageret, cùm hâc ratione quis est qui tentat meliùs dignosceretur. *Positivè*, tres sunt gradus ad quos tentationes suas exporrigit. Primò, ad Titillationem sensuum: directè potest agere in facultates organo conjunctas, applicando activa passivis; atque ità vim habet non solum sensus exteriores trahendi, sed movendi etiam sanguinem circa cor, illudque aut incendiendi ad iram, aut excitandi ad libidinem. Deinde, ad Illustrationem phantasmatum: substituere potest phantasiæ species, sive amplas & magnificas, sive horrendas & formidolosas, & falsas ei figurationes imprimere, & in vanas cerebrum imagines evocare, ex quibus formentur species ipsi menti deservientes. Tertiò, ad Deceptionem ipsius intellectus; etiam in intellectu potest agere, etsi non immediatè & ut causa proxima, at mediante phantasiâ & ut causa remota: Ratio est, quia ipse intellectus licet ab organo non pendeat quantum ad actum, at quantum ad objectum, quod quidem est phantasma intelligibile, ab organo pendet; propterea collustrando phantasmata, objicere potest intellectui rationes quamplurimas priùs ipsi non repræsentatas. Verùm quia ad cognitionem præter objectum & facultatem intelligendi requiritur etiam intentio, idcirco, sicut dixi, ulterius progredi non potest; sed liberum est homini non solum non assentire, sed nè mente quidem advertere ad illas imaginationes; quemadmodum in nostra potestate est loquentem non audire, si volumus. Hic Distinctionis ordo primus, de tentationibus Satanæ.

Proximus est tentationum Carnis: estque triplex ambitus in quo ipsius tentationes clauduntur. Nam primò, tentare dicitur *Materialiter & Subjectivè*, ut Albertus loquitur; quia est officina nequitiae, & diversorium flagitiorum, in quo finguntur & ex quo prodeunt cogitationes malæ, homicidia, adulteria, fornicationes, furta, falsa testimonia, blasphemiae, quæ coinquinant hominem, Matth. 15. 19. Rursus, tentare dicitur *Instrumentaliter*, quia hoc organo diabolus utitur tanquam jumento suo, cui insidens, nunc facit ut anima avaritiâ æstuet, nunc ut iracundiæ flammis accendatur, nunc ut ineptâ lætitiâ se efferat, ut superbiæ statu levetur, ut timore inordinatò se deprimat, ut luxuriæ labe polluat: adeoque per hoc Caro non solum est officina tentationum, sed machina. Denique, tentare dicitur *Elicitivè & Suasoriè*, per modum moventis & titillantis; non solum est machina, sed machinator & fomes peccati, unde inordinati motus proveniunt, qui voluntatem inclinant ad actus illicitos. Hos motus excitare solet interdum ex apprehensione objecti; quandoque ex qualitate organi, ut cùm ex inflammatione cordis iram, ex calefactione membrorum libidinem elicit; aliquando ex suo vitiosissimo penario eos emittit, sicut ad vivum eam describit Augustinus in libro De salutaribus documentis, c. 64. & 65. *Caro est qua animam perdit, caro qua diabolus recipit: ipsa præceps ad libidinem, improba ad petulantiam, frequens ad luxuriam, inverecunda ad fornicationem; ipsa quotidie crimen crimini superponit, & peccata peccatis, malis mala, & pessimis deteriora conjungens: voluntate est crudelè, vana, insipiens, semper ad malum prona, ad bonum excusabilis & pigerrima, velox ad mortem, ad vitam difficilis, cui exosa sunt opera lucis, & tenebrarum amantißima; quia cadere diligit, surgere negligit. Amara est illi salus, & dulcis perditio; inquieta est & impatiens, flammis Gehennæ animam circumdans, injiciens se inter germina cupiditatis*

Hier. in Am. 1.

latim se cordi infundit, & resistentem animum leni aurâ suggestionis inficit, & vires ejus, sicut gutta lapidem, non nimietate, sed assiduitate suâ consumit. Has duas ad quatuor species Hugo à Victoria dilatat, in Ser. 89. de Institutione Monastica, Quod *alia est levius & occulta*, quando quis de malo incerto tentatur, sed leviter; *alia levius & manifesta*, quando de malo certo tentatur, sed adhuc leviter; *alia gravis & occulta*, cum graviter de malo incerto; *alia gravis & manifesta*, cum graviter de malo manifesto. Et huc etiam referre possumus tres illos gradus quibus tentationem omnem perfici S. Augustinus affirmat, l. 2. De Gen. con. Manichæos c. 14. & Ser. 44. De verbis Domini, Suggestionem, Delectationem, & Consensum. Quod idem est à B. Hieronymo observatum, tametsi verbis aliis. *Primum*, inquit, *peccatum est cogitasse quæ mala sunt*; *secundum*, *cogitationibus acquiescisse*; *tertium*, *opere compluisse*. Porro, & ante utrumque à S. Jacobo Apostolo, c. 1. vers. 14. *Unusquisque*, inquit, *tentatur dum à propria cupiditate abstrahitur & inescatur*: *deinde cupiditas postquam concepit, parit peccatum*; *peccatum verò gignit mortem*. Isti igitur sunt gradus quibus ematurescit tentatio: quia primò titillamur & movemur cogitationibus allicientibus ad peccatum, & movemur, non permovemur tamen; deinde non tantum agitur cogitatio, sed etiam voluntas flectitur & in consensum trahitur, ut jam formentur desideria mala, quibus deest sola occasio implendi; tum demum hæc ipsa desideria exeunt in actum, ut ipso compleantur opere. Propter hoc Graduum Distinctionem appellavi; quantumvis si enodatè loquamur, neque ejusdem sunt ordinis gradus, neque Graduum solum est distinctio, sed Modorum. Etenim Delectatio & Consensus tentationis sunt gradus respectu recipientis, sive tentati; Suggestio, Gravitatis & Levitatis, respectu immittentis, sive tentantis: & vice versâ, quando *gravis* aut *levius* dicitur, est diversificatio Gradûs; quando *occulta* aut *manifesta*, est diversificatio Modi. Illud ad impetum tentationis spectat, qui si minor fuerit, *levius* dicitur, *gravis*, si vehementior; hoc ad artes & dolum malum tentatoris, quæ si appareant, *manifesta* vocatur tentatio, *occulta*, si delitescant. Hæc distinctio tertia respectu Gradûs.

Ad extremum, respectu Efficientis est illa vulgata divisio, sed è Sacra Pagina desumpta, in eam quæ est à *Mundo*, & à *Carne*, & à *Diabolo*. Sub hæc divisiones reliquæ eatenus comprehenduntur, ut ad eam facillimè revocari possunt. In hoc quidem omnes conveniunt, quod in eundem finem singula ferantur, ut fallant & decipiant, non minùs Caro quàm Diabolus, nec minùs Mundus quàm Caro. Tentat Caro, ut rationis judicium impediatur & pervertatur; Mundus, ut affectus hominis implicatos teneat; Diabolus, ut ad peccandum pertrahatur, & trahendo præcipitet, & præcipitando perdat: Sed distinguuntur tamen & quoad Modum prædicandi, & quoad Modum agendi.

Quod ad Modum prædicandi spectat, Mundus cum Tentare dicitur, metonymicè sumitur, vel pro hominibus mundanis, vel pro deliciis & commodis & vanitatibus mundi: & Caro etiam metonymicè, pro vitiositate quæ in hominibus regnat, sive pro impura hominis natura, quæ *pari non regenerata* appellatur. At Diaboli nomen propriè usurpatur, nec mediante tropo, unde κατ' εἶδος Tentator dicitur, 1 Thess. 5. 3. hoc est, sollicitator ad malum.

Quod ad Modum agendi sive operandi attinet, haud obscura sunt signa distinctionis; à quibus quia præsentis disputationis cursus præcipuè pendet, non erit otiosa opera in iis paulisper consistere, & ordine suo singula enarrare.

Ordo primus est tentationum Diaboli, atque modus quem in tentando tenet

net non alius est quàm suadentis, blandientis, ac ratiocinantis. Et dupliciter consideratur, Negativè, Positivè. Negativè, est quod non potest facere. Primò, Non potest in voluntatem agere, quia non est affixa organo, neque objectum ejus ab organo pendet, sed à Ratione. Secundò, Non potest directè imprimere in ipso intellectu notionem aliquam confirmando lumen intellectus agentis: atque si posset, non tamen esset facturus, quoniam contra se ageret, cum hâc ratione quis est qui tentat melius dignosceretur. Positivè, tres sunt gradus ad quos tentationes suas exporrigit. Primò, ad Titillationem sensuum: directè potest agere in facultates organo conjunctas, applicando activa passivis; atque ità vim habet non solum sensus exteriores trahendi, sed movendi etiam sanguinem circa cor, illudque aut incendendi ad iram, aut excitandi ad libidinem. Deinde, ad Illustrationem phantasmatum: substituere potest phantasie species, sive amplas & magnificas, sive horrendas & formidolosas, & falsas ei figurationes imprimere, & in vanas cerebrum imagines evocare, ex quibus formentur species ipsi menti deservientes. Tertio, ad Deceptionem ipsius intellectus; etiam in intellectum potest agere, etsi non immediatè & ut causa proxima, at mediante phantasia & ut causa remota: Ratio est, quia ipse intellectus licet ab organo non pendeat quantum ad actum, at quantum ad objectum, quod quidem est phantasma intelligibile, ab organo pendet; propterea collustrando phantasmata, objicere potest intellectui rationes quamplurimas priùs ipsi non repræsentatas. Verùm quia ad cognitionem præter objectum & facultatem intelligendi requiritur etiam intentio, idcirco, sicut dixi, ulteriùs progredi non potest; sed liberum est homini non solum non assentire, sed nè mente quidem advertere ad illas imaginationes; quemadmodum in nostra potestate est loquentem non audire, si volumus. Hic Distinctionis ordo primus, de tentationibus Satanæ.

Proximus est tentationum Carnis: estque triplex ambitus in quo ipsius tentationes clauduntur. Nam primò, tentare dicitur *Materialiter & Subjectivè*, ut Albertus loquitur, quia est officina nequitie, & diversorium flagitiorum, in quo finguntur & ex quo prodeunt cogitationes malæ, homicidia, adulteria, fornicationes, furta, falsa testimonia, blasphemie, quæ coinquinant hominem, Matth. 15. 19. Rursus, tentare dicitur *Instrumentaliter*, quia hoc organo diabolus utitur tanquam jumento suo, cui insidens, nunc facit ut anima avaritiâ æstuet, nunc ut iracundiæ flammis accendatur, nunc ut ineptâ lætitiâ se efferat, ut superbiæ statu levetur, ut timore inordinato se deprimat, ut luxuriæ labe polluat: adeoque per hoc Caro non solum est officina tentationum, sed machina. Denique, tentare dicitur *Elicitivè & Suasoriè*, per modum moventis & titillantis; non solum est machina, sed machinator & fomes peccati, unde inordinati motus proveniunt, qui voluntatem inclinant ad actus illicitos. Hos motus excitare solet interdum ex apprehensione objecti, quandoque ex qualitate organi, ut cum ex inflammatione cordis iram, ex calefactione membrorum libidinem elicit; aliquando ex suo vitiosissimo penario eos emittit, sicut ad vivum eam describit Augustinus in libro De salutaribus documentis, c. 64. & 65. *Caro est quæ animam perdit, caro quæ diabolus recipit: ipsa præcepit ad libidinem, improba ad petulantiam, frequens ad luxuriam, inveteranda ad fornicationem; ipsa quotidie crimen crimini superponit, & peccata peccatis, malis mala, & pessimis deteriora conjungens: voluntate est crudelis, vana, insipiens, semper ad malum prona, ad bonum excusabilis & pigerrima, velox ad mortem, ad vitam difficilis, cui exosa sunt opera lucis, & tenebrarum amantißima; quia cadere diligit, surgere negligit. Amara est illi salus, & dulcis perditio; inquieta est & impatiens, flammis Gehennæ animam circumdans, injiciens se inter germina cupiditatis*

cupiditatis & avaritia, vanitatis & arrogantia, ceterarumque nequitiarum. Et quid plura? sicut tinea lanam devorat, & ignis fenum ac stipulam consumit: ita caro rebellis & delicata animam consumit ac concremat. Hæc Augustinus. Hic ordo est secundus, de tentationibus Carnis.

Tertius est tentationum Mundi: estque duplex modulus quo tentationes ejus metiri possumus, Ex parte Mundi viva, & Ex parte vitiosa.

*Aug. in 1. can.
Joan. tract. 5. 9.*

*Tract. 107. in
Joan.*

*Calv. Instit. l. 3.
c. 20. §. 46.*

Pars viva & animata sunt mundani homines, sive mundi amatores. Hoc S. Augustinus observavit, Mundum non solum sumi pro cœli & terræ fabrica, sed pro ejus habitatoribus, ut domus non solum dicuntur parietes, sed inhabitantes: & quando in laude ponitur, cœlum & terra est mundus, quæ sunt opera Dei; quando in malo ponitur, dilectores mundi intelliguntur, ut Joan. 15. *Mundus quod suum est diligit; mundus vos odit, sicut me prius odio habuit:* ubi nomine *Mundi* illi intelliguntur qui vivunt secundum concupiscentiam mundi. In hoc sensu *Mundus tentare* dicitur, sive suadendo, sive blandiendo, sive incitando, sive minando & cogendo. Pars mundi vitiosa sunt Res mundi, vel à dextris, vel à sinistris: à dextris sunt objecta delectabilia, quibus allicimur ad aliquod malum; à sinistris objecta terribilia, quibus retrahimur ab aliquo bono. A dextris sunt divitiæ, potentia, honores, laus, fama, & delicæ mundi, quæ fulgore plerumque suo, & boni specie quam præ se ferunt, hominum aciem perstringunt, & blanditiis suis inescant, ut talibus præstigiis capti Deum suum obliviscantur: A sinistris sunt paupertas, probra, contemptus, fames, afflictiones, mors, & alia istis affinia; singula discrimine plenissima, sed minore tamen quam illa quæ sunt à dextris, quia *periculosior est mundus blandus quam molestus*, ut ait ad Anastasium Augustinus. Et hæc quidem omnia per se & propriè ad peccatum sollicitare non dicuntur, sive ea sint quæ timentur, sive ea quæ concupiscuntur; sed possunt & hæc castè concupisci, & illa altera prudenter & rationabiliter timeri: sed tentamenta sunt & laquei ex nequitia nostra, qui occasione arreptà à rebus per se bonis, concipimus desideria prava: idcirco earum respectu ipse *Mundus tentare* dicitur *occasionaliter*, quia materiam & occasionem tentationum subministrat; & ut Egidius loquitur, *ostensivè, per modum objecti*, quia ostendit nobis objecta illa per quæ ad peccandum trahamur. Hic est ordo tertius, de tentationibus Mundi.

Quibus sic positis, satisfactum existimo primo membro, & fortasse pluribus quam necesse fuit. Mitto igitur hanc de Distinctione disputationem, & ad alterum membrum redeo, quod Discriminationem dixi. In illo conabor, si potero, ostendere quæ sit istarum specierum pessima & gravissima tentatio: est enim hoc summum Discriminationis fastigium, neque uno verbo finiendum, quia non est unicus respectus qui tentationis gravitatem constituit, sed multiplex; & non solum ex parte Intorquentis, sed ex Occultatione, & Distantia, & Concomitantis, & Apparatu est mensurandus. Juxta hos quatuor respectus quatuor constituo discriminationis Modos, quos breviter ad quatuor Regulas revocabo.

*Cyp. De Sing.
Clericorum.*

*Leo Scr. 9. De
Quadrages.*

Regula prima fuit ab Occultatione & reticentia. Est illa tentatio pessima, quæ occultissima: ratio, quia non est adeò observatu facilis perniciēs clandestina; *Hostis occultus facilius latet*, ut loquitur Cyprianus. Quod si appareat adversarius, remedium superest, quia possumus aut fugere aut congregari; at verò si lateat, neque de fuga neque de congressu cogitatur: adeò *plus periculi est*, inquit Leo, *in insidiatore occulto, quam in hoste manifesto*. Juxta hunc sensum pejor est tentatio Carnis quam Mundi, & Diaboli quam Carnis; eò quod Diaboli tentatio occultior & testior sit quam Carnis, & Carnis quam Mundi: quia *Mundus in externos sensus & sub aspectum ipsum*

ipsum cadit; Caro tamen non cernatur, at haud difficiliter discernitur tamen; Diaboli subtilitas tanta, ut semper oculorum, sæpe animi fugiat obtutum: adeo ipse est anguis in herba, Caro anguis in sinu, Mundus anguis in manu. Secundum hanc, inquam, rationem, gravissima omnium est tentatio Satanae; gravissima, quia occultissima: nam Mundus plerumque aperto Marte nos aggreditur, & Caro, etsi secretius lateat, at manifestius urget; sed Diabolus adeo agit clanculum, ut sæpe se transfiguret in angelum lucis, ut quasi bonus & propitius familiaris admittatur. *Suadebit bonum propter majus malum, suadebit malum sub specie boni; dissuadebit bonum tanquam malum, dissuadebit malum quod pejus inducat*, ut Sarisburiensis loquitur. Hæc est de Regula prima Discriminatio prima, Quod Diaboli tentationes sunt reliquis pejores, quia tectiores.

Strif. l. 2. Polii
Gra. c. 27.

Regula secunda à Distantia trahitur. Est illa tentatio pessima quæ nobis propior est & conjunctior; neque enim sunt ullæ pejores insidiæ quàm quæ latent in simulatione officii & aliquo necessitudinis nomine; & *maxima est solertia*, inquit S. Ambrosius, *domestici hostis insidias evitare*. Ex hac estimatione, Carnis tentationes sunt periculi plenissimæ, quia ab intrinseco sunt, & per modum inclinationis naturalis: est illa nobis in intimis & de familiaribus nostris, adeo vicina animæ ac ipsa sibi. Fors est Mundus, fors Satanas, & propius licet accedat, ad sensum & phantasiam januam, at aditum animæ facere, aut se menti copulare non potest, nisi nos ei aperiamus: at verò Caro intus est inhabitans, adhæret lateri nostro, estque finitima menti, imò verò permixta; *παρ' ἡμῶν λαμβάνει τὰς ἀφορμὰς*, ut Theod. loquitur, *à nobis sumit tentandi occasiones*, & nostris nos jaculis impugnat, & è nobis ipsis vires sumit quibus nos lædat, quia est contigua, & quia contigua, importuna est, & diuturnioribus molestus nos lacerat. Cum ipsum mare temporum vicibus solet fluctuare, en Caro nostra semper exæstuat, sibi quæ ipsi tempestas est, nec unquam à motibus procellarum miserandique naufragii feriatur. Sic semper inter retia sumus, imò verò *gestamus laqueum nostrum*, ut Greg. loquitur, & inimicum circumferimus: si moveamur, nobiscum inambulat; si comedamus, unà discumbit; nobiscum nascitur, nobiscum pernoctat, efficitque ut sibi ipsi adversetur anima, seipsam prodat, sibi ipsi subornet lenocinia, & desiderii sui veneno ebria tumore proprio rumpatur. Hæc est de Regula secunda Discriminatio secunda, Quod Carnis tentationes sunt omnibus pejores, quia propiores.

Ambros. id
Rom. 1.

Theod. Scr. 9.
De Grac. affect.

Basil. tom. 27.

Tertia ex Apparatu petenda est. Apparatus est Telorum & Stratagematum. In Telis tria sunt quæ tentationis gravitatem adaugent, Aculeus, Jactus, Cumulus; si asperiora sint, si vehementius intorqueantur, si copia affluent. Ex istis Regula, Tentationes istæ sunt pessimæ quæ maximè viribus, & numero, & amaritudine intumescunt. Quæ trutinâ si examinentur, Diaboli tentationes pro gravissimis habendæ sunt: sunt ejus tela exacutiora quàm Carnis aut Mundi, & magis in mucronem fastigiata: sunt magis violenta & subitanea, contractisque ex odio alis eâ pernicitate contorta, ut ratio deliberare non possit; unde à Psalmista *sagitta volantes* dicuntur, in Psal. 91. 6. & *tela ignita* ab Apostolo, Eph. 6. 16. quia acuminata sunt, & penetrabilia sicut ignis, & flammeo vapore torrentia. Quid quod & versu undecimo ejusdem capituli *πεδός ἐστιν* vocat, hoc est, ut ego conjicio, insidias assultorias, quæ viâ compendiarîâ perstringunt & capiunt: Porro de Copia & cumulo, non desunt Mundo tentationum catervæ; *Est molendinum*, inquit August. *quod quasi rotâ tentationum circumvolvitur, tot impiis voluptatibus illecebrosâ, tot nefandis crudelitatibus furiosâ, tot erroribus & terroribus inimicâ, ut numerari vix possunt*. Habet & Caro turmas suas, quæ illas Mundi

Aug. in ser. 5.
De adventu ad
judicium, &
Civ. 1. 27.

alteras numero exsuperant, quia utitur & Mundi illecebris & suis, & Mundi tanquam suis. Si Mundi lucellis capiamur, est ex avaritia Carnis; si voluptatibus, est ex libidine Carnis; si honoribus, est ambitio Carnis; si rabie & iracundiâ, est ex impetu carnis; sic & in cæteris. Quæcunque sunt dulcedines Mundi, sunt etiam Carnis; non contrâ, quæcunque Carnis, Mundi: quia ad plura objecta se Caro extendit, invidiam, iram, hypocrisin, superbiam, avaritiam, libidinem, odium, cæteramque crabronum densam & populosam turbam. Ad eò multiformis est bestia, ut possit se in omnem speciem vertere: nunc inflammatur vindictâ, nunc ardet libidine, spe alitur, desperatione uritur, illecebris accenditur, timore turbatur, metu frangitur, luxuriâ molliuit, lasciviâ dissolvitur, solitudine fatigatur, passione conteritur: ut mirari quis possit, dicente Ambrosio, *si inter tam multas adversarias passionum vices se iustus tenere queat, cum impares simus singularum certamini.* At longè major est Diaboli Apparatus, quia sicut Caro Mundo utitur tanquam ancillâ suâ; sic Diabolus & Carne & Mundo tanquam ministris suis, & istorum adminiculo in omnes sensus influit. *Offert oculis formas illices, ut visu destruat castitatem; aures tentat oblectamentis vocum, ut sonus dulcior auditum solvat, & molliat Christiani rigorem; linguam ad convitium provocat; manus (injuris laceffentibus) ad petulantiam cadus instigat; ut fraudatorem faciat, lucra apponit injusta, ut animam pecuniâ capiat, ingerit perniciosa compendia, honores terrenos promittit, ut cælestes adimat; ostendit falsa, ut vera surripiat:* hæc omnia Carne obstetricante, & Mundo administrante materiam. Summa est, quòd diabolus nunquam militat solus: sed ut de Goliath scriptum legimus, 1 Sam. 17. quòd Armiger ejus antecedeat eum; ita habet & multos armigeros quos præmittit Satan; armiger ejus Mundus est, armigera Caro, armigeri pravi homines, quorum utitur operâ. His armigeris adjutus venit ad seminandum zizania: *seminatque in comestione gulam, in exercitatione ignaviam, in conversatione invidiam, in gubernatione avaritiam, in correctione iram, in dominatione superbiam; in corde seminat cogitationes malas, in ore loquutiones falsas, in membris operationes iniquas, omnia ope & auxilio Carnis.* Quocirca cum ita se res habeat, ut cogitationes pravas, quas concupiscentia suggerit, Diabolus excitet & duplicet, sequitur, quòd quemadmodum ea tentatio gravior quæ fit ab hoste qui de nostro contra nos roboratur; ita ea gravissima est quæ fit ab utroque. Et ex hoc, pejor tentatio Diaboli quàm Mundi aut Carnis, quia & suis telis utitur & ipsorum. Hæc est de Regula tertia Discriminatio tertia, Quòd tentationes Satanæ sunt graviores, quia & pondere & numero excedunt.

Regula quarta & postrema ducitur à Concomitante peccato. Est illa tentatio gravissima quæ cum peccato conjunctissima. Ratio Regulæ, quia longè omnium pessimum vulnus est peccati, vulnus mortiferum, quo nihil est tetrius, ut Prudentius loquitur; nil tam leprosum est aut putridum, cruda est cicatrix animæ, quæ olet ut antrum Tartari. In hac lance si ponantur, gravissima omnium sunt Carnis tentamenta. Graviora quàm Mundi, quia ex Carne Mundus trahit omne virus suum. Graviora quàm Satanæ, nam Satanæ tentationes posse esse sine peccato nostro est extra controversiam: & quia non est ullatenus in potestate nostra ea prævenire; invertere possumus, antevertere non possumus; *Non vinci in nostra potestate est, non tentari, non in nostra, sed in potestate tentantis,* ut Hieronymus loquitur: tum etiam quia non sunt actus nostri, sed ipsius; proinde neque peccata nostra, nisi delectemur in illis, aut illis consentiamus; si accedat affectus aut delectatio, tum actus nostri sunt, & in peccatum cedunt. Non igitur in se nobis sunt peccata, sed ex consequenti: at verò tentatio Carnis, ex concupiscentia

Ambrosii, Ser. 11.
in Psal. 118.

Cypriani, Ser. 2. De
Zelo & Livore.

Augustini, Communi:
sermones, f. 4.

Prudentii, hymn. 3.
peristephon.

Hieronymi, in Gal. 6.

scientia nata, semper est peccatum. Ratio ab Alensi redditur, quia cum diaboli tentationes, si non delectemur illis; non procedunt ultra cognitivam partem, & ob id non sunt necessario cum peccato: tentationes carnis sunt à parte motiva, & propterea semper cum peccato; utcumque voluntatis consensus absit, tamen si sit vel primus gradus delectationis, vel minima de malo actu cogitatio, sunt in peccato. Neque obstat quod de Involuntario dicitur, Non esse peccatum quod nulla est ex parte voluntarium: quia satis est, dicente Augustino, ad definitionem peccati, etsi non sit voluntarium opere, ut peccata actualia, quae sunt opera cuiusque voluntatis; sed si sit voluntarium origine, ut peccatum originis, quod licet non sit à voluntate ejus in quo est, sed est à voluntate ejus qui primus peccavit, tam sibi quàm posteris. Imò neque hoc totum est, nam Carnis concupiscentia non solum est voluntaria origine, sed formaliter, quia est in ipsa voluntate; & quia nihil possit esse in voluntate quod non sit à voluntate, propter 3^{am} in^{am}on, sive, ut alii loquuntur, ἀνεξαρτητον, ideo etiam est à voluntate. Hoc S. Paulus agnovit, cum hunc fomitem legem peccati vocavit, & inimicitiam adversus Deum. Hoc S. August. con. Julianum, l. 5. c. 3. quando & peccatum pronuntiavit, quia inest illi inobedientia contra dominatum mentis; & penam peccati, quia reddita est meritis inobedientiae; & causam peccati, defectu consentientis, vel contagione nascentis. Hoc melioris notæ Scholastici, ut Magistrum taceam; in hoc, inquam, saniores Scholastici acquiescunt, quòd primi motus tentationum Carnis sunt peccata, etsi more suo venialia vocitent: non sine peccato, etsi sine culpa, ut Durandus; vitia, sed non demerita, ut Media-villa; sive, ut multò meliùs Joannes Gerson, macula, non crimina. Siciple Aquinas in 2 Sent. Dist. 21. & in prima 2^a, q. 74. art. 3. ad. 2. aperte profitetur hujusmodi motus & peccata esse, licet leviora, & voluntarios esse, quia subsunt rationabili voluntati. Sic Durandus & Bonaventura quamplurimis in locis; & Altissiodorensis, lib. 3. Tract. 7. c. De Oratione, q. 4. primos motus sensualitatis esse peccata, sed venialia. Ratio redditur à Durando, l. 2. D. 21. q. 1. quia tentationes Carnis, inquit, nunquam sunt sine consensu & cooperatione nostra, neque eas mens prohibet, sicut prohibere potest. Hinc est quòd idem Durandus, in D. 24. art. 3. q. 1. distinguat inter Culpam & Vitium; & tentationem Carnis non esse sine peccato dicit, quatenus consideratur ut habet rationem vitii, non autem ut habet rationem culpa. Similiter & Richardus à Media villa, & ex eo Carthusianus, quòd in vitio & peccato sit omnis tentatio Carnis, quia à regula recta rationis discordat, estque motus ad illicitum; sed non est semper culpa, sive demeritum. Agnosco hæc esse spinosiora, at sufficient tamen ad quæstionem quæ est præ manibus demonstrandam, Has tentationes esse motus vitiosos, defectuosos & inordinatos, & propterea peccata. Eòdem recidit & illa Altissiodorensis distinctio inter motus primo-primos, & primos, quòd primi motus carnis sunt morales, & in peccato; primo-primi sunt naturales, & absque peccato: quæ revera nihil est magis ἀπορριον, si probè pensitemus. Etenim rogo, quid prius est primo? aut quæ potest esse anterioritas ubi non sunt gradus? Sed deglutiamus illud: Esto, sint aliqui motus qui priores primis sint censendi; an putas primos minùs esse naturales quàm primo-primi, aut minùs defectuosos primo-primos quàm primi? Equidem si minùs sunt in reatu quantum ad Gradum, at magis quantum ad Originem; ut magis reus qui ducit quàm qui sequitur. At verò meminisse oportuit, non jam agi de motibus animæ simpliciter, sed de motibus Carnis; nec de Concupiscibilis facultatis motibus Physicis, sed inordinatis, & tentatoris partes agentibus. In Physicis, secundi non magis sunt in culpa quàm primi, nec primi quàm primo-primi: in inordinatis & tentativis

Retract. l. 1. c. 13.

tentativis etiam primo-primos obnoxios æquè esse necesse est ac primos. Quocirca enucleatior multò est illa S. Hieronymi distinctio, in Matth. 5. inter *μάτος & wegμάτας*, sive *passionem & propassionem*, hoc est, motus primos & pro-primos: ait autem quòd prima titillatio sive cogitatio de peccato est propassio, hoc est quòd Altißiodorensi *motus primo-primus*; quòd secunda cogitatio est passio, hoc est quòd ipsi *motus primus*: & *propassio* quidem sive *prima titillatio* est culpa, inquit Hieronymus, *non crimen, quamvis nullus sit consensus. Quòd si quis consenserit, & de cogitatione affectum fecerit, de propassione transit ad passionem, & reputatur in vitium.* Hæc Hieronymus. Viden? & vitium majus aliquid putat esse quàm culpa, contrà quàm Richardus & Durandus; & ipsam propassionem, hoc est motum primo-primum, cùm de inordinatis motibus agitur, statuit esse in culpa, contrà quàm Altißiodorensis. Atque hoc ipsum idem Hieronymus distinctiùs ostendit, in Allegoriam traducens illa verba Legis Exo. 20. *Visitans iniquitatem patrum in filios in tertiam & quartam generationem.* Contendit Hieronymus, pœnales esse vitiosos omnes quotquot sunt motus, non solùm qui secundæ & tertiæ & quartæ sunt generationis, sed qui primæ: nimirum & Patrem, qui est primus motus, sive incentivum vitiorum; & Filium, qui est cogitatio peccatum concipiens; & Nepotes, qui illud opere perpetrant; & Abnepotes, qui in consuetudinem vertunt. Possunt ista sufficere de Doctorem testimoniis & sententiis dixisse.

Sed Coronidis loco unum præterea attexam insignis nominis Theologum, Gul. Parisiensem, qui egregiè & piè hanc versat Quæstionem, c. 7. De Sacram. Matrimonii. *Totus*, inquit, *exercitus Carnis, qui militat adversus spiritum, iniquus est; ergo & omnes acies exercitus ipsius; quare & prima acies, quæ est primorum motuum, & secunda, quæ est delectationum citra consensum*: & c. 15. De Sacram. Pœnitentiæ, *Latrunculos primorum, secundorum & tertiorum motuum, hoc est; cogitationum, desideriorum, delectationum, quæ sunt citra consensum, gladio persequi debemus.* Eccere, quid est gladio persequi latrunculos, nisi quòd S. Paulus dixit, *mortificare membra terrestria*, primos pruritus tentationum carnis excindere? quia sunt peccata etiam citra consensum; & propter hoc peiores tentationes Diaboli, quæ citra delectationem & consensum in peccato non sunt. Ut quòd S. Ambrosius de Ario & diabolo dixit, 1.3. de Fide, c. 3. & 1.5. c. 2. *Tolerabiliora sunt tentamenta diaboli quàm argumenta Arii, Zabulus enim verum Dei Filium fatchatur, Arius negat*; & rursus, de Diabolo & Judæis, *Pejor magistro discipulorum hæreditas, demones confitentur Christum, populus negat*; ille verbo Deum tentat, isti facto; ille dicit, *Mitte te deorsum, illi adorantur ut mittant*: Idem & nos de tentationibus Diaboli & Carnis, Pejor magistro est tentationum hæreditas; ille tentat, sed non potest cogere ad peccandum; tentatio est ab ipso, peccatum à nobis: at Caro dum tentat, peccat, & nos in illa, quia ipse *motus primus tentationis, etsi non habeat crimen, at habet maculam*, ut Gersonius loquitur; & propterea tentatio gravior, quia peccato conjunctior. Hæc est de Regula quarta Discriminatio quarta & ultima, Quòd Carnis tentationes sunt pessimæ, quia cum peccato conjunctæ.

Ordinis nunc ratio postulat ut à Discriminatione ad Dijudicationem accedam, hoc est, à Differentiis ad Modum dignoscendi; quòd membrum instituti tertium in exordiis proposui: sed temporis elapsi imperium non patitur. Quapropter si verbo unico hæc Discriminationum ampliora spatia in compendium reduxero, non ero vestræ ultrà molestior patientiæ. Summa hæc est; Audivistis quatuor esse Discriminationum lineas, ab Occultatione, à Distantia, ab Apparatu, à Concomitantis. Ex quatuor istis Discrimi-

in Luc. 4.

De Correp. proximi in 2. d. 21.

Discriminationum filis, sive lineis, duæ sunt quæ suboriuntur Complicationes.

Complicatio prima est ex duabus posterioribus lineis, hoc modo: Si peccati Adhærentiam consideremus, peior est tentatio Carnis, si Telorum cumulum & acerbiteriam, peior est Satanæ: vel, si vultis in verbis Scholastici, Mediavillam intelligo, *Carnis tentatio fortior est per comparationem ad tentatum, quia in tentatione Carnis virtus tentati debilior efficitur, & contra seipsum homo dividitur; at tentatio Satana fortior est comparatione habitâ ad tentantem, quia & fulmine & grandine nos obruit, & mole & multiplicitate.* Hæc Complicatio prima.

Secunda est ex duabus lineis prioribus, & sic se habet: Si major tentatio sumatur quoad Approximationem, major est Carnis, quia propius nobis accedere potest quàm Diabolus; si quoad Fraudem & occultandi artes & complacentiam, major est Diaboli, quia & Carne utitur adjunctice, & omnes circumstantias callet quibus magis moveat ad delectationem: & per hoc, ut Bonaventura distinguit, *Difficilius est resistere Carnis tentationibus, propter magis intrinsicam & continuam adhærentiam; sed tentationibus Satanæ, propter majorem simulationem & apparentiam boni, & propter conjunctionem suipsius cum Carne.* Quanquam, ut quod res est fatear, non facile est dictu e duobus pessimis quod pejus sit judicandum, venenum Satanæ, an Carnis toxicum; viperinus morsus Concupiscentiæ, an aculeus Diaboli serpentinus. Hæc summa est Discriminationum. De modo dijudicandi in posterum videbimus.

LECTIO XIV.

A Tentationum Proprietatibus ad Differentias, & à Differentiis ad Modos rationesque dijudicandi, via est non minùs legitima quàm prompta; quia ut à Proprietatibus Differentiæ oriuntur, ita à Differentiis Dijudicatio est haurienda. Nec reapse diversa sunt hæc tria, sed idem; nisi fortasse nominibus discrepent. Nam quod in rebus definiend s est Proprietas, hoc in distinguendis Differentia, in eligendis Dijudicatio appellatur. Quocirca quoniam de Proprietatibus atque Differentiis tentationum novissimè disseruimus, proximum est ut, juxta ordinem à me positum, de iisdem dijudicandis nunc aliquid dicamus, quò per has tandem fenestras lucis aliquid intermeare possit ad primum & principale, De Causis tentationis Christi, quæ situm investigandum. Atque revera futurus est hic saltus eò difficilior, quia nemo est, sive Veterum sive Recentiorum, qui eum præmonstraverit. Neque de cæteris adeò mirum, cum nec apud ipsos Scholasticos (quorum hæc maximè disciplina est atque professio, quique in lutoriis plus nimio solent esse curiosi vehementerque pugnaces) nec vola ejus, nec vestigium reperiatur. De Generibus tentationum multa disputant, de Gradibus aliqua, & nonnulla etiam de Discrepantiis: at de Notis & indicibus dignoscendi, quod potissimum erat dictu necessarium, vox nulla missa est, planè non attingitur. Nostrium est igitur ad hanc nos inquisitionem eò magis convertere, quia est ab ipsis prætermissa; & quia duo sunt scrupuli quantum in hac parte dubium facere possunt, idcirco ad duplicem normam hanc de Dijudicandis tentationibus disceprationem summam revocabo.

cabo. Norma prima erit De quaestione *ἡ ἐστὶν*, hoc est, de iudicando An hæc vel illa Suggestio sit tentatio. Secunda De quaestione *ὁμοίον ἢ ἐστὶν*, hoc est, de iudicando Qualis & cuiusmodi fuerit, & ad quam speciem referenda.

Exordior à prima, quæ est De modo distinguendi inter Suggestiones salutare & seductorias, ut cognosci possit num hi vel isti motus qui animam pulsant pro tentationibus sint habendi. Et iucunda est quidem atque necessaria speculatio, sed operosa & difficilis. Iucunda, propter commoditatum plurium copiam quas secum pertrahit, si, sicut probi nummularii, addiscemus quemadmodum numisma verum Divini instinctûs à falsato denario diabolicæ illusionis secerni queat. Necessariam fore non solum illa S. Apostoli monitio ostendit, *Nolite credere omni spiritui, sed probate spiritus, num ex Deo sint*, sed etiam Scripturarum loca alia, quæ sparsim de utriusque generis Suggestionibus occurrunt. De Divinis inspirationibus cum loquitur Sacra Pagina, interdicit omnibus nè aliquando resistent, *Nolite extinguere*; *Nolite contristari*: de Tentationibus autem Satanæ verba faciens, multoties imperat ut resistamus, *Resistite diabolo, & fugiet à vobis*; *Assumite scutum fidei, ut possitis omnia eius tela extinguere*. Quod si igitur hoc Discretionis Spirituum donum non adfuerit, utrinque erit, & in approbatione & in reprobatione, & in resistendo & in non resistendo, periculum; illinc, nè malos motus pro bonis deglutiamus, hinc, nè bonos tanquam malos & illusorios suffocemus. Ad extremum, est speculatio Difficilis, nodisque non paucis implicata, quia intercedit nonnunquam inter motus carnis & motus gratiæ similitudo maxima, & inter instinctus sanctos & deceptiones Satanæ sæpenumero. Est hostis *δυσδιαλῆς*, ut Sanctus Basilius loquitur, cognitu *venatusque difficilis*. Moris ipsius est, in Angelum se lucis transfigurare, & gravissima peccata sub magni alicujus boni specie suggerere, ut tinnitu & splendore artis decepti, legitimam monetam arbitremur quæ tamen est reprobata. Est igitur opus examine curioso, ut bonorum malorumque motuum vestigia valeamus discernere. Quod nescio an fieri potest per modum artis & doctrinæ generalis cuicunque casui applicabilis, ut possit regula universalis & certa statui, ad semper & infallibiliter explorandum qui motus mentis sunt verè directorii, qui tentativi. Utunque tamen quia, ut Apostolus loquitur, *Spiritualis iudicat omnia*; & quia hic verissimum est quod in alia re Aristoteles, *de istis certius experientia iudicat quàm ars, & expertus quàm artifex*; idcirco & nobis liceat, in re demonstratu difficillima & penè inexplicabili, quod ratione & experientiâ possumus in medium proferre, unicuique interea suum iudicium, ut meliora proferat, relinquentes.

De Notis & indiciiis quæritur, quibus motus animi dignoscantur, sacri à sceleratis, recti à distortis & vitiosis: An scilicet hæc vel illa Suggestio, quæ aut à mente oritur, aut ingeritur ab extraneo motore, tentatio sit dicenda; ut si sit tentatoris seducens irritamentum, sive carnis, sive Satanæ, illico regeramus; si dirigentis Sancti Spiritûs inspiratio, amplectamur avidi, magisque promoveamus. Indicia ista sive notæ à duplici fonte trahuntur, ab Actu, & Objecto.

Ab Actu prima indicia deducenda sunt. Actus genericus utrisque motibus communis est Sollicitatio sive Suggestio; quia *non est dubitandum*, dicente Augustino, Tract. 55. in Joan. *à bono Spiritu bonas suggestiones fieri, sicut à malo malas*: cum Sollicitare aut Suggestere, juxta notionem simplicem, & gratiæ opus sit & concupiscentiæ, nec minus Sancti Spiritûs quàm immundi. Ergò quantum ad hoc conveniunt: sed ab hac tamen convenientia modus dijudicandi primus exoritur; quia tria sunt in omni Suggestione consideranda, Vicinitas, Efficacia, & Titillatio sive Complacentia. Ex istis triplex emergit Distinctionis tessera.

A

A Vicinitate prima est; quia major est ad mentem Spiritus Sancti appropinquatio in inspirando, quàm aut carnis aut diaboli in seducendo. Ratio est, eò quòd, ut Gersonius & Gabriel observant, *Solum Dei est proprium illabi in spiritum nostrum; quia illabi, inquit, est substantia- liter & intimè ei coexistere per præsentialitatem & naturæ & opera- tionis, dominanter eam possidendo, & causaliter quoad omnes actus regendo: Et per hoc, Illabi duo dicit, Intimam præsentialitatem, & Plenam præsentialitatem sive dominium illabentis super illapsum; quorum si deest alterum, illapsus non est. Deo utrumque convenit, angelis neutrum: non possunt se in- timè immiscere menti per omnimodam indistantiam; non possunt domi- nanter possidere animam per plenum & absolutum dominium, & in ea quicquid volunt operari; neque possunt, ut Alensis loquitur, unire se sensibus per essentialitatem, aut eas essentialiter implere, sed solum per effe- ctum operationis, ut agens & instrumentum dicuntur esse unum in ope- ratione.* Sit sanè illud de Diabolo verissimum, Possè eum suis arti- bus clanculum se menti insinuare; at immediatè & directè non potest, nisi prodente dominam suam janitrice perfidâ, phantasiâ: tam longè abest ut in voluntatem irrepere queat, nisi ipsum nosmetipsi excipia- mus. Concedatur etiam de Carne illud alterum, Non menti solum, sed voluntati coherere eam, atque esse eam tam vicinam menti at- que ipsa est sibi: at multò tamen propior est & intimior in ope- rando Spiritus Sanctus, neque solum tam vicina, sed magis vicina & conscia tum menti tum voluntati quàm utraque sibi, & potest utri- usque penitissima non modò introspicere, sed flectere. Propterea si ad hanc regulam revocemus, non erit nullum dignoscendi argumentum, de qualitate motus judicare ex Propinquitate motoris. Hæc Tesserà pri- ma est.

Gab. l. 1. d. 8.

Gers. p. 3. tract.
de pass. an. Con-
sid. 19. et in Cen-
silogio de im-
pulsibus, c. p. 4.
Ser. de Ang.

p. 2. q. 101. num.
7. art. 2.

Secunda est ab Efficacia suggestionis; quia major est Spiritus Sancti in mentem potestas atque dominium quàm vel Carnis vel Satanæ: cum nullum habeant illa in voluntatem, renovatam præcipuè & sanctificatam, nisi extortum & precarium dominium. Incendere mentem Caro potest, everberare Satanas; determinare & quoquoque regere solus Spiritus Sanctus, tanquam motor primus, & causâ suprema, juxta perfectissimum causandi modum; agâtque, quando sibi visum fuerit, in voluntatem non tantum per modum suadentis, ut Caro & malignus Spiritus, sed per modum definiientis, eam efficaciter &, Gabrielis verbo, *inimpedibiliter* attingendo, applicando & determinando ad volendum & eligendum. Suadendo Caro pulsât, alliciendo & blandiendo Diabolus: at Spiritus Sanctus non tantum voluntatem suadet, sed perficit in voluntate id quod suadet; *nec tantum tribuit posse, sed ipsum agere*, ut S. Augustinus loquitur; nec consensum voluntatis impetrat, sed largitur & præstat; nec aditum sibi exorat, sed facit, mutando voluntatem, convertendo cor, &, ut Arauscani Concilii Canon quintus monet, *Corrigendo ipsam ab infidelitate ad fidem, ab impietate ad pietatem.* Quocirca si hæc trutinâ libremus, ex istis signum clarius mens regenerata potest ducere; quia sollicitare potest & suggerere dum tentat malus Spiritus, non con- sensum imperare: at verò Gratia inspirans non nudam significat suggestionem boni quoad intellectum, absque omni mutatione, con- sensu & desiderio voluntatis; sed eum motum significat qui volun- tatem efficaciter afficit, operando in ea inclinationem ad consensum instinctui præstandum. Hæc Tesserà secunda est, ab Efficacia opera- tionis.

Fff

Terjia

Tertia est à Complacentia; quia majori jucunditate perfunditur animus à Spiritu Sancto tactus, quàm si Carnis illecebris aut præstigiis Satanæ deceptus fuerit. Ratio est, quia cum duo sunt quæ ad Complacentiam perficiendam requirantur, vera Illuminatio & vera Dulcedo; in Spiritû Sancti affatibus utrumque reperitur: *est enim hoc ipsi familiare*, inquit D. Bernardus, Ser. 8. in Cantica, *in impulsibus suis & mentem illustrare ad agnitionem, & accendere ad amorem*. At verò à Carnis & Diaboli suggestionibus utrumque abest: non est in illis vera Illuminatio, quia occæcant animum, non collustrant, & caligine circumfundunt magis quàm lumine; non vera Dulcedo, quia, si propriè loquamur, mentem non afficiunt, sed inficiunt. Ex istis sequitur, quòd in solis instinctibus Spiritûs sit vera Complacentia, quia in iis solis verum lumen veràque dulcedo deprehenditur. Hoc nemo est qui non videt, qui nôrit quantum interfit inter amœnitates coeli & seculi, gratiæ & peccati. Fallaces sunt & ementitæ tentationum blanditiæ, suavitates Spiritûs veræ & solidæ: tumultuosæ sunt Carnis & Diaboli sollicitationes, ὁ οὐρανὸς ἔψυχῃ παρορῶντες ἃ συγχλῶντες, ut Oecumenius loquitur in S. Jac. primum, *turbantes & confundentes stabilitatem mentis*; at Divini influxus sunt omni ex parte jucundissimi, ἃ μάλα καλὰ σπασμαχοῖ ἔψυχῃ, λαμπρύνοντες νοῦτον, ἃ τὸ ἀνίστην ἐκ πομπῶντες ἡλλάσσει, *mentem stabilientes, eique pulchritudinem ineffabilem ostendentes*. Habet blandimenta sua Caro, habet Diabolus; at titillationes sunt potiùs quàm dulcedines, nec gaudia, sed lenocinia, quæ post se aculeos relinquunt; & si dulcia videantur, cum amaritudine tamen digeruntur, ut Augustinus loquitur. At gratiæ dulcedo tanta est, supra Hyblæ aut Hymetti favos, ut ad ipsam mel merum amarefcere videatur; tanta, ut per eam & animus pascatur, & *amara cuncta*, Augustini verbo, *dulcorentur*; tanta denique, ut cum se menti adjunxerit, in excessum trahit, efficitque ut sui oblita nil cogitet, aut sapiat, aut desideret præter ipsum Deum. Quapropter si in hac lance ponamus affatus Divinos & illusiones Diaboli, exsurgit specimen dijudicationis alterum, ex Sapore & suavitate; cum impossibile sit ut tam efficaciter animum afficiat dulcedo ficta & commentitia quàm deliciæ sinceræ & cœlestes. Hoc illud est quod de matre sua S. Augustinus testatur, eam dicere solitam, *discernere se posse vel ipso sapore, quem verbis explicare nequiret, quid interesset inter Deum revelantem & animam suam somniantem*; & de sanctis aliis idem asserit B. Gregorius, lib. 4. Dial. ca. 48. *Solere sanctos viros inter illusiones & revelationes quodam intimo sapore discernere, & exinde scire quid à bono Spiritu percipiant, & quid ab illusione patiantur*. Hanc igitur posui Tesseram tertiam, & prout ego auguror, maximè præ aliis manifestam: quarum tamen nullam adeò per omnia certam dicere ausim, ut in omnem eventum semper & ubique indubitatam viam præstet cognoscendi; quoniam proclive est in istis decipi, atque falsam dulcedinem veram existimare, præsentiamque non intimam, intimam, & influentiam quamlibet vehementem, efficacem & summam, nisi defæcatis sensus habeamus & probè exercitatos. Attamen quantumvis non sint usquequaque signa indubitata, at in optimo conjecturalium genere suprà collocanda, quæ si non expleant & perficiant explorandi studium, at multùm adjuvant; neque enim aliorum signorum capax est hæc disciplina. Quod in re simili Joannes Gersonius pulchrè observavit, in Decade tertia Centilogii, *Cognitionem certitudinalem super varietate impulsuum moralium & Divinalium in bonitate & malitia purè humanitus non posse haberi, neque secundum originem, neque secundum media,*

in Pf. 51.

Consej. l. 6. c. 13.

media, neque secundum finem, at cognitionem probabilem posse. Idcirco hæc sufficiant de primi generis Indiciis dixisse, nimirum de iis quæ ab Actu trahuntur.

Ordo secundus est eorum quæ ab Objecto trahi possunt. Objectum cujusvis suggestionis est vel bonum vel malum; quæ quia sub multiplici distributione cadunt, idcirco ex eorum diversitate signorum fundamentum est desumendum.

Quod ad Distributiones attinet, nota sunt omnibus & pervulgata Bonorum genera, quod aliud est revera bonum, aliud *φαινόμενον & ἀρπαρὲν* tantum; illud Philosophus vocat ἀγαθὸν εἰς ὁ αὐτοῦ, hoc αἰς τὸ ψυδ. Metaph. 5. 2. Rursus, bonum verum est duplex, bonum certum, & bonum ambiguum, de quo dubitatur an sit, etsi sit bonum; illud Philosophus vocat ἀγαθὸν ὁμολογούμενον, *bonum confessum*, hoc ἀμφισβητούμενον, id est, *bonum controversum*. Porro, & bonum certum duplicem formam induit, ἀγαθὸν καθ' αὐτὸ, & δι' ἄλλο, Eth. 1. 4. *bonum propter se, & propter aliud*; vel, ut verbis aliis, lib. 1. Mag. Mor. cap. 1. τὸ ἀπλῶς ἀγαθόν, & τὸ ἡμῖν, *bonum simpliciter, & bonum nobis*: ut bonum simpliciter & per se sit illud quod intra se habet bonitatis causam & substantiam; & bonum per accidens, sive bonum Alicui, quod in se non habet causam, sed in alio quodam ad quod ordinatur, secundum aliquod quod ex ipso sequitur. Postremo, habet & suam quoque partitionem Bonum simpliciter; est enim vel bonum ex Genere, vel bonum ex Circumstantiis, quod cap. 4. de Divinis Nominibus Dionysius vocat τὸ ἀγαθὸν ὅτι ὁ ὅλης αἰτίας, *bonum ex causa integra*, sive *bonum circumstantiationum*, quia constare debet ex omnibus Circumstantiis; alioqui si desit ex istis aliqua, si vel sit à malo principio, vel tendat in malum finem, vel transeat ad illud per mala media, ex bono fit non bonum, hoc est, malum.

Alb. in Top.

Ex hac Bonorum distributione in promptu est conicere quæ sit Malorum divisio; quia contrariorum ea est lex, ut quot modis unum dicatur, tot etiam & alterum, Top. 1. 15. Est enim Malum verum & malum apparen; & malum certum, & malum controversum; & malum simpliciter, & malum Alicui; & malum ex genere, & malum ex circumstantia. Ad extremum, quia ex natura boni & mali, liciti & illiciti ratio petenda est, sequitur ut in easdem partes sive modos licitum & illicitum sit dispartendum. Hoc illud est quod dixi Signorum fundamentum; quo sic posito, ex modis istis Regulæ discernendi fiunt, & ex regulis τεκμήρια sive γνώριμα.

Regula prima est à Bono vero & apparenti, & sic se habet; Instinctus omnis & sollicitatio Spiritus Sancti semper & ubique est de Bono, & de bono vero: Sollicitatio Carnis & Diaboli semper de Malo; aut si de bono, non de bono vero, sed ementito & apparenti. Hæc Regula, & ex hac τεκμήριον primum, quo discernatur an hæc vel illa suggestio sit tentatio. Nam si quæ suggeruntur aperte sunt mala aut scelerata, Legi Divinæ contraria, qualia sunt illa omnia, Fac quæ animo tuo allubescunt, absconditis eris à Deo, in illa populi multitudine non te discernet; Nè respicias pauperem; Non ignoscas delinquenti; Ulciscere teipsum; Ista patienter tolerare peccatum est; Genio indulge; Ede, bibe, lude, & his similia: vel à malo ea Angelo esse, vel à mali fomite, Concupiscentia, nemo est qui dubitare queat, neque instinctus eos fore, sed tentationes. E contra, si quod suggeritur sit verè & substantialiter bonum, est proculdubio à gratia Spiritus Sancti, nec quantum ad hoc est dicenda Tentatio, sed

Instinctus, quia nunquam est author aut inspirator mali. Hoc pulchrè à S. Jacobo est delineatum, c. 1. 13. *Nemo cum tentatur dicat se à Deo tentari; nam Deus malis tentari non potest, nec quenquam tentat.* Ex quibus verbis utroqueversum intentabilem Deum tore colligitur, & in passivo sensu & in activo; utpote qui nec inducere potest ad peccandum, nec induci: cum non mindus repugnat ipsius puritati malum suggerere quàm facere. Ab Anselmo ratio redditur, in libro De Concordia Prædestinationis & Præscientiæ, *Quia ad idem genus pertinent ad malum seducere, & perpetrare; perpetrare malum, & esse; esse malum, & non esse bonum; non esse bonum, & non esse omnino.* Ex quo sequitur, quod quavis omnis actio sit à Deo, at non esse bonum non est à Deo, quia non est quid, hoc est, est boni defectus & privatio, qua causam habere non potest nisi deficientem, cum tamen Deus sit tantum efficiens, non deficiens causa. Cui & illa altera annecti potest ex S. Dionysio, quod cum Deus sit fons omnis bonitatis, adeoque ipsa summa & perfecta bonitas, impossibile est ut malum sit in eo. *Θεός, ἢ ἐκ Θεοῦ, aut in Deo, aut ex Deo, ὡς ἀπὸ τοῦ, ὡς κατὰ χειρὸς, neque omnino, neque certo tempore, sed utrinque verum est, ὅτι τὸ κακὸν οὐκ ἔστι ἐκ τοῦ ἀγαθοῦ, ἢ ἐκ τοῦ ἀγαθοῦ ἔστι, οὐκ ἔστι κακόν, Si malum est, non est ex bono, & si est ex bono, non est malum.*

cap. 4. de Div.
Nomin.

De Bono apparenti planè idem est dicendum, Nullam à Spiritu Sancto in animam impressionem fieri nisi veri & substantialis boni; quia uti est suprema bonitas abhorrens à malo, ita suprema veritas ab omni falso & fucato averissimus. Quid quod est aliquid deterius in malo personato quàm simpliciter, & in malo sub specie boni quàm in habitu proprio: quia bonitas si simulatur, duplicatur. Est igitur hæc pars altera Criterii, Si bonum tantummodo apparens fuerit, ab illis solis est qui sub hac larva militant, à Carne, aut à Satana. De Carne liquet, ad malum eam seducere simulatione boni: nam malum quæ malum contra se intendere non potest, quia sub ratione illa non est appetibile, ut Gabriel loquitur. Nec non de Diabolo, quia cujuslibet boni & simulator & dissimulatur est peritissimus: præmittere solet præcursorias boni & imaginarias species; nunc efficiens ut malum existens non appareat, nunc verò ut bonum non existens appareat; ut quasi bonus & propitius familiaritè admittatur, benignitè audiat: *cumque habeat, inquit Gersonius, malignitatem apertam, at multò periculosior est sua in Angelum lucis malignitas transformata quàm malignitas aperta & tyrannica.* Summa igitur est, ut si quis possit in his impressionibus verum bonum à falso distinguere, facillimè etiam potest, & eadem operà, Instinctum à Tentatione discriminare, quia sincerè nobiscum Spiritus Sanctus agit & appetibilis, Caro & Diabolus non nisi præstigiis interpositis. Hoc primum *πρῶτον*, à regula prima, Quod Instinctus est solummodo ad bonum, & ad verum bonum; Tentatio aut ad malum in se, aut ad malum sub specie boni. Hæc de Regula prima.

l. 2. D. 34.

in Genit. Dec. 9

Secunda, quæ ab aliis Boni divisionibus emergit, hæc est, Instinctus omnis & motus Spiritus Sancti est semper non modò de bono ex genere, sed de bono integro & circumstantiato; nec solum de bono simpliciter, sed de bono nobis; opinor etiam & de bono certo; aut nunquam, aut quàm rarissimè, de bono dubio & controverso. Ex adverso, Carnis & Diaboli suggestiones in istis singulis peccant. Si sint interdum de Bono simpliciter & ex genere, at primò sunt de malo nobis, quia ad peccatum tendunt, & per hoc ad mortem. Deinde non sunt de bono integro, sed pravis circumstantiis & adhærentiis vitiato: Si enim ad bonum aliquod alliciunt, est vel ad

ad bonum per mala media, ut ad Ordines Sacros per viam pecuniariam, ad Beneficia & promotiones Ecclesiasticas per parasitationem sordidam & proditionem veritatis, vel etiam ad bonum aliquod in malum finem: ut pro regula generali habeatur, A diabolo nullum usquam provenire bonum cui non aut insit aut sublit aliquid mali. Sollicitabit ad bonum corporis, ut animam perdat; sicut Ahaziam regem ad curam valetudinis, quò per hæc vestigia adduceret ad idololatram: sollicitabit ad prudentiæ opera, ut diffidentiâ nos illaqueatos teneat; sicut olim Davidem: sollicitabit ad charitatem & eleemosynam, ut in hypocrisis & mendacium truat; sicut Ananiam & Sapphiram: sollicitabit ad jejunia & devotionis exercitia, ut fastu & ostentatione capiat; sicut in Pharisæo videre est, quem à diabolo pulsum non minùs ad bona opera quàm ad mala veri est simile, & per bona simulatæ sanctitatis ad pessimum tumoris & arrogantiae malum. Denique, quod ad bonum Dubium & controversum spectat, quia satis novit id quod ex fide non est peccatum esse, distrahare solet animum in contrarias sententias, ut hæreat pendulus inter bonum & malum, licitum & illicitum; aut si in alteram partem inclinet, in deteriorem semper: quod contrà fit in Spiritûs Sancti afflatibus; nam aut determinat mentem, efficitque ut dubitationem exuat; aut, si perplexa mens maneat, ab utroque restringit, nè utrumvis agatur; aut, si alterutrum agendum sit, ad tutiorem & meliorem partem impellit, cum sit in hoc casu consultissima B. Nazianzeni regula, *ἡ ἀμφιβολία, νικῶν τὸ φιλόδοξον, Si res sit dubia, vincat humanitas & clementia: cui affine* Or. 40. est Nicetæ illud, *χρὲς ἐκ τοῦ ἀδύτου ἵσταναι τοῦ φιλόδοξου, In dubiis vergamus oportet ad illud quod est humanius*, addo, & ad illud quod est Divinius, quia è duobus ambiguis semper tutissimum est optimum; sicut in istis quæstionibus fatendum est quæ passim de Sabbato, & Ursuris, & Consanguinitatis connubiis agitantur.

Quocirca ut finem aliquando statuam huic secundæ regulæ, videtis quò spectat, & quorum hæc omnia dicuntur: equidem in hoc unum, ut ex istis Τετμήσεων alterum habeatur. Nam si ad bonum Integrum & ad bonum Nobis inspiratio quælibet Sancti Spiritûs referatur; Diaboli & Carnis suggestiones contrà, aut ad bonum mutilum, aut ad bonum non nobis bonum, aut ad bonum dubium, aut ad bonum per mala media atque in malum finem: sequitur necessariò, ut qui inter hæc possit appositè secernere, non longè aberit à sollicitationibus istis discriminandis, ut definire possit quæ sit Tentatio, quæ Inspiratio appellanda. Hæc de Regula secunda, adeoque de prima Speculationis parte, quæ est de Modo distinguendi inter Suggestiones salutaris & deceptorias.

Ad secundam nunc propero, juxta illam Philosophi legem, Poster. 2. cap. 1. *ἡ γνώμη ἐν ἧτι, τί ἐστὶ ζήτησις, cum novimus rem esse, quarimus quid sit*. Edocti igitur de quæstione prima, An hæc vel illa Suggestio sit Tentatio, videamus de secunda, *ὅμοιον ἢ ἕτερον, de judicando Qualis & cuiusmodi fuerit Tentatio omnis*; & ad quod caput, five Carnis, five Mundi, five Diaboli, sit referenda. Et est quidem hæc non tam necessaria atque superior, at fortasse magis ardua. Non tam Necessariam aio, sed necessariam tamen, propter multiplicem & assiduum hujus institutionis usum; ut cognoscamus quid ex se solis salutis hostes agant, quid conjurati & sociati viribus; quidque sit ipsorum in singulis tentationibus dicendum, & quid nostrum. Deinde verò magis Arduam dixi, non quidem in singulis, sed in ultima ipsius parte, quæ mox sequetur: etenim inter Diaboli & Spiritûs Sancti motus faciliior est distinctionis ratio, quia ad bo-

Instinctus, quia nunquam est author aut inspirator mali. Hoc pulchrè à S. Jacobo est delineatum, c. 1. 13. *Nemo cum tentatur dicat se à Deo tentari; nam Deus malis tentari non potest, nec quenkum tentat.* Ex quibus verbis utroqueversum intentabilem Deum tore colligitur, & in passivo sensu & in activo; utpote qui nec inducere potest ad peccandum, nec induci: cum non mindus repugnat ipsius puritati malum suggerere quàm facere. Ab Anselmo ratio redditur, in libro De Concordia Prædestinationis & Præscientiæ, *Quia ad idem genus pertinent ad malum seducere, & perpetrare; perpetrare malum, & esse; esse malum, & non esse bonum; non esse bonum, & non esse omnino.* Ex quo sequitur, quòd quamvis omnis actio sit à Deo, at non esse bonum non est à Deo, quia non est quid, hoc est, est boni defectus & privatio, quæ causam habere non potest nisi deficientem, cum tamen Deus sit tantum efficiens, non deficiens causa. Cui & illa altera annexi potest ex S. Dionysio, quòd cum Deus sit fons omnis bonitatis, adeòq; ipsa summa & perfecta bonitas, impossibile est ut malum sit à eo. *Θεὸς, ἢ ἐκ Θεοῦ, aut in Deo, aut ex Deo, ὡς ἀπὸ τοῦ, ὡς κατὰ χειρὸς, neque omnino, neque certo tempore; sed utrinque verum est, ὅτι τὸ κακὸν οὐκ ἐστὶ ἐκ τοῦ ἀγαθοῦ, ἔτι ἐκ τοῦ ἀγαθοῦ ἐστὶ, οὐκ ἐστὶ κακόν.* Si malum est, non est ex bono, & si est ex bono, non est malum.

De Bono apparenti planè idem est dicendum, Nullam à Spiritu Sancto in animam impressionem fieri nisi veri & substantialis boni; quia uti est suprema bonitas abhorrens à malo, ita suprema veritas ab omni falso & fucato averissimus. Quid quòd est aliquid deterius in malo personato quàm simpliciter, & in malo sub specie boni quàm in habitu proprio? quia bonitas si simulatur, duplicatur. Est igitur hæc pars altera Criterii, Si bonum tantummodo apparens fuerit, ab illis solis est qui sub hac larva militant, à Carne, aut à Satana. De Carne liquet, ad malum eam seducere simulatione boni: nam malum quæ malum contra se intendere non potest, quia sub ratione illa non est appetibile, ut Gabriel loquitur. Nec non de Diabolo, quia cuiuslibet boni & simulator & dissimulatur est peritissimus: præmittere solet præcursorias boni & imaginarias species; nunc efficiens ut malum existens non appareat, nunc verò ut bonum non existens appareat; ut quasi bonus & propitius familiaritè admittatur, benignitè audiat: cumque habeat, inquit Gersonius, *malignitatem apertam, at multò periculosior est sua in Angelum lucis malignitas transformata quàm malignitas aperta & tyrannica.* Summa igitur est, ut si quis possit in his impressionibus verum bonum à falso distinguere, facillimè etiam potest, & eadem operâ, Instinctum à Tentatione discriminare, quia sincerè nobiscum Spiritus Sanctus agit *ὡς ἀγαθὸς πατήρ*, Caro & Diabolus non nisi præstigiis interpositis. Hoc primum *πρῶτον*, à regula prima, Quòd Instinctus est solummodo ad bonum, & ad verum bonum; Tentatio aut ad malum in se, aut ad malum sub specie boni. Hæc de Regula prima.

Secunda, quæ ab aliis Boni divisionibus emergit, hæc est, Instinctus omnis & motus Spiritus Sancti est semper non modò de bono ex genere, sed de bono integro & circumstantiato; nec solum de bono simpliciter, sed de bono nobis; opinor etiam & de bono certo; aut nunquam, aut quàm rarissimè, de bono dubio & controverso. Ex adverso, Carnis & Diaboli suggestiones in istis singulis peccant. Si sint interdum de Bono simpliciter & ex genere, at primò sunt de malo nobis, quia ad peccatum tendunt, & per hoc ad mortem. Deinde non sunt de bono integro, sed pravis circumstantiis & adhærentiis vitiato: Si enim ad bonum aliquod alliciunt, est vel

ad

cap. 4. de Div.
Nomin.

l. 2. D. 34.

in Genes. Dec. 9

num alter semper invitat, alter ad malum, quæ inter se contrariantur, inter Diaboli & Carnis difficilior, quia utriusque tentationes in malo terminantur, & discriminabilis multo est à malo bonum quàm à malo malum. Hoc in sequentibus constabit, si conferamus tentationes ipsas, & singulas consideratè atque apertè, junctis & alternis rationibus, committamus. Comparationis Terminis tres sunt, Ordines sive gradus sex, ex alternatione seipsam parte qualibet conduplicante.

Sex istos Ordines ego brevitatè studio ad tres Regulas revocabo: in quarum prima de Tentatoribus Complicatis agam, in reliquis de Abstractis & segregatis, atque in prima De tribus junctis, in secunda De uno solo, in tertia De duobus contradistinctis tractabitur.

De tribus junctim Regulam primam sic instituo, Sunt quædam tentationes & Mundi & Carnis, ut cum Caro tentat mediantibus mundi vanitatibus atque deliciis, aut homines mundani, occasione arrepta ex infirmitate Carnis: Sunt quædam & Mundi & Diaboli, ut cum mundi sive hominibus sive deliciis Diabolus utitur tanquam instrumentis, eosque ut prodromos præmittit ad majorem gratiam aucupandam: Sunt quædam & Diaboli & Carnis, quæ quamvis ex Concupiscentiæ motu aliquatenus pullulant, at non antè quàm ex impulsu Diaboli concitantur & evocantur. Ad istas distinguendas indicia non sunt exigenda, quia operâ sociatâ sunt & consortio partium: nisi placet ut hoc unum adjiciatur, Quòd in iis quæ sunt Mundi & Carnis, interdum Caro est pars prior & principalior, interdum Mundus; Mundus, si homines tentent, Caro, si seipsam ad res mundi convertat: at contrà, in iis quæ sunt Diaboli & Mundi, aut Diaboli & Carnis, Diabolus semper prior est & in excitando & in ducendo; Caro & Mundus sunt sicut pedissequæ, subservientes ipsius commentis & inventiunculis. Hoc cognito, de istis alia non desideratur inquisitio; quia ubi duo aut tres consortes fuerint, non querendum est quis solus, sed quis prior & principalior fuerit. Hæc igitur est Regula prima, De tribus junctis.

Secundâ sequitur, De uno solo, hoc est, de Mundi tentationibus solis, quæ sic se habet, Sunt quædam tentationes solius Mundi, ut cum homines perditæ & corruptores morum id moliantur, ut imperitos possint consiliis suis & invitamentis à via sive veritatis sive pietatis abducere. Salomon in Proverbiis ita accuratè expressit, ut nihil posset suprâ; neque enim vultus solum, sed animum & verba protulit, cap. 1. ver. 10. *Fili mi, si te lætaverunt peccatores, nè acquiescas eis: si dixerint, Veni nobiscum, insidiemur sanguini, insidiemur innocenti absque causa, deglutiamus eum sicut infernus viventem; Omnem pretiosam substantiam reperiemus, implebimus domus nostras spoliis, sortem mitte nobiscum, marsupium unum sit omnium nostrum, & quæ sequuntur.* Hoc S. Paulus pluribus in locis depingit, in 16. ad Romanos, ver. 17. in 5^o primæ, & in 3^o secundæ Epistolæ, *Rogo vos, fratres, ut observetis eps qui dissensiones faciunt & offendicula, præter doctrinam quam ipsi didicistis, & declinare ab illis; quia Christo Domino non serviunt, sed ventri suo, & per dulces sermones & benedictiones seducunt corda innocentium; vaniloqui & seductores, qui universas domus subvertunt, docentes quæ non oportet, turpis lucri gratiâ.*

Ad has tentationes dignoscendas non opus est ut signa accumulèmus; Tentator generale est & unum adinstar omnium, Quòd maxima est & propriissima etiam & apertissima Mundi tentatio quæ à pravis & mundanis hominibus contorquetur: nam quæ à rebus Mundi oritur, sicut est occultior,

occultior, ita non est nisi indirecte & ex abusu nostro dicenda Tentatio. Sunt hæc omnia in confesso, & ex se lucida; & tamen ut possint esse lucidiora, necessarium est ut duplex accedat Supplementum. Primum est, Quod inter tentationes hominum illa est indignoscibilior quæ à veritatis nos tramite avocat quàm quæ à pietatis. Ratio est, quia vitiorym vultus notior est quàm errorum; & morum corruptelæ magis ex quotidiano usu cognitæ quàm fidei. Porro & numerus magis definitus & certus, cùm errorum & hæresium in dies singulos nova seges succrescat; novum scelus, quod non prius perpetratum fuerit, vix possibile est excogitare. Hoc igitur est Supplementum primum, de Erroribus & vitiis.

Secundum est de Hominibus ipsis, Quod inter tentatores homines indignoscibiliores sunt qui autoritate & eruditione, aut sanctitate & donis aliis antecellere videntur, quàm illi qui aperte mali sunt & prostituti. Ratio est, quod hosce quidem ut conclamatos & famigeratos ex se omnes defugiunt, illos alteros, ut probæ fidei viros, nemo est qui suspectos habet. Hoc de Constantio imperatore B. Hilarius egregie & observavit & scripsit, in libro quem adversus eum composuit: produco locum, quia est insignioris notæ. Audite verba, & à me dicite ea esse conficta. Ibi sic Deum Patrem per Apostrophem alloquitur: *Si, inquit, pugnaremus in palam contra negantes, contra torquentes, contra jugulantes, cum fiducia id faceremus, & nos populi tui, tanquam duces suos, ad Confessionis religionem intelligentiâ persecutionis publicæ comitarentur: at nunc pugnamus contra persecutorem fallentem, contra hostem blandientem, contra Constantium Antichristum, qui non dorsa cedit, sed ventrem palpat, (animadvertite obsecro, qui non dorsa cedit, sed ventrem palpat;) non proscribit ad vitam, sed dat in mortem; non tradit carcere ad libertatem, sed intra palatium honorat ad servitutem; non latera vexat, sed cor occupat; non caput gladio desecat, sed animam auro occidit; non ignes publice minatur, sed gehennam privatim accendit; non contendit nè vincatur, sed adulatur, ut dominetur; Christum conficitur, ut neget; unitatem procurat, nè pax sit; hæreses comprimit, nè Christiani sint; Sacerdotes honorat, nè Episcopi sint; Ecclesiæ teclæ struit, ut fidem destruat. Te in verbis, Domine, te in ore circumfert, & omnia omnino agit, nè tu ut Deus, ita Pater esse credarius.* Hæc ille, & mente & voce aureâ: Qui tamen nè solus in hac sententia putetur, audiamus Lyrinensem Vincentium, qui in suo hoc sæpius Commonitorio inculcat, non solum de impio Photino & Nestorio, sed de vitæ sanctioris viris, Origene & Tertulliano, id non veretur prædicare, Maximas eos fuisse in Ecclesia Christi tentationes; & ob id potissimum, quia ex ingenio, & eruditione, & sanctitate summa, erroribus suis auctoritatem aliquam conciliarunt. *Et profecto, inquit cap. 15, magna est tentatio, cùm ille quem tu prophetam, quem prophetarum discipulum, quem doctorem & assertorem veritatis putes, quem summâ veneratione & amore complexus sis; si is subito latenter noxios inducat errores, quos nec cuiù deprehendere valeas, dum antiqui magisterii duceris præiudicio, nec facile damnare fas ducis, dum magistri veteris præpediris affectu: & cap. 23. Verè in Ecclesia non solum tentatio, sed magna est tentatio populi error Magistri, & tanto major tentatio, quando ipse est doctior qui errat, qui admiratione ingenii, scientia, eloquentia, conversationis & gratia, nihil de se suspicantem, nihil verentem populum à veteri religione in novam profanitatem sensim paulatimque traducas.* Hæc ille, appositissimè ad institutum nostrum, ad secundi scil. Supplementi evidentiam. Quo posito, τεκ-

μῆγερον non erit obscurum; Quod maxima est & compertissima seculi tentatio quæ ab hominibus Seculi obtruditur: quæ tametsi ad illos à Diabolo proveniat, at ad nos non descendit nisi per illos, & solius Mundi tentatio est dicenda. Hæc est Regula secunda, De tentationibus Mundi seorsim consideratis.

Postrema est De tentationibus Carnis & Diaboli ut contradistinctis; atque hæc est quæ sequitur: Sunt quædam tentationes solius Carnis, quædam solius Diaboli, sed illæ tam subdole & artificiosè intertextæ, ut vel oculatissimo & sagacissimo homini vix in promptu sit aut odorari aut conjicere è quo fonte scaturiunt. Sunt tres Regulæ partes, duæ in propatulo, tertia à nobis, si fieri potest, in lucem proferenda.

De Eccl. Dogm.

Primo, Quod sunt quædam solius Carnis, præter experientiam Conscientia cujusvis attestatur, in sinu suo quemvis suum circumferre tentatorem, neque invitum confiteri, ut S. Augustinus loquitur, *non omnes cogitationes malas à diaboli instinctu excitari, sed quasdam, imò multas, ex solo arbitrii nostri motu emergere.* Hinc ancillam nocturnam, δαίμων νυκτερινῶν, Gregorius Nazian. eam appellat, quod in occultissimis recessibus occurrat nobis & obversetur, etiamsi nemo hominum, etiamsi nemo demonum nobis adfuerit. Est enim, ut Parisiensis loquitur, *fornax semper ardens concupiscentiarum flammis, semper fumans tenebrosissimis desideriorum vaporibus.*

De Tentat. & resist.

Secundo, Quod sunt quædam solius Diaboli, etiam ubi nullus Carnis impetus antecessit, utriusque Adami exemplo erudimur, & primi & secundi; hujus in Deserto, ejus in Paradiso. In utrosque Diabolus involavit, Carnis motibus nec illi prius cognitis, nec huic ullatenus aut unquam cognoscendis: quod piè est à S. Augustino observatum, de Civit. lib. 14. cap. 3. *Non omnia vite iniqua vitia tribuenda esse Carni, nè ab his omnibus purgemus Diabolum, qui complurimum est incendiarius. Ipse proximorum individuos, excitatis irarum stimulis, scindit affectus, ipse flammam accendit libidinis, ipse adolet avaritia cupiditates, ipse fomenta ministrat luxuria, ipse odia exasperat, & immodica studium ambitionis inflammat: ut jam planissimum sit, infundi ab illo solo multarum tentationum venena.*

Ambr. in Psal. 118 Ser. 16. v. 1.

Postremo, Quod sit in istis tentationibus investigatu arduum, utrùm à Carne fuerint an à Diabolo, si quis sit qui dubitet, libentissimè vellem ut rudem me discipulum exciperet, ut ea quæ inquiri doceret. Ab Aristotele, in De Repub. lib. 5. cap. 8. scire dictum est, *ὅ ἐν ἀρχῇ γινόμενον καὶ ἔν τῳ γινώσκαι ὁ τῷ πονηρῷ & ἐστὶ, διὰ τὸ ἀνδρὸς πολυπλοῦς.* Malum à principio oriens non est cujuslibet hominis cognoscere, sed prudentis & ad civitatem regendam idonei viri. Si de malis publicis verum est, cujus origines plerumque non latent, quantò magis de tentationibus, ab istis principiis tam furtivè obrepentibus, ut cautiissimus vix sentiat ventus iste unde veniat aut quò vadat? Etenim finite paulisper ut quæstionibus rem conficiam. Quis est qui exactè discernere potest inter omnes illusiones atq; inspirationes sanctas? quarum tamen istæ semper sunt vitiosæ, hæc plenissimæ pietatis; at habent eam aliquando ex subtilitate Diaboli similitudinem, ut non cuivis datum sit de iis dijudicare, & nescio an omnino alicui. Si hæc non sufficiant, quæro rursus, Quotusquisque est qui scire potest discernere inter cogitationes & affectiones suæ rationalis animæ quæ rationalis est, & illas quæ sunt animales, videlicet in Sensu communi vel Phantasia? Si inter nostras & nostras cogitationes non semper possumus distinguere, putas quòd inter ejus & nostras? imò verò, ut in sua Scala Joannes Climachus,

chus, διαδίκαιος ἔστι καὶ δικαιοσύνη. ἡ δὲ ἀνιδυμῶς πονηρία, καὶ ἀδίκους ὁρᾷ, *Dijudicatu & capm difficilis est nequitia Spirituum improborum, paucisque perspecta*, imò nullis, ut opinor, tota. Non igitur vereor dicere quòd odoratu arduum sit, aedum cognitu.

Veruntamen tamen hæc intercedat difficultas, at sunt indicia ex quibus probabilem ad minimum dijudicationem anima disciplinata queat facere. Indicia illa duplicis sunt ordinis, A materia tentationis, & A modo influendi.

Materia legem dignoscendi exhibet certiore. Si ejusmodi tentatio fuerit quæ repugnat vel lumini naturali, ut, Non esse Deum, Non esse vitam tanti ut curemus eam amplius, qui *ἀντιχρίστου* sive *Suicidii* color est usuratus, vel secundò, si Rationis dictamini repugnet & experientiæ, ut, Non esse nos mortales, vel ulla peccati labe fordidos; vel tertio, si Fidei receptæ impressionibus contradicat, ut, Non esse nos Deo curæ, neque ullatenus ad illum pertinere, Gehennam non esse aut Judicium ultimum, Commenta hominum Scripturas Sacras fore, fideique principia ficta & humanitus excogitata; vel postremò, si inclinationi naturali adversetur, genioque & temperamento, firmoque proposito & instituto, sicut fere sunt tentationes omnes vel hominis sobrii ad luxuriam & gulam, vel casti ad libidinem, vel veracis ad perjurium, vel pietatis tenacis ad desperationem & blasphemiam, vel justis & munifici ad rapinam & furtum: Has ego omnes è Diaboli officina prodire nullus dubito. Estque hoc, ni fallor, *χρῆμα* certum, à tentationis Extraneitate petitur; Si insolitum, aut inauditum, aut horrendum quod suggeritur, non aliūm patrem novit quàm diabolus ipsum. Alioqui, si sit de honore & nobilitate & immodicis opibus, aut aliis rebus Carnis desiderio magis consonis, quamvis solent etiam & isti motus à Diabolo concitari, at probabilius est eos à Concupiscentia propria oriundos; quia ipsa est pellex, quæ Rationem stimulat ad ea quæ carnis sunt & sensuum oblectamenta. Sit igitur hoc dignoscendi Modus primus, Ex materia tentationis.

Modus influendi secundum præstat, & ejus tres sunt Species; Importunitas, Subitaneitas, & Redintegratio tentationis. Si sit tentatio impeturosa & præceps, & cum vehementia quadam, ad modum fulguris vibrati, in animum videatur intrudi aut injici; deinde, si sit extemporanea & inopinata, aut ejusmodi quæ præsentibus cogitatis non respondeat, nec ullatenus cum animi cogitationibus cohæreat, aut à nuperrimè antea actis dependentiam nullam aut nexum habeat; postremò, si sit petulans & morosa tentatio, atque perfricta frontis, quæ persistit diutius, & sæpe repulsa usque & usque cum novis assultibus redit: ex his & similibus circumstantiis diabolus nobis præsentem conjicere possumus, etsi non videatur, sicut ex fumo ignem etiam latentem. E contrà, si aliquid sit præmeditatum, aut ab interveniente aliquo objecto aut ansa aut occasione stimulat ad ea quod moribus nostris & desideriis & vitæ consuetudini magis congruat, non est quòd ipsius in Diabolus culpam rejiciamus, nè criminari videamur satis superque ex suis noxium.

Hæc illa est quæ raptim mihi occurrit via discriminandi, quam ed libentius enucleandam suscepi, quia passim esse multos sentio qui tentationes omnes ad Diabolus referunt: si furentur, in promptu est excusatio, Diabolus mihi fecit; si pejerent, si tumultuentur, vel scelerati quidvis ipsi faciant, Diabolus mihi fecit: ut hoc scilicet prætextu seipso purgare possint. Non quidem me latet, à Sanctis Patribus effluxisse aliqua quæ huc propendere videantur. Hujusmodi est illud B. Gregorii, *Diabolus in omni peccato inter-*

interponit partes suas; & illud S. Hieronymi, in Jer. 16. *Quicquid, inquit, peccamus, facimus ad imperium demonum;* & S. Augustini tertium, in Ser. Commun. Ser. 4. *Omnia mala mundi ejus sunt pravitate commissa;* & in Pl. 118. Ser. 16. *Omniū delictorum author est princeps mundi;* & S. Ambrosii illud alterum, in Luc. 4. *Anima à corpore non vinceretur, nisi prius à diabolo tentaretur;* denique & illud etiam Dionysii, in 4 De Div. nomin. *Multitudo demonum est causa omnium malorum & sibi & aliis.* At verò est in compeito ex aliis istorum Patrum locis ea non esse de omnibus, sed de plurimis intelligenda; neque in universum, sed plerumque: etenim tota Scripturarum series retrahatur: *Cogitationes humani cordis in malum pronas esse ab adolescentia,* Gen. 8. *Bella & lites provenire ex concupiscentia,* Jac. 4. *Unumquemque tentari à concupiscentia propria,* Jac. 4. De locis istis cum Scholastici agunt, atque cum prædictorum Patrum sententiis conferunt, hoc modo se putant ea conciliasse, Tentationes omnes à Diabolo esse tanquam motore primo, & causâ remotâ & indirectâ, quia primos parentes incitavit ad legis transgressionem & suæ posteritatis infectionem; at à Concupiscentia multas esse tanquam à causa proxima & directa & immediatâ: sic Aquinas, Alensis, Biel, Bonaventura & Albertus definiunt. Sed non video tamen quomodo hæc satisfaciunt: eò quòd non sufficit ad solutionem, in Diabolum eas tantum oblique retundere, & ut causam occasionalem; cum in multis nos directè seducit, ut causâ proxima & immediatâ. *Scripsit per omnes sensus, dat se figuris, accommodat coloribus, odoribus se subijcit, infundit saporibus,* ut Augustinus loquitur, lib. 83. qu. Igitur si mihi liceat sensum meum interponere, existimarem magis prædictos Patres, cum peccata omnia in Diabolum rejiciunt, sic esse intelligendos; vel de generali & amplo illo imperio quod habet supra omnes peccatores; vel de generibus etiam delictorum, quia nullum est peccati genus quod per demonum suggestiones in genere humano non disseminetur. Hæc glossâ additâ, utrumque firmum manebit, & quòd à Diabolo sint tentationes plurimæ, & quòd ab hominibus ipsis non pauciores oriuntur. Hinc illud Origenis *ἀπὸ τοῦ*, lib. 3. cap. 2. *Fluxit, Habere quamlibet passionem suam demonem, & peccaturos esse homines etiam si demones non essent;* & illud Joan. Climaci, *Non egere hominem damone tentante, quia factus est sibi demon;* & Alensis illud, par. 2. qu. 101. memb. 2. *Ab utroque junctim plurimas tentationes oriri, à Diabolo tanquam patre, à Concupiscentia tanquam matre.* Atque per hoc non nostra tantum refert hoc scire, à quo fonte veniant, sed illud magis, quibus mediis aut intercipientur, aut irritæ reddantur. *Nonnunquam enim adeò secretè se copulat menti Diabolus, ut non possit homo agnoscere quid suum sit in cogitatione, quid illius,* ut S. Ambrosius in Rom. 7. loquitur. Sit igitur hic proluxæ finis disputationis: Ex qua si quid ad quæstionem lucis accesserit, sit illud beneficium vestrum; si quid ex hoc tædio fastidii, sit ista culpa mea, qui operosior fortasse æquo fuerim ad aperiendum vobis in re perplexa

Plin. 5. Ep. 6. *aut judicium meum, aut errorem.*

LECTIO XV.

Heret adhuc calamus in hujus versiculi ultimis, atque tarditate suâ vereor ne sui laboris gratiam perdidisse videatur, quantumvis non perdat fidem. In hanc me cogitationem Plato ipse deducit, qui sapiusculè quidem in quocunque opere celeritatem laudandam dicit, moram verò in vitio esse & tergiversationi proximam. *Sive quis scribat aliquid, sive quis legat, promptè & citò id agere laudabilius est, inquit, quàm cunctanter & tardè.* Similiter & in disciplinis tradendis, celeriter perficere aliquid est quædam docilitas animi, serò & lentè, hebetudo: atque docere alios quàm ocysimè, solertia est & acumen; segniter, obtusi ingenii. In rebus omnibus tenet, tum iis quæ ad corpus spectant, tum iis quæ ad animum. Ταρταρον γὰρ τὸ δύναντον χαλίων φαίνεται, ἢ τὸ τὸ βραδύν. γὰρ ἡσυχρόν, *Velocitas & prompta tarditas & quietis sunt pulchriora: is autem est promptus qui brevi in tempore multa peragit; tardus & hebes, qui magno spatii & longo intervallo nihil.* Hæc ille fusiùs in Charmide disputat, multisque exemplis & argumentis contendit, Lætionis genus esse profutura tardare. Sed tamen non video cur ista me multum moveant, quia novi quos habeam Auditores, cordatos & candidos, Sacræque philosophiæ amantiores quàm qui possint ab his subselliis tarditatis præjudicio abigi; præsertim in hoc maximo de Salvatoris tentatione negotio, cujus cognitio absit ut sit minùs grata, quia est aliqua dilatione suspensa. Hanc habens de virtute vestra fiduciam, ad ea quæ supersunt ætutum me confero; & quia jam superiùs nimis magnam huic parti advocacyem dedi, nunc tantò magis viam ipsam corripiam, abscisso omni vel legitimæ præfationis ambitu, ne novam videar adjicere tarditatem tarditati.

De Certaminis Loco jamdudum accepistis quæ dicenda putavi; nec non de Tempore institutionis, & de Motore Spiritu, cujus præsidio res tota & exorsa est & consummata: postea verò de diversis tentationum Speciebus, deque variis Modis eas à se invicem discriminandi.

Nunc superest ut ad ultimam instituti partem accedam, in qua De Rationibus & Causis est agendum quibus adductus Salvator tentari se à Diabolo passus est. De his necesse est ut paucis agam, ne totum opus videatur irritum & ex supervacuo susceptum. Disputationis titulus est, De Causis & Finibus in quos ipsius Tentatio est ordinata. Non dico, De fine, sed De Finibus, quia non habet unam causam, nec unum finem, sed complusculos. Neque hoc novum, ut ejusdem effectûs plures sint causæ finales, sed ejusmodi, quæ & sibi mutuò subordinantur, & in una ultima, tanquam in centro, conveniunt. Sic seres habet in præsentī argumento, ubi de Causis quaeritur Cur Christus voluerit tentari, & Quare hoc genere tentationis. Est finis ultimus, Gloria Dei; ultimo proximus, Salus hominum; sub hoc, Concussio Satanae, Corroboratio fidelium, Deperditæ jam olim à protoplastis victoriæ recuperatio: quæ omnia sic inter se distinguuntur, ut tamen in ultimo uniantur. Hæc dicendorum Summa est & Breviarium. Ut igitur hæc Summa in debitam amplitudinem explicatiùs dilatari possit, ad tres Inquisitiones rem totam deducam: An fuerit necessarium ex parte rei; An fuerit consentaneum ex parte Christi; An fuerit utile & fructuosum

sum ex parte nostrî, quod se hisce tentationibus subjecerit. Hæc sunt tria illa in quibus omnis iusta causa vertitur, nè inanis censeatur; τὸ ἀραγχαῖον, τὸ ὀπίστω, τὸ οὐκ ἔστιν, *Necessitas, Utilitas, Condecencia*: ubi hæc tria concurrunt, rationum momenta sunt efficacia & maxima; ubi desiderantur, est frustrâ susceptus labor, & in cassum cadit.

Pars prima de Necessitate quærit, An fuerit necessarium Christum à diabolo tentari; vel, quod eodem recidit, An possibile fuerit ut non tentaretur; non quidem simpliciter, sed positis prærequisitis circumstantiis. Quæstionis ratio à nobis ipsis est petenda, quia in nobis, ex parte nostrî, tentationes Satanae sunt inevitabiles, adeo ut eas præoccupare non valeamus nè fiant; utcunque sit in potestate nostra ejus non assentire tentationibus, & cavere nè intrent, at penès nos non est præpedire nè pulsare. De Christo non est ita sentiendum; quod nos non possumus ipse potuit. Potuit ipse Satanam in suum tenebrarum locum vel verbo unico amandare; potuit & ipso nutu constringere, non solum nè hisceret, sed etiam nè appareret. Hoc nihil est certius, qui imperio suo fecit nè habitaculum retineret in corporibus hominum, potuisse eundem cohibere nè tentationibus involaret in seipsum. Ergo non videtur ex Necessitatis aliqua fuisse lege quod tentabatur, quia ex suæ erat arbitrio Voluntatis. Hæc radix est, ut dixi, & origo Quæstionis. Veruntamen in promptu erit solutio, si varia vocis significata paulisper placet advertere. Neque enim ejusdem semper est potestatis nomen, sed multiplicis & diversæ. Interdum id dicitur *Necessarium* quod est ineluctabile & destinatum, quod Scholastici *necessitatem Inevitabilitatis* appellant: juxta hunc sensum necesse non fuit ut tentaretur Christus, cum in illius potestate esset Tentatori obviàm ire, colligare, arcere, omnesque tentationum vias intercludere. Interdum verò nil aliud est *necessarium* quàm id quod fieri opus est in re qualibet, quodque rei cujusque rationes flagitant, velut in suis justum & requisitum: à Scholasticis dicitur *necessitas Exigentia*. Sub hac notione, quia redemptionis nostræ ratio id maxime postulabat, ut Adversarii tyrannis virèsq; subigerentur, necessarium fuit ut hoc subigendi negotium in se Christus susciperet, absque quo Redemptoris munus omnibus suis partibus explere non potuisset. Distinctio hæc si non sufficiat, occurrit apud Theologos alia, quæ cumulatè satisfaciens, de Necessitate simplici & absoluta, quam *necessitatem Consequentis*, & Necessitate hypothetica, quam *necessitatem Consequentia* nominant. In his læc intercurrit discrepantia: Necessarium simpliciter illud statuunt quod impossibile est aliter esse, hoc est, sine qua Subjectum constare nequit, sed & ita fit ut non potest non fieri, & ita est ut non potest non ita esse: ut ignis, quia necessario est calidus, necessario urit, si adsit materia, & necessario sursum fertur remoto impedimento, aut superiori causâ non interveniente. Necessarium ex Suppositione aut ex concitione vocant, quod non in se simpliciter, sed supposito aliquo de necessitate sequitur. Exempli gratiâ, Si homo currit, movetur; si loquitur, vivit; si diu vivere velit, curanda est ei valetudo. Dicitur *Necessitas ex hypothesi*, quia ad ejus necessitatem oportet aliquid præsupponi, neque est necessarium nisi ex illa suppositione; dicitur *Necessitas Consequentia*, quia non est in re ipsa, sed in coherentia rerum, resultatq; ex habitudine quacum rerum vel propositionum inter se. Ex his legibus pendet præsentis determinatio quæstionis. Nam si de priori necessitate loquamur, fatendum est non fuisse simpliciter necessarium ut à Diabolo Christus tentaretur, quia non defuit Christo alius modus possibilis superbiam & potentiam maligni Spiritûs reprimendi. At si de secunda sermo fiat, mani-

manifestum est, juxta eam rerum coherentiam à Deo institutam necessarium fuisse ut hoc potius modo Diabolum subjugaret quam ullo alio. De morte Christi idipsum S. Augustinus observat, de Trin. l. 13. c. 10. Quodd loquendo de possibilitate Dei absoluta, modus alius reconciliationis mundi fuit possibilis : nam si Deo ita visum fuisset, potuisset homini omnia sua delicta condonare planè nullo λύσις accepto ; potuisset minimâ Christi passione contentus esse, quamvis seie morti non subjecisset. At si de possibilitate conditionata loquamur, supposito Divino Decreto de liberando humano genere per mortem Filii, tum ex hac hypothese sequitur necessariam fuisse mortem Christi ad redemptionem humanam. Sic se res habet in hoc de tentatione argumento. Aderant vincendi hostem viæ aliæ quamplurimæ, nè dicam infinitæ ; ex quo fit ut huic medio Christus non fuerit necessariò alligatus ; quia poterat tentatio ejus non fieri, sine præjudicio redemptionis. At è converso tamen, posito hoc redemptionis ordine, & suppositis aliis supponendis, hic modus necessarius fuit in duplici ordine Suppositionis : Suppositionis Divini Decreti, & Suppositionis Divinæ Revelationis. Deus Præordinavit, Promisit, Præfiguravit : occurrunt singula in Sacris Literis.

Quodd præfiguravit, Zacharia 3. 1. *Ostendit mihi Dominus Jesum Sacerdotem magnum in vestibus sordidis stantem coram Angelo Domini, & Satan stabat à dextris ejus ut adversaretur ei.* Hunc locum veteres Patres se è omnes de Christo interpretantur ; & inter alios, tanto rigore, l. con. Judæos Tertullianus, prope finem, & Lactantius, Institutionum l. 4. c. 14. ut de Jesu filio Josedec negent omnino intelligendum, sed de Dei Patris summo Sacerdote Christo : & Patres quidem reliqui, tametsi eâ non sunt usi severitate quâ Tertull. & Lactant. sensum historicum tollendo ; attamen unanimiter omnes de Christi certamine cum diabolo prophetiam typicam sive mysticam esse contendunt, ut visionis partes aliquæ de solo Jehoshua, aliæ de Christo sint interpretandæ. Eusebius, in Demonstr. l. 4. c. ult. *Jehoshua fuit εἰκών, σύμβολον, εἰγµα, imago, & typus, & signum Salvatoris nostri :* & Ambrosius, Ser. 5. in Psal. 118. & Hieronymus, in Psal. 109. verbis uterque non concordibus solùm, sed iisdem, *Qua ibi de Jehoshua dicuntur, Domini nostri sunt victoria ; ab ejus dextris Satan stabat, quando cum in Deserto adoriebatur ; habebat autem vestimenta sordida, quia peccata nostra portabat, nostris vitiis involutus.* Hæc est quam dixi Præfiguratio. Deinde

Quodd Deus Præordinavit & Promisit, videre est in Gen. 3. 15. *Ponam inimicitiam inter semen tuum & semen ejus : Ipse conteret caput tuum.* In his describitur & pugna & victoria. Pugna ut à Deo ipso constituta, *Ego ponam inimicitiam ;* neque solùm ut esset inter serpentem & semen salvandum, sed inter serpentem & semen Salvatorem : *Non dicit de seminibus, quasi de mulieribus, sed de semine, quasi de uno,* qui est Christus. Victoria describitur ut à Deo promissa, *Ipse conteret caput.* Hoc in persona Christi ut erat pollicitum, ita in persona Christi adimpletum ; atque hoc ipso tempore, quando non solùm caput potestatis contudit, h. e. dæmonum tyrannidem, sed caput potestatum vicit, h. e. dæmoniorum principem : sic enim Diaboli nomen exponunt Interpretes, ut per Antoniasiam Diabolum hoc loco ponatur pro Lucifero & Principe dæmoniorum. Ex istis S. Paulus necessitatem tentationis subinfert, dicitque fieri oportuisse, Heb. 2. 17. *ὥφειλε καὶ πάντας τοὺς ἀδελφοὺς ὁμοιωθῆναι, oportuit ipsum per omnia fratribus consimilari, & quæ sequuntur : tum sequitur, vers. 18. In eo enim quod ipse passus est cum tentaretur, potens est & eis qui tentantur auxiliari.* In istis verbis, quando Apostolus dicit Christum tentatum, alludit ad hanc historiam Tentationis in Deserto. Et vide, obsecro, quid antecedit ; *ὥφειλε καὶ πάντας, oportuit ipsum,*

G g g

aut

aut debuit ipse, per omnia, & nominatim per tentationes, fratribus assimiliari. Audiri adeo necessaria erat tentatio ejus, ut Apostolus non vereatur eam inter ὁμοιωματα numerare, hoc est, inter illa sacra Mediatoris debita quibus seipsum sanctissime obstrinxit cum in se has partes recepit; *Debuit, inquit, per tentationes nobis assimiliari.*

Ex his junctim apparet, Deum & præordinasse, & promississe, & præfigurasse hoc genus certaminis Christum in se suscepturum. Hoc illud est quod dixi supponendum. Jam verò ex hoc supposito, quòd tentationibus Christus esset juxta Divinam ordinationem ventilandus, necessaria fuit consequentia, Impossibile fore ut à Diabolo non tentaretur; non quia fuit simpliciter & absolute impossibile, sed hoc ipso nomine, quia Deus & ab æterno disposuit, & in tempore suo prænuntiavit, quòd maximum nobis beneficium nasceretur ex tentatione Christi. Atque hoc verbum Domini & cœlitus sanctam dispositionem nutare aut vacillare fuit impossibile. Po. rò, & istis illud adjici potest, quòd hoc semel supposito, Christum in diebus carnis suæ fuisse tentandum, ex eo, nativo & necessario rationis dictu, sequitur, non alià eum tentatione probandum fore nisi hanc solà de qua nunc loquimur. Non aliquà alià dico, quia aliquà alià non potuit tentari. Quòd si ullà alià, aut Carnis ea debet esse, aut Mundi; nam tria tantum sunt genera, Carnis, Diaboli, Mundi. A Mundo non poterat ipse moveri nisi ad bonum: à Carne non poterat tentari, quia nulla in eo erat carnis corruptio, nulla, nè minima quidem, ad malum pronitas; defectuosi alicujus motus tanta puritas non fuit susceptiva. Utique ad ea quæ sunt Carnis & Mundi exterius per Diabolum fuit sollicitatus, quando ad gulæ vitium & cupiditates seculi eum instimulavit, *Hæc omnia tibi dabo, Dic ut lapides isti panes fiant*: at verò à Carne aut Mundo intrinsecus tentari non potuit. Ergò superest ut à Diabolo solo tentari posset, & ab ipso necessario, hoc solo supposito, quòd aliquo modo esset tentandus. Hæc de prima Inquisitione, quæ versatur circa τὸ ἀναγκαῖον, & de Necessitate querit, An fuerit necessarium ex parte rei. Quorum omnium hæc summa est, Fuisse tentationem Christi unum de operibus ejus necessariis, idque & in Genere & in Specie, & in Thesi & in Hypothesi.

In Genere & in Thesi hoc erat necessarium, ut de tyrannide Diaboli victoriam reportaret. In Specie & in Hypothesi hoc alterum, ut isto modo fieret, per Monomachiam tentationis.

Accedo nunc ad Inquisitionem Secundam, quæ versatur circa τὸ ὀφειλόν, & de Condecencia querit, An fuerit decorum ex parte Christi ut tentaretur à Satana. Quæstionis cardo in hoc vertitur, quòd indignum videatur non minùs puritate Christi quàm majestate, ut tentationum tela in se reciperet, qui nos omnes liberat à tentationibus, eoque indignius, quòd hæc à tam immundo Spiritu tamque vili mancipio ipse pateretur, qui *Sol justitia audit, & Rex gloriæ, & Creator mundi, & cœlorum Dominus, & Filius Dei.* Hæc contemplatio adeo commovebat beatum martyrem Ignatium, ut magna cum indignatione contra Diabolum vociferaverit, *Insolve fugitive & maligna, qui Dominicis conculcaris pedibus, nōs mētoris & ἀντιπαραστήτορος, quomodo tentas eum qui tentari non potest?* Imò quis est omnium, inquit Emisenus Eusebius, qui audire non horreat quòd virtus tanta à Diabolo tentaretur? Et majori cum animi motu Gregorius, *Mens, inquit, refugit credere, humana hoc audire aures expavescent.* Propter hoc ipsum, si nihil aliud esset, est digna inspectione quæstio, nè quid à Salvatore indignè aut perpetratum aut pejus vel per somnium cogitemus; eoque magis, quia vel ipsi seculi homines, si prudentiores paulò cæteris fuerint, præcipuas suas curas in hoc

uno

Ign. Ep. 5. ad
Philip.

Ser. in Dom. 1.
Quadrages.

uno defigunt, ut caveant nè quid indecorè agant aut quod dedecet. Hinc est quòd in Pædagogio suo Clem. Alex. lib. 2. c. 3. Decoris præ omnibus maximè curam gerendam esse pronuntiat, *περιοντίον μέλαινα τ' εὐχρημοσύνη*, quia nihil est aut fructuosius aut difficilius quàm quid in vita deceat prospicere. Hinc quòd in Oratore suo Cicero hoc maximè requirat, ut non solum in Sententiis, sed etiam in verbis & omni parte orationis semper consideret in rebus singulis & personis quid deceat. Hinc etiam quòd in Platone Marcellus Ficinus, inter alia, hoc inprimis laudandum putavit, quòd in omnibus scriptis personarum decorum ubique servet, & quæ quisque tractaverat cuique tribuat: Socrati moralia purgatoria & conversoria, Amoris sacri mysteria Sacerdoti, Physica & Mathematica Timæo, Parmenidis Sæctatori. Quapropter, quod Isid. Pelusiota, lib. 3. Ep. 84. de Mose dixit, Salvatori multò magis quadrabit, *αὐτοῖσι οἱ ἑωθεν τ' ἀπὸ παντὸς ἐπεμελήθη, πῶς ἕκαστος ἐμελεῖν ὁ ἑαυτοῦ ὅκνησεν, & ἀποφιλῆς ἄνθρωπος*; Si in hominibus exterius illis & plebe hæc pars prudentia tantopere elucebat; quòd Christus eam in omnibus & ubique servaverit nequaquam est dubitandum. Ut clariùs elucescat, videamus primò, quid illud sit quod Decorum & Consentaneum vocamus, ut tum demum per justas Definitionis leges possimus hoc Salvatoris Sanctum facinus ab omni labe & suspitione inconvenientie vindicare. Ad Definitionem quod spectat, habemus aliquam à Platone, in li. de Pulchro, summatim traditam; *ὁ ἀπὸ παντὸς ὅτι, inquit, ὁ ἀπὸ παντὸς ποιεῖ ἕκαστα & ἴδιον & φαίνεται καλὰ*, Decorum id dicitur quod adveniens rebus singula efficit quibus adest & esse & videri pulchra. Verùm hæc non potest legitima existimari Definitio, sed magis concelebratio, quia non naturam rei tangit, sed laudes. Exquisitior paulò est Ciceronis illa, in li. de Officiis primo, *Decorum id est quod quaque personæ dignum est, & cuilibet rei consentaneum*: Verbi causâ, quod agat quis, agere prudenter & consideratè, id dignum est viro sapiente; quod agat, agere viriliter animoque magno, id dignum viro forti; denique in omni actione atque negotio justum ordinem & tenorem servare usque ad ultimum, illud est decorum & congruum judicandum. Hæc ille; atque ex illo suam S. Ambrosius videtur mihi haurire Definitionem, in illis libris quos imitatione Ciceronis conscripsit, de Officiis, l. i. c. 46. 47. *Decorum in specie est quod in omni actu præeminet, velut flos cujusque virtutis; in tota vita, quod æquabilem formam atque universatam honestatis in omni actu habet concinentem, sic ut ei tota vita consentiat, nec in ulla re discrepet*: Propterea, inquit, si quis æquabilitatem universa vita & singularum actionum modos servet, ordinem quoque & constantiam dictorum & operum moderationemque custodiat, in ejus vita decorum hoc excellit, & quasi in quodam speculo elucet. Hæc S. Ambrosii est Descriptio, tantum ante reliquas loco quantum post eas tempore: Quam unâ cum cæteris si ad compendium redigamus, duæ sunt Proprietates ex ea eliciendæ, quæ naturam illius quod Decorum est & Consentaneum absolvant; Præeminentia, & Congruitas. Congruitas requiritur, ut per omnia actio respondeat & Personæ quam quisque sustinet, & Muneri quo fungitur, alioqui si sit aut supra vires, aut infra honorem, aut supra vel infra statum, quantum ab æquabilitate discedit, in tantum vergit ad indecentiam. Præeminentia requiritur, ut illa correspondentia & æquabilitas tam clarè emicet, ut possit saltem à sano & inconvnienti oculo discerni atque observari. De priore secunda manat nativo quodam fluxu, eò quòd cuilibet actioni, sit licet vulgaris in se & fortis infimæ, at congruitatis tenor si accesserit, eam pulchritudinem & venustatem appingit ei, adeoque exornat, ut omnium animos delectatione sui ad se rapiat, & singularem excitet & complacentiam & admirationem.

Ggg z

Quocirca

Ficin. in Plat.
Parmenidem.

Quocirca in hac statera appendamus jam tandem Tentationem Salvatoris; videamus annon fuerit hisce nostri tenuissimi captus regulis per omnia conformis, si illud est conforme dicendum quod longissime excedit.

Inprimis, si ad illam Decori partem nos convertamus quam Congruitatem dixi & Convenientiam, extra controversiam res est, fuisse huncmodum superandi Satanam aliorum omnium & gloriosissimum, & honestissimum, & convenientissimum, quo nullus aptior aut accommodatior possit excogitari, sive ad Personam ejus respectus habeatur, sive magis ad Officiū. Si ad Personam, quid congruentius quàm ut Lux mundi radiis propriis Principem extingueret tenebrarum? Potuit per bonos Angelos id facere, qui malis præstant non minùs virtute quàm innocentia; potuit per Sanctos homines, quos per Spiritus sui assistentiam sæpiuscule efficit de Diabolo victores: sed hi sunt minora lumina: voluit igitur per seipsum, quia hoc splendidus putavit & convenientius, ut summæ tenebræ non nisi per summum lumen vinceantur. Deinde, si ad Officiū respicis, quid congruentius quàm ut humani generis perditorem liberator ejusdem & conservator, semen maledictum semen benedictum pede suo conculcaret? Si Deo id indignum judicas, attendere oportet, non tentatum eum fuisse ut Filium Dei, sed ut Filium hominis; neque in natura Deitatis, hoc enim absonum & impossibile, sed in persona Mediatoris: arque hoc multis nominibus splendidum erat & consentaneum.

Inprimis, Consentaneum erat Christo Viatori ut militiam hominis in se susciperet, qui incolatum & vitam hominis carne assumptâ acturus esset. Deinde, Consentaneum Christo Pastori ut pro grege suo seipsum lupo opponeret in singulari certamine, qui pro ovibus vitam ipsam deposuit in Cruce. Tertiò in loco, Consentaneum erat Christo Redemptori, ut quia ad destruenda Diaboli opera venerat, ab eo ordiretur quo diabolus nos captivasset, i. e. à tentatione: Consentaneum ut subactum & catenatum hostem cum suis terroribus triumpharet, non in solio majestatis suæ, sed in infirmitate naturæ nostræ; alioqui, *si homo non vicisset inimicum hominis, non justè victus esset inimicus*, ut scitè Irenæus.

l. 3. c. 20.

Accedit istis Congruitas quarta; etenim Consentaneum erat Christo Capiti, ut eodem modo secundus Adamus liberaret nos quo perdidit primus. Erat primus ille Caput totius generis humani, qui non sibi soli cecidit, sed eodem nos reatu constrinxit: similiter & secundus Caput totius Ecclesiæ, qui non sibi soli passus est aut tentatus, sed in symbolo totius, & pro beneficio totius corporis. Vide igitur mysterium; sicut primus infelicitè in loco voluptatis tentatione Diaboli victus cecidit, ità æquum erat & consonum ut secundus in loco horrores, deserto, victor evaderet. Rursus, ut in Adamo tentato & victo nos omnes tentati meritò & victi sumus, dum vulneratio unius erat exspoliatio & injustificatio omnium, adeò ut in uno ad peccatum impellendo Diabolus rectè dicatur nos omnes impulsisse: ità vice versâ, in Christo tentato & victore majore merito fideles omnes facti sunt victores, ut victoria unius sit triumphus omnium. *Nec quicquam æquius potest conjici, quàm ut victa natura nostra per eisdem impetus per quos olim victa erat victoriam ei qui vicerat extorqueret*, ut piè Damascenus.

Ægid. 2. d. 21.
q. 1. ar. 2.

Crisost. fid. l. 3.
c. 10.

Ad extremum, Consentaneum erat Christo Doctori nostro & Duci ut documentum cujusque virtutis statueret in seipso; & cæteris, quos ad sui imitationem vocat, visibile specimen esset & fortitudinis, & constantiæ, & charitatis, & humilitatis; nec solum monitis suis milites erudiret, sed exemplo. In ludis saltatoriis non censetur indignum, si illius exerciti præfectus nunc pedem circumflectat, nunc totum corpus moveat, ut coram discipulis

Suet. l. 1. c. 67.
Plin. Pan. Traj.
Cic. pro Mu-
tana.

pulis saltando ad saltandum illos meliùs instruat, non in athletis inidoneum censemus, imò verò præclarum & pulchrum, si dum discipulos suos vincere doceant, datâ operâ in palæstris cum aliis certamen exercent, ut eos in luctantium corporibus artem faciant spectare vincendi. In Cæsare suo hoc Suetonius extollit, & in Trajano suo Plinius, & in Pompeio Cicero, Quòd medios se gesserunt inter Imperatores & Milites, atque sic Ducis partes & commilitonis miscuerunt, ut in apparatu pugnae Imperatorum, in ipsa pugna Militum officia præstarent; nec unquam laboris exactores essent cujus se non participes & socios fecere, quò fortem & docilem militiam fingerent, non solum jubendo, sed agendo. Post tot instantias quid redditione opus est? Si in secularibus magistris ac ducibus eximium habeatur, an putas in Domino exercituum esse inglorium? Imò verò credendum est & agnoscendum, quòd si indignum esset Filio Dei, non erat hominis Filio indignum; si Christo Rege, non Christo Mediatore: imò verò Divina ac summa fuit in hoc dispensationis modo cōcedentia, ut qui victurus erat hostem hostis tela in se reciperet; & qui militiam conscripserat, seipsum ut in prima acie collocaret, quò caput membra doceret vincere, à se incipiendo. Hæc prima Decori proprietas, in Congruitate & Convenientia.

Secunda illa est quam è Cicerone S. Ambrosius *Præminentiam* vocat; atque hæc in Tentatione Christi ad eò erat apertissima, ut claris signis luceat in cujusque virtutis ordine. Fulgebant in ea radii Fortitudinis, quòd Adversarium verbo jugulavit; radii Prudentiæ, quòd technas & stratagemata elusit; Humilitatis radii, quòd se huic ministerio subjicere voluit; radii Pietatis, quòd nostrâ vice & in gratiam nostram hoc fecerit. Ubi tot sunt & tam fulgentia verbera micantium radiorum, an defuisse existimas quod præminebat? Si rationem quæras, à Christo ipso petenda est: is summo judicio prudens sciensque ita ordinavit, ut inceptum hoc inter alia præcelleret, quia primum esset, futurumque mensura eorum omnium in quibus adventus sui finis reciperet aliquando complementum. Hic ordo, hæc summa est. Ad vincendum venit, ergò à victoriis incipit. En facti Prudentiam; eodem modo salutis opus inchoat quo erat absolvendum. Dein ad patiendum venit, ergò incipit à passionibus: etenim ad passionem tentatio non minùs pertinet quàm mors ipsa. Ut passionis partem fuisse cognoscas, S. Paulus te docet, ad Hebr. 2. 18. *Ex eo quod perpeffus est cùm tentaretur*: nec injuriâ quidem, nam tota vita fuit continuata passio. En rursus Prudentiam; eodem modo orditur quo progrediatur. Postremò, in infirmitate venit, & in forma servi, statûque humiliationis, ergò ab Humiliatione incipit, & illa aut omnium maxima, aut saltem maximæ proxima; tam proxima, ut dictu difficile sit majore fuerit humilitas in demissione ad mortem quàm in subjectione ad tentationem, cùm non minùs distet à Satana Christus quàm à morte vita. En tertio facti Prudentiam; eodem modo inchoat Ministerium quo inchoavit & vitam, hoc est, ab Humilitate. His ita positis, responde mihi, quicumque es qui Christo dicis hoc factum non convenisse, Annon dignationis erat, & dignationis magnæ, quòd placuerit ipsi in hanc arenam descendere? Dignationis erat quòd suscepit carnem nostram, majoris dignationis quòd injurias nostras. Hæccine gratia est quam tantæ refert pietati, ut quod in ipso erat Dignatio tu Inconvenientiam appelles? At responde, inquam, Num conveniebat ei ut in carnis tuæ pannis atque exuviis se mundo monstraret, qui lumine amictus est & gloriâ? num ut in præsepio inter pecudes vagiret, cujus in excelsis habitatio supra omnes cœlos? num ut ab Herode, ludibrio regum, hominum monstro, fugeret, qui fugientibus asyllum aperit tutissimamque clientelam? num ut legalis cultri aciem sentiret, qui

Legis Dominus? aut ut Originalis peccati flabello se permetteret, qui terrenæ contagia corruptelæ immaculati partibus novitate non noverat? Respondeas velim, num hæc ei conveniebant? Perge dehinc ab Infantia fasciis ad Passionis injurias, & brevi transcurso explices quid sentias de veste alba & purpurea tunica, de flagellis & plagis, de sputo & contumeliis, de corona spinea & arundineo sceptro, num hæc ei conveniebant? ut militum probra & Phariseorum blasphemias ferret? ut inter latrones penderet, & velut peccator cum peccatoribus deputaretur? Si hæc conveniebant, sicut rêvera nihil non convenit quod ipse voluit convenire, cur tentationem somnias non convenisse? An quia peccato proxima est tentatio? In nobis agnosco, quorum vix est quisquam qui non cedit plùs minùs unicuique susurro: sed Christo contrà contigit, qui quamvis semper à peccato disjunctissimus fuit, at propinquior erat peccanti cùm peccata nostra portans factus est peccatum, quàm cùm à diabolo sollicitatus est ad peccatum; eò quòd in illo similitudinem aliquam habuit peccatoris, in hoc nullam. Igitur ut hic scopulus transeat, an ideo non convenisse arbitraris, quia indignum erat ut se Satanæ manibus jactandum atque exagitandum submitteret? At nostrum non est indecorum & inconveniens opinari, ubi ipse aliquid agit, si tamen aliquid agit, quod majestate suâ videatur indignum. Sed esto, hoc supponatur, at vide quid exinde sequitur: nam si inconveniens fuerit quòd se à Diabolo permetteret tentari, illud multò magis absurdum, quòd se à membris Diaboli permetteret crucifigi. Ecquis est qui nesciat Pilatum, & Judæos qui eum occiderunt, non solum membra Diaboli, sed ejus quoque servos fuisse? atqui major nobis injuria videtur esse ea quàm à servis alicujus hominis patimur, quàm si ab ipso eorum domino eam pateremur. Ergò sequitur, non magis indignum esse hoc, quòd à diabolo tentatur, quàm illud, quòd à Judæis occiditur. Imò verò erat utrumque bonitate ejus dignissimum; & ut morti se traderet, qui venerat mori, & ut tentationibus se exhiberet, qui venerat vincere. Quòd si tentationibus, equidem non aliis quàm Satanæ; & quia sunt gravissimæ, & quia solæ possunt esse ex recipientis parte indefectuosæ. Erat in utroque istorum Condecencia summa, ut tentationibus se subiceret gravissimis, quia ejus respondent robori; ut indefectuosus, quia consentient puritati. Quia verissimum est illud B. Cypriani, *Honestius quinquam carnem Spiritu quàm cum Carne luctari: quia Carnis complexus sædus etiam longè positos inficit; tentatio diabolica, si non movet, non nocet; & licet sæpe sit impetuosior, est tamen semper honestior quàm Carnis.* Ut vel exinde pateat, non indecoram aut ignominiosam fuisse hanc Christi expeditionem, sed honoris & dignationis plenam; justam quoque & consentaneam, ut sic tentationes nostras suis tentationibus vinceret, sicut mortem nostram suâ morte superavit. Hactenus de secunda Inquisitione, quæ versatur circa *τὸ ἀποκρίναι*, & de Condecencia quærit, An fuerat decorum & consentaneum ex parte Christi.

Tertia sola superest, quæ versatur circa *τὸ χρίσθαι*, sive *τὸ ἀντιπαραστήναι*, & de Utilitate quærit, An fructuosum & conducibile opus esset ex parte nostri. Ad disputationis calcem hanc partem distuli, quia habet in se virtutem quandam allectivam supra cæteras. *Ad appetitum utilitatis suæ*, inquit Salvianus, *natura ipsius magisterio omnes ducuntur, & qui militanti, & qui negotiantur, & qui agricolantur: similiter & qui disputant, & qui aliorum dictis auscultant, propterea faciunt, quia id sibi fructuosum & utile existimant.* Neque profectò modus est aliquis, quo se in hoc bonorum genere affectus temperet, quia utilium bonorum desideria in infinitum proficiuntur. Non igitur vereor vos mihi in hac parte detracturos attentionem vestram,

Euseb. Emis.
Hom. in Dom.
1. Quæst.

Greg. Hom. 16.
in Evang.

De Jejun. &
Tent. Christi.

Salv. l. 2.

Leo Hebr.
Dial. 1.

in qua hoc Utile tentationis Christi est demonstrandum. Quod ut succinctius fiat, divisionem illam Stephani Brutiferi pro fundamento, si placet, statuamus: habetur in lib. 4. Sent. d. 6. q. 2. *Utile*, inquit, *dicitur quod appetitur propter aliud consequendum, idque juxta quatuor hac Graduum discrimina.* Primus Utilitatis gradus is est quo aliquid est appetibile propter aliud tantum, & non propter se, sed ita ut sine eo illud quod appetitur potest haberi: sic potio amara est utilis ad sanitatem, sed non necessaria, quia alii sunt modi adipiscendi. Secundus gradus est quo aliquid est appetibile propter aliud tantum, & non propter se, sed ita ut sine eo illud quod appetitur non potest haberi: ut amputatio tibie cum caro est mortua ex ulcere aut inflammatione, sicut in gangrena. Tertius, quo aliquid est appetibile & propter se & propter aliud, sed ita ut sine eo illud quod appetitur habeatur: ut ingressio Religionis, & Sacrorum Ordinum susceptio, ab hoc vel illo est appetibilis & propter se, quia est bonum, & propter aliud, scil. beatitudinem lucrumque animarum. Postremus, quo aliquid est appetibile & propter se & propter aliud, sed ita ut sine eo illud quod appetitur non habeatur: ut meritum Christi, & cognitio Evangelii, & gratia Fidei atque Pœnitentiæ, quæ sicut in se sunt bona desideratissima, ita necessarium ordinem habent ad supremum hominis bonum, nempe vitam æternam. Hoc fundamento posito, non longus erit labor discernere ad quem istorum Graduum Tentatio Christi sit referenda. Non quidem ad tertium aut quartum, quia non est in eorum numero quæ propter se sunt desiderabilia; multò minùs ad primum, quia non est inter media aut indifferentia collocanda, quibus uti vel non uti liceat. Victoria super Satanam ad quartum genus utilium refertur, quia erat & propter se expetenda, & propter alias victorias à Sanctis consequendas. Sed Tentatio ejus in secundo genere locum habet, est enim ejusmodi bonum quod propter se non erat ambiendum, sed propter victoriam & triumphum Christi, qui nisi vicisset, nos nunquam vinceremus. Idcirco ut summam colligam, Duæ sunt quæ rem totam complectuntur Propositiones.

Propositio prima hæc est; Christus in eo quod tentationibus se subjecit, non simpliciter ad bonum suum prospiciebat, quia semper victor erat, sed ad impletionem muneris, & bonum nostrum, & utilitatem Ecclesiæ. *Tentatus est*, inquit Apostolus, Heb. 2. 18. Heb. 4. 15. *quia ejusmodi Pontifex est qui afficitur sensu infirmitatum nostrarum; & in eo quod ipse tentatus est, potest & iis succurrere qui tentantur.* Hæc prima est.

Propositio secunda sic se habet; Non unum aut simplex est utilitatis nostræ bonum ad quod Salvator in negotio tentationis prospexit, sed cumulatum & multiplex, & se diffundens in infinitas commoditates: sed singulas ad tria Capita reducibiles, velut tres conditionatos fines, aut tria bona tentationis ejus.

Caput primum est de bono Adjutorii, Ut tentatio ejus esset nobis in fiduciam. Tentari voluit, ut nobis iter aperiendo, animum ad ferendas tentationes erigeret; ut fidem faceret de potestate sua & misericordia, quod compatiatur nobis quotiescunque tentamur, quod paratus sit nobis succurrere si tentemur, eoque paratior & propior quò gravior tentatio, denique, quod ipsius auxilio victoriam certissimam reportaturi simus; aut, si hoc minus est, quod in ipso jam vicimus. Quod si promississet solum se adfuturum nobis, non desperatos nos reliquerat, quia apud ipsum facilitas eadem est præstare atque polliceri: verum isto non erat contentus, promississe tibi, en propinat tibi, propinat tibi de omni malo, qui omne bonum promissit. Hæc fiducia est duplicatio, Nihil esse uspiam malorum nostrorum quod

ipse non est expertus, famem, sitim, laborem, defatigationem, tentationem, mortem. Hæc omnia nostra erant, & ipse ea suscepit, imbecillitatem nostram, paupertatem nostram, nostros fletus, nostram nuditatem, nostra pericula: Et quorsum, obsecro? Ut certos nos faceret, se nobiscum esse velut adiutorem in omnibus, qui factus est omnia omnibus; idque pleniori multò & efficaciori modo quàm de se S. Paulus prædicavit. Testatur ille, 1 Cor. 9. 20. *Se omnia omnibus fieri, ut omnes lucrificeret*: at Christus est omnia omnibus factus, ut nos omnes confirmaret & ad victoriam duceret; pauperibus pauper, infirmus infirmis, tentatus tentatis; ut in his singulis præsentem Christum videamus, quia præeuntem vidimus. Hoc S. Paulus vidit, vidensque agnovit, à capite ad membra omnipotentiam quandam fluere in tentationibus & afflictionibus perferendis; *Omnia possum in eo qui me confortat*, ad Phil. 4. 13. Vidit S. Ambrosius, & in hæc verba erupit, *Plus, Domine Jesu, injuriis tuis debeo, quòd redemptus sum, quàm operibus, quòd creatus sum: quia tua infirmitas est mea virtus, & tua paupertas meum patrimonium, & tua pugna mea victoria; tu pro nobis pugnavisti, ut in te nos omnes vinceremus*. Vidit denique S. Augustinus, & videns fideles singulos sic affatur, *Magna est consolatio membris ex capite, quia dum ille tentabatur, in illo tu tentabaris. Quemadmodum igitur in passionibus ceteris de te sibi habebas carnem, & de se tibi salutem; de te sibi mortem, & de se tibi vitam; de te sibi contumeliam, & de se tibi honores: ità in præsentis negotio de te sibi tentationem habuit, & de se tibi victoriam; ut si te agnoscat in illo tentatum, agnoscat te etiam in illo vincentem*. Hæc, inquam, fiducia duplicatio est contra omnes Satanæ insultus, sive tela sua jaceret, sive robur. Sunt tela ejus ignita & acuminata; fateor: ast in Christum petram nostram collisa hebetantur, in Christum fidei nostræ clypeum vibrata extinguuntur, ut jam mortifera non sint. Est robur ejus magnum, robur Draconis, robur Gigantis, non imus inficias: at Christus muscas efficit fugare Dracones, & locustas superare Gigantes, & de his quæ in terris sunt cœlestes vincit nequitias. Hoc caput Utilitatis primum, de bono Adjutorii.

Caput secundum est de bono Disciplinæ, Ut esset nobis documento: tentari voluit, ut scirent omnes inimicitias fore inter Christum & serpentem; ut cognoscerent esse aliquem qui diabolum & vincere posset, & victurus esset, & vicit; ut pro certissimo habeant, se ad eandem militiam vocari; nè dura nobis videatur conditio, si cruces & tentationes professionem nostram comitentur; nè quis, quantumvis sanctus, securum se & immunem æstimet à tentatione. De possibili agnosco, potuisse Christum virtutem & meritum tentationis suæ ad eas usque metas protendere, ut pro nobis promereret non solum in tentationibus victoriam, sed à tentationibus immunitatem: ast de jure & facto non tenet; neque enim æquum erat ut simplicem & absolutam pro nobis à tentatione diabolica immunitatem obtineret, sed duntaxat certam victoriam. Hoc ratio Salutis postulabat, illud autem nec Rerum conditio patitur, nec Personarum. Non Rerum, quia sine tentatione proclivis est anima, vel magis proxima torpori & securitati, nisi his cotibus acuatur. *Quemadmodum carnes, inquit Origenes, si sale non aspergantur, ità anima, nisi hoc condimento quodammodo salietur, corrumpitur facile ac relaxatur*. Quanquam quid dico de Anima, cùm de Virtute ipsa idem sit dicendum? In hoc mortalitatis statu si tentationes non essent, & Virtus ipsa flaccesceret, & virtutis præmium efficaciam suam atque gloriam non retineret: quia, ut Gregorius loquitur, *In pace vires suas nemo cognovit; si bella desunt, virtutum experimenta non produnt*. Nulla

in Luc. 1.

in Psal. 60.

Hom. 27. in Num.

Mor. 30.

Nulla sunt sine tentationum argumentis opera virtutis, nulla sine perturbationibus fides, nullum sine hoste certamen, nulla sine congressione victoria, nulla sine victoria corona. Ad hæc, Personarum conditio non patitur, neque à dextra neque à sinistra. Non à sinistra Persona tentantis; nam quis est, obsecro, Sanctorum militantium, qui membra sunt Capitis, quem aggredi non audebit Tentator, si in ipsum Caput Christum ausus est involare? Non à dextra Persona tentati; quia servi sumus istius Domini, & membra tam heroici*capitis: Equidem non congruit ut Domino suo servus antisteret, aut discipulus ut sit super magistrum. *Ecce Arca Dei, & Israel & Juda habitant in papilionibus; & dominus meus Joab super faciem terra, & ego ingrediar domum meam, ut comedam & bibam?* ait ad Davidem Urias, 2 Sam. 11. Pariter & unusquisque ad animam suam, En Christus ad pugnam egreditur, & ego ut domi affluam? maneam ego, ut torpescam otio delitiisque? *Erras, frater, erras*, inquit ad Heliodorum Hieronymus, *si ullum putas Christianum tentationem non pati; tunc maxime oppugnaris si te oppugnari nescis; tranquillitas hac tempestas est.* Prophetas aspice & Apostolos; habuerunt singuli sua certamina: Israelitas aspice, priorem populum; ad terram Promissionis hos ducere noluit prudentissimus Dominus absque armis & præliis. Vis verbo unico? Nè fortasse fors gravis videatur, aspice in authorem consummatoremque fidei, Jesum: quod si unicus ille dilectissimisque filius ad bellum mittitur, & tot exponitur laboribus, quis jam indignè ferat se ab hostibus impiis exerceri? quis iniquum aut durum dixerit si à Satana tentetur? Papæ! non potest esse durum nobis, quia non erat Christo; taceat infirmitas nostra, quia sanctitas ejus pulsata est. Hoc caput Utilitatis secundum est, de Bono Disciplinæ.

Caput tertium est de Bono Imitationis, Ut esset nobis exemplo; tentari voluit, ut nobis vincendi viam quasi digito monstraret. Ad hoc Christus semper respexit non minùs in passionibus suis quàm in operationibus pietatis. Et quidem de actionibus virtutis non est tam mirandum, si quis quod bonum est agat in exemplum: at ut quod malum est patiatur in exemplum; hic honor, hæc gloria est. *Pastoris boni esse, dicit Ambrosius, exemplo oves præcedere, & quod oves facere vult, prius facere.* Neque hoc quidem malè, sed ex hoc sic possumus argumentari, Quod si Pastoris boni sit prius facere quod suos vult facere, est longè optimi, quæ oves pati debent ea prius pati. Huc usque Christus progreditur, arumnas prævidens & crucem & tentationes quæ à nobis essent suo tempore tollerandæ.

——— *Primus arenas*

Ingreditur, primusque gradus in pulvere ponit.

Luc. 1.9. de
Port. Cas.

Cai. Myst. 5.

Enimvero dura & gravis res est tentatio, cibus coctu difficilis, *ὡς ἀπὸ χειμᾶνος*, inquit Cyrillus, *δύσκολον ὡς διαβάσιν*, *velut torrens qui facile transiri non potest.* At Christus nos instruit quomodo trajiciamus: Is factio suo docet nos esse natatores, ut in illo nos omnes & natare & vincere disceremus. Hoc illud est quod S. Augustinus, lib. 4. de Trin. cap. 13. animadvertit, *Idcirco diabolo se tentandum præbuisse, ut ad superandas tentationes mediator esset, non solum per adjutorium, sed etiam per exemplum.* Enimvero non memini legisse me alicubi aliàs hanc formulam loquendi apud ullum idoneum authorem, præterquam apud Augustinum, ut *Mediator dicatur per exemplum*: sed sanus est sensus tamen solatusque plenissimus, quem à Leone Magno deducere possumus, cujus hæc sunt verba in Ser. 1. Quadages. *Quod ideo se tentari permisi, ut cujus munimur auxilio,*

eiusdem

eiusdem erudiremur exemplo. Secundum hunc intellectum habemus sui interpretem S. Augustinum, in Psal. 90. *Nemo est, inquit, qui unquam disceret cum tentatione pugnare, si Christus non vicerat tentatorem:* per hoc, *Exemplo mediator* nil aliud est quam *Exemplo doctor*, quia in eo quodd tentabatur ostendit nobis qualiter & quibus armis nos hostem vincere possumus, jejuniis, oratione, verbo Dei. His alis sublatis non est quodd dubitemus, Esto tentationum mare seculum, at datum est nobis in Christi exemplo lignum quo è mediis fluctibus enavigemus; quia tentatur Christus nè vincatur Christianus. Ergò, ut verbo concludam omnia, hinc pedem figamus, sit basis fiduciæ nostræ hæc contemplatio, in quibuscunque angustiis positi sumus, recurramus non minus ad exemplum Christi quam ad auxilium, Ab hujus intuitu speculi infinita solatia oriuntur; nulla enim est tentatio quæ non suum ac salutare remedium habeat in exemplo Christi. Si Ambitio titillet, est remedium in Humiliatione Christi, si cogitas quodd tuâ sese causâ dejecerit. Si incescit Invidiæ malum, est remedium in Mansuetudine Christi, si memineras quàm benignè, quàm candidè ille se totum nostris usibus impenderit; quàm bonus fuerit etiam pessimis. Si ad Luxuriam provocaris, est remedium in Jejuniis Christi: adeoque de cæteris. Impossibile est ut spes tua aut fides pereat, si in mentem venerit quàm sanctum, sapientem, bonum, felicem, fortem, invictum, augustum, quàm verè inclytum, & Angelis quoque ipsis reverendum, belli ducem habeas. Is est rerum omnium factor, hostium omnium victor, certaminum omnium susceptor, Dominus noster Jesus Christus, qui ut nos contra tentationes erigeret, pro nobis probavit tentationum acerbicatem, proprium movendo flammæ digitum, &, ut de Honorio Claudianus,

Claud. 4. conf.
Honor.

*Ipse manu sua pila gerens tolerare labores
Monstravit.*

Hoc caput utilitatis tertium, de Bono Exempli.

Quodd ultimum cum superioribus conjunctum non incongruè jam tandem dicamus Vindicias tentationis Christi, nè quis audeat ut inutile aut indignum, nedum superfluum, mustitare; quia erat & in aliquo genere Necessitatis, & in summo genere Convenientiæ, & in omni genere Utilitatis,

LECTIO XVI.

*Et cum jejunasset quadraginta diebus & quadraginta noctibus,
postea esurivit.*

Inter Tentationem Christi atque Jejunium non magnus est spatiorum interjectus, si historię seriem; & multò minor, si res ipsas spectemus: etenim quid est aliud Tentatio nisi, ex parte nostra, pugna gratiæ: & quid Jejunium, nisi pugna & certamen naturæ: quis finis Tentationis, nisi ut vincamus hostem: idem etiam & Jejunii, ut addiscat quisque vincere & subjugare seipsum. Neque hoc torum est, sunt enim & aliæ in illis cognationis lineæ conspicuæ; non quantum ad hoc solum in quo conspirant, sed quantum ad illud etiam in quo contrariantur: quia ambo eodem respiciunt, licet diverso intuitu; Tentatio est instigatio ad illicitum, Jejunium à licito abstinencia; Tentatio ad peccatum sollicitat ut fiat, Jejunium cavet nè fiat; per illud movemur ad peccandum, per hoc cohibemur ut non peccemus. Hæc cum ita sint, non est quòd altius vobis argumenti tractandi initia repetam: res ipsa admonet, ut expletà pro modulo de Tentatione Christi generali disputatiunculà, ad Jejunium ejus jam ordinatim accedamus; prout hîc depingitur à Sancto Evangelista paucis, sed sonantibus, verbis, *Cum jejunasset quadraginta diebus & quadraginta noctibus, postea esurivit.*

Sententia brevis est, sed ejus tamen amplitudinis, ut non unius temporis calculo sit æstimanda, sed omnium; cum non in Christo solo terminetur ipsius speculatio, sed ad omnes Christianos pertingat & virtutis efficaciam & exempli. Idcirco utroque modo oportet ut inspiciamus, tum quatenus est Factum singulare, quod pietatem ostendit Salvatoris; tum quatenus est Factum exemplare & regulativum, à nobis in imitationem trahendum.

Exordior à Consideratione prima, quæ factum hoc Christi respicit ut est quid Personale ac Singulare. Ad illud per Præparativa quædam ducendi estis. Tres autem sunt Quæstiones introductoriæ, quæ prius velut Præcognita necessaria sunt definiendæ. Prima est De dierum numero & repetitione operis, Utrum præcisè tot diebus jejunaverit Christus, & non pluribus; idque semel tantum, non denuo, aut sæpius per totam vitam. De hoc tres testes habemus, tres Evangelistas, qui disertis verbis asserunt, Jejunii tempus quadraginta-dierum ambitu fuisse circumscriptum: neque est eorum quispiam qui vel nutu significet ad hujus generis jejunium Salvatorem secundo rediisse. Nec quidem potest rationabiliter credi aut Christum fecisse, cum Evangelistæ taceant; aut secundo facere potuisse, dum discipuli comitabantur. Verum dubitandi hæc est causa, Quia de Elia accipimus quòd semel, de Mose quòd bis hunc dierum numerum in jejunio suo absolverit; idoneum videtur ut Christus, qui Mose & Elia major erat, vel sæpius, vel toties id faceret, nè potestate aut honore vel Eliæ compar, vel inferior Mose putaretur. Speciosum est argumentum, fateor, at nullum virium, quia in utraque sui parte falsissimo nititur fundamento. Inprimis illud falsum, Quòd majus aliquid sit in dierum centum aut mille abstinentia quàm in quadraginta, in jejunio miraculoso duplicato quàm in simplici.

Ratio

Ratio est, Quia miraculosa non sunt graduum susceptiva; si semel ad naturæ terminos perveneris, quæcunque suprâ sunt, sive in secunda distantia, sive in decima, sunt æquè magna censenda. Hinc fit ut non majoris virtutis sit bis idem jejunium jejunare, quàm semel; neque centum diebus, quàm quadraginta: est enim hæc miraculorum conditio, ut ejusdem sic potestatis ea semel facere, aut sæpius; per eandem virtutem quâ quis potest manere sine cibo quadraginta dierum spatio, ex eadem habere potest ut sine cibo salvus sanusque maneat mille annis. Neque majus est hoc miraculum quàm illud, tamen si effectus in se major sit; eò quòd miraculum quodque nisi ex potentia simpliciter infinita fluere non queat, ideo non habet terminos intra quos claudatur, nec gradus quibus discriminetur: verùm uti non augetur vigor ad repetitionem operis, ita non minuitur ad singularitatem.

Porrò & illud alterum est falsum, quod à primo deducitur, Minorem Mose videri posse Christum, si semel tantum fecerit quod bis à Mose factum celebratur. Imò verò contrâ, hoc simplex Christi jejunium & majus fuit & honorificentius quàm illud Mosis duplicatum, hoc est, & Potestate præcelluit & Dignitate. Dignitate, quia Christus sponte assumpsit jejunium suum: non sic Moses & Elias, assumpti sunt ad illud, non illud in se assumpsērunt; non assumbant, sed assumbantur. Potestate, quia Christus id fecit virtute propriâ, illi virtute Christi. Hoc Moses & Elias habuerunt ab efficiente supra se, nimirum à Deo; Christus hoc habuit ab efficiente intra se, à seipso habuit, quia verus Deus erat. Quæ major potest esse præcellentia? quod in Mose & Elia fuit excellentissimum, & à superno principio, hoc Christus gloriosius multò præstitit & virtute suâ; adeoque pro arbitrio suo & sæpius & semper redintegrare poterat, ut pulchre est à B. martyre Ignatio observatum, in illa, si illius sit, ad Philippenſes Epistola; *Qui per tot dies, inquit, servavit corpus suum absque alimento, iduato tunc nonnullis & diluendis, potuit perpetuò, quamdiu in terris commorabatur, id servare*: potuit, inquam, sed noluit, quia semel faciendo supra omnes quot ubique sunt homines se efferebat. Hæc quæstio Introductoria prima est, De dierum numero, & repetitione operis.

Secunda est, de Remissione jejuniî, An per totum illud spatium aliquid comederet Christus, an magis usque ad decursum diem quadagesimum à cibo abstinerit. Ad hoc non deest suffragium Evangelistæ, nam c. 4. apertè S. Lucas testatur, eum penitus nihil manducasse in diebus illis; ubi *Nihil* dicitur, alimenti genus omne excluditur. Quòd si ad ipsius vitæ partem alteram spectemus, verum est, eum sæpius cum Judæis manducasse & bibisse, quia noluit Baptistæ austeritatem imitari; sunt ipsissima ejus verba, *Venit filius hominis manducans & bibens*, Joan. 4. 32, 34. Rursus, si in Allegoriam res trahatur, est quoque verissimum, etiam in deserto eum tunc temporis prius absque pane & cibo non fuisse; nam cibum habuit quem nos nescimus, cibus ejus erat salus hominum. *Est ipsum jejunium*, si S. Ambrosium audimus, *mentis cibus, pastus anima*; hoc cœlesti pane Christus etiam jejunans vescabatur, verùm edulia corporalia non habuit: neque est credibile velle eum tunc temporis jejunium solvere, quando ad hoc secessit ut servaret. In hoc solo est dubitatio, quòd S. Marcus, c. i. v. 13. affirmet, dum fuerat in deserto, ei sanctos Angelos ministrasse. Enimvero hic scrupulus pungeret, nisi ab altero Evangelista evulsum haberemus; etenim S. Matthæus dilucidum se præbet ejus explanatorem, atque signanter dicit, non ministrasse ei Angelos donec diabolus eum reliquerat, tentatione jam consummatâ. Ea-propter, posito quòd in cibi supplemento Angeli ministerium suum colloca-

bant,

c. 1. de Elia &
Jejun.
Aug. serm. 6.
Jejun. quad.

bant, etsi hoc non sit necessarium, quia aliæ sunt viæ ministrandi non pauca; est ministerium Comitatus, & ministerium Cultus, & ministerium pro tot victoriis Congratulationis: sed posito, inquam, hoc, quod in esculentis & poculentis ministrabant ei, at non sequitur eum intra positos jejunii cancellos comedisse quicquam; quia non prius ministratio hæc facta est quam tentatio finita est. Durante illo dierum intervallo nihil libabat, nihil tangebatur: tam sincerè agebat omnia & sine fūco, ut qui coram populo manducare voluit & in publico, jejunare magis voluit in angulo absque spectatore; & qui manducationis locum elegit civitatem, jejunii locum constituit desertum, nè quis aut tunc jejunasse sciret, aut nunc in jejuniis manducasse aliquid suspicaretur. Hæc quæstio est Introductoria secunda, de Intermissione jejunii.

Tertia est de Actionibus & Exercitiis, quid Christus egerit per longum hunc temporis tractum; etenim nudo & solitario vocabulo Evangelista illud exprimit, nullaque facta aut orationis aut alterius cujusvis operis mentione, *jejunasse* pronuntiat. Quid igitur? num solum jejunasse putabimus, aut in otio & cessatione quadragenaria obtorpuisse? Absit ut hæc subeat in mentem cogitatio. Non novit serias sancta illa anima laboris studiosissima, quæ tam impensè ad exoptatam cursûs sui metam anhelabat. Hoc probè novit, *jejunii absque oratione nullum fore compendium: Sicut sine potu*, inquit S. Augustinus, *non est refectio plena*; addo, sicut sine condimentis non jucunda est aut grata refectio aspera; ita ex se non potest famelicam animam nutrire jejunium, imò insuave erit & insipidum, nisi oratione, velut condimento, ipsum, quod est condimentum aliarum virtutum, condiatur. Hæc igitur summa est, Non eos dies insumpsisse Christum in otio aut vacatione; imò verò, ita loqui liceat, in vacatione & otio: in otio, inquam, sed sacro & Cœlesti otio; in vacatione, sed operosa & Angelis digna. Vacavit orationi, quâ sui felicem successum ministerii benedictioni Patris commendaret; vacavit Dei laudibus & gratiarum actionibus incubuit, quod columbâ cœlitus missâ & voce cœlitus audita Redemptorem mundi mundo demonstrasset; vacavit contemplationi Divinæ mutuisque cum Deo colloquiis, secum & cum Patre statuens quo ordine quibûsque rationibus ac modis jam munus posset exsequi mediatorum. Hæc Exercitia ejus fuere, hæc studia: In his occupatus dierum transigebat vicissitudines, & longarum noctium ægritudinem his oblectamentis leniebat; quibus solis & dies magis dies evadit, & ipsæ noctis tenebræ in diem vertuntur. Ut verbo dicam, ex istis evincitur, quod utcumque solius Jejunii sit facta in textu mentio, quia præparatio erat ad reliquos actus pietatis: at Jejunium tamen non fuit nudum & solitarium, verum omnium virtutum gregibus stipatum. Hæc quæstio est Introductoria tertia, de Actionibus & Exercitiis.

Serm. 230. De tempore.

Istis hoc modo prælibatis, instructi satis sumus ut ad ipsâ textûs verba pergamus: in quibus eventilandis illam Senecæ regulam sequendam mecum constitui, *Postquam multa percurreris*, inquit ad Lucilium Seneca, *est unum aut alterum excipiendum quod concoquas*. Hæc mea erit norma progrediendi, ut his præcognitis transactis, ex ipso textu unum aut alterum excerptam, quæ vestris commodis inserviant, ut concoquantur. Sunt autem tria quæ sese meditationi vestræ offerunt consideranda; est aliquid Morale, & aliquid Miraculosum, & aliquid Naturale; tria opera in uno incepto. Opus Pietatis, *jejunavit*, hoc ad Moralia pertinet; opus Potestatis, *quadragesima dies & quadragesima noctes*, hoc ad Mirabilia refertur; opus Inimicitias, in illis verbis, *Postea efuriit*, hoc inter Naturalia hominis est recensendum.

H h h

Exordior

Exordior à primo, quod *opus* appellavi *Pietatis*, nempe illud quod Morale est in hac parte historiarum. In illo duo sunt quæ in observationem veniunt; Jejunii Ordo, qui ab Evangelista designatur, & Jejunii-Causæ, quæ Salvatoris motiva erant in hoc se stadio exercitan i.

De Ordine primum est differendum; non enim est directæ ejus commemoratio, sed obliqua & transversa, *Cum jejunasset*. Attendite, non ita est ab Evangelista expressum quasi itineris primum, neque ut itineris primarium & principale: Non ait in desertum se Christum recepisse ut jejunaret, sed ut tentaretur; tum demum post tentationis mentionem jejunium cursim perstringit, & quasi per transennam, *postquam cum jejunasset*. Vultis manifestus? Secessus finis præcipuus erat ut tentaretur; ad tentationem vincendam medium efficacissimum Oratio; ad Orationem piè præstandam instrumentum aptissimum Jejunium. Hic ordo est & nexus operis. Quid, obsecro, exinde observandum? Opinor illud, Jejunii naturam nobis S. Matthæus vel ex ipso ordine indicare voluit, quale bonum sit, & qualis virtus. In se & ex natura sua, propriè loquendo, virtus non est, sed ut ordinem habet ad aliquam aliam virtutem; nec simplicitèr & absolute est bonum, nisi quatenus ad aliud bonum ordinatur.

Sunt quædam, inquit S. Augustinus, *per se bona & propter se expetenda, ut sapientia, salus, & ejusmodi; sunt alia quæ bona sunt & laudabilia, non per se & propter se, sed ad aliud relata & ordinata*. Inter hæc Jejunium est statuendum, velut in se res non moraliter bona, nisi orationi & poenitentiae adjungatur, hoc est, nisi ad hunc finem referatur, ut caro coerceatur, atque idonea fiat ad menti in rebus spiritualibus subserviendum. Hinc nata est illa Scholasticorum distinctio inter *Jejunium naturæ*, quod est abstinencia quæque à cibo & potu solito diuturnior; & *Jejunium virtutis*, quod est abstinencia à cibo & potu non quæcunque, sed talis quæ ordinem habet ad aliud sive bonum peragendum, sive vitium frænandum. Istorum primum non inappositè dicere possumus *Jejunium hominum*, sive *Jejunium medicorum*, quia ad corporis valetudinem sive tuendam sive recuperandam dirigitur; secundum, *Jejunium Christianorum* sive *Theologorum*, *Jejunium religiosum*, quia finis ejus est religionis profectus & salus animæ: illud S. Chrysostomus *ἡσυχία* vocat; hoc *ἡσυχία ἡθροῦ*. S. Ambrosius illud, *Famem jejunii*; hoc, *Disciplinam jejunii*. Scholastici denique illud, *Jejunium jejunii*, id est, puram putam abstinenciam; hoc, *jejunium jejunantis*, id est, ejusmodi abstinenciam quam quis ad alium finem vertit seipsa potiorè, nimirum in ipsum Deum;

unde & à Cassiano piè describitur, *Abstinencia à bono creato propter bonum increatum*. Priori modo si sumatur est mera privatio, & per consequens nec-virtus, nec actus virtutis, neque habet in se quicquam moralitatis. In posteriori sensu & in numero virtutum ponendum est, & inter adjumenta. In numero, quia est in se virtus ad usum hominis & institutionem vitæ conducent; estque medium ad irracionales facultates erudiendas & moderandas: habet igitur inter virtutes locum, sed infimum, quasi inter ignes minores & stellas sextæ magnitudinis: *Sortitur*, inquit Chrysostomus, *ἐν τοῖς ὀρεῖς τοῦ ὁπλοῦ ἀπὸ τοῦ πρῶτου, in choro virtutum locum infimum*. Deinde, inter adjumenta virtutum ponitur, quia gradus est ad quamplurimas, habetque instrumentalem ordinem ad eas & eliciendas & maturandas. Quod ipsum est ab Hieronymo animadversum in Epistola 16. ad Celantiam, *Non esse perfectionem sanctitatis jejunium, sed adjumentum, neque perfectam virtutem, sed virtutum cæterarum fundamentum*. Ut hoc liquidius constet, agamus exemplis; & quia virtutes singulas per-

currere

Biel. Dist. 16.
qu. 3. ar. 1. 4.

S. 34. De Resur.
Christi.

Simon Gaf. l. 4.
c. 4.

hom. 47. in Mat.

Jer. in Reg. Mo.
rach.

currere longum esset, sufficiat de duabus palmaris id demonstrare, de Oratione & Pœnitentia.

Quòd Orationis adjumentum sit, Sacra Pagina testatur, hæc duo inter se ut plurimum conjungendo; *Hoc genus non ejicitur nisi per orationem & jejunium*, Mat. 17. 21. *Serviebat Deo jejniis & orationibus*, Luc. 2. 37. *Vacate jejniis & orationibus*, 1 Cor. 7. 5. Quæ putas est ratio? S. Chrys. nos docet, *ἡ γὰρ τῆ τοῦ ἀπὸ τῆ νουθεσίας καὶ προσευχῆς συνίσταται ἡ γρηγορία*, Propter hoc ipsum jejunio orationes Sacra Scriptura semper attestat, ut orationi necessarium esse probet consortium jejunii, dicente Augustino, quia sicut jejunii perfectrix est oratio, ita orationis adjutrix est jejunium; cujus ope efficitur ut ardenti affectu et mente erecta perseveremus in oratione. Rursus

2u. Pet. & N. Tesh. qu. 120.

Quòd Pœnitentiæ sit adjumento, exinde liquet, quòd inter se passim jungantur in Sacris Literis, nunc jejunia et fletus, nunc jejunia et cineres, nunc jejunium et cilicium, nunc jejunium & anima humiliatio: quæ omnia fructus sunt & insignia pœnitentiæ. Insuper & ipsa institutio monstrat, Lev. 16. 29. & 23. 27. ubi *afflictio animarum* Jejunium appellatur. Unde etiam ortum est ut in Lingua Sancta *animam affligere* & *jejunare* pro reciprocis ponantur, Levit. 16. 29. II. 58. 3. Atque Drusus paulò

in Levit. c. 36

longius hoc producit, quòd cum dicitur Psal. 35. 13. *Affixi jejunio animam meam*, eodem modo dicitur *et lavare aqua, & adustio ignis*, in quibus non solum est sermonis proprietates, sed redundantia. Porro & Judæorum doctores adhuc altius propediunt, Quòd ubicunque in Sacris Literis

P. Mart. in Judi. c. 20.

afflictio anima invenitur, ibi intelligitur Jejunium. Ex quibus omnibus patet, & Jejunii comitem esse Pœnitentiam, & Pœnitentiæ administram necessariam Jejunium; & utrumque utrique tam indivisâ copulatione agglutinarum, ut nec Pœnitentia ad profectum veniat sine Jejunio, nec Jejunia prosint sine Pœnitentia. Una utriusque est ratio, quia bonum est ordinale & correlativum Jejunium: ad hoc autem præcipue ordinatur, ut vitiorum sentina siccetur, ne erumpant; ut carnis calcitratio subigatur, ne lasciviat; ut ardentis Aetæ incendium extinguatur, ne flammivomi fornax Vulcani intrinsecus montes contempniss adurat; dicente Cypriano. Alioqui inane erit & inutile Jejunium, si solâ esca-

de Jeji. & Tent. Christi.

rum abstinentiâ metiaris. Omnino nil prodest subtrahere corpori cibum, & non detrahare vitia; castigare corpus inedia, & mentem exercere nequitia; ore carnem non attingere, & maledicentiâ proximum lacerare; quæ tuæ sunt non comedere, & surripere ea quæ sunt aliorum; aquam non bibere, & deglutire sanguinem. Teipsum arbitrum statuo, dic paucis, carnes non edis, & fratrem tuum comedis? si à vino abstines, & ab injuriis tibi non temperas, æquid erit pretii? Quòd si in causa propria arbitrium facere non placet, attende S. Hieronymo, ejus hæc sunt ad Celantiam verba: *Quid prodest rennari abstinentiâ corpus, si animus intumescat superbiâ? quam laudem merebimur dampnare Jejunii, si invidiâ lividi sumus? quid virtutis habet vinam non bibere, & irâ atque iracundiâ inebriari?* Ad res alias oculos tuos paulisper converte: *Non expedit currum validum ac strenuū quadrigis instructum esse, si auriga insanat, Nulla est in bene fabricata navi securitas, si obrutus sit ipse gubernator*: similiter nec homini prodesse potest, si corporis sarcinam, si carnis molem imminuerit, & mentem patiatur esse vigis prægravatam. Quid quòd diabolus ipse, cum spiritus sit corporis expers, nihil unquam edit omnino; nec quisquam est dæmonum qui quòd se obsequiis jagurgitet aut immodicè bibat accusari potest? at non sunt idcirco

Bas. hom. de Jeji. Ambr. in Serm. Quadrages. Niss. De pauperibus amandis

Niss. ibid.

hom. de Jejun.

sanctitati propiores. Eodem modo se res habet si de nobis ipsis loquamur; *ἡ νηστεία ἀλλοτρίος ἢ ἡ κακῶν ἀλλοτρίων*, ut scitè Basilii; *Jejunium verum est sequestro & ejectio vitiorum*; & tunc præclara est abstinencia corporis, cum animus est jejunus à peccatis. Ex quo sequitur, quòd si quis à cibis jejunat, & non à peccatis, jejunat munito, non l'omino, & escarum lucrum facere videtur, non salutis. Nè fortè acerbum dictū videatur, acerbius multò est illud S. Ambrosii, *Qui jejunant à cibo, et non se abinent à malo, similes sunt diabolo, qui non manducat, et malum tamen facere non cessat*. Quapropter, ut finem hujus partis faciamus, quotiescunque de Jejunio cogitamus, non in abstinenciam solam vertendus est animus, ut hoc Abstinnisse esse putemus jejunasse; sed longius est prospiciendum, ultra ipsam abstinenciam ad morale illud in quod Jejunium dirigitur, absque quo jejunum est omne jejunium, imò planè nullum: *τὸ ἵνα νηστεύῃς μὴ νηστεύῃς*, ut eleganter Chrysost. famēs aut esuries dici melius potest quàm Jejunium; & umbra atque cadaver jejunii, non opus ipsum. In rebus omnibus tenet quæ sunt Ad aliquid, tyronibus notum ex Dialecticis, Quòd relati virtus nulla est absque suo correlato, sive correlatum unum fuerit, ut in aliquibus, sive plura, ut in præsentī negotio. Jejunii correlatum unum est Oratio, alterum Pœnitentia; ad hæc, Subjugatio carnis, victoria Spiritus, & ut strictim loquar cum S. Chrysostomo, *ἡ νηστεία συνελὶξ ἂν εἴη τῶν ἐνεδῶν τοῦ σώματος ἐγχειρῶν*, *Jejunium corporale propter spirituale est institutum*; & Jejunium proprium ad Metaphoricum est referendum, sicut ex ipso ordine nos S. Evangelista docet, qui tacitè & per insinuationem in tentationis Christi historia hanc de Jejunio eius mentionem intertexit, ut vel ipso verborum ordine nos erudiret, Quale bonum sit hoc quod vocamus Jejunium; ejusmodi bonum, quod respectum habet & ordinem & habitudinem ad aliud & majus bonum. Hæc sufficiant de Ordine dixisse.

Hom. 34. de Res.
Dom. ni.

Ab Ordine descendendum est ad Causas; quæ Salvatoris motiva erant in hac se disciplina exercendi. Causarum cognitio aliqua ex jam dictis haberi potest, sed non perfecta annumerario. Quòd si de nobis ipsis agendum esset, aut de Jejuniis nostris, facillima foret disceptatio: in comperito sunt multæ & justæ causæ quæ nos pusillos & peccatorum onere pressos excitent; quia in magnum nobis cedit Jejunium emolumentum, frangit imperum mentis, & faces vincit avaritiæ, & cupiditatum fomitem comprimit, & ad negotia spiritualia, cum inertes simus ex nobis ipsis & indispositi, magnopere conducit. De Christo verò non sic dicendum est: Non illi opus erat ad corpus domandum hoc adjutorium qui carnis incentiva non habuit, non indigebat remedio qui non subiacebat morbo; nunquam ipse sibi vitiorum aut gulæ aut ventris conscius erat; in appetitu nunquam peccavit, nec ullum defectuosum motum novit, qui esset Jejunio corrigendus: Propter hoc difficilior est causarum designatio cum de Christo loquimur, sed investigabilis tamen, & ad duplicem respectum reducibilis, ad respectum Sui, & ad respectum Nostri.

Respectus Sui multiplex erat, Vindicatio sui, Confirmatio sui, Præparatio sui;

Inprimis, Vindicatio Sui præmittenda erat, propter calumnias quas se passurum prævidebat, quia criminationes Judæorum plenissimè præcognovit antequam fierent, & inter illas hanc maximam judicavit, quòd voracem hominem dicerent καὶ οἰκονόμῳ quia non Phariseos solos hæc vellicandi prurigne percitos præcognovit, sed Baptiste discipulos; etenim & illi accusabant eum velut juniorum hostem, Matth. 9. 14. Discipuli

scipuli tui non jejunant. Ergò hisce criminationibus etiam in Jimine Ministerii occurrendum putavit, à jejniis incipiendo: atque hoc modo non solum criminationis labem deterfit, sed & ora blasphemantium obstruebat; quia insultum erat & absurdum epulonem, cum aut jejunii hostem aestimare, qui tam duras sibi abstinentiæ leges imposuerat.

Secundò, Conformatio Sui necessaria erat ad Legis præscriptionem exsequendam, quia ad implendam Legem venerat: tam sui memor erat, ut ex omni parte vellet implere, & quantum ad magnalia Legis & quantum ad minutias; tam sui prodigus, ut implere, & adimplere, & plusquam implere dignatus sit; ubi Lex exigebat ut semel quolibet anno diem unum jejniis dicarent, Levit. 16. 29. placebat ipsi pro unius dieculæ curriculo quadraginta substituere, & hac vice unicâ (ut nihil dicam de jejniis minoribus) plus multò præstare quàm ex præscripto Legis totæ sufficeret vitæ.

Tertiò, Præparatio Sui expediebat & ad Pugnam, & ad Ministerium. Ad Pugnam, ut se muniret contra insultus Satanæ, quem armis suis, hoc est, Dominio & Majestate, indignabatur vincere; sed nostris voluit, hoc est, Jejunio & Precibus. Ad Ministerium, quia communis est & sanctis omnibus adeò probatus hic præparationis modus, ut nihil unquam magni molitus eos legimus nisi prius abstinentia præcessisset. Sic Hester regina & Nehemias, cum ad liberationem populi sui se accingerent, à Jejunio ordiebantur. Sic Antiocheni, Act. 13. 3. quò Pauli & Barnabæ ministerium; quod tanti momenti erat, melius Deo commendarent, ad jejunandum prius conveniunt. Consimile est illud quod de Romana Ecclesia refert S. Augustinus, in illa ad Cassulanum Epistola, quò quando Petrus Romæ congressurus erat cum Simone Mago die Dominico, tunc die Sabbati jejunium indixit: nec illud Hieronymi absudit de S. Joanne Apostolo, in Prol. super Matthæum, idemque Eusebius testatur in Eccles. historia, quò cum Joannes rogatus esset ab Ecclesiis ut contra Ebionem & Cerinthum Evangelium scriberet, se id facturum respondit, si Ecclesia tota publicè antea jejunasset. Nè memorem reliquos, de Sanctis singulis B. Cyprianus prædicat, quò quoties à Deo aliquid obtinere conati sunt, toties jejniis incubuere & lacrymis. Eodem modo & Dominus noster Evangelii opus publicum aggressurus, quò alios facere voluit exemplo suo docet; non quòd ille simpliciter Jejunio indigeret, sed ut nobis exemplum daret, quò apparatu instructos esse oportet ad res magnas agendas. Hoc fundamentum Causarum primum, in respectu Sui positum.

Secundum in Nostra respectu versatur, & ad duos fines dirigitur, in Liberationem nostram, & Institutionem.

Liberationis ratio à S. Ambrosio Serm. 35, & 37. ponitur, quòd ideo jejunavit, ut ad nos virtus & meritum Jejunii ejus se extenderet; utque sic pro luxuria nostra suis Jejniis satisfaceret, sicut tentationes nostras suis victoriis sanctificasset. Dicite, ecquid usus nostris magis accommodum potest excogitari quàm ut Christus se interponeret inter primum reatum & primam vindictam, utque in secundo Adamo remedium inde inciperet unde in primo vulnus sua exordia duxisset? O facinus egregium, quò factum est ut eodem modo quo mors intravit in orbem terrarum, intraret & vita! Per cibum mors intravit, quando ad arboris vetitæ esum eos Serpens seduxit quos Deus ad abstinentiam sacramento immortalitatis obstrinxisset. Vide igitur mysterium, Satisfactionem suam Christus orditur à primis: à Præcepto primo; quia Deus abstinentiam imperasset, in ea primum Christus testatur suam obedientiam: à Seductione primâ, quia

H h h 3

dolos

*Cyp. de Jejun. et
Tent. Chr.
Hest. 4. 5.
Neh. 1. 4.*

*Pet. Mar. in Ju-
dic. c. 20.*

*de Jej. & Tent.
Christi.*

dolos suos, serpens conuissit ex cibo & gula, Christus incipit à Jejunio: denique à Lapsu primo; quip̃ protoplasten gula decerpisset, ideo per temperantiam Salvator se medicum exhibet; ut quorum generatio per intemperantiam peccaverat, eos per abstinentiam sanaret. O, inquam, egregium medicum! *Sanavit nos omni genere medicina*, sicut optime est à Ludolpho par. 1. cap. 22. annotatum: *per Elecluaria*, quando corporis & sanguinis sui mysteria tremenda Ecclesia reliquit; *per Sudorem*, quando gutta sanguinis decurrebant in horto; *per Emplastrum*, quando facies ejus strato illita fuit; *per Potionem*, quando acetum felle mixtum gustavit; *per Minutionem*, quando clavus & lancea vulneratus est; *per Dietam*, quando ad hoc tam accommodum tamque meritorium remedium se recipiebat. Meritorium dico, quia quod pius homo mancando perdidit, hoc Christus jejunando recepit: Accommodum, quia *labem primi hominis in eo quo primum peccaverat sanavit*, Chrysost. Hom. 2. De lapsu primi hominis; dum legem abstinentiæ in Paradiso datam in Deserto custodivit. Hæc Ratio prima quæ in nos respicit, propter Liberationem & Justificationem nostram.

Ratio secunda facti est Institutio nostra: Idcirco jejunavit, ut in iis quæ ad severiorem pietatis partem spectant & Apostolos inprimis, & Apostolorum prolem posthumam, Christianos omnes, erudiret non minùs exemplo quàm verbo. Ut connexionis vis appareat, recognoscere oportet, quòd non sunt ejusdem generis religionis officia singula. Sunt quædam ex se jucunda & delectabilia, ut Oratio, Dilectio, Contemplatio: & ad hæc præstanda præcepta nuda sufficere poterant, tametsi non essent nobis exemplo aliquo commendata. Sunt alia quæ duriora videntur & asperiora, ut Renuntiatio seculi, Maceratio carnis, Susceptio crucis, Vigilia, Fletus, Jejunia: & ad hæc promovenda valde dubito utrùm nuda Documenta sufficerent, nisi Exempla accedant, quæ occultâ quadam virtute ejusmodi Officiorum & rigorem mitigant, & possibilitatem probant. Vide igitur prudentiam Salvatoris: quia Jejunium cognovit inter Duriora pietatis nos assimilatuos, idcirco non satis putavit id in mandatis reliquisse, verùm exemplo suo & facto sanctificavit. *Cæpi*, inquit S. Lucas, *facere & docere*, & quidem priùs facere quàm docere; quanquàm revera non sit facile dictu utrùm priùs fecerit an docuerit, quia hoc ipso quòd fecit docuit, & uno hoc eodemque facto non unum documentum reliquit, sed infinita. Accipite paucis. Docere nos hoc facto suo voluit quàm sit Sobrietas & Mortificatio Christiano homini necessaria, cui Christus ipse, quæ homo, se subiecit, quinihil habuit in sanctissima sua carne mortificandum. Quòd si ipse infantem suam carnem jejunii afflixit, nos nostram fontem & peccatricem multò magis. Deinde quàm sit Sobrietas & Temperantia Christianæ vitæ ornamẽto, quando his gemmis Christus & Ministerii introitum, & totius vitæ cursum condecoravit. Docere voluit quibus usibus Jejunium inferviat, ad castigationem corporis, ad purgationem mentis, ad sublevationem sensuum, ad præparationem animi contra tentationes. Ut pergam porro, docere nos voluit quis primus Scalæ gradus ascendendi ad patriam, per Orationem & Abstinentiam. Quòd de Elia S. Ambrosius pronuntiat, *Ad celos Elias jejunio antequam currum ascendebat*, de nobis verum est, Oportere nos in viam virtutis per abstinentiam redire, quia per gulam defleximus. Deinceps & id docere voluit, quo potissimum tempore sit nobis jejunandum; tunc cum tribulationes imminet, cum finitimi sumus periculis & tentationibus. Est S. Basilii de verbis textus Observatio, Quòd ideo Christus ante pugnam jejunavit,

de Elia & Jeq.

junavit, ut ostenderet tunc maximè abſtinentiam eſſe neceſſariam cùm nobis in hanc arenam eſt. deſcendendum. Porro & illud docere voluit, quibus armis adverſus inimicum pugnare debemus; Orationibus, Vigiliis, Jejuniiſ. A Theophylacto hæc ratio redditur, Quòd ideo Chriſtus jejunavit, ut doceret, ὅτι μίαν ὁπλὴν ἐκ τῶν ἀρετῶν ἡ νηεία, quòd munimentum optimum, quòd armatura ſingulariſ contra tentationes ſit Jejunium; tam ſingulariſ, ut nunquam non proficiat. Quòd ſi ad hoc interdum non proficiat, ut non tentemur, at ad hoc proculdubio proficiet, inquit S. Chryſoſtomus, Opere imperfect. in Mat. ut non vincamur. Poſtrò, docere voluit hoc factò Jejunia etiam ad Evangelium pertinere; alioquin quid crederet voluiſſe Chriſtum hoc præparatorio uti ad publicam Evangelii promulgationem, ſi cum Jejunio non conſiſteret Evangelium? Extremum hoc ideo advertendum putavi propter inſulſos quòſdam homunculos, qui Jejuniorum obſervationem ad Legalia relegant, atque inter eos ritus numerant qui ſunt adventu Chriſti abrogati, & libertati Chriſtianæ parùm conſoni. Mirarer ædèpol poſſe hujus farinae quenquam inter nos reperiri, niſi quòd ejusmodi homines lego in ipſa Platonis Republica exiſtiſſe. In libro octavo Plato conqueritur, perverſos neſcio quos juvenes eò audaciæ prorupiſſe, ut contra has virtutes linguas acuerent, & ejiciendas tanquam periculoſas contenderent. Verba ejus hæc ſunt, τῶν μὲν αἰδῶς ἡλιθιότητι οὐκ ἐμάχοντο, καὶ τῶν μετρώμεται ἀρετῶν, καὶ τῶν ὑπερβολῶν ἀρετῶν, pudorem ſauitatem vocabant, moderationem ruſticitatem, temperantiam ignaviam: quaſi tutò poſſint in vitiis & cupiditatibus volutare, ſi priùs virtutes hæc maledicentiæ ſuæ dehoneſtaſſent. Similiter & noſtra ventris animalia, libertatiſ ſuæ, vel magis luxuriæ, ſtudioſa, nè virtutibus detrachere videantur, vitiorum nomina iſi affiungunt, & Jejunium ſuperſtitionem, Abſtinentiam ſervilitatem vocant: & digni quidem ſunt qui non impunè delirent. Verùm nolo mihi met ipſi anſam præripere eos in poſterum fuſius proſequendi; ad poſtremam diſputationiſ partem ea diſſertatio eſt referenda, cùm de Chriſti Jejunio agendum eſt ut factò regulativo & exemplari. Interea hoc ſufficiat quòd Antipater de ſeptem ſapientibus dixit, πάντας σωφροσύνης φύλακας, fuiſſe eos omnes temperantia cuſtodes: itidem & nos de Sanctis omnibus, Fuerunt ſinguli abſtinentiæ alumni, deditiſſimi que jejuniiſ; fuerunt Patriarchæ, fuerunt Prophætæ, Apoſtoli, Martyrès; fuit ipſe Chriſtus & cuſtos ſedulus Jejunii, & inſtitutor glorioſus, nec minùs glorioſus in hoc, quòd Dominus Abſtinentiæ, quàm in illo, quòd eſt & ſemper erat Dominus Plenitudiniſ. Quocirca non eſt quòd quenquam Chriſtianum pudeat hujus Exercitiij ſub præcurſore Chriſto, cùm ipſum habeat, ut S. Auguſt. loquitur, authorem abſtinentiæ ſuæ qui erit retributor laboriſ ſui. Abſit ut illius nos unquam pigeat virtutiſ quam Salvator ſuo exemplo conſecravim: dum prudentiâ eadè miniſterium ſuum & conſummavit Sacramentali cœnâ, & inchoavit miraculoſo Jejunio; ut ipſius uſum oſtenderet ad Evangelium pertinere. Hoc documentum ultimum, adeòque primi Capituli conclusio, quam partem hiſtoriæ Moralem appellavi, quia de opere Pietatiſ agit, cùm jejunafſet.

De parte Miraculoſa & Naturali proximo eſt agendum.

LECTIO XVII.

● *Quadraginta diebus & quadraginta noctibus, postea esuriit.*

AD istius versiculi plenam perfectamque enucleationem labor unus non sufficit, quia non est una verborum, facies aut habitus unicus, sed tribus, iisque diversis, formarum speciebus distinctus. Est enim in iis & aliquid Morale, & aliquid Miraculosum, & aliquid Naturale considerandum. Ad Moralia vox prima pertinet, *Cum jejunasset*; est hoc opus Pietatis. Ad Miraculosa vox secunda, *quadraginta diebus & quadraginta noctibus*; est opus hoc Potentiae. Ad Naturalia vox tertia & ultima, *Postea esuriit*; est hoc opus vel magis passio Infirmitatis. De parte Morali dictum est antè.

Proximum est ut ad illam quam diximus Miraculosam accedamus, in qua Jejunii continuatio describitur: idque & verbo diurnitatis, *quadraginta diebus*; & verbo etiam redundantiae, *quadraginta noctibus*. In illo est Designatio temporis, in hoc Supplementum. Ut utriusque clarior sit intelligentia, ad tres quaestiuinculas rem totam revocabo, de Numero, de Supplemento, de Ipso miraculo. Quae possit esse ratio quare ad quadragesimum diem jejunium suum Salvator produxerit; haec prima. Quae causa sit cur post *hierum* enumerationem factam, *noctium* quoque mentionem Evangelista subjunxerit; haec secunda. Postrema, An haec ad tam longinquum tempus Jejunii protractio sit propriè & simpliciter inter actus Christi miraculosos recensenda. Haec disputationis Capita sunt.

Quae ut distinctius percurram, à prima quaestione exordior, cujus duo sunt membra: An rationi sit consentaneum ut ad quadraginta dies, nec plures nec pauciores, Jejunium suum Christus extenderet; & Quae putanda est ratio. De priori membro dubitatio prorsus nulla est, fuisse omnia Christi & facta & instituta rationis sanctae plenissima, non solum quantum ad res ipsas, sed etiam quantum ad singulas circumstantias & locorum & personarum & temporum. Tamen si in dierum & annorum numero, quae numero, virtutis nihil aut momenti positum existimem quod ad aedificationem conducatur: at hoc tamen oportet esse persuasissimum, nè ad numeros quidem ipsos absque summa & certa ratione. Christum unquam respexisse; sive cum duodenarium annum elegerit, ad sapientiam suam inter Doctores demonstrandam; sive cum trigessimum; pro signis faciendis fungendoque ministerio; sive cum diem post resurrectionem quinquagesimum, ad Spiritus Sancti publicam missionem; sive cum quadragesimum hunc, ad totius consummationem Jejunii. Hoc Christus prudenter fecit & consultò, ut omnia; neque pietatis est de priori membro ambigere, Quod ratione optimà & intelligentià ductus est ut in hoc numero terminaret.

At verò de posteriori quaestionis membro non tam facile constat, Quae sit illa ratio quae *per quatuordecim* ducebatur ut in hoc numero consisteret. De hoc

hoc non convenit inter Interpretes, dum alii ad Observationem Legis, alii ad Condecentiam personæ, alii ad Mysterium putant esse referendum.

Ad Legis Observationem Joan. Ferus & Did. Stella revocant: quia Lex cavebat Deut. 25. 3. ut in plagis aut verberibus inferendis quadragenarium numerum non excederent; ergo Christus, ut pro peccatis nostris disertius satisfaceret, juxta præscriptionem Legis hoc præstare voluit debito & proportionabili dierum, quasi plagarum, numero. Neque ulterius decebat extendere Jejunium, dicente Fero, *nè nimium severe seipsum affigeret, & supra definitionem Legis*. Verùm hoc frivolum est, ingeniùmque magis redolens quàm judicium. Ut de fundamento cui innititur nihil dicam, quod sanè infirmum est ac debile: etenim posito quòd in esurie aut inedia pars afflictiva Jejunii consistat, ut ipsi non malè supponunt, ac certissimum est hanc afflictionem Jejunii Christum non fuisse passum durante quadraginta dierum spatio, sed tantùm decurso, quia non intra illos esuriebat, sed post illos, ut S. Matthæus testatur. Hæc igitur ratio transeat, utpote quæ in se nil soliditatis habeat.

Videamus an illa altera sit melior quæ in Personæ Condecentia fundatur. Huc respexisse Christum Abulensis affirmat: *Quia Moses & Elias in suis jejniis hunc numerum impleverant, idcirco & ipsum decebat eundem ad amissum servare, neque minuendo neque augendo. Non par erat ut diminueret, nè minor Mose & Elia videretur: Non par fuit ut augetet, nè ex hoc diabolus, dum Dei filium dignosceret, à tentandi proposito cessaret*. Hoc illud est in quo S. Chrysostomus & Theophylactus aliique interpretes non pauci insistant, *Noluisse eum hunc numerum transcendere, nè homo fictitius, & non verus, videretur, si illud fecerit quod nemo hominum fecerat: Nunc vero dum ad quadragenarium solum progreditur, nihil est quod vero homini repugnat, quia Moses & Elias ad eam Jejunii longitudinem perveniebant*. Hæc illi, & fruuntur per me suâ conjecturâ, præsertim cum sit apud omnes in confesso, Eliam & Mosen in Jejniis suis typicos Christi præcursores fuisse, totque dies quasi per præludium jejunasse, ut humanitas Christi idoneum haberet testimonium. Ast verò quæ exinde colligunt, non video quam habeant consequentiam, Quòd minor videretur Mose & Elia Christus, si non complèssset hunc numerum quadragenarium; Quòd non verus homo putaretur, si eum excessisset. Harum deductionum sequela nulla est, quia non suscipiunt magis & minus quæ sunt vera miracula; neque enim in operibus Omnipotentiae gradus ulli reperiuntur: sicut non ob hoc minor Mose Christus esset putandus, si tantùm ad diem trigèsimũ; ità non ob hoc verus homo non esset putandus, si usque ad quinquagesimũ diem jejunium perennasset; sed & in minori numero verus Deus, & in majori verus homo permanisset. Quapropter mittamus etiam & ista, & De ordine Rationum tertio videamus, An aliquod sit Mysterium in hujus numeri observatione: quia in hoc genere Patres & sæpe & multùm luxuriantur, & duplicem in hoc numero Perfectionem latitare contendunt.

Perfectio prima quam obtendunt est Scripturarum, quæ ex Lege & Evangelio constant, ex Novo & Veteri Testamento, & per consequens ex quadragenario, hoc est, ex quaternario in denarium ducto, sive ex decem præceptis Legis per quatuor Evangelistas confirmatis, unde numerus assurgit quadragésimus.

Secunda est Perfectio præsentis Vitæ; ejus autem figura, ut dicunt, est quadragenarius, sicut quinquagenarius futuræ. Hinc est quod illud adducunt de populo Israëlítico, qui 40 annis in Eremo exercebatur ante-

quam

quam ad terram Promissionis ascendere possent; In hujus vita figuram, inquit Ambrosius, qua prius est transgenda quam ad celum veniatur. Hinc etiam & illud, quod Christus quadraginta dierum spatio commoratus est in terris post Resurrectionem, ut esset pignus, dicente Augustino, in Ps. 94. illius promissionis quam toti Ecclesie reliquerat, Ego vobiscum sum omnibus diebus usque ad consummationem seculi; quadragenarius enim numerus, ut ille loquitur, integritatem indicat seculorum, qua nisi per hunc numerum non sunt perficienda. Quod ad meipsum attinet, non valde me his subtilitatibus delectari perlibenter profiteor, quæ humanæ rationis argutiam magis referunt quam mentem Spiritus Sancti. Atque Cajetani illud in Exod. 24. mihi multum arridet, Non esse curiosus querendus rationes numeri in Divini miraculi operibus. At nihilominus duæ sunt causæ quæ me mordicus tenent ne penitus in præsentiarum præterirem. Una est Communis & Universalis consensus Interpretum, tam veterum quam recentiorum, sive Pontificios consulamus, sive nostros. Vix quisquam est inter tot diversissimi genii atque eruditionis viros qui latere in hoc numero aliquod mysterium diffiteretur. Imò & S. Augustinus fidenter asserit, ex numerorum imperitia ortum esse ut in Scripturis Sacris multa hujus generis non intelligantur; Neque est, inquit, ingenii ingenui qui non ad hoc movetur, ut sciat quid sibi velit quod & Moses, & Elias, & ipse Dominus quadraginta diebus jejunaverunt; cujus actionis adeo figuratus est modus, ut sine hujus numeri consideratione solvi nequeat. Causa altera est, quia non solum in Vetere Testamento, sed etiam in Novo, sollemnis est hujus numeri usus & observatio; neque solum in Jejunio Christi, sed & in aliis vitæ ejus partibus, sive ad Menses, sive ad Septimanas, sive ad Horas, sive ad Dies ipsos te verteris. Si ad Menses, quadraginta menses erant, ut Doctores antiqui perhibent, quibus se exercebat in prædicatione Evangelii: si ad Hebdomadas, quadraginta septimanæ erant quibus in utero Virginis portabatur: si ad Horarum minutias, quadraginta horæ erant quibus mortuus deliquit, ab hora mortis ad horam resurrectionis computando: denique, si ad Dies, quadraginta dies existerunt quibus à nativitate in domo Bethleemica detentus est antequam offerretur in templo; & quadraginta dies post resurrectionem antequam in cælum ascenderet. Quæ omnia aperte demonstrant, honorabilem esse dierum numerum quem ipse Dominus tot solennitatibus honoravit. Quapropter ut hoc expediam paucis, utcumque hac in re difficile sit certi aliquid asserere, hoc tamen potest probabiliter confici, triplicem esse respectum quem Dominus noster habere poterat in hoc dierum numero seligendo, ad Præterita, ad Præsentia, & ad Futura.

Ad Præterita est respectus primus, quia quadragenarius est numerus Conformitatis, Divinus ille & mysticus numerus, quem ex Divina ordinatione Moses & Elias in suis Jejniis absolverunt. Hoc igitur posito, quod Legislator Moses & magnus ille Propheta Elias quasi numeratis ad calculum quadraginta diebus jejunarunt, magnopere expediebat ut totidem Christus absolveret: non solum ad hoc, ne Mose & Elia inferior videretur, aut ad inferiora destinatus; sed ut demonstraret etiam se illum esse quem Lex & Propheta præfigurabant; illum etiam qui finem & complementum daret Legi & Prophetis; postremò, illum qui non dissentiret, ut S. Augustini verbis utar, à Lege & Prophetis, neque ad hoc venisset, ut ea solveret, sed ut adimpleret. Hic respectus primus est, Ad Præterita.

Secundus respectus est ad Præsentia, quia, ut annotat Bucerus, & longè ante

l. 2. De Doctrina
Christiana, c. 16

Ludolf. p. 1. c. 21.

Ep. 119. ad Fa-
narium, c. 15.

ante eum Hieronymus in Ezech. 29. *quadragenarius est numerus Afflictionis, pena & penitentia & peccatorum expurgationi ex Scripturarum usu dicatus.* Neque exempla defunt quibus demonstretur; Diluvii vindicta monstrat, in quo quadraginta dies ac noctes pluebat super terram, cum aquarum inundatione mundum purgare Deus voluit, Gen. 7. 12. Post hoc Deserti patientia, nam quadraginta annos filios Israel in deserto Deus detinuit, Exod. 16. 35. *nec antequam numeri mystici tempus explerent, terram promissionis intrare meruerunt,* ut Ambros. in Luc. 4. loquitur: Ad hæc, Ezechielii data injunctio, ut quadraginta dies in dextrum latus cubaret, quod portaret iniquitates domus Judæ, Ezech. 4. 6. Porro, ut hoc manifestius fiat, Afflictionis numerum quadragenarium fuisse, à Beda Venerabili in 1 Reg. 6. aliisque est annotatum, quod pars illa Templi qua Sancta appellabatur quadraginta cubitorum longitudinem habebat, ab Oriente ad Occidentem, id est, ab ingressu ad Sanctuarium; ut eo significaretur, per multas afflictiones patere nobis introitum in regnum Dei: Ex his omnibus subapparet quadragenarium Poenitentiae & Afflictioni consecratum: unde igitur mysterium, atque hoc non uno ambitu comprehensum. Est mysterium in numero Physicè sumpto, quod ad hos terminos Jejuni-um suum protelavit: qui Judæorum adeo misertus est quando per triduum solum absque cibo perseverassent, ut jejunos eos dimittere nollet, nè deficerent in via, Matth. 15. 32. ad diem usque quadragesimum abstinentiam suam provexit, longè ultra ipsius naturæ cancellos. Deinde, est mysterium in numero Metaphoricè sumpto, quod numero Poenitentiae. Tamen si in seipso non habuit Christus, nec in tota vita aut fecit aut dixit aut cogitavit quicquam, de quo pro se poenitentiam ageret: at pro nobis voluit hunc poenitentialem numerum adimplere, pro nobis hæc poenitentiae rudimenta & insignia expandere.

Respectus tertius est ad Futura, quia Quadragenarius sicut Afflictionis, ita Præparationis etiã numerus habebatur, ut abunde videre est in S. Literis. In Nihilivitis id patet, quibus hunc dierum numerum indulsit Dominus, ut præpararent se contra impendentem ruinam, *Adhuc quadraginta dies, & Ninive subvertetur.* In Elia patet, quem ad quadraginta dierum jejunium iter priùs Dominus vocavit quàm ad Divina colloquia & visionem sui admittere vellet. Patet etiam in servo Dei Moise, qui tot dierum jejunium sustinuit velut præludium ad Legem accipiendam. Quod si hoc Moysi conveniebat, Christo multò magis, ut inceptum celebrius eadè saltem præparatione ornaret. Quod esset inceptum celebrius primo est qui nesciat, atque pulchre est à B. Maximo depictum, cujus ipsa verba non gravabor transcribere, ut huic primæ parti coronidis loco esse possunt. Habentur in Conc. 3. de Jejuniis Quadragesimæ. *Jejunavit Moyses, inquit, & jejunavit Christus, quadraginta dies Moyses, quadraginta & Christus: Moyses, ut præceptis legalibus unius populi erudiret disciplinam; Christus, ut universas totius mundi redimeret gentes: Moyses, ut præsentis vitæ mandata suscipere; Christus, ut æternæ salutis sacramenta constitueret: Moyses, ut Deum videret; Christus, ut unum se esse cum Deo, dum diabolum triumphat, ostenderet. Ergo illud perspicite, si Veteris editor Legi ad hoc esset opus quadragenariâ præparatione consecrandæ, Novi conditorem Testamenti multò magis decebat: quia Moyses post Jejuniium scriptas Dei digito tabulas populo prævaricante confregit; Christus suo Jejuniio mansurum per secula Evangelium consecravit. Hic respectus est tertius, ad Futura, nimirum ad opus Ministerii, & Evangelii promulgationem.*

Quæ quidem singula delitescere posse in hoc numero facilius adducor ut credam

credam, quia tam frequens est hujus numeri usus in Sacris Scripturis quoties de mysteriis agitur; & vix potest fortuito fieri quod tam sæpe sit; neque vulgare putandum est quod tam multis instantiis fidei nostræ conceditur. Quod si quis sit qui his habeat quæ afferat certiora, non modò non respuo, sed amplector. Interea & hæc expendisse fortasse suo fructu non carebit, si in duobus illis, usquedum meliora calleat, conquiescat animus; Quod & ex Necessitate credendum est fuisse quadragenarii seligendi causas legitimas, & ex Probabilitate causas istas, aut earum aliquas, quas modò enumeravi. De prima quæstione hætenus sit satis dictum.

Ad Secundam nunc vertendus est calamus, quam de sententiæ Supplemento proposui, Quæ causa sit cur post *dierum* enumerationem factam *noctium* quoque mentionem noster Evangelista intulerit; quod tamen est à S. Luca prætermisum, qui *dierum* tantum meminit, absque ulla *noctium* commemoratione. Non quòd diversa loquantur, qui eundem afflatum habuerunt; eodem afflatu Divino *noctium* mentionem S. Lucas omisit quo eam S. Matthæus interposuit, quia idem est dicere *quadraginta dies & noctes* ac *quadraginta integros dies*: ut nihil est minus in illis verbis S. Lucæ, ita nihil majus in his S. Matthæi. Quapropter ut quæstioni huic satisficiam, utriusque Evangelistæ locutio est examinanda; ut utrinque discernere valeamus, & illinc cur S. Lucas prætermiserit, & hinc cur S. Matthæus apposuerit hanc *Noctium* mentionem.

Prætermisionis ratio est primò introspectienda, ut videamus Cur *noctes* S. Lucas non commemoravit. Ejus duplex potest esse causa, Mystica & Grammaticalis.

Mystica ratio hæc est; De noctibus eum nihil dixisse, quia præsumendum est noctis nihil intervenisse in toto illo temporis spatio. Obsecro, quæ potest esse noctis caligo, ubi Sol justitiæ devotionis radios diffundit? aut quis tenebrarum interjectus impedire eum poterat qui faciem Dei videbat, qui in Dei cogitatione versabatur? Enimvero si concedatur successisse diebus noctes, at hoc est indubitatum, non sensisse aliquas tenebras Christum quæ pietatis exercitiis impedimento essent; quia ipsi tenebræ non sunt tenebræ, sed nox sicut dies illuminatur, ut Psalmista loquitur. Hæc ratio Mystica, Propter hoc non meminisse *noctium* S. Lucam, ut noctis exterminium significaret: hæc, inquam, ratio Mystica.

Grammaticalis sequitur, quæ magis est nativa, atque illa à linguæ proprietate depromitur; est enim hæc loquendi formula Hebrææ linguæ propria, ut fine noctis commemoratione dierum numerus significetur; quia nox est pars diei, ut omnes norunt. Neque ab hoc loquendi usu linguæ cætera abhorrent; ut *vixisse aliquem* dicant *dies triginta*, aut *imperia gessisse dies centum*; noctes in diebus complectendo. Loquendi ratio à computationis modo originem traxit, qui licet diversus sit apud diversos populos, at omnibus tamen in more positum erat viginti quatuor horarum spatio dierum terminos constituere. Accipitote breviter; Est dies alius quem *Artificialem* vocant, alius quem *Naturalem*, alius quem *Civilem*. Artificialis dies significat tempus duodécim horarum quo in nostro Sol splendet Hemisphærio, unde & dies hemisphærialis à nonnullis dicitur. De illo Christus loquitur, Joan. 11. 9. *Nonne duodecim sunt hora diei?* Naturalis dies spacium denotat viginti quatuor horarum, quo Sol Primi Mobilis impetu raptus suum peragit cursum, ferturque circa terram; totus circuitus Solis ab Oriente ad Occidentem efficit diem naturalem. Dies Civilis viginti quatuor horarum ambitum similiter continet, sed diversimodè

modè initium finemque fortitur, secundum varios Gentium mores & consuetudines. Ægyptii à media nocte ad aliam mediam noctem diem suum computabant, ut Plinius & Macrobius advertunt; Umbri contrà, à meridie in meridiem: Babylonii inter duos Solis exortus diem suum observarunt, hoc est, ab uno ortu usque ad alium ortum; Athenienses contrà, suum inter duos occasus statuebant, i. e. à Sole occidente ad Solem denuo occidentem; quæ consuetudo etiam apud Judæos invaluit, qui spatium inter vesperam & vesperam diem integrum appellabant. Ad hanc normam si verba S. Lucæ exigantur, constabit illico, & discrepantiam quæ prætenditur nullam esse, & locutionis hujus causam esse justissimam, & cum coevangelista Matthæo convenientiam ipsius tantam esse ut planè idem loquatur. Quod si ad dies artificiales sermo ejus detorqueatur, discrimen magnum inter eos intercederet; imò ex eo possibilitas aliqua sequeretur intercisus & dimidiati jejunii, si exceptis noctibus dies quadraginta capiantur: quod perquam absurdum est vel semel de hoc Salvatoris solenni Jejunio cogitare, cum nil sit magni in longissima hujus generis abstinentia. Propter hoc ad dies Naturales & Civiles est recurrendum; de his diligentissimus historia scriptor Lucas loquitur, in diebus noctes comprehendens: Sic nulla est in sententiis diversitas, apponendo, vel auferendo noctium mentionem; quia & ex usu loquendi Hebræis familiari, & ex significatione vocis, vel naturali vel civili; non majus quid est si dicas *quadraginta diebus & quadraginta noctibus*, quàm si solum *quadraginta diebus*. In comperto est ratio, quia locutiones sunt synonymæ & æquipollentes: utcumque una sit magis plena, quæ noctes assumit, altera magis propria, quæ dies solos exponit; attamen amba eodè recidunt, quia simplex Diei nomen utrumque complectitur. Est ea Diei super Noctem præstantia, ut per prærogativam quandam diei & noctis tempora *Diei* appellatione Scriptura Sacra concludat, efficitque ut pars principalior totius retineat & definitionem & æquivalentiam. Hæc æquivalentia eò studiosius est observanda, quia plurimum lucis affert aliorum locorum interpretationibus, qui eruditissimos etiam viros torquere solent quia huic locutionum æquivalentiæ non attendunt. Ejusmodi est illud Estheræ 4. 16. sunt verba reginæ ad Mardocheum, *Jejunate pro me, & non comedatis neque bibatis tribus diebus & tribus noctibus, & ego cum ancillis meis similiter jejunabo*: nisi ad has loquendi æquivalentias respectus sit, nemo est qui posset intelligere, quomodo verum sit quòd tribus diebus & tribus noctibus jejunaverint; est enim manifestum, c. 5. vers. 1. quòd tandiu non jejunarunt, quia dicitur, *Et die tertio profecta est Esther ad regem*. Si ad regem adiit die tertio, non ergò tres dies & tres noctes duravit jejunium: duravit tantum unum diem plenum, & duos non plenos, qui & per synecdochen *tres dies* vocantur, & per loquendi æquivalentiam hæc formulâ exprimuntur, *Tribus diebus & tribus noctibus*; cum planè idem sit *tribus diebus & tribus noctibus* quod solum *tribus diebus*. Huic consimilis est locus alter, qui habetur Matth. 12. 40. *Sicut Jonas fuit tres dies & tres noctes in ventre ceti, ita erit Filius hominis tres dies & tres noctes in corde terra*: nisi æquivalentiæ ratio habeatur, veritas nunquam constabit, tres dies ac tres noctes jacuisse in sepulchro Christum, quia certissimum est sepultum fuisse feriâ sextâ, quæ nobis est Dies Veneris, resurrexisse autem feriâ primâ, quæ nobis est Dies Dominica. Est quidem aliquid quod vetusti authores dicunt, Augustinus, Hieronymus, Theophylactus, Beda, *locutionem esse synecdochicam, quâ pro toto pars ponitur*: verum hoc non sufficit, quia certissimum est, neque tres integras noctes, neque partem trium noctium Christum in sepulchro mansisse, sed duas integras noctes & partem trium dierum. Quòd hoc

Plin. l. 2. c. 77.
Macrobi. l. 1. c. 3.
Gell. l. 3. c. 2.

Ambr. Hexam.
l. 1. c. 9.

Aug. Ep. 49.
q. 6.
Hier. in Matth.
12. & in Jo-
na 2.

non intellexerunt Veteres, causa erat, quia à diebus noctes disjungebant, quæ cum illis necessariò sunt conjungendæ. Quòd enim distinctè *dies & noctes* nominentur, non ideo factum ut tres integri dies & tres integræ noctes, sed ut tres naturales dies significentur: tunc positus tribus diebus naturalibus, Synecdoche intervenit, quâ tribus diebus factum dicitur quod partem aliquam habuit trium dierum, partem scilicet sextæ serię, totum Sabbatum, & partem primæ serię.

De hoc præ manibus loco est idem dicendum, quantumlibet nulla sit in verbis Synecdoche, quia de quadraginta & integris diebus & integris noctibus sermo habetur. At verò ad æquivalentiam necessariò est recurrendum, & sic quidem nulla est inter Matthæum & Lucam discrepantia, quia alter dies & noctes Artificiales numerat, alter dies Naturales; neque plus est in illius verbo duplicato quàm in hujus simplici. Hæc de ratione Prætermisionis apud S. Lucam.

Est etiam aliquid dicendum de ratione Appositionis apud S. Matthæum, Qua tandem de causa mentionem *noctium* interpoluit. Opinor, duabus de causis hoc ipsum fecisse, Ut esset nota Distinctionis, & Ut esset nota Eminentię.

Ad Eminentiam facti ratio prima refertur. *Noctibus* dicitur, ut ex hoc ipso vocabulo Excellentia facti magis enitesceret; ut vigilasse eum sentiamus non minùs quàm jejunasse; nec solum impransos dies, sed infomnes noctes, repetitis jugiter lacrymis precibusque, traxisse. Ecquid est quod magis exornet aut effeet hoc Divinum facinus, quàm ut tot, non diebus solis, sed noctibus in Orationibus & Divinis colloquiis, absque cibo, absque somno, peristeret? Aut hoc est, aut nullum est perfectæ virtutis specimen. De Socrate refert Gellius, l. 2. c. 1. quòd solebat aliquando stare *perinatati statu per diem atque pernox*, ἔκλειν ἐν ἡλίῳ, à summo lucis ortu ad Solem alterum orientem, inconnivens, immobilis, iisdem in vestigiis, & ore atque oculis eundem in locum directis, cogitabundus, tanquam secessu quodam animi factus à corpore. Et de S. Dorotheo Cassianus jun. testatur, cum usque adde in vigilando profecisse, ut diabolo ad somnum tentanti responderet, Si persuadebis somnum Angelis, persuadebis & mihi. Immensa sunt hæc, & memoratu dignissima: at quàm pusilla cum Christi constantia & vigilantia si conferantur, qui simul & absque cessatione & absque tædio tam longas temporum moras perenni oratione adimpleverit, ut dictu difficile sit, propiorne vitæ angelicæ fuerit in Excubiis an in Jejuniis, in Somni an in Cibi abstinentia. Hæc ratio prima, *Noctibus* dicitur, ut ad facti Excellentiam contemplandam ducamur.

Ad Distinctionem ratio secunda pertinet. *Noctibus* dicitur, ut hoc vocabulo secerni possit Jejunium Christi à Jejuniis Judæorum, qui in vespéra ac nocte cibum sumere solebant, postquam toto die abstinuissent. Communis est omnium Interpretum responsio, & Scripturarum etiam suffragium non deest, fuisse hanc Judæorum consuetudinem: *Jejunaverunt usque ad vespèram, Nil comederunt usque ad vespèram*, sunt usitatæ formulæ quibus Jejuniorum diuturnitas exprimitur, Jud. 20. 26. 1 Sam. 14. 24. 2 Sam. 1. 12. Neq; potest aliàs Historiæ Sacræ veritas consistere, cum septem dierum jejunium Galeaditarum, 1 Chron. 10. 12. & trium hebdomadam Danielis meminit, c. 10. vers. 2. nisi ad jejuniū continuationem intermissio vespertina supponatur. Fuit igitur hæc consuetudo Judæorum. Non autem sic Christus, impastus omnino in deserto manebat, torumque quadragenarium trahebat continuatâ & perpeti abstinentiâ; refectio nulla cibi interveniebat, jejuniū nulla abruptio. Ideoque nè quis Hebræorum more noctibus eum comedisse

medisse existimaret, mentionem *noctium* S. Matthæus subjungit, velut appendiculam. Alioqui, si diem jejuniis, noctem cibo somnòq; segregasset, non tam pietatis opus dicendum esset quàm artis & simulationis; sicut si partem aliquam vel rei vel temporis Deo consecrati furtim nobis ipsis arripiamus. De Æsopo legimus, (& sannione dignum erat) quòd cùm Mercurio dimidium ex nucibus promississet, nucleos ipse comedeat, & Mercurio reliquit putamina. Pariter & de Agnone duce apud Polyænum l. 6. quòd cùm trium dierum inducias cum barbaris fecisset, eâ conditione ut intra dies illos munimenta nulla exstruerentur; Agnon ad Lunæ lucem suos milites laborare imperabat; intermissâ diurnâ operâ, atque tribus noctibus munitionem magnam perfecit: cùmque post triduum Barbari reversi, conspecto muro, Agnonein violati foederis accusarunt, respondit Agnon, Se injuriam nullam fecisse, convenisse enim inter ipsos de tribus diebus, se verò tribus noctibus murum erexisse. Hoc modo hostes suos verbi ambiguitate ludebat, ad dies Artificiales trahendo quod illi de Naturalibus acceperunt. Sic solent homines impii & sacrilegi in suis & Jejuniis nuncupandis; pro nucibus, si putamina, pro pecude, si ossa solvant, abunde satis est, atque pulchre se egisse putant, si quicquam Deo suppilaverint. Sit ex composito dies unus aut alter Jejuniò dicatus, mirum nisi in luxuria & comestationibus absument noctes, quò saltem ex sua abstinentia hanc utilitatem hauriant, ut sit novarum deliciarum origo, & intermissi peccati conduplicatio. O quàm absimilis Capiti membrorum temperies! Non hæc à Christi exemplo documenta accepimus, is *noctium* pietatem diebus eâdem numeri paritate consociavit: neque hoc propter seipsum solum, sed in nostram gratiam, ut nos doceret, non ad somnum solum noctem factam esse, sed ad contemplationem; ut nobis ostenderet, nihil postesse Jejunia, nisi portarum cordis janitor custòsque sit Vigilantia, quæ in ipsis tenebris ad Divinas Theophasias nos ducit, quas sopita anima sentire non potest: postremò, ut nobis significaret, semper & ubique Deo serviendum esse, etiam in seculi tenebris, cùm suum stellæ retrahunt splendorem; etiam in noctis tenebris, quando hominum nemo videt; etiam in nocte tribulationis, quando deficiunt solatia serviendi. Hæc sunt quæ & Christus suo exemplo, & Evangelista suo calamo docere voluit, cùm *Noctium* commemorationem diebus attexit, nè interdiu quidem jejunasse, noctu verò solvisse Jejunium, homines delicati objicerent. En quàm opportunè eos S. Matthæus hòc auctario præoccupat, dum adjungit, *quadraginta diebus & quadraginta noctibus*. Hæc de secunda quæstione dixisse sufficiat, Cur post Dierum mentionem etiam Noctium mentio succedat.

Sola nunc superest tertia, de totius rei Magnitudine, An hæc ad tam longa spatia Jejunii extensio sit propriè & simpliciter inter actus Christi miraculosos recensenda; hoc est, An possibile sit ut naturaliter & absque miraculo ad hos usque terminos Jejunium perpetuetur. In hac quæstione pertractanda, quia veritatis via æqua esse non potest si sit Objectionum scrupulis implicata, idcirco hunc ordinem constituo progrediendi, per ipsas Objectiones aditum facere ad brevem & succinctam definitionem quæstionis. Objectiones duæ sunt quæ occurrunt; una ex verbis Evangelii emergit, altera ex natura miraculi.

Ex Evangelio prima est, videlicet ex Evangelio S. Joannis, ubi conversio aquæ in vinum velut primum Christi miraculum recognoscitur, Joan. 2. 11. *Hoc initium signorum fecit Jesus in Cana Galilææ, & manifestavit gloriam suam*. Ex istis verbis hæc deducitur Consequentia, Si aquæ in vinum conversio esset primum miraculum, hoc alterum quod antecessit in miraculorum numerum recensendum non est. Non recens nata est Objectio, sed ab hæreticis

Epiphan. in
Hær. 51.

ticis olim excitata, nimirum ab Alogis, sic dictis, quia Christum λόγος, hoc est, Verbum, denegabant. Obiectabant contra Joannem Alogi, falsò illum dixisse, Conversionem aquæ in vinum primum miraculum, quia ante illud recententur alia; stupenda in Templo responsa cum duodennis esset; quadragenarium hoc in Deserto Jejunium, cum ætas jam adoleverat, & alia non pauca. Ut hæc inter se concillarentur, non eadem viâ proficiuntur Interpretes: nam Epiphanius, Chrysostomus & Theophylactus, conversionem aquæ simpliciter primum fuisse contendunt; alii non simpliciter primum tempore, sed primum loco, primum in Cana; vel, quod propius abest à vero, primum in præsentia Discipulorum; vel, quod idem sonat, primum post publicum ministerium, postque inceptam Evangelii promulgationem. Quæ omnia si pensitemus, ex utroque evincunt, & illam aquæ conversionem fuisse suo modo primum, & reliqua etiam fuisse vera miracula. At ego tamen à textu ipso sumendum potius responsum existimarem, quia non *primum miraculum* conversio aquæ dicitur, sed *primum signum*, πρῶτον τὸ σημεῖον, hoc initium signorum fecit Christus. Inter hæc manifesta est differentia; quia etsi omne Signum in hoc sensu sit Miraculum, at omne Miraculum non est Signum: nam Miraculum est opus, vel operatio insolita, simpliciter supra potestatem naturæ, sive ab aliis cognoscatur, sive nequaquam; at Signum ejusmodi miraculum est quod ad alios respectum & ordinem habuit, ut eo manudicerentur in cognitionem Salvatoris. Ergo fine & respectu differunt: nam Miraculum est ipsum opus, Signum est quatenus refertur ad obtestationem veritatis; vel, ut Aquinas optimè, 2. 2. q. 178, art. 1. ad 3. *Miracula dicuntur, quia sunt supra naturam, signa verò, quia manifestant aliquid supernaturale.* Hoc fundamento posito, facilis est conciliatio, duabus istis Propositionibus comprehensa.

Propositio prima est, Quòd loquendo strictim & specialiter, Conversio aquæ in vinum simpliciter fuit primum Signum à Salvatore factum in conspectu populi ad manifestationem potestatis ordinatum; & secundum hoc intelligendi sunt Patres, cum simpliciter primum fuisse miraculum contendunt. Sic illud Epiphani, Hær. 51. τὸ πρῶτον σημεῖον τὸ ἐν τῷ ὕδατι ποτὶν ἐποίησεν, Divinum nullum signum ante tentationem operatus est; & illud Chrysostomi, Hom. 2. in Joan. τὸ πρῶτον σημεῖον τὸ ἐν τῷ ὕδατι ποτὶν ἐποίησεν, Ante baptismum signum nullum miraculosum fecit. Hoc sensu primum signum Hieronymus vocat, Ep. 83. ad Oceanum; & prima rudimenta potestatis suæ, cap. 9. De Baptismo Tertullianus; & in Paraphrasi sua Nonnas, τὸ πρῶτον σημεῖον, primum apparens miraculum, quia primum omnium erat quo inter homines potentiam suam significavit. Hæc Propositio prima.

Secunda est, Quòd loquendo generaliter & fusè, Conversio aquæ in vinum non fuit simpliciter primum miraculum, quia alia erant æquæ magna & miraculosa quæ præcesserunt. Disputatio ejus in templo miraculosa fuit, & spectatores in stuporem vertebat; sed adhuc non erat signum quo Filius Dei ostenderetur: *miraculum intelligibile fuit magis quàm sensibile*, ut Scholastici loquuntur. Descensus columbæ in Baptismo res miraculosa fuit, & signum etiam Deitatis ejus; sed non manifestum erat quod per illum factum esset, verum pro illo, & super illum declaratum. Rursus & quadragenarium Jejunium miraculum fuit, sed signum non fuit, aut siltlem nondum signum, quia nondum cognitum; non signum visibile, quia neminem habuit spectatorem; non fuit exhibitum populo; quia in deserto sine arbitris illud sustinuit: signum non erat, quia ignorante populo gestum est; miraculum erat, quia præter solitum & supra naturæ vires sublatum. Hæc quæstionis origo generalis, & primæ objectionis satisfactio.

Obiectio

Obiectio secunda à miraculorum natura & proprietatibus desumitur, quæ parùm videntur huic operi convenire. Est enim Miraculum, ex usu Scholæ Christianæ, omne opus quod totius naturæ facultatem excedit, quòdque sit præter solitum & communem cursum rerum: adeoque tria sunt quæ ad naturam miraculi requiruntur; Ut sit supra facultatem naturæ, quod ad rem ipsam & substantiam facti; Ut sit inscrutabile, quod ad modum & ordinem faciendi; & Ut sit præter solitum, quod ad rerum consuetudinem; quod enim usitatum est, licet sit supra naturam, miraculum non vocatur, ut creatio animarum, infusio gratiæ, & ejusmodi.

*Aqu. 1. q. 109.
ar. 7. & 1. 1. 2.
q. 113. ar. 10.*

Aug. Trin. 3. c.

His tribus proprietatibus sic positis, duæ sunt ex istis ad quas hæc quadragesimalis abstinentia non videtur pertinere: non videtur, inquam, dicendum aut quid supra naturam esse, aut quid præter solitum; quia & idem sæpe factum legimus, & simile quotidie fieri videmus, idque virtute naturali, sive de hominibus loquamur, sive de aliis animalibus. Simile est illud quod de Serpente Hieronymus refert, quòd cum præ senectute aspectum perdit, quadraginta diebus jejunit, atque hoc modo deperditum reparat, & visum rursus consequitur. Etiam & istud quid simile videtur, quod 1. 8. Hist. Animal. c. 17. de Ursa scribit Aristoteles, quòd ad minimum circiter dies quadraginta brumali tempore lateat sine cibo: ut nihil dicam de gliribus, qui per totam hyemem sine pabulo in speluncis delitescunt. Rursus, si de hominibus loquamur, vix quisquam est historicorum qui non exempla suppeditet eorum qui absque omni alimento diutissime vixerunt. In lib. 8. Diogenes Laertius de Pythagora narrat, eum in delubrum Musarum quod Metaponti est confugisse, ibique cum quadraginta dies absque cibo perstitisset, defecisse. Pariter & de S. Augustino testatur, vidisse se quandam per dies quadraginta ab omni ciborum genere abstinentem. Simile est illud quod de Catharina Senensi Ludovicus Granatensis, eam à die cinerum usque in Pentecosten jejunium produxisse, pane nullo assumpto, nisi Eucharistico. Etiam & illud quod in 1. 7. De Animalibus, Tract. 3. cap. 3. Albertus Magnus fidenter asserit, vidisse se Coloniam mulierem quæ dies viginti, & sæpe triginta, sine cibo remansit. Huc accedit quod Athenæus, l. 2. Timonis amatam dicit bimestre tempus absque cibo traducere solitam; quòdque Poggius Florentinus, ipse testis oculatus, de Gallo quodam narrat, qui post susceptam Hierosolymitanam peregrinationem Romam reversus, per integrum biennium sine cibo & potu vitam traduxit. De Nicolao Eremita quid dicam? quem supra viginti annos in solitudine sine cibo & potu vixisse Stumfio Wolfius scribit, Memorabilium lib. 1. cent. 15. Quid de Joanne Scoto? quem aliquando triginta, aliquando quinquaginta dies integros victu abstinnisse, in rerum Scotticarum historia Buchananus tradit. Mitto auctores cæteros, Giraldum, Fulgosum, Quercetannum aliisque, qui de abstinentiis ad biennium, ad triennium, ad novennium, ad decennium productis exempla proferunt. Quæ si sint vera, deficere videtur omnis miraculi ratio in hoc Salvatoris jejunio, quia quotidianum esse liquet, & in naturæ viribus positum.

*August. Ep. ad
Cajulanum.*

*Nancelm de
analogia micro-
cosm. & macro-
cosm. l. 5. c. 4.*

Veruntamen non est quòd de istis multum simus solliciti, neque enim sunt impedimento quò minus hoc Salvatoris Jejunium sit inter ipsius miracula reputandum. Nam primò, sunt valde ambiguae fidei pleræque recitatae historiae, & ad admirationem magis confictæ quàm conscriptæ ad rei veritatem. Secundò, si hoc concedatur, ea omnia exploratæ veritatis fore, at non sunt ejusdem generis singula. Sunt enim nonnulla quæ ex mediis naturalibus ortum ducunt, ut sunt illorum exempla quæ aliquo cibo usi sunt, sed perpuillo; & ursarum atque glirum, qui pueritiam suam velut ali-

mento nutriuntur; cui & illud simile est quod de Astomis, Indiæ populo, Plinius, l. 7. c. 3. refert, eos halitu solo & odoribus nutriri. De his omnino concludi non potest, absolute absque omni nutrimento vitam prorogari; quia etsi non recipiunt nutrimentum ordinarium & manifestum, quod per os transmittitur, at nutritionem habent occultam & quodammodo extraordinariam, vel ex vaporum densiorum succo qui istis corporibus congruunt, vel ex humoribus pituitosis internis, qui vicem alimenti implere possunt, etsi foras non assumatur. Rursus, sunt alia ex supradictis quæ à Divino adjutorio pendere videantur, & à supernaturali principio manasse: de his non libitum est contendere, & nunc temporis posse fieri, & fortasse aliquando facta esse, ad Dei gloriam & honorem abstinentiæ, ejusmodi aliqua spatia jejunitatis solito diuturniora. At si hoc ponatur in concessis, fuisse centum, fuisse mille in orbe Christiano à Christi temporibus istiusmodi jejuniorum exempla, Jejuniu Christi non detrahunt, quod minus inter miracula censeatur; quia & istud mille angustum est ad universam hominum multitudinem, neque efficit ut ob hoc existimetur Jejuniu ejus non esse præter consuetudinem, si in omni seculo unus aut alter eò pervenerunt. Non est inter Rarum & Solitum tam insensa repugnantia, ut se invicem semper destruant: imò verò si semper & ubique desinat esse rarum quod est sæpius repetitum, vix ullum erit opus Christi pro magno ducendum, quia nullum est cui non dedit multoties ingeminatas repetitiones; ejection dæmonum, suscitatio mortuorum, cæcorum illuminatio, reliqua, & raritatem suam habuerunt & copiam: à rerum novitate & insolentia raritatem, quia nunquam sic factum; à Christi bonitate copiam, quia fecit ut & per se & per Apostolos sæpius fierent.

Quocirca ut jam tandem hæc omnia quæ sunt fusiùs & eminùs dicta in arctissimum contrahamus, recurramus iterum ad Proprietates illas quas supra monui necessarias esse ad naturam & definitionem Miraculi statuendam; atque sic manifestò patebit, hoc Christi Jejuniu etiam in culmine miraculorum esse collocandum.

Proprietas prima est de Re ipsa; Miraculum non est, nisi naturæ facultatem excedat quoad substantiam facti. In Christi jejuniu hoc maxime quadrat, certissimum enim est, fuisse opus supra omnem naturæ humanæ potentiam; neque naturali, sed Divinâ & supernaturali virtute factum. Naturaliter corpus absque cibo servari non potest: ratio est, quia ex partium deperditarum reparatione vitæ duratio dependet, restauratio ex cibi pabulique supplemento; subtracto aut depasto, hoc pabulo, statim spiritus resolvuntur, robur languescit, vires deficiunt, dum propter defectum exterioris digestibilis calor naturalis in humiditates naturales operatur, easque consumit. Hinc est quod Medici statuunt, ultra hunc vel illum terminum vitam sine alimento durare non posse; non ultra quartum diem, ut nonnulli existimant; non ultra septimum, ut alii: verum ultra undecimum ut perpetuari possit, nemo est, ut opinor, qui profitebitur. Gellii est sententia, lib. 10. c. 24. pro qua adducit veterem illum versum Pomponiani ex Mævia,

Dies hic sextus est quum nihil egi, die quarti moriar famè.

Atque de sanis & biliosis corporibus, quæ calidum habent ventriculum, verum est, ea ultra diem quartum sine cibo non posse consistere. De die septimo Hippocrates & Macrobius contendunt: ille in Somnio, lib. 1. c. 6. Hoc observatum est, inquit Macrobius, quod sine haustu spiritus ultra horas septem, & sine cibo ultra dies septem vita non durat: hic non uno in loco; Longiorem, inquit Hippocrates, inediam quam septidui perferre homo nequit.

Veteres quarti
& quinti dixe-
runt pro quarto
& quinto.

quit. Postremò, de die undecimo Plinii est definitio, lib. 11. c. ult. *ad hanc metam pervenire paucos, imò verò nullos, nisi habeant aut corpora pituitosa & melancholica, in quibus & calor est remissior & pituita crassior ac glutinosior; aut corpora morboſa & agra, in quibus & pituita est redundantia, & calor naturalis valde debilis, qui nec tantum potest absumere quantum calor integer, neque tam valde agere in humidum nativum aut partes corporis, quia circa humidum adventitium & morbi materiam est occupatus.*

Hæc summa est, Si ultra naturæ cursum & humanarum virium potentiam sit, sine omni alimento vivere ultra diem undecimum aut duodecimum; sequitur ut sit opus stupendum & admirabile, & in potestate Divina fundatum, quòd Christus sanus salvusque mansit usque ad quadragesimum. Hæc prima proprietas, de Re ipsa; Opus fuit supra leges naturæ quod ad substantiam facti, nimirum opus Divinæ potestatis.

Proprietas secunda est de Modo; Miraculum non est, nisi inscrutabile sit & inexplorabile quod ad Modum & ordinem faciendi. Ratio est, Quia supernaturalia ut sunt supra posse nostrum, ita sunt etiam supra captum nostrum, ut ipsorum vestigia indagare non valeamus. Et hæc proprietas Jejunio Christi convenit, quia nemo est qui modum possit investigare quo suum corpus servavit dum hoc miraculum fecit. Conjicere possumus, non conſequi. Potuit Deus humidum naturale corpori insitum conservare, aut multiplicare, ut esset sufficiens pabulum calori per 40 dies, sicut multiplicavit materiam quinque panum & duorum piscium, ut esset tot hominum sufficiens alimentum: annon est hoc miraculosum? Potuit ut Deus suspendere actionem caloris naturalis depaſcentis humorem radicale, nè ipsum consumeret, sicut in fornace cohibuit ignis vim, nè servos suos uret: annon hoc etiam miraculosum? Potuit (quia omnis creatura est ad Deum in potentia obediens) suspendere mutationem naturalem in cibo, & facere ut tot diebus illaſus permaneret. Hæc Alberti Magni est opinio, *Habuisse Christum per totum hoc tempus vires inferiores adeò abstractas, ut nec digestiva digesserit, nec attractiva attraxerit, nec divisiva dividerit, nec consumptiva consumpserit, nec expulſiva expulerit, sed in statu uno & eodem remanserit.* Potuit denique vim aliquam occultam cibo quem nuperrimè manducaverat communicare; sic enim legimus quòd in Eliæ gratiam hoc Deus fecit, 1 Reg. 19. 8. *Cùm comedisſet ac bibisſet, ambulavit in fortitudine illius cibi quadraginta dies & quadraginta noctes.* Quæ verba vel possunt intelligi Negative, *ambulavit in virtute illius cibi,* hoc est, non eguit alio cibo in illis quadraginta diebus; vel Positive, *ambulavit in virtute illius cibi,* i. e. duravit virtus illius cibi per totum quadragenarium spatium; non quòd virtus illa erat in cibo, sed in Deo, qui conservavit nè deficeret, & virtutem eam cibo indidit ut vegetare possit corpus usque ad destinatum terminum. Annon hoc miraculosum? cùm juxta ordinem quotidianus panis septem horarum spatio consumitur, tantam nutrimenti vim uni pani & uni reſectioni Christus impertit, quantam natura quadraginta panibus contulisset. Potuit igitur hoc modo corpus suum Christus servare, potuit & illis alteris quos jam recensui, potuit & mille aliis modis nobis incognitis: incertum est nobis quonam istorum modorum id factum fuerit, aut quo fortasse alio. At hoc pro certo constat, ab impenſa & infinita Dei virtute fluxisse, quocunque modo fecit. Hæc Proprietas est secunda, de Modo; Opus fuit nobis & incognitum & incognoscibile quod ad ordinem faciendi.

Tertia est de Temporum consuetudine; Miraculum non est, nisi inusitatum & præter solitum; nam quæ sunt maxima, si sunt quotidiana, Mi-

racula non appellantur. Et hæc proprietas Jejunio Christi responder, quia tres tantum Scriptura numerat qui hoc privilegio gaudebant, Mo- sen, Eliam, Christum. Quod Joannes Ferus de Daniele pronuntiat, *cum quantum fuisse in hujus prerogativa societatem assumptum*, infirmum est & volaticum, nulloque fundamento nixum, nec quantum ad temporis mensuram, nec quantum ad modum abstinentiæ. Non quantum ad tem- pus, quia illud Danielis jejunium non tribus septimanis diuturnius erat, hoc est, non ultra dies viginti & unum : non quantum ad abstinentiam, quia Moïsis, & Eliæ, & demum Christi, perfectum jejunium erat & in- tegrum ab omni cibo ; Danielis abruptum & intercisum, non prorsus ab omni cibo, sed à cibo delicatiori, à carne & vino ; non simpliciter ab omni pane, sed à pane desiderabili, *qui edenti non tantum robur præbet, sed vo- luptatem*, ut Hieronymus explicat. Manifestum est, inquam, Daniele in hanc prerogativam non ascendisse. Tres tantum fuisse, in suis singuli tem- poribus participes, magnus ille legislator Moïses, & celeberrimus Propheta Elias, & summa Legis ac Prophetarum Christus ; aut, si magis placet eos alio modulo metiri, Minister Legis exhibendæ Moïses, Minister instaurandæ Legis Elias, Dominus & Legis & Evangelii Christus : tres illi qui in monte postea cœlesti gloriâ induti apparuerunt, iidem nunc in de- serto jejuni simul apparent, licet non personaliter, at repræsentativè & sym- bolicè, in ejusdem durationis abstinentia. In Christo uterque apparuit, quia finis utriusque Christus, testimonium habens à Lege & Prophetis. Quod si in tribus solis complementum hoc opus habuerat, non solitum aut quotidianum potest dici, sed novum, & inauditum, & miraculosum, tum quoad Substantiam facti, tum quoad Modum faciendi. Hic finis esto se- cundæ partis versiculi, quam partem dixi Miraculosam : quæ si debito prolixior fuit, at habet hoc excusationis, quod difficile erat infirmitati no- stræ quadraginta dierum miraculum horâ unicâ percurrere ; atque si sit pro- lixitas dicenda, prolixitatem spero fore, non nauseam, quia cum Esurie desino. Hæc versus pars est ultima, in posterum eventilanda, si Deus affulserit.

LECTIO XVIII.

Postea esuriit.

IN Salvatoris hoc Jejunio non esse omnia unius & ejusdem ordinis aut considerationis, superius & admonui & demonstravi. Erant in eo nonnulla Divinæ potentiae radii aded fulgentia, ut verè sint Miraculosa appellanda: quoddies tot integros absq; omni alimento transigebat, quodd per totum illud spatium nec cibi desiderio nec famis morsu constringebatur; mirabilia hæc sunt, atque omnipotentiam ejus numenque declarant. E contra, fuit in eo nonnihil, illudque extremum, tam nostri simile atque necessitatibus nostris compar, ut prorsus ad infirma Christi, & ætus naturæ assumptæ dispensatorios, sit revocandum. De parte Miraculosa dictum est antea.

Nunc superest ut ad Passionem illam naturalem pergamus, quæ ipsam statim post decursus quadraginta dies verè quidem, sed modicè, tangebatur, in illis Evangelistæ verbis, *venit in iherosalem, postea esuriit.* In hac parte pertractanda non equidem retexo distinctionem supra à me positam, quæ Abstinenciam Christi ad ætus miraculosos, Esuriem ad naturales revolvebam. Est enim hæc propria & genuina Discriminatio: quia sicut illud habuit à virtute Divinitatis, ita hoc ad humanitatem pertinebat. Veruntamen habet etiam & Esuritio ejus in se nonnihil quod Miraculosum dicatur non minus quàm Jejunium, & fortasse longè majus: quia multò est mirabilius quodd Christus, qui idem Deus, esuriret, quàm ut Christus, qui homo, tamdiu abstineret; quia sicut in hoc eventio fuit aliqua naturæ nostræ, ita in illo suiipsius exinanitio. At majoris est admirationis ut Dei filius ad infirmitates nostras descenderet esuriendo, quàm ut hominis filius supra vires nostras eveheretur abstinendo. Ut verbo dicam, non sunt iisdem terminis definienda omnia mirabilia Christi, sed alio aliòque respectu habito, in nonnullis ad Divinam, in nonnullis ad Humanam naturam. Respectu Christi hominis ea omnia erant mirabilia quæ ad Omnipotentiam pertinent, virèsq; transcendunt humanas, ut verbo suo sanare infirmos, suscitare mortuos, maria increpare, dæmonia ejicere: quæ tamen singula si ad Divinam referamus, nec ardua sunt nec inusitata, & per hoc non miraculosa, cum nihil sit aut impossibile aut miraculosum Omnipotentiae. Ex adverso, respectu Christi Dei mirabilia erant quæ ad infirmitatem, & dignationem, & dispensationem pertinebant, dormire, vagire, lacrymas effundere, mortem pertinescere: quæ tamen hominis sunt passiones propriæ maximèque naturales. Similiter in hac prævia de ejus Esuritione disputatiuncula est dicendum; erat ex utraq; parte & Abstinencia Christi & Esuries miraculosa: Abstinencia miraculosa respectu Christi hominis, nempe ut qui homo erat tamdiu se contineret; Esuries miraculosa respectu Christi Dei, scil. ut ipse qui Deus erat hoc pateretur. Si igitur de Christo homine disseramus, atq; esuriem ejus abstractè accipiamus & præcisè, non consideratis circumstantiis, pro aucta cibi appetentia ex alimentis defectu oriunda, certissimum est in ea nihil esse ab homine alienum; hæc enim ætus & maximè humanus, & per omnia naturalis; neque enim est in illa quicquam quod admirationem pariat, si cuivis homini, si ipsi Salvatori quæ homini, esuries inciderit. At verò si de Christo *deus homo* verba fiant, sique Esuriem ejus expendamus secundum hîc & nunc, cum respectu ad dies anteceda-

nece

neos abſtinentia, reliquasque circumſtantias reſpiciendo, quæ & eſt & debet eſſe principalior conſideratio; affirmare auſim, non minùs ſuſpiciendam eſſe ipſius famem quàm magnum illud & diuturnum Jejunium. Etenim juxta hunc ſenſum non tam neceſſitatis Eſuries erat quàm dignationis, nec purus actus naturalis, ſed magis ſpontaneus. Quapropter vel hoc ipſo nomine ſtuporem maximum excitat, quòd eſurire voluit qui poterat non eſurire, idque ad condeſcenſionis ſuæ & diſpenſationis gratiam manifeſtandam, quæ Charitatem ejus non minùs exornat quàm miracula cujuſcunque generis Omnipotentiam. His ità ſe habentibus, cum veriſſimum ſit B. Leonis illud, *Nullum Chriſto tempus fuiſſe abſque miraculo*, Ser. 2. Epiph. & cum, dicente Hilario, *Sacramentum maximum ſit omnis Chriſti diſpenſatio*, atque inter omnia ejus geſta inſignioris ſint notæ actus diſpenſatorii; non erit labor caſſus ad Eſuritionem ejus pauliſper oculos animoſque convertere, ut quemadmodum eum olim naturæ leges vincentem vidimus, nunc iis ſeſe ſubjicientem conſpiciamus. Quod ut explicatiùs fiat, quoniam quæ ad hanc partem ſpectant non ſunt ejusdem generis omnia, idcirco ad tria *Enſupera*, ſive *quaſita*, rem totam deducam, de Qualitate, de Tempore, de Cauſis Eſuritionis. De Qualitate eſt neceſſariò diſputandum, propter rei ſplendorem & amplitudinem, eò quòd in hac corporea paſſione ut nonnihil erat nobiſcum commune, ità etiam & aliquid ſublimius, atque Salvatori proprium & peculiare. De Tempore, propter ipſam hſtoriam, cum non de ea loquatur Evangeliſta ut de re Jejunio temporanea, ſed ut de paſſione poſtgenita, idque expletis Jejunii diebus; *poſtea, inquit, eſurit*. Denique, de Cauſis eum ad hanc condeſcenſionem moventibus, propter noſtram fiduciam, ut quantum noſtri interſit intelligamus, quantumque ſalutis noſtræ, quibus vena ſacra aperta eſt virtutis & meriti, non ſolum in paſſionibus majoribus ejus, ſed in ipſa etiam Eſurie conſiſcenda.

Exordior ab Inquiſitionis parte prima, quæ de Eſuritionis Qualitate & conditione nativa quærit, An eſſet hæc Chriſti Eſuritio cum noſtra eadem Specie, ut dici poſſit eodem Modo illam & obtiſſe & adhæſiſſe Salvatori quo nobis ſolet obrepere & adhærere. Sunt duo, ut videtis, quaſtionis termini, in quibus cauſa vertitur, Species, & Qualitas Jejunii; atque ex hiſ ipſis ſolutio facilis erit & expedita: quia aliud eſt de Qualitate quærere, aliud de Specie; manere poteſt identitas Speciei, quamvis non ſit identitas Qualitatis & Modi; nam Modus & Gradus & Accidentia non diverſificant Speciem, ſive de ſubſtantiis loquamur, ſive de earum paſſionibus atque defectibus. Si de Carne Chriſti ſermo inſtituatur, certiſſimum eſt carnem à Verbo aſſumptam fuiſſe eandem ſpecificè cum noſtra, noſtræque per omnia ſimilem, quantum ad ſubſtantiam & naturam carnis attinet, quia de matris ſubſtantia ſecundum carnem conceptus eſt & natus. *Et hoc certà fide tenendum eſt*, inquit ad Petrum Fulgentius, *carnem ejus & animam ejus ejusdem ſubſtantia eſſe atque caro noſtra & anima noſtra*. At verò in accipiendi modo multum erat diſcriminis; cum enim reliquorum omnium caro concupiſcentiæ contagio vitiata ſit, in Chriſto contrà fuit, quia carnem accepit à Virgine, & ſine labe peccati, ſine fomite concupiſcentiæ, abſque vitio conceptam, abſque macula natam. Deinde, ſi de Paſſionibus Animæ diſſeramus, & de hiſ quoque apertiffimè conſtat, triſtitiam, timorem, iram, quibus ſe aliquando ſubmiſit, fuiſſe affectus eoſdem ſpecie ac noſtros: *Languires noſtros tulit, & dolores noſtros portavit*, inquit S. propheta; & mutato numero Ambroſius, *Suſcepit affectum meum, voluntatem meam, triſtitiam meam; & ſicut mihi compatitur, ità meos circumtulit metus*. Attamen ſi ad ſuſcipiendi Modum vertamus oculos, erat is longè diverſiſſimus. In nobis ſæpiſſime ſunt

Fulg. c. 1. De
Fide ad Petrũ.

Ambroſius. c. 7. de
Incarn.

Iſa. 53.
lib. 7. de In-
carn. & lib. 1.
de Fide ad
Grati. c. 3.

sunt præter rationem hi affectus, sæpe etiam contra rationem insurgunt; atque non raro rationem in suum objectum pertrahunt, & consentientem sibi in ea affectum excitant: quorum tamen nihil operati sunt in Christo, neque enim ullos habuit affectus nisi innoxios, nullos aut culpâ aut culpæ causis irretitos. Postremò, si de Passionibus & defectibus Corporis loquamur, cujuscumque sunt fames, sitis, labor, dolor, fatigatio, erant ea omnia ejusdem nominis passionem in ipso atque in nobis, ut sitis nostra, & fames nostra, & fatigatio nostra dici possint: ὅλον γὰρ ὁ ἁγ. ἀνίσταται με, καὶ ὁ ἁγ. ὁλῶ ἡμᾶς, ἵνα ὁλῶ καὶ ὑμᾶς (ὑμῶν χάριν), ut lib. 3. cap. 6. scitè Damascenus, *Totum totus assumpsit me, & totus toti unitus est, ut toti salutem largiretur.* At nihilominus si Inexistendi modos perquiramus, aliter in Christo ejusmodi passionem fuerunt, aliter sunt in nobis, estque differentiarum ratio multiplex, quas ut juxta ordines suos dispositas exhibeam, ad duo jam capita revocabo.

Discriminis caput primum inter Christi Esuritionem & nostram est respectu Commensurationis. In nobis, famis dolor & cruciatus abstinentiæ spatium & diuturnitati æquâ proportionem solet respondere, ita ut major multò sit cruciatus ex quatuor aut quinque dierum fame quàm si solummodo ad duos aut tres dies producat. Nec potest quidem aliter naturæ usu contingere, eò quòd perpetuò esuritionem omnem & humidum nativi diminutio & virium enervatio comitentur: ex quo sequitur, quòd ubi major est abstinentia, ibi major etiam sit debilitatio, donec ad mortem & interitum veniant. At in Christi esurie non sic se res habuit, quadragenalis præcessit abstinentia, at non secuta est quadraginta dierum abstinentiæ proportionata aut Esuritio aut debilitatio; sic enim lethalis fuisset & mortifera: verum fames quæ sequebatur talis erat, iisdemque gradibus circumscripta, qualis fuit eo temporis momento quo primum jejunium suum auspicabatur. Divinitatis suæ hoc factum est virtute, quæ humidum vitale integrum conservavit per totum id tempus, effecitque hoc modo nè fames sequeretur; Divinitatis virtus erat quæ præpediebat nè esset corporis aliqua diminutio aut alteratio per totum illum temporis tractum; Divinitatis virtus, quæ intra id temporis servavit ἀνενδεῖς ὄντα, ut B. Ignatius loquitur, Ep. ad Philip. *corpus sine omni inedia noxa illibatum;* denique, Divinitatis virtus, quæ suspendebat influxum omnem sive activitatem omnium & mediorum & causarum quæ alioqui eum ad famem disposuissent. Hinc factum est ut toto illo tempore medio non poterat ullum mutationis detrimentum corpus Christi perferre ex defectu alimenti; sed in eodem permansit statu (quantum ad famis injurias pertinet) quem in jejunii primordiis retinebat. Hinc etiam factum, quòd expletis illis quadraginta diebus, quando sustinere famem primum ceperat, existimandum non est fuisse famem rabidam, violentam aut exitiabilem quæ incessit eum, sed ejusmodi quæ in capite jejunii aderat, & quæ hominem quemlibet post centum milliarum confectum pedibus iter invasisset. His ita positis, non cuiquam est, opinor, obscurum, quàm magna sit inter Esuritionem Salvatoris & aliorum hominum distantia; quia cæteros quatruidi abstinentia frangit, septidui enecat: in Christo ex quadragenali nulla debilitas, nulla immutatio corporis est secuta. In cæteris, molestia famis juxta temporis diuturnitatem accrescit & augetur: in Christo multò fecus, neque enim integro abstinentiæ curriculo, sed tantum exordium ejus molestia famis respondebat, nec proportionata erat diebus omnibus, sed primæ: Divinitate id operante, ut non per quadraginta dies, sed post quadagesimum, dolorem sentiret; utque totum illud intermedium tempus respectu Esuritionis sic esset quasi nunquam fuisset. Hoc caput primum est Discriminis, respectu Commensurationis.

Secun-

Secundum est respectu Originis & Domini. In Christo Esuries magis erat voluntatis quàm naturæ, in nobis totaliter est naturæ, nullatenus voluntatis; quia Christus imperare ei potuit, nos non possumus. Ut dicam fufius, In nobis Esuries à puris naturæ principiis fluit, & idcirco voluntati non subjacet, sed semper & ubique, rebus sic stantibus, ex subtractione cibi necessariò sequitur, & vel invitos opprimit, ità ut nec recta ratio, nec prudentia solertia, nec ipse habitus temperantiæ aut impedire possit nè ingruat, aut concitatos ipsius imperus depellere. Non nostræ est potestatis ventriculo leges imponere, aut efficere ut nutritiva facultas audiat imperium nostrum; *om ad id ax tu ei ei tu quonq;*, ut pulchre Damascen. l. 3. fid. c. 14. *Naturalia non sunt disciplinabilia*. Quemadmodum ex parte una, si quod ad pastum sufficiat adfuerit corpori, fames depellitur vel dormientibus nobis: ità si non adfuerit, vel vigilantibus nobis depelli non potest, quò minùs dilaniet stomachum, inficiat spiritus, sanguinem exhauriat, viscera contrahat; quà enim à natura ortum esuries ducit, non jam ad voluntatem sed ad necessitatem pertinet naturalem, èstque adeò indomita atque inevitabilis passio, ut non simus reprimendo. E contrà, de Salvatore si loquamur, sciendum est quòd nihil ei potuit accidere invito, cum esset omnipotens; neque ex improvìso, cum ab æterno fuerit omnium præcius. Oportet igitur in eo sic agnoscere. Esuriem veram, ut non simpliciter necessariam; & sic Esuriem poenalem, ut non per omnia naturalem existimemus: quantumvis respectu rei naturalis erat & necessaria, at respectu Christi non erat tunc temporis simpliciter & absolute aut necessaria aut naturalis; quia ad ipsum Christum & voluntatem Christi causa ejus prima est referenda. Fuit igitur & utraque, & neutra: utraque, quia humana passio, quæ ex antecedentibus causis naturaliter & necessariò erat secutura; neutra, quia passio Divinitus ordinata & regulata, & propter hoc non purè aut Naturalis aut Necessaria: non Naturalis, quia à dispensatione proveniebat, quæ nisi intercesserat esurire Christum fuisset impossibile, propter humanitatis unionem cum Verbo; non Necessaria, quia & à potestate ejus, & à voluntate pendebat, quæ naturæ & necessitatis legibus non subijcitur. Vultis succinctius? non erat Naturalis, quia nisi Divinitas id humanitati permisisset, esurire non poterat; non erat Necessaria, quia voluit esurire, quia poterat non esurire, quia non esurierat nisi voluisset. Videtis, Auditores, quò rem jam tandem deduxi, ad abstrusas, easq; variàs, de Impossibili, Naturali, Necessario, Voluntario speculationes. Istorum omnium in hac quæstione tractanda usus suus est, eoque major, quia periculi aliquid videtur esse in istorum cujuslibet negatione. Si Possibilem fuisse negemus, est contemptus Evangelii, in quo legimus eum esuriisse: si Naturalem negemus, est injuria humanitati ejus, quia homini tam est naturale esurire quàm esse: si Voluntariam negemus, est læsio majestatis, quia in illius potestate erat non minùs non esurire quàm esuriisse: adhuc, si Necessariam negemus, est evacuatio mediationis, quia ad hoc ipsum naturam suscepit nostram, ut & infirmitates nostras susciperet, & suscipiendo sanctificaret. Est igitur singulorum necessaria contemplatio, ut ex ipsorum recognitione hos nexus solvere, & quæstionem ipsam omnibus suis vestigiis indagatam exhibere valeamus.

Hoc ut dilucidius fiat, hos singulos terminos seorsum percurramus, ut apertè videatur quomodo Impossibilis dicenda sit Esuritiò; quomodo Naturalis & Necessaria, ad extremum, quo sensu Voluntaria & Potestativa. Tres autem sunt Propositiones, pro conditione terminorum, quarum circumscriptiõne rem totam expediã.

De

De Impossibilitate inprimis quærendum est, & de illa sit hæc Propositio, Quando de Christo *Sanctus & gloriosus* loquimur, potest in sano sensu Esuritio ejus in ordine impossibile collocari, ut rectè dici queat, Impossibile fuisse ut esuriret, non quidem simpliciter, sed ex hac tamen suppositione, nisi Divinitas, cui caro unita erat, & à qua per dies quadraginta incolumis ab esurie conservabatur, se occultasset, & aliquantulum retraxisset: atque inquam, ex hac suppositione, nisi claritatem gloriæ Divinitas continuisset, nè in corpus ejus redundaret, nisi permisisset humanitati fungi quod suum erat. Alioqui si lumen gloriæ, quæ in mente Christi tam ex unione hypostatica quàm ex visione beatifica semper radiabat, eo temporis redundasset in corpus, non solum non esurisset, sed impossibile fuisset ut esuriret.

Propositionis ratio hæc est, Quia claritas gloriæ ex visione beatifica, ut omnes norunt, quando in corpus ab anima diffunditur, ipsâ sui diffusionem corpus efficit gloriosum. In corpus autem gloriosum passiones & defectus naturales non possunt incidere; quia Impassibilitas est una ex dotibus corporis glorificati, dicente Apostolo, 1 Cor. 15. *Seminatur in corruptione, surgit in incorruptione.* Jam verò Impassibilitatis ea est natura, ut excludat à corpore quicquid molestum, triste, poenale, aut afflictivum. Pater ex Sanctorum statu post resurrectionem, quorum omnia corpora gloriosa erunt ex redundantia claritatis beatificæ ab animis in corpora; & quia gloriosa, idcirco impassibilia & indefectiosa. Erunt in perpetuo motu eorum corpora, nec ulla sequetur lassitudo; semper extubabunt, nec tamen somnus desiderabitur; nequaquam comedent, & nunquam tamen esurient. Quæ ratio? quia cum comprehensionis statu & claritate gloriæ defectus isti non consistunt: etenim ubi illa claritatis redundantia accesserit, ex ea sequitur perfectio; ubi perfectio advenerit, nihil erit quod deficit; & ubi nihil est quod deficit, nihil est quod reparari possit. Applicemus jam hæc strictim præsentis instituto, ut intelligatur an quadrare possint in Salvatore. Inprimis hoc ex Scripturis innoscitur, Humanitatem Verbo fuisse personaliter unitam, idque indivisim; tam indivisim, ut in ipsa morte, cum anima separata est à carne, nec anima nec caro separata fuit à Verbo. Deinde & hoc certissimum est, Quod tota mortalitatis suæ tempore Comprehensor fuit, & à primo Conceptionis momento in statu Comprehensionis, quantum ad mentem, quæ semper habuit claritatem gloriæ, quia semper visione beatificâ fruebatur. Ergo ex istis necessaria hæc elicitur Consequentia, Si Comprehensorum status sit impassibilis nullisque obnoxius defectibus; si etiam Christus dum in terris ageret non modò Comprehensionis statu fruebatur, sed, quod est multò majus, Deitatem ipsam habuit in seipso personaliter inhabitantem, ut Apostolus loquitur; necessariò, inquam, sequitur, non potuisse ipsum aut dormire, aut fatigari, aut sitire, aut esurire, nisi claritatis gloriam, ex unione cum Verbo in mente reluctantem, singulari dispensatione cohibuisset nè redundaret in corpus. Ratio est, quia nisi cohibitio talis intercesserat, perfecta fuisset ac plenaria irradiatio & redundantia claritatis à mente ejus in corpus; si plenaria redundantia, sequitur quod perfectus Comprehensor esset respectu corporis non minus quàm animæ; si perfectus Comprehensor, passionibus istis & infirmitatibus quomodo subiceretur? Pergam paulò longius; Si secundum statum aut Comprehensionis aut Unionis Christum consideremus, sequitur primò, Magis esse mirandum quod comederet unquam quàm quod jejunaret: nam abstinere est Comprehensoribus proprium, comedere alienum. Sequitur secundò, Quod magis est naturale dicendum Chri-

K k k

sto

sto *θεοειδὲς* non posse pati, quàm pati, & non posse esurire, quàm esurire: quia omnino nec esurire, nec pati poterat, nisi claritatis radios cohibuisset; ad hoc autem cohibuit, ut incarnationis mysterium & redemptionis negotium expleri possit, quod in corpore opaco, & passibili, & nostris corporibus simili expleri debebat. Hæc de prima Propositione sufficiant dixisse, quæ tractat de Impossibili.

Secunda erit de Naturali & Necessario, & sic se habet; Tametsi Christus semper fuit comprehensor, semperque dum in terris esset in statu beatifico, ex virtute Unionis habito, at nihilominus tamen hæc non impediebant quò minùs esset ei & Naturale & Necessarium ut esuriret. Naturale ei fuit, quia verus homo erat; at verus homo non esset, si quod assumpsit verum corpus non fuit; & verum corpus quis credidisset, nisi haberet veras proprietates corporis viventis, juxta statum mortalitatis: nimirum ejusmodi corpus quod possit & ex defectu spirituum defatigari, & ex supplemento refici; ex cibi inopia affligi, ex accessione reparari. Porro & Necessarium fuit, quia status Comprehensionis ex claritate Divinitatis ad corpus non pertinebat, sed simul & semel & Comprehensor fuit & Viator, quamvis ratione diversâ. Quod ita declaratur; Viator quispiam dicitur quatenus ad beatitudinem tendit, Comprehensor quatenus beatitudinem jam consecutus est: utrumque S. Paulus significavit his sententiis; *Sic currite, ut comprehendatis*, 1 Cor. 9. *Sequor autem, si quo modo comprehendam*, Phil. 3. In vocibus *Sequor* & *Currite*, est status Peregrinantis; in *Comprehendam* & *Comprehendatis*, status Regnantis: In *Curro*, est tendentia ad beatitudinem; in *Comprehendo*, fruitio & adeptio beatitudinis. Juxta has rationes, aio Dominum nostrum dum in mundo agebat in utroque statu fuisse; & in fruitione beatitudinis, quantum ad mentem, & in tendentia ad eam, quantum ad corpus. Cùm igitur beatitudo perfecta & animæ sit & corporis, secundum utrumque in utroque statu fuit Christus: secundum illud quod animæ proprium & præcipuum est, hoc est, secundum mentem, ab initio conceptionis perfectâ Dei visione beatus fuit, & propterea Comprehensor; secundum corpus verò, atque partem etiam animæ inferiorem, non erat Comprehensor, sed Viator. Erat quidem corpus ejus in proximo gradu ad bonum gloriosi corporis & Comprehensionis; in tam proximo, ut nisi claritatis redundantiam compescuisset, actualiter fuisset gloriosum: sed actualiter non erat, quia compescuit; & quia non erat, propter hoc erat passionibus multis & infirmitatis nostræ defectibus naturaliter & necessariò implexum. Ergò licet hoc verum sit, Quòd delectatione contemplationis Divinæ mens ejus fruebatur; licet etiam & illud sit æquè verum, Unionem hypostaticam indivisam semper mansisse: at nil obstat tamen quò minùs in Christo esset & dolor sensûs, & sensus doloris, quia speciali quadam dispensatione sic retenta fuit in mente Divina contemplatio, ut neque in corpûs neque in inferiores animæ partes redundaret; adeoque non erat ullum impedimentum nè somno, & tædio, & esuritioni, aliisque passionibus naturaliter & necessariò subiceretur. Etsi enim illud sit verissimum, Non potuisse Christum pati, si gloria Deitatis semper & plenariè in corpus redundâisset: ita & illud est ex altera parte veritati æquè consentaneum, quòd quia non redundavit, passibilitatem non amovebat. Accipitore adhuc clariùs; Potuit Christus hanc claritatis redundantiam & semper & perfectè in corpus suum derivare; sed noluit, quia erat in mortalitatis statu: potuit eam in totum corpus aut diffundere, sicut nunc in coelis; aut non diffundere, sicut olim in terris: potuit eam etiam ad quamcunque partem corporis diffundere, ad hanc,

&c

& non ad illam, pro hac vel illa dote corporis gloriosi accipienda: potuit pro dote Claritatis, ut in Transfiguratione contigit; aut pro dote Subtilitatis, ut cum super aquas gradiebatur; aut pro dote Impassibilitatis, quod nunquam eum legimus fecisse: potuit ad oculos eam diffundere, ne dormirent; aut ad ventrem & stomachum, ne ciborum indigentis cederent; est enim regula generalis, Quod gloria corporis ex hac redundantia pendet, maiorque est & minor pro modo & gradu redundantia. Hinc est quod magnus ille Theologus, Joannes Damascenus, in Fidei Orthod. lib. 3. cap. 20. ad utrumque rerum ordinem non dubitat has passiones reducere, & ad ordinem naturalium, & ad ordinem supernaturalium. Verba ejus hæc sunt. *τὴν φωνὴν ἡψήθη τοῦ σώματος, καὶ τὴν εὐσμίαν καὶ τὴν οὐρανίαν τῶν ἁγίων, & τὰς παθόντας, Passiones, inquit, quæ in nobis sunt solum secundum naturam, in Christo erant & secundum & supra naturam: secundum naturam quidem, quia in ipso movebantur, quando sinebas carni ut pateretur propria; supra naturam verò, quia non precedebant ejus voluntatem, nam volens mortuum est, & volens timuit, & volens sitiivit, & volens esuriivit. Hæc ille. Quod idem est ac si dixisset verbis aliis id quod nos jam contendimus, Habuisse Christum in se & secundum quod esuriret, & secundum quod sine fame maneret. In eo quod Deus erat, potuit potestate suâ & suæ irradiatione claritatis efficere ne corpus esuriret: in eo autem quod homo erat, competeat ei sapere esurire, sicut & nos, claritate nullâ interveniente. Ergo quod quadraginta diebus non esurierit, factum est & ex redundantia Divinitatis, & ex Potestatis imperio. Cum esset Dominus naturæ suæ, servare eam absque cibo incolumem potuit, ne esuriret, non modò per quadraginta dies, sed in æternum, si voluisset: quod autem esuriebat, fuit in prius ex dispensatione Divina, ut causâ primâ; tum verò ex conditione humanitatis, ut causâ proximâ, quæ relicta à Divinitate naturæ suæ adeò necessario esuriebat, ut impossibile esset naturaliter ut non esuriret. Hæc de Propositione secunda, quæ tractat de Naturali & Necessario.*

Abulen.

Tertia est de Voluntario, atque hoc modo instituitur; Tametsi Salvatoris esuries & Naturalis erat & Necessaria respectu humanitatis sibi quantum ad hanc passionem derelictæ; at fuit tamen Voluntaria & arbitraria quantum ad potestatem sibi servatam. In promptu est ratio, ex Damasceno petenda, id est *ἡ ἀναγκασιότης ἐν αὐτῷ διαπορεύειν*, lib. 3. cap. 20. Nihil in Christo coactum conspiciatur, sed omnia spontanea; non mors, non timor, non somnus, non esuries, non quicquid aliud, sed in universum tam voluntaria in eo erat omnis passio, quam voluntaria fuerat ipsa natura humana susceptio. Ne multis vos morer, à morte sola petamus exemplum, nam de illa apertius Sacra Pagina testatur, potestatem Christo liberam fuisse moriendi; Pono animam meam, ut iterum sumam eam; Potestatem habeo ponendi eam, & potestatem habeo iterum sumendi eam; Nemo tollit eam à me, sed ego pono eam à meipso. Ecquid est istis clarius? Nemo tollit; & Ego pono; & rursus, Ego pono, atque Ego sumo. Ostendant hæc, inquit August. in Psal. 96. & ideo mortuum quia voluit, & tunc mortuum quando voluit, & sic mortuum prout voluit: quia nos quidem conditione morimur, ille misericordiâ. De Esuritione ejus haud aliter est dicendum, non eam Christum invitum sustinuisse, sed & voluntate suscepisse, & voluntate retinuisse, & voluntate deposuisse. Ipsa ratio suadet, inquit Chrysostomus (Aut. imperfect.) dum dies quadraginta transigebas absque esurie, & post quadragessimam esuriebat: ex hoc ipso demonstrans, quod esuricio ejus voluntaria fuit, non necessaria; & id quidem rectissime, ut omnia, Chry-

Aug. Civ. 14. c. 9.

sostomus. Etenim qui quando voluit esuriit, & quando noluit non esuriit, utrumque necesse est ut haberet in voluntatis suæ potestate. Quid opus est pluribus in re tam clara? Si hæc non sufficiant, finire ut apponam Sanctorum Patrum dicta: etenim illi sapius hac ipsa de re disputant, idque non obiter, sed consultò & de industria; & vix eorum quiscquam est qui non ad voluntatem & arbitrium Salvatoris & esuritionem & passionem quasunque alias disertè pronuntiant referendas, Chrysostomus, Ambrosius, Augustinus, Hilarius, Leo. Cur plures memorem, cum in re tam conspicua, in qua omnes uno ore conspirant, plus satis sit unum aut alterum indicasse? Audire S. Augustinum, ejus hæc sunt verba in Ps. 87. *Humana infirmitatis affectus non conditionis necessitate Christus suscepit, sed miserationis voluntate.* Pariter & in Psal. 96. *Voluntate suscepit passionem veram, quomodo voluntate suscepit carnem veram.* Denique & in lib. 14. de Civ. cap. 9. *Hos motus certa dispensationis gratia ita cum voluit suscepit animo humano, sicut cum voluit factus est homo.* Post Augustinum B. Hilarium adiciamus, quia eo nemo est in hoc argumento copiosior; *Voluntate, inquit, suscepit quod nos necessitate patimur, de Trin. l. 10. & in Psal. 53. Quod sitivit, esurivit, lassatus fuit, his omnibus non natura, sed ex assumptione subiectus erat: & in Ps. 68. Non fuit in unigenito naturalis infirmitas, sed assumpta: & adhuc eodem in loco, Extra necessitatem timoris & doloris positus erat, sed ius se tamen accommodavit.* Mitto Ambrosium, mitto reliquos. Ad quid ego istis S. Chrysostomum adjungam? ille etiam, hom. 23. Op. imperf. in Mat. eodem se vertit, *Dormivit Dominus, inquit, & esurivit, non necessitate humana infirmitatis, sed spontanea voluntate.* De Leone Papa quid dicam? Insignis locus exstat, in Ser. 8. Quadragesimali. *Infirmitates, inquit, consilio pietatis suscepit, nec legem necessitatis incurrit, quia potestate factus est humilis, potestate passibilis: Sic & caro capax erat infirmitatis, & nihil sua perdidit Divinitas virtutis.* Hæc Patrum Sanctorum consentiens est determinatio, cum de susceptis defectibus & passionibus loquuntur. Quæ tamen loca non sic sunt intelligenda, quasi omnimodam necessitatem excluderent, quasi nullo modo necessarium erat aut naturale Christo, quæ homini, sitire aut esurire: sed hoc illud est, ut ego existimo, quod contendunt, Non sic in Christo fuisse has passiones necessarias sicut in nobis, quia in nobis nihil est quod hanc naturæ necessitatem vincat aut corrigat, in Christo contra, necessitas potestati, natura voluntati cedebat, potuit Divinitatis virtute ea omnia vitare, potuit depellere: ubi autem est potestas amovendi non est necessitas patiendi. Hoc illud est quod de exinanitione ejus Leo Papa observat, *Dispensationem miserationis fuisse, non privationem potestatis.* Hoc illud etiam quod S. Ambrosius in Luc. 4. affirmat de ejus apprehensione, quia in Evangelio legimus aliquando quoddam tradidit se in manus Judæorum, aliquando autem quoddam per medium eorum transibat; *Videbis, inquit Ambrosius, quando vult capitur, quando vult non capitur; & enim Divinitatis erat, quoddam non capitur, alterum voluntatis, quoddam capitur.* De esuritione haud aliter est sentiendum, quia legimus eum & esurisse & non esurisse: Habuit à natura humana ut posset esurire, à Divina ut non posset; imò à Divina utrumque, & ut posset & ut non posset. Nam sicut ab humana habuit potentiam potentialem, sive passivam, ad unam contrarietatis partem, ut posset esurire: ita à Divina potentiam potestativam, sive imperativam, ad utramque partem contrarietatis, ut pro libitu & esuriret & non esuriret, cum ipsi placuerit. Hæc causa est cur utrumque dixi Christum suo modo à Divinitate habuisse, sive esuriebat

sive

Ser. 2. De Resur.

five non esuriebat. Si non esuriebat, ex eo erat quia Divinitas potestatem suam interposuit; si esuriebat, ex illo quod Divinitas virtutem suam occultavit: in illo prohibuit nè calor naturalis & spiritus in corpus agerent; in hoc præcepit ut agerent: illud ex Potestate Divina; hoc ex Divina Dispensatione.

Habitote paucis, utriusque suprema moderatio à Divinitate fluebat. Si per dies quadraginta non esuriebat, indè erat, quia Divinitas humanitati non permisit quod suum erat pati, sed carnem servavit in eo statu, ut nec cibum appeteret, nec ex defectu cibi affligeretur: dein, si post diem quadagesimum esuriebat, indè erat, quia Divinitas permisit humanitati & quod suum erat agere, & quod suum erat pati; *παρεχώρησεν τῇ σαρκὶ τὰ ἴδια*, inquit Damasc. lib.3. cap. 20. *Concessit infirmitatis parti ea facere quæ sua sunt; συνεχώρησεν τῇ φύσιν*, inquit Theophylactus in Mat. 4. hoc est, *permisit carni agere & pati propria; Natura divina natura sua hominem dereliquis*, inquit Hilarius. Quæ omnia si jam conjunctim sumantur, facillima erit quatuor prædictorum terminorum inter se conciliatio, ut & primus cum postremo, & uterque cum mediis, sano sensu conspirent. Primus cum postremo hoc modo: quia erat ex Potestate & Dispensatione; & Occultatione claritatis, quod esuriebat; ergo istis non intervenientibus impossibile erat ut esuriret. Medii cum postremo hoc sensu: quia erat esuries ejus & necessaria in ordine ad causas naturales, & non necessaria in ordine ad dominium voluntatis; erat esuries ejus sicut nostra à natura, non autem sub natura sicut nostra; quia in arbitrii potestate erat & posse esurire & non posse. De Esuritione ejus si hoc modo sentiamus, salva manent omnia & intemerata, & Proprietas naturæ, & Imperium voluntatis. Ut nulla est injuria humanitatis, quia erat passio verè naturalis, & proinde necessaria: sic nulla est majestatis læsio, quia non erat merè naturalis passio, sed voluntaria & potestativa. De primo Inquisitionis membro hætenus, quæ De esuritionis Qualitate quærebat. De Tempore & Causis in posterum est agendum.

Cap. 3. in Math.

LECTIO XIX.

Postea esurit; hoc caput est Argumenti quod non minus quam vol-
metipso scrutationem à me alteram & expectat & postulat, ut
possit ex omnibus partibus investigari. Neque est quod attentio-
nem vestram suspectam habeam, quia de Salvatoris Esurie est dis-
putandum; de Esurie quæ est Credentium spiritualis repletio, & mentis
famelicæ cibus, & juniorum omnium sanctificatio; de Esurie, inquam, cu-
jus ipsum adeo non pudet, ut amplissimum persolvat præmium iis omni-
bus qui illius sensu & sympathiâ tanguntur, *Esurior, inquit, & dedi-
sti mihi quod ederem*, Matth. 25. 35. Enimvero non sum nescius, longè aliam
esuritionem fore de qua ibi Dominus loquatur, mysticam scilicet & inter-
pretativam, non corporis, sed condolentiæ; quam non in deserto solo su-
stineret, sed in omni totius Orbis angulo; nec post quadraginta dies, sed per
universa secula; nec certe in seipso, sed in membris & servis suis. At
haurire possumus etiam ab ista non leve incitamentum ad hanc alteram
attendendi: si enim tot tantisque præmiis prosequatur eos qui esuricio-
ni mysticæ manus admovent auxiliares, non illis deserturam mercedem
aliquam conjicio, qui esurie propriæ quàm in se passus est autem bi-
bulas accommodant, ut gratitudinis iusta solvant infirmitatibus Christi.
Hæc illa est esuritio de qua jam denuo dicturi sumus, ut vobis sit in men-
sam, eamque secundam. Quia enim de Qualitate ejus & Modo superius est
dictum, igitur de Tempore & Causis hodierna erit tractatio.

Et primum quidem de Tempore, quia Temporis textualis habetur men-
tio, Causarum non item; & Tempus ordinem facti indicat, à Causis ratio
facti est petenda. Idcirco primum de Tempore, nè elabatur fortasse si
prorogetur. In Causarum dilatione non multum erit discriminis, cum
semper maneant; at Tempus esuritionis jamdudum est præteritum, & pu-
sillum istud quod reliquum est fugit dum loquimur. Non tamen sic fu-
git, quin ut possit ad contemplationem revocari, eamque studio & labore
nostro dignissimam: cum omnis Christi actio tam sit eximia, & plena, &
juxta omnes opportunitatis articulos adeo tempestiva, ut non modò res
ipsa, sed tempus ordòque agendi interdum mysteria suppeditent; sæpissime,
imò semper, documenta ad fidei ædificationem salutaria. Quæ illa Do-
cumenta sunt mox videbimus, neque in iis multus ero, non enim est nisi uni-
cum quod hic enutritionem exposcit;

A quo die sua traxit exordia hæc Esuries, à Jejunii primo an ab ultimo,
hoc est, an esset hæc Esuritio toti jejunio intermixta, & à die primo usque
ad quadragesimum continuata; an magis Jejunio successerat & suble-
queretur. Inquisitionis ratio hæc est, quia Cajetanus Cardinalis, inter-
pres eruditus, & quod ad historiam Evangelicam spectat germanus &
perspicuus, in hujus explicatione loci ex adverso contendit, *Famem Chri-
stum perpeßum esse per totum illud quadragenale spatium: alioqui seque-
retur, inquit, quod nulla esset in ejus jejunio corporalis afflictio, & per hoc non
esset Jejunium perfectum & meritorium: sequeretur etiam, ut miracula ex-
tra necessitatem multiplicarentur, nam miraculo jejunii tot dierum adjuñge-
retur hoc aliud miraculum, quod tanto tempore servatum sit corpus ejus
absque indigentia alimenti*. Hactenus Cajetanus, subtiliter quidem, sed
non

non appositè. Crediñ' abiturum impunè? Nihil minùs, etenim Christophorus Sanctotifius, in suis in hoc Evangelium Commentariis, tam irato calamo eum insequitur, tamque acriter perstringit, ut arroganter hominem appellat ipsum Cardinalem frater Augustinianus, & interpretationem ejus *audacem temerariamque sententiam, adeoque hæresin sapientem, ut si contumaci animo stabilire eam nitatur, milles,* inquit, *eum hæreticum appellabo.* Ain' verò?

—*tantane animis claustralibus ira?*

Quid nobis dicturus esset, Auditores, si nostrorum interpretum quispian in hunc scopulum impigisset, qui Pontificio adeò succenset? nisi Salvatoris illud in se adimpleri Sanctotifius cupiebat, *Inimici hominis domestici ejus.* Enimvero non video cur tam gravior indignatione exardeat, & in re tam parva, & contra virum optimi inter suos nominis, nec minoris doctrinæ quàm authoritatis. Agnosco lapsum esse in hac parte Cajetanum; agnosco similem sententiæ utramque ejus rationem fore, hoc est, nullius ponderis. Nullius prima, quia non in esurie sola Jejunii afflictio sita est, sed in fletu & lacrymis & singultibus & in tristitia mentis; & si in esurie sola esset, ac sufficere ad afflictionem Jejunii si fames postmodum sentiretur. Minoris est secunda, quia nulla est miraculorum multiplicatio, ut ipse supponit, nam uno eodémque miraculo factum est & ut sine cibo & potu quadraginta dies Christus transigeret, & ut famem ac sitim minime sentiret. Quod si multiplicasset miracula Dominus, num nos nimium existimabimus quod magis in honorem cedit Salvatoris? Sed non est tale aliquid, imò major videtur esse multiplicatio secundum ipsius explicationem, quia longè majus fuisset miraculum si famem tot diebus Christus pateretur, vitamque in esurie conservaret, quàm si absque esurie totos transigeret. Quocirca non apta est aut idonea hæc Cajetani expositio; verùm ex eo non sequitur ut sit audax & hæretica, cum modestè & temperatè se explicet, & magis discutendo quàm asserendo. Inprimis, non disertè statuit sic esse, sed esse posse, *Affirmat Evangelista,* inquit, *Christum post Jejunium esurisse; an intra tempus jejunii esurierit vel non esurierit, nihil dicit.* Deinde, in illo ipso quod statuit, ingenium suum temperat, nè modum excedat, *Non acerbam fuisse famem quam sensit intra Jejunii spatia, nec tantam quantam vi tanti jejunii naturaliter nata erat producere, sed usque ad certum terminum rationi consentaneum.* Hoc modo emollit castigatque opinionem suam Cajetanus. Et sic quidem sumpta non ejus est solius, sed multorum non vulgaris notæ aliorum. Inprimis, Franciscus Lucas, in explicatione horum verborum, *Postea esuriit,* prorsus ad eundem sensum verba traducit, *Non sic intelligenda sunt,* inquit, *quasi nullam omnino esuriem inediãmve sit passus Dominus toto illo temporis interjectu: sed non tantam quantam post quadagesimum diem, cum esurentis modo se capis habere.* Deinde, multò ante Brugensem Isidorus Clarius, Orat. 18. in S. Lucam. Verba ejus sunt; *In illo quadraginta dierum spatio accidere Christo potuit quod unicuique nostrum usu venire experimur. Jejunat quis, exempli gratia, usque ad vespèram; in illo intervallo sentire potest inediã, quam tamen fert, neque ita desistitur natura viribus ut expectare vespèram non possit: quod si duorum aut trium dierum spatio sine omni cibo degere velit, omnino deficiet. Accidere ergò tale quid & Domino potuit, ut scilicet toto quo jejunavit tempore famem sit passus, quam tamen pertulerit; peractis verò quadraginta diebus permisit natura ut cibum sentiret jam sibi esse necessarium.* Ex istis patet, non Cajetanum solum huic adhæsisse sententiæ: & posito quòd in ea solus esset, equidem

K k k 4

non

non arduum putarem, si nostro generi deceret Papistarum in nos suscipere patrocinium, non arduum, inquam, existimarem, justam & honestam rationem excogitare quâ possit Cajetanus & defendi & expediri. Summa igitur huc redit, Non semper in Scriptura Sacra particulam *Postea* adhiberi ut initium rei significet, sed aliquando ut temporis denotet continuationem. Interdum illud dicitur *postea fieri* quod antea erat in motu aliquo, sed nunc incipit uberius & plenius fieri: & illud etiam quod prius quidem erat, sed non manifestum erat, neque adeo sentiebatur. Sic Heb. 12. 11. *Apostolus, Omnis castigatio ad præsens non videtur esse gaudium, sed molestia, utitur 3, sed Postea fructum reddit pacificum iustitiæ*: Non sic dicitur *Postea* reddere fructus suos afflictio, quasi nullus omnino esset fructus aut pacis aut iustitiæ in ipsis ferendis, sic enim nulla esset patientia Sanctorum; sed quia non tam amplus est nec tam apertus sicut *postea* futurus. Sic Joan. 13. 27. *μετὰ τὸ ψάμειον, τὸν εὐδαιμον, post offulam, tunc introivit in Judam Satanæ*: Non sic est intelligendum, ac si tunc primum *opparor* Satanæ Judas factus sit, est enim in comperto quod paulò antè & furto & pactione cum Phariseis non obscurum dederat indicium Judas cui domino serviret; verum hæc potius est verborum sententia, quod post illud tempus magis egregium cœpit esse diaboli instrumentum, quodque totum se à Christo tunc separârit, totumque se dæmoni mancipârit. Observavit id Theophylactus in Joan. 13. *ὁ δὲ μετὰ μὲν γὰρ ἔλθων, & quæ sequuntur, Prius, inquit, eum foris per avaritia vitium diabolus turbabat; post offulam verò perfectè eum comprehendit, & ingressus est eis τὰ interiora τῆς καρδίας, in ipsa interiora cordis*. Observavit etiam & S. Augustinus, non dici *post offulam*, quasi tunc insultum primum diabolus fecerit in cor ejus, sed quia tunc plenius eum occupavit. Verba ejus sic habent, *Intravit Satanæ prius, immittendo in cor ejus cogitationem quâ traderet Christum: sed nunc intelligere debemus à diabolo Judam plenius esse possessum, nam post panem intravit in eum, non ut alienum tentaret, sed ut proprium possideret*. Similiter & de hoc quem nunc tractamus loco dici potest, Non tunc cœpisse Christum esurire cum Jejunium peractum esset: sed fieri potest ut Evangelista addat hoc *Postea*, vel propter ipsius intensiorem gradum, quia *postea* magis esurivit; vel propter majorem passionis molestiam, quia *postea* magis sensit; vel denique propter clariorem manifestationem, quia *postea* se velut esurientem gerebat, & esurientis partes præstabat, & cibum fortè incipiebat quærere quo famem depelleret. Possunt hæc omnia dici absque præjudicio textus, nè dicam veritatis: possunt, inquam, dici, at non arbitror ea esse dicenda, neque adduci possum ut credam adverbium *Postea* passionem continuatam significare hoc in loco, sed initialem; nec esse intensivam particulam, quasi magis tunc esuriret, sed exclusivam famis antecedentis, quod tunc primum, & non prius, esuriebat. Patet ex unanimi Sanctorum Patrum consensu, quorum hæc est communis interpretatio. *Famem sustinuit consummato dierum numero*, inquit S. August. lib. 3. De mirab. Scripturæ, cap. 6. *Post quadraginta dies, non in quadraginta diebus*, Hilar. Can. 3. *Cum completi fuissent dies Jejunii*, Orig. Hom. 29. in Luc. 4. Patet etiam ex aliis Scripturæ locis huic consimilibus. Ex Matth. 21. 29. ubi responsum habemus filii natu majoris, Respondit patri, nolle se operari in vinea, *postea autem penitentiâ motus abiit*: cum dicitur *Postea*, manifestum est eum antea non fuisse profectum. Sic Luc. 1. 24. de matre Baptistæ legimus, *Post dies illos concepit Elizabeth*: innuitur eam antea non concepisse. Sexcenta sunt ejusmodi, sed quid opus est pluribus? nam postremò, pater apertè ex loquendi formula

Tract. 61. in Jo.
& Hom. 62. &
lib. 3. de Consec.
Evangel.

mula non solum à S. Matthæo, sed etiam à S. Lucæ usurpata. Est satis ex se clara S. Matthæi locutio, *ὕστερ ἔσθιασε, postea esuriit. Cùm dicit ὕστερ, postea, probat*, inquit Chrysologus ser. 12: *per quadraginta dies & quadraginta noctes esuriam in illo non fuisse.* Est satis clara S. Matthæi relatio: at multò clarior est S. Lucæ declaratio; Luc. 4. 2. *Non manducavit quicquam in diebus illis*, inquit, *& consummatis illis postea esuriit.* Ecquid clarius? Qui dicit, Consummatis his vel illis diebus aliquid esse factum, manifestè ostendit antea factum non fuisse, nam consummatio non admittit antecessum. Cùm in Act. 2. legimus, completis diebus Pentecostes Spiritum Sanctum descendisse, apparet eum non venisse prius. Cùm Luc. 2. 21. Completis diebus octo Christum circumcisum, necessariò sequitur non antea circumcisum fuisse, neque enim Lex patiebatur. Equis est qui aliud de Esuritione opinabitur? cùm S. Lucas tam evidenter describat, *Consummatis tot diebus*, hoc est, exactis & completis; & nè hoc non sufficeret, annectit ejusdem potestatis vocabulum aliud, nec contentus Participium expletionis posuisse, Adverbium subtexuit redundantie, *consummatis, postea esuriit*: hoc quid aliud est, quàm quòd post dierum consummationem esuriebat?

Quapropter quamvis illud alterum dici probabiliter possit, Esuriisse Christum in interstitio, neque esuriam sensisse propter cœlestium delicias contemplationum: attamen tutiorem esse duco sententiam multòque certior, si ad dierum consummationem rejiciamus, dicendo eum postea, & non antea, esuriisse; & quia duorum Evangelistarum hoc autoritate stabilitur, & quia duobus testimoniis ejusdem Evangelistæ; nam S. Matthæus id obtrixisse asserit *postea*, S. Lucas, & *consummatis diebus*; & *postea*, De Tempore hætenus dixisse abunde est.

Accedo nunc ad Causas, quæ pars est ultima hujus argumenti, ut quia jam vidimus Quòd postea, nunc demum inspicimus Cur postea esurire voluit. Cùm autem Causas dico, non productivas intelligo, quæ sunt operatrices effecti; de istis suprà docuimus, eas partim ad naturæ humanæ infirmitatem, partim ad potestatem Divinæ dispensationis esse referendas: Sed Causas hæc impulsivas accipio, quæ sunt motiva Efficientis. Et istarum duplex erit Classis: una Causarum in genere, Quare omnino esurire voluit; altera Causarum in specie, Cur magis post Jejunium voluit, & non antea: Pertinentandum est aliquid in utraque parte; quod si feliciter absolvero, Historicâ hæc Speculatione non invitus super-sedebo.

Pars inquisitionis prima est de Causis in genere & simpliciter sumptis, Quæ possit esse ratio quòd ipsi placuerit huic se infirmitati subicere: atq; non est una aut altera, sed latè patens & multiplex ratio, sive ad Naturalem, sive ad Spiritualem, sive ad Moralem rerum ordinem oculos nostros vertamus.

In primis in ordine Naturalium, hæc, ut arbitror, est ratio, Quòd ideo esuriebat, ut humanitatis suæ certum specimen experimentumque daret, & verum se hominem ostenderet; neque enim quicquam est quod magis mortalem denotat quàm duo ista, Debilitatio naturæ, si desit alimentum, atque Concupiscentia alimenti, nè sequatur debilitatio. Quod Imperator ille Macedonius cuidam de parasitistris respondisse fertur, cùm se Deum diceret, *Hec*, inquit, *quare à medico, nam medicus novit*: scitissime dictum *A medico*, quia medici morborum sunt conscii; & morbi hominem probant; atque Esuries magis quàm morbi, quia morborum testimonia rariùs audiuntur, Esuries est testis quotidianus, etiam & testis Salvatore,

vatori, Susceptio esuritionis fuit demonstratio humanitatis. Hinc est quòd inter præcipuas esuritionis rationes hanc ipsam Sancti Patres collocant, ad hoc ipsum eum esuruisse, ut veritatem assumpti corporis demonstraret; & ut ostenderet, inquit B. Ignatius ad Phil. *quòd revera habuit Corpus origenis dicit, corpus isdem obnoxium passionibus quibus reliqui homines.* Hinc etiam est quòd hoc ipso argumento contra Manichæos Patres utuntur, ad probandam in Christo assumptæ naturæ veritatem, quòd verus erat homo, quia famem & sitim, & necessitates quas humanæ naturæ constitutio secum fert, pati non recusavit. Hoc S. Augustinus, hoc B. Fulgentius & Vigilius, hoc quos prætereo reliqui: neque enim nunc vacat ipsa loca producere, aut argumentum ipsum persequi; eoque libentiùs abstinere, quia ad propriam, quam meretur, & velut peculiarem disquisitionem servavi illud. In præsentiarum sit est tetigisse, in causarum Naturalium ordine hanc primam esse, Quòd ideo esurivit, ut verum se hominem probaret.

lib. 2. cap. 38.

Quòd ad ordinem Spiritualium spectat, non longè petenda est altera, Quòd ideo esuriebat, ut famis perpersionem nobis sanctificaret. Hoc D. Irenæus de ætatibus observavit, *Per omnem eum venisse ætatem, ut omnem sanctificaret ætatem; & omnibus factum esse omnia, ut omnibus benediceret: infantibus infans, ut sanctificaret infantiam; parvulis parvulus, ut sanctificaret pueritiam; juvenibus juvenis, ut sanctificaret adolescentiam; senioribus senior, ut secundum ætatem suam, velut perfectus magister, sanctificaret etiam seniores.* De defectibus quos assumpsit affirmare idem possumus, sicut de iis omnibus pronuntiat Nazianzenus, Or. 31. *πάχα δι' ὅμοιο δάχρυα, ἵνα ἡ ὁμοιότης εὐλογησῇ· πάχα ἡ ἡμέρα, ἵνα ὁ χρόνος ἀγαθῇ· πάχα καὶ δακρυὶ, ἵνα ὁ δάκρυον ἱκανὸν ἀποφράσσῃται,* Fortasse, inquit, hæc ratione somnum cepit, ut somnum benediceret; fortasse etiam fatigatur, ut fatigationem sanctificet; fortasse etiam lacrymas fundit, ut lacrymas laudabiles reddat. Cum dicit *πάχα ἡ πάχα,* fortasse & fortasse, elegantia est formula, non dubitationis: neque enim credendum est hæsitanti eum animo hoc enuntiasse, sed immoto & stabili, cum nihil sit hoc ipso certius, quòd infirmitatum omnium in se susceptio earundem fuit sanctificatio in nobis; & sicut ex una parte, eas ideo suscepit ut se hominem monstraret, ita ex altera, ut nos homines erigeret in iisdem angustiis quotiescunque constituendos. Quid argumentis opus est in re quotidiana, quæ clarior est quàm ut ullis egeat? Huc nos Scripturarum testimonia, huc fidei analogia, huc ipsa ducit experientia, pro nobis eum assumpsisse quòd de nobis accepit; & ideo de nobis, ut ad nos commodum redundaret; idque sive de morte, sive de paupertate, sive de siti & esurie loquamur. Ad hoc iis omnibus se subiecit, ut exercere nos possint, non superare; ad hoc, inquam, nè aliquando nos misellos aut obruant, aut perimant: imò verò nè deprimant; aut saltem si corpus deprimant, ut animum in sublime ferant, ad ea loca ubi nec est cibi desiderium, nec famis metus. Quòd si adhuc hæsitas, audi ipsum loquentem, Joan. 17. 19. *Pro illis ego sanctifico meipsum, ut sint & ipsi sanctificati in veritate.* Audi ex ore Magistri Apostolum, Heb. 12. 13. *Ut sanctificares per suum sanguinem populum, propter hoc passus est.* Et quid passus? Mortem. Verum est, sed non solam mortem propter hoc, sed sitim, & famem, & timorem, & tristitiam, & fugam, & omnia; vix passio ulla excipitur. Sustinuit mortem, ut mortis adimeret aculeos; fugam, ut asylum erigeret in seipso iis qui persecutionem patiuntur; colorem & metum, ut tristes & tremantes confirmaret; fatigationem, ut fatigatos sustineret; sitim, ut potum spiritualem

tualem porrigeret sitientibus; esuriam denique & famem, ut fames ejus totius humani generis esset refectio. O facti mysterium! Plaga ejus est nostra medicina; Esuries ejus, nostra plenitudo. *Sic quod prior homo, dicente Ambrosio, manducando perdidit, ipse esuriendo recepit, & fecit ut cibus primi hominis, quem per praevaricationem gustaverat, esurie suâ solveretur, tinctus hujus famis merito.* Hæc ratio secunda, ab ordine Spiritualium deprompta.

Porro est & altera, in Moralium ordine recensenda; Esuriebat, ut Sympathiam suam demonstraret quam nobiscum habet in perpeffionibus nostris. De Sympathia cum loquor, non dignationem solam bonitatis intelligo, aut cognationem naturæ, sed passionum conformitatem. Est una pars Sympathiæ quæ oritur ex, dignatione miserationis, quæ Deus est; & quæ hæc altissima omnium, ut nobis dignetur compati, qui in se est impassibilis: *Qui vos tetigit, tangit pupillam oculi mei, Zach. 2. 8.* Est altera ex cognatione naturæ proveniens, quæ homo est; & quæ hæc propriissima, & primâ major, quia multo est nobis in nostris conjunctior quàm in suis, magisque sentiat necesse est dolores nostros in natura nostra positus, quàm si in majestate suâ permanens quæ nostra sunt non consumpsisset. Denique est tertia ex Passionum conformitate resiliens, quæ homo infirmus erat, & *vir dolorum*; & quæ hæc penitissima Sympathia, majorque secundâ: ut majoris est necessitudinis defectus nostros assumere quàm naturam, eosque experiri quàm nosse. Inter omnia, quotquot sunt, Sympathiæ sacramenta hoc nullum est majus, nullum laudabilius, quàm aliorum morbos & vulnera in se transferre, & gravamina suscipere, & sarcinas onerâque portare. Hæc Christi est Sympathia, velut promus nobilis gustavit prior famem, ut nobiscum convivam se præberet non minus esurientibus quàm edentibus. Si dubitas, ipsum habes hoc profitentem, Matth. 15. 32. *Misereor turba, quia jam triduum mecum permanent, nec habent quod edant: dimittere esurientes nolo, ne deficiant in via:* qui in se esuriam suscepit, non ignarus mali à nobis depellere conatur, & qui in seipso dierum quadraginta jejunium consecravit, illorum misertus est de triquo. Hoc Sanctus Propheta sensit, cum *languores nostros portasse* eum prænuntiavit, Isa. 53. 4. Hoc S. Apostolus vidit, cum *ejusmodi Sacerdotem* dixit, *o divitiarum, qui possit infirmitatem nostrarum sensu afficere*, Heb. 4. 15. & *ejusmodi Pontificem, o virum a peccatis, qui nobis per omnia similis factus*, Heb. 2. 17. *Per omnia similis*, similis in natura, similis etiam in defectibus, similis in introitu, ut compateretur nascentibus, similis in exitu, ut morientium miseriis afficeretur; similis in somno, fame, siti, ut possit & dormientium misereri ad custodiendam, & esurientium ad impletionem. En quò deduxit Salvatorem commiseratio nostri. Ad terras: Parum est: Ad Jordanis aquas: Parum: Ad jejunium: Et hoc parum: Ad esuritionem: Summum est: nec tamen cætera parva, & quanta quanta fuerint singula, ea omnia produxit Commiseratio. Quòd naturam nostram assumpsit, effecit Commiseratio: quòd infirmitatibus nostris se subjecit, Commiseratio: quòd inter cæteras sitim & famem expertus est, Commiseratio. Nè despondeamus animos, habemus illinc quòd hauriamus, à plenitudine ejus, imò verò ab exinanitione. Etenim ad hoc se exinanivit, ut de plenitudine sua nos adimpleret; & ad hoc esuriebat, ut esurie suâ nos pasceret, & de Sympathia certiores redderet. Hæc ratio tertia est, in ordine Moralium posita. Atque hæcenus de Causis primæ classis, hoc est, de Causis Esuritionis simpliciter & in Genere sumptis.

Secunda

Secunda est de Causis Specialibus, quæ de Esuritione etiam quærent, sed non simpliciter, verum respectu habito ad opus tempusque Jejuniis, ut inquiri jam possit, quæ potissimum sit ratio cur ad hunc usque terminum Esuritionem distulerit, neque eam voluit esse Jejunio contemporaneam, sed subsecutivam, ut quavis eam ex Jejunio traxerit, at inter jejunandum non patiebatur, sed post consummatum Jejunium. Quod ad hanc partem spectat, solutionis fundamentum ex verbis Salvatoris petendum est quibus matri suæ respondebat, Joan. 2. *Mulier, nondum venit hora mea.* Neque hoc ab illo solummodo dictum est, sed & de eo Evangelista alicubi pronunciat, cum capere eum Judæi non possent, *Nemo, inquit, misit in illum manum, quia nondum venerat hora ejus.* Est autem istorum uterque locus non sic intelligendus, quasi de Hora necessitatis sermo fieret; non enim subiectus est Tempori temporum opifex authorque seculorum: sed in utroque oportet Horam opportunitatis & voluntatis intelligere: in illo, quod nondum venerat tempus miraculorum principio à se destinatum; in altero, quod nondum venerat tempus passionis. Hinc est quod in alio loco, *venisse horam* asserat, sicut in istis *non venisse*, Joan. 17. 1. *Pater, hora venit, glorifica filium tuum.* Ex quibus omnibus jam simul sumptis nemo est qui non videt, aliud esse Tempus, aliud Opportunitatem: *ὅταν ᾖ ἡ ὥρα καὶ ἡ ἐξουσία*, ut Nicephorus Greg. loquitur, *Non omnibus negotiis tempora omnia esse opportuna, neque esse in omni tempore opportunitatem; ἵνα γὰρ καὶ ἐν ἀκαίρῳ γένηται, Sunt nonnulla tempora quæ minimè sunt tempestiva:* quæ quidem distinguere semper posse, sagacitatis suprema laus est, caputque prudentiæ. De Salvatore dubitatio nulla est, commoditatis omnes articulos scivisse eum dum in terris ageret, nihilque fecisse præproprium aut extra tempus, sed opportunè & commodè quicquid fecerit: non seriùs quàm par erat, si hora venerat; nec citiùs unquam, si hora non venerat. Ut cætera taceam, observare hoc quivis potest in Esuritione ejus, quod legimus eum & esurisse post quadragesimum diem, & antea non esurisse. Utriusque Causa à prædictis sententiis est mutuanda: etenim quod antea non esuriebat, exinde erat, quia nondum venerat hora ejus; quod autem postea esuriebat, exinde etiam fuit, quia hora venerat. Erat usquequaque tempus maximè opportunum, & respectu Salvatoris, & respectu Tentatoris, & respectu Nostri.

In primis, si de Tentatore loquamur, fuit hic itineris finis secundus, ut ipsum subjugaret; secundum dico, non primum: primus erat, ut Deo se Jejunis & Orationibus dedicaret; hoc igitur opere peracto ad finem secundum se vertit: & quia in se tantum suscipere facinus non ausus fuerat Tentator si nullum infirmitatis vestigium in illo reperiisset, ut timido hosti, & quasi Deum aggredi non audenti, animum ad aggrediendum adderet, ostendit se hominem esuriendo. Dicite, annon erat prudentiæ opus: annon hæc hora opportunitatis? Quod si illud juxta generales rationes duntaxat pensitemus, prudentiæ lineas clarissimè lucentes nemo est tam cæcus qui non videat, ut per infirmitatem robur vellet superare; & id agere, ut qui primum hominem epulantem vicerat, à secundo esuriente vinceretur. At verò à Temporis circumstantia prudentiæ laus crescit, quod placuit ipsi post quadraginta dierum Jejunium esurientem se Tentatori exponere: sic igitur habitote. Quod quadraginta diebus jejunavit, hoc erat fortitudinis; & diabolus traxit in admirationem, si purus homo possit hoc facere: Quod esurivit, hoc erat imbecillitatis, & præsumptionis causam diabolo subministravit, ut pro certo hominem crederet;

deret; quia ubi fames, ibi infirmitas. Ex istis sequebatur, ut qui prius dubitavit hominem, nunc dubitaret Salvatorem; & quamvis Jejunium pertimesceret, at Esuriem ejus sibi usui futuram sperabat, ut intrepide tentaret quem vidit mortalis & passibilis esse naturæ. Hoc caput est quod dixi prudentiæ. Enimvero si intra quadraginta dies Jejunio & Orationibus dicatas esuriisset, interventurum Tentatorem veri est simile, quod pietatis officia perturbaret: ergo utramque temporis partem adeo prudenter Dominus disposuit, ut ante horam præstitutam Satanas se non immisceret; nisi peractis Sacris. Qui verò istud? Dicam verbo, Ut diabolum Christus vinceret necessitas salutis nostræ postulabat, quia sine prostratione captivantis captivorum plena non esset redemptio: ut vinceret, necessario erat tentandus, quia vincendus eo modo erat quo nos vicerat, hoc est, per tentationem: ut tentaretur, recipit se in desertum, & illuc quoque properabat Satanas, ut occasionem caperet tentandi. Conspexerat diu Christum Tentator in Divinis totum occupatum; orantem, jejunantem, & per quadraginta dies esuritionis signum nullam prodentem; obstupuit, expalluit, non ausus est adoriri. Quid igitur Christus? Expleto dierum numero permisit humanæ naturæ ut quæ sua erant pateretur, & esuriret; & per hoc spem congregiendi Adversario tribuebat, qui simul ac esurientem conspexerit, tunc sensit hominem, tunc mortalem credidit, tunc eum putavit posse tentari. Hoc esurientis consilium, neque piget sæpius inculcare; nam Patres ad unum omnes non modò ad illud recurrunt, sed provocant, velut ad triumphi partem non minimam Salvatoris. Et Chrysostomus quidem pacatiùs paulò, quamvis in cæteris revertitur; *Procepit, inquit, in diabolum, nec in totum quasi homo, ideo miraculosè jejunavit; nec in totum quasi Deus, ideo esuriit: ut qui jejunantem videns desperaverat, esurientem conspiciens assumeret animos.* Irenæus multò acutiùs; *Contra luctatorum morem in arenam descendit; nam adversarium provocat, non, ut fieri solet, virtutis jactatione, sed ostensione infirmitatis: & quia ad armatum accedere timebat hostis; sicut David cum adversus Goliath exhibet Saulis arma deposuit, itidem & Christus arma quodammodo Divinitatis ponit, nudusque & inermis incedit.* Ambrosium præterirem, nisi eum pietatis impetus eò provexisset, ut magis excusationem mereri illius verba videantur quàm laudem, quia simulasse esuriem Christum prædicat. Habetur locus in Serm. 35. Verba hæc sunt, *Post jejunia multa, esurire se Christus simulat, ut diabolum, quem jejunando jam vicerat, iterum esuriendo sollicitet.* Duriora sunt hæc, ut Dominum, in quo nihil fuit simulatum aut fictum, simulasse diceret esuriem. Quo putas plausu arrepturi essent hæc verba Apelles aut Marcion, qui æreum & umbratile corpus & putativas passiones nefario commento somniabant? Quid illi, si virum Sanctum, Patrùmque Latinorum post Augustinum receptissimum, audissent dicentem simulasse Christum esuriem? Si enim esset simulata aut ficta esuries, non fuit realis aut vera; si non vera sed simulata fames, non vera sed simulata caro, & simulata passio, & simulata redemptio: ergo & simulata salus. *Dic, Augustine, colorem.* Hem, dicit, Qu. evang. c. 50. *Non semper, inquit, in malam partem hoc Simulare est interpretandum. Si fingimus aliquid quod nihil veri significat, tunc in errore ponitur: cum autem fictio refertur ad aliquam significationem, est figura veritatis.* Quod idem est ac si dixisset, simulare quod non est, esse in vitio; at simulare quod est, carere noxâ. Siquis se simulat id facere quod facit, non jam fucus est simulantis, sed professio facientis. Hic color est Augustini; nec color quidem, sed corpus solationis, si per omnia præsentis negotio quadraret. Quid igitur faciendum? Num deferendus est Ambrosius, aut tenuitatis nostræ indigere advocatione putas Doctorem maximum?

Non indiget quidem, sed permittite tamen ut habeat, quia latissima patet area defensionis. Inprimis illud sufficere potest, nil tale Ambrosio in mentem uspiam venisse, nè per somnium quidem; hæreticorum non fautor erat, sed malleus, & horum maximè qui ficticiam Christi carnem & imaginarias passiones ore putido contendebant. Testem appello insignis pietatis & eruditionis librum quem De incarnationis Dominicæ Sacramento exaravit; & illos alteros verè aureos De fide Trinitatis, ad Gratianum Augustum. Testor cætera ipsius volumina, in quibus sæpissime hæc hæreticorum deliria refellit, redarguit, abominatur; eaque indignatione & zelo, ut nemo suprâ. Nemo est qui majori cum stomacho contra Manichæum & Valentinum insurgit, qui veritatem humanæ carnis Christi negabant, condemnans eos qui in phantasmate venisse Jesum prædicant: *Dis, qua tantum sacrilegium Inferna vomuerunt?* sunt ipsius verba, lib. De Incarn. Sacram. c. 6. Nemo est qui veræ carnis mysterium aut sæpius aut ferventiùs vindicavit. *Non speciem incarnationis suscepit, sed veritatem*, lib. 10. in Lucam, c. 22. & l. 1. De Sacr. c. 5. *Mementote quid dixerim, Christus carnem suscepit, verè carnem; non sicut carnem, sed carnis ipsius veritatem.* Hæc & multa alia Ambrosius urget pro passionum veritate. Quod autem hoc loco de Simulatione famis videtur loqui, elegantiz vox erat, non erroris; & luxuriantis calami sermo, non deviantis. Habet aliquando castam hæc dictio significationem, ut non sit idem quod *Colludere*, sed quod *ostendere & Demonstrare*. Sic eâ nonnunquam authores Classici abutuntur; ut *Simulare* nil aliud sit quàm *Id quod abest simul esse ostendere*. Sic Ovidius, Ep. 20.

Nil loquor, & tectis simulatur lumine somnus:

Somnus simulatur, hoc est, Somnus accedit, aut Somnus capitur. Similiter & *Fingere* vocabulum alterum aliquando in eo sensu accipiunt, ut *Fingere* idem sit quod *Formare* aut *Componere*. *Apes favos fingunt*, apud Cic. Offi. l. 1. & apud Ovidium, Ep. 20. Cydippe ad Acontium sic loquitur, *Elige quid fingas*, i. e. *elige utrum facias*; & apud Virgil. Æn. 8. de Romulo & Remo loquitur à lupa enutritis, *fingere linguâ*, i. e. *lambendo tergere & formare*. Idem est quod apud Plutarchum, l. De Amore prolis, τῇ γλώτῃ διαπύσσει, *linguâ catulos suos urfa format*; ut non solum videatur parere, sed fabricare. Mittamus externos, & veniamus ad Sacram Paginam. Habetur similis vocis significatio in Luc. 24. 28. De Christo Domino Evangelista pronuntiat, discessum suum à duobus discipulis simulâsse eum, *προσποιήσας τοὺς μαθητὰς*, simulavit, aut *finxit*, se longiùs iturum: num hallucinatum esse putas? aut prætendisse quod non cogitavit? Absit: erat in ejus animo, statuebat secum id facere; & fecerat, nisi discipuli contrâ persuassissent. Quando igitur dicitur, *Simulavit se iturum longiùs*, non aliud est quàm si dixisset S. Lucas, Composuit motum suum quasi volentis longiùs ire; aut, edixit iis & significavit se longiùs iturum; aut, ut Erasmus vertit, *præseferbat*, hoc est, profitebatur se longiùs iturum. Sic locutum Platonem in Epistolis Grammatici observant, *προσποιήσας ἑὴν δόξαν*, & Æmilius Portus in Suidam, in verbo *προσποιήσας*, *Simulavit*, inquit, hoc est, *demonstravit, declaravit*.

De Ambrosii loco haud aliter est existimandum, cum post Jejunia simulâsse Esuriam Christum affirmet, non fictionis præsumptio est, sed rhetoricalis & figurativa expressio veritatis; *simulavit*, i. e. *ostendit, prodidit, manifestavit se esurire*.

Occurrunt multa id genus in Sanctorum Patrum scriptis, quæ primo aspectu videntur esse duriora, quæ tamen meliùs expensâ inveniuntur esse venustissima. Est illud simile S. Hieronymi, cum de maledicis ad Pilatum Pharisæorum

ſæorum verbis agit, quibus Christum *Seductorem* vocabant, Matth. 27. 63. *Domine, meminimus Seductorem illum dixisse, Post tres dies resurgam: Vide,* inquit Hieronymus, *ignorantes verum dicunt, Seductor enim erat Christus, à falsitate in veritatem, à vitiis ad virtutem, à morte ad vitam ducens.* Est & illud simile apud ipsum Ambrosium, in Hexaem. l. 4. c. 8. vulgi opinionem tractantem, qui incantationibus credebant Lunam posse deduci: *Ecce, inquit, Ecclesia Luna est, habet Incantatorem suum Dominum Jesum, per quem Magorum incantantium carmina evacuavit, quia nihil incantatores valent ubi Christi canticum decantatur.* Quòd si hæc Incantatoris & Seductoris vocabula in pejus rapiantur, nihil est detestabilius; at verò in sancto illo Hieronymi & Ambrosii sensu ingeniosa sunt, & pietatis indoli consentanea, quæ si sit aliquando subtilis & docta, at nunquam est in Salvatore suum contumeliosa. Eòdem etiam est referenda phrasis hæc de qua nunc loquimur, èstque eò animadversione dignior, quia sæpius occurrit in Ambrosii monumentis, èstque ei adeò familiaris, ut sua videatur formula, & penè propria. In l. 5. De Fide, ad Gratianum, c. 2. de Christi nescientia verba faciens, juxta illud Mar. 13. *De die illo nemo scit, nè Angeli quidem qui sunt in cælo, nè ipse Filius;* Vide, inquit Ambrosius, *nescire se simulat, ut scire facias nescientes.* Rursus, in Ser. 3. locum illum tractans in Joan. 4. ubi aquam à Samaritana Christus petebat, *Aquam, inquit, à muliere postulat, & stirre se simulat, ut sitientibus aternam gratiam largiatur.* Attende paulisper, quotidiana sunt Ambrosio, *simulat se stirre, simulat se nescire, simulat se esurire:* quæ quàmvis durioris sunt soni, at piæ sunt significationis, quia *simulare* nil aliud est quàm *proferri.* Huc accedit, quòd *simulari* dicuntur quæ videntur fieri, tametsi eadem sint quæ videantur. Et secundùm hoc, *Simulabat se esurire*, non aliud est quàm Videbatur diabolo esurire; cùm certò cognoscere nequiret. Videbatur autem, quia famis argumenta edidit, fecit quòd esurientes solent: morsus erat fortasse aliquis & murmur stomachi, aut cordis palpitatio, aut languida respiratio pulmonum; aut id genus signa similia; fortasse etiam & cibum quærebat quo naturæ satisfaceret. Ex his signis potuit diabolus aut cognoscere, aut saltem conijcere eum esurire: ut jam non sit opprobrium aliquod in hac loquendi formula, si candidè interpretemur; sed eleganter *simulare* dicitur *Esurire*, quia dissimulavit & celavit potestatem, quò tentandi ansam arriperet Adversarius, quod etiam & fecit. Sic hæc quasi *piâ fraude* (sunt Ambrosii verba) *captus est Tentator; dum enim involavit, velut in escam, in infirmitatem humani corporis, impingebat in uncum Divina virtutis.*

Quapropter ut redeat tandem quò deflexit oratio; Non aliud est quòd ibi S. Ambrosius urget quàm quòd ubique reliqui Patres contendunt, Idcirco Christum post Jejunium esurisse, ut quia à longinquo Satanas steterat jejunanti, quia suspicabatur ex potestate Deum, appropinquare posset esurienti, cùm ex fame hominem præsumeret. Hæc prima est servati Ordinis ratio, Cur non in Jejunio esurire voluit, sed post Jejunium; scilicet ut cùm Patri se consecrasset jejunando, Tentatori se etiam permitteret esuriendo; & postquam Naturæ necessitatem vicerat, vinceret & artes Adversarii. Hæc, inquam, est prima ratio, Opportunum erat respectu Tentatoris. Superest ut ad rationes reliquas accederem, sed de præfixo spatio me abstulit S. Ambrosii defensatio, fecitque ut plus justo à rerum ordine declinarem; nè fortasse quis sciolus, si in hæc loca inciderit, aut seipsum seduceret, aut tanto obtrectaret Doctorem, ea perperam interpretando. Ad vos quòd attinet, si officio huic erga Sanctum Patrem obsequio daturi estis veniam, dabo operam die sequenti ut ad inceptum recurrat disputatio.

LECTIO XX.

DE Causis Dominicæ Esuritionis generaliter & in commune sumptis superius disserui, ostendique eam ad tres potissimum Fines fuisse ordinatam. Ad probationem humanitatis; quia ubi fames, ibi imbecillitas, & nihil est quod hominem magis denctat, quàm cibo indigere & esurire. Ad demonstrationem Sympathiæ; quia nulla major est invitatio ad compatiendum aliis, quàm ejusdem infirmitatis sensus experimentumque in seipso. Postremò, ad Sanctificationem finis nostræ; quia sensus inediæ ad ipsum, virtus ad nos redundavit, & assumptio ejus erat beneficium nostrum, dum ejus exinanitio nostrorum omnium facta est spiritalis repletio. Hæc tria sunt seminaria quorum impulsu ductum Salvatorem puto ut Esuritioni corpus suum subjeceret.

His igitur ità expeditis, superest ut ad Causas speciales pergamus, quæ Temporis rationem respiciunt: hic labor secundus, alteroque longè difficilior, eò quòd rationes Temporis ejusmodi sunt quæ sub demonstratione certa non cadunt, non sub scrutinio, ad summum non nisi sub verisimilitudine & conjectura. Non, inquam, sub demonstratione cadunt, quia impervestigabiles sunt viæ Domini, & absconditæ ab oculis omnium viventium; quis potest scrutari? *Non vobis datum est nōsse tempora*, inquit ad Discipulos; *quis est qui cognovit mentem Domini? aut quis fuit ei à consiliis?* respondeat qui potest. Esto, at possumus tamen eas modestà & probabili conjecturâ fortasse assequi, à fidei Analogia & Scripturarum investigatione. Si his cancellis inquisitionem nostram circumscribamus, non est in Arcam Domini scrupulosus intuitus, sed pia consultatio. Ad hoc nos S. Moyses invitat, Deut. 29. 29. *Quæ occulta sunt pennis Dominum Deum nostrum; quæ revelata, nobis sunt & filiis nostris*: idque non solum ut cognoscamus, sed ut scrutemur, ideòque scrutemur, ut cognoscamus. Ad hoc nos S. Paulus, 1 Cor. 2. 16. ubi postquam hoc ipsum velut fundamentum statuisset, Neminem esse qui cognoscat mentem Domini; mox & illud subnequit, *Nos autem habemus mentem Christi*: ex istis nos erudiens, quòd tametsi ex se ad cogitationes & consilia Dei nemo possit perfectè penetrare; at ex Scripturarum studio & Spiritus Sancti revelatione, qui spirituales sunt de ipsis fidei mysteriis judicare possunt, atque illis ea tradere qui eorum discendorum fuerint capaces. Quocirca his ità se habentibus, progrediamur alacres ad Temporis rationes exquirendas, Cur post Jejunium esurire voluit I. omnis magis quàm in Jejunio, famèmq; ità disposuit, ut non esset intermixta diebus Jejunii, sed eorum subsequitiva. Rationem unam reddidimus priùs; Quia maxime opportunum tempus erat respectu Tentatoris; cum enim ad hoc in desertum se recepisset ut tentaretur, per Esuriem escam objicit captatori quâ & ipse captus. *Esuriit humilis Deus homo*, inquit Glossa, *ne adversario sublimis innotesceret homo-Deus*. Hæc consilii ratio fuit, ut dum patebat infirmitas, latentes potestas, sicut Hilarius loquitur. Conspectiens Tentatorem à longinquo stantem jejunanti, neque aggredi audentem, quippe qui suspicabatur ex ea potestate Deum, ecce potestatis arma deponit, permittit humanæ naturæ quæ sua sunt pati, ostendit se verum hominem esuriendo, quò diabolum provocaret ad prælium; ut qui eminens steterat jejunanti, esurienti appropinquare posset, cum ex fame & hominem cerneret, & dubitaret

taret Deum. De hac dictum est fusiùs die pristino. Quæ sequuntur rationes reliquæ partim ad Christum, partim ad Nos, partim ad Esuriem ipsam sunt referendæ : ut ex omnibus junctim appareat, tempus maximè opportunum fuisse tum respectu Sui, tum Nostri, tum etiam Rei Ipsius in qua versabatur. Hic ordo est singularum, hæc dependentia : juxta hunc ordinem percurram singulas, sed in compendio, ut tandem in illo quod maximum est finis dispositionis constitutur.

Respectus primus à Christo ipso desumitur, & ab eo pender prima Temporis ratio ; Erat summopere opportunum, Divinòque consilio ordinatum, ut non nisi post Jejunium esuriret, quò simul utriusque naturæ specimen daret ; ut eodem tempore quo se Deum Divino Jejunii miraculo probavit, etiam homo esse humanis infirmitatibus dignosceretur. Sufficere quidem poterat ad utraq; demonstrandas, si seorsim & disjunctis temporibus utriusque experimenta reddidisset, quod & sæpius fecit : verùm magis ad honorem & amplitudinem unionis hypostaticæ spectabat, ut qui unionem indivisâ uterque fuit, & Deus & homo, sub uno quasi aspectu utriusque probationem poneret ; & non per intervalla tantùm, sed simul & semel. Non vos hoc latet, Auditores, vix enim quisquam est vel mediocriter in Sacris Literis versatus, qui nesciat hunc manifestandi sui ordinem multoties Dominum observasse, & utriusque naturæ argumenta in uno eodémque opere sæpissime exhibuisse.

Exordiamur à Bethlehem, hoc est, ab ipsis Natalitiis : illic eum videre est eodem tempore vagientem in præsepi, matris mammas appetentem, & vitali papillarum rore se lactantem ; hæc hominem loquuntur : at unâ videre possumus legatos ad Pastores mittentem sanctos Angelos, & novæ Stellæ nutu à longinquis oris Magos vocantem ad Natalium celebritatem ; hæc Deum prædicabant. Ito à Bethlehem ad Jordanem, intueri illic in unda mystica, velut unum è plebe, subjicientem se Præcursoris ministerio ; in hoc erat formæ servi, similitudo peccatoris : at simul intueri etiam cœlos tunc aperientem, & Patris vocem volatûmque ad se accersentem spiritualis Columbæ ; ex his formam Dei agnoscis Numinisque potestatem. De Navicula quid dicam ? in qua & dormiebat corpore, & Deitate conturbabat maria, iterumque placabat. Quid de Lazari exsequiis ? ubi eum & orasse legimus, & flevisse, quæ sunt hominis ; sed revocasse de supernis mortui animam ad pristinum corporis habitaculum, quod est Omnipotentis. Quid adhuc de Passione ejus ? ut homo contristatur ; prænuntiat adventum proditoris ut Deus : ut homo apprehenditur ; ut Deus apprehendentes proster- nit : ut homo flagellatur, illuditur, cruci configitur, & se queritur derelictum ; cætera Divinitatis erant, quòd latroni paradisum pollicetur, quòd- que Solem & elementa fecit & impiorum horrere facinora, & suo testimonio ferre Conditori. Ex his, opinor, satis superque constat, has ostensionis suæ vicissitudines servasse Christum in toto redemptionis negotio & quilibet ejus parte, idque consultò & deditâ operâ. Pariter & eodem consilio Esuriem suam instituit hoc in loco, ut Jejunium suum proximis vestigiis sequeretur, quò possit alternatim ex utraque parte signa ac testimonia posteris relinquere & Divinæ potentiae & humanæ infirmitatis. Nam quòd tot dies ac noctes jejunavit, Deitatis virtus erat ; quòd esurierit, humanitatis exhibitio. Ergò conjungit utrumque, *ὃς διὰ τὸ τῷ πνεύματι ὄντι Θεῷ,* (verba sunt B. Ignatii) *διὰ τὸ τῷ σώματι, ὃν ὁ ἀνθρώπος.* Hoc puto hujus concursus fuisse mysterium, hoc Temporis seligendi consilium, quia per 40 dies non esurire Omnipotentiae fuit ; postea esurire, infirmitatis. *Ἐ- ράβη,* inquit Cyrillus, *ut per utrumque egregiè Deus simul & homo cog-*

nosceretur, unus & idem manens, & Divinè super nos, & sicut nos humanè. Hæc prima ratio est, à Sui respectu desumpta, Oportebat postea esurire, ut specimen aliquod daret utriusque naturæ.

Respectus secundus ad Nos vergit, & ab ea secunda Temporis ratio deducitur; Opportunum erat respectu nostri, in disciplinam nostram & eruditionem, ut & à Jejunio fames ejus fuisset, & statim post Jejunium sequeretur. Verùm non habeo in hac parte, ut prius monui, quod pro certo statuum, Satis erit si aptè conijciam quæ probabiliter dici possunt. Fortasse ad hoc post Jejunium esuriebat, ut doceret, Afflictionem animæ comitari debere Jejunia nostra, quia nihil est quod magis horreat Dominus quàm si Jejunia luxurie & carnis illecebris claudamus. Quòd si quis jejunans ad luxuriosam carnem servat ventrem suum, non est Jejunium continentia, inquit Augustinus, sed peccati; neque hoc simpliciter, sed dupliciter, quia & Jejunium fingitur, & luxuria indulgetur. Ad hoc respexisse Christum nil repugnat in hac Jejunio suo subsecundaria esuritione; quia enim hoc secum statuerat, inter jejunandum non esurire, idcirco peracto demum jejunio infirmitati huic se statim submitit, nè quis de molli aut delicato jejunio vel somniaret. Fortasse & ad hoc respexit, ut ostenderet pietatis exercitia non prorsus nos à molestiis aut infirmitatibus corporis liberare, sed magis præparare & fulcire ad eas perferendas. Confectarium hoc esse salutare nemo est qui negabit; puto etiam & absque ulla coactione gentium; nè sibi quis blandiatur de falso & non indulto immunitatis à passionibus naturalibus privilegio, cum diutius solito sacris incumbit officiis. Potest quidem fieri ut in hæc exercitia mens intentior eousque obliviscatur sui, ut famis aut alicujus doloris acerbiter pro tempore non sentiat: sed largiendum est tamen naturæ quod suum est, ac pro certo expectandum, quòd simulac ardor animi cessaverit, ad solitum natura redibit, quod suum est operando. Etenim & ipse Salvator, tametsi in Jejunio totus in Deum quasi absorptus esset, adeoque in ejus altissima contemplatione immersus, ut præ ardore & impetu devotionis nullam famis acerbiter aut contraheret, aut saltem persentisceret; at consummato jejunio famis morfu pungitur, esuriemque proficitur.

Postremo, fortasse hæc intentione fecit, ut ostenderet neminem esse, quantumlibet sanctum & in altissima contemplationis sede positum, qui corporis aut carnis suæ curam debeat rejicere; quia est ancilla spiritus, & mentis necessarium organum in quibuscunque religionis operibus exsequendis, & quod suum est exsequi non potest nisi sustentetur. Cura igitur & ejus habenda est aliqua, quamvis casta & sobria, aliqua tamen; neque nulla esse debet, neque nimia: non Nimia, nè hostem nutriamus; non Nulla, nè civem enecemus: verùm medio quodam modo ad corpus nos gerere oportet, ut illi qui nec propter corpus vivere debent, nec sine corpore vivere possunt. *Velut in momentis librarium,* inquit S. Basilii, *si lancem alteram nimis aut resarcias aut imminuas, inhabilem reddis.* Hinc est quòd S. Paulus non dubitet membra Christi & Spiritus Sancti templa Corpora nostra appellare: ut si quis sit tam durus aut tetricus, qui nollet suis ipsius causâ corpus suum cognoscere, aut in ullo parcere, at in se saltem Spiritum Sanctum cognoscere debet, inquit Augustinus, & in se Christo parcere, cuius membrum in corpore suo gerit, fidei suæ custodiaque concreditum. Agnosco de coelesti ad quam aspiramus patria verum esse, quòd nullam nostram curam postulat corpus, si semel illò pervenerit ubi plenam immortalitatem percipiens corruptibili cibo non indigebit: verùm interea temporis, quia solam immortalitatis nondum adepti sumus, post animæ primam,

in Psal. 43.

Sen. ep. 14.
Basil. Hom.
Πρόσχη
αὐτῶν.

Aug. Ser. 18.
in verb. Apost.

primam, secunda cura debetur corpori, cum sit officina spiritus, ut B. Cyprrianus loquitur, in qua & per quam sua opera perficit atque consummat. Non igitur est quodd timentas ne tibi vitio vertatur quodd esurias aut sitias, quoddque esuriam aut sitim restinguas, si conscientia sit pura, & spiritus integer, sunt enim hæc necessitati largienda. Cœlestis vita est quæ hos motus non sentit omnino; mortalitatis est sanctæ eos retinere & moderari. Etenim Christus ipse, qui inter jejunandum soli Deo vacabat, post Jejunium esuriens corpori suo curam impendit. Fieri potest ut ad hoc Christus prospiceret, potest ut ad reliqua: potest, inquam; nam temerarium esset quasi de facto esse definire, in re & tam abscondita ut certitudo causarum non pateat, & tamen tam accommodata ut non locum adimat conjecturis: quas quidem si rectè attigi, bene habet, appellabo Temporis rationes; sin minus, erunt saltem eruditionis nostræ documenta. Ità utroque modo Temporis opportunitas est manifesta, non Sui solum, sed Nostri respectu, quia facit ad Disciplinam nostram. Hæc secunda est ratio, à secundo Respectu deprompta.

Cypr. in Prologo Scrm.

Respectus tertius est Rei ipsius, hoc est, Esuritionis, & ab ea fuit tertia Temporis ratio, quæ hæc est; Conveniebat famis ejus amplitudini; ut esuriendi Modo Tempus responderet; utque quodd singulare fuit atque extraordinarium quantum ad Modum, dignosceretur ejusmodi fore ex Temporis circumstantia. De Modo non opus est ut altius repetam quodd prius est abunde explicatum, Discriminis multum esse inter Christi Esuritionem & nostram: nostra enim ex necessitate emergit; Christi hæc ab arbitrio ejus pendebat: nostra, uti ex principiis naturalibus oritur, ità ad finem etiam naturalem tendit, ad virium deperditarum restaurationem; Salvatoris Esuries non sic; quemadmodum à sacro fonte primariò fluebat dispensationis Divinæ, ità ad finem sacrum principaliter erat ordinata, salutem hominum. En Temporis opportunitatem! en Domini disponentis prudentiam! cum nostra Esuries soleat in Jejunio (præsertim si diuturnius est) contingere, post Jejunium consummatum suam Christus ordinavit; ut inter suam & nostram differentia innotesceret, quodd non erat esuritio ejus purè naturalis, aut simpliciter necessaria, ut nostra; sed & Principii respectu voluntaria, & respectu Finis sacra. Ex Temporis ratione utrumque dignosci potest, & verbo expediam.

Inprimis, quodd fuerit Voluntaria, hoc Temporis ratio probat, quia nihil est magis voluntarium quàm esurire & non esurire pro arbitrio suo. Alioqui si in voluntatis potestate non fuisset, dicat quisquam velim, cur potius post diem quadragesimum hoc ei contingeret quàm intra spatium quadragenale. De Mose & Elia legimus, usque ad eos ipsos terminos Jejunia sua utrumque produxisse: utrum esurierint necne, non legimus; ideo credendum est non esurisse. Quæ, obsecro, est causa? quis sensus, quodd Dominum post Jejunium esurisse Scriptura significavit, cum Mosis & Elia esuriam prorsus taceat? Quid? Num patientia hominum Christo major est? aut prævertere esuriam illi poterant, Dominus non potuit? Nihil minus. Hæc potius censenda est ratio, Discrimen denotare voluisse Spiritum Sanctum inter Christi esuriam & duorum prophetarum hæc ipsa circumstantia: nimirum, quodd non erat penès Mosen aut Eliam simpliciter & ex se vel, esurire, si natura non poscebat, vel non esurire, si poscebat; sed tantum Divino miraculo circa eos factum est, ut tanto tempore & sine cibo & sine esurie conservarentur. At verò utrumque Christo in ditione potestatis possum erat, utrumque à voluntatis prærogativa manabat. Etenim quodd non

esuriebat, erat ex unionis gratia naturam reprimente; quòd esuriebat, ex gratia *οὐκ ἐπιθυμία* id permittente: illud ex potestate omnipotenti, hoc ex potestate dispensativa; utrumque ex placito voluntatis, *ἐδωκε, ὅτι ἐβόλετο, τῇ φύσει καὶ ἐν*, inquit Nyssenus, *τῇ ἐκείνῃ ἐπεργασίᾳ*, h. e. *natura suae, quando volebat, occasionem dedit suo officio fungendi*; & per hoc, ut S. Augustinus observavit, non minus erat miraculosa *Esuries ejus quàm ipsum Jejunium*: imò mirabilis esse dicit quòd exactis quadraginta diebus esuriit, quàm quòd labentibus illis nil comedit; quia facultas ei aderat non esuriendi, nisi humanitatem suae infirmitati Divinitas reliquisset, ut post quadragesimum diem vacillare posset, & famem sentire. Hæc summa est Discriminis, *Quòd non esuriebant Moses & Elias, celestis possibilitatis erat exemplum*, ut Leo loquitur; *quòd esuriebat Christus, Divina dignationis Sacramentum*. Ergò ut illud Spiritus Sanctus innueret, de Moïse & Elia tacuit, neque affirmat eos esuriisse: hoc alterum ut Evangelista indicaret, esuriisse post Jejunium Christum pronuntiat; ut tamen intelligamus, ex dignatione voluntatis & dispensationis mysterio manasse. Hoc primum rationis membrum, ab ipso Tempore demonstrari Esuriem ejus fuisse Voluntariam. Porro fuit etiã & Sacra; nam & hoc quoque constat, cum ex Temporis ordine, tum ex Fine ipso in quem erat ordinata. A Tempore, quia post Jejunium, & ex Jejunio suboriebatur, à religioso scilicet & sancto exercitio. Deinde & ex Fine, quia ad finem sacrum eam Christus dirigebat, salutem nostram; idcirco post Jejunium eam disposuit, ut qui in nostram gratiam magis quàm in suam jejunasset, non tam sibi quàm nobis se esuriisse monstraret. Hoc illud est quod de ejus siti Sancti Patres sædè omnes prædicant, Fuisse quidem illam sitim veram, sed insuper mysticam, & ardentis desiderii significativam quo anhelabat redemptionem nostram. *Vera sitis erat*, inquit Augustinus, *cùm dixit mulieri, Da mihi bibere; sed non corporalis sola, etenim fides ipsius sitiebat: vera sitis erat quando in Cruce positus clamabat se sitire; sed non sola corporis, quia hoc ipso ostendit se fidem incredula gentis concupiscere. Sitiebat multum, sitiebat planè*, inquit Ambrosius, *non potum hominum, sed salutem; non aquam mundi, sed redemptionem generis humani*. De esurie ejus haud aliter dicendum est. Et S. Ambrosius dicit, c. 4. *Commentariorum in S. Lucam, Qui esuriebat cùm voluit, hoc ipso ostendit, non cibum se esuriisse corporis, sed salutem*. Porro & S. Augustinus, in Psal. 34. & 127. *Quid esurivit Christus nisi fidem nostram, & bona opera nostra? Atque recedè fidem nostram & bona opera esurire dicitur, quia nos illum pascimus credendo & bene vivendo*. Si adhuc dubitas, audi ipsum loquentem, Joan. 4. 34. *cùm post recessum Samaritanæ discipuli eum ad prandium vocabant, Cibum habeo quem vos nescitis; cibum meus est ejus exsequi voluntatem qui misit me, & consummare ipsius opus*. En mensam Christi, en epulas. Quòd si Cibus ejus redemptionis mundi fuit, & Panis ejus paternæ voluntatis exsecutio; necessariò sequitur, ut Esuries ejus non tam sit corporalis cibi, quàm salutis humanæ & mundi conversionis appetitio. Ergò ad hoc esurit post Jejunium, ut doceret, non tam se infirmitate corporis victum, quàm mentis desiderio incitatum, ut peractis jam in deserto Sacris, salutem humanam esuriret, magnamque redemptionis negotium consummaret. O facti prudentiam! ô inauditam dignationem! ut non modò pro nobis esuriret, sed nos; ut esuriret qui escam dat omni carni, qui manum suam aperit, & implet omne animal benedictione; ut esuriret qui Manna de cælo pluit, & verbo potentæ panes multiplicavit in manibus frangentium. Agnosce, ô homo, dignationem; nam eadem fuit (& non alia quàm illa) quâ tatigari voluit, qui claudis virtu-

te.n

in Psal. 68. &
Serm. 114. de
Temp.

Serm. 30.

tem tribuit ambulandi; & oculos suos in lacrymas laxare, qui cæcis aspectum restituebat; & dormire, qui populum suum æternâ vigiliâ custodit; & timere, qui fiduciam; & mori, qui vitam præstat. Ex eodem dignationis mysterio proveniebat ut esuriret, qui panis vitæ est & Manna absconditum. Ad hæc quid nos? O pane Angelorum pretiosior fames! ô cunctis gulæ delicijs palato suavior! ô panis vitæ portio! ô linguis deprædicanda illorum Angelorum quibus datum est ministrare esurienti Salvatori! Post hæc quid superest, nisi ut hæc quæ dispersa sunt unâ colligamus, & ab omnibus simul sumptis videamus quid sequi possit ad ædificationem nostram? De Qualitate & Modo esuritionis disputavimus; de Tempore & Differentiis & Causis prolixius verba fecimus.

Ex istis una est, eaque valde necessaria, quæ deducitur Quæstio, quam in exordiis hujus argumenti præmisi me perfecturum. Est autem de Christi coassumptis, Quinam illi defectus fuere & quæ infirmitates quibus se Christus subiecit dum in terris ageret. Quæstionem appello, quia ambiguitates suas habet & dubitabiles flexus; Necessary autem dixi, quia nostri summopere interest cognoscere, in quorum gratiam, quotquot uspiam fuere, universa sunt suscepta. Quod si essent ejusdem generis defectus singuli, so utio facilior foret: verum non sunt ejusdem notæ omnes, imò nec ejusdem evidentiae. Sunt aliqui quos ipsa Scriptura disertè testatur suscepisse eum; sunt alii, iique non pauci, quos silentio transiit. Quos legimus, hi sunt, Passibilitas, Mortalitas, Fames, Sitis, Fatigatio, Fletus, Somnus, Mors, ad Corpus ista pertinent: Dolor, Timor, Tristitia, Tædium, hæc ad Animam. Quos non legimus suscepisse, isti sunt, Culpa, Concupiscentia, Ignorantia, respectu Animæ; Deformitas, Cæcitas, Ægrotudo, Morbus; respectu Corporis. Sunt igitur tria Defectuum genera, Defectus susceptibiles & suscepti, Defectus susceptibiles sed non suscepti, & Defectus simpliciter insusceptibiles. Isti ad Possibile productum pertinent, illi ad Possibile impro ductum, postremi ad simpliciter Impossibile. Percurram singulos, atque, ut brevius fiat, rem totam tribus Propositionibus complectar.

Propositio prima erit de Impossibilibus, & sic se habet; Sunt aliqui Defectus qui nec suscepti erant nec susceptibiles, quos non modò non suscepit Christus, sed fieri non potuit ut susceperet; imò dictu nefas est eos suscepisse: ejusmodi sunt Peccatum, & peccati fomes Concupiscentia, & ad malum Pronitas, & Hebetudo mentis, & Ignorantia agendorum: istorum aliquod non erat possibile ut susceperet, quia non possunt consistere cum dignitate & officio Mediatoris; imò planè repugnant. Quod ad Peccatum pertinet, assumere non potuit, quia contradictionem implicat ut posset. Quod si utique potuisset, non tamen debuit assumere: tum quia peccando virtutis exemplum perfectum præbere non poterat; tum quia peccatum ad opus redemptionis & satisfactionem iræ Divinæ non solum non potuit conferre, ut Paludanus loquitur, sed & poterat impedire: non enim est qui peccata tollere potest quisquam, nisi qui peccata non habet; neque idoneus est qui pro peccatis alienis satisfaciatur, si ipse sit reus & obnoxius peccato. At hoc non est quod contendo, Non debuisse illum, sed, Non potuisse quidem; idque duplici de causa.

Ratio prima hæc est, Quia Caro Christi ab initio Conceptionis fuit caro Filii Dei, quocirca si vel momento aliquo subjacisset peccato aut concupiscentiæ vitio, consequens foret, fuisse Deum aliquando peccato obnoxium, & labe concupiscentiæ infectum, idque propter idiomatum communionem: nam si sanguis ejus & caro ejus fuit Sanguis Dei & Caro Dei; peccatum

esuriebat, erat ex unionis gratia naturam reprimente; quòd esuriebat, ex gratia *οὐκ ὀφείλει* id permittente: illud ex potestate omnipotenti, hoc ex potestate dispensativa; utrumque ex placito voluntatis. *ἰδὼν, ὅτι ἔσθλα, τῇ φύσει καὶ ἐν, inquit Nyssen, τὰ ἰαυτῆς ἐνεργῆσαι, h. e. natura sua, quando volebat, occasionem dedit suo officio fungendi; & per hoc, ut S. Augustinus observavit, non minus erat miraculosa Esuries ejus quàm ipsum Jejunium:* imò mirabilius esse dicit quòd exactis quadraginta diebus esuriit, quàm quòd labentibus illis nil comedit; quia facultas ei aderat non esuriendi, nisi humanitatem suæ infirmitati Divinitas reliquisset, ut post quadagesimum diem vacillare posset, & famiem sentire. Hac summa est Discriminis; *Quòd non esuriebant Moses & Elias, caelestis possibilitatis erat exemplum, ut Leo loquitur; quòd esuriebat Christus, Divina dignationis Sacramentum.* Ergò ut illud Spiritus Sanctus innueret, de Moïse & Elia tacuit, neque affirmat eos esuriisse: hoc alterum ut Evangelista indicaret, esuriisse post Jejunium Christum pronuntiat; ut tamen intelligamus, ex dignatione voluntatis & dispensationis mysterio manasse. Hoc primum rationis membrum, ab ipso Tempore demonstrari Esuriam ejus fuisse Voluntariam. Porro fuit etià & Sacra; nam & hoc quoque constat, cum ex Temporis ordine, tum ex Fine ipso in quem erat ordinata. A Tempore, quia post Jejunium, & ex Jejunio suboriebatur, à religioso scilicet & sancto exercitio. Deinde & ex Fine, quia ad finem sacrum eam Christus dirigebat, salutem nostram; idcirco post Jejunium eam disposuit, ut qui in nostram gratiam magis quàm in suam jejunasset, non tam sibi quàm nobis se esuriisse monstraret. Hoc illud est quod de ejus siti Sancti Patres fecerunt omnes prædicant, Fuisse quidem illam sitim veram, sed insuper mysticam, & ardentis desiderii significativam in quo anhelabat redemptionem nostram. *Vera sitis erat, inquit Augustinus, cum dixit mulieri, Da mihi bibere; sed non corporalis sola, etenim fidem ipsius sitiebat: vera sitis erat quando in Cruce positus clamabat se sitire; sed non sola corporis, quia hoc ipso ostendit se fidem incredula gentis concupiscere. Sitiebat multum, sitiebat planè, inquit Ambrosius, non potum hominum, sed salutem; non aquam mandi, sed redemptionem generis humani.* De esurie ejus haud aliter dicendum est. Et S. Ambrosius dicit, c. 4. Commentariorum in S. Lucam, *Qui esuriebat cum voluit, hoc ipso ostendit, non cibum se esuriisse corporis, sed salutem.* Porro & S. Augustinus, in Psal. 34. & 127. *Quid esurivit Christus nisi fidem nostram, & bona opera nostra? Atque rectè fidem nostram & bona opera esurire dicitur, quia nos illum pascimus credendo & bene vivendo.* Si adhuc dubitas, audi ipsum loquentem, Joan. 4. 34. *cum post recessum Samaritanæ discipuli eum ad prandium vocabant, Cibum habeo quem vos nescitis; cibus meus est ejus exsequi voluntatem qui misit me, & consummare ipsius opus.* En mensam Christi, en epulas. Quòd si Cibus ejus redemptionis mundi fuit, & Panis ejus paterne voluntatis executio; necessariò sequitur, ut Esuries ejus non tam sit corporalis cibi, quàm salutis humanæ & mundi conversionis appetitio. Ergò ad hoc esurit post Jejunium, ut doceret, non tam se infirmitate corporis victum, quàm mentis desiderio incitatum, ut peractis jam in deserto Sacris, salutem humanam esuriret, magnamque redemptionis negotium consummaret. O facti prudentiam! *Id inauditam dignationem!* ut non modò pro nobis esuriret, sed nos; ut esuriret qui escam dat omni carni, qui manum suam aperit, & implet omne animal benedictione; ut esuriret qui Manna de cœlo pluit, & verbo potentiae panes multiplicavit in manibus frangentium, Agnosce, o homo, dignationem; nam eadem fuit (& non alia quàm illa) quâ fatigari voluit, qui claudis virtute.

in Psal. 68. &
Serm. 114. de
Temp.

Serm. 30.

tem tribuit ambulandi; & oculos suos in lacrymas laxare, qui cæcis aspectum restituebat; & dormire, qui populum suum æternâ vigiliâ custodit; & timere, qui fiduciam; & mori, qui vitam præstat. Ex eodem dignationis mysterio proveniebat ut esuriret, qui panis vitæ est & Manna absconditum. Ad hæc quid nos? O pane Angelorum pretiosior fames! ô cunctis gulæ delicijs palato suavior! ô panis vitæ portio! ô linguis deprædicanda illorum Angelorum quibus datum est ministrare esurienti Salvatori! Post hæc quid superest, nisi ut hæc quæ dispersa sunt unâ colligamus, & ab omnibus simul sumptis videamus quid sequi possit ad ædificationem nostram? De Qualitate & Modo esuritionis disputavimus; de Tempore & Differentiis & Causis prolixius verba fecimus.

Ex istis una est, eaque valde necessaria, quæ deducitur Quæstio, quam in exordiis hujus argumenti præmisi me perfecturum. Est autem de Christi coassumptis, Quinam illi defectus fuere & quæ infirmitates quibus se Christus subiecit dum in terris ageret. Quæstionem appello, quia ambiguitates suas habet & dubitabiles flexus; Necessariam autem dixi, quia nostri summi opere interest cognoscere, in quorum gratiam, quotquot uspiam fuere, universa sunt suscepta. Quod si essent ejusdem generis defectus singuli, solutio faciliior foret: verum non sunt ejusdem notæ omnes, imò nec ejusdem evidentiæ. Sunt aliqui quos ipsa Scriptura disertè testatur suscepisse eum; sunt alii, iique non pauci, quos silentio tramisit. Quos legimus; hi sunt, Passibilitas, Mortalitas, Fames, Sitis, Fatigatio, Fletus, Somnus, Mors; ad Corpus ista pertinent: Dolor, Timor, Tristitia, Tædium; hæc ad Animam, Quos non legimus suscepisse, isti sunt, Culpæ, Concupiscentia; Ignorantia, respectu Animæ; Deformitas, Cæcitas, Aegritudo, Morbus, respectu Corporis. Sunt igitur tria Defectuum genera; Defectus susceptibiles & suscepti, Defectus susceptibiles sed non suscepti, & Defectus simpliciter insusceptibiles. Isti ad Possibile productum pertinent, illi ad Possibile improducum, postremi ad simpliciter Impossibile. Percurram singulos, atque, ut brevius fiat, rem totam tribus Propositionibus complectar.

Propositio prima erit de Impossibilibus, & sic se habet; Sunt aliqui Defectus qui nec suscepti erant nec susceptibiles, quos non modò non suscepit Christus, sed fieri non potuit ut susceperet; imò dictu nefas est eos suscepisse: ejusmodi sunt Peccatum, & peccati fomes Concupiscentia, & ad malum Pronitas, & Hebetudo mentis, & Ignorantia agendorum: istorum aliquod non erat possibile ut susceperet, quia non possunt consistere cum dignitate & officio Mediatoris; imò planè repugnant. Quod ad Peccatum pertinet, assumere non potuit, quia contradictionem implicat ut posset. Quod si utique potuisset, non tamen debuit assumere: tum quia peccando virtutis exemplum perfectum præbere non poterat; tum quia peccatum ad opus redemptionis & satisfactionem iræ Divinæ non solum non potuit conferre, ut Paludanus loquitur, sed & poterat impedire: non enim est qui peccata tollere potest quisquam, nisi qui peccata non habet; neque idoneus est qui pro peccatis alienis satisfaciatur, si ipse sit reus & obnoxius peccato. At hoc non est quod contendo, Non debuisse illum, sed, Non potuisse quidem; idque duplici de causa.

Ratio prima hæc est, Quia Caro Christi ab initio Conceptionis fuit caro Filii Dei, quocirca si vel momento aliquo subjacuisse peccato aut concupiscentiæ vitio, consequens foret, fuisse Deum aliquando peccato obnoxium, & labe concupiscentiæ infectum, idque propter idiomatum communionem: nam si sanguis ejus & caro ejus fuit Sanguis Dei & Caro Dei, peccatum

peccatum etiam (quod horret animus dicere) fuisset peccatum Dei. Hoc autem absurdum est & impossibile.

Ratio altera est, quia si Christus obnoxius peccato fuisset, sequeretur ipsum Redemptorem fuisse redimendum; & qui nobis liberandis venerat, habuisse opus alio Redemptore; hoc autem est *anonymum*, ut possit indigere Mediatore qui partes Mediatoris cæteris præstiturus erat. Ergo & Scriptura passim astipulatur, 2 Cor. 5. 21. *Non novit peccatum*, 1 Pet. 2. 22. *Non fecit peccatum*, 1 Joan. 3. 5. *Peccatum in eo non est*, Heb. 4. 15. *Tentatus per omnia, sed absque peccato*. De Peccato res est in confesso: similiter & de Hebetudine mentis & de Ignorantia agendorum necesse est ut loquamur, eo quod cum gratia unionis ista stare nequeant, & plenitudini Christi adversentur. Quid quod ad peccatum ducunt, & remorantur à bono, ideo ab eo assumi non possunt qui futurus erat minister iustitiæ & virtutis perfectæ exemplar? *Mortalitatem quidem sapienter assumpsit*, inquit Anselmus, *ignorantiam verò sapienter non potius assumere, quia nunquam est utilis, sed semper noxia*. Nè multa, summa est, Nec debuisset, nec potuisse Christum assumere ullum *detractabilem Defectum*, ut Media-Villa loquitur; hoc est, uti ego interpretor, nullum vitiosum aut culpabilem defectum, qui honorem imminueret vel Officii vel Personæ. Nihil autem est quod magis honori ejus detraxisset quàm agendorum Ignorantia, & Stupiditas mentis, & Pronitas ad peccatum. Releganda igitur sunt ad suum quem in nobis habent locum, atque à Salvatore nostro longissimè disterrimanda, ut ab eo qui nec illatenus suscepit ea, nec suscipere potuit. Hæc prima est Propositio, de Impossibilibus.

Propositio secunda est de Possibilibus improductis, atque sic instituitur; Sunt aliqui humanæ conditionis defectus qui susceptibiles quidem erant in se, sed non fuere à Domino actu suscepti, neque susceptos fuisse credendum est, quia Evangelium conticefcit. Hujus sortis sunt illi omnes qui redundare magis & incidere videntur Individuis, quàm ipsam Speciem in totum & in commune contingere, ut Deformitas, Cæcitas, Ægritudo, Morbus, & Accessiones morborum. Susceptibiles dico, & non Susceptos: Susceptibiles, quia potuere suscipi, idque absque aliquo præjudicio aut Mediatorii muneris aut personæ; Susceptibiles, quia poterat eos ad usum salutis nostræ sanctificasse, poterat in eos virtutem meritoriam non minùs quàm in cæteros quos sustinuit transulisse; Susceptibiles denique, quia non sunt in se Defectus simpliciter peccabiles; utcumque enim ex peccato oriuntur, non tamen ducunt ad peccatum. Fuere igitur susceptibiles.

At duplex potest esse ratio cur non suscepit; quia Indecens erat, & quia Indebitum.

In primis dico Non decuisse, quia Defectus sunt deestabiles, qui de majestate ejus plus nimio derogassent. Derogasset Cæcitas, & Ægritudo, & Morbus, quia ad horum omnium sanationem veniebat: & non est veri ab simile, voluisse Judæos suipsius curationem exprobrasse, si ea assumpsisset; quod & in morte fecerunt, cum dicerent, *Alios salvos fecit, seipsum non potest salvum facere*. Derogasset etiam & Deformitas, quia hujusmodi eum Scripturæ prophetica prænuntiabant qui *formâ speciosus esset præ filiis hominum*. Non quidem me fugit, fuisse eum in sensu aliquo etiam deformem (absit contumelia verbo) cum in Cruce pendeat; sic enim Propheta prædescripsit, Isa. 53. 2. *Non erat ei forma neque decor, non erat aspectus*, live, ut alii legunt, *non erat ei species aut dignitas*: dein vers. 4. *Nos reputavi-*

mus

mus eum quasi leprosum, & percussum à Deo, ut Vulgata habet, etenim leprosum Hebræi quemlibet afflictum appellant, & quacunq; plagâ tactum. Hæc quidem non me latent, neque facillè possunt, prophetâ Evangelico dicente: verùm in nihilo præjudicant, quia posito quòd Deformatitates hæc sunt appellanda, at non erant deformatitates ex obliquitate naturæ, sed ex injuriis hominum; non connatæ, sed extrinsecus immisæ; non fuit, inquam, deformitas ulla improporcionata, sed solum incompta & impolita; imò non erat deformitas in se, realiter & propriè, sed opiniosè & putativè, idque juxta opinionem non credentium, sed crucifigentium; persequentibus scædus apparuit, nobis etiam in Cruce pulcherrimus. Ad hæc, in seipso, sicut nunc est, ita semper fuit & ubique pulcher: pulcher in calo, pulcher in terra, pulcher in utero, pulcher in parentum manibus, pulcher in Sermonibus, pulcher in Miraculis, pulcher in flagellis, pulcher deponens animam, pulcher recipiens, pulcher in ligno, pulcher in sepulcro, ut piissimè Augustinus in tit. Psal. 44. Propter hoc igitur fuit Indecorum ut deformatatem susceperet. Fuit etiam &

Indebitum, quia Defectus Suppositi non restringebatur assumere, sed solius Naturæ; neque personales, sed tantum naturales. Naturales voco qui in totam naturam, i. e. in universum hominum genus, transfusi sunt, ut Sudor, Labor, Mortalitas: Personales, qui non in omnibus, sed in certis tantum personis sparsi reperiuntur, ut Lepra, & Febris, & alia Morborum genera; Deformatitas etiam & monstrositas, quæ magis sunt aberrationes & depravationes naturæ quàm naturales infirmitates. Ad istas Christus virtute officii non tenebatur; impediēbat æqualitas Mediatoria, quæ se omnibus quantum ad corporalia pari vinculo obstrinxit. Quòd si Personales suscepisset, non tam humanam naturam gessisse videretur, quàm hominum; neque tam hominum, quàm hujus aut illius hominis. Quia igitur naturam humanam communiter & sine personarum distinctione suscipere oportebat, rerum ordo postulabat ut communes tantum & naturales defectus acciperet; non autem personales, nisi eos quos passionis tolerandæ qualitas suscipi requirebat, ut livores & vulnèra, quæ persequentium fuere contumeliæ, non defectus naturæ. Quòd autem Apostolus, ad Heb. 2. 17. & 4. 16. in omnibus eum nobis similem esse factum asserit, excepto peccato, omniæque tentamentorum genera percurrisse; quòdque 1. 3. Orthodox. Fidei, c. 20. Joannes Damascenus eum assumpsisse dicit *ὅλον τὸ ἀνθρώπινον, & πάντα τὰ τῷ ἀνθρώπῳ* secundum suprâ dicta hæc interpretari oportet de iis defectibus qui sunt toti hominum generi communes, non de iis qui singularium hominum sunt proprii; hos enim neque necessarium erat neque congruum ut susceperet, nec emolumenti aliquod nobis eorum susceptio attulisset: quia prout nobis contingunt, sanctificati nobis fuere in actuali reliquorum susceptione; in morte inprimis, in qua sola morbos & ægritudines virtualiter & scimus comprehendendi, & credimus sanctificari. Hæc de Propositione secunda, quæ est de Possibilibus improductis, sive Susceptibilibus insusceptis.

Propositio tertia est de Possibilibus productis, sive Susceptibilibus susceptis, atque hæc est; Sunt aliqui Defectus nostri, quorum & ex condecencia susceptivus erat Christus, & eos etiam actualiter suscepit. Istiusmodi sunt Dolor & Tristitia, quæ ad animam; Fames, Sitis, Somnus, Fletus, quæ ad corpus pertinent. Sunt hæc firmissimis & sanctissimis Scripturarum testimoniis singula communita, in quibus æquum est ut acquiescamus. Vix quisquam est qui non aliquando legerit Dormisse dominum in navicula, Timuisse in horto, Sitivisse in cruce, Flevisse sæpius, Esurivisse bis. Quòd si quis ratiunculas quærit, cur hos suscepit & non suprâ commemoratos ceteros;

cæteros; duæ sunt quibus concludatur, Una est de Aliquibus, de Omnibus altera.

De Omnibus una est eadẽque ratio, quia Naturales illi sunt in statu naturæ corrupto, atque in communi naturales, non ad certa Individua, sed ad totam speciem pertinentes; in se etiam inculpati & inoffensi. Suscepit igitur istos, non solum ut veritatem humanæ naturæ ostenderet, & in seipso humilitatis & patientiæ nobis præberet exemplum; nec solum ut tanquam caput membris suis in passionibus conformatum compateretur nobis: sed ob hoc præcipue, ut pro peccatis humani generis Patri satisfaceret, & satisfaciendo hominem ab æterna morte redimeret; Satisfactio autem non poterat fieri nisi per opera pœnalia: sed *corpus quod non subjacet defectibus*, ut Paludanus verè, *non est susceptivum pœnæ*; sic enim satisfactio unius pro altero, dum pœnam pro alterius peccato debitam quis in se suscipit. Cùm igitur & mors & mortalitas & defectus reliqui sint pœnæ ex peccato primi hominis ortæ, consequens erat, ut eas in se Christus pro generis humani redemptione susciperet: non quidem illos qui peccato circumspicantur, ut sunt Concupiscentia & ad malum propensio; nec illos qui ad peccatum ducunt, ut sunt Ignorantia & Hebetudo mentis; nec demum illos qui personas quasdam comitantur, & ad certa Individua pertinent, non ad totam speciem; sed illos tantum qui & inculpabiles in se erant, & tamen naturales. Istius autem generis sunt Dolor & Tristitia, & Fames & Sitis, & Somnus. Hæc ratio prima, quæ probat de iis Omnibus.

Altera de eorum Aliquibus tantum probat, de Somno scilicet, & Esurie, & Siti, Defectus istos Christum magis necessariò suscepisse quàm cæteros, quia connaturales erant respectu naturæ integræ primitivæque constitutæ. Quod de Somno Alex. Halensis contendit, in p. 2. qu. 89. memb. 3. *Probabilius esse quod homo in primo statu nec egisset somno, nec aliquando dormivisset, eò quod ex languore & fatione sensuum somnus oriatur, & causas sui habeat pœnales, quæ omnia sunt à statu illo aliena*: hæc non me multum movent, quia non tantum in iis Theologia sed & Philosophia desideratur. De Esurie & Siti affirmare idem poterat, quod quia pœnale aliquid & defectuosum videantur significare, & à statu primæ innocentiae pœnalitas omnis & miseria sint excludenda, consequens est, in eo statu nec famem nec sitim fuisse futuram. Sed non est, inquam, cur hæc moveant, quia Somnus & Esuries & Sitis nè in statu quidem corrupto sunt propriæ pœnalitates dicenda, sed remedia potius & præoccupationes pœnalitatum. Quod autem de languore & fatione dicit, qui fieri possit ut ex fatione somnus, aut ex inedia esuritus oriretur in statu illo, in quo & sine indigentia cibis, & ad voluptatem labor susciperetur, & somnus dulcis ac placidus, non tumultuosus? Porro, & istis non concessis, quod ad Somnum spectat, constar & de Facto & de Constituto à statu illo non esse removendum. De Constituto, quia erat in illo statu vicissitudo dierum & noctium; nox autem à natura ad Somnum & quietem cunctis animalibus data est, sicut dies operi destinata. De Facto Scriptura expressè pronuntiat, Immisisse Deum soporem in Adamum, qui quidem sopor verè Somnus erat, licet cum mentis ecstasi conjunctus; in textu enim *altus & profundus somnus* dicitur. Huc accedit, quod vita illius status erat vita animalis, teste Apostolo, 1 Cor. 15. quare sicut tunc corpus agebat cibo, nè deficeret, ita & sensus agebant quiete, nè fatigarentur. Ergo sicut in sumptione cibi præventurus erat homo defectum corporis, nè eveniret; ita & voluntaria assumptione Somni præventurus erat omnem

omnem sensum languorem & fatigationem. In corruptionis statu cibus appetitur quia esurimus, potus quia sitimus: *in statu illo cibus aderat, inquit Augustinus, nē esurirent; potus, nē sitirent; lignum vite, nē illos senecta dissolveret. Non lassitudo fatigabat otiosos, non somnus premebat invitos.* Hæc pulchre, ut omnia, Augustinus. Quod idem est ac si dixisset, Esse Somnum quem fatigatio prævenit, & hic nobis convenit in statu corrupto; & esse Somnum qui prævenit fatigationem, & is quidem Adamo conveniebat in statu integro. Nec de Fame & Siti aliter est dicendum: Inprimis, quod non fuisset in illo statu immoderatus aut inordinatus edendi bibendique appetitus, nec talis cupiditas quæ rectæ rationis ordinem turbaret; nam sic accepta Fames & Sitis Gulæ potiùs sunt quàm Necessitatis: deinde, quod non fuisset ibi appetitus cibi aut potûs ad instaurandum aliquid deperditum, aut ad reparandum aliquid quod per internam qualitatem pugnam naturæ jam detractum esset; hic enim appetitus molestiam habet conjunctam, & defectum subindicat, quorum utrumque ab illo aberat statu. Verùm si generaliter loquamur, & per Famem & Sitim naturalem edendi bibendique appetitum significemus, fuissent haud dubiè in primo statu; nimirum ejusmodi Fames & Sitis quæ summâ tranquillitate & absque ulla molestia hominem incitaret, non quidem ad instaurandum aliquem contractum defectum, sed ad tempestivè occurrendum defectui, aliqui superventuro per moderatam cibi potûsque fruiotionem; hoc est, non ut ex illo cibo defectum suppleret, sed anteverteret. Has ego Famis Somnique rationes in primo statu fuisse cum Scholasticis existimo: & propterea in his specialem dixi rationem fore cur Christus eos defectus suscepit; quia *inter omnes alios, eos inprimis assumpsit, ut Albertus loquitur, d. 15. quos ipse in natura nostra plantavit, quia inter omnes illi sunt maximè innocui magisque con-naturales.* Hujus autem generis sunt Somnus, Sitis, Fames. Quocirca ut prolixæ disputationi finem aliquando imponam, de defectibus susceptis rectissima & unanimis est Scholasticorum sententia, & congruum fuisse & necessarium ut quos suscepit susciperet, & non alios. Hoc lib. 3. Orthod. Fid. concludit Damascenus, *Assumpsit, inquit, τὰ φυσικὰ πένη καὶ ἀδύνατον, h. e. passiones naturales & innoxias.* Hoc l. 3. d. 15. Lombardus, *Assumpsit illos defectus qui faciunt vel ad veritatis naturæ assumptæ ostensionem, vel ad operis ad quod venerat consummationem.* Hoc Dionysius Cisterciensis, lib. 3. q. 3. *Assumpsit omnes defectus humana natura non repugnantes infinitæ perfectioni personæ assumptæ; cujusmodi sunt defectus concernentes aut culpam, ut peccare, aut miseriam, ut errare, aut indignitatem, ut esse deformem.* Postremò (ut præteream qui idem saxum volvunt cæteros) Hoc Durandus & Paludanus, d. 15. lib. 3. *Assumpsit passiones indetrectabiles & non derogatorias, nimirum ejusmodi qui nec perfectioni muneris derogant, nec personæ dignitati.* Hujus autem conditionis sunt hi omnes in hac tertia propositione enumerati, quorum singulorum assumptio non Divinitatē ulla fuit contumelia, sed Sacramentum pietatis, ut B. Hilarius loquitur: eò quod, dicente Leone, *Sic nostra suscepit, ut propria non amiserit; & in nostris sic mansit humilis, ut omnipotens permanserit in suis.* Hæc de Propositione tertia, quæ agit de Susceptibilibus susceptis. Atque hic finis esto prolixioris & de Esurie & de Jejunio Christi dissertationis, quantum spectat ad Historiam.

Civ. l. 14. c. 26.

lib. 11. de Trin.
Leo Serm. 7. de
Nat. Domini.

Quantum verò ad Imitationem & Exemplum nostrum pertinet, post ipsius Quadragesimam primam, de nostra Anniversaria die proximo est dicendum.

M m m

LECTIO

LECTIO XXI.

Et cùm jejunasset quadraginta diebus & quadraginta noctibus, &c.

DE Esurie & Jejunio Salvatoris absolvimus dudum disputationem, nec quicquam, quod sciam, prætermisimus quod ad historiam plenam cognitionem quoquomodo possit conducere. Nunc superest ut ab Historia ad Exemplum & imitationem pergamus, à capite ad corpus transeundo, hoc est, ab ipsius Christi Quadragesima, quæ unica tantum fuit, & non nisi semel decursa, ad solennem illam Christianorum Quadragesimam quæ circumflexus suos habet, & velut statuto tempore novam quotannis reciprocationem. Et in hac quidem parte complurima sunt quæ in disquisitionem veniunt; Quo tempore coeperit, Quâ ratione sit nobis indictum, Quo jure ad illud astringamur, Cui fini interserviat, & Quibus demum abusibus sit implicatum. Sed operæ pretium non est hæc tam multa sigillatim persequi; eoque minus, quia in proclivi est hæc omnia strictius ad tria Capita revocare, Originem, Finem, Corruptelas. Extra hos cancellos non facile me patiar egredi, neque erit, ut arbitror, opus, quia nihil est dignum cognitu quod non ab istis pendeat; nimirum aut à rei Origine & ortu, aut à Fine & usu, aut à Depravatione & corruptela. Ea propter tres sunt quas constituo futuræ disputationis partes. De Origine institutionis primam; hæc ad decessores nostros spectat, qui Jejunium Quadragesimale introduxerunt: de Observationis Utilitate rationeque finali secundam; hæc ad nos ipsos pertinet, qui annuatim eundem ritum etiam nunc concelebramus: de Abusibus & Corruptelis in observandi modo tertiam; hæc Pontificiis intenditur, qui institutum in se religiosum contactu supersticioso adulterarunt. De his igitur distinctè, & quam potero breviter.

Exordior autem à capite primo, quod de Origine institutionis querit, A quo fonte fluxerit hæc observatio Quadragesimalis; quò seculo, aut quibus authoribus sit introducta; quâ authoritate aut jure sit ordinata, Divina, an Apostolica, an Ecclesiastica, an tandem Civili & puro puta humano; habent enim fautores & sequaces suos hæc singula. Verùm alii in extremis versantur, idque & ad dextram & ad sinistram. Ad dextram illi qui institutionem originaliter Divinam faciunt; ad sinistram, qui constitutionem merè humanam. Inter utrosque sunt alii interjecti qui mediam viam sequuntur, sed & hoc etiam cum discrimine aliquo, prout magis in confinio utriusque partis versentur, uti in posterum patebit, postquam sententias singulas ordinatim percurrero, ab extremis ad intermedias descendendo.

A prima sententia principium disputationis est sumendum, ab extrema sententia ad sinistram, eorum scilicet qui nullatenus ad Religionis officia ejus observationem pertinere putant, non per se, imò nè per accidens quidem; atque idcirco Jejunia statuta, maximèque hoc Quadragesimale, aut

aut penitus rejiciunt ut rem superstitionem, aut si recipiant, non tamen ut Ecclesiasticæ partem disciplinæ, quæ pietatis augmento interserviat, sed ut civilis πολιτείας nudam & ab omni sacro respectu abstractam constitutionem. Duo sunt, ut videtis, hujus opinionis membra, quorum alterum Jejunium Quadragesimale ad superstitionem relegat, alterum ad Statûs Politici διοικησιαίαν.

Quod ad primum membrum spectat, apud Epiphanium & Augustinum legimus Aerianos in ea opinione fuisse; *Affirmant*, inquit S. Augustinus, lib. de Hæresibus, cap. 53. *statuta solenniter non esse celebranda Jejunia, nè videamur esse sub Lege*. Addit Damascenus, docuisse eos, *A Christianis Jejunium Quadragesimale non oportere servari*. Hæc illi: neque in animo est nunc temporis explorare, an propter hoc ipsum ab Augustino & Epiphanio hæreticorum albo fuerint ascripti; an magis quod cum Arrianis de Christi Deitate perperam sensitisse dicantur. Utcunque fuerit, è nostris quoque esse aliquos negari non potest quorum calami contra omnimodam hujus Jejunii observationem, quantumvis piam & innocuam, calore nimio ferebantur. Est unus eorum (nominibus enim parco) qui in cap. 6. posterioris ad Corinthios Epistolæ, *nihil sani esse in Quadragesimali reliquisque Jejuniis statutis asserit, sed meram esse superstitionem*. Est alter, qui in suis Annotationibus in lib. S. Augustini de Hæresibus, hoc modo se explicat, *Est totum hoc Jejuniorum anniversariorum genus superstitionem, & Christianis hominibus fugiendum, quale est Jejunium Quadragesimale*, & quæ sequuntur. Enimvero si de Pontificiorum Quadragesima loquuti essent, non video quem culpæ reatum sustinerent; neque enim ulla sunt hujus generis inter Papistas, ut arbitror, Jejunia, quæ superstitionis labe carent: quod ipsum Lutherum & Calvinum concitabat, ut *erronea* Jejunia eorum dicerent & *superstitiosa*. At verò ut simpliciter & indiscriminatim solennia & annua jejunia, quantacunque pietate celebranda, *superstitiosa* vocarent, temeritatis nimia fuit & imprudentiæ. Sed hos in præsentiarum mitto, quia de Origine nihil dicunt, de qua nunc quæritur, tum etiam quia erit mihi postea locus lituram hanc eluendi.

Hemigim.

Dona.

Accedo ad membrum alterum, quod est eorum qui nihil Ecclesiasticæ Observationis in Quadragesimali Jejunio latere existimant, sed esse meram & nudam Statûs Politici prudentiæque civilis constitutionem, illinc pecorum multiplicationi, hinc piscium mercaturæ, navigationi, rebûsque maritimis accommodatam. Ut huic errori occurratur, non quidem est diffidendum exstare hujusmodi leges in Archivis ferè omnium Regnorum & Rerumpublicarum quæ Christianæ religioni nomina ascripserunt; ac verò quod per leges istas institutionis hujus Ecclesiasticæ vigor auferatur, ut religiosi Jejunii respectum jam non amplius retineat, manifestè falsum est, & absolum, & nuperrimè excogitatum, & omnino pernegandum, idque justissimis de causis.

Ratio prima à Temporis antegressu ducitur, quia multò est vetustior Jejunii Quadragesimalis observatio quàm lex ulla Imperialis aut Civilis Constitutio in qua de ipsa decernitur. Invenitur illius apertissima mentio in vetustissimis Conciliis; in Can. 29. Concilii Constantinopolitani, & 49, 50, 51, 52. Concilii Laodicensi, & in quinto Concilio primi Niceni, circa initium quarti seculi. Quid quod sit ipsius mentio in authoribus qui hæc Concilia præcesserunt, Origenem dico & Irenæum, quorum alter in secundo seculo floruit, alter paulò post secundum? At civilem Constitutionem scriptam nullam novi ante Honorii & Theodosii tempora,

Orig. Hom. 10.
in Lev.
Iren. Ep. ad Vi-
lor.

M m m 2

circa

Coccei Thesaur.
p. 2.

circa annum Christi quadringentesimum; vel saltem non ante Valentianiani tempora & Gratiani, circa annum 370. quando sic est statutum, *Quadragesima diebus ante Paschale tempus omnis cognitio inhibeatur criminalium questionum*: cum contra fuit ab Honorio & Theodosio decretum, ut in questionibus latronum nullum tempus Quadragesimale exciperetur. Ergo fieri non potest, ut ex Decretis Principum aut valorem suum aut ortum hæc Observatio haberet, quia multò antè fuerat in more posita, praxique & usu attestata multarum Ecclesiarum, quæ quidem singulæ in ea celebranda non ad reipublicæ aut maris commoda respiciebant, sed ad Religionis profectum & exemplum Salvatoris. Hæc ratio prima.

Constit. Imper.
10.2. p. 624.

Secunda à Fine istarum Constitutionum desumitur, quia latæ sunt ejusmodi Principum leges, si in hunc finem ullatenus, at non in hunc finem solum, ut per eas prospicerent mechanicarum artium commodis, sed magis ut pietatis augmentum promoverent, consuetudinem sacram, ætate & instituto venerabilem, edictis suis stabiliendo. Huc spectat lex illa Othonis Imperatoris, quæ in secundo legum Longobardicarum libro habetur, tit. 49. *Deo auctore, & Imperiali Majestate decernimus, ut in festis principis & statuti Fejuniorum diebus judicarios motus exsequi non liceat.* Huc etiam & illud quod in secundo Conciliorum Generalium tomo de Justiniano legimus, *Justinianus Imperator suo edito Fejunium Quadragesima unâ hebdomadâ auxit, & de Paschali tempore satisfactionem promulgavit.* Insuper & Caroli Magni huc tendit, quod exstat in Capitularis l. 1. c. 48. *Ecclesiastica à sacerdotibus constituta Fejunia sine necessitate rationabili non solvantur.* Postremò, & huc etiam sunt referendæ Constitutiones illæ multiplices & variæ à Carolo Calvo promulgatæ, de Tempore & Modo observationis. De Tempore habetur Constitutio in cap. 34. editi Pistenfis, *Præcipimus ut à quarta feria usque ad Resurrectionem Domini Quadragesima observetur.* De Modo conscribitur altera, in Synodo Suseffionensi, Actione 7. cap. 8. *Ex verbo nostro denuntient missi nostri, nè à quarta feria ante initium Quadragesima usque post octavam Pasche placitum publicum tenere præsumant.* Ad hæc occurrit, & tertia, in lib. 2. Constitutionum, cap. 7. *Omnes laicos monemus, ut honorem Ecclesiasticum conservent, & dignam venerationem Episcopo & Dei Sacerdotibus exhibeant, & ad eorum predicationem cum suis devotè occurrant, & jejunia ab illis communiter indicta reverenter conservent, & suos observare doceant.* Quid plura? nam ex his omnibus satis superque constat, non ad finem aliquem politicum respexisse Principes in suis de Quadragesima Constitutionibus, sed ad sacros & spirituales; neque tunc primitus Jejunium hoc edictis suis constituisse, sed antè institutum atque observatum confirmasse, & quasi de integro renovasse. Si nihil sit aliud quod hoc ostendat, ex istis Constitutionum clausulis evincitur, *Indicta à Sacerdotibus Fejunia reverenter conservent; In statutis Fejuniorum diebus judicarios motus non exsequantur; Ecclesiastica à Sacerdotibus constituta Fejunia sine necessitate rationabili non solvant.* Hoc rei caput est, Quod ab Ecclesiâ ortum suum habuit Quadragesimale Jejunium, robur autem & autoritatem accepit à legibus Principum. Quocirca nè diutius vos detineam in re clara, de ipsis regni nostri Statutis haud aliter existimo esse dicendum. Quanquam quid dixi, Existimare me? cum ipsa Legis verba satis sint manifesta. Verba Legis hæc sunt, sub anno secundo felicissimæ memoriæ Principis Edwardi ejus nominis sexti; *Quodcumque carnis genus die Veneris, aut die Saturni, aut tempore Quadragesimali, nemo comedere præsumat.* Hæc, inquam,

quam, sunt legis verba. Dic igitur, quæ legis ratio? Ratio annexitur, eaque duplex. Una est Civilis, *Ut arti piscatoria & jumentorum progenerationi consulatur.* Obsecro, num hæc sola ratio? Nequaquam; audi alteram, *Quia pia & debita abstinencia virtutis est adjumentum, & domanda carnis medium opportunum, quò anima & spiritui subiciatur.*

Posthæc garrire desinant statorum Jejunio:um adversarii, urgere desinant & inculcare, non nisi ad rationes Politicas Quadragesimæ nostræ observationem esse referendam. Est totum contrà, ut constet ex monumentis publicis & Regni & Ecclesiæ, nimirum & Legum, & Leiturgiæ, & Homiliarum. Inprimis ex ipsis Legibus constat quia prima constitutionis ratio in finem sacrum resolvitur, Subjugationem corporis.

Porro, & ipsa observationis cura Ecclesiasticæ Jurisdictioni conceditur, ut in delinquentes disciplinâ & censurâ Ecclesiasticâ Episcopi animadvertant: Sunt ipsissima utriusque Statuti verba, anno secundo & anno quinto Edvardi sexti sanciti. Quòd si hæc nupta non sufficiant, aut si quis sit qui verustissimarum legum testimonia antiquitatis studiosior requirat, non arduum erit etiam in hac parte expromere quod curiositati satisficiat, si paulisper placeat in jamdiu gesta & à memoria nostra remotiora introspicere. Sixonico:um Regum leges intelligo, quas justo volumine complexus est Gul. Lambertus. Non iter longum est viri doctissimi dactylus usque ad Canuti & Aluredi tempora recurrere. Canuti Constitutio hæc fuit, *Qui Quadragesimæ Jejunium, vel quodcunque celebre festum, facinorè aliquo violarit, pena in duplum augetur.* Huic consimilis est & illa regis Aluredi, *Qui die Dominico aut festo Nativitatis Domini: factum admiserit, perinde ac si tempore Quadragesimæ id fecerit, duplo noxam sortito.* Viden' etiam tunc temporis Quadragesimale jejunium non in civilibus institutis, sed sacris fuisse numeratum: Constat igitur ex regni Legibus.

Constat etiam ex Ecclesiæ tabulariis, ex Antapologia Juelli, quæ non jam sua est, sed nostra, *Jejunium Quadragesimale, substitutione duntaxat exceptâ, nos minime damnamus, sed usurpamus etiam nunc.* Deinde, & ex sacra Leiturgia, hoc est, Precum publicarum libro, in quo non tantum Collectæ & Lectiones peculiare: Feiis & Dominicis Quadragesimæ deputantur, verumetiam & exoptatio vehemens adjungitur pro poenitentia Quadragesimali restituenda. Denique, & ex secundo Homiliarum libro, Homilia videlicet quartâ, quæ est De bonis operibus, in illa nos docet Ecclesiâ, statuendum esse discrimen inter positivas Leges Principum cohibentium subditos suos à quorundam ciborum usu statim quibusdam temporibus boni publici causâ, & inter constitutiones Ecclesiasticas, quæ in Jejunio indicendis ad fines alios nos dirigunt, nimirum ad carnem castigandam, ut menti subjaciatur, ad excitandum animum, quò serventius se possit ad Deum attollere, ad humiliationis etiam nostræ veræque poenitentiae testimonium perhibendum. Hæc Observationis ratio, hoc caput Institutionis, hic Constitutionum etiam civilium finis principalis, non solum ut communi utilitati & reipublicæ prospicerent, qui finis est exordicus, sed ut Ecclesiæ bono, & animarum salutis promovendæ consulerent, qui finis est germanissimus atque primarius. Quòd si quis adhuc urgeat, Non posse eandem legem ad finem & civilem & sacrum respicere, adversus hunc non video quam vicem sermonis & legis referam, qui dilectissimis verbis, & rationi rectæ, & artis regulis, & quotidiano etiam experientie tam inverecundè adversatur.

Quodd contra Legis Regni & Homiliarum literam militante, *ἀντι-
γενεσ* docent, res est in scriptis, obsignatae sunt tabulae; evolvant pen-
saculatus, imò vel obiter & in transcurso, neque enim indiget scrupuloso
examine quod sermone vernaculo describitur & stylo hominis; idcirco
servandam esse Quadragesimam, quia pietatis est adiutorium & comandae
carnis medium debita abstinentia. Rursus,

Quodd rectae Rationi refragantur, & rei natura & sermonis proprietates
testatur, nec non communis Theologorum sententia, qui varia Jejuniorum
genera non indiligenter distinguunt: & observatum ab illis video esse aliud
Jejunium Sacrum, sive Ecclesiasticum, proprièque sic appellatum; aliud
Morale, sive continuum, quod est affectus habitusque temperantiae; adhuc
& aliud Spirituale, sive Metaphoricum, ab iniquitatibus abstinere & illicitis
voluptatibus seculi; denique & aliud Naturale, sive valetudinarium, quod
in cibi parsimonia consistit, & ad corporis bonum dirigitur: De Jejunio
autem Civili & Politico nè verbum quidem. Quod mirum est Scholasticis
excidisse, qui nihil solent relinquere inexcussum, adeò res nova est &
hactenus eruditis incognita, ut propter civiles rationes factus cibi delectus
Jejunium vocitetur.

Tertiò, Quodd contra Artis regulas urgent, Dialecticorum receptissimum
ἀξίωμα ostendit, qui uno ore omnes tradunt, Primò, Eiusdem rei posse esse
duos fines, unum principalem, ex natura rei, qui dicitur *finis Operis*; al-
terum minùs principalem, ex destinatione agentis, qui dicitur *finis Operan-
tis*. Secundò, Eiusdem rei posse esse multos fines minùs principales,
eòque vel subordinatos, vel bene coordinatos. Tertiò, Eiusdem rei
finem minùs principalem non destrui à principali, quam regulam Juris-
consulti rotundè & eleganter sic efferunt, *Finis principalis non tollit ac-
cessorium*. Ex quo sequitur, si minùs principalem principalis non destruat,
ut principalem minùs principalis destrueret esse *ἀντιγενεσ* & quia ex
primario secundarii estimantur, & quia in primarium ratio rei ex sua
natura est resolvenda.

Postremò, Quodd contra Experientiam statuunt, exemplorum magnus est
numerus, quibus probemus, rectissimè inter se posse consistere ejusdem rei
finem civilem & sacrum. Ego unum aut alterum proferam, & utriusque
generis, non minùs in re simili quàm dissimili. In re simili præstò est ex
Vet. Testamento exemplum Saulis, quod est à Venerabili Beda obser-
vatum. Non est in obscuro historia, habetur in 1 Sam. 14. 24. quòd
quando Saul exercitum contra Philistæos in expeditionem eduxit, in
mandatis populo dedit, nè panem gustarent usque ad vesperam, *Male-
dictus vir, inquit, qui comederit panem usque ad vesperam, donec ulciscar
me de inimicis meis*. Ex verbis ipsis constat in finem civilem hoc eum
populo mandatum dedisse, quòd super hostes victoria esset amplior: &
tamen Venerabilis Beda religionis causà exercitui jejunium indixisse ex-
istimat, ut prælii successum augeret populi humilitatio, neque veri est
abfimile, utròque eum respexisse. At, inquis, duntaxat est verisimile:
at verò S. Ambrosius, Ser. 25. pro certo ponit & indubitato, verba ejus
sic habent, *Legimus in libris Regum, cum Saul rex Israel bellum con-
tra Allosphylos gereret, universo eum exercitui indixisse jejunium, ut ho-
stes suos non tam armis quàm devotione vinceret, & plus dimicaret re-
ligione quàm telis*. Eccere, hoc Ambrosius non veretur ut certum de-
finire. Sed esto non esse in hoc exemplo certitudinem, sed tantum probabi-
litem: Audi igitur certiora, à Christi Domini exemplo petenda. De
Salvatore manifesta res est, etiam in ipsis miraculis eum sæpius utrum-
que

que sibi finem proposuisse, civilem & sacrum. Apparet ex Matth. i4. quando super mare ambulavit, erat istius operis & finis civilis, ut ad discipulos perveniret qui suere in navigio, & finis etiam religiosus, ut omnipotentiam suam demonstraret, imperando mari ne vel vestigiis suis cederet, vel undarum savientium fluctibus tumesceret. Apparet ex ejusdem Evangelii decimoquinto, cum septem panibus quatuor virorum millia cibavit: erat enim illius miraculi & finis sanctus, ut Divinitatis suae specimen ederet; & quotidianus quoque finis sive civilis, ut esurientem turbam satiaret: sunt enim ejus ipsissima verba, ver. 32. *Commoveor misericordiam erga turbam, quia jam triduum permanent apud me, & non habent quod manducent; & dimittere eos jejunos nolo, ne deficiant in via.* Si igitur Christus Dominus etiam in sanctioris notae rebus civilia sacris miscebat, & ad utrumque se finem vertebat in populo cibando, opponere hoc amplius desinant male sani homines, non posse consilio simili Reges & Imperatores ad utrumque collimare in Constitutionibus suis de populo à cibo certis temporibus cohibendo. Atque hoc posito, ut non potest non concedi, necessario sequitur, aberrare conjecturam suam sententiam primam, quae non à respectu Religionis, sed à decretis Principum ad reipublicae bonum spectantibus, originem suam trahere Jejunium Quadragesimale contendunt; cum revera non sit inventum politicum, sed religiosum, neque Reipublicae filia, sed Ecclesiae.

De quatuor Sententiarum prima haecenus, quam extremam à sinistra dixi, prolixius fortasse quam par erat, nisi rei necessitas exegisset, ut statuta nostra & solennia Jejunia ab observatione politica vindicarem: quod instar praeludii forent ad majora illa quae de jure Divino, & Apostolico, & Ecclesiastico sunt dicenda, & Quousque religiosum sit judicandum.

LECTIO XXII.

DE Jejunii Quadragesimalis origine quod diversae sunt Theologorum sententiae, superius diximus; sed diximus tantum: neque enim in nobis erat rem adeo involutam & vetustatis tenebris circumfusam eodem die & indicare & expendere. Quod Antiquitatis reverentiam habeat, quodque à retroactis seculis sua habet exordia, nemo est usquam qui diffitebitur: verum à quo fonte primus fluxerit, quibusve parentibus natales suos acceptos referat, utrum Legibus Principum, an Constitutionibus Ecclesiasticis, aut Apostolica Traditioni, aut ipsius Institutioni Salvatoris, haec singula controversa videntur & imperspicua: sed non tamen aequaliter singula; nam de primo distributionis membro superius demonstravimus, Non esse observationem Quadragesimae inventum Politicum, sed Religiosum, neque Reipublicae filiam, sed Ecclesiae.

Quae supersunt tria reliqua in disceptationem hodiernam sunt vocanda; An ex jure Divino ejus Institutio pendeat; An forsan ex traditione Apostolica; An magis ex praxi & consuetudine Ecclesiastica aliquot post Apostolorum tempora annos nata & introducta. De his igitur ordine & in compendio.

De Jure Divino inprimis, quia habet hæc sententia consecratos suos, è recentioribus Pontificiis nonnullos, ut Azorius testatur, nominatim Clichtoveum, citante perperam Michaelè à Palacio; adhuc & Thomam Elysiū, in Clypei Catholici q. 20. art. 2. & 3: qui ad minimum hoc esse de Jure Divino contendit, ut semel in tota vita unusquisque Quadragesimam servet, etsi hoc sit de Jure Positivo, ut annuatim id faciat. Porro, ut recentiores mittam, habet etiam & Sanctorum Patrum aliquot, cõsque insignioris notæ, suffragatores hæc sententia, Ambrosium, Hieronymum, Augustinum, aliisque, qui aliquando Exemplo suo, aliquando Institutione suâ, aliquando Præcepto suo illius observationem Christum nobis commendasse non dubitant affirmare.

Ad Exemplum Christi B. Cyprianus revocat, in lib. de Jejuniis & Tentationibus: *In quadraginta dierum abstinentia, inquit, formam jejuniorum Christus proposuit, fixumque exemplum.* Pariter & S. Hieronymus in cap. 3. Jonæ Prophetæ, *Ipsè Dominus jejunando quadraginta dies, hereditatem nobis jejunii dereliquit.* Etiam & Author imperfecti operis in Matthæum, *Jejunavit quadraginta diebus propter duas causas: Primum, ut nobis adversus tentationem jejunandi praberet exemplum; deinde, ut Quadragesimi jejunii nostri poneret mensuram.* Ex his factis constat, hoc ipsum sensit Hieronymum & Cyprianum, Virtutalem quandam & quasi tacitam Quadragesimæ Institutionem sub Exemplo Christi latuisse, eoque Christum in jejuniis suo consulto & dedicata operâ respexisse.

Nec tamen hoc totum est; etenim sunt eorum alii qui non de tacita, sed de expressa institutione disertè loquuntur: nam Leo Papa, in Ser. 4. De Quadragesimali Jejuniis, *Divina institutionis celebritate provisum esse* asserit, & Ven. Beda, in Homilia Dominica post Ascensionem, *Ipsius Domini ac Salvatoris nostri auctoritate sancitum.*

Nec quidem hoc summum est; quia eorum alii non solum ad Institutionem Divinam reducant; sed &, quod majus est, ad Divinum Præceptum. S. Augustinus in Psal. 110. *Præcipitur nobis hoc Jejunium & ex Lege ac Prophetis, & ex Evangelio, quia testimonium habet ex iis omnibus in Elia & Moysè & Christo.* Similiter & Max. Taurinensis in sua de Jejuniis Quadragesimæ ad populum Concione, *Non est ab hominibus constitutum, sed Divinitus consecratum; nec terrenâ cogitatione initiatum, sed cælesti majestate præceptum.* Præterea & Pet. Chrysologus, Ser. 11. *Quod Quadragesimam jejunamus, non humana est inventio, sed auctoritas Divina; nec de terreno usu, sed de cælestibus Decretis.* Denique & Sanctus Ambrosius non uno loco; nam in Sermonè 25: *Indictum appellat à Domino Jejunium:* & Sermon. 34. *Jejunium præceptum à Domino, Legemque Divinitus datam.*

His ita se habentibus, quò tendunt hæc Patrum testimonia, si cum rigore accipiantur, nemo est qui non videt: huc scilicet, ut ostendant, Habere auctoritatem Quadragesimam & ex Intentione Christi, ac si in suo quadraginta dierum jejuniis eò collimasset; & ex Institutione Christi, ac si solenniter ordinasset; & ex Præcepto Christi, tanquam si Discipulis suis in mandatis reliquisset. Quæ singula adeò sunt incomperta nullòque fundamento pisa, ut nè Pontifici quidem ipsi his audeant Patribus in hac parte adherere. Fatetur Bellarminus, *Nullum esse aut Domini aut Apostolorum præceptum hæc de rescriptum;* fatetur Salmeron, parte primâ Historiæ Evangel. Tract. 11. nec non & Joân. Medina in Codice De Jejuniis, q. 2. *Nec verbo nec facto Christum Quadragesimam instituisse:* & hoc quidem non male, cum gratis hæc à Sanctis Patribus fuisse dicta probè intellexerint, & ejusmodi esse quæ excusationem & candorem magis postulant quàm assensum.

assensum. Excusationem dixi, eò quòd Sanctorum Patrum memoriis, si ullo alio, hoc maxime officio obstringimur, ut eorum dicta quæ ad aurem cùrius sonant benignâ explicatione sanemus; ut si non ipsa verba, at sensum saltem valeamus defendere. Quòd si uspiam aliàs, in hoc negotio maxime candore indigent & delinitione aliquâ, cum ad Divinum præceptum Quadragesimæ observationem revocant, ac si à Jure Divino immediatè penderet. Ad hoc igitur nos convertamus, si fieri possit, ut ad bonum sensum sententia non bona commodâ interpretatione trahatur. Sunt autem quatuor Accommodationis modi quibus eam ad meliorem partem transferamus. Accommodatio prima ab Analogia sumitur, eò quòd magna est inter Præceptum & Exemplum cognatio; tam magna, ut interdum pro Præceptis Exempla æstimantur, quia in omni virtutis exemplo est aliquid quod tacite loquatur, muti instar præcepti, quamvis verborum sonus nullus audiatur. Fortasse igitur hæc Patres respexerunt, cum Præcepto Divino niti Quadragesimam affirmârunt; non quasi explicitum haberent mandatum, sed quia in imitationis exemplum nobis à Salvatore relictam putârunt & commendatam. Quòd S. Augustini hæc mens fuerat dubitatio nulla est, verba ejus ostendunt, *Præcipitur, inquit, nobis & ex Lege, & ex Prophetis, & ex Evangelio, quia Moses & Elias & Christus in suis jejuniis hunc numerum impleverunt.* Jam nemo est, ut arbitror, qui dixerit Eliam aut Mosén mandato aliquo Quadragesimam instituisse. Ergò hoc est quod eo in loco Augustinus significare voluit, Afferri posse pro tuenda Quadragesima exemplum Moïsis, Eliæ, Christi, & per hoc cum dicit, in Lege & Evangelio præcipi, exemplo Divino comprobari. Hæc Accommodatio prima, à cognatione Præcepti & Exempli desumpta. Secunda ducitur à rerum dependentiis, h. e. ab ordine quem habent ad genus suum species singulæ: sunt enim in communione generis, & de perfectione generis participant, ut Dialectici loquuntur. Fortasse igitur propter hoc Jejunium Quadragesimale Divino Præcepto stabiliri Patres dixerunt, quia Jejunium in genere sumptum Divino præcepto fulcitur, quantumvis tempus Jejunii mandatum Divinum non habeat. Ex Evangelio constat, Mandato suo Christum auctoritatem Jejunii dedisse, licet de stato tempore nihil dixerit. Est igitur in genere sumptum Jejunium Divini Juris, quamvis hoc vel illud Jejunium in specie, h. e. in sua numerica notione, non propriè sit Divina Institutio, sed ad certa tempora applicatio, præscriptio & determinatio. Hoc Thomas animadvertit 2^a 2^æ, q. 147. art. 3. *Quòd Jejunium in communi cadit sub præcepto Divino & Evangelico, Christo ipso dictante, Vos cum jejunatis, ne sitis sicut hypocritæ, Mat. 6. quantumvis temporis determinatio ab Ecclesia petatur.*

Fieri igitur potest ut ad communem notionem Patres respicerent cum Divinum Institutum nominarent. De Augustino certum est: hanc ejus mentem fuisse apparet ex illa ad Casulanum Epistola, ubi hoc modo se explicat; *In Evangelicis, inquit, Apostolicisque literis, totòque Instrumento quod appellatur Testamentum Novum, animo id revolvens, video præceptum esse Jejunium; quibus autem diebus non oportet jejunare, aut quibus oportet, præcepto Domini aut Apostolorum non video definitum.* Hæc Augustinus: ex quibus est Sole clarius, non propter hoc Divinitus præceptam Quadragesimam dixisse, ac si à Divino aliquo mandato specialem haberet auctoritatem, sed hac sola de causa, quia mandata generalia de Jejunio exstant ad quodcunque tempus particulare applicabilia. Hæc Accommodatio secunda, à Rerum dependentiis.

A Verborum æquipollentia petenda est tertia, quia in sensu libero laxoque

laxoque loquendi genere non illud solum dicitur *Divinum* quod est Divinitus institutum, sed illa omnia quæ propius ad Divinam institutionem accedunt: nonnunquam id Divinum dicitur quod illibatum est & inviolatum, & firmiter stabilitum, sicut in Gregorio Nazianzeno Cardinalis Baronius observavit. Habetur locus in Epist. 74. ad Celsium; ibi his verbis Celsium Judicem Nazianzenus alloquitur, *Iniquè facis, o Jdex, qui non jejunas: & quando leges humanas servabis, qui Divinas contemnīs?* In hæc verba sic commentatur Baronius Anno 57. Sect. 195. Appellat, inquit, *Jejuniorum Constitutiones Leges Divinas*, quia in Ecclesia sacrosancta & penitus inviolabiles habebantur: Sanctum enim & Divinum Veteres solent nuncupare quod firmum est & inteneratum, laxato loquendi genere. Neque novum hoc est, sed quotidianum, ut in hoc sensu Tobias librum Ambrosius *Divina Oracula* appellat; *Divinam Scripturam* librum Ecclesiastici Hieronymus; *Divinas literas* librum Sapientiæ Epiphanius; & tamen eorum librorum singulos pro Apocryphis judicarunt: nam Epiphanius in Anomœis librum Sapientiæ sejunxit à libris Veteris Testamenti; & in Præfatione in libros Solomonis Ecclesiasticum Hieronymus negat esse Ganicum. Huc accedit quoddam Augustini scripta in lib. 3. Gratianus *Sacram scripturam* dicit; & Acta Concilii Niceni *Sententias Divinitus inspiratas* Cyrillus: quæ utraque humana sciebant esse opuscula, sed excellentioris tamen notæ si cum Vulgaribus scriptis actisque comparentur. Eodem modo solent de Quadragesima loqui iidem Doctores, cum *sanctam Quadragesimam* vocant, ut Ambrosius; & *venerabilem Quadragesimam*, ut Maximus Taurinensis; & *sacratissimam Quadragesima tempus*, ut Cæsarius Arelatenfis; & *castos ac Divinos dies Quadragesima*, ut Nestarius: non quod simpliciter Divinam institutionem putabant, sed vel respectu diuturnitatis, quia institutio firma erat & inviolabilis, vel habitâ ad res civiles comparatione, quod istarum respectu etiam Ecclesiasticam institutionem dignam judicabant quæ his honorû epithetis condecoretur, ut à politicis scilicet legibus eâ distinguerent. Hæc Accommodatio tertia, à verborû æquipollentis.

Quarta sola superest, quæ à calore Oratorio depromitur; In Patrum scriptis sunt nonnulla orationis quodam æstu enunciata, & quasi per excessum, quæ minus commodè dicta reperiuntur si ad judicii limam redigantur. Hoc vos non fugit, Auditores, solere Patres in Declamatoriis majori uti amplificationum licentiâ, ad Auditorum & torporem excutiendum & affectus excitandos: ex quo aliquando accidit, ut orationis impetu rapti, nonnulla enuntient quæ durius sonant si pressè & propriè accipiantur. Non mea est observatio, sed Theodoret, Dialogo tertio, *ἡ ἡμῶν πῶς μὴ δογματῶν τῶν πατρῴων ἐκ τῶν ἐκκλησιαστικῶν λεγόμενα*, Non pro regula dogmatum statuenda sunt quæ in Ecclesia declamatoriè & panegyricè dicuntur, & ex oratorio quodam motu. Jam verò vix ullum est argumentum in quò se longius provehi patiuntur quàm in Jejunii encomiis, ut Auditores suos possint illius flagrantissimo amore incendere, quasi quasdam verborum faces admovendo. Ut reliquos præteream, in Ambrosio proclive est observatu, Ejus enim unquam de Jejuniis disputat sine aliquo mentis excessu. Ejusmodi est illud in lib. 6. Hexameron, cap. 4. *Medicamentum quaris, & Jejunium fugis? quasi majus aliquod remedium reperire possis. Jejuni hominis spiritum si serpens gustaveris, moritur*: vides

vides igitur quanta via Jejunii sit, ut & spū suo homō terrenum serpentem interficiat, & merito spiritualem. Ejusmodi est & illud in Tract. de Helia & Jejunio, cap. 3. & 8. Quid est Jejunium nisi substantia quadam & imago celestis? Jejunium refectio animæ, cibis mentis, continentia magisterium, castigatio carnis, purificatio animæ. Jejunium vita Angelorum est, culpa mors, excidium delictorum, remedium salutis, radix gratiæ. Ad extremum, ejusmodi est illud in ejusdem libri cap. 4. Nē terrenum quis aut novellum putet esse Jejunium, primus usus mundi à Jejunio cæpit, quando lux clara respēdunt. Secundus dies in Jejunio, quando cæli factum est firmamentum. Tertio die terra pabulum germinavit, Jejunium tamen celestis disciplina servavit. Quarto die luminaria facta sunt Solis & Luna, & adhuc Jejunium. Quinto die prodixerunt aqua reptilia & volatilia, & benedixit eis Deus, ut multiplicentur, & adhuc Jejunium; dixit eis, Crescite, non dixit, Edite & manducate. Sexto die bestia sunt creata, & cum bestiis orta est edendi potestas & usus escarum: sic ubi cibus cæpit, ibi finis factus est mundi. Hæc Ambrosius. De his & horum similibus quid existimandum? Ecquis est qui motus Rhetoricos non videt, & luxuriantis calami superfluentem quandam licentiam? De re quæ est præ manibus haud aliter est dicendum; fervore quodam mentis evectos Patres fuisse & Jejunii promovendi flagranti desiderio raptos, quando Quadragesimam dixerunt institutionem Divinitus mandatam, Divinitus initiatam, cum nullum tamen existare ejus in Evangelio præceptum indubitanter cognoscerent.

Hæc illa sunt quæ de his loquendi formulis dicenda putavi, partim ut à maledicorum linguis Sanctos Doctores vindicarem; partim ut legentium offensusculæ occurrerem, si quis sit qui ægre ferat quod hoc se modo explicârunt; partim etiam ut aberrationis occasionem ab iis auferrem qui facillimè se decipi patiuntur cum in hæc loca incurrunt; postremò, ob hoc potissimum, ut huic disputationis parti satisfacere, in qua de Divina Jejunii Quadragesimalis origine est negativè definiendum, quia neque hoc recta ratio suadet, nec eò Sanctorum Patrum sententiæ directò propendent, nec Sacræ Paginæ autoritas concedit. Quapropter, cum non sit in Sacra Pagina aut vola aliqua aut vestigium ullius præcepti Divini hoc Jejunium imperantis, imò nec insinuatio quidem, nimis est licentiæ asseverare Salvatorem illud præcepisse vel tacitè, vel palàm. Etenim tam longè abest à Juris Divini gradu indubitato, ut non sit in gradu ullo; quia nec explicitum mādātum habet, nedum implicitum, legitimā consequentiā eliciendum. De prima sententiā satis, *Non nisi Jure Divino Quadragesimale Jejunium*; nec propriè & stricte loquendo posse dici aut Mandatum, aut Præceptum.

Accedo ad alteram, quæ ad Traditionem Apostolicam originem ejus refert; estque hæc Pontificiorum multorum sententiā, Lindani, Turriani, Azorii, Baronii, Bellarmini. *Non Præcepto scripto, sed Traditione non scripta defendimus Quadragesimam ab Apostolis institutam*, inquit Bellarm. De bonis operibus in partic. lib. 2. cap. 14. Nec minùs fidenter Cardinalis Baronius, Anno 57. Sectione 194. *Apostolicam esse institutionem Quadragesimam absque aliqua controversia in confesso semper in Ecclesia fuit*. At Michael à Palacio paulò molliùs, in lib. 4. Sent. d. 15. *Jejunium Quadragesimale ab Apostolis derivari pium & rationabile est credere*. Attende discrepantiā, quā sit in communi causā dispar Doctorum judicium: *pium est credere*, inquit à Palacio; *in confesso est*, Baronius; *nos illud defendimus*, Bellarminus: ille ut rem probabilem ponit, & charitatis judicio consen-

consentaneam, *Pitè*, inquit, *creditur*; iste ut rem probatam omnibusque competentem, *In comperto semper fuit*; hic ut rem probandam, atque suo vindicandam patrocinio, *Traditione Apostolica insitutam defendimus*. Esto, sed quibus obsecro praesidiis? quâ armaturâ? Enimvero non deesse arma fateor quibus hæc sua celsitudo peragatur: sed ejusmodi tamen sunt quæ numero magis pollent quàm viribus, & fulgentia potius sunt quàm invicta & fortia, *plûsq; habent prada quàm periculi*, ut apud Justinum lib. 11. cap. 3. Alexander loquitur. Neque enim argumentis in hac causa pugnant, sed testimoniis; iisque non per omnia firmissimis, sed coactis ut plurimum atque emendicatis. Quod ut magis innoteat, in duas has Classes ea omnia distributum, In testimonia Assertoria, & testimonia Commemorativa.

Testimonia Assertoria ea voco quæ signanter & Categoricè pronuntiant, à Traditione Apostolica Quadragesimale Jejunium manasse: & eorum non magnus est comitatus; etenim duos solos è Patribus testes Bellarminus præcedit, Hieronymum & Leonem. Hieronymi locus est in illa ad Marcellam Epistola, *Nos unam Quadragesimam, secundum traditionem Apostolicam, toto anno tempore nobis congruo jejunamus*. Leonis duplex est testimonium: alterum in Ser. 6. de Quadrages. in quo populum cohortatur ut institutionem Apostolicam quadraginta dierum jejuniis imple-re vellent; in Ser. 9. alterum, ubi à Sanctis Apostolis per doctrinam Spiritûs Sancti majora instituta esse Jejunia profiteretur. Extra istos duos non quenquam è Veteribus introducit Bellarminus qui Apostolicam esse Traditionem prætendat: nec quenquam novi qui expressè loquatur hoc modo, nisi placeat Theophilum Alexandrinum & Isidorum Hispalensem adungere; quorum ille in Epistola prima Paschali ad totius Ægypti Episcopos, secundum Evangelicas Traditiones; hic lib. 6. Orig. cap. 19. secundum Apostolicam institutionem servari Quadragesimam affirmat. Ex his Papiæ sic argumentantur, *Quod omnes Ecclesia Doctores communi consensu ex Apostolica traditione docent descendere, illud credendum est esse Apostolicam Traditionem: Sed de Quadragesimali Jejunio hoc constat. Itane constat?* Quæro; ex quibus tabulis? *Ex consensu omnium Doctorum*. Ain' omnium? Num Hieronymi & Leonis testimonia sunt omnium, an potius centesimæ partis? Largiamur igitur hoc ipsis, E Patribus quatuor fore qui Traditionem Apostolicam præsumunt; quid quatuor ad universos? aut contra causam quid est, quod faciant hæc testimonia, si plura forent? Num omne id Apostolicum quod in quovis sensu *Apostolica* dicitur *Traditio*? Solet interdum Hieronymus Traditionem Apostolicam latiori significatione accipere, non pro eo quod fuerit ab Apostolis traditum & institutum, verum pro eo quod fuit ab antiquis receptum, cujus cum origo ignoraretur, Apostolis tribuebatur, ad majorem ei auctoritatem conciliandam. Sic in illa ad Lucium Epistola, de Jejunio Sabbati loquutus, *traditionem Apostolicam* dicit, eodem opinor, sensu quo in Epist. ad Marcellam, *Traditionem Apostolicam*, Quadragesimam. Nè meam interpretationem arbitremini, audite ipsum Hieronymum ad Lucinum, qui de Jejunio Sabbati quæstiverat, respondentem; *Unaquaque provincia, inquit, abundet in sensu suo, & præcepta majorum leges Apostolicas arbitretur*. Viden' Majorum præcepta *Traditiones Apostolicas* dici posse ipse Hieronymus attestatur; ut jam nil magni conficerent, si non modò è Patribus quatuor, sed quadraginta, dixissent esse *Traditionem Apostolicam*. Hæc primæ Classis sunt testimonia, quæ dixi Assertoria.

Ad

Ad Commemorativa veniamus. Testimonia Commemorativa eorum sunt qui mentionem frequentissimam Quadragesimæ faciunt, tanquam rei notissimæ, & universaliter receptæ, multoque ante ipsorum tempora institutæ. Atque hujus classis testimoniorum est cumulus amplior, vix enim quisquam est à quarti aut quinti aut sexti seculi Patribus in quo ejus aliqua mentio non reperitur. Ut eos præteream, invenitur Quadragesimæ usurpatio in Irenæi antiquissimis scriptis, apud Eusebium, l. 5. c. 26. & in Origenis super Leviticum Commentariis, Hom. 10. *Habemus*, inquit, *Quadragesima dies jejuniis consecratos*. Iste Bellarminus annectit Apostolorum Can. 68. in quo sic decernitur, *Si quis Episcopus, vel Presbyter, vel Diaconus, vel Lector, vel Cantor, sanctam Pascha Quadragesimam non jejunat, nisi fuerit imbecillitate corporali impeditus, deponatur*. Adducunt alii Clementis Constitutionem, l. 5. c. 12. in qua servandam esse Quadragesimam decernitur, eò quod vitæ Christi & Legis latæ recordationem in se contineat. Addit Baronius, ex B. Ignatii ad Philippenfes Epistola, locum alterum, cujus hæc sunt verba, *ἡ ποσάραστον μὴ ἐξυδνεῖν, μέμνην ὅτι παύχαι τὸ Κυρίου πολυλείας* hoc est, *Quadragesimale jejunium ne spernatis, continet enim imitationem conversationis Dominicæ*. Hæc Ignatius. Eòdem referre possumus alterius fortis suffragia, quæ de communi omnium Ecclesiarum usu testificantur: neque enim ulla sunt temporum post quartum seculum spatia quibus se Patres circumscribunt cum de Quadragesimæ observatione loquuntur. In Synodo Gangrensi, Can. 19. *commune jejunium dicitur totius Ecclesiæ*: à Chrylogo, Ser. 166. *jejunium quod devotione solenni universalis suscepit Ecclesia*: ab Isidoro, Orig. l. 6. c. 19. *jejunium quod in universo orbe observatur*: à D. Bernardo, *unum omnium Christianorum jejunium; unum omnium quicunque in eadem fidei conveniunt unitatem*. Ut verbo dicam, *Non ulla est insula*, inquit Basilius, *nec ulla terra continens, non civitas, non gens ulla, non extremus mundi angulus, ubi non sit auditum Jejunii editum; in eo omne hominum genus, omnis ætas, omnes dignitatum forma censentur*. Hæc ille.

Habetur idem apud Rab. Maurum l. 1. De instit. Clericorum, c. 8. Bas. Hom. 1. De Jejunio.

Quæ cum ita sint, ex istis Pontificii sic disputant; Quæ in universa Ecclesia, dicente Augustino, observantur, & in nullo Ecclesiæ Concilio instituta inveniuntur, illa omnia sine dubio ex Apostolica traditione descendunt: Sed ejusmodi est Jejunium Quadragesimale, quia nusquam exstat Concilium in quo dicatur institutum, & tamen observatum in Ecclesia semper fuit, ut patet ex Conciliis & Patribus diversorum temporum & locorum. Hactenus de secundæ classis testimoniis, quæ Commemorativa dixi.

Aug. Ep. 118. ad Januarium. C. l. 4. de Bapt. c. 24.

Ab utraq; Classe hoc illud est quod necessariò sequi contendunt Papistæ, Traditionem esse Apostolicam Quadragesimale Jejunium, utpote à primis Christianitatis incunabulis ortum, & ad hanc usque Ecclesiæ senectam semper & ubique continuatum. Hæc summa est, atque hoc cum mecum reputo Confectarium, non possum non agnoscere habere aliquam, imò magnam, probabilitatis speciem hanc sententiam, ut *pote possit credi*, sicut à Palacio loquitur, & sine fidei detrimento teneri, si quis eò inclinaverit ut cum illis hac in parte sentiat. Enimvero non mihi est in animo aut de re levicula litigare, aut rei dubiæ mordicus adhærere, aut ad meas opinionum formulas alios exigere. Nolle cuiquam libenter suam sentiendi libertatem præripere, imponendo aut præscribendo quid opinetur, imò verò unumquemque suo relinquo judicii arbitrio. At duo tamen sunt in quibus hic labi existimo Pontificios: Quòd consequentiam probabilem ut necessariam interpretentur, hoc primum: Quòd ad minùs probabilem se vertant, excusso illo quod est multò probabilius; hoc alterum. Eapropter Speciem aliquam

N n n

Probabi-

Probabilitatis hanc sententiam dixi habere: sed Probabilitatis, non Necessitatis; & aliquam, non proximam; & si magnam, non tamen summam & maximam. Idcirco, ut finem aliquando statuam huic disputationis parti, duæ sunt Propositiones quibus rem totam conficiam.

Propositio prima hæc sit; Hoc posito, quòd probabiliter dici possit, ab Apostolica traditione originem suam ducere Quadragesimale Jejunium, ac de necessitate tamen non tenet, neque est sententia certis & indubitatis signis demonstrabilis. Hæc prima.

Secunda sic se habet; Posito quòd sit probabilis opinio, fuisse Constitutionem Apostolicam, at probabilius multò est non fuisse; & si sit in aliquo probabilitis gradu, non tamen est in proximo. In aliquo esse non eo inficias, & quia Patres aliquos habet suffragatores, quorum autoritas est gravissima; & quia vestigium habet aliquod ab aliquot seculorum jugi decursu transmissum: at esse tamen in proximo gradu probabilitatis fidenter nego, idque tribus istis de Causis.

Ratio prima à Sacro Canone ducitur, & hæc est; Quod non est Evangelicum, suspiciosum est non esse Apostolicum: Sed observationis Quadragesimæ nusquam in Evangelio, nusquam in Scripturis exstat vel tenuissimum aut vestigium aut indicium; nec quicquam est in eis quod præstet ipsius vel levissimam conjecturam. Enimvero in rebus vel similibus, vel non majoris momenti, vehementer sunt solliciti scribæ Evangelici nè quicquam prætereant. Decretum temporarium de Sanguine & Suffocato non omittunt, Diei Dominicæ signa non obscura depingunt, de Jeuniis in genere tractant, & de aliis multis quæ non magis scire conduceret quam ipsam Quadragesimam, si certâ & universali lege fuisset sancita: & tamen de Quadragesima nè verbum quidem. Quòd si ex tabulis certis Traditionem Apostolicam fore constaret, non inviti amplectaremur ut institutum Apostolicum: at quia Sacræ Literæ conticescunt, verissimum est illud Erasmi, quod in Declaratione sua ad Facultatem Parisiensem de Quadragesimali Jejunio locutus est, *quavis non sit contra, at certum est esse præter doctrinam Apostolorum*. Dicendum est igitur cum B. martyre Cypriano, in illa ad Pompeium Epistola, *Traditio illa quam prætenditis, unde est? utrùmne de Dominica & de Evangelica auctoritate descendens, an de Apostolorum mandatis atque Epistolis veniens? ea enim facienda quæ scripta sunt, Deus testatur. Si ergo aut in Evangelio præcipitur, aut in Apostolorum Epistolis aut Actibus continetur, observetur ut Divina & sancta traditio*. Addo, si Scriptura sileat, plusquam veri est simile non esse Traditionem Apostolicam, quia nè hoc quidem omitturi essent viri doctissimi, si fuisset ab Apostolis institutum. Hæc Ratio prima, Cur non sit res in proximo gradu probabilitatis.

Secunda ab Observationis diversitate sumitur, & sic se habet; Quod non est uniforme & sui simile, probabile est Apostolicam Traditionem non fuisse. Quod enim Apostoli instituebant, cum eodem essent Spiritu ducti eodem ubique modo instituebant, ut ab omnibus eodem tenore servaretur: De Quadragesima totum contrà, nam & ipse Bellarminus fatetur, mirandam fuisse tantam in ipsius observatione diversitatem; & quamvis eam subtilitatibus suis extenuare conetur, at negare non potuit, quia passim attestatam videbat à Scriptoribus Ecclesiasticis, fuisse variè & pro arbitrio à Veteribus observatam. Testatur id Irenæus, apud Eusebium, l. 5. c. 25. alios die uno, alios duobus, alios pluribus, alios quadraginta diebus Paschale definivisse Jejunium. Testatur Ambrosius, Ser. 4. suo tempore aliquos non Quadragesimam, sed Quinquagesimam jejunare solitos; alios contrà vix trigessimam aut vigessimam, cum alternis tantum hebdomadis in Quadragesima jejuna-

Ep. 74.

*Quænam enim quæ
a sacro archiepis
angelis dicuntur
essent*

jejunarent. Præterea Socrates, cap. 21. libri 5. & Sozomenus 7. 19. longè latius diversitatem exsequuntur. Socratis verba hæc sunt, *Jejuniorum rationem quæ ante Pascha fiunt aliter ab aliis fuisse observatam facile est reperire: nam qui sunt Roma tres septimanas ante Pascha jejunt; qui in Illyria & tota Græcia, sex; alii septem: & omnes tamen eodem modo Quadragesimam appellant, & quæ sequuntur.* Magna hæc est, ut videtis, observationis diversitas, non uno aut altero calculo, sed testium nube confirmata. Exinde probabile est sequi quod contendimus, Non esse traditionem Apostolicam. Probabile dico, quia revera non necessarium est ut sequatur. Non quidem me latet evenire hanc diversitatem posse etiam in Divinæ institutionis ritibus; ut in Baptismo videre est. Habere institutorem suum Christum Baptismum omnes nôrunt, & habet tamen aliquam administratio ejus diversitatem: nonnullis enim Ecclesiis Baptismus per immersionem solus est in usu, aliis per asperisionem levemque tinctionem; atque aliis est trina mersio, aliis una: nec tamen est hæc diversitas argumento, non esse Baptismum à Christo institutum. Non igitur necessariam hanc puto consequentiam, ut non sit Apostolicum quod non sit uniformè, quia diversitas obrepere potuit post institutionem. At habet tamen magnam hæc consequentia verisimilitudinem: utcumque enim tinctionis & mersionis, sive trinæ sive unius, differentia non sit de essentia institutionis Baptismi; at quadragesima dierum observatio est de essentia institutionis Quadragesimæ, quia non est Quadragesima nisi restringitur ad quadragesimam. Si igitur alii plures, alii pauciores dies observarent, idque cum multiplici diversitate; valde probabile est non fuisse ab Apostolis lege ullâ sancitam Quadragesimam, sed consuetudine tantum valuisse. Etenim lex si foret, eadem esset omnibus: varietas si sit, non est à lege, sed arbitrio. Si igitur Apostolicum institutum esse contendunt, proximum est ut diversitatem esse Apostolicam ostendant: nisi quoddam hoc magis est veritati consentaneum, ut dicamus jejunandi usum ab Apostolis manasse, Jejunii Quadragesimalis ritum à placito & arbitrio Ecclesiarum. Hæc Ratio secunda, A Diversitate observationis.

Tertia desumitur A Testium conditione & numero: quia Testes quos in hanc causam convocant Pontificii non singuli sunt authentici; & si authentici, non sunt, sicut esse oportet, universi, sed pauci aliquot; & illi pauci non primi, sed nuperioris seculi. Si igitur largiamur illis S. Augustini quam producunt regulam, *Certum esse & indubitatum ab Apostolis ea omnia instituta esse, quæ & ab universa Ecclesia observantur, & à nullo alio instituta inveniuntur*; si hoc, inquam, concedatur, at de Quadragesimali Jejunio non concludit, & quia origo ejus est probe cognita, & quia per singula tempora observatio ejus ab universa Ecclesia non est celebrata. Tamen si enim observatio ejus post tertium seculum invaluit; at ab ipsis Ecclesiæ initiis universaliter fuisse in usu non docent, neque ulla testimonia id probant quæ à Pontificiis proferuntur. Quoddam si ad Commemorativa testimonia recurramus, tria tantum sunt ad primum seculum pertinentia, & singula dubiæ fidei. Nam primò, Apostolorum qui dicuntur Canones, Isidorus Hispalensis alique ut Apocryphos merito rejiciunt, utpote ab hæreticis sub nomine Apostolorum compositos. Deinde, de Constitutionibus Clementis idem ferè est Doctorum judicium, aut planè esse eas supposititias, aut saltem corruptas & depravatas. Rursus, & de Ignatii ad Philippenfes Epistola, si nihil aliud, at illud saltem adulteratam esse ostendit, quia *Xesux-toror* pronuntiat, hoc est, *Christi interfectorem*, si quis die Dominicâ aut Sabbato jejunaret, uno tantum excepto: cum tamen Papistæ Sabbato jejunent, & licere Sabbato jejunare nemo dubitet. Imò & ipsum Bellarminum hoc aded movebat, ut

Grau. Diss. 16.

N n n 2

hunc

hunc locum corruptum existimaret. Vacillant igitur primi seculi Commemorativa testimonia.

Quod autem ad testimonia Assertoria spectat, non illa majoris videntur esse momenti: & quia incerti sunt Patres de origine Quadragesimæ, dum alii à præcepto Christi, alii à Traditione Apostolica traducunt; & quia qui ad Apostolicam Traditionem referunt non sunt ad summum nisi ex omnibus quatuor, Hieronymus, Theophilus, Leo, Isidorus. Quid hæc ad universalem consensum tam exigua paucitas? quis non miretur in tanto usu rerum non plures occurrere? aut ante Hieronymum & Theophilum, qui in extremum incurrunt seculi quarti, neminem inventum qui authores laudaret Apostolos? Ex istis igitur probabilis est quæ sequitur Consequentia, Quia non est apud ullum idoneum testem vel Quadragesimæ mentio ante Irenæum, vel Apostolicæ Traditionis asseveratio ante Hieronymum, & duos aut tres post ipsum alios; sequitur, inquam, non habere firmum fundamentum hæc sententiam secundam, imò multò esse negativam partem probabiliorem, Non niti traditione Apostolicâ Quadragesimale jejuniū.

His ita perpetratis, non opus est ut ad longa spatia sententiam tertiam producam; quia ex præassumptis necessariò sequi videtur, ut si non ortum habeat ab Institutione Divina Quadragesimalis observatio, neque ab Apostolica Traditione, ergò ut Ecclesiasticæ sit institutionis necesse est. Et hæc quidem est omnium communissima sententia, magno assensu celebrata & Summistarum & Scholasticorum. Inter illos, primarios habemus Vincentium, Antoninum, Baptistam, Friburgo, Clavasio; ut Navarrum, taceam & Panormitanum. Inter hos, Durandum, Paludanum, Richardum, Majorem, Carthusianum, qui eodem se modo omnes explicant, *Quadragesima institutionem esse de jure positivo, & de jure purè humano, & de præcepto Ecclesie, & de majorum consuetudine.* Sed hæc mitto, neque enim opus est post alterius partis eventilationem, ut in hac tertia aut nominibus contendam aut rationibus: Alioqui rationes non desunt, eæque pro natura rei satis speciosæ, & ex utroque supposito, sive ut rem certam, sive ut incertam originem ejus accipiamus.

Si ut rem incertam, ergò non ab Apostolis fluxit, quia origo ejus nescitur. Num igitur quicquid ejus origo nescitur, quamvis bonum & pium, hoc ipso nomine censetur Apostolicum? et si ab altera parte sequatur, omne Apostolicum esse pium, at non ex altera, omne quod pium statim esse Apostolicum. In historia sua Socrates longè aliter ratiocinatur, l. 5. c. 22. & habentur etiam eadem apud Sozomenum, l. 7. c. 19. *Quia hac de re nemo potest ostendere ἡ ἱερατικὴ πρᾶξις, scriptum aliquod mandatum, perspicuum est quod Apostoli τῇ ἰσχύϊ τοῦ κυρίου, & ἐκείνων ἐπιτολῇ, potestatem hac in re liberam cujusque sententia & arbitrio permiserunt.* Ex Irenæo hoc manifestum est, qui in sua ad Victorem Epistola, apud Eusebium lib. 5; apud majores suos quasi incertum ortum habuisse dicit Quadragesimam, sed οὐκ ἔστιν ἡ ἀρχὴ αὐτῆς ἀπὸ τῶν ἀποστόλων, consuetudinem à simplicitate quadam vel privata autoritate natam. Ex Cassiano est adhuc magis manifestum, Collationis vigesimæ primæ cap. 30. verba ejus hæc sunt; *Sciendum sanè hanc observantiam Quadragesima quamdiu Ecclesia illius primitivæ perfectio permansit penitus non fuisse, non enim præcepti hujus necessitate, nec quasi legali sanctione constricti, artificiosis jejuniorum terminis clauderentur, qui per totum anni spatium aequali jejunio concludebantur; verùm cum ab Apostolica devotione descisceret quotidie credentium multitudo, tunc universis placuit Sacerdotibus, & quæ sequuntur.* Ex hoc Cassiani loco nemo est qui

qui Quadragesimæ originem describere non valeat. Duo enim sunt quæ ex eo loco colligantur : Unum est, de Tempore in quo non existit ; alterum, de Tempore à quo primùm cœperit Quadragesimæ observatio. De tempore in quo non existit hoc docet, Non fuisse in primitiva Ecclesia aliqua itata tempora, sed *per totum annum aequale fuisse jejunium*; hoc est, ut ego conjicio, unum & perpetuum mortificationis tempus, & unam & perpetuam & intemeratam legem insignis temperantiæ. Occurrit apud Hieronymum similis loquendi formula, cùm ad Eustochium scribit de Monachorum Ægyptiorum jejniis ; *Inter eos, inquit, jejunium totius anni est aequale, exceptâ Quadragesimâ, in qua sola conceditur districtius vivere*. Quod Hieronymo est *Jejunium aequale totius anni*, hoc Cassiano est *Jejunium aequale per totum annum*. Ergò hoc est primum quod nos docet, De tempore quando non existit Quadragesima. Alterum est De tempore in quo exstare cœperit, vel potiùs de occasione & causa instituendi ; *Frigescite, inquit, devotione, cùm apud multos inciperent jejunia negligi, tunc Sacerdotibus placuit ut consensu communi Quadragesima servaretur*. Igitur illi introducebant, & dein eorum exempla alii sequebantur. Ipsi primi erant, tum longè latèque grassante exemplo, à primis ad alios decurrit, donec ex consensu facta est consuetudo, quæ legis vel Canonis locum obtinebat. Ergò hoc ex Irenæo & Cassiano certum, Habuisse post Apostolorum tempora originem ; etsi hoc incertum, quo tempore cœperit. Hæc optima quæ dari potest ortûs ratio, si ut rem incertam accipiamus, à pietate natam esse Quadragesimam, & à consuetudine roboratam.

Porro, si ut rem certam accipiamus, natalis ejus est multò adhuc clavior ; nam à Telephoro Papa circa annum centesimum trigessimum sextum institutionem suam accepisse est probabile, & quia ante ipsius tempora nulla est Quadragesimæ mentio, nisi in Epistola suspecta Ignatii ; & quia assertores multos habet hæc sententia, Telephorum omnium primum eam instituisse. Quòd autem Bellarminus dicit, Telephorum non ideo fuisse primum authorem, quia solis Clericis mandavit ut septem integras hebdomadas jejunarent, cùm Laici septem non integras antea jejunarent, & per hoc Telephorum non instituisse primam Quadragesimam, sed solum ampliâsse : hoc merum esse subterfugium Scriptores Historici monstrabunt. Etenim inprimis Platina ei contrariatur, qui nil tale memorat de Clericis, sed veram & simplicem narrationem textit ; *Telephorus, inquit, constituit, ut septem hebdomadibus ante Pascha Jejunium observaretur*. Dein & Anastasii narratio non est dissimilis ; *Telephorus constituit, ut septem hebdomadas ante Pascha Jejunium celebraretur*. Quid quòd in Chronico suo Eusebius eodem modo recitat : *Per hoc tempus, inquit, i. e. circa annum 136. Quadragesimale Jejunium à Telephoro institutum ac præceptum quidam tradunt*. Eccere ; Clericorum hîc nulla est mentio, ut scias, indefinitè ad Laicos non minùs quàm Clericos constitutionem spectâsse. Imò verò ut extra omnem dubitationem statuatur, Joannem Stellam audiamus, quo ipse modo hanc Constitutionem factam esse significet, in suo Pontificum Romanorum Catalogo. In vita Telephori sic ille ; *Vir singularis doctrina & virtutis Telephorus instituit ut Jejunium Quadragesimale sex hebdomadarum ante Pascha resurrectionis à cunctis Christianis observaretur*. Audin' ? institutum esse dicit à Telephoro, ut ab omnibus Christianis observaretur. Et Doctores quidem Decretalium, Gratianus, Ivo, Burchardus, cùm hujus Constitutionis mentionem faciunt, ad Clericos spectâsse asserunt ; at Historiæ congestores, Stella, Platina, Anastasius, Eusebius, indefinitè ad omnes ; & si ad omnes, ergò origo ejus deprehenditur, non ab Apostolis institu-

tam, sed à Telephoro; & per hæc Ecclesiasticam esse Constitutionem apparet, non Apostolicam, sicut pulchre est à S. Augustino, Ep. 86. animadvertum; *Quoniam, inquit, non invenitur, ut supra commemoravi, in Evangelicis & Apostolicis literis, certis diebus aliquibus evidenter præceptum esse observanda jejunia, ideo quoque & ista habentur in veste illius filia regis, i.e. Ecclesia.* Ab hac radice originem suam ducit Quadragesima, huic debet stirpi parentalia, non Præcepto Divino, non Traditioni Apostolica. Nobilius, fateor, esset genus, si Divinum; nobilius si Apostolicum: sed Ecclesiasticum sicut inferius, ita certius, & per hoc melius.

Utcunque de hominum stemmate dubitare videatur Quintilianus, *Anma-jus sit genus facere quam habere*: at de doctrinarum stemmate non ulla est dubitatio, quod earum deprehendere genus sit pium, sed facere aut fingere periculosum; sicut humili loco nasci & legitimo præstantius est quam nobili, si sit incertus, illegitimus & spurius. Summa igitur hæc est, Quod de certo non sit institutionis Divinæ, Quod de probabili non constet esse Traditionis Apostolicæ, Quod de magis probabili magis constet esse institutionis Ecclesiasticæ. De Origine Jejunii Quadragesimalis hæc dixisse sufficiat,

LECTIO XXIII.

A Rei Origine ad Finem in corporeis nescio an sit via proxima, in Moralibus absque dubio est via probatissima; quia ex utraque parte mutuis se adjuvant officiis Principium & Finis. Principium ad Finem adipiscendum disponit, Finis impellit ad aggrediendum Principium; atque, ut verbo dicam, sicut Finis asciscit sibi naturam rationemque Principii, sic vitalitatem suam & movendi habitudinem Principium trahit à Fine. Ex istis mihi amplius jam patet progrediendi aditus; quia de Quadragesimæ exordiis abunde est dictum, rerum ordo postulat ut ad institutionis scopum rationemque finalem accedamus, ut videamus quod collimet hæc observatio, & ad quem pietatis usum consilium ejus sit referendum. Neque erit inutilis labor, sed ad bonam frugem maximè accommodatus. Idque non solum ob decorum illud generale quod in rebus universis est observandum, quia in omni instituto Finis est principale quæsitum, propter quod facimus quicquid facimus: verum est alia specialior ratio, rei que præmanibus adjunctior, quia Jejunium censetur inter τὰ πρῶτα καὶ ἀδιαφορὰ ex eorum numero non est quæ simpliciter & per se bona sunt, & propter se expectenda, sed eorum quæ ad aliud relata, eatenus bona sunt & laudabilia quatenus ad aliquid seipis melius finemque bonum ordinantur. Si igitur ad veras causas finales Jejunium hoc minimè referatur, non erit in laude, sed in vitio ponendum.

Quocirca ad hanc nos disputationis partem convertamus, In qua de Quadragesimalis Institutionis Finibus est quærendum: de Finibus, dico, quoniam non est uno ambitu finis ratio circumscripta, neque unum omnibus est observationis propositum; imò tanta est ferè finium diversitas quam ipsorum hominum, qui vel pietate ducti vel studio partium trusi sunt ut in hunc aut illum finem magis inclinarent. Hoc illud est quod in ipso limine iter per turbat, suspensumque detinet, in ea sententiarum dissimilitudine quæ via sit capeffenda, ut veras solidasque hujus Institutionis Causas attingam.

Interea

Interea necesse non est ut illud præmoneam, non agi in præsentiarum de Causis aut finibus Jejunii simpliciter & universim sumpti; sed nominatim de Quadragesimali Jejuniis, & de rationibus illis ad quas ejus sive prima Institutio, sive assidua Observatio, est revolvenda.

De Jejuniis in genere sumpto, vix quisquam est qui nesciat tres esse ipsius fines legitimos ad quos exigi debeat; Ad macerandam & subigendam carnem, ne plus nimio lasciviat; ad excitandam animam, ut ad preces ac sanctas meditationes melius sit comparatus; & ad poenitentiam demonstrandam, ut testimonium sit nostræ coram Deo humiliationis, dum reatum nostrum volumus coram ipso confiteri. Hæc omnia cuius sunt in obvio, & ex ipsis Scripturis manifesta.

Cæterum in Quadragesimali instituto non sic se res habet; non adeo aperta est aut facilis rationum indagatio, sed potius caligine quadam circumfusa: & quia è Sacris Literis lux nulla oboritur, cum non sit ipsius aliqua vel tenuissima in Divinis oraculis mentio, ne dum causarum; & quia non facile est, propter incertos natales, in ejus prima exordia penetrare, atque necesse est ut causæ lateant ubi origo nescitur; & quia jamdudum interclusus est patefactionis aditus magnâ mole conjecturarum, dum patere sibi portam unusquisque existimat pro libitu quidvis conjiciendi. Ergo nostrum erit in hac dissimilium sententiarum effusissima frequentia probabilia à falsis secerere, & indubitata, si quæ sint, à probabilibus.

Quod ut diligentius fiat, in duas partes hoc totum Argumentum distribuam, Deliberativam unam, atque Definitivam alteram. In Deliberativa agendum est de Mediis quibus ad has rationes enucleandas perveniatur, in Definitiva, de Rationibus ipsis.

Ordiamur à prima, ut de modo disquisitionis videamus, ex quo fonte Institutionis rationes sint petendæ, & qui authores potissimum sequendi, Veteres an Nuperi, Patres an Pontificii an nostri, nam ordo quartus non datur quò me vertam. Atque de his incertum mihi est, an ex illorum quibuscunque seorsum sumptis causarum enumeratio plena ad nos possit transferri.

In primis, si Doctores Veteres consulamus, ab iis perexiguum est quod pro certo habeatur, eò quòd vix quisquam sit eorum qui Institutionis hujus historiam texat, aut accuratè & deditè operâ rationes exploret, sed obiter & per transennam: neque unanimes est eorum hac in re consensus, sed dispar, & quasi suum cuique judicium. Nam alii ad imitationem Christi, alii ad poenitentiae publicæ contestationem, alii ad decimationem vitæ velut ex Lege Deo debitam, alii ad præparationem nostri pro salutis mysteriis celebrandis, Institutionis rationem redigunt; sicut cuique visum est, quod mente conceperat fieri posse, id velut factum & destinatum definire. Huc accedit, quòd illæ ipsæ rationes quas Sanctorum Patrum nonnulli adducunt, non sunt omnes germanæ, aut è re nata depromptæ, sed plerumque adscritiæ, & ex ingenii quadam abundantia editæ; magis ad amplificationem & ornatum quàm ad instituti naturam, ut mox patebit.

In his igitur non invenire possumus quod penitus satisfaciât, cum flosculo nulla sit firmitudo; nec prudentis est quidem institutionis piæ firmitamentum in Encomiasticis & figuratè dictis constituere.

Quocirca cum hæc non sufficiat, aliâ aggrediamur viâ. Descendamus ad Pontificios, si fortasse ab ipsis, qui ex professio hanc causam agunt, Institutionis rationes addiscere valeamus. Quod ad ipsos spectat, subturpiculum videri potest si ab his superstitionum magistris rationes ducamus illius Institutionis de qua adulteranda eos meritò coarguimus. Sed ab incepto hæc

me consideratio non avellit: neque enim pudet vel ab Adversariis haurire quod bonum est; nec hominis est ingenui, aut veritatem amantis, in re præsertim dubia, dissimulare, si quid ab Adversariis probabiliter dicatur. Accipiamus igitur vel ab ipsis si quid bene sit dictum: neque enim existimo rationes quas huius rei reddunt omnes tam malas esse, ut nihil sit in iis quod bonum censeatur, nihil quod comprobandum. Verum & illud est adjiciendum, hoc bonum, si quid sit quod reperitur, tam perpusillum fore, tamque pædore & sordibus depravatum, & mali acerbitate adeo permixtum, ut bonum quod prætexitur non facile possimus libare, nisi malum quod adhæret velimus etiam deglutire. Ex Aquinate id palam constabit, & Valentiano, & Bellarmino, & quovis alio qui hoc argumentum tractat polemico scriptore. Sunt tres quas Aquinas adhibet Institutionis rationes, in 4. Sent. d. 15, art. 3. qu. 1. Prima est, Propter repressionem Concupiscentiæ, quæ Veris tempore, quod in Quadragesima incipit, magis solet efferverescere. Secunda est, Propter susceptionem Divinæ gratiæ; quia ad redemptionis nostræ mysteria circa festum Paschæ devotius celebranda hoc Jejunio disponimur. Tertia est, Propter adeptionem æternæ gloriæ; quia sicut Christus per passionem suam ad gloriæ resurrectionis pervenit, sic nos oportet per jejunia & alias pœnitentias ad æternæ beatitudinis gloriæ pervenire. Hæc Thomas. Ad istas Valentianus aliisque Summistæ quatuor aut quinque alias aggregant, à Jejunio in genere ad Quadragesimam in specie transmissas. Cum enim ad quinque fines Jejunium in se ordinetur, Ad subjugationem carnis, Ad protestationem pœnitentiæ, Ad animi pro rebus Divinis percipiendis præparationem, Ad mercedem à Deo promerendam, & Ad satisfaciendum pro pœna temporali peccatis debita: ex istis sequitur, quod in his omnibus Quadragesima præ cæteris emineat, est enim Jejunium cæteris solennius, strictius, diuturnius; ergo necesse est ut & carnem magis reprimat, & pœnitentiam magis declaret, & mentem magis præparet, & magis pro peccatis satisfaciatur, magisque mercedem à Deo promeretur; Hæc illi. Nec tamen in istis rationum numerus terminatur; etenim ad septenarium usque excreverunt apud Bellarminum, 1. 2. De bonis operibus in particulari, cap. 16. In illo loco septem sunt quas enumerat rationes institutæ Quadragesimæ: Ut pro negligentis totius anni agatur communis & publica pœnitentia, prima; Ut ad Sacram Communionem fiat præparatio, secunda; Ut impleatur illud Matth. 9. *cum auferetur ab illis sponsus, jejunabunt in illis diebus*, tertia; Ut sit præparatio ad celebrationem passionis & resurrectionis Domini, quarta; Ut pro Catechumenis in Paschate baptizandis jejunetur, quinta; Ut quasi decimæ totius vitæ Deo consecrentur, sexta; septima denique & ultima, Ut sit imitatio Christi pro nobis tum patientis, tum jejunantis. Hic finem & rationum est cumulus quas Bellarminus astruit, super ea omnia quæ in cap. 11. pro satisfactione, & merito, & dispositione animæ, & compressione concupiscentiæ, ab eo in genere adducuntur. Quæ si jam iustâ trutinâ pensentur, non erit, opinor, obscurum, verissimum id fore quod dudum monui, In illis esse, velut in polypodis capite, si quædam bona, si quædam mediocritas, at mala plura: ut jam hos duces sequi, aut ab his arbitris rationes Institutionis petere, nec nobile esset nec tutum; aut si petamus, necessarium est ut pretiosum à vili sejungamus, sicut Propheta loquitur.

Quid igitur agendum superest, si neque in S. Patrum rationibus sit plenus, neque in Papistarum securus locus acquiescendi? Num ad Ecclesias reformatas externas nos conferre oportet, aut ad nostrarum partium scriptores? Atqui valde vereor, utrum ab iis in promptu sit mutuari quod huic argu-

Val. 10. 3. disp.
9. qu. 2. punct.
2. sect. 2. &
3. &c.

argumento satisfaciatur. Hanc nostri sibi met provinciam non arripiunt, imò magis de industria fugitant. Neque hoc prorsus inconsulto: dum enim in id potissimum incubuerunt, ut Pontificiorum in Quadragesima observanda corruptelas detegere possint & persequi; ad se non spectare putabant depravata disciplina patrociniū suscipere, aut rationes exquirere pro defensione istius Institutionis cujus observationem non retinebant. Verum est, non dampnare eos hanc disciplinam partem, nec quantum ad Institutionem primam, nec quantum ad observationem hodiernam, si illibata & incorrupta servetur. Veruntamen tamen non dampnant, at perpaucæ sunt ex iis Ecclesiis quæ retinent Institutionis ritum; paucæ quæ ullos statos aut certos dies habent huic dicatos exercitio, sed pro præsentī necessitate dies peculiariter delectos, sive publicè sive privatim, prout occurrunt publicæ privatæve causæ. Ex Ecclesiarum Confessionibus hoc erit manifestum, quàm exile & verè jejunium sit exterarum Ecclesiarum de Quadragesima iudicium, exceptis unâ aut alterâ, quæ de ea honestiùs loquuntur. In primis, retinendam eam agnosceit Bohemica Confessio, c. 15. verbis disertissimis; *Servantur, inquit, apud nos hodie, quantum fieri potest, multi ex veteribus ritibus, & consuetudine introductis; quales sunt Jejuniorum & Ferialium dies certi, qui consecrati sunt celebrationi operum Christi, Nativitati, Cruciatibus, Resurrectioni, & quæ sequuntur. Pariter & Confessio Augustana, Artic. 5. Non damnantur ipsa Jejunia, sed traditiones quæ certos dies & certos cibos præscribunt cum periculo conscientie, tanquam ejusmodi opera sint necessarii cultus: servantur tamen apud nos pleraque traditiones quæ conducunt ad hoc ut res ordine gerantur in Ecclesia, ut ordo lectionum in Missa, & præcipue Feria, Dein & Confessio Wittenbergenſis, c. 28. Fuit in Ecclesia primitiva Quadragesimalis Jejunii usus libertissimus; est etiam pius & utilis horum jejuniorum finis: at jejunium sentire opus esse quo vel peccata coram Deo expiantur, vel meritum Christi applicetur, nec Apostolicum est, nec Catholicum. Ad extremum, Confessio Suevica, c. 8. Propter juniores & imperfectiores certum ad precandum & jejunandum tempus modumque constituit, quo ad hoc velut sanctis progymnasmatibus præparentur, nostri haudquaquam improbant, si modo id fiat citra obſtrictionem Conſcientie. Hæc illi. At contra est quod Confessio Gallica & Helvetica profitentur. Helvetica, c. 24. Quadragesimale Jejunium vetustatis habet testimonia, sed nulla ex literis Apostolicis: Ergo nec debet, nec potest imponi fidelibus. Gallica, Artic. 24. Ciburum esum ceremoniale, certorum dierum observationem, ceterasque res omnes ejusmodi, quibus opinantur quidam se gratiam & salutem mereri, nos rejicimus, non solum propter falsam meriti opinionem ipsis adjunctam; sed etiam quia sunt humana commenta, & jugum ex hominum auctoritate Conſcientiis impositum. Eodem recidunt Lutheri, Calvini & Hemingii sententiæ, cum se Quadragesimæ observationi opponunt, quas tamen de Papistarum Quadragesima existimo esse intelligendas. Etenim *xaraxndiar* vocat Calvinus, & rem superstitionis plenam; rem erroneam & plenam mendacii, Lutherus; *idoloſpoxndiar*, & multiplicem impietatem Hemingius; inventum humanum & superſtitioſum, Bucerus; commentum etsi specie pulchrum, Christiana tamen libertati minimè congruum, P. Martyr. Sed hæc quo sensu & quibus de causis? Equidem justissimis, habito scilicet ad Pontificiorum abusus respectu, sicut ipsi seipſos explicant. Etenim Lutherus, quando erroneum appellat, mox subnectit, quia istis jejniis sub gravi peccato necessitatem imponunt: & Hemingius cum impium statum, adjungit, quale est apud Papistas Quadragesimale Jejunium: & Calvinus, cum superſtitioſum, sect. 21. hoc adjicit, Nil recti, nil sinceri, nil bene compositi in jejniis Papistas habere: &*

Cal. Inst. lib. 4.
c. 12. §. 30.
Luth. De do-
ctrinis homi-
num vitandis.
Hem. in 1 Cor.
2. 6.
Buc. in Ma. 4.
Mart. in Jud.
20.

& Martyr, cum Christianâ libertate indignum, illud non dissimulat, *astri-
gi homines lege fidei & obedientia, cum inducuntur à Principibus & Ecclesia,
sejuncta ea, si non impediuntur, observare*: postremo, & Bucerus, cum super-
stitiosum, restrictiones quasdam annexit, mentis suæ interpretes, *Superstitio
est, sicut à vulgo observatur: Superstitionem dixi, sed propter abusus; nè quis
hoc eripiat, quasi non probem vel quadraginta dies, dummodo plus obtineri
nequeat, vivere vulgus Christianorum afflictius & religiosius, & attentius
precibus incumbere, & magis deliciis abstinere; quia hæc singula ut semper
Christianos decent, ità Quadragesimâ iis exerceri eos minimè dedecet, modò
ea observatio rite suscipiatur.*

Istis sic positis, in comperto est, à nostris Scriptoris Institutiones ratio-
nes nec trahi posse nec expectari, quibus in hoc argumento tractando in
hanc partem intendere vix aut vacaret aut colliberet, dum corruptelas Ro-
manensium majori impetu perstringerent. Quò igitur nos vertamus? aut
in hoc adjumentorum defectu dic ubi ponamus vestigia: cum & nostrorum
Scriptorum rationes aut nullæ sunt, aut quæ redduntur non nisi generales;
& Pontificiorum aut non sunt in se bonæ, aut, si bonæ, malarum inmixtâ
vitiæ, & Doctorum veterum, si non rationes singulæ, saltem pars maxi-
ma incerta, & à longinquo petita. Quid, inquam, in his angustiis est facien-
dum? Hem: unum adhuc est reliquum, nec nisi unum, perflugium; ut videam-
us, si forsan quod singuli non præstant, junctim universi præstare possunt.
Erit hoc modo perfecta & cumulata rationum investigatio, si & ex Patribus,
& ex nostris Scriptoris, & ex ipsis (si quid bene dixerint) Adversariis, de-
sumantur. Quod tandem ut enucleatius fiat, prætermisiss his de Mediis
consultationibus, ad Fines ipsos rationesque Institutionis pergamus, quam
partem dixi Definitivam. Et quia rationes veræ statui non possunt, nisi
amoveantur falsæ ac ementitæ; igitur ad duo capita rationes revocabo: ad
Supposititias & spurias, hoc caput primum est, nè non causæ sumantur ut
causæ; ad Legitimas atque germanas, hoc secundum, nè veræ & propriæ
causæ ut non causæ rejiciantur.

Supposititias & spurias dico, quas vel superstitionis prurigo confinxit, vel
ingenii subtilitas debito perspicacior excogitavit. Et per hoc duæ sunt clas-
ses ad quas Supposititiorum Finium ordo est reducendus. Classis prima est
eorum qui ad numeros referunt Institutionis rationem; in quibus res tota est
planè nugatoria, adeoque puerilis, ut satietati aurium vestrarum prius oc-
currendum esset excusationis aliquâ præfationculâ, quàm hæc anilia fig-
menda recensenda. Adepol præterirem eas ex toto, tanquam ignobiles &
contemnendas, nisi has ineptias deperire cernerem cujusque generis scri-
ptores Pontificios. Ut cæteros taceam, pro reliquis Aquinas erit documen-
to, qui ex ipsis Patribus quatuor expiscatur rationes, cur sub hoc dierum
numero hujus Jejuni solennitas observetur. Una est ex Augustini, si illius
sit, Serm. 157. de Tempore. Verba sic habent, *Quod dicit Psalter, à sinibus
terra se ad Deum clamasse, hoc tota agit Ecclesia: unde jam liquet cur Qua-
dragesima instituta sit solennitas; qui enim à sinibus terra clamat, à quatuor
orbis partibus clamat, Oriente, Occiduo, Aquilone & Meridie, quibus multipli-
catis per decem, videmus quadraginta compleri.* Hæc, inquam, est ratio Au-
gustini. Adest altera, nec illa dissimilis, ex Gregorii Hom. 16. in Evangelia,
ubi sic argumentatur, *Cur, obsecro, in abstinentia Quadragenarius numerus
custoditur, nisi quia virtus Decalogi per quatuor libros Sancti Evangelii im-
pletur? denarius etenim quater ductus in quadragenarium surgit.* Paulò post
subjungit & tertiam, hoc modo, *In hoc mortali corpore ex quatuor elemen-
tis subsistimus, & per voluptates ejusdem corporis præceptis Dominicis con-
traimus,*

trahimus, præcepta autem Dominica per Decalogum sunt accepta: quia ergo per carnis desideria Decalogi mandata contempsimus, dignum est ut eandem carnem quaterdecies affligamus. Superest adhuc ultima, cui mordicus adhærent Canonistæ, Gratianus, Ino, Burchardus, alique; Bellarminus quoque & nemo non Papistarum: sic autem instituitur à Gregorio; *A presenti die usque ad Paschalis solennitatis gaudia sex hebdomada veniunt, quarum videlicet dies quadraginta duo sunt; ex iis dum sex dies Dominici abstinentia subtrahuntur, non plus in abstinentia quam triginta & sex dies remavent: dum ergo per trecentos & sexaginta quinque dies annus ducitur, nos autem per triginta & sex dies affligimur, quasi anni nostri decimas Deo damus; ut qui nobismetipsis per acceptum annum viximus, auctori nostro in ejus decimis per abstinentiam mortificemus.* Unde, fratres, sicut in Lege jubemini offerre decimas rerum, ita ei offerre contendite & decimas dierum. Hæc Gregorius. De his quid nobis est cogitandum, quibus pietati est nullam potius servare Quadragesimam quam his stramineis numerorum fundamentis nixam? Annon in hæc Ciceronis illud & Gellii quadrare optimè videtur? *O licentiam jocularum! o summe futilitatis fabulas! o argutissimas nugæ!* Hæcine ut luforia in Theologiam admittantur, & in Dei cultum, & in humiliationis actum, ut præ se ferunt, maxime solennem? Quid igitur interest inter votivos ludos & solennitatem Jejuni? quod si modò ex istis rationibus æstimandum erit, non jam Christianum Jejunium dicendum esset, sed magis Pythagoricum, qui & abstinentiæ magister fuit & numerorum. Enimvero condonandum est Patribus, si in tanta quâ pollebant dicendi copia reperiatur aliquid quod effluat, quia ingenii licentiam singulari pietate compeniant: at in Papistis vix est ferendum, qui Quadragesimalis Jejuni meritum magnificè jactant, & tandem in numeros solvunt; prorsus ac si ex Platonis Schola aut Euclidis demonstrationibus petenda ratio salutis esset. Ergò ut nugamenta hæc mera esse intelligamus, vix quicquam est in observatione quod cohæreat, non Fundamentum, non Analogia, non Computatio.

In primis, Fundamentum corrui, quia nulla est talis decimatio cui ullâ lege obstringimur. Non lege Rationis; quia præpostera est decimatio, si reliquorum dietum dedicatio fiat, Dominicis prætergressis. Non lege Divinâ; quia à nobis Deus non solum decimam partem exigit, sed totam vitam, ut tota vita in poenitentia transigatur, & tota in orationibus aliisque pietatis officiis: quæ quidem si quotidie, hoc est unoquoque die, fiant, per totam vitam fiunt.

Secundò, Analogia non tenet; hoc enim concessio, quòd triginta & sex dies sint totius anni, ut aiunt, decimatio, ad Salvatoris exemplum dic quomodo se conformant, qui quadraginta dies integros jejunavit. Hunc nodum Durandus sic solvit, *Recipiuntur præcedentis hebdomada quatuor dies, ut quadragesimalis numerus impleatur.* At verò hoc non satis est, neque impedit quò minus hoc Dilemmate capiantur: nam si sint tantum triginta & sex dies Jejuni, tum non est Quadragesima, neque Salvatoris expressa in tempore imitatio; ex altera parte, si sint jejunii quadraginta dies plenarii, tum non est exquisita totius anni decimatio.

Denique, & ab ipsa Computatione decipiuntur; quia totius anni pars decima in triginta sex diebus perfectè non absolvitur, siquidem manent quinque dies indecimetri, ut Durandus annotat, nisi quòd minutias illas Ecclesia Romana non attendat, ut ille loquitur: aded inter se similes sunt Arithmetica Papistarum atque Theologia, & in utraque ipsi ad Sophisticen arutim, dum Arithmeticam æquè ac Theologiam non pudet his artibus refarcire.

Sed de his hæcenus, neque enim prudentis esse puto hæc altius profsequi,
ne

nè horæ optimæ usuram in dierum pessimam computationem videar impendere.

Restat adhuc altera Supposititiorum Finium classis, eorum qui non solum in numerorum ineptias instituti sancti fines rescant, sed in aliquod longè deterius, in mercedis Divinæ meritum, & pro peccatis nescio quam satisfactionem. Hoc illud est quod Tomo operum 3^o, disp. 9. q. 2. punct. 2. nobis exprobrat Valentianus; *Sectarii negant, sed hæreticè negant, quòd in hunc finem liceat jejnnare, ut per Jejunium promeremur mercedem à Deo, aut per illud pro peccatis satisfaciamus.* Hoc idem quod urget Bellarminus, c. 11. l. 2. De bonis operibus in particulari; *Jejunium est utile ad satisfaciendum Deo. Jejunium est utile ad merendum & temporalia & sempiterna.* Ex istis sequitur, Jejunium Quadragesimæ præ cæteris esse, juxta eorum sententiam, & meritum & satisfactorium: quia nobilius est & perfectius aliis omnibus jejunii. Nè iis injuriam facere videar meis consequentiis, Joannes de Turrecremata disertis verbis ita seipsum explicat, in Tract. 115. super regulam Benedicti; *Tempus, inquit, Quadragesima est tempus penitentia, tempus lacrymarum, tempus salutis, tempus justificationis, tempus reconciliationis, tempus accumulationis meritorum.* Rursus & Bernardinus Senensis, Ser. 5. in die cinerum: ubi inter Quadragesimæ fructus & perfectiones hæc duo recenset, *satisfactionem, & glorificationem;* & tum demum addit, *In hujus rei mysterium cantas Ecclesia, Paradisi portas nobis aperit Jejunii tempus; ut post jejunium Elias raptus est in cælum. In hujus mysterium servatur ordo temporis, & statim post jejunium Quadragesima Resurrectionis gloria celebratur.* Hæc ille, neque opus est aliis ad hanc demonstrationem tabulis; cum nemo sit eorum qui negabit hanc esse omnium communem sententiam, quam Patrum testimoniiis conatu summo enituntur stabilire. Inter alia duo sunt loca quæ explicatiora videntur, Basilii, & Ambrosii. S. Ambrosii locus est in Ep. 82. ad Ecclesiam Vercellensem; *Qui sunt hi præceptores novi qui meritum excludunt Jejunii?* S. Basilii alter, in Hom. 1. de Jejunio; *In morbum, inquit, incidimus per peccatum, sanemur per penitentiam, sed penitentia sine jejunio otiosa:* tum sequitur, *διὰ νηστίας ἀποδοχῆς τῶ Θεοῦ*, quod interpres sic vertit, *per jejunium Deo satisfacito.* Ad hæc quid nos? nam apertiora sunt quàm quæ negari possunt: imò non est quòd negemus. Fatemur Patres sic interdum fuisse locutos: sed num putas propriè, aut ad Papistarum sensum? Nihil minus. Quod ad Meriti vocabulum attinet, quod per Meritum nil aliud significant quàm ipsum opus bonum & laudabile, quamplurima sunt quæ ostendunt loca cum ex ipsis Patribus tum ex scriptoribus etiam exoticis. Hoc omnes nòrunt; habemus ipsum Bellarminum hoc alicubi non diffitentem, in l. 1. de Gratia & libero Arbitrio, c. 14. Solet, inquit, *Augustinus Meritum appellare quemlibet actum bonum ratione cujus aliquid aliud accipimus, ut apparet ex Epistolis 105. & 106.* Hoc igitur sensu, excludere meritum Jejunii, apud Ambrosium nil aliud est quàm negare laudem & utilitatem Jejunii. De Satisfactione haud aliter est dicendum, eodem enim modo & Satisfactionis vocabulo utuntur Patres, ut nil aliud sit Satisfacere quàm ad Deum convertere, & discedere à peccatis, & mutare vitam in melius. Quemadmodum in rebus seculi satisficit honori alterius cum pro probis laudes restituantur, & pro odio amor succedit: ità in Theologicis, cum peccatis quibus Deus offendeatur virtutes succedunt, & impiam vitam pia sequitur, Satisfactio dicitur. Hoc modo seipfos Patres interpretantur, idque non uno in loco. Gennadius, c. 54. de Ecclesiasticis Dogmatibus; *Satisfactio penitentia est causas peccatorum excidere, nec earum suggestionibus aditam indulgere.* Pacianus in Parænesi ad poenitentiam,

Ad

Ad patrem vestrum verâ satisfactione redite, nihil ulterius errando, nihil pristinis adjiciendo peccatis. His addatur illud Bernardi, *Satisfaciamus, & ablato quod separat peccato reconciliemur.* Denique & illud Lactantii, *Pœnitentiam proposuit, ut si peccata nostra confessi Deo satisfecerimus, veniam consequamur.* Quid plura? annon hæc usum vocabuli cumulatè probant? Ergo apud Basilium, *Pœnitentiâ & jejuniis Deo satisfacere*, quid aliud est quàm ad Deum hac viâ redire, & se suppliciter prostrernere, & vitæ pristinae sordes deponere, & delictorum veniam demississimè deprecari? Neque est hoc subterfugium, sed justissima allegatio. Patet ex ipsorum Pontificiorum doctrina quòd non sit è meo sensu deprompta explicatio: nam Patres Sancti in suo sensu sumptam satisfactionem ad pœnas æternas transferebant, Papistæ suam non nisi ad pœnas temporales. Ex quo necessariò sequitur, nec juxta Papistarum mentem, nec secundum proprium vocis usum fuisse locutos. Porro & ex ipso vocabulo evincitur à S. Basilio usurpato, *διὰ νηστίας*, inquit, ἀπολόγησαι τῷ Θεῷ at verò ἀπολογεῖσθαι, quantumvis in acceptione strictissima significet *causam defendendo agere*, at non nisi *anipos satisfacere*; & magis quidem propriè *culpam deprecari*, quàm ullatenus satisfacere. Quòd si hæc tam multa non sufficiant, sed adhuc nudo verborum sono adhærere velint, obfirmatis animis protestamur, nec esse, nec esse posse, aut in specie Quadragesimam, aut in communi quodcunque aliud jejunium vel meritorium vel satisfactorium, quocunque dicente: Porro, non esse in hunc finem jejunium ullum aut primitus institutum, aut unquam sive instituendum sive observandum, quia temerarium hoc foret, & impium, & summo opere contumeliosum tum gratiæ Divinæ benignitati, tum misericordiæ Divinæ amplitudini, tum fœderis Divini immunitatibus, tum Divinæ voluntatis in Sacris Literis consignatissimis testimoniis; ad hæc, tum meriti Salvatoris sufficientiæ, tum præmii cœlestis splendori, tum etiam ipsius Jejunii pietati, eò quòd Jejunii essentiam subvertit, efficitque ut non possit esse aut nobis quantum ad solatia jucundum, aut Deo quantum ad approbationem acceptum.

Quapropter, ut finem aliquando faciamus altercandi, sit instar Coronidis illud S. Bernardi verè aureum, *Nemo se seducat; non sunt condigna passionibus hujus temporis ad futuram gloriam, nec si unus omnes sustineat.* De Jejuniiis fidentius pronuntiamus, Non esse ea in ulla aut ad futuram gloriam proportionem meritoria, aut ad peccata præterita satisfactoria, nec si unus omnia præstaret, totamque vitam faceret unum Jejunium. Quòd si in aliis bonis operibus fas esset meritum aut satisfactionem obtendere, in Jejuniiis nullo modo. Non in Jejunio, quia non est in se res moraliter bona, nisi Orationi & Pœnitentiæ adjungatur, & ad legitimum etiam finem referatur. Sortitur, inquit Chryl. Hom. 47. in Matth. ἐξαπὼν τῷ χορῷ μῦθον, in *choro virtutum locum ultimum.* Non in Jejunio, quia humiliationis est nostræ testimonium, & deprecationis atque afflictionis animæ exercitium. Si igitur omnem cujuscunque generis superbiam Majestas Divina exsecretur in quocunque negotio, quàm inexpressibilis erit ista mentis elatio quæ in ipso submissionis actu de merito suo gloriatur? Non in Jejunio, quia Salvatoris est in Evangelio cautela, *Vos cum jejunatis, nolite fieri sicut hypocritæ, & quæ sequuntur.* Obsecro, quid est quod Dominus velit, cum de cavendo hypocritarum jejunio nos admonet? Dicam verbo, Jejunium hypocritarum est jejunium simulacrum & fictum, Matth. 6. 16. *Deformant facies suas, ut appareant hominibus jejunare.* Ad hæc, Jejunium hypocritarum est jejunium ambitiosum & jactabundum, Il. 58. 3. *Quare jejunavimus, & non aspexisti? humiliavimus animas nostras, & nescivisti?* hoc est, apud te

O o o

com-

S. l. de Annun. 1.
& Scr. 15. In
Quis habitat, et
Ser. 61. in Genti.

comprobationem non habet, tu non reputas meritorium. Postremò, Jejunium hypocritarum est jejunium Pharisaicum, elatâ cervice splendidum, propriæque justitiæ typho inflatum, Luc. 18. 11. *Gratias ago tibi, quòd non sum sicut cæteri; jejunavi in sabbato.* De hoc Jejunio Christus loquitur. *Hanc vana gloria spinam in bona terra nascentem excindi jubet,* inquit Chrysost. Oper. s. imperf. hom. 15. *ut suffocet Jejunii fructum.* Quæ putas hujus cautionis est ratio? Chrysostomus doceat, *Quia pessimum est superbia genus, si in jejunio animus intumescat.* Non est hoc hypocritas imitari, sed superare; *ὑποκριτοὶ ἔτι καὶ ὑπερφρονῶν, ὑποκριτοὶ διπλοῖ,* hypocritis quadam transcendens & duplicata: sicut semper simulata submissio duplex est arrogantia.

Rom. 21. in Mat.

Hæ igitur causæ sunt cur in Jejunio fas non sit obtrudere meritum: quòd si non in Jejunio simpliciter, in Jejunio Quadragesimæ multò minùs, quia ad hoc institutam Quadragesimam dicunt, ut sit pia Salvatoris imitatio, & pro totius anni negligentis poenitentiale compendium, & ad Sacram Communionem preparatorium. Eja, quam bellè! An per ostentationem meritorum disponi putant animum ad tremenda mysteria recipienda? Hæccine pro totius anni delictis poenitentialis humiliatio? Hæc imitatio Christi? Imitationem dixi, an magis injuriam? non enim est conformitas, sed contumelia. Liceat igitur percontari, An hæc est ratio quòd Quadragesimale Jejunium à Traditione Apostolica natum prædicant? An propter hoc Divinis laudibus ornant & usque ad sidera attollunt, ut Salvatoris Jejunii meritum suorum interjectu minuant; nec Jejunii solius meritum elevent, sed Mortis? Dicant paucis, an in hunc finem observatur, ut detrahatur Christo? Papæ! Non dixerint, non in hunc finem institutio vergit, non his fundamentis nititur. Ad hoc constituta sunt Jejunia, ut sint adminicula viæ, non ut sint meritoria præmii; ut carnis sequeretur subjugatio, non elatio mentis; ut peccati fieret labefactatio, non pro peccatis satisfactio. Quòd si illis fundamentis nitantur, aut in illos fines tendant, valeat Jejunium, valeat Quadragesima. Hæc ea sunt quæ rejicienda dixi, non solum ut supposititia, sed sacrilega; nec tantum ut adulterina, sed ut impia & flagitiosa, neminique probanda qui modò habeat aliquid non solum sapientiæ sed etiam pietatis.

LECTIO XXIV.

Quadraginta diebus & quadraginta noctibus.

IN his ipsis verbis facta est jampridem operis nostri cessatio, atque ab iisdem nova nunc sunt exordia ducenda; ut remissam esse hanc de Quadragesima disputationem intelligatis, non solutam, redeunte jam denuo in seipsum, velut per orbem quendam, Argumento. Per orbem dico, non ac si in animo esset jam actum agere, aut decursa studia de integro resumere, usque ad fastidium vestrum: sed quia de cursu solito per hæc silentii spatia aliquantisper defleximus, necessarium est ut eò quamprimum revocemus disputationem unde ultimò declinavit. Quod fieri commodius non potest: nisi per retrocessum: neque est quidem longè petendus, præstò est dicenti mihi, præstò est audientibus vobis, rerum omnium quæ ad hoc negotium pertinent in statum pristinum remigratio. Quod de Magno anno Platonici somniârunt, Fore ut post triginta sex annorum millia totus in seipsum mundus remearet, utque idem Platon in eadem Academia de iisdem rebus cum iisdem discipulis differeret: hoc ipsum contigisse hodie *ως ἐν νῦν* nemo est qui non videre possit, idque non magni, sed novi anni interventu; etenim adsunt iidem Auditores, eadem alacritate attenti, eodem prorsus in loco, die eodem, eadem horâ, ad eandem quæstionem discutiendam quam anno nuperrimè effluxo proposuimus; & ut adhuc sit plenior reciprocatio, pars eadem Quæstionis est enucleanda quam priùs, sed imperfectè, pertractavimus. Machæ igitur, peractis jam magnæ Festivitatibus epulis, quia *ipsis convivii Jejunium dat gratiam*, dicente Ambrosio, ad Quadragesimam nos denuo conferamus; & quia hoc longo silentii intervallo quæstionis membra sunt à se invicem determinata, ad eum ipsum articulum redeamus in quo olim conquievimus, extrema cum primis contexendo, nè perire aliquid videatur instituti nostri.

l. de Helia, c. 9.

De Institutionis Origine diximus, de Scopo etiam atque Causis, sed fictis & supposititiis; ad legitimas & germanas nunc porrò est pergendum, ut videamus, Quæ vera sit pietatis ratio, quæ veræ & intemeratæ Causæ quibus observatio ipsius innitatur.

Ad hanc partem quod spectat, ut eam brevius perstringam, tria sunt Theoremata quæ velut in antecessum præponam; à quibus lucem aliquam ea quæ sequuntur accipiant, vel magis firmamentum & robur.

Theorema primum hoc est; In rebus subordinatis tractandis, satis est ad definitionem causarum rei particularis aut inferioris, si naturæ superioris causas ei ex amussim convenire doceatur. Quapropter si non esset aliqua quæ reddi possit hujus Institutionis specialis ratio; attamen vel hoc unum ad honorem ejus & usum austruendum sufficeret, quod finis nullus est aut causa Jejunii in genere sumpti, cujus alicubi Sacra Pagina

O o o 2

mement,

meminit, quæ non appositè possit ad religiosam Quadragesimæ observationem accommodari. Inprimis, si ad afflictionem mentis animique humiliationem testificandam, aut ad poenitentiam nostram demonstrandam, Jejunia conducant; ad hoc ipsum Institutio Quadragesimalis respicit, ut postea videbimus. Deinde, si eò referatur Jejunium, ut carnis petulantia coerceatur, nè lasciviat aut oblectetur Spiritui; in sua observatione Quadragesimæ præstari hoc potest, est enim disciplinæ severioris quasi Schola, ut carnis incentiva rigore districtioris abstinentiæ castigemus. Denique, si alter, isque summus, Jejunii finis sit, ut exinde ad actus & affectus spirituales mens magis idonea exsurgat, utque Spiritus eò ardentius & liberius totum se dedere & vacare queat orationi reliquisque pietatis exercitiis, quis dubitat his omnibus Quadragesimam inservire? Alioqui S. Chrysostomum audiat, in Ser. De Resurrectione Domini, *ἡ νηστία οὐκ ἐστὶν ἡλικία, ἀλλὰ καὶ νηστία ἡλικία ἐστὶν ἡλικία, Jejunium hoc corporale propter spirituale est institutum.* Ex istis jam necessariò sequitur, Quia in sancta observatione Quadragesimæ concursus est omnium causarum & finium ad quos Jejunium simpliciter est ordinatum, non adedè esse opus in aliis causis exquirendis laborare amplius, cum ad rei subordinatæ usum abunde sit, si illis ipsis causis gaudeat quarum collectio præexistere debet in subordinante. Hoc Theorema primum.

Huic affine est secundum, & sic se habet, In Pietatis officiis ad legitimam institutionem sufficit, si ad certum & definitum tempus autoritate humanâ officia ea revocentur quæ *ἡλικία* & sub tempore indefinito in Scripturis Divinis præcipiuntur. Ex eo regulæ ratio pender, quòd apud omnes est in confesso, Permississe Christum Ecclesiæ suæ potestatem *ἡλικία*, quâ possit in rebus mediis & adiaphoris leges ferre, & temporum indeterminationem ad certa & statâ tempora prudenter applicare: Cateroquin rerum omnium perturbatio sequeretur; imò necesse est ut ipsa Religio culturque Divinus oblanguesceret, nisi in Ecclesiæ arbitrio essent hæ quæ ad Politiam & ordinem spectant determinationes circumstantiarum, sine quibus prioris tabulæ præcepta & publica pietatis officia in coetibus Ecclesiasticis vix ac nè vix quidem servari possent.

Eapropter distinguendum exquisitiùs est inter Substantiam præcepti alicujus, quæ medulla est & anima officii, atque inter Circumstantias, quæ ad *ἡλικία* pertinent *ἡλικία*. Etenim si Officium ipsum quoad *ἡλικία* à Deo ipso sit institutum, ex eo non minuitur aut invalescit si quoad *ἡλικία* imperio humano decernatur. In Orationis negotio & Sacramentorum administratione hoc liquidò constat: nam quod ad Substantiam ipsam, sunt singula sub præcepto; at quod ad tempus exsequendi, ut hoc vel illo die, ut hæc vel illâ horâ Conventus Sacri habeantur, aut exhibeantur Sacra Mysteria, cum non sint sub expresso mandato, & ad mandati tamen usum atque exercitium maximopere conducant, idcirco præsumendum est ea à generalis mandati ordine vim suam & firmitatem trahere, quantumvis ab hominibus constituentur. De Jejunio Quadragesimæ haud aliter est dicendum, quia præceptum esse Jejunium legimus in Evangelicis literis, tamen si de hoc vel illo tempore nullum præceptum occurrat, & quia nullum occurrat, cuique Ecclesiæ est integrum libertate sua uti in temporibus præsumendis: & si contingat ut in una Ecclesia unum, in altera aliud tempus statuatur, tamen, ut Irenæus apud Eusebium loquitur, *ἡ ἡλικία καὶ νηστία καὶ ἡλικία καὶ νηστία, Dissimulatio Jejunii fidei conservantiam non modo non turbat, sed magis commendat & roborat.* Ergo ex istis concluditur, Quia ex præscriptione Evangelica generalis præcepti ratio derivetur,

riveretur, Jejunandum esse, non potest non esse pietati consentaneum, si ad hunc modum & hæc tempora commodissima Jejuniorum observatio ab Ecclesia referatur; cum à virtute præcepti generalis specialis applicatio efficaciam suam trahat. Hoc Theorema secundum.

Supereſt adhuc tertium, quod ſic inſtituo; In pietatis officiis relativis, quæ ad aliud referuntur, deſſe non poteſt deſenſio juſta Relati, ſi modò juſtæ cauſæ adſuerint Correlativi. Exempli gratiâ, Si agrorum diſtinctio ſit neceſſaria, prudens nemo eſt qui velit quærere an limes ſit neceſſarius, quia abſque limite non poteſt fieri ejuſmodi diſtinctio aut limitatio: Similiter & in rebus Sacris, Si Orationis & Lectionis opera ſint homini Chriſtiano neceſſaria, quis eſt qui de Vigilantia dubitabit, eam eſſe vel maximè neceſſariam, cum abſque vigilantia attendere non poſſumus aut Lectioni aut Orationi? In eodem numero Jejunium eſt ſtatuendum, velut ejuſmodi bonum quod non eſt ſimpliciter & abſolutè bonum, niſi quatenus ad aliud majus bonum ordinatur; & ejuſmodi virtus quæ ex ſe & in ſua natura, propriè loquendo, virtus non eſt, ſed ut relationem & ordinem habet ad aliquam aliam virtutem, Pœnitentiam puta, Orationem, Contemplationem, & quaſcunque alias quibus ancilletur. Hoc B. Gregorius vidit, cum Jejunium non niſi ex aliis virtutibus commendari pronuntiavit, Paſtor. Cur. par. 3, c. 20. Hoc S. Hieronymus, cum in illa ad Cælantiam Epistoſa, non *perfectam virtutem* dicendam eſſe ſenſit, ſed *virtutum cæterarum adjumentum*. Et quale adjumentum? Ejuſmodi quod diſponit & præparat animum ad earum actus & eliciendos faciliùs & ſeliciùs exſequendos: ut quemadmodum ex parte una nequaquam prodeſt Jejunium, niſi iſtis virtutibus adjungatur; ità ex altera, vix poſſunt ad *auxilium* ſuam & faſtigium illæ ipſæ virtutes pervenire, niſi ſamulante & ſuccurrente Jejunio. Quæ cum ità ſint, ſi quis ſit qui de Jejunii Quadrageſimalis pia obſervatione quærît, an juſtas habeat & legitimas Cauſas, non aliud mihi videtur agere quàm ſi de rebus compertiſſimis quaſtionem moveat, Utrùm ad viſionem lumen, aut ad motum corporis pedes ſint uſui; nec aliud quàm ſi de Oratione ipſa & Pœnitentia dubitet, utrùm juſtis de cauſis in hiſ ipſis quis ſe exerceat: nam ſi de Oratione & Pœnitentia conſtet, de Jejunio non conſtare non poteſt; eò quòd auxiliis mutuis adeò ſibi invicem hæc tria ſubſerviant, ut & ab adminiculo Jejunii Orationis & Pœnitentiæ vigor, & à relatione ad Orationem & Pœnitentiam Jejunii Quadrageſimalis cauſæ ſint repetendæ. Ut in compendio dicam, hoc rei caput eſt & ſumma; Jejunium in iis collocari quæ ſunt Ad aliquid, hoc eſt, in Relativis; & quia in Relativis, idcirco veras & germanas Obſervationis Quadrageſimalis cauſas hauriamus neceſſe eſt ex relatione iſta, & reſpectu, & habitudine, quâ ad res alias ordinatur. Eſt autem triplex Relatio cui innituntur obſervationis cauſæ: Relatio ad Solennitatem temporum, una; ad Diſciplinam Eccleſiaſticam, altera; ad Imitationem Chriſti, tertia: hoc eſt, Relatio ad myſteria ſalutis, Relatio ad profeſſionem pœnitentiæ, & Relatio ad exemplum Salvatoris. De hiſ articulatiſ & ſuo ordine.

Exordior à Relatione prima, quam poſitam dixi in reſpectu ad Solennitatem temporum, & myſteria ſalutis juxtâ in ſuo tempore concelebranda. Ad hanc claſſem redigere poſſumus inſtitutionis rationes à Pontificiſ traditas, ſi non omnes, at certè præcipuas magiſque probandas: nam è ſeptem quas Cardinalis Bellarminus producit, non ſunt niſi quatuor quæ ullam probabilitatis ſpeciem præ ſe ferre poſſunt; & ex iſtis quatuor apparet tres eſſe quæ ad hoc primum caput pertinent.

De Eucharistia primam, Ad hoc institutam fuisse, ut ad sacram Communionem, quam in Paschate Christianorum nullus debet omittere, simul omnes per hoc publicum ac solenne Jejunium disponamur.

De Resurrectione secundam, Ad hoc institutam, ut ad celebrationem Passionis & Resurrectionis Domini, quæ sunt mysteria Redemptionis omnium maxima, per hoc solenne Jejunium præparemur.

De Baptizandis tertiam, Ad hoc institutam, ut Christiani non solum pro se, sed etiam pro Catechumenis in Paschate regenerandis, jejunent & orent. Hactenus ille. Ad hæc quid nos? Num ob id ea rejicienda censemus & pro nihilo habenda quia ex ærario Adversariorum videntur desumpta? Nihil minús: reddendum est omnibus debitum suis meritis officium, etiam ipsis hostibus, idque in Agesilao gloriosissimum fuisse observat Plutarchus, quod inimicis, si quid rectè gessissent, erubescere honorem non habere; καὶ ἐστὶ τὸ τοῦ θύναίου καὶ φιλοσόφου ἑυχῆς, μὴδὲ πολλῶν ἀρετῶν ἀνυψῆς, inquit B. Gregorius Naz. *Generosi est animi atque philosopho, imò Theologo, digni, nec de ipsorum hostium fama laudis aliquid detrabere.* Fruantur igitur etiam Adversarii nostri hæc laudis & gloriolæ umbrâ, quotiescunque aliquid vel eruditè vel probabiliter dixerint, sive ex seipsis, sive ex Patribus, in hoc potissimum argumento, quod explicandum est conjecturis. Enimvero satendum est, non esse tam exploratæ certitudinis rationes istas ut dici nihil contrâ possit; nec ex adverso sunt adeo exilia & arida ut habeantur despiciatui, quoniam neque à vero abhorrent neque à pietate. Potest in genere hoc contra eas opponi, Quod non sunt rei ipsius rationes, sed tantum temporis; aut si rei, non rei simpliciter institutæ, sed hoc modo institutæ; atque in summo, non esse nativas rationes, aut primigenias, sed postgenitas & posthumas. Potest in specie contra tertiam, quæ ducitur à Catechumenis in Paschate regenerandis, hoc dici, Quod ratio nulla erat Apostolorum tempore, neque enim ullum assignarunt peculiarem diem Baptismo, sed promiscuè potius baptizarunt singulis diebus; & quod ad nostra tempora attinet, evanuit jampridem hujus rationis vis, cum desierit esse Catechumenorum ordo. Nec quisquam est qui affirmabit necessarium esse Jejunium ante Baptismum, quia ipse Durandus notat, Rationalis lib. 6, cap. 82. solenne Baptisma celebratum non tantum ad Pascha, sed etiam ad Pentecosten, ante quod tempus Pontificii negant hoc Jejunium esse servandum. Pari modo quod ad duas alteras rationes pertinet, quæ desumuntur à præparatione nostri & ad sacram Communionem recipiendam, & ad Passionem & Resurrectionem Dominicam celebrandam, potest hoc contrâ dici, Quod hoc concesso, Præparationem ad hæc mysteria optimam fieri per Jejunia, at non idoneum videtur per tam longa & spatiosa & integris quadraginta diebus protensa; quia fieri non potest hoc vel semper, vel plerumque. Non potuit tunc temporis fieri, quando omnes communicabant vel singulis Dominicis, vel ut in Ecclesia nostra, quater quotannis: nec potest jam nunc fieri in hebdomadario recursum istorum dierum, in quibus singulis septimanis & dies Dominicus Resurrectioni celebrandæ est dicatus, & sexta feria Passioni. Si igitur sit frequentior istorum commemoratio, & frequentior etiam Præparatio per hebdomadaria jejunia, supervacaneum videtur, & vix rationi consonum, ad præparationem remittere institutionis rationem, quia & sæpius celebrantur hæc mysteria, & sæpius per Jejunia & poenitentiam fit præparatio.

Hæc illa sunt quæ contra hanc primam rationum classem obijci possunt, sed eadem etiam facilitate & refelli. Neque enim sequitur, si nullus sit apud

apud nos Catechumenorum ordo, proinde Veteres in hac institutione non eò respexisse, aut nobis si ista consuetudo obsoleverit, idcirco ut ipsa institutio moreretur, quia rationis pars aliqua consenuit. Equis diffitebitur piam esse posse officii religiosi continuationem, etiam si prima officii ratio cessaverit? Nec tamen necesse est ut eò in hac causa confugiamus, quia non est causarum omnium apud nos desuetudo, sed unius tantum; reliquarum enim ratio adhuc permanet, quamvis ad Catechumenos respectus ille disparuerit. Porro, & reliquorum quæ opponuntur non melior est consequentia, Si assidua sit Resurrectionis & Passionis Dominicæ commemoratio, frequensque Eucharistiæ receptio, necnon redintegrata sæpius ad hæc mysteria per Jejunia & poenitentiam præparatio, propter hoc, ut ad solenniorem celebrationem solennis & publica præparatio esset superflua: Nam primò, Resurrectionis hebdomadariam quovis die Dominico celebrationem non negamus; esto: sed hoc addendum est, quòd anniversaria in die Paschatis sit multò celebrior, & mysticæ vividior representatio, & rei ipsius propriissima atque sola revolutio, & quasi Dominicarum omnium virtualis concursus, omniumque in unam concentratio. Qua sola de causa, *festorum maximum, festivitatem festivitatum, matrem & quasi Mariam dierum* eà Veteres dixerunt, Eòdem recidit & illa altera de Eucharistia dissertatio; Accessus est ad eam proclivis, participatio frequens, esto: sed universalis est omnium Christianorum in omnibus Ecclesiis post finitam Quadragesimam Communicatio; nec quisquam est, opinor, qui adeò se paratum existimet, ut contra præparationem disputare audeat; imò nemo est tam sanctus, ut non sanctior, nemo tam paratus, ut non possit esse paratior. Nec quicquam est aliud quod hoc commonitorio Ecclesia intendit, quàm ut filiis suis desidiam mentis excutiat, ut quantò est Convocatio celebrior, tantò sit attentior præparatio; cum probè noverit, etiam piissimos quosque fore segniores debito, & post studiosissimam præparationem imparatos. Quid de meo plura? neque enim mea est responsio, sed Sanctorum Patrum, quorum vix quisquam est qui non ad hæc dicta hanc ipsam sermonis vicem referat, quique eodem planè modo huic Objectioni non occurrat. Inprimis Bernardus, Ser. 3. de Quadragesima; *Errant planè, inquit, qui paucissimos dies istos ad poenitentiam sufficere credunt, cum certum sit, totum huius vite tempus non nisi ad poenitentiam esse institutum. Continuanda nobis est poenitentia cunctis huius miserie diebus, sed magis enitendum hoc tempore, in quo, per commune omnium Christianorum Jejunium, generali quodam totius orbis exercitu contra diabolum Salvator congruitur.* Dein de S. Augustinus, Ser. 21. de Tempore; idque multò clariùs; *Hæc licet omni tempore necessaria esse probentur, & aliis diebus utiliter fiant; præcipue tamen in istis diebus quos regulariter universa servat Ecclesia: & Serm. 64. de Tempore; Omne nostra vita tempus stadium quoddam debemus putare virtutum, & ad celeste brachium totâ virtute contendere; sed hoc præcipue in Quadragesima diebus implendum est, qui Abstinencia & Jejunio dedicati, tantum nobis ad virtutem animi conferunt, quantum & de corpore voluptatem decerpunt. Præterea S. Basilii (si fieri possit) adhuc apertius, Orat. 2. de Jejunio; Jejunium, inquit, per omne quidem tempus utile est, *ποῦν δὲ ἵματιον ὄν, sed multò magis hoc tempore, quo per universum terrarum orbem undique denuntiatur Jejunii præconium; nec ulla est insula, nec ulla terra continens, non civitas, non gens ulla, non extremus mundi angulus, ubi non sit auditum Jejunii edictum. Quin & exercitus, & viatores, & nauta, & negotiatores, omnes pariter audiunt edictum, & summo gaudio excipiunt. Quid quid Angeli sunt qui in singulis Ecclesiis**

Eccl. Serm. 7.
de Quadrag.

sus describunt ac recensent jejunantium capita? Nè quis igitur semet excludat à numero jejunantium, in quo omne hominum genus, omnis aetas, omnes dignitatum forma censentur: imò videbis, obsecro, nè Angeli privetur recensitione ob brevem gula voluptatem. Hæc ille. De B. Leone quid dicam? vereor enim nè tempus non sufficeret, si omnia quæ prostant loca edicerem quibus hoc saxum volvit. In Ser. 2. de Quadrages. eleganter orditur; Semper quidem tibi, O anima Christiana, vigilandum est contra salutis tuæ adversarium, nè ullus pateat locus Tentatoris insidias: sed modo tibi major cautio & sollicitior adsumenda prudentia est, & quæ sequuntur. Rursus in Ser. 3. vehementius progreditur; Semper, inquit, nos sanctè vivere decet; sed cum Quadragesima appropinquant dies, quos illustiores nobis salutis nostræ Sacramenta fecerunt, diligentiori sollicitudine corda nostra sunt mundanda, & studiosius exercenda est disciplina virtutum: ut sicut ipsa mysteria quadam sui parte majora sunt, ita & nostra observantia superet in aliquo consuetudinem suam; & cui festivitas celebranda est sublimior, ipse quoque reperiatur ornatio. Denique & in Ser. 4. id ipsum inculcat; verba ejus sunt, Quamvis nulla sunt tempora quæ Divinus non sunt plena muneribus, & semper nobis per gratiam ad misericordiam Dei præstatur accessus; nunc tamen omnium mentes majori studio ad spirituales profectus moveri, & ampliori fiducia oportet animari, quando ad universa pietatis officia illius nos diei in quo redempti sumus recursus invitat, ut Passionis & Resurrectionis Dominica sacramentum purificatis & corporibus & animis celebremus. Hucusque B. Leo. Ex quibus omnibus jam satis patet, frustrà illud obtendi, Majorem animi præparationem esse supervacuum ubi est præparatio multiplex: quia hoc certissimum, Non posse id nimis fieri, quod licet semper fiat, intrà fit, & nunquam sitis.

Quocirca ut hanc partem in pauca conferam, ex istis liquet has institutionis rationes, qualescunq; fuerint, non Pontificiorum esse, sed Sanctorum Patrum. Quod ut magis liquecat, percurram denuo singulas, ut utrinque, & quò tendant, & unde manarint, seorsim audiat.

Rationis membrum primum est de Baptizandis; Institutam fuisse Quadragesimam, ut pro Catechumenis in Paschate regenerandis madefactæ lacrymis & jejuniis preces funderentur. Illius meminit S. Ambrosius, Ser. 34, & 38. In eorum utroque propter hoc constitutam Quadragesimam dicit, ut sicut Elias precibus suis celum reseveravit, terramque de celo rigavit: sic & Christiani contenderent, ut adhibitis hoc tempore precibus, clausum celum Competentibus aperiant, ut adveniente desuper spiritualis Baptismatis pluvia, lavacri salutaris imber eos irroret, & quæ sequuntur. Equis est qui ibi inficias, inter alias & hanc quoque Institutionis legitimam rationem fore? neque enim quicquam est in ea quod non sit & pietatis regulæ consonum & exemplis Sanctorum. De Sanctis Sacra Scriptura testatur, Eos sæpius in aliorum emolumenta Jejunia servasse: sic Judæi, ut Estheris de liberatione populi inceptum feliciter eveniret, ad jejunia se receperunt; sic Act. 14. Apostoli, ut sacrum xeremias opus benedictioni Divinæ subicerent; & Act. 13. Antiocheni, quò S. Pauli & S. Barnabæ ministerium Deo melius commendarent, ad jejunandum prius conveniebant. Consimile est illud quod de Romana Ecclesia refert Augustinus, in illa ad Casulanum Epistola, Sanctum Petrum Apostolum, quando Romæ congressurus erat cum Simone Mago die Dominico, præcedente Sabbato jejunium indixisse. Huc accedit & illud quod de S. Joanne tradit Hieronymus, in prologo super Matthæum, quòd cum ingressurus erat

scriptionem

scriptionem suæ Evangelicæ historiæ, communes Ecclesiæ preces Jejunio conjunctas efflagitavit. Nec non & nota est historia altera, apud Eusebium lib. 3. cap. 17. de adulescente S. Joannis Discipulo, quod cum ad latrones defecisset, à S. Joanne rursus conversus fuit; atque crebris, inquit, precibus Deum pro ipso invocavit, & *συναγωγῇ ὁσίων συναγομένης*, & continuis jejuniiis una cum lapsu decertavit, & quæ sequuntur.

Posthæc non novum videri potest aut à pietate alienum, si in Catechumenorum gratiam Ecclesia primitiva tempore Quadragesimæ precibus & jejuniiis se devovere solebat; cum Sanctorum omnium hæc fuerit consuetudo, dicente Cypriano de Jejun. quod cum aliquid magni à Deo obtinere conati sunt, toties jejuniiis & lacrymis incubuerunt. Hoc igitur rationis est membrum primum, de Baptizandis.

Secundum est de Eucharistia; Institutam esse, ut esset præparationis adjutorium ad Sacram cœnam, Et hoc quoque est Sanctorum Patrum. Primum est B. Leonis in Ser. 5. de Quadragesima, *Ut sacramenta*, inquit, *redemptionis nostræ dignius celebremus*, Quadragesima dierum jejunio nos præparamus; neque baptizandi solum hoc faciunt, sed baptizati: illi, ut quæ nondum habent accipiant, isti, ut accepta custodiant. Deinde est S. Chrysostomi, To. 5. S. 52. Verba sic habent: Cum intelligerent Patres quantum ex temerario ad Sacra Mysteria accessu detrimenti caperetur, Jejunii quadragesima dies designarunt; ut in his diebus omnes per preces, per eleemosynam, per jejunium, per vigiliæ, per lacrymas, per confessionem, ac per cætera omnia diligenter expurgati, pro capiti nostro, cum conscientia pura ad mysteria accedamus. Addendus est Hieronymus, qui in Jon. 3. Venire nos, dicit, in hereditatem jejunii Christi, ut ad esum corporis ejus præparemur: & in Matth. 9. Properare Ecclesiam ad Resurrectionem Domini per humilitatem carnis, ut spiritali sagina jejunio corporis præparemur. Quod si quis rationem quærat, cur in Jejunio præparationis normam statuerunt, de Pœnitentia etiam dubitet, & de Oratione, atque de Meditatione, an sint ad quodvis pietatis opus præparatoria: imò magis S. audiat Ambrosium, in lib. de Elia & Jejunio, cap. 4. *Ipsis, inquit, convivii Jejunium dat gratiam, & gravior fit mensa jejunii: quemadmodum post tenebras lux splendorior, & post vigiliæ sopor dulcior; ita post jejunium suaviores Sacre epulæ, & post tentamenta hæc salutis mysteria jucundiora.* Hoc rationis est membrum secundum, de Eucharistia.

Restat tertium, de dierum Solennitatibus; Propterea institutam, ut ad Passionis & Resurrectionis Dominicæ celebrationem meditatus accingeremur. Etiam & hoc est Sanctorum Patrum penè quot ubique sunt omnium, Nazianzeni, Chrysostomi, Ambrosii, Hieronymi, Augustini, Leonis; quibus nihil est in ore sæpius, quàm ut ad Festorum matrem, & quasi magistram, in qua omnia Religionis nostræ Sacramenta quasi concurrunt, per matrem bonorum magistræque virtutum, Jejunium, ut Chryl. Hom. 1. in Gen. loquitur, simili nos observantia disponamus; hoc est, ad festorum omnium maximum per præparationem maximam. Propter hoc, inquit Augustinus, observatio ejus confinis est & contigua Dominicæ passioni: Propter hoc, inquit Leo, est præcursor Resurrectionis. Quid quod & ex hoc ipso fluxit, ut nomine peculiari distinguere solebant Patres hoc jejunium à reliquis omnibus? nam & Jejunium sancti Paschalis, & Jejunium ante Pascha, & Jejunium Paschale, & Jejunium antepaschale, in Veterum scriptis est appellatum, à temporis respectu desumpto nomine. Postremo, & hinc natam esse consuetudinem veri est simile, ut cum appropinquantis Quadragesimæ Sacerdotes populum admonerent, mentionem semper Resurrectionis

Ep. 119. ad Jas.
cap. 15.

Serm. 12. De
Quadr. c. 1.

Leo Scr. 11, et 12.

surrectionis Dominicæ solennem facerent istis & consimilibus verbis; *Appropinquante festo Paschali, preparate vos hoc jejuniō; Appropinquante solennitate Paschali, de hoc jejuniō estis admonendi.* Apud Ambrosium prolixior est admonitio, in Ser. De ramis Palmarum, his verbis, *Firmissime credite, fratres, quia nostrum periculum est si mysteria Salvatoris nostri vobis non annuntiamus; & vestrum periculum, si vos ea parvi pendatis: Monemus igitur, ut quanto magis solennitas Paschalis appropinquat, tanto magis vos jejuniis præparetis; mundantes vos ab omni invidia, ira, odio, convitiis, maledictis, ut digne illum diem celebrare possitis.* Hæc Ambrosius. Imò verò, quod paulò majus est, fuisse eam veteribus Christianis sollicitudinem affirmat Chrysost. Tom. 5. Ser. 52. de sui ad Paschatis solennitatem per Jejunium præparatione, ut cum temporibus aliis, si Sacerdotes toto anno clamando prædicarent jejunium, ipsorum verbis nemo animum attenderet; simulac Quadragesimæ tempus adveniret, licet cohortaretur nemo, etiam is qui negligentissimus esset seipsum sponte excitare vellet. Possunt huc tendentia alia multa adduci: verum, ut arbitror, hæc satis, præsertim ad id quod præ manibus est ostendendum, Non esse nuper confictum hunc primum causarum ordinem; sed ab antiqua Ecclesia & acceptum & approbatum; porro & pietati adeò consentaneum, ut pro legitima & institutionis & observationis causa habeatur: à quovis qui non rei præjudicio, aut sententiæ propriæ retinaculo constringatur. De duabus reliquis rationum classibus die proximo est agendum.

LECTIO XXV.

DE legitimis institutionis Quadragesimæ Causis nonnulla pridem accepistis; & ad reliqua nunc calamus est convertendus: quia causarum major est copia quam quæ poterat aut uno ambitu comprehendi, aut opere uno expediri. Neque est quod novum videatur si ad hanc usque molem numerus excrescat, cum inter pietatis officia relativa Jejunium sit recensendum, quorum usus & finis ex iis rebus pendent ad quas ordinantur. Quapropter pro numero Relationum Causarum quoque numerus est ampliandus: quod idem in præfenti argumento est factum, quando in tres classes Quadragesimæ Causas disposuimus, prout triplex est Relatio ad quam Veteres in Institutione ejus respexerunt; Ad mysteria Redemptionis, ad exercitia Pœnitentiæ, ad exemplum Salvatoris. Hæc rationum tria sunt Capita; quorum primum duntaxat ad exitum perduximus, reservatis ad hodiernum, de Pœnitentiæ negotio & Imitatione Salvatoris, duobus alteris, de quibus utrisque in præfentiarius est agendum, sed suo ordine.

De religioso ad Pœnitentiam respectu primum, cujus tam impensam curam habere antiqui Patres, ut non modò lapsos, sed fideles etiam ipsos, & sub utroque nomine quoscunque Christianos, ad jejuniorum disciplinam revocandos & excitandos duxerint; non modò cohortatione quotidianâ & Suggesto, sed Edictis quoque & Constitutionibus autoritate Ecclesiæ sancitis: cum satis scirent, ad Pœnitentiæ profectum Jejunia inprimis conducere, & absque Jejunii studio Pœnitentiam ipsam emorituram. Fuere

Fuere igitur Christianorum ordines duo ad quos hæc pars disciplinæ erat ordinata, Fideles & Lapsi. Ad Fideles in hoc pertinebat, ut de occultis peccatis poenitentiam agerent; ad Lapsos, ut de manifestis & publicis poenitentiam suam profiterentur: ad illos, ut esset standi commonitorium, nè caderent; ad hos, ut surgendi esset stimulus, quia ceciderant: ad utrosque, ut communi poenitentia nexu jungerentur, dum lapsi pro suis, fideles & pro suis & pro aliorum peccatis preces lacrymasque effunderent. In utraque parte, ut videtis, specialis erat & proxima Institutionis relatio ad Poenitentiam, sicut apertè constabit, si paulisper utramque partem sigillatim intueamur.

Relationis pars prima ad Fideles pertinebat; etenim eorum duo fuere officia ad quæ magis hoc tempore præstanda eos pietas vocabat. Unum erat, Ut precibus suis & lacrymis prolapsos in peccatum tingerent. Ejus meminit Sozomenus, lib. 7. cap. 16. *In Occidentalibus Ecclesiis, & maxime in Romana, sollicitè hac forma Poenitentia servatur: ibi enim manifestus est Poenitentia locus; stant autem in eo mæsti, & cum planctu & lamentationibus in terram cadunt, tum ex adverso lamentabundus Episcopus consimiliter humi cum ejulatu collabitur, & cum tñs δαυλιότα μὴ δὲ, & tota Ecclesia multitudo lacrymis suffunditur.* Hæc Sozomenus de aliis. Nec discrepat quod de seipso Cyprianus profiteretur, cùm de lapsis loquitur: *Plango, inquit, cum plangentibus; cum desentibus desceo; cum jacentibus me jacere credo: jaculis illis grassantis inimici mea membra simul percussa sunt; savientes gladii per mea viscera transierunt.* Fuit igitur consuetudo, eaque laudatissima, hæc precum & lacrymarum debita lapsis fratribus solvendi. Hoc primum.

Alterum, ut pro seipsis etiam facerent quod pro aliis præstandum compatiendi affectus exigebat: & de ea incidit mentio apud S. Chrysost. in Serm. de Iracundia, ubi sic loquitur; *Ob hoc Jejunium, & Quadragesima, & tot dierum Synaxes, auditiones, preces & doctrina susceptæ sunt, ut de peccatis admittis poenitentiam agamus:* & in Serm. 52. to. 5. Contra eos qui Pascha jejunant; *Si quis te interroget, qua de causa hoc tempore jejunet, nè dicas, Propter Pascha, quia non est Pascha jejunii aut luctus, ἀλλ' εὐφροσύνης; ἀλλὰ γὰρ τῶν ἁμαρτιῶν, sed gaudis & exultationis occasio: sed dic te ob peccata tua affligi, alioqui nullam habet istius aut temporis aut observationis Deus rationem, sed poenitentia tua et humilitatis.* Hæc ille. Quibus annexere possumus illud B. Nysseni, in Orat. 1. de Pauperibus alendis; *Propter munditiam anima indicta esse jejunia, ut omnis aetas et omnis hominum conditio apud se cogitantes qua prius sunt admissa peccata, dare operam possint poenitentia et lacrymis.* Prudenter dicitur, *Omnis aetas et omnis hominum conditio*, nè si qui sunt sanctiores aliis seipso solutos existimarent. Imò verò nemo est, ut S. Bernardus Serm. 58. in Cant. loquitur, *qui ita ad unguem omnia à se reseravit superflua, ut nihil se habere patet putatione dignum; imò credite, inquit, et putata repullulare, et effugata redire, et reaccendi extincta, et sopita denuo excitari.* Parum est igitur semel amputasse, quia semper quod putari oportet invenis; et quantumvis sis verus Israelita, intra fines tuos scias habitare Jebusæam, et Poenitentia his adjumentis indigere etiam eos qui sunt maxime poenitentes. Hæc relationis pars prima quæ ad Fideles ordinatur.

Secunda refertur ad Lapsos, quibus laxare solebat Ecclesia hoc tempore poenitentiam, & spem pacis offerre. Cùm lapsos dico, non eos solum intelligo qui erant Poenitentes adjudicati & Regulares, sed qui spontanei & voluntarii. Sunt enim utriusque generis aliqui quorum mentio occurrit

Hier. ep. 30. ad
Occani m.

currit apud Scriptores Ecclesiasticos. Voluntarii erant qui ultro se huic disciplinæ offerrebant, & peccatorum morsu correpti sponte se inter publicos Pœnitentes sistebant. Eiusmodi est quod de Fabiola narrat Hieronymus, quod in semetipsam reversa, secundas nuptias sic dolebat, quasi adulterium commississet, ad publicam paenitentiam accurrebat, non coactum Ecclesiam, sed iudicio & voluntate suâ. Rursus, Pœnitentes Regulares vel Adjudicati erant illi qui ad pœnitentiam redigebantur accusati & convicti pro criminibus famosis & publicis; sive illi essent qui timore impulsu idolis sacrificassent, sive qui errore decepti à fide excidissent, sive qui cupiditate victi in turpitudinem aliquam aut facinus cecidissent, fornicatores, adulteri, ebrii, idololatræ, blasphemæ: adversus hos omnes solenne erat Ecclesiæ antiquæ utramque auctoritatis suæ partem exercere, & severiorem illam, quæ è gremio suo abjiciebat eos cum prolapsi essent, & benigniorem alteram, quæ rursus suscipiebat, fovebat, amplectebatur, cum correctos & conversos cerneret: neque enim eos aut prorsus rejiciendos putabat, cum Novatianis; nec tamen nisi actâ pœnitentiâ recipiendos. Utrumque ut melius perageretur, fuisse certa tempora constituta in quibus & pœnitentiam suam lapsi testarentur, & post actam pœnitentiam in statum pristinum restituerentur. Restituendi tempus solenne fuit festivitas Paschalis, in qua post publicam Absolutionem impetratam, conventos cum fidelibus celebrabant, Precum & Epularum communiione utebantur. Pœnitendi tempus tamen non erat omnibus idem, verum pro diversitate criminum diversum, aliquando contractius, aliquando majus, usque ad menses aliquot, usque ad annos aliquot protensum: at in plerisque tamen Ecclesiis his Quadragesimæ diebus majori ex parte fuit circumscriptum; ut per eos integros & colorem suum professione manifestâ significarent, & restitutionem precibus suis consequerentur. Exinde nata nomina, ut *Audientes* dicerentur, quia iis permissum erat ut Concionibus sacris audiendis interessent; & *Procumbentes*, quia de commissis delictis prosternati in terram veniam ab Ecclesia petebant; & *Absentis*, quia ad tempus certum à Sacramenti arcebantur. Exinde nati gradus per quos inter se Pœnitentes distinguebantur, quos gradus à Tertulliano & Cypriano obiter annotatos habemus, à Gregorio Thaumaturgo & Basilio differtè & signanter expressos. Sunt quidem tres gradus quos B. Cyprianus tangit, Ep. 52. ad Antonianum, ubi lapsis in idololatriam non dari ab Ecclesia pacem dicit nisi sub hōra mortis: cum moribus tamen post diuturniorem pœnitentiam concedebatur, & libellaticis (itâ appellantur qui se à iudicibus tempore persecutionis pecuniis redimebant) faciliior esset admissio. Hæc ille cursim. Ex S. Basilio constat gradus quatuor fuisse, in Epist. ad Amphilochium, Can. 58. *Fornicator*, inquit, *duobus annis erit ἀνεκκλησίαν*, id est, *Deflexus*, & *duobus aliis ἀνεκκλησίαν*, hoc est, *Audientis*, & *duobus ἀνεκκλησίαν*, hoc est, *Substractus*, vel *Procumbens*, & *denum uno anno ἀνεκκλησίαν*, hoc est, *Consistens*. Idem gradus recensentur à Gregorio Neocæsariensi, in sua quæ dicitur *epistola Canonica*, si modò ipse sit, Can. 11. *Gradus primus*, inquit, *vocatur ἀνεκκλησίαν*, hoc est, *Fletus*, sive *Lamentatio*, quando Pœnitentes extra portam Ecclesiæ stabant ad limen introitus, & Fideles rogabant ut pro se precarentur. *Secundus dicitur ἀνεκκλησίαν*, hoc est, *Auditio*, quando permissum est ut intra portam se reciperent, quod Auditores esse possent Sacrarum Lectionum. *Tertius ἀνεκκλησίαν appellatur*, hoc est, *Subjectio*, sive *Substractio*, quando se propter admissa flagitia acerbius affligerent atque prosternerent; quod ipsum Tertullianum movit ut cap. 9. libri De Pœnitentia hanc Consuetudinem appelleret,

appellaret, prosterneendi atque humiliificandi hominis disciplinam. Postremus *oratio* vocabatur, h. e. *Consistentia*, quando interesset in Ecclesia unâ cum Fidelibus, sed solis Orationibus communicabant, non mysteriis. Per totum hoc tempus *αργὴν ὥραν* erant, sed expleto tandem quarti gradûs spatio ad Communionem admittebantur.

Quod si quis porro de gestu & signis externis quærat, & illa etiam occurrunt sparsim in libris Antiquorum; neque erit, opinor, alienum à causâ, si loca aliqua ex eorum monumentis libavero, quibus motus & gestus Pœnitentium depingunt: neque enim satis esse putabant in loco Pœnitentium collocari, nisi etiam in statu Pœnitentium se esse per hos motus & gestus testarentur. Inprimis à Cæsario Arelatenſi, Hom. 1. hoc modo eorum gestus annumerantur, in illa verba Apostoli, SI CUIUSVIS OPUS MANSERIT, MERCEDEM ACCIPIET: *Pro criminibus, inquit, capitalibus fundenda sunt calentes lacrymæ, & rugitus, & gemitus; continuata & protracta longo tempore Jejunia addenda; ultro nos ipsos à Communione Ecclesiæ arceamus; in luctu & tristitia diu permanentes, & pœnitentiam publicè agentes.* Hæc ille. Eodem modo & S. Hieronymus hos gestus percurrit, cum de Fabiola loquitur, Ep. 30. ad Oceanum; *Induebat saccum; inquit, & errorem publicè fatebatur, & totâ urbe spectante Romanâ, ante diem Paschæ in ordine stabat Pœnitentium, Episcopo, Presbyteris & omni populo collacrymantibus; sparsum crinem, ora lurida, squalidas manus, sordida colla submittebat.* Quod & de Eceballo Sophista Ecclesiasticæ Historiæ tradunt, lugubri veste prostrâsse seipsum in limine templi, & ingredientibus ac egredientibus dixisse, *Calcate infatigatum salem.* Etiam & de Theodosio Imperatore Theodoretus, Hist. l. 5. c. 17. quod ob eandem quam fecerat excommunicatus ab Ambrosio, post privatas octo mensium lacrymas, cum in Ecclesiam ingrederetur, non stans aut genibus flexis precatus est, sed pronus humi abjectus, & frontem feriens, atque capillum manibus lacerans; & lacrymarum guttis solum rigans veniam supplex postulabat. Nec abſimile est quod apud S. Ambrosium legimus, in c. 16. l. 1. De Pœnitentia; ubi cognovisse se quosdam dicit qui vultum lacrymis fuleârunt, & exarârunt genas continuis fletibus, quique corpus suum omnibus calcandum straverunt: unde & Virginem lapsam his verbis cohortatur; *Lugubris tibi accipienda est vestis; & mens ac membra singula dignâ castigatione punienda: amputentur deinde crines, qui occasionem luxuriæ præstiterunt; defluant oculis lacrymæ; pallescat facies, totum corpus incuriâ maceretur, cinere aspersum & opertum cilicio perhorrescat; sit cor liquefactum sicut cera, jejuniis subjugatum: ad hæc, renuntiandum est seculo, somno minùs indulgendum quàm natura postulat, interpellandus est gemitibus, interrumpendus suspiriis, sequestrandus orationibus, & quæ sequuntur. Possunt hujus generis multa ex B. Cypriano ad illa adungi; & ex Sozomeno etiam, qui mores & ritus Pœnitentium copiosius exponit, Historiæ suæ l. 7. c. 16. Sed quia nimis longum, esset universa percurrere, unum tantummodo adjiciam locum; ex c. 9. Tertulliani de Pœnitentia, ubi hoc modo hos gestus describit; *Exomologesis, est prosterneendi & humiliificandi hominis disciplina, conversationem injungens misericordiæ illicem: de ipso quoque habitu & victu mandat, sacco & cineri incubare, corpus sordibus obscurare, animum mæroribus decicare, jejuniis preces alere, ingemiscere, lacrymari, & mugire dies, noctesque ad Dominum Deum: tuum, Presbyteris advolvi, & charis Dei adgeniculari, omnibus fratribus legationes deprecationis suæ injungere, & ita deinceps. Plena porro sunt Ecclesiastica scripta hujusmodi rituum descriptionibus qui in publica pœnitentia peragenda servarentur. Ex quibus liquidò patet quàm severa erat tunc temporis,**

Ambr. ad Virginem lapsam. c. 6.

PPP

sed

sed laudabilis & salutaris, & sæpe necessaria, hæc pars Ecclesiasticæ disciplinæ. Non qualis illa Romanensium, quam & clancularium faciunt, & satisfactorium faciunt, & Sacramentalem prætendunt: sed publica erat testificatio poenitentiae per jejunia, lacrymas & alia poenitentiae adjuncta, vel testes veræ mutationis; erantque Ecclesiis omnibus in usu, quoties aliquis qui receptus esset in Album civium Ecclesiæ aut turpiter ceciderat, aut effræni licentiâ se projecerat ad peccandum, vel quadam defectionis specie excusserat jugum Christi, suisque malis moribus Ecclesiam offenderat: tum enim publica hæc poenitentiae indicia ab eo requirebantur, dolor, luctus, confessio, deprecatio, ex quibus veram suam poenitentiam testaretur; neque ad consortium fidelium admitteretur, nisi prius hoc modo Ecclesiæ pro scandalo dato satisfecisset. Quorsum verò hæc omnia, aut quid ad Quadragesimam? Imò maximè, quia fuere omnia, ut supra dixi, tempore Quadragesimali peragenda; atque in eum finem Quadragesima est instituta, ut peccatis gravati jejuniis, precibus, aliisque carnis & sensus mortificationibus humiliati, Ecclesiasticæ reconciliationis ad Pascha se capaces præstarent. Nè forte quis dubitet, est testis integer atque locuples B. Augustinus, in Enchiridii ad Laurentium l. 3. c. 65. *Restd, inquit, constituentur ab iis qui Ecclesia præsumt hac tempora poenitentia, ut fiat etiam satis Ecclesia, in qua ipsa remittuntur peccata, extra eam quippe non remittuntur.* Quid quod & nostra etiam Ecclesia id ipsum proficitur in illa quæ Comminationi præfigitur præfatiuncula, ubi hæc verba habentur, *Frates, in primitiva Ecclesia pia erat disciplina, ut in initio Quadragesima tales persona qui peccatores erant manifesti ad publicam poenitentiam essent coacti, & in mundo hoc correpti, quo eorum anima fierent salva in die Domini, & ut eorum exemplo alii admoniti magis peccare extimescerent. In cujus loco (donec eadem disciplina iterum restitui possit, quod maximè est optandum) visum est hoc tempore, & quæ sequuntur?* Ex istis in promptu est videre, quàm prudens & sincerum sit Ecclesiæ nostræ judicium de hac antiquitatis disciplinari Poenitentia. Quæ certè si ad hæc nativa institutionis primordia redigi posset, O Religionis quanta in melius sequeretur mutatio? quantus in studio Pietatis progressus? Jejuniorum quanta utilitas? quantus Devotionis ardor? quanta Carnis victoria? quanta Peccati mors, si Peccatorum solennis esset frequensque correptio, si Poenitentium exemplaris & conspicuus ordo, si Jejunantium communia vota & voluntarius concursus, in quo & Fidelium preces Lapsi cum lacrymis peterent, & in Lapsos vicissim Fideles *supplicibus* gemitus atque suspiria effunderent, eorumque exemplis docti ad peccati odia & poenitentiae exercitia sese magis excitarent? Vos ipsos constituo iudices; ecquid est magis necessarium, ecquid pietati magis consentaneum, quàm ut infirma membra sua Sancta Ecclesia à peccatis retraheret, atque ad poenitentiae remedium duceret, & stertibus suis ad recipiendam reconciliationis gratiam adjuvaret, & per fortes plangeret quod non fecit, quod in membris suis debilibus quasi ipsa fecit? Erant veterum Christianorum hæc studia, hæc cura sui, hæc cura suorum. *Docbant eos ante omnia, inquit Justinus, precibus & jejunii à Deo petere fratritorum peccatorum veniam, fidelibus singulis unà preces suas iungentibus.* Sed nos, molle hominum genus, deliciis, & otio, & languore, & desidii adeò animum infecimus, ut fastidio nobis fiat qui aut observare jejunium aut agere velint poenitentiam. Nos scilicet stentium lacrymas perpeti non possumus, non serunt oculi nostri procumbentium squallorem, in unguentis & rosis volutare turba delicata concupiscimus. At ego contrà non video qui possit esse quisquam pietatis amicus, si adversarius sit poenitentiae; aut (ut dicam verbo) amicus poenitentiae,

Greg. Mor. l. 13.
c. 6.

Apol. 2.

Ambr. de Pax.
l. 1. c. 7.

tiæ, si castæ observationis Quadragesimæ hostis fuerit, cujus institutio primitiva ad poenitentiam erat ordinata. Sed de secunda Classe hæcenus, neque enim quenkam esse credo qui dubitare potest, an hæc sit pro legitima aut institutionis aut observationis Causa habenda, quæ eò potissimum collineat, ut pretiosissimæ inter virtutes Poenitentia sit adiutorium.

Accedo ad rationum Classem ultimam, quæ ab Imitatione Salvatoris trahitur, à cujus Jejunió quantumvis non sit dicendum necessitatem aliquam hujus observationis fluxisse, at occasionem justam piúmque móti-vum dimanasse nequaquam est disitendum. In hoc omnes conveniunt, legitimam semper & regularem fore Christi imitationem, si modò regularis sit imitatio, & in legitimis. Ergò & in hoc cardo vertitur, An legitimum sit hoc imitationis genus, & non magis temerarium; & per hoc, An fuerit Institutionis legitima ratio quam in exemplo Domini Véteres statuerunt. Quodd ratio sit plausibilis res ipsa monstrat, quia nobis Christus proponitur tanquam absolutissimum virtutis exemplar: quòd autem sit legitima, ex sequentibus patebit, eò præsertim magis, quia sapios apud Patres etiam antiquissimos hæc ratio occurrir, nec non apud Pontificios.

Quod ad Pontificios attinet, tametsi concedamus apud Patres legitimam fore rationem, at apud Papistas vim nullam habet, locum nullum, neque enim hi Christum imitantur, nè quidem eo modo quo possunt. Ratio manifesta, quia prorsus non jejunant: nam neque abstinent ab omnibus cibis, sed tantum à quibusdam; & non tantum cœnant quotidie, sed etiam prandent: adeò ut, exceptis solis nominibus, Quadragesimæ atque Jejuniî nihil retinuerint, ut postea docebimus.

Veruntamen adversus Patres reverentia major est adhibenda, & eorum vix est quisquam qui hanc ipsissimam rationem non faciat maximi, uno excepto Chrysostomo. Videamus primò de Chrysostomo, deinde de reliquis.

In homilia 47. in Evang. S. Matthæi, negare videtur Chrysostomus Jejunium Domini esse imitandum: locum integrum adscribam, *Humilitatem suam esse imitandam dicit Dominus, Discite à me, quoniam mitis sum & humilis corde: ουκ ειμην, On Orkeuon, Non hoc dicit, se jejunasse, ut Jejunium suum esset imitandum; potuit enim illis quadraginta dies proposuisse, sed hoc non facit.* In his videtur Sanctus Pater imitationi Salvatoris adversari. Imò verò non omnino, si paulò altiùs ipsius verba expendamus. Etenim non absolutè & simpliciter eo loco Chrysostomus loquitur, sed comparatione Jejuniî habitâ ad Charitatem, Humilitatem & Misericordiam; quæ singulæ absque Jejunió multum profunt, absque illis Jejunium nè tantillum quidem: & proinde non signanter dixisse Christum, *Discite à me, quia jejunavi*, sicut dixit, *Discite à me, quia mitis sum & humilis*; quia non tam nostrâ refert jejunandi ab eo similitudinem ducere, sicut vivendi. Quòd hic fuerit S. Chrysostomi sensus verba ejus probant, est enim sui interpres optimus. Etenim nè quis in pejus ejus verba rapiat, mox subnectit, *παροιμιαν εδωκεν, ηχι ενιαυτων κακιστων, μη ηνεναντι, Hac dixi, non quia Jejunium mihi non placet, quod magnis soleo efferre laudibus; sed quia doleo si, ceteris neglectis, satis ad salutem vobis Jejunium existimetis, quod in choro virtutum ultimum sortitur locum.* Et si hæc sui non sit plena explicatio, ex Hom. 1. in Gen. occurrit supplementum; ubi expressè & significanter exemplum nobis proposuisse Christum asserit hoc suo Jejunió. Locus sic habet; *Δαμιον οσπερ Ιησους Χριστος & ipse 40 dierum jejunium monstravit, μακρον ημερον εωρεαματων διδως, omnibus nobis exemplar dans, quomodo armemur quoties cum diabolo luctandum est.* Ergò ab hoc longè abest Chrysostomus, ut

Salvatoris Jejunii imitationem refellar, aut nefas esse ducat eum in Jejunio sequi: imò magis confirmat ac roborat. Non enim hoc tantum dicit quod in quæstione ponitur, Licere nobis ab exemplo ejus jejunandi nobis specimen & exemplar arripere; sed, quod magis est, exemplar nobis Christum hoc facto suo proposuisse. Atque si ipse tacuisset aut impugnasset, quod tamen non fecit, at reliquorum omnium Patrum concursus est sententia. In primis B. Ignatius, si illius sit ad Philippenses Epistola, pro imitatione hac acriter contendit, sic enim loquitur; *ἡ τεσσαρακστὴ μὴ ἐξυβενῆτε, μὴ μὲν γὰρ ἀπὸ τοῦ ἁγίου Κυρίου πενήτεας*, hoc est, *Jejunium Quadragesimale nē spernatis, quia imitationem continet conversationis Dominicae*. Quod si hæc in Ignatio irreptitia esse quis regerat, tum quia nemo est Veterum qui ad hoc Ignatii testimonium confugiat, quod certē fecerant si pro genuino agnovissent; tum etiam quia leguntur aut eadem aut consimilia verba in supposititiis quæ feruntur Apostolorum Constitutionibus, sub nomine Clementis, l. 5. c. 12. *ἡ πενήτεας γὰρ ἀπὸ τοῦ ἁγίου Κυρίου πενήτεας ἡ νομοθεσία*, nam conversationis Christi & legislationis recordationem continet: largiamur hæc illi, quicunque fuerit, Ignatii hoc non esse testimonium; at præter Ignatium Patres reliqui ferē omnes hoc ipsum repetunt. Basiliius, de Jejunio Hom. 1. *Ipse Dominus noster, inquit, quam pro nobis assumpsit carnem jejunio suo munivit, ἡμεῖς παρὰ δὲ αὐτοῦ, nos hoc modo erudicens, quo nosmet modo adversus Tentatoris consiliis exerceamus*. Dein S. Hieronymus non uno in loco: nam in cap. 3. Jonæ, *Venire nos dicit in hereditatem Jejunii Christi*; & in Isa. 58. *Ideo jejunasse Dominum asserit, ut nobis solennes jejuniorum dies relinqueret*; & in l. 2. adversus Jovinianum, *Istis quadraginta diebus Christianorum jejunium sanctificasse*. Quineriam & S. Ambrosius non paucioribus in locis: nam Ser. 34. *Confirmasse nobis Dominum Quadragesimam suo jejunio pronuntiat*; & Ser. 37. *Salutis nostra causā jejunium suum suscepisse, ut rem utilem non solum doceret verbis, sed etiam exemplis instrueret, quò iisdem vestigiis quibus ad fidem currimus ad abstinentiam graderemur*. Adhuc & in illa ad Vercellensem Ecclesiam Epistola, quæ libri est decimi Ep. 68. acrem interponit exhortationem contra omnes qui adversantur; *Quā causā, inquit, Christus jejunaverit astringant, nisi ut nobis exemplo esset ejus jejunium*. Cui simile est illud S. Bernardi, de Quadragesima Ser. 3. *Tantò devotius, inquit, imitandum est nobis Christi jejunantis exemplum, quāto certius est propter nos eum jejunasse, non propter seipsum*. Postremo, & S. Augustinus in Serm. 64. & 77. de Tempore, *consecratum hoc Jejunium per exemplum Christi*, non dubitat dicere.

Quocirca non est unius è Patribus hæc sententia, Legitimam & firmam esse institutionis rationem ab exemplo Christi: ut mirari satis non possum quid Scriptoribus è parte nostra Orthodoxis, iisdemque doctissimis viris, in mentem venerit, ut tam vehementer se huic imitationis documento opponerent, quod adeo est cum pietate conjunctum, adeo magnis autoribus prærostenlum, & tam leviculis, imò nullis, argumentis oppugnatum, nisi adversariis etiam in rebus probabilibus contraire pro argumento statueretur. Quid enim est quod dicunt? Non esse Miraculosa in imitationem trahenda; Non teneri nos ad Christum sequendum in Mediatoriis, quæ Officii sunt redemptorii: & quare, obsecro? Nimirum, quia semel tantum hoc Jejunium Christus observavit; at singulis annis observandum erat, si pro exemplo vellet ut nos usurpemus: Quia nostras vires longè excedit: Quia in numero uti nulla est efficacia, ita nullum imitationis fundamentum. Sed passilla sunt hæc & perinfirma, sive junctim sive separatim sumantur. De Numero non est quod agant, quia nemo uspiam est qui pietatis aliquid in numeri

Ambros. Ser. 14.
in Psal. 119.

que similitudinem configuremur. Hæc cum Moralem habent naturam, ad imitationem pertinent, & ad ea imitanda Scriptura Sacra nos vocat. De ipsa Creatione id observat S. Ambrosius, etiam in ipsa nos esse posse Dei imitatores: & *quomodo imitatores?* inquit, *Numquid calum faciendo, aut terram, aut mare?* Non utique, sed in hoc magis, sicut ille omnia per verbum fecit, ita nos nihil sine verbo; & ut ipse omnia in sapientia, sic nos omnia cum ratione, nihil sine ratione faciamus.

in Prasat.

De Miraculis Christi aliis haud aliter est statuendum: quod enim ægros verbo sanavit, quod verbo suscitavit mortuos, sunt in se Omnipotentiae opera, quorum nulla est imitatio; at habent morale aliquod annexum, quatenus sunt opera misericordiae, atque eoque & debemus & possumus imitari. Nec impedimento esse debet infirmitatis nostrae consideratio, ne sequi velimus, quia non possumus assequi: si hæc esset iusta excusatio, sequeretur in nullo fore Christum imitandum, imò nec Apostolos Christi; ad eorum enim perfectionem spes nulla est perveniendi. *Estote imitatores Dei ut filii dilecti; Estote misericordes, Estote perfecti sicut Pater vester qui est in caelo; Idem sit in vobis affectus qui fuit in Christo Jesu, Discite à me, quia mitis sum & humilis corde;* sunt singulae voces Evangelicæ Legis: num idcirco non obligant, quia ad perfectionem Dei, ad misericordiam & charitatem Christi non possumus ascendere? Absit; non quisquam est ingenii Theologici qui affirmabit. Quanquam quid Theologos dico, cum ipsi secularis literaturæ viri vel maxime refragentur? Varronis vox est, de Ling. Lat. l. 4. *Si summum gradum non attigero, tamen secundum non praterbo:* & Columellæ etiam, in de Re Rustica l. 1. *Summum culmen affectantes, satis honestè in secundo fastigio conspiciemur:* & Ciceronis etiam, in capitibus 1 & 2 de Oratore, *Si minus instructi sumus ad magna exempla assequenda, cum cursum quisque teneat quem poterit. Sequentem prima, honestum est in secundis teritiisque consistere: & in praestantibus rebus magna sunt ea quæ sunt optimis proxima.* Quod si ex Ethnicorum ore veritatis dogmata minus sapiant, audite S. Gregorium Naz. ὁ μικρὸν ἐστὶ τοῖς σπουδαίοις καὶ μεγαλὸν τῷ μεγίστῳ ἢ μάλιστα, *Non exiguam laudem probus viris affert summorum virorum vel parva imitatio.* Quocirca ut rei manifestæ finem aliquando faciamus; In Salvatoris jejunio secernendum est Morale à Miraculo; neque in hoc vestigia imitationis nostræ ponimus, sed in illo. Imitamur eum ut Discipuli Magistrum, ut Servi Dominum, ut Homines Deum, non perfecte, sed pro modulo nostro. Imitamur, inquam, sed, ut Isidorus optimè, ἐκ μιᾶς, ἀλλ' ἐκ μέγας, *non secundum amplitudinem suam, sed secundum facultatem nostram;* non ad æqualitatem, aut in totum, sed ex parte, & pro posse nostro. Ad extremum, imitari desideramus, quamvis sit ἀπὸ τοῦ κατὰ δύναμιν, ut Theoph. loquitur; & sequi, quamvis non vestigiis paribus, ἀλλὰ κατὰ δύναμιν, ut inquit de hoc Jejunio Nazianzenus, Or. 40. secundum virium nostrarum mediocritatem, procul & à longinquo.

Pelusi. l. 2. Ep.
175. & lib. 3.
Ep. 167.

Theoph. in
Joan. 13.

Chryf. Or. 52.
10. 5.

His ita se habentibus, non video cur non sit pro legitima institutionis Causa hæc Salvatoris Imitatio æstimanda. Et poterant quidem plura dici, verum, ut Chryfost. loquitur, τοῖς βέλτεροις καὶ ταῖς εὐρημέτοις ἀρκεῖ τοῖς δὲ κατὰ δύναμιν, ὅσοι εἰς πλείονα τῶν πρὸς δεξιὰς, ἢ πρὸς ἀριστεράς, ἴσως ἢ πλείον, *his qui attenti & prudentes fuerint, ea quæ jam sunt dicta sufficiunt; minus attentis autem, neque si plura dicantur quicquam proderit.* Igitur de Institutionis Causis hæc tenent: De Corruptelis in posterum.

LECTIO XXVI.

DE legitimis Quadragesimæ Causis Finibusque expleta est pars nuperrima instituti nostri: ut in Abusu & Corruptelis, velut in parte infima & sæcibus propria, jam tandem terminetur longa hæc, sed non intempestiva, de Jejunio disputatio; & eò profectò magis, quia non est ingenii liberalis usque adeò deperire institutionem, quantumvis optimam, ut ipsius etiam vitia complectatur. De depravatis hominum moribus Scriptura Sacra nos cohortatur, ut segregemus pretiosum à vili; & cum personâ pacem habeamus, cum vitio bellum. Quod pulchre est à S. Augustino contra Petilianum explicatum, *Sic diligere nos oportere creaturam, ut odio habeamus nequitiam; sicque homines amplecti, ut errores eorum interficiamus*: et adhuc pulchrius à B. Gregorio, in illa ad Venantium Epistola, *Sic culpam tuam insequor, ut te diligam; sic personam tuam diligo, ut vitia non amplectar*. De corruptelis vitiisque rerum haud aliter est existimandum: quandoquidem vix ulla sit humana institutio quæ ex contactu temporum sordes aliquas maculâsque non contrahat, sapientis non pars est minima rebus ipsis sic adhærere, ut discedat à vitiis; quò possit esse institutionis susceptor, repudiator turpitudinis; & pacem inire cum rebus, cum corruptelis pugnam. Alioqui futurum est, ut aut cum bono id quod malum est deglutiat, aut propter adhærere malum ipsum quoque bonum amoliat: quorum utrûmque à pietatis regula abhorret; cum nihil sit in rebus omnibus tam innoxium quod in diversum traduci nequeat vitio malè utentium. *Multum autem interest inter causam & culpam, inter statum & excessum, inter corruptelam & integritatem, inter institutionem & interpolationem*, ut scitè Tertullianus. His ità positis, quoniam de honore debito & casta observatione Quadragesimalis Jejunii satis multa diximus, ad Abusum ejus & Corruptelas nos paulisper vertamus: ut in hoc Antiquitatis ritu depravando artes malas Pontificiorum videamus, qui & ex parte altera disciplinæ hujus se solos patronos, sed falsò, jactant; & ex altera etiam, nos abstinentiæ inimicos, voraces atque ventricolas, eâdem fide, magni jejunatores accusant, ut vix sit quisquam eorum, ubi semel vel fortuito in Jejunii nomen incurrerit, qui non exoneret in nos bilem suam, de contemptu Quadragesimæ & de neglectu Jejunii. Enimvero si ea quæ exprobrant vera essent, hostes nos esse Jejunii, carnis mancipia, homines luxuriosos & crapulæ deditos, (quæ tamen falsissimè & immodestissimè dici non doctrina solum nostra probat, sed vita) at meminisse oportuit, innocentes debere esse qui alios accusant. *Neque enim ferendus est oburgator, dicente Tullio, qui dum mores aliorum corrigit, ipse ab officii religione declinat; quique quod in altero vitium reprehendit, in eo ipsoprehenditur*. Quòd si in seiplos oculorum aciem aliquando converterent, vix credo à seipsis se infontes posse pronuntiare, iudices sui factos; sive mores intueantur suos, sive dogmata. Quocirca nè gratis hæc dicta videantur, nè major sit querela quàm crimen, aut objectionum nostrarum invidia quàm ipsorum culpa facinorum, idcirco ad hæc duo capita quuscunque generis Corruptelas revocabo; ad Corruptelas Quadragesimæ quæ in Praxi, & ad eas quæ in Doctrina eorum versantur. Et quia turpe est homini, ea crimina quæ cuiquam verbo objectaverit reipsa demonstrare non posse, proinde nihil adferam non cognitum, nihil quod non

Seneca.

l. i. c. 29. & in
Psal. 139.Greg. l. i.
Ep. 33.Tertul. Advers.
Marc. l. i. c. 29.
& De Spectac.
c. 2.Cic. Or. 3. in
Perrem, & De
Orat. 2.Æschines in
Ctesiphontem.

sit aut ratione aut testibus idoneis stabilitum; ut non rumoribus aut suspitionibus, sed veritate ipsâ hæc disceptatio nitatur.

lib. 2. Ep. 218.
Sen. l. 9. Cont. 4.

Quod ad Praxin & mores eorum spectat, ut possit & brevius fieri & nervosius, non alios testes producam quàm suos ipsorum autores; *στην γὰρ ἑστὶν ἡ ἀρετὴ τῶν ἰερέων κατὰ φύσιν*, ut Pelusiota loquitur; *Grave est testimonium atque auctoritate plenum quod à reo surgit, & ab hostibus sumitur.* Ipsos igitur audiamus Pontificios, Cassandrum, Lindanum, Perefium; namque tres istos reperio, qui paulò altius jejunantium mores refecare & reprehendere non dubitabant. Inprimis ex Cassandro patet, qui breviter, sed apertè, absum hunc perstringit, in defensione libelli De Officio pii viri: verba hæc sunt; *Totius ferè Quadragesima Jejunium in abstinentiam tantum carnium est conversum; quæ tamen abstinentia inanem tantum veri jejunii umbram retinet, cum apud plerosque deliciarum commutationem & majorem luxus profusionem, quàm corporis lascivi refranationem ullam, habeat.* Hæc ille. Deinde, & Gul. Lindanus multò acerbius, in Panopliæ lib. 3. c. 11. *Jejunia nostra, inquit, veteribus Christianis omnino fuisse non modo incognita, sed & intolerabilia, adeoque abominanda, pio omnibus vetera cogitantibus, arbitramur notius quàm ut ea de re ulla sint verba profundenda: nam & vini copiam natant, abundantiaque redundant, & piscium varietate carnum superant delicias; ut quasi cum Deo ludere videantur, dum olei flammæ, vini æstum, omnisque aromatum generis ignes, belluoni infarciant stomacho, & quæ sequuntur. Denique eo tandem nostra indulgentia prolapsa est, ut extremam tantum jejunii prisci umbram apud plerosque videamus in Ecclesia Catholica reliquam; ut vestigia tantum investigare possis, non item vera jejunia agnoscere.* Hactenus Lindanus. Postremò, neque à Perefio ipso hæc ipsorum licentia est prætermissa, sed graphicè depicta, in parte tertia libri de Traditionibus, Confid. 26. Est locus satis amplius, verum quia ad instar omnium pro præsentiistituto esse potest, non gravabor eum integrum describere. Sicigitur habet; *Pudet, inquit, me loqui de hac virtute sacrosancta, quæ nomine tenus hodie in Ecclesia observatur: nam neque apud eos solum qui Jejuniorum præscriptiones damnant, sed neque apud nos qui merito eas defendimus, in usu sunt sancta Jejunia, nisi tantum secundum quandam externam ceremoniam. Putamus enim nos jejunare, si semel in die usque ad ingluviem prandium faciamus, probè poti & melius pasti, sumentes cibos non pro naturæ sustentatione, aut unius diei duntaxat, sed in tanta quantitate ut vel Miloni olim pro tribus diebus sufficere potuisset. Taceo qualitatem & differentiam cibariorum & condimentorum; jam enim neque mare, neque terra, neque aer, neque salsamentarii sufficiunt gula nostra. Et utcumque tolerabile esset, si hac ingluvie contagio solos Laicos comprehenderet, & non potius multos nostri ordinis Sacerdotes, Religiosos, & Prælatos Ecclesia pervaderet; quos video huic rei tantum invigilare, ut potius ad ventris voracitatem natos esse dixeris, quàm ad imitandum Apostolicam modestiam, in fraudem pauperum, & destructionem castitatis, quæ cum sanctis jejuniiis terrâ videtur reliquisse. Quid enim expectabitur à ventre micro piscibus variisq; aliis cibariis & irritatoriis pulmentis distento, nisi ut statim in libidinem desumpet, & in motus illicitos prorumpat? ut verè in nos quadret illud Isaya, In die jejunii vestri invenitur voluntas vestra: imò & gula & luxuria nostra. Est enim nulla in Ecclesia institutio aut magis laudata, aut minùs servata: tanta est carnis nostra licentia & morum dissolutio. Huc usque Perefius. En tibi mores! en tibi homines Papiſtas! dignos homines qui nostris hominibus opprobrent jejunia; dignos mores qui nostris insultent moribus: ut mirum jam sit nisi pro juniorum patronis habeantur, qui suo ipsorum judicio in delicias, imò in ingluviem & voracitatem, abstinentiam verterunt; qui suo ipsorum*

judicio Jejunia intolerabilia luxu suo fecerunt & piis omnibus abominanda; adeoque à disciplina veteri aliena, ut extremam tantum umbram & nomen inane retineant. Hæc omnia, non nobis dicentibus, sed suæ sectæ & Ordinis gravissimis viris: *Equidem incorruptum necesse est ut sit testimonium quod, ut Tertullianus loquitur, ex amulis sumitur, ut non amulis proficit.* Neque est quod nobis in hac parte irascantur, quia non à nobis nata est hæc accusatio, sed à seipsis & à conscientia sua, quæ satis nôrit hæc non esse commenta aut fabulas. Etenim ut Jejuniorum ritus mittamus paulisper, vix quisquam est qui præterea nescire queat aut Bacchanalia quæ indè à Natalibus ad initium Quadragesimæ ab iis celebrantur, aut in trium Regum vigilia immanem eorum licentiam, aut tribus primis Quinquagesimæ diebus solennem & publicam insaniam, aut aliorum Festorum circumcursationes plusquam Ethnicas, de quibus in Fastis Mantuanus conqueritur, Romanorum Lupercalia tantum non fuisse sanctiora, levemque fore dementia ad mores suos. Verum de his abunde, cum hoc sit apud omnes in confesso, egregie depravatam esse institutionem quæ in contrarium abiit; atque plus nimio degenerasse, cujus sola umbra atque nomen relictum est: etenim *nomen sine actu & officio suo nihil est, ut Salvianus loquitur.* De Anim. c. 2.

Ad alterius generis corruptelas accedo, quas non tam ad mores quam ad doctrinam eorum referendas esse dixi; adeoque & hoc ipso deteriores alteris, quia morum depravatio plerumque ex vitio hominum nascitur, ac si corrumpantur dogmata, in res ipsas quæ morum sunt regula virus suum labemque effundunt: & in corruptis moribus servari potest institutionis integritas, dummodo doctrina sincera maneat & illibata; ac si doctrina coinquinata fuerit, in perniciem ire omnia necesse est, subversis fundamentis. Ut igitur in compendio dicam, trita sunt quæ in ipsos intendimus crimina quantum ad Dogmaticam suam de observatione Quadragesimæ sententiam, Læstæ pietatis, Læstæ conscientiæ, Læstæ institutionis, vel, si vultis strictius, Crimen Arrogantiæ, crimen Tyrannidis, crimen Simulationis. Hæc tria sunt crimina, prout tres sunt respectus ad quos revocare possumus ciborum delectum, ad Cultum, ad Conscientiam, ad Jejuniū.

Ordiamur à primo, quod Pietatis læsionem appellavi, sive Crimen Arrogantiæ, eò quod insanā opinione inflati, attollunt & supra humanum modulum, & de Jejuniis suis sublimia quædam prædicant quæ in ea quadrare non possunt; dum & in Delectu ciborum Sanctitatem & Cultum, & in sua à carnibus Abstinencia Expiationem peccatorum, & meritum salutis inesse arbitrantur: quorum istud eorum superbiam prodit, illud ignorantiam & cæcitatem. In utroque crimen est, eoque majus, quia pro utroque pugnant acriter, ut & cibis sanctitatem vendicent, & sibi meritum. Et quod, obsecro, meritum? non vulgare aliquod, sed meritum nescio cujus extraordinariæ perfectionis, quod *gratiarum cumulum secum trahat & Paradisi portas aperiat, ut loquuntur.* Vox est unanimis omnium, Valentiani, Bellarmini, reliquorum. Quid loca proferrem? Notus est Bellarmini locus, c. 11. l. 2. De bonis operibus in particulari, *Jejunium est utile ad satisfaciendum Deo; Jejunium est utile ad merendum temporalia & aterna.* Notus & Alensis locus alter; parte 4. qu. 28. *Jejunium, sive injunctum sive assumptum, est pro peccatis satisfactorium.* Quid quod & idem à Thoma statuitur, in 2.2. q. 147. & à P. Soto etiam, sed magis expressè, contra sententiam nostram: *Negare Jejunium esse opus quo mereamur aternam vitam & satisfacimus pro peccatis, error est apertissimus.* Hanc nos Jejunii maculam ejusmodi esse existimamus quæ major quæ possit nulla, quia & Divinis literis est verbum contrarium, & Divinæ gratiæ benignitati adversum, & Divinis Christi meritis

con-

contumeliosum, & rationi etiam rectæ repugnans; eò quòd habere possunt nullam qualiacunque hominum Jejunia vel ad futuram gloriam proportionem meritoriam, vel ad peccata præterita satisfactoriam, non si ad unum magnum omnia quot ubique fuere Jejunia redigerentur. Imò verò, si in aliis operibus bonis fas esset meritum aut satisfactionem obrendere, at in Jejunio tamen nequaquam liceret. Non in Jejunio, quia non est in se res moraliter bona, sicut suprà monui, nisi quatenus ad aliud bonum refertur seipso melius, Orationem scilicet aut Pœnitentiam, habetque in choro virtutum, dicente Chrysostomo, locum ultimum. Non in Jejunio, quia ad hoc institutum est ut humiliationis nostræ sit testimonium. Ergò si omnem typhum majestas Divina execratur in quocunque negotio, illum multò magis qui cum ipso submissionis actu est conjuncta Superbia. Ergò S. audiant Chrysostomum; ὑπὸ κρείσσει ἐστὶ δυνάμις, ὑπὸ κρείσσει καὶ ὑπερβολῇ, h. e. hypocrisis transiscens & duplicata, pessimumque superbiæ genus, si ex Jejuniis animus intumescat: quia ad hoc constituta sunt Jejunia, ut fieret peccati labefactio, non pro peccatis satisfactio; ut carnis sequeretur subjugatio, non elatio mentis; ut veram testarentur submissionem animi, non ut eum superbiâ inflarent, quia simulata submitio est duplex elatio.

Chryf. Hom. 21.
in Matth.

Veruntamen hæc non est sola Pietatis læsæ ratio, quæd in Jejuniis suis de Merito gloriantur; succedit & alia, quæ in Superstitione prominet, quòd opinionem Cultûs, & Religionis, & Sanctitatis, & Justitiæ in ciborum delectu & his rebus externis collocent, & per hoc proximè accedunt ad Tationos, Manichæos, Priscillianistas, Encratitas, Montanistas, Cataphryges, qui pro ciborum discrimine singuli pugnabant, sed diverso modo: nam Ebionitæ, Encratitæ & Manichæi, naturam ipsam quorundam ciborum damna- bant, simul & in Deum blasphemi, & in creaturas contumeliosi; Montanistæ & Cataphryges subtiliùs, cum damnare naturam non ausi sint, usum circumciderunt: atque hi quidem abstinentiæ causâ id fecerunt, illi timoris, quia maledictos cibos putabant, & minùs sanctos, imò impuros, & per se malos. Ergò eligant sibi Pontificii utriusvis mallent esse imitatores; Manichæorum, qui naturam damna- bant, an Montanistarum, qui usum. Verum est, quòd τὸ ἵππεον & in terminis affirmare nolunt cum Manichæis, sanctiores cibos aliis alios esse secundum suam naturam, sed solùm secundum concomitantiam & circumstantias. Sed non est sufficiens excusatio, quippe quòd suorum Theologorum plurimi, cum rationem asserre volunt cur carnem tangere non liceat tempore Quadragesimæ, pisces liceat deglutire, prætendunt terram à Deo maledictam, & per consequens animalia terrestria; aquam autem cum piscibus non fuisse maledicto subiectam: porro & Salvatorem piscibus vesci solitum, non carnibus. Quibus argumentis ostendunt se opinari, Pisces per se esse sanctiores & mundiores carnibus. Imò & has ipsas ratiocinationes Bellarminus ipse quamvis non existimet solida fore argumenta, at rationes topicas vocat & congruentias. Addo, si Congruentias, certè audaces & periculosas, si vel per concomitantiam solam quibusdam cibis sanctitatem inesse dicatur; cum res sit spiritualis Sanctitas, à Spiritu Sancto accensa in corde humano, Ciborum autem usus non nisi ad corporalem sustentationem pertinet.

Porro & illud etiam repugnat, Quia si in his observationibus esset opus immediatum Divini cultûs positum, sequeretur, non modò diverso, sed contrario planè modo coli posse Deum, pro hominum arbitrio, quia hæc humana ὁρμήματα non modò diversa sunt, sed quandoque, pro locorum & temporum differentia, inter se pugnantia. At si per se pertinerent ad cultum Dei, non posset esse in illis aliqua discrepantia; non posset, pro locorum diversi-

tate

tate, alios obligare, alios non obligare; sed eadem essent apud omnes, & omnes ex æquo obligarent. Est enim verissima illa Parisiensis regula, *De Fide* c. 2. *Non est debitus Deo cultus qui à quocunque qui idoneus est ad ipsum colendam potest eidem absque injuria denegari: una enim & communis est religio quæ Deus colitur, ei que placetur & servitur ab omnibus.* Huc pertinet & illa altera S. Augustini regula, in l. 1. De consensu Evangel. c. 18. *Deum sic oportet colere, quomodo ipse se colendum præcepit; ex ista nos docentis, id solum immediatè & propriè ad religionem & cultum Dei spectare quod habet testimonium voluntatis Divinæ.* Quod ipsum movit Apostolum ut curam magis haberet de huic superstitioni occurrendo, *Esca nos non commendat Deo,* 1 Cor. 8. 8. *Non est regnum Dei esca aut potus, sed justitia & pax,* Rom. 14. Imò & Christus ipse, Matth. 15. 12. *Non quod ingreditur in os polluit hominem; & rationem reddit, vers. 17. Nondum intelligitis, quod quicquid in os intrat in ventrem vadit, & in secessum ejicitur?* Hoc Christus contra Phariseos, qui tamen non erant Manichæi vel Encratitæ; non enim ignorabant omnia quæ Deus creavit esse bona, nec verò ullos cibos naturâ malos esse arbitrabantur: & tamen Christus eorum superstitionem, Papisticâ longè leviolem, reprehendit, atque hac ipsa de causâ, quia non polluit hominem quod in os intrat, sed in ventrem vadit, & in secessum ejicitur. Quasi dixisset, Sanctitatem aut justitiam in his rebus terrenis & corruptibilibus quærere ineptum est; sunt enim hujusmodi omnia in se nec bona nec mala, sed perinde sunt hominibus atque animi sunt illorum qui illis utuntur. Qui igitur se servire Deo putat in eo quoddà à quibusdam cibis abstinere, seipsum fallit, quia ventri saturando sunt destinati, non animo sanctificando. Quod pulchre est à S. Prospero annotatum, De Vita contemplativa cap. 10. *Jejunia, abstinentia, & cetera hujusmodi, non pro justitia, sed cum justitia sunt Deo exhibenda:* ac si dixisset, Quicquid in iis laude est dignum, id totum pendet non ex rerum ipsarum natura, neque ex ipso opere aut actione, sed ex animo facientis, & ex fine utilit ad quem istæ observationes referuntur. Quoddà si in jejunio ipso atque in abstinentia simplici non sit justitia, multò minùs in abstinentia illa electiva, quâ ab hoc aut illo tantùm ciborum genere abstinemus; quod Papistis est solenne, cum tamen in alios cibos involent, idque fortasse non accuratâ moderatione adhibita. Est igitur in utroque æquitas expostulationis, ut cum illis humaniter queramur & de Jejunii merito, & de ficta delectûs sanctitate: quorum in utroque crimen est; in illo Arrogantiæ, in hoc affectatæ Inscitiæ: utroque Pietas læditur; ex illo, quia est contra honorem justificantis gratiæ, ex hoc, quia est contra legem sanctificantis. De prima Criminis postulatione satis, quæ est de Læsa Pietate; in quantum ad Cultum Divinum delectus ciborum referatur.

Ad postulationem secundam accedamus, quæ est de Crimine Læse Conscientiæ, eò quoddà Decretis suis de Ciborum delectu exitiales animabus laqueos nectunt, & in labyrinthos inextricabiles ducunt, dum rigidam & exactam ciborum observationem exigunt, intentatâ mortalis culpæ pœnâ; multosque, ut Cassander loquitur, hâc superstitione implicatos, in summa incommoda atque pericula & corporis & animi conjecerunt. De his necessarium est ut contra ipsos Actionem instituamus, quia est communis sensus polemica partis Theologorum omnium, simul & Canonici Juris interpretum, paucis quibusdam exceptis utriusque sortis, *Obligari fideles in conscientia, idque per se & directè, ad Ecclesiâ quacunque Jejunia observanda, sub mortali peccato; & violationem cujusunque Jejunii lethali- ter sancire animam; & meram omissionem peccatum esse mortale, idque*

Defens. lib. De officio pii viri.

ex suo genere, non interveniente contemptu aut scandalo: atque peccare hominem mortaliter, tametsi cetera servet, si solo esu carniū Jejunium violet; imò vel ovorum esu aut lacticiniorum, si fiat in Quadragesima. Quando hæc fulmina vibrant, quis eos non videt Tyrannidis scelere arguendos: dum has pœnas, has leges imponunt populo; dum his minutis conscientias eorum onerant, tanquam rebus ad salutem per se necessariis; dum, hoc servitutis iugo implicant, ut reatus sit damnabilis & ignis æterni indebitatio vel tantillum omittere; imò &, quod pejus adhuc, Tyrannidis modus nullus est, nulla modestia, namque onerum numerus est inexputabilis, vixque ullis limitibus descriptus, singulisque tam sunt perplexi laquei, tam potentes scrupuli conscientiae, ut nihil suprâ possit excogitari quo grave-
tur. Quapropter quod de Pseudoapostolis S. Paulus testatur, Col. 2. 21. Solenne iis fuisse oneribus onera annectere, eaque post gravia graviora, *Nè esitâris, nè gustâris, nè contrictâris*; quòdque de Phariseis Dominus noster pronuntiat, Matth. 23. 4. *Alligant onera gravia & importabilia, & imponunt in humeros hominum*: hoc ipsum de Phariseorum posthumis, Pontificiis, affirmare non est quòd vereamur, Tyrannidis in conscientias nullum esse finem, pudorem nullum, quia semper ad duriora imponenda progrediuntur, &, ut scitè Calvinus, *Initio stringunt, ut successu temporis strangulent*. Nam esum primò prohibent aliquotum ciborum, *Nè esitâris*; hæc prima vox est, *Nè comedas, quantumvis tenuiter*: hoc si obtinuerint, tum vel degustare vetant, *Nè gustâris*; hoc est, nè ori admoveas hunc vel illum cibum, etiam si nihil inde deglutia: quòd si hic non resisteris, vel tangere postremò verabunt, *Nè atrectâris*; i. e. nè vel extremum digitum ei admoveas, licèt absit omnis gustandi cupiditas. Hæc solet esse tyrannidis gradatio: simul c conscientias illaqueaverit, vix uspiam intermittit, verùm semper progreditur ad strictiora, donec ad Divini Juris normam humana perduxerit, & ad necessitatis legem indifferentia, & ad damnationis reatum quæ dici solent *venialia*, & ad conscientiae internecionem quæ pietas ad salutem ejus indixit Jejunia: ut si jam ea Pontificiorum modulo metiamur, non esse amplius disciplinam animæ dicendum est, sed carnificinam; nec adjutorium pietatis, sed præcipitium. Sed supereffe video quod regerant, Non esse has Jejuniorum leges, quamvis strictissimas, adèò funestas animis hominum, nequè adèò sub hoc reatu exitiales, quia Dispensationum portæ patent quibus à rigore legis eximantur qui non sunt observando, concessâ illis facultate ac licentiâ. Leve hoc est & nugatorium. Nam primò, si hoc supponatur, quod maxime cupiunt, *Fuisse ab Apostolis institutum Quadragesimale Jejunium*, tum Dispensationis nullus est aditus, quia nè Papam quidem ipsum in Apostolicis dispensare posse è Doctoribus saniores tenent: & si modò posset, at impender nihilominus innumerorum hominum conscientias æternæ damnationis laqueus, quia quamplurimi sunt quos præcludi necesse est à Facultate aliqua obtinenda, alios locorum intervallis, alios paupertatis injuriâ. Annon ergò magis ad rem Christianorum conduceret, ut de sententia sua etiam & de decretis laxaretur aliquid, quàm ut tot animarum millia in re media in inevitabile discrimen incurrerent æternæ damnationis? Huc accedit, quòd sunt è suis aliqui quibuscum in hac parte dispensari non potest; quod in Monachis Carthusianis videre est, qui carnes nè gustare quidem audent, flagitante licèt corporis infirmitate. In Dispensationibus igitur aut quàm exiguum est, aut saltem non universale adjumentum. Utcunque fuerit, hoc non est illud quod querimus, nec tam Dispensationum facultatem quàm jus potestatis impugnamus. Hoc iterum atque iterum interquemus, Con-
stitutiones

flituciones merè humanas primariò, & directè, & per se Conscientiam non obstringere, ut semel positas omittere nemo possit illasà Conscientià: & ratio est, Quia sicut anima in loco corporeo non est per se, sed solum per accidens, ratione corporis cui est adjuncta; ità nec Conscientia fori humani est per se, sed per accidens, quatenus homo externus, cui illa conjuncta est, ad forum externum propriè & per se pertinet. Potest Ecclesia, possunt Christiani Magistratus de Ciborum delectu decernere, possunt abstinentià à certis carnibus certis temporibus mandare: verum sub æternæ damnationis Ætñà graviore onere, neque solent, neque debent, neq; possunt ulla de rebus mediis Constitutiones conscribere; aut directè de Conscientia, sed solum de locomotiva judicare. Statuuntur igitur leges ejusmodi à potestate legitima, at non sub simplicis necessitatis jugo, sed externi ordinis causà & utilitatis communis; statuuntur, inquam, non ut timidis & percussis conscientiis injiciantur laquei, sed ut tardis & cessantibus sint tanquam calcaria & stimuli, quibus ad Temperantiæ & Abstinentiæ regulas observandas excitentur, statuuntur denique, idque eo fine, ut iis obedientes simus, atque haret culpa nisi quoad fieri possit obtemperemus. At verò si quandoque contingat ut violentur ejusmodi observationes ex inadvertentia quadam, hoc est, ex animo negligenti aut incircumspecto, contemptu nullo adhibito, nullo scandalo dato, absit ut quis dicat ipsà actus omissione animam maculari, aut reatu lethali constringi; quia istarum rerum natura ejusmodi non est ut ad animam perringat vel sanctificandam, vel maculandam: neque alia mens est aut voluntas statuentis, nisi ut pro posse suo ad obsequium se quisque vertat, nè cum contemptu aut scandalo hujusmodi Statutis contraveniat; non sic vult obligari Conscientiam, ut si quis casu, aut infirmitate, aut quacunque causà rationabili contrà fecerit, statim Divinæ Legis violator habeatur. In promptu est ratio, à Gabriele Biel quàm appositè reddita, *Quia ejusmodi precepta de ciborum delectu verumque quarundam abstinentiis non sunt de iis quæ per se sunt de necessitate salutis, sicut precepta Divina, quæ per se mala prohibent, id est, vitia propriè dicta, & per se bona præcipiunt, nimirum actus virtutum: verum sunt de iis quæ ad virtutes ordinantur, h. e. de iis quæ nec per se & in quolibet casu sunt bona, sed quandoque possunt esse mala, nec per se & in omni casu sunt mala, sed in casu possunt esse bona; & ideo non est nec debet esse intentio Legislatoris, ut semper observentur.* Hæc ille. Quòd verò illud S. Pauli opponunt ad Rom. 13. Subjectionem & obsequium à nobis requiri propter conscientiam; non video quid adjumenti ex eo lucentur: neque enim ullo modo sequitur, ut ea omnia obligent conscientiam quibus obedientia debetur propter conscientiam, quia aliud est leges obligare conscientiam, aliud deberi legibus obedientiam propter conscientià; sicut aliud est Regi exhiberi obedientiam tanquàm Regi, aliud Præfecto aut Deputato propter Regem: nam qui exhibet tanquàm Regi, is agnoscit ejus esse propriam autoritatè regiam; at qui propter Regem, agnoscit potestatem delegatam, & alienà autoritate fretam. Ad eandem rationem, quæ leges Conscientiam obligant, eæ sunt quarum imperium propriè & per se est in ipsam Conscientiam, videlicet Divinæ: sed quæ observantur propter Conscientiam, eæ nituntur alienà autoritate, id est, alterius cuiuspiam legis obligantis Conscientiam, habent enim Magistratus Politici obsequium propter Conscientiam, at non directè imperium in Conscientiam. Hoc ipsum est quod Erasmus & Gersonius, aliique sanioris judicii Romanenses, suis singuli temporibus, palàm profiteri non dubitabant: *Parendum esse ejusmodi Decretis etiam propter Conscientiam, verum non habito ad res ipsas respectu, sed ad auctoritatem præcipientis, atque contemni non posse eas*

Gerf. par. 3. De
Vita Spir. anim.
lect. 4.

aut pertinaciter violari, illasâ conscientiâ: attamen nihil capitalis periculi afferre omissionem transgressoribus, si absit animus impius aut consentiens. Habetur Erasmi sententia in Tract. De amabili Ecclesiæ Concordiâ; Qui piscium, inquit, esu periclitantur, aut jejuniis aliquo vel valetudinem corporis vel vigorem animi ladi sentiunt, hos nequaquam obligat Ecclesiæ Constitutio. Ejusdem generis Gersonii sunt quamplurima, in quibus de hac Tyrannide Prælatorum Pontificiorum passim conqueritur; Nulla lex ferenda est, inquit, tanquam necessaria ad salutem æternam, qua non est de Fure Divino in aliquo gradu: & denuo, Abutuntur potestate suâ, qui quisquid ordinant, volunt id robur habere per obligationem ad penam æternam: & adhuc tertio, Legislator non potest condere legem cum adjunctione pænæ quam non potest infligere; puta poenam æternam, quæ mortali debetur peccato: adhuc quarto, in Reg. Mor. Ad Ecclesiæ Jejunia nemo cum notabili gravamine sui corporis obligatur, secluso scandalo. Postremo, nec pauciora id genus occurrunt apud Aquinatem, cujus hæc sparsim Conclusiones reperiuntur. Mandata hæc magis obligant ex intentione Legislatoris quam ex ipsis verbis. Cessante ratione legis, cessat obligatio. Rationabili causâ posita, ratio legis cessat; & si ea causa in lege non exprimitur, præsumitur tamen. Si causa sit rationalis, non est habendus transgressor qui eam non servat. Si inveniatur in aliquo specialis causa qua observantia repugnet, non intendit talem legislator ad observationem obligare. Nec revera hoc aliud est quàm quod ipsi Patres ubique contendunt, Removendum esse rigorem ab Abstinentiæ Legibus, quia

*Laxus ac liber modus abstinenti
Ponitur cunctis, neq; nos severus
Terror impellit, sua quemque cogit
Velle potestas,*

ut Prudentius loquitur; Cathemer. Hymn. post Jejun. Atque hoc S. Augustinus communè fuisse Ecclesiasticam omnium consuetudinem ostendit, 1. De moribus Eccles. Cathol. cap. 33. Nemo urgetur in aspera quæ ferre non potest, nec ulli id quod recusat imponitur. Nec non & Sanctus Prosper, De Vita contemp. lib. 3, cap. 19. Miserum est alios de cibi vel potus perceptione damnare, aut nobis arrogare per Abstinentiam sanctitatem: & lib. 2, cap. 24. Sic jejunare debemus, ut non nos jejunandi necessitati subdamus: ne jam non devoti, sed inviti rem voluntariam faciamus.

Quid pluribus opus est in re tam Patribus in confesso, tam rationi consentanea? Quid si dolori medelam afferre possem differendo, aut miseram plebeculam suo gravamine sublevare, usque ad diem proximum libenter traherem disputationem. Verùm quia in nobis non est facultas medendi, ad officii rationem hoc sufficiat, quòd morbum & corruptelam indicavimus: quæ quidem eò major est, quia sub Sanctitatis prætextu Tyrannidem hanc exercent; dùmque sibi ex Jejunio meritum arrogant, quæ criminis erat intentatio prima, ea populo loqueros necant, & animabus crucem, quæ pars est postulationis secunda, à respectu secundo desumpta, quem habet Ciborum delectus ad Conscientiam.

Superest adhuc tertia, quam dixi Crimen Læxæ Institutionis, in qua hoc mecum discutiendum constitui, An possit hic delectus, prout exercent Pontifici, cum Jejunii natura consistere, annon magis eam tollit ac destruat. Sed præcepta est mihi hæc causa & temporis angustiis & argumenti copiâ; atque video illud verum esse Minuæ in Octavio, Magna viatico breve iter non instruitur, sed avertitur. Ergò de Crimine Læxæ Institutionis agendum est in posterum, si Deus concefferit.

LECTIO

LECTIO XXVII.

DE libris suis Acroamaticis tritum est quod dixit Aristoteles, Eos esse *ἐκδιδόμους, καὶ μὴ ἐκδιδόμενους*, & *reipsa editos, & quasi non editos*, quia non erant ex omni parte perpoliti, sed deerant nonnulla, sicut ipse existimavit, ad totius operis perfectionem. Ad nostram hanc de Jejunio disputationem accommodari rectius posse non est quod ambigam, fuisse eam & in toto parum perfectam, quia dilutam, & ex parte etiam minus adhuc perfectam, quia mancam, necdum ad exitum perductam. Quod si illud Senecæ verum sit, *Quicquid non est peractum, pro non inchoato reputandum esse*: vereor ne vobis videar non modo non perfecisse, sed nec incepisse hoc argumentum, quia deest aliquid, idque nondum editum, quod antecessa consummet. Quocirca ut antea transcant, in quibus de Origine & legitimis Causis, Finibusque etiam & casta observatione Quadagesimalis Jejunii est disputatum; ad unum illud quod superest nunc accedendum, ut Abusus & Corruptelæ aliquas perscrutemur. Aliquis dixi, dies enim deficeret si omnes perstringerem; etiam & patientia vestra, si actum agerem, crebræque rerum earundem repetitione decursum tramitem renovarem. Porro nec sunt ejusdem ordinis Corruptelæ singulæ quibus hanc virginem vitiantur Pontificii. Sunt quædam quæ detorquent aliud simplicitatem Jejunii, dum de Jejunii suis sublimia quædam prædicant, iisque & meritum salutis, & pro peccatis satisfactionem inesse arbitrantur. Sunt aliæ quibus necunt jejunantium animabus laqueos, dum latoriam nescio quam ciborum observationem eâ severitate exigunt, ut si quis casu, aut infirmitate, aut quacunque causâ rationabili prætermiserit, statim lethali reatu constringitur, velut Divinæ Legis violator. Postremo, sunt insuper aliæ quibus ipsam Jejunii naturam destruunt, dum eam in solo ciborum delectu constituunt, novumque genus Abstinentiæ effingunt, quæ neque est à toto, nec à tanto, sed solummodo à tali; atque illa non ad diei terminos extensa, sed horularum aliquot brevissimis cancellis coarctata, neque hoc breviculum absque permisso intermediæ refectiois. Hæc tria sunt actionis nostræ in Pontificios capita, quorum quia quæ duo sunt priora superius eventilavimus, ad tertium, quod solum est reliquum, nos nunc oportet ut convertamus. Quanquam quid dixi Convertamus? non enim video, si quod res est fatear, quod me primum convertam, eò quod non una est hujus corruptelæ species, sed latè patens malum est multiplexque aberratio, non solum in iis quæ agunt, verum in iis quæ docent atque præscribunt ut ab aliis agantur. Percurrit qui velit authores qui hunc locum tractant penè innumeros, evolvat scripta, regulas & documenta quæ tradunt excutiat, scrupulorum solutiones perpendat, mentior si quicquam reperiat quod sanum solidumque vir sobrius dixerit; adedò multipliciter peccant contra omnes Jejunii leges, contra ipsam, quod caput est omnium, Definitionem.

Inprimis, lex una est Jejunii, Ut nihil prorsus comedatur nec bibatur durante tempore Jejunii; quod à notatione nominis Bellarminus observavit, *μηδὲ φάγειν, καὶ μηδὲ πόειν*, à non edendo: atque id ipsum Sacre Litteræ confirmant, Jonæ 3. *Non gustent quicquam, nec pascantur*,

& aquam non bibant. Ex quo apertè concluditur, Jejunii legem primam in non manducando positam esse, aded ut comestio omnis solvat, nisi in iis quorum infirmitas excusationis rationem habet, & in iis ad necessitatem debet esse, non ad luxum. Ad hoc quid Pontificii? *Abstinentia non est de natura Jejunii Ecclesiastici; Cibus non solvit, nisi sit ex genere prohibitorum; Refectiuncula est licita, etiamsi non sit infirmitas aut indigentia,* Azorius.

Lex altera est, Ut quisque in persona propria affligat animam suam: Lev. 16. 31. & 23. 29. *Affligetis animas vestras religione perpetuâ; Omnis anima quæ non afflicta fuerit in die hac, peribit de populis suis.* Ad hanc quid Pontificii? Reginaldus, Toletus, Azorius, pro cæteris loquantur: *Necesse non est Jejunium Ecclesiasticum sic observare, ut fame affligamur; Potest quis per alium debita jejunia persolvere; Potest unus pro altero jejunare, eique communicare quod est satisfactionis.* Huc accedat

Reg. 4. c. 14.
Tol. Instr. 3. ac.
l. 3. c. 11. Jejun.
Azor. Mor. l. 7.
c. 32.

Lex tertia, ex B. Hieronymo Adversus Jovin. lib. 2. *Fungenda sunt una cum Jejunio Preces, & Eleemosyna, & Scripturarum lectio, & Mortificatio carnis;* & tum quidem, ut scitè S. Augustinus, *in deliciis spirituales Jejunia vertuntur, si orando, psallendo, legendo, et in Lege Dei meditando sumantur.* Sic illi. Et quid quæso Pontificii? *Non est necesse conjugere cum Abstinentia Preces, Eleemosynas, aut exercitia Religionis.* Azorius sunt verba, in Mor. parte 1. lib. 7. Constat igitur quod contra leges peccant. An etiam contra Definitionem? Imò vel maximè. Etenim cum de Jejunio S. Patres disputant, ad Abstinentiam reducant, eamque non limitatam, sed universalem; *Abstinere dicitur à cibo,* inquit S. Nyssenus, *Est abstinentia ad tempus ab omni victu, à cibo etiam et à potu.* Pontifici contra: *Est abstinentia cibi secundum Ecclesiæ regulam,* inquit Bellarminus, *Est cibi potusque parsimonia,* Salmeron; uterque coloscè. Nam Bellarmini illa, tamen legitimum Genus statuatur, quando *Abstinentiam* vocat, in Objecto tamen claudicat, dum Cibi mentionem facit, Potus non item, cum bibendo non minùs solvat Jejunium quàm edendo. E contra, Salmeronis altera, licèt Objectum adæquatum statuatur in cibi & potus commemoratione, attamen à legitimo Genere defleat, dum non *Abstinentiam* appellat, sed *Parsimoniam;* quod angustum aded est vocabulum, ut ad extremos Jejunii fines nos ducere non possit: Parsimonia enim potest esse ubi non est *Abstinentia;* quemadmodum potest quis pecuniâ parcius rariùsque uti, qui tamen ab ea non prorsus abstinet. Ad Temperantiam Parsimonia pertinet, quæ medium quiddam est inter jejunium & crapulam. Et Temperantia quidem debet esse perpetua; neque enim unquam vir bonus temperantiæ habenas laxat: jejunium perpetuum esse non potest, nisi sensu remisso & castigato; sicut aliquando Veteres improprie loquuntur, cum viri sancti vitam asserant Unum fore jejunium. Præterea, & Dialecticorum regula non patitur ut à remoto genere Definitionem trahamus, verùm a proximo: ut si quis hominem definiendo describere velit, non dicit eum Corpus esse vivum, aut Substantiam rationalem, quia alia plura genera sunt quæ interveniunt, sed Animal dicit rationale, quod genus est proxime adjacens. Similiter & de Parsimoniæ vocabulo dicendum est, Non esse istius aut proprietatis aut comprehensionis ut subire possit in Definitione Jejunii generis rationem, cum non in moderatione alimentum Jejunium consistat, sed in amotione, & privatione, omnimodæque abstinentia; ut nihil sumatur quod usui sit corpori nutriendo, & tum destinatur jejunari, cum quid tale sumitur. Quocirca, si verum sit illud

illud quod toties Philosophus iterando ingerit; τὸ ἀπὸ τοῦ καὶ τῆς ἐνστάσεως καὶ τῆς ἀναστάσεως καὶ τῆς ἀποστάσεως ἀναστῆναι ἐν, *Primum totum et intelligendi et disputandi et demonstrandi à Definitione pendere*; sique, ut Vives loquitur, non ullus sit error in definiendo tam exiguus, qui in disputando non brevi excreseat in maximum: non est adeo mirum quod in tam perversa dogmata Papistæ incidunt de Jejunio disputantes, quia Definitionem ejus plenariam nondum attingunt. Non quod nescire eos veram definitionem existimem, quæ lippientibus nota est; sed quia de suis Jejunii hoc certò sciunt, non posse in ea veram Definitionem quadrare, inviti huc adiguntur, ut ejusmodi Definitiones exquirant quæ suis convenire possint; non observationem Definitioni, sed Definitionem observationi adaptantes. Ex Doctorum scriptis est manifestum. Quia cum de Jejunio vero loquuntur, quod aliquando *Jejunium natura* vocant, aliquando *Jejunium virtutis*, à Definitione vera non abstant: *Est Abstinencia à cibo & potu*, Tolet. *Est privatio omnium gustabilium*, Maldon. *Est abstinencia ab omnibus quæ gustu percipiuntur*, Bellarm. Jejunare propriè est nihil prorsus comedere, nihil bibere. Sed cum de suis Jejunii differunt, quæ *Ecclesiastica* dicunt, tum demum necesse habent ad has Definitiones defestuosas se recipere; *Est cibi potusque parsimonia*; *Est abstinencia à cibo juxta ritum Ecclesiæ*: & quasi hoc pusillum esset nimium, *Nihil aliud est*, inquit Salmeron, tom. 4. p. 1. Tract. 11. *nisi à carnibus abstinencia*. Enimvero prætereundum non est, quod tam exquisitè distinguere solent inter Jejunia vera & Ecclesiastica, inter Jejunia virtutis & Jejunia sua: siquidem eo ipso agnoscunt, nec ea quæ vocant Ecclesiastica esse vera, nec sua virtuosà. Ejusmodi est illa apud Alensem distinctio, quam miror à subtili viro cecidisse; *Jejunium*, inquit, *ut est morale quid, & actus virtutis, irritamenta gula excludit, ut est statutum Ecclesiæ, delicias gula non excludit: unde si quis horà statuta lautiora comedat, & etiam excedat in superfluitate, non est transgressus Jejunii statuti, dummodo natiur licitis, id est, non prohibitis*. O hominis acumen! Annon hæc est pulchra Jejunii circumscriptio, ut eo ipso ab actu virtutis recedat, & ab Abstinencia debita, quia est Ecclesiasticum? Ergò ipsis definitientibus, Jejunium Ecclesiasticum nil aliud est quàm Jejunium non jejunium. At meminisse oportuit, Accidentia naturam rei non tollere: neque enim definit esse homo qui est natione Græcus, sed Græcus esse non potest nisi simul sit homo; pariter, non definit esse Jejunium quia est Ecclesiasticum, sed nec Ecclesiasticum esse potest nisi sit verum Jejunium. Esto, hoc vel illud Jejunium sit juris Ecclesiastici; at Jejunium simpliciter sumptum est Divini. Dicant igitur quid veliat, Ecclesiasticum, aut quocunque alio nomine, dummodo maneat Jejunium: at manere non potest Jejunium verum, nisi sit totalis pro tempore Abstinencia, à qua tamen ipsorum Jejunia maximopere abhorrent, ut mox videbimus, quippe quod & citius cibum sumant in die Jejunii quàm ratio patitur, & sæpius etiam, & largiori modo, & delicatiori apparatu; ut vix quicquam in iis reperias præter comestiones, easque & pro tempore anticipatas, & pro qualitate deliciosas, & pro numero crebrius repetitas, & pro quantitate effusissimas; nihil autem vel veræ Abstinentiæ, vel veri Jejunii.

Hæc omnia ut in compendio vobis exhibeam, ad quatuor classes has aberrationes revocabo, juxta quatuor Proprietates quæ sunt de natura & essentia veri Jejunii.

Proprietas prima ad Tempus Durationis pertinet, quia Jejunii lex est, Ut non nisi cum ipso die finiatur. Exempla passim occurrunt in Sacra Pa-

gina : abstinuisse Judæos in die Jejunii usque ad occasum Solis, 2 Sam. 3. 35. usque ad vesperam, Jud. 20. 25. 2 Sam. 1. 12. idque mandato Divino ; à vespera usque ad vesperam, Lev. 23. 32. juxta spatium viginti quatuor horarum. Quod idem solenne erat veteribus Christianis, ut ex Sanctorum Patrum monumentis ubique apparet, præscriptum finiendi Jejunii tempus fuisse ad horam cœnæ, ut nonnulli ; ad vesperam, ut alii ; ad occasum Solis, ut alii ; ad finem diei, ut à Patribus alii loquuntur. Quod referendum est & illud Tertulliani, atque Hieronymi, *In jejunii suis cibum sumere non solitos esse Judæos antequam stellam viderint, Hesperum scilicet, cujus ortus signum dabat passui.* Quod verò interdum legimus ad horam nonam soluta esse Jejunia, paulò superioris est instituti quàm illa vespere observatio : verum eòdem recidit, ut idem sit hora nona cum vespera, quia ab illa hora tempus vespertinum trahebat exordium. Nec tamen me fugit esse è doctis aliquos qui discriminis nonnihil ponunt inter hos terminos, quod in Quadragesima non ante vesperam, in aliis Jejuniis non ante horam nonam cibum sumebant. Utcunque fuerit, hoc in confesso est, vel ipsorum Adversariorum judicio, non nisi ante vesperam, aut saltem ante horam nonam, Jejunia ex Veterum ritu esse finienda. Fatentur Lincanus, Medina, Bellarminus, reliqui. Quid igitur restat nisi ut rei in confesso observatio sua respondeat ? Nequaquam, contrà est quod faciunt, contrà quod scribunt Pontifici. Non jam ad horam nonam, sed sextam ; neque vespertino tempore, sed meridiano Jejunia sua finiiri. Hæc prima *et dicitur*, quod antiquos terminos movent, & in has temporis angustias Jejunia sua trudent, fastidio vacuatis. Et qua quæso de causa, aut quo prætextu ? Joan. Medina ostendit in codice de Jejunio, q. 6. *Horâ, inquit, tertiâ pomeridianâ Jejunium desinit ; at quia hanc horam difficile esset expectare, idcirco ante vel juxta meridiem tempus comedendi relinquitur, mutata cœnâ in prandium.* Ostendit ipse Bellarminus, dum hanc cœnæ in prandium mutationem hoc modo detendit : *Probabile, inquit, est, Veteres, qui horâ nonâ solvebant Jejunia, solitos esse meridiem sive horâ sextâ cibum sumere ; & judicasse sufficere carni domanda, si tribus horis solito seriis cibis sumeretur, nonâ scilicet pro sexta : Similiter & apud nos, quia nobis in more positum tertiâ prandium sumere, sufficit si meridiem vel horâ sextâ reficiatur corpus, tribus horis protrahitis, sextâ scilicet pro tertiâ. Quid si in vitio sit hac consuetudo, at non imperatur tamen, sed tantum toleratur.* Hæc ille, sed contra causam suam : nam primò, Si non sit aberratio, quid excusatione opus est ? si sit, quid interest utrum imperent an tolerant, cum prohibere possint ? Quod si qui non vetat jubet, equidem qui probat, qui rationibus confirmat, quod Cardinalis fatagit, plus aliquid mihi videtur facere quàm si imperasset. Neque solus Bellarminus est in hac parte defensionis ; eodem pileo donatus Cajetanus, in Sum. in verbo *Jejunium*, signanter pronuntiat, Vim totam Jejunii consistere in prorogatione inedie usque ad horam solito tardiozem. Et quantò quæso tardiozem ? tribus nimirum horis, dicente Bellarmino. Egrejam verò laudem, si ad meridiem vespera transferatur, & cœna mutetur in prandium, & antecapto cogitatu horarum trium spatia non protrahantur, sed accelerentur ; nè fortè deficeret corpus sub longissimo horarum tritu spatium ! Et tamen videri volunt per totum diem usque ad vesperam jejunasse, sed *fictione juris*, ut Summa Angelica, in verbo *Jejunium*, loquitur. Ut igitur dicam paucis, Quid opus est hæc cerussa ? Ut fictione nominum apertam fraudem tegant. Non sumus circa verba anxii, si rebus sufficiant ; utantur hæc licentiâ quotiescunque placuerit, ut Cœnam Prandium vocent, & Prandium Cœnam, quod

Cont. Physicos.
Hier. cont. Jo-
vin. 2.

Chemisim.

quod fecisse Veteres testatur Festus. Non his Solœcium obijcimus, sed fucum & furtum, quod præstituta Jejuni spatia religioni detrahunt, ut in ventrem collocent; quod ipsam vesp̄eram ad horam nonam revocent, & horam nonam rursus ad horam sextam, ut ad meridiem, solitam comedendi horam, Jejunia sua claudant, levissimæ Abstinentiæ tædio fatigati. Hæc aberratio est, ut dixi, prima, à Proprietate prima desllectens, respectu Durationis.

Proprietas secunda à Numero refectionum desumitur, quia & illa Jejunii lex est altera, Ut non nisi semel in die Jejunii permittatur comestio, nec nisi Jejuniio finito. Ex S. Augustino liquet, ex quamplurimis aliis; *Nemo prandere præsumat durante Jejuniio.* Nemo est qui ibit inficiis, fuisse Veteribus non nisi unam refectionem in Jejuniio cognitam, eamque non matutinam, non meridianam, sed vesp̄erinam. Ergo videamus an legi huic Pontificii sint conformes, Jurares, si Lessium, Cajetanum & Summistas exaudias. *De substantia jejunii est Abstinentia secunda refectionis; De essentia Jejunii est una comestio in spatio viginti quatuor horarum:* Sic illi. Necnon & ipsum Bellarminum habemus pro una in Jejuniio refectione disputantem, quæ Cœna esse debet, non Prandium. Hactenus deviatio nulla est. At si pergamus paululùm, fraus palàm constabit: nam & ipse Bellarminus aliique Casuistæ hoc ipsum defendunt, Possè jejunantes bis cibum sumere; imò & hoc Bis parùm est nisi ad ternionem & quaternionem ampliatur. Toletus Cardinalis testetur, pro prandio ipse disputat, lib. Instructionis 6, cap. 2, §. 3. *Semel, inquit, in die est prandendum, & qui pluries manducat, solvit Jejuniium.* Ergo est ex institutione prandium, ac non prandium solum. De merenda quid dicendum, ipse docet, Sect. 4. *Aliquando, inquit, aliqua de causa prandium dividere licet absque solutione Jejunii; ut cum quis in medio prandio impeditur negotio aliquo non potuit ipsum perficere, potest cum vacaverit absolvere, salvo adhuc Jejuniio.* Optimè. Sed num hoc totum est? Nullusne est Cœnæ locus? Et hoc quoque explicat, Sect. 5. *Hæc unitate prandii non intendimus auferre quas nostri vocant Collationes, circa noctem: licet enim olim tantum per modum medicina sumerentur, tamen jam consuetudo probata obtinuit ut per modum nutritionis sumantur.* Post hæc quid superest nisi Jentaculum solum? Et de ea in Aphorismis nos certiores reddit, Aphor. 8. *Jentaculum vesp̄erinum pro more sumptum non violat Jejuniium; nec si ex causa manè sumatur, dilato in vesp̄eram prandio; nec si quid edas statim finito prandio, rogatus ab amico comedente; nec si horam prandii ex causa prævenias.* Obsecro, annon est hæc severa & rigida jejunandi disciplina, istis subnixæ adjumentis? Jejuniium hoc est dicendum, an magis Jejunii ludibrium? Et inter has argutias sapienter sibi philosophari videntur, cum nihil sit magis ridiculum. Hæc, inquam, est *Ædiodorus* secunda, quod unam refectionem ad tres aut quatuor vices extendant, quæ universæ Jejuniium non frangunt; & unicam tamen dicunt esse de essentia ipsius. Fuisse in usu vel ipsis helluonibus non nisi quatuor ad summum edendi spatia eruditi testantur, ex quibus nata sunt nomina: nam quod tempore matutino sumebant, *ἀρην* quor vocabant, id est, *Jentaculum*; quod ad meridiem, *ἀγος*, sive *Prandium*; quod vesp̄eri, *δάνον*, *Cœnam* sive *Vesp̄eram*; quod prandio & cœnæ interpositum erat, dixerunt *ἐνερμα*, id est, *Merendam*. An putas istorum quodlibet præteriri à Pa-pistis in Jejuniis suis? Nihil minùs: nam primò, Jentaculum matutinum non solvit Jejuniium, si causa fuerit, dein, ex consuetudine est Prandium; rursus, & dividi potest Prandium, & pars ejus in Merendam servari, ad-

Ser. 6. de Tem-
pore.

Less. l. 4. de Fust:
c. 2. Dub. 2.

huc & vinum bibere licet quoties pro arbitrio placuerit, & ante potum vini frustulum panis sumere, nē stomacho noceat, dicente Azorio, ad extremum, sola cœna non permittitur sub vespere; sed pro cœna *collationem* habent, ut loquuntur, & qualem ejusmodi in qua sunt placentæ, aromata, confectioes, electuaria, noces, dactyli, ficus, pomæ, pyra, & quicquid uspiam est in deliciis; & in istarum titillationum plenitudine prætendunt se veteris Ecclesiæ Constitutiones de Jejunii servare. Revera quod de Philosophis Clem. Alex. Strom. 6. 2. dixit, *Philosophiam eos tenuisse οὐκ εἰς τὸ γυμνασίου, ἀλλ' εἰς τὸ γλῶσσαν*, in Pontificiis melius quadrabit, Magnos eos fore jejunatores, sed quantum ad loquelam, non quantum ad disciplinam; namque in verbis prædicant, in factis negant, dum seipsos Jentaculis, Prandiis, Merendis, Vespurnis probe munitos reddunt, eamque comedendi copiam in Jejunii largiuntur quam homo temperans vix extra Jejunium sibi arriperet. Hæc aberratio secunda, à Proprietate secunda, de Numero refectionum.

Proprietas tertia in cibi Quantitate consistit, quia lex est jejunii altera, Ut omnino nulla cibatio intercurrat, inclusive loquendo, sub quacunque proportionis mensura. In promptu est ratio, Eò quòd in linea recta non Temperantiæ subalternatur Jejunium, sed Abstinentiæ, & ad Abstinentiam primarium refectum habet, secundarium ad Temperantiam. Quòd si in Temperantia sola situm esset, sequeretur, violari non posse nisi excessu aliquo; quia verò ab Abstinentia pendet, quæ refectionem quamcunque, vel minimam, excludit, necesse est ut in quocunque gradu læsæ Abstinentiæ vim aliquam patiat, tametsi in cibo mediocritas servetur. Est quidem violatio major intemperantium, sed prima & propriissima non abstinentium. Quod ad cibos prohibitos spectat, largiuntur hoc Papiæ, quantulamcumque portionem, si sumatur, Jejunium solvere: Ergò & de non prohibitis est concludendum, quoniam in universum omnes cibi sub prohibitione sunt durante Jejunio. Hinc tertia *ἡ ἐξ ὁρίσματος*, Quòd ad solam ciborum Qualitatem Jejunia sua restringunt, Quantitatis nullâ cautelâ interpositâ. Communis est omnium sententiâ, *Jejunium non solvi ex Quanto, sed ex Quali*. Ex ea nata sunt illa Axiomatum portenta, *Excessus cibi non tollit Jejunium quoad meritum*; est determinatio Lessii, lib. 4. de Inst. cap. 2. Dub. 2. *Quamvis aliquis multum excedat, non ob id solvit Jejunium, etsi peccet contra sobrietatem*: ac si permanere possit Jejunium intemperatum, sobrietatis regulâ excusâ. Nec non & illud Fumi in Armilla, de verbo *Jejunium*, Num. 12. *Facientes collationem grossam secundum consuetudinem Romana Curia non frangunt Jejunium*: ac si in more positum erat Romana Curia intemperantiæ patrociniū. Neque hic tamen te sistunt, paulò altius Alensis progreditur; *Majus*, inquit, *peccatum est tempore Jejunii comedere unum morsellum Carnis, quàm de Piscibus plurimum*. Quo quidem nescio an quicquam sit magis horrendum, si Christum auriamus, maledictionis eos fulmine percutientem qui culicem excolant, camelum deglutiunt, & casei aut carnis frusto jejunium solvi contendunt, aliorum ciborum ingluvie nequaquam. Nec est quòd quis festinanter ab eo dictum putet, velut currentis calami lapsum: Doctores enim cæteri cum plausu excipiunt, inprimis Reginaldus, lib. 4. cap. 14. *Si quis*, inquit, *cibariis aut condimentis sic ventrem repleat, ut carnis afflictionem sentiat, imò ut libidinem excitet, eo ipso non frangit Jejunium Ecclesiasticum: quia hoc non aliter frangitur quàm agendo contra id quod Ecclesia statuit; Ecclesia autem nil aliud de Jejunio statuit, quàm ut semel in die certâ horâ comedatur, & à quibusdam cibis absteineatur*. Hem novam

Theologiam,

Theologiam, sed à Salvatore prius præfiguratam, quòd irritum factori essent mandatum Dei propter traditionem suam; ut curâ nullâ, nullâ conscientia teneantur eorum quæ de Jejunio Scriptura Sacra præscribit, erga nugas hominum maximâ. Verùm superstitionum Magistris largienda est hæc linguæ licentia, qui in rebus aliis ab ea non magis distant, De Sacerdotum Conjugio tritum est quod prædicant, *Peccare gravius sacerdotem* (verba sunt Costeri) *si matrimonium contrahat, quàm si fornicetur; vel* Aventini verbis, lib. 5. *In una uxore gravius quàm in sexcentis mulierculis.* Certè non miror si pro Cœlibatu suo his armis militent, qui ad Jejunii sui patrociniū pauçillo carnis ex piscibus crapulam arbitrantur esse præferendam. Quod S. Augustinus in casu non abssimili, *Nemo sic Jejunium intelligit, nisi qui non intelligit.* Ubi nunc est illa Salmeronis parsimonia? quæ si in definitione Jejunii ritè collocetur, ad quantitatis respectum strictius alligat quàm ad qualitatis; nam Parsimonia est quanti subtractio. Non sic Ecclesia Græca, cujus esse sententiam Alensis scribit, *Melius esse in die Jejunii pluries, & qualibet vice panem, comedere, quàm semel in die cum repletionem.* Non sic Sancti Patres, qui indignum Conviviis cibi excessum putârunt, nedum Jejuniiis. *Non laudatur in illo Jejunium qui ad luxuriosam cœnam servat ventrem suum,* inquit August. in Pl. 43. *Spernitur ejus Jejunium qui in vespere ciborum satietate reficitur,* Isidorus. Quid putas dixissent si Summistas, Casuistas, Scholasticos perlegissent? *Ædèpol quod in re simili ad Nepotianum Hieronymus, Proh pudor! non erubescimus istiusmodi ineptiis, nec tades superstitionis, quæ Epicurismus magis est dicenda quàm Jejunium.* Audiamus igitur S. Prosperum, lib. 2. de Vita contempl. cap. 22. *Abstinentes viri, inquit, nec delitiosi solent esse nec avidi; neque solum à qualitate, sed etiam à quantitate ciborum cupiunt abstinere; curantque ut tam à cupiditate pretiosorum ciborum, quàm à nimia perceptione vilium se contineant; noluntque aut cibis lautioribus dissolvi, aut distentione ventris onerari.* Neque id injuriâ dictum, quia nullum est cibi genus quod carnis dominium non fovet, si liberè & ad satietatem sumatur. Quod Pontificiis in mentem non venit, qui nullo cibi non prohibiti excessu Jejunium frangi contendunt, tametsi quis plurimum voraverit. Hæc aberratio tertia, à Proprietate tertia, respectu Quantitatis.

Proprietas ultima à Delectu ciborum est petenda, quia Jejunii lex est omnium antiquissima. Ut ab omni ciborum genere abstinetur, & non minus à poculentis quàm ab esculentis, etiamsi sint viliora & vulgaria; multò magis si pretiosa. Documento est nobis Moses, Deut. 9. 9: *panem non comedens, neque aquam bibens: neque miraculum est in specie, sed in tempore.* Documento Ninivitæ, Jon. 3. 7. *Non edant quicquam, neque bibant, non vinum, imò nec aquam.* Papistis hæc curæ non sunt, quibus vini proclivior usus est in Jejuniiis quàm Ninivitis vulgaris elementi: nimirum metuunt nè aut Judaismum Jejunia sua saperent, si Mosen; aut Gentilismum, si Ninivitas sequerentur. Propterea Jejunii essentiam non in abstinentia à potu constituunt, sed à cibis; nec à cibis omnibus, sed à carnibus, ovibus & lacticiis: adeoque pro vera Abstinentia ciborum delectum obtinendū, ut tam longè possint à nomine recedere quàm à re ipsa. A nomine dico, quia vel ipsum Jejunii nomen cibationi repugnat: neque enim est Jejunium cibum sumere, sed cibum non sumere; nec eligere aliqua, sed repudiare universa. Non quasi nos adeò insensati simus, ut ciborum omnem delectum improbemus in quocunque casu, sive sit sanitatis conservandæ, sive ex naturali antipathia, sive solius arbitrii & placiti, sive

authoritatis

De Cœlibat. cap.
17. Prop. 9.

authoritatis publicæ, imò nec aliquando si ad religionem habeatur respectus. Novimus dixisse S. Paulum, Se carnibus vesci nolle, si esca facit ut frater in offensionem ducatur: novimus Prophetas fugi fuisse homines, pauloque durius vixitasse; locustas Baptistæ non nescimus, nec panem subcinerium Eliæ, nec legumina Danielis: at verò ad Jejunia hæc pertinere Scripturis edocti pernegamus. Estò illud verissimum quod de S. Petro Nazianzenus, in Or. De Amore pauperum, prædicat, Eum lupinis vesci solitum; & quod de S. Mattheo Clem. Alex. Pæd. lib. 2. cap. 5. Eum oleribus & baccis & seminibus vixitasse, non carnibus. Sexcenta ejusmodi proferant, pro delectu in Jejunio nil faciunt, sed frugalitatis tantum & temperantiæ sunt exempla, docentque à lautitiis & gulositate etiam extra Jejunium temperandum esse, non ex delectu Jejunia metiendæ. Non igitur hoc quaritur, An legitime possit ejusmodi delectus aut imperari aut observari: sed an cum hoc delectu Jejunii vera ratio consistere possit. Duo igitur sunt quæ contra ipsos hæc in causa intorquemus. Primum est, Hunc ciborum Delectum non pertinere ad, rationem Jejunii, neque esse legitimum: Jejunium abstinere à quodam ciborum genere, & reliquis indulgere, sed ab omni tibo. Alterum, Quod pessimus omnium est Delectus quem ipsi faciunt; quia si carnes & seminata ex carne prohibent, at ea permittunt & probant quæ Jejunii pietas magis nauseat, olera, legumina, fructus, pisces, vinum, oleum, confectiones, electuaria, aromata, &

— *Quicquid luxur inani*

Ambitione furens toto quasivit in orbe.

De praxi & usu non litigo, quanti coquorum artes sibi contrahant, quâ diligentia hortorum culturam perturbant & aromatariorum officinas perferuntur, quanto cum sumptu & discrimine, non in piscinas aut flumina, sed in ipsum maris profundum penetrant, ut Conchyliæ ex ignoto Oceano eruant, & murenas Siculi freti, & Marandri anguillas, & Abydena osirea, quæ ambitiosam poplinam instruant, & dissoluto stomacho gulæque fastidienti satisfaciant. Hæc ego non urgeo, quia à suis hoc æctum est, à Persio, & Lindano in l. 3. Panopl. c. 11. & ante ipsos à Sarisburiensi, in Polycratice, l. 7. cap. 2. & ante eum à S. Bernardo, in Ep. ad Gulielmum. Monachorum Jejunia aures istæ depingunt, quod vini copiam natent, & piscium varietate carnum delicias superent, nec umbram Jejunii habent, sed corpus Epicurismi. Hæc ego mirro quæ faciunt, ad ea me verto quæ dicunt, *Deliciosa Jejunium non solvere. Irritamenta gula non repugnare Jejunio, sed meritum ejus diminuire; Non tanti esse à delicatis abstinere, quàm à prohibitis; Electuaria & ejusmodi, etiam ex sensualitate sumpta, solutionem non efficere; porro, nec vinum ipsum, si sumatur non ut nutriat, sed ut reficiat: ac si novaculam haberent quâ refectionem à nutritione separarent. O deliciofi observatores Jejunii, magis quàm religiosi!* ut olim Augustinus, Ser. 157. de Tempore. Nudam sumptionem cibi *ἀναιμία* Veteres vocabant: Inter Pontificios nec sumptio, nec excessus, nec ipsa mollities sufficit ad solutionem. Verùm dic, Epicure, si ista non solvant, carnes & lacticia cur frangant? An quia carnes magis delectant? Imò de piscibus Althifiodorensis fatetur, l. 3. Traç. 7. c. 5. q. 5. *Sunt multi Pisces æquè vel magis delicati quàm Carnes: aut si in se non sint adeò delectabiles, at Apicianis artibus conditi non solum carnes exæquant, sed superant.* Ergò hæc non est legitima ratio.

Dic alteram, An quia comestio carnum magis offuscat mentem, & minus habilem reddit ad spiritualia exercitia? Agnosco in Clemente ejusmodi aliquid occurrere, in Pædag. l. 2. c. 1. *Quæ, inquit, ex carnibus ascen-*
dit

Alenfi.
Navar. Enchir.
c. 31. num. 31.
Tol. l. 6. c. 1.
Sylv. Summ. in
verbo Jejunii.

dit exhalatio, δολοδίσιας ὄσας ἐπισκῶνται τῇ ψυχῇ, cum turbidior sit & crassior, offundit anima tenebras. Hæc esse non potest ratio, quia ex vino & piscibus vaporum major est copia, maiorque mentis obnubilatio. Quid quòd luxuria Veterum magis à piscibus reprehenditur? piscesque magis in deliciis fuisse quàm carnes, Myrtilus apud Athenæum docet, l. 7. c. 1. Quærenda est tertia ratio. Ecceum adest, (ut semper ingeniosa gula est) An quia accendant magis concupiscentiam carnes, carniùmque subtractio magis idonea sit ad carnem domandam? Ergò de primi seculi hominibus quid sentiunt? Ante Diluvium dicunt carnium esum nullum fuisse. An dicere possint nullas fuisse, aut eas minores, concupiscentias? Nullusne fuerit Cain, Lamech nullus? nemo qui filias hominum deperierit? Imò ait Spiritus Sanctus, *Omnem carnem corrupisse viam suam.* Sed esto, concedatur, Eos carnibus etiam victitasse, de vino, & oleo, & leguminibus, & piscibus quid dicturi sunt? Est enim ex mari Veneris ortus, unde pisces hauriuntur; & habere ventositatem legumina omnes nòrunt, quæ irritare possit naturam, flammamque libidinis non minùs oleo nutriri putant Medici quàm flamma ignis elementaris; atque rem luxuriosam Vinum, post Salomonem S. Paulus affirmat, & *Ἀφροδίτης γάλα* non minimus Ethnicorum appellat, *Lac Veneris*, eò quòd fomentum libidinis sit maximum, calefaciendo corpus, ut fateatur Bellarminus. Porro & notus est Apuleii locus, *Veneris hortator & armiger Liber*, quia vinum pabulum subministrat, quod nisi auferatur, Venus non subidò frigescit. Sed ista quorsum? Ut ostendatur hanc tertiam legitimam rationem non esse. Alteram expectemus.

An quia vinum, & pisces, & edulia id genus alia, pœnalia magis sint & afflictiva corporis, quàm carnes & lacticia? Quis credat? Pœnalia non sunt, sed voluptuosa; & ad reficiendum atque exhilarandum nata, non ad affligendum. Est novum pœnalitatis genus quod à deliciis sumitur. Ecquis tam cæcus qui non videt non vitis sanguinem Jejunio convenire, sed vitis lacrymas; nec sàpores aromatum, sed volutabrum pulveris? Fuisse in usu veteribus *ἐπεσφάγια* non dissiteor: verùm non ad Jejunii ritum pertinebant, sed ad consuetudinem victùs; neque ad Abstemiam, sed ad Temperantiam. Nec obstat quòd his se cibis addixerunt tempore Quadragesimali, quia non in Jejunio sumebant eos, sed cùm solvebant Jejunium: nimirum exacto Jejunio siccorum esu reficiebant corpus, in ipso Jejunio nihil edebant. Præstitisse se magnum aliquid putant Adversarii, cùm ex ultima antiquitate testimonia congerunt, ut carnibus abstinuisset Christianos veteres jejunantes commonstrent: attamen spe suà decidunt, quia sunt ea omnia ἀπογοσθίων, nihil, quod dicitur, ad rhombum, nihil ad Bacchum; non enim à carnis solis abstinerunt Veteres, sed à *carnibus & vino*, ut inquit Cyrillus; à *carnibus et aliis ejusdem generis*, ut Theodoretus, non solum à carnibus & vino, sed à quibusdam terra fructibus, et ab iis omnibus qui ventris gustatisq; provocant appetitum, ut Augustinus, non solum à vino, sed ab *avidioribus pomis*, nè quid vinostatatis non modò non biberent, sed nè ederent quidem, ut Tertullianus De Jejun. c. 1. postremò, non solum à carnibus, sed à *vino, et liquamine, et piscibus, et melle, et reliquis qua gustui suavia sunt*, ut Hieronymus. Et hoc illud est quod fecisse S. Daniele legimus, cap. 10. cùm trium hebdomadarum spatio non panem desiderabilem se sumpsisse profitetur, nec carnem, nec vinum. Potest hæc praxis cum jejunio consistere: quia enim tribus hebdomadis jejunavit, hoc est, prolixius quàm ferre natura potest, nullo prorsus cibo sumpto; itaque necesse habuit singulis diebus comedere aliquid, erātque nihilominus 28 dierum jejunium intercisum, sive *portionale*, ut Tertullianus loquitur. Fecerunt hoc è Veteribus alii, idipsum

Aristoph.
Bel. 2. De homi-
neribus, c. 9.

Gal. 4.

Ep. Div. Decret.

De Moribus Ec-
cles. a. 31. 33.

Ep. 17.

nos

nos nunc faciendum docemus, hoc ipsi, quando res postulat, facinus; hoc si facerent Pontificii, non haberent accusatores. At verò illi prorsus contrà. A vino Daniel abstinuit, apud illos vinum est in nulla Abstinentiæ parte: abstinuit Daniel non modò à carnibus, sed ab omni *pâne desiderabili*, id est, ab omnibus lautitiis, etiam tunc cùm cibum sumeret; illi si carnibus abstinent, piscibus indulgent, nec *ἐνεργίας* sed *ὀψωνίας* ambiunt, neque ullas fugiunt dulcium eduliorum lautitiis, ut non Deo jejunare, sed ventrilite viderentur. O miram laudem Abstinentiæ! O miram disciplinæ severitatem! O castigationem corporis præclaram! O expetenda Epicuro Jejunia, pisces optimi, condimenta lautissima, cupiditæ plusquam Sybariticæ, præstantissimum vinum, & quantitas indeterminata! *Si hoc non existimas verum, aspice culinas eorum*, ut scitè Seneca; si non culinas, libros: nihil enim profero non scriptum. Liceat igitur mihi eos sic alloqui, ut S. Prosper sui temporis non abssimiles homunciones. Quamvis, ut olim Cato, *difficile est ad ventrem loqui auribus carentem*, et allequar tamen. Si à quadrupedibus abstinentes pretiosis piscibus perfrui mini, non mihi videmini refecare delicias, sed mutare; communes ac viles carnes abjiciendo, quò possitis aliis ac delicatioribus voluptates vestras explere. Num sanam Abstinentiæ queritis in deliciis, & Jejunii gloriam à carnibus temperando, ut peregrinis pomis ac forbitiunculis delicatis ac aliis ejusmodi immanem vestri corporis impleatis appetitum? Dicite, quid prodest jejunandi tempora custodire, & legem non tenere Jejunii? Quadragesimalia loqui, & Bacchanalia vivere? Jejunium in chartis jactare, in gestis crapulam? Siccine exprimitur Jejunium publicum per publicum cædecus? Hæcine afflictionis diem decent, quæ alios non decent? Malorum licentia pietas erit, occasio luxuriæ religio deputabitur? Dicite, inquam, inter Jejunium & Convivium quanta sit distantia, inter abstinentiam & saturitatem, inter ventrem vacuum & refertum, inter rubentes vino genas & ora pallentia, inter corpus exile & membra crapulâ dissoluta, inter oppressum epulis sensum & inedia tenuitate vigilantem. Nam si ciborum delectum excipiat, nil habent vestra Jejunia quò à communi & usitata diætâ differant, nisi hoc solum, quòd famem, quæ exiguo possit sedari, magno iritatis, & Libertatem, quæ impunè capi possit, pietatis prætextu & Jejunii corruptelâ dehonestat.

Ad nos ipsos quod spectat, Auditores, quia ad Jejunia & lacrymas hujus temporis calamitates nos vocant, ex tot Papistarum aberrationibus hoc saltem capiamus commodi, ut discamus ipsi Jejunia vera servare, & veras lacrymas fundere, & *veram agere poenitentiam*. Mihi interea ignoscite, si hæc tractavi fusiùs solito: de industria id feci, quia hæret in ultimis calamus. In animo erat in duas præsentis vices has velitationes divisisse: sed quia tempestas est torrida, & corona ampla, & parietes angusti, & concursus vester plenus discriminis, consultius esse arbitror in his finem imponere huic provinciæ, & prælectiones in preces vertere, ut effundere velit misericordiarum dulcissimus pater in terram fertilitatem, in corpora sanitatem, in animos gratiam; quò discedere hinc possitis pleni benedictione, & rursus convenire pleni consolationum, cùm Deus permiserit.

ORATIO

O R A T I O

habita ab eodem

RICH. HOLDSWORTH

in Vesperis Comitiorum, apud

Cantabrigienses, &c.

PRælibatis jam tandem primitiis, votisque cui soli debentur pro felici hujus operis exitu, ut par est, nuncupatis; nunc me & gratæ mentis impetus concitat, & hospitii etiam sacramentum obstringit, ut ad vos quàm ocyssimè convertam, Sacrarum literarum Mystæ, omniumque ordinum viri clarissimi, qui in hoc Athenæo nostro mihi obversamini, Corona lætissima. Vobis Chamenfes Musæ salutis votivæ honorificentiam studiosius impertiunt; vobis tota Academia voce unâ ac mentē vehementer gratulatur, atque certatim cum præconiis ac festis vocibus benignitatem vestram celebrat, quod antiquam hanc Musarum domum, in hoc præsertim casu quo afflicta jacet, invisere voluistis, & Comitiale hoc triduum præsentia vestrâ cohonestare. Hujus humanitatis vestræ obtestamur nè nos iniquos putetis æstimatores, si fortasse non eam lætitiā aut exultationem quā assuevimus in vobis excipiendis ostentemus; si non ornatum aut splendorem pristinum, non cultum & apparatus superiorum temporum, non sumptum, aut magnificentiam quæ vestræ expectatōni respondeat. Nam præterquam quod res severa est gaudium Academicum, is nunc est infelicis hujus anguli status, tam dubia, aut potius desperata, rei Literariæ conditio, fortuna Ecclesiæ tam in præcipiti, ut exultationibus aut gaudio aut gratulationibus vix ullus relinquatur locus, sed solis mugitibus & querimoniis. Hæc nostra sunt hodiernæ Solennitatis decora & ornamenta, hæc anni præsentis pullata & misera supellex, hæc sola quæ superest moribundis Musis cygnea facundia, non ad festivum gaudium, sed ad festinam mœstitiam comparata. Quæ singula si à confessu vestro aliena videantur, at mihi cum officii mei instituto sunt conjunctissima.

Cum enim totus hic annus maligni sideris nubilo sit aded perfusus, ut qui ad fluctuantis naviculæ proram infelicitè constitutus sim, non possim vobis de lætis & prosperis Academiæ rationem reddere: æquissimum est, imò verò necessarium, ut saltem de ipsius deploratis atque ærumnosis apud vos parumper agerem; quantumvis sit argumentum triste & acerbum, & ejusmodi concinnitates aut limatas dicendi rationes non admittat, sed acres anhelitus, & robustos singultus, & voces imperfectas, quæ adumbrare magis possunt quàm eloqui incredibilem Academiæ agritudinem, non modò de suis, sed de Ecclesiæ infortuniis.

Vos interea favete, Senatores honoratissimi, qui Sapientiā & Autoritate vestrâ gubernatis rempublicam: non mihi est animus aut vobis aut consiliis vestris, nè ex obliquo quidem, notam vel levissimam inurere; potestatem nos vestram etiam à longinquo positi venerabundi suspicimus, ultròque ei subjicimus cervices nostras, eamque ponimus in benedictionibus: calamitates duntaxat nostras destemus, quod semper concessum est miseris, ut

R r r

post

post in cassum missas supplices literas, saltem gemitus Academiæ & suspiria ad aures vestras benevolas perveniant, in quibus solis spes Ecclesiæ maxima, sed ultima, constituitur.

Erat apud nos ad hoc usque temporis non solum tranquilla & placida, sed splendida & magnifica Religionis conditio. Hoc nobis supra finitimas Ecclesias Reformatio prima præstitit: non ipsa à tumultu populi quemadmodum reliquæ sua duxit exordia, non sicut reliquæ mancum aut mutilum sancivit Sacerdotium, non volaticam aliquam aut novellam disciplinam excoGITAVIT; sed quam indubitanter noverat seculorum omnium tractu stabilitam, Synodis multis comprobata, ab antiquis Patribus descriptam, & à stirpe Apostolica oriundam, hanc temporum vitio corruptam puritati primæ restituit, restitutam retinuit, retentam nobis ingratis posteris observandam reliquit.

Sub hac tam altas egit radices Ecclesia nostra, tam uberes Pietatis fructus edidit, ad eam maturitatem adolevit, tam insperatâ pace & tranquillitate perfruebatur, ut cum in aliis terrarum partibus vehementer afflicta esset Pietas, lætam & Halcyoniam in Anglia florere omnes agnoverint. Non tunc honores suos aut auctoritatem Episcopis, non minoribus Prælatis dignitates, non Academicis sua Minervalia, non Ministris Decimas, non Templis honestum decorem atque ornatum, non Officiis Divinis suas formulas, non sacris Conventibus ritus suos, utpote innocuos, eosque paucissimos, populus invadebat, nedum trahebat in contumeliam; sed magis in pretio & veneratione habuit, atque etiamnum habuisset, nisi quod nuper, & quid dico nuper? imo modò & paulò antè, audaculorum quorundam arrogantia eousque extumuit, ut & movere terminos, & exoletos quosdam miscere ritus atque suspectos gestus introducere non pertimescerent. Tunc primum gravamen sentire, tunc sub onere premi, tunc in sensus contrarios & mentem abalienatam deduci homines infensi cœperunt, tunc locum quærere quo possint & obsequii jugum runipere, & rescindere nervos receptæ Disciplinæ, & Ecclesiæ dignitates, privilegia, proventus demoliri, omnia secum rapere, & in licentiam irrumpere quidvis perpetrandi.

Hæret animus, neque enim memorare delectat quæ contumelias, quæ convicia, quas sordes congerunt, easque arreptas è triviis & scurrarum frequentia, in Disciplinam, in Preces publicas, in Evangelii Ministros, in Reverendos Episcopos, in ipsum Episcopalem ordinem, imò in Ecclesiam ipsam, tot nominibus celebrem; in Religionis Reformationem, velut imperfectam, corruptam, Papismi facibus maculatam, novæque reformatione & expolitione indigentem.

Existimavi ego, homo rerum imperitus, Reformationem quam dicimus Religionis Divinâ providentiâ in ea tempora hominésque incidisse, qui post Mariæ quinquennium persecutionis flammâ erepti, infesto adversus Pontificios odio ferebantur: vixdum sanctorum Martyrum sanguis exaruerat, vix erant à ferro & vinculis Confessorum cohortes laxatæ, vix redierant qui se patriâ fortunisque omnibus Religionis causâ exiissent, vix à sanctorum oculis absterfæ erant lacrymæ quas in cineres Martyrum effuderant, cum primum de reformatione Fidei, de Religionis restauratione consultabant. An quisquam est adeò delirus ut censeat, calente adhuc Martyrum sanguine, flagrante Papismi odio, & injuriarum recentissimarum memoriâ, potuisse hos summos viros tam solutè ac negligenter ad tam magno pretio redemptam Reformationem se accingere, ut istius Superstitionis reliquias ullas retinerent, quam vinculis, exsiliis & sanguine expiassent?

Hæcne est nostra pietas adversus repertatæ Religionis athletas? Hæc
cis

eis marmora pro victoriis reponimus? Has resolvimus grates pro præliis & agonibus: post tam longa temporum intervalla, eos ad martyria nova famæ nominisque, ad novos carceres, ad nova exilia evocare, totamque quam ipsi extruxerant compagem diruere sub ficto Papisini paroxysmo? Quid ergo est quod in novissimo die supremo Judici respondebimus, qui nobis felicissimæ Reformationis usuram tam diuturnam concedidit? quid Papistarum sarcasmis, qui damnatam à nobis, non Superstitionem suam, sed Reformationem nostram exprobrabant? quid multorum viventium clamoribus, qui culpâ vacant, nec vel tantillum à receptis exorbitarunt? Fuisse nonnullos *πλὺν ὁπλίμους*, effrænata audaciæ & vitæ dissolutæ homulos, non diffitemur: at illud tamen deprecamur, nè delinquentium merita in immerentes, aut paucorum in universos transferantur. Alioqui si justus cum impio pereat, & peccata aliquorum totius ordinis ruinis coerceantur, & ipsis morbis medicina erit funestior, dum violatæ Religionis pœna in ipsos ruit Religionis propugnatores. Ergo ubi erit Pietatis honos? aut quod asyllum patebit Innocentiæ? aut homo homini quid præstabit? aut qualis erit hæc sive morum sive temporum emendatio, quæ integra abscondit cum iniquitatis, & cum vitiosis sarmenis lætissimos palmites, & cum nullius usûs palea optimum ejicit frumentum, & cum humoribus noxiis purissimum effundit sanguinem, atque cum vitiis ipsis præmia tollit & subsidia virtutis?

Certè quidem si hæc sit fors Pietatis, ad ipsius exsequias nosmet paremus, Academici; per flumina Chami illic sedebimus, & lacrymemur dum recordemur tui, Sion; in salicibus suspendemus organa nostra, & longum *valere* nunc primùm literis meditemur. *Valete*, solennia & celebritates; *valere*, studiorum certamina, & honestæ velitationes, & fulgor purpuræ, & togæ decus, & fasces, & insignia, & ingenium, & cultior literatura, & libri, & studium, & ordo, & disciplina, & pia majorum instituta, & quæ diu in Anglia Religio floruit: in duodecima hora sumus & Mularum & Gratiarum.

Sed me revoco, eoque libentiùs, ut ad benignitatis vestræ suffogium properemus, venerandi Antistites. O clarissima lumina supremi senatûs, qui in illo celeberrimo Pananglio sub Principum optimo reipublicæ clavum tenetis! Non vestram Prudentiam præterit quod omnium seculorum consensu est roboratum, non solum Ecclesiæ seminaria Academiæ fore, sed totius Regni oculos; nec Prophetarum tantum domus, sed fontes etiam civilis societatis, qui utrumque salutaribus aquis irrorant, & nobilissima ingenia præparant ad omnem vitæ gubernationem; ut si quos habeant Principum Aulæ viros cordatos, si quos Fori tribunalia viros eruditos, si quos Urbium & civitatum subsellia viros prudentes, si quos status Ecclesiasticus fidei pugiles aut fideles Concionatores, ex Academiis ii singuli in omnes Regni partes transferuntur: adeo ut si quid sit singulare Academiarum damnum, id pro totius Regni communi incommodo necessariò habeatur.

Non vobis est incognitum quàm gravissimis de causis summi & piissimi Principes amplissimis dotarunt hæc Ascetaria privilegiis: si quæ erant privilegia Civium, si quæ Militum, si quæ Peregrinorum aut Pauperum, si quæ Ecclesiarum aut Clericorum, vel etiam *pia causa*, ut Juridici loquuntur, ea omnia in Academiæ sinu deposuerunt; idque ob reverentiam studiorum & bonum publicum, quia non unius loci ea esse privilegia, sed totius quasi mundi immunitates reputabant. Non vobis exponimus Alphonsi Regis pietatem erga Ciceronis villam cum Cajetam oppugnaret, neque Alexandri magni erga ædes Pindari cum Thebas, quibus hoc inscribi plephisma jussit, *Pindari poeta sectum nè comburite*. Minuta sunt hæc ad ea quæ possunt reci-

R r r 2

tari;

tari, siquidem non nunc de Pindari ædibus aut villa Ciceronis agitur, verum de Musarum sacriis, Academiis, quæ ut Regnorum sunt sustentacula, ita ipsorum Regum & matres & filiæ. Vix enim ullus erat magni nominis Imperator cui ipsarum cura non erat antiquissima, in tantum ut earum alumnos *Filios Imperatoris* Jus civile appellet; in tantum ut illustrissimi sanguinis Principes acceptas à majoribus imagines, dignitates, titulos, Literarum gloriæ & laureis Academicis submiserunt.

Quid dicam de præmiis & honorariis, quæ & calcaria sunt virtutis & studiorum vehicula, sine quibus non magis ad altum aliquod fastigium ascendere Eruditio potest, quam volucres absque alarum remigio? Quod si hæc præsidia auferantur, O Musæ, O Facundia, O Virtutes, O omnes Disciplinæ, quanta studiorum ruina, quæ jactura Eruditionis, quam tristis Ecclesiæ vastitas sequetur? Vel unicus iste Imperatorum callidissimus Apostata Julianus docere potest, qui non modò in Ecclesias, sed in Gymnasia & Academiæ sæviebat; non hoc literarum odio, quarum ipse erat amantissimus, sed quia hoc probè noverat homo ingeniosus ad crimina, brevi desuturos qui argutiis Philosophorum occurrerent, si reprimerentur Academiæ, quæ non tam sibiipfis aut concipiunt aut pariunt quàm Ecclesiæ usibus, ut ad Jacobum Rachel de ancilla, *Pariet illa super genna mea*. Sic te intuemur, diva Parens, ut uterum Ecclesiæ, ut Davidis turrim, ut fontem Israelis. Tu sola præbes sagittas & armaturam fortium, quibus Hæreticorum tela propulsantur; tu aquas illas mellifluas quæ civitatem Dei lætificant, quibus interclusis & infæcunda erit Ecclesia, & Religio inermis, propugnatoribus suis destituta.

Hocne gratis dictum putetis, Auditores? Replicate mecum memoriam temporum, & tum demum dicite, ex qua alia prodierunt omnes illi præfidiarii milites, invicti antesignani, qui susceperunt in se patrocinium Veritatis, nisi ex hac Davidis turre, ex hoc lectulo Salomonis, cui nomen majores nostri dixerunt Academiam. Basilii ille magnus unde, & Gregorius Theologus, & orationis aureum flumen Chrysostomus, & Malchion qui contra Paulum Samosatensem publicè privatimque disseruit, & hæreses illius detexit? ex Antiochena Academia. Origenes unde, & alter Dionysius, & Clemens, & Athenodorus, & Didymus, & Athanasius? ex Alexandrina Academia. Nostrates quid repetam? Tindallum, Becanum, Juellum, Foxum, Humfredum, Nowellum, Raynoldum, utrumque Abbottum: hos omnes aliòsque non paucos sancta Soror peperit, utcumque hoc præfenti anno malorum mole perterrita abortiat Oxoniensis Academia. De nostris infinitum est dicere, tamque propè sunt, ut mihi vos præcepturos nomina videam si recenserem, Cranmerum, Ridlæum, Latimerum, Bradfordum, Balæum, Parkerum, Grindallum, Babingtonum, Whitgiftum, Whitakerum, Perkinsum, Overrallum, Andresium, Feltonum, Davenantium, cœlestes animas, quæ Fidei nostræ causam studiosè defensionarunt, Pontificiorum vires fregerunt, omnes Academici, plerique Episcopi: atque nos, ingrata posteritas, in ordinem Episcopalem, in Academiæ involamus, perinde ac si in propria viscera mucrones stringeremus.

O rem miseram, & nullis lacrymis satè deplorandam! Sic olim Græci barbaris victis in se invicem pugnando funditus perierunt: quod ipsum Agæfilai vocem ad suos de Corinthiis elicit, *Si eos extinguere conemur qui nobiscum adversus barbaros steterunt, vel ipsi barbari sociis subversis nos nullo negotio opprimunt*. Quæ igitur hæc nostra est conditio, Auditores, qui post partis Pontificiæ inclinationem, quasi plena victoria jam esset parata, temperare nobis non possumus quin nos ipsos debilemus? Atqui verendum est nè quod de illis inter se collisis dixit Aristophanes, id nobis contingat, & utrisque

utrisq; nostrum exitio sumus. *Sed tu si sapires*, inquit ad Minucium collegam, sed inimicum & æmulum, Fabius Maximus, *Tu si sapires, Minuti, bellum tibi non cum Fabio sed cum Hannibale gerendum esse animadverteres*. O si nos vel serò intelligere velimus, non cum fratribus nostris, sed cum Romanensibus signa esse conferenda ! Sin minùs, quæ alia Catastrophe est pertimescenda nisi ipsa quæ subsequi solet dissidia intestina, quam mens perhorrescit dicere ?

Postremò, nil vobis de, imò nunc nil ampliùs vobis, nisi ut dignerini ab isto sublimi culmine contemptas Musas intueri. En pedibus vestris sese supplices advolvunt utraq; Mater, ut inclinatz & Academiæ & Ecclesiæ præsidium feratis, ut quasi vere novo capita emortua vicissim erigant, & felicitatem pristinam resumant. Quod si feceritis, nos pietatem vestram in Musarum membranis insculpemus, marmoreis statuis & colossis omnibus atque Mausoleis durabilioribus.

Et nos quoque, Academici, manum operi admoveamus; hoc agamus singuli, ut famæ & nomini hujus tam florentis Academiæ & vita & studia nostra respondeant: nè nobis & videntibus & promoventibus gloria tanti nominis defluat. Nos hætenus, quod de Cleopatra dictum, *dulci fortunâ ebrii*, felicitatem nostram nec concoquere poteramus, nec uti. Nunc saltem expedit ut collapsos mores ad normam priscæ virtutis instauremus, quod possit, evulsâ lorigine, felix illa rectissimorum studiorum planta se proferre. Sic si post hos timores tu, Parens antiqua, resurgas & vires recipias; tum postliminio tuo omnes gratulabimur, novamque felicitatem novis auspiciis prosequemur.

F I N I S.



INDEX Rerum & Verborum quæ in hoc Opere continentur.

A *Bis Pater*, quare duplicato vocabulo, pag. 378.
ad Abgarum Christi Epistola Apocrypha, 12.
Abrogatio Ceremonialium & Judicialium, id est non Moralium, 263.

Abfenti qui, 78.
Abfinitia, primus gradus ascendendi ad Patriam, 650. veterum abfinitia, 731. abfinitia cruciatus, 647. in abfinitia fimplici non est iuftitia, 719.

Abulenti refutatio, 72, 78.
Abufus non præjudicat Religioni, 43. abufus literarum non debet tollere earum ufum, 46.

Accommodatiois modi quatuor, 681.
Accufationis 4. genera, 571. Innocentes effe debent qui alios accufant, 715.

Acephali qui, 153. cur fic dicti, ib.
ACTIONS Christi Morales, 481. 490. tranfcendentes, ib. Mixtæ, 491. Heroicæ & Miraculoſæ inimitabiles, 490.

Adami ſcientia ante lapſum, 332. cognitione triplici cruditis, 333. rectus factus eſt, 334. in iuſtitia atque ſanctitate creatus, ib. in ejus mente Lex primitivæ inſculpta 337. quatuor vulneribus perfoſſus, 339.

Admiratiois natura, 180.
Admonitio quid, 133.
Adulterium Oculorum, 114.

Ætas Sacerdotalis miniſterii, 312. ætas matura omnes reliquas continet, 323. ætas triginta annorum eſt ætas perfectæ, 324. 325. omnis ætas non eſt Chriſtianæ militiæ idonea, ib. ætatis hujus ultimæ vituperium, de ejus in ſcribendo ignavia, 7. ætates Legis ſex, 337. quinque, 351.

Æternum quid, 323. 324. quomodo Lex eſt æterna, ib. accipitur pro diuturno, 325. Æternitas Legis probatur, 286.

Afflictiones quomodo Sanctis eveniunt, 372.
Agens triplex, 278.

Agæx quid ſignificat, 552.
Agrippa, 709.

Alexandri continentia, 62.
Alfonſus Rex Hiſp. Tinea qualis, 12. Sacrorum Voluminum in lecto ſtudioſus, ib. quæ quaterdecies perlegit cum Gloſſis & Commentariis, ib.

Alagi, ſive Alogiani, Hæreſis quales, 81. quare fic dicti, 640. eorum obſectio contra primum Chriſti Miraculum uiuunt, ib.

Altercationum Theologicarum jura legèſque, 100. materia, finis, modus debitus, ib. utilitas, 121. 163.

Amanueſer Prophetarum Scriba dicti, 5. Pauli, 6.
Ambigua verba incertum decipiant, 102. ambiguitatis inter Patres cauſæ, 363. ambigua teſtimonia rectè impugnantur, 364. ambiguitatis periculum, 365. ad infidelitatem inclinat, 379.

Ambroſius quare paulo negligentius ſcripſit, 355. magni pretii fuiſſe apud Auguſtinum, 422. Theologorum Tullius, ib. excuſatur, 661. 663. vix unquam de Jeſu ſenio diſputat ſine aliquo mentis excellu, 682.

Amor timorem foras mittit, 35. amor ſceleratus faciunt & qui quiliarium, 67. amor ſemper eſt æquo timidor, 71.

Anacephaloſis mandatorum, 217.

An. 7000 quid ſignificat, 552.

Analogia ratio unde ducenda, 467.

Angeli quare facti, 481. non miniſtrabant cibum Chriſto tempore Jeſu, 624. 625. eorum variæ mini-

ſtrandi viæ, ib. Angelorum Religio, 273. charitas erga homines, ib. eorum vinum, ib. angelorum regula & lex, 377. Angelus nomen officii, ſpiritus natuæ, ib. angelorum malorum peccatum primum & ſecundum, 284. Angelus de celo, quid ſignificat, 409. Angeli boni non poſſunt errare, 407.

Anglorum in ſcribendo neglectus hodiernus, 2. exterrorum camobrem in eos opprobria, ib. nec illa retellenda, 1. ad eos ea proper horramen, ib. gens tota & religio ementia à Bertio, 9.

Animæ morbi medendi potius quàm co. poris, 21. ejus ſanguis quid, 136. ejus ſomnus in corpore quid, 438.

Animalia eradiunt & enutrient partus ſuos, 32. ab iis quid diſcendum eſt, ib. juxta exquiſitiſſimam Regulam operantur, 180. 181.

Animus præexercitandus eſt ad habitus qui verè virum decant perfectiones, 60.

Annus trigimus annus perfectionis, 515. ætas legiti-

ma, 526.
Aſſidua, 573. 575.

Aſſidua, 573. 575.

Antinomorum hæreſis damanda, 151. eorum dogmata, 153. 265. tribus aliis inſiſtunt, 156. Legem rejicit, 159. Antinomi Judæi peiores, 183. veri hoſtes Legis, 185. eorum origo & proſapia, ib. reſurgunt, 230. eorum de Lege ſub Chriſti ſententia, 258. perfringuntur, 288. 289. eorum æneſis, 309. ib.

Antiquitatis menſura poſt Apoſtolorum tempora, 308. Antiquitatis variæ ſignificationes, 447. eſt de piſſimitate, vel ſuccedanea, ib. quid utraq; continet, ib. Antiqua & Nova quæ dicenda, 448. Scriptura ſola Antiquitatem primariam continet, 449. Antiquitas ſuccedanea non poteſt circumſcribi, neque reſpectu ſeculorum neque hominum, 450. non habet certum fundamentum, ib. quis pro ſe veram habet antiquitatem, 451.

Antiquum & Apoſtolicum voces convertibiles, 452. Antiquitas quantum & quale bonum, 153. in antiquitate ſecundaria non eſt acquieſcendum, 454. eſt via line aut certitudine aut termino, ib. ejus definitio, ib. quo ſenſu Patres eam prædicant, ib. 455. apul ethnicos in pretio habita, 456. fabuloſæ antiquitatis Thæſauros perſtrungunt, 457. antiquiſſimum quod optimum & Deo proximum, 458. non tam antiquitas quàm veritas doctrinæ expendenda, ib. antiquitatis præconia, 453. 459.

Apocryphi libri neque pertinent ad Vetus neque Novam Teſtamentum, 84. plurimi Græcè ſcripti, duo Chaldaicè, unus Hebræicè, ib. leguntur in Eccleſiis non ad confirmationem dogmatum, ſed ad informationem morum, 85. ſunt ingeniū humani partus, 103. aiqui eorum Auctores ſunt ſuſpecti & commentiti, 104. non

ſubſiſtunt, 105. habent aliquam veritatem, non auctoritatem, ib. multa de iſtis Libris magnificè dicta, 106. quo loco collocandi, 110. Scripturis dignitate præſeſti, 113. quo ſenſu & quâ ratione Patres eos vocant nomine Sacræ Scripturæ, 113. 114. egena ſcripta & mendacia, cur, ib. Anaphabeti, 117.

Apoſtoliarii qui, 160.

Apoſtoliarii quid ſignificat, 697.

Apoſtoli & Prophetæ, Principes diſciplinæ & Chriſtiani dogmatis Ducts, 4. quomodo homines prædicantur, 5. Arietes gregis, ſummi Paſtores, Animarum Medici, 133. Sullæ, Aſſeſſores Chriſti, ib. eorum ſuffragia pro Lege morali, ib. qui eorum myſteria fidei calamiſis exponant, 193. eorum teſtimonium eſt circulus cuius

centrum est unitas, circumferentia *Apostoli*, 222. post *Apostolos* nulla Auctoritas simplex & absoluta, 440.

Apparitiones quàm lubricæ & periculose, 389.

Appellationes sacerdotibus tribuæ, 24. & Patribus, 305.

Aqua Scriptura cur comparata, 13.

Arbor scientia arbor Sacramentalis, 237. doctor mortuus & visibile mnenicon, 239.

Arcadii Imp. Decretum quale de Scriptis Eunomii, 9.

Arcæ Legis Repositorii Immortalitas, 258.

Archiepisc. Cantuar. euentus à Bertio, 9.

Architectura Christiana depingitur, 128, 129.

Artis cloacæ, 15. ejus Hæresis unde, 42. Ariani hostes Dei, 339.

Aristippi Historia à Dionysio repulsi, 102.

Aristoteles Naturæ Aquila, 51. ejus modestia, 363.

Ars Oculus rationis, 31.

Artes liberales quàm pedissequæ Scientiarum, 34. ad-

juncta sunt in Dei Cognitione, 51. sicut sunt ante vir-

tutem, 61. earum viris cauere ex cindenda, 68.

Aspectus Ierusalem dat *fiduciam*, 464.

Assertiones mutæ Legis & Evang. in Moralibus,

291.

Astrix caligo ante Rhadamanthum, 6.

Astori qui, 642.

Astrucula, 19, 452.

Athanasius Arianorum malleus, 338. scriptis dubiis,

de precibus Angelorum, 360.

Athleta, sive Pugil, Christus, 467.

Auditoris temperamentum dignoscendum est à Con-

cionariore sacro, 135.

Augustini dictum de Varrone, 7. ejus regula de do-

ctrina Christi, 18, 19. ejus dictum de Lumine, 15. Re-

gula ejus de legendis Scripturis, 316. calamitatur, 37. ejus

dogmata nonnulla, 362. ejus testimonia de variis veteri-

bus Theologis, 422. ejus dictum de Niceno Concilio,

424.

B

Baptismi administratio habet aliquam diversitatem,

687.

Baptizare ejus est, 21. ubi exponitur, *Non misit me*

Christus baptizare, &c. Baptizari vel ab Hæreticis non

rebaptizandi, 371.

Baruch cur scribit dictus, 5. quo sensu *Propheta*, 3.

non scriptis librum de suo nomine vocatum, 118.

Basilius *Tinea* qualis, 12. nobilis, & Athenis eruditus,

ib. Gregorii Theologi per annos tredecim collega, ib.

aliiis amotis studiis solis Scripturis dat operam, ib. & 43.

scriptis de Gentilium libris cum utilitate legendis, 422.

ejus querela, 287. ejus animus in divitiis veritatis, 363.

Beatitudinis Divinæ præcognitio, Scripturarum lectio,

14. ejus habitaculum, 157. beatorum lex & regula, 277.

Beatitudines Regni in Evangelio & Lege eadem, 292.

Beatorum animæ visione Dei fruuntur ante diem Ju-

dicis, 372.

Bernardi dictum, 5. perstringitur potius quàm excusa-

tur, 372. doctrinam de Christi officio & gratia liqui-

dus intellexit, 450.

Bertius perstringitur, 9. ejus liber De Aggeribus &

Pontibus, ib. de Apostata, ib. Archiep. Cantuariensis

eminent, ib. in Regis titulos sacros involat, ib. Gen-

tem totam & Religionem calamitatur, ib.

Biblia non legentes perstringunt, 12, 13. sub eorum

nomine libri Apocryphi possunt comprehendi, 109.

Blasphemi in Scripturas Pontificis, 14. Blasphemiarum

harum nonnullæ notatæ, ib. offendunt hæc magis

multo quàm aliope, ib. non revolvuntur, sed increpantur,

15. blasphemia veniam non meretur, 301.

Bonitas Infinita, 471.

Bonorum divisio, 603. in quibus bonis infinitus Spi-

ritus Sancti versatur, 604. quomodo itur ad bonum per

mala media, 605. quando in malum finem, ib. ad quæ

bona suggerunt Diabolus & Caro, ib. bonum etiam ab

adversariis hauriendum, 692. Bonum & Malum quid,

236. In bonis præstat nil agere quàm otiosum esse, 120.

Bovillus vir supra plurimos meritis, 222. scriptis de

mathematicis Rosis, ib.

Brentii Somnium, 277.

Brevitas secunda Virtus Oratoria, 10. Oratoris mali

facundia, ib.

Britannia perstringitur, 8.

Bullengerus Supplicator egregius, 214.

C

Calamitates ad jejunia & lacrymas vocant, 732.

Calamus, & verbum *l'avis*, Christus, 2. calami

effectus miri, 51. & calamus triplex, & calamo suo præ-

dicant scriptores, 72.

Caligo in Græcia ante Cadmum, 6. in Assyria ante

Rhadamanthum, ib. in Phrygia ante Herculem, ib. in

Latio ante Carmentem, ib.

In Canone sancto non est prius & posterius dignitate,

85. in Canone recipiendæ non sunt omnia quæ Pro-

phetis ascribuntur, 117.

Cantici perfecti termini, 133.

Cantuariensis Archiepiscopus eminentus à Bertio, 9.

Carbonarii fides, 382.

Carnis deliria tria de Christi cum Diabolo Mono-

machia, 470, 471. de tentationibus carnis, 593, 594.

Carchumeni in l'alchate regnandi, 702.

Catena Mundi optima, scriptio, 5.

Cedri natura, 157. Cedro digna loqui quid signi-

ficat, ib.

Celeritas in omni opere cavenda, 611.

Ceremoniæ Legis per vetera intelliguntur, 127. Ce-

rimonialium abolitionem & Christus & Apostoli do-

cuverunt, 170.

Certamen Christi cum Diabolo non fuit pugna dubia,

472. sed præclara & illustis, 473. maximo opere necessa-

ria, 474. in solatium nostrum, ib. in confirmationem,

475. in disciplinam, ib.

Chaldaeorum Magi quales, 5.

Chamæus Scriptorum Polemicorum coryphæus,

326.

Charitas perfecta quomodo a'ipiscenda, 490. Cha-

ritatis opera, 513. Cenobitarum charitas, ib. Charita-

tis usus in correptione, 139. est abbreviatio Legis &

Prophetarum, 195. Mandatorum principium & compen-

dium perfectissimum, 217. Charitas vix imperfecta, 269.

Chilistatrum opinio, & quod referenda, 317.

Christianus non est quicquis Evangelium contem-

nit, 13. Christianitatis *periphras*, 199. Christiani

interest posse inter effusis discernere, 509. Christianorum

veterum studia, 710. recentiorum incuria, ib.

Christus quare populum docturum relicta domo in

navis ascendit, 1. loquitur Miracula, ib. nihil scriptis,

12. ejus Epistola ad Abgarum Apocrypha, ib. quatuor

duntaxat scribas selegit, 202. ejus verbum est circulus

quæ Centrum est *ita*, C i circumferentia, *Etiam*, 212.

una ejus anceps locutio, 365. Christi nativitas non

obscura vestigia, 1. sermones ejus quales, ib. Christus

Mercator bonus, ib. piscator celestis, ib. Dux spiritalis,

ib. Gubernator Militantis Ecclesiæ, ib. Calamus &

Verbum Patris, 2. Dominus Dominantium, ib. Penarius

sapientiz, ib. Oeconomus veritatis, ib. Primus & No-

vissimus, ib. Pastor pascitur, 17. ab illo solo prenda

regula regularum, ib. discipulorum infirmitati indul-

gens novis vetera præfert, 15. quomodo suos instituit, 47.

Paterfamilias, 76. vetera novis conjungit, 78. ejus

hostes Manichæi & Judæi, 82. ejus labia duo Testa-

menta, ib. Animarum iustus, sapientis *Patris*, sapientia

nostra, 119. nunc Agnus, nunc Leo vocatur, 133. ejus

suavisissima Lyra, 145. Legem Moralem implevit, non

abolivit, 2.

aboluit; perfecti, non fulfillit, 176. est Legillator noster, Rex, Dominus, & finis Legis perficiens, 147. consummatio & celsatio Legis ceremonialis, 174. ejus Obsecratio, 186. quot modis Legem confirmavit, ib. & 187. Justitia nostra factus est quare, 190. sol Julticiz, 192. Juxta summus, ib. funamentum, ib. perfecti Legem non in iundamentibus, sed accessoris, 215. Christus iudicium nostrum, 493. quare ductu in eremum se contulit, 494. in quem finem, ib. prima & ultima sive dicta sive facta ipsius maxime memorabilia, 496. ejus minima habent virtutem suam, 519. tentationis prælum suscepit, 6. Januarii, 520. quasi comitate scribere & Phari- saei cum excipiebant, 521. temporum suorum accuratissi- mus observator, ibid. omnem sanctificavit ætatem, 523. quare ad senectutem non descendit, ib. quas Infirmittates amplius, ib. Doctor utriusque facultatis, operum & ser- monum, 528. quare discipulos non elegit ante tentationem, 529. ductus est à spiritu bono ut tentaretur à malo, 531. omnia loquebatur & fecit ex sancti Spiritus dictamine, 537. duas habuit natiuitates, 538. duas volitiones, ib. Spiritu sancto ductus & suo, 539. sed præcipue à spiritu sancto Spiritum suum implente, ib. triplici oculo inunctus, 540. plenus Deitate & gratia, 541. utramque plenitudinem simul & semel accepit, ib. ab Hypostati- ca unione profluentem, 542. sine Mensura, 543. ejus prærogativa, 544. ejus plenitudo est Originalis, 545. quomodo se exinuenit, ib. quomodo solus aliis communica- vit plenitudinem suam, 546. solus est ipse Ecclesie suæ caput, 546. salus & gratia est ab illo solo expectanda, 547. ex ipso haurire possumus quæcumque plenissima. ib. non in omnibus imitandos, 564. quare, ib. cur ivit ut tentaretur, 605. & 611. à Diabolo solo, 614. Christi tentatio quam gloriosa, 616. non tentatus ut filius Dei, ib. quare contentaneum erat ei tentari, ib. & 617. ejus tentationis ratio, ib. fuit honoris & dignationis plena, ib. & 618. nihil penitus manducavit per 40 dies, 624. otium ejus celeste in eremo, 625. quare jejuniis se vin- dicebat, 628. quare conformabat se ad Legis præscrip- tionem, 629. quare præparabat se ad pugnam & ministerium, ib. cepit prius tacere quam docere, 630. quibus medicinis nos sanavit, ib. ad numerum respexit, 632. quare, 633. quamdiu jacuit in sepulcro, 634. & 637. ejus vigilia, 638. Esuritio ejus mirabilis, 645. omnia mirabilia Christi non sunt iidem terminis cernenda, ib. sed consideranda tam respectu Christi Hominis quam respectu Christi Dei, ib. Deum elutire miraculo- rum, ib. de carne Christi sermo, 646. item de Anima, ib. de Afflictibus, ib. de defectibus corporis, 647. nihil potuit ei accedere invito, 648. semper beatifica visione frucebatur, 649. simul & semel fuit Comprehenfor & Viator, 650. Deus & verus Homo, ib. in eo erat dolor scilicet & lenius doloris, ib. ejus dotes, 651. quare esuriebat, ib. nihil in eo coactum conspiciunt, ib. quæ divi- nitas humanitati permisit, & non permisit, 653. omnis- bus factus est omnia, 658. famis perpeffionem sanctifi- cavit, ib. habet sympathiam in peffionibus nostris, 659. nobis per omnia similis, ib. quod de iuxta cum com- munitatio nostri, ib. commoditatis omnes articulos sci- vit, 660. ejus itineris fines, ib. nihil in illo simulatum aut fictum, 661. seductor & incantator qualis, 663. cur post Jejunium elutire voluit, 664. & 665. utriusque naturæ argumenta in uno eodemque opere læpissime exhibuit, ib.

ejus sitis vera, sed mystica, 668. qualem cibum esuruit, ib. ejus dignatio agnoscenda, ib. & 669. quare non potuit peccare, ib. ejus pulcritudo, 670. 671. Ecclesie suæ promissis potestatem dia ad in h u r e m, 720.

Chryppii porticus, 4.
Chrysostomus sæpe aliud agit quàm quod destitit ar- agendum, 371.

Cibus allegorics, 614. corpus absque cibo durare non potest ultra certum terminum, 642. & 643.

Cictrontin qui non læpius legitit apud Romanos Orator non habitus, 13.

Circuli partes, 227.

Circumcelliones protevi, 211.

Civilia sacris mictenda, 679.

Cleombroti Historia, 424. 425. quomodo Immorta- litatem perdidit, ib.

Clericorum Institutio à multis tractata, 17.

Caribatus an status Dei gratissimus, 515. quibus ad- jumentum pietatis, 516.

Cælo nihil nobis longinquius, 29 in cælo manet fides & spes, 269.

Cogitationes punit Evangelium, 224.

Cognitio à Scripturnis oritur & augeat, 13.

Co. n. scendi modi, 233.

Columna est vel Architectonica, vel Adventicia, 124.

Commentatores solent cursum & in transitu tem- agere, 34.

Comminationes mutue Evangelii & Legis, 290.

Comparatio inter Scripturas & seculares litteras, 69.

74. Pomphiciorum cum scripturnis, cum Patribus inter te, 89. Medici & Theologi, 119. Ignatii & Cutani actio- matum cum Scripturne locis, 286.

D

Dæmons quando puniuntur, 371. Dæmonis signifi- catio, 567.

Damaiceni dictum de Manichæis, 82. ejus somnia, 377. perstringunt, 378.

Daniel Prophea totius mundi Philohistor, 48. ex Peticis Annalibus & archivis Babylonicis quædam de- scriptis scriptis suis intexit, ib. ad ejus extremas partes intelligendâs multiplex Græcorum Historia necessaria est, 55. lingua Chaldaica utitur à 4. veru a. cap. ad cap. 8. 115.

David Scriba, 1. quomodo hodie prædicatur, ib. egre- gius Valdes, 6. Trina qualis, 12. quanti Scripturas Di- vinas habuit, ib. Ecclesie militans typus, 13. in Le- gem oculo Evangelico introspexit, 106. eam variis the- uis celebrat, 225.

Decalogus pluribus privilegiis à Deo ornatus quàm altera Legis pars, 171. Christi suffragio multatam con- firmatus, 186. cū Lex regalis & libera, 196. Evangelico oculo intuetu, 197. intelligitur per Mandata Christi, 199. Decalogi nomen nuperum 233. in ejus immu- tabilitate asseruenda morali naturale non debet contra- i- stinguui, nedum anteponi, quare, 239. omnibus tam Christianis quàm Judæis & Ethnicis utilis & necessa- rius, 294.

Decorum quid, 615.

Decreta qualia Constantin, Arcadii, Theodosii juni- otis Imp. de Libris hæreticis, 9.

Deductio Divinæ duo genera, 567.

Defectuum tria genera 669. quibus ex illis Christus se subicit, & quibus non, ib. defectus naturales assumptis, non personales, 671. quare, 672. quare summum, ci- rium & sitim suscepit, ib. qui in primo statu non erat defectus, 673. defectus repugnantes infinitæ perfec- tioni, ib.

Defensor Filii civilis Regius conspueratus & Rege subductus à Bertio, 9.

Deformitas quid, 671.

Delphici Templi inscriptions, 247.

Deff x Deploatio

Deploratio temporis hodierni, **8.** & **9.**
 Descriptio constans ex doctrina specifica & quatuor
 Caularum lineamentis, **34.**
 Desiderium solitudo non affectanda, **518.**
 Desideria Apostoli ut officium sermonis ei **aperiatur**, **24.**
 Detractio cavenda, **194.** **578.** foedissima est quæ in-
 nocentiam laedit, **436.**
 Deus omnium librorum instar, **13.** propter se dili-
 gunt, **48.** pater luminum quare, **53.** donorum author
 quare, ib. Scripturarum author, ib. docet utilia, ib. à qui-
 bus Operibus cessavit, **93.** ejus Unitas unde petatur, **62.**
 in eo omnium ratio continetur, **228.** omnia ab eo præ-
 cognita & prædisposita, ib. est agens supremum, causa
 universalis, **86.** **278.** ejus consilium non est extraneum,
 ib. secundum exquisitissimam sapientie regulam opera-
 tur, **279.** quam politè omnia in suis sedibus disposuit,
394. Deus omnium bonorum operum author, **556.** quo-
 modo dicitur mittere & tradere & ducere in tentationem,
567. ejus actus singuli boni, **588.** Dei perfectiones
 quæ, **518.**
 Deuterocanonici quare non admittendi, **86.**
 Διὰ βλάστην quid significat, **170.**
 Diabolus hæresiarum omnium principum, Serpens antiquus,
155. Diabolus prædos, homicida, &c. **470.** & **471.** ma-
 gis insequitur Credentes novos, **530.** ejus poëtas quæ,
563. unde nomen ejus, **570.** multa alia ejus nomina, **575.**
 & **576.** Diaboli insidie, **585.** suadere potest, non co-
 gere, **589.** nunquam militat solus, **596.** cujlibet boni
 & simulatores, & dissimulatores est periculosissimus, **604.** ani-
 mum distrahere solet, **605.**
 Dientis prædipium expectatio nimis, **10.** jucundi-
 tas, audientium candor & patientia, ib. & **11.**
 Disium veteribus quid significat, **126.**
 Δι' ἁσκαλίας fit duobus modis, **129.** & **130.**
 Dies sextus Januarii memoratu dignissimus quare,
510. Dies naturalis, artificialis, civilis, **616.** **637.** Diei
 civilis termini secundum varios Gentium mores, ib. Dies
 artificiales non intelliguntur in Christi jejunio, ib. Diei
 super noctem præstantia quid efficit, ib.
 Digiti Divini Lex filii, **6.** Digiti Dei potentiam
 ejus denotat, **556.**
 Dignitatis modi, **22.**
 Differentia inter duo prima Decalogi mandata, **83.**
 inter libros Canonicos & Apocryphos, **103.**
 Dilectionis motus à Lege petendus, **193.** Dilectio
 mandatum traditum à principio, **200.** est centrum Legis,
 ib. Legis debitum, complementum, compendium, **206.**
207. dilectio cælestis, **285.**
 Diligentia laus, **464.**
 Disciplina & Doctrina quomodo sint relata, **21.** Di-
 sciplina exoterice Acrosmatica, **310.**
 Dispensationum portæ patent inter Pontificios, **720.**
 facultas earum non ab omnibus obvienda, ib.
 Dissonantia multæ in veterum defunctorum scrip-
 tis, **364.**
 Distinctio Pontificia Verbi Divini, **15.** Librorum
 Apocryphorum, **85.** inter naturalia & moralia, **259.**
 inter moralia & Evangelica, **260.** inter moralia & Mo-
 raica, **262.** inter Sacramenta & Sacramentalia, **263.** inter
 Doctrinam & Doctrinalem, ib. inter Legem & Legalia,
 ib. inter minora & graviora, **264.**
 Divi quis dicendus, **82.**
 Divinum quàm laxo sensu usurpatur, **682.**
 Divitiarum usus, **514.**
 Doctoris Evangelici officium totum, **18.**
 Doctrina & Disciplina quomodo sint relata, **21.** Do-
 ctrinarum disciplinæ, **34.** Doctrinæ non tam antiqui-
 tas quàm veritas **expedienda**, **458.** Doctrinarum genus
 dependere pium, **690.**
 Dogmatici qui, **218.** eorum delectus est faciendus, &
 qui optimi judicandi, ib. & **320.** Dogmata falsa non-
 nullorum, **410.** Dogmata omnia Patrum ad Scripturas
 expedienda, **422.**

Dominus Dominantium Christus, **1.**
 Domitianus non urbe solum, sed orbe, pellendus est
 Philosophos duxit, **38.**
 negotiamini Donec veniam: istud Donec quando
 erit, **29.**
 Donorum **ἀπορρογῶν** requisita ad cultum pastorem,
15. eorum præmia non ex habitibus pensantur, sed **aci-**
 bus, itaque secundis, **18.** discrimen, **31.** unde Ethnico-
 rum dona, **54.** donorum distinctiones, **100.**
 Δουλίη quid, **349.**
 Dubitationi ubi relinquatur locus, nulla animi quies,
454.
 in Ducendi vocabulo quæ energia, **568.**
 Δουδωρῶτες qui, **415.**
 Dux Spiritualis Christus, **1.** Dux supremus an præ-
 liis interesse debet, **468.** **469.** & **470.** ejus summa laus,
475.

E

Εκτελεσθαι quid, **556.** Ecclesie moderamini & guber-
 nationi præferat prædicationem, & quare, **21.** Eccle-
 sia est Arca Domini, **152.** Hortus, Domus, Mater, ib.
 ejus hostes, ib. quomodo mansit virgo, **107.** & **454.** Ve-
 teres magna Ecclesie lumina, ib.
 Ecclesiastes sapientissimus Salomon, **4.**
 Edendi spatia non nisi quatuor belionibus, **727.**
 Effugiet omnis constans duabus paribus, **34.**
 Egestas damnatur, **514.**
 Εξελθόντες quid significat, **552.**
 Elementa mundi quæ significant, **167.**
 Elias eximius Prophetarum quare Moysi junctus fuit
 in Christi transfiguratione, **187.**
 Eloquentie securis expectatio nimis, **50.**
 Eloquia sacra à nemine profertenda nisi qui veteribus
 & navis exercitatus fuerit, **64.**
 Enthusiasticorum rapus non sunt recipiendi, **181.**
 Epiphanius cur Origenis libros respuerit, **9.**
 Epistola Christi ad Abgarum Apocrypha, **12.**
 Equi Lydii currunt nemine agitante, **8.**
 Eremeticus an à Christo robur aliquod contra-
 hat, **487.** **488.** **495.**
 Eremus Palæstra Christi, **476.** quomodo differt à de-
 serto, **477.** ejus proprietates, ib. quo loco statuitur, ib.
 quare locus Christi idoneus, **479.** & **481.** totus mundus
 sine Christo est eremus, **482.** in ea quæ invenitur, ib.
 in ea palancibus quæ gratia elucet, **486.** Eremitarum
 feritas & immanitas, **515.**
 Errata Librorum Apocryphorum, **105.**
 Error vulgi de operariis in **vinca**, **7.** Erroris via an-
 cept & circumflexa, **36.** Errorum terax quælibet ætas,
66. Error eorum qui Philosophos & Poetas Scripturas
 præferunt, **67.** quibus modis sanandus est, ib. veritatis
 arma submittere debet, **100.** ejus extrema, **158.** **165.**
 potest se excusare, non purgare, **204.** simpliciter
 errantes ignosci possunt, alii non, **300.** non habet ubi
 conquiscat, **377.** ejus seminarium magnum officiosa
 credulitas, **378.** Erroris habitus dispar & discolor, **506.**
 ejus usus, ib.
 Ereditio cribrum & ventilabrum veritatis, **318.**
 Εἰδικας πομπῶν δὲ ἀπὸ τοῦ, **5.** cur scriba dictus, ib.
 vix Propheta, **119.**
 Estius sibi non constat, **20.** nec Estio Durandus, ib.
 Esuricio Christi habet in se nonnihil miraculosum,
645. erat actus non tam necessitatis quàm dignationis,
646. famis non inquebatur, **647.** nec ullum mutationis
 detrimentum, ib. Esuries voluntas humanæ non subja-
 cent, **648.** ejus effectus, ib. quæ esuries in Christo agno-
 scenda, ib. quomodo esuries ejus impossibilis, **649.** quo-
 modo naturalis & necessaria, **650.** quomodo voracior,
651. & **652.** Esuries Christi quid, **654.** ejus exordium
 unde trahendum, **655.** **656.** **657.** ejus causæ, ib. est
 testis mortalitatis, ib. quare intra quadraginta dies non
 esurit, **661.** cur postea esurit, ib.

Εἰρηλοφροσύνη

Ἐθνα Ἀσθενεία quid, [178.](#)

Ethnicorum exempla magna adjuvamenta virtutis, [59.](#)
& [60.](#)

Evangelizandi diversi modi, [7.](#) scribere est Evangelizare apud antiquos Doctores, ib. Evangelium qui contempleris pro Christiano non habendus, [13.](#) est breve verbum, sed magnum sacramentis, [80.](#) scriptum lingua toti mundo cognita, [115.](#) in ejus doctrina proponenda quid cavendum, [147.](#) Legem non excludit, sed comprehendit, [208.](#) majora proponit certamina & præmia quam Lex, [214.](#) est æternum, [225.](#)

Euphrosi, [382.](#)

Eutychianismus damnatus à Theodosio Jun. Imp. [9.](#)

Excellus peccati fomes, [515.](#)

Exempla impia multum movent, [59.](#) exempla in-crepantia & consolantia, [131.](#) & [132.](#) exempla facilius erudunt, [616.](#) [617.](#) [630.](#)

Exercitatio frequens multum valet, [480.](#)

Exercitia Christi in Eremo, [615.](#)

Exhortatio est actus Justitiæ & Charitatis, [130.](#) exhortationum & increpationum copula necessaria, [137.](#)

Exomologesi quid, [709.](#)

Expectatio nimia magnum infortunium, [10.](#) *dicentis* præcipitum, audientis ludibrium, candoris malleus, eloquentiæ securis, interpres iniqua, &c. ib. magistra querula & præcor, ib. Auditoris ipsorum fallax, ib. modum nescit, ib.

Experientia quarum Artium mater, [473.](#) certissimus judicandus modus, [581.](#)

Expositio doctrinæ cum iis qui eloquia Dei fastidiunt, [67.](#) [68.](#) alia cum iis qui Legi deridunt, [211.](#)

F

Fabula de Lupo & Columbo, & ejus applicatio, [436.](#) & [437.](#)

Facundia prima virtus oratoris, [10.](#)

Famis argumenta, [663.](#)

Fanatici perstringuntur, [16.](#)

Ferè sæpe ponitur assertivè, [122.](#)

Fideles innuitur utroque *Testamento*, [78.](#) fidellum duo officia tempore Quadragesimali, [707.](#)

Fides quomodo probat, [581.](#) Fidei Defensor, vide Defensor. Fidei doctrina constans sibi est & sui similis, [10.](#) fides transcendit naturam, [41.](#) firmamentum ejus solis sacris Scripturis nititur, [42.](#) operatio spiritus, [53.](#) à fide salus oritur & augetur, [12.](#) ipsa fides à cognitione, cognitio à Scripturis, ib. multa ejus dogmata reperiuntur in Philosophorum scriptis, [62.](#) fidei Christianæ oppugnatores & defensores, [161.](#) fides confirmat Legem, [108.](#) quomodo in claram visionem mutabitur, [269.](#) ejus purissimus actus, ib. *opus extremum*, [399.](#) fides simplicia discitur, [382.](#) [383.](#) iudicium suffocat, [387.](#) fides nulli adhibenda nisi ex Scripturis militanti, [423.](#) [425.](#)

Filius Tonitru quis, [26.](#) cur sic dictus, [134.](#) *filius aëlis* qui, & cur sic dictus, ib.

Fringendi vocabulum quibus sensibus accipitur, [662.](#)

Finis hominis, ætium, & totius mundi, laudum Divinarum ex creaturis recognitio, [17.](#) finis Legis explicatur, [175.](#) fines duo ejusdem rei, [678.](#) civilis & *æter.* [ib.](#) & [679.](#) finis est principale quantum in omni instituto, [690.](#)

Fœdus Vetus & Novum, [167.](#) utrumque & Legem & Evangelium in se continet, ib. fœdus idem factum & repositum, [168.](#) fœdus operum & fidei, ib. vetus & novum idem fœdus, [169.](#)

Fœmina adiutorium quale, [115.](#)

Formula ambigua & certitudinis, [368.](#)

Fræni duplex usus, cohibendi & coercendi, [296.](#)

Fugere quando quis dicitur, & quomodo, [179.](#)

Fulmina duo verbi, Jacobus & Joannes, [4.](#)

Fundamentum idem Apostolorum & Prophetarum, [95.](#)

G

Gentes Legem habebant, & non habebant, [141.](#) duobus vinculis circumligatæ, [254.](#) Gentium libri Theologo necessarii, [44.](#) & [45.](#) Gentilium Litterarum amore infantes, [66.](#)

Germanibunt & scribunt, [8.](#)

Gladii partes, [185.](#) & [112.](#)

Giles quomodo nuntiantur, [641.](#) [642.](#)

Gloriæ corona præmium omnium coronarum, [22.](#)

Gloriæ speculum ad Legis moralis perpetuitatem conducit, [267.](#) Gloria infusa, circumfusa, [281.](#) Gloria Theatri, & auditorii, [529.](#)

Translata Christianitatis, [199.](#) *translata* quibus mandata discernuntur, ib.

Gratiæ Doctrinam cujus est explicare, [146.](#)

Gratia ubi, ibi spiritus, & contrà, [541.](#)

Gratianus Decretorum Patrum compilator corruptissimus, [336.](#)

Gratiarum actio pro liberatione à peccatis, [72.](#) *Gratiarum* talenta sunt proferenda, [18.](#)

Gratiæ nihil melius, [3.](#) illa ultima virtus oratoria, [10.](#)

Græciæ caligo ante Cadmum, [6.](#) ejus incolæ à Phœnicibus Litterarum artem acceperunt, ib.

Gregorius Nyssenus adducit ea quæ proposito suo serviunt, [354.](#)

Gregorius Theologus *Tinea* qualis, [12.](#) Nobilis & Athenis eruditus, ib. Basilii per studeum annos collega, ib. aliis amotis studiis solis Scripturis sacris dat operam, ib. orationem scripti in laudem Basilii magni, [38.](#) quomodo invocabat Sanctos, [348.](#) triumphabat in Panegyricis, ib.

Gregorius Turonensis nimis simplicitatis vir, [370.](#) Gubernator militantis Ecclesiæ Christus, [1.](#)

H

Habitus motu & exercitio purgantur, [18.](#) *Habitus dabitur*, id est, utitur, [18.](#)

Hæreticorum libri proscrubendi, [9.](#) non legendi, sed Imp. Decreto comburendi, ib. legendi, ne legantur, ib. at à probatis Nummulatibus, ib. nec dampni, nec eorum auctores ad canonem vocati si non fuerint, non hominum putandi amplius, sed Ecclesiæ, [14.](#) Hæretici placencia loquuntur, sed neque vera neque salubria, [36.](#) suo se atramento involvunt, ib. perstringuntur, [27.](#) diversarum dogmata, [38.](#) & [39.](#) eorum Patriarchæ, [41.](#) eorum delirium de verbis veteri & novo, [96.](#) disputant de his, non pro fide, 100. Hæreticorum mos, [113.](#) sententiarum *exremitates*, [157.](#) tria Hæreticorum paria, [158.](#) magis cavendi sunt qui sub Scripturarum umbraculis latitant, [164.](#) quas Scripturæ misere detorqueunt contra usum Legis, [163.](#) nomine Christi se tegunt contra Christum, [165.](#) suis ipsorum laqueis implicantur, ib. communè eorum refugium, [227.](#) libri corrupti & depravati ab hæreticis, [331.](#) Hæreticorum somnia qui in phantasmate Jesum venisse prædicant, [662.](#)

Heliiodori Ikenensis historia, [66.](#)

Herba parietaria cur Trajanus Imp. dictus, [8.](#)

Herculis ante tempora caligo in Phrygia, [6.](#)

Hieronymus *Tinea* qualis, [12.](#) omnium Tractatorum optavit sibi volumina, ib. perrexit Alexandriam dubia suscitaturus à Didymo, ib. *scripti* Apologiam ad Magnum Oratorem Romanum, de humanæ Litteraturæ usu, 50. ejus ælimatio de Senecæ scriptis, [59.](#) ejus sermones ad Pammachium, Julianum, Paulinum & Paulam, [60.](#) dicta ejus contra Judæos & Manichæos, [82.](#) de Illustribus Ecclesiæ Scriptoribus Opus integrum conscripsit, [321.](#) à se discrepat, [353.](#) ejus & Augustini dissenso, [397.](#) Hilariionis Monachi historia, [515.](#)

Hilarius vindicatur, [354.](#)

I

Historiarum

Historiarum Gentilium usus, **62**. Historici plerumque suorum temporum vitia imbuuntur, **370**.
Hystiones religiosi quādam dicendi sunt, **16**.
 Hodierni homines antiquis Patribus absumiles, **7**. hodierni temporis deploratio, **8, 9**.
Homicidium Cordi, **114**.
 Homilicis qui optimi ducendi, **315, 316**.
 Homo pecus effrenum, **137**. ejus status primus & secundus, **123**. certius, **184**. quartus, ib. ovi comparatur, **375**. Homo & ætatis & naturæ nomen, **104**.
 Honor summus Prædicanti munus, **17**. honor obedientie medulla, **110**.
 Hookerus magnus mytha, **108**.
Hors duplex, **660**.
 Hortatio quasi calcar, **131**.
 Hostem quibus armis vincere possumus, **612**.
 Humanitas fiducie causa, **464**. Humanitas Verbo fuit personaliter unita, idque indivisum, **649**.
 Hyemis descriptio, **110**. tempus in quo Christus tentabatur, ib. ut victoria ejus splendor ellet, **111**.
 Hypocritarum jejunium, **697, 698**.

I

Iacobus & Joannes duo fulmina verbi, **4**. Jacobi duo, **198**. fratres non nativi, sed consensu veritatis, **101**. Jacobi robur novum, **464**.
Jejunium quid, **612**. cognitio inter jejunium & tentationem, ib. jejunium ad omnes Christianos pertingit, ib. Christus semel tantum jejunavit quadraginta dies, ib. ejus jejunium illud Moysi præcellit & dignitate & potestate, **614**. jejunium sine oratione quid, **625**. jejunium Christi omnium virtutum gregibus stipatum, ib. ejus ordo, **626**. jejuniorum distinctiones, ib. jejunium qualis abstinencia, ib. inter acjumenta virtutum ponitur, ib. **701**. Orationem & penitenciam adjuvat, **627**. ad quid præcipue ordinatur, ib. quando inutile, ib. jejunium verum, **628**. falsum, ib. ejus correlata, ib. Christi & humani jejunii non eadem cause, ib. cause cur Christus jejunavit respectu sui, **628, 629**. respectu nostri, ib. **630**. jejunii usus, ib. etiam ad Evangelium pertinet, **631**. jejunii custodes, ib. jejunium opus potentie, **632**. quomodo distinguitur jejunium Christi & Judæorum, **638**. impiorum jejunia quādam Christi dissimilia, **639**. Animalium & hominum jejunia ficta, **641**. Christi jejunium culmen miraculorum, **642**. inimitabile, **643**. insolitum, **644**. passio infirmitatis, **645**. jejunia non sunt luxurie & carnis illecebris claudenda, **666**. jejunium in genere sumptum est Divini juris, sed non in specie, **681**. jejunii fines tres, **691**. jejunia sunt nullo modo meritoria, nec satisfactoria, **697**. jejunium Hypocritarum, ib. **698**. ad quid constituta jejunia, ib. jejunium dat gratiam convivii, **699**. & **701**. est optima præparatio ad mysteria celebranda, **701**. lapsus in aliorum emolumenta jejunia *servantur*, **704**. jejunium Christi imitandum, **711, 712**. jejunii leges, **713, 714**. bibendo non minus solvitur jejunium quāam edendo, ib. ejus duratio, **726**. non nisi una refectio in jejunio, **727**. jejunium non est in se virtus, **724**. sed ad aliud relatum, **616, 701**. in oculo celebrandum, & quare, ib. Ecclesie Græcæ & S. Patrum sententia de jejunio, **729**. in jejunio non minus à poculentis quāam efulentis abstinendum, ib. ipsum *jejunii* nomen cibationi repugnat, ib. ciborum delectus non pertinet ad rationem jejunii, **730**. jejunio quæ convenient, & quæ non, **731**.
 Ignarii Martyris Epistolæ ad Thallentæ & Magnesios genuinæ, **23**.
 Ignoratio Scripturarum, ignoratio Christi, **11**. inde mala infinita, ib. præcipuum & profuturum barbarum, ib. Imago Dei in homine quomodo perditā & restituta, **184**.
 Imitatio Christi quid, **489**. habet regionem propriam, **493**. nec putè mediastoria nec putè miraculosa sunt imi-

tanda, **711**. moralia & practica sunt imitatione digna, ib. opera Christi quatenus opera misericordie imitanda, **714**. magna virtutis exempla imitanda, ib.
 Impetus Patrum aliquando acer, **357**. feriendo adversarios premit socios, ib. eos ultra rectitudinem fecit, **358**. Improbus non debet vitia aliena corrumpere, quare, **141**. Impudentia Pontificiorum, **367**.
 Impura scientia Herasico Philosopho caput *soluit*, **14**. Incarnatio Christi est supra caput rationis, **41**. Inceptiones, **130, 131**.
 Indices Expuratorii, **336**. quæ ex iis delentur à Pontificis, ib. **337, 338**.
 Indicia perpeccationis Legis moralis, **257**. Infidelitas quomodo Deum probat, **181**. Infortunium magnum expectatio nimia, **10**. Ingratitudinis specimen, **627**.
 Inimici sunt diligendi, **112**. Inimicitia Diaboli quāmlatè patens, **575**.
 Innocentia multum laudatur in correptione, **141**. Innocentia Protestantium defenditur quoad S. Patrum æstimationem, **430, 431, &c**.
 Insania prioris & præsentis seculi similis, **18**. Instinctus quomodo à tentatione differt, **603, 604**. Interdicta Evangelica prius prohibita in Legge, **189**. Interpolatores in primo Ecclesie seculo, **326**.
 Interpretes iniqua expectatio nimia, **10**. Interpretes Legis scribere didici, **5**. Interpretum novorum veterumque anfractus & incerta glossemata, **14**. quos omnes qui lequi vult, necesse est ut lingulos relinquit, ib. aliquando plurimum spiritus sancti intelligentiam vix assequi sunt, & quare exculandi, ib. Interpretes optimi qui, **316**. Interpretationis optimum genus, **127**.
 Inventor Litterarum quis, **6**. Inventa humana libri Apocryphi, **103**.
 Invidiæ effectus, **372, 373**.
 Invocatio defunctorum inter, **376**.
 Joannes baptista quare plus quāam Propheta dicitur, **95**. Imlies inter vetera & nova, **495**. finis veteris Testamenti, & principium novi, ib. clausula Legis, & limen Evangelii, ib. Christi præcursor, **479**.
 de Joannis Evangelistæ morte variz sententiæ, **365**. Ira animi S. Patrum interdum inest, **358**. Itera multi cum laude succurrunt, **476**.
 Itinerarium quadruplex, **466**.
 Judæi à Moise Litterarum artem accipientes, **6**. eandem ab illis Phœnices, ib. rejiciunt veteris Testamentum, **81**. dictum Ambrosii contra Judæos, **82**. pugna inter eos & Manichæos, ib. consensus amborum contra Christum, ib. fideles veteris Testamenti custodes, **116**.
 Julianus pessimus Imperator lege Christianis interdixit bonarum artium studia, **38**. ejus Apostasia unde, **42**.
 Jus Naturale quid docet, **239**.
 Justificatio peccatoris est supra caput rationis, **41**.
 Justinus Philosophus & Martyr contra Philosophos scripti, **42**.
 Justitia caput secundæ Tabulæ, **252**. Justitiz est unicuique suam tribuere, **438, 439**.
 Justus accipitur sive pro Justificato, sive pro justa faciente, **189**.
 Juventus non est ætas congrua Sacerdotio, **516**.

L

Lascivie Errorum causa, **42**.
 Lasci Scriptura cur comparsa, **13**.
 Lapsus Adami misera conditio, **239**. lapsi tam Penitentes quāam spontanei & voluntarii, **707**. lunarii qui, **708**. Penitentes regulares vel adjuvati qui, ib. eorum restituendi tempus solenne fuit scilicet Paschalis, ib.
 Largitio conducit ad beatitudinem, **514**.
 Latii caligo ante Carmentum, **6**.
 Latronibus loca peculiaris, **478**.

Lectio

LECTIO & scriptio quomodo conjunguntur, 11. quàm necessaria, 12. hujus vitæ opus, 13. in civitate celestis non necessaria, ib. LECTIO Scripturarum Divinæ præcognitio beatitudinis, 14. ad illam hominem, ib. ejus adversarii, ib. an per illam solam conversio possit fieri, 15. 16. non Hylionica, ib. situta in Conciliis variis, ib. non alienata ab Oprato, Aurelio & Celestino, ib. quomodo peragenda, 313.

Legis Divinæ studio additæ scribere dicti, 5. ut & ejus Interpretes, ib. Legis & Evangelii Doctrina & Disciplina, 124. unio utriusque, 147. utriusque munus, 150.

Lex Digni Divini filia, & ejus doctrinam cujus est explicare, 146. est dictarum Divinæ mentis, & hominum regula, ib. Lex Moisaica an Christianas tenet, ib. & 147. Lex primordialis & moralis tenet, 147. salus in ejus observatione non invenitur, 148. in ejus doctrina quid cavendum, ib. ejus encomium, 160. an evanuit ad præsentiam Christi, 163. Lex Moralis est Lex Christi, 164. Ceremonialis & Judicialis abrogatur, sed non Moralis, 166. quibus liberatur à Lege, quibus non, 147. Lex mandatorum in ritibus, 166. Legis pædagogia, 167. Legis necessaria, propria & iustissima, 168. Lex Moralis æterna est, sed Ceremonialis & Judicialis aboletur, 170. 171. ejus vis damnatoria tollitur, 173. vis directoria manet, ib. à justificationis articulo excluditur, 174. regula justitiæ, norma vitæ, ib. Lex si e stabilitur, ib. ad Christum nos ducit, 175. ejus adversarii perstringuntur, ib. quomodo Lex hincitur, 176. Lex & iprius Dei cohabitant, 180. Lege quæ legitime utitur, 181. ejus documenta non sunt in penenda, 182. Lex moralis quare non numran. a inter Moisaica, 189. ejus detractio cavenda, 194. est Lex libertatis perfecta, 194. comparatur speculo, idcirco inspicienda & custodienda, ib. Lex regia & libera, 196. Evangelico oculo inspicienda, ib. non est abrogata, sed ampliat, 198. de ea Patrum sententiæ, ib. Legis proprietates essentielles, 213. est perfecta, æterna & salutaris, ib. habet preteritum regulativam in iis quæ ad morum probitatem spectant, ib. gradus non suspiciat quoad ejus silentium, 216. est intergerima & perfectissima pietatis regula, ib. verborum, operum & cogitationum norma, 220. ejus perfectio comparatur, 222. ejus æternitas, 223. utilitas, ib. ejus & Evangelii nexus communis, ib. ejus varii tituli sive nomina, 224. erat in mente Divina ab æterno, 228. Legis proprium quid, 236. est cynosura Mundi, 240. Legis naturalis definitiones, 240. 241. Lex moralis fundatur in Natura, 246. omnes homines obligat, 247. 251. est immutabilis & indelebilis, 248. 249. eadem prout est Lex ineliminata & scripta, 252. Lex moralis eandem habet substantiam cum naturali, 254. privilegia ejus supra forenses & typicam, ib. & 255. quare scripta in tabulis lapideis, 256. dignio Dei, ib. & 257. lex verus quo sensu, 260. nullo modo ab Evangelio disjungenda, 261. ejus immutabilitas, ib. quantum ad moralia etiamnum viget Lex Moisaica, 262. 264. Legis moralis perpetuitas ostenditur ex gloriæ speculo, 267. est justitiæ prætiæ perfectissima regula, ib. in celo per omnes æternitates manet, 268. 269. & 287. Legis celestis cum Lege morali Analogia, 285. tria officia Legis, 294. illuminat oculos, 294. 295. ejus alii usus, ib. utilis ad præveniendum & ad retrahendum, 296. alius ejus utilitates mirabiles, 299.

Libri Dei magnus & communis Mundus, 11. cujus spectator, lector & interpretes homo, 12. liber sine lectione quid, 12. libri Hæreticorum proscrubendi, 9. nec legentur, ite Impi. Decreto comburendi, ib. legendi, nec legantur, ib. ar. à probatis Nummularis, ib. libri sub Prophetarum, Apostolorum & Patrum nomine commentarii, 81. 226. eorum indicia sive regulæ quibus dignoscantur, 228. 229. librorum scriptor sapientissimus Salomon 66. omnium imitar Deus, 12. libri Canonici auro, Apocryphi luto comparamur, 102. libri Canonici veteris Testamenti Hebraico Alphabeto respondent, 117.

Libertas Christiana quo sensu iuranda, 176. à quibus

nes liberat, à quibus non, 177. in libidinem non vertenda, 178. libertas spiritus & carnis, 179. ejus lex est lex Christi & lex Spiritus, 195.

Libertinorum dogmata, 153. 154. sunt mures tinea-que Legis Divinæ, ib. eorum origo eminet, sed non nomen, ib. parentes eorum, 155. & alæ, 156. Libertini secta Anabaptistarum, & cur sic dicti, 177.

Liberum arbitrium in Pontificio sensu non sumendum, 348.

Licentia secunda Libertinorum ala, 156. pietati noxia, 178.

Licinio Imp. Litteræ virus reipub. & pestis publica habuit, 152. 38.

Lingua maledica qualis, 430. linguæ effrenatæ audacia, 437.

Litterarum inventor quis, 62. cur à Deo datur mortalibus, ib. Literas Moies à Deo, Ju. x. à Mole, l. herenices à Judæis, Græci à l. hereticis acceperunt, 62. Licinio Imp. virus reipub. & pestis publica habuit, 15. omni ore vocaliores, 7.

Literaturæ secularis usus non interdicitur, 42. ei scripturæ est propitia, 43. ejus oratio ad l. theologiam, 45. l. theologiz responsum, ib. loca scripturæ quæ ad Literas seculares extendantur, ib. non datur earum ulla pars quæ non passim occurrat in sacra pagina, 47. earum compendia in duobus Legis præceptis continentur, 48. pro iis argumenta varia, ib. ipsarum in sacris usus multiplex, 54. 55. prolunt ad oppugnationem Paganorum & hæreticorum, 55. 56. earum usus triplex, 57. instrumentum ad omnem vitam Literaturæ, 58. habet ad scripturam ordinem duplicem, ib. tria munera l. theologiz præstat, 60. est janus ad virtutis introitum, ib. non est scripturis præteritæ, 66. 67. 68. 69. &c. nec exquanda, 69. led præ iis vilipendenda, ib.

Loco corrupti nulla est vis, 331. Loca quæ Christus nobilitavit, 478. loca arida quæ, 481.

Locutiones quibus non tam veritatem tegunt quàm transcendunt, 345.

Logica necessaria est ut veritatem inveniamus ad verus l. hæreticos, 62.

Logica, 365.

Lombardus Gratiani frater, uterque spurius, adulterinos libros e. idem, 314. primus omnium sepeem sacramenta numeravit, 376.

Lucis proprietates, 134.

Lupi sub pellicibus ovium, 160.

M

Macularum admittio duplex, 347.

Magi Chaldeorum quales, 1.

Magistra querula & præcox expectatio nimis, 10. Maldonati Apologia levis, 34. perstringitur, 75.

Maledicentia natura, 427.

Maledicta Legis & Evangelii eadem, 292.

Malevolentia vel ineratissima vituperatur, 16.

Malorum divitio, 603.

Mandatum novum & non novum non sunt d. d. 272.

126. mandata quis servat, 191. eorum summa dictio, 198. cur quinquaginta mandatum à Paulo dicitur primum, 211. mandatorum numerus tractatur, 232. ne minima pars præteribit, 286. luter æternæ obligationis, 292. eorum caput & luter, 406.

Manicheorum assertio de Testamentis, 82. Damasceni dicunt de iis, 82. pugna inter eos & Judæos, 300.

Manna ipius c. hristi sacramentum ty. quæ, 300.

Manitudo in corripiendo aliquando requiritur, 193.

Martyres prædicabant passimibus suis, 7.

Melli Scriptura cur comparata, 12.

Memoria e. tenacior q. d. impressio fortior, 331.

Mendacium nullum teie caret, 431.

Mercator bonus Christus, 1.

Mertium quid, 349. Mertium vocabulum quid significat,

ficat, 696. in jejuni fas non est obtrudere meritum, 698.

Methodi beneficium, 318.

Militis qui, 523.

tam Minis quam praeiis ducuntur homines, 34,
35. minx contra Pontificis, 85. Minarum utilitas,
145.

Minister Dei qualis esse debet, 2. quomodo instructus,
35. Ministri Dei cur scriba à Christo dicit, 4. illis con-
solationum ut sint scriptores periti, ib. in praedicando illorum
honor summus, ib. in scribendo proximus, ib. ejus officia,
129, 130.

Miraculorum dono praeponebat praedicatio, & quare,
11. miracula ficta Pontificiorum, 387. in istis non
minimum suorum dogmatum robur statuunt, 390. de
l'aparum dignitate, voto obedientiae, confessione auricu-
lata, ib. de transubstantiatione, reliquiis & imaginibus
sanctorum, 391. miraculorum conditio, 624. miracula
non fulcipiunt magis & minus, 633. contra primum
Christi miraculum obiecto diluunt, 640. Miraculi &
signi differentia, ib. miraculum quid, 641. miraculi re-
quisita, ib. & 642. nullum Christo tempus abique mira-
culo, 646. Deum esse miraculorum, 645.

Missa à dimittendo, 348.

Missae quid, & quanti Pontificis habita, 10. Missi-
ficum sacrificium commentum Pontificiorum, 20.

Mitra Pontificia significatio, 98.

Moderata non sunt abiicienda, 42.

Modi procedendi contra peccatores, 131. modus inf-
fendi, testificandi, & operandi, 557.

Molestias praevendere facile, 462.

Monachus quid, 497, 499. perstringitur, 506. ejus
prerogativae fictae, 516.

Monachus quis, 499. Monachorum mores depingun-
tur, 506. totum votum & cetera obedientia, 510. de uni-
tatis violatione rei, 513. Monachorum varii ordines &
consuetudines, ib. artificia subtilia, ib. charitatis opera
praestare non possunt, 514. eorum illas maxime defecit-
vius, 515.

Monomachia lex perennis, 481.

Morale quo libet fundatur in ratione, 249. Moralia
non sunt legalia censenda, sed Ceremonialia & Judicialia,
262. morale nihil est in Evangelio quod non prius est de-
lineatum in Legge, 288, 289, &c.

Morbi animae medendi potius quàm corporis, 22.

Mores convivorum, 11. Hæreticorum, 553.

Mortale quæ maxime denotant, 657.

Mortificatio Christiana necessaria, 630.

Mortis potestas in Dei manibus, 723.

Moses scriba, 5. ut hodie praedicatur, ib. Literarum
atrem à Deo accepit, 6. eandem ab illo Judæi, ib. legilla-
torum insignis, 187. quare vocatus ad Christi transfigura-
tionem, ib. Moses Christi praecursor, 476, 479.

Motus quo Christus ductus est in desertum, 550. de
eo Evangelistarum discordia apparet reconciliatur, 553.
554. motus ille non vulgaris, ib. neque coactus, ib. pote-
statis & amoris mixtura in eo motu, 555. quo modo
Christus hoc opus inchoabat, ib.

Muri ut plurimum furti fudi, 32.

Mundus magnus & commentus Dei liber, 11. cuius
spectator, lector & interpret homo, 11. schola, liber,
magistra χρησάμενος, 51. juxta exquisitissimam sapien-
tiae regulam tabefactus, 379. Mundi tentationes, 594.
Mundus blandus periculior est quàm molestus, ib.

Musculi assertio diluitur, 77. excutitur, 160.

N

N Naxian quo sensu usurpatur apud antiquos, 465, 510.
Nazianzenus scripsit aliquando dubio mentis
indicio, 361.

Necanthi Historici, 495. quomodo à bestis lancina-
tus, ib.

Necessitas duplex, 474.

Negligentia eruditionis noverca, 465.

Neoterici. Vide Rectiores.

Nestorius quis, 160.

Nexus Legis & Evangelii, 288.

Nimium nocet, 43.

Noah quomodo perfectus, 503.

Noctes cur sanctus Lucas in Christi tentatione non
commemorat, 636, 637. quare Mattheus commemora-
vit, 638, 639.

per Nomen Dei quid intelligitur, 282. Nomi-
nata conveniunt, 571.

Nepos & nepos, 178.

Non necesse quomodo sumendum, 181.

Nova omnia facta sunt, quid vult, 126, 127.

Nova & vetera omnia complectuntur, 36. eorum
quinque series, 37. ex quibus triplex Harmonia elicitur,
ib. ex qua tria exultant confectaria, ib. tres Conclusiones
contra adversarios, 39. per nova & vetera intelliguntur
omnium adjuncta, sed imprimis duo Testamenta, 75,
124. per eminentiam ea quæ sunt Legis & Evangelii,
125. in quinque syllabarum guttulis plurima mysteria
continentur, 80. novorum & veterum classis quintuplex,
123. per vetera & nova Mix Legals & Promissiones
Evangelice statuuntur, 124. novorum & veterum tres
interpretationes, & tamen una, 128. concordia, 131.
novum & vetus idem potest dici variis modis, 169, 456.
quæ nova & quæ vetera habenda, 452. Novum est quod
scripturis non congruit, 451.

Novatores perstringuntur, 37. Imperitiae arguuntur,
18. rationes quibus pugnant, ib. novatores qui, & qui
non, 452.

Nubaria. fit duobus modis, 129.

Novitas veritati non præjudicat, 455.

Novitio quantum malum in se consistit, 525. inter
vix & reprobos discernit, 527.

Novitio temerarii culpantur, 67. quæ supellectile
instructi, ib.

Nos quam animæ partem significat, 386.

Nunx libri, 257. causa conservationis disputatur, ib.

Numerus binarius & quaternarius observandi, 201.

101. numeri quadragenarii mysterium, 633, 634. &c.
respicit ad præterita, futura & præsentia, ib. & 635. qui-
bus usus dicitur, ib. est numerus præparationis, 635.
frequens huius numeri usus in Scripturis, 636.

Nummularii probati est Hæreticorum scripta legere,
9. Ethnicorum dogmata explorare, 45. alia ejus officia,
86, 413, 414, 415, 416.

O

O Obambulare quid notat, 161.

Obedientia, 186. ejus partes, 187. obedientia
cæca, 384. ejus leges, ib. & 385. lineamenta, ib. homini
praestanda, ib. ad incertitudinis præceptum desperata &
praepropera festinatio, 386. in Scriptura non instituta,
ib. tollit discretionem, 387.

Obligatio præcepti & rectitudinis utra major, 210.

Oculus duplex, 470.

Oeconomus veritatis Christus, 2.

Ολοκληρία quid, 504.

Omnia saepius repetitum ingentis est ambitus, 45.

Omnia munda mundi explicatur, 46. omnia omnibus, ib.

Opera sunt via regni, sed non causa regnandi, 174.
sunt fructus Justificationis, ib. opera activæ vitæ post
hanc vitam cessant, 370.

de Operarii in vinea error vulgi, 7. Metaphora præ-
tenditur, 303.

Operationes Spiritus sancti, 18.

Opinionis variae de ætate Christi cum tentaretur,
522.

Opportunum cognoscere sagacitatis suprema laus,
660.

Orationes pro defunctis amoris effectus, 355, 356.

OTATIO

oratio literarum humaniorum ad Theologiam, 45. orationis mensura à quo petenda, 359. Oratores Christiani, 50. de quibus multi eorum scripserunt, ib. quos imitari sunt, ib. Oratio nulla longa, quando, 496. Oratio Christi exercitium in eremo, 635.

Oratoria virtus prima facundia, 10. secunda, brevis, ib. tertia, gratitudo, ib.

Oratoria sacri vira effugis, 2. eius septem virtutes five *proprietates*, 37. orator Rhodius, 4. Olympius Paulus, ib. malus facundus, ib. brevis, 10. apud Romanos nullus habitus qui Cicronem sapiens non legisset, 13. finis ejus, ut persuaderet alius, 57.

Ordinationis Anglicanæ formula explicata, 21.

Omnia leges quæ non ferunt, 3. ordo duplex, 18. est pater modi, 151. tres ordines scripturarum, 307. ad sacros Ordines qui admittendi, 527.

Origenis libri cur ab Epiphano rejecti, 9. scriptor ille doctus & lector assidus, 11. *Tines* qualis, 12. Scripturas memoriter tenuit, ib. illarum inter edendum & in lecto studiosus, ib. ejus Historia extemporalem sermonem haberi, 63. ejus character, 160. 214. ejus licentia in afficiendis allegoriis, 344. mille & amplius tractatus scripsit, 450.

Orthodoxorum & Hæreticorum ejus conditio potior, 84. in quo congruunt, 425. de Patribus honore debito discrepant orthodoxi & Pontifici, 418. 439.

Ovis naturæ, 171.

P

Papa non potest dispensare in Apostolicis, 720. Papæ triplex corona quæ *notat*, 98. Papistarum inhumanitas, 111. Papa idem prout significat cum *Pavino* mine, 310. Papistarum axiomata refelluntur, 381.

Parabola scribæ docti in regnum colorum, quies & corona reliquarum, 2. nova formula docendi, 35. Parabolarum vestigia in Vet. Test. 77.

Paragula & adula, quomodo differunt, 544.

Parthomia non potest esse Genus in definitione Jejunii, 714. parthomia est quanti subtrahio, 739.

Pastor Pastorum Christi, 12. pastoris officium, ib. 18. 31. pastoris præmium, 33. ad pastorem eorum requiritur donorum *ἀγαθότης*, 15. & ad eorum pastorem prædicator assidus, ib. pastoris munus delineatio, 18. pastoris insignia, 133. ad officium pastorale quid pertinet, 146. Pastor orthodoxus non minus perspicuitati studet quam veritati, 36. Pastoris cura quæ, 304. debet & discere & docere, 369.

Pascha festivitatis festivitudo, 703.

Paucere continet omnes virtutes Apostolicas, 24. tres diversi pascendi modi, 28.

Passionibus suis prædicabant Martyres, 7. passionibus Christi honorabiles, 479.

Patefactionis modus duplex, 182.

Patientia & candor audientium, dicentis jucunditas, 9. usus in corripiendo, 140. in celo cessabit, 170.

Patrum antiquorum laus ob scripta, 7. homines hodierni illis quam ab similes, ib. quomodo scripturam appellat illi, 15. opera eorum legendi necessitas & utilitas, 305. Patres Antiqui qui, 307. 308. Patrum S. gravis dicta quæ postulant, 680. in eorum scriptis minus commodè dicta reperiuntur, 682. ingenii licentiam singulari pietate compensant, 695. Patres dicuntur non minus secundum spiritum quam carnem, 709. Patres patrum qui dicendi, ib. ad eorum lectionem quid perutile & necessarium, 311. 312. eorum sententia de vocabulorum & formularum libertate, 319. eorum scripta non sine consiliiis regulis legenda, 321. 327. &c. qui pro Patribus indubitanter habendi, 321. 322. tria media quibus possunt discere, 323. quis Ecclesie Pater, quis Viricus, ib. 324. & Patrum numero decessit, ib. piura volumina eis falso ascribit, 326. quomodo corrupta & depravata, 332. in eorum lectione quæ consideranda,

343. 344. quædam ex judicio, quædam ex præjudicio locuti sunt, 355. incertè locuti sunt, 360. 370. scriptoribus Ethnicis minus credidi, 373. nonnulla delibetati scriptis mandantur, 374. eorum dicta comparantur operibus creationis, 394. cum cæcila legenda, cum candore censenda, 400. quibus remediis reconciliantur, 401. antiquiores potius sequendi, 402. errare poterant, & aliquando non leviter errabant, 410. eorum in contrariis fidei authoritas, 419. eorum apud Proteles debitus honor, 421. 422. 423. vix quilibet eorum qui non aliquam labem contraxit, 424. eorum clementia, 460.

Paulus Tuba Dei, 4. Præco Gentium, ib. orator Olympius, ib. plures quam Alexander debellavit, ib. ejus amanuensis & scribæ, 6. cursus ejus plus illustravit orbem quam solis igneus jubar, 29. Philoſophus, 48. Orator & Philoſophus, 49. ejus verba Oraculi, 144. quomodo corripit Corinthios, ib.

Paupertas propriè intellecta, 514. non est in se res mala, ib. spiritualis omnibus Christianis est imposita, 514. Pauperum curæ præponitur prædicator, & quæ, 51. Peccatorum vulneribus quæ infundunt, 133. eorum gradus, 141.

Peccatum est voluntarium quid, 166. primi motus sensationum carnis sunt peccata, 197. est transgressio Legis, 284.

Παραβολὴ & παραβολαὶ quomodo differunt, 560.

Pellicani pietas quanta, 33.

Penarius sapientie Christus, 2.

Peregrinario Hierosolymitana, 351.

Perfectionis divisio & ejus gradus, 111. 508. de perfectione novi & veteris Testamenti consummata, 81. 90. perfectus quis, 501. perfectissimi habent aliquid imperfectionis, ib. perfectus quot modis dicitur, ib. 104. perfectionis gradus, 108. ejus mensura à Scripturis petenda, 509. perfectus vix cancelli, ib.

Periculo proximus nemo diu tutus, 9. periculosum est in extremis versari, 82.

Pertinacia tercia Libertinorum ala, 157.

Perversus ingenii Papistici, 318.

Pestis ingravescentis descriptio, 71.

Petri pusillanimitas in tyrannico, 524. 525. Petrus piscator hominum, 4. visio ejus de lineo cum quadrupedibus explicatur, 46. Legem moralem scriptis *conferre* mar, 202.

Philæx Cui Historia, 155.

Philosophia res veneranda, 40. vaniloquentia tamen & inbrilliloquentia subjecta est, ib. sed vera non mitem fallit, sed polir, exornat, &c. 41. culpanda si metas transiliat, ib. multos traduxit; unde Proverb. Maximi philosophi maximi Hæretici, 42. Philosophi Christiani, 50. ad virtutem conducti, iter inchoant, 59. 61. Philosophi lucrum, 485. Philosophorum recte dicta sunt pericula Christianorum, 63.

Pietatis dispendium, 16. ejus opera exercentur in celo, 168. ejus lex & regula in quibus tabellis reposita, 281. quomodo eadem cum Lege Decalogi, 182.

Piscator cælestis Christus, 1. hominum Petrus, 4.

Plenitudo spiritus, quomodo solius Christi prærogativa, 540. duplex, 541. utraque in aliquibus conveniunt, in aliquibus discrepant, 542. plenitudo Deitatis nullus habet fines, 543. 547. permansens in Christo, non in viatoribus, 544. plenitudinem *ειρημίας*, 547. plenitudo fidelium in hac vira vacuitatis obita, ib. Prophetarum & Apostolorum imperfecta, 548. plenitudo radundantia ad Libertatem solum pertinet, 549.

Παραπορεύει quid significat, 186.

Παράγω & παραγωγή sunt verba Apostoli, 18.

Pœnitentia Jejunii comes, 627. pœnitentia tempus, 703. ducit ad beneficium Legis, 174. ad fideles & lapsos pertinebat, 707. pœnitendū tempus non omnibus erit *idem*, 708. exinde nata nomina ib. quatuor pœnitentium gradus,

V v v

gradus, ib. poenitentiae adjuncta, **710.** de ea Ecclesiarum iudicium, **ib.**

Poetae ecclesiastici, **30.** apud eos vocabulorum abusus, **316.** errores, **347.**

Polemici quos optimi existimandi, **316, 317, 318.**

Pontificii in Scripturam S. blasphemii, **14.** eorum discrepantia in sacerdotum officiis assignandis, **10.** traditiones suas & libros Apocryphos Scripturae canonicis exaequant, **24.** non sunt docti scribae, saltem non modesti, **86.** Scripturae iudiciis stare reusant, **87.** contra sacrum Canonem allatrant, ib. eorum calumniarum refelluntur, **148, 149, 150.** Aninomis contrariantur, **158.** in Lege gloriantur, **159.**

Porticus Chryssippi, **4.**
per *Portus* quid intelligitur, **417.**
Iosephus refellitur, **315, 374.**
Puffed, quosensu usurpari, **616.**
Potentia Christi in utroque organo, *Manu & Lingua*, **16.**

Praeceptum dilectionis non est novum, sed novatum, **25.** praecepta corripientia, **131.** praeceptorum doctrina observanda, **182.** praecepta moralia sub notione triplici consideranda, **116.** sunt vigilia annua Deo *debita*, **265.**

Prædicare est tractare, apud antiquos Doctores, **7.** Traditor, homo qui liminas, mulier quae abscondit, negotiator qui quærit, & servus qui retia laxat, **19.** prædicatio ministrorum honor summus, **5.** opus primum, proprium & quotidianum scribae Evangelicæ, **19.** cæteris præponitur officiis Ecclesiasticis, **11.**

Presbyter verus esse potest, qui prædicandi dono & gratia non exornatur, **33.** Presbyteri quare Ambrosio vicarii Christi & Anistites Dei dicti, ib. Nazianzeno confacerdotæ Christi, ib. Presbyteri qui & quando ordinandi, **116.**

Primus & Novissimus Christus, **1.**
Principale aliquid in omnibus semper eminet, **406.**
Prioritas quot modis rebus attribuitur, **22.**

Priscillianitarum dogma de fatalibus stellis **unde**, **427.**

Probat omnia, explicatur, **411, 412.**

Proferre nova & vetera quid significat, **125.**

Promissiones mutuae Evangelii & Legis, **190.**

Prophetæ & Apostoli principes disciplinae & Christi-ani dogmatis ductus, **4.** illorum amanuenses *scribae* dicti, **5.** ut & ipsi Prophetæ, ib. eorum nomen non semper in stricto & proprio sensu sumitur, **3.**

Prophetia *Prædictionis* & *Prædicationis*, **21.**

in Protestantibus probra, **429.** eorum innocentia defenditur, **431.**

Protogenis Historia, **352.**

Saltes egregius David, **6.**

Psychopannychia quid, **428.**

Pythagorici Numerum Quaternarium plurimum aestimabant, **201.**

Quadragesimæ observatio non invenitur politicum, **675.** Quadragesimam qui rejiciunt, ib. qui nihil observationis Ecclesiasticæ in ea latere existimant, ib. epus vestitus, ib. in quem finem laque sunt de ea Principum leges, **6-6, 677.** pietatis est adiutorium & salutis animarum, ib. **678.** a Christo non instituta, **680.** sed ejus exemplo iuenda, **681.** traditioni Apostolicæ referunt eam multi Pontificiorum, **683.**

Quæstionum diversitas non exigua, **317.**

Quasi non semper ponitur dubitative, sed assertive, **522.**

Quærelæ Prophetarum & Apostolorum ob prædicandi ineptitudinem, **24.** Hieronymi & Augustini ob ineptum quorundam amorem secularium literarum, & neglectum Scripturæ, **66.**

Quindæcim viri Romani quales, **5.**

R

R Abbinorum deliria, **38.**
Ratio res Dei, **40.** oculus animæ, **51.** ejus dictamina, **241.**

Rationabile obsequium quid, **178.**

Reatus non est ubi non est obligatio, **257.**

Recentiores Patribus & eruditione & sanctitate im-
pares, **112.** in ipsorum scriptis non oportet senescere, **312.**

Regnum Dei non consistit in esu vel potu, **719.**

Religio Christi ipso cælo splendoris, **8.** super quam doctrinam superstruitur, **164.** Religio Angelorum & Sanctorum, **274.** Religio Pontificia quomodo superstruitur, **323.**

Renatis opus est ut vitam exigant ad normam Legis
Divinæ, **179.** Renascentium officium, **511.**

Renovatio Spiritus non tollit doctrinam Legis, **179.**

Reprehensio quid, **132.**

Resurrectio istorum maxima, **701.**

Retractatio quid, **405.**

Revelationes Pontificiorum, **387.**

Rhetoricæ utilitas, **62.**

Ritus ceremoniales quare proponuntur, **172.**

Romanorum *quindæcim viri* quales, **5.** apud illos orator nemo habuit qui Cicronem non læpius legisset, **12.**

Rosa Mathematica, Geometrica, Theologica, **122.**

S

S Abbati opus meditatio creaturarum, & Divinorum laudum recognitio, **52, 57.**

Sacerdotis enciridion, &c. **17.** officium, **18.** quæ ad eos communiter pertinent, **20.** Sacerdotis primi & secundi ordinis distinctio Pontificii, **11.**

Sacerdotium opus formidandi laboris, **514.** virtutum perfectio in eo necessaria, **516.**

Sacramenti nomen explicatur, **348.** Sacramenta Pontificiorum quos, **376.** Sacramenorum administratio præteritur prædicatione, & quare, **21.**

Sacrificium Missæ cum Commentum Pontificiorum, **10.** sacrificia spiritualia quænam, **ib.**

Salis proprietates, **134.**

Salmeron *perstringitur*, **412.**

Salomon non fuit author libri Sapientie, **112.**

Salus a fide oritur & augeatur, **13.**

Sancti quod magis Deo familiares, eò magis invisibilis
santæ, **531.** Sanctorum status post resurrectionem, **649.**

Sancti viri suâ prædicant, **7.** Sancti invocantur, **347.** sed ut oratoribus moris est, **ib.**

Sanctificatio ubi, ibi obedientia, **183.**

Sanctitas nulla in rebus terrenis, **719.** Sanctitatem non operatur Lex Naturæ, **243, 251.** caput primæ *Tabulæ*, **352.**

Sanctissimus Cajetanum acriter perstringit, **655.**

Sanctus, sanctus, sanctus, i. e. *Omni modo sanctus*, **28.**

Sapientia iustificatur à filiis *Israhel*, **32, 119.** Sapientia increata & creata, **239.** creata sive revelata encomium, **ib.**

Sævæ significationes, **572.** quare Inimicus dicitur, Hostis quare, Adversarius quare, **573.** quot modis Dei dicitur adversarius, **574.**

Satisfactio *καταχρηστικῶς* usurpata, **349.** Satisfactio quomodo fit, **672.**

Schittim arboris genus apud Hebræos cujus lignum inviolabile, **258.**

Scholastici qui, & quare sic dicti, **308.** primitivi laudantur, **119.** posteriores perstringuntur, **ib.** pauca sincera fide contendant, **326.** credendi temeritate rapiuntur, **328.**

Scriba doctus in regnum Cælorum, **2.** nomen quo suos Christus preparat ad regnum cælorum, **ib.** *Scribe*, cur ministri Dei sic à Christo dicti, **5.** nomen sectæ, **ib.** quales & qui fuerint, **ib.** nomen sacri & publici muneris, **ib.** dicti per eminentiam, **ib.** Legis interpretes, **ib.** doctores

doctiores aut nulli aut quàm paucissimi, 8. Scribæ Evangelici peccus debet esse thesaurus redundans, 79. Scribæ imperitii Manichæi & Judæi, 81. scriba imperitus quis, 98. quis scriba doctus censendus est, 6.

Scribere est Evangelizare apud antiquos doctores, 7.

Scriptura Thesaurus, 3. Scripturæ sacrosanctæ cur incorruptæ ad nos transmissæ, 11. illarum ignoratio, ignorantia Christi, ib. cur aqua, lacti, vino, & melli comparantur, ib. earum lectio divinæ præcognitioni beatitudinis, 14. in eas blasphemæ Pontificii, ib. blasphemiarum illarum nonnullæ notæ, ib. Scripturas quomodo appellant Patres, 15. collatæ cum traditionibus Pontificiorum, ib. earum concordia, 74. varietas, 76.

Scripturæ curatiss & digniss quomodo distinguuntur, 501.

Significatio varia vocabulorum veteris & novi Testamenti, Legis & Evangelii, 74.

Signum confirmandæ Legis, 189. Signum Christi primum, 640. miraculi & signi differentia, ib.

Simon Magus unde dictus figmenta, 41, 42. ejus doctrina, 176.

Simulari quæ dicuntur, 663. Simulationis exempla, 619. quo sensu Ambrosius simulatione utitur, 662.

Sol opifex & auriga dicitur, 133.

Solitudinis laus, 485.

Solvere Legem quid significat, 192.

Solus quis dicitur, 118.

Somnia Judæorum & Manichæorum, & eorum confutatio, 82, 83.

Somnus Anima quid, 428.

Sophista quis, 39.

Sopor quid, 672.

Spes quomodo in plenam comprehensionem mutabitur, 369. ejus actus purissimus, ib. quicquid infra spem erent, in damno esse deputatur, 102.

Spiritus Sancti operationes, 16. ejus emblemata, Columba, & Ignis, quare, 132.

Spiritus vocabulum quid significat, 532. cujus Spiritu Christus ducebatur, 532. nomen spiritus sine actu ario semper Spiritum Sanctum denotat, 535. est tertia persona Trinitatis, 532. Spiritus æquipollentes, 538.

Spiritus in fideles gratiam infunditur, 545. quomodo singularis commendatur, 549.

Status Christi duplex, 474. status rei & status vite, 498. status Perigrinantis & Regnantis, 650. Christus in utroque statu fuit, ib. Status naturæ integræ & corruptæ, 673.

Stylus hominis quid significat, 26.

Suggestiones saluæ & seductoriæ, 600. quæ resistendæ sunt, & quæ non, ib.

Superbia prima Antinomorum ala, 156.

Symbolo Apostolico recitato surgebant gladii discipulis Christianis, quare, 312.

T

Tabularum duarum capita, 200.

Temeritati Deus nunquam adest, 524.

Temperantia quid, 515, 630. laudatur, 631. debet esse perpetua, 724. ejus exempla, 730.

Tentatores complicati, 606. mundi solius tentationes, ib. tentationes Satanae inevitabiles quomodo, 612. quæ necessitate Christi tentantur, ib. Christi tentatio præfigurata, 613. præordinata & præmissa, 614. ad quid prosperæ tentationibus se subjiciendo, 619, 620. unde dicitur, & quid, 581, 585, 586. in tentationes precipitanter insilire non oportet, 494. Christi tentationis tempus, 520, 522. per tentationes itur ad gratiam, & contra, 520. tentator Dei est proditor sui, 565. tentatio interitio semper peccatum, sed non contrā, 566. quæ tentationes deprecandæ, 567. quando Deus tentatur, 581. tentare Deum quid, 583.

per Ter, perpetuo significatur, 28.

Tertulliani dictum de Apostolis, 7. de Zacharia sacerdote, ib. de histronibus Religionis, 16. de Philosophis & philosophia, 41. fidei Catholica parū tenax, 324.

Theologia quasi Regina & Domina scientiarum, 14. Theologorum errores non sunt ducendi pro theologia, 42. Gentilium libri Theologo necessarii, 44.

Transire pro Prædicare apud antiquos doctores, 7.

Traditiones Pontificiis fundamentum sunt fidei, 1. ydus lapis, &c. 15. Traditio Apostolica latiori sensu accipitur, 684. Trajanus Imp. cur herba Paricaria dictus, 8. an Gregorii precibus anima ejus liberata, 376.

Tridentinorum decretum, 84.

Trinitas mysterium est supra caput rationis, 41.

V

Valentinianus quare triginta deos facit, 43.

Varro quantus lector & scriptor, 71, 1.

Verbum scriptum & non scriptum distinctio Pontificiorum, 15. verbum est prius voce ordine existendi, 33. verba plurima non sunt ita accipienda ut primā fronte sonant, 343.

Veritas ipso cælo splendorior, 8. semper sibi similis, 36. à Deo procedit, 54. ejus hostes Judæi & Manichæi, 82. ejus unitati tempus non præjudicat, 96. veritatis victoria alia est quam charitatis, 101. veritas Christiana supernaturalis, 380. id verius quod prius, 410. antiqua & æterna dicitur, 447. aliquando temporis filia, 456.

Vestigia legis Naturalis post peccatum remanentia, 242, 243. ex Patribus, ib. 244. ex ethnicis, 245, 246.

Vetere & Nova omnia completuntur, 36. per vetera transiuntia quid vult Apostolus, 167.

Vetus & Novus homo simul in eodem tecto mangit, 296.

Via bona, 449.

Vino Scriptura cur comparata, 13. vetus vinum melius est, 35.

de operariis in Vineæ vulgi error, 7.

Virga Aaron quid significat, 133.

Virtutis præmium in Deo, 8. ejus habitaculum, 157. virtutes manent in cælo, 271, 272. quomodo exercantur, 273.

Viso Dei quid, 281.

Visitatio ægrotorum, quare postponitur Predicationi, 21.

Vita quot modis in Deum disponitur, 509. quot in proximum, ib. in seipsum, ib. vita Monastica à Christo instituta, 489, 493. de ea variæ Pontificiorum sententiæ, 497. nullo modo ceteris perfectior, 499.

Vivere quis dicitur, 518.

Umbra futurorum bonorum quid significat, 169.

Unglio docet non solum per se, sed utitur instrumentis, 183.

Unguentum Spiritus sancti, 546.

Unitas Dei petatur ex multis libris ethnicis, 62. unitas est centrum testimoniorum Apostolorum, 222.

Voluntas naturam sequitur, non personam, 528. voluntas Dei in Cælo & terra, 275. Angelorum & Sanctorum lex & regula, 277.

W

Waldensis Wicklevum falsò accusat, 429.

Whitakeri disputatio de Nathanis, &c. Scriptis, 117.

Whigfusus vir doctissimus, 108. contra Cartwright. scriptis, ib.

Z

Zabulus quis, 577.

Zenonis Philosophi dictum, 1.

Zizaniorum significatio, 159.

F I N I S.



